

ОКТОИХ

См. также: [Об октоихе](#)

Уставные главы

Чин малыя вечерни

Прежде солнечнаго захождения дне субботнаго, приходит паракклисиарх [сиречь кандиловжигатель] к предстоятелю, и творит поклонение ему, знаменуя пришествием своим время клепания. И взем благословение, изшед клеplet в малый кампан.

И собравшимся братьям в притвор, творит священник начало: Благословен Бог наш:

И учиненный чтец глаголет: Слава тебе Боже наш, слава Тебе.

Таже, Царю Небесный: Трисвятое: И по Отче наш:

Возглас от священника, и четет чтец 9-й час по обычаю.

Таже, по конце того и по отпусте входим в храм: и станет кийждо на своем месте.

Аще же 9-й час глаголется в храме, тогда отпуст 9-го часа не бывает, но абие иерей начинает, глаголя: Благословен Бог наш:

И чтец глаголет: Приидите поклонимся: трижды, и вечерний псалом: Благослови душе моя Господа: тихо и кротким гласом. По псалме же, **Слава, и ныне**, аллилуиа, трижды.

Иерей же ектении не глаголет, но чтец глаголет: Господи помилуй, трижды.

Слава, и ныне:

И абие, Господи воззвах:

И ставим стихи 4. И поем стихиры воскресны гласа, три, повторяюще
1.

Слава, и ныне, Богородичен.

Таже, Свете тихий:

Прокимен, Господь воцарися:

Стих: Облечеса Господь в силу и препоясая. И паки, Господь воцарися:

Таже, Сподоби Господи в вечер сей:

И абие поем стиховны стихиру едину воскресну. И другия стихиры Богородицы, подобны 3, с припевы их.

Слава, и ныне, Богородичен их.

Таже, Ныне отпускаеши: Трисвятое, и по Отче наш: Тропарь воскресн.

Слава, и ныне, Богородичен его.

Посем глаголет иерей ектению малую: Помилуй нас Боже, по велицей милости твоей, молим ти ся услыши и помилуй.

Лик: Господи помилуй, трижды.

Еще молимся о Великом Господине и отце нашем Святейшем Патриархе (имя) и Преосвященнейшем Епископе (егоже есть область), и о всей во Христе братии нашей. Лик: Господи помилуй. Трижды.

Еще молимся о Богохранимой стране Россией, о властях и воинстве ея.

Лик: Господи помилуй. Трижды.

Еще молимся за всю братию и за вся христианы.

Лик: Господи помилуй. Трижды.

Возглас: Яко милостив и человеколюбец Бог еси, и тебе славу возсылаем Отцу и Сыну, и Святому Духу, ныне и присно, и во веки веков.

Таже, Слава тебе Христе Боже:

И отпуст малый, и многолетие.

[Смотри] И вшедше в трапезу, глаголем: Ядят убозии и насытятся, и восхвалят Господа взыскающие его: жива будут сердца их в век века.

Слава, и ныне: Господи помилуй, трижды. Благослови.

И благословляет священник трапезу. И вкушаем представленная нам полегку, да не отягчимся на бдение.

По ядении же, **Слава, и ныне:** Бысть чрево твое святая трапеза, имущая небеснаго хлеба, Христа Бога нашего, от негоже всяк ядый не умирает, якоже рече всех Богородительнице питатель.

И посем, Честнейшую херувим:

Таже, Возвеселил ны еси Господи в творениих твоих, и в делех руку твоею возрадуемся: знаменая на нас свет лица твоего Господи, дал еси веселие в сердце моем, от плода пшеницы, вина и елеа своего умножишася. в мире вкупе усну, и почию, яко ты Господи единого на уповании вселил мя еси.

Слава, и ныне: Господи помилуй, трижды. Благослови.

Священник: С нами Бог, своею благодатию и человеколюбием, всегда, ныне и присно, и во веки веков, аминь.

Чин великия вечерни, сиесть бдения всенощнаго, и утрени воскресныя

По еже зайти солнцу мало, отходит кандиловжигатель, и творит поклон предстоятелю.

Таже восходя ударяет в великий кампан не скоро, поя непорочны, или глаголя псалом 50, тихо 12-ю. И потом вшед и вжигает лампы, и уговоряет кадильницу. И тако паки изшед клевет во вся кампаны. И возвращая в церковь, и вжиг свещу в насвещнице, поставляет прямо царских врат.

Таже творит поклонение иерею, егоже есть чреда.

Иерей же встав творит поклон предстоятелю. И отшед творит поклоны 3, пред святыми дверьми, и на оба лика: братьям же всем сидящим. И вшед во святой олтарь, возлагает на ся епитрахий, целовав крест верху его и прием кадильницу, и став пред святою трапезою, влагает фимиам: и глаголет молитву кадила тайно. И тако кадит святою трапезу крестовидно окрест, и весь жертвенник: и отворив святыя двери исходит.

Кандиловжигатель же прием свещник стоящий среди церкви, возгласит велиим гласом: Востаните! (держа свещник в руке со свещею возжженною, всем же восставшим).

И изшед священник святыми дверьми, и творит крест кадилом пред святыми дверьми, возводя праве и преки: и идет и кадит порядку святыя иконы, яже на десней стране, таже на левой, посем предстоятеля, и оба лика по чину их: параккисиарху же предходящу ему со свещником. Егда же иерей сотворит крест кадилом, покланяся мало, покланяется с ним и параккисиарх. Исходит же и в притвор, и кадит по чину и тамо сущую братию: и паки возвращая в церковь, и став посреди обою лику знаменует кадилом крест, зря к востоком, и возглашает велегласно: Господи благослови.

И абие кадит образ Спаса Христа, и Богородицы, и предстоятеля на месте его: и вшед во святой олтарь, и став пред святою трапезою, знаменует кадилом крест, трижды.

И потом возглашает сице: Слава святей, и единосущней, и животворящей и нераздельней Троице, всегда, ныне и присно, и во веки веков.

И начинает предстоятель, или еккисиарх: Аминь. Приидите поклонимся цареви нашему Богу (низким и тихим гласом).

Таже второе мало повышше: Приидите поклонимся и припадем

Христу, цареви нашему Богу.

Паки третье вышшим гласом, сице: Приидите поклонимся и припадем самому Христу цареви и Богу нашему.

Таже особне: Приидите, поклонимся, и припадем ему.

И абие начинает вышшим гласом предстоятель, или еклисиарх, на глас осмый: Благослови душе моя Господа: не скоро, и со сладкопением, спюющей и прочей братии.

И припев: Благословен еси Господи.

Таже вторый певец праваго лика: Господи Боже мой, возвеличился еси зело: Благословен еси Господи: легко со гласом соглашающим и прочим братиям с ними.

Иерей же с параекклисиархом, изшед из святаго олтаря, и сотворше поклоны три пред святыми дверьми, и обратшеся творят поклон предстоятелю:

Таже на оба лика по единому: И идут и станут на своих им местех.

[В соборных же и приходских храмах действует священник сия в фелоне, диакон же в стихаре.]

Егда же начнут пети: Вся премудростию сотворил еси: и, Слава ти Господи, сотворившему вся.

Тогда иерей приходит пред царския двери во епитрахилии, и откровенною главою стоя, глаголет молитвы светильничныя.

Скончавшуся же псалму, глаголет ектению великую: Миром Господу помолимся.

И по ектении возглас: Яко подобает тебе:

Таже стихологисуем псалтирь на глас 8, первую кафисму: Блажен муж, первый антифон: второй же и третий антифон поем на глас дне.

По всяком же антифоне, ектения малая, и возглас.

По первом антифоне, Яко твоя держава:

По втором, Яко благ и человеколюбец:

Певаему же третьему антифону, отходит диакон, и положив поклон предстоятелю, входит во святыи олтарь, входит же с ним и чредный священник. Взем же диакон стихарий свой и орарий, емлет от священника благословение, и целовав десницу его, облачится в стихарь обычно, и глаголет последнюю ектению, и возглас от священника: Яко ты еси Бог наш:

По скончании же обычныя стихологии, творит канонарх метание, и возгласит глас октоиха, или минеи.

Мы же поем: Господи воззвах в прилучившийся глас октоиха.

Священник же стоит на обычном месте. Егда же начнут пети, Господи

возвах: Тогда кадит иерей или диакон, яко обычай есть, творя поклонение предстоятелю.

Мы же ставим стихов десять: от Изведи из темницы душу мою:

И поем стихиры воскресны гласа, три: И анатолиевы 4: И минеи святого, три: Слава, святого, аще имать.

Аще ли ни, **Слава, и ныне**, Богородичен гласа, настоящий.

И егда речем стих: Яко утвердися милость его на нас: поюще оба лика вкупе.

Тогда иерей сотвори поклон предстоятелю: И вшед во святой олтарь, облачится в фелонь, нам же Славу рекшим, И абие творят вход, отверзаемым святым дверем: Предыдущим подсвещником двема со свечами. Диакону же кадильницу держащу, и по нем иерею просту, опущен имущу фелонь. Священник же стоит прямо святых дверей:

Стоит же и диакон одесную священника мало откосвенно, и приник держа и орарь свой тремя персты десныя руки, глаголет тайно, елико токмо слышати священнику: Господу помолимся.

Священник же глаголет тайно молитву: Вечер и утро и полудне:

И по молитве восклонився, и глаголет диакон ко священнику, показуя вкупе к востоку со орарем, держа и тремя персты десныя руки: Благослови владыко святой вход.

И священник благословляет к востоку, глаголя: Благословен вход святых твоих Господи:

Таже диакон отходит и кадит святую икону, сущую на месте предстоятеля, и самага предстоятеля: и паки стоит на немже месте прежде стояше, ожидая исполнения стиха.

Исполншуся же стиху входит диакон посреде, и начертав крест с кадильницею, возглашает: Премудрость, прости.

И мы поем: Свете тихий святыя славы:

Чтецы же взявше лампы, предходят даже до святых дверей: Диакон же вшед внутрь святого олтаря, кадит святую трапезу. Священник же поклонився пред святыми дверьми, и целовав я входит, и затворяются святыя двери.

По конце же, Свете тихий: глаголет диакон: Вонмем.

Иерей: Мир всем.

И паки диакон: Премудрость, вонмем.

Канонарх же поклонение сотвори к настоятелю, сказует прокимен, и стихи.

Клирицы же поют, Прокимен дне, на глас 6-й: Господь воцарися, в лепоту облечеса.

Стих: Облечется Господь в силу и препоясая.

Стих: Ибо утверди вселенную, юже не подвижится.

Стих: Дому твоему подобает святыня Господи, в долготу дней.

И паки, Господь воцарися, в лепоту облечется.

Чтец же согбенне руце имея при персех, среди храма стоя, ожидает конца прокимена: и сотворив поклонение, отходит на свое место.

Посем изшед глаголет диакон ектению: Рцем вси:

И возглас от священника. И по возгласе глаголет настоятель, или учиненный чтец: Сподоби Господи в вечер сей:

И паки диакон: Исполним вечернюю молитву нашу господеви.

И возглас от иереа: Яко благ и человеколюбец:

Таже, Мир всем.

И диакон: Главы наша Господеви приклоним.

И глаголет иерей молитву тайно.

Таже возглашает: Буди держава царствия твоего:

И тако исходит иерей со диаконом, северными дверьми, предыдущим им двема светильником, диакону же с кадильницею, нам же последующим. И поем стихиру храма, и исходим в притвор. И тамо кадит диакон святыя иконы, и настоятеля, и лики по чину: и станет на своем месте, и по совершении стихир, **Слава, и ныне,** Богородичен.

И посем возглашает диакон во услышание всем молитву сию: Спаси Боже люди твоя, и благослови достояние твое, посети мир твой милостию и щедротами: Даже до конца.

Лик: Господи помилуй, 40.

Диакон: Еще молимся о Великом Господине и отце нашем Святейшем Патриархе (имя) и Преосвященнейшем Епископе (егоже есть область), и о всей во Христе братии нашей.

Лик: Господи помилуй, 30

Еще молимся о Богохранимей стране Россистей, о властех и воинстве ея.

Лик: Господи помилуй, 50.

Еще молимся, о еже сохранитися граду сему, и святей обители сей, и всякому граду, и стране.

Лик: Господи помилуй, трижды.

Еще молимся и о еже услышати Господу Богу глас моления нас грешных и помиловати нас.

Лик: Господи помилуй, трижды.

Посем возглашает иерей: Услыши ны Боже спасителю наш:

Лик: Аминь.

Таже глаголет: Мир всем.

Диакон глаголет: Главы наша Господеви приклоним.

И всем главы приклоньшим, иерей молится велегласно: Владыко многомилостиве, Господи Иисусе Христе Боже наш:

И по исполнении ея, мы: Аминь.

Таже восклоньшеся поем стихиру воскресну. И входим в храм предходящим свещником, поюще и прочия стихиры воскресны, яже суть по алфавиту:

Глаголем же припевы сия, 1: Господь воцарися, в лепоту облечеся.

2: Ибо утверди вселенную, яже не подвижится.

3: Дому твоему подобает святыня Господи в долготу дней. **Слава, и ныне**, Богородичен.

И свещники убо поставляются от обою страну, предукрасившуся четвероножцу, на немже лежит со пшеницею и пятию хлебы блюдо, еже имамы обычай приносить в церковь. От обою же страну два сосуда исполнена, ов убо вина, ов же елеа. Стоит же вино убо ошуюю, елей же одесную.

Таже глаголет настоятель: Ныне отпускаеши:

И чтец, Трисвятое: по Отче наш:

Возглас: Яко твое есть царство:

И мы поем отпустительный тропарь Богородицы, глас 4: Богородице Дево радуйся: трижды.

Тогда диакон возьм благословение от священника, кадит окрест стола.

Таже предстоятеля токмо, на месте его, и иереа. И паки хлебы спреди токмо.

И глаголет молитву настоятель, или иерей велегласно: Господи Иисусе Христе Боже наш, благословивый пять хлебов, и пять тысяч насытивый:

И подъем един хлеб знаменует с ним прочия хлебы: и егда речет, Сам благослови: **И указывает десницею на хлебы:** Хлебы сия: **Такожде на пшеницу, и вино и елей, Пшеницу, Вино, и Елей:**

И по скончании молитвы, и по Амине поем: Буди имя господне благословено от ныне и до века, трижды, на глас 4-й.

Таже псалом 33, Благословлю Господа на всякое время: И глаголем его до Не лишатся всякаго блага.

Иерей же шед станет пред царскими враты, зря к западом. И по скончании псалма, глаголет: Благословение Господне на вас:

И чтец, аминь. И глаголет начало чтения.

И священник: Молитвами святых отец наших:

И извлекаются священник и диакон священных одежд, и исходят. И тако сядут вси кождо на своих местех. Келарь же взем от хлеб благословенных, и раздробив на блюде, раздает братии, и почерпает по единой чаши вина всем равно, от настоятеля и до последних, иже во обители суть. [Ныне же сей чин весьма в церквах упразднися]. И полагается чтение в деяниях святых апостол.

[Зри] Ведомо же буди: Яко от недели Святыя Пасхи, даже до недели всех святых, по благословении хлебов, чтутся Деяния святых апостол. В прочия же недели всего лета чтутся семь соборная послания апостольская, и четырнадцать посланий святого апостола Павла, и откровение святого апостола Иоанна Богослова.

Егда же раздаст келарь братии хлебы, и по единой чаши вина, труда ради бденнаго, якоже из начала прияхом от святых отец, и шед творит обычный поклон, со служившими с ним по два в ряд, пред святыми дверьми, и на оба лика по единому, и исходят.

В вечер же, по приятии хлеба и вина по черпанию, от того часа, да никтоже уже дерзнет вкусити потом что, причащения ради святых пречистых Христовых Таин.

Сицево же раздробление хлебов творим, и почерпание.

От перваго дне месяца септемвриа, до 25 дне марта. А яже во бдениих летних, благословенныя хлебы, раздаваем я на трапезе, и прежде вкушения снедаем их.

[Зри] Благословенныя же имут хлебы дарования различна:

Рекше, уставляют огневицу пиющим с водою, и трясавицу отгонят, и всяк недуг и всяку болезнь исцелевают: к сим же и мыши от жит отгонят и ина пакостящая прогоняют.

По чтении же великом деяний святых апостол, исходит параккисиарх, и клевет в великий, и в прочия кампаны.

Воставшу же предстоятелю, и всем братиям, начинает: аминь. Слава в вышних Богу, и на земли мир в человецех благоволение, трижды.

Таже глаголет: Господи устне мои отверзеши, и уста моя возвестят хвалу твою, дважды.

И глаголет шестопсалмие кротким и тихим гласом.

По триех же псалмех, **Слава, и ныне**, аллилуиа, трижды. Господи помилуй, трижды.

Слава, и ныне: Господи Боже спасения моего:

Тогда иерей во епитрахилии, инде же и в фелони, глаголет молитвы утренния пред святыми дверьми стоя откровен.

По скончании же шестопсалмия, по **Слава, и ныне:** глаголет великую

ектению: Миром Господу помолимся.

И по возгласе отшед стоит на своем месте.

Учиненный же канонарх, иже прокимены на вечерни сказует, сотворив поклон предстоятелю, и возглашает: Бог Господь: со стихи его, в настоящий глас.

И поем тропарь воскресный, дважды:

Слава, святого, того дне:

И ныне, Богородичен, по гласу тропаря святого, аще имать.

Аще ли ни: **Слава, и ныне**, Богородичен настоящего гласа.

И абие лик глаголет: Господи помилуй, трижды. Слава Отцу, и Сыну, и Святому Духу. Чтец же, И ныне:

И стихологисует кафисму псалтира: Исповемя тебе Господи всем сердцем моим.

По исполнении же коеяждо стихологии, отшед священник пред святыя двери, глаголет малую ектению: И возглас, яко обычай.

И поем седален воскресн прежде просто.

Таже припев: Воскресни Господи Боже мой, да вознесется рука твоя, не забуди убогих твоих до конца, и 2 седален:

Слава, и ныне, Богородичен.

И посем полагается чтение во евангелии толковом.

Таже кафисма, и седален 2-й.

Припев: Исповемя тебе Господи всем сердцем моим, повем вся чудеса твоя.

Слава, и ныне, Богородичен его.

И чтение, и поем поем непорочны, на глас 5: в нихже кадит иерей.

Таже тропари, Ангельский собор: Ипакои гласа и чтение.

Таже степенны гласа, в нихже исходит кандиловжигатель, и ударяет в кампаны.

Иерей же и диакон, вшедше во святилище облачатся по обычаю. И глаголет: Вонмем, премудрость.

Канонарх же сказует: Прокимен, псалом Давидов, гласа.

По совершении же прокимена, диакон: Господу помолимся.

Иерей: Яко свят еси Боже наш:

Лик: Аминь.

И канонарх: Всякое дыхание да хвалит Господа.

Стих: Хвалите Бога во святых его: хвалите его во утверждении силы его.

Диакон же глаголет: И о сподобитися нам слышанию святого евангелиа, Господа Бога молим.

Лик: Господи помилуй, трижды.

Диакон: Премудрость, прости услышим святого евангелиа.

Иерей: Мир всем.

Лик: И духови твоему.

Посем иерей именует евангелиста, от негоже евангелие.

Лик: Слава Тебе Господи, слава Тебе.

Диакон: Вонмем.

И четет иерей евангелие воскресно рядовое.

По чтении лик паки: Слава Тебе Господи, слава Тебе.

Посем глаголем: Воскресение Христово: и псалом 50.

Сему же глаголему, исходит священник святыми дверьми со евангелием, держа е при персех своих, предыдущема же его от обою страну двема подсвещникама со свещами: имей же и фелонь отпущен долу, стоит посреде храма, держа святое евангелие при персех своих, подсвещники же от обою страну. И приходит предстоятель един, и творит поклоны два, таже целует евангелие, и паки творит поклон един: [не до земли творит поклоны, но малья, приклоняя главу, Дбндеже рукою достигнет до земли. В неделю бо и владычний праздник, и в пятьдесятницу всю, колена не приклоняют.] По внегда же поклонится евангелию предстоятель, творит и к левому лику образ поклона, и к десному подобно, отходя на место свое. Таже и братия вси идут два два по чину, творят и тии подобне прежде два поклонения, и целуют святое евангелие: и паки едино поклонение, и к настоятелю поклон.

Исполншуся же целованию, и 50-му псалму, Поем, **Слава:** Молитвами апостолов: **И ныне,** Молитвами Богородицы:

Таже, Помилуй мя Боже, по велицей милости твоей:

Посем стихира воскресна, глас 6: Воскрес Иисус от гроба, якоже прорече:

По целовании же святого евангелиа, [осеняет иерей братию со евангелием,] и входит во святыи олтарь.

Диакон же глаголет на обычном месте молитву: Спаси Боже люди Твоя:

Мы же, Господи помилуй, 12.

Иерей же возглас: Милостию и щедротами: и по аминь начинаем ирмос канона воскресна.

И поем канон воскресн со ирмосом на 4: и крестовоскресен на 3: и Богородицы на 3: и минеи на 4.

К 1-му же тропарю припев: Слава Господи святому Воскреснию Твоему.

Таже припевы песней воскресных, [писаны во ирмологии.]

И по исполнении 3-я песни, диакон глаголет ектению малую: и возглас от священника внутрь олтаря: Яко ты еси Бог наш:

И изоблачаются священных одежд, изшедше же стоят на обычных местех.

Таже кондак, и седален минеи святаго. И чтение.

По 6-й же песни священник глаголет ектению малую пред святыми дверьми, и возглас: Ты бо еси царь мира:

Таже кондак воскресн: И икос.

И чем пролог.

[Зри] **Ведомо же буди и сие:** Яко всегда по конце 8-я песни, егда хощем начати 9-ю песнь, творим вси метание единоравно глаголюще: Хвалим, благословим, поклоняемся Господеви:

Таже ирмос 8-я песни, катавасиа.

Иерей же и диакон облачатся обычно.

И по скончании 8-я песни покадив святую трапезу, возглашает диакон: Богородицу и мать света песньми возвеличим.

И мы стихословим 9-ю песнь, поюще велегласно: Величит душа моя Господа: и Честнейшую херувим. Творим же и поклоны малыя.

Иерей же, или диакон, кадит святыи олтарь, и всю церковь, и братию.

По 9-й песни возвращься, и отдав кадило, глаголет ектению малую:

И возглас от священника: Яко ты хвалят вся силы небесныя:

Таже возглашает диакон: Свят Господь Бог наш, в настоящий глас.

Стих 1: Яко свят Господь Бог наш.

Стих 2-й: Над всеми людьми Бог наш.

Священник стоит на обычном месте.

И посем светилен воскресн.

Таже Слава, святаго, аще имать. **И ныне**, Богородичен воскресн.

На хвалитех: Всякое дыхание, на глас дне.

Поставим же стихов, 8: и поем стихиры октоиха воскресны, 4: и анатолиевы, 4.

На всякое же дыхание, совокупльшимся обоим ликом, припеваем и припевы сия:

1: Воскресни Господи Боже мой, да вознесется рука Твоя, не забуди убогих Твоих до конца.

2: Исповемся Тебе Господи всем сердцем моим, повем вся чудеса Твоя.

Слава, стихира евангельская, ряд.

И ныне, Богородичен, глас 2: Преблагословенна еси Богородице:

Славословие великое.

Таже тропарь воскресн, един от обою, гласа 1-го: Днесь спасение миру бысть:

Или гласа 2-го: Воскрес от гроба:

Таже ектению глаголет иерей, или диакон: Помилуй нас Боже:

И возглас: Яко милостив и человеколюбец:

Посем: Исполним утреннюю молитву:

Возглас: Яко Бог милости и щедрот:

Иерей: Мир всем.

Лик: И духови твоему.

Диакон: Главы наша Господеви приклоним.

Иерей молитву тайно.

Таже, возглас: Твое бо есть еже миловати:

Посем, Премудрость.

Лик: Благослови.

Иерей: Сый благословен Христос Бог наш:

И лик: Аминь: Утверди Боже:

Посем иерей: Пресвятая Богородице:

Лик: Честнейшую:

И прочее обычное, и отпуст.

И многолетствуем Святейшаго Патриарха и Епископа (егоже есть область).

Таже творим исхождение в притвор, поюще стихиру самогласну, яко обычай, и оглашение студитово.

По чтении же тропарь святаго Феодора, глас 8: Православия наставниче:

И час 1. На 1-м часе тропарь воскресн.

Слава, святаго, аще имать: аще же ни:

И ныне, Богородичен часов.

По Отче наш: кондак воскресн. И совершенный отпуст.

На Литургии: Блаженна осмогласника на 8. По входе тропарь воскресн:

Таже храма, и святаго дневнаго, аще имать. Кондак воскресн, и храма:

Слава, святаго, аще имать:

И ныне, храма Богородицы.

Аще же ни, **И ныне**, кондак: Предстательство христиан:

Христова же храма тропаря и кондака в неделю на литургии не глаголем во весь год: понеже предваряет воскресн.

Прокимен, апостол, аллилуиа, и евангелие гласа, и святого, ащеимать.

Причастен: Хвалите Господа с небес:

Таже святого, аще имать.

[Зри] На бдении всенощнаго пения. Егда бывает полиелей, и поют псалом: Хвалите имя Господне: и Исповедайтесь Господеви: тогда поставляется аналогий среди церкви, и на нем полагается праздничная икона Господскаго дне, или Богородицына, или святого, и святых: и облачаются настоятель во святилищи и вси священнослужители в фелони по обычаю, и изшедше из олтаря во отверзенная царская врата, станут по дву странам около аналогия. И раздает настоятель сослужителем, и стоящему во храме святем народу свечи.

По раздаянии же взем кадило, емуже предходит диакон со свещею горящею, кадит первее на аналогии икону окрест, и идет во олтарь, и тамо святую трапезу, и олтарь весь кадит, и во храме святых местных иконы вся, таже священнопредстоятелей по обоим странам, и правый лик певцев, и левый. Посем кадит преходя стоящий народ весь, и паки святых двери, и две точию иконы, Христову и Богородицыну, и на аналогии.

В тоже время поют величание, со избранными стихи от псалмов давидовых. По сем обычном пении ектения от диакона малая глаголется, и седальны поются, и входят вси священнослужители во святой олтарь, и изоблачаются священных одежд, точию держай чреду иерей остает во облачении, к прочитанию евангелия.

Но и в неделю на утрени, егда кроме полиелеа поется кафисма: Блажени непорочнии: и по ней тропари: Ангельский собор: и во иныя дни кому поется величание кроме бдения, и тогда иерей с диаконом точию облачатся во священныя одежды, и вземлют, диакон светильник со свещею горящею, иерей же кадило, и покадив окрест святую трапезу и олтарь весь, исходят северными врата, и кадит царския двери, и по странам святых иконы, и на аналогии, таже настоятеля и лики, и стоящий народ, якоже обычай, и паки входят во врата южныя страны.

Чин о панагии,

бываемый во обителях по вся дни.

По отпусе божественныя литургии, исходит настоятель, и братии последующим по нем два, два, и глаголют псалом 144: Вознесу тя Боже мой, царю мой: весь до конца. Достигше же в трапезу, и кончану бывшу псалму, глаголем молитву трапезы: Отче наш:

Слава, и ныне: Господи помилуй, трижды. Благослови:

Настоятель, или священник держай чреду глаголет: Христе Боже, благослови ястие и питие рабом твоим:

И часть или просфора имущая возношена быти, влагается в панагиар, и стоит на устроенном месте.

И по вкушении творяй служение, глаголет стих: Молитвами святых отец наших, Господи Иисусе Христе Боже наш, помилуй нас.

И мы: Аминь.

И воставше глаголем: Благословен Бог милуяй, и питаяй нас от юности нашея: Слава тебе Господи, слава тебе Святой, слава тебе Царю.

Слава, и ныне: Господи помилуй, трижды. Благослови.

И положив поклон хотяй возвысити пресвятую, глаголет сице: Благословите отцы святии, простите ми грешному.

И мы: Бог простит ти, и помилует тя.

И прием часть крайними персты рук, возвышает ю мало над образом Святыя Троицы, глаголя велегласно: Велико имя:

Настоятель или иерей чредный: Святыя Троицы.

И пренося над образ Богородицы крестовидно знаменует, глаголя: Пресвятая Богородице, помогай нам.

И мы: Тоя молитвами Боже помилуй, и спаси нас.

И глаголем: Блажим тя вси роди Богородице Дево:

Таже поем: Достойно есть яко воистинну:

И по еже причаститися всем, глаголет настоятель или священник: Во многия молитвы пречистыя Владычицы нашея Богородицы, и приснодевы Марии.

Мы же: Тоя молитвами Боже помилуй, и спаси нас. Милостив и щедр Господь, пищу даде боящимся его, и правда его пребывает в век века.

Таже псалом: Возвеселихся о рекших мне, в дом Господень пойдем.

Трисвятое, Пресвятая Троице: По Отче наш: Благодарим тя Христе Боже наш, яко насытил еси нас земных твоих благ:

И аще убо есть Владычней праздник, глаголется, **Слава и ныне**, кондак празднику: аще ни, глаголем сия:

Слава, Боже отец наших, творяй присно с нами:

И ныне, Молитвами Господи всех святых: Господи помилуй, трижды. Благослови.

Священник глаголет: Благословен Бог милуяй, и питаяй нас от своих богатых даров, своею благодатию и человеколюбием, всегда, ныне и присно, и во веки веков, аминь.

О святем имущем бдение, аще прилучится в неделю

В субботу вечера, на велицей вечерни предначинательный псалом, с припевы его.

По обычной стихологии, На Господи воззвах, поставим стихов 8: и поем стихиры воскресны гласа, три: и анатолиев един: и святаго б.

Слава, святаго:

И ныне, Богородичен первый, гласа.

Вход, прокимен, и чтения святаго 3.

На литии стихира храма, и святаго стихиры:

Слава, святаго:

И ныне, Богородичен, в тойже глас, от стиховных поемых в неделю.

На стиховне стихиры воскресны:

Слава, святаго:

И ныне, Богородичен в тойже глас.

На благословении хлебов тропарь, Богородице Дево, дважды: И святаго, единожды: и чтение.

На утрени, на Бог Господь, тропарь воскресн, дважды.

Слава, святаго:

И ныне, Богородичен первый, по гласу тропаря святаго.

По кафисмах, седальны воскресны, с припевы, и Богородичны их, настоящего гласа. И чтение во евангелии.

По полиелеи, тропари: Ангельский собор:

Таже ипакои гласа, и седальны оба святаго.

Слава, полиелейный седален:

И ныне, Богородичен его:

И чтение святаго.

Степенна гласа, и прокимен: Всякое дыхание: евангелие воскресно. Воскресение Христово: и псалом 50, и целование евангелиа по обычаю.

Слава, молитвами апостол:

И ныне, молитвами Богородицы:

И стихира воскресна, и прочее.

Канон воскресн со ирмосом на 4: и Богородицы на 2: и святаго на 8. Катавасиа, якоже иматъ устав.

По 3-й песни кондак и икос святаго, и седален его дважды:

Слава, и ныне Богородичен, и чтение.

По 6-й песни кондак воскресн, и икос. И чтем пролог.

На 9-й песни поем честнейшую: Светилен воскресн:

Слава, святого:

И ныне, Богородичен воскресн.

На хвалитех стихиры воскресны, 4: и святого, со Славным 4: с припевы их вечерними.

Слава, стихира евангельская:

И ныне, Препоблагословенна еси Богородице Дево:

Славословие великое.

По трисвятом тропарь воскресн точию, ектении, и отпуст. И исхождение обычное в притвор. И поем стихиру святого.

Егда же елеопомазание бывает, глаголется и молитва: владыко многомилостиве: яко предписася на велицей вечерни.

И оглашение студитово, и час 1-й.

На часех тропарь воскресн:

Слава, святого:

И ныне, Богородичен часов.

По Отче наш: кондак святого. На прочих же пременяюще глаголем.

На Литургии, Блаженна гласа, на 6: и святого песнь 3-я, на 4. По входе тропарь воскресн и храма Богородицы, идеже храм ея: и святого. Кондак воскресн:

Слава, святого:

И ныне, Богородицы храма.

Аще ли ни: **И ныне**, Предстательство христиан:

[Тропари же и кондаки храмом святых в сия дни не глаголются] Прокимен, апостол, аллилуиа, евангелие и причастен, прежде воскресн, таже святого.

Чин благословения колива, сиесть кутии или варенья пшеницы с медом смешенныя, и различными сладкими овощьми украшенныя, в честь и память господских праздников, или святых Божиих в церковь приносимья.

Принесену бывшу коливу в церковь: Аще на вечерни, по Ныне отпускаеши: Трисвятое. По Отче наш: тропарь.

Слава, и ныне, Богородичен, по гласу тропаря святого.

Аще же на Литургии, по заамвонней молитве поется тропарь и кондак святого.

Диакон покадив глаголет: Господу помолимся.

Лик, Господи помилуй.

Священник став над коливом глаголет молитву сию: Вся совершивый словом твоим Господи: зри в служебнике.

Лик, Аминь.

И аще на вечерни, диакон: Премудрость.

Лик, благослови.

Священник: Сый благословен: И прочее до отпуста.

Аще же На Литургии, поет лик: Буди имя Господне, трижды. И псалом: Благословлю Господа:

Раздав же антидор, творит обычный отпуст литургии.

О святем имущем полиелей, аще прилучится в неделю

На велицей вечерни, по кафисме, На Господи воззвах стихиры воскресны 3, и анатолиев 1: и святого, 6:

Слава, святого,

И ныне, Богородичен 1-й гласа.

Вход. Прокимен дне: И чтения святого, 3.

На литии стихира храма, и святого аще имать.

Слава святого:

И ныне, Богородичен 1-й, по гласу святого.

На стиховне стихиры воскресны гласа.

Слава, святого:

И ныне, Богородичен, по гласу святого.

На благословении хлебов, тропарь: Богородице Дево: трижды.

На утрени, на Бог Господь: тропарь воскресн, дважды.

Слава, святого:

И ныне, Богородичен воскресн, по гласу тропаря святого.

По кафисмех седальны воскресны, и с Богородичны их, и чтение во евангелии толковом. Полиелей святого, ипакои, и седальны святого, по единожды.

Слава, седален святого полиелейный:

И ныне, Богородичен, и чтение святого.

Степенна гласа: и прокимен. Евангелие воскресно. Воскресение Христово: псалом 50: стихира воскресна.

Канон воскресн со ирмосом на 4: и крестовоскресн на два: и Богородицы на два: и святого на 6.

Аще святого два канона: оба канона на 8, а крестовоскресн оставляем.

По 3-й песни кондак и икос, и седален святого, дважды:

Слава, и ныне, Богородичен его, и чтение.

По 6-й песни кондак воскресн, и икос: И чем пролог.

На 9-й песни поем Честнейшую: Светилен воскресн.

Слава, святого:

И ныне, Богородичен воскресн гласа.

На хвалитех стихиры воскресны гласа, на 4: и святого на 4, и со Славным, с припевы его вечерними.

Слава, стихира евангельская.

И ныне, Преблагословенна еси Богородице Дево:

Славословие великое. Тропарь воскресн точию, ектении: И отпуст.

И исхождение, и оглашение, и час 1 в притворе.

На 1-м часе тропарь воскресн:

Слава, святого:

И ныне, Богородичен часов.

По Отче наш, кондак святого.

На прочих же, кондак воскресн, и святого, пременяюще глаголем.

На Литургии, Блаженна гласа, на 6: И святого, песнь 3, на 4. По входе тропарь, и кондак, якоже предписан во главе 3: прилагаем же тропарь и кондак, и храма святого.

О святем поемом на 6. Аще будет в неделю, не имеяй полиелеа

В субботу вечера, на велицей вечерни, по кафисме: На Господи воззвах, стихиры воскресны, 3: и анатолиевы, 3: и святаго, 4.

Слава, святаго:

И ныне, Богородичен первый гласа.

Вход. Прокимен дне, и ектения, Рцем вси: На литии стихира храма: **Слава**, святаго, аще имать.

Аще же ни, **Слава, и ныне**, Богородичен. [Аще же имать святыи славословие, поем стиховну его в литию.]

И обычныя молитвы литии.

На стиховне стихиры воскресны.

Слава, святаго:

И ныне, Богородичен воскресн, по гласу святаго.

И прочее бдения по обычаю.

На утрени, на Бог Господь, тропарь воскресн, дважды.

Слава, святаго:

И ныне, Богородичен первый, по гласу тропаря святаго, и прочее и до канона воскресно.

Канон воскресн со ирмосом на 4: и крестовоскресн на два: и Богородицы на два: и святаго на 6.

Катавасия по уставу.

По 3-й песни кондак и икос, и седален святаго, дважды, и Богородичен его. И чтение святаго.

По 6-й песни кондак воскресн, и икос: и чем пролог.

На 9-й песни поем: Честнейшую: Светилен воскресн:

Слава, святаго:

И ныне, Богородичен воскресн гласа.

На хвалитех стихиры воскресны 4, и святаго со Славным, 4.

Аще ли не имать святыи на хвалитех стихир, поем стихиры воскресны по обычаю.

Слава, стихира евангельская:

И ныне, Препоблагословенна еси Богородице Дево:

Славословие великое, тропарь воскресн точию. Ектении обе, и отпуст, и оглашение: и час 1-й в притворе.

На 1-м часе тропарь воскресн:

Слава, святаго:

И ныне, Богородичен часов.

По трисвятом кондак воскресн, и прочее. [Аще имать святыи славословие, по трисвятом кондак святого: На прочих же часех, кондак воскресн и святого пременяюще глаголем,] и отпуст.

На Литургии, блаженна гласа, на 6: и святого песнь 3-я, на 4.

По входе тропарь воскресн, и храма Богородицы, идеже храм ея: таже храма святого: посем рядоваго святого.

Аще ли есть другий святыи, и тропарь ему прилучится, глаголем тропарь и другаго святого.

Таже кондак воскресн и храма:

Слава, кондак дневнаго святого,

И ныне, Богородицы храма.

Аще ли храма Богородицы несть:

Слава, кондак рядоваго святого:

И ныне, Предстательство христиан:

Прокимен, апостол, аллилуиа, евангелие, и причастен, прежде воскресн, и потом святого.

[Смотри] Подобаает ведати: яко стихология, сиречь кафисма, в неделю вечера никогдаже бывает. Такожде и на господския праздники, и великих святыи, или в храме святого, или святыя: яже яко в нихже бывают бдения. егда же прилучится бдение, кроме субботы вечера, стихологисуем: блажен муж 1-й антифон. В субботу же вечера стихологисуем всю кафисму: блажен муж.

Идеже всенощныя не бывают

Вестно же буди, яко в малых обителях и соборных и приходских храмах, во дни недельныя, идеже всенощныя не бывают, или настоятель не изволит, поется вечерня великая, такожде и утреня во свое время сице:

В субботу вечера, по отпусе 9-го часа, входит в церковь предстоятель и чредный священник, и вси: емляй же священник благословение от предстоятеля, отходит пред царская врата, и творит поклонения три.

Взем же и епитрахиль, и благословив и, и целовав верх, идеже есть крест начертан: и возложив на выю свою глаголет: благословен Бог наш: отверзаяй и внутреннюю завесу сущую тафтою, или иным видом устроеную.

Предстоятель же глаголет: Приидите поклонимся: и предначинательный псалом.

Аще же предстоятеля не случится тамо, глаголет ин от старейших священников: священник же чредный стоит пред царскими вратами, глаголя тайно молитвы свечильничныя, стоя непокровен. Глаголет же и ектению, и возглас подобне, и прочее вечерни все поем, якоже предписася во бдении великия вечерни: точию zde по ектении: Исполним вечернюю молитву нашу: поем на стиховне стихиры воскресны, и по исполнении их глаголет предстоятель: Ныне отпускаеши:

Чтец глаголет: Трисвятое с прочими.

Священник, возглас: яко твое есть царство: внутрь святаго олтаря.

И чтец, отпустительныя тропари по обычаю.

Диакон же, от вне стоя пред образом спаса Христа, возглашает: Премудрость.

Лик: Благослови.

Священник, от внутрь глаголет: Сый благословен Христос Бог наш, всегда, ныне и присно, и во веки веков:

Лик: Аминь. Утверди Боже, святую православную веру, православных христиан, во век века.

И священник глаголет тихим гласом: Пресвятая Богородице, спаси нас.

Лик: Честнейшую:

И паки священник: Слава тебе Христе Боже, упование наше, слава тебе.

И глаголет лик:

Слава, и ныне: Господи помилуй, трижды. Благослови.

Священник же отверз святыя двери, и опустив фелонь, стоящу диакону от вне одесную, и орарь держащу обычно, глаголет иерей отпуст по дню.

[Смотри] Посем многолетие. И по еже вечеряти братьям, емлет паки благословение церковник от предстоятеля, аще есть: аще же ни от чреднаго священника. И клеplet в малый кампан, или в ручное клепало, по обычаю. И собравшимся братьям в притвор, творит начало чредный священник, и поем повечерие, яко обычай с каноном.

И по обычном отпущте предстоятель глаголет: молитвами святых отец наших, Господи Иисусе Христе Боже наш, помилуй нас.

Братия же исходяще, два, два, по чину, творят поклон пред предстоятелем, и емлют от него благословение и прощение:

Таже предстоятель, сотворив образ поклона, просит и сам прощения от них.

Во утрии же: Клеplet параеккисиарх в кампан, яко обычай, и в било, и собираются братия в притворе, творит же священник начало: благословен Бог наш:

И абие чтец глаголет: Слава тебе Боже наш, слава тебе. Царю небесный: Трисвятое, и по Отче наш: Господи помилуй, 12. Приидите поклонимся: трижды: и псалом 50.

Таже поется троичный канон, со благоговением и умилением. По каноне же поют троичное величание, сиесть: Достойно есть яко воистинну, славити тя Бога слова: И прочия тропари.

Таже Трисвятое, и Отче наш: и ипакои гласа: Господи помилуй, 40.

Слава, и ныне, Честнейшую херувим:

И возглас от священника: Боже ущедри ны:

И молитва глаголется от иереа: Всемогущая и животворящая:

И отпуст, и прощение обычное.

Таже иерей глаголет ектению: Помолимся о благочестивейшем:

Мы же: Господи помилуй, кротким и тихим гласом.

И по исполнении тоя глаголет предстоятель: молитвами святых отец наших, Господи Иисусе Христе Боже наш, помилуй нас.

И по отпущте входим во храм.

Священник же вшед во святыи олтарь, и возложив епитрахий и вложив фимиам в кадилицу, предуготовлене ей от церковнаго служителя, глаголет и обычную молитву кадила, стоя пред святою трапезою начертавая крест с кадилицею, глаголя: благословен Бог наш всегда, ныне и присно, и во веки веков: отверзаяй прежде и тафтою устроеную завесу, сущую внутрь царских врат.

Таже кадит святуу трапезу окрест, и весь жертвенник: И исходит северную страну, и кадит святыя иконы, и предстоятеля, и вся яко обычай.

Чтец же, по благословен Бог наш, глаголет, Аминь. Приидите поклонимся: и обычныя псалмы: услышит тя господь: и Господи силою твоею: Трисвятое, и Отче наш:

[Смотри] [Долженствует же внимати чтец и священник, егда имать рещи: яко твое есть царство: быти ему посреде храма.]

Таже тропари: спаси Господи люди твоя, и прочая.

И священник кадит паки предстоятеля, и святыя иконы: и входит во святыи олтарь южную страну, и стоит пред святоу трапезою с кадиланицею, и глаголет ектению: Помилуй нас Боже, по велицей милости твоей, и прочая.

Таже возглас: яко милостив и человеколюбец Бог еси:

Певцы, Аминь. Именем Господним благослови, отче.

Таже священник начертывая с кадиланицею крест пред святоу трапезою, глаголет возгласно: Слава святей, и единосущней, и животворящей, и нераздельней Троице, всегда, ныне и присно, и во веки веков.

Предстоятель же глаголет: Слава в вышних Богу: И шестопсалмие, яко обычай.

Священник же полагая кадиланицу на месте, исходит из олтаря, и стоит на обычном месте своем. По внегда же рещи предстоятелю три псалмы, и начнет: Господи Боже спасения моего: отходит священник пред царския и святыя двери: И поклонився и возложив епитрахиль, глаголет тайно утренния молитвы, и ектению, яко обычай. И прочее утрени, все поем, якоже предписася во бдении утрени, на обороте, даже до конца: и час 1-й, и На Литургии.

[Смотри] **Ведомо же буди**, яко, Верую во единого Бога, и Отче наш, в литургии: В вечерне предначинательный псалом. Свете тихий: Сподоби Господи: Ныне отпускаеши:

На утрени, Шестопсалмие: Тебе слава подобает:

Слава в вышних Богу, и на земли мир:

Благо есть исповедатися Господеви:

Небесный царю:

Предстоятель глаголет. Трисвятое же и Отче наш, на вечерни, по Ныне отпускаеши, и на утрени, по Благо есть исповедатися Господеви, чтец глаголет.

[Смотри] **Подобает ведати**, яко приходящему Господскому празднику,

или Богородицы, и оба праздника Предтечева, Рождество и Усекновение, и святых апостол Петра и Павла, и Иоанна Богослова, или аще будет храм: должно есть прочитати апостол, и евангелие рядовое, хотящее быти тогда в самый день праздника, за день напередь прежде праздника, под зачало. На самый же праздника день, чем праздника единого, якоже и вся служба.

Глас 1

Суббота

В субботу вечера, на малей вечерни

на Господи возвах, поставим стихов 4: и поем стихиры воскресны Осмогласника 3, повторяюще 1-й стих, глас 1. Творение преподобного отца нашего Иоанна Дамаскина

Стих: От стражи утренния до нощи, от стражи утренния, да уповает Израиль на Господа.

Вечерняя наша молитвы, прими, Святыи Господи, и подаждь нам оставление грехов, яко един еси явлей в мире Воскресение.

Обыдите, людие, Сион, и объимите его, и дадите славу в нем воскресшему из мертвых: яко Той есть Бог наш, избавлей нас от беззаконий наших.

Приидите людие, воспоим и поклонимся Христу, славяще Его из мертвых Воскресение: яко Той есть Бог наш, от прелести вражия мир избавлей.

Слава, и ныне: Богородичен догматик:

Девственное торжество днесь, братие, да възграется тварь, да ликовствует человечество: созва бо нас святая Богородица, нескверное сокровище девства: словесный втораго Адама рай: хранилище соединения дву естеству: торжество спасительнаго примирения: чертог, в немже Слово уневестивый плоть воистинну: легкий облак, Иже над херувимы Сущаго, с телом носивший. Тоя молитвами, Христе Боже, спаси души наша.

Таже, Свете тихий: Прокимен: Господь воцарися: со стихи его. И по Сподоби, Господи, в вечер сей: **Иерей ектений не глаголет, но поем на стиховне стихиру воскресну:**

Страстию Твоею Христе от страстей свободихомся, и Воскресением Твоим из истления избавихомся, Господи, слава Тебе.

И ины стихиры Пресвятыя Богородицы. Подобен: Небесных чинов:

Стих: Помяну имя Твое во всяком роде и роде.

Препрославлена еси в роде родов, Дево Мати, Отроковице, Богородице Марие, мира предстательство, рождши плотию Сына Безначальнаго Отца, соприсносуцна же Духу воистинну: Егоже моли спастися нам.

Стих: Слыши, Дщи, и виждь, и приклони ухо Твое.

Содержимии скорбми неначаемыми, Чистая, Тя предстательство едино имуща, Дево, вопием благодарно: спаси ны, Всесвятая Богоневестная: Ты бо еси мира прибежище, и заступление рода нашего.

Стих: Лицу Твоему помолются богати людстии.

Обнови́ся ми́р в Рожде́ствѣ Твоѣм, Богороди́тельнице Отрокови́це, ве́рных спасѣ́ние, и неусыпа́емая предста́тельница благочѣ́стно моля́щих Тя, Пречи́стая, не преста́й моля́щи приле́жно о все́х пою́щих Тя.

Сла́ва, и ны́не: догма́тик, глас тойже:

Обла́к Тя́ све́та присносу́щнаго, Де́во, проро́к именовá: из Тебе́ бо я́ко дождь на руно́ сше́д Сло́во О́тчее, и из Тебе́ возсия́вый, ми́р просвети́, преле́сть упраздни́ Хри́стос Бо́г наш. Того́ моля́щи приле́жно, Пресвята́я, мо́лимся, не преста́й о нас, иже и́стинную Богороди́цу испове́дающих Тя.

Та́же: Ны́не отпу́щаеши: Трисвято́е. По О́тче наш: тропáрь воскресный. Сла́ва, и ны́не, Богородичен его́. Ектениá ма́лая, и отпу́ст.

В суббóту на вели́цей вечерни

по предназначительном псалме́, обы́чное стихослóвие псалти́ря. На Го́споди воззва́х, поста́вим стихо́в 10: и поём стихи́ры воскресе́ны осмогласника 3, и Анато́лиевы 4, и Мине́и 3, или́ 6. Аще пра́зднуемый святы́й: Сла́ва, Мине́и: И ны́не, Богоро́дичен 1-й, гласа.

Стихи́ры воскресе́ны осмогласника, глас 1

Сти́х: Изведи́ из темни́цы ду́шу мою́, испове́датися и́мени Твоему́.

Вече́рняя на́ша моли́твы приими́, Святы́й Го́споди, и пода́ждь на́м оставле́ние грехо́в, я́ко еди́н еси́ явлей́ в ми́ре Воскресе́ние.

Сти́х: Мене́ ждúт пра́ведницы, донде́же возда́си мне́.

Обыдите́, лю́дие, Сион, и объими́те его́, и дадите́ сла́ву в нём Воскресе́шему из ме́ртвых: я́ко Той е́сть Бо́г на́ш, избавлей́ на́с от беззакóний на́ших.

Сти́х: Из глубины́ воззва́х к Тебе́, Го́споди, Го́споди, услы́ши глас мой́.

Приидите́, лю́дие, воспойм, и поклонимся́ Христу́, сла́вяще Его́ из ме́ртвых Воскресе́ние: я́ко Той е́сть Бо́г на́ш, от преле́сти вра́жия ми́р избавлей́.

И́ны стихи́ры Анато́лиевы, глас 1

Сти́х: Да будут у́ши Твои́ внемлю́ще гласу́ моле́ния моего́.

Веселите́ся, небеса́, вострубите́, основания́ земли́, возопийте́, го́ры, весели́е: се́ бо Емману́ил грехи́ на́ша на Кресте́ пригвозди́, и живо́т да́й, сме́рть умертви́, Ада́ма воскреси́вый, я́ко Человеколю́бец.

Сти́х: Аще́ беззакóния на́зриши, Го́споди, Го́споди, кто́ постои́т? я́ко у тебе́ очище́ние е́сть.

Плоти́ю волею́ Распéншаго́ся на́с ра́ди, Пострада́вша и Погребéнна, и Воскресе́ша из ме́ртвых, воспойм глаголю́ще: утверди́ правосла́вием Церковь Твою́, Христе́, и умири́ жизнь на́шу, я́ко Благ и Человеколю́бец.

Сти́х: Имене́ ра́ди Твоего́, потерпéх Тя, Го́споди, потерпé душа́ моя́ в сло́во Твое́, упова́ душа́ моя́ на Го́спода.

Живоприёмному́ Твоему́ грóбу предстоя́ще недостóйнии, славослóвие приносим неизрече́нному Твоему́ благоутрóбию, Христе́ Бо́же на́ш: я́ко крест и сме́рть прия́л еси́, Безгрéшне, да ми́рови да́руеши Воскресе́ние, я́ко человеколю́бец.

Сти́х: От стра́жи у́тренняя до но́щи, от стра́жи у́тренняя, да упова́ет Израи́ль на Го́спода.

И́же Отцу́ Собезнача́льна и Соприсносу́щна Сло́ва, от Девиче́ска чре́ва Произше́дшаго неизрече́нно, и крест и сме́рть на́с ра́ди Волею́ Приёмшаго́,

и Воскрёша во славе, воспойм глаголюще: Живодавче Господи, слава Тебе, Спасе душ наших.

Ины стихиры пресвятей Богородице, творение Павла Аморрейского, поёмья идеже несть Миней, или на Литии. [Ведомо убо буди яко в греческих переводах сих стихир на ряду несть.]

Стихиры, глас 1. Подобен: Небесных чинов.

Стих: Яко у Господа милость, и многое у Него избавление: и Той избавит Израиля от всех беззаконий его.

Святейшая святых всех сил, честнейшая всякия твари, Богородице Владычице Мира, спаси нас яже Спаса Рождшая, от всех прегрешений, и болезней и бед, молитвами твоими.

Стих: Хвалите Господа, вси языцы, похвалите Его, вси людие.

Яже благоутробия двере, смиренную мою душу да не презриши, верно молю Тя, Отроковице: но ущедри вскоре, и спаси ю от пучины согрешений моих, и обновльши благодать Твою на мне, просвети, Дево чистая.

Стих: Яко утвердися милость Его на нас, и истина Господня пребывает во век.

Ты Бога человеком соединила еси, Владычице: Ты мертвенное существо возвела еси едина, к Божественному нетлению: Ты земным спасение источила еси: ты Богородице, свободи нас от всех мучений.

Слава, Миней. И ныне, Богородичен:

Всемирную славу, от человек прозябшую, и Владыку рождшую, небесную дверь воспойм Марию Деву, безплотных песнь, и верных удобрение: Сия Бо явися небо, и храм Божества: Сия преграждение вражды разрушивши, мир введе, и Царствие отверзе. Сию убо имуще веры утверждение, поборника имамы из Нея рождшагося Господа. Дерзайте убо, дерзайте, людие Божии: ибо Той победит враги, яко Всесилен.

Вход. Свете тихий: По входе же положив учиненный монах обычный поклон предстоятелю, поет дневный прокимен: Господь воцарися, в лепоту облечеса. Стих: Облечеса Господь в силу, и препоясася. Стих: Ибо утверди вселенную, яже не подвижится. Стих: Дому твоему подобает святыня, Господи, в долготу дней.

Таже обычная ектения. Сподоби, Господи: Исполним вечернюю. И прочая. И по возгласе поем самогласну стихирю святого обители: литию творяще в притворе, на нейже поем стихиры Павла Аморрейского, или что настоятель изволит.

По обычных же молитвах входим во храм, поюще стихирю, глас 1:

Страстию Твоею Христе, от страстей свободихомся, и Воскресением Твоим из истления избавихомся, Господи, слава Тебе.

Ины стихиры, по алфавиту

Стих: Господь воцарися, в лепоту облечеса.

Да радуется тварь, небеса да веселятся, руками да восплещут языцы с веселием: Христос бо Спас наш, на кресте пригвозди грехи наша: и смерть умертвив живот нам дарова, падшаго Адама всероднаго Воскресивый, яко Человеколюбец.

Стих: Ибо утверди вселенную, яже не подвижится.

Царь сый небесе и земли непостижимо, волю распялся еси за человеколюбие. Егоже ад срет доле, огорчися, и праведных души приемша возрадовашася: Адам же, видев Тя Зиждителя в преисподних, воскресе. О чудесе! како смерти вкуси всех Жизнь? Но якоже восхоте мир просветити зовущий, и глаголющий: воскресый из мертвых, Господи, слава Тебе.

Стих: Дому Твоему подобает святыня, Господи, в долготу дний.

Жены мироносицы, мира носяща, со тцанием и рыданием гроба Твоего достигоша, и не обреша пречистаго тела Твоего, от ангела же уведевша новое и преславное чудо, апостолом глаголаху: воскресе Господь подавая миру велию милость.

Слава, Миней, аще имать. Аще ли несть:

Слава, и ныне, Богородичен:

Се исполнися Исаиино проречение, Дева бо родила еси, и по рождестве яко прежде рождества пребыла еси: Бог бо бе рождейся, темже и естества новопресече¹. Но, о Богомати, моления Твоих рабов, в Твоем храме приносимая Тебе не презри: но яко Благоутробнаго Твоема руками носящи, на Твоя рабы умилисердися, и моли спастися душам нашим.

Таже: Ныне отпускаеши: Трисвятое. По Отче наш:

Тропарь воскресный, глас 1:

Камени запечатану от иудей, и воином стрегущим пречистое тело Твое, воскресл еси тридневный Спасе, даруяй миру жизнь. Сего ради силы небесныя вопияху Ти, Жизнодавче: слава Воскресению Твоему Христе: слава Царствию Твоему: слава смотрению Твоему, едине Человеколюбче.

Богородичен: Гавриилу вещавшу Тебе, Дево, радуйся, со гласом воплощашеся всех Владыка, в Тебе святем кивоте, якоже рече праведный Давид: явилася еси ширшая небес, поносивши Зиждителя Твоего. Слава всельшемуся в Тя: слава прошедшему из Тебе: слава свободившему нас Рождеством Твоим.

Тойже тропарь и на Бог Господь: И прочее последование.

В суббóту на повечéрии

глаголет иерей: Благословен Бог наш: **И мы:** Слава тебе, Боже наш, слава тебе. Царю небесный: **Трисвятое.** **И по** Отче наш: Господи помилуй, **12. Слава, и ныне:** Приидите, поклонимся: **трижды.** **Псалом 50:** Помилуй мя Боже: **Псалом 69:** Боже, в помощь мою вонми: **Псалом 142:** Господи, услыши молитву мою: **Посем:** Слава в вышних Богу: Господи, прибежище был еси нам: Сподоби, Господи, в ночь сию: **Таже:** Верую во единого Бога: **Посем поем канон пресвятей Богородице, глас 1.**

Песнь 1

Ирмос: Горькия работы избавлься Израиль, непроходимое пройде яко сушу, врага зря потопляема, песнь яко благодетелю поет Богу, чудодействующему мышцею высокою, яко прославися.

Припев: Пресвятая Богородице, спаси нас.

Ужасошася страхом Всецарице ангельская чиноначалия, хваляще Тя: поет же благодати ради всяк ум, яко Матерь Зиждителя: похвалы бо всякия превозшла еси чин, Христа рождши.

Лютыми напастями томим, и от враг стужаем окаянный, с плачем приглашаю: свыше мне простри, Пребогатая, руку Твою, избавляющи мя, и безбедно пожити сподоби молитвами Твоими.

Слава: Души тайная прегрешения, лечбою милосердия исцели, и утиши плотское стремление, Богородице: и врагов копия и стрелы возвращши, крепко в сердца их вонзи.

И ныне: Пажить древнюю потреби человекоубийственную, утроба Девича Христа рождши: темже вся тварь радуется ныне, Пречистая, яко оживльшися: и согласно воспеваает Твоего Сына и Бога.

Песнь 3

Ирмос: Не мудростию и богатством да хвалится смертный своим, но верую Господнею, православно зывая Христу Богу, и поя присно: на камени Твоих заповедей утверди мя Владыко.

Иаков великий на пути спя иногда, низходящая свыше лестницею, Дево, на землю ангелы видя, дивляшеся: и возбнув, прописав яве Дверь Тя Небесную.

Временным удержанием, в напастах ввержен окаянный аз, и бурями нападными томим, увя мне, вопию: Яже Бога рождшая, и вознесшая рог наш, спаси мя молитвами Твоими.

Слава: С небес руку крепкую простер, о всех Царю Христе, чувственных и мысленных, Иисусе мой, главы врагов под нозе положи,

Богородицу Матерь Твою верно проповедающих.

И ныне: Исаия древле, очищся углем Духа, от Твоея утробы яве, Пребогатая Дево, сыну зываше родитися: Егоже в последняя времена, мене ради, без мужа родила еси.

Песнь 4

Ирмос: Слыша древле Аввакум, Христе, чудный Твой слух, и страхом зываше: от юга Бог придет, и Святыи от горы приосененныя чащи, спасти помазанныя: слава силе Твоей, Господи.

Тебе яко сущую в женах красну и пречестну, яко из пустыни восходящу, и Отрасль Христа на руку носящу, Мати Божия, проображаше мироначалник вопия: слава силе Твоей, Господи.

Приклони ми ухо Твое, Благая, и виждь мое озлобление, и бед умножение: к Тебе бо, Владычице, душевное око простер, и с плачем колена приклонь, ныне молю вопия: устави ми напастей смущение.

Слава: Стену Тя неборимую ведый, привлечен мольбою, Твой раб ныне к Тебе прибегаю, и стрелы вражия, яко младенческия вменяю недейственны, о Пребогатая! Темже и радуяся вопию: слава, Богомати, Рождеству Твоему.

И ныне: Сила Вышняго Тя, Дево, осени найтием Божественнаго Духа: и тогда паче естества всяческих Господь, плоть и душу оживотворив, приедини Себе, пребыв в томжде естестве.

Песнь 5

Ирмос: Свет Твой незаходимый возсияй, Христе, в сердца верно поющих Тя, мир подаваяй нам, паче ума. Тем от нощи неведения ко дню светом Твоим текуще, славословим Тя, Человеколюбче.

Божественную Тя, провидев иногда Даниил, несекомую гору, Препетая, вопияше проявленне, усещися от Тебе камению Богородия, Христу Спасу мира: Егоже вернии ныне чтуще, восхваляем Тя, Богоневесто.

Напастями окаянный многими падся, с болезнию и плачем сердца моляся, безстыдно служитель Твой вопию: избави, Богородительнице, от бед одержажих мое смирение, и веселия мя исполни.

Слава: Страстей моих свирепую пучину утиши, крепкою Твоею молитвою, Благая, яже страстей кроме рождшая Христа: яко да в тишине души ныне живый, прочее жизни моея, в песнях воспеваю Тя.

И ныне: Бога како на руку носиши, рцы? И како дойши, всяческая рукою Содержащаго, о Дево Всеблаженная, Аз, рече, чиста пребываю и по рождестве, Христа Бога рождши, Адамов долг, и праматерний отъемши.

Песнь 6

Ирмос: Вѣсь отъ страстейъ безмѣрныхъ содержуся, и кѣтомъ золъ сниспадохъ: но возведи из истлѣнія мя, Боже, якоже прежде Иону, и вероу безстрастие ми даруй, яко да во гласѣ хвалѣнія, и спасѣнія дѣхомъ пожру Ти.

Седѣнія не отступль недръ Родителя, в недрехъ Матернихъ Сынъ Предлѣтнй: напоследокъ же, иже прежде вѣкъ Сый со Отцемъ, из утробы Дѣвы произыде, вся къ жизни безсмѣртней возводя, неизреченною благодію.

Верѣгами связанъ вражїями от озлобленїя, во адскїя верей, увѣ мнѣ, низвергохся: но предстанї, с Небесѣ явльшїся, Богоотроковице Чїстая, возставляющї мя Твоими молитвами служителя Твоего, и руку помощи даждь поющему Божественное Твое Рождество.

Слава: В ровъ погїбелей окаяннй впадохъ, и зверїе мнози окрочають мя: но Владычице, молитвами Твоими каменїа отврати, и невредима Твоего раба соблюди: камень бо краеугольнй, Христа в ложеснахъ Твоихъ носїла еси.

И ныне: Древле пророкъ Божественныхъ ликъ провозгласї, Дѣво, Рождества Твоего образы: светелъ облакъ Тя, и свѣщникъ, и стамну, и трапѣзу, и Небесную росу, хлебъ, манну же и двѣрь, престолъ, и палату, жезлъ, рай, яко Христа рождшую.

Господи помїлуй, **трижды. Слава, и ныне:**

Седален, гласъ 1: Матерь Тя Божию свѣмы вси, Дѣву войстинну, и по Рождествѣ явльшуюся, любовію прибегающе къ Твоей благодіи: Тебѣ бо ѣмамы грѣшнїи, Предстательницу, и Тебѣ стяжахомъ в напастехъ спасѣние, Едину Всенепорочную.

Пѣснь 7

Ирмос: Проидоша яко чертогъ пѣщнй пламень нестерпїмый, иже за благочестїе иногда отроцы святїи показавшеса яве, и согласно воспевающе, пѣснь пояху: отцевъ Боже благословенъ еси.

Шествуя Превѣчнй двѣрьми непроходными Твоими, Всецарїце, чїста Твоя знаменїа и цѣла сохрани, чїста и по Рождествѣ, темже вопїемъ: отецъ нашихъ Боже, благословенъ еси.

В пѣщь вверженъ седмочїсленными пламенными опаляюся отъ душеубїйственныхъ бѣдъ: но Самая росу ми одожди, Владычице Благая, твоими мольбамї, да вопїю: благословенъ Богъ отецъ нашихъ.

Слава: Страстїми престарѣвся, и неослабными напастїми и скорбїми, и доспѣвъ къ западомъ житїя моего, добродѣтелемъ непричастен, леностїю снѣденъ бывъ, вопїю Ти, Владычице: утѣшенїе земнй, помїлуй мя!

И ныне: Троице во Единствѣ православно служаще, Тя Мати Дѣво

Чистая, яко Бога плотию рождшую проповедающе земнии, Божественне поем: отец наших Боже, благословен еси.

Песнь 8

Ирмос: Чуда преестественнаго показа образ, огнеросная печь древле: огонь бо не опали юныя дети, Христово являя безсеменное от Девы Божественное Рождество. Тем воспевающе воспойм: да благословит тварь вся Господа, и превозносит во вся веки.

Слово всеистинное священника вообрази Рождество Твое, Дево: воистинну бо родила еси Слово Божие, и ложесна не разверзе Дево, имиже пройдет Бог. Тем радуящися, Богородицу Тя, по долгу согласно воспеваем, и превозносим чистую во вся веки.

Терние возрастшее в души моей недействительно, Божественным огнем попали, Пречистая, и Твоими молитвами на добродетели возстави мя, творити плодоносие Христу: из Тебе бо Цвет присно живый проращши, тварь всю украси. Тем Тя, Богородительницу чистую, почитаем в вся веки.

Слава: Исцеление в лютых, Богородительнице, неболезненно подаждь ми вскоре: впад бо в скорби и беды, Твою скорость в заступление окаянный призываю, рыдая. Темже, Пречистая, ускори изъяти мя, и спаси от всякия муки, яко да благословя воспеваю Твое Рождество.

И ныне: Древле Тя прозябший Ааронов жезл вообрази, Дево: Ты бо Единая родила еси прозябением без мужа, Небесный ныне дождь приемши во чреве. Тем веселящися, Тя, Богородицу, по долгу согласно вси поем, и превозносим во вся веки.

Песнь 9

Ирмос: Неизглаголанное Девы таинство: небо бо Сия, и престол херувимский, и светоносный чертог показася Христа Бога Вседержителя. Сию благочестно яко Богородицу величаем.

Преславно Девы таинство: Егоже бо не вместитиша вышенебесная величия, вмести во чреве. Темже сошедшися ублажаем Ю, и верно веселящися величаем.

Видяще Тя Едину, яко вышшую небес, Божию зарю, Нескверная, престол херувимский, и чертог, и одр свят, земний восхваляюще, Христа Бога нашего величаем: Егоже от чресл чистых родила еси.

Слава: Окрест мене скорби многи, и злы напасти ныне нападающе, болезни же и лютыя грехи в ров ввергоша. Темже Тя молю в горести души моея, Пресвятая Богородице, избавление обрести ми.

И ныне: Умири мир, Христе, мольбами Чистыя Богоотроковицы, низлагая вражью силу и тишину неизглаголанную нам устрояя, во веки сохрани.

Та́же: Дос́то́йно е́сть: Трисвято́е. И по́ Отче на́ш: конда́к гласа.
Го́споди поми́луй, 40. И моли́тва: И́же на всякое вре́мя: Го́споди поми́луй,
три́жды. Сла́ва, и ны́не: Честне́йшую херуви́м: И́менем Го́сподним
благослови́, отче. Та́же, моли́тва: Нескве́рная, небла́зная: и проче́е обы́чно,
и отпу́ст, и проще́ние.

Воскресенье

В неделю утра, начало полунощницы

Иерей: Благословен Бог наш: **И мы глаголем:** Аминь. Слава тебе, Боже наш, слава Тебе. Царю небесный: Трисвятое. Пресвятая Троице: Отче наш: **Иерей:** Яко твое есть Царство: Господи помилуй, 12. **Слава, и ныне:** Приидите поклонимся: **трижды.** Псалом 50. Помилуй мя Боже:

Таже, Канон ко святей и живоначальной троице, егоже краестрочие: Единого Тя пою трисолнечное естество.

Творение Митрофаново

Песнь 1

Ирмос: Твоя победительная десница боголепно в крепости прославися: та бо безсмертне, яко всемогущая, противныя сотре, израильтяном пути глубины новосоделавшая.

Припев: Пресвятая Троице Боже наш, слава Тебе.

Единого Триипостасное Начало, Серафими немолчно славят: безначальное, присущее, творительное всех, непостижимое, еже и всяк язык верно почитает песнями.

Да человеком единственное, трисиятельное Твое явиши Божество, создавый прежде человека, по твоему образу вообразил еси, ум ему, и слово и дух дав, яко Человеколюбец.

Слава: Свыше показуя единственную богоначальных в трех ипостасех державу, Отче, рекл еси равнодетельному Твоему Сыну, и Духу: приидите сошедше, языки их слияим.

И ныне, Богородичен: ум убо есть Нерожденный Отец, образно премудрыми предречеса, Слово же Собезначально, Соестественный Сын и Дух Святыи, иже в Деве Слова создавший воплощение.

Песнь 3

Ирмос: Единое ведый человеческого существа немощь, и милостивно не воображся, препояши мя с высоты силою, еже вопити Тебе, Святыи: одушевленный храм² неизреченныя славы Твоея, Человеколюбче.

Ты древле яве Аврааму яко явился еси триипостасный, единствен же естеством Божества, богословия истиннейшее образно явил еси: и верно поем Тя, единоначального Бога, и трисолнечного.

Из Тебе родивыйся боголепно нетленно, Отче, возсия свет от света, Сын неприменен, и Дух Божественный, свет изыде: единого Божества светлости триипостасней поклоняемся верно, и славим.

Слава: Единица Троица преестественне, неизреченно паче смысла, умными существы славится, трисвятыми гласы немолчную вопиющими

хвалу: и́миже со́гласно поётся и на́ми триипоста́сный Госпо́дь.

Богоро́дичен: Из Тебе́ вре́менне без се́мене произы́де вы́шшелётный, уподо́бивыйся на́м невиди́мый, и еди́ному естество́ и госпо́дству О́тчу научи́в, и Сыно́вню, и Духову, Богоро́дице: те́мже Тя сла́вим.

Господи, поми́луй, **трижды**

Седале́н, глас 1. Подобен: Грoб твой, Спа́се:

Отцу́ и Сы́ну поклони́мся вси́, и Ду́ху пра́вому и равноче́стну, сла́ва Тро́ице несозда́нней, и пребоже́ственной силе, ю́же сла́вят безплотных чинове: сию́ днесь и земноро́днии со страхом ве́рно восхва́лим.

Сла́ва, и ны́не, Богоро́дичен: Наста́ви ны́ на путь покая́ния, уклоня́ющыяся при́сно к безпу́тием зoл, и преблага́го прогне́вающыя Го́спода, неискусобра́чная благослове́нная Мари́е, прибежи́ще отча́янных челове́ков, Бо́жие пребыва́ние.

Песнь 4

Ирмо́с: Го́ру Тя благода́тию Бо́жиею приосене́нную, прозорли́выма Авваку́м усмотрив о́чима, из Тебе́ изы́ти Израилеву провозглаша́ше Свято́му, во спасе́ние на́ше и обновле́ние.

Возсия́й ми Богонача́лие трисо́лнечное, сия́ньми Твои́х богоде́тельных озаре́ний, в серде́чных очесе́х добро́те мечта́тся, е́же па́че ума́ богонача́льная Твоя́ све́тлости, и светоде́тельного и сла́дкаго прича́стия.

Пе́рвое небеса́ утверди́л еси́, Го́споди, и всю́ силу́ их словом Твои́м вседе́тельным, и Ду́хом уст соесте́ственным, с ними́же влады́чествуеши всяческими в трисия́тельне единонача́лии Боже́ства.

Сла́ва: Я́ко созда́л еси́ мя по о́бразу Твоему́ и подо́бию, Богонача́льная и вседе́тельная Тро́ице, неслия́нная Еди́нице, вразуми́, просвети́, во е́же творити волю́ Твою́ святу́ю, благу́ю в крепо́сти, и соверше́нную.

Богоро́дичен: Родила́ еси́ от Тро́ицы Еди́наго, Пречи́стая, Богонача́льнейша Сы́на, вопло́щшася нас ра́ди из Тебе́, озаря́юща земноро́дных, трисо́лнечнаго Боже́ства невече́рним све́том и сия́ньми.

Песнь 5

Ирмо́с: Просвети́вый сия́нием прише́ствия Твоего́, Христе́, и освети́вый Кресто́м Твои́м ми́ра концы́, серде́ца просвети́ све́том Твоего́ Богоразу́мия, правосла́вно пою́щих Тя.

Я́же пе́рвой а́нгельской непосредстве́нно у́твари, непристу́пными Твоя́ добро́ты луча́ми осия́ваемой бы́ти благоволи́вши, Твои́ми све́тлосты́ми просвети́, Тро́ице единонача́льственнейша́я, правосла́вно Тебе́ пою́щих.

Ны́не естество́, еди́нственное Богонача́лие трисо́лнечное, воспева́ет Тя. Е́же осуществовала́ еси́ за бла́гость, прегреше́ний избавле́ние и

напа́стей испро́шаючи, и бѣд и скорбѣй.

Сла́ва: Отца́, и Сына́, и Ду́ха Свята́го, Еди́но Есте́ство и Божество́ ве́рою сла́вим, де́лительное, неразде́льное, еди́наго Бо́га невидимья и видимья же твари.

Богоро́дичен: Рече́ния вся́ проро́ческая преднаписа́ша, Пречи́стая, Твое́ рождество́, неизрече́нное и неудобъ сказаемое, е́же мы позна́хом, тайноводительное еди́нственнаго и трисо́лнечнаго Божества́.

Пѣснь 6

Ирмо́с: Обы́де на́с послѣдняя́ бѣдна, не́сть избавля́й, вмени́хомся я́ко овцы́ заколе́ния, спаси́ люди́ Твоя́, Бо́же наш: Ты́ бо крѣпость немо́щствующих и исправле́ние.

Равноста́тную си́лу я́ко иму́щи, Трои́це пресу́щественная, в то́ждестве хотѣ́ния, Еди́ница еси́ проста́ и неразде́льна: Ты́ убо на́с си́лою Твоею́ соблюди́. [Два́жды.]

Сла́ва: Ты́ вся́ ве́ки хотѣ́нием Твои́м, я́ко блага́ составила́ еси́ от несу́щих, непости́жимая Трои́це, та́же и челове́ка создала́ еси́: но и ны́не от всяка́го избави́ мя обстоя́ния.

Богоро́дичен: Со́лнца незаходи́мага до́м была́ еси́, созда́шаго и в чину́ поста́вльшаго свети́ла вели́кая Всеси́льне, Пречи́стая Де́во Богоневѣ́стная: но и ны́не страсте́й мя изба́ви помраче́ния.

Господи́ помилуй, **три́жды**

Седа́лен, глас 1. Подобе́н: Грѣбъ Тво́й Спасе́:

Трои́це святе́й, и неразде́льному Есте́ству, в Трѣ́х Ли́цах секо́мей несече́но, и пребыва́ющей неразде́льной по существу́ Божества́, поклонимся́ земноро́дни со страхомъ, и сла́вим я́ко Творца́ и Влады́ку, Бо́га преблага́го.

Сла́ва, и ны́не, Богоро́дичен: Управи́, Чи́стая, окаянную́ мою́ ду́шу, и уще́дри ю́ от мно́жества прегреше́ний, во глубину́ поползшу́юся погѣбели, Всенепоро́чная, и в часъ мя стра́шный сме́ртный Ты́ исхити́ оглаго́люющихъ демоно́в, и всякия́ му́ки.

Пѣснь 7

Ирмо́с: Тебе́́ умную́, Богоро́дице, пе́щь рассмотре́ем ве́рнии: я́коже бо́ отро́ки спасе́ три́ Прево́зносимый, ми́р обнови́, во чре́ве Твое́м всеце́л, хвальны́й отцевъ́ Бо́г, и препросла́влен.

Слове́ Бо́жий, соестественное́ сия́ние Вседержи́теля Бо́га, я́коже обеща́л еси́ е́же у тебе́, богоде́тельное вселе́ние сотвори́, я́ко благоутро́бен, со Отце́м Твои́м и Ду́хом: и стра́шна бесо́м мя покажи́, и страсте́м. [Два́жды.]

Сла́ва: Да Твое́го́ благоутро́бия, Влады́ко, пока́жеша пучи́ну на́м,

Сы́на Твоего́ послав к нашему смире́нию, па́ки вообразил еси́ на пер́вую све́тлость, но и ны́не Божественным мя вразуми́ Духом.

Богородичен: Иже на херувимстем престо́ле носимый, и все́х Ца́рь, во чре́ве Твоем де́вственном всели́ся, Пречистая, все́х избавля́я от ислéния, яко Чело́веколюбец: но и ны́не Твоими мя молитвами сохрани́.

Пéснь 8

Ирмо́с: Чуда́ преестественнаго показá образ, огнеросная пещь дрéвле: о́гнь бо не опали ю́ныя дéти, Христо́во явля́я безсе́менное от Дéвы Божественное Рождество́. Тем воспева́юще воспойм: да благословит тва́рь вся Го́спода, и превозно́сит во вся ве́ки.

Ма́нием богоде́тельным, Го́споди все́х, Триипоста́сне и Вседержителю, небеса́ простёрл еси́ яко ко́жу: та́же и земли́ повесил еси́ глубину́, всемогуще́ю Твоею́ дланию́. Те́мже и рабы́ Твоя́ укрепí любóвию и ве́рою Твоею́, Чело́веколю́бче: да Тя сла́вим желанием во ве́ки.

Сла́ва: Просвети́ Богонача́льным све́том пою́щих Тя, Трисо́лнечный Све́те Ли́цы, еди́нственный же па́ки су́ществом, и к Твоим светода́тельным луча́м взирати́ присно: и́миже насы́щуся сла́вы Твоея́ сладкия, и светода́тельныя, и пребога́тыя: и превозно́шу Тя ве́рно во ве́ки.

Богородичен: Вознесе́ на небеса́, чело́веческое прие́м естество́ непрело́жне Сы́н Тво́й, Пречистая Богороди́це, превосхожде́нием бла́гости избавль дрéвняя тли. Ему́же благодарственнó воспева́ем: да благословит тва́рь вся Го́спода, и превозно́сит во вся ве́ки.

Пéснь 9

Ирмо́с: Образ чи́стаго рожде́ства Твоего́, огнепали́мая купина́ показá неопальная: и ны́не на нас напастей свирéпеющую угасити мо́лимся пещь, да Тя, Богороди́це, непреста́нно велича́ем.

Спаси́, Спасителю́ тва́ри, чувственны́я же и у́мныя рабы́ Твоя́ от вра́жия навета́ и озлобле́ния, Пресвята́я Трои́це Еди́носу́щная, и соблюда́й ста́до Твое́ вы́ну ненаветно. [Два́жды.]

Сла́ва: Да глубину́ неизчетную́ су́щественны́я пока́жеши Твоея́ бла́гости, дал еси́ нам обе́ты: трисо́лнечный, и еди́ноначальный Бо́же Всеси́льный, спасительны́я Твоим рабо́м, и́хже соверши́ти сподо́би.

Богородичен: Призри́ на наша мо́ления, и́же в три́ех Богонача́льных Ипоста́сах, еди́н сый Бог во и́стине ве́руемый: и пода́ждь Твоим рабо́м утешение́, молитвами Пречисты́я и препеты́я Богома́тере.

Посём припе́вы Григо́рия Синаита, глаго́лемы по тро́ичных канóнех по вся неде́ли: Достойно́ е́сть, яко́ воистинну́: **Писаны́ в конце́ кни́ги сея́. И прóчее полуно́щницы. И отпу́ст.**

На ўтрени по шестопа́салмии

Бо́г Госпо́дь, на гла́с 1 и глаго́лем тропа́рь воскресе́ный, два́жды, и Богоро́дичен еди́ножды, пи́саны на велице́й вече́рни. Та́же обы́чное стихосло́вие Псалти́ря.

По 1-м стихослови́и седа́льны воскресе́ны, гла́с 1:

Гро́б Тво́й Спа́се, во́ини стре́гущи, ме́ртвии от облиста́ния являша́гося а́нгела бы́ша, пропове́дающа́ жена́м Воскресе́ние. Тебе́ сла́вим тли́ потреби́теля, Тебе́ припада́ем воскресе́шему из гро́ба, и еди́ному Бо́гу нашему́.

Сти́х: Воскреси́, Го́споди Бо́же мо́й, да вознесе́тся рука́ Твоя́, не забуди́ убо́гих Твои́х до конца́.

Ко Кресту́ пригво́ждься во́лею Ще́дре, во гро́бе положен́ быв́ яко ме́ртв, Животода́вче, держа́ву сте́рл еси́, Си́льне, сме́ртию Твое́ю: Тебе́ бо вострепета́ша врати́цы адовы́, Ты́ совоздвигл еси́ от века́ умершья́, яко еди́н Человеколюбе́ц.

Сла́ва, и ны́не, Богоро́дичен: Ма́терь Тя́ Бо́жию свёмы вси́ Дёву войсти́нну, и по рождестве́ явля́ющуюся, иже лю́бовию прибега́ющей к Твое́й благо́сти: Тебе́ бо има́мы греше́нии предста́тельство, Тебе́ стяжа́хом в напа́стех спасе́ние, еди́ну всенепоро́чную.

По 2-м стихослови́и, седа́лен, гла́с 1.

Подобе́н: Ка́мени запечатану́:

Жены́ ко гро́бу приидо́ша ура́ншы, и а́нгельское явле́ние ви́девшы трепета́ху: гро́б облиста́ жизнь, чу́до уди́вляше́ я: Сего́ ради́ шедшы́ учени́ком пропове́даху воста́ние: ад плени́ Христо́с, яко еди́н кре́пок и си́лен, и истле́вшыя́ вся совоздвиге́, осужде́ния стра́х разруши́в Крестом́.

Сти́х: Испове́мся Тебе́, Го́споди, все́м се́рдцем мо́им, пове́м вся́ чудеса́ Твоя́.

На Кресте́ пригвозди́лся еси́ Животе́ все́х, и в ме́ртвых вмени́лся еси́ безсме́ртный Го́споди, воскресе́л еси́ тридне́вен Спа́се, совоздвиг Ада́ма от тле́ния. Сего́ ради́ си́лы небе́сныя вопия́ху Тебе́, Жизнода́вче Христе́: сла́ва Воскресе́нию Твое́му, сла́ва снизхожде́нию Твое́му, еди́не Человеколюбе́че.

Сла́ва, и ны́не, Богоро́дичен: Мари́е, честное́ Влады́ки прия́телище, воскреси́ ны́ па́дшыя́ в пропа́сть люта́го отча́яния, и прегреше́ний и скорбе́й, Ты́ бо еси́ грешным́ спасе́ние и помо́щь, и кре́пкое предста́тельство, и спаса́еши рабы́ Твоя́.

Та́же, Блаже́ни непоро́чни: Посе́м тропари́: А́нгельский собо́р: Та́же ектени́а ма́лая, и

Ипакои, глас 1:

Разбойничю покаяние рай ограде, плачь же мирносиц радость возвести, яко воскресл еси, Христе Боже, подай миру велию милость.

Степёны: антифон 1, глас 1, стихи повторяюще:

Внегда скорбети ми, услыши моя болезни, Господи, Тебе зову.

Пустынным непрестанное Божественное желание бывает, мира сущым суетнаго кроме³.

Слава: Святому Духу честь и слава, якоже Отцу подобает, купно же и Сыну, сего ради да поем Троице единосущавие.

И ныне, тойже.

Антифон 2:

На горы Твоих вознесл еси мя законов, добродетельми просвети, Боже, да пою Тя.

Десною Твоею рукою приим Ты слово, сохрани мя, соблюди, да не огонь мене опалит греховный.

Слава: Святым Духом всякая тварь обновляется, паки текущи на первое: равномощен бо есть Отцу и Слову.

И ныне, тойже.

Антифон 3:

О рекших мне, внидем во дворы Господни, возвеселися мой дух, срадуется сердце.

В дому Давидове страх велик: тамо бо престолом поставленным, судятся вся племена земная, и языцы.

Слава: Святому Духу, честь, поклонение, славу и державу, якоже Отцу достоит, и Сынови подобает приносить: единица бо есть Троица естеством, но не лица.

И ныне, тойже.

Прокимен, глас 1:

Ныне воскресну, глаголет Господь, положуся во спасение, не обвинюся о нем.

Стих: Слова Господня, слова чиста.

Всякое дыхание: **Евангелие утреннее рядовое.**

Воскресение Христово видевше, поклонимся Святому Господу Иисусу, единому безгрешному. Кресту Твоему поклоняемся, Христе, и святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите вси вернии, поклонимся Святому Христову Воскресению: се бо прииде крестом радость всему миру. Всегда благословяще Господа, поем Воскресение Его: распятие бо претерпев, смертью смерть разруши.

Псалом 50: Помилуй мя Боже:

Слава: Молитвами апостолов, Милостиве, очисти множества согрешений наших.

И ныне: Молитвами Богородицы, Милостиве, очисти множества согрешений наших.

Таже, глас 6: Помилуй мя Боже по велицей милости Твоей, и по множеству щедрот Твоих очисти беззаконие мое.

Посем стихира: Воскрес Иисус от гроба, якоже прорече, даде нам живот вечный и велию милость.

Спаси, Боже, люди твоя:

И возглас: Милостию и щедротами и человеколюбием:

Каноны: воскресный на 4: крестовоскресный на 3: и Богородичен на 3: Миней на 4. Аще же празднуется святой, на 6: крестовоскресный на 2, и Богородицы на 2.

Канон воскресный, глас 1.

Песнь 1

Ирмос: Твоя победительная десница Боголепно в крепости прославися: та бо Безсмертне, яко всемогущая, противныя сотре, Израильтяном путь глубины новосоделавшая.

Припев: Слава, Господи, святому Воскресению Твоему.

Тропарь: Иже рукама пречистыма от персти богодетельне исперва создав мя; руке распростерл еси на кресте, от земли взывая тленное мое тело, еже от Девы приял еси.

Умерщвление подъял еси мене ради, и душу смерти предал еси, иже вдохновением Божественным душу ми вложивый, и отрешив вечных уз, и совоскресив нетлением прославил еси.

Богородичен: Радуйся, благодати источнице, радуйся, лестнице, и двере небесная, радуйся, свещнице, и ручко золотая, и горю несекомая, яже Жизнодавца Христа миру рождшая.

Ин канон, крестовоскресный.

Песнь 1, глас тойже. Ирмос: Христос раждается:

Христос обожает мя воплощаяся, Христос мя возносит смиряяся, Христос безстрастна мя соделовает, стражда Жизнодавец естеством плоти. Темже воспеваю благодарственную песнь: яко прославися.

Христос возносит мя распинаемь, Христос совоскрешает мя умерщвляемь, Христос жизнь мне дарует. Темже с веселием рукама плещая, пою Спасителю победную песнь: яко прославися.

Богородичен: Бога Дево зачала еси, Христа же в девстве родила еси из Тебе Воплощася, Пречистая, Единого ипостасию Единородного, во двою

же существу познаваемого Сына: яко прославися.

Ин канон, пресвятей Богородице.

Песнь 1, глас тойже. Ирмос: Твоя победительная:

Кую Ти достойную песнь наше принесет неможение? точию обрадовательную, ейже нас Гавриил тайно научил есть: радуйся, Богородице Дево, Мати Невестная.

Приснодеве и Матери Царя вышних сил, от чистейша сердца вернии духовне возопиим: радуйся, Богородице Дево, Мати Невестная.

Безмерная бездна Твоего непостижимаго Рождества, Всечистая, верую несумненною убо чисте приносим Ти глаголюще: радуйся, Богородице Дево, Мати Невестная.

Таже минеи. Катавасия: Отверзу уста моя:

Песнь 3

Ирмос: Едине ведый человеческого существа немощь, и милостивно в не воображся, препояши мя с высоты силою, еже вопити Тебе, Святыи: одушевленный храм неизреченныя славы Твоея, Человеколюбче.

Бог Сый мне, Блаже, падшаго ущедрил еси, и снити ко мне благоволив, вознесл мя еси распятием, еже вопити тебе, Святыи: храм одушевленный неизреченныя Твоея славы, Человеколюбче ⁴.

Живот ипостасный Христе сый, в истлевша мя, яко Милосердый Бог оболкса, в персть смертную сошед Владыко, смертную державу разрушил еси, и мертв тридневен воскрес, в нетление мя облекл еси.

Богородичен: Бога зачещи во чреве Дево, Духом Пресвятым, пребыла еси неопалима, понеже Тя купина законоположнику Моисею, палимую нежегомо, яве предвозвести, огонь нестерпимый приемшую.

Ин, Ирмос: Прежде век от Отца:

Иже на свое рамо заблуждаемое овча вземшему, и низложившему древом его грех, Христу Богу возопиим: воздвигнувый рог наш, свят еси, Господи.

Возведшему Пастыря Великаго из ада Христа, и священноначалием Его апостолы яве языки упасшему, истиною и Божественным вернии Духом да послужим.

Иже от Девы воплотившемуся без семене волею Сыну, и рождшую по Рождестве, Божественною силою Чистую Деву сохраняему, иже над всеми Богу возопиим: свят еси, Господи.

Ин, Ирмос: Едине ведый:

Облак Тя легкий неложно, Дево, именуем, пророческим возследующе речением: прииде бо на Тебе Господь низложити египетския прелести рукотворения, и просветити сим служащя.

Тя́ запеча́танный войи́стинну лик проро́ческий исто́чник, и за́ключенную двéрь именовá, девства́ Твоего́, Все́петая, я́вственне зна́мения на́м пишу́ще: е́же сохранила еси́ и по рождестве́.

Ума́ пресу́щественна ви́дети, я́коже мо́щно, сподо́бься Гаври́ил, Де́во Всенепоро́чная, ра́достный Тебе́ глас принесе́, Слова́ зача́тие я́вственне возвеща́ющий, и неизрече́нное Рожде́ство пропове́дающий.

Песнь 4

Ирмо́с: Го́ру Тя́ благода́тию Бо́жиею приосене́нную, прозорли́выма Авваку́м усмотрив очима́, из Тебе́ изы́ти Израилеву́ провозглаша́ше Свято́му, во Спасе́ние на́ше и обновле́ние.

Кто́ сей Спа́с и́же из Едо́ма исходя́, вене́ц нося́ терно́вен, очервлё́нну ризу́ имый́, на древе́ вися́? Израилев е́сть Сей́ Святы́й, во Спасе́ние на́ше и обновле́ние.

Ви́дите, лю́дие непокори́вии, и устыди́тесь: Его́же бо́ я́ко злоде́я вы́ вознести́ на крест́ у Пила́та испроси́сте умо́вредне, сме́рти разрушив си́лу, боголе́пно воскресе́ из гроба́.

Богородичен: Дре́во Тя́, Де́во, жи́зни ве́мы: не бо́ снеди́ пло́д смертоно́сный челове́ком из Тебе́ прозябе́, но живота́ присносу́щнаго наслажде́ние, во Спасе́ние на́с, пою́щих Тя́.

И́н Ирмо́с: Же́зл из ко́рене Иессе́ова:

Кто́ Сей́ красе́н из Едо́ма, и Сего́ очервлё́ние ризно́е, от виногра́да восорска́, красе́н я́ко Бог, я́ко челове́к же, кро́вию плоти́ ризу́ очервлену́ нося́; Ему́же поём, ве́рнии: сла́ва си́ле Твое́й, Го́споди.

Христо́с бу́дущих бла́г я́влься Архиере́й, грех на́ш разори́л е́сть: и показав стра́нен пу́ть Своёю кро́вию, в лу́чшую и соверше́ннейшую вни́де ски́нию, Предте́ча на́ш во свя́тая.

Богородичен: Е́вин дре́вний до́лг испроси́ла еси́, Все́петая, у И́же на́с ра́ди я́вльшаго́ся но́ваго Ада́ма. Соеди́нив бо́ Себе́ чи́стым зача́тием плоть у́мную, одуше́вленную, из Тебе́ произы́де Христо́с, Еди́н во обою́ Госпо́дь.

И́н Ирмо́с: Го́ру Тя́ благода́тию:

Слы́ши чуде́с не́бо, и внуша́й земле́, я́ко Дщи́ перстна́го у́бо па́дшаго Ада́ма, Бо́гу нарече́на бы́сть, и Своёму́ Соде́телю Родите́льница, на Спасе́ние на́ше и обновле́ние.

Поём вели́кое и стра́шное Твоё́ та́инство, пре́мерных бо́ утай́вся чинонача́лий, на Тя́ И́же сый́ сни́де я́ко до́ждь на руно́, Все́петая, на Спасе́ние на́с, пою́щих Тя́.

Свя́тых Свята́я Богороди́це Все́петая, ча́яние язы́ков, и Спасе́ние ве́рных, из Тебе́ возсия́ Избави́тель и Жизнода́вец, и Госпо́дь: Его́же моли́ спастися ра́бом Твои́м.

Пѣснь 5

Ирмосъ: Просветивый сиянием пришествия Твоего, Христе, и осветивый Крестом Твоим мира концы, сердца просвети светом Твоего Богоразумия, православно поющих Тя.

Пастыря овцам великаго и Господа, иудеи древом крестным умертвиша: но Той яко овцы, мертвыя во аде погребенныя, державы смертныя избави.

Крестом Твоим мир благовестив, и проповедав пленным, Спасе мой, оставление, державу имущаго посрамил еси, Христе, нага, обнищавша показавый Божественным востанием Твоим.

Богородичен: Прошения верно просящих, Всепетая, не презри: но прими, и сия доношай Сыну Твоему, Пречистая, Богу Единому Благодетелю, Тебе бо Предстательницу стяжахом.

Ин Ирмосъ: Бог сый мира:

О богатство, и глубино премудрости Божия! Премудрью объемля Господь, от сих коварства избавил есть нас: пострадав бо волею немощию плотскою, Своею крепостию, животворяй мертвыя воскресил есть.

Бог сый соединяется плоти нас ради: и распинается, и умирает: погребается, и паки воскресает, и восходит светло с плотию Своею Христос ко Отцу: с Неюже придет, и спасет благочестно Тому служащия.

Богородичен: Святых Свята Дѣво Чистая, святых Святаго родила еси, всех освящающаго Христа Избавителя. Темже Тя, Царицу и Владычицу всех, яко Матерь Зиждителя тварей проповедем.

Ин Ирмосъ: Просветивый сиянием:

Веселятся небесныя силы зряще Тя: радуются с ними человек собрания: Рождеством бо Твоим совокупишася, Дѣво Богородице, еже достойно славим.

Да движатся вси языцы человечестии и мысли, к похвалѣ человеческого воистинну удобрення, Дѣва предстоит яве славящи, верою Тоя поющих чудеса.

Славится пение всепремудрых и похвала, Дѣве и Матери Божии приносимая: славы бо бысть Сия Храм Пребожественныя, Юже достойно славим.

Пѣснь 6

Ирмосъ: Обыде нас последняя бездна, несть избавляй, вменихомся яко овцы заколения, спаси люди Твоя, Боже наш: Ты бо крепость немощствующих и исправление.

Согрешением первозданнаго, Господи, люте уязвяхомся, раною же исцелихомся Твоею, еуже за ны уязвился еси, Христе: Ты бо крепость

немоощствующи́х и испра́вление.

Возвел ны еси́ из ада, Господи, кита убив всеядца, Всесильне, Твоею держа́вою низложив того́ силу: Ты бо Живот, и Свет еси́, и Воскресение.

Богородичен: Веселя́тся о Тебе́, Дево Пречистая, рода́ нашего праотцы, Едем восприемше Тобо́ю, его́же преступлением погубиша: Ты бо, Чистая, и пре́жде Рожде́ства, и по Рожде́стве еси́.

Ин Ирмос: Из утробы Ио́ну:

Ум сый безстрастен и невеществен, примешается Христос Бог человеческому уму, ходатайствующему Божественным естеством, плоти же дебелством, и всему мне непреложен весьма соедини́ся: да Спасение всему́ мне па́дшему пода́ст распина́емь.

Па́дает прельстився Ада́м, и запявыйся сокрушается⁵, наде́ждою оболган сый дре́вле обоже́ния: но воста́ет соедине́нием Слова́ обожа́емь, и страсти́ю безстрастие́ прие́млет, на престо́ле яко́ Сын сла́вится, седа́й со Отце́м же и Ду́хом.

Богородичен: Не́др не отсту́пль Безнача́льна Родите́ля, в не́драх Чисты́я Отрокови́цы водворя́ется, и быва́ет, иже пре́жде безма́терен, без отца́ воплоща́емый, иже правдо́ю Царству́яй Бог: Сего́ неродословен стра́шный род и неизрече́нен.

Ин Ирмос: Обы́де на́с:

Предстоя́т раболе́пне Рожде́ству Твоему́ чини́ небесни́и, дивя́щися досто́йно Твоему́ безсе́менному Рожде́ству, Присноде́во: ты́ бо чистая, и пре́жде Рожде́ства, и по Рожде́стве еси́.

Воплоти́ся пре́жде сый Безплоте́н, Сло́во из Тебе́, Пречистая, вся́ческая воле́ю творя́й, безтелесных во́инства приве́дый от небы́тия яко́ Всеси́лен.

Умерщвлён бы́сть вра́г живонóсным Твои́м пло́дом Богоблагодáтная: и попра́н бы́сть ад проя́вленне, и иже во у́зах свободи́хомся. Те́мже вопи́ю: страсти́ разруши́ сердца́ моего́.

Конда́к, глас 1: Подóбен: Егда́ приидеши́:

Воскресл еси́ яко́ Бог из гроба́ во сла́ве, и мир совоскресил еси́, и естество́ челове́ческое яко́ Бога́ воспева́ет Тя́, и сме́рть исче́зе: Ада́м же лику́ет, Влады́ко, Е́ва ны́не от у́з изба́вляема́ раду́ется зову́щи: Ты́ еси́, иже все́м пода́я Христе́ воскресе́ние.

И́кос: Воскресша́го тридне́вно воспой́м яко́ Бога́ Всесильна́, и врата́ а́дова стёрша́го, и я́же от ве́ка из гроба́ воздви́гша́го, миронóсицам явльша́гося, яко́же благоизво́лил е́сть, пре́жде сим е́же раду́йтесь, рекий: и апо́столом раду́сть возвеща́я, яко́ Еди́н Жизнода́вец. Те́мже ве́рою жены́ учени́ком зна́мения побе́ды благовествуют, и ад стене́т, и сме́рть рыда́ет:

ми́р же веселі́тся, и всѣ́ с нѣ́м радуются. Ты́ бо по́дал еси́, Христе́, все́м Воскресе́ние.

Пѣснь 7

Ирмо́с: Тебе́ умную, Богородице, пѣснь рассмотримъ вѣрнии: якоже бо о́троки спасе́ три Превозносимый, миръ обнови́ во чре́ве Твое́м всецѣ́л, хва́льный отце́в Бо́г, и препросла́влен.

Убо́яся земля́, сокры́ся со́лнце, и поме́рче свѣ́т, раздрáся церко́вная Божѣ́ственная завѣ́са, ка́мение же разсе́дися: на крестѣ́ бо виситъ Праведный, Хва́льный отце́в Бо́г, и препросла́влен.

Ты́ быв аки́ безпомощен, и уязвенъ в мѣ́ртвых волею́ насъ ра́ди превозносимый, вся́ свободилъ еси́, и держа́вную руко́ю совоскресилъ еси́, хва́льный отце́в Бо́г, и препросла́влен.

Богородичен: Радуйся, исто́чнице присноживы́я воды́, радуйся, раю́ пищный, радуйся, стено́ вѣрных. Радуйся Неискусобра́чная. Радуйся всемирная́ Радосте́, Ею́же намъ возсия́ Хва́льный отце́в Бо́г и препросла́влен.

И́н Ирмо́с: О́троцы́ благочѣ́стию:

Дре́вле убо́ прокля́та бысть земля́ Авелевою очервлени́вшись крѣ́вию, братоубийственной руко́ю: богото́чною же Твое́ю крѣ́вию благослови́ся окроплена́, и възгра́ющи вопи́ет: отце́в Бо́же, благословѣ́н еси́.

Да рыда́ют иудей́стии богопроти́внии лю́дие, дерзости́ уби́ения Христо́ва: язы́цы же да веселя́тся, и руко́ю да воспле́щут, и вопи́ют: отце́в Бо́же, благословѣ́н еси́.

Се́ мирно́сицамъ облиста́яй, вопи́яше́ А́нгел: Воскресе́ния Христо́ва прииди́те и ви́дите зна́менія, плащани́цу и грѣ́б, и возопи́йте: отце́в Бо́же, благословѣ́н еси́.

И́н Ирмо́с: Тебе́ умную:

Тя́, Богородице́, ле́ствицу́ Иа́ков проро́чески́ разумева́ет: Тобо́ю бо Превозносимый на земли́ яви́ся, и с челове́ки поживѣ́, яко́ благоволи́, Хва́льный отце́в Бо́г и Препросла́влен.

Радуйся́, Чи́стая, из Тебе́́ пройде́ Па́стырь, и́же во Ада́мову́ ко́жу обо́лкъся вои́стинну, Превозносимый, во все́го мя́ челове́ка, за благоутро́бие непости́жное: Хва́льный отце́в Бо́г и Препросла́влен.

Но́вый Ада́м от чи́стых кро́вей Твои́х Превѣ́чный Бо́г бы́сть вои́стинну, Его́же ны́не моли́, обетшавша́го мя́ обновити́ зовуща́: Хва́льный отце́в Бо́г и Препросла́влен.

Пѣснь 8

Ирмо́с: В пещи́ о́троцы́ Изра́илевы, якоже́ в горни́ле добро́тою благочѣ́стия, чи́стѣе́ злата́ блеща́хуся, глаго́люще: благослови́те вся́ дела́

Господня Господа, пойте и превозносите во вся веки.

Иже волею вся творяй, и претворяяй, обращаяй сень смертную в вечную жизнь, страстию Твоею, Слове Божий, Тебе непрестанно вся дела Господня Господа поим, и превозносим во вся веки.

Ты разорил еси сокрушение, Христе, и окаянство, во вратех и твердынях адовых, воскрес из гроба тридневен. Тебе непрестанно вся дела яко Господа поют, и превозносят во вся веки.

Богородичен: Яже без семене и преестеством от облистания Божественнаго Родшюю бисера многоценнаго Христа, воспойм глаголюще: благословите вся дела Господня Господа, пойте и превозносите Его во вся веки.

Ин Ирмос: Чуда преестествонаго:

Приидите, людие, поклонимся месту, на немже стоясте пречистей ноге, и на древе Божественней Христове длани животворящей простростесь, на Спасение всех человеков, и гроб животный обстояще, поим: да благословит тварь всякая Господа, и превозносит во вся веки.

Обличися богоубийц иудеов пребеззаконное оклеветание: Егоже бо лестца нарекоша, воста яко Силен, наругався безумным печатем. Темже радуящеся воспойм: да благословит тварь всякая Господа, и превозносит во вся веки.

Троицен: В трех священних богословяще и Едином Господстве славу серафими пречистии, со страхом раболепно Триипостасное славят Божество. С нимиже и мы благочествуяще воспойм: да благословит тварь всякая Господа, и превозносит во вся веки.

Ин Ирмос: В пещи отроцы Израилевы:

Чертог световидный, из негоже всех Владыка, яко Жених произыде Христос, воспойм вси вопиюще: вся дела Господня Господа пойте, и превозносите во вся веки.

Радуйся Престоле славный Божий, радуйся верных стено, Еюже сущым во тьме возсия свет Христос, Тебе блажащым, и вопиющим: вся дела Господня Господа пойте, и превозносите во вся веки.

Спасению виновнаго нам Господа родши, моли о всех вопиющих прилежно, Дево Всепетая: благословите вся дела Господня Господа, пойте и превозносите во вся веки.

Таже поем песнь Богородицы: Величит душа моя Господа: **С припевом:** Честнейшую херувим:

Песнь 9

Ирмос: Образ чистаго рождества Твоего, огнепалимая купина показала неопальная: и ныне на нас напастей свирепующую угасити молимся пещь,

да Тя Богородице непрестанно величаем.

О како, людие беззаконнии и непокоривии, лукавая совещавше, гордаго и нечестиваго оправдиша: Праведнаго же на древе осудиша Господа славы, Егоже достойно величаем!

Спасе Агнче Непорочне, иже мира грехи вземый, тебе славим воскресшаго тридневно, со Отцем и Божественным Твоим Духом, и Господа славы: егоже богословяще, величаем.

Богородичен: Спаси люди Твоя, Господи, ихже стяжал еси честною Твоею кровию, церквам Твоим подавая мир, Человеколюбче, Богородицы молитвами.

Ин Ирмос: Таинство странное:

Прославися неизреченною силою Твоею крест Твой, Господи, немощное бо Твое паче силы всем явися: имже сильнии убо низложены быша на землю, и нищии к небеси возводими бывают.

Умертвися мерзкая наша смерть, из мертвых Воскресением: Ты бо явися сущим во аде, Христе, живот даровал еси^б. Темже Тя яко жизнь и воскресение и свет Ипостасный поюще величаем.

Троицен: Безначальное естество и Непредельное, в Трех познавается Единстве, Богоначальных Ипостасех Единое Божество, во Отце, и Сыне, и Духе: на Неже богомудрии людие уповающе, спасаемся.

Ин Ирмос: Образ чистаго:

Из корене Давидова прозябла еси пророческаго Дево, и богоотеческаго: но и Давида яко воистинну Ты прославила еси, яко рождши пророчествованнаго Господа славы: Егоже достойно величаем.

Всяк похвальный, Пречистая, закон побеждается величием славы Твоея. Но, о Владычице, от раб Твоих недостойных, от любви Тебе приносимое прими, Богородице, со усердием пение похвальное.

О паче ума чудес твоих! Ты бо, Дево, едина паче солнца, всем дала еси разумети новейшее чудо, Всечистая, Твоего Рождества непостижимаго. Темже Тя вси величаем.

По катавасии ектенія малая. Таже, Свят Господь Бог наш: трижды. ексапостиларий утренний.

На хвалитех стихиры воскресны, глас 1:

Стих: Сотворити в них суд написан: слава сия будет всем преподобным Его.

Поём Твою, Христе, спасительную страсть, и славим Твое Воскресение.

Стих: Хвалите Бога во святых Его, хвалите Его во утверждении силы Его.

Крѣст претерпѣвый, и смѣрть упразднѣвый, и воскресѣый из мѣртвых, умири нашу жизнь Господи, яко един Всесилен.

Стих: Хвалите Его на силах Его, хвалите Его по множеству величества Его.

Ада пленѣвый, и человека воскресѣвый, Воскресѣнием Твоим, Христѣ, сподоби нас чистым сердцем Тебѣ пѣти и славити.

Стих: Хвалите Его во гласе трубнем: хвалите Его во псалтири и гуслех.

Боголѣпное Твое снисхождѣние славяще, поем Тя, Христѣ. Родился еси от Дѣвы, и не разлучен был еси от Отца, пострадал еси яко человек, и волю претерпел еси Крѣст, воскресл еси от гроба, яко от чертога произшед да спасеши мир, Господи, слава Тебѣ.

Ины стихиры, Анатолиевы, глас тойже:

Стих: Хвалите Его в тимпане и лице, хвалите Его во струнах и органе.

Егда пригвоздился еси на древе крестнем, тогда умертвися держава вражия: тварь поколебася страхом Твоим: и ад пленен бысть державою Твоею: мѣртвыя от гроб воскресил еси, и разбойнику рай отверзл еси: Христѣ Боже наш, слава Тебѣ.

Стих: Хвалите Его в кимвалех dobroгласных, хвалите Его в кимвалех восклицанія: всякое дыханіе да хвалит Господа.

Рыдающа со тщанием гроба Твоего дошедша честныя жены, обрѣтша же гроб отверст, и увѣдевша от Ангела новое и преславное чудо, возвестиша апостолом: яко воскресе Господь, даруяй миру велию милость.

Стих: Воскресни, Господи Боже мой, да вознесѣтся рука Твоя, не забуди убогих Твоих до конца.

Страстей Твоих Божественным язвам покланяемся, Христѣ Боже, и еже в Сионе владычному священнодѣйствию, на конецъ веков богоявленне бывшему: ибо во тмѣ спящья, Солнце просвети правды, к невечернему наставляя сиянію: Господи, слава Тебѣ.

Стих: Исповѣмся Тебѣ, Господи, всемъ сердцемъ моимъ, повѣмъ вся чудеса Твоя.

Любомятежный рѣде еврейскій внушите, гдѣ сѣуть, иже к Пилату пришедши: да рекутъ стрегущи воины: гдѣ сѣуть печати гробныя? гдѣ предложенъ бысть Погребенный? гдѣ проданъ бысть Непроданный? како украдено бысть Сокровище? что оклеветуете Спасово востаніе пребеззаконіи иудей? Воскресе иже в мѣртвыхъ свободь, и подаѣтъ миру велию милость.

Слава, стихира евангельская утрення

И ны́не: Преблагословенна еси́, Богородице Де́во, Вопло́щшим бо ся из Тебе́ ад пленя́ся, Ада́м воззва́ся, клятва потреби́ся, Е́ва свободи́ся, сме́рть умертви́ся, и мы́ ожи́хом, те́м воспева́юще вопие́м: благослове́н Христо́с Бо́г благоволи́вый тако́, сла́ва Тебе́.

Славосло́вие вели́кое. Та́же, тропа́рь воскресе́н:

Дне́сь Спасе́ние ми́ру бы́сть, поём Воскресе́шему из гроба́, и Нача́льнику жи́зни на́шея: разруши́в бо сме́ртию сме́рть, побе́ду даде́ нам, и ве́лию милость.

И отпу́ст

На литургии изобразительная, блаженна, глас 1:

Снедию изведе из райа враг Адама: Крестом же разбойника введе Христос вонь, помяни мя, зовуща, егда приидеши во Царствии Твоем.

Стих: Блажени чистии сердцем, яко тии Бога узрят.

Покланяюся страстем Твоим, славословлю и Воскресение со Адамом и разбойником, со гласом светлым вопию Ти: помяни мя, Господи, егда приидеши во Царствии Твоем.

Стих: Блажени миротворцы, яко тии сынове Божии нарекутся.

Распялся еси безгрешне, и во гробе положился еси волею: но воскресл еси яко Бог, совоздвигнувший себе Адама, помяни мя, зовуща, егда приидеши во Царствии Твоем.

Стих: Блажени изгнани правды ради, яко тех есть Царство Небесное.

Храм Твой телесный тридневным Воскресивый погребением, со Адамом, и иже о Адама, воскресил еси Христе Боже: помяни нас зовущих, егда приидеши во Царствии Твоем.

Стих: Блажени есте, егда поносят вам, и ижденут, и рекут всяк зол глагол на вы лжуще Мене ради.

Мироносицы приидоша плачуща, на гроб Твой Христе Боже, зело рано: и в белых ризах обретоша Ангела сидяща, что ищите? зовуща. Воскресе Христос, не рыдайте прочее.

Стих: Радуйтесь и веселитесь, яко мзда ваша многа на небесех.

Апостоли Твой, Господи, на гору, аможе повелел еси им, пришедше, Спасе, и Тя видевше поклонившася, ихже и послал еси во языки учить и крестить я.

Слава, троицен: Отцу поклонимся, и Сына славословим и Пресвятаго Духа вкупе воспойм, зовуще и глаголюще: Всесвятая Троице, спаси всех нас.

И ныне: Матерь Твою приводят Ти в молитву, людие Твой, Христе: мольбами Ея щедроты Твоя даждь нам, Благий, да Тя прославляем, из гроба нам возсиявшего.

Прокимен, глас 1: Буди, Господи, милость Твоя на нас, якоже уповахом на Тя.

Стих: Радуйтесь праведнии о Господе, правым подобает похвала.

Аллилуиа: Бог даый отмщение мне, и покоривый люди под мя.

Стих: Величай спасения царева, и творяй милость Христу своему Давиду, и семени его до века.

В Неделю вечера

на Господи возвах, стихиры умильтельны Владычны. Глас 1

Подобен: Прехвальнии мученицы:

Стих: Аще беззакония назриши, Господи, Господи, кто постоит; яко у тебе очищение есть.

Вся привел еси Твоим Словом и Духом, за благодать, Господи, таже сотворил еси словесное мя животное, да Твое святое славлю всесильное Имя. Аз же наипаче студными моими делы всегда безчествую: но пощади, молюся.

Стих: Имене ради Твоего потерпех Тя, Господи, потерпе душа моя в Слово Твое, упова душа моя на Господа.

Познай твоё, окаянная душе, божественное благородие, и отечество нетленное, и тщиися всегда благодеяньми сие достигати: ничтоже от тленных да пленит тя, горния части еси, тело же земля и тлеется, да не победит худшее лучшия.

Стих: От стражи утренния до нощи, от стражи утренния, да уповает Израиль на Господа.

Гряди, всеокаяная душе моя, ко Преплагому, тёплыми слезами приступи, содеянная тобою прежде суда твоего вся исповедуй, и милостива создателя, окаянная, себе содейлай, и прощение испроси, прежде даже двери не заключит тебе Господь.

Ины стихиры, безплотным, подобен тойже:

Стих: Яко у Господа милость, и многое у Него избавление: и Той избавит Израиля от всех беззаконий его.

Безплотнии ангели, Божию Престолу предстоящи, и отонудными светлостьми облистываемы, и светолитии вечно сияюще, и свети бывающе втории, Христу молитесь, даровати душам нашим мир и велию милость.

Стих: Хвалите Господа вси языцы, похвалите Его вси людие.

Безсмертнии ангели, живот воистинну негиблемый, от Перваго приемше Живота всебогатии, присносущныя славы, и святии зрителие премудрости вечныя бысте, света исполняеми, и свещи сообрацаеми прилично показуеми.

Стих: Яко утвердися милость Его на нас, и истина Господня пребывает во век.

Архангели, ангели, начала, престолы, господствия, серафими шестокрилатии, и многоочитии херувими Божественнии, премудрости органи: силы, власти Божественнейшии, Христови молитесь, даровати

душам нашим мир и велию милость.

Слава, и ныне, Богородичен: Мари́е Непоро́чная, и ума́ всякаго превосходя́щая, чистей́шая колесни́ца, обдержима́ мя мно́гими грехми́ и стесня́ема, к широте́ покая́ния направи́ мя все́ильнейшим Твои́м предста́тельством: и́бо мо́жешь я́ко Ма́ти вся Могу́щаго.

Та́же, Све́те тихи́й: Посём проки́мен: Се́ ныне благослови́те Го́спода вси ра́бы Го́сподни: **Сти́х:** Стоя́щи в хра́ме Го́сподни, во дво́рех до́му Бо́га на́шего. **Та́же, Сподоби́ Го́споди: И ектениа́.**

Та́же на стиховне стихи́ры умили́тельны. Гла́с 1:

Я́ко пучи́на мно́га прегреше́ний мои́х, Спа́се, и лю́те погружа́юся согреше́ньми мои́ми, да́ждь ми́ ру́ку я́ко Петро́ви, спаси́ мя, Бо́же, и помилуй́ мя.

Сти́х: К Тебе́ возведо́х о́чи мои́, живу́щему на небеси́. Се́ я́ко о́чи ра́б в ру́ку господа́й свои́х, я́ко о́чи рабы́ни в ру́ку госпо́жи свое́я: та́ко о́чи на́ши ко Го́споду Бо́гу на́шему, до́ндеже уще́дрит ны́.

Я́ко в помышле́ниях лука́вых и в де́лах осуди́хся, Спа́се, мы́сль мне́ да́руй обра́щения, Бо́же, да зову́ Ти: спаси́ мя, Благоде́телю Благо́й, и помилуй́ мя.

Сти́х: Помилуй́ нас, Го́споди, помилуй́ нас, я́ко по мно́гу испо́лнимомся уничи́жения: наипа́че напо́лнися ду́ша на́ша поноше́ния гобзую́щих и уничи́жения го́рдых.

Моли́твами, Го́споди, все́х святы́х и Богороди́цы, мир тво́й да́ждь на́м, и помилуй́ нас, я́ко Еди́н Ще́др.

Слава, и ныне, Богородичен: Небе́сных чино́в ра́дование, на земли́ челове́ков кре́пкое предста́тельство, Пречи́стая Де́во, спаси́ ны, и́же к Тебе́ прибега́ющыя: я́ко на Тя упова́ние по Бо́зе, Богороди́це, возложихом.

Та́же: Ны́не отпу́щаеши: Трисвято́е: По Отче́ наш: Тропа́рь свято́му. Сла́ва: и ны́не, Богородичный тропа́рь. Посём ектениа́. И отпу́ст.

В Неделю на повечерии

глаголет иерей: Благословен Бог наш: **Мы же:** Аминь. Слава Тебе Боже наш, слава Тебе. Царю Небесный: **И прочее обычно.**

Таже: Канон молебный пресвятей Богородице, глас 1.

Песнь 1

Ирмос: Твоя победительная десница, боголепно в крепости прославися: та бо безсмертна, яко всемогущая, противныя сотре, израильтяном путь глубины новосоделавшая.

Неизглаголанно зачала еси Бога, и паче естества родила еси, Владычице Пречистая, земныя от прегрешений изменшаго. Темже молю Тя: многих мя прегрешений избави.

Пучиною погружаемь, бедами грехов неизчетных, и скорбей, но окормлением Твоим сильным, и молитвою, Всенепорочная, к тишине Божественней покаяния направи.

Слава: Всея моей жизни Предстательнице, от бед многих избави мя, да благодарственный глас воспеваю Ти, Богородице Чистая, и будущия мя исхити муки.

И ныне: Обстоятельная нахождения, и напастей бурю утоли, Мати Всенепорочная, Избавителя и Зиждителя и Бога нашего, благодать спасения и очищения ми подающи.

Песнь 3

Ирмос: Едины ведый человеческого существа немощь, и милостивно в не воображся, препояши мя с высоты силою, еже вопити Тебе, Святыи: Одушевленный Храме неизреченныя славы Твоея, Человеколюбче.

Видение зрака Твоего Чистаго, ангелом убо сладостно, человеком же есть спасительно, духовом же лукавствия страшно: еже верою почитающе и целующе, Богородице, душу просвещаем.

Кровьми из Тебе Девческими, плоть Свою обложи Содетель и Господь: Егоже моли, Всенепорочная, растлевша мя безместными деяньми, ущедрити за неизреченную милость.

Слава: Жизни стяжав Тя Хранительницу, и стену небориму, и по кончине покров Тя обрести, и Заступницу непобедиму, к Богу вводящу, и живот подающе вечный, и славу, Пренепорочная.

И ныне: Зачатие безсеменно Чистая, и Рождество нетленно: Бог бо бы яве рождется, человеческого естества падение призывая. Темже Богородицу Тя истинную и сущую воспеваем.

Песнь 4

Ирмос: Гору Тя благодатию Божиею приосененную, прозорливыма Аввакум усмотрив очима, из Тебе изыти Израилеву провозглашаше святому, во спасение наше и обновление.

Неудержанное стремление к злу влечёт мя, действием врага, и обычаем лукавым: помози ми, Владычице, да не до конца всепагубный нападёт на мя, смертию возбраняя ми к покаянию.

Все время живота моего иждих в блудех злых, и язвах лютых, и ныне ведут смиренную душу мою сих делатели: Богородительнице Дево, помози ми.

Слава: услыши глас мой болезненный Всенепорочная, иже из глубины души привношаю стенаньями, и разрешение подаждь ми долгов, иже содеях окаянный мыслию, и нравом несмысленным.

И ныне: Владычице мира, Богородице, помози ми, прелукавый враг поглощает мя зельне лютыми воспоминаниями и помышлениями, яже от Бога мя разлучают. Не остави убо мене, ниже презри.

Песнь 5

Ирмос: Просветивый сиянием пришествия Твоего, Христе, и осветивый крестом Твоим мира концы, сердца просвети светом Твоего богоразумия, православно поющих Тя.

Се готову ко спасению помощь стяжах, сего ради Тебе припадаю, и зову со слезами: Богородице, избави мя от стрел чуждаго, и будущего истязания.

Ты крепость моя, Ты похвала и радование, и Хранительница ми еси, и заступление, и прибежище, и Предстательница Непобедима, Пресвятая Богородице Дево. Темже спаси раба Твоего.

Слава: Оскверняющуюся окаянную мою душу страстьми, окроплением Божественных Твоей молитвы очисти, Богородице Пречистая, подающи спасения Твоего светлую одежду.

И ныне: В жизни моей твердое ми окормление еси, треволения избавляющи многих обстояний, и во исходе моем, молю Тя, предстани ми спасающи, Мати Христа Бога.

Песнь 6

Ирмос: Обыде нас последняя бездна, несть избавляяй, вменихомся яко овцы заколения, спаси люди Твоя, Боже наш: Ты бо крепость немощствующих и исправление.

Безвестная Богородительнице Пречистая, руку Твою простри ми, и исхити из глубины зол, яже безумием исходатаих моей души страстней преокаянный.

Востани, Чистая, на помощь рабу Твоему, имущему надежду свою с

Бо́гом, к Твоему́ заступле́нию непобеди́мому: да не вра́г возмо́г, во́змет и погуби́т мя.

Сла́ва: Боля́щих Целите́льницу, па́дающих воста́ние, согреша́ющих очище́ние, Богоро́дице, Тебе́ молю́, со слеза́ми припа́даю, и зову́ Ти: яко Си́льна, Сама́ мя спаси́ погиба́ющаго.

И ны́не: Помилуй, Чи́стая, смиренную́ мою́ ду́шу, предвари́ и восхити́, изъёмлющи́ ю от лука́ваго: тщи́тся бо в пропа́сть послати́ ю злых ра́ди, яже ле́ность мно́гая соде́ла.

Та́же, Го́споди, помилуй, три́жды. Сла́ва: и ны́не:

Седа́лен, глас 1. Подобе́н: Грoб твой, Спа́се:

Моли́твенницу ко Го́споду стяжа́хом Тя вси́, Чи́стая, и притека́ем в Це́рковь Твою́ Святу́ю, прося́ще по́мощи от Тебе́, Присноде́во: изба́ви убо нас от бесовския́ злобы́ и муче́ния, и осужде́ния страшна́го, Тя блажа́щья.

Пе́снь 7

Ирмо́с: Тебе́ умную́, Богоро́дице, пе́щь рассмотре́ем ве́рнии: якоже бо о́троки спасе́ три Превозносимый, мир обнови́, во чре́ве Твоем Всецeл, хвальный о́тцев Бо́г, и препросла́влен.

Божество́нная ски́ния, Влады́це, была́ еси́, яко заче́нши во чре́ве, и ро́ждши Сего́ плоти́ю, Еди́на Непоро́чная. Те́мже нас изба́ви страсте́й, и боле́зней, и скорбе́й, и долго́в: и́бо имаши кре́пость и си́лу мно́гу.

Устави́ Чи́стая, боле́знь нестерпиму́ю, преокая́нныя моея́ души́, ра́дость ми́ и́стинную, Влады́чице, подаю́щи, реша́щи прегреше́ний моих мно́гих му́тную волну́: Ты бо ми́ еси́ прибе́жище и изба́вление.

Сла́ва: Все́ на Тя упова́ние положи́х спасе́ния моего́: Тя бо стяжа́х по́мощь, и непобори́мь сто́лп, и утвержде́ние, и твёрдости́ извеще́ние, и Тобо́ю Ца́рство получи́ти надею́ся, Влады́чице.

И ны́не: Восток Со́лнца была́ еси́ сла́вы, Влады́чице Чи́стая: Тобо́ю бо Явле́йся, вся́ свободи́ тьмы́ и неведе́ния, и смра́дных прегреше́ний. Те́мже вопию́ Ти: ве́нешния мя тьмы́ свободи́.

Пе́снь 8

Ирмо́с: В пе́щи о́троцы Изра́илевы, якоже в горни́ле добро́тою благо́честия, чи́стее́ злата́ блеща́хуся, глаго́люще: благослови́те вся́ дела́ Госпо́дня Го́спода, по́йте и превозноси́те во вся́ веки́.

Страсте́й смуще́ние лю́те оскорбля́ет ду́шу мою́, Богоро́дице: ти́шины же и мира́ яже Виновника́, Чи́стая, и Подате́ля ро́ждши, в мирне́м устроении́ соблюдаю́щи, тихостны́я мя испо́лни ра́дости и весе́лия.

Спасе́ния Ходата́ица на́м явила́ся еси́, Богоро́дице, ро́ждшая Спа́са и Влады́ку вся́ческих. Те́мже молю́ Тя: спасе́ния сподоби́ смиренную́ мою́ ду́шу, песносло́вити Тя ве́рно во вся́ веки́.

Слава: Яже Зиждителя всех и Бога неизглаголанно зачѣнши, спаси мя от тли, и всякаго искушения, и давай вопити присно: благословите вся дела Господа, пойте и превозносите Его во веки.

И ныне: Всяческих Зиждителя и Бога родила еси, Дево, Егоже моли, даровати прегрешений очищение, и скорбей избавление и напастей, и вечнаго огня, и осуждения, славословящим непрестанно Твою славу.

Пѣснь 9

Ирмос: Образ чистаго Рождества Твоего, огнепалимая купина показа неопальная: и ныне на нас напастей свирепеющую угасити молимся пещь, да Тя, Богородице, непрестанно величаем.

Мати Божия Всенепорочная, милостивную Твою утробу мне отверзи, и от уст мысленнаго волка избави мя, ищущаго погубити и растлити мя: помилуй, молю Тя, не возврати мене посрамлена раба Твоего.

Всея моея жизни буди Предстательница, и твердое заступление. И избави мя, Всечистая, многих напастей и печалей, и врагов языкоболія, но и огня вечнаго избави мя.

Слава: Единая болящих посещение: Единая падших исправление, Владычице: Единая к Богу Руководительница и вход: Единая Ходатаица вечных благ, помилуй мя единого, паче всех согрешившаго.

И ныне: Приими мою слезную ныне молитву, и подаждь ми оставление согрешений, и многих злых, яже содеях, Богородице, Всепетая Владычице: до конца бо погибаю от безмернаго отчаяния.

Таже, Достойно есть: и прочее обычно, и отпуст

Понедельник

В понедельник утра

по 1-м стихословии, седальны умилительны. Глас 1:

В беззаконіих зачат есмь аз блудный, не смею взирати на высоту небесную. Но дерзая на человеколюбие Твое зову: Боже, очисти мя и спаси мя.

Стих: Господи, да не яростию Твоею обличиши мене, ниже гневом Твоим накажеш мене.

Аще праведник едва спасается, аз где явлюся грешный? тяготы и зноя дневнаго не понесох: но с наемники едионадесятаго часа сопричти мя Боже, и спаси мя.

Слава, и ныне, Богородичен: Пречистая Богородице, яже на небесех благословенная, и на земли славословимая: радуйся невесто невестная.

По 2-м стихословию седальны. Глас 1.

Подобен: Гроб Твой Спасе:

Объятия Отча отверсти ми потщися, блудне иждих мое житие, на богатство неизживаемое взираяй щедрот Твоих Спасе, ныне обнищавшее мое сердце не презри. Тебе бо господи во умилении зову: согреших Ти, спаси мя.

Стих: Господи, да не яростию Твоею обличиши мене, ниже гневом Твоим накажеш мене.

Судище Твое страшно, и суд праведен, дела моя люта: но Ты Милостиве, предварив мя спаси, и муки свободи, и избави Владыко щуйх части, и сподоби одесную Тебе стати Судие Праведнейший.

Таже мученичен:

Стих: Дивен Бог во святых Своих, Бог Израилев.

Страдания похвалою, венцев достоинством, славнии страстотерпцы одеяшася Тобою Господи: терпением бо ран, беззаконных победиша, и силою Божественною с Небес победу прияша. Тех молитвами и мене свободи от невидимаго врага Спасе, и спаси мя.

Слава, и ныне, Богородичен: Управи Чистая, окаянную мою душу, и уцедри ю от множества прегрешений, во глубину поползшуюся погибели, Всенепорочная, и в час мя страшный смертный Ты исхити оглаголюющих демонов, и всякия муки.

Ины седальны, егда стихословится 3-я кафисма. Глас 1

Подобен: Гроб Твой Спасе:

Безумно от Тебе удалився Всещедре, блудно мое иждих житие, работаяй страстем безсловесным всегда: но прими мя ангелов молитвами

Отче благоутрѣбне, якоже блуднаго отрока, и спаси мя.

Слава, и ныне, Богородичен: Невещественных воинств преимушая Отроковице, и чины небесныя превосходящая единая, достойную похвалу от них приемлещи Всечистая: но моли Сына Твоего со Ангелы, еже избавитися мне от страстей мучительства, Единому осужденному.

Канон умилительный, егоже краестрочие: Прегрешений моих скверну омый слове. **Творение господина Иосифа. Глас 1.**

Песнь 1

Ирмос: Твоя победительная десница боголепно в крепости прославися: та бо безсмертне, яко всемогущая противныя сотре, израильтяном путь глубины новосоделававшая.

Грехов моих множество, по множеству Христе милости Твоея, молюся Ти, потреби, и помышление обращения ми даруй: яко да Твою славлю яже паче ума благостыню.

Явился еси за милосердие щедрот, на земли воплощаемь Человек: темже паче человека Слове Божий, согрешивша прими мя ныне покаянием к щедротам Твоим припадающаго.

Таже мученичны: Умерщвление подражавше, Христа волею пострадавшаго, всехвальнии, и смерть, страсти претерпесте многовидныя и смерть, приснославнии. Темже безсмертное житие улучисте, мученицы.

Мученичен: Огнь любви Божественныя преславно внутрь носяще мученицы, огня не убоястеся: но теплыми болезней преспянии многобожия вещество всякое попалисте.

Богородичен: Чинове безплотных с нами воспевают Тя Дево Всепетая: необъемнаго бо во чреве Твоем воплощенна родила еси, пребывши дева якоже и прежде рождества, Богоневесто.

Другий канон безплотным, егоже краестрочие: Первое Ангелом пение. **Творение господина Феофана. Глас 1.**

Песнь 1

Ирмос тойже

Престолу предстояще светло владычнему всесвятии Ангели, Отцу собезначальна, и Того великаго совета Ангела, слово ми вдохнути вас поющу, молитесь. **[Дважды.]**

Зерцала света богоначальна, и трисолнечныя свещи сияние в себе приемлющья, по елику постижно, ангельския чины первее умыслив, ум Божественный состави.

Богородичен: Украшей яко Бог чиноначалия вышних сил, во утробу неискусобрачную, Серафимов вышшу, вселися Твою Богородице, и плоть непременна бысть.

Пѣснь 3

Ирмосъ: Еди́не ве́дый чело́вческаго су́щества не́мощь, и ми́лостивно в не́ вообра́жся, препоя́ши мя с вы́соты си́лою, е́же вопи́ти Тебе́, Святы́й: одушевле́нный хра́ме (свят одушевле́нный хра́м) неизрече́нная сла́вы твоея́ чело́веколю́бче.

Возни́кни, гряди́, о ду́ше! И возопи́й Созда́телю Твоему́, та́йная твоя́ вся Ве́дущему, и пока́яния пло́ды пока́жи: я́ко да поми́луе тѧ Ще́дрый Госпо́дь, и огня́ ве́чнаго изба́вит.

Очи́сти Еди́не Бла́же, очи́сти и спаси́ мя, я́ко мы́тарь со стра́хом зову́ Ти: мно́жеством греховъ влекийся, и прекло́няеъ е́смь тя́готою прегреше́ний, и студа́ безме́рнаго исполня́йся.

Мученичен: Му́дростию и ра́зумом и́стинным му́ченицы исполня́еми, е́ллинскую му́дрость обуи́ша, му́дростную же зло́бу погуби́ша, и кре́пко пострада́вше, досто́йне восприя́ша побе́ды венцы́, раду́ющесея.

Мученичен: Еди́ницу убо естество́м, страда́льцы, Трои́цу же ли́цы испове́дающе, преле́сть многобо́жную Боже́ственною ве́рою потреби́сте, и свети́льницы явистесея, все́х озаря́юще серде́ца луча́ми благода́тными.

Богородичен: Свята́я Богоневе́сто Чистая, свято́ породила́ еси́, во святы́х почи́вающаго, Сы́на и Сло́ва Отцу́ собезнача́льнаго, освяща́ющаго о святе́м ду́се, иже Того́ благоче́стно освяща́ющыя.

И́н Ирмосъ тойже

Свету́ богоде́тельному Серафи́ми несре́дственно прибли́жающеся, и многогубо́ им насыща́еми, перво́датными я́ве сия́ньми перводе́льно све́тятся, и я́ко свети́ втори́и бы́вають, Боже́ством обожа́еми. [Два́жды.]

Ангельския́ све́тлости пе́ти усер́дно жела́юще, я́же те́ми от Бо́га по́мощь пода́емую, ве́рнии проси́м ума́ чистото́ю, и пречи́стыми усты́, и да полу́чим сих сия́ние.

Богородичен: Ума́ пресу́щественнаго ви́дети сподобля́еми, я́ко ле́по, Гаври́ил Де́во Всенепоро́чная, ра́дованен гла́с принесе́ Тебе́, словесе́ зачатие́ я́ве возвеща́я Ти, и неизрече́нное ро́ждество́ пропове́дая Твое́.

Пѣснь 4

Ирмосъ: Го́ру Тя́ благода́тию Бо́жиею приосене́нную, прозорли́выма Авваку́м усмотри́в очима́, из Тебе́ изы́ти Изра́илеву́ провозгла́шаше свято́му, во спасе́ние наше́ и обновле́ние.

Ко́му тѧ, ду́ше моя́ ока́янная, уподо́блю, де́лающую лю́тая, и не творя́щую до́брых? обрати́ся, возопи́й тебе́ ра́ди обнища́вшему воле́ю: Сердце́ведче, уще́дри, и спаси́ мя.

Опреде́ливый пока́яние Спа́се обра́щающымся, е́же ми́ пода́ждь Бла́же, пре́жде конца́ жити́ю да́я ми уми́ление и возды́хание, я́ко блуднице́

первое, облобызающей нозе Твоей Владыко.

Мученичен: Вод духовных исполнишся мученицы, воды живы реки явшася мановением Божественным, и прелести изсушиша мутныя Христе потоки духом, и верных мысли напоиша.

Мученичен: Вельми подвигшися Божественнии мученицы, огня бо и меча, и лютых всех претерпеша томление. Тех моленьми Слове Божий, превеликия избави муки вечныя, верою поющыя Тя.

Богородичен: Иже древле из Отца нерожденна Сын рождейся, рождество име летное, из Тебе Дево воплощься, летную брань земнородных отяти хотя Благоутробный, иже дней и лет превыше Сый.

Ин Ирмос тойже

Престоли первое исполняюще удобрение, и Херувими и Серафими, Божественными зарями, несредственно светятся, богодетельная священноначалия приемлюще, ныне поют: слава силе Твоей Господи.

[Дважды.]

Поют тричисленную Единицу Божества троическими священнии непрестанными гласы, являюще Серафими пречистое богословия таинство, и православней вере научающе.

Богородичен: Иже всякия твари превышши понимаемь, паче ума живоначальным зданием, воистинну на земли совершая чудеса, девственными светлостями, во Твое чистое чрево вселися Пречистая.

Песнь 5

Ирмос: Просветивый сиянием пришествия Твоего Христе, и осветивый Крестом Твоим мира концы, сердца просвети светом Твоего богоразумия, православно поющих Тя.

Впадох в тление страстей, и боюсь Твоего праведнаго судища, праведный Господи. Темже молюся Ти: укрепи мя творити делания благая, оправдающая мя.

Безвестная и тайная сердца моего Ты веши, Боже мой, и Зиждителю, и Господи, не осуди убо мене в час суда, внегда приидеши судити всяческим.

Мученичен: Святии причастившися огню, разжжение показаху Божественнаго своего любления. Темже орошаеми, чаянием будущих богоноснии веселяхуся.

Мученичен: Укрепляеми благих надеждо мученицы, претерпеваху растерзания удов терпеливейше, и многокозненнаго, жилами своими неослабленнаго терпения, удавиша.

Богородичен: Ветийствующая уста не возмогут, рождества Твоего неизреченное поведати чудо, Богоневесто: Несказаннаго бо раждаеши, и на объятиях носиши рукою содержащаго всяческая.

И́н Ирмо́с тойже

Любови́ю Божество́нною распала́еми, Госпо́дствія, Вла́сти и Си́лы, чи́нове втори́и, немолчны́ми усты́ богонача́льное песносло́вят еди́но Суще́ство и си́лу.

Управля́ются архангелъсти́и чи́нове Ду́хом, и Ангелов, и Нача́лов, со безчи́сленными во́инствы: еди́но триипоста́сное просвети́тельно Суще́ство почита́ти све́тло учи́ми су́ть.

Богоро́дичен: Украси́лася еси́ па́че вся́каго а́нгельска́го благоле́пия, Ангелов бо Творца́ заче́нши и Го́спода, Богома́ти Пречи́стая, вопло́твшася неизрече́нно от Твои́х крове́й, роди́ла еси́.

Пе́снь 6

Ирмо́с: Обы́де на́с послéдняя бéздна, не́сть изба́вляяй, вмени́хомся я́ко овцы́ заколе́ния, спаси́ люди́ Твоя́ Бо́же на́ш: Ты́ бо кре́пость немощствую́щих и испра́вление.

Сый́ вра́чь Христе́, исцели́ стра́сти се́рдца моего́, и омый́ мя от вся́кия скве́рны, струя́ми Иису́се мой умили́ния, да пою́ и велича́ю благоутро́бие Твое.

Блудя́ща мя на путе́х поги́бели, и в ро́в согреше́ний впа́дающа мя обрати́ Христе́, и к незаблудным сте́зям наведи́ Твои́х честны́х оправда́ний, я́ко да сла́влю Тя́.

Му́ченичен: Ка́мение вои́стинну многоце́нное, ка́мением посы́паеми, не отверго́шася ка́мене жи́зненнаго, ниже́ истука́нному ка́мению пожро́ша, сла́внии и венце́носцы́ Госпо́дни мучени́цы.

Му́ченичен: Обно́вьше ду́шы ра́лом ве́ры му́ченицы, страда́ния клáс Ду́хом Божество́нным стори́чный возрасти́ша, и пи́щи блаже́нныя сподоби́шася.

Богоро́дичен: О́гненных слуѓ О́гнь роди́вши, яви́лася еси́ Всенепоро́чная (си́х превы́ше) и тва́ри вся́кия перводе́льне, Пречи́стая Де́во преим́ущая, в жена́х благослове́нная богора́дованная.

И́н Ирмо́с тойже

Чи́ни безплотных Го́споди, престо́лу предсто́яще сла́вы Твоея́ Чело́веколю́бче, гла́сы а́нгельскими́ непреста́нными Тя́ почита́ют: ты́ бо кре́пость еси́ те́х Христе́, и пе́ние. [Два́жды.]

Лице́ Твое́ зря́ще Ангели, добро́ту недомы́слимую, пребоже́ственное благоле́пие Твоея́ Божество́нныя све́тлости, просвеща́ются: Ты́ бо те́х и све́т еси́ и ра́дование.

Богоро́дичен: Вопло́тися, и́же пре́жде сый́ безплотное Сло́во, из Тебе́ Пречи́стая, вся́ческая во́лею творя́й, и безплотных во́инства приве́ды от небы́тия, я́ко Всеси́лен.

Пѣснь 7

Ирмосъ: Тебѣ умную Богородице, пещь разсмотримъ вернии: якоже бо отроки спасе три превозносимый, миръ обнови, во чреве Твоемъ всецелъ, хвальный отцевъ Богъ, и препрославленъ.

Львы древле Даниилъ укроти, сожительницу имей добродетель: тому поревнуй, о душе, и рыкающаго всегда яко льва, и объяти хотяща тя, еже к Богу взираниемъ присно, бездельна сотвори.

Премножествомъ блуда, Господи, душу осквернихъ люте. Превосходящую убо Христе имей благостыню, прими яко блуднаго, и поюща мя ущедри: Препетый отцевъ Богъ, и препрославленъ.

Мучениченъ: Закономъ Христовымъ благомноно укрепляеми, беззаконныхъ советы погубиша, непобедимии мученицы, законно же скончавшися, воспеваху: Препетый отцевъ Богъ благословенъ еси.

Мучениченъ: Богозарнии Господни мученицы, распалаеми светомъ Троицескимъ, яже мучения тьму, и прелести мглу разрушите, поюще: Препетый отцевъ Богъ, и препрославленъ.

Богородиченъ: Закони естества в Тебѣ обновляются: Законодавца бо Христа кроме законъ плотскихъ раждаеши, Всенепорочная, всемъ избавление законополагающа поющимъ: Препетый отцевъ Богъ и препрославленъ.

Ин Ирмосъ тойже

Безначальный Светъ ты еси Владыко, от Отца света возсиявый, Ангеловъ воинства светы устроилъ еси, зерцала приемлюща, блистание Твое незаходимое: Препетый отцевъ Богъ, и препрославленъ.

Родъ человекъ, иже всехъ Господь, приставленными ангельскими яже спасаеши: сия бо представилъ еси всемъ верующимъ, и православно поющимъ Тя, Препетаго отцевъ Бога, и препрославлена.

Языкъ и умъ не можетъ, Владыко, Твоихъ чудесъ изрещи, и делъ благолепное: Ты бо просветилъ еси всякое удобрение небесныхъ силъ: препетый отцевъ Богъ, и препрославленъ.

Богородиченъ: Из Тебѣ, Чистая, Сынъ воплотися, иже прежде без матери из отца, и без отца еже по намъ, насъ ради бывъ. Емуже ныне служатъ безплотныхъ полки, яко хвалимому отцевъ Богу, и препрославлену.

Пѣснь 8

Ирмосъ: В пещи отроцы израилевы, якоже в горниле добротою благочестия, чистее злата блещахуся, глаголюще: благословите вся дела Господня Господа, пойте и превозносите во вся веки.

Избавителю мой благоутробне Христе, ныне одержажия мя мглы греховныя, и всякихъ искушений избави зовуща: благословите вся дела Господня Господа, пойте и превозносите во вся веки.

Егда́ хощеши приити́ Христѣ́ во сла́ве, судити́ ми́ру, стоя́нию избра́нных Твои́х сопричти́ и мене́, вопи́юща и глаго́люща: благослови́те вся́ дела́ Господня́ Го́спода, по́йте и превозноси́те во вся́ ве́ки.

Мученичен: К земли́ Христовѣ́ свягити́ мученицы́ преидо́сте: на земли́ бо вельми́ подви́гшеся, небесную́ жизньъ восприя́сте, поюще́: благослови́те вся́ дела́ Господня́ Го́спода, по́йте и превозноси́те во вся́ ве́ки.

Мученичен: Совлѣкшеся́ тѣла́ тлѣннаго, во оде́жду безсмер́тїа́ яко́ мученицы́ победоно́снии облеко́стеся во Христа́, с высоты́ зыва́юще: благослови́те вся́ дела́ Господня́ Го́спода, по́йте и превозноси́те во вся́ ве́ки.

Богородичен: Священни́и Тя́ гла́си изда́леча провозвести́ша Пречистая́, бы́ти Тебе́ ма́тери вся́ сотворше́му Бо́гу. Ему́же поёмъ: благослови́те вся́ дела́ Господня́ Го́спода, по́йте и превозноси́те во вся́ ве́ки.

И́н Ирмо́с тойже

Просвещѣ́нная и бли́зосвѣтная́ А́нгелов во́инства́ луча́ми трисо́лнечныя́ красото́у, ве́рнии подража́юще воспо́им: благослови́те вся́ дела́ Господня́ го́спода, по́йте и превозноси́те во вся́ ве́ки.

Яко́ исто́чникъ все́хъ до́брыхъ, богонача́льнейшая́ приво́дит Божѣ́ственная́ си́ла свѣты́ вторы́я, Свѣ́тъ первы́й приѣмлю́ща и вопи́юща: благослови́те вся́ дела́ Господня́ Го́спода, по́йте и превозноси́те во вся́ ве́ки.

Умъ́ первы́й и Соде́тель, премирны́я умы́ а́нгельскїа́, пресу́ществе́нне соста́ви Себе́, я́ве приближа́ющыя́, и вопи́ющыя: вся́ дела́ Господня́ Го́спода по́йте, и превозноси́те во вся́ ве́ки.

Богородичен: Па́че сло́ва из Отца́ ро́ждѣнна прѣ́жде ве́к, неизрече́нно вопло́щенна́ родила́ еси́ намъ́ Де́во Всенепоро́чная. Ему́же вопи́емъ: вся́ дела́ Господня́ Го́спода по́йте, и превозноси́те во вся́ ве́ки.

Пѣ́снь 9

Ирмо́с: Образъ́ чи́стаго ро́ждества́ Твоего́ огнепали́мая купи́на показа́ неопальна́я: и ны́не на насъ́ напа́стей свирѣ́пеющую́ угаси́ти мо́лимся пѣ́щь, да Тя́ Богороди́це непреста́нно велича́ем.

Яко́же ханане́а зову́ Ти: поми́луй мя́ Сло́ве: ду́шу бо́ има́м дѣ́монскїи́и нанесѣ́нии бѣдствую́щую, и безу́мно беззаконна́я дѣла́ющую, и нечу́вствующую́ Божѣ́ственнаго́ Твоего́́ страха́, Долготерпели́ве.

Поста́ви Го́споди, на ка́мени повеле́ний Твои́хъ ду́ши моея́́ но́зе, и безсту́дно запя́ти мя́ хотя́ща, запни́ зми́я, и изба́ви мя́ сего́́ злоде́йства, яко́́ бла́г и многомилоси́в.

Мученичен: У́же прѣ́жде мученицы́, искуше́ний во́ду непостоя́нную, и ра́н лю́тыхъ бу́рю, ко́ пристани́щу я́ве дости́госте́ горня́го Ца́рствїа́, Божѣ́ственны́я ти́шины наслажда́ющеся́.

Мученичен: Свѣ́та невече́рняго́ мученицы́́ светови́дни бы́ти

сподобистесь, и в церкви перворожденных веселитесь, и со ангельскими лики радуетесь, с нимиже Живодавца о нас молитесь.

Богородичен: Носиши вся Носящаго, и дойши всем пищу дающаго, велие и страшно еже паче ума Твое тайнство, ковчеже честныя святыни Дево Богородице. Темже Тя верою убожаем.

Ин Ирмос тойже

Причастники неизреченныя славы Твоея, безплотныя умы Спасе составил еси: и ныне теми Твоя люди сохрани, Тебе верою и любовию прибегающыя, да Тя Владыко непрестанно величаем.

Да посылаеши мирнаго Ангела, соблюдающа Вседержителю стадо Твое: мира бо и любви Ты виновен, и богомудренную веру соблюдающа, и вся ереси Твоею силою разрушающа.

Весь сладость воспеваемый, небесную сладостную светлость насади в церквах Твоих Владыко, и благочестно даждь в состояние, да Тя Спасителя непрестанно величаем.

Богородичен: Чини ангельстии Пречистая, ныне немолчно Твое рождество почитают: в чину бо стоят взирающе, веселия Его насыщающиеся, и Тя Богородицу непрестанно величают.

Таже: Достойно есть: **Ектенія малая, и светилен. Таже псалмы обычныя.**

На стиховне стихиры умильтельны, глас 1:

Ин тя мир душе ожидает, и Судия хочет твоя обличити тайная и лютая. Не пребуди убо в здешних, но предвари вопиющи Судий: Боже очисти мя, и спаси мя.

Стих: Исполнихомся завтра милости Твоея Господи, и возрадовахомся и возвеселихомся, во вся дни наша возвеселихомся, за дни, в няже смирил ны еси, лета, в няже видехом злая: и призри на рабы Твоя, и на дела Твоя, и настави сыны их.

Не пренебрези мене Спасе мой леностию греховною одержима, воздвигни мое помышление к покаянию, и Твоего винограда делателя искусна покажи мя: даруй ми одинагонадесяте часа мзду, и велию милость.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Страстотерпцы Христовы, приидите людие вси почтим, пеньми и песньми духовными, светильники мира, и проповедники веры, источник приснотекущий, из негоже истекают верным исцеления: тех молитвами Христе Боже наш, мир даруй миру Твоему, и душам нашим велию милость.

Сла́ва, и ны́не, Богоро́дичен: Подо́бен: Небе́сных чино́в:

Святе́йшая святы́х все́х си́л, Честне́йшая всея́ тва́ри Богоро́дице
Влады́чице ми́ра, спаси́ ны Спа́са ро́ждшая, от прегреше́ний тмори́чных и
бе́д, яко́ благая́, моли́твами Твои́ми.

Та́же, Благо́ е́сть: Трисвято́е. По́ Отче на́ш: тропа́рь свято́му, и
ектениа́, и отпу́ст. Ча́с 1– й, и коне́чный отпу́ст.

В понедельник блаженна, глас 1:

Снедию изведе из рая враг Адама: Крестом же введе Христос вонь разбойника, помяни мя, Господи, вопиющая, егда приидеши во Царствии Твоем.

Блажени изгнани правды ради, яко тех есть Царство Небесное.

Умилений источник ми даруй благоутробием Твоим Христе Боже, всякия мя скверны зол безмерных очищающий, и Царствия Твоего Благодетелю причастника мя сотвори.

Блажени есте, егда поносят вам, и изженут, и рекут всяк зол глагол на вы лжуще Мене ради.

Ангел Твоих чины в моление приводим Ти Христе, спаси, ущедри нас теми, яко преблаг, вся презираяй наша, яже в ведении и не в ведении, прегрешения.

Радуйтесь и веселитесь, яко мзда ваша многа на небесех.

Мученичен: Кровей ваших святии теченьми, мысленнаго фараона потописте яве: ныне же источаете чудес токи, пучину изсушающыя недугов. Темже блажими есте.

Слава: Отцу поклонимся, и Сына славословим, и Всесвятаго Духа вси вернии воспойм, зовуще и глаголюще: Всесвятая Троице, спаси вся ны.

И ныне, Богородичен: Родшая Свет безлетный, омраченную душу мою присно демонов прилоги, световоди Пренепорочная, и огня будущего ходатайствы Твоими свободи.

В понедельник вечера

на Господи возвах, стихиры, глас 1.

Подобен: Прехвальнии мученицы:

Стих: Аще беззакония назриши Господи, Господи кто постоит? Яко у тебе очищение есть.

Все житие мое срамно изжих, Господи, со блудницами окаянный, якоже блудный умилением зову: Отче Небесный, согреших, очисти и спаси мя, и не отрини мене, самого себе от Тебе удалившагося, и бесплодных ради дел ныне обнищавшаго.

Стих: Имене ради Твоего, потерпех Тя Господи, потерпе душа моя, в Слово Твое, упова душа моя на Господа.

Обнищав богат сый Христе, человеки обогатил еси безсмертием и светлостью. Темже обнищавша мя сластими житейскими, добродетельми обогати, и с нищим Лазарем учини мя, богатаго мучения изымая мя и геенны предлежащая ми.

Стих: От стражи утренния до нощи, от стражи утренния да уповает Израиль на Господа.

Злобою обогатихся люте, и пищу возлюбих, и в житии восприях благая Господи, и в геенну осужден бых: гладнующий ум мой, яко Лазаря презрех, пред враты Божественных Твоих деяний повержен, ущедри мя Господи.

Ины стихиры предтечи. Подобен: тойже.

Стих: Яко у Господа милость, и многое у Него избавление, и Той избавит Израиля от всех беззаконий его.

Пророче чудный, Христов Крестителю и Предтече, иссохшее сердце мое безместием, реки слез приснотекущих сотвори пролияти молитвами твоими: и молю тя, яко да спасаемь тобою многоболезненный, величаю тебе возвеличившаго.

Стих: Хвалите Господа вси языцы, похвалите его вси людие.

Пророче блаженне, к тебе надежду мою всю, и живот возлагаю чаяния моего, иже Христа крестив Иисуса, бездну вземлющаго мира прегрешения. Того моли Иоанне, молюся ти, сердце мое очистити, и спасти мя.

Стих: Яко утвердися милость Его на нас, и истина Господня пребывает во век.

Проповедниче мудре благодати, иже всем языком покаяние предвозвестивый, всеокаянней моей и ослепленной души, Божественный Предтече, пребывать в покаянии благоволи, и волю Господню деяти

всегда, да верою и любовию славлю тя.

Слава, и ныне, Богородичен: Агнца, мира всего вземлющаго грехи, Егоже превеликий Предтеча всем проповеда, с ним Дево моли, козлиц части явити мя чужда в час судный, и овцам десным Его сочтати мене недостойнаго.

Таже: Свете тихий: Прокимен дне: **И ектения.** **Посем:** Сподоби Господи в вечер:

На стиховне стихиры покаянны. Глас 1:

Яко пучина многа прегрешений моих Спасе, и люте погружаюся согрешеньми моими, даждь ми руку, яко Петрови, и спаси мя Боже, и помилуй мя.

Стих: К Тебе возведох очи мой, живущему на небеси, се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Яко в помышлениих лукавых и в делех осудихся Спасе, мысль мне даруй обращения Боже, да зову Ти: спаси мя Благодетелю Благий, и помилуй мя.

Стих: Помилуй нас Господи, помилуй нас, яко по многу исполнихомся унижения: наипаче наполнися душа наша поношения гобзующих, и унижения гордых.

Мученичен: Еже на судици ваше исповедание святии, демонов оплева силу, и от прелести человеки свободи. Темже и главам усекаемым, взываєте: да будет Господи, жертва душ наших благоприятна пред Тобою, яко Тебе возлюбивше, нерадохом о временней жизни, Человеколюбче.

Слава, и ныне, Богородичен: Дево Всепетая, юже в Тебе тайну Моисей пророческима виде очима, купину горящу и неопаляему: Божества бо огнь утробу Твою Чистая, не опали. Темже молим Тя яко Матерь Бога нашего, мир испросити миру, и велию милость.

Таже, Ныне отпускаеши: Трисвятое. По Отче наш: Тропарь и отпу́ст.

В понеде́льник на повече́рии

канон пресвятей Богородице. Глас 1.

Песнь 1

Ирмос: Песнь победную поим вси Богу, сотворшему дивная чудеса мышцею высокою, и спасшему Израиля, яко прославися.

Священие Пречистое радуйся Дево, ангелов украшение, и Приятелище Духа, Невесто Непорочная Отца Безначальна, и Мати Слова Божия.

Царица еси, яко Царева Дщи, прозябши Богородице Владычице, и Царя Бога рождши плотию, и с Ним царствуеши.

Слава: Поет Рождество Твое Давид певец, превоспеваёт же Исаиа утробу Твою Пречистую, Марию Всечистая, христианстии же людие славят рождество Твое.

И ныне: Проповедует Церковь рождество Твое Дево Богоневесто, православными учении, и вещми Божественными, образом бо воплощения Сына Твоего поклоняется.

Песнь 3

Ирмос: Камень, егоже небрегоша зидущии, сей бысть во главу угла: той есть камень, на немже утверди Церковь Христос, юже от язык искупи.

Славу девства имущи, облеклася еси благодатию Духа Святаго, Пречистая Марию, явльшися Богородица, новое таинство и сокровенное: како бо Бога плотию рождши девствуеши?

Дело, еже соделал еси Господи, кто скажет? юже бо проклят в печалех родити чада, сын показался еси сея, и радуется женское падшее естество о Тебе Бозе Богородицы ради.

Слава: Буря прегрешений решится миру, Тобою Пречистая Марию Богородице Единая. Тем Тя, яко пристанище спасения имуще, восхваляем вернии, поюще величия Твоя.

И ныне: Воспет девству пророки древле, родити Тя Безлетнаго в лета, и паче слова Слово, Единого от Троицы Христа Бога нашего: Егоже церковь Мати Чистая, почитает образы.

Песнь 4

Ирмос: Духом провидя пророче Аввакуме, Словесе воплощение, проповедал еси вопия: внегда приблизится летом, познаешися, внегда приити времени, покажешися, слава силе Твоей Господи.

Седмосветлое зеркало Божественных пророк многообразно поет образования Твоя: мы же делом знамения исхода Твоего восприемше, Богородицу Тя воистинну, вещми видящи веруем.

Божию Тя достойно Матерь, воистинну Дево Чистая, чтуще славим мы, свойственный приносяще глас Тебе, в законе и пророцех проповеданней: радуйся Обрадованная, Господь с Тобою.

Слава: Се Божественная гора, юже виде Аввакум, добродетелей сень сущи яве, Богородица просия в мире, Еюже древле отступльшии преступлением, абие Богу приближихомся.

И ныне: Блажен язык, Препетая Чистая, иже чести сподобися Рождество Твое верно, православием и учением и дела, истинне являя вся образы воплощения Сына Твоего.

Песнь 5

Ирмос: От нощи утренююще, воспеваем Тя Христе Боже, обнищавшаго нас ради, и Крест, и смерть плотию претерпевшаго.

Сокровенно тайне являше Тя купину Моисей, неопалимую Богородице Владычице: вещественная бо Твоя ложесна не опалишася Божеством.

Словесе Божия Тя Матерь воспеваяюще, Богородице Чистая, словесное приносим цветущее дарование Тебе, о немже радоватися веруем.

Слава: От скверных устен не отвори похваления, Богородице Пречистая: несть бо на земли, иже Тя по достоянию воспети дерзает.

И ныне: Един есть во двою Существо, Иже от Девы рождейся, яко Бог Невидимый, и яко Человек, волею нас ради уподобивыйся человеком.

Песнь 6

Ирмос: Пророка Иону подражая вопию: живот мой Блаже свободи из тли, и спаси мя Спасе мира, зовуща: слава Тебе.

Мысленный Тя свещник Дево, и седмосиянный зрит пророк, показуя яве Духа действия, блещашася в Тебе.

Древо Ты явилася еси Дево живоносное воистинну, плодом Твоим льстиваго змия уморившее, человеком же живот рождши Христа Бога.

Слава: Не красна похвала от скверных устен Тебе приносится, Мати Бога нашего Чистая: но виждь души моея желание, и сие приими.

И ныне: Шатаются беззаконнии в молве горькаго неверия: егда токмо видят православных соборы, лобызающих Твой Дево образ.

Господи помилуй, трижды. Слава, и ныне:

Седален, глас 1. Подобен: Гроб вой:

Окорми Чистая, окаянную мою жизнь, и ущедри Всенепорочная, душу, попользуюся многими прегрешении во глубину погибели, и в час мя смертный свободи клеветующих бесов, и страшнаго ответа.

Песнь 7

Ирмос: Сущым в пещи отроком Твоим Спасе, не прикоснуса, ниже

стужи́ о́гнь. Тогда́ три́е, я́ко еди́ними усты́ пояху́ и благословля́ху, глаго́люще: благословен Бо́г оте́ц на́ших.

Преукраше́нна яви́ся добродете́льми Богоневе́сто, сла́вою и че́стною де́вства: красне́йша бо благоле́пием добро́та Твоя́ вои́стинну, рачи́тель Госпо́дь Тебе́ приведе́ Мате́рь Божество́нную Себе́.

Жезл Чистая́, правости́ я́ве была́ еси́, жезл Ца́рствия Пречестне́йший. Те́мже пло́д Бо́жия Словесе́ прозябла́ еси́, е́же и чу́до изда́леча Ааро́нов я́ве жезл прообра́зи.

Сла́ва: Телесными́ страстьми́ мно́гими оскверни́в те́ло же и сло́во и ду́шу, како́ Твою́ Чистая́, добродетелей́ воспою́ красоту́? недоуме́ю и устраша́юся: но Сама́ мне́ буди Твоими́ моли́твами помо́щь.

И ны́не: Твоего́ Христе́ воплоще́ния чту́ соедине́ние, и сего́ образу́ поклоня́юся боголе́пно, я́ко Бо́г съи́ Предвече́нный, от Де́вы бы́сть Чело́век Непремене́н, Сам во обо́ю соверше́н.

Песнь 8

Ирмо́с: Егоче́ ужа́саются а́нгели, и вся́ вои́нства, я́ко Творца́ и Го́спода, по́йте священни́цы, просла́вите о́троцы, благослови́те лю́дие, и превозноси́те во вся́ веки.

Божество́нное свяще́ние, да воспое́тся Бо́жие, и́мже изба́вися ми́р от тли́. Воста́ните вси́ па́дшии ино́гда: Мари́а бо роди́ Христа́ спасе́ние.

Поём Тя́ Пречистая́, и Мате́ри Бо́жия: и кто́ не сла́вит Тя́ вои́стинну Благо́ю, су́щую наде́жду душ на́ших; те́мже Пресвята́я, мо́льбу мою́ приими́.

Сла́ва: уясни́теся днесь́ пе́снями ве́рнии: просла́вите а́нгели, и чело́вече́цы вку́пе, я́ко диа́вол па́дает и отча́яние: Мари́а бо роди́ нам наде́жду спасе́ния.

И ны́не: Не опису́йте Божества́, не лжи́те слепи́и: прости́те бо невиди́мо и незрительнó е́сть: плоти́ же о́браз вообра́зюя, поклоня́юся, и ве́рою сла́влю рождшу́ю Го́спода Де́ву.

Песнь 9

Ирмо́с: Светоно́сный о́блак, воньже́ все́х Влады́ка, я́ко до́ждь с небесе́ на руно́ сни́де, и воплоти́ся нас ра́ди, бы́в Чело́век, Безнача́льный, велича́ем вси́ я́ко Мате́рь Бо́га на́шего Чистую́.

Ра́дуйся Мари́е, вели́кое все́я твари́ чу́до. Ра́дуйся дщи́ у́бо Дави́дова, Госпо́дня же Мате́ри. Ра́дуйся пение́ Гаври́илово. Ра́дуйся прибежи́ще и утвержде́ние, и по́мощь все́м Пресвята́я, су́щым на земли́ гре́шником.

Поёт Ду́хом Божество́нным, и воспева́ет благодарственную́ пе́снь, Иоаким́ чудный, и Божество́нная Анна́, я́ко видя́ше на земли́ Мате́рь Созда́теля, Ю́же роди́ша Дще́рь Мари́ю: Ея́же моли́твами все́х спаси́ нас

яко Бог.

Слава: О Пресвятая Дево Мати Бога Вышняго! Твое рождество на земли спасение явися грешным и смиренным: о Тебе бо спасохомся веровавше, но спасаеши мя и ныне, и во вся веки жизненныя.

И ныне: Воплощенна Слова, но Непреложна вем. Темже воспеваю Его верно, во Двою убо Существо, Ипостаси же Единой: Егоже воистинну яко Бога и Человека проповедаю, песнь совершаю.

Таже, Достойно есть: И поклон. Трисвятое. И прочее обычно: и отпуст.

Вторник

Во втoрник ўтра по ексапсалмѣх

на Бoг Госпoдь, трoпарь святoму, аще имать. Слава, и ныне, Богородичен, по гласу трoпаря. Аще ли нї, глаголем трoпарь дне. Слава, и ныне, Богородичен его.

По 1-м стихословии седальны покаянны. Глас 1:

В беззаконїих зачат єсмь аз блудный, не смею взирати на высоту небесную. Но надеяся на человеколюбие Твое зову: Боже, очисти мя грешнаго, и спаси мя.

Стих: Господи, да не яростию Твоею обличиши мене, ниже гневом Твоим накажеши мене.

Аще праведник едва спасается, аз же грешный где явлюся, тяготы и вара дневнаго не понесший? но с наемники едионадесятаго часа сопричти мя, Боже, и спаси мя.

Слава, и ныне, Богородичен: Без матере на небеси, паче смысла и слышания, на земли без отца родила еси. того Богородице моли, спастися душам нашим.

По 2-м стихословии, седален. Глас 1:

Объятїя Отча отверсти ми потщїся, блудно мое иждїх житїе, на богатство неизживаемое взирая щедрот Твоих Спасе, ныне обнищавшее мое да не презриши сердце, Тебе бо, Господи, умилением зову: согрешїх, отче, на Небо и пред Тобою, спаси мя.

Стих: Господи, да не яростию Твоею обличиши мене, ниже гневом Твоим накажеши мене.

Богатство Йовлево зря добродетелей, подкопати и украсти козньствоваше, иже праведных враг, и разори столп телесный, сокровища же не украде духовнаго, обрете бо вооружену непорочнаго душу: мене же и обнажив плени. Предварив убо прежде конца, избави мя от лстываго, Спасе, и спаси мя.

Стих: Дивен Бoг во святых Своих, Бoг Израїлев.

Яко добрии воїни, единомудренно веровавше, прещенїя мучителей не убоястєся святїи. приидостє усердно ко Христу вземше честный крест, и скончавше теченїе, с небесе победу приястє. Слава укрепльшему вас: слава венчавшему вы: слава действующему вами всем исцеленїя.

Слава, и ныне, Богородичен: Отчаянїе ниневитское предварил еси, возвещенное запрещенїе мимовоद्या, и гнев победы милость Твоя Господи, умилосердїся ныне на люди и стадо Твое: дланїю державною враги наша низложи, молитвами Богородицы даруй нам милость Твою.

По 3-м стихословии, седальны, глас 1.

Подобен: Гроб Твой:

В разбойники впадѡх помышлѣньми, и окрадѡхся умѡм, и уязвиша мою душу грехми, и лежѹ неисцѣлен, Иисусе Многомилостиве: но возлей предтечи молитвами Твою милость, и лютыя язвы души моея исцели.

Иже дрѣвле струями иорданскими крестивый, Иоанне, очищение всего мира, многими мя погружаема прегрешеньми востягни и омый от всякия скверны, человеколюбца всегда моля, яко ходатай благоприятен.

Слава, и ныне, Богородичен: Безневѣстная чистая Богородице Дѣво, едина верным предстательнице и покрове: бед и скорбей и лютых обстояний всех избави, на Тя упование отроковице имущих: и души наша спаси Божественными молитвами Твоими.

Канѡн покаянен, егѡже краегранѣсие сѣце: Приими христѣ молѣние моих словес: **Творѣние Иосифово, Глас 1.**

Пѣснь 1

Ирмос: Пѣснь побѣдную пойм вси Бѡгу: сотворшему дивная чудеса мыщцею высокою, и спасшему Израиля, яко прославися.

Порабощаемъ страстьми греха, припадаю Ти Господи, яко да явиши мя от сих свободна, славяща прилежно Твою благостьню.

Уязвихся окаянный греховным копием, и умрох, и зря мя лежаща враг веселится: иже воскрешаяй мертвыя, оживив спаси мя.

Мученичен: Лицы прославишася страдальцев, честными уды своими Христа прославльше, плоть поносивша, и страстей ради тление потребльшаго.

Мученичен: Столпы и забрала благочестия славнии мученицы, прилогми вражиими непреклонни пребыша. Тех молитвами Бѡже, ущедри всех нас.

Богородичен: Яко престол огнезрачный, Дѣво носиши зиждителя, яко одушевлен чертог и красная палата Царя вмещаеши, бывша еже есмь, кроме изменения и смещения.

Ин канѡн святому великому пророку Иоанну Предтечи, егѡже краегранѣсие: Глас услыши вопиющих Ти блаженне.

Глас 1. Ирмос тойже

Глас был еси слова блаженне, темже гласы наша, яже тебе творим, приими Предтече, свободдая нас от злых ходатайством твоим.

Яко утро, яко солнце возсияв, просвещаеши концы и помрачаеши дѹхи лукавыя. Темже мрак от дѹш наших отжени.

Мертвым живот наш приходящ, проповѣдал еси Предтече. Темже умерщвляющыя мя страсти умертви, и покажи блаженне, Божественныя

свѣтлости прича́тника.

Богородичен: Еди́на безлѣтнаго сы́на в лѣто рож́дши, воплоща́ема, Пречи́стая Влады́чице, вселѣтныя преокая́нныя моя́ души стра́сти исцели́.

Пѣснь 3

Ирмос: Камень, е́гоже небрего́ша зижду́щи, се́й бы́сть во главу́ угла: той е́сть ка́мень, на нёмже утверди́ Цѣрковь Христо́с, ю́же от язы́к искупí.

Ви́ждь мою́ нѣмощь оболкíйся в ню́, ви́ждь души́ моя́ лю́тое безъобра́зие, и вонми́ гласу́ моему́, Христе́ многомилостиве, и претвори́ сея́ неле́поту во благообра́зие, Спасе́.

Спасы́й Иису́се блуднаго, спаси́ мя еди́наго Твоя́ спасительны́я престу́пльша законы, и всякий грѣхъ безсловесно сконча́вша, и отведѣ́на помышлѣ́ньми от Тебе́ бла́же, чу́жда мя творя́щими.

Мученичен: Чини́ безплотныхъ, святый, вашему́ мужеству́ войстинну́ удиви́шася, како́ на суди́щи стражду́ще пресла́вно, и па́дающе тѣломъ, безплотны́я вся враги́ Божѣ́ственнойю́ си́лою низверго́сте?

Мученичен: Е́ще ранъ кровью́ очервлѣ́ни, е́ще кровей́ ка́плями страстоно́сцы облива́еми, гóсподеви предста́сте раду́ющеся, безсмер́тному Царю́, яко победоно́сцы венча́еми.

Богородичен: Родила́ еси́, е́гоже о́тец роди́ пре́жде все́х вѣ́к. Пита́ла еси́ пита́теля, иску́са мужеска́ не сведу́щи. Пресла́вно чу́до, но́вое та́инство Богоблагодатная: те́мже всяка́ душа́ верныхъ сла́вит Тя́.

И́н Ирмосъ тойже

От непло́дове и неражда́ющия Предте́че свяще́нно прозябый, явил́ся еси́ плодоносенъ дѣланий́ Божѣ́ственныхъ. Те́мже се́рдце моё́ всячески́ непло́дствующее́, благопло́дно сотвори́ добрымъ: яко́ да ве́рно всегда́ прославляю́ тя́.

Хлѣ́бом небес́ным утверди́ моё́ се́рдце блаже́нне, разсла́бленное лука́выми мы́сльми, и да́ждь ми́ усер́дно творити́ хотѣ́ния всеще́драго Бо́га: яко́ да ве́рно приснославлю́ тя́.

Мира́ грехи́ взѣмлю́щаго А́гнца проповѣ́дал еси́ блаже́нне проро́че: грехо́в моихъ тяжкое́ брѣ́мя облегчи́, молю́ся, умилѣ́ние ми́ пода́я, скверны́хъ страсте́й очища́ющее.

Богородичен: В все́го Ада́ма облече́ся из Тебе́, Богороди́це, всеплотоно́сно произше́дшее сло́во: того́ убо моли́ Богороди́це, изба́вити насъ от напа́стей всяческихъ, и огня́ вѣчно́ущаго.

Пѣснь 4

Ирмос: Ду́хом провидя́, проро́че Авваку́ме, Сло́весѣ́ воплоще́ние, проповѣ́дал еси́ вопия́: внегда́ прибли́житься лѣ́томъ, познае́шися, внегда́ приити́ вре́мени, пока́жешися: сла́ва си́ле Твое́й, Гóсподи.

Е́же ми́ дал еси́ Христе́ бога́тство, расточи́х зле́ скончава́я безме́стная, и бы́х на́г, облече́н в дела́ безче́стия. Те́мже вопи́ю Ти: оде́ждою мя украси́ перво́ю, Божественно́ю мя умиля́я благода́тию.

Низведе́хся безу́мием, и падо́хся лю́те, и на земли́ лежу́ неисце́льно боля́й, воздвигни́ мя па́дших востание́, и на ка́мени спаси́тельнаго пока́яния утверди́ Христе́, се́рдце мое́.

Му́ченичен: На крестъ́ вознесе́нному Христу́ подобя́щися, прие́млюще ра́ны веселя́хуся вку́пе страстоте́рпцы, и кро́вными туча́ми многобо́жия устави́ша тучы́, струи́ исцелений́ источа́юще.

Му́ченичен: Преплы́вше немокре́нно му́к зельство́, и го́рькое волне́ние, Божественни́и страда́льцы, окормле́нием спасе́ния наде́жды, и к вы́шнему устреми́шася пристани́щу, всяка́го весе́лия исполня́еми.

Богородичен: Удиви́шася зря́ще Тя́ анге́льская воинства́, ка́ко невиди́мый зра́ком, по на́м из Тебе́ види́мь бы́сть, Де́во Богороди́тельнице: Е́гоже моли́ спасе́ния сподо́бити все́х, ве́рою Тя́ славя́щих.

И́н Ирмо́с то́йже

Истка́в спасе́ния ри́зу себе́, во обнаже́нии теле́снем Госпо́день крестите́лю, обнаже́ннаго от всяка́го благотво́рения, обле́цы мя, молю́ся, пра́вды и весе́лия оде́ждою.

Ка́плю спасе́ния одожди́ мнѐ Предте́че, истая́ваему разждиза́нием по́хотей, погрузи́вый во струя́х Иорданскихъ́ сла́дости пото́ка, Иису́са Жизнода́вца: яко́ да по до́лгу тя́ славлю́.

Ни анге́л, ни ходата́й Спасе́ нас, но са́м Госпо́дь прише́дый на зе́млю: ему́же пра́выя пу́ти угото́вал еси́ блаже́нне. Е́гоже ны́не моли́, показати́ ми сте́зю, к Ца́рствию наста́вляющую.

Богородичен: Хра́м освяще́н яви́лася еси́ Бо́жий, в Тя́ всельша́гося Де́во па́че ума́: Того́ моли́ грехо́вных скве́рн насъ́ очисти́ти, яко́ да хра́м яви́мся и вселе́ние Божественна́го Ду́ха.

Пе́снь 5

Ирмо́с: Тво́й ми́р даждь́ на́м, Сы́не Бо́жий, ино́го бо ра́зве Тебе́ Бо́га не зна́ем, и́мя Твое́ имену́ем, яко́ Богъ́ живы́х и ме́ртвых еси́.

Исполни́хся грехопаде́ний мно́гих и лю́тых, Влады́ко ще́дрый и долготерпели́вый: ущедри́ мя осужде́ннаго, и не отве́ржи мене́ от лица́ Твоего́.

Мыта́ря оправда́л еси́ Христе́ воздохну́вша, тому́ у́бо и азъ́ подобя́ся, би́ю в пе́рси, и зову́ Ти: очисти́ мя еди́не Благоутро́бне и Ще́дрый.

Му́ченичен: Свя́тии Твои́, Господи́, свети́ла непрелестна́я яви́шася, преле́сти отгона́юще но́щь глубо́кую, и просвеща́юще вселе́нную всю́ чуде́сными светлос́тьми.

Мученичен: Яко пречестное камене, Тебе камене животаго, Владыко, возлюбльше мученицы муками валяеми, здание всяко низвергоша прелести.

Богородичен: Во двою волях единого от Пресвятыя Троицы родила еси Всенепорочная, носящаго едину ипостась: егоже прилежно моли всем спастися нам.

Ин Ирмос тойже

В пустыню вселився Предтече Христов, якоже древле Илия: темже сердце мое опустевшее прегрешеньми, прилежанием Божественным утверди всеблаженне.

Яко столп непреложен, и забрало верных быв, великий Христов Предтече, помышление мое колеблемо козными лстываго непреложно покажи.

Мертвым благовестися свет, иже от света возсиявый на земли, гласом твоим блаженне, и сущии во тьме просветихомся: темже просвети мя люте омраченного.

Богородичен: Царицу Деву Тя проповедает Давид, Пречистая, Чистую: темже молю Тя, Небеснаго мя Царствия сотвори наследника, да ублажаю Тя.

Песнь 6

Ирмос: Пророка Иону подражая, вопию: живот мой, Блаже свободи из тли: и спаси мя, Спасе мира, зовуща: слава Тебе.

Сокрушишася кости окаянные моя души, и тяготою слякохся многих сластей: но помози ми Христе, едине всем помогание.

В пучину лютых, и бурю страстей впадохся, вопию Ти всеильне Христе: возведи мя крепкою Твоею рукою, и спаси мя.

Мученичен: Тьмами избранных, множество святых страсотерпец, тьмы мысленных попраша врагов, и совокупишася тьмам небесных умов.

Мученичен: Изсушивше глубину безбожия страдальцы, поток сладостный наследовасте. Темже изсушите разливания греха моего.

Богородичен: Священия сень явленная Марие, едину оскверненную сластми окаянную мою душу освяти, и Божественней славе причастника мя сотвори.

Ин Ирмос тойже

Иже покаяние на земли проповедавый крестителю, покаяния ми пути наставляющыя мя к свету покажи, и от пропасти прелести избави.

Яко бездну во струях речных погрузив, бездну изсуши моих страстей, подай ми слез источник, Предтече, проповедниче Христов.

От недуг душевных, и страстей плотских, жития напастей, и всяких

искушений и скорбей спаси мя, Господень Предтече.

Богородичен: Матерь Божию и добрую в женах, молю Тя прилежно, не презри мене чистая, но ущедрю, и от всякаго вреда цела соблюди.

Песнь 7

Ирмос: Сущым в пещи отроком Твоим Спасе, не прикоснуса, ниже стужи огнь. Тогда трие, яко единеми усты пояху и благословляху, глаголюще: благословен Бог Отец наших.

Терпению извече Иов, и пребысть всеми прилоги лукаваго непреклонимь, якоже столп доблественный. Сему ревнуй всегда о душе, и никакоже унывай в лютых.

Телесными победихся сластми, и бых безсловесен, сый словесен: слове Божий, иже словом блудницу спасый, спаси мя окаяннаго, да пою благословя Твою благостыню.

Мученичен: Избавлени мученицы мудрии кровию, плотию пострадавшего нас ради, за негоже усердно изволисте излияти своя крови: темже непрестанно с ним царствуете.

Мученичен: Назданием страдальчеств священных палата явистеся мудрии, в нейже радостно Христос почил есть, един Царь и Господь, иже ко обителем небесным приведый вас.

Богородичен: От родов Тя всех Христос Всепетая, едину изволи Себе, яко честную и чистую в жилище: и из Тебе яко солнце возсияв, землю всю просвети.

Ин Ирмос тойже

Яко ветхому и новому быв преизящный славный ходатай Крестителю, ходатайствуй, обетшавшаго грехми всего обновити мя, обновителя всяческих моля Иисуса.

Законополагая покаяние на земли явился еси Предтече Христов и Крестителю, егоже совершити всех укрепил молитвами твоими, яко да избавимся от безмерных зол, яже согрешаем присно.

Ты тесный прошел еси путь, воздержание всяко проходя Мудре, и широтою боговидений светлых весь озарився: ихже насладитися и нам даруй, Христа моля.

Едино естество Троицу вернии славим, безначальнаго Отца, и Сына, и Духа абие, едино царствующее существо, едино господство, едино начало, и живот животворящий нас.

Богородичен: Мольбу Пречистая, Богу принеси, яко да презрит наша прегрешения, и безчисленные грехи, и вечнаго свободит нас огня мучащаго.

Песнь 8

Ирмос: Егѡже ужасаются Ангели, и вся воинства, яко Творца и Господа, пойте священницы, прославите отроцы, благословите людие, и превозносите во вся веки.

Нага мя содела всяческих добродетелей змий лъстивый злым советом: ризю добродетелей украси мя ныне, обнаживый Спасе мой сего злобы.

Хотяй приити судити роду человеческому, судие праведный, в час страшный, осуждена суца не послй мене во огнь геенский, но ущедри и спаси мя.

Мученичен: Вас всехвальнии Господни страдальцы, ни скорбь, ни беда, ни мечь, ниже огнь возможе разлучити отнюд от любви Христовы, благоутробия ради вас возлюбившаго.

Мученичен: Плотию соплетаемы безплотному врагу, того низложисте доблии страдальцы и ныне со безплотными сликовствуєте, исцеляюще страсти душ же и телес.

Богородичен: Яко цвет во удолиих жития Тя обрет, в Тя вселися, иже всех садитель, вонями добродетелей и чистоты ныне благоухай нас, Богородительнице.

Ин Ирмос тойже

Един паче всех согреших на земли рождшихся, един бых преступник Твоих законов Господи: темже Предтечи ради ущедри и спаси мя.

Ангел нравы явился еси крестителю Иоанне, совета великаго Ангела проповедаая концем: темже Тя песньми славим во вся веки.

Во главу усечен был еси без правды Блаженне, погрузивый главу Христову в водах. Укрепй всех нас молитвами Твоими, главу попирати лъстиваго воистинну губительную.

Богородичен: Избави мя безместных грехов, и пламеннаго томления, и тьмы мучащия, скрежета зубнаго, и червья, Дево, едина Предстательнице роду человеческому.

Песнь 9

Ирмос: Светоносный облак, вонже всех Владыка, яко дождь с небес на руно сниде, и воплотися нас ради, быв Человек, Безначальный. Величаем вси яко Матерь Бога нашего Чистую.

Се время покаяния и чиста делания, се день, светла соделай дела: бежи тьмы страстей, отжени сон злаго уныния душе моя, яко да будеши Божественнаго света причастна.

Яко мытарь воздыхаю, яко блудница слезю, и яко разбойник вопию Ти: помяни мя Щедре: и яко блудный сын взываю: согреших, припадаю ти яко хананеа: милостиве, не презри мене Христе.

Мученичен: Телесным страстем, и душевным сокрушением, явистесья

вои́стинну вра́чеве: преда́вше телеса́ к ра́нам терпели́вно, и к сме́рти ну́жней, прехва́льнии страда́льцы господни: сего́ ради ублажа́етесь присно.

Мученичен: Со́лнечно́го сия́ния облиста́ мно́жае терпéние премудрых Христовых страстотерпец, те́мже нача́льника тьмы́ я́ве погуби́ благодатию, и разруши́ безбо́жия но́щь, и сердца́ просвети́ ве́рных.

Богородичен: Просвети́тельными сия́ньми возсия́вшего сло́ва, от свята́го Твоего́ чрева́ Богородице́ Де́во, и озаривша́го земли́ концы́, просвети́ ду́шу мою́ сласте́й че́рностию омраче́нную, и ле́ностию страсте́й, да веро́ю Тя воспева́ю.

И́н Ирмо́с то́йже

Се́ свети́льник сия́я су́щым во тьме́ жити́я, се́ доброглаго́ливая ла́стовица, весну́ все́м возвеща́ющая, Христо́в великий́ Предте́ча, ходата́й ветхому́ и но́вому: е́гоже моли́твами да сохрани́мся присно.

Я́ко жениху́ ты дру́га ны́не предлага́ю моли́твенника, имее́й мно́жество грехов, и вопи́ю ти Крестите́лю: отсече́ние ми́ долгов, преблаже́нне, подаждь, и возжзи́ души́ моея́ свети́льник угасши́й ле́ностию до конца́.

Со безплотными́ А́нгелы, с честными́ Апосто́лы, со страстотерпцы́ свяще́нными, и со проро́ки Предте́че, преблага́го Бо́га моли́ всегда́, улучи́ти нам́ благ вечных, обогащы́мся всегда́ Тобо́ю предста́телем́ благим.

Ла́стовице́ кра́сная, сла́вие честны́й, го́лубе предобры́й, пустынелю́бная го́рлице, Господе́нь крестите́лю, пустынное́ прозябение, запустевшу́ю безплодием́ ду́шу мою́ покажи́ плодоно́сну добрым.

Богородичен: Но́сиши но́сящаго́ всяческа́я, яко́же престол́ херувимский, и пита́еши пита́ющаго́ нас: е́гоже непреста́нно моли́, богора́дованная́ чи́стая, тру́са, паде́жа, плене́ния, и всякия́ ну́жды, Твоему́ ста́ду изба́виться присно.

Та́же, Досто́йно е́сть: и покло́н. Ектени́а ма́лая, и свети́лен, и псалмы́ обы́чныя.

На стихо́вне стихи́ры покая́нны. Гла́с 1.

И́н ве́к Тебе́ ду́ше ожида́ет, и суди́я хо́щет Твоя́ обли́чити та́йная и лю́тая. Не пребу́ди убо́ в них, но предвари́ вопи́ющи суди́и: Бо́же, очисти́ мя и спаси́ мя.

Сти́х: Испол́нимомся́ заутра́ ми́лости Твоея́ Го́споди, и возра́довахомся́ и возвесели́хомся: во вся́ дни́ наша́ возвесели́хомся: за дни́, в ня́же смири́л ны́ еси́, лета́, в ня́же видехом́ злая́. И при́зри на рабы́ Твоя́, и на дела́ Твоя́, и наста́ви сы́ны их.

Не искуси́ мене́, Спа́се мой, ле́ностию грехо́вною одержима, но воздвигни моё помышле́ние к покая́нию, и Твоего́ винограда́ де́лателя иску́сна яви́ мя. Да́руй ми́ единонадеся́таго часа́ мзду́, и ве́лию ми́лость.

Сти́х: И бу́ди све́тлость Го́спода Бо́га на́шего на нас, и дела́ рук на́ших исправи́ на нас, и де́ло рук на́ших исправи́.

Му́ченичен: Сии́ во́ини Ца́ря вели́каго проти́вишася повеле́нием мучи́телевым, до́блественне неради́ша о му́ках, и прелесть всю́ попра́вше, досто́йно венчани́ бы́ша про́сят у Спа́са ми́ра душа́м на́шым, и ве́лия ми́лости.

Сла́ва, и ны́не, Богоро́дичен: Блудни́цу и блу́днаго аз, и разбо́йника победи́х, и мыта́ря прегреше́нии премину́х, и ниневи́тяны. Увы́ мне́, что́ бу́ду? Ка́ко убе́гну му́ки аз окая́нный? Чи́стая, припадаю́ Ти, уще́дри мя ми́лостию Твое́ю, яко́же о́ныя сын Тво́й спа́сл е́сть.

Та́же: Благо́ е́сть испове́даться Го́сподеви: Тропа́рь, ектени́а, и отпу́ст. Та́же ча́с 1-й, и псалмы́ обы́чныя, и проче́е, и ко́нечный отпу́ст.

Во вто́рник блаже́нны, гла́с 1:

Сне́дию изведе́ из ра́я враг Ада́ма: кресто́м же введе́ Христо́с во́нь разбо́йника, помяни́ мя Го́споди, вопи́юща, егда́ приидеши во Ца́рствии Твоём.

Блаже́ни изгна́ни пра́вды ра́ди, яко́ те́х е́сть Ца́рство Небе́сное.

На вся́к де́нь согреша́юща и преступа́юща Твоя́ за́поведи, обрати́ мя Бо́же, и от муче́ния исхити́, яко́ да Твое́ неизрече́нное милосе́рдие сла́влю Человеколю́бче.

Блаже́ни есте́, егда́ поно́сят ва́м, и изжену́т, и реку́т вся́к зо́л глаго́л, на вы́ лжу́ще мене́ ра́ди.

Свети́льник яви́лся еси́ Бо́жий Предте́че, предходя́ незаходи́мому све́ту, из о́блака све́тла возсия́вшему нам неизрече́нно: присно́ того́ у́бо моли, уще́дрити и спасти́ ду́шы на́ша.

Радуйте́ся и веселите́ся, яко́ мзда́ ва́ша мно́га на Небесе́х.

Мученичен: Претерпе́вше многоплетённыя му́ки, мученицы́ всехва́льнии, небе́сных вы́шних бла́г сподо́бистеся: те́м ублажа́етесь от все́х челове́к всегда́.

Сла́ва: В три́ех ли́цах еди́но Божество́ зна́ем вси́ непресеко́мо су́щее, со Отце́м Сы́на же и Ду́ха жива́го, безнача́льно, неслиянно, во ве́ки присно́ пребыва́ющее.

И ны́не: По рождестве́ Присноде́во, яко́же пре́жде Рожде́ства сохрани́лася еси́ Чистая, Бо́га рождши́ плотию́: е́гоже моли́ пречистая, плотских и душе́вных страсте́й изба́вити на́с, мо́лимся.

Во вто́рник ве́чера

на Го́споди воззва́х, стихи́ры крѣстны, глас 1,

Подобен: Прехва́льнии мученицы:

Стих: Аще беззаконія на́зриши Го́споди, Го́споди кто́ постои́т? Яко у тебе́ очище́ние е́сть.

На Кресте́ пригвождае́мь, Христе́ Бо́же, яко́ человек, челове́ческое естество́ обожи́л еси́, и началозлобна́го умертви́л еси́ змия. На́с свободи́л еси́ клятвы́ яже от Дре́ва, яко́ благоутро́бен бы́в клятва: прише́л еси́, яко́ да все́м пода́си благослове́ние, и ве́лию ми́лость.

Стих: Имене́ ради́ Твоего́ потерпе́х Тя, Го́споди, потерпе́ душа́ моя́ в сло́во Твое́, упова́ душа́ моя́ на Го́спода.

Вся́кия превы́шши че́сти сый Влады́ко, обезче́ститися благоволи́л еси́, поно́сную претерпе́в Ще́дре на дре́ве сме́рть, ея́же ра́ди безсме́ртие, объ́ят род челове́ческий, и жизнь пер́вую восприя́т, Тебе́ умершу́ плоти́ю Всеси́льне.

Стих: От стра́жи у́тренняя до но́щи, от стра́жи у́тренняя, да упова́ет Израи́ль на Го́спода.

Кресте́ Всечестны́й, ве́рных все́х очисти́лице, вся́ освяти́ тебе́ покланя́ющыяся и Христа́ славя́щыя, руце́ пречи́стии Просте́ршаго на тебе́ неизрече́ннаго ра́ди благоутро́бия и концы́ земли́ вся́ во еди́но собра́вшаго.

Ины́ стихи́ры Богоро́дице, глас 1.

Подобен: Небе́сных чи́нов:

Стих: Яко́ у Го́спода ми́лость, и мно́гое у него́ изба́вление, и то́й изба́вит Израи́ля от все́х беззаконі́й его́.

У Креста́ предсто́ящи Сы́на и Бо́га Твоего́, и долготерпе́ние того́ смотре́ющыи, глаго́лаше плачу́щи Ма́ти Чы́стая: увы́ мне, ча́до сладча́йшее! что́ сия стражде́ши непра́ведно сло́ве Бо́жий? Да спасе́ши челове́чество.

Стих: Хвалите́ Го́спода все́и язы́цы, похвалите́ Его́ все́и лю́дие.

У Креста́ предсто́ящи, неве́сто неискусому́жная, и я́же от боле́зней я́звы прие́млющи, вопия́ше: да не безча́дну мя́ яви́ши, ча́до мое́, ро́ждшую́ Тя сло́ве Бо́жий: не оста́ви мя́ Еди́ну Еди́нородны́й, Отцу́ соприсносу́щны́й.

Стих: Яко́ утверди́ся ми́лость Его́ на на́с, и и́стина Госпо́дня пребыва́ет во ве́к.

Внегда́ Тя ражда́х, боле́зни ника́коже имех: и како́ ны́не боле́зни поде́млю, Тебе́ сло́ве непра́ведно распина́ему? Вопия́ше го́рько Де́ва слезя́щи. Увы́ мне! Не терплю́ видети́ на Крест, воздви́жена́ Тя,

Человеколюбче.

Слава, и ныне, КрестоБогородичен: Твоего Сына и Владыку, древле яко видела еси, на Кресте руке распостёрша, и копием ребра ископоваема, Мати чистая рыдаючи зывала еси: Увы мне! како страждеши, страсти человеков отемляй, Человеколюбче?

Таже, Свете тихий: Посём прокимен дне. Сподоби Господи в вечер: **Иктения.**

На стиховне стихиры крестны, глас 1:

Крест водрузися на лобнем, и процвете нам безсмертие, от источника приснотекущаго ребра Спасова.

Стих: К Тебе возведох очи мой живущему на Небеси. Се яко очи раб в руку Господий своих, яко очи рабыни в руку Госпожи своея: тако очи наши ко Господу Богу нашему, дондеже ущедрит ны.

Неразрушена стена нам есть честный Крест Спасов: на него бо надеющеся, спасаемся вси.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: О добрыя купли ваша святии! яко крови дасте, и небесныя наследовате, и привременно искусившеся, вечно веселитесь: воистинну добра ваша купля, тленная бо оставльше, нетленная восприяте, и со ангелы ликовствующе, поете непрестанно Троицу Единосущную.

Слава, и ныне, КрестоБогородичен:

Подобен: Небесных чинов:

Воздвижена яко виде на кресте Агнца, непорочная Дева плачуци вопияше: сладкое мое чадо, что новое и преславное видение? Како содержи всяческая горстию, на Древе пригвождаешися плотию?

Таже, Ныне отпуцаеши: Трисвятое. **По Отче наш: тропарь святому, и отпуст.**

Во вто́рник на повече́рии

канон пресвятей Богородице. Глас 1.

Песнь 1

Ирмос: Твоя победительная десница Боголепно в крепости прославися: та бо Безсмертне, яко всемогущая противныя сотре, Израильтяном путь глубины новосоделавшая.

Иже воинством Небесным Недоведомый, Отроковице Всенепорочная, плоть прият от плоти Твоея, и обнови истлевшую преступлением первым.

Песнями ублажим вернии, Божия Слова паче словесе Родительницу: Сия бо Пренепорочная, земным явися украшение, и всем согрешающим предстательница бысть.

Слава: Явилася еси пространнейши небес: Творца бо всяческих вмещши, Мати Приснодево. Темже вопию Ти: тесноты всякия мя смертородныя избави, Богорадованная.

И ныне: Дажь нам помощь, Чистая, обуреваемым мольбою скорбей, низложи врагов наших лукавая возношения, и подаждь всем спасение, благочестно Тя славящим.

Песнь 3

Ирмос: Еди́не ве́дый челове́ческаго существа́ не́мощь, и ми́лостивно в не́ вообра́жся, препоя́ши мя с вы́соты́ силою, е́же вопити Тебе́, Святы́й: одушевле́нный хра́ме, неизрече́нныя сла́вы Твоея́, Человеколю́бче.

Полный истощается нас ради, и приемлет Безначальный от Тебе начало, Дево Пренепорочная, и видится Невидимый, и Питаяй всяческая, млеко́м пита́ется, обновити челове́ки промышляя.

Исцели сокрушение наше Дево Неискусобрачная, Исцелителя рождающая, и Господа, вход нам к жизни показавшаго благодатию: Егоже непрестанно моли ущедрити и спасти рабы Твоя.

Слава: Яже Еди́на естество́ челове́ков обожившая, паче естества́ Всенепорочная, Рождшемуся из Тебе́ моли́ся, согрешений́ наших прощение́ дати, и радование́ вечно́е, Пресвятая́ Дево́ Всепета́я.

И ныне: В лености иждив жизнь, припадаю Ти, Пречистая, яже к Богу присными молитвами Твоими воздвигни мой ум, и просвети всего мя очерненаго, покаяния светлостью, да верою и любовью славлю Тя.

Песнь 4

Ирмос: Го́ру Тя́ благода́тию Бо́жиею приосе́ненную, прозорли́выми́ Авваку́м усмотрив очима́, из Тебе́ изы́ти Израилеву́ провозглаша́ше Свято́му, во спасение́ наше́ и обновле́ние.

Боже́ственную Тя Пала́ту Сло́ва зна́ем, в Ню́же всели́ся плоти́ю, обнови́ нас истле́вших страстьми́. Те́мже, Чи́стая, Божи́ю Ма́терь Тя чтим, и от Тебе́ Ро́ждшагося сла́вим.

Всели́ся во утробу́ Твою́ Де́во, Сло́во вопло́щшееся, и все́льшуюся пре́жде клятву́ в естество́ челове́ческое изгна́, и Свои́м Боже́ственным совокупле́нием обожи́ боголе́пно, сего́ ра́ди Тя воспева́ем.

Сла́ва: Ме́ртвость подъя́т Ада́м, Всенепоро́чная, отне́леже вкуси́ плода́ тле́ннаго: ны́не же Твои́м Ро́ждеством оживе́, и в селе́ниях райских водворя́ется. Сего́ ра́ди Тя по до́лгу воспева́ем.

И ны́не: Уста́вила еси́ ток сме́ртный, ро́ждши безсме́ртия Исто́чник Христа́ Бо́га, Чи́стая. Того́ у́бо моли́, Богоблагодáтная, души́ моя́ уморив́шыя исцелити стра́сти, и спасти́ мя.

Песнь 5

Ирмо́с: Просвети́вый сия́нием прише́ствия Твоего́, Христе́, и освети́вый Кресто́м Твои́м ми́ра концы́, сердца́ просвети́ светом Твоего́ Богоразу́мия, правосла́вно пою́щих Тя.

Возсия́ от чре́ва Твоего́ незаходи́мое Со́лнце, Пренепоро́чная, и тьму́ до конца́ потреби́, и зе́млю уясни́ разумы́ Боже́ственными: те́мже ве́рно воспева́ем Тя.

Ра́дуйся, а́нгельский гла́с взыва́ем Ти́, Пречи́стая: родила́ бо еси́ Вели́каго Со́вета А́нгела, и Отцу́ собезнача́льна, плоть бы́вшаго, Де́во, за е́же спасти́ челове́ка.

Сла́ва: Госпо́дь все́лься, Чи́стая, во чре́во Твое́, И́же благоче́стно в Не́го ве́рующыя, изба́вил е́сть от влады́чества вра́жия: те́мже велегла́сно вси́ воспева́ем Тя, Пречи́стая.

И ны́не: Обле́кся в мя Влады́ка, из Тебе́ про́йде, Всенепоро́чная, и истле́вшее естество́ обожи́: но Того́ моли́, Богороди́тельнице, на́га вся́каго греха́ сотвори́ти мя.

Песнь 6

Ирмо́с: Обы́де нас послед́няя бе́здна, не́сть изба́вляяй, вмени́хомся я́ко овцы́ заколе́ния. спаси́ люди́ Твоя́, Бо́же наш: Ты́ бо кре́пость немощствую́щих и исправле́ние.

Без се́мене Бо́га во чре́ве зачала́ еси́, и по Ро́ждестве́ стра́ннем Де́ва пребы́ла еси́ Всенепоро́чна: те́мже хвала́ми сла́вим Тя, иже Тобо́ю, Пречи́стая, изба́вльшеся клятвы́.

Ле́ствица, ю́же Иа́ков ви́де: гора́ присе́нная: все́светлы́й о́блак Боже́ственного све́та: Две́рь, Ею́же Бог Еди́н про́йде: благослове́нная в жена́х, Ты́ еси́, Пренепоро́чная.

Сла́ва: Зако́нов естество́нных кроме́ родила́ еси́, Де́во

неискусобрачная, Слово Божие ипостасное, исцеляющее наше сокрушение: Егоче прилежно моли, спасти всех нас.

И ныне: Болевшую мою душу преступленьми принес, взываю Ти, Всесвятая, Преславная, Чистая: исцели и спаси мя ходатайством Твоим, яко да воспую и величаю заступление Твое.

Господи помилуй, **трижды.** Слава, и ныне:

Седален, глас 1: Твое предстательство имуще, Пречистая, и Твоими молитвами лютых избавляеми, Крестом Сына Твоего везде соблюдаеми, по долгу Тя вси благочестно величаем.

Песнь 7

Ирмос: Тебе умную, Богородице, пещь разсмотрим вернии: якоже бо отроки спасе три Превозносимый, мир obnovи, во чреве Твоем всецел, хвальный отец Бог, и препрославлен.

Закона сени, и предняя гадания Богогласных пророк, Твое безсеменное Рождество яве провозвестиша, Пречистая Всенепорочная: еже воспевающе зовем, воспетаго отец Бога и препрославленного.

Восток солнца родила еси, Богоблагодатная Чистая, просвещшаго верных всех исполнения, ночь же умальшаго злочестия. Темже чтим воспетаго отец Бога и препрославленного.

Слава: Купина иногда неопальная, Всенепорочная, Твое воображаше чрево, ибо не опали Тя отнюд огонь Божества. Темже молю Тя, огня негасимаго избави мя, яко да пою немолчно, Чистая, величия Твоя.

И ныне: Мати Божия, верных помощи, согрешающих очищение, благих всех подательнице, прими мя благоутробием Твоим милостивным припадающа, и приходяща к Тебе с плачем, и просящаго разрешения согрешений моих.

Песнь 8

Ирмос: В пещи отроцы Израилевы, якоже в горниле добротой благочестия, чистее злата блещахуся, глаголюще: благословите вся дела Господня Господа, пойте и превозносите во вся веки.

Законнии образи, и предняя гадания, Дево, Господню Тя Чистую Матерь предсказаша яве: мы же сбытие вещей ныне видяще, поем Тя согласно, и славословим во вся веки.

Украсися Божественными добротами, без разсуждения в добротах, Слово Божие рождши, Всенепорочная, красотами Божественными всех сердца уясняющее, верую песнословящих Его во вся веки.

Слава: Священными гласы издалеча сказах пророцы, Матерь Тя быти, Всенепорочная Владыце, Богу, Емуже вси зовем: благословите вся дела Господа, пойте и превозносите Его во веки.

И ныне: Яко красна́, яко предобра́, Де́во, Кра́снаго в добро́тах, па́че вины́ родила́ еси́ Христа́, Ему́же вси́ зове́м: благослови́те вся́ дела́, Господа́, пойте́ и превозноси́те Его́ во ве́ки.

Песнь 9

Ирмос: Образ чи́стаго Рожде́ства Твоего́, огнепали́мая купина́ показа́ неопальная́: и ны́не на нас́ напа́стей свире́пеющую́ угаси́ти моли́мся пе́щь, да Тя́, Богоро́дице, непреста́нно велича́ем.

Естество́ е́же пре́жде осужде́нное земных́, Де́во, преесте́ственным Твои́м Боже́ственным Рожде́ством безсме́ртие улучи́: и добро́ту пре́жнюю́ восприя́т, поюще́ Тя́ согла́сно радо́стными́ песньми́.

Но́сиши вся́ Нося́щаго, и млеко́м пита́еши, все́м пи́щу Даю́щаго: ве́лие и стра́шное, е́же па́че ума́, Твое́ та́инство, ковче́же честна́го священства́, Де́во Богоро́дице. Те́мже Тя́ вси́ ублажа́ем.

Сла́ва: Свет́ мне́ лежа́щу, Пречи́стая, в ле́ности тьмы́, ны́не возсия́й, ослепля́ющыя́ ми́ помы́слы страсте́й реша́щи, и ми́р глубо́к, Всенепоро́чная, при́сно содева́ющи в души́ мое́й, славити́ Тя́.

И ны́не: Стра́шуся́ суди́ща неумы́тнаго, и Судии́ незабв́еннаго, Всенепоро́чная: има́м бо мно́жество согре́шений́ безчи́сленное, в ле́ности жи́в всестра́стный: те́мже мя́ Богоро́дице, уще́дривши́ помилуй́.

Та́же, Досто́йно е́сть: И поклон́. Трисвято́е. **И по** О́тче наш: **тропа́ри, и** **проче́е обы́чное, и отпу́ст.**

Среда

В среду утра

по 1-м стихословии, седальны крестны. Глас 1.

Распёншуся Тѣ, Христѣ, погѣбе мучительство, и попрана бысть сила вражия: ниже бо ангел, ни человек, но Ты сам, Господи, спасл еси нас, слава Тебе.

Стих: Возносите Господа Бога нашего, и поклоняйтесь подножию ногу Его, яко свято есть.

Креста Твоего Древу поклоняемся, Человеколюбче: яко на нём пригвоздился еси животѣ всех, и рай отверзл еси Спасе, верою пришедшему к Тебе разбойнику, и пищи сподобил еси исповедающаго Тя: помяни мя, Господи. Приими якоже онаго и нас зовущих: согрешихом вси, милосердием Твоим не презри нас.

Слава, и ныне, КрестоБогородичен: Агнца на Крестѣ Агница зрящи, с разбойникама распинаема Тя, долготерпеливе Слове, и копием в ребра прободаема, восклицаше вопиючи матерски: что странное и ужасное, Иисусе мой, таинство, несказанно совершаемое? Како покрываешия гробом неописанный Боже? Да мя рождшую Тя не оставиши, Сыне мой сладчайший.

По 2-м стихословии седальны, глас 1:

Спаси, Господи, люди Твоя и благослови достояние Твое, победы на сопротивныя даруя и Твое сохраняя Крестом Твоим жительство.

Стих: Бог же Царь наш прежде века, содела спасение посреде земли.

Оружие крестное во бранех явися некогда благочестивому царю Константину, непобедимая победа на враги веры ради: сего трепещут сопротивныя силы: сей бысть верных спасение, и павлу похвала.

Стих: Дивен Бог во святых Своих, Бог Израилев.

Мученичен: Болезнями святых, имиже о тебе пострадаша, умолен буди Господи: и вся наша болезни исцели, Человеколюбче, молимся.

Слава, и ныне, КрестоБогородичен: Твое предстательство имуще Пречистая, и Твоими молитвами лютых избавляеми, Крестом Сына Твоего везде соблюдаеми, по долгу Тя вси благочестно величаем.

По 3-м стихословии седальны, глас 1.

Подобен: Гроб твой:

На Древе Тя слове крестнем, за милосердие милости, повешена плотию волею, яко виде солнце, не терпя дерзновения помрачися. Темже омраченную душу мою просвети неприступным светом Твоим, и спаси мя, молюся.

Распростры́й на Кресте́ длани Твоя́, Ще́дре, языки бѣвшыя далѣче от Тебѣ́, собрал еси́ славити мно́гую Твою́ благосты́ню: но при́зри на насле́дие Твое́, и низложи вою́ющих на ны́, Крестомъ Твоимъ честнымъ.

Сла́ва, и ны́не, КрестоБогоро́дичен: Несквѣ́рная А́гница, А́гнца и па́стыря пове́шена на Дре́ве ме́ртва зря́щи, плачу́щи веща́ше, ма́терски восклица́ющи: како претерплю́ Твое́ е́же паче слова Сы́не мой снѣтие, и вольныя стра́сти, Бо́же преблагі́й?

Кано́н Честно́му и Животворя́щему Кресту́, [его́же краегра́нѣсие: Крестомъ спасае́мь есмь, пострада́вшаго влады́ки. Творе́ние Ио́сифово.]

Гласъ 1

Пѣснь 1

Ирмо́с: Го́рькія рабо́ты изба́влься Израі́ль, непроходи́мое про́йде я́ко су́шу, врага́ зря́ потопля́ема, пѣснь я́ко благоде́телю поетъ Бо́гу, чуде́ющему мышцею висо́кою, я́ко просла́вился.

На Кресте́ воздви́жаемъ Христе́, совоздвѣ́гл еси́ па́дшаго челове́ка, и всю́ вражію си́лу низве́ргл еси́ Сло́ве. Те́мже Твоя́ стра́сти воспева́ю пострада́вшаго, и от страсте́й изба́вльшаго мя.

Славы Госпо́дь Ты еси́, и́же славою венча́вый челове́ка, те́рнием венча́лся еси́, я́ко да терноно́сное естество́ наше сотвори́ши плодоно́сно, сади́телю Божѣственны́х дея́ний.

Му́ченичен: Святы́х соборъ пресвяты́й зако́нно пострада́вый, всю́ кровей́ святы́х течѣ́ньми тварь освяти́л е́сть, и сквѣ́рныя бесомъ же́ртвы приноси́мыя, о бозе Отце́ потреби́л е́сть.

Му́ченичен: Ва́ша всесвяты́и му́ченицы, обла́цы муче́ний не скръ́ша терпели́вная боро́ения: те́мже паче со́лнечныхъ лучь сла́внии явисте́ся, облиста́юще я́ве зари́ спасе́ния.

Богоро́дичен: Ору́жиемъ снеда́шеся Пречи́стая, страсте́й Сы́на Твоего́, я́ко зря́ше того́ копи́емъ пробода́ема, е́же в райъ возбрані́тельное отрева́ющаго ору́жие, не дающее́ вернымъ Божѣственнаго вхо́да.

Другі́й канонъ пресвяте́й Богоро́дице, гласъ 1.

Песнь 1

Ирмо́с: Твоя́ победі́тельная десни́ца Боголе́пно в крѣ́пости просла́вился, та́ бо, Безсме́ртне, я́ко всемо́гущая, проти́вныя сотре́, израі́льтяномъ пу́ть глубины́ новосоде́лавшая.

Струи́ мне слезъ душе́вныхъ да́руй Всенепоро́чная, я́же исто́чник оставле́ния ро́ждши, грехо́вную сквѣ́рну отмыва́ющая, и во смире́нии жи́знь мою́ изводя́ща.

Превы́щи бы́сть Чи́стая тва́ри, Бо́га вопло́щи. Те́мже молю́ Тя: от гно́я страсте́й возста́ви мя, и к Божѣственней высо́те безстра́стия возведи́.

Милостива ми явися Чистая, в день судный, молюся, всякаго избавляющи мя страшнаго стояния и лютаго мучения, прибегающаго под кров Твой Пречистая Владычице.

Мраком греховным одержима мя, и падша Пречистая, воздвигни, слез тучу даючи ми, имиже омыю скверная дела: Тя бо едину Заступницу имамы Богородице.

Песнь 3

Ирмос: Не мудростию и богатством да хвалится смертный своим, но верою Господнею православно взывая Христу Богу, и поя присно: на камени Твоих заповедей утверди мя, Владыко.

Ископаша Ти беззаконнии рuce и нозе Иисусе мой, дланию неизреченно создавшаго पहले Христе Боже человека, и страстию страстей, и тли всех свободвшаго.

Да станет, вопияше Иисус, луна же и солнце, еже на кресте прописуяй пострадавшаго Владыку плотию, светилом помрачение. Имже тмы начала лукавая посрамлена быша.

Мученичен: Терпяху усердно раны славнии мученицы, и уязвляеми, велиара змия уязвиша крепко: темже душ наших раны исцеляют присно, Божественным мановением.

Мученичен: Капища бесовская и храмы разористе мученицы, болезнями же и мужеством сами себе преславно храмы воздвигосте благодатию, вместительны Отцу, и Сыну, и Святому Духу.

Богородичен: В час страстей, краснаго добротою зрящи Дево, видения ниже доброты имуща, вопияла еси горько Чистая, восклицающи: увы Мне, како страждеши Сыне, от страстей всех хотяй избавити?

Ин

Ирмос: Еди́не ве́дый челове́ческаго существа́ не́мощь, и ми́лостивно в не́ вообра́жся: препоя́ши мя́ с высоты́ си́лою, еже вопити Тебе́ Святы́й: одушевле́нный хра́ме неизрече́нныя сла́вы Твоя́, Человеколю́бче.

Храм была еси Пречистая, всеми царствующаго, бывша мя вертеп душетленных разбойник, исхити от тех озлобления, и Божественнаго Духа чисто жилище яви мя. **[Дважды.]**

Слез ми послй тучу, иссушающе течения лукавых моих деяний, молюся, яже благоутробия рождши тихую пучину, Христа Бога нашего, Богородице Дево всепетая.

Крепость нам и столп непоколебимь буди Богорадованная, и щит, и оружие непобедимое, мысленных враг полки от нас возбраняющи, Богородице Пречистая, верою и любовью почитающих Тя.

Песнь 4

Ирмос: Слы́ша дре́вле Авваку́м Христе́ чу́дный Тво́й слух, и стра́хом взыва́ше: от ю́га Бог приидет, и Святы́й от горы́ приосенённыя чащи, спасти́ пома́занныя: сла́ва си́ле Твое́й Го́споди.

Ра́ны и я́звы Христе́ претерпе́л еси́, я́звы се́рдца моего́ исцеля́я, же́лчи вкусив го́рькия, сладка́го вкуса тлетворна́го отемля́ вред: на древе́ же пригво́ждся дре́внюю кля́тву потреби́л еси́.

Дале́че отрино́венныя от Тебе́ язы́ки, воздвига́емь на кресте́ бли́з привле́кл еси́, примири́л же еси́ нас Отцу́ Долготерпели́ве, в сре́ду ввёл еси́ яко́ ходата́й Себе́: и посре́де земли́ стра́сть претерпе́л еси́ поно́сную.

Мученичен: В море́ крове́й ва́ших тайно́ бо́гоблаже́ннии, со все́ми свои́ми во́инствы, мы́сленный фарао́н впа́д пото́пися. Те́мже ра́достью вы́ спасше́ся приидо́сте ко обе́тованней зе́мли, и небе́снии гра́ждане бы́сте.

Мученичен: Возмо́гоша вжи́ляеми Христо́вою стра́стию блаже́ннии, стра́сти разли́чныя восприя́ти на честней́ плоти́. Сего́ ра́ди уставля́ют стра́сти ду́ш же и теле́с, восхваля́ющих те́х, и блажа́щих всегда́.

Богородичен: Не́праведно зря́щи зако́ление Тя́ Христе́ ро́ждшая, рыда́ющи вопия́ше Ти́: правосу́де Сы́не, како́ не́праведно осуди́лся еси́, хотя́й оправда́ти преступле́нием осужде́ныя дре́вле, и к тле́нию по́лзшы́йся?

Ин

Ирмос: Го́ру Тя́ благода́тию Бо́жиею приосенённую, прозорли́выма Авваку́м усмотрив очы́ма, из Тебе́ изы́ти Израилеву́ провозглаша́ше Свято́му, во спасе́ние на́ше и обновле́ние.

Бесо́вскими лести́ми лю́те отвлачи́маго мя́ от за́поведей Бо́жих, не прэ́зри Блага́я: но уще́дри молю́ся, и того́ преле́сти покажи́ мя вы́шша, прибега́ющаго Пречи́стая к Твое́й ми́лости. **[Два́жды.]**

Еди́не Сы́й ми́лостивне Христе́ Бо́же, Тебе́ ро́ждшия моли́твами, на Тя́ упова́ющих поми́луй, и уще́дри, и к све́ту заповедей Твои́х наста́ви, и ве́чныя жи́зни сподо́би.

Усну́вша в сме́рть, и во гробе́ лежа́ща отча́яния Пречи́стая, око́вана желе́зы прегреше́ний мои́х, Твое́ю бо́дренною моли́твою воздви́гни, и к пока́янию исправи́, молю́ся.

Песнь 5

Ирмос: Све́т Тво́й незаходи́мый возсия́й Христе́ в се́рдца ве́рно пою́щих Тя́, мир подава́яй на́м, па́че ума́. Те́м от но́щи неведе́ния ко дню́ све́том Твои́м теку́ще, славослови́м Тя́ Человеколю́бче.

Со́лнце Спа́се обнажи́ся све́та, на древе́ на́га Тебе́ зря́ ви́сяща, на вода́х повеси́вшаго зе́млю: ка́мени же, на ка́мени яко́ ощути́ша воздви́жена, распа́даше́ся стра́хом, и основа́ния поколеба́шася.

Воздвѣженъ на древо, и гвоздѣми пригвождѣся, окровавилъ еси персты Долготерпеливе, и копиемъ прободаемъ въ ребра, исцелилъ еси язву Адамову, юже пріятъ ребра послушавъ, и преслушавъ Сотворшаго ѿ.

Мученичен: Рай явился мученикъ множество, животное имѣя посреде древо Христа: за Негоже поносную доблественнымъ помысломъ смерть претерпевше, снѣдию роду начальники умертвившаго змія, Божественною силою умертвиша.

Мученичен: Кровыми каплями Христовы страдальцы, безбожия глубину иссушите, и Божественными источеніи чудесъ священныхъ, страстей теченія душъ же и телесъ заграждаете. Темже достождно ублажаемы есте.

Богородичен: Удивляешся непорочная, на древе зрящи Христа воздвѣжена волею, и плачущи вопияше: Сыне Мой и Боже, болезни въ рождествѣ избѣгши, нынѣ болезни стражду, неправедно отъ беззаконныхъ распинаему Ти.

Ин

Ирмос: Просветивый сияніемъ пришествія Твоего Христе, и осветивый крестомъ Твоимъ міра концы, сердца просвети светомъ Твоего богоразумія, православно поющихъ Тя.

Потоцы многихъ ми прегрешеній привергошася, и храмъ души моея низложиша Пречистая: но яже еси исправленіе праотцемъ Богородице, возстави мя раба Твоего.

Въ тимении мя страстей углубивша окаяннаго, и бурю многихъ согрешеній потопляема, руку подавши владычице, возведи мя, и къ пристанищу покаянія направи.

Душевныхъ ми сквернъ очищеніе даруй, и плотскихъ мя болезней исцели молюся, и отъ обдерживающаго лютаго унынія премени молитвами Твоими.

Пѣснь 6

Ирмос: Весь отъ страстей безмерныхъ содержуся, и китомъ золъ снизпадохъ: но возведи изъ истлѣнія мя Боже, якоже прежде Іону, и верою безстрастие ми даруй, яко да во гласѣ хваления, и спасенія духомъ пожру Ти.

Егда Моисей рече воздѣвъ на высоту, Твою страсть воображаше, простершаго на древе длани, и лукаваго разрушивша державу пагубную, темже Избавителя вѣдуще Тя и Спаса поимъ, Человеколюбче.

Мертвость претерпѣлъ еси воздвѣжаемъ на древо, и умертвителя нашего умертвилъ еси: и ожививъ руку Твоею Христе создание, въ ребра же копиемъ прободаемъ, источилъ еси двѣ рече оставленія, во двою волю воспѣваемый.

Мученичен: Честна ваша смерть святѣи предъ Господемъ нынѣ бысть,

почётших всѣх честными Своими страстьми, и безчестнаго велиара посрамивших, всеми приложением мук низложити всѣх вас кознствующаго.

Мученичен: Всею душею ко всем отлучитесь многовидным премудрии мучением, всю обретёте способствующую вам помощь, во всё человечество оболкшагося. Темже на уды ссекаеми: и огню приближающагося веселяетесь.

Богородичен: Распятие Твое зрящи Пречистая, вопияше: Сыне, что зримое странное видение? иже страсти болящих исцеляяй, како страсть Христе терпиши новейшую? Что Ти врази воздаша благодателю, за няже благодать прияша?

Ин

Ирмос: Обыде нас последняя бездна, несть избавляяй, вменихомся яко овцы заколения, спаси люди Твоя Боже наш: Ты бо крепость немощствующих и исправление.

Рукописание Пречистая, прегрешений моих копием расторгни, рождашася ради из безсеменнаго Твоего чрева: в книзе мя написати сподоби избранных, прибегающаго к Божественному покрову Твоему.

[Дважды.]

Очисти Христе, рабы Твоя молитвами рождшия Тя, и низпосли яко един благ согрешений прощение: Ты бо еси Спас, и Избавитель всем надеющимся на Тя.

Умерщвлена мя страстьми Пречистая Дево, яже Жизнодавца рождающая, оживи ныне Твоими молитвами, и победителя яви мя на врага злаго: Тя бо едину имама к Богу Помощницу нашу.

Песнь 7

Ирмос: Проидоша яко чертог пещный пламень нестерпимый, иже за благочестие иногда отроцы святии показавшася яве, и согласно воспевающе, песнь пояху: отцев Боже благословен еси.

Владыка Сый от раба прият Иисусе мой, ударение, свободити мя хотяй порабощеннаго врагу, на кресте же пригвождся спасаеши мя поюща: иже отцев Боже, благословен еси.

Потрясая вся тварь, распинаему Ти благоутробне Господи, копием прободаему Ти, враг всетелесную прият язву, уязвленный же Адам исцелё, вопия: благословен Бог отец наших.

Мученичен: Крестом огражденное страстотерпец воинство славное, ополчения вражия погуби благодатию, и победы венцы прият, вопия: благословен Бог отец наших.

Мученичен: Огня сильнее стяжавше страдальцы произволение, не опальшася огню приобщающагося, но попалисте злочестья лукавую вещь,

вопиюще: отец наших Боже благословен еси.

Богородичен: Рождество Твое Деве, преславно веки породил: и Воздвиген на крест, падшья совоздвиге, и небесныя жители показа вопиющыя: отцев Боже благословен еси.

Ин

Ирмос: Тебе умную Богородице, пещь рассмотрим вернии: якоже бо отроки спасе три Превозносимый, мир обнови во чреве Твоем всецел, хвальный отцев Бог, и препрославлен.

Яко источника жизни рождающая, умершую мою душу животою десницею, Пречистая, воскреси, и вопити сподоби во умилении сердца моего: прехвальный отцев Боже благословен еси. [Дважды.]

Нов Адам от чистых кровей Твоих быти изволил есть, иже прежде век Бог. Егоже ныне моли, обетшавшаго мя обновити, зовуща: прехвальный отец наших Боже благословен еси.

Богородичен: Гнева путем враг приходя, восхитити хотя нещадно душу мою смиренную, сего советы, Пречистая, разруши: и поюща мя ущедри: восхваляемый отцев Боже благословен еси.

Песнь 8

Ирмос: Чуда преестественнаго показа образ, огнеросная пещь древле: огонь бо не опали юныя дети, Христова являя безсеменное от Девы Божественное рождество. Тем воспевающе воспойм: да благословит тварь вся Господа, и превозносит во вся веки

Распят был еси на кресте волею, иже манием небо прострый: гвоздми же пригвоздися, упразднити хотя поползновение страстное первозданнаго Адама. Тем воспевающе поем: да благословит тварь всякая Господа: и превозносит Его во веки.

Егда Тя камня на камени каменосердечный собор воздвиге, горы поколебашеся. Земля потрясся, Слово Божий: и души колеблемыя утвердишася к Божественной жизни, вопиющыя всегда, да благословит тварь всякая Господа, и превозносит Его во веки.

Мученичен: Исткаша одежду спасительную себе яве святии страстотерпцы: в наготѣ телесней страждуще терпеливно, и посыпание ранам приемлюще. Тем воспевающе поют: да благословит тварь всякая Господа, и превозносит Его во веки.

Мученичен: Ноготми немилостивно страстотерпцы стружеми, и нещадно на уды ссецаеми, и ранам всяческим приобщающеся, истуканным не пожроша, мужества же столпи верным явишася: благословите Христа дела вся, зовуще, и превозносите Его во веки.

Богородичен: Да Тя преогорчеваяй безумный собор: якоже возмняше

от земли́ взяти́ Тя: безча́дна бы́х и смуща́юся, и ма́терски се́рдцем бо́лезную, неискусому́жная вопия́ше ино́гда: на кресте́ видя́щи Тя воздви́жена: с Нею́же тва́рь сла́вит Тя, все́х Изба́вителя́ Иису́се во ве́ки.

И́н

Ирмо́с: В пе́щи о́троцы израи́левы, я́коже в горни́ле добро́тою благоче́стия, чи́стее зла́та блеща́хуся, глаго́люще: благослови́те вся́ дела́ Госпо́дня Го́спода, по́йте и превозноси́те во вся́ ве́ки.

Просвети́ ми о́чи се́рдечныя, я́же двeрь́ све́та чи́стая, о́блак страсте́й, и тьму́ глубо́кую разгоня́ющи, да пою́: вся́ дела́ Госпо́дня Го́спода по́йте, и превозноси́те его́ во ве́ки. **[Два́жды.]**

О все́х Влады́чице чи́стая, не преста́й моля́щися Тебе́ призыва́ющих я́ко Ма́терь Бо́жию, Де́во всенепоро́чная, и вопию́щих: благослови́те вся́ дела́ Госпо́дня Го́спода, по́йте и превозноси́те Его́ во ве́ки.

Спасе́ния вину́ Христа́ неизрече́нно ро́ждшая, моли́ о все́х вопию́щих приле́жно Де́во всепе́тая: благослови́те вся́ дела́ Госпо́дня Го́спода, по́йте и превозноси́те Его́ во ве́ки.

Та́же поeм пе́снь Богоро́дицы: Вели́чит душа́ моя́ Го́спода: **И покло́ны.**

Пе́снь 9

Ирмо́с: Неизглаго́ланное Де́вы та́инство: не́бо бо сия́, и престол́ херувимский, и светоно́сный черто́г показáся. Христа́ Бо́га Вседержите́ля. Сию́ благоче́стно я́ко Богоро́дицу велича́ем.

Я́коже ви́де Тя дре́вле на древе́ повeшена́ Спа́се, зе́млю повeсивша́го на вода́х безме́рных, разбойниќ благо́разумный, ве́рно вопия́ше Ти́: помяни́ мя, с нимже́ благоче́стно Твоя́ страда́ния прославля́ем.

Распина́емь поколеба́л еси́ земли́ основа́ния, копи́ем же пробода́емь исто́чаеши безсме́ртныя ка́пли, кро́вь и во́ду, и́миже челове́чество очисти́л еси́ от страсте́й Иису́се: те́мже Тя воспева́юще велича́ем.

Му́ченичен: Веселя́хуся в муче́ниях святы́и, са́ми себе́ поощря́юще я́коже на сла́дость, до́блии: ста́нем, вопию́ще: се́ отве́рзе поприще́ Христо́с, венцы́ ны́не подае́т те́м, ихже́ возлюби́.

Му́ченичен: Просвещáется вся́ко ве́рных еди́нственное торжество́, страда́ния почита́ющее все́х непобеди́мых му́ченик, и тьмы́ бо́лезней: ихже́ ради́ небо́лезненныя сподо́биши́ся сла́дости и жи́зни, и присносу́щнаго насла́ждения.

Богоро́дичен: Человеколю́бца сло́ва неизрече́нно поро́ждшая, Его́же зря́щи О́трокови́ца от челове́к волею́ стра́ждуща, что́ сие́, вопия́ше? Бо́г безстра́стен стра́сть прие́млет: я́ко да от страсте́й изба́вит ве́рою покланя́ющихся Ему́.

И́н

Ирмос: Образ чистаго рожества Твоего огнепалимая купина показа неопальная: и ныне на нас напастей свирепеющую угасити молимся пещь, да Тя Богородице непрестанно величаем.

Возми тяжкое бремя моих согрешений, Богородице всепетая, и легчайшее иго Сына и Бога Твоего сподоби мя носить, и по стези шествовати к горнему совершению возводящей. [Дважды.]

Трепещу помышляя, Всенепорочная, страшный день пришествия Христова: вся бо жизнь моя во гресех скончася, и страстей душа моя исполнися. но ущедри мя и всякаго избави тогда осуждения.

Приими Пречистая Владычице, непотребнаго раба Твоего моления, и души моея и тела смущение во глубокую тишину преложи: яко да Тя величаю спасаемь.

Таже: Достойно есть: и поклон. Ектения малая, и светилен. Таже псалмы обычные.

На стиховне стихиры крестны. Глас 1:

Тебе на древе пригвождшагося плотию, и живот нам подавшего, яко Спаса и Владыку, поим непрестанно.

Стих: Исполнихомся заутра милости Твоея Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Твоим крестом Христе, едино стадо бысть ангелов и человеков, и во едином соборе небо и земля веселится, вопия: Господи слава Тебе.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Вас всехвальнии мученицы, ни скорбь, ни теснота, ни глад, ни гонение, ниже раны, ни ярость зверей, ни мечь, ниже огонь претящий разлучити от Бога возмогша: любовью же паче к Немю, яко в чуждих подвигшися телесех, естество забысте, смерть презревше. Темже и по достоянию болезней ваших мзду приясте, и небеснаго царствия наследницы бысте, непрестанно молитесь о душах наших.

Слава, и ныне, КрестоБогородичен: У креста Твоего предстоящи Слове Божий, Агница и непорочная Мати Твоя, рыдаючи вопияше: увы Мне Сыне, како умираеши на кресте? увы Мне, Свете Мой сладкий, где Твоея доброты ныне зайде зрак? краснейший паче всех человек.

Таже, Благо есть исповедатися Господеву: **И трисвятое, и по Отче наш: тропарь. Иерей глаголет ектению, и отпуст. Таже час 1-й и псалмы обычные, и конечный отпуст.**

В среду блаженны, глас 1:

Снедию изведе́ из ра́я враг Ада́ма: кресто́м же разбо́йника введе́ Христо́с во́нь, помяни́ мя зову́ща, егда́ приидеши во Ца́рствии Твоём.

Блаже́ни изгнани пра́вды ра́ди, яко́ те́х е́сть Ца́рство Небе́сное.

Поно́сную претерпе́л еси́ стра́сть Христе́: и поноше́ние на́ше всякое отя́л еси́ Блаже́, и вы́шняго Ца́рствия прича́стники на́с явил еси́, покланя́ющихся Твоему́ соше́ствию.

Блаже́ни есте́, егда́ поно́сят ва́м, и изжену́т и реку́т всяк зо́л глаго́л, на вы́ лжу́ще Мене́ ра́ди.

Ада́мово Христе́ обнаже́ние ты́ покрыва́яй, обнажи́лся еси́ плоти́ю: возне́сл же́ ся на крест, возне́сл еси́ на́с от глублины́ злы́х. Те́мже Твое́ Сло́ве сла́вим свято́е схожде́ние.

Сти́х: Ра́дуйте́ся и весели́те́ся, яко́ мзда́ ва́ша мно́га на небесе́х.

Святы́ми ва́шими стру́пы, прехва́льнии му́ченицы, мно́жество бесо́в острупивше́, вся́ челове́ческая я́звы и стру́пы, благода́тию всегда́ воистинну́ исцеля́ете.

Сла́ва: Трои́ца просвещает́ все́х, чи́сте Сию́ почита́ющих, и ве́дущих ю́, держа́ву иму́щую неразориму́ю, Ейже́ возопи́им: спаси́ любви́ю Трои́це поющих Тя́.

И ны́не: Предстоя́щи Пренепоро́чная при кресте́, и зря́щи Христа́ пригвожде́на плоти́ю, восклица́ющи зыва́ше: где́ Твоя́ за́йде Милосе́рде ны́не добро́та, сла́вы Госпо́ди?

В среду вечера

на Господи возвах, стихиры святым апостолом. Глас 1.

Подобен: Прехвальнии мученицы:

Стих: Аще беззакония назриши Господи, Господи, кто постоит? Яко у тебе очищение есть.

Апостолы славнии, Христовы ученицы богозванныи, вселенныя учителяе, обретьше Господа Бога, и человеков ходатая суща, тому боголепно прилепистесь: и яко бога того, и яко человека всесовершенна, в мире яве проповедасте.

Стих: Имене ради Твоего потерпех Тя Господи, потерпе душа моя в слово Твое, упова душа моя на Господа.

Апостолы всемудрии, Христовы ученицы богозванныи, вселенныя учителяе, вашими молитвами, Божественным учением внимати укрепите мя, и стезею тесною помогайте ходити ми всегда, яко да доспею в пребывание райское пространнейшее.

Стих: От стражи утренния до нощи, от стражи утренния да уповает Израиль на Господа.

Петра первопрестольнаго воспеваю, Павла, Иакова, Андреа же и Филиппа, Симона, Варфоломеа же и Фому, Матфеа же и Иоанна, Марка же и Луку, благовестия списавших, лик богоизбранный, со иными седмьюдесятью, яко слова самовидцы и проповедники.

Ины стихиры великому святителю и чудотворцу Николаю. Глас 1.

Подобен: Небесных чинов:

Стих: Яко у Господа милость, и многое у него избавление, и той избавит Израиля от всех беззаконий его.

Церковныя цветы прелетаяй: якоже птенец вышняго гнезда ангельскаго, Николае треблаженне, зовещи присно к Богу о всех людех, иже в нуждных бедах и искушениях, и избавляеши молитвами твоими.

Стих: Хвалите Господа вси языцы, похвалите Его вси людие.

Небесныя доброты проходяй, страшную ону разумел еси славу, святую святых. Темже и нам небесная словеса, присно животных оных зрений являеши, священнейший Отче.

Стих: Яко утвердися милость Его на нас, и истина Господня пребывает во век.

Священныя одежды украшение, делательными соделал еси добродетельми светлейшо, Отче богоносе. Темже и нам священнодействуеши дивная славных чудес Христа ради лютых нас

избавляя.

Слава, и ныне, Богородичен: Прегрешений пучиною обуреваемъ, к тихому пристанищу прибег, пречистой молитве Твоей, Богородительнице, зываю Ти: спаси мя, крепкую Твою десницу простерши рабу Твоему, Всенепорочная.

Таже, Свете тихий: Прокимен дне. Посем: Сподоби Господи в вечер сей:

На стиховне стихиры апостолом. Глас 1:

Апостольская всесличная цевница, Святым Духом движима, мерзкая бесов жертвы упразднила есть, и единого Господа проповедавши, языки избави от прелести идольския, и поклонятися научи Троице Единосущней.

Стих: К Тебе возведох очи мой живущему на небеси, се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Петра и Павла согласно похвалим, Луку, Матфея, Марка, Иоанна, Андрея, Фому, Варфоломея, Симона Кананита, Иакова и Филиппа, и весь лик ученический достойно да восхвалим.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Подобен, мученичен: Прехвальнии мученицы, вас ни земля потайла есть, но небо прият вы, и отверзошася вам райския двери, и внутрь бывше, древа животного наслаждаетесь, Христови молитесь, даровати душам нашим мир и велию милость.

Слава, и ныне, Богородичен: Радуйся радости прадедов, Апостолов и Мучеников веселие, и покров нас Дево, Твоих рабов.

Таже: Ныне отпускаеши раба Твоего: Трисвятое, и по Отче наш: тропарь, и отпуст.

В среду на повечерии

канон пресвятей Богородице. Глас 1.

Песнь 1

Ирмос: Песнь последнюю поим вси Богу, сотворшему дивная чудеса мышцею высокою, и спасшему Израиля, яко прославися.

Купина Тя воображаше, Богородительнице: Огнь бо носила еси войстинну непостоянный, пребывши неопальна. Темже Тя верными гласы песнословим присно.

Оболкся в человека Бог Слово, из Тебе паче смысла воплотися, Пречистая. Тем Тя всякое дыхание славословит, и поклоняется Тебе, и по долгу чтит.

Слава: Зачала еси, Пречистая, неизреченное слово, вся содержащее земных концы, и Сие родила еси: Егоже моли прилежно, помилovati нас.

И ныне: Яже Единая безлетнаго Бога в лето рождши воплощенна, Пречистая Владычице, страстных моя души вселетных страсти исцели.

Песнь 3

Ирмос: Да утвердится сердце мое в воли Твоей, Христе Боже, Иже над водами небо утвердиде второе, и основавый на водах землю, Всесильне.

Да обожит человечество, Бог бысть Человек, из Тебе, Дево Чистая, паче слова и смысла: сего ради Тя согласно вернии ублажаем.

Иже естеством неописанный, воплощься из Тебе написася, Богоблагодатная Чистая: Егоже непрестанно моли, ущедрити, и просветити души блажащих Тя.

Слава: Неподродствовавшия мысли моя неприя вся отжени, и плодоносну добродетельми душу мою покажи, Пресвятая Богородице, верных помощнице.

И ныне: Избави мя Пренепорочная всякаго обстояния, и многих соблазн змиевых, вечнующаго огня и тьмы, Яже Свет рождшая нам невечерний.

Песнь 4

Ирмос: Духом провидя, пророче Аввакуме, Словесе воплощение, проповедал еси вопия: внегда приблизитися летом, познаешися, внегда приити времени, покажешися: слава силе Твоей, Господи.

В Пречистое Твое чрево вселися Христос, Всесвятая Владычице, обожии нас, плоть прием одушевленну. Тем Тя Чистую Матерь православно воспеваем, Владычице, миру помощнице.

Святая Богородице, освяти нас, Яже Пресвятаго рождшая плотию,

уподобитися хотѣвша челоуѣком: и Небѣснаго Царствія всѣх яви, Пречистая, прича́стники моли́твами Твои́ми.

Сла́ва: Де́во Богоро́дице, нескве́рная се́не, оскве́рншагося прегреше́ньми очисти́ мя ны́не щедро́т Твои́х чи́стыми заря́ми, и даждь ми́ руку́ помо́щи, да зову́: сла́ва си́ле Твое́й Го́споди.

И ны́не: Це́рковь освяще́нная Бо́гови явилася еси́, в Тя́ Всельше́муся, Де́во па́че ума́: Того́ моли́, грехо́в на́ших скве́рну очисти́ти: я́ко да хра́мы пока́жемся, и жилища́ Ду́ху.

Пѣснь 5

Ирмо́с: Тво́й ми́р даждь на́м, Сы́не Бо́жий, ино́го бо ра́зве Тебе́ Бо́га не зна́ем, и́мя Твое́ имену́ем, я́ко Бо́г живы́х и ме́ртвых еси́.

Ме́ртва мя соде́ла иногда́ во Еде́ме вкуше́ние лука́вое: Живо́т же ро́ждши Чи́стая, и́же дре́вом дре́вле умерщвле́ннаго оживотвори́, да Тя́ славосло́вья воспева́ю.

Спаси́ мя, Всечи́стая, от бе́д лю́тых: воздви́гни от страсте́й гно́йных, и изба́ви мя плене́ния и озлобле́ния лука́вых бесо́в, любо́вию чту́щаго Тя́.

Сла́ва: О́блак и рай, и две́рь Све́та, трапѣзу и руно́ зна́ем Тя́, и ста́мну вну́три Манну́ нося́щу, Сладо́сть ми́ра, Чи́стая Де́во Ма́ти.

И ны́не: Ро́ждши, Пренепоро́чная, Бо́га Емману́ила, Челоуѣ́ка я́ве за ми́лосе́рдие бывша́го: Сего́ моли́ я́ко Челоуѣколю́бца, Чи́стая, уще́дрити лю́ди согре́шшыя.

Пѣснь 6

Ирмо́с: Я́ко Ио́ну проро́ка, возведи́, Христе́ Бо́же, живо́т мо́й от тли́, вопию́ Ти Челоуѣколю́бче, я́ко жи́знь у тебе́ е́сть, и нетле́ние, и си́ла.

Оскверне́ннаго мя́ мно́гими грехи́, молю́ Тя́ су́щую благо́ую и нескве́рную ски́нию: омы́й от вся́кия скве́рны, хода́тайством Твои́м.

Окормле́ние ми́ буди, Чи́стая, в лю́тей пучи́не житейских напáстей обу́реваемому́, и наста́ви к спаси́тельному́ пристани́щу, и спаси́ мя.

Сла́ва: Трево́лне́ния по́мысл, и страсте́й наведе́ния, и глубли́на грехо́в, ока́янную мою́ ду́шу обу́ревают: помози́ ми́ Свята́я Влады́чице.

И ны́не: Свяще́ния се́нь пронаре́ченная́ Мари́е, оскверне́нную сла́стми́ ока́янную мою́ ду́шу освя́ти, и Боже́ственныя сла́вы прича́стника́ мя сотвори́.

Та́же: Го́споди поми́луй, **три́жды. Сла́ва, и ны́не:**

Седа́лен, глас 1. Подобен: Грoб Тво́й:

Де́во и пита́тельница́ Еди́ному от Трoи́цы, раю́ кра́сный, земны́х спасе́ние, покровом Твои́м спаса́й благо́честно воспева́ющих Тя́: ты́ бо роди́ла еси́ во проро́цех Глаго́лава́шаго, Ты́ носи́ла еси́ Со́держа́щаго вся́ческая, я́ко Ма́ти Христа́ Бо́га.

Пѣснь 7

Ирмос: Су́щым в пе́щи отроко́м Твои́м, Спа́се, не прикосну́ся, ни́же стужи́ о́гнь. Тогда́ три́е я́ко еди́ними усты́ пояху́ и благословля́ху, глаго́люще: благословенъ Бо́г отецъ нашихъ.

Безнача́льнаго Отца́ Сынъ во чре́во Твое́ всели́ся, прии́м нача́ло: я́ко да на́с изба́вит я́ко Бо́г, от лука́вых нача́л тьмы́, Богороди́тельнице Чистая́, кланя́ющихся Е́му.

Испещре́на Божество́нными добродетельми́, Чистая́ Де́во, родила́ еси́ Сло́во, собезнача́льное Отцу́, добродетельми́ небеса́ воистинну́ покрывшее́: Е́гоже моли́ присно́ уще́дрити на́с.

Сла́ва: Освяти́ наша́ помышле́ния, утверди́ все́х ду́шы, Ма́ти Бо́жия, твори́ти до́бре оправда́ния, за милосе́рдие неизрече́нное, Воплоще́ннаго из Тебе́, Де́во, Слова́ Безнача́льнаго Отца́.

И ны́не: Умерщвле́нный страстьми́ мно́гими, Пренепоро́чная, оживи́ у́м мой, и Богоугодная́ твори́ти укрепи́ мя, да величаю́ Тя́ я́ко заступни́цу присно́ христиан и упова́ние.

Пѣснь 8

Ирмос: Е́гоже ужа́саются а́нгели, и вся́ вои́нства, я́ко Творца́ и Го́спода, пойте́ священни́цы, просла́вите о́троцы, благослови́те лю́дие, и превозноси́те во вся́ ве́ки.

Изваля́емся, Пренепоро́чная, Твои́ми к Бо́гу бде́нными моли́твами вся́ческих искуше́ний, Тя́ Богороди́цу зна́ющии Благо́словенную́ и Прера́дованную́.

Воплоща́ется Безплотный́ из Тебе́ боголе́пно: Е́гоже моли́, Пречи́стая, стра́сти плоти́ твоея́ умертвити́, и оживи́ти мою́ ду́шу умерщвле́нную грехи́.

Сла́ва: Исцели́вшаго сокруше́ние Ада́ма перстнаго́ Спа́са ро́ждшая, Пречи́стая, и Бо́га: Е́гоже моли́, я́звы ду́ши моея́ исцелити́, неисцельно́ боля́щя.

И ны́не: Возста́ви лежа́щаго во глубине́ зóл, и я́же ны́не борю́щя мя́ победи́ враги́, сне́дшыя безме́стными сла́стьми ду́шу мою́: не презри́ мене́, Чистая́, но уще́дри и спаси́ мя.

Пѣснь 9

Ирмос: Светоно́сный о́блак, во́ньже все́х Влады́ка, я́ко до́ждь с небесе́ на руно́ сни́де, и воплоти́ся на́с ра́ди, бывъ Челове́к, Безнача́льный, велича́ем вси́ я́ко Ма́терь Бо́га нашего́ Чистую́.

Свѣт Божество́нный ро́ждшая, Пренепоро́чная, от Отца́ возсия́вший, омраче́нную мою́ ду́шу лестьми́ жития́, и бывшую́ враго́м посме́х, уще́дри, и свѣту́ пока́яния спаси́тельнаго́ сподо́би, Чистая́.

Светови́дный Тя́ о́блак, Пренепоро́чная, Иса́иа зря́ше, из него́же

возсия́ нам Со́лнце пра́ведное: тайно тва́рь просвети́: сего́ ра́ди Тя ве́рою
воспева́ем до́брую в жена́х.

Сла́ва: Грехолю́бив сый в ле́ности живу́, и суди́ща, Чи́стая,
неумы́тнаго трепе́щу, на не́мже мя соблюди́, Твоими Святы́ми мольба́ми,
Дево Богоневесто, неосужденаго: да яко заступницу ублажаю Тя присно.

И ны́не: Трепе́щу суди́ща, Дево, и незабы́тнаго очесе́ Твоего́ Сы́на,
соде́лав мно́ги грехи́ на земли. и сего́ ра́ди Тебе́ вопию́: Всеми́лостивая
Влады́чице, помози́ ми, и тогда́шня мя ну́жды изми неосужде́ннаго,
Чи́стая.

**Та́же, Досто́йно е́сть: И поклон. Та́же Трисвято́е. И по О́тче наш:
тропа́ри, и проче́е обы́чное, и отпу́ст.**

Четверг

В четверток утра

по 1-м стихословии седальны апостольски. Глас 1:

Премудрии вселенныя ловцы, от Бога приемшии милостивное, молитесь и ныне о нас вопиющих: Господи, спаси град Твой, и от одержавших зол свободы апостол ради души наша.

Стих: Во всю землю изыде вещание их, и в концы вселенныя глаголы их.

Трубы Христовы благогласныя, в песнях да почтим вернии премудрыя Апостолы, кони, возмутившыя безбожия море, и привлекушыя яко из глубины человеки, к Божественному спасения пристанищу, благодатию Духа.

Слава, и ныне, Богородичен: Неборимую стену стяжавше вернии Богородицу Марию, приидите поклонимся и припадём к ней: дерзновение бо имать к рождаемому из нея, и молится, и спасает от гнева и смерти души наша.

По 2-м стихословии, седальны, глас 1:

Мрежею словесною плетения риторская, рыбаerie тростию крестною развергше, просветиша языки, благочестно славить тя Бога истиннаго, темже ти песнь укрепльшему их вопием: слава Отцу, и Сыну, слава единосущному Духу, слава теми просветившему мир.

Стих: Исповедят небеса чудеса Твоя, Господи.

Свет от света безлетно просияв, в лето плотию на земли явися, и мир просвети, вами всеблаженнии. Темже вси ученьми вашими Божественными просвещшеся, священную вашу память почитаем Апостоли.

Стих: Дивен Бог во святых Своих, Бог Израилев.

Мученичен: Мученики Христовы молим вси от любви пришедше к ним с верою: сии бо о нашем спасении просят, сии источают исцелений благодать, сии полки отгоняют бесовския, яко сохранницы веры.

Слава, и ныне, Богородичен: Упование христиан, Пресвятая Дево, егоже родила еси Бога, паче ума и слова, непрестанно моли о воспевающих Тя, подати оставление грехов наших всех и исправление жития, верою и любовию присно славящим Тя.

По 3-м стихословии седальны. Глас 1:

Светила мысленная ученицы спасовы светлии, яко огонь озарите всея земли исполнение Божественными учением: темже молюся, яже во тме души мою просветите, светозарными лучами вашими всеблаженнии.

В Мирех живый чувственно святителю, яко миром разумно духовным явился еси помазан отче Николае, и миры чудес твоих благоухал еси, миро приснотекущее проливая, мирными твоими благоухаеми песнями, и памятью твоєю.

Слава, и ныне, Богородичен: Пророцы Тя ясно провозвестиша Отроковице, Матерь Божию: и апостоли Божественнии в мире проповедаша, и мы вероухом. темже вси благочестномудренне почитающе воспеваем Тя, и Богородицу воистинну присно именуем.

Канон святым Апостолом. Творение Феофаново. Глас 1.

Песнь 1

Ирмос: Твоя победительная десница боголепно в крепости прославися: та во, Безсмертне, яко всемогущая, противныя сотре, израильтяном путь глубины новосоделавшая.

Божественными просветившися зарями трисолнечнаго сияния славнии, положением нарекошесь воистинну бози, световиднии Апостоли: темже по долгу вас вероух почитаем. [Дважды.]

Слова явльшагося на земли за милосердие дебелством плоти, угоднии служителие, и его всех повелений исполнителие вероух бысте, присно почитаетесь Апостоли.

Светлыми лучами Пресвятаго Духа присно блаженнии, всего мя просветите, грехов тьмоу покрываемаго, и к покаяния пути Яве наставите.

Богородичен: Яже апостолов радость, Богородительнице Всенепорочная Владычице, яко Мати бывши в тех боголепно глаголавшему, с нимиже молися, огня геенны избавити мя.

Ин канон во святых отцу нашему Николаю Чудотворцу, егоже краегранесие: Тебе Николае первое изношу пение аз. **Творение Иосифово. Глас 1.**

Песнь 1

Ирмос: Песнь победную пойм вси Богу, сотворшему дивная чудеса мышцею высокою, и спасшему Израиля, яко прославися.

Венцы украшаемь праведными, и престолу благодати предстоя Николае, иже песнями ты ныне венчающыя верно, присно спасай молитвами твоими.

Иже благодать прием исцелений всеблаженне Николае, души моя язвы молитвами твоими исцели, и находящих искушений избави мя, молюся.

Крепкою Николае твоєю молитвою, всеразслабленную душу мою прегрешеньми исцели, и жития злолютых избави мя, молюся.

Богородичен: Ума моего омрачение, всенепорочная, светом Твоим

отжени́, и тьмы́ вѣчнующія изба́ви мя́, яко да пою́ всегда́ вели́чія Твоя́.

Песнь 3

Ирмос: Еди́не ве́дый челове́ческаго существа́ не́мощь, и ми́лостивно в не́ вообра́жся, препоя́ши мя́ с высоты́ силою́, еже вопи́ти Тебе́, Святы́й: одушевле́нный храме́ неизрече́нных сла́вы Твоея́, Человеколю́бче.

И́же еди́н невиди́мый Бо́г, види́мь бы́сть воплоща́емь, и учени́ки ва́с избра́в во все́м мире́, его́ и́мя и превосхо́дящую сла́ву пропове́дающих, преблже́ннии Божественни́и апо́столи. [Два́жды.]

Тебе́ еди́ному согреши́х Христе́, Тебе́ еди́ному беззако́нновах, и ду́шу злы́ми оскверни́х: Твоею́ ми́лостию очисти́ и спаси́ мя, имей́ моля́щя Тя, еди́не благопремене́телю Иису́се, премудры́я Апо́столи Твоя́.

Горестей́ стра́стных скверн, и горести́ грехо́вныя изба́вите мя́ яко́ ми́лостивии Апо́столи, и пока́нием ослажда́юще мою́ мы́сль, яко́ Божественную́ нося́ще сла́дость в се́рдцы всехва́льнии.

Богородичен: С невесте́ственными служи́тели, Де́во Неискусобра́чная, со все́ми вы́шними си́лами, с му́ченики и Апо́столи, Христа́, Его́же воплотила́ еси́ от чи́стых крове́й Твои́х: умоли́ спасти́ся рабо́м Твои́м.

Ин

Ирмос: Да утверди́тся се́рдце мое́ в во́ли Твое́й, Христе́ Бо́же, и́же над вода́ми Не́бо утвержде́й второе, и основа́вый на вода́х зе́млю, Всеси́льне.

Первосвяще́нников удо́брение, благоухание́ Божественна́го Ду́ха, мировонны́ми твои́ми молитва́ми злосра́дныя стра́сти отжени́ се́рдца моего́, Никола́е му́дре, любо́вию молю́ся.

В ле́ности сконча́ю мою́ жи́знь окаянны́й, и бою́ся стра́шнаго Твоего́ суди́ща Христе́: на не́мже не посра́ми мене́, Никола́а ходата́йствы свяще́нными умоле́н бывая́.

Преиспещре́н Божественною́ благода́тию, святите́лю Никола́е о́тче, от разли́чных искуше́ний и бе́д спаси́, прибега́ющя в кро́в твою́ присно всеблаже́нне.

Богородичен: Изба́ви мя́ от все́х напа́стей, и от мно́гих собла́зн зми́евых, и от вѣчнаго огня́ и тьмы́, Всенепоро́чная, Я́же све́т ро́ждшая на́м невече́рний.

Песнь 4

Ирмос: Го́ру Тя́ благода́тию Бо́жиею приосене́нную, прозорли́вима Авваку́м усмотрив́ очима́, из Тебе́ изы́ти Израилеву́ провозглаша́ше свято́му, во спасе́ние на́ше и обновле́ние.

Море́ безбо́жия и невер́ства возмутив́ше, яжде́нием ва́шим, ко́ни богоизбра́ннии Христо́вы Апо́столи: врага́ потопи́сте мы́сленнаго, и потопле́нныя челове́ки извлеко́сте ко спасе́нию. [Два́жды.]

Приятелище дѹха Божественныхъ сияній Апостоли, омраченную мою дѹшу, и приятну всяческихъ страстей бывшую, свѣтомъ покаянія просветите богоблаженнии Божественнии Апостоли.

Облацы, иже воду животную одождившии, изсохшую мою дѹшу бездождемъ страстей Божественно напоите, и добродетелей возрастити класы сотворите спасенія, Апостоли всехвальнии.

Богородичен: Пророцы, Апостоли прехвальнии, мученицы, с матерію избавителевою молитесь прилежно, яко да избавимся отъ греховъ, и вѣчныя муки, и искушеній, и бѣдъ, и скорбей.

Иѳн

Ирмосъ: Дѹхомъ провидя, пророче Аввакуме, Словесѣ воплощеніе, проповѣдалъ еси вопія: внигда приближитися лѣтомъ, познаешися, внигда приити времени, покажешися: Слава силѣ Твоей, Господи.

Яко всехъ повеленій Божиихъ исполнитель, отче святителю Николаете, соблюдати поспешіи намъ молитвами твоими, яже на земли законоположенія ко спасенію ведущая, и избави всехъ напастей находящихъ.

Теченіе твоѣ скончавъ преподобно о Христѣ, пути наша исправи, яже къ Немѹ отче богоносне Николаете, яко да убежавше безпутнаго блуженія, ко спасительному достигнемъ совершенію.

Иже вся козни вражія успивъ, Божественными бодростми, Николаете премудре, бдящихъ, и Бога воспевающихъ, и тебѣ ходатая къ Немѹ предлагающихъ, всехъ насъ отче облагодати.

Богородичен: Разумѣвъ пророкъ Дѹхомъ Божиимъ, гору Тя приосененную преднаписавъ, Чистая, истаявшыя зноѣмъ многихъ прегрешеній, Твоими благоприятными ходатайствы Богородице нынѣ прохлади, и облагодатию.

Песнь 5

Ирмосъ: Просветивый сияніемъ пришествія Твоего, Христѣ, и осветивый Крестомъ Твоимъ міра концы, сердца просвети свѣтомъ Твоего богоразумія, православно поющихъ Тя.

Каплющя сладость и красное веселіе, явистесь горы всеславнии апостоли, горестъ всю вражюю отѣмлюще, и верныя наслаждающе.
[Дважды.]

Пришедша странна Христа во своя разумѣсте, и искренно томѹ прилепистесь. Темже от чуждаго мя избавите вреда, Божественнии слова Апостоли.

Тайныя души моя исцели язвы, молитвами священно в міре проповѣдавшихъ Божественное Твое пришествіе, и страсти Щедре, и еже из гроба воскресеніе.

Богородичен: Со всіми безплотными, Егоже воплотила еси Бога слово, паче слова, Богородице Дево моли, от безсловесных деяний и плотских страстей свободитися рабом Твоим.

Ин

Ирмос: Светлый нам возсияй свет присносущный, утренующим о судьбах заповедей Твоих, Владыко Человеколюбче, Христе Боже наш.

Во дворех Господних насажден святителю отче Николае, и яко плодови́тая маслина, благодатию умащаеши ныне всех лица, елеем трудов Твоих.

Мольбу́ ныне сотвори́ отче Николае, о рабех твоих: яко да оставление согрешений приемем, и от одержающих скорби избавимся, и всякия тесноты.

Тебе молим Николае, благого ходатая ко Господу: не остави нас святе без заступления. но обычною твоєю молитвою спасай.

Богородичен: Световидный Христов храм, Отроковице Богоблагодатная, молитвами Твоими, Отцу, и Сыну, и Духу, и нас храмы сотвори, преподобная содевающих.

Песнь 6

Ирмос: Обиде нас последняя бездна, несть избавляяй, вменихомся яко овцы закления, спаси люди Твоя, Боже наш: Ты бо крепость немощствующих и исправление.

Мрежами словесными улови́сте языки, к разуму явленнаго наздания человека, о богоблаженнии апостоли: егоже прилежно о мире молите. [Дважды.]

Душе́ моя смиренная, душе́ окаянная, душе́ непокаянная, покайся, и возопий Христу: согреших, очисти мя Владыко Человеколюбче, молитвами Апостол Твоих, яко преблагий.

Иже дре́вле израилю источивый воду из камене всеильне, разреши ми омрачение Христе, и приноси́ти токи слез сотвори, молитвами апостол Твоих, яко многомилостив, да воспеваю и величаю Твое благоутробие.

Богородичен: Дево, из Тебе за благодать родитися благоизволившаго умоли, яко Творца и Бога, спасти от искушения и напастей, на Тя Пресвятая, всегда упование имущих.

Ин

Ирмос: Пророка Иону подражая вопию: живот мой, Блаже, свободи из тли, и спаси мя, Спасе мира, зовуща: слава Тебе.

Имеяй множество щедрот, Христе, множество моих зол отжени молитвами Николаа, окормляя мою жизнь, волнами греха обуреваемую присно.

Кре́пко врага́ попра́л еси́ му́дре, е́гоже сокруша́ти и на́с твои́ми моли́твами укрепи́ Нико́лае, тобою́ предста́телем Боже́ственным обогати́вшихся.

И́же ми́рянном бы́в первосвяты́тель и́стинный, облагоуха́й на́ша чу́вства душевная́ отче Нико́лае, и вражду́ющыя на ны́ злосра́дныя страсти́ отгоня́й при́сно.

Богоро́дичен: Вели́чия Тебе́, Чи́стая, сотвори́ Хри́стос: Е́гоже моли́ при́сно, возвели́чити в на́с бога́тыя Е́го ми́лости, богоблагодáтная.

Песнь 7

Ирмос: Тебе́ умную́, Богоро́дице, пещь́ рассмотрим ве́рнии: я́коже бо отро́ки спасе́ три Превозно́симый, ми́р обнови́, во чре́ве Твое́м всецел, хва́льный отцев́ Бог, и препросла́влен.

Исто́чник живота́ Иису́с Госпо́дь сый, ва́с оста́ви учени́ки я́коже ре́ки, вода́ми напая́ющыя богоразу́мия всю́ подсо́лнечную, и пою́щыя: хва́льный отцев́ Бог и препросла́влен. **[Два́жды.]**

О́гнь мы́сленный в се́рдцы нося́ще, Боже́ственную благода́ть Хри́стову, пожго́сте учени́цы ве́щь безбо́жия. Те́мже ве́щныя моя́ страсти́ попа́лите вопи́ющаго: хва́льный отцев́ Бог, и препросла́влен.

О́гненнаго муче́ния изба́ви мя Бо́же, моли́твами сла́вных Твои́х учени́к, и не отве́ржи мене́ от лица́ Твое́го Го́споди, в покая́нии взыва́юща: хва́льный отцев́ Бог, и препросла́влен.

Богоро́дичен: Тлетво́рных грехо́в и страсте́й изми́ мя Го́споди, и́же нетле́нно роди́вшийся от Де́вы Богома́тере, все́м же нетле́ние да́руя, пе́сенно пою́щим: хва́льный отцев́ Бог, и препросла́влен.

Ин

Ирмос: Су́щым в пещи́ отро́ком Твои́м, Спа́се, не прикосну́ся, ниже́ стужи́ о́гнь. Тогда́ три́е, я́ко еди́ними усты́ пояху́ и благословля́ху, глаго́люще: благословен Бог отец́ наших.

Рачи́тельною моли́твою тво́ею му́дре, се́рдца моего́ утверди́ гле́зне извё́стно, на ка́мени Бо́жих заповедей́ пресветлы́х, спаса́я непременно́ Нико́лае, от кова́рств па́костных злонача́льнаго врага́.

Разре́шение на́м мно́гих грехо́в испроси́, се́тей житё́йских и ну́жных, и иску́шений вся́ческих находя́щих, свяще́нне Нико́лае, все́х ве́рных заступни́че, и святите́лей основа́ние.

И́же сокрывы́й ра́б лука́вый тала́нт, е́гоже в де́лание благовосприе́м аз е́смь: и бою́ся тамо́шняго суди́ща, на нёмже́, Судие́ Бо́же все́х, не осуди́ мене́, моле́ния ра́ди свята́го Никола́а.

Богоро́дичен: Тебе́, Всесвята́я, Пречи́стая, раби́ Твои́ всегда́, во дни́ и в но́щи молим сокруше́нною мы́слию, прося́ще изба́вления грехо́в наших,

дати Твоими молитвами, Чистая.

Пѣснь 8

Ирмос: В пещи́ отроцы Израилевы, якоже в горни́ле, добро́тою благоче́стия чистѣе злата блещахуся, глаго́люще: благослови́те вся дела́ Господня́ Господа, пойте и превозносите во вся́ веки.

Яко лучы́ солнце вели́кое вас простре́ во всю вселѣнную, озаря́я веро́ю поющих апосто́ли: благослови́те вся дела́ Господня́ Господа, пойте и превозносите Его́ во веки. [Два́жды.]

Яко па́стырие суще́ словесни́и, яко А́гнцы па́стыря, яко о́вцы а́ А́гнца изба́вителя нашего́ Христа́, боговидцы́ Апосто́ли моли́те непрестанно, от мы́сленнаго мя́ волка изба́вити, и спаса́емых ча́сти сподо́бити мя́.

Преокая́нная душе́, стени́ и возопи́й Господеви́: согреши́х па́че все́х, и беззаконновах лю́те: очисти́ и спаси́ мя́ яко блудни́цу, яко мы́таря, якоже разбо́йника ще́дре, Апосто́лов моли́твами благоприя́тными.

Богородичен: Со А́нгелы ма́ти Бо́жия, со Апосто́лы, и Му́ченики, и со проро́ки умоли́ Христа́, спасти́ взыва́ющыя: благослови́те вся́ дела́ Господня́ Господа, пойте и превозносите Его́ во веки.

Ин

Ирмос: Егоче́же ужа́саются А́нгели, и вся́ вои́нства, яко Творца́ и Господа́, пойте свяще́нницы, просла́вите отроцы́, благослови́те лю́дие, и превозносите во вся́ веки.

На горе́ стоя́ Божественных до́бродетелей, конце́м зна́емъ чуде́с высо́ких, нико́лае, яви́лся еси́ показаньи́и: Те́мже вся́къ язы́къ почита́ет тя во вся́ веки.

Вкуси́в, преподо́бне, Божественны́я сла́дости, го́рестъ возненави́дел еси́ страсте́й и сласте́й: от ни́хже нас изба́ви моля́ Христа́, встающы́я беды́ утоли́ти.

Яко сто́лп непоколеби́мъ, и утвержде́ние ве́рных, присно́ мя́ коле́блема житейскими́ зло́бами, и бесо́вскими дохновени́и, укрепи́ всеблаже́нне Николае́, моли́твами твоими́.

Богородичен: Уврачу́й, Пречи́стая, стра́сти се́рдца моего́, ро́ждшая все́х Врача́, и праведных ча́сти яви́ мя прича́стника, Де́во, Христа́ умоливши́.

Та́же поём пѣснь Богороди́це: Вели́чит душа́ моя́ Господа́: **И покло́ны.**

Пѣснь 9

Ирмос: О́браз чи́стаго ро́ждства́ Твоего́, огнепали́мая купина́ показа́ неопальная́: и ны́не на нас напастей́ свирѣпеющую́ угаси́ти молимся́ пещь, да Тя́ Богороди́це непреста́нно велича́ем.

Божественни́и Свята́го Ду́ха, и светоза́рнии свети́льницы показáстеся,

светозарением честнаго и премудраго проповедания блаженнии, просветите всю вселенную, тьму идольскую отгнавше. [Дважды.]

Божественнаго мысленнаго винограда лозие бывше, Божественное гроздие возрастите, источающе спасительное вино славы апостоли. Темже мя от пьянства сладостей избавите.

Трепещу окаянный помышляя страшное оно Христе мой судище Твое, деяньми бо студными и скверными ныне обложен есмь, и прежде суда осужден: темже мя Апостол Твоих молитвами ущедри.

Богородичен: Еди́на челове́ки обожила еси́, воплоще́нно сло́во поро́ждши: его́же моли́ со апо́стола и му́ченики пречи́стая, Де́во Всенепоро́чная, о нас ве́рою ублажа́ющих и чту́щих тя.

Ин

Ирмос: Светоно́сный о́блак, во́ньже все́х Влады́ка, я́ко до́ждь с небесе́ на руно́ сниде, и воплоти́ся нас ра́ди, бы́в Чело́век, Безнача́льный, велича́ем вси́ я́ко Ма́терь Бо́га на́шего чи́стую.

Я́ко Христо́ва свя́тителя, я́ко светоза́рную звезду́, я́ко чуде́с самоде́йственника, я́ко исто́чника исцеле́ний, я́ко су́щым в скорбех помощника, я́ко изба́вителя тепле́йша призыва́ющим тя в беда́х отче, восхваля́ем пе́сньми свяще́нными.

Тя па́стыря вели́каго, и подража́теля во все́м нача́льнаго Па́стыря Христа́, приле́жно мо́лим Николае́: от высот́ свяще́нных упаси́ рабы́ твоя́, и изба́вляй от все́х жите́йских напа́стей всегда́.

Уже́ ко́нec прибли́жается, что́ лени́шия, о ду́ше моя́? почто́ не тщи́шия бо́гови благоуго́дно по́жити? потщи́ся и возникни́ прочее́, и возопи́й: человеколю́бче, ущедри́ мя, Никола́а мо́литвами окормля́я мою́ жизнь, я́ко благ.

Богородичен: Я́же Све́т ро́ждшая Божественный, омраче́наго мя́ все́ми прилоги́ лукаваго, и во уны́нии живу́ща, и прогне́вающа Бо́га, просвети́, Всенепоро́чная, и наста́ви к до́брым делани́ем, я́ко вина́ су́щи все́х до́брых.

Та́же, Досто́йно е́сть: И покло́н. Ектени́а ма́лая, и свети́лен, и псалмы́ обы́чны.

На стиховне стихи́ры апо́стольски. Гла́с 1:

Апо́столи сла́внии, просвети́вше вселе́нную, при́сно Бо́га мо́лите, спасти́ся ду́шам на́шим.

Стих: Исполнимо́мся заутра́ ми́лости Твое́я Го́споди, и возра́довахомся, и возвесели́хомся, во вся́ дни на́ша возвесели́хомся, за дни́, в ня́же смири́л ны́ еси́, ле́та, в ня́же видехом злая́. И при́зри на рабы́ Твоя́, и на дела́ Твоя́, и наста́ви сы́ны их.

Петра́ и Па́вла со́гласно похва́лим: Луку́, Матфе́а, Ма́рка, Ио́анна,

Андре́а, Фо́му, Варфоломе́а, Си́мона Канани́та, Иа́кова и Филиппа, и ве́сь лик учени́ческий досто́йно да восхва́лим.

Сти́х: И бу́ди све́тлость Го́спода Бо́га на́шего на на́с, и дела́ ру́к на́ших исправи на нас, и де́ло ру́к на́ших исправи.

Мучени́чен: Веселите́ся мучени́цы о Го́споде, я́ко по́двигом до́брым подвиза́стесь: проти́вистесь ца́рем, и мучи́телей победи́те: огня́ и мечá не устраши́стесь, и зве́рей дивни́х снеда́ющих телеса́ ва́ша: Христу́ со А́нгелы пе́снь возсыла́юще, с небесе́ венцы́ прия́те: просите́ даровати́ миру́ мир, и душа́м на́шым вели́ю ми́лость.

Сла́ва, и ны́не, Богоро́дичен: Ра́дуйся Богоро́дице Де́во, ра́дуйся похвало́ всея́ вселе́нныя, ра́дуйся Пречи́стая Ма́ти Бо́жия благословенная.

Та́же, Благо́ е́сть испове́даться Го́сподеви: Трисвято́е **и по** О́тче на́ш: тропа́рь. Посе́м ектени́а, и отпу́ст. Та́же ча́с пе́рвый, и псалмы́ обы́чныя, и коне́чный отпу́ст.

В четверток блаженны. Глас 1:

Снедию изведе из рая враг Адама: крестом же введе Христос вонь разбойника, помяни мя Господи, вопиюща, егда приидеши во Царствии Твоем.

Стих: Блажени изгнани правды ради, яко тех есть Царство Небесное.

Концы просветивше Божественными лучами учений ваших, омрачение лютаго безбожия разорили есте, и к свету незаходимому пришедше, присно блажими есте.

Стих: Блажени есте, егда поносят вам, и изженут, и рекут всяк зол глагол на вы лжуще мене ради.

Отческую ипостасную имевше премудрость, ученицы Христовы, всех вас умудряющую, буйством проповедания мир умудрили есте, и к разуму Божественному приведосте.

Стих: Радуйтесь и веселитесь, яко мзда ваша многа на Небесех.

Мученичен: Муки претерпевше, якоже безплотнии Христовы страдальцы, и вся безплотныя враги крепко победили есте. Тем блажими есте во веки достойно, всехвальнии.

Слава: Троице поклонимся, со Отцем Сыну, и Духу Правому вернии, нераздельней, и неразлучней, и Сопрестольней Единице, вопиюще: свят, свят, свят еси, Троице Всечестная.

И ныне: Блажим Тя, Пречистая, якоже прорекла еси, Бога во во плоти родила еси, Егоже пропева лик апостольский: с нимиже испроси нам прегрешений разрешение, Всепетая.

В четверток вечера

на Господи возвах, **стихиры честному, и животворящему кресту. Глас 1.**

Подобен: Прехвальнии мученицы:

Стих: Аще беззакония назриши Господи, Господи, кто постоит? Яко у тебе очищение есть.

На Кресте пречистей рuce Твоей простерл еси Христе, от Тебе далече бывшая призывая, и близ тебе устрояя. Темже молюся Ти: пленена мя бывша страстью собери, и покаяние ми даруй, всяку скверну страстную очищающее.

Стих: Имене ради Твоего потерпех Тя Господи, потерпе душа моя в слово Твое, упова душа моя на Господа.

Длани пречистыя Твоя Христе, на древе вознесл, и Твоя персты окровавил еси, хотя избавити Божественных рук Твоих дело, Человеколюбче, Адама, преступлением держима в Царствиих смертных: егоже воздвигл еси властью Твоею всеильне.

Стих: От стражи утренния до нощи, от стражи утренния да уповает Израиль на Господа.

Претерпел еси пострадати нас ради Спасе, иже еством непреложен, и безстрастный Божеством, распинаешися безначальне со злодей, Ты безгрешне Христе: и солнце не терпя дерзновения помрачися, и земля вся трясашеся, творца Тя миру познавши.

Ины стихиры Крестобогородичны, глас и подобен тойже

Стих: Яко у Господа милость, и многое у него избавление: и той избавит Израиля от всех беззаконий Его.

Дева нескверная иногда на Древе видящи, егоже из безсеменна роди чрева, не терпящи утробы уязвления, власы терзаючи глаголаше: иже мановением содержи тварь всю, како на Крест воздвиглся еси яко осужден, всяко хотя спасти человечество?

Стих: Хвалите Господа вси языцы, похвалите Его вси людие.

И паки глаголи туже стихиру.

Стих: Яко утвердися милость Его на нас, и истина Господня пребывает во век.

О Чадо Неизреченное Отца Пребезначальна, глаголаше Пречистая, на Кресте взираючи Моё рождение, како не уразумею, за кая Тебе сия воздаша безблагодатнии людие? Но во еже пришел еси спасти Твое создание, вся терпиши долготерпеливне, Благоутробне.

Слава, и ныне, КрестоБогородичен: Вкушение древнее Адамово горькое, вкусивый желчи и оцта, усладил еси Чадо Сладчайшее, вознесся на Древе: темже Мя яко Судия Праведный, врачбною Страстию Твоею услади, Владыко, воскрес яко Всесилен, Дева глаголаше слезящи.

Таже, Свете тихий: Прокимен дне. Таже, Сподоби Господи в вечер сей:

На стиховне стихиры крестны. Глас 1:

Крест воздрузися на лобнем, и процвете нам безсмертие от источника приснотекущаго, ребра Спасова.

Стих: К Тебе возведох очи мои живущему на Небеси, се яко очи раб в руку господий своих, яко очи рабыни в руку Госпожи своея: тако очи наши ко Господу Богу нашему, дондеже ущедрит ны.

Неразрушена стена нам есть честный Крест Спасов, на него бо надеющиеся спасаемся вси.

Стих: Помилуй нас, Господи, помилуй нас: яко по многу исполнихомся уничижения, наипаче наполнися душа наша поношения гобзующих, и уничижения гордых.

Мученичен: Молитвами Господи всех святых, и Богородицы, Твой мир даждь нам, и помилуй нас яко един Щедр.

Наколение Твое неправедное, Христе, Дева зрящи, плачущи вопияше Ти: Чадо Сладчайшее, како без правды страждеши? И како на Древе висиши, иже всю землю повесивый на водах? Не остави мене едину, благодетелю многомилостиве, мать и рабу Твою, молюся.

Таже, Ныне отпускаеши: Трисвятое, и по Отче наш: Тропарь святому, и отпуст.

В четверток на повечерии

канон пресвятей Богородице. Глас 1.

Песнь 1

Ирмос: Горькия работы избавлься Израиль, непроходимое пройде яко сушу, врага зря потопляема, песнь яко Благодетелю поет Богу, чудодейшему мышцею высокою, яко прославися.

Во отчаянии одержимъ есмь, множество помышляю прегрешений моих, и Судий ответ, Владычице Богородице: но Ты ми буди Божественная Ходатаица, пременяючи Его милосердием Твоим.

Христианское прибежище, падающих исправление, Пречистая, согрешающих очищение, избави мя при страшных, и огня негасимаго, жизнь вечную подающи ми.

Слава: Тебе, Дево, Едину вси вернии стяжахом заступницу тверду, Ты бо Бога родила еси. Темже хвалами вси, Чистая Тя ублажаем, роди вси земнии по глаголу Твоему.

И ныне: На Кресте видевши Чистая Зиждителя и Сына Твоего, Всенепорочная, ужаса исполнися глаголаше: что сие, Чado яко злочестивии воздаша Ти злая воз благая, яже явил еси им?

Песнь 3

Ирмос: Прежде век от Отца рожденному нетленно Сыну, и в последняя от Девы воплощенному безсеменно Христу Богу возопийм: вознесый рог наш, Свят еси, Господи.

Вси пророцы Тя Матерь Божию проповедаху образы преславными: мьбытие ясно видяще веруем, и просим уллучити Тобою Божественныя тихости.

Владычице мира, спасение верных и заступление, яже из глубины сердца въздыхания моя, възпускаема, Чистая, и слез токи приемши, связаннаго прегрешении многими избави и спаси мя.

Слава: Имущи яко Мати дерзновение, Чистая, ко Христу Богу, от агарянских чad избавитися нам моли присно, и от всякаго вреда, и благодарно славити Его, Пренепорочная, утверди.

И ныне: На Кресте вознесена Сына Своего зрящи, Пречистая, восклицаше, и в болезни сердца възглашаше вопиющи. Сыне, что Ии содеяша насыщшиися Ивоих даров злочестивии и беззаконнии?

Песнь 4

Ирмос: Жезл из корене Иессеова, и Цвет от него, Христе, от Девы прозябл еси, из горы хвальный, приосененныя чащи, пришел еси

воплóщся от неискусомужныя невестественный и Бóже, сла́ва си́ле Твое́й, Го́споди.

Низложи́ суровство́ лука́вых враг, и кова́рства я́же приноси́мая на мя: и облецы́ мя Твое́ю кре́постию, Всенепоро́чная, невре́дима присно соблюда́ющи, це́ла и непоколебима, све́тло Тя воспева́ющаго.

Побежден зако́ном плóти, безме́стная де́лаю беззакóния всестра́стный, и всячески не сме́ю возвести́ око́ мое, Влады́чице Чи́стая, к Тебе́: но Ты зако́ном милосе́рдия Твоего́ спаси́ мя окаяннаго, спаси́ мя.

Сла́ва: Еди́ну Тя, ве́рнии с Богом, упова́ние непосты́дно и заступле́ние има́мы, Влады́чице: Твоими моли́твами изба́ви нас от всяких враг: ви́димых и неви́димых, вре́да и искуше́ний, да Тя непреста́нно сла́вим.

И ны́не: Без се́мене Его́же роди́ла еси́ Сы́на, зря́щи, Всенепоро́чная, на Кресте́ пригвожде́на, восклица́ше ма́терски, и рыда́ющи глаго́лаше: Чтó е́же на Тебе́, Сы́не Мой, ви́жу но́вое и пресла́вное, и недо́ведомое чу́до?

Песнь 5

Ирмо́с: Бо́г съи́ мира, Оте́ц щедро́т, Вели́каго Со́вета Твоего́ А́нгела, ми́р подава́юща посла́л еси́ нам. Те́м Богоразу́мия к све́ту наста́вльшеся, от но́щи утреню́юще славосло́вим Тя Человеколю́бче.

Моли́тву неусы́пну иму́щи, и те́плое заступле́ние о рабе́х Твои́х, во вся́ких напа́ствуемых жити́я беда́х предва́ривши, Де́во, исхити́, и спаси́, да не печа́лию пожёрты бу́дем и истре́ем.

Мари́е, Бо́жие жили́ще, мене́ жили́ще бы́вша лука́вых духо́в де́лы скве́рными, и сих исполня́ющаго во́лю безу́мно, пока́нием яви́ Бо́гу жили́ще.

Сла́ва: Боля́щья ны́ лю́те душе́ю вку́пе и те́лом, страстьми́ грехо́вными, исцели́ яко́ милосе́рдая и Бо́га Ма́ти: Ты́ бо вели́каго вои́стинну душа́м же и те́лом Врача́ роди́ла еси́ Христа́, неоску́дный Исто́чник жизни.

И ны́не: На Дре́ве крестне́м зря́щи Сы́на, разли́ва́шеся утробо́ю, и со слеза́ми зыва́ше Пренепоро́чная: ужа́саюся Твоего́ долготерпения, Сы́не Мой, но́вое ви́дящи чу́до: како́ безгре́шен Съи́ непра́ведную терпи́ши сме́рть?

Песнь 6

Ирмо́с: Из утробы́ Ио́ну младе́нца избле́ва морски́й зве́рь, яко́ва́ прия́т: в Де́ву же все́льшеся Сло́во, и плóть прие́мшее прой́де сохра́ншее нетле́нну: Его́же бо не постра́да истре́ния, Рождшу́ю сохра́ни невре́жденну.

Мира́ мы́сленнаго прия́телище бы́ла еси́, всю́ зе́млю обла́гоухавшаго Божества́ бла́гими воня́ми, Пресвята́я Богоневе́сто. Те́мже благоуха́нием

молитвы Твоя всякое злосрадие потреби от души моих прегрешений.

О́гнь сластей зело опаляет мя, и оскорбляет смиренное мое сердце, и к безместному деланию совокупляет мя беззаконно. Потщися сей угасити, Яже О́гнь Божественный рождающая, спасение мое, Богоневестная.

Слава: Избави нас, Дево Всепетая, от напастей враг видимых и невидимых, и соблюди Мати Божия православною верою воистинну Богородицу Тя исповедающих: имаши бо присно мощь, яко рождши Создавшего всяческая.

И ныне: При Кресте стоящи, и видящи Своего Сына, плотию висима, Пренепорочная, распалаше печалию утробу Свою, и слезами обливающи зываше: Чадо, воистинну неизглаголанно на вся человеки Твое благоутробие.

Таже, Господи помилуй, трижды. Слава, и ныне:

Седален, глас 1. Подобен: Гроб Твой:

Нескверная Агница, Агница и Пастыря висяща мертва на древе зрящи, рыдающе вещаше, матерски восклицающе: Како претерплю Твое, еже паче слова, Сыне мой, снитие и вольныя страсти, Боже Преплагий?

Песнь 7

Ирмос: Отроцы благочестию совоспитани, злочестиваго веления небрегше, огненнаго прещения не убояшася, но посреди пламене стояще пояху: отец Боже благословен еси.

Не терплю бесовскаго прилога и молвы, помрачает бо ми ум пламень сластей плотских: но не презри мене, Святая Богородице, упование мое на Тя возложившаго.

Безневестная Дево, Всесвятая Богоневесто Владычице, прегрешений моих пленицы разреши молитвами Твоими, и союз любви Христовы присокупивши, добродетельныя плоды принести ми.

Слава: Яже всем сущим в мире, заступница еси и стена христианом, и прибежище непостыдно Чистая Марие темже верою Тя чтуще вопием Христу: отец наших Боже благословен еси.

И ныне: Пресвятая Дева зрящи Сына Своего висима на Кресте, ужасно дивляшася, и глаголаше: Како претерплю умерщвлена видящи Тя, Начальника жизни, и Жизнодавца.

Песнь 8

Ирмос: Чуда преестественнаго показа образ, огнеросная печь древле: огонь бо не опали юныя дети, Христово являя безсеменное от Девы Божественное Рождество. Тем воспевающе воспойм: да благословит тварь вся Господа, и превозносит во вся веки.

Владычице мира Богородице, во глубине зол погибели мене

погружённого злоумыслии сластими плотскими, и пристрастием вещми жития, возведи Единого милосердием Твоим. не имам бо надежды спасения отнюд: весь бо есмь, Состоя, во отчаянии.

Ты еси спасение всех человеков, Яже Бога рождши неизреченным образом: Ты верных спасительница, Богородице, и слепых наставница, и падающих исправление. Темже Тя восхваляюще Христу зовем: благословите вся дела, Господа, пойте и превозносите Его во веки.

Слава: Стену претверду Тя стяжавше, спасения нашего надежду на Тя возложим, Богомати. Но Ты буди рабом Твоим пристанище, и стена неборима, и ко еже вопити непрестанно направи: да благословит тварь всякая Господа, и превозносит Его во веки.

И ныне: Утробою матерски растерзаема, и слезами многими исполняема, Яже чисто рождающая Тя зрящи на Кресте, стенаниями неутешными взываше: Болезни избегши в Рождестве Твоем, Сыне Мой, болезнию ныне одержима есмь, видящи зрак Твой безчестен.

Песнь 9

Ирмос: Неизглаголанное Девы таинство: Небо бо Сия, и престол Херувимский, и светоносный чертог показася, Христа Бога Вседержителя, сию благочестно яко Богородицу величаем.

Окалях безчестия страстими душу мою окаянный, всю же душеленными страстими оскверних плоть: но яко Чистая же и нескверная, Ты мя очисти множеством милости Твоея.

Не стяхах разве Тебе, Чистая прибежища, не знаю, Владычице, ины на земли заступницы твердыя и покрова: темже к Тебе тепле притекох, прося Тобою прияти согрешений избавление.

Слава: Всепетая, Твоя рабы ныне милостивно зриши свыше, верую благочестною соблюдаючи, и Твоими молитвами всяческих избавляючи нас обстояний, истинную Тя чтущих Богородицу Чистую.

И ныне: Яже безсеменное рождение познавшая, Ты Человеколюбче, на Древе крестнем повешена яко виде, вопияше: Сыне и Боже мой Всесильне, человеки спасти хотяй, како приял еси ныне распятие?

Таже, Достойно есть: И поклон. Таже Трисвятое. **И по** Отче наш: тропари, и прочее обычное, и отпуст.

Пятница

В пятѡк ѹтра

по 1-м стихослѡвии седальны крѣстны. Глас 1:

Распѣншуся Тѣ Христѣ, погибе мучительство, и попрана бысть сила вражия: ни ангел бо, ни человек, но Ты Сам Господи спасл еси нас, слава Тебѣ.

Стих: Возносите Господа Бога нашего, и поклоняйтесь подножию ногу его, яко свято есть.

Креста Твоего Древу поклоняемся Человеколюбче, яко на том пригвоздился еси животѣ всех: рай отверзл еси Спасе, верою пришедшему к Тебѣ разбойнику, и пищи сподобил еси исповѣдующаго Тя: помяни мя Господи. Приими якоже онаго, и нас вопиющих Тебе: согрешихом вси, милосердием Твоим не презри нас.

Слава, и ныне, КрестоБогородичен: Нескверная Агница, Агнца и Пастыря повешена на древе мѣртва зряци, плачуци вещаше, матерски восклицающи: како претерплю Твое, еже паче слова, Сыне Мой снѣтие, и вольныя страсти, Боже Преблагий?

По 2-м стихослѡвии седальны крѣстны, глас 1:

Оружие крѣстное во бранѣх явися иногда благочестивому царю Константину, непобѣдимая побѣда на враги, веры ради, сего трепещут сопротивныя силы, сие бысть верным спасение, и Павлу похвала.

Стих: Бог же Царь наш прежде века, содела спасение посреде земли.

Иже древле Адама от персти создавый, брѣнною рукою заушен быв щедре, и распятие претерпел еси, поругания же и раны. О чудесе! О многого долготерпѣния твоего! Слава господи живоносным Твоим страстѣм, имиже нас спасл еси.

Стих: Дивен Бог во святых Своих, Бог Израилев.

Мученичен: Страдания похвалю, и вѣчною почестию, славнии страстотѣрцы, одеявшеся Тобою, Господи, терпѣнием убо ран беззаконных побѣдиша, и силою Божественною от небес побѣду прияша. Тех молитвами и нас свободи от невидимаго врага Спасе, и спаси нас.

Слава, и ныне, КрестоБогородичен: Зряци Тя Христѣ, Всенепорочная Мати, мѣртва на Крестѣ простѣрта, вопиаше: Сыне Мой, Собезначальне Отцу и Духу, что неизреченное Твое сие смотрѣние, имиже спасл еси Щедре, пречистую руку Твоею создание?

По 3-м стихослѡвии седальны крѣстны. Глас 1:

На древе Тя Слове крѣстнем, солнца славы Иисусе, за милосердие милости, повешена плотию волею, яко виде солнце, не терпящи

дерзновѣнія, помрачѣйся. Тѣмже омрачѣнную мою душу просвети неприкосновеннымъ свѣтомъ Твоимъ, и спаси мя, молюся.

На Крестѣ пригвоздился еси волю Щѣдре, обожил еси истлѣвшее наше существо, и човекоубийцу змия умертвил еси. Но утверди православие в мире, и низложи еретичествующихъ востанія, честнымъ Крестомъ Твоимъ.

Слава, и нынѣ, КрестоБогородичен: Иже Твое заступленіе стяжавше Пречистая, и Твоими молитвами от бѣдъ избавляемся: Крестомъ бо Сына Твоего всегда храними вездѣ, по долгу Тя вси благочестно величаемъ.

Канонъ честному и животворящему Кресту, [егоже краегранѣсие: Страсть честную хвалю владычню.] Творение господина Иосифа. Гласъ 1.

Пѣснь 1

Ирмосъ: Помогшему Богу во Египте Моисеови, и тѣмъ фараона со всевоинствомъ погрузившему, побѣдную пѣснь поимъ, яко прославился.

Страсти претерпѣвъ насъ ради, иже естествомъ безстрастен, и распятъ бывъ съ разбойникомъ, началозлобнаго змия умертвил еси Слове, и спасл еси поклоняющыяся Тебѣ.

Востокъ востоковъ съй, къ западомъ отриновенному естеству нашему Иисусе пришел еси: Тебѣ же солнца зря распинаема, свѣтъ свой сокры.

Мученичен: Смертию временною жизнь вечную пренивше добре страдальцы славнии, Царствія Небеснаго сподобистесь: сего ради прославляетея, и блажими есте.

Мученичен: Иже страстемъ Христовымъ уподобльшесь доблественне, страсти исцелѣваете земныхъ, рукодействиемъ тайнымъ, и словомъ прогоните духи, святіи мученицы.

Богородичен: Якоже Агница зряци на Крестѣ Христаъ воздвѣжена, и взираючи Агнцаъ восклицяючи вопіяше: гдѣ Твоя зайдѣ доброта, Долготерпеливе Сыне Пребезначальне?

Ин канонъ пресвятей Богородице. Гласъ 1.

Ирмосъ: Пѣснь побѣдную поимъ вси Богу, сотворшему дивная чудесаъ мышцею высокою, и спасшему Израиля, яко прославился.

Яже едина безлетнаго Бога в лето рождши воплощенна, всесвятая Пречистая, вселѣтныя страсти преокаянныя моея души исцели.

Струпы души моея, и сердца недоумѣние, помышленийъ омрачѣние, и умное побѣждѣние потреби Пречистая, яко милостивая, Твоими молитвами.

Яже свѣтъ рождшая избавителя моего, тьмы и мукъ вечныхъ избави мя пречистая: яко да спасаемъ воспеваю благоутробию Твоею.

В пучинѣ лютыхъ, и в молвѣ страстейъ потопляемъ есмь азъ, Твою

Пречистая призываю тишину: спаси мя, пристанище бо еси верных.

Песнь 3

Ирмос: Да утвердится сердце мое в воли Твоей, Христе Боже, Иже над водами небо утвердидеи второе, и основавый на водах землю, Всесильне.

На кресте длани распростерл еси, и персты Божественныя окровавив, дело руку Твоею Владыко, Адама убийственныя руки избавляя, яко един благ и человеколюбец.

В ребра прободен был еси копием Владыко, исправляя ребренное поползновение, на Древо вознеслся еси, древле беду приемшаго Древа плодом, в рай вводя с разбойником благоразумным.

Мученичен: Церковная утверждения, благочестия предния столпы, потребители вражия, господни мученики, мыслию чистою песненно да ублажим.

Мученичен: Яко Божественное сущие лозие мысленнаго винограда мученицы, гроздие изнесоша нам яве, терпения изливающее вино, и всех верных сердца веселящее.

Богородичен: Благословен плод чрева Твоего Дево всепетая, истлевшая плодом Древа, ради Креста Своего, нетления устроивый причастики, Божественною благодатию.

Ин. Ирмос тойже

Неплодныя мысли моя безплодие все потреби, и плодоносну добродетельми душу мою покажи, пречистая Богородице, верным помощнице.

Избави мя Всенепорочная, всякаго обстояния, многих соблазн змиевых, и вечнаго огня, и тьмы, яже свет рождающая превечный.

Страшным судищем чистая, и огнем онем неугасимым, и ответом лютым весь осужден есмь: потщися спасти мя Владычице Пречистая, раба Твоего.

Да обожит человечество, Бог бысть человек из Тебе Дево Чистая, паче слова и смысла: сего ради Тя согласно вси вернии ублажаем.

Песнь 4

Ирмос: Услышах Господи слух Твой, и убояхся: разумех дела Твоя, пророк глаголаше, и прославих силу Твою.

Законодавец праведен сый, со беззаконники вменен был еси, на Древо вознеслся еси благодетелю Господи, всех оправдати хотя.

Силы вся удивившася ангельския, на кресте Тебе зрящи возносима солнце, и тьмы начальныя силы побеждены быша.

Мученичен: Исцелений благодать от духовных дарований почерпше мученицы, всем отмывают страсти душетленные Божию благодатию.

Мученичен: Дремание отринувше нерадения страсотерпцы, бодростию Божественною, и верою зверей успиша стремления, и радуящиеся пострадаша.

Богородичен: Увы мне чадо, что буду? Како зрю Тя на Древо воздвигена, и без правды умерщвляема живот подающего? Дева плачущи глаголаше.

Ин

Ирмос: Духом провидя, пророче Аввакуме, Словесе воплощение, проповедал еси вопия: внегда приблизитися летом, познаешия, внегда приити времени, покажешися: слава силе Твоей, Господи.

Дева Богородице, нескверная сене, осквернена мя прегрешеньми очисти щедротами Твоими, чистейшими кропльнями: даждь ми руку помощи, да зову: слава Тебе чистая Богоневесто.

Храм освящен явился еси Богу, в Тя всельшемся паче ума: того моли, греховных скверн нас очистити, яко да храм познаемся, и обителище духовное.

Помилуй мя Богородице, яже едина милостей источник рождающая, и разреши души моея лютую болезнь, и недоумение сердечное: слез струю и умиление прежде конца подаждь, и лютых избавление.

Святая Богородице, освяти нас, пресвятаго рождши плотию, уподобитися хотящаго человеком, и Небесному Царствию причастники всех покажи, пречистая, Твоими молитвами.

Песнь 5

Ирмос: Светлый нам возсияй свет присносущный, утренюющим о судьбах заповедей Твоих, Владыко Человеколюбче, Христе Боже наш.

На Кресте плотию воздвигаемь, языки призвал еси неведующья Тебе, к Твоему познанию, судие всех, едине милостиве Христе Боже наш.

Тебе на судищи ставшу неправеднем, праведне Господи, оправдася прежде осужденный Адам, и зовет: слава распятию Твоему, Долготерпеливе Господи.

Мученичен: Якоже рай богонасажденный явистеся мученицы, страсти честныя яко цветы благоуханныя имуще, имиже благоухается верных душа всякая.

Мученичен: Благоцветная и благоплодовитая древесая, иже веры безсмертия плод процветаша, и злобы корения исторгаша, воспоим мученики Господни.

Богородичен: Жезл честный, яже прозябший цвет неувядающий, яко узре на Древо возносима того, вопияше: Владыко, не безчадну яви мя.

Ин

Ирмос: Твой мир даждь нам, Сыне Божий, ино́го бо разве Тебе́ Бо́га не зна́ем, и́мя Твое́ именуем, яко́ Бо́г живы́х и ме́ртвых еси́.

Ме́ртва мя соде́ла ино́гда во Еде́ме вкуше́ние лука́вое: но я́же жи́знь ро́ждшая Пре́чистая, дре́вле Дре́вом уме́ршаго оживи́ мя ны́не, и пода́ждь умиление.

Спаси́ мя Пре́чистая, от бе́д лю́тых и воздви́гни мя от гно́я страсте́й, и изба́ви мя плене́ния и озлобле́ния лука́вых бесо́в, Твоего́ непо́требнаго раба́.

Зе́ницы ду́ши моея́ озари́ чи́стая, зре́ти ми́ при́сно Божество́нную све́тлость, и Твою́ сла́ву Всенепоро́чная, яко́ да получу́ ми́лость и ве́чную сла́ву.

Облак и рай, и двéрь Тя́ све́та, трапе́зу, и руно́ ве́мы, ру́чку вну́тр ма́нну нося́щу, сладость ми́ру, Чи́стая Де́во Мати́.

Песнь 6

Ирмос: Проро́ка спа́сл еси́ от кита́ Человеколю́бче, и мене́ из глубины́ прегреше́ний возведи́, молю́ся.

И́же че́сти вся́кия превы́шши, безче́стие претерпе́л еси́ Христе́, на Кресте́ воздви́жен, челове́ки почести́ хотя́.

Подпису́еши мне́ оставле́ние, порабо́щенному льсти́вым, трóстию би́емь Христе́ Бо́же на́ш преблагий́.

Му́ченичен: Боле́зными страда́ний к неболе́зненной преидо́сте свя́тии кончи́не, и неизрече́нныя ра́дости сподо́бльшеся.

Му́ченичен: Разжего́стеся у́глями Христо́вы любве́ премудри́и: те́мже во о́гнь вмета́еми не опаля́еми пребы́сте.

Богоро́дичен: По ро́ждестве́ Всенепоро́чная, я́коже и пре́жде ро́ждества́ пребы́ла еси́: Бо́га бо роди́ла еси́ дре́вом челове́ка спаса́шаго.

И́н

Ирмос: Проро́ка Ио́ну подража́я вопи́ю: живо́т мо́й бла́же свобо́ди из тли́, и спаси́ мя Спа́се ми́ра, зову́ща: сла́ва Тебе́.

Оскверне́на мя мно́гими грехи́, молю́ся Тебе́ еди́ной благо́й, и нескверне́й се́ни: омы́й от вся́кия скверны́, ходата́йством Твоим́.

Окорми́тельница ми́ бу́ди чи́стая, вла́ему в пучи́не лю́тых, житейскими́ ну́ждами, и исправи́, к при́сному пристани́щу, и спаси́ мя.

Трево́лнение помышле́ний, и страсте́й нахо́ждения, и глубина́ греховна́я, окаянну́ю мою́ ду́шу обу́ревают: помози́ ми́ свя́тая Влады́чице.

Свяще́нная се́не показанна́я, Мари́е, оскверне́нную сла́стми́ окаянну́ю мою́ ду́шу освя́ти.

Песнь 7

Ирмос: Пе́щь спа́се ороша́шеся, о́троцы же лику́юще поя́ху: отце́в

Бо́же благословѣн еси́.

Распина́емъ тва́рь поколебáл еси́: умерщвля́емъ зми́я умертвѣл еси́: благословѣн еси́ Христе́ Бо́же оте́ц на́ших.

Напо́яется же́лчию Долготерпели́вый, источа́я ми́ сла́дость спасительную, сладостною́ снедию ли́шенному райския́ пи́щи.

Му́ченичен: Му́ченицы ного́тьми стру́жами, ме́ртвости дебелство́ отложивше, красоту́ же Божѣственную́ от Бога́ прия́ша.

Му́ченичен: Стра́стьми стра́сти Христо́вей пречи́стей подобя́щеся, до́блии му́ченицы, раны́ вра́жия удо́бь претерпѣсте.

Богоро́дичен: Распина́ема зря́щи Го́спода непоро́чная богоро́дица, глаго́лаше: увы́ мне сы́не мой, ка́ко умира́еши, животе́ и наде́жду ве́рных?

И́н

Ирмо́с: Су́щымъ в пе́щи отроко́м Твои́м, Спа́се, не прикосну́ся, ниже́ стужи́ о́гнь. Тогда́ три́е, я́ко еди́ними усты́ пояху́ и благословляху́, глаго́люще: благословен Боѓ оте́ц на́ших.

Осквер́ншуюся стра́стьми ду́шу мою́ освя́ти, Пречи́стая Боне́весто, и ума́ моего́ лю́тое пленение, и се́рдца недоуме́ние, и бесо́вская устремле́ния вско́ре потреби́ чи́стая.

Умерщв́ленный стра́стьми плотски́ми, всенепоро́чная, оживи́ у́м мой, и Бо́гу уго́дная соверша́ти укрепѣ́ мя: да велича́ю Тя, и сла́влю прѣсно́ благоутро́бие Твое́.

Де́во Ма́ти, я́же еди́на Бо́га ро́ждшая, умертви́ плотския́ моя́ сла́сти, и душевную́ мою́ сквер́ну отмы́й вско́ре: и истязáния бесо́в лука́вых изба́ви, и спаси́ мя.

Преиспещре́на Божѣственными́ добродѣ́тельми, родила́ еси́ Сло́во собезнача́льно Отцу́, Чи́стая Де́во, добродѣ́тельми небеса́ воистинну́ покрыв́шаго: Е́гоже моли́ прѣсно́ ущедрити́ нас.

Пѣ́снь 8

Ирмо́с: Песносло́вцы в пе́щи спáсшаго де́ти, и громопла́менную прело́жшаго на́ росу́, Христа́ Бо́га пойте́ и превозносите́ во вся́ веки́.

Егда́ на Кресте́ Спа́се пригвозди́лся еси́, колеба́шеся тва́рь: со́лнце уста́ви лучы́, и ка́мение распа́дася, и а́д ско́ро обнажа́шеся, не терпя́ держа́вы Твоея́.

За осужде́ние отринове́ннаго осужде́ние пострада́в, за прие́мшаго наготу́, на́г на Дре́ве висел еси́ Ще́дре: ве́лия Твоя́ держа́ва и долготерпе́ние.

Му́ченичен: И́же безплотнымъ сожѣ́телие, Христо́вы во́ини, кресто́м я́ко броня́ми оболче́ни, к сопроти́воборцу́ ополчи́шася, и того́ красными́ нога́ми попра́ша.

Мученичен: Стоя́ху посреде́ суди́ща с закле́пми до́блии, на у́ды раздробля́еми, и зда́ние разоря́юще преле́сти, и бесовская́ тре́бища разбива́юще.

Богородичен: Я́же небес́ превы́шшая, воздви́жена на Дре́ве, и низлага́ющаго воздви́жения вра́жия, зря́щи еди́наго вы́шняго, воспеваше то́го велегласно́.

Иѣ

Ирмо́с: Егѡ́же ужа́саются А́нгели, и вся́ вои́нства, я́ко Творца́ и Го́спода, по́йте священни́цы, просла́вите о́троцы, благослови́те лю́дие и превозноси́те во вся́ веки.

Воплоща́ется безплѡ́тный из Тебе́ боголе́пно: егѡ́же моли́ Пречи́стая, стра́сти моя́ плотскія́ умертвѣти, и оживѣти ду́шу мою́ умерщвлѣнную грехами́.

Исцеля́ющаго сокруше́ние Ада́ма пе́рстнаго, спа́са роди́ла еси́ Пречи́стая и Бога: то́го умоли́, я́звы ду́ши моея́ исцелѣти, я́же неисцѣ́льно боля́щья.

Воздвѣ́гни слежа́ща мя́ во глубинѣ́ злы́х, и ны́не борю́щаго мя́ победи́, чи́стая, и уязвлѣнную безме́стными сла́стми ду́шу мою́ пречи́стая не презри́, но ущѣ́дри, и спаси́ мя.

Избавля́емся вся́ческих искуше́ний, пречи́стая, Твои́ми к Бо́гу бо́дренными моли́твами, Тебе́ Богороди́цу сведу́щи благослове́нную и обрадованную.

Та́же, пе́снь Богороди́цы: Вели́чит ду́ша моя́ Го́спода: **И покло́ны.**

Пе́снь 9

Ирмо́с: Тя́, Ю́же ви́де Моисе́й неопали́мую купину́, и ле́ствицу одушевлѣ́нную, ю́же Иа́ков ви́де, и две́рь небесную́, е́юже про́йде Христос́ Бог на́ш, пе́снями Ма́ти Чи́стая велича́ем.

О́ како́ лю́дие непокорѣ́вии преда́ша Тя́ Кресту́, Еди́наго Долготерпели́ваго волею́ обнища́вшаго, и стра́сти прие́мшаго, и безстра́стию ходата́я бѣ́вша, все́м от Ада́ма по́ползшымся!

Распя́тие безче́стное прия́т Христѣ́ плѡ́тию, почести́ хотя́ обезче́ствованнаго челове́ка стра́стми безсловѣ́сными, и дре́внюю добро́ту погубѣ́вша: сла́ва па́че ума́ милосѣ́рдию Твоему́.

Мученичен: Со́лнце незаходи́мое Христѣ́, у́треневав́шья к Тебе́, и тьму́ страда́ний прешед́шья мани́ем Ти́, к све́ту наста́вил еси́ Твоя́ неизрече́нная сла́вы и све́тлости: просвети́ убо́ на́с те́х моли́твами.

Мученичен: По́лк мучени́к священ́ных, тьмы́ мы́сленных вра́гов победи́, и тьма́м примени́ся святы́х си́л, и тьмы́ страсте́й ду́ш наших, манове́нием вседе́тельным исцеля́ют при́сно.

Богородичен: Светом Дево, из Тебе возсиявшаго света плотию, ум мой, озари, и сердце просвети, тьму отгоняючи греховную, и уныния моего всяку мглу прогоняючи.

Ин

Ирмос: Светоносный облак, вонуже всех Владыка, яко дождь с небес на руно сниде, и воплотися нас ради, быв Человек, Безначальный, величаем вси яко Матерь Бога нашего Чистую.

Грехолюбив сый в лености пребываю, и судища, Чистая, неумытнаго трепещу: в немже мя соблюди Твоими святыми молитвами Богоневесто, неосужденна, да яко Предстательницу мою ублажаю Тя, Пречистая.

Ужасаюся судища Дево, и незабвеннаго ока Твоего Сына, содеяв многия грехи на земли, и сего ради Тебе вопию: всемилосердая Владычице помози ми, и тогдашния беды избави мя, и спаси, Чистая.

Коль страшен день испытанья, Отроковице! Коль ужасен ответ! Коль горька беда! Кто постоит прочее Пречистая Владычице? Помилуй страстную мою душу, и прежде конца даждь ми оставление, Пречистая.

Яже свет рождающая Божественный, из Отца возсиявший, омраченную мою душу лестями житейскими, и бывшую врагов поругание Всенепорочная ущедри, и свету покаяния спасительнаго сподоби, Чистая.

Таже: Достойно есть: **И поклон до земли. Таже, ектения, и светилен, и псалмы обычны.**

На стиховне стихиры крестны. Глас 1:

Тебе на Древе пригвождшагося плотию, и живот нам подавшаго, яко Спаса и Владыку поим непрестанно.

Стих: Исполнихомся заутра милости Твоея Господи, и возрадовахомся, и возвеселихомся. во вся дни наша возвеселихомся: за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Твоим Крестом Христе, едино стадо бысть Ангелов и человеков, и во едином соборе небо и земля веселится: Господи слава Тебе.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Страстотерпцы Христовы приидите людие вси почтим пеньми и песньми духовными, светильники мира, и проповедники веры, источники приснотекущия, из нихже истекают верным исцеления. Тех молитвами Христе Боже наш, мир даруй миру Твоему, и душам нашим велию милость.

Слава, и ныне: КрестоБогородичен:

Подобен: Прехвальнии мученицы:

А́гнца, А́гница и Всенепоро́чная Влады́чица, на Кресте́ яко ви́девши
зра́ка не иму́ща, ни добро́ты, увы́ мне, плачу́щи глаголаше: где́ добро́та
Твоя́ за́йде́ сладча́йший? Где́ благоле́пие? Где́ благода́ть сия́ющая, о́браза
Твоего́, Сыне мой любезнейший?

В пятѡк блаженны, глас 1:

Снедию изведе из райа враг Адама: Крестом же введе Христос вонь разбойника, помяни мя, зовуща, егда приидеши во Царствии Твоем.

Блажени изгнани правды ради, яко тех есть Царство Небесное.

Распелся безгрешне, грехи всех взял еси Христэ, и прободен был еси в ребра, спасения потоки источил еси, воды же и крове, назидая сокрушенныя тлею.

Блажени есте, егда поносят вам, и изженут и рекут всяк зол глагол, на вы лжуще мене ради.

На древе пригвождаемь волею Иисусе Боже, все отял еси Щедре Адамово страстное разумение: язвами же честными бесовское множество уязвил еси.

Радуйтесь и веселитесь, яко мзда ваша многа на Небесех.

Мученичен: Иже страстем уподобльшеся, волею пострадавшему плотию, мученицы славии, присно страсти исцеляете неисцельныя, недуги же отгоните от человек силою духовною.

Слава: Равносильную, единочестную Троицу славим Тя, Отца безначальнаго Бога, и Сына, и Духа святаго, едино триипостасное богочалие, верою величаем.

И ныне: На кресте Тя пригвождена, яко узре Христэ Боже, яже Тебе рождающая плотию, плачущи вещаше: что Ти воздаде, о Сыне мой, еврейский собор законопреступный?

О службе субботней о вечерни, о утрени и о литургии

Егда поем Бог Господь

В пяток вечера, по обычной стихологии, на Господи возвах, поем стихиры подобны, святого минеи, на 6, Слава, самогласен святого, ащеимать:

Аще ли ни, **Слава, и ныне**, Богородичен 1-й настоящего гласа.

На стиховне стихиры во октоихе мученичны три, гласа. Слава, святого, аще имать:

Аще ли ни, **Слава, и ныне**, Богородичен.

Таже: Ныне отпускаеши: и трисвятое. По Отче наш, тропарь святого.

Слава, и ныне, Богородичен, настоящего гласа. Ектении, и отпуст.

[Смотри] [Подобает ведати, яко аще не прилучится апостола коего память, или от святых великих, или святого, не имуща тропаря, Бог Господь не поем: но аллилуиа, на глас 2.]

На утрени по шестопсалмии поем Бог Господь: на глас тропаря святого, и тропарь его дважды.

Слава, и ныне, Богородичен 1-й по гласу тропаря святого.

Таже стихологисуем кафисму 16: Рече Господь Господеви моему: по обычаю. И по стихологии ектения. И седальны во октоихе мученична два, 1-й и второй.

Слава, и ныне, Богородичен 1-й настоящего гласа: и чтение.

Посем стихологисуем непорочны: в нихже кадит священник. По непорочных седальны мученичны два, 3-й, 4-й, и покоин.

Слава, и ныне, Богородичен.

И паки чтение: и псалом 50: Помилуй мя Боже:

И поем каноны 3: святого минеи, со ирмосом на 6: ирмос по дважды, тропари на 4. Сей бо предваряет всегда в субботу: и по нем храма святого, на 4.

Таже во октоихе мученичен на 4: покоин бо канон поется в пяток, на повечерии.

К канонем же глаголем песни: Поем Господеви:

По 3-й песни седален минеи святого:

Слава, и ныне, Богородичен.

По 6-й песни кондак и икос святого, аще имать. И чтем пролог.

По 9-й песни светилен прежде святого, аще имать.

Таже, Слава, октоиха: И ныне, Богородичен.

Аще же ни: Светилен октоиха: Иже мертвыми и живыми:

Слава, и ныне: Мы о тебе хвалимся:

На хвалитех стихиры не поем октоиха, но поем их на стиховне.

[Смотри] Аще ли несть святого стихир на хвалитех, и мы глаголем: Тебе слава подобает:

[Смотри] Аще ли поем святого на хвалитех стихиры, тогда: Тебе слава подобает, не глаголем: но по стихирах глаголем: Слава Тебе показавшему нам свет. Слава в вышних Богу: и посем ектения:

Исполним утреннюю:

Таже на стиховне стихиры поем октоиха, хвалитныя, мученичны три, 1-й, 2-й, 3-й, с припевы обычными:

Исполнимся заутра: 2, И буди светлость: един же оставляем, 4-й покойн, от дамаскиновых. Слава, святого самогласен, аще имать.

Аще ли ни, **Слава, и ныне**, Богородичен их.

Стиховна же субботная оставляется: точною на тех утренях поется в субботы поста, в субботу 2-ю, 3-ю и 4-ю, или аще случится аллилуиа: И поется стиховна, со упокойными их припевы.

Таже, благо есть исповедатися Господеви: И трисвятое: По Отче наш, тропарь святого:

Слава, и ныне, Богородичен утрени, во глас тропаря святого: и ектении. И час 1-й, и отпуст, и многолетно.

По скончании же сего обычная литиа в притворе, яко предписася.

На Литургии блаженна октоиха, на 6: аще ли имать святыи на Литургии песнь, и святого песнь 3-я, на 4: и октоиха гласа, на 4.

По входе глаголем тропари сице: Прежде тропарь храма, аще Христов храм, и Богородицы:

Таже тропарь дне:

Апостоли, мученцы и пророцы: И потом тропарь святого рядоваго, и кондак его. Аще ли будет другой святыи, имеяи тропарь и кондак, глаголи его. Аще же несть в субботу тропаря или кондака ни единому святому, и мы глаголем после дневнаго тропаря, за упокой:

Помяни Господи яко благ: Аще ли где храм святого, или святыя, и тем храмом в субботу тропарей не глаголем: занеже вси святии именовани суть в дневном тропаре.

Слава, кондак: Со святыми упокой:

И ныне, яко начатки.

[Смотри] о томже: Аще ли храм святого, или святыя, и тропари по входе глаголем сице: Прежде дне, Апостоли, мученцы и пророцы:

Потом тропарь и кондак святого на ряду. Аще ли несть: Помяни Господи, яко благ:

Слава, Со святыми упокой:

И ныне, яко начатки:

Аще где и в Христове храме и Богородицы, кроме предпразднства, и попразднства: покрываем темже дневным кондаком. **И ныне**, яко начатки: а не храмовым кондаком.

В субботу бо храмовыя кондаки, Христовы и Богородицы, оставляются: точию аще прилучится великий святыи, тогда, **И ныне**, кондак храма Христова, или храма Богородицы.

А идеже несть храма Христова и Богородицы, глаголем: Предстательство христиан: Прокимен, апостол, аллилуиа, евангелие и причастен, прежде святаго, таже дне: предваряет бо всегда рядоваго апостола и евангелиа, кроме господских праздников сия служба поется в субботах всегда, егда прилучится быти, Бог Господь:

Аще же прилучится в субботу владычнии праздник, поется служба непременно вся праздника.

Подобает ведати, аще прилучится в субботу пети аллилуиа

В пяток вечера, стихословим кафисму 18.

Таже на Господи воззвах, стихиры минеи святаго, 3. И октоиха мученичны три, 2-й, 3-й, 4-й, а первый оставляется.

Слава, и ныне, Богородичен воскресн, настоящего гласа.

Таже, Свете тихий: Посем прокимен.

Таже, Сподоби Господи в вечер сей: На стиховне мученичен 1: и мертвена два кир Иоанна Дамаскина.

Слава, и ныне, Богородичен.

Таже, Ныне отпускаеши: и трисвятое, по Отче наш: тропарь, глас 2: Апостоли, мученцы и пророцы.

Слава, Помяни Господи, яко благ, души раб Твоих:

И ныне, Богородичен: Мати святая:

Ектения, и отпуст. И обычная литиа за упокой в притворе.

На утрени по обычном начале, и по шестопсалмии: Вместо Бог Господь, поем Аллилуиа, на глас 2, глаголем по трижды.

Таже, Стих 1: Блажени яже избрал, и приял еси Господи.

Стих 2: Память их в род и род.

Стих 3: Души их во благих водворятся.

Тропарь, глас 2: Апостоли, мученцы и пророцы: дважды.

Слава, Помяни Господи яко благ:

И ныне, Богородичен: Мати святая:

Таже, кафисма 16. Ектения обычная, по нейже глаголем два седальны октоиха, мученичны три, 2-й и 3-й: первый оставляется.

Таже глаголем стих: Дивен Бог во святых своих: И глаголем мученичен 4-й: а Богородичен 1-й оставляется.

Таже стих: блажени яже избрал: И глаголем седален покоин, гласа:

Слава и ныне, Богородичен второй. И чтение.

По немже ничтоже глаголя, поем непорочны, с припевы: благословен еси Господи: на глас 2. Разделяем же ю на двое. На среди по 1-й статии не глаголем, **Слава, и ныне**, но поем по конце: яко аще бы не закон твой: трижды.

И глаголет священник ектению о усопших: Паки и паки:

Лик, Господи помилуй, единожды.

Еще молимся о упокоении душ усопших рабов Божиих, имярек:

Лик, Господи помилуй, единожды.

Яко да Господь Бог учинит души их:

Лик, Господи помилуй, единойды.

Милости божия, царства небеснаго:

Лик, Подай Господи.

Диакон, господу помолимся.

Священник, Боже духов, и всякия плоти:

Мы же глаголем, Господи помилуй, 40.

Возглас, яко ты еси воскресение:

Лик, Аминь.

Таже поем другую статью: Твой есмь аз: Припев, спасе спаси мя. На конец: Жива будет душа моя: трижды.

Таже, благословен еси Господи: И посем тропари за упокой: святых лик обрете источник: и прочия.

И по них ектению глаголет священник преждереченную за упокой: и поминает усопших.

Мы же глаголем, Господи помилуй, 40. Дóндеже скончает священник молитву: Боже духов: и по возгласе седален, глас 5: Покой спасе наш с праведными рабы твоя:

Слава, и ныне, Богородичен: от девы возсиявый миру:

И чтение. Псалом 50, Помилуй мя Боже:

Таже канон прежде минеи, со ирмосом на 6: и храма на 4: и октоиха на 4, первый.

По 3 песни ектения обычная: кондак, и седален минеи: И чтение.

По 6-й песни ектения за упокой: кондак, глас 8: Со святыми упокой: И икос, и пролог.

По 9 песни светилен октоиха. На хвалитех стихирь мученичны, 4:

Слава, покойн:

И ныне, Богородичен.

На стиховне стихирь подобны, покойны кир Феофана.

Слава, и ныне, Богородичен.

Таже, Благо есть: и трисвятое. По Отче наш, тропарь, глас 2: Апостоли, мученцы и пророцы:

Слава, Помяни Господи:

И ныне, Богородичен: Мати святая: И ектения.

Таже, священник: Сый благословен Христос Бог наш: И мы, утверди Боже: и час 1-й, и отпуст. На часех тропари: Апостоли, мученцы и пророцы:

Слава, Помяни Господи яко благ:

И ныне, Богородичен часов.

И по Отче наш: кондак, Со святыми упокой: И отпуст.

На Литургии, Блаженна октоиха, на 6. По входе, тропарь: Апостоли, мученцы и пророцы: и Помяни Господи, яко благ:

Слава, кондак, Со святыми упокой: И ныне Богородичен: Тебе и стену и пристанище:

Прокимен, глас 8. Веселитесь о Господе:

Стих: Блажени ихже оставишася беззакония:

За упокой, прокимен: Души их во благих водворятся.

Апостол субботы ряд: И другой за упокой. Аллилуиа, глас 8: Воззваша праведнии.

Стих: Блажени яже избрал, и приял еси Господи. Евангелие субботы ряд: И другое за упокой.

Причастен: Радуйтесь праведнии о господе: Другий за упокой: блажени яже избрал и приял еси Господи, и память их в род и род.

Последование панихиды

Подоба́ет ве́дати, о́ еже ка́ко бьва́ти о́ усопши́х послéдованию.

В пято́к ве́чера: по отпу́щении ве́черни, обле́кшуся свяще́ннику в фело́нь, диако́ну же в стиха́рь, и прие́мшу кади́льницу и фи́миам, исходит в притво́р, предьду́щу ему́ параекклисиа́рху со све́щником: послéдуем же по ни́х и мы. И егда́ прии́ти ему́ в притво́р, предьгото́ванной же бьвше́й ку́тии, Свяще́нник глаго́лет: Благо́словен Бо́г на́ш: ка́дя над ку́тиєю крестообра́зно. Мы же глаго́лем псалом 90: Живы́й в по́мощи: [Во ино́ же вре́мя кро́ме ве́черни, или́ у́трени бьва́ет нача́ло по обы́чаю: глаго́лем Трисвято́е и по О́тче на́ш, иере́й возглас: Я́ко Твое́ е́сть Ца́рство: Та́же, Го́споди поми́луй, 12. Сла́ва и ны́не: Прииди́те поклони́мся, три́жды. и псалом 90.] И по конце́ его́, Сла́ва, и ны́не: Аллилу́иа, три́жды.

И бьва́ет ектениа́ поко́йна:

Миром Го́споду помо́лимся.

Ли́к: Го́споди поми́луй.

О свь́шнем ми́ре, и о спасе́нии ду́ш на́ших: Го́споду помо́лимся.

О оставле́нии согреше́ний, во блаже́нной па́мяти преста́вьшихся: Го́споду помо́лимся.

О приснопа́мятных раба́х Бо́жих, и́мярек, поко́я, тишины́, блаже́нных па́мяти их: Го́споду помо́лимся.

О прости́ти им вся́кое прегреше́ние во́льное и нево́льное: помо́лимся.

О неосу́ждённым предста́ти у́ страшно́го престо́ла Го́спода сла́вы: Го́споду помо́лимся.

О пла́чущих и боле́знующих, ча́ющих Христо́ва утеше́ния: Го́споду помо́лимся.

О отпу́ститися им от вся́кия боле́зни, и печа́ли, и воздыха́ния, и вселити́ их, иде́же присеща́ет све́т лица́ Бо́жия: Го́споду помо́лимся.

О я́ко да Госпо́дь Бо́г на́ш учини́т ду́шы их в ме́сте све́тле, в ме́сте зла́чне, в ме́сте поко́йне, иде́же вси́ пра́веднии пребыва́ют: Го́споду помо́лимся.

О причте́нии их в не́дрех Авраа́ма, и Исаа́ка, и Иа́кова: Го́споду помо́лимся.

О изба́виться на́м от вся́кия ско́рби, гне́ва и ну́жды: Го́споду помо́лимся.

Засту́пи, спаси́, поми́луй и сохрани́ нас Бо́же Твое́ю благода́тию.

Ми́лости Бо́жия, Ца́рства небе́снаго, и оставле́ния грехо́в испроси́вше те́м, са́ми себе́, и друг дру́га, и ве́сь живо́т на́ш Христу́ Бо́гу преда́дим.

Мы же речём: Тебѣ Господи.

Иерей възглас: Яко Ты еси воскресение, и живот, и покой усопших раб Твоих, приснопоминаемых создателей, Отец и братьи наших, зде лежащих, и повсюду православных христиан, Христе Боже наш: и Тебе славу возсылаем со безначальным Твоим Отцем, и со пресвятым и благим, и животворящим Твоим Духом, ныне и присно, и во веки веков, аминь.

Таже, Аллилуиа, трижды, на глас 8.

Стих 1: Блажени, яже избрал и приял еси Господи.

Стих 2: Память их в род и род.

Стих 3: Душы их во благих водворятся.

Таже тропарь, глас 8:

Глубиною мудрости человеколюбно вся строяй, и полезное всем подаваяй, едине Содетелю, упокой Господи, души раб Твоих: на Тя бо упование возложиша, Творца и зиждителя и Бога нашего. [Дважды.]

Слава, и ныне, Богородичен: Тебе и стѣну и пристанище имамы, и молитвенницу благоприятну к Богу, Егоже родила еси Богородице безневѣстная, верных спасение.

Посѣм кафисма: Блажени непорочнии: поѣм их на глас 2-й. Припѣв. Помяни Господи души раб Твоих: **Другий же лик второй стих, и порядку прочья стихи оба лика, разделяем же на две статьи: и по первой статьи не глаголем Слава, и ныне: но абие сей стих:**

Яко аще бы не закон Твой поучение мое был, тогда убо погибл бых во смирении моем. Во век не забуду оправданий Твоих, яко в них оживил мя еси. [Трижды.]

И творит иерей ектению о преждеусопших:

Паки и паки миром Господу помолимся.

Лик: Господи помилуй.

Еще молимся о упокоении душ усопших рабов Божиих, имярек, и о еже проститися им всякому прегрешению, вольному же и невольному.

Лик: Господи помилуй.

Яко да Господь Бог учинит души их, идеже праведнии упокояются.

Лик: Господи помилуй.

Милости Божия, Царства Небеснаго и оставления грехов их, у Христа безсмертнаго Царя и Бога нашего просим.

Лик: Подай Господи.

Диакон: Господу помолимся.

Лик: Господи помилуй, 40.

Священник глаголет молитву тайно:

Боже духов и всякия плоти, смерть поправый и диавола упразднивый,

и живёт миру Твоему даровавый, сам Господи упокой души усопших рабов Твоих, имярек, в месте светле, в месте злачне, в месте покойне: отнюдуже отбеже болезнь, печаль и воздыхание. всякое согрешение, содеянное ими словом, или делом, или помышлением, яко благий человеколюбец Бог прости, яко несть человек иже жив будет, и не согрешит: Ты бо един кроме греха, правда Твоя правда во веки, и слово Твое истина.

Возглас: Яко Ты еси воскресение, и живёт, и покой:

Припев: Упокой Господи, души раб Твоих.

И порядку оба лика, и прочья стихи. На конце же поём стих: Жива будет душа моя: **трижды, до конца.**

Таже тропари за упокой, поём на глас 5:

Припев: Благословен еси Господи, научи мя оправданием Твоим.

Святых лик обрете источник жизни, и дверь райскую, да обрящу и аз путь покаянием: погбшее овча аз есмь, воззови мя Спасе, и спаси мя.

Благословен еси Господи, научи мя оправданием Твоим.

Агнца Божия проповедаваше, и заклани бывше якоже агнцы, и к жизни нестареемей святии и присносущней преставльшесе, того прилежно мученицы молитве, долгов разрешение нам даровати.

Благословен еси Господи, научи мя оправданием Твоим.

В путь узкий хождшии прискорбный, вси в житий крест яко ярём вземшии, и Мне последовавшии верою, приидите насладитесь, ихже уготовах вам почестей, и венцев небесных.

Благословен еси Господи, научи мя оправданием Твоим.

Образ есмь неизреченная Твоя славы, аще и язвы ношу прегрешений: ущедри Твое создание Владыко, и очисти Твоим благоутробием, и вожделенное отечество подаждь ми, рая паки жителя мя сотворяя.

Благословен еси Господи, научи мя оправданием Твоим.

Древле убо от не сущих создавый мя, и образом твоим Божественным почтый, преступлением же заповеди, паки мя возвративый в землю, от неяже взят бых, на еже по подобию возведи, древнею добротою возобразитися.

Благословен еси Господи, научи мя оправданием Твоим.

Упокой Боже рабы Твоя, и учини я в рай, идеже лица святых Господи, и праведницы сияют яко светила: усопшья рабы Твоя упокой, презирая их вся согрешения.

Слава Отцу, и Сыну, и святому Духу:

Троицен: Трисиятельное единого Божества благочестно поём вопиюще: Свят еси Отче безначальный, собезначальный Сыне, и Божественный Душе: Просвети нас верою Тебе служащих, и вечного огня

исхити.

И ны́не, и прѣсно, и во ве́ки веко́в, ами́нь.

Богоро́дичен: Ра́дуйся Чѣстая, Бо́га плото́ю ро́ждшая во спасе́ние все́х. Ё́уже ро́д челове́ческий о́брете спасе́ние. Тобо́ю да о́бращем ра́й, Богоро́дице чѣстая благословенная.

Посе́м: Аллилу́иа, три́жды. Та́же, ектениа́. И помина́ет иере́й усо́пших по́рядку, я́коже прѣ́жде написа́ся посре́де непо́рочных.

Аще́ же не пое́м непо́рочных, то́гда по Аллилу́иа глаго́лем тропа́рь: Глубино́ю му́дрости: и Богоро́дичен е́го. И а́бие: Благослове́н еси́ Госпо́ди: посе́м тропари́: Святы́х лик о́брете: про́чая. Та́же помина́ет иере́й усо́пших, я́коже прѣ́жде указа́ся.

И глаго́лем седа́лен поко́ин, глас 5:

Покóй Спа́се наш, с пра́ведными рабы́ Твоя́, и сия́ всели́ во дво́ры Твоя́, я́коже е́сть писа́но, презира́я я́ко бла́г прегреше́ния их во́льная и нево́льная, и вся́ я́же в ве́дении, и не в ве́дении, Человеколю́бче.

Сла́ва, и ны́не: Богоро́дичен: От Де́вы возсия́вый ми́ру Бо́же Христе́, сы́ны све́та то́ю показавый, поми́луй нас.

Та́же, псалом 50: Помилуй мя Бо́же:

Та́же канóн во окто́ихе усо́пших по гласу́, на 4. По 3-й пѣсни, ирмо́с и ектениа́. И помина́ет иере́й прѣ́ждеусо́пших по́рядку, я́коже прѣдрече́ся, посре́де непо́рочных.

Возглас: Я́ко Ты еси́ воскресе́ние и живо́т:

Та́же седа́лен, глас 6:

Воистинну́ суета́ вся́ческая: жити́е же се́нь и со́ние, и́бо все́ мятѣ́тся вся́к земноро́дный, я́коже рече́ Писа́ние: егда́ ми́р приобраще́м, то́гда во гробъ́ вселимся́, иде́же вку́пе ца́рие и ни́щии. Темже́ Христе́ Бо́же, прѣста́вльшы́яся упоко́й, я́ко Человеколю́бец.

Сла́ва, и ны́не, Богоро́дичен: Всесвята́я Богоро́дице, во вре́мя живо́та моего́ не оста́ви мене́, челове́ческому прѣдста́тельству не ввѣри́ мя, но Сама́ заступи́, и поми́луй мя.

По 6-й пѣсни ирмо́с, и ектениа́. И помина́ет иере́й прѣ́ждеусо́пших, я́коже прѣ́жде указа́хом. **Возглас:** Я́ко Ты еси́ воскресе́ние и живо́т:

Та́же конда́к, глас 8:

Со святы́ми упоко́й Христе́, ду́шы ра́б Твои́х, иде́же не́сть боле́знь, ни печа́ль, ни воздыха́ние, но жизньъ́ бесконе́чная.

И́кос: Са́м Еди́н еси́ Безсме́ртный, сотвори́вый и созда́вый челове́ка, земни́и у́бо от земли́ созда́хомся, и в зе́млю ту́южде по́йдем, я́коже повеле́л еси́ созда́вый мя́ и ре́кий ми: я́ко земля́ еси́, и в зе́млю отиде́ши, а́може вси́ челове́цы по́йдем, надгробно́е рыда́ние творя́ще пѣснь, аллилу́иа.

[Трижды.]

По 9-й пѣсни глаголет иерей: Богородицу и Матерь Свѣта в пѣснях возвеличим: **Лик:** Души и души праведных восхвалят Тя Господи. **И поём ирмос 9-й пѣсни, Таже, Трисвятѣе, и по Отче наш: глаголем тропари сия.**
Глас 4:

Со души праведных скончавшихся души раб Твоих Спасе упокой, сохраняя их во блаженной жизни, яже у тебе Человеколюбче.

Тропарь, глас тойже:

В покоищи Твоем Господи, идеже вси святии Твои упокоеваются, упокой и души раб Твоих, яко един еси Человеколюбец.

Слава: Ты еси Бог сошедый во ад, и узы окованных разрешивый, сам и души раб Твоих упокой.

И ныне: Богородичен: Единая Чистая, и Непорочная Дево, Бога без семени рождающая, моли спастися душам их.

Таже иерей ектению глаголет:

Помилуй нас Боже, по велицей милости Твоей, молим Ти ся, услыши и помилуй.

Лик: Господи помилуй, **трижды.**

Еще молимся о упокоении душ усопших рабов Божиих, имярек, и о еже проститися им всякому прегрешению, вольному же и невольному.

Лик: Господи помилуй, **трижды.**

Яко да Господь Бог учинит души их, идеже праведнии упокоются.

Лик: Господи помилуй, **трижды.**

Милости Божия, Царства Небеснаго и оставления грехов их у Христа Безсмертнаго Царя и Бога нашего просим.

Лик: Подай Господи.

Диакон: Господу помолимся.

Священник: Боже духов:

И поминает яже от века умершья отцы и братию нашу, zde лежащья, и повсюду православныя христиане.

Таже возглас: Яко Ты еси воскресение и живот:

Глаголет иерей, или диакон: Премудрость: **Мы же:** Честнейшую херувим: **Иерей:** Слава Тебе Христе Боже, упование наше, слава Тебе. **Мы же:** Слава, и ныне: Господи помилуй, трижды. Благослови.

Иерей отпуст:

Воскресый из мертвых Христос истинный Бог наш, молитвами Пречистой Своей Матере, святых славных и всехвальных Апостол, преподобных и богоносных отец наших, и всех святых, души о нас преставльшихся раб Своих в селениях праведных учинит, в недрах

Авраа́ма упоко́ит, и с пра́ведными причте́т, и на́с поми́лует, я́ко Бла́г и
Человеколюбец.

И по отпу́сте глаша́ет диа́кон си́це:

Во блаже́нном успе́нии ве́чный поко́й пода́ждь Го́споди у́спшым
рабо́м Твои́м, имярек, и сотвори́ им ве́чную па́мять.

И певцы́ пою́т: Ве́чная па́мять, три́жды. А иде́же не́сть диа́кона, пою́т
певцы́: Рабо́м Бо́жиим, имярек, у́сопшым ве́чная па́мять.

**Сий же чин и уста́в подо́бае́т твори́ти во вся́ пятки́, я́ве, я́ко в ни́хже
твори́м па́мять над коли́вом у́спшым отце́м и бра́тиям на́шым.**

О святем имущем полиелей, аще случится в субботу

В пяток вечера, поем Блажен муж, 1-й антифон. На Господи воззвах, стихиры святого, на 6:

Слава, самогласен святого,

И ныне, Богородичен 1-й настоящего гласа.

[Смотри] Аще ли имать святыи великий бдение, и восхощет настоятель

На велицей вечерни, по предначинательном псалме, поем Блажен муж, 1 антифон. На Господи воззвах, стихиры святого, на 8:

Слава, святого:

И ныне, Богородичен 1-й, настоящего гласа.

Аще предпразднство: или попразднство, на Господи воззвах, стихиры праздника, 3: и святого, 5.

Слава, святого:

И ныне, Богородичен настоящего гласа.

Вход. Прокимен дне: И чтения святого, 3. На литии стихира храма, и святого:

Слава, святого:

И ныне, Богородичен, по гласу святого, или праздника.

На стиховне стихиры святого:

Слава, святого:

И ныне, Богородичен, во глас святого, или праздника.

На благословении хлебов тропарь святого, дважды: и Богородице Дево, единожды. Буди имя Господне: трижды, с пением, псалом, 33: благословлю Господа на всякое время: до Не лишатся всякаго блага. И чем от жития святого.

На утрени, на Бог Господь, тропарь святого, дважды:

Слава, и ныне, Богородичен 1-й, настоящего гласа.

Аще ли предпразднство, или попразднство: Тропарь праздника, дважды:

Слава, святого:

И ныне, праздника.

Таже, кафисма 17: ектения, и седален святого, дважды:

Слава, и ныне, Богородичен.

И чтение. И посем кафисма 17, непорочны. На нейже иерей не кадит, но на полиелеи кадит.

Таже седален святого, дважды:

Слава, и ныне, Богородичен.

И чтение. Посем полиелей святого: и седален, дважды:

Слава, и ныне, Богородичен.

И чтение. Степенна 4-го гласа, антифон 1. Прокимен святого: и Всякое дыхание: Евангелие, и псалом 50. По 50-м псалме, стихира святого.

Таже, спаси Боже люди твоя:

Посем иерей, милостию и щедротами:

Лик, Аминь.

И поем канон Богородицы, со ирмосом на 6: ирмос по дважды: тропари на 4.

Аще ли храм Христов, или Богородицы, или аще предпразднство, или попразднство, поем подобне канон со ирмосом на 6: И святого на 8: Катавасиа, по уставу.

По 3 песни кондак предпразднства, или праздника. Таже седален святого, дважды:

Слава, и ныне, Богородичен, или праздника.

По 6-й песни кондак святого, и икос: И чтем пролог.

По 9-й песни светилен святого, дважды:

Слава, и ныне, Богородичен, или праздника.

На хвалитех стихиры святого, на 4: Аще ли в попразднство: На хвалитех 6: праздника три, яже суть на стиховне того дне, и святого 3:

Слава, святого самогласен:

И ныне, Богородичен, по гласу святого, или праздника.

И славословие великое.

Таже тропарь святого:

Слава, и ныне, Богородичен воскресн, гласа настоящего, или праздника. Ектении, и отпуст, и час 1-й.

На 1-м часе, тропарь святого. Аще ли предпразднство, или попразднство, тропарь праздника:

Слава, святого:

И ныне, Богородичен часов.

По Отче наш, кондак святого.

Аще ли предпразднство, или попразднство, кондак праздника и святого, глаголем пременяюще: И совершенный отпуст.

На Литургии блажена святого, песнь 3-я, и 6-я. Аще ли попразднство, песнь праздника, рядовая, и святого песнь 6. По входе тропарь храма Христова и Богородицы:

Таже, святого настоящего,

Слава, кондак его:

И ныне, храма Богородицы.

А идеже несть храма Богородицы, **И ныне,** Предстательство христиан:

А в предпразднства, или попразднства коего праздника: **И ныне,** кондак глаголем предпразднства, или праздника.

Аще ли предпразднства, или попразднства Господскаго праздника, а храм Христов, и тропаря и кондака храма не глаголем, но предпразднства или праздника тропарь и кондак:

Богородицы же храма в предпразднства и попразднства господских праздников, не глаголется. Прокимен святаго: апостол, аллилуиа, евангелие, и причастен святаго, емуже бдение. Аще же полиелей, присовокупляем и дне, прокимен, апостол, евангелие, и причастен.

Пятница (продолжение)

В пятѣкъ вѣчера

на Господи возвахъ, стихирѣи святымъ мученикомъ, и святителемъ, и преподобнымъ. Гласъ 1.

Подобенъ: Прехвальнии мученицы:

Стихъ: Аще беззаконія назриши Господи, Господи, кто постоитъ; яко у тебе очищение есть.

Мучениковъ единственное торжество, струями своихъ кровей множество бесовъ удавиша, и всякия уставивша студныя жертвы, идольскую разрушивша прелесть, терпеливно пострадавшие и ныне молятся Христу даровати душамъ нашимъ миръ, и велию милость.

Стихъ: Имене ради твоего потерпехъ Тя Господи, потерпѣ душа моя в слово Твое, упова душа моя на Господа.

Пастьерие всесвященнии, мудрыми словесы и учении всехъ научиша во Единстве Божество Троическое славити, Лицъ слияния и разделенія, Божественно убегающе. И ныне молятся, даровати душамъ нашимъ миръ, и велию милость.

Стихъ: От стражи утрення до нощи, от стражи утрення, да уповаетъ Израиль на Господа.

Преподобныхъ сословіе, плотская хотения успиша, и стремления обуздаша, житие равноангельное показавше. Темже и в жилищахъ Небесныхъ ныне ликовствуютъ, Христу молящися, даровати душамъ нашимъ миръ, и велию милость.

Ины стихирѣи мученичны, гласъ тойже:

Стихъ: Яко у Господа милость, и многое у него избавление: и той избавитъ Израиля отъ всехъ беззаконій Его.

Молитвами Господи, всехъ святыхъ и Богородицы, твой миръ даждь намъ, и помилуй насъ, яко Единъ Щедръ.

Стихъ: Хвалите Господа вси языцы, похвалите Его вси людие.

Еже на судищи ваше исповѣдание святѣи, демоновъ оплева силу, и от прелести человеки свободи. Темже и главамъ усекаемымъ, взываєте: да будетъ Господи, жертва душъ нашихъ благоприятна предъ Тобою, яко Тебѣ возлюбивше, нерадихомъ о временней жизни, Человеколюбче.

Стихъ: Яко утвердися милость Его на насъ, и истина Господня пребываетъ во векъ.

О добрыя ваша купля святѣи! Яко ко крови дасте, и Небеса наследовали: и временно искусившися, вечно радуется. Войстинну добра ваша купля: тленная бо оставивше, нетленная восприяли, и со Ангелы

ликовствующе, поёте непрестанно Троицу единосущную.

Слава, и ныне, Богородичен: Всемирную славу, от человек прозябшую, и Владыку рождшую, Небесную дверь воспойм Марию Деву, безплотных песнь, и верных удобрение. Сия бо явися Небо, и храм Божества: Сия преграждение вражды разрушивши, мир введе, и Царствие отверзе. Сию убо имуще веры утверждение, Поборника имамы из Нея рождшагося Господа, дерзайте убо, дерзайте людие Божии: ибо Той победит враги, яко Всесилен.

Таже: Свете тихий;

На стиховне мученичен, глас 1:

Прехвальнии мученицы, вас ни земля потайла есть, но Небо прият вы, и отверзошася вам райския двери, и внутрь бывше Древа животнаго наслаждаетесь: Христу молитесь, даровати душам нашим мир и велию милость.

Поклоин: Какя житейская сладость пребывает печали непричастна? какя ли слава стоит на земли непреложна? вся сени немощнейша, и вся соний прелестнейша: во един час вся сия смерть приемлет. Но во свете Христе лица Твоего, и в наслаждении Твоея красоты, яже избрал еси, упокой яко Человеколюбец.

Поклоин: Никтоже безгрешен, никтоже от человек быв, токмо Ты Едине Безсмертне: темже рабы Твоя яко Бог Щедрый, во свете со Ангельскими ликостоянии Твоими учини, благоутробием Твоим, презирая беззакония, и подая им прощение.

Слава, и ныне, Богородичен: Воистинну паче ума чудная Твоя величия, рождества Твоего Богоневесто, яже проповедаша пророцы вси вся Преславная: зачатие и рождество Всепетая недомысленно и несказанно, имже мир спасл есть, яко Милосерд.

Таже, Ныне отпускаеши: Трисвятое, и по Отче наш: Тропарь, и отпу́ст.

В пятѡк на повечѣрии

канѡн пресвятей Богородице. Глас 1.

Пѣснь 1

Ирмосъ: Пѣснь побѣдную поимъ вси́ Бо́гу, сотворшѣму дивная чудеса́ мышцею высокою, и спасшѣму Израиля, яко прославися.

Спасительное еси́ пристанище и покровъ, призывающымъ Тя́ Богородице Пречистая. Тѣмже и азъ от души́ призываю Тя́ тепле: Владычице спаси мя.

Маріе Пречистая, Зиждителя́ Мати, истлѣвшую страстьми́ и прегрешѣньми смиренную мою́ душу исцели, яко Благая и Благопрѣменная.

Слава: Безневѣстная Владычице, не отступай молящи всегда́ Творца́ моего́ и Бога, о притекающѣмъ присно к покрову́ Твоему́, улучшить милость.

И ныне: Палато одушевленная Царѣва, и престоле огнеобразный, со святы́ми мученики и апѡстолы, Христа́ присно моли, от напастей насъ избавити.

Пѣснь 3

Ирмосъ: Камень, Егѡже небрегоша зиждущи, Сей бысть во главу́ угла: Той е́сть Камень, на Немже утверди́ Цѣрковь Христосъ, юже от языкъ искупи.

Тьма прегрешѣний обдержитъ мое́ сердце́ Владычице, и не смею́ възрѣти на небо́ очима, тѣмже зову́: просвети велѣньми Христовыми́ ум и душу, и сердце́ мое.

Взираю на Божѣственный Твой́ образъ, и печатъ Тя́ Владычню, и Пречистую Матерь, яко Первообразну́ чту: и Сию́ лобызаю, и покланяюся, и хвалю́, Едину Ведый Твою, и Того́ честь.

Слава: Устави лю́тая стремлѣния телѣсная, угаси́ и пламень страстей́ Дѣво: имиже согрешѣний пленицу́ многоплетенную ми соплетаетъ змий лю́тый, хотя́ восхитити к погѣбели.

И ныне: Вѣсь во Адама облечѣся из Тебѣ́ Богородице, всетелонѡсно прошѣд Слово. Того́ убо моли, страстей́ насъ избавити, и напастей различныхъ, и огня́ вечнующаго.

Пѣснь 4

Ирмосъ: Духомъ провидя́ пророче́ Аввакуме, Словесе́ воплощѣние, проповѣдалъ еси́ вопия́: внегда́ приблизитися лѣтомъ, познаешися, внегда́ приити времени, покажешися. Слава силѣ Твоей́ Господи.

Рождши Зиждителя, и всехъ Творца́, силу неизреченну, и непобѣдиму́ крѣпость имаши Дѣво, и спасаеши верою к Тебѣ́ приходящыя. Сего́ ради

зову́ Ти: Влады́чице ми́ра, помози́ ми.

Брани невидимых враг мысленных низложи Влады́чице, все́ на моё напа́дающих ока́янное се́рдце, тишину́ Боже́ственную, и ми́р да́рующи: яко́ да весело́ воспева́ю Тя́.

Сла́ва: Наде́жде ненаде́жных, помо́щнице ни́щих, пла́чущих ут́еха, согреша́ющих очище́ние, руководи́тельница заблуждших, боля́щих целе́бница, и исправле́ние па́дающих.

И ны́не: Чи́стая и Благослове́нная, Я́же Еди́на кля́твы все́х измени́вшая, Де́во Мари́е, со апо́столы, и му́ченики, и проро́ки моли́, из чре́ва Твоего́ Проше́дшаго, спасти́ души́ пою́щих Тя́.

Пёснь 5

Ирмо́с: Тво́й ми́р да́ждь на́м Сы́не Бо́жий, ино́го бо ра́зве Тебе́ Бо́га не зна́ем, и́мя Твое́ имену́ем, яко́ Бо́г живых и ме́ртвых еси́.

Спаси́ мя Влады́чице, из глублины́ напа́стей, и скорбе́й, и печале́й, и страсте́й теле́сных: и в ти́шине́ Боже́ственной сохрани́ души́ мою́.

Ты́ ми еси́ тёплое хране́ние и твёрдое во все́й жи́зни, Пренепоро́чная. Те́мже молю́ Тя, и по сме́рти Твое́ мне́ милосе́рдие прости́ богато́е.

Сла́ва: Я́же Зиждите́ля ро́ждшая, и Изба́вителя все́х, изба́ви мя страсте́й теле́сных опаля́ющих се́рдце моё, и привлека́ющих к делом́ неподо́бным.

И ны́не: Я́ко ме́сто свяще́ния явля́йся мы́сленнаго, все́го мя освяти́ Влады́чице, и со святы́ми моли́ся и му́дрыми апо́столы, спасти́ мя Де́во.

Пёснь 6

Ирмо́с: Проро́ка Ио́ну подража́я, вопи́ю: живо́т мо́й Бла́же свобо́ди из тли́, и спаси́ мя Спасе́ мира, зову́ща: сла́ва Тебе́.

Ты́ жива́ мя соблюда́еши изба́вляю́щи напа́стей: Ты́ и от земли́ отходя́ща к ве́чной жи́зни предста́ви Де́во Ма́ти, милосе́рдием Твои́м.

Ты́ еси́ стена́ неру́шима, Ты́ еси́ покров́ твёрд, Богоро́дице Благая́, Ты́ предста́тельница крепка́ рабу́ Твоему́: и сего́ ра́ди Тя́ призыва́ю при́сно.

Сла́ва: Ты́ моли́тву си́льну стяжавши́ к Бо́гу, Богоро́дице Благая́, не презри́ мене́ тёпле к покрову́ Твоему́ притека́ющего, и вопи́ющего: помилуй́ мя, Ма́ти все́х Бо́га.

И ны́не: Не отрини́ мене́ Христе́, не гнуша́йся мене́ Спа́се, мо́лит Тя́ А́гница ро́ждшая Тя́ плоти́ю, со апо́столы, и со проро́ки, и со страстоте́рпцы Твои́ми.

Та́же, Госпо́ди помилуй́, **три́жды.** Сла́ва, и ны́не:

Седа́лен, глас 1: О́блак Тя́ Све́та Бо́жия присносу́щнаго, Де́во, и ковче́г, и све́щник, и ста́мну, и го́ру несекóмую, проро́цы прори́цаху Отрокови́це

Пречистая: из Тебѣ бо пройде без семене, в последняя Христос Бог наш, якоже Отец благоизволи.

Пѣснь 7

Ирмос: Сущым в печи отроком Твоим Спасе, не прикоснуса, ниже стужи огонь. Тогда трие, яко едиными усты пояху, и благословляху, глаголюще: благословен Бог отец наших.

Отчаянна суща мя Чистая, прегрешении и сластми плотскими, и ко глубине пореваема погибели, приспевши избави мя Пречистая Владычице, милосердием Твоим.

Прибежище и покров державен, и избавление Богородице всем верным: Ты ми буди руководительница ко Творцу, прегрешений избавление подающи ми, благоутробием Твоим.

Слава: Ты клятву потребила еси Чистая, радость рождающая Христа: Ты и клятву, от греха прибывшую ми, разреши силою Твоею Пренепорочная, и даруй ми радость.

И ныне: Тя, Пресвятая Чистая, раби Твои молим всегда день и ночь, молящися сокрушенною мыслию, избавление согрешений наших даруй Твоими молитвами.

Пѣснь 8

Ирмос: Егоже ужасаются ангели, и вся воинства, яко Творца и Господа, пойте священницы, прославите отроцы, благословите людие, и превозносите во вся веки.

Востани, предвари, ратуй враги, иже все смущающыя и оскорбляющыя нас, Твою силу являющи Святая Дево, помощнице мира.

Мир спасла еси от смерти и тли Божественным Рождеством Твоим, Дево Благая: и ныне же молитвами Твоими и нас восхваляющих Тя, от страстей исхити, и спаси.

Слава: Многая Твоя и неизреченная Дево крепость, многи и непобедимы Божественныя щедроты, и благоутробие. Темже спасай нас, воистинну Тя призывающих.

И ныне: Яко одушевлен виноград Дево, прорастила еси нам Грозд зрелый, источивший вино оставления, и греховное изсушивший пьянство.

Пѣснь 9

Ирмос: Светоносный облак, вонже всех Владыка, яко дождь с небес на руно сниде, и воплотися нас ради, быв Человек, Безначальный, величаем вси яко Матерь Бога нашего Чистую.

В мори жития обуреваем зело сластми плотскими, Тебе припадаю и вопию: помилуй мя к Тебе притекающего Владычице, и руку ми спасения подаждь, избавляющи погибельныя глубины.

Тебѣ моя грехи исповѣдаю Дѣво, Твоему лицу мой представляю стѹд,
и вопию от души: помилуй и ущедрь, Пречистая, яко на Тя упование с
Богом возложих твердое.

Слава: Тя без семени рождшую Творца и Владыку, призываю от души,
и зову прилежно: Ты мя спаси от тли многих прегрешений, и избави огня
негасимаго, Пресвятая Богородице Благая.

И ныне: Непроходимая двѣре, райская врата, спасаемым путь,
спасения стезя, с мученики и пророки, с праведными же и преподобными,
и с Божественными апостолами, молися Чистая, спаси души наши.

Таже, Достойно есть: И прочее обычно, и отпуст.

Суббота

В суббóту на ўтрени

по 1-м стихослóвии седа́льны мученичны. Глас 1:

Страда́ния похва́лою, и вене́чною по́честию, сла́внии страстоте́рпцы оде́явшеся Тобо́ю Го́споди, терпе́нием у́бо ра́н беззако́нных победи́ша, и сило́ю Боже́ственною от небе́с победу́ прия́ша: те́х моли́твами и на́с свободи́ от невидима́го врага́ Спа́се, и спаси́ на́с.

Сти́х: Дивен Бо́г во святы́х Свои́х, Бо́г Израи́лев.

Яко́ добрии во́ини еди́номудренно ве́ровавше, пре́щения мучи́телей не убо́ястеся свя́тии, приидо́сте усердно́ ко Христу́ вземше́ честны́й крест: и сконча́вше тече́ние, с небе́с победу́ прия́сте. Сла́ва укре́пльшему вы́: сла́ва венча́вшему вы́: сла́ва де́йствующему́ вами́ все́м исцеления́.

Подóбен: Грoб Тво́й Спа́се:

Сти́х: Ду́шы их во́ благо́их водворя́тся.

В месте́ светле́, в лице́ пра́ведных Упоко́й Спа́се, к Тебе́ преста́вльшихся: на Тя́ бо упова́ние человеколю́бче возложи́ша: приими́ моле́ние о отце́х и ча́дех, и́мже соверша́ем па́мять: и оправди́ те́х, Яко́ Многоми́лостив.

Сла́ва, и ны́не, Богоро́дичен: Гаври́лу веща́вшу Тебе́ Де́во, ра́дуйся: со гласом́ воплоща́шеся все́х Влады́ка, в Тебе́ свя́тем киво́те, яко́же рече́ пра́ведны́й Дави́д, явила́ся еси́ ши́ршая небе́с, поноси́вши Зижди́теля Твое́го: Сла́ва Все́льшему́ся в Тя́: сла́ва Проше́дшему́ из Тебе́: сла́ва Свобо́дившему́ на́с рождество́м Твои́м.

По 2-м стихослóвии седа́льны. Глас 1:

Ра́нами святы́х, и́же по Тебе́ пострада́ша, умоле́н бу́ди Го́споди: и вся́ на́ша боле́зни и стра́сти исцели́ Человеколю́бче, мо́лимся.

Сти́х: Мно́ги скорби́ пра́ведным, и от все́х их изба́вит я́ Госпо́дь.

Мучени́ки Христо́вы мо́лим вси́, и любо́вию прииде́м к ним с ве́рою: сии́ бо о на́шем спасе́нии про́сят, и сии́ вси́ источа́ют исцелений́ благода́ть, сии́ полки́ отгоня́ют бесо́вския, яко́ сохрани́цы ве́ры.

Сти́х: Блаже́ни, я́же избрал и прия́л еси́ Го́споди.

Сме́ртную держа́ву Христе́ упраздни́в, и нетле́ние земны́м источи́л еси́: и и́же в Тя́ ве́рующи́и не умира́ют, но живу́т вы́ну о Тебе́. Те́мже упоко́й Го́споди, ду́шы ра́б Твои́х, и учини́ их со святы́ми Твои́ми: моли́твами Богоро́дицы, да́руя те́м про́щение и воскресе́ние.

Сла́ва, и ны́не, Богоро́дичен: Еди́на кре́пкая и теплая́ Предста́тельница ро́да челове́ческаго, Богоро́дице Де́во, непреста́нно моли́ со проро́ки и мучени́ки, со свя́тители́ же и постни́ки и преподо́бными, Е́гоже роди́ла еси́

паче естества́ Бо́га Сло́ва, спасти́ вся́ческая.

Кано́н святы́м му́чеником, и святи́телем, и преподо́бным и усо́пшым, [его́же краегра́не́сие: Бо́га возлю́бльшым Боже́ственную воспеваю́ пе́снь.] Творе́ние кир ио́сифа. Глас 1.

Пе́снь 1

Ирмо́с: Столпо́м о́гненным и о́блачным Изра́иля наставля́й, яко́ Бо́г, мо́ре разве́рже, колесни́цы же фарао́новы глуби́ною покры́. по́йм пе́снь победную́, яко́ еди́н прославися́.

Му́чеником: Щито́м благо́честия о́граждше́ся Боже́стvenнии страда́льцы, устреми́шася к боро́ению: погуби́ша же врага́ всю́ силу, пою́ще пе́снь победную́ Христу́ укре́пльшему́ их.

Святи́телем: упасо́сте Боже́стvenнии па́стырие, ста́до Бо́жие на па́жити та́йней, волки отгна́вше па́лицею сло́вес свяще́нных: и всели́теся ра́дующе́ся во о́граду небе́сную, иде́же е́сть вели́кий па́стырь.

Преподо́бным: И́же стра́сти поще́нием и боле́знями умертви́вше плоти́, Боже́стvenным манове́нием, живете́ по сме́рти преподо́бнии: на́с ра́ди ме́ртва бы́вшаго, Христа́ всегда́ мо́лите уще́дрити на́с.

Слава: Ме́ртв бы́в, и ме́ртвым дарова́л еси́ Боже́стvenный Тво́й живо́т, и безсме́ртную жи́знь. И́же ве́рою прешед́шья от жити́я тле́ннаго, Ца́рствия Твоего́ сотвори́ прича́стники, яко́ благоутро́бен, и еди́н многоми́лостив.

Богоро́дичен: И́же любо́вию Христо́вою уязвля́еми му́ченицы, и венча́вшы́ся от Бо́га жены́, Тебе́ Всенепоро́чную и до́брую в жена́х вси́ преподо́бнии почита́ют, ра́дующе́ся ве́рно, яко́ Цари́цу Всечестну́ю.

Други́й кано́н усо́пшым, поем его́ на ряду́, иде́же не́сть мине́и, или́ при возсле́довании усо́пшым над ку́тиею, [его́же краегра́не́сие: Ве́рою усо́пшым пе́рвую пе́снь приноша́ю.] Глас 1.

Пе́снь 1

Ирмо́с: Твоя́ победите́льная десни́ца боголе́пно в крѣ́пости прославися́: та́ бо Безсме́ртне, яко́ всемо́гущая проти́вныя со́тре, Изра́ильтяном пу́ть глуби́ны новосоде́лавшая.

Припе́в: Дивен Бо́г во святы́х своих, Бо́г Изра́илев.

Врата́ сме́рти и вере́й, Твоею́ сме́ртию сокруши́л еси́ Безсме́ртне, врата́ отве́рзи Влады́ко, паче́ ума́ безсме́ртия успшым, мо́литвами страстоте́рпец Твои́х.

Припе́в: упоко́й Го́споди ду́шы усо́пших ра́б Твои́х.

Да Боже́стvenнаго живота́ сподо́бимся, соше́л еси́ к сме́рти, тоя́ же испро́верг сокро́вища, на́с отту́ду извле́кл еси́: ны́не же Жизнода́вче,

преставленныя упокой.

Слава: Ты моё тленное же и мёртвенное восприим, в нетление облёл еси, и к безконечному житию и блаженному вознесл еси, идеже яко щедр, ихже приял еси, упокой.

Богородичен: Рождшую еже от Бога Божие Слово, вернии воспойм: Та бо Всечистая путь жизни умершым бысть, Юже яко богоприёмницу и Богородицу прославим.

Песнь 3

Ирмос: Да утвердится сердце моё в воли Твоей Христе Боже, Иже над водами Небо утвердей второе, и основаый на водах землю Всесильне.

Многия муки претерпевше, и благих многих сподобистесь, множество мученик священное: темже молитвами вашими зол моих безмерное множество очистите.

Священнии одеявшеся праведною благодатию, и веселие красное преподобных собор стяжавше, невещественным служителем уподобишася.

Христовы пророцы, Божественнии мученицы, священных жен сословие, иже пострадавше мужески, и в посте прославистесь: ихже молитвами милости Твоя Спасе всем даруй.

Слава: Иже от земли Христе, человека рукою Твоею создав волею, и яже от нас вся верою преставльшыся рабы Твоя небесных благ сподоби.

Богородичен: Богородительнице Неискусобрачная, прошения всех принеси содетелью нашему Богу, рождшемуся от утробы Твоя: яко да обрящем совершенное лютых избавление.

Ин

Ирмос: Едине Ведый человеческого существа немощь, и милостивно в не воображся, препояши мя с высоты силою, еже вопити Тебе Святыи: одушевленный храм неизреченныя славы Твоя Человеколюбче.

Яко Един Благ сый, яко Един Многомилостив, яже благочестно к Тебе отшедшыя, в Небесных селениях упокой, идеже неизреченная радость и наслаждение, и идеже собор мученический веселится.

Ты един явился еси на земли, Спасе мой безгрешен, иже грехи мира вземляй яко милосерд: от мира сего преставльшихся верою, души упокой во дворех святых Твоих, в сладости райстей Человеколюбче.

Слава: Смерти державу низлож, живот некончаемый всем верным источил еси Владыко: в том убо учини благочестно отшедшыя, презирая безмерная прегрешения, и прощая грехи их Человеколюбче.

Богородичен: Без семене зачат Чистая, Слово присносущное, плотски к нам пришедшее, и смерти крепость разорившее, и мертвым воскресение и жизнь вечную Своим милосердием дарующее.

Пѣснь 4

Ирмос: Услышах Господи слух Твой, и убоялся, разумех дела Твоя, пророк глаголаше, и прославих силу Твою.

Претерпевше мученицы всякия раны, нравом доблественным, якоже овчата непорочная Христу приведостеся, за всех Заклавшемуся Животу.

Уста Божественная бывше святителие Божиим Словом научаеми, души избавиша от уст лстиваго: ихже благочестномудренне почитаем.

Крепцы Божественным духом бывше отцы Божественнии, крепко победили духов лукавствия, преподобнии благодатию.

Слава: Умертвився Животе наш волею на древе, иже верою прешедшыя живота сподоби вечнаго Человеколюбче.

Богородичен: Не отвергошася Господа женский лик, страждущи мужески: и не победишася телесными сластями святии, споспешницу Тя имущи Пречистая.

Ин

Ирмос: Гору Тя благодатию Божиею приосененную, прозорливима Аввакум усмотрив очима, из Тебе изыти Израилеву провозглашаше Святому, во спасение наше и обновление.

Умертвив ад непобедимою Твоею силою, вменен был еси в мертвых, един сый свободь Христе, души свободи благочестивых, и еже в нем осуждения, святых мученик мольбами.

Иже всех сый яко Владыка, противодостойную иже от Адама Твоего закления, избаву дал еси и цену: темже молимся Твоим щедротам, преставльшыися упокой, согрешений подая оставление.

Слава: Приял еси Спасе мой, еже во гробе положение, и яже во гробех жити осужденныя мертвецы, яко Бог воскресил еси. Ныне же жизни присносущныя сподоби преставленныя, яко Един Человеколюбец.

Богородичен: Спасеся род человеческий Рождеством Твоим: Ты бо родила еси нам ипостасный Живот, смерти потребление, и к жизни соделовающий восход, Богородительнице Пренепорочная Владычице.

Пѣснь 5

Ирмос: Светлый нам возсияй свет присносущный, утренюющим о судьбах заповедей Твоих, Владыко человеколюбче Христе Боже наш.

Вооружившеся благочестием, не уязвлени явистеся мученицы, борца стрелами, и победоносцы благодатию бывше, венцы получите.

Помаза мастию Божественною Господь священники своя, упасшыя в преподобии верных множества, и наставльшыя ко ограде небесней.

Священномученицы священнейшии, преподобнии вси, иже духа уставы соблюдше, и Царствию причастницы бывше, Божественно

прославля́етесь.

Сла́ва: Ихже ны́не преста́вил еси́ повеле́нием Твои́м Влады́ко Го́споди, сподо́би Ца́рствия Твоего́ со святы́ми, вся́ презира́я им дре́вняя согреше́ния.

Богоро́дичен: Ихже постом и страда́нием сла́ву обрётше Небе́сную жены́, Пречистая, Тебе́ Предста́тельница имуще, змиеву держа́ву разруши́ша.

И́н

Ирмо́с: Просвети́вый сия́нием прише́ствия Твоего́ Христе́, и освети́вый кресто́м Твои́м ми́ра концы́, сердца́ просвети́ све́том Твоего́ богоразу́мия, правосла́вно пою́щих Тя.

Исцеля́яй от я́да сме́ртнаго, сме́рть прия́т, и сме́рти жа́ло притупи́л еси́: но Са́м упоко́й, ихже прия́л еси́ жизнода́вче, му́ченик мольба́ми.

Умерщвле́ния и тле́ния челове́ки свободи́вый, ду́шы ве́рно преста́вленных учини́ во дво́рех святы́х Твои́х, отню́дуже отбеже́ всяка ско́рбь, и весе́лие водворя́ется.

Сла́ва: Ра́й убо́ с Тобо́ю пове́шенному, я́ко отве́рзл еси́: ны́не приими́, ду́шы Влады́ко, к Тебе́ ве́рою преста́вьшы́яся, пода́я им в Це́ркви первенец водворити́ся.

Богоро́дичен: Избавля́ющи на Тя наде́жды держа́ву иму́щих, к приста́нищу Боже́ственны́я во́ли т́хо наста́ви, ма́терним Твои́м дерзнове́нием к Сы́ну Твоему́, Благосло́венная Всенепоро́чная.

Пе́снь 6

Ирмо́с: Проро́ка Ио́ну подража́я вопи́ю: живо́т мо́й Бла́же, свободи́ из тли́, и Спаси́ мя, спасе́ ми́ра, зову́ща: сла́ва Тебе́.

Умерщвле́ни бы́вше ра́н мно́гих наведе́ньми, жи́знь и́стинную насле́довасте вку́пе, моля́щесе спасти́ся все́м нам, святы́и му́ченицы.

Денни́цы светоза́рныя познани́ бы́сте на землі́, благоче́стия све́том озари́сте ве́рныя, пресла́внии Хри́стовы ору́жницы, и святы́телие премудри́и.

Стра́нни яви́стесе на землі́, и гра́ждане небе́снии, богоно́снии по́стницы, умертви́вше плоти́ мудрова́ния воздержани́ем и смире́нием.

Сла́ва: Невече́рнему Твоему́ Све́ту, и сла́дости и́стинней, я́же преста́вил еси́ ве́рныя, покажи́ прича́стники Чело́веколю́бче, и святы́х собо́ром сих сопричти́.

Богоро́дичен: Ихже пострада́вшы́я кре́пко, и посты́вшы́яся те́пле, Тобо́ю псаломски́ во сле́д приве́дошася Хри́сту, всепе́тая Богороди́тельнице, вся́ческих Ца́рю.

И́н

Ирмо́с: Обы́де на́с послед́няя бе́здна, не́сть избавля́яй, вмени́хомся я́ко

овцы заклѣнія, спаси люди Твоя́ Бо́же наш: Ты́ бо крѣпость немощствующих и исправлѣние.

Яко́ милосѣрд, преставленнымъ даруй прегрешѣний прощѣние, и вѣчное наслаждѣние подая, иде́же сияетъ лица́ Твоего́ свѣтлость, и озаряетъ страсотѣрпцы Твоя́.

И́же кро́вию от ребр Твоихъ истѣкшею миръ искупилъ еси́, вѣрою усопшыя́ убо Христе́ избави честными́ Страстьми́ Твоими́: Ты́ бо цѣну за всехъ Себѣ далъ еси́.

И́же создавый мя́ рукама́ пречистыми́ пер́вее и духъ дарова́вый, и к земли́ низпадша́ зле, паки обновивый красне́йше, ны́не души́ преставльшихся́ Самъ упокой́.

Сла́ва: Черто́гу Твоему́ светно́сному Го́споди, вселити́ сподоби́, я́же в вѣре к Тебѣ́ усопшыя́, те́х презирая́ прегрешѣния, я́ко благъ и милосѣрдъ и многоми́лостивъ.

Богоро́дичен: Поѣмъ Тя́ Благословѣнная́ Сис́тая, Ея́же ра́ди намъ возсия́ су́щымъ во тьме́ и сѣни́ смѣртней, правды́ незаходимо́е Со́лнце: Ты́ во нашего́ спасѣ́ния ходатаи́ца была́ еси́.

Пѣснь 7

Ирмо́с: Су́щымъ в пещи́ отроко́м Твои́м Спа́се, не прикосну́ся, ниже́ стужи́ о́гнь. Тогда́ три́е я́ко еди́ними усты́ пояху́ и благословляху́, глаголюще́: благословенъ́ Богъ о́тецъ нашихъ.

Искусивше́ся я́ко злато́ во о́гнь мучени́цы все́ми му́ками, свѣтле́йше вся́каго злата́ в любви́ Божѣ́ственной яви́шася, и в сокро́вищахъ небѣ́сныхъ сохранѣ́ни бы́ша.

Я́ко Священни́цы, Я́ко Божѣ́ственнии́ слуги́ бывше́, вси́ святители́е священни́и принесо́сте бо́гу жѣ́ртвы безкро́вныя, и люди́ упасше́, иде́же вели́кий па́стырь всели́стеся.

Не покоривше́ся страсте́м плоти́, безстра́стиемъ я́ко в ри́зу та́йну преподо́бнии́ облѣ́кшеся, сожителі́е ангеломъ́ яви́шася: ихже́ молитвами́ Христе́, избави́ насъ от искуше́ний.

Сла́ва: Иде́же пи́ща е́сть та́йная, иде́же сия́етъ Свѣ́тъ лица́ Твоего́ Христе́, я́же от насъ́ преставльшы́яся в вѣре́ Благодателю́ всели́, сла́вити́ благоче́стно твою́́ благосты́ню.

Богоро́дичен: Тебѣ́ Всесвята́я, Пречиста́я, свята́я жены́ иму́ще добро́ту, ликуютъ́ со Ангелы́ радостно́, и Бога́ Слова́ сла́вят рождша́гося Плотію́ из Тебѣ́, за милосѣ́рдие мно́гое.

Ин

Ирмо́с: Тебѣ́ умную́ Богоро́дице, пѣ́щь разсмотримъ́ вѣрнии́: я́коже бо́ отроки́ спасе́ три́ Превозносимый́, миръ́ обнови́, во чре́ве Твое́мъ Всецѣ́л,

хвальный отцев Божь, и препрославлен.

Сиянии Пречистой славы Твоей, озаритися Христе подавай, от бури мирския к Тебе отшедшим, и тех сподоби с мученики зватьи Тебе: хвалимый отцев Боже благословен еси.

Нов Адам воистинну быв, Адамов Содетелю, Иже клятву бо Адамову един потребил еси. Темже молимся Тебе: преставленные упокой в сладости райстей Христе, яко един милосерд.

Слава: Иже нашу естественную немощь един сведый яко Бог, благ же и милостив, вся ихже преставил еси, идеже свет незаходимый присещает лица Твоего, учини Христе, хвалимый отцев Боже и препрославлен.

Богородичен: Закона сени, и древняя гадания Твоим преидоша Рождеством Богомати, Ты бо нам Божественная благодати Свет возсияла еси: имже древних избавихомся долгов Чистая, воспевающе Бога препрославленного.

Песнь 8

Ирмос: Егже ужаются ангели, и вся воинства, яко Творца и Господа, пойте священницы, прославите отроцы, благословите людие, и превозносите во вся веки.

Львов зияния преидоша невредно, и конобов врения претекоса крепко мученицы вси, прохлаждаеми огнем Божественного духа преславно.

Дая пророком своим предведети дальняя, и святители Твоя умудрил еси священно: тех молитвами Христе Боже, просвети сердца верно поющих Тя.

Распешше себе преподобнии миру, живот премирный наследовасте постницы, с сущими от века всех Богу угодившими преподобно и праведно.

Слава: Иже создавый человека от земли богодельно, яже от земли преставил еси верныя, яко благ, пищи райския сподоби, вся презирая яже от них содеянная.

Богородичен: Добрую и Непорочную Чистая в женах, жены пострадавшыя знающе Тя яве Дево, молитвы творят с Тобою к Богу, спастися от бед рабом Твоим.

Ин

Ирмос: В пещи отроцы Израилевы, якоже в горниле добротою благочестия чистее злата блещася, глаголюще: благословите вся дела Господня Господа, пойте и превозносите во вся веки.

Скверну всю Твоих рабов усопших, Твоего человеколюбия росю отмыв, Тя песнями воспевати сподоби: благословите вся дела Господня Господа, пойте и превозносите Его во вся веки.

Предстоятели Спасе десныя, верою оправдав молитвами страстотерпец, яже преставил еси верныя, покажи поющыя: благословите вся дела Господня Господа, пойте и превозносите Его во вся веки.

Слава: Иже смерти и живота имей всякую власть, яже верою усопшыя Твоего сияния улучшить благоволи, зывающыя: благословите вся дела Господня Господа, пойте и превозносите Его во веки.

Богородичен: Спасения ходатаица нам была еси Всенепорочная, и в непреходимыя веки пребывания же и светлости: Тебе Дево Чистая, присно вся дела благословим, и превозносим во вся веки.

Таже, песнь Богородицы: Величит душа моя Господа: **И прочыя стихи, с припевы.**

Песнь 9

Ирмос: Живоприемный Источник приснотекущий, светоносный Светильник благодати, Храм одушевленный, Сень пречистую, Небесе и земли пространнейшую, Богородицу вернии величаем.

Священных мученик почтим священная борения радуящися, страдания же и раны, пригвождения и изгнания, и закление блаженное, имже Христу наследницы явишася.

Яко священницы Божии, облекошася в правду Божественнии угодницы: яко в преподобии поживше, иже в посте яве скончавшиися, радуются Христа величающе.

Уста Божественная Господня бывше, пророцы вси, всем его провозвестиша свет: с нимиже ныне веселятся и жены, крепко подвизавшыся, и постом Богу угодившыя.

Слава: Иже всеми царствующая сило, Твоего Царствия покажи причастники, со святыми Твоими, яже от земли преставил еси: и яже содеянная ими, Боже всех презри премногою благостию Твоею.

Богородичен: Яже свет Рождшая Божественный, безлётный, вся моя разреши летная прегрешения, Твоими мольбами: и ум мой просвети, омрачаемый присно леностию, да Тя пою, и верно величаю.

Ин

Ирмос: Образ чистаго Рождества Твоего огнепалимая купина показана неопальная: и ныне на нас напастей свирепеющую угасити молимся пещь, да Тя Богородице непрестанно величаем.

Пощади яко Бог человеколюбив, и милостив, Твое создание: и упокой в селениях святых Твоих, идеже мученицы вси веселятся, верою преставления от временных, многомилостиве.

Имей милостей бездну, препобеждающую рабов Твоих прегрешения, ихже прием избра, упокой в недрах Авраамлих Человеколюбче, и с

Лазарем во свет Твой всели.

Слава: Избавитель и Спас бив роду человеческому, распятия ради, яже ныне от нас преставил еси, яко Благодатель, наслаждения Божественнаго сподоби, и живота нетленного, и веселия и светлости.

Богородичен: О яже паче ума чудес Твоих! Ты бо Дево едина всем, иже под солнцем, подала еси разумети новейшее чудо Пречистая, Твоего рождества недоуменнаго: темже Тя вси величаем.

Таже, Достойно есть: И ектения, и светилен, и псалмы обычныя.

На хвалитех стихиры мученичны, глас 1:

Страстотерпцы Христовы, приидите людие вси почтим, пенями и песнями духовными, просвещники мира, и проповедники веры: источники приснотекущия, от нихже истекают верным исцеления. Тех молитвами Христе Боже наш, мир миру твоему даруй, и душам нашим велию милость.

Сии воины Царя великаго противишася повелением мучителевым, доблественне нерадиша о муках, и леств всю поправше, достойне венчани быша. Просят от спаса мира, и душам нашим велия милости.

Вас прехвальнии мученицы, ни скорбь, ни теснота, ни глад, ни гонение, ниже раны, ни ярость зверей, ни мечь, ниже огонь претяй разлучити от Бога возмогша: любовию же паче яже к нему, яко в чуждих подвигшеся телесех, естество забывше, и смерть презресте. темже и достойно трудов ваших мзду прияли есте, небесному Царствию наследницы бывше: Христу молитесь о душах наших.

Веселитесь мученицы о Господе, яко подвигом добрым подвизаетесь, и противистесь царем, и мучители победисте: огня и меча не устрашитесь, и зверей дивных сседающих телеса ваша. Христу со ангелы песнь возсылающе, с небесе венцы приясте: испросите даровати мир миру, и душам нашим велию милость.

Мертвен: Делом Спасе мой являеши, яко Ты еси всех воскресение, словом слове Лазаря от мертвых возставил еси. Егда же мертвии от гробов воскресоша, и врата Адова смятошася: тогда человеком смерть сон являшеся. Но иже на спасение своего создания, а не на осуждение пришедый, ихже избрал еси, упокой яко Человеколюбец.

Слава, и ныне, Богородичен: Радуйся от нас, Святая Богородице Дево Чистый Сосуде всея вселенныя: Свеще неугасимая, вместилище Невместимаго, храме неборимый. Радуйся, из неяже родися Агнец Божий, вземляй грехи всего мира.

На стиховне стихиры покойны. Творение кир феофана. Глас 1.

Подобен: Прехвальнии мученицы:

Тебе́ Спа́се мо́лимся, Твоего́ сла́дкаго прича́стия преста́вльшихся сподо́би, и всели́ во обите́лех преподо́бных со святы́ми Твоими́, и в небе́сная жили́ща, благоутро́бием Твои́м презря́ беззако́ния, и пода́я си́м покой.

Сти́х: Блаже́ни, я́же избра́л и прия́л еси́ Го́споди.

Па́че ви́димых твоя́ Спа́се Оче́дания, я́же око́ не ви́де, и у́хо не слы́ша, и на се́рдце челове́ка нико́гдаже взы́де: мо́лим Тя́ влады́ко, сла́дкаго Твоего́ прича́стия получи́ти сподо́би, к Тебе́ преста́вльшы́яся, и пода́ждь им вечную́ жизнь.

Сти́х: Ду́шы их во благо́их водворя́тся.

О Кресте́ Твоём весе́лящися. О Кресте́ Твоём наде́ющися раба́ Твои́, к Тебе́ преста́вишася Чело́веколю́бче: имже́ ны́не изба́вление те́х прегреше́ний, Крест Твои́ даруй, и кро́вь пролия́нную за мирски́й живо́т, благосе́рдием Твои́м проща́я согреше́ния, и просвеща́я све́том лица́ Твоего́.

Сти́х: И па́мять их в ро́д и ро́д.

Никто́же безгре́шен, никто́же от челове́к бы́в, то́кмо Ты́ еди́не Безсме́ртне. Те́мже раба́ Твоя́, я́ко Бо́г Ще́дрый, во све́те со А́нгельскими ликосто́янии Твоими́ учини́ благоутро́бием Твои́м, презира́я беззако́ния, и пода́я им проще́ние.

Сла́ва, и ны́не, Богоро́дичен: Христа́ умоли́, Твоё́ Рожде́ние Ма́ти Де́во, согреше́ний прощение́ дарова́ти раба́м Твои́м, Тебе́ Богоро́дицу́ пропове́давшим воистинну́, и словом благо́честивым благо́словившим, и све́тлости святы́х и весе́лия сподо́би во Ца́рствии Твоём.

В суббóту, блажённы. Глас 1:

Сне́дию изведе́ из ра́я вра́г Ада́ма: Кресто́м же введе́ Христо́с во́нь разбо́йника, помяни́ мя Го́споди, вопи́юща, егда́ прии́деши во Ца́рствии Твоём.

Блажéни изгна́ни пра́вды ра́ди, я́ко те́х е́сть Ца́рство Небе́сное.

Страда́лец мно́жество безчи́сленное, святи́телей, и прему́дрых же́н, и проро́к пресла́вных, мо́лят Тя́ Иису́се Бо́же: пода́ждь на́м оставле́ние прегреше́ний, и Ве́лию Ми́лость.

Блажéни есте́, егда́ поно́сят ва́м, и иждену́т, и реку́т вся́к зóл глаго́л, на вы́ лжу́ще Иене́ ради.

И́же течéние соверши́вше святи́цейшии Христо́вы страда́льцы, со святи́тели святи́нными и проро́ки, сподо́бистеся во гра́де небе́сном жи́ти, со А́нгелы весе́лящися.

Ра́дуйтеся и весе́литесь, я́ко мзда́ ва́ша мно́га на небе́сех.

Во све́те Христе́, учини́ невече́рнем, я́же преста́вил еси́, прегреше́ния их́ презре́в, я́ко ще́дрый Бо́г: да Твою́ сла́вим благода́телю, безчи́сленную ми́лость.

Сла́ва: Отцу́ поклони́мся, и Сы́на славосло́вим, и пресвята́го Ду́ха вси́ ве́рнии воспойм: помяни́ нас зову́щих, е́диносущная́ Трои́це, е́динице Бо́же.

И ны́не: я́ко пала́ту пространную́, и престо́л сла́вы, и о́блак све́тел, песносло́вим Тя́ чистая́, и мо́лим: разори́ о́блак мра́чный от ду́ш на́ших, Боже́ственными моли́твами Ивоими́.

Конецъ пёрвому гласу.

Глас 2

Суббота

В суббóту вéчера, на мáлей вechérни

на Гóсподи, воззва́х, стихи́ры воскрeсны, осмогласника, 3, повторя́юще пeрвую. Глас 2.

Стих: От стражи у́тренняя до но́щи, от стражи у́тренняя, да упова́ет Израи́ль на Гóспода.

Пре́жде вeк от Отца́ ро́ждшемуся Бо́жию Сло́ву, вопло́щшемуся от Дeвы Мари́и, прииди́те поклони́мся: Крeст бо претерпéв, погребéнию предаде́ся, я́ко Сам восхотé; и воскрeс из мeртвых, спасé мя заблужда́ющаго чeловeка.

Христос Спáс наш, е́же на ны́ рукописа́ние пригвозди́в на Кресте́ заглади, и смeртную держа́ву упраздни́: покланя́емся Егó триднeвному воскрeсению.

Со архáнгелы воспой́м Христóво Воскрeсение: Той бо е́сть Избáвитель и Спáс душ наших, и в славе стра́шной и крeпцей силе, паки грядeт судити́ миру, егoже созда́.

Слáва, и ны́не, Богородичен, догмáтик, глас 2:

О превeлия та́инства! Зря́ чудеса́, проповeдую́ Божество́, Емману́ил бо естества́ убо врата́ отве́рзе я́ко Чeловеколюбец, дeвства́ же ключи́ не разруши́ я́ко Бог; но си́це от утробы́ пройде́, я́коже слухом вниде́; та́ко воплоти́ся, я́коже зачатся́; безстра́стно вниде́, несказанно́ изыде́, по проро́ку глаго́лющему: сия́ врата́ заключeна́ будут; никто́же пройде́т ими́, токмо́ един Господь Бог Израилев, имeяй вeлию́ милость.

Та́же, Свeте тихий: Посeм проки́мен: Господь воцари́ся, в лeпоту облечeся. **Три́жды. Стих:** Облечeся Господь в си́лу, и препоясeся. **Та́же, Сподоби́, Господи́, в вeчер сей: Иерeй же ектений не глаго́лет, но поeм:**

На стихóвне, стихи́ру воскрeсну, глас 2:

Воскрeсение Твое́, Христe Спасе, всю́ просвети́ вселeнную и призвaл еси́ Твое́ создáние: Всесильне́ Гóсподи, слава́ Тебe.

Ины́ стихи́ры пресвяте́й Богороди́це, глас тойже.

Подобeн: Егда́ от дрeва Тя:

Стих: Помяну́ имя́ Твое́ во всяком ро́де и ро́де.

Всeх скорбя́щих радосте́, и обидимых предста́тельница, и убо́гих пита́тельница, странных же́ утешeние, и жeзде слeпых, немощных́ посещeние, тружда́ющихся покрове́ и заступни́це, и си́рых помо́щнице, Мати́ Бога Вышня́го, Ты еси́, Пречистая́, потщи́ся, молимся́, спаси́ся рабóм Твоим.

Стих: Слы́ши, Дщи́, и ви́ждь, и приклони́ у́хо Твое́.

Всякое беззаконие нещадно, всякий грех невоздержно окаянный соделах: всякаго осуждения достоин есмь! вины покаяния мне подаждь, Дево, яко да не осужден тамо явлюся, Тя бо напишю молитвенницу, Тя призываю представительницу, не посрами мене, Богоневестная.

Стих: Лицу Твоему помолятся богатии людстии.

Иного прибежища, Чистая, к Творцу и Владыце мы не имамы, разве Тебе, Богоневесто: да не отринеси нас теплым Твоим представительством, ниже посрамиши любовь притекающих под кров Твой, Мати Бога нашего: потщися, и Твою помощь даждь, и нынешняго гнева нас спаси.

Слава, и ныне, Богородичен, глас 2:

Кто Тя по достоянию похвалит и ублажит, Отроковице Богоневестная, о еже Тобою бывшем миру избавлении: благодаряще убо зовем Ти, глаголюще: радуйся, Яже Адама обожившая, и разстоящая совокупившая. Радуйся, просветившая род наш светоносным Воскресением Сына Твоего и Бога нашего: Тя бо христианский род непрестанно ублажаем.

Таже, Ныне отпущаеши: Трисвятое, и по Отче наш: Тропарь воскресен. Ектения малая, и отпуст.

В суббóту на вели́цей вечерни

на Гóсподи, воззва́х, поста́вим стихо́в 10, и поём стихи́ры воскресе́ны осмогласника, 3: и Анато́лиевы, 4: и Мине́и 3, или́ 4, или́ 6, а́ще пра́зднуется святы́й, Сла́ва, Мине́и: И ны́не, Богоро́дичен пе́рвый, гласа.

Стихи́ры воскресе́ны, глас 2.

Стих: Изведи́ из темни́цы ду́шу мою́, испове́датися и́мени Твоему́.

Пре́жде век от Отца́ Ро́ждшемуся Бо́жию Сло́ву, вопло́щшемуся от Девы́ Мари́и, прииди́те поклони́мся: крест бо претерпе́в, погребё́нию преда́лся, я́ко Са́м восхоте́: и воскресе́ из ме́ртвых, спасе́ мя заблужда́ющего челове́ка.

Стих: Мене́ ждúт пра́ведницы, дóндеже возда́си мне́.

Христо́с Спа́с наш, е́же на ны́ рукописа́ние пригвозди́в на Кресте́ заглади́, и сме́ртную держа́ву упраздни́: покланя́емся Его́ Тридне́вному Воскресе́нию.

Стих: Из глуби́ны воззва́х к Тебе́, Гóсподи, Гóсподи, услы́ши глас мой́.

Со Арха́нгелы воспой́м Христо́во Воскресе́ние: Той бо е́сть Иза́витель и Спа́с ду́ш наших, и в сла́ве стра́шной и кре́пцей си́ле, па́ки гряде́т судити́ ми́ру, его́же созда́.

Ины́ стихи́ры Анато́лиевы, глас то́йже

Стих: Да бу́дут у́ши Тво́и, внёмлю́ще гласу́ моле́ния моего́.

Тебе́ Распе́ншагося и Погребё́ннаго, а А́нгел пропове́да Влады́ку, и глаго́лаше жена́м: прииди́те види́те, иде́же ле́жаше Госпо́дь: воскресе́ бо, я́коже рече́, я́ко Всеси́лен. Те́мже Тебе́ покланя́емся, Еди́ному Безсме́ртному: Жизнода́вче Христо́е, поми́луй нас.

Стих: А́ще беззакония́ назриши, Гóсподи, Гóсподи, кто́ постои́т; я́ко у тебе́ очи́щение е́сть.

Кресто́м Твои́м упраздни́л еси́, ю́же от дре́ва кля́тву, погребё́нием Твои́м умертви́л еси́ сме́рти держа́ву: воста́нием же Твои́м просвети́л еси́ ро́д челове́ческий. Сего́ ра́ди вопие́м Ти́: Благоде́телю Христо́е Бо́же наш, сла́ва Тебе́.

Стих: И́мене ра́ди Твоего́, потерпе́х Тя́, Гóсподи, потерпе́ душа́ моя́ в сло́во Твое́, упова́ душа́ моя́ на Гóспода.

Отверзо́шася Тебе́, Гóсподи, стра́хом врата́ сме́ртная, врати́цы же а́довы́ виде́вше Тя́, убоя́шася: врата́ бо ме́дная сокруши́л еси́, и вере́й желе́зные стёрл еси́, и извел еси́ нас от тьмы́ и сени́ сме́ртныя, и узы́ наша растерза́л еси́.

Стих: От стра́жи у́тренняя до но́щи, от стра́жи у́тренняя, да упова́ет

Израиль на Господа.

Спасительную пѣснь поюще, от уст возслѣм: приидите вси в дому Господнем припадемъ, глаголюще: на древе Распныйся, и из мертвых Воскресый, и Сый в недрах Отчих, очисти грехи наша.

Ины стихиры пресвятей Богородице, поем их, идеже несть Миней. Творение Павла Аморрейскаго. Глас 6

Подобен: Отчаянная жития ради:

Стих: Яко у Господа милость, и многое у Него избавление: и Той избавит Израиля от всех беззаконий его.

Яже ненадежных упование известно, и согрешающих спасение, Марие всепетая, Чистая Богородице, прими моление мое сие, и испроси ми разрешения всех, яже согреших в житии, матерними Твоими молитвами, и спаси от бед и будущаго суда, Владычице, великия ради Твоея милости.

Стих: Хвалите Господа вси языцы, похвалите Его вси людие.

Лукаво время живота моего, лукаво и исполнь всякия злобы, сатане лукавому люте мя смущающе, Ты мя, Богородительнице, избави того пакости, Ты мя от уст онаго исторгни, Пресвятая: на Тя бо все возложих чаяние мое, спаси мя Твоими бодрими молитвами.

Стих: Яко утвердися милость Его на нас, и истина Господня пребывает во век.

Радуйся, Непостыдная Предстательнице. Радуйся, Преблагая Богородице. Радуйся, очистилище мира. Радуйся, радости скорбящих, и пристанище обуреваемым. Радуйся, яже всем помогающая сущым в нуждах. Ты убо сохрани и мене, Дево, всех скорбных, пренепорочная Владычице.

Слава, и ныне, Богородичен: Прейде сень законная, благодати пришедши: якоже бо купина не сгараше опаляема, тако Дево родила еси, и Дева пребыла еси. Вместо столпа огненнаго, праведное возсия солнце: вместо Моисеа, Христос, спасение душ наших.

Таже вход с кадиллом. Свете тихий: Прокимен и ектений.

На стиховне стихиры воскресны, глас 2:

Воскресение Твое, Христе Спасе, всю просвети вселенную и призвал еси Твое создание: всеильне Господи, слава Тебе.

Ины стихиры по алфавиту.

Стих: Господь воцарися, в лепоту облечеса.

Древом, Спасе, упразднил еси, юже от древа клятву, державу смерти погребением Твоим умертвил еси, просветил же еси род наш востанием Твоим. Темже вопием Тебе: Животодавче Христе Боже наш, слава Тебе.

Стих: И́бо утверди́ вселенную, я́же не подви́жится.

На Кресте́ явлься́ Христе́ пригвожда́ем, измени́л еси́ добро́ту зда́ний: и безчелове́чие у́бо во́ини показу́юще, копи́ем ре́бра Твоя́ прободо́ша, евре́и же печа́тати гроба́ про́сиша, Твоя́ власти́ не ве́дуще. Но за ми́лосе́рдие утроб Твои́х, прие́мый погребё́ние, и тридне́вен воскресы́и, Го́споди, сла́ва Тебе́.

Стих: До́му Твоему́ подо́баёт святы́ня, Го́споди, в долготу́ днй.

Животода́вче Христе́, волею́ стра́сть претерпе́вый сме́ртных ра́ди, во а́д же снизше́д я́ко си́лен, та́мо Твоего́ прише́ствия ожида́ющыя, исхитив я́ко от зве́ря (*из руки́*) крепка́го, ра́й вме́сто а́да жити́ дарова́л еси́. Те́мже и на́м сла́влящым тридне́вное Твое́ воста́ние, да́руй очи́щение грехо́в, и ве́лию ми́лость.

Сла́ва, и ны́не, Богоро́дичен: О чуде́се но́ваго все́х дре́вних чуде́с! кто́ бо позна́ Ма́терь без му́жа ро́ждшую, и на руку́ но́сящую, всю́ тва́рь Соде́ржаща́го? Бо́жие е́сть изволе́ние, Ро́ждшее́ся. Его́же я́ко Младе́нца, Пре́чистая, Твои́ма рука́ма носив́шая, и ма́терне дерзнове́ние к Не́му иму́щая, не преста́й моля́щи о чту́щих Тя́, уще́дрити и спасти́ души́ на́ша.

Та́же: Ны́не отпу́щаеши: Трисвято́е. По Отче́ наш:

Тропа́рь воскре́сен, глас 2:

Егда́ снизше́л еси́ к сме́рти, Животе́ Безсме́ртный, тогда́ а́д умертви́л еси́ блиста́нием Бо́жества. Егда́ же и умершья́ от преиспо́дних воскре́сил еси́, вся́ си́лы небе́сныя взы́ваху: Жизнода́вче Христе́ Бо́же наш, сла́ва Тебе́.

Богоро́дичен: Вся́ па́че смы́сла, вся́ пресла́вная Твоя́ Богоро́дице, та́инства, чистоте́ запеча́танной, и де́вству храни́му (*чисто́ю запеча́тана, и де́вством храни́ма*), Ма́ти позна́лася еси́ неложна́, Бо́га ро́ждши и́стиннаго: Того́ моли́ спасти́ся душа́м на́шым.

В суббо́ту на повече́рии

канон пресвяте́й Богоро́дице [то́же и от оклеветания, в печа́лех, и напáстех сущи́и да пою́т.] Глас 2.

Песнь 1

Ирмос: Во глубине́ постла́ иногда́, фараонитское всево́инство преоруженная́ сила, воплоща́еся же Слово́ всезло́бный грехъ потреби́ло е́сть: препросла́вленный Госпо́дь сла́вно бо просла́вился.

Я́же все́м удо́бь послу́шная в ско́рби, и в печа́ли помога́ющая, Богоро́дице́ благая, благода́ть пода́ждь пе́ти Тя́ дерза́ющим, Влады́чице, скорбя́щих ра́досте.

Многобогáтную благода́ть стяжа́вши, Влады́чице, дерзнове́нную Твое́ю моли́твою, пресла́вно изми́ мя от напáстей, убо́гаго раба́ Твоего́, скорбя́щих Ра́досте.

Слава: От вра́г ви́димых и неви́димых изба́ви, мо́лимся, к Тебе́ прибега́ющих, Богоро́дице, и разори́ вся́к советъ борю́щих на́с.

И ны́не: Отими́ поноше́ние челове́ческое, и клеветы́ наветни́к от мене́, Богоро́дице, молю́ Тя: да усер́дно сла́влю Го́спода, е́гоже пита́ла еси́.

Песнь 3

Ирмос: Утверди́ на́с в Тебе́, Го́споди, дре́вом умерщве́й грехъ, и стра́х Тво́й всади́ в сердца́ на́с пою́щих Тя́.

Враго́в наветы́ разори́ суетны́я, всепéтая Богоро́дице: не оскуде́й моли́твами Твоими́, снабдя́щи на́с восхваля́ющих Тя́.

Призри, Чи́стая, милостивным Твои́м о́ком, и изба́ви мя́ вся́каго навета́ ви́димых и неви́димых враго́в, ослепи́вши зе́ницы очесъ́ их.

Слава: Зло́е нападе́ние враго́в, я́ко о́гнь паля́щее, и́щущих всегда́ погуби́ти на́с, Де́во, росо́ю моли́тв Твои́х угаси́.

И ны́не: Неугаси́мая лампа́до, заре́ присносия́тельная, но́щию мя́ скорбе́й одержи́ма, просвети́ моли́твами Твоими́, ро́ждшая Со́лнце сла́вы Христа́.

Песнь 4

Ирмос: Услы́шах, Го́споди, гласъ́ Тво́й, е́гоже ре́кл еси́, гласъ́ вопи́ющего в пу́стыни, я́ко возгремелъ еси́ над вода́ми мно́гими, Твоему́ свиде́тельствуя́ Сы́ну, весь бы́в соше́дшаго Ду́ха, возопи́: Ты еси́ Христо́с, Бо́жия му́дрость и си́ла.

Спасе́ния Тя́ мо́ст, моли́тву неусы́пну, заступле́ние твёрдо мо́лим: умилосе́рдися и ви́ждь на́шу нестерпи́мую печа́ль, боле́зни, ско́рби, стра́сти, и благопреме́нно посети́, Ма́ти Бо́жия, ра́дость ско́рую пода́ющи.

Не непричастни есмь, Владычице, Твоего заступления в скорбех: темже и ныне нам помози вскоре, люте обуреваемым руку простираючи, Чистая: буди милостива болезням нашим, Мати Божия, радость скорую подаючи.

Слава: Не уповаша, Владычице, на Тя беззаконнующии, но уповаша на язык велеречив, на язык человек, присно завистно изливавшийся, неправедно пролияти кровь искренняго, рыкающе: Ты же, Чистая, челюсти их сокруши.

И ныне: Смири, Владычице, врагов вознесенную выю велеречующих, советы и злонравия, и сердца поучающаяся злым на мя по вся дни: крепость же и победу подаждь призывающим Тя, Мати Божия, радость скорую подаючи.

Песнь 5

Ирмос: Угль Исаии проявлейся, Солнце из девственных утробы возсия, во тьме заблуждшым, богоразумия просвещение даруя.

Молитвеннице неложная, упование христиан, Обрадованная, прими мольбы от нас прилежно призывающих и молящихся Тебе.

Источник Тя жизни сущи, Чистая, безсмертия источающий воды, земнороднии познавше ублажаем.

Слава: Вооружися на ны лукавн враг, языком якоже мечем погубити хотя: но Твоею, Богородительнице, крепостию предвари.

И ныне: Пучину, Чистая, заступлению кто изочтет силы Твоея? Темже нас сущих в нужде скоро предвари.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Целомудрия сущи ходатаица, призывающим Тя ныне явися, и от всяких избави напастей и бед, Богоневесто.

Злодейства вражия разори, и клеветы неправедныя устави, Благословенная Пречистая, избавляючи неповинныя от скорби.

Слава: Лютыми грехи окружени, и напастными бедами потопляеми, под Божественный покров Твой прибегаем, Мати Христа Бога.

И ныне: Неискусомужно рождши Господа, явися по рождестве паки девствующи: о преславнаго чудесе, в Тебе соделаннаго, Богоневесто!

Таже: Господи, помилуй, трижды. Слава, и ныне:

Седален, глас 2:

Моление теплое, и стена неборимая, милости источниче, миру прибежище, прилежно вопиём Ти: Богородице Владычице, предвари, и от бед избави нас, едина вскоре предстающая.

Пѣснь 7

Ирмосъ: Да преславное рождество Твое, Христе, еже от Девы прообразыши яве, неопалимы в пещи отроки сохранил еси, пѣснями поющыя Тебе: отцев Боже, благословен еси.

О благоутробия Твоего, Дево Чистая! Решши бо безмерныя печали и напасти, призывающим в нужде и обстоянии: темже и ныне помози Благословенная, Тя восхваляющим.

Покажи скорое Твое заступление, покажи яко можеша, яко Мати Богу, призываем Тя от сердца со слезами припадающе, скорбь укроти и болезнь рабов Твоих вскоре.

Слава: Уста человеком яко львом лютым, гроба тяжчайше отверзюшася, горько поглотити мя: но Ты, Богородице, явися надежда ненадеющимся, и низложи крепость их, Благословенная.

И ныне: Да узрят врази и постыдятся, да разумют и видят твою, еже по нам сопротив борющую силу, и в пропасть преисподнюю низложи их Благословенная, Надежду ненадеющихся.

Пѣснь 8

Ирмосъ: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющыя: благословите вся дела Господня Господа.

Прибежище наше, и миру радование, Богородительнице, умилосердитесь потщися, и спешно благодать Твою подаждь нам оскорбленным, и заступи Благая, Твоя рабы.

Совет суетен совещаща люте на ны безбожных сонмища, якоже прежде Ахитофел. Но вопиём: Твоими молитвами сей разори, низложши сих крепость, Богородице.

Слава: Призывающих Тя, Богородице, от души неложно, во всякой скорби и в болезнях различных, и бедах лютых, спешно услыши, Владычице, сих избавляющи присно молитвами Твоими.

И ныне: Да имя Твое, Богородице, на земли славословится, Иже из Тебе возсияв, грешником державную надежду и стену Тя дарова: Тобою бо всякое дыхание к Богу притекает.

Пѣснь 9

Ирмосъ: Недоумееет всяк языкъ благохвалити по достоянию, изумевает же ум и премирный пети Тя, Богородице: обаче Благая сущи, веру приими, ибо любовь веси Божественную нашу, Ты бо христиан еси Предстательница, Тя величаем.

Да заградится всяк языкъ, лукавым поучаяйся: да молчат устна лъстивая, и уста неправедно глаголющая на праведнаго беззаконие,

гордынею и завистию враждебною вкупе, Богородицы молитвою, и святых Христовых.

Иже в молитвах бодрю, Чистую Богородицу, призываем вси болезнию и скорбию одержими, зывающе: Владычице Чистая, скоро избави от одержащих болезней рабы Твоя присно, яко по Бозе заступницы инья не имамы.

Слава: Отчаявшихся велие прибежище, обуреваемых тихое пристанище, Ты еси, Богородице. Темже и мы притекаем, зывающе: да не постыдимся Мати Истиннаго Живота, но да благодаряще усердно Тя величаем.

И ныне: Приими, Отроковице Пречистая, Божественную песнь, воздаючи благодать на Тя надеющимся, и мир испроси церквам присно послати, да христианский всяк язык Тя величает.

Таже: Достойно есть: **И прочее обычно, и отпуст.**

Неделя

В неде́лю на полунощнице

канон тро́ичный, творе́ние Митрофа́ново, его́же краестро́чие:
Тригу́бый пою́ Богонача́лия свѣт. Гласъ 2.

Пѣснь 1

Ирмосъ: Во глубинѣ постла́ иногда́, фараонитское всево́инство преоруженная́ сила, воплоща́еся же Слово́ всезлѣбный грѣхъ потреби́ло е́сть, Препросла́вленный Госпо́дь, сла́вно бо просла́вился.

Тро́ичное и Еди́нонача́льное Есте́ство́ Божества́, пѣсенно́ воспо́йм глаго́люще: ми́лости пучи́ну неизчерпа́емую, су́щественную́ яко́ иму́щи, Тебе́ кланя́ющихся соблюди́ и спаси́, яко́ Человеколюбецъ.

И́же исто́чник, и ко́рень Оте́цъ сый, яко́ ви́новен, И́же в Сы́не, и Святе́м Твое́м Ду́се, срáсленнаго́ Божества́ Трисо́лнечный се́рдцу моему́ источи́ свѣт, и прича́стием осия́й, Богоде́тельнаго сия́ния.

Слава: Трисвѣ́тлая Еди́нице Богонача́льная, ве́сь разори́ грехо́в и страсте́й моихъ мра́к, свѣ́тлых луче́й Твои́хъ сладчайши́ми причащеньми, и сотвори́ мя Твое́я непристу́пныя сла́вы хра́м и се́нь пречи́стую.

Богородичен: То́к дре́вний естества́ нашего́, страда́вший безме́стно, и к тли́ поползши́йся, Пречи́стая, вопло́щся во утробе́ Твое́й Бо́г Слово́, человеколю́бне осия́, и Богонача́лию Трисвѣ́тлому нас та́йно научи́.

Пѣснь 3

Ирмосъ: На ка́мени мя́ ве́ры утверди́в, разшири́ еси́ уста́ моя́ на враги́ моя́, возвесели́ бо́ ся духъ мой, внегда́ пѣти: не́сть святъ, яко́же Бо́г наш, и не́сть пра́веденъ, па́че Тебе́, Госпо́ди.

Равенствомъ естества́ Богонача́лие Еди́ночестное́ сла́влю Тя́ Ли́цы: Животъ́ бо от Живота́ Ты́ произше́д нетле́нно, Еди́н сый Бо́г наш, и не́сть святъ, па́че Тебе́, Госпо́ди.

Ты́ чины́ невещественны́я и небесны́я соста́вил еси́, яко́ зерца́ла Твое́я добрѣ́ты: Тро́ице Не́разде́льное Еди́нонача́лие, пѣти́ непреста́нно Тебе́: но́ и ны́не наше́ от брѣ́нных устъ́ приими́ хвале́ние.

Слава: Утверди́ на ка́мени ве́ры, и разшири́ любве́ Твое́я пучи́ною се́рдца́ и мы́сль Твои́хъ ра́б, Еди́нице Трисо́лнечная: Ты́ бо Бо́г наш, на Не́гоже упова́юще, да не посра́мимся.

Богородичен: И́же вся́къ пре́жде соста́в осуществова́вый тва́ри, во утробе́ Твое́й осуществова́ся, неизчетно́ю бла́гостию, Богороди́це, и свѣ́т Трисо́лнечный́ все́м возсия́ Еди́наго́ Божества́ и Госпо́дства.

Седа́лен, гласъ 2.

Подобенъ: Благоутрѣ́бная:

Егда́ в нача́ле Ада́ма созда́л еси́ Го́споди, тогда́ Сло́ву Твоему́ Ипоста́сному возопи́л еси́, Благоутро́бне: сотвори́м по Нашему́ подо́бию, Ду́х же Святы́й сопрису́тствоваше Соде́тель. Те́мже вопие́м Ти́: Тво́рче Бо́же наш, сла́ва Тебе.

Сла́ва, и ны́не, Богоро́дичен: Егда́ к нам Бо́г приити́ изво́ли, тогда́ в Твою́, Пречи́стая, чисте́йшую утробу́ всели́ся, и спасе́ Тобо́ю челове́ческое сме́шение, дарова́вый все́м Ца́рство Небе́сное. Те́мже вопие́м Ти́, Богоро́дице Чистая, ра́дуйся, Влады́чице.

Пе́снь 4

Ирмо́с: Пою́ Тя, слухом́ бо Го́споди услы́шах и ужа́сохся, до мене́ бо и́деши, мене́ ищя́ заблуж́дшаго. Те́м мно́гое Твое́ снизхо́ждение, е́же на мя́, прославля́ю, Многоми́лостиве.

Разуме́ти Тя́ ниже́ чи́нове мо́гут неvěщественни́и а́нгельстии, Еди́нице, Тро́ице Безнача́льная: но́ убо́ мы́ брѣ́нным язы́ком Твою́ Суще́ственную бла́гость воспева́ем, и веро́ю сла́вим.

Сый́ Созда́тель естества́ челове́ческаго, Вседержи́телю, все́ мое́ видиши ны́не, я́ко Всеви́дец немо́жение: те́мже уще́дри раба́ Твоего́, и к жизни́ луч́шей па́ки возведи́.

Сла́ва: Еди́ницы Нача́льныя несме́сна Три́ Ли́ца воспева́ем, я́ко сво́йственне иму́щая, и разде́льне Ипоста́си: но́ убо́ Соеди́нена и Неразде́льна, в Совете́ же, и Сла́ве, и Бо́жестве.

Богоро́дичен: Хра́м Тя́ чи́ст и пренепоро́чен, Присноде́во Богоро́дице, Вседе́тель обре́те Еди́ну я́ве от ве́ка, в Ню́же вселься́: вообрази́ челове́ческое естество́, я́ко Человеколю́бец.

Пе́снь 5

Ирмо́с: Просвеще́ние во тьме́ лежа́щих, спасе́ние отча́янных, Христе́ Спа́се мой́, к Тебе́ утреню́ю, Царю́ ми́ра, просвети́ мя сия́нием Тво́им: ино́го бо́ разве Тебе́ Бо́га не знаю́.

Я́ко вся́чески на́ вся́ су́щья Твоего́ про́мысла, миродар́ныя простира́яй лучы́, и спаси́тельныя, Царю́ ми́ра, соблюди́ мя в ми́ре Тво́ем: Ты́ бо живо́т и ми́р вся́ческому.

Моисе́ю в купине́ я́ко яви́лся еси́ в виде́нии о́гненне, а́нгел наре́клся еси́, Отче́е Сло́во, Е́же к нам Твое́ предъя́вляя прише́ствие: Им́же все́м я́ве возвестил еси́ держа́ву Богонача́лия Еди́наго, Триипоста́сную.

Сла́ва: Я́же Есте́ственную, Соприсносу́щую сла́ву предло́жиши, Еди́нонача́льнейшая Тро́ице Свята́я, воспева́ющих Тя́ правосла́вною веро́ю, Твоя́ сла́вы виде́ти сподо́би, Безнача́льную, и Еди́ну зарю́ Трисо́лнечную.

Богоро́дичен: Содержи́тельный по существу́ сый́ Бо́г Сло́во, все́м ве́ком, Де́во Ма́ти, во чре́ве Тво́ем удержа́ся неизрече́нно, челове́ки

призывая ко единству Единого Господства.

Песнь 6

Ирмос: В бездне греховней валяся, неизследную милосердия Твоего призываю бездну: от тли Боже мя возведи.

Волителю милости, помилуй в Тя верующих, Боже Трисолнечне, и прегрешений избави, и страстей, и бед, рабы Твоя. **[Дважды.]**

Слава: Неизреченною пучиною благодати, необмыслимую Твоего сияния, и Трисияннаго Божества светодательную зарю подаждь ми.

Богородичен: Неизреченне, Дево, Вышний Человек бысть из Тебе, в человека по всему оболкса, и светом мя Трисолнечным озари.

Седален, глас 2. Подобен: Благоутробия:

Благоутробия пучину нам прострый, прими нас, Милостиве, призри на люди Тя славящя, прими песнь просящих Тя, Троице Единице Безначальная: на Тя бо уповаем всех Бога, прегрешений дати прощение.

Слава, и ныне, Богородичен: Благоутробия рождши Источник, милостива Ты еси, Благая Богородице: Ты бо верных едино заступление, Ты скорбящих утешение. Темже Тебе ныне вси верою припадаем, обрести разрешение лютых, обогатяющесе единою Тебе помощию.

Песнь 7

Ирмос: Образу златому на поле дейре служиму, трие Твои отроцы небрегоша безбожнаго веления: посреде же огня ввержени, орошаеми пояху: благословен еси Боже отец наших.

Уставляеши присно ангельская воинства к непреложению, Едины сый Неизменне и Триипостасне Господи: покажи убо и мое сердце непреложно всегда, во еже славити Тя тепле, и воспевати благочестно. **[Дважды.]**

Слава: Лицы умнии невестественных существ, Твоими лучами, Боже Единоначальне, и Трисолнечне, озаряеми бывають, положением второй светове: ихже и мене сияньми, и причастием покажи свет, яко Светодетель Трисиянен.

Богородичен: Направляти нас и возвышати к небесем не оскудей, Тебе любящих, иже за неизреченное человеколюбие, быв человек во утробе Девы, и обожив человека, и на престоле славы со Отцем седяи.

Песнь 8

Ирмос: О подобии злате небрегше треблаженнии юноши, неизменный и живой Божий образ видевши, среди огня воспеваху: осуществованная да поет Господа вся тварь, и превозносит во вся веки.

Неприступная Троице Соприсносущная, Собезначальная, Богоначальная, неизменная во всех, кроме Светоносных Свойств, всякий лукавый упраздни сопротивлеющих совет, и стужения демонов,

невредна соблюда́я мя́ присно, Го́споди всѣх. [Два́жды.]

Сла́ва: Премудре́ и Всемо́щне, Неопи́санное, Трисо́лнечное Еди́нонача́лие соста́вльшее ми́ръ, и соблюда́ющее в невреди́мом чи́не всесовершенство́м, всели́ся в моё се́рдце, пе́ти и сла́вити Тя́ немолчно́ с ли́ки а́нгельскими во вся́ веки.

И ны́не: Премудро́сте О́тчая, Непости́жимо, Неизрече́нно, Бо́жий Сло́ве, Непрело́жное Твое́ Есте́ство не измени́в, есте́ство челове́ческое ми́лостивне восприя́л еси́: и Еди́нственную Трои́цу че́сти всѣх научи́л еси́, яко́ Госпо́донача́лие всѣх веко́в.

Пѣснь 9

Ирмо́с: Я́же пре́жде со́лнца свети́льника Бо́га возсия́вшаго, плото́ски к намъ́ прише́дшаго, из бо́ку Девы́чу неизрече́нно воплоти́вша, Благосло́венная Всечи́стая, Тя́, Богороди́це, велича́ем.

От Све́та Безнача́льна, Собезнача́лен Сынъ́ Све́т возсия́, и Соесте́ственный Све́т Ду́х изыде́, неизрече́нно боголе́пно, нетленну́ рождеству́ уверя́еми, вкупе́ же и неизрече́нному исхо́ждению.

Возсия́й в се́рдцах Трисо́лнечное Бо́жество, воспева́ющих Тя́, Трисия́нным Све́том Твои́м: и да́ждь разумъ́ еже во всѣхъ́ разумети́, и де́яти Твое́ хоте́ние благо́е и совершенство́е, и велича́ти и сла́вити Тя́.

Сла́ва: Неизче́тен есте́ствомъ́ сый́ яко́ Бо́г, неизче́тную пучи́ну щедро́т яко́ имѣя́, уще́дрила еси́ Трои́це пре́жде: тако́ и ны́не уще́дри рабы́ Твоя́, и от прегреше́ний изба́ви, и напа́стей и обстоя́ний.

Богоро́дичен: Спаси́ мя, Бо́же мой, от вся́каго искуше́ния и озлобле́ния, И́же в Три́ех Ли́цахъ́ воспева́емый́ несказа́нно, Еди́нственне́ Бо́г и Всеси́льный, и Твое́ ста́до сохрани́, Богороди́цы моли́твами.

Та́же тро́ичны Григо́риа Сина́ита. Досто́йно е́сть: И́ прочее́ полуно́щницы, пи́сано в конце́ кни́ги сея́.

В неделю на ўтрени

на Бóg Господь тропарь: Егда снизшел еси: Слава, и ныне: Вся паче смысла:

По 1-м стихословии, седальны воскресны, глас 2:

Благообразный Иосиф, с древа снем Пречистое Твое тело, плащаницею чистою обвив, и благоуханьи во гробе нове закрыв положи: но тридневен воскресл еси, Господи, подая миру велию милость.

Воскресни, Господи Боже мой, да вознесется рука Твоя, не забуди убогих Твоих до конца.

Мироносицам женам при гробе представ ангел вопиаше: мира мертвым суть прилична, Христос же истления явился чуждъ. Но возопийте: воскресе Господь, подая миру велию милость.

Слава, и ныне, Богородичен: Препрославленна еси, Богородице Дево, поем Тя: Крестом бо Сына Твоего низложися ад, и смерть умертвися, умерщвлении востахом, и живота сподобихомся: рай восприяхом древнее наслаждение. Тем благодаряще, славословим яко Державнаго Христа Бога нашего, и Единого Многомилостиваго.

По 2-м стихословии седальны, глас 2.

Камень гробный запечатати не возбранив, камень веры воскрес подал еси всем, Господи, слава Тебе.

Стих: Исповемся Тебе, Господи, всем сердцем моим, повем вся чудеса Твоя.

Учеников Твоих лик с мироносицами женами радуется согласно: общий бо праздник с ними празднуют (празднуем), в славу и честь Твоего Воскресения. И теми вопием Ти, Человеколюбче Господи: людем Твоим подаждь велию милость.

Слава, и ныне, Богородичен: Препрословенна еси, Богородице Дево, воплощшим бо ся из тебе ад пленися, Адам возвася, клятва потребися, Ева свободися, смерть умертвися, и мы ожихом. Тем воспевающе вопием: благословен Христос Бог благоволивый тако, слава Тебе.

По непорочнах ипакои, глас 2.

По страсти шедши во гроб жены, во еже помазати тело Твое Христе Боже, видеша ангелы во гробе, и ужасошася: глас бо слышаху от них, яко воскресе Господь, даруя миру велию милость.

Степенна, глас 2.

Антифон 1: Ихже стихи повторяюще поем:

На небо очи пуцаю моего сердца, к Тебе, Спасе, спаси мя Твоим

осиянием.

Помилуй нас согрешающих Тебе много, на всякий час, о Христе мой, и даждь образ прежде конца покаяться Тебе.

Слава: Святому Духу, Еже царствовать подобает, освящать, подвизать тварь: Бог бо есть, Единосущен Отцу и Слову.

И ныне, тойже.

Антифон 2:

Аще не Господь бы был в нас, кто доволен цел сохранен быти от врага, купно и человекоубийцы?

Зубом их не предаждь Спасе, Твоего раба: ибо львовым образом на мя подвизаются врази мой.

Слава: Святому Духу живоначание и честь: вся бо созданная, яко Бог сый силою (укрепляет) соблюдает во Отце, Сыном же.

И ныне, тойже.

Антифон 3:

Надеющиеся на Господа, уподобишася горе святей: иже никакоже движутся прилоги вражиими.

В беззаконии рук своих да не прострут Божественне живущии: не оставляет бо Христос жезла на жребии Своем.

Слава: Святым Духом точится всяка премудрость: отсюду благодать апостолом, и страдальчества венчаются мученицы, и пророцы зрят.

И ныне, тойже.

Прокимен, глас 2: Востани, Господи Боже мой, повелением, имже заповедал еси, и сонм людей обыдет Тя.

Стих: Господи Боже мой, на тя уповах, спаси мя.

Всякое дыхание: **Евангелие воскресно, и прочая по ряду. Воскресение Христово: псалом 50.**

Канон воскресн. Глас 2.

Песнь 1

Ирмос: Во глубине постла иногда, фараонитское всеоинство преоруженная сила, воплощенное же Слово всезлбный грех потребило есть, Препрославленный Господь, славно бо прославися.

Припев: Слава, Господи, святому Воскресению Твоему.

Мирский князь, Блаже, емуже написахомся, заповеди Твоя не послушавше, крестом Твоим осудися: приразися бо Ти яко смертну: отпаде же власти Твоя державою, и немощный обличися.

Избавитель рода человеческого, и нетленному животу Начальник в мир пришел еси: Воскресением бо Твоим раздрал еси смертныя пелены, Еже славословим вси: славно бо прославися.

Богородичен: Превы́шши явилася еси́, Чистая Присноде́во, всякия невидимыя же и видимыя тв́ари: Зиждителя́ бо родила́ еси́, яко благоволи́ воплотитися во утробе Твоей, Егѡже со дерзновением моли́, спасти́ ду́шы наша́.

Други́й канѡн крестовоскрѣсен, [егѡже краестрѡчие: Пою́ хвалу́ живоносному́ сло́ву.] Гласъ 2.

Пѣснь 1

Ирмо́с: Нетре́ну, необы́чну, немѡкренно́ морскую́ шествовав стезю́, избра́нный вопияше Израиль: Господеви поим, яко просла́вился.

Сила́ немощных, Воскресѣние па́дших, и нетление умерших бы́л еси́, Христе́, плѡти Твоея́ стра́стию: яко просла́вился.

Уще́дри па́дший образ, и воскреси́ сокруше́нный, Содѣтель Бо́г и Обновитель умерщвлѣн бы́в все́х оживи́: яко просла́вился.

И́н канѡн Пресвяте́й Богородице, [егѡже краестрѡчие: Пою́ хвалу́ живоносней Отрокови́це.] Гласъ 2.

Пѣснь 1. Ирмо́с тойже.

Невещѣственная́ дре́вле ле́ствица, и странно́ оледене́вший пу́ть моря́, Твое́ являше Рождество, Чистая, еже поемъ вси́: яко просла́вился.

Сила́ Вы́шняго, Ипостась Совершенство́ная, Бо́жия Му́дрость, вопло́щися, Пречистая, из Тебе́, к человеку́ бесе́дова (*прибли́жися*) яко просла́вился.

Про́йде сквозе́ дверь непроходную́, заключѣнныя утробы́ Твоея́, правды́ Со́лнце, Чистая, и ми́рови возсия́: яко просла́вился.

Катава́сиа: Отверзу́ уста́ моя́:

Пѣснь 3

Ирмо́с: Процвела́ е́сть пусты́ня, яко крин, Го́споди, язы́ческая неплодя́щая це́рковь, прише́ствием Твоимъ, в нейже утверди́ся мое́ се́рдце.

Тварь в стра́сти Твоей изменя́шеся, зрящи́ Тя в нищѣтне́ образе́ от беззако́нных поруга́ема, основа́вшаго вся́ Божѣственнымъ мановѣниемъ.

От пер́сти по образу́ мя́ рукою́ Твоею́ созда́л еси́: и сокруше́нна па́ки в пер́сть смертнующую́ за грѣхъ, Христе́, соше́д во ад, совоскрѣсил еси́.

Богородичен: Чини удиви́шася а́нгельстии, Пречистая, и челове́ческая устраши́шася се́рдца о Рождестве́ Твоемъ: те́мже Тя, Богородицу, ве́рою чтимъ.

И́н Ирмо́с: Лу́к сокруши́ся си́льных держа́вою Твоею́, Христе́, и си́лою немощствующи́и препоясашася́.

Иже все́х вы́шши Христо́с, ума́лися ма́лым чѣмъ, стра́стию плотско́ю, а́нгельскаго естества́.

Ме́ртв со беззако́нными вмени́вся, сия́я жена́м венце́м сла́вы, Христе́,

явился еси от Воскресения.

И́н Ирмо́с тойже.

И́же вре́мене превы́шший вся́кого, я́ко вре́менем Творе́ц, из Тебе́, Де́во, во́лею Младене́ц созда́ся.

Чре́во пространнейшее небес воспо́йм, и́мже Ада́м на небесе́х раду́ясь живёт.

Песнь 4

Ирмо́с: Прише́л еси́ от Де́вы, не ходата́й, ни а́нгел, но Са́м, Го́споди, (Го́сподь) вопло́щся, и спасл еси́ всего́ мя челове́ка. Те́м зову́ Ти: слава́ силе́ Твое́й, Го́споди.

Предсто́йши суди́щу я́ко суди́мь, Бо́же мо́й, не вопи́я, Влады́ко, суд изно́ся язы́ком: и́мже страсти́ю Твое́ю, Христе́, вселе́нней соде́лал еси́ спасе́ние.

Страсти́ю Твое́ю, Христе́, врагу́ оскуде́ша ору́жия, проти́вным же е́же во а́д схожде́нием Твоим, гра́ды разруши́шася, и мучите́лева дерзость низложе́на бы́сть.

Богородичен: Тя́, пристани́ще спасе́ния, и стéну недви́жиму, Богороди́це Влады́чице, вси́ ве́рнии свeмы: Ты́ бо молитва́ми Твоими́ избавляеши от бе́д ду́шы на́ша.

И́н Ирмо́с: Услы́шах, Го́споди, сла́вное Твое́ смотре́ние, и просла́вих, Человеколю́бче, непости́жимую Твою́ силу́.

Ви́девши на дре́ве Тя́, Христе́, пригвожде́на Де́ва, Я́же неболе́зненно Тя́ ро́ждшая, ма́терски болез́ни претерпе́.

Побежде́на бы́сть сме́рть, ме́ртв пленя́ет а́дова врата́: всея́дцу бо разо́ршуся, я́же па́че естества́ вся́ ми дарова́шася.

И́н Ирмо́с тойже.

Се́ превознесе́ся Божество́нная Го́ра до́му Го́сподня, превы́шше си́л, Богома́терь я́вственнейше.

Зако́нов естество́нных кромé, Еди́на Де́во ро́ждши Влады́честву́ющего тва́рию, сподо́билася еси́ Божество́ннаго зва́ния.

Песнь 5

Ирмо́с: Ходата́й Бо́гу и челове́ком бы́л еси́, Христе́ Бо́же: Тобо́ю бо, Влады́ко, к Светона́чальнику Отцу́ Твоему́, от но́щи неведе́ния, приведе́ние има́мы.

Я́ко ке́дры, Христе́, язы́ков шата́ние сокруши́л еси́ во́лею, Влады́ко: я́ко изво́лил еси́ на кипари́се, и на пeвке, и ке́дре, плоти́ю совозвы́шаем.

В ро́ве, Христе́, преиспо́днем положи́ша Тя́ бездыха́нна ме́ртва: но Твое́ю я́звою забвeнны́я ме́ртвыя, и́же во гробе́х спя́щия, уязвен с Собо́ю воскресил еси́.

Богородичен: Моли́ Сы́на Твоего́ и Го́спода, Де́во Чи́стая, на Тя́ упова́ющим ми́р дарова́ти, пленённым избавление, от сопроти́вных настоя́ний.

И́н Ирмо́с: У́гль Иса́ии проявля́йся, Со́лнце из де́вственныя утробы́ возсия́, во тьме́ заблуждшым, богоразу́мия просвеще́ние да́руя.

Посты́ти отвергнётся Ада́м, вкушает смертоноснаго дре́ва пе́рвый: но се́го грехъ потре́бляет, распны́йся Вто́рый.

Естество́м челове́ческим стра́стен же и сме́ртен бы́л еси́, И́же безстра́стный невесте́ственным Боже́ством, обезтливый умерщвлённый, Христе́, от преисподних а́довых воскресил еси́.

И́н Ирмо́с тойже.

Обла́цы весе́лия сладо́сть кро́пите су́щым на земли́: я́ко Отроча́ даде́ся, И́же сый пре́жде ве́к, от Де́вы воплощё́ся Бог на́ш.

Жити́ю и плоти́ мое́й све́т возсия́, и дряхлость греха́ разруши́: напоследок от Де́вы без се́мене воплощё́ся Вы́шний.

Пёснь 6

Ирмо́с: В бе́здне грехо́вней валя́йся, неизсле́дную милосе́рдия Твоего́ призыва́ю бе́здну: от тли́, Бо́же, мя возведи́.

Я́ко злоде́й Пра́ведник осуди́ся и со беззако́нными на дре́ве пригвозди́ся, повинным оста́вление Своёю да́руя кро́вию.

Еди́нем у́бо челове́ком, пе́рвым Ада́мом дре́вле в ми́р вни́де сме́рть, и Еди́нем Воскресе́ние Сы́ном Божи́им явися́.

Богородичен: Неискусому́жно, Де́во, родила́ еси́, и ве́чнуеши Де́ва, явля́ющи И́стиннаго Боже́ства, Сы́на и Бо́га Твоего́ о́бразы.

И́н Ирмо́с: Гла́с глаго́л моле́бных от боле́зненныя, Влады́ко, души́ услы́шав, от лю́тых мя изба́ви: Еди́н бо еси́ нашего́ спасе́ния ви́новен.

Блюсти́тели положи́л еси́ па́дшему, Херувимы́ дре́ва живо́тнаго, но ви́девше Тя́, две́ри отверзо́шася: явился бо еси́ путетворя́ разбо́йнику в ра́й.

Пу́ст ад и испровер́жен бы́сть сме́ртию Еди́наго: е́же бо мно́гое богатство́ сокрови́ществова, Еди́н о́ всех нас Христо́с исто́щил е́сть.

И́н Ирмо́с тойже.

Естество́ челове́ческое рабо́тающее греху́, Влады́чице Чи́стая, Тобо́ю свобо́ду улу́чи: Тво́й бо Сы́н, я́ко а́гнец, за все́х зака́лается.

Во́пием Ти́ вси́ истинней Богома́тери, прогне́вавшыя рабы́ изба́ви: Еди́на бо дерзнове́ние к Сы́ну има́ши.

Конда́к, гла́с 2: Воскре́сл еси́ от гроба́, Всеси́льне Спа́се, и а́д ви́дев чу́до, ужасе́ся, и ме́ртвии воста́ша: тва́рь же ви́дящи сра́дуется Тебе́, и Ада́м свеселится, и ми́р, Спа́се мой, воспева́ет Тя́ присно́.

И́кос: Ты́ еси́ Све́т омраче́нным, Ты́ еси́ Воскресе́ние все́х, и Живо́т

человеков, и всех совоскресил еси, смертную державу, Спасе, разорь, и адова врата сокрушивый, Слово: и мертвии видевшие чудо чудяхуся, и всяка тварь срадуется о Воскресении Твоем, Человеколюбче. Темже и вси славим и поем Твое снисхождение, и мир, Спасе мой, воспевае Тея присно.

Песнь 7

Ирмос: Богопротивное веление беззаконующаго мучителя высок пламень вознесло есть: Христос же простре богочестивым отроком росу духовную, Сый благословен, и препрославлен.

Не терпел еси, Владыко, за благоутрбие смертию человека зрети мучима, но пришел и спасл еси Твоею кровию, человек быв: Сый благословен, и Препрославлен Бог отец наших.

Видевше Тея, Христе, оболчена во одежду отмищения, ужасошася вратницы адовы: безумнаго бо мучителя раба, Владыко, пришел еси убити: Сый благословен и Препрославлен Бог отец наших.

Богородичен: Святых Святейшую Тея разумеем, яко Едину рождшую Бога Непременнаго, Дево Нескверная, Мати Безневестная: всем бо верным источила еси нетление, Божественным Рождеством Твоим.

Ин Ирмос: Ветии явишася отроцы, любомудрейшии древле: от богоприятныя бо души богословяще, устнами пояху: Пребожественный отецв и наш Боже благословен еси.

Осуди праотца древле во Едеме преслушание: но волею судим бысть, преступльшему разрешая прегрешения, Пребожественный отецв Бог, и Препрославлен.

Спасл еси уязвеннаго языком, завистию человекоубийцы, во Едеме вольным угрызением: вольною бо страстию (во Едеме: вольное бо угрызение вольною страстию) исцелил еси, Пребожественный отецв Бог, и Препрославлен.

Богородичен: Ходяща мя в сени смертней призвал еси к свету, темнотрачный ад, блистанием облож Божества, Пребожественный отецв Бог, и Препрославлен.

Ин Ирмос тойже.

Зряше в нощи убо Иаков, яко в гадании Бога воплощенна, из Тебе же светлостию явися поющым: Пребожественный отецв Бог, и Препрославлен.

Знамена яже в Тебе неизреченнаго проявляя снятия, со Иаковом борется: имже волею соединися человеком, Чистая: Пребожественный отецв Бог, и Препрославлен.

Мерзок иже не проповедует Тея Девы Сына, Единаго от Препетья Троицы несумненною верою (мыслию), и языком вопия: Пребожественный отецв Бог, и Препрославлен.

Пѣснь 8

Ирмосъ: Пещь иногда огненная в Вавилоне дѣйства разделяше, Божиим велѣнием халдеи опаляющая, верныя же орошающая, поющыя: благословите вся дела Господня Господа.

Кровию Твоею, Христе, очервлено плоти Твоея зряще одеяние трепетом ужасахуся многому Твоему долготерпению, ангельстии чини, зовуще: благословите вся дела Господня Господа.

Ты мое смертное одеял еси, Щедре, в безсмертие востаніем Твоим. Темже веселящися благодарственно воспевают Тя избраннии людие, Христе, зовуще Тебе: пожерта бысть воистинну смерть победою.

Богородичен: Ты Иже Отцу неразлучнаго, во утробе богомужно поживша безсеменно зачала еси, и неизреченно родила еси, Богородительнице Пречистая: темже Тя спасение всех нас свемы.

Иън Ирмосъ: О подобии злате, небрегше треблаженнии юноши, неизменный и живый Божий образ видевше, среди огня воспеваху: осуществованная да поет Господа вся тварь, и превозносит во вся веки.

Виден был еси на кресте пригвождаем, Иже богатый в милости, волею погреблся еси: и тридневно воскресл еси, и избавил еси вся человеки, Человеколюбче, верою поющыя: да поет Господа вся тварь, и превозносит во вся веки.

Избавити от ислѣния, сошед в преисподняя, Слове Божий, егоже создал еси, Христе, силою Твоею Божественною, и без ислѣния сотвори, славы присносущныя Твоея причастника соделал еси, да поет, зовущи, вся тварь, и превозносит Христа во веки.

Иън Ирмосъ тойже.

Виден бысть на земли Тобою, и с человеки поживе, Иже благостию несравненный и силою, Емуже поюще вси вернии зовем: осуществованная да поет Господа вся тварь, и превозносит во вся веки.

Воистинну Тя, Чистую, проповѣдающе славим Богородицу: Ты бо едина родила еси от Троицы воплощенна, Емуже со Отцем и Духом вси поем: да поет Господа вся тварь, и превозносит во вся веки.

Таже, поем пѣснь Богородицы: Величит душа моя Господа: с припевом: Честнейшую Херувим:

Пѣснь 9

Ирмосъ: Безначальна Родителя Сын, Бог и Господь, воплощся от Девы нам явися, омраченна просветити, собрати расточенная: тем Всепетую Богородицу величаем.

Яко в рай насаждено на лобнем, Спасе, требогатое древо Твоего пречистаго Креста, кровию и водою Божественною, яко от источника

Боже́ственнаго, ребра́ Твоего́, Христе́, напо́яемо, живо́т нам прозябло́ е́сть.

Низложи́л еси́ си́льныя, распни́йся, Всеси́льне, и еже низу лежа́щее во а́дове тверды́ни, естество́ челове́ческое возне́с, на О́тчем посади́л еси́ престо́ле. С Ни́мже Тебе́ гряду́щу покланя́ющесе, велича́ем.

Тро́ичен: Еди́ницу Тричи́сленную, Тро́ицу Еди́носущную правосла́вно пою́ще ве́рнии, сла́вим: непре́секомо Пребоже́ственное естество́, Три́светлую, Невече́рнюю За́рю, Еди́ну нетле́нную нам све́т Возсия́вшую.

И́н Ирмо́с: От Бо́га Бо́га Сло́ва:

Посреде́ осужде́нных, я́ко А́гнец возвы́шен бы́л еси́ Христе́, на кресте́, на лобне́м копие́м в ребро́ пробода́ем, живо́т дарова́л еси́ нам перстны́м я́ко бла́г, ве́рою чту́щим Боже́ственное Твое́ Воскресе́ние.

И́же Своею́ сме́ртию, сме́рти держа́ву сило́ю упраздни́вшему Бо́гу вси́ ве́рнии поклони́мся, я́ко и́же от века́ мертвы́я совоскреси́, и все́м подае́т живо́т и Воскресе́ние.

И́н Ирмо́с: Ве́сь еси́ желе́ние, ве́сь сла́дость, Сло́ве Бо́жий, Де́вы Сы́не, Бо́же богов, Го́споди, святы́х Пресвяты́й. Те́м Тя́ вси́ с ро́ждшею велича́ем.

Же́зл кре́пости даде́ся естеству́ тле́нному, Сло́во Бо́жие во утробе́ Твое́й, Чи́стая: и сие́ воскреси́, до ада́ попо́лзшее́я. Те́мже тя́ всечи́стая, я́ко Богоро́дицу велича́ем.

Ю́же изво́лил еси́, Влады́ко, приими́ ми́лостивно Моли́твенницу, Ма́терь Твою́ о нас, и Твое́я бла́гости вся́ческая испо́лнятся: да тя́ вси́ я́ко Благоде́теля велича́ем.

По катава́сии, ектениа́ ма́лая. Та́же, Свя́т Госпо́дь Бо́г наш. Посе́м ексапостила́рий у́тренний.

На хвалитех стихи́ры воскре́сны, гла́с 2:

Сти́х: Сотвори́ти в них су́д напи́сан: сла́ва сия́ бу́дет все́м преподо́бным Его́.

Вся́кое дыха́ние и вся́ тва́рь, Тя́ сла́вит, Го́споди, я́ко Кресто́м сме́рть упраздни́л еси́, да пока́жеша лю́дем, еже из ме́ртвых Твое́ воскресе́ние, я́ко Еди́н Человеколю́бец.

Сти́х: Хвали́те Бо́га во святы́х Его́, хвали́те Его́ во утверже́нии си́лы Его́.

Да реку́т иуде́е, ка́ко во́ини погуби́ша стрегу́щие Царя́? почто́ бо ка́мень не сохрани́ Ка́мене жи́зни? Или́ Погребенна́го да да́дут, или́ Воскресе́шему да поклони́тся, глаголю́ще с нами́: сла́ва мно́жеству ще́дрот Твои́х, Спа́се наш, сла́ва Тебе́.

Сти́х: Хвали́те Его́ на си́лах Его́, хвали́те Его́ по мно́жеству вели́чества́ Его́.

Ра́дуйте́ся, лю́дие, и весели́те́ся, а́нгел се́дяй на ка́мени гробне́м, то́й

на́м благовести́, ре́к: Хри́сто́с воскресе́ из ме́ртвых, Спа́с ми́ра, и испо́лни
вся́ческая благоуха́ния: ра́дуйтесь, лю́дие, и весели́тесь.

Сти́х: Хвалите́ Его́ во гла́се тру́бнем: хвалите́ Его́ во псалти́ри и
гу́слех.

А́нгел у́бо е́же ра́дуйся, пре́жде Твоего́ зача́тия, Го́споди, Благода́тней
принесе́: а́нгел же ка́мень сла́внаго Твоего́ гроба́ в Твое́ воскресе́ние
отвали́: о́в у́бо в печа́ли ме́сто, весе́лия о́бразы возвеща́я: се́й же в сме́рти
ме́сто, Влады́ку Жизнода́вца пропове́дуя на́м, те́мже вопие́м ти́:
Благоде́телю всех, Го́споди, сла́ва Тебе́.

Ины́ стихи́ры Анато́лиевы, гла́с 6.

Сти́х: Хвалите́ Его́ в тимпа́не и ли́це, хвалите́ Его́ во стру́нах и орга́не.
Возли́аща ми́ра со слеза́ми на гроб́ Тво́й жены́, и испо́лнишася
ра́дости уста́ их, внегда́ глаго́лати: воскресе́ Госпо́дь.

Сти́х: Хвалите́ Его́ в кимва́лех доброглас́ных, хвалите́ Его́ в кимва́лех
воскли́цания: вся́кое дыха́ние да хва́лит Го́спода.

Да похва́лят язы́цы и лю́дие Христа́ Бога́ на́шего, воле́ю на́с ра́ди
Крест́ претерпе́вшаго, и во а́де тридне́вновавшаго: и да покло́нятся его́ из
ме́ртвых Воскресе́нию, И́мже просвети́шася все́го ми́ра концы́.

Сти́х: Воскресни́, Го́споди Бо́же мой, да вознесе́тся рука́ Твоя́, не
забу́ди убо́гих Тво́их до конца́.

Распя́т и погребен́ был еси́, Хри́сте, я́коже изво́лил еси́, испро́вергл еси́
сме́рть, и воскрел еси́ во сла́ве, я́ко Бог и Влады́ка, да́руя ми́рови жизнь
вечну́ю и ве́лию ми́лость.

Сти́х: Испове́мся Тебе́, Го́споди, все́м се́рдцем мо́им, пове́м вся́ чудеса́
Твоя́.

О вои́стинну беззако́ннии, печата́вше ка́мень, бо́льших на́с чуде́с
сподо́бисте! И́мут ра́зум стра́жие, дне́сь про́йде из гроба́, и глаго́лаху:
рцы́те, я́ко на́м спя́щым, приидо́ша учени́цы, и украдо́ша Его́. И кто́ кра́дет
мертвеца́, па́че же и на́га; Са́м воскресе́ самовла́стно я́ко Бог, оста́вль во
гробе́ и погребате́льная Своя́: приидите ви́дите, иудее́, ка́ко не расто́рже
печа́ти, сме́рть попра́вий и ро́ду челове́ческому безконече́нную жизнь
да́руяй, и ве́лию ми́лость.

Сла́ва, стихи́ра еванге́льская. И ны́не, Богоро́дичен: Преблагослове́нна
еси́ Богороди́це: **Славосло́вие вели́кое. По славослови́и тропа́рь:**

Воскрес из гроба́, и у́зы растерза́л еси́ а́да, разруши́л еси́ осужде́ние
сме́рти, Го́споди, вся́ от сетей́ врага́ изба́вивый, я́вивый же се́бе апо́столом
Тво́им, посла́л еси́ я́ на пропове́дь, и те́ми ми́р Тво́й пода́л еси́ вселе́нней,
еди́не Многоми́лостиве.

На литургии блаженна, глас 2:

Глас Ти приносим разбойнич, и молимся: помяни нас, Спасе, во Царствии Твоем.

Стих: Блажени чистии сердцем, яко тии Бога узрят.

Крест Тебе приносим в прощение прегрешений: егоче нас ради приял еси, Человеколюбче.

Стих: Блажени миротворцы, яко тии сынове Божии нарекутся.

Поклоняемся Твоему, Владыко, погребению, и востанию: имиже от тления избавил еси мир, Человеколюбче.

Стих: Блажени изгнани правды ради, яко тех есть Царство Небесное.

Смертию Твоею, Господи, пожерта бысть смерть: и Воскресением Твоим, Спасе, мир спасл еси.

Стих: Блажени есте, егда поносят вам, и изженут, и рекут всяк зол глагол на вы лжуще Мене ради.

Мироносицы сретил еси, воскрес от гроба, и учеником возвестил еси, рещи Твое востание.

Стих: Радуйтесь и веселитесь, яко мзда ваша многа на Небесех.

Иже во тьме спящих Тя свет видевшие, в преисподнейших адовых, Христе, воскресоша.

Слава: Отца прославим, Сыну поклонимся вси, и Святому Духу верно воспойм.

И ныне, Богородичен: Радуйся, Престоле Огнезрачный. Радуйся, Невеста Невестная. Радуйся, Яже Бога человеком Дево рождающая.

Прокимен, глас 2: Крепость моя и пение мое Господь, и бысть мне во спасение.

Стих: Наказуя наказ мя Господь, смерти же не предаде мя.

Аллилуиа: Услышит тя Господь в день печали, защитит тя Имя Бога Иаковля.

Стих: Господи, спаси царя, и услыши ны, воньже аще день призовем Тя.

В неделю вечера

на Господи воззвах, **стихиры умильтельны. Глас 2.**

Подобен: Егда от древа:

Стих: Аще беззакония назириши, Господи, Господи, кто постоит? Яко у тебе очищение есть.

Имеяй благоутробия источник, источаяй же бездны милостей, и потоки щедрот, Отче преблагий, и Сыне, Слово Отчее: и Душе Святей, несозданное естество, прими моление и молитву нашу, всем в прегрешениях сущим подавая прощение, яко Бог Щедр и Человеколюбец.

Стих: Имене ради Твоего потерпех Тя Господи, потерпел душа моя в слово Твое, упова душа моя на Господа.

Имаши по естеству яко Бог, утробу щедрот, и милости и благостыни: темже молим Тя, Христе Спасе наш, и припадающе зовем, присно ти вопиюще: даруй рабом Твоим прегрешений многих разрешение и прощение всех, ихже согрешихом вси, яко Бог Щедр и Человеколюбец.

Стих: От стражи утренния до нощи, от стражи утренния, да уповает Израиль на Господа.

Спасти хотя Спасе всех, яко Бог, ихже ради вочеловечився, и явился еси человек, спаси нас поклоняющихся твоим заповедом. Не пришел бо еси, Человеколюбче, праведники спасти: но иже в прегрешениях окованных нас многими грехи, разрешити благодатию крещения Божественнаго, яко Бог Щедр и Человеколюбец.

Таже стихиры миней.

Аще несть миней, ины стихиры святым небесным бесплотным Ангелом, глас и подобен тойже:

Стих: Яко у Господа милость, и многое у Него избавление: и Той избавит Израиля от всех беззаконий его.

Престоли, Херувими и Серафими: господствия же и силы, и власти честныя: Ангели, Архангели и Начала с ними: тех нетленное естество составляющему: песнь непрестанную согласно поют, едино в Троице существо вся научающе чести, сраслено, единичество и сопредельно.

Стих: Хвалите Господа вси языцы, похвалите его вси людие.

Первии невестественных лицы, богоначальствия зарий, неходатайственными сияньми подъемлюще, по чину их прочим преподавают Божественныя светлости: и приносят нам сия любовным законом, по достоянию такожде, к сердечней комуждо чистоте с прилежанием.

Стих: Я́ко утверди́ся ми́лость Его́ на на́с, и и́стина Госпо́дня пребыва́ет во вѣк.

Горе́ к вы́сотѣ, души́ горе́ серде́чное о́ко, и у́мная стремле́ния, любви́ю Божѣ́ственнойоу иму́ще, в душа́х свои́х простира́ем всегда́: я́ко да иже отту́ду луча́ми облиста́еми, убе́гнем тьмы́ страсте́й, чающе со а́нгелы предста́ти стра́шному престо́лу Зижди́теля, и преобрати́тся от све́та во свет.

Сла́ва, и ны́не, Богоро́дичен: Мно́жество А́нгел Сы́на Твоего́, Пречи́стая, воспева́ют трисвяты́ми гласы́, я́ко престо́л Тя́ того́ сущую́ огнезра́чен, и пала́ту одушевле́нную, мо́ст Божѣ́ственный, иже от земли́ прево́дящи всегда́ к нему́: ра́дуйся обра́дованная, вопиюще́ Ти со́гласно со А́рхангелом Гаври́илом, я́ко ро́ждшей исто́чника ра́дости.

Та́же: Све́те тихий: **Прокимен:** Се́ ны́не благослови́те Го́спода вси раба́и Госпо́дни: И Спо́доби Го́споди:

На стихо́вне стихи́ры умили́тельны, глас 2:

Согреши́х Ти́, Христе́ Спа́се, я́ко блу́дный сын: приими́ мя, Отче, каю́щаяся и поми́луй мя, Бо́же.

Стих: К Тебе́ возведо́х очи́ мои́ живу́щему на Небеси́. Се́ я́ко очи́ ра́б в руку́ госпо́дий свои́х, я́ко очи́ рабы́ни в руку́ госпо́жи свое́я, тако́ очи́ на́ши ко Го́споду Бо́гу на́шему, до́ндеже уще́дрит ны́.

Вопию́ Ти́, Христе́ Спа́се, мы́таревым гласом: очи́сти мя́ я́коже о́наго, и поми́луй мя, Бо́же.

Стих: Поми́луй на́с, Го́споди, поми́луй на́с, я́ко по мно́гу испо́лнимомся уничи́жения: наипа́че напо́лнися душа́ на́ша поноше́ния гобзую́щих и уничи́жения го́рдых.

Иже земны́я сла́дости не возлю́бльше страстоте́рпцы, небе́сным благим́ спо́доби́шася, и а́нгелом согра́ждане бы́ша: Го́споди, моли́твами их поми́луй, и спаси́ на́с.

Сла́ва, и ны́не, Богоро́дичен: Ра́дуйся, Мари́е Богоро́дице, хра́ме неразруши́мый, па́че же святы́й, я́коже вопи́ет проро́к: свят хра́м Тво́й, дивен в пра́вде.

Та́же, Ны́не отпу́щаеши: Трисвято́е. По́ Отче на́ш: **тропа́рь свято́му.** Сла́ва, и ны́не, Богоро́дичен, по гласу́ тропаря́. Ектени́а и отпу́ст.

В неде́лю на повече́рии

канон похва́льный пресвяте́й Богоро́дице. Глас 2.

Пе́снь 1

Ирмо́с: Во глубине́ постла́ иногда́, фараони́тское всево́инство преору́женная си́ла, вопло́щаеся же Слово́ всезло́бный грех́ потреби́ло е́сть, препросла́вленный Госпо́дь, славно́ бо просла́вился.

Вообра́жся из Тебе́ по нам, Со́лнце невече́рнее, Тя́ словесе́ное Не́бо, и светле́йшее, я́вственне показа́. Те́мже мя́ изба́ви стра́стного смра́да: я́ко да воспую́ любви́ю Тя́, Еди́ну Ма́терь Де́ву.

Клещу́ мысленный Угль носившу́ю, и челове́ческое естество́ очи́стившу́ю, молю́ Тя́, Влады́чице: мно́гих мои́х прегреше́ний скве́рну омы́й, и от оскверня́ющих страсте́й изба́ви мя́ моли́твами Твои́ми.

Сла́ва: И́же исто́чник ми́лости Христа́, Пречи́стая ро́ждши, и Еде́м челове́ком отве́рзши, д́вери отве́рзи ми́ милости Твоея́, Богоро́дице, и да́руй согреше́ний прощени́е, Влады́чице ми́ру.

И ны́не: Мои́х прегреше́ний плени́цы расто́ргни, Влады́чице, Твоего́ Сы́на и Бо́га моля́щи, и томя́щий мя́ грех́ низложи́, Присноде́во: я́ко да воспую́ Тя́ всегда́, Пренепоро́чная, спаса́ем.

Пе́снь 3

Ирмо́с: На ка́мени мя́ ве́ры утверди́в, расшири́л еси́ уста́ моя́ на враги́ моя́, возвесели́ бо́ ся дух мой́ внегда́ пе́ти: не́сть свят, я́коже Бо́г наш, и не́сть пра́ведн паче́ Тебе́, Госпо́ди.

Мглу́ страсте́й мои́х и омраче́ние отжени́, заря́ми моли́тв Твои́х, и просвети́ мя, Пречи́стая Влады́чице, ро́ждшая возсия́вшего пре́жде денни́цы Христа́, от со́лнца Со́лнце незаходи́мое.

Возстави́ла еси́, Пречи́стая, Твои́м Рожде́ством, ски́нию па́дшую и сокруше́нную, Дави́да Твоего́ пра́отца: те́мже возста́ви, Богоро́дице, и мене́ раба́ Твоего́, сокруше́наго страстьми́ и прегреше́нии.

Сла́ва: Прогоня́ющее ору́жие грехи́ и стра́сти ду́ши моея́ бу́ди, Де́во: и пока́жи мя́ я́коже други́й рай, безнаветен и соблюде́н Тобо́ю и принося́щ цветы́ Ду́ха.

И ны́не: Просте́рши ру́ку благоутро́бия, приими́ мя, Богороди́тельнице: и вся́каго исхити́ осужде́ния к Тебе́ прибега́ющего, и Тебе́ припада́ющего, и призыва́ющего Твою́ помощь.

Пе́снь 4

Ирмо́с: Пою́ Тя́, слухом́ бо, Госпо́ди услы́шах и ужасо́хся: до мене́ бо́ и́деши, мене́ ища́ заблуждша́го. Те́м мно́гое Твое́ снизхожде́ние, еже на мя́,

прославляю, Многомилостиве.

Квасъ человеческаго естества, нескверный и святыи, от негоже прие́м тѣсто, созда́ его́ Зиждитель: и мнѣ страстей скверну омьй, и калъ прегрешений моихъ очисти.

Лечьбою молитв Твоихъ, Владычице, и пластырем, и маслом, души мояя струпы, и язвы греховныя ныне исцели, Чистая, яко рождши Богоначальную Цельбу естества.

Слава: Пленницу страстей моихъ разреши, Владычице, и вериги грехов моихъ расторгни оружием молитв Твоихъ, Христа рождшая, подающаго избавление связанным во аде.

И ныне: Страсти души мояя исцели, омрачившыя мя преокаянне: и помысл просвети, далече отгоняющи, Чистая, тьмы бесов оскорбляющих мя и по вся дни сети простирающих мнѣ.

Песнь 5

Ирмос: Просвещение во тьме лежащих, спасение отчаянных, Христе́ Спа́се мой, к Тебѣ утренюю, Царю́ мира, просвети́ мя сиянием Твоим: ино́го бо разве Тебѣ Бога не знаю.

От клятвы древня́ мир яко изба́вила еси́, Владычице, миру́ благословение Христа́ рождшая: помышлений безместныхъ изба́ви мя, и всякия печали, Еди́на бо еси́ верныхъ радование.

Окружа́ет души́ мояя градъ бесовский полкъ, и разплени́ти зело́ покушается: преславная Владычице, граде́ всехъ Царя́, огради́ мя столпными стенами, Твоими́ молитвами, и спаси́.

Слава: Бу́ря люта́ развращений, ду́хов лукавствия, мою́ мы́сль смущает: предвари́ скоро, и утиши́ сию́ рождшая всякия твари́ Еди́наго Кормчия, Христа́ всесильнаго.

И ныне: Возсия́ ми́ свѣтъ покая́ния, Богородительнице, во тьме́ погибельней затворенному: да́руй ру́ку по́мощи лежа́щему, и Твоими́ молитвами воздвигни́ мя, Чистая, творити́ Божия оправдания.

Песнь 6

Ирмос: В бездне греховней валя́ясь, неизслѣдную милосердия Твоего́ призываю́ бездну: от тли́, Бо́же, мя́ возведи́.

Яко́ Жизньъ вѣчную́ рождши, Пречистая, от тѣла души́ мое́й исходя́щей, сме́рть Твоими́ молитвами умертви́.

Ловитъ искушая́ мя зми́й человеконенави́стный: сего́ упраздни́, Владычице, яко́ рождши́ главы́ Сокруша́го зми́ев.

Слава: Стропотны́я стези́ шествова́вшаго к пра́вей стези́ наста́ви, Я́же Пу́ть жизни́ рождшая, Христа́ Бо́га на́шего.

И ныне: Души́ мояя́ страсти́ исцели́, и печали́ недоумѣ́ние победи́,

Яже Бо́га ро́ждшая на спасе́ние челове́ком, Пречи́стая.

Та́же, Го́споди поми́луй, **три́жды.** Слава, и ны́не:

Седа́лен, подо́бен. Глас 2:

Милосе́рдия су́щи исто́чник, ми́лости сподо́би нас, Богоро́дице, при́зри на лю́ди согрешив́шыя, яви́ яко́ присно́ силу́ Твою́: на Тя бо́ упова́юще, ра́дуйся, вопие́м Ти́, яко́же ино́гда́ Гаври́ил безплотных Архистрати́г.

Песнь 7

Ирмо́с: Те́лу злато́му премудры́я де́ти не послужи́ша, и в пламе́нь са́ми поидо́ша, и бо́ги их обруга́ша, среди́ пламене́ возопи́ша, и ороси́ я́ ангел: услы́шася уже́ у́ст ва́ших моли́тва.

Сму́щает ми́ ум, и коле́блет ду́шу волна́ страсте́й: но ро́ждшая, мо́ре волну́ющее́ся повеле́нием Боже́ственным Обуздава́ющего, Де́во, к ти́шине́ преложи́ безстра́стия, и плотско́е уста́ви смущение́.

Тя́ две́рь ве́дый мы́сленнаго Восто́ка, с Небесе́ явльшу́юся, вни́ти в Небеса́ Тобо́ю, Де́во, ра́б Тво́й молю́ся: те́мже приими́ мя, Влады́чице, и све́том наста́ви.

Сла́ва: На Кресте́ Христо́с Сы́н Тво́й распе́нся во́лею, нача́ла тьмы́ посрами́, и сме́ртную разруши́ тлетво́рную си́лу: Имже́, Влады́чице Пречи́стая, стра́стное моё́ плоти́ мудрова́ние умертви́.

И ны́не: Не преста́й, Чи́стая, моля́щи от Тебе́ ро́ждшаго́ся Бо́га, о́ иже́ ве́рою притека́ющих к Тебе́, и прося́щих избавле́ния, Еди́на заступни́це ми́ру, отчая́нным наде́жда и заступле́ние, обу́реваемым в лю́тых присно́ помо́щь.

Песнь 8

Ирмо́с: О подо́бии злате́ небре́гше треблаже́нии ю́ноши, неизме́нный и живы́й Бо́жий о́браз ви́девше, среди́ огня́ воспева́ху: осущество́ванная да поёт Го́спода́ вся́ тварь, и превозно́сит во́ вся́ ве́ки.

Богоде́ланная ски́ние, су́щая Свята́го́ святы́х, показав́шаго́ дре́вния́ ски́нии о́браз, Архиере́а вели́ка́ вну́три́ иму́щи, моё́ се́рдце, Де́во, яви́ Вы́шняго́, и все́х Ца́ря Христо́а ски́нию́ святу́.

Боже́ственный Ковче́г носив́ши и Скрижа́ли́ За́вета, нео́писаннаго́ Сы́на Твоего́́ Христо́а, Де́во, Сло́во Бо́жие Пречи́стое, Се́му́ написа́тися, яко́же на́ дсце́ души́ моя́я сотвори́ пер́стом Бо́жиим, Тво́ими моли́твами.

Сла́ва: Усече́ся от Тво́их ложе́сн, Пренепоро́чная Влады́чице, яко́ от горы́́ честны́й Ка́мень, и столпы́́ вся́кия преле́сти, яко́́ Вседержи́тель Еди́н Всеси́льный сокруши́: Имже́ ны́не о́бразы́ страсте́м потреби́ души́́ моя́я, мы́сленных вра́г сокрушив́ши че́люсти.

И ны́не: Водами́́ живото́ными, изсо́хшее моё́ се́рдце грехо́вным

пла́менем, Ты́ напо́й, Де́во Богоро́дице, во уми́лении всегда́ соблюда́ющи мя, со стра́хом пою́ща: да поёт Го́спода вся тва́рь, и превозно́сит Его́ во веки.

Песнь 9

Ирмос: Я́же пре́жде со́лнца свети́льника Бо́га возсия́вшего, плóтски к нам прише́дшаго, из бо́ку Деви́чу неизрече́нно воплотившая, благослове́нная Всечи́стая, Тя, Богоро́дице, велича́ем.

Правды́ со́лнце чи́стая, Христа́ возсия́ла еси́, и не́бо показáся пресветло, и́мже но́щь страсте́й моих, Твоими́ моли́твами разори́, и ду́шу мою́ просвети, и се́рдце мое́ озари́ и уясни́.

Суди́, Богоро́дице, и препри́ люта́го моего́ сопоста́та, и от того́ мя оскорбле́ния изба́ви: Судию́ бо Благо́го и Праведна́го родила́ еси́, И́же в не́дрех Божества́ Осудивша́го сме́рть.

Слава: И́же безплóтных существа́ я́ко Бо́г составле́й, из Тебе́, Де́во Отрокови́це, воплоти́ся. Те́мже изба́ви мя плотска́го страсте́й обстоя́ния и плотска́го мудрова́ния, Твоего́ раба́ Твоими́ моли́твами.

И ны́не: Разруши́ла еси́ Е́вину печа́ль, Ада́ма Но́ваго ро́ждши, пре́жде Ада́мово естество́ Созда́вшаго. Те́мже разреши́ и моих прегреше́ний рукописа́ние, напа́стей и скорбе́й и страсте́й мя свобожда́ющи.

Та́же, Достойно́ е́сть: Трисвято́е, и по́ Отче на́ш: Тропа́ри, и прóчее обы́чно, и отпу́ст.

Понедельник

В понеде́льник у́тра

по 1-м стихосло́вии седа́льны умили́тельны. Глас 2:

Я́ко во́лны морскія воста́ша на мя беззако́ния моя́, и я́ко кора́бль в пучи́не, а́з еди́н погружа́юся согреше́ньми мно́гими: но в ти́хое приста́нище пока́яния наста́ви мя, Го́споди, и спаси́ мя.

Сти́х: Го́споди, да не я́ростию Твоею́ обличи́ши мене́, ниже́ гне́вом Твои́м нака́жеши мене́.

А́з е́смь дре́во непло́дное, Го́споди, пока́яния пло́да не твора́ отню́д, и посече́ния бою́ся, и огня́ она́го устраша́юся негасима́го. Те́мже Тя́ молю́: пре́жде о́ныя бе́ды обрати́ и спаси́ мя.

Сла́ва, и ны́не, Богоро́дичен: Милосе́рдия су́щи исто́чник, ми́лости сподо́би на́с, Богоро́дице, при́зри на лю́ди согрешив́шыя, яви́ я́ко при́сно силу́ Твою́: на Тя́ бо упова́юще, ра́дуйся, вопие́м Ти́, я́коже ино́гда Гаври́ил, безплотных Архистрати́г.

По 2-м стихосло́вии седа́льны, глас 2:

Помилуй́ мя, рече́ Дави́д: и а́з Тебе́ зову́: согреших́, Спа́се, моя́ грехи́ пока́нием очисти́, и помилуй́ мя.

Сти́х: Го́споди, да не я́ростию Твоею́ обличи́ши мене́, ниже́ гне́вом Твои́м нака́жеши мене́.

Помилуй́ мя Бо́же, помилуй́ мя, о дво́ю греху́ Дави́д пла́кашеся, а́з же о тма́х прегреше́ний вопию́ Ти: он постелю́ слезами́ омака́ше, а́з же ка́пли ни еди́ныя притя́жах. Отчая́юся и молю́: помилуй́ мя, Бо́же, по вели́цей ми́лости Твоей.

Сти́х: Дивен́ Бо́г во святы́х Свои́х, Бо́г Изра́илев.

Тебе́ одева́ющаго не́бо о́блаки, иму́ще святии́ одея́ние, в ми́ре му́ки от беззако́нник претерпе́ша, и ле́сть идо́льскую упраздни́ша. Те́х моли́твами и на́с свободи́ от невидима́го врага́, Спа́се, и спаси́ на́с.

Сла́ва, и ны́не, Богоро́дичен: Тебе́ велича́ем, Богоро́дице, вопию́ще: ра́дуйся, незаходи́мага све́та о́блаче, сегó носивши́ в не́драх Твои́х, сла́вы Господа́.

По 3-м стихосло́вии, седа́льны, глас 2:

Подобен: Милосе́рдия су́щи:

В неве́дении и разуме́ согреша́я, в но́щи и во дни́, Тебе́, Христе́, прогне́ваю, еди́н на землі́ беззако́нии мои́ми: еди́не благи́й безгреше́нне, обрати́ и спаси́ мя мо́льбами́ А́нгел Твои́х, прише́дый милосе́рдием грешны́я призва́ти на пока́яние.

Безплотных пресвяты́и лица́, мо́лят Тя́, Бо́га благода́го и Влады́ку,

пощади́ти нас в час осужде́ния, и изба́вити нас го́рькаго муче́ния, бесовския злобы, и страстей омраче́ния, и всякаго преще́ния, прибега́ющих любви́ю к покрову́ вашему.

Сла́ва, и ны́не, Богоро́дичен: Богоро́дице безневѣстная чи́стая, я́же без се́мене ро́ждшая все́х Влады́ку, то́го со А́нгелы моли́, изба́вители́ нам от всякаго недоуме́ния, и да́ти умиле́ние и све́т душа́м нашим, и согреше́ний очище́ние, я́же еди́на вско́ре заступа́ющи.

Кано́н умиле́ния, ко Го́споду на́шему Иису́су Христу́, и святы́м его́ мучени́ком. [Его́же краегра́нєsie си́це: Тучу да́ждь ми слез, Бо́жий сло́ве.]
Творе́ние Иосифово. Глас 2.

Пѣснь 1

Ирмо́с: Гряди́те лю́дие, по́йм пѣснь Христу́ Бо́гу, разде́льшему мо́ре, и наста́вльшему лю́ди, я́же изведе́ из рабо́ты Египетския, я́ко просла́вился.

Вопло́щься Сло́ве, и не прише́д пра́ведники, я́коже ре́кл еси́, но грѣшники́ призва́ти на покая́ние, мно́го согрѣшивша́ приими́ и спаси́ мя.

Еди́н аз грехо́м порабо́щен е́смь, еди́н аз страсте́м двѣри́ отверзо́х: Благопремене́телю Еди́не, обрати́в мя, спаси́ милосе́рдием Твои́м.

Мучени́чен: На суди́щи Твоём, Го́споди, венцы́ нося́ще предста́т страстоно́сцы, лука́ваго победи́вше дерзость, и безсме́ртием обогати́вшесея.

Мучени́чен: Струи́ нам исцеле́ний источа́юще страсотѣрпцы́, всегда́ тече́ния плоти́ на́шей страсти́ иссуша́ют, си́лою Боже́ственного Ду́ха.

Богоро́дичен: Я́же исто́чник безстра́стия ро́ждшая, уязвена́го мя страстьми́, О́трокови́це, исцели́, и огня́ вѣчнаго́ исхити́ мя, Еди́на Богоблагода́тная.

Други́й кано́н святы́м небе́сным безплотным а́нгелом, [его́же краегра́нєsie: Пою́ хвалу́ лику а́нгельскому.] **Творе́ние Феофа́ново. Глас 2.**

Пѣснь 1

Ирмо́с: Нетре́ну, необы́чну, немóкренно́ морску́ю шество́вав стезю́, избра́нный вопия́ше Израи́ль: Господе́ви по́йм, я́ко просла́вился.

У́глие богоно́сное, заре́ю разже́гшееся Твое́го существа́, безплотны́я явил еси́ лики, Тебе́, Христе́, славя́щыя, я́ко всеси́льна.

Си́лу нетле́ния, и сла́ву стяжавше́ безсме́ртія дарова́нную А́нгели, Христе́, е́же к Тебе́ прибли́жением просвеща́ются.

Яви́шася светоно́сцы, и́же невещественну́ю показу́юще, и по естеству́ образми́ А́нгели, Христе́, чувственне́ вообра́зующи́и чистоту́.

Богоро́дичен: Чини́ а́нгельстии́ ро́ждеству́ Твоему́, Де́во, е́же па́че естества́, служат ра́дующесея, Чи́стая: сих бо роди́ла еси́ Бо́га и Го́спода.

Пѣснь 3

Ирмо́с: Утверди́ нас в Тебе́, Го́споди, Дре́вом умерщвѣ́й грѣх, и стра́х

Тво́й всади́ в сердца́ на́с пою́щих Тя́.

И́же во чрево, Христе́, вше́дый нетле́нное, истле́вшую страстьми́ ду́шу мою́ покая́нием обнови́, и све́та присносу́щнаго яви́ исполнену́.

Послу́шах врага́ прогне́вающего, и вся́к грех́ соверши́х, и безу́мно прогне́вах Тебе́, Человеколю́бче, едина́го долготерпели́ваго.

Му́ченичен: Кресто́м огражде́ни непобеди́мии ору́жницы, и му́ченицы Спа́совы, яко́же стёны разори́ша о́ Бозе до́блественно, ле́стная утвержде́ния.

Му́ченичен: Си́лою Божество́нною, немощно́е ва́ше укре́плеше, до́блии страстоте́рпцы, кре́пость борца́ всеконече́ной па́губе преда́сте.

Богородичен: Мари́е, злата́я кади́льнице, страсте́й мои́х воню́ отжени́, и утверди́ мя коле́блемаго прило́гми .

И́н

Ирмо́с: Лу́к сокруши́ся си́льных держа́вою Твое́ю Христе́, и си́лою немощствую́щии препоя́саша́ся.

И́же естество́м безсме́ртен Бо́г, премудре́ соде́вая благода́тию, воинства́ безсме́ртная явля́ет.

Ны́не предстоя́ще жела́нием кра́йним Христу́ спасти́ся все́м на́м, А́нгели, моли́теся.

Богородичен: Нача́ло подлётно прие́м изве́стно из Тебе́, и́же ле́т соде́тель, Ма́ти Присноде́во.

Песнь 4

Ирмо́с: Пою́ Тя, слухом́ бо, Го́споди, услы́шах, и ужасо́хся, до мене́ бо и́дещи, мене́ ищя́ заблуждша́го. Те́м мно́гое Твое́ снизхожде́ние, еже на мя́, прославля́ю, Многоми́лостиве.

В ка́л грехо́вный впа́д, и вы́шнее благообра́зие погуби́х, Го́споди, и бою́ся му́чения. Те́мже покая́ния красо́тою, смире́нную ду́шу мою́ просвети́.

Льсти́выми глаго́лы, льсти́вый от Тебе́ мя укра́д, сне́дь себе́ соде́ла: Бо́же все́х, сего́ злобы́ исхити́ мя, и покая́ния о́бразы призови́ мя.

Му́ченичен: Преда́ваемы на сне́дь звере́м, и огне́м жго́ми му́ченицы, и одира́емы, и на у́ды раздробля́емы, Христа́ помо́щника иму́ще не отвергосте́ся: Того́ приле́жно моли́те, за мя́ ока́яннаго.

Му́ченичен: Е́диницу чту́ще существо́м, Тро́ицу же ли́цы, Божество́ несозданно, создание́ ника́коже поче́тше вы́, Христовы́ му́ченицы, познасте́ся: сего́ ради́ му́ки вся́кия претерпе́сте.

Богородичен: Воплоща́ется из чи́стых крове́й Твои́х, и челове́ком соединя́ется воле́ю Госпо́дь, Пречи́стая, и прие́млет ка́ющы́яся, и́же дре́вле погруже́нныя грехми́, Твоими́ мо́льба́ми, Чи́стая, присно́ прекля́нем.

И́н

Ирмос: Услы́шах, Го́споди, сла́вное Твое́ смотре́ние, и просла́вих, Человеколю́бче, непости́жимую Твою́ си́лу.

Моли́твенники привожу́ Ти безплотны́я: ихже, Ще́дре, прии́м яко благоутро́бен, от грехов мя изба́ви.

Уму́ приближа́ющесея всевиновному, умо́ве Божественни́и очища́еми, просвеща́ются превы́шними разу́мы.

Божественная украше́ния небесна́го чинонача́лия, Божественным ду́хом украша́еми, сохраня́еми су́ть непрело́жне.

Богородичен: Разуме́в Тя изда́леча, Де́во, Бо́га нося́щую воплоще́нна на руку́ Своёю, Иса́иа предвозвести́.

Песнь 5

Ирмос: Све́та Подате́лю, и веко́в Творце́, Го́споди, во све́те Твои́х повелений наста́ви нас: разве бо Тебе́ ино́го Бо́га не знаем.

Иже просвети́вый очи слепа́го, ослепле́нную ду́шу мою́ просвети́, и бде́ти сию́ укрепи́ в дея́ния бла́гая, со́н же ле́ностный до конца́ возненавидети́.

Исцели́, еди́не Спа́се, уязвленную́ мою́ ду́шу войсти́нну, язвою́ лю́тою греха́ дре́вле в разбойники́ впа́дшему язвы́ исцели́вый.

Мученичен: Собо́р честных страда́лец, собо́р беззако́нных гоните́лей посрами́ многови́дныя боле́зни претерпе́: и ны́не со свяще́нными собо́ры а́нгельскими́ присно́ раду́ется.

Мученичен: Звезды́ много́светлыя, за́ри терпе́ния испу́щающе, и ве́рных ду́шы Ду́хом Божественным просвеща́юще, пресве́тлии яви́шася мученицы́.

Богородичен: Но́во яко́ Младя́ нам Предвече́наго Сы́на роди́ла еси́, во двою́ хоте́нию и дея́нию су́ща сугуба́, яко́ Челове́ка вку́пе же и Бо́га, Всепе́тая.

Ин

Ирмос: Угль Иса́ии проявля́йся, Со́лнце из де́вственны́я утробы́ возсия́, во тьме́ заблуждшым, богоразу́мия просвеще́ние да́руя.

Божественна́го богонача́лия близ сия́юще, Херувими́и и Серафи́ми, Све́тлостию́, со Престо́лы превзя́тыми, богоподобно́ про́чая просвеща́ют. [Два́жды.]

Яко́ всего́ светолита́ подате́лю, зерца́ла светови́дная сло́ве Бо́жий, привёл еси́ Твою́ за́рю с весе́лием и разу́мом неукло́нным прие́млющая.

Богородичен: Радо́сть Тебе́, иже пра́отцем се́тование́ разреша́ющую, Гаври́ил свяще́нный Арха́нгел, с Небесе́ слете́в благовествоваше́, Чи́стая Богоневе́сто.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Низпадохся злобою змииною, и на одре отчаяния лежю: иже разслабленныя глаголом воздвигнувый, Христе, и мене воздвигни.

Веема ветры змиинными, и потопляема всегда волнами греховными, спаси мя, якоже Петра, Человеколюбче Господи.

Мученичен: Преминувшие пределы естества, яже паче естества муки претерпесте: сего ради паче ума благих сподобистесь, мученицы.

Мученичен: Яко добрии, яко краснии, яко честнии, добротворному и красному сочетаетесь, о нас всегда молящесь, преславнии мученицы.

Богородичен: От всех родов творец избра Тебе, Всенепорочная, доброту Иаковлю, Юже возлюби, и из Тебе возсияв явися.

Ин

Ирмос: Глас глагол молебных от болезненныя, Владыко, души услышав, от лютых мя избави: Един бо еси нашего спасения виновен.

Божественная места славы Твоея, начального света Владыко Христе, светоблистанными разжегшися сияньми, зарею световидне вечно пребывают. [Дважды.]

Силою Божественною укрепляеми, Серафими зовуще гласы немолчными, пение трисвятое, почитати возводят нас естество триипостасное.

Богородичен: Клятсся, якоже рече Господь, истиною древле Давиду, из чрева Твоего прошед исполни: родила бо еси Отроковице, небом и землею царствующаго.

Песнь 7

Ирмос: Образу златому на поле Деире служиму, трие Твои отроцы небрегоша безбожнаго веления, посреде же огня ввержени, орошаеми пояху: благословен еси, Боже отец наших.

Умным развращением и бесовскими прилоги всякаго студа исполнихся, далече бых заповедей Твоих, якоже блудный. Ныне же обращаяся зову: согреших якоже Он, не возгнушайся мене, Иисусе, воплощйся мене ради.

Боже всяческих, ниневитяны запрещенія раждающаго смерть, покаявшыся древле спасл еси: такожде, Едине Человеколюбче, премногим блудом оскверненное сердце мое, ныне обращающееся, лютых избави мук.

Мученичен: Уязвися люте, уязвити восхотевый вас злодей, богоблаженнии Божественнии мученицы, и неисцелен пребысть, всем же верным исцеление язвы ваша явишася, уязвленным прилогом ветхаго запинателя.

Мученичен: Ни зверей лютых, ни мучителей прещения, ни огня, ни ран, ни меча секущего, ни разжженных убояетесь сосуд, но якоже в чуждих телесех вся претерпесте великомученицы: сего ради венчани бысте.

Богородичен: Невещественнаго Света жилище чрево Твое бысть, Пречистая Богоневесто Отроковице, светлостями Божественнаго разума безбожие отгнавшего, Егоже поюще зовем: благословен Бог отец наших.

Ин

Ирмос: Ветии явися отроцы, любомудрейшии древле, от богоприятныя бо души, богословяще устнами пояху: Пребожественный отец и наш Боже, благословен еси.

Окрест престола неизреченныя Твоея славы, ликующе присно небеснии умове, немолчными устнами воспевают: Пребожественный отец и наш Боже, благословен еси. [Дважды.]

Егда видеша Тя ангельстии чини на небеса с плотию возносима, врата небесная отверзоша Ти, поюще: Пребожественный отец и наш Боже, благословен еси.

Богородичен: Закона Тя начаток и пророков отроковице Гавриил показуя вопияше: се Ты раждаеши едина Всепетая, Пребожественнаго отцем и нам Бога благословеннаго.

Песнь 8

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющыя: благословите вся дела Господня Господа.

Подпадох лукавому, и козньми его порабощен бых, и зря мя лстывый в небрежении мнозе, хвалится: сего мя исхити, иже заблуждшым обращение, Щедре.

Разрешь мя нерешимыми узами страстей содержима телесными, иже нерешимыя разрешивый от вечных уз, и тещи к стезям направи спасительным, Христе Спасе мира.

Мученичен: Иже страстем содетелье, на мне смиреннем всю злобу созидаша воистинну: но иже страстем Христовым яко воистинну подобницы, блаженнии мученицы, сего избавити мя вреждения.

Мученичен: Колена не преклонше истуканным, в пещь ран якоже отроцы ввержени бысте древле, и росю Божественною явльшеся неопальни пребысте, прехвальнии мученицы, поюще Христа во веки.

Богородичен: Изнемогшую многими прилогми лукаваго, окаянную мою душу, Богородительнице, целёбными Твоими мольбами, Дево, здраву соделай, да Тя славлю во вся веки.

И́н

Ирмо́с: О подобии злате небрегше преблаженнии юноши, неизменный и живый Божий образ видевши, среди огня воспеваху: осуществанная да поёт Господа вся тварь, и превозносит во вся веки.

Подобия Твоя благодати составил еси Ангелы, заповеди Твоя крепостию совершающыя, Слово, и споспешествующыя всем верным звати: осуществанная да поёт Господа вся тварь, и превозносит во вся веки.

Божественными добродетельми небесное украсил еси житие, святых Ангел священноначалие, просвещая сих Тебе, Христе, вопиющих: осуществанная да поёт Господа вся тварь, и превозносит во вся веки.

Радующеся светло, воспойм Божественное пение безплотных неоскудне, и Владыку богословяще, песнь с ними возопийм: осуществанная да поёт Господа вся тварь, и превозносит во вся веки.

Богородичен: Правость, яже мудре вся правящая, возлюби достойно Тя пренепорочную и пречистую Деву несказанно, Пресвятая Богородице, в Тя всельшаяся, юже славословим, да поёт Господа вся тварь, и превозносит во вся веки.

Таже поём песнь Богородицы: Величит душа моя Господа:

Песнь 9

Ирмо́с: От Бога Бога Слова, неизреченною мудростию, пришедшаго обновити Адама, ядию в тление падшаго люте, от Святыя Девы неизреченно воплотившагося нас ради, вернии единомудренно песнями величаем.

Се время делания, что спиши без ума, душе, во унынии глубоце? Востани, слезами просвети свещу твою. Потщися, приближается Жених душам: не укусни, да не останешься Божественных дверей внеуду.

О, коль страшное Твое судище, являющее всяко деяние наго пред Ангелы и человеки! О, коль лютое изречение, еже согрешшым хочещи дати! От негоже избави мя, Христе, прежде конца, подая ми обращения слезы.

Мученичен: Знаменовавшеся Божественною Агнца и Пастыря кровию, славнии Божественнии страдальцы, закалаеми радовахуся, якоже незлобивии агнцы, и ныне всю первородных церковь святую, воистинну на небесех просвещают.

Мученичен: Солнечных сияний, яко светильницы явльшеся, лучами страданий ваших всяку душу озаряете, и всяку тьму прелести отгоняете, доблии страдальцы: сего ради достойно верою блажими есте.

Богородичен: Пощади мя, Господи, пощади, егда хочещи судити, и не

осуди́ мене во о́гнь, ни я́ростию Твоею обличи́ мене: мо́лит Тя́ Де́ва, я́же Тебе́, Христе́, ро́ждшая, и А́нгел мно́жество, и му́ченик сосло́вие.

И́н

Ирмо́с: Вѣсь еси́ желáние, вѣсь сла́дость, Сло́ве Бо́жий, Де́вы Сы́не, Бо́же бого́в, Го́споди, святы́х Пресвяты́й. Те́м Тя́ вси́ с Ро́ждшею велича́ем.

Белообра́зующе я́вишася а́нгели светообра́зно, Боже́ственным учени́ком Твоим пове́дающе Твое́ второе́ пришѣствие, Христе́: с ними́же Тя́ вси́ богосло́вяще велича́ем. **[Два́жды.]**

Я́ко благодѣтель вся́каго естества́ словѣснаго, твори́ши пе́рвей си́ зари́ вторую́ свѣтлость, крайняя́ ради́ бла́гости: те́мже Тя́ вси́ благодаря́ще велича́ем.

Богоро́дичен: Разуме́в Твое́, Пречи́стая, светообра́зное дѣвство, и удиви́лся, радость Тебе́ принесѣ Боже́ственный архистратиг: те́мже Тя́ вси́ яко Богороди́цу велича́ем.

Та́же, Достойно́ е́сть: И поклóн, и ектени́а и свети́лен, и прóчее обы́чно.

На стихóвне стихи́ры умили́тельны, гласъ 2:

Соде́янных мно́ю лю́тых помышля́я безме́стная, к Твоимъ прибега́ю щедро́там, мы́таря подража́я, и блудни́цу слези́вшую и блуднаго сы́на: те́мже и припада́ю Ти́, Милостиве, пре́жде да́же не осуди́ши мя́, пощади́ мя, Бо́же, и поми́луй мя.

Сти́х: Исполнимо́мся заутра́ милости́ Твоея́, Го́споди, и возра́довахомся и возвесели́хомся: во вся́ дни́ на́ша возвесели́хомся: за дни́, в ня́же смири́л ны́ еси́, ле́та, в ня́же видехомъ зла́я. И при́зри на рабы́ Твоя́, и на дела́ Твоя́, и настави́ сыны́ их.

Беззако́ния моя́ прѣзри, Го́споди, от Де́вы ро́ждейся, и се́рдце мое́ очисти́, храмъ си́е творя́ свято́му Твоему́ Ду́ху. Не отрини́ мене́ от Твоего́ лица́, безме́рную имейя́ ве́лию милость.

Сти́х: И бу́ди свѣтлость́ Го́спода́ Бо́га на́шего на насъ, и дела́ ру́к на́ших исправи́ на насъ, и де́ло ру́к на́ших исправи́.

По Христе́ пострада́вшие да́же до сме́рти, о страстоте́рпцы́ му́ченицы, ду́шы бо́ имате на небесе́х в руце́ Бо́жией, и по ми́ру все́му почита́еми су́ть ва́ша мо́щи. Священни́цы покланя́ются и лю́дие вси́, раду́ющесе́, согласо́но вопие́м: сонъ че́стен предъ Го́сподемъ сме́рть преподо́бныхъ Его́.

Сла́ва, и ны́не, Богоро́дичен: На Тя́ упова́ние, Богоро́дице, возложи́хом, ча́яния да́ не отпаде́м, спаси́ насъ от бе́д, Помо́щнице́ недоуме́емымъ, и сопроти́вныхъ советы́ разори́: Ты́ бо еси́ на́ше спасе́ние, Благосло́венная.

Та́же, Благо́ е́сть испове́датися Го́сподеви: И трисвято́е. **По** О́тче на́ш:

тропа́рь и ектениа́. Та́же ча́с 1-й, псалмы́ обы́чныя, и отпу́ст.

В понедельник блаженны, глас 2:

Глас Ті приносим разбойничь, и молимся: помяни нас, Спасе, во Царствии Твоем.

Стих: Блажени изгнани правды ради, яко тех есть Царство Небесное. Спаси мя, Господи Боже, и общника сотвори части от души возлюбльшим Тя.

Стих: Блажени есте, егда поносят вам, и изженут и рекут всяк зол глагол, на вы лжуще Мене ради.

Вся небесная воинства со страхом служат Ти яко Богу: ихже молитвами спаси нас.

Стих: Радуйтесь и веселитесь, яко мзда ваша многа на небесех.

Оружием веры страдальцы, победите полки вражия, и принесени бысте к Богу.

Слава: Почитают чини умнии, с человеческим родом, Троицу просту, единого же существа Божество.

И ныне: Пречистая Владычице, яже Бога без семене рождшая, того моли спастися нам.

В понеде́льник ве́чера

на Го́споди воззва́х, **стихи́ры глас 2:**

Подобен: Егда́ от Дре́ва:

Стих: Аще́ беззако́ния на́зриши, Го́споди, Го́споди, кто́ постои́т? Яко́ у тебе́ очище́ние е́сть.

Еди́не безгре́шне Христе́, Еди́не незло́бивый, Еди́не Исто́чнице бла́гости, ви́ждь мое́ стесне́ние, ви́ждь скор́ь мою́: и язвы́ струп мо́их очисти́ вся́ и ми́лостью Твое́ю спаси́ раба́ Твоего́: яко́ да ле́ности о́блаки да́льче отгна́в, сла́влю Тя Преблага́го Спа́са моего́.

Стих: Имене́ ради́ Твоего́ потерпе́х Тя, Го́споди, потерпе́ душа́ моя́ в сло́во Твое́, упова́ душа́ моя́ на Го́спода.

При́зри, о душе́ моя́ смире́нная! Ви́ждь твоя́ дела́, ка́я су́ть всескве́рная: ви́ждь Твою́ наготу́, оле́ и еди́нство! Ибо́ има́ши разлучи́тися от Бога́ и А́нгелов, и к безко́нечному́ вметати́ся муче́нию. Воспря́ни, воста́ни, потщи́ся, возопи́й: согреших, Спа́се, даждь ми́ проще́ние, и спаси́ мя.

Стих: От стра́жи у́тренняя до но́щи, от стра́жи у́тренняя, да упова́ет Израи́ль на Го́спода.

Тело́ оскверни́х лю́те, растли́х ду́шу и се́рдце помы́шленными́ скверными́: вся́ чувства́ моя́ уязви́х, очи́ оскверни́х, окаля́х ушеса́ словеса́, язы́к оскверни́х, и вся́ имею́ студна́. Те́мже Ти́ припада́я зову́, Влады́ко Христе́: согреших Ти́, согреших, прости́, и спаси́ мя.

Ины́ стихи́ры Предте́чи, глас 2:

Подобен: Егда́ от дре́ва:

Стих: Яко́ у Го́спода ми́лость, и мно́гое у него́ изба́вление, и то́й изба́вит Израи́ля о́ всех беззако́ний его́.

Потщи́ся, изми́ мя о́ искуше́ний, сла́вный Госпо́день Предте́че, молю́ся ти́: все́ бо подвиго́шася на мя́ борю́щии мя́ горцы́и де́мони, и́щуще восхити́ти ду́шу раба́ твоего́, яко́же пти́цу бе́дную. Не оста́ви мя́ до конца́: да разуме́ют же́ паче́, Всеблаже́нне, яко́ ты́ мое́ еси́ прибе́жище.

Стих: Хвалите́ Го́спода́ все́ язы́цы, похвалите́ Его́́ все́ лю́дие.

Непло́ды́ все́святый́ о́трасль, прозябе́ние кра́сное пу́стынное, ла́стовица́ кра́сная, сла́вий благогласный́, голу́бице́ злата́я, непло́дствующую́ всегда́ ока́янную́ ду́шу мою́ благопло́дну́ покажи́́ бла́гих дел, яко́ да прозяба́ющи́ клас́ стори́чествующий, Блаже́нне, Божество́нную́ прино́сит ти́ похвалу́.

Стих: Яко́ утверди́ся ми́лость Его́́ на́ нас, и́ истина́ Госпо́дня

пребывает во век.

Избави вечнаго мя огня, тьмы несветлыя и нужды и всякия скорби, и всякаго злострадания, всякаго стеснения, молю Тя, Предтече, и покажи части спасаемых самоосужденнаго суща прегрешеньми, Блаженне, молитвами Твоими, идеже святых ликования и радость есть несказанная.

Слава, и ныне, Богородичен: Скорби, лютых наведения, страсти же различныя обуревают смиренную мою душу, Отроковице Неискусобрачная, Мати Христа Бога, правительница ми явися в мори житейшем, и належашую укроти бурю к пристанищем тихим покаяния и прохладения наставляющи, к Божественному покрову Твоему притекающа.

Прокимен дне, и Сподоби Господи в вечер сей:

На стиховне стихиры умильтельны, глас 2:

Согреших Ти, Христе Спасе, яко блудный сын: прими мя, Отче, кающася, и помилуй мя, Боже.

Стих: К Тебе возведох очи мои Живущему на небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Вопию Ти, Христе Спасе, мытаревым гласом: очисти мя якоже онаго, и помилуй мя, Боже.

Стих: Помилуй нас, Господи, помилуй нас, яко по многу исполнихомся унижения: наипаче наполни душа наша поношения гобзующих, и унижения гордых.

Мученичен: Святым мучеником молящимся о нас, и Христа поющим, всяка прелесть преста, и человеческий род верою спасается.

Слава, и ныне, Богородичен: Все упование мое на Тя возлагаю, Мати Божия, сохрани мя под кровом Твоим.

Таже: Ныне отпускаеши: И трисвятое. **По** Отче наш: **тропарь святому.** **Слава, и ныне, Богородичен, во глас тропаря. И ектения. И отпуст.**

В понедельник на повечерии

канон Пресвятей Богородице. Глас 2.

Песнь 1

Ирмос: Во глубинѣ постла иногда фараонитское всевоинство преоруженная сила, воплощающееся же Слово всезлюбный грех потребило есть, препрославленный Господь, славно бо прославися.

Похваления Тѣ присноцветущий венец, егѣже прозябѣ Духом Церковь, Чистая, приносит песенно Тебѣ со Архангелом Гавриилом Богоневестней, радуясь поющи, и Тѣ честно венчаючи.

Возделавши живоносный Виноград, Мати Божия Препетая Христа Бога, земле Святая Отча явися, паче смысла, Богоблагодатная, и весь мир напои пива живоноснаго, Чистая.

Слава: Волнующагося люте прегрешении всего мира, и потопляемаго, родила еси, Пречистая, Бога и Господа всех нас, и окормителя Христа, ко спасительному пристанищу нас направляющая верно.

И ныне: Прибежище и спасения граде, вси верно молим Тѣ, Маріе Мати Божия, и мили деемся тепле: прими мольбы наша, Твоих верных раб, и разреши вся ны от прегрешений осуждения.

Песнь 3

Ирмос: Утверди нас в Тебѣ, Господи, древом умерщвей грех, и страх Твой всади в сердца нас поющих Тѣ.

Начало отвращения Бога бысть к человеку, Евино прельщение: Святая же Богородица приведе паки Бога к нам.

Жизни Тѣ Сокровище, Препетая, раждает миру, и радуется благочадию славный Иоаким о Тебѣ, яко неплодными отцы пришедши надежда.

Слава: От Анны радость роду процветѣ, раждаеши Девою Царя: и срадуются Рождеству Твоему жены, разрешися Тобою клятвы.

И ныне: Купина в Синаи проображаше Твое, Дево, преславное Рождества: ибо огнем Божества не опалися, в ложеснах приемши, Чистая.

Песнь 4

Ирмос: Услышах, Господи, славное Твое смотрение, и прославих, Человеколюбче, непостижимую Твою силу.

Иаков Тѣ яко лествицу боголепно провидяше, Дево, на еяже версе Бог утверждашеса.

Ангельское снiтие, еже к нам Слова пришествие Тобою, Пречистая, проявися.

Слава: Утроба Твоя препетая, и сосца блаженна, Дево: тех бо ради жизнь вси обретохом.

И ныне: Тайно воспеваем Тя, Мати Божия, гласы Православными, имже Церковь блюдома есть молитвами Твоими.

Песнь 5

Ирмос: Просвещение во тьме лежащих, спасение отчаянных, Христе Спасе мой, к Тебе утреннюю, Царю мира, просвети мя сиянием Твоим: иного бо разве Тебе Бога не знаю.

Закона и ковчега честнейшу Тя воспеваем, Богородице Марие: ибо всех Зиждителя и Бога, яко скрижали носила еси, Препетая.

Престол Божия Божия Слова, прославляем, Богородице, на немже яко Человек Бог сидя явися, и бысть херувимов превышши.

Слава: Разрешила еси, Дево, от горькия работы весь род человек, и свободу Христовою естество женское почтила еси, в Божественном Твоем Рождестве.

И ныне: Родила еси Сына Дева, и побеждают жены врага яве: темже и притекают Отроковице, девство держаще.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Яже миру радость, Богородице Чистая, радуйся, Тебе, Дево, зовем со ангелом верно, Твоя радости сподоби, и печаль нашу разори.

Радости неотемлемая жилище Тя восхваляюще верно, Мати Приснодево, Твоя радости сподоби, и печаль нашу разори.

Слава: Небо небес вышшее явилася еси, Богоневестная, Божественною Твоею славою: в Тя Бог наш вселився, явися ми.

И ныне: Ныне естество женское возрадовася, ныне печаль преста, радость процветет: яко Мариа роди Радость, Спаса Христа Бога.

Таже, Господи помилуй, трижды. Слава, и ныне:

Седален, глас 2: Подобен: Милосердия сущи:

Души моя леньность лютую, и сердца моего пренемогание, Мати Божия, возревши, исцели молитвами Твоими, и спасенных мя части сподоби, избавляющи мя тьмы и мучения, яко Единая упование мое и утешение.

Песнь 7

Ирмос: Образу златому на поле Деире служиму, трие Твои отроцы небрегоша безбожнаго веления, посреде же огня ввержени, орошаеми пояху: благословен еси Боже отец наших.

Руно иногда Гедеоново, еже на Тя, Чистая, Божия Слова прообрази

снѣтие: якоже бо росу зачатіе пріят, нетлѣнная Дѣво. Тѣмже всѣ Тебѣ зовѣм: благословѣн Плодъ Твоего чрева, Чистая.

Нова и страшна, и верна и чудна Твоя таинства, Маріе, Мати Христа Бога нашего: яко Тобою примирихомся всѣ Богови и Владыце, и со ангелы ныне поем: благословѣн Плодъ Твоего чрева, Чистая.

Слава: Иже прежде Гедеон предвѣствует Тебѣ, Чистая, Божественное Рождество яве: окрин приношает исполнен воды от оцѣждения руновнаго: весь бо в Тя Божественно вселися, Пречистая: благословѣн Плодъ Твоего чрева, Чистая.

И ныне: Родши Бога и Спаса всяческих Маріе, была еси отчаянных исправление, грѣшников обновление, и ненадежных надежда, и поющих помощь: благословѣн Плодъ Твоего чрева, Чистая.

Пѣснь 8

Ирмос: В пещь огненную ко отроком еврейским снишедшаго, и пламень на росу преложшаго Бога, пойте дела, яко Господа, и превозносите во вся веки.

Нов рай нам явилася еси, Пресвятая Богородице, не смертное древо, но животное, яко сад без семени прорастивши Господа, Имже безсмертною жизнью питаемся вси.

Воспеваёт вся Христова Церковь, Богородице, Твое Рождество, яко спасаются грѣшнии всѣ и нищии, иже любовию к Тебѣ прибегающе: прииде бо Христос на землю, человеки спасти.

Слава: Свобождается осужденія прабаба Тобою Богородице Дѣво: и се ныне жены страждут по Христѣ, и радуется естество женское, якоже первомученица вопиет Фекла.

И ныне: Никтоже погйбе, Чистая, иже веры надежду стяжа к Тебѣ православно, Дѣво Мати Божия, разве точною завистию отметаѣйся, Твоему не поклонятися образу начертанному.

Пѣснь 9

Ирмос: Яже прежде солнца Светильника Бога возсиявшаго, плоти к нам пришедшаго из боку Девичу, неизреченно воплотившая, благословенная Всечистая, Тя, Богородице, величаем.

Приклони ми ухо Твое, Дѣво Пресвятая, воспевающему верно похвальными словесы Твое Рождество: и яко дары вдовичи, пѣснь устен моих приемши, проси грехов моих прощенья.

Сияет доброта Твоя, блистает чистоты светлость, Чистая, и пресияет паче сих Твое Рождество: Бог бо, Творец солнца и твари всея, из Тебѣ родися: темже Тя всѣ величаем.

Слава: Свет Тя чистоты, и жезл дѣвства, и Матерь Божию, боголѣпно в

пéснех пою́ще, Богоро́дице, со гла́сом хвалéния мо́лимся Ти́: в дéвстве
утверди́ нас, и в чистотé сохрани́.

И ны́не: Тéло и ду́шу несквѣрну́ Бо́гови соблю́дши, Чи́стая, Ца́рь
восхотé Твоея́ добрóты Христóс, и Ма́терь Своегó воплощéния показá,
Марие́ преславная, спасéние моё совершая.

Та́же, Достóйно ё́сть: И поклóн. Трисвято́е. **И по** О́тче наш: **тропарí.** **И**
прóчее обы́чное, и отпу́ст.

Вторник

Во вто́рник у́тра

по 1-м стихослoвii, седа́льны умили́тельны. Глас 2:

Помышля́ючи, ду́ше моя́, стра́шнаго дне́ испытáния, трепе́щи воздая́ния вéчныя муки, и покая́нием возопи́й слезя́щи: Бо́же согреших, помилуй мя.

Стих: Го́споди, да не я́ростию Твое́ю обличи́ши мене́, ниже́ гнэ́вом Твои́м нака́жеши мене́.

Испыту́яй мою́ сове́сть осужде́нную, бою́ся Твоего́ стра́шнаго суди́ща, Го́споди, яко́ несть ми́ от дел спасéния: но яко́ имей́ богатство́ благоутрoбия, ущедри́ мя Христе́ Бо́же и спаси́ мя.

Слава, и ны́не, Богоро́дичен: Тя́ велича́ем, Богоро́дице, вопию́ще: ра́дуйся Жéзле, от него́же безсе́менно Бо́г прозябый, погуби́ на древе́ смерть.

По 2-м стихослoвii седа́льны умили́тельны, глас 2:

Помилуй мя́, рече́ Давид, и аз Тебе́ зову́: согреших, Спа́се, моя́ грехи́ покая́нием очисти́в, помилуй мя́.

Стих: Го́споди, да не я́ростию Твое́ю обличи́ши мене́, ниже́, гнэ́вом Твои́м нака́жеши мене́.

Помилуй мя́, Бо́же, помилуй мя́, о двою́ греху́ пла́каше Давид, о тьма́х аз согрешéнных вопию́ Ти: Он постéлю слезáми омоча́ваше, аз же ни ка́пли еди́ныя има́м, отчая́хся и молю́: помилуй мя́, Бо́же, по вели́цей ми́лости Твое́й.

Стих: Дивен Бо́г во святы́х Свои́х, Бо́г Израи́лев.

Мучени́чен: Просвети́вый святы́я Твоя́ па́че злата́, и просла́вивый преподо́бныя Твоя́, яко́ блага́, те́ми умоля́ем быва́я, Христе́ Бо́же, живо́т наш упра́ви, яко́ Человеколю́бец, и моли́тву напра́ви яко́ кади́ло, Еди́не во святы́х почи́ваяй.

Слава, и ны́не, Богоро́дичен: Богоро́дице, не прэ́зри мене́ тре́бующа заступле́ния, е́же от Тебе́: на Тя́ бо упо́ва душа́ моя́, помилуй мя́.

По 3-м стихослoвii седа́льны, глас 2.

Подобен: Благоутрoбия су́щи:

Благоутрoбия незави́стный исто́чник, во Иорда́не погрузи́л еси́ струи́ Иоáнне (во струя́х Иорда́на погрузи́л еси́ Иоáнне.) отню́дуже приле́жно молю́ Тя́: страстьми́ мно́гими потопля́ема, пучи́ною мя́ житейско́ю, на всякий дeнь лю́то, благоприя́тными Твоими́ моли́твами, к живота́ пристани́щу руководи́.

Благоутрoбия ра́ди ми́лости, Бла́же, спасти́ Твое́ создáние, Христе́,

прише́л еси́, прекло́нь Небеса́ схожде́нием Твои́м. Те́мже стра́шное смотре́ние Твое́ пою́ще, вопие́м Ти: мо́льба́ми Предте́чи Твоего́ очище́ние грехов пода́ждь на́м, яко́ Един благоутро́бен.

Сла́ва, и ны́не, Богоро́дичен: Кто́ ви́де, кто́ слы́ша Ма́терь ражда́ющую своего́ соде́теля неискусому́жно, доя́щую даю́щаго пи́щу всякой плоти́? Оле́ чуде́се! Престо́л херувимский я́вился че́рево Твое́, Богоро́дице благодатная, моли́ о душа́х наших.

Кано́н умиле́ния ко Го́споду на́шему Иису́су Христу́ и святы́м му́чеником **[его́же краегра́не́сие си́це:** Мои́м рыда́нием вмеще́ние, о Спа́се, подава́еши.] **Творе́ние Ио́сифово. Глас 2.**

Пе́снь 1

Ирмо́с: Моисе́йскую пе́снь восприи́мши, возопи́й душе́: Помо́щник и покрови́тель бы́сть мне во спасе́ние, Се́й мой Бо́г, и просла́влю Его́.

Себе́ бра́тие пре́жде исхода́ воспла́чим го́рько, яко́ да слеза́ми до́брыми убе́жим тогда́ слез муче́ния, ничто́же иму́щих полезно́.

Тьма́ми, Христе́, завеща́х пока́яться, и нечувстве́нну ду́шу имейя́, в прегреше́ния впадаю́: уще́дри, Спа́се, немо́щь мою́.

Му́ченичен: И́же муче́ния о́гнь претерпе́вше, Божество́нным ороше́нием страстоте́рпцы Христо́вы, огня́ ге́енны изба́вите мя, в страстех́ лю́тых слежа́щаго.

Му́ченичен: Кре́пцы на враги́ я́вльшися си́лою Божество́нною, некре́постную их низложи́сте си́лу, му́ченицы Христо́вы достохва́льнии.

Богоро́дичен: Пламенено́сная клеще́, ю́же Иса́иа ви́де ино́гда, веще́ственныя се́рдца моего́ стра́сти, Богороди́тельнице, попали́, и до конца́ потреби́.

И́н кано́н, ко свято́му честне́йшему проро́ку Ио́анну Предте́чи [его́же краегра́не́сие си́це: Крестите́лю, мо́льбу́ приими́.] **Творе́ние Ио́сифово. Глас 2.**

Пе́снь 1

Ирмо́с: Во глубине́ постла́ ино́гда́ фараони́тское всево́инство преору́женная си́ла, вопло́щшееся же Сло́во всезло́бный грех́ потреби́ло е́сть, препросла́вленный Го́сподь, сла́вно бо просла́вися.

Крестите́лю и Предте́че Христов, погружа́емый всегда́ сла́стми́ теле́сными, ум мой упра́ви, и волны́ страстей укроти́: яко́ да в ти́шине́ Божество́нней бы́в, песнословлю́ тя.

Недоуме́нным просвети́вся просвеще́нием, яко́ многосвётлая звезда́, мы́сленному Восто́ку предте́кл еси́: Имже́ озари́тися се́рдцу моему́, Крестите́лю, моли́, омраче́нному все́ми бесо́вскими приложе́нии.

В реце́ бездну́ ино́гда, Всему́дре, погрузи́л еси́, пото́п содева́ющую

благодатию, всего́ преступлѣния. Но молю́ся, пото́ки блаже́нне моихъ прегрешѣний изсуши́, Божѣственнымъ ходата́йствомъ твоимъ.

Богородичен: Чисты́я Дѣвы, Бо́га воплоти́вша, срѣдникъ былъ еси́ блаже́нне Предте́че, с Нею́же Тя́ чтимъ и мо́лим, иже в Божѣственномъ хра́ме Твоёмъ ны́не живу́ще: хра́мы и насъ сотвори́ Ду́ха Свята́го.

Пѣснь 3

Ирмо́с: Непло́дствовавший мойъ у́м, плодоно́сен, Бо́же, покажи́ ми, дѣлателью́ добрыхъ, насади́телю благи́х, благоутро́биемъ Твоимъ.

Лѣностнымъ дреманіемъ отяго́тихъ ду́шу: воздви́гни, Христе́, ко бде́нию пока́янія, твори́ти Твоя́ повелѣния.

Не яви́ мене́, Иису́се, в де́нь стра́шный отча́янна: но пре́жде конца́ обрати́в, лю́тыя изба́ви му́ки.

Мученичен: Иже́ стра́сти Христо́вы подража́вше до́бре, Божѣственными́ обра́зы страсотѣрпцы́ Христо́вы, ду́ши моя́ лю́тыя стра́сти исцели́те.

Мученичен: Да иже́ на небесе́х присносу́щнымъ благи́м сподо́битесь вся́кое искуше́ние лю́тых, страсотѣрпцы́, на земли́ твёрдо претерпѣсте.

Богородичен: Дойши́ матероле́пно пита́теля всѣхъ, и носи́ши сего́ на объ́ятіяхъ, Чистая́, вся́ческая руко́ю нося́щаго всегда́.

Ин

Ирмо́с: На ка́мени мя́ ве́ры утверди́в, разшири́л еси́ уста́ моя́ на враги́ моя́, возвесели́ бо́ ся ду́х мой, внегда́ пети́: несть́ святъ, яко́же Бо́г наш, и несть́ пра́веденъ, па́че Тебе́, Го́споди.

Исцели́ стру́пы ду́ши моя́, у́м мойъ, омраче́нный небреже́ниемъ, озари́ Божѣственнымъ твоимъ ходата́йствомъ, Госпо́день Предте́че, и вся́каго изба́ви мя́ сопроти́внаго обстоя́нія, молю́ся.

Непло́дствие разреши́л еси́ ро́ждшия, роди́вша Бо́жиимъ промышлѣ́ниемъ Премудре́ Проро́че: непло́дное убо́ се́рдце моё́, плодоно́сно ны́не соде́лай, Госпо́день Предте́че, ходата́йствомъ твоимъ, добродѣ́телей приноси́ти прозябе́нія.

Любо́вию твоёю́ созида́ющаго Божѣственный́ до́м, вы́шняго житія́ улучи́ти моли́, иже́ ве́рою хра́му твоёму́ служа́щія, хра́мы Ду́ха Божѣственнаго сотвори́, Крестите́лю и Предте́че, ходата́йствы́ твоими́.

Богородичен: Веселя́щеса́ Предте́ча в ложесна́х носимъ́ матери́нх, и покланя́щеса́ Го́споду, носиму́ в ложесна́х, Благода́тныя, Е́гоже моли́, от вся́кия ско́рби изба́вити мя́.

Пѣснь 4

Ирмо́с: Е́же от Дѣвы́ Твоё́ рождество́ проро́къ предзря́, воспроповѣ́даше вопія́: слухъ́ Твойъ услы́шахъ, и убо́яхся, яко́ от ю́га, и из горы́ святы́я

приосененныя пришёл еси Христе.

Окрадена мя отвсюду, и обнищавша слове, зря враг, о погібели моей радуется, лстивый мудрец: Господи славы, обогатителю убогих, того мя злодействия изми.

Руце и очи оскверних, Господи, содеяв яже нелепо есть творити, и в гнев подвигох щедроты Твоя, иждив Твое долготерпение: призрев ущедри мя, Блаже.

Мученичен: Коль дивен Бог наш во святых есть, послушавших его, и низлагающих истуканныя погібели, и наследовавших рая пространство, от негоже древле изгнан бысть Адам.

Мученичен: Струями кровей блаженнии устависте кровь, приносимую иногда демоном, всем погібельную, на пагубу приносящим человеком. Сего ради ублажаеми есте присно.

Богородичен: Научився духом пророческий преславный лик, еже паче ума Твоей тайне, Богородице, различнообразно сию предначертает священными образы, ихже конец зрим светло.

Ин

Ирмос: Пришёл еси от Девы, не ходатай, ни Ангел, но Сам Господи воплощься, и спасл еси всего мя человека. Тем зову Ти: слава силе Твоей, Господи.

Преклоншему небеса и человеком беседовавшу, главу приклонил еси, десницею твоею пребогате: еюже мя соблюди, во смирении соблюдая сердце мое.

Пустыня тебе гражданина непроходная имяше, блаженне Предтече, темже вопию ти: пусту всякаго Божественнаго деяния бывшу душу мою снабди.

Закон Божественный управляя, беззаконно заклан был еси. Темже молюся Тебе: беззаконнующа мя всегда, и прельщаема бесовскими прельщеньми, исправи.

Создав сам себе храм, Владыце Царю, к Божественным селением ныне прешёл еси, Предтече: ихже получитьи моли, тебе пресвятый дом Воздвигшаго.

Богородичен: Призри на мя недугующаго, Всенепорочная, и разреши страсти моя лютыя и неудобоисцельныя: яко да величаю Тя, возвеличившую все человечество.

Песнь 5

Ирмос: Мглу души моея, Спасе мой, разгнав, светом заповедей Твоих озари мя, яко един Царь мира.

Грехи совокупляю безумно грехом, и восклонения несть в смерти

моей: увы́ мне, како́ явлю́ся Христо́ви?

Беду́ прие́млю́ яко́ кора́бль, погуби́х мое́ бре́мя, е́же ми́ дал еси́ Ще́дре, и ны́не обнища́в зову́: не прэ́зри мене́, Христо́е.

Му́ченичен: Яко́ сла́ву прэ́зрэвше до́льную и попира́емую, небе́сней страстоте́рпцы сподо́бистеся сла́ве, сопребы́вающе Христо́у.

Му́ченичен: Любве́ я́же к плоти́ ум отлучи́вше, ве́рою му́ки усво́исте любе́зно страстоте́рпцы, усво́яеми Христо́у.

Богородичен: Даниил Тя́ го́ру ве́лию ду́хом зря́ще, Богоро́дице: от не́яже ка́мень отсе́ся, сокруша́ет демоно́в истуканная.

И́н

Ирмо́с: Просвеще́ние во тьме́ лежа́щих, спасе́ние отча́янных, Христо́е Спа́се мой, к Тебе́ у́треннюю, Царю́ ми́ра, просвети́ мя сия́нием Твои́м: ино́го бо разве́ Тебе́ Бога́ не знаю́.

В тече́ниях Иорда́нских стру́я нетле́ния, Предте́че, крестив Христо́а моли́ истекания́ страсте́й моих́ изсу́шити, и пото́ки сла́достных насле́довати, и пра́ведных кра́снаго ра́дования.

Уже́ рыдаю́, и содрага́юся страхом, и недоуме́нием всегда́ содержи́мь е́смь, помышля́я моя́ соде́ланная, и бу́дущий Суд ужасный: благоутро́бне Го́споди, пощади́ мя Твоего́ Крестите́ля мольба́ми.

Законополагая́ лю́дем спасе́ние, в раская́нии предте́че прегреше́ний бы́вшее, посреде́ зако́на и благода́ти ста́л еси́. Сего́ ради́ мо́лим тя́: образми́ покая́ния нас просвети́.

Да́ждь ми́ вре́мя покая́ния, уны́нно преше́дшее, все́ иждив́шему, Благоде́телю, име́я на си́е моля́щаго Тя́ Сло́ве, Иоа́нна вели́каго Предте́чу, и покая́ния всемирна́го пропове́дника.

Богородичен: Нава́ты и ловле́нии льсти́ваго умертви́хся, Влады́чице Всенепоро́чная, оживи́ мя, я́же ро́ждшая Живот́ всех, Богоро́дице, ипостасный, да Тя́ пою́ благоче́стно Всенепоро́чную.

Песнь 6

Ирмо́с: Во глубине́ грехо́вней содержи́м е́смь, Спа́се, и в пучине́ житей́стей обу́реваем: но́ якоже́ Ио́ну от зве́ря, и мене́ от страсте́й возведи́, и спаси́ мя.

Якоже́ дре́вле ханане́а зову́ Ти, Спа́се, Сы́не Бо́жий, поми́ловав мя́ уще́дри: ду́шу бо стра́ждущу́ има́м в лю́тых, и саму́ в чувство́ приити́ не хотя́щую.

Сму́ща́ет мя́ безме́рных страсте́й бу́ря: якоже́ мо́рю ино́гда́ запрети́л еси́, и спасл еси́ святы́я учени́ки Твоя́, и мене́, Иису́се, возведи́, и спаси́, Христо́е.

Му́ченичен: Удиви́шася а́нгельстии́ безплотни́и ли́цы терпе́нию

вашему, еже в телеси: и похвалиша подающего вам честнии страдальцы, и силу и трудовъ воздаяния.

Мученичен: Окропляеми кровей своих теченьми, и очию избодаеми мученицы, померзаеми студению лютою, к теплотѣ жизни преидосте, воспевающе Христа.

Богородичен: Яко трапѣза хлѣб вмещаеши тайный, от негоже ядше не ктому алчем всепѣтая, ведущии Тя, Христа всех Бога родительницу, и питательницу яко воистинну.

Ин

Ирмос: В бездне греховней валяся, неизследную милосердия Твоего призываю бездну: от тли, Боже, мя возведи.

Глас Слово проповедавый, всех гласы восприем, проси греховъ прощѣние даровати, верою поющимъ тя.

Сокрушение души моея исцели, и греховъ бремя разреши, и паче надежды спаси мя молитвами твоими, блаженне Предтече.

Иисуса, Егоже рукою твоею крестил еси, Предтече, моли, руки мя избавити греха, взимающа к Нему руце присно, всеславне.

Богородичен: Дреманием ленистым одержимъ есмь, сон греховный тяготит сердце мое: Твоим, Пречистая, бденным ходатайством воздвигни, и спаси мя.

Пѣснь 7

Ирмос: Херувимы подражающе отроцы в печи, ликовствоваху вопиюще: благословен еси Боже, яко истиною и судом навел еси сия вся грех ради наших, препетый и препрославленный во вся веки.

Законов Твоих отвергохся, и покорихся безсловесным похотем, дея нелепая, Христе, яко осуетихся в безумии моем, якоже ин никтоже от человек на земли: не остави убо мене, Спасе, погибнути, человеколюбия ради.

В беззаконіих, Господи, се аз зачат есмь, якоже Давид зову, и яко блудница слезю, и яко преогорчеваая раб, преогорчих Тя единого сущаго Бога благаго: не остави убо мене Спасе погибнути, человеколюбия ради.

Мученичен: Мученический подвизася соборъ страсготерпец, мученически венчася животною десницею: яко воистинну Бога возлюби, вся сотворшаго словом. И ныне на небесех радуяся, наслаждается Божественнаго наследия.

Мученичен: Очию избодаеми, и отемлеми руками и ногами, благотечно к небесному благославнии посылахуся шествию, препинающе шествия единокорца: тех молитвами спаси вся, Слове, Тебе славословящя.

Богородичен: Херувими славят, Серафими воспевают, Престоли, и Власти, и господствия присно, еже паче ума Твое Рождество, Марие всепетая, яко едина Бога раждаеши плотию. Егоже моли, Чистая, всем нам спастися, любовию почитающим Тя.

Ин

Ирмос: Богопротивное веление беззаконнующаго мучителя, высок пламень вознесло есть: Христос же простре богочестивым отроком росу духовную, сый благословен и препрославлен.

Из корене секирою твоего покаяния, исторг язвы страстного сердца моего, всади, Предтече, Божественное безстрастие, и страх чистейший Божий, всякия злобы отчуждающий мя.

Во струях Иорданских, яко крестил еси покрывающаго водами превыспренняя Господа: Того моли воду даровати Божественнаго умиления присно очима мойма, славный Предтече.

Иже миру вземлющаго грех Агнца Божия, Предтече, проповедав, Того моли от козлищ части явити мя чужда, и десным Его овцам и мене сочетати, славне.

Богородичен: Неplодная утроба носяше Тя, Дево: во чреве носившую Слово воплощенно, Егоже Божественными възграниции, великий Предтеча, неплодный всесвятыи плод позна радуяся, и поклонися.

Песнь 8

Ирмос: В купине Моисею Девы чудо, на Синайстей горе прообразившаго иногда, пойте, благословите, и превозносите во вся веки.

Да обожииши нас, воплотился еси за милость, никакоже разумех, порабощен сластми: Твоею благостию обрати мя Христе, всех спасение.

Ты пастырю добрый, Слове, заблуждшую на горах преступлениа, окаянную мою душу обрати и спаси: да не до конца мя враг лстивый пожрет.

Мученичен: Станем мужески вкупе, вопияху друг другу краснии страдалцы, ураняеми люте: се Христос простирает победы венцы во вся веки.

Мученичен: Крепкими жилами, твердыми вашими болезнями удавите змия, хотящаго вас злоковарно прельстити: и райския пищи явитесь наследницы.

Богородичен: Да обожит нас Бог, воплотися из чистых кровей Твоих, и бысть человек, Дево Богородице: Егоже моли присно о чтущих Тя.

Ин

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющыя:

благословіте вся дела Господня, Господа.

Даждь десницу мнѣ на земли лежащему, Предтече, иже десницу простер, и омыл еси водами Несквернаго: и избави мя скверны телесныя, всего мя очищая покаянием, и спаси мя.

Имущи, душе, время покаяться, лености тяжчайший сон оттряси, и спешно побди вопиющи Владыце твоему: Милосерде, ущедри мя, Крестителя Твоего мольбами.

Потоцы страстей, и воды злобы до души моея внидоша, блаженне Предтече: потщися скоро изъяти мя, иже речными струями измыв безстрастия тишайшую пучину.

Увы мнѣ, многа зла сотворшему! Увы мнѣ, единому прогневавшему Бога Преплагаго! Крестителю Христов, помози ми, и подаждь прегрешений моих разрешение, и долгов моих отсечение Твоими ходатайствами.

Богородичен: Вышняго Богу плотию рождающая, от гноя мя возстави страстей оскорбляющих мя, и люте всего обнищавша, Божественными обогати, Пречистая, добродетельми, яко да воспую Тя спасаемь.

Песнь 9

Ирмос: От земнородных кто слыша таковое, или кто виде когда? Яко Дева обретеся во чреве имущая, и безболезненно младенца порождающая? Таковое Твое чудо, и Тя, Чистая Богородице, величаем.

О како страшно есть Твое судище, на немже Христе ожидаю судитися, и не чувствую отнюд сего страха, в лености вся лета провождая! Обрати мя Едине Содетелю, иже Манассию обрачем согрешившаго.

Устави, Христе, потоки, вопию Ти, безмерных моих зол, токи мнѣ дай слез умывающыя скверну, яже подъях безумием: и спаси мя, спасый блудницу от души покаившуюся, милостию Твоею.

Мученичен: Светозарная Божественных страстотерпец память, яко солнце нам возсиявши, вся концы земныя световодит, и тьму прогоняет Божественным духом идолонейства, и страстей душеленных помрачение.

Мученичен: Полк честен, воинство победоносное, и избранное ополчение, собор святых мученик, лик блаженный, ликостоянием сочетася безплотных. Тех молитвами, Христе, вся ны Царствию Твоему причастники сотвори.

Богородичен: Светлыми зарями, из чрева Твоего возсиявшаго нам, и безбожия ночь потребльшаго, Дево Мати Марие, просвети вся верою Тебе чтущыя, и от несветимыя тьмы избави в час осуждения.

Ии

Ирмос: Безначальна Родителя Сын, Бог и Господь, воплощся от Девы нам явися, омраченная просветити, обрати расточенная. Тем Всепетую Богородицу величаем.

Кала мя избави греховнаго, Господи, Безгрешне Еди́не и Многомилостиве, Крестителя мольбами, иже Тебе́ проповедавый всему́ миру́ А́гнца Бо́жия, вземлющаго человеко́в грехи́.

Яко ши́пок благово́нен, яко благоуханны́й кипари́с, яко неувядае́мый кри́н, яко миро́ че́стно име́й тя, Господе́нь Предте́че, моих́ де́л злосра́дия избавляю́ся моли́твами твоими́, притекая́ к покрову́ твоему́.

Непло́дствующа́ мя непло́дными де́лы, Всеблаже́нне, сотвори́, добродете́лей благопло́дие при́сно принося́ща, чадо́ мя Госпо́дне творя́, и прича́тника Боже́ственному Ца́рствию, и святы́х собо́ру купножи́теля.

Нам лю́бящим тя́, и лю́бовию почита́ющим, и в Боже́ственном хра́ме твоём́ лику́ющим, да́ждь с небесе́ разреше́ние лю́тых, Предте́че Господе́нь, и жития́ исправле́ние, и прегреше́ний избавле́ние.

Носи́му во утробе́ Богома́терни, вся́ Нося́щему ма́нием, поклони́лся еси́, Проро́че: с Нею́же моли́ смире́нней спасти́ся души́ мое́й, во мно́гая впада́ющей по вся́ дни согреше́ния.

Та́же, Досто́йно е́сть: и покло́н. Ектениа́, и свети́лен, и псалмы́ обы́чныя.

На стиховне стихи́ры умили́тельны, глас 2:

Все́х превосхо́жду грехо́м, ко́го научу́ пока́янию? Аще́ воздохну́ яко́ мыга́рь, непщю́ю отягчи́ти небеса́: аще́ слезю́ яко́же блудни́ца, оскверня́ю слеза́ми зе́млю. Но да́ждь ми́ оставле́ние грехо́в, Бо́же, и поми́луй мя́.

Сти́х: Исполни́хомся за́втра ми́лости Твое́я, Господи́, и возра́довахомся, и возвесели́хомся: во вся́ дни на́ша возвесели́хомся, за́ дни, в ня́же смири́л ны́ еси́, ле́та, в ня́же ви́дехом зла́я. И при́зри на рабы́ Твоя́, и на дела́ Твоя́, и наста́ви сы́ны их́.

Беззако́ния моя́ прэзри́, Господи́, от Де́вы рожде́йся, и се́рдце мое́ очисти́, храм́ sie творя́́ свя́таго Твое́го́ Ду́ха: не отвержи́ мене́ от Твое́го́ лица́, безме́рную име́й ве́лию ми́лость.

Сти́х: И бу́ди све́тлость́ Господа́ Бо́га на́шего на на́с, и дела́ ру́к на́ших исправи́ на на́с, и де́ло ру́к на́ших исправи́.

Крест́ Христо́в вземше́ святы́и мучени́цы, ору́жие непобеди́мое, всю́ диа́волю́ си́лу упраздни́ша, и прие́мше́ венцы́ небесны́я, стена́ нам бы́ша, о на́с то́му моля́щеся.

Слава́, и ны́не, Богоро́дичен: Ра́дуйся, Мари́е Богоро́дице, хра́ме неразруши́мый, па́че же святы́й, яко́же вопие́т проро́к: свят́ храм́ Тво́й, дивен́ в правде́.

Та́же, Благо́ е́сть испове́даться Го́сподеви: Трисвято́е. По́ Отче на́ш:
тропа́рь, и ектениа́. Та́же час 1-й, псалмы́ обы́чныя, и прочее обы́чное, и
отпу́ст.

Во вто́рник блаже́нны, гла́с 2:

Гла́с Ти́ прино́сим разбо́йничь, и вопи́ем Ти́: помяни́ нас, Го́споди, во Ца́рствии Твоём.

Сти́х: Блаже́ни изгна́ни пра́вды ра́ди, я́ко те́х е́сть Ца́рство Небе́сное.

Разбо́йника превзыдо́х, и блудни́цу страстьми́: уще́дри мя, Спа́се, самоосу́жденнаго.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зóл глаго́л, на вы́ лжу́ще Мене́ ра́ди.

Погрузи́вый бездну́ благоутро́бия в воде́, Предте́че, твои́ми моли́твами стра́сти моя́ умали.

Сти́х: Радуйте́ся и весели́теся, я́ко мзда́ ва́ша мно́га на Небесе́х.

И́же преле́стная́ течéния, крове́й течéньми изсуши́вше, Христо́вы страстоте́рпцы, досто́йно сла́вими есте́.

Сла́ва: Ветийству́яй, я́коже писа́но е́сть, ум челове́ческий не мо́жет Божества́ еди́но нача́ло пéти триипоста́сное.

И ны́не: Я́же неопáльно ро́ждшую́ Бо́га пребезнача́льна, похва́льными вси́ пéсньми непреста́нно воспойм.

Во вто́рник ве́чера

на Го́споди воззва́х, **стихи́ры крѣстны, глас 2.**

Подобен: Егда́ от дрѣва:

Стих: Аще беззаконія на́зриши, Го́споди, Го́споди кто́ постоит? Яко у тебе́ очище́ние е́сть.

Светити свети́ла не терпя́ще омрачи́шася, на Крестѣ́ заше́дшу Тебе́, Сло́ве: земля́ же подвизаше́ся, и ка́мение разседа́шеся, церко́вное благоле́пие раздира́шеся посреде́, гробы́ отверза́хуся, ме́ртвии востая́ху, а́д издаше́ вся су́щия до́лу, бе́си побежда́хуся, и сон́ всем вменя́шеся сме́рть.

Стих: Имене́ ради Твоего́ потерпѣх Тя, Го́споди, потерпе́ душа́ моя́ в сло́во Твое́, упова́ душа́ моя́ на Го́спода.

Егда́ плодови́тый Тя, Христе́, виногра́д, разбо́йник благона́вный виде́в, лу́чший бы́сть разбо́йник благоискусен, и укра́дает прощѣ́ние дре́вних согрешѣ́ний, zeló благоестѣ́ственне ма́лым гласом: то́му ревни́тели бы́ти потщима́ся. Еже помяни́ и на́с, Человеколю́бче, всѣ́ зову́ще.

Стих: От стра́жи у́тренняя до но́щи, от стра́жи у́тренняя да упова́ет Израи́ль на Го́спода.

Сияет́ яко́ звезда́ на Небеси́, в Це́ркви Божѣ́ственный войсти́нну Крѣ́ст Тво́й, Христе́, опаля́я убо́ бе́сы, ве́рныя же просвѣща́я, и посрамля́я лица́ Тебе́ распѣ́вших: и́мже прароди́тели дрѣ́вом вообража́ющим Креста́, пре́жде от рабо́ты извел еси́, и от ка́мене ме́д ссати́ в пусты́ни сотвори́л еси́.

Таже стихи́ры мине́и.

Аще ли не́сть мине́и, и́ны стихи́ры пресвяте́й Богоро́дице, глас 8, подобен то́йже:

Стих: Яко́ у Го́спода ми́лость, и мно́гое у него́ изба́вление, и То́й изба́вит израи́ля от все́х беззаконі́й его́.

Все́м Предста́ельницу́ Тя челове́ком, все́м прибе́жище вели́кое, все́м Засту́пницу́ Тя показа́, Влады́чице, христиа́ном, и́же из Тебе́ в на́ше смеше́ние оболкся́ Благоутро́бне, и распя́тие и сме́рть на́с ради́ подъя́т. Что́ убо моли́ непреста́нно, все́м очище́ние низпосла́ти прегрешѣ́ний, Богоневѣ́стная.

Стих: Хвали́те Го́спода всѣ́ язы́цы, похвали́те Его́ всѣ́ лю́дие.

Дре́вле Де́ва и А́гница, зря́щи из чре́ва Ея́, на Дре́ве пове́шена, яко́ осуждена́ со двема́ осужденно́ма, восклица́ющи глагола́ше: Сы́не и Бо́же мой, странно́ видимо́е стра́шное та́инство: оба́че му́дрости Твоея́ бе́здну испы́тати никто́же мо́жет: пою́ Твое́ долготерпе́ние.

Стих: Я́ко утверди́ся ми́лость Его́ на на́с, и и́стина Госпо́дня пребыва́ет во вѣк.

Где́ Твоего́ видѣния благоле́пие? Где́ красота́ скрѣсья добрѣты твоея́, Сы́не? Ка́ко и́же добрѣтою неизрече́нная сотвори́вый Бо́же, красны́й в добрѣтахъ, за вся́ челове́ки, безсла́вен и безче́стен на Дре́ве виси́ши, ви́да, ни добрѣты не имѣя́й, Ча́до? Пре́добрая Де́ва вопия́ше, стѣня́щи и плачу́щи.

Сла́ва, и ны́не, Кресто́Богоро́дичен: За́йде свети́лов заря́, земны́м Све́том побѣждши́ся, обна́жшимся на Кресте́: побежда́ется у́бо при́сно хужд́шее больши́м, и луч́шему ме́ньшее дае́т ме́сто, ка́ко у́бо не подоба́ше светя́щу Христу́, скрѣтис́я заре́ чувстви́тельной? Досто́йным глаго́лаше, Тя́ зря́щи Пре́чистая, свети́лом света́.

Та́же, Све́те ти́хий: Про́кимен: Ми́лость Твоя́ Го́споди, пожене́т мя́ вся́ дни́ живота́ моего́. **И** Спо́доби, Го́споди, в ве́чер сей́:

На стихо́вне стихи́ры крестны́. Гласъ 2:

Спаси́ мя, Христе́ Спасе, си́лою крестно́ю, спасы́й Петра́ в мо́ри, и помилуй́ мя, Бо́же.

Стих: К тебе́ возведо́х о́чи мои́ живу́щему на Небеси́. Се́ я́ко о́чи ра́б в руку́ госпо́дий своихъ, я́ко о́чи рабы́ни в руку́ госпо́жи своея́, та́ко о́чи наши́ ко Го́споду Бо́гу на́шему, до́ндеже уще́дрит ны́.

Да распне́тся вопия́ху, и́же Твои́х дарова́ний при́сно наслажда́ющис́я, и злоде́я во Благо́дателя ме́сто проша́ху при́яти, и́же пра́ведников убийцы́: молчал же еси́ Христе́, терпя́ их суровство́, пострада́ти хотя́, и спасти́ нас, я́ко Человеколю́бец.

Стих: Помилуй́ на́с, Го́споди, помилуй́ на́с, я́ко по мно́гу исполнихомся уничи́жения: наипа́че напо́лнис́я ду́ша на́ша поноше́ния гобзую́щих, и уничи́жения го́рдых.

Му́ченичен: Ли́цы му́ченичества́ проти́вишася́ му́чителем, глаго́люще: мы́ воинствуемъ Царю́ си́л, а́ще и огню́ и му́кам преда́сте на́с: но не отмета́емс́я троическия́ си́лы.

Сла́ва, и ны́не, Кресто́Богоро́дичен:

Подобен: Егда́ от Дре́ва Тя́:

Боле́зни претерпе́вши мно́гия в распя́тии Сы́на и Бо́га Твоего́, Пре́чистая, стѣня́ше, слезя́щи и восклица́ющи: увы́ Мне́, Ча́до сла́дкое, без правды́ ка́ко страждѣши, хотя́ изба́вити я́же от Ада́ма земно́родны́я? Темже́, Пре́чистая Де́во, Тебе́ мо́лим ве́рою: ми́лостива на́м того́ соде́лай.

Та́же: Ны́не отпу́щаеши: **и** Трисвято́е. **По** О́тче на́ш: **тропа́рь, ектениа́, и отпу́ст.**

Во вторник на повечерии

Канон Пресвятей Богородице. Глас 2.

Песнь 1

Ирмос: Грядите людие, поим песнь Христу Богу, разделъшему море, и наставльшему люди, яже изведе из работы египетския, яко прославися.

Слово моего приобретения отнюд несть к песнословию, Всечистая, яко покрывает мя грехов моих тьма: но, о Богородительнице! утесняема прими мя.

Под Твой покров прибегаю, Пречистая, от грех безчисленных в конец, и Бога и Владыку благопрёмна сотвори, Чистая, и спаси мя.

Слава: Ты мне, Владычице, теплое очистилище, к Тебе прибегая спасуся, и приобретаю душевное спасение: можеш бо вся, яко сущи Мати всех Бога.

И ныне: Иже душам льстец, привлече мя в погибельный ров: но мне простри державную Твою руку, Богородице Дево, и скоро ко свету возведи.

Песнь 3

Ирмос: Утверди нас в Тебе, Господи, древом умерщвей грех, и страх Твой всади в сердца нас поющих Тя.

Во многия впад разбойники окаянный, обнажен бых, уязвлен же и оставлен: но ты, Богородице чистая, не презри мене.

Обнажи Адама прежде змий, прельстив древом, ныне же удобно плени душу мою: молюся Ти, Владычице, ущедри мя.

Слава: Ныне Тебе моя приношу тайная, истинней Предстательнице моей и покрову: яко да сия мне не обличит Сын Твой, на Суде праведнем Своем.

И ныне: Помилуй нас, Чистая, помилуй: ибо от дел спасения отнюд несть нам. Темже верою теплою к Тебе вопием: помилуй рабы Твоя.

Песнь 4

Ирмос: Пою Тя, слухом бо, Господи, услышах и ужасохся, до мене бо идиши, мене ищя заблудшаго. Тем многое Твое снизхождение, еже на мя, прославляю, Многомилостиве.

Боляща мя неисцельно, Владычице, и обнищавша не презри: но даждь ми елей благодсти Твоя, Дево, и Твоими промысленьми обогати мя, еже от Бога златом нетленным.

Добрых всех обнажихся, и лежу во злых, оболкса паче всех древе падших: и ныне прежними украси мя, и вторых избави, Богоневесто.

Слава: Блудницу превзыдох в блудех, и мытаря лихоимством всегда,

словом и изволением: но убо обою покаяние, прежде конца стяжати ми, Владычице, сподоби.

И ныне: Водворихся в пустыни печальней, удалихся от Тебе, Богородительнице, кто даст ми криле, и полещу, и прииду к Тебе, надежды моей, спасающей малодушие мене окаяннаго?

Песнь 5

Ирмос: Света Подателю, и веков Творче, Господи, во свете Твоих повелений настави нас: разве бо Тебе, иного Бога не знаем.

Яко невечерний Свет от чрева Твоего, Владычице, сущим на земли возсиявший, смрадную душу мою озари, Чистая, и отжени всяку мглу сердца моего.

Ночь мя покрывает лютая лукавых моих и злых деяний, но вопию Ти, Владычице: настави мя к свету Божественному Твоего Сына и Владыки, Всепетая.

Слава: И мене прими, Чистая, якоже блуднаго сына прият Твой Сын и Зиждитель всяческих, вопиющаго с ним: согреших воистинну, и спаси мя, Владычице.

И ныне: Уязвившееся мое сердце прилоги лукаваго, Пречистая, яко милостива исцели, на Кресте плотию Уязвленнаго, неизглаголанно рождши.

Песнь 6

Ирмос: В бездне греховней валяясь, неизследную милосердия Твоего призываю бездну, от тли, Боже, мя возведи.

В ров греховный впадох, и к забывающему незираю Богу, страхом одержим: но к Тебе приметаюся, Богоневесто.

Покрывшееся люте сердце мое неведомых прегрешений волною, всеильною Твоею молитвою, Богородице Дево, окорми.

Слава: Красоту мне видети славы Твоея сподоби, егда от плоти моея хочу разлучитися, яко утверждение мое, Владычице: да отсюда увем оставление.

И ныне: Напастей и бед и скорбей избави рабы Твоя, Святая Владычице, яже к Богу Твоими молитвами, верою к Тебе прибегающыя.

Таже: Господи помилуй, **трижды.** Слава, и ныне:

Седален, глас 2: Тя величаем, Богородице, вопиюще: радуйся жезле, от негоже безсеменно Бог прозябый, погуби на Древе смерть.

Песнь 7

Ирмос: Образу златому на поле Дейре служиму, трие Твои отроцы небрегоша безбожнаго веления, посреде же огня ввержени, орошаеми пояху: благословен еси Боже отец наших.

Ны́не тщи́тся зия́я вра́г прия́ти мя́ во ут́рбу́ свою́: и́бо приноша́ет ми́ отвсю́ду искуше́ния и се́ти, ве́сь пресека́я, спех́ мой: но предва́ривши́ изба́ви мя́, Дево́ Ма́ти, от того́ наве́та лука́ваго.

Оскверня́ет и сму́щает чу́вствия́ и у́м сопоста́т, и в ро́в отча́яния́ свести́ мя́ тщи́тся. Те́мже вопи́ю Ти́ Еди́ней: прибе́жище мое́, Богоневе́сто, изба́ви мя́ от руки́ сего́ льсти́ваго.

Сла́ва: И́же дре́вле три́ юно́шы от пе́щи горя́щая, Христе́ мой, изба́влей, Са́м, Сло́ве, и мене́ мольба́ми неискусобра́чныя Ма́тере Твоея́ от пла́мене, е́гоже разжего́х безме́рными злы́ми, изба́ви и ороси́.

И ны́не: Вещно́ обрeт се́рдце мое́ тлитель, умертви́ е: но Ты́ мя у́бо си́лою Боже́ственною одо́жди, Неискусобра́чная Ма́ти, и победи́ти ми́ сподо́би сего́, я́ко да ве́рою зову́ Ти: Благосло́венная, Я́же Бо́га плоти́ю рождша́я.

Песнь 8

Ирмо́с: В пе́щь о́гненную́ ко отроко́м евре́йским снизше́дшаго, и пла́мень в ро́су прело́жшаго Бо́га, по́йте, дела́, я́ко Го́спода, и превозно́сите во вся́ веки́.

Мно́гими злы́ми мо́ими погорбле́н бы́в лю́те, мно́жеством тяго́т, и о́ко мое́ отню́д на небеса́ не сме́ю возвести́, но вопи́ю Ти: помилуй, Еди́на Богоро́дице, мене́ па́дшаго.

Воньже́ впадо́х гнев́ Твоего́ Сы́на и Бо́га, Чи́стая, изба́ви мя́: и в ча́с, воньже́ хо́щет твори́ти испытáние, буди́ ми́ помощь, Пречи́стая, и от шу́их козлищ́ изба́ви мя́.

Сла́ва: Умерщвле́ннаго мя́ мы́сленно, от безчи́сленных мо́их зол, воздви́гни, Богоневе́сто Отрокови́це: и мольбо́ю Твоею́ изба́ви мя́ от вся́кия прелести́ душетле́ннаго вра́га и убийцы́.

И ны́не: Злонеисправле́нная душе́, ка́ко очерни́ла еси́ зле́ пер́вую добро́ту? Ка́ко отве́ргла еси́ вся́, я́же к Зиждите́лю Твоему́ обе́ты, и прия́ла еси́ злобная́? Но гряди́ и притецы́ благоче́стно к Богоро́дице.

Песнь 9

Ирмо́с: От Бо́га Бо́га Сло́ва, неизрече́нною му́дростию, прише́дшаго обновити́ Ада́ма, я́дию в тле́ние па́дшаго лю́те, от Святы́я Де́вы неизрече́нно воплоти́вшагося нас ра́ди, ве́рнии единому́дренно песньми́ велича́ем.

Де́лы тяжкими́ чу́вства оскверни́х вои́стинну, и всего́ студоде́яния́ исполнен́ есмь: но очисти́ у́бо, Пречи́стая, время́ мне́ испроша́ющи благоуми́ления, да непреста́нно Тя́ велича́ю.

Ты́ мя, Богоро́дице, оправда́й, егда́ я́вятся дела́ сокрове́нная коего́ждо я́ве, имаши́ бо вои́стинну си́лу: и тьмы́ мя́ изба́ви и во стране́ учини́ света́

моли́твами Твои́ми, иде́же е́сть ра́дость неизглаго́ланная.

Сла́ва: Молю́ Тя, Сло́ве, пре́жде прише́ствия конца́ покая́ние ми́ да́руй тёплое, и умиле́ние слеза́м, целому́дрие вку́пе и смире́ние, и любовь Божество́нную, и ста́ду Твоему́ устроение, мольба́ми ро́ждшия Тя.

И ны́не: У́мных же и чувстви́тельных, премину́вши, Де́во, сла́вою и че́стию, ра́зве Бо́га, не омерзи́ мене́ премину́вшаго в прегреше́ниях, ве́тхих же и но́вых челове́к согре́шших на земли́: но Твоею́ моли́твою спаси́ мя.

Та́же: Досто́йно е́сть: **и покло́н.** Трисвято́е. **По** О́тче на́ш: тропари́, и проче́е обы́чно, и отпу́ст.

Среда

В среду утра

по 1-м стихословии седальны крестны, глас 2:

Спасение соделал еси посреде земли, Христе Боже, на Кресте пречистей рuce Твоей простерл еси, собирая вся языки, зовущия: Господи, слава Тебе.

Стих: Возносите Господа Бога нашего, и поклоняйтесь подножию ногу Его, яко свято есть.

Имже образом пленил есть враг Адама древом снѣдным: такоже Господи, сам пленил еси Ты врага древом крестным, и страстию Твоею: на се бо пришел еси вторый Адам, взыскати заблудшаго, и оживити умершаго: Боже, слава Тебе.

Слава, и ныне, КрестоБогородичен: Тя величаем, Богородице, вопиюще: радуйся, Жезле, от негоже безсеменно Бог прозябый, погуби на древе смерть.

По 2-м стихословии седальны, глас 2:

Животворящий Крест Твоея благодати, егоже даровал еси нам недостойным Господи, Тебе приносим в молитву: спаси град Твой, мир даруй Богородицы ради, едине Человеколюбче.

Стих: Бог же Царь наш прежде века, содела спасение посреде земли.

Просветивый земная Крестом и призывавый на покаяние грешныя, не отлучи мене стада Твоего, Пастырю Добрый: но взыщи мене заблудшаго, Владыко, и святому Твоему стаду сопричти, иже един Благ и Человеколюбец.

Стих: Дивен Бог во святых Своих, Бог Израилев.

Мученичен: Иже просветивый святых Твоя паче злата, и прославивый преподобных Твоя, яко благ: от нихже умолен бывая, Христе Боже, жизнь нашу умири, яко Человеколюбец, и молитву исправи яко кадило, иже едине во святых почиваяй.

Слава, и ныне: КрестоБогородичен:

Подобен: Милосердия сущи:

Дева и Мати Твоя, Христе, на кресте зрящи Тя мертва простерта, плачущи горько глаголаше: Сыне мой, что страшное сие таинство? Иже всем даруй живот вечный, волею на Кресте како умираеши смертию поносною?

По 3-м стихословии седальны, глас 2:

Подобен: Милосердия сущи:

Распятися претерпел еси нас ради, и мертв быти, Иисусе жизнедавче,

яко да руку твою создание от смертнаго осуждения избавиши, яко благоутробен бог и человеколюбец, за множество щедрот: Иже един сый безгрешен.

Яко разбойник исповедую, и вопию Ти благому: помяни мя, Господи, во Царствии Твоем: и с ним мя сопричти, иже волею страсти нас ради приемый.

Слава, и ныне: КрестоБогородичен: Честным Крестом Сына Твоего сохраняеми, Владычице Чистая Богородице, всяк прилог борителя вси удобне побеждаем: сего ради по долгу Тя ублажаем, яко Матерь Божию, едину упование душам нашим.

Канон Честному и Животворящему Кресту, [егоже краеграние сие: Падение есть бесом, крестное стояние.] Творение Иосифово. Глас 2.

Песнь 1

Ирмос: Во глубине постла иногда фараонитское всеоинство преоруженная сила, воплощенное же Слово всезлбный грех потребило есть, препрославленный Господь, славно бо прославися.

Преступив первую заповедь древле первозданный, от сада смерть объем: воздвигнувшись же на древо Безсмертный, и смерти вкусивый, бессмертие всем человеком дарова.

Кресту водрузившуся на земли, низпадеша шатание врага, и отнюд потребиши: прежде же отринувший человек паки в рай входит. Слава Тебе тако единому благоизволившему Богу нашему.

Мученичен: Яко овни, яко Агнцы словеснии, вси закалаеми, и на уды немилостивно ссекаеми прехвальнии мученицы, и принесени бысте закланому яко овчата: и ныне Церковь святую первородных просвещаете.

Мученичен: Крепкое стояние мудрии всегда творяще, лукавыя враги низложисте, мечи ссекаеми, и во огонь и в воду вметаеми: темже блаженныя кончины страсотерпцы сподобистеся.

Богородичен: Священный Тя пророческий лик нарицаше дверь непроходную, землю избранную, и гору несекомую, Пречистая Владычице: Владыку бо всех родила еси волею распятие плотию приемшаго.

Другий канон пресвятей Богородице. Глас 2.

Ирмос: Грядите, людие, поим песнь Христу Богу, разделшему море, и наставльшему люди, яже изведе из работы египетския, яко прославися.

Вси вернии приидите, согласно воспойм Богородицу: Та бо Христа родила есть паче ума человека, и непрестанно молит спасти всех нас.

Иже образ Отчи Ипостаси, из Тебе прият смешение, Богородительнице, и истлевший образ прослави, и сего нова сотвори.

Херувим честнейши сущи, и небесных круг превышши была еси: Бога бо паче ума во утробе Твоей безстрастно вместила еси.

Избавление наших грехов родила еси благодателя Господа, изменивши мертво́сть праотца Адама, возвела еси естество к небесным.

Песнь 3

Ирмос: Процвела есть пустыня, яко крин Господи, языческая неплодящая церковь, пришествием Твоим в нейже утвердися мое сердце.

Распинаем поколебал еси всю тварь, Господи, и верныя утвердил еси, воспевающыя силу Твою, и неизреченное слово низхождение Твое.

Рай отверзл еси Крестом Твоим, Владыко, и разбойника ввел еси познавшего Царствие Твое, и богатство Божественнаго Твоего благоутробия.

Мученичен: Процветоша мученицы якоже шипцы благоуханнии, в мысленных дебрех, и злосмрадную прелесть отгнаша, и верных сердца облагоухаша.

Мученичен: Светильницы вселенныя, верных спасителие святии, светлыми духа зарями всех просветите, вас по долгу ублажающих.

Богородичен: Воздвизаема на Древо Жизнодавца видящи, и волею умирающа, всем жизнь Подающаго, боляше утробою, Всенепорочная.

Ин

Ирмос: Утверди нас в Тебе, Господи, древом умерщвей грех, и страх Твой всади в сердца нас поющих Тя.

Злагую яко войстинну кадельницу, и ручку манны, и Божию гору, и палату красну Божественную, Тя, Дево, именуем.

Церковь и священное жилище Слова сущи, Богородице: согрешений очистилище, Пречистая, буди ми, Приснодево.

Ни язык земнородных, ни ум безплотных возможет Рождество Твое сказать: выше естества бо и смысла, Богородице, Зиждителя родила еси.

Утверждение буди и прибежище, и покров, Дево Богородительнице, верою к Тебе прибегающим, и Божию Тя Матерь провозвещающим.

Песнь 4

Ирмос: Пришел еси от Девы, не ходатай, ни Ангел, но Сам Господи воплощся, и спасл еси всего мя человека. Тем зову Ти: слава силе Твоей, Господи.

Упразднил еси начало лютаго миродержца, на Древо возносим, и клятву потребил еси. Темже Тя славим, иже тобою спасени, Единые Господи.

Распростерта на Древе видевшее Тя солнце скры свет, горы и камене распадошася, и завеса церковная раздрася, Всесильне.

Мученичен: Умерщвляеми, врага́ до конца́ умертвите, желе́зом стружеми, ко́жнаго умерщвления́ дебелства́ совлекостесе́ мученицы́ Господни, и славою́ облекостесе́.

Мученичен: Усека́емыми главами́ мученицы, ужа́сно лука́вых сил главы́ отсекоша, и пребыва́ющую славу́ наследоваша́ радующеся.

Богородичен: Возсия́ из утробы́ Твоея́, Отроковице́ неискусобра́чная, Отчее́ зарение́ Христо́с, и просвети́ вселенну́ю, распина́ем, и бесовскую́ тьму́ потребил е́сть.

Ин. Ирмо́с тойже

Ка́плю ми́ умиления́ одожди́, Влады́чице, взима́ющи вся́к се́рдца моего́ зно́й, и помышле́ния моего́ му́тныя пото́ки уставля́ющи.

Ору́жием мя́ сластей́ уязвлена, и лежа́ща урана́ена, Пречи́стая, не презри, но исцели́ копие́м и кро́вию распята́го Сы́на Твоего́ и Бо́га нашего́.

Обогати́вши влады́чеством всю́ тва́рь, лю́те мя́ обнищавша́ благода́тию Божество́нною уще́дри: я́ко да велича́ю Тя, я́ко благу́ю мою́ Предста́тельницу, Всенепоро́чная.

Прохлади́ мя, Де́во, пока́нием, и одожди́ се́рдце моё́ изсо́хшее зно́ем страстей́, излива́ющи на мя́ елей́ и целение́ милости́ Твоея́.

Песнь 5

Ирмо́с: Хода́тай Бо́гу и челове́ком бы́л еси́, Христе́ Бо́же: Тобо́ю бо, Влады́ко, к Светона́чальнику́ Отцу́ Твоему́, от но́щи неве́дения приве́дение има́мы.

На кресте́ пригвозди́вся, земна́я основа́ния поколеба́л еси́, и копи́ем пробода́ем, змия́ началозло́бнаго заклал еси́, и то́ки спасе́ния все́м, Христе́, источил еси́.

Не терпел еси́ зрети́ заблужда́ема, Его́же рука́ма созда́в, ру́це распросте́рл еси́ сло́ве на Дре́ве умерщвля́ем, и оживи́л еси́ сего́ Дре́вом дре́вле умерша́го.

Мученичен: Друзи́ христо́вы, тёплии́ челове́ком засту́пницы, цвёти́ честнии́, преудо́бреннии́ сосуди́ ду́ха, му́дрии́ страсотерпцы́, досто́йне ублажа́ются.

Мученичен: Зако́нно пострада́ лиќ святы́х Твои́х страда́лец, беззаконны́х посрами́, Еди́не Законода́вче, си́лою Твое́ю, и сконча́в течение́, мученически́ венчаса́.

Богородичен: Явила́ся еси́, Чи́стая, по рождестве́ нетле́нна, Бо́г бо из Тебе́ роди́ся воплоща́ем: Его́же усмотривши́ распина́ема, не терпя́щи, утробно́ю болезнью́ восклицала́ еси́.

Ин

Ирмо́с: Све́та Подате́лю и веко́в Твор́че, Го́споди, во све́те Твои́х

повелений настави нас: разве бо Тебе, иного Бога не знаем.

Воплощенна из Тебе, Богородительнице, вернии познахом, без семени Сына рождашася, Бога истинна, и Человека еством. Темже Тя славим.

Под кров Твой, Пречистая, и заступление вернии всегда прибегающе верою, Тебе ради Дево, избавляемся всякаго лютаго обстояния.

Избави нас искушений, и от бури помышлений, Пречистая, всякаго гнева, и всякаго греха, гда же и губительства, и вечнаго, Дево, мучения.

Предстательнице наша, спасение и упование, Владычице, христиан сущи, спасай любовью Тя присно верно воспевающих, Дево Всепетая.

Песнь 6

Ирмос: Ко Господу от кита Иона возопи: Ты мя возведи из глубины ада, молюся, да яко Избавителю во гласе хваления, истины же духом пожру Тебе.

На юныя главы полож длани иногда Иаков, крест прописоваше, на немже Слово распростерл еси длани: и от руки льстиваго борца избавил еси, Христе человечество.

Распещуся Христе тебе Всецарю волею, царствующий грех потребися: Адам же иже иногда древле из рая изгнанный, в той вселяется паки, Тебе воспевая.

Мученичен: Красны сущи в ранах священныя, иже благолепием украсившыся небесным, воистинну возлюбленныя Господни мученики, несумненным сердцем воспойм.

Мученичен: Неугасиму свещу свою соблюдше, Божественнии мученицы, напоиша богато кровью своими, и Божественнаго чертога получиша вход радующеся.

Богородичен: Поем Тя, Всепетая, яко Бога рождшую Препетаго, на Древе сопротивоборца врага погубльша, и из тли избавльшаго воспевающих того страдания.

Ин

Ирмос: В бездне греховней валяся, неизследную милосердия Твоего призываю бездну: от тли, Боже, мя возведи.

Иже волею вся соделавый, изволи во чрево Неискусобрачныя вселитися: и иже тлением болящия, нетлением обогатил есть, яко Милосерд.

Превышши Вышних Сил, и святейши еси, Пренепорочная, паче естества вместивши, невместимое Слово во чрево твоё.

На пути мя житейстем заблуждающа, и в безпутие часто впадающа греховное, к стези покаяния, Владычице, настави мя.

Не презри, Чистая, мольбы наша, на Тя возложших надежду раб

Твои́х: прибе́жище бо, Влады́чице, и душа́м очисти́лице ты́ еси́.

Песнь 7

Ирмос: Богопроти́вное веление́ беззако́ннующаго мучи́теля, высо́к пла́мень вознесло́ е́сть: Христо́с же простре́ богочести́вым отроко́м росу́ духовную́, Сый́ Благо́словен и Препросла́влен.

Ору́жие е́же пре́жде обра́щаемое, плещи́ мнѣ́ даѣ́т, отне́леже копи́ем прободѣ́ся, на Крестѣ́ воздви́женный, благоутро́бне Го́споди. Те́мже велича́ю Тя́, Твое́ю чести́ною стра́стию обрѣ́т безстра́стие.

Зми́й, и́же Моисе́ем возвы́шаемый́ на Дре́во, Боже́ственное возвы́шение прообража́ше Христо́во, льсти́ваго змия́ умертвившаго, все́х же оживи́вшаго нас умертвившихся́ преступле́нием.

Мученичен: Сы́нове быва́ете Боже́ственным приобщѣ́нием, безнача́льна роди́теля Сы́ну собезнача́лну свя́тии стра́сти Пречи́стей уподобльшеся́, те́мже бра́тию вас нарица́ет, и насле́дники Царства́ своего́.

Мученичен: На Крестъ́ возвы́шаеми, я́ко Влады́ка, и копи́ем пробода́еми, и мечи́ ссеца́еми, на о́гнь же и во́ду разделя́еми, и сдробля́еми колесы́ боно́снии ра́довахуся́ мучени́цы.

Богородичен: Гроздъ́ созре́вший, Егóже́ невозде́ланно Чи́стая возрасти́ла еси́ на Дре́ве я́ко узре́ повѣ́шена взыва́ше: Ча́до моѣ́ сла́дкое, мсто́ иска́пай, и́мже стра́стей пьянство́ оти́мется.

Ин. Ирмос тойже

Кре́пость моя́ и пѣ́ние и спасѣ́ние, и изве́стное заступле́ние, и стена́ необори́мая: су́щи, Влады́чице, борю́щя мя́ де́моны побори́, при́сно ищущя́ умертвити́ мя́.

Бо́га вопло́щи от де́вственных Твои́х крове́й, обоживша́го Де́во челове́чество: те́мже мя́ стра́стми́ оскверне́ннаго, и истле́вша вра́жиими ко́зными, изба́ви моли́твами Твоими́.

Пе́щь прообража́ше Твое́ Рождество́, Всенепоро́чная: о́троки бо не опали́, я́коже ни утробу́ Твою́ о́гнь непостоя́нный. Те́мже мо́лим Тя́: рабы́ Твоя́ о́гня вѣ́чнаго изба́ви.

Песнь 8

Пе́щь иногд́а о́гненная́ в Вавило́не де́йства разделя́ше, Бо́жиим велѣ́нием халдеи́ опаля́ющая, ве́рныя же ороша́ющая, пою́щя: благо́словите́ вся де́ла Госпо́дня Го́спода.

Крoвию́ из твои́х ре́бр нетле́нных иска́павшею́, Долготерпели́ве, тва́рь освя́тятся: ре́ки же многобо́жия́ изсуше́ны бы́ша: тучы́ же яви́шася́ благо́честия́, прѣ́лестей бездо́ждие потребля́ющя́.

Распя́тия Твоего́ со́лнце устыде́ся, и своя́ лучы́ сокры́: ка́мение же распадо́шася́, и адъ́ низу́ устраши́ся: пра́ведных же ду́си възгра́шася́, ча́юще

всеконечнаго сло́ве избавле́ния.

Мученичен: Исцелёния верным то́чат оста́нки мо́щей страстоте́рпец, и всегда́ вре́ды неудобоисцельных боле́зней исцелева́ют: яко́ дивен еси́, Го́споди, зове́м благода́рно, во святы́х Твои́х мучени́цах.

Мученичен: Уста́ зверей, и вре́ния коно́бная, померза́ния же и студи́ни, тяжесть зно́я, ногте́й истерза́ния претерпе́сте твёрдостью, и затворе́ния, и ну́жную сме́рть страстоте́рпцы. Те́мже со Хри́стом прославляе́тесь.

Богородичен: Пло́ть из Твоего́ чре́ва прие́млет хотя́й, и зри́мь быва́ет невиди́мый, и распя́тие прие́млет, и кля́тва нарица́ется, от кля́твы изыма́я все́х Сын Тво́й, Богора́дованная Влады́чице.

Ин

Ирмо́с: Дре́вле ороси́вшего евре́йския о́троки в пла́мени, и опали́вшего Го́спода халде́и пресла́вно в нём, воспоём глаго́люще: благослови́те и превозноси́те Его́ во ве́ки.

Жи́во и незави́стно спасе́ние на́м земноро́дным, нескве́рная А́гница, я́же породила́ еси́ А́гнца Бо́жия, не презри́ мене́ зову́ща: благослови́те вся́ дела́ Го́сподня Го́спода.

Боже́ственное Твое́, Пречи́стая, Рожде́ство́ обнови́ на́с, и все́х ча́да пока́зати сы́ны дне́ и све́та, и спа́сшися взыва́ем: благослови́те вся́ дела́ Го́сподня Го́спода.

Жи́вую воду́ породила́ еси́, Чи́стая, от ложе́н девиче́ских, и оставле́ние источила́ еси́ от исто́чника исцелёний верным. Те́мже вси́ зове́м: благослови́те вся́ дела́ Го́сподня Го́спода.

Гро́зд зрелый́ жизни́ Ты́ возрасти́ла еси́, Чи́стая: лоза́ бо еси́ усажда́юща́ зёмлю́ благи́ми, ю́же пою́ще зове́м: благослови́те вся́ дела́ Го́сподня Го́спода.

Песнь 9

Ирмо́с: Безнача́льна Родите́ля Сын, Бо́г и Го́спо́дь, вопло́щся от Де́вы на́м яви́ся, омраче́нная просвети́ти, собра́ти расточенная: те́м Всепету́ю Богоро́дицу велича́ем.

Исцели́ сокруше́ние и окаянство́ моё́ Твоею́ ра́ною, Сло́ве неизсле́дованне, и погребённый о́браз лука́выми страстьми́, очисти́ страсти́ю Твоею́, Го́споди Бо́же спасе́ния моего́.

Ви́ден бы́л еси́ возносим, на кипарисе́ Влады́ко, и на пёвке, и ке́дре ра́ди бла́гости, еди́н сый́ Святы́я Трои́цы, еди́ну ипоста́сь имый́ во дво́ю есте́ству, да спасе́ши челове́чество.

Мученичен: Кресто́м яко́же щито́м обле́кшеся мучени́цы, невре́дими яви́стеся, все́ми стрела́ми соде́лателя зло́бы. Те́мже ны́не того́ попирае́те,

тому ругающеся яко худей птице всегда.

Мученичен: Земля убо зинувши, крови ва́ша прият, небо же Божественныя прият дүхи, и со огненными чинми Божественному престолу предстоите, страстоносны мученицы, церковнии столпи непоколебимии.

Богородичен: Истлѣвшее обновила еси естество праотчее, паче естества рождши, и дѣвствующи, естеству всему Создателя: Егоже на Кресте повешена древле видящи, восклицала еси, Пречистая Мати Дѣво.

Ин

Ирмос: От Бога Бога Слова, неизреченною мудростию, пришедшаго обновити Адама, ядую в тлѣние падшаго люте, от Святыя Дѣвы неизреченно воплотившагося нас ради, вернии единомудренно пѣснями величаем.

Человеколюбия мя Божественнаго сподоби, Отроковице, Я же Еди́на Человеколюбца́ Бога, плоть от Тебѣ заимова́вша, неизглаголанно рождши, избави мя будущаго пламене, и муки всякия, любовьию Тебѣ славящаго.

Яко твердую предста́тельница, яко упова́ние и стѣну, и надежду, и покров тверд, и необоримое утвержде́ние, и небурное пристанище, едину кре́пкое прибежище стяжавше Тя вси, спаса́емся, Всепѣтая.

Свѣт рождшая Божественный, многими помрачившееся страстей наведѣнными, и помышленными чуждаго, сердце мое просвети, Отроковице, каплю подающи ми присно, от скверн греха Дѣво, очищающую мя.

Таже, Достойно е́сть: И поклон. Ектенія и светилен и псалмы́ обы́чныя.

На стиховне стихиры крестны, глас 2:

Креста Твоего древо, Христе́ Бо́же, древо животно́е показал еси́ нам верующым в Тя, и сим упразднил еси́ держа́ву имущаго сме́рти: оживил же еси́ ны умерщвленныя грехом. Те́мже вопие́м Ти: благода́телю все́х, Го́споди сла́ва Тебе́.

Стих: Исполнихомся за́втра ми́лости Твоея́, Го́споди, и возрадовахомся, и возвеселихомся: во вся дни́ на́ша возвеселихомся, за дни́, в няже смирил ны еси́, ле́та, в няже видехом злая. И при́зри на рабы́ Твоя́ и на дела́ Твоя́, и наста́ви сыны́ их.

Волею обнищав обнищания ради́ Адамова́ Христе́ Бо́же, пришѣл еси́ на зе́млю от Дѣвы воплощя́ся, и распя́тие прия́л еси́, да нас свободи́ши от рабо́ты вра́жия, Го́споди сла́ва Тебе́.

Стих: И буди свѣтлость Го́спода Бо́га на́шего на нас, и дела́ ру́к на́ших исправи́ на нас, и де́ло ру́к на́ших исправи́.

Мученичен: Всяк град и страна чтут мо́щи ва́ша, о страсотѣрпцы

мученицы: вы́ бо за́конно пострада́вше, венцы́ небесны́я прия́сте, и сего́ ради святи́телем есте́ похва́ла и Це́рквам благоле́пие.

Сла́ва, и ны́не, Кресто́Богоро́дичен, глас 2.

Подобен: Егда́ от Дре́ва Тя́:

Гроздъ всезрелый, Чистая, Е́гоже невозде́ланно во утробе́ носила́ еси́, на Дре́ве я́ко узрела́ еси́ Сего́ повешена́, рыда́ющи восклицала́ еси́, и взывала́: Чадо́, сладость иска́пай, е́юже оти́мется пьянство́ всякое́ страсте́й, благода́телю, мене́ ради́ Тебе́ ро́ждшия, своимъ благоутро́бием умоляемъ.

Та́же, Благо́ есть исповедатися Го́сподеви: Трисвято́е. По́ Отче на́ш, тропарь, ектени́а, и час 1-й, и проче́е, и отпуст.

В среду, блаженны, глас 2:

Глас Ти приносим разбойнич, и молимся: помяни нас, Спасе, во Царствии Твоем.

Стих: Блажени изгнани правды ради, яко тех есть Царство Небесное.

На Крест вознесуся Ти, Спасе, совознесл еси все человеческое естество, непрестанно поющее Тя.

Стих: Блажени есте, егда поносят вам, и изженут, и рекут всяк зол глагол на вы лжуще Мене ради.

Адамово рукописание копием Твоим раздрал еси, того написуя в книзе живых, Человеколюбче.

Стих: Радуйтесь и веселитесь, яко мзда ваша многа на Небесех.

Подобницы бывше распятие претерпевшему, того общницы и славе являетесь мученицы.

Слава: Отец пребезначальный, Сын собезначальный, да поется во единой чести и славе купно со Святым Духом.

И ныне: На кресте яко видевши, Егоже без семене родила еси, того долготерпение, Отроковице, воспевала еси слезящи.

В среду вечера

на Господи воззвах, **стихиры святым апостолом, глас 2.**

Подобен: Егда от Древа Тя:

Стих: Аще беззакония назириши, Господи, Господи, кто постоит? Яко у тебе очищение есть.

Всю напоите землю, якоже реки разделяшися духовныя из Едема, юже и пооравше всеясте спасительное проповедание, и клас благоплоден пожаете мудрии, души спасенных, сих в мысленных сокровищах сокрывающе ученицы Господни, яко многоценное богатство.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

От тьмы страстей и сластей многострастное мое сердце свободите, светильницы суще Востока мысленнаго, и просветителие пресветлии солнца, всем возвещающе разоршаго лестви нощи зловерия: Егоже умолите и наша просветити смыслы, яко самовидцы Сего.

Стих: От стражи утренния до нощи, от стражи утренния да уповает Израиль на Господа.

Новыя воистинну благодати вы скрижали Богоначертанныя, тайницы и свитцы одушевлению явистесь, слово спасительное носяще написанное Духом, Отчим перстом: темже проидосте вся концы, веру православную, и к Небесным стезю ведущую, всем человеком яве показующе.

Таже стихиры миней святому, аще имать.

Аще ли ни, ины стихиры святому, и великому Чудотворцу Николаю, глас и подобен тойже.

Стих: Яко у Господа милость, и многое у него избавление, и той избавит Израиля от всех беззаконий его.

В мирех пожив чувственне, миро воистинну явился еси: миром помазан быв умным, святе Николае, святителю Христов, облагоухаеши безсмертную воню благоухания, верою притекающим под кров твой, разрешая сих от напастей и бед и скорбей отче, ко Господу твоими молитвами.

Стих: Хвалите Господа вси языцы, похвалите его вси людие.

Множеством искушений содержим, и треволением житейским обходим, волнами же потопляем обстояний, и печальми облагаем, на тя надежду мою всю возлагаю отче Николае, всех лютых подаждь ми разрешение молитвами твоими, блаженне, еже ко Владыце и Богу нашему.

Стих: Яко утвердися милость Его на нас, и истина Господня

пребывает во век.

Мраком и потемнением помышлений и бесовскими лестями обносима, и плотскими страстями обуреваема, и законом побеждаема греховным, постигнув мя озари светом благодати: свет бо еси в мире, Божественною просвещаем зарею, достоблаженне Николае.

Слава, и ныне, Богородичен: Слово, еже Отцу, и Святому Духу равночестное сый яко великое солнце, из Девы Богоотроковицы возсиявшее на земли в последняя, посла нас яко зари, славнии Апостоли, светом веры просвещающих вся человеки, во мраце прелести, и тех к ней учеными Божественными приводящих.

Таже, Свете тихий: Прокимен дне: Боже, во имя Твое спаси мя, и в силе Твоей суди ми. **Стих:** Боже, услыши молитву мою, внуши глаголы уст моих.

На стиховне стихиры апостольския, глас 2:

Возвеличил еси, Спасе, во вселенней верховных апостол имена: навыкоша бо небесным, и неизреченна даша земным исцеления: и сени их едины недуги уврачеваху, иже от рыбаей чудотворяще, и иже от иудей богословяще благодати учения: ихже ради милосерде, даждь нам велию милость.

Стих: К Тебе возведох очи мой живущему на Небеси, се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Иже от неправедных деяний всегда борими, и к тебе прибегающе воистинну сущему Богу, глас Твоих ученик приносим Ти, глаголюще: спаси ны, Наставниче, погибаем. Покажи и ныне врагом нашим, молимся яко покрываеши люди, и спасаеши от бед, молитвами апостол, презирая грехи, за многую благостыню, Господи, слава Тебе.

Стих: Помилуй нас, Господи, помилуй нас: яко по многу исполнихомся уничижения, наипаче наполни душа наша поношения гобзующих, и уничижения гордых.

Велия слава юже стяжасте святии верою: не токмо бо во страданиях врага победили есте, но и по смерти духи прогоняете, недужныя исцеляете, душ и телес врачеве, молитесь ко Господу, помиловатися душам нашим.

Слава, и ныне, Богородичен: Яко плодови́та ма́слина, Де́ва израсти́ Тебе́ пло́да живо́тнаго, пло́доноси́ти ми́ру велию́ и бога́тую ми́лость.

Таже, Ныне отпускаеши: Трисвятое. Тропарь, и отпуст.

В среду на повечерии

канон молебный пресвятей Богородице. Глас 2.

Песнь 1

Ирмос: Грядите людие, поим песнь Христу Богу, разделъшему море, и наставльшему люди, яже изведе из работы египетския, яко прославися.

Иже благочестно Тя, Чистая, сущую Богородицу исповедающаго душею и усты, от лютых бед, и недуг и прегрешений ныне спаси, Пречистая.

Всю в Тебе благодатей бездну лежащу уведехом: темже прибегающе, Богородице усердно к покрову Твоему Божественному, спасаемся.

Слава: О нас, Тя поющих, Пречистая, моли Воплощеннаго от пречистых Твоих и честных кровей, избавитися от прегрешений, и болезней горьких.

И ныне: Тя похвалу вернии вси стяжахом, прибежище и утверждение и радование, и душам спасение, надежду же и стену, Богоблагодатная.

Песнь 3

Ирмос: Утверди нас в Тебе, Господи, Древом умерщвей грех, и страх Твой всади в сердца нас поющих Тя.

Молитвами Твоими, Чистая, Бога Егоже родила еси, подаждь благоприменна твоим рабом, притекающим к покрову Твоему, и верно кланяющимся Твоему Рождеству.

Глаголы моя молитвы услыши, Дево, из глубины моего сердца, яже приношу Ти, Препетая, и от страстей и напастей спаси мя.

Слава: Всю мою жизнь окорми, Дево, упование мое и предстательнице, искушений и наития избавляющи, и нужных, Богоневесто.

И ныне: Премудрость Божию ипостасную на руку яко носивши, Богомати, от неведения и заблуждения избавитися нам, молися.

Песнь 4

Ирмос: Услышах, Господи, славное Твое смотрение, и прославих, Человеколюбче, непостижимую Твою силу.

Язвам моим душевным, и плотским сквернам, Яже Бога рождающая, Владычице, разрешение подаждь.

Оскверненнаго мя страстьми, и помышлении, и жития треволнении, упованием, Дево, и верою утверди.

Слава: От наития избави мя, Мати Божия, и бури, и бед Твоими молитвами, Единая Препетая.

И ныне: Обуреваема волнами житейскими, исхити, Дево, к Твоему пристанищу наставляющи мя.

Песнь 5

Ирмос: Света Подателю, и веков Творче, Господи, во свете Твоих повелений настави нас: разве бо Тебе, иного Бога не знаем.

Оружие непобедимое имуще, на различная искушения вражия, всякаго озлобления избавляемся яве, иже Тя Богородицу Чистую ведущии.

Закона исполнение, Вышшая Херувим, родила еси Божия Слова воплощенна, Сына Единородна: Егоже о рабех Твоих умоли.

Слава: Всяческих Творца на руку Твоею, Чистая, носящи, Сего нам Твоими молитвами благоприменна давай, ныне всем сердцем к Тебе прибегающим.

И ныне: От утеснения и болезни души, мольбу приношу Ти окаянный: щедрот Едина рождающая виновное Слово, ущедрив спаси мя.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Спасения пристанище ведый Тя, плавающая многопечального жития море, призываю, Владычице: окормительница души моей буди.

Обнажись одежды целомудрия моего, озлоблен быв, но, Мати Приснодево, Бога рождающая, радости одежду подаждь ми.

Слава: Чистаго жития отпадох, к лености жив страстный: но возведи, Благословенная Владычице, повелением Сына Твоего сочтавши.

И ныне: Милости Твоея, Богородице, сподоби мя, Премилостиваго Слова порождающая, Своею кровию от тли человеки избавльшаго.

Таже, Господи помилуй, трижды. Слава, и ныне:

Седален, глас 2. Подобен: Божественнаго быхом:

Божественнаго мя входа, Чистая, сподоби, молитвами Твоими, Приснодево, и союзы лютых страстей расторгши, пламене будущего мя свободи.

Песнь 7

Ирмос: Образу златому на поле Дейре служиму, трие Твои отроцы небрегоша безбожнаго веления: посреде же огня ввержени, орошаеми пояху: благословен еси Боже отец наших.

На Кресте пригвождься, Иже из Тебе воплотившись, Богородительнице, Адамово раздра рукописание: Егоже ныне, Дево, моли, всякия злобы избавитися верою зовущим: Благословенная, Яже Бога плотию рождающая.

Надежда благая, заступница же верных еси, Владычице: и ныне

мо́лимся Тебе́, дарова́ти ми́лости пучи́ну все́м на Тя́ наде́ющимся, и зову́щим Ти́: Благослове́нная, Я́же Бо́га плоти́ю рож́дшая.

Сла́ва: Тьмо́ю лю́тою жити́я объ́ят быв, соскорбя́щаго и сболе́знующаго не обрето́х: Твое́ю, Де́во, све́тлостию разреши́ тьму́ прегреше́ний, и озари́ пети́ Тебе́, Благослове́нная, Я́же Бо́га плоти́ю рож́дшая.

И ны́не: В кра́сную оде́жду спаси́тельных за́поведей креще́нием оде́ваясь, очерни́х лени́остию окаянны́й, ны́не же к Тебе́ притека́ю, Де́во, во оде́жду прося́ спасе́ния Тобо́ю па́ки облещи́ся.

Песнь 8

Ирмо́с: В пе́щь о́гненную́ ко отроко́м евре́йским снизше́дшаго, и пла́мень в росу́ прело́жшаго Бо́га, по́йте дела́ я́ко Го́спода, и превозно́сите во вся́ веки́.

Изнемога́ет мо́й ны́не у́м, во глуби́ну впа́д безче́стия, я́ко отвсю́ду разли́чными объ́ят е́смь злыми́: но Ты́, Де́во, исцели́, безстра́стия све́том оде́явши.

Сто́лп крѣ́пости тве́рд, и степе́нь, и храни́тельницу, и засту́пницу стяжавше́ Тя́ ве́рою, спасае́мся ны́не, пою́ще Рожде́ство Твое́, Пречистая́, и превозно́сяще его́ во вся́ веки́.

Сла́ва: Безсме́ртная зарю́, и исто́чник ве́мы Тя́, Богоро́дице, я́ко рож́дшую Сло́во безсме́ртнаго Отца́, вся́ от сме́рти избавля́ющее, превозно́сящя́ Его́ во вся́ веки́.

И ны́не: Стру́и исцелѣ́ний на́м всегда́ ве́рным, Чи́стая, источа́еши, Его́же незави́стную благода́ть взѣмлю́ще, воспева́ем Рожде́ство Твое́, Чи́стая, и превозно́сим во вся́ веки́.

Песнь 9

Ирмо́с: От Бо́га Бо́га Сло́ва неизрече́нною му́дростию, прише́дшаго обновити́ Ада́ма, я́дию в тле́ние па́дшаго лю́те, от Святы́я Де́вы неизрече́нно воплоти́вшагося на́с ради, ве́рнии единому́дренно пе́снями велича́ем.

Богоблаже́нная Отрокови́це, наде́жду мою́ всю́ усѣ́рдно возложи́х на Тя́: спаси́ мя, Ма́ти и́стиннаго Живота́, и пи́щи присносу́щныя насы́титися, моли́, Чи́стая, ве́рою Тя́ и любви́ю пе́снями велича́ющему.

Явльши́ся, Де́во, Две́рь Божѣ́ственнаго Све́та, ду́ши моея́ мгу́ све́том Твои́м не веще́ственным и блиста́нии озари́, и от вѣчнаго о́гня изба́вितися ми́ сподо́би, Чи́стая, хода́тайствы Твои́ми: я́ко да непреста́нно велича́ю Тя́.

Сла́ва: Боля́щя́ зря́щи ду́шею и те́лом, и вве́рженыя в стра́сти лю́тыя, благоутро́бием Твои́м, Влады́чице, исцели́вши разреши́, и́же ны́не стужае́мая печа́лями: да ве́рою и любви́ю Тя́ пе́снями велича́ют.

И ны́не: Во чре́во Твоё всели́ся, Егóже из Чре́ва преве́чный Оте́ц роди́ Сы́на, соверше́н бы́сть Чело́век, и исто́чник благода́тей Тя, Богома́ти, показа́ нам, ве́рно кла́няющимся несказа́нному Твоему́ Рожде́ству.

Та́же, Досто́йно е́сть: И поклóн. И прóчее обы́чно, и отпу́ст.

Четверг

В четверток утра

по 1-м стихословии седальны апостольския, глас 2:

Иже умудривый ловцы паче риторов, и пославый якоже проповедники по всей земли, неизглаголаным человеколюбием Твоим, Христе Боже: тех ради утверди церковь Твою, и верным низпосли благословение Твое, едине во святых поживаяй.

Стих: Во всю землю изыде вещание их, и в концы вселенныя глаголы их.

Премудрости Божия суще ученицы и самовидцы, премудрых и риторов яко немудрую мудрость охудиша, простотою проповеди языки умудривше Божественнии Апостоли, православно воспевати содетель единаго и Господа.

Слава, и ныне, Богородичен: Тебе величаем, Богородице, вопиюще: радуйся незаходимаго света облаче: того бо носила еси в недрах твоих, славы Господа.

По 2-м стихословии, седален, глас 2:

Уловивше ловцы языки мрежею духа, и научиша концы земныя тебе кланятися со отцем, и духом христе Боже: тех ради утверди церковь Твою, и верным низпосли благословение Твое, иже едине Милостиве и Человеколюбче.

Стих: Исповедят небеса чудеса Твоя, Господи. **И паки глаголи тойже седален.**

Посем, Стих: Дивен Бог во святых Своих, Бог Израилев.

Мученичен: Страстносцы Господни, блаженна земля напившаяся кровю вашею, и святы храми приемшии телеса ваша: на судищи бо врага обличисте, и Христа со дерзновением проповедасте. Того яко блага молитесь спастися, молимся, душам нашим.

Слава, и ныне, Богородичен: Божественнаго естества общницы быхом, Тобою, Богородице Приснодево: Бога бо нам воплощенна родила еси. Темже Тя по долгу вси благочестно величаем.

По 3-м стихословии, седальны, глас 2.

Подобен: Милосердия сущи источник:

Иже светила светлая, святыя Твоя ученики слове в мир полав, и просветил еси подсолнечную, тмы неразумия избавляя всех человек. Тех молитвами присно умолен бывая, юже во тме душу мою просвети, Человеколюбче, и спаси мя.

Лучами чудес, Николае, просвещаеши подсолнечную всю, и

разрешаеши мрак скорбей, и бед отгоняеши нашествие, предста́тель сый тепле́йший.

Слава, и ныне, Богородичен: Неискусобрачная пречистая, Свята́я Богоро́дице безневе́стная, сына Твоего́, егѡже паче естества́ плѡтию родила́ еси, со Апѡстолы присно моли согрешений прощѣние, и жития исправлѣние, и страстей пременение даровати всемъ поющымъ Тя.

Канѡн святымъ апѡстоломъ, творѣние Феофаново. Гласъ 2.

Пѣснь 1

Ирмосъ: Во глубинѣ постла́ иногда, фараонитское всео́инство преоруженная сила, воплощаеся же Слово всезлѡбный грѣхъ потребило е́сть, Препросла́вленный Господь, славно бо просла́вился.

Света́ Божественнаго мо́лния вѣрою бѣвше, световиднии Спа́совы апѡстолы, всего́ мя просветите омрачаема́ сластей чѣрнѡстию, и в лѣности все́ мое житиѣ прошедша. [Дважды.]

Ученицы́ и друзи Христо́вы, дру́га мя бѣвша врагу́, злыхъ ра́ди присвоения, от сего́ мя избавляйте сподви́жуще мою́ душу к любви́, возлюбившаго́ родъ челове́чь благосты́ни ра́ди.

Смирѣнная ду́ше моя́, пре́жде смерти потщи́ся пока́яться, и себе́ умерщвленную пла́чи: да яко́ Лазаря́ четверодне́внаго воскресивый́ яко́ милосѣрд, и Тебе́ воскреситъ апѡстолъ мо́льбами.

Богородичен: Благо́го ро́ждши Бо́га, Пречистая, все́хъ благотворя́щаго, тлѣниемъ содержи́мыхъ, того́ моли, Пренепоро́чная, со проро́ки, и мученики, и апѡстолы, все́хъ избавити от напа́стей.

И́н канѡн свято́му и вели́кому чудотворцу́ мироточиво́му Николаю́, [егѡже краегранѣсие: Мо́льбу любѣзну, Николае, приими́.] Творѣние Ио́сифово. Гласъ 2.

Ирмосъ: Грядите́ лю́дие, поимъ пѣснь Христо́у Бо́гу, раздѣльшему́ мо́ре, и наста́вльшему́ лю́ди, яже изведе́ из рабо́ты египетския́, яко́ просла́вился.

Всегда́ Божественно́му престѡлу́ благода́ти предсто́я, Николае́, благода́ть и милость даровати мо́лися, Тебе́ призыва́ющымъ вѣрою рабо́м твоимъ.

На земли́ вели́ка предста́теля́ тя показа́ Бо́г бѣдству́ющимъ: те́мже ми́ предста́ни в но́щи и во дни, сохра́няя мя от собла́зн борца́.

Яко́же дневную́ звезду́ уведевъ́ тя, твоими́ светозарными́ луча́ми тьмы́ да изба́влюся искуше́ний, и бѣд и всякаго́ грѣха́, ѡ́тче Николае́.

Богородичен: Телѣсныхъ болѣзней изба́ви мя́, и ду́ши моея́ исцели́ недове́домыя стру́пы, и огня́ вѣчнаго исхити́ мя, Еди́на Богоблагода́тная.

Пѣснь 3

Ирмосъ: Процвела́ е́сть пусты́ня, яко́ кринъ Го́споди, язы́ческая

неплодящая Церковь, пришествием Твоим, в нейже утвердися мое сердце.

Учителя стяжавше святии премудрость отчую духом, еллинскую обуиште премудрость, боговидцы досточуднии.

Неплодие души моя разрешите всехвальнии, и благочадие деяний, в добродетелех приносители сотворите, яко слова самовидцы достоблаженнии.

Люте мя уядена ныне ядовитым угрызением вражиим, исцели мольбами Апостол Твоих, благодетелю всех, Многомилостиве.

Богородичен: Бога преблагаго умоли, Пречистая, со Апостолы всеми, от всякаго вреда, и обстояния, и бед избавитися чтущим Тя.

Ин

Ирмос: Утверди нас в Тебе, Господи, древом умерщвей грех, и страх Твой всади в сердца нас поющих Тя.

Исцелений источник сый святе, страсти уврачуй души моя, и жизнь мою соблюди, невредна мя сохраняя раба Твоего.

Ума моего побеждение исправляя, от вреда видимых и невидимых борющихся мя спасай, яко предстатель мой, великий Николае.

Иже един благий Тя блага заступника человеком даде блаженне, сего ради молю Тя: от всяких мя зол свободи.

Богородичен: Крепость моя и радость и веселие, и стена твердая и предстательнице, Ты еси, Всенепорочная, искушений и бед избавляющи мя.

Песнь 4

Ирмос: Пришел еси от Девы, ни ходатай, ни Ангел, но сам Господи воплощся, и спасл еси всего мя человека. Тем зову Ти: слава силе Твоей, Господи.

Алчуща мя всегда, и голодом истаема, спасения снедьми насыти, Единое Человеколюбче, Божественными мольбами Апостол, во всем мире проповедавших Тя. [Дважды.]

На море мирское навел еси всех, яко кони, Человеколюбче, славных апостолы Твоя, того возмущающих сланыя неверствия горькия воды.

Солнца Христа сущим во тьме возвестивше, во тьме мя лежаща греховней просветите, апостоли прехвальнии, возбраняюще лукавым помыслом сердца моего.

Богородичен: Всепетая, яже Бога препетаго рождающая, о поющих Тя со апостолы моли, яко да избавимся от грехов, и бед и озлобления.

Ин

Ирмос: Пою Тя, слухом бо, Господи, услышах, и ужасохся: до мене бо идиши, мене ищя заблудшаго. Тем многое Твое снисхождение, еже на мя, прославляю, Многомилостиве.

Украсив престол добродетельми, Николае, украшение явился еси святителем честное. Темже Тя молю: нелепоту души моея украси, и от мирских соблазнов спаси мя.

Стезю тамо ведущую углади ми преблаженне: от житейских волн облегчи мя, и ко пристанищу жизни возведи, Николае, от Тебе предстателя великаго обогатившася.

Глагол Божественных послушателю, услышав моя глаголы, избави мя от бесовских соблазнов, и беззаконных мужей, и всяких обстояний находящихся, великий Николае.

Богородичен: Святая Богородице Владычице, в нощи мя и во дни освяти, и сохрани, и настави ко спасению многими грехи падающа, и прилогми бесовскими низреема.

Песнь 5

Ирмос: Ходатай Богу и человеком был еси Христе Боже: Тобою бо, Владыко, к светонаачальнику Отцу Твоему, от нощи неведения приведение имамы.

Великий пастырь посреде волков посла яко овцы, Божественныя ученики своя, тех претворяюща Божию силою крещения, и доброту словес. [Дважды.]

Божественным светом, яже во тме прелести просветисте Апостоли сердца. Темже молю вы, отемненаго мя сластми мрачными, просветите, богоблаженнии.

Окаянная душе, прежде конца потщися и покаяся, Господеву зовущи: согреших Ти, Владыко, прости Апостол ради, и спаси мя яко милосерд.

Богородичен: Светом Твоим озари во тме лежаща мя, света жилище, и со Апостолы молися, Пренепорочная, от всякия нужды избавити мя Твоими молитвами.

Ин

Ирмос: Света подателю, и веков Творче, Господи, во свете Твоих повелений настави нас: разве бо Тебе иного Бога не знаем.

Закона Божия исполнителю, моли благаго Бога, законы Божественныя ми соблюдать, и беззаконнующих враг изми мя, и бесовскаго вреда, всеблаженне Николае.

Якоже древле представ, Святе, избавляя юношы три: сице и мене от всякаго греха избави твоими к Богу молитвами, богомудре Николае.

Священноделателю Христов, грешником испоручниче, Великий Чудотворче, благодавца моли Бога, да не посрамит мене в час судный.

Богородичен: Господородительнице чистая, обладаема мя многими страстми, яко блага представи избави от сих: яко да Тя воспеваю душею

и сёрдцем и языком, спасаём.

Песнь 6

Ирмос: В бѣзднѣ греховней валяясь, неизслѣдную милосердія Твоего призываю бѣздно: от тли, Боже, мя возведи.

Иже воду животную носяще, таемую душу мою зноём греховным молюся, ученицы Спасовы напоите.

Небеса мысленная бывше, богозарнии Апостоли, славу Божию исповедасте неизреченную, юже улучшить нам всем молитесь.

В пучине люте волнующийся, к Тебе, Христе, иже всех Окормителю прихожду, ради Апостол Твоих, ко спасительному пристанищу управи мя.

Богородичен: Со всеми вышними силами, со пророки, и Апостолы, и мученики, о нас моли сына Твоего, Богоневесто.

Ин. Ирмос тойже

Иже миряном быв первопрестольник, Николае, и облагоухал еси верных составления благими Твоими деянии: от злосрадна прегрешения избави мя.

Светлейше солнца стяжав, отче, сердце, всего мя просвети, искушений и скорбей отгоняя тьму, Николае.

От всякия избави мя тесноты, пространство яко имея милости, Николае, тесным шествовати мя укрепи путем ко Господу.

Богородичен: На всяко время Тебе призываю, Пречистая, да обрящу Тя помощницу, изымающую мя от всякаго озлобления и страшных мук.

Песнь 7

Ирмос: Богопротивное веление беззаконнующаго мучителя высоко пламень вознесло есть: Христос же простре богочестивым отроком росу духовную, Сый благословен и препрославлен.

Огнем Божественнаго духа предвозжжени бывше Апостоли, прелести углие угасисте, Божие же рачение во умех всех верных воспалисте: темже велегласно вас чтим. [Дважды.]

Мир возненавидесте, и яже в мире, Христа возлюбисте, в мире плотию человеком примесившаяся: егоже молитесь, Божественнии Апостоли, яже в житий мя всех лютых свободити.

Судие праведне Сердцеведче, иже един сокровенная ведый моя согрешения, в час суда не осуди мене, ниже отслеси мя во огонь, молитвами Апостол Твоих.

Богородичен: Огнем Божества не опалилася еси, неизреченно рождши Деву, браку неискусна бывши. Темже со Апостолы молися, Чистая, вечнаго мя пламене свободити, Тебе славящаго.

Ин

Ирмос: Образу златому на поле Деире служиму, триє Твої отроцы небрегоша безбожнаго веления: посреде же огня ввержени, орошаеми пояху: благословен еси Боже отец наших.

Огню искушений на всяк день примешаюся, отче Николае, посреде сетей мимохожду, якоже птица, под твой щедрый покров притекаю: невредна мя сохрани, благаго моля Бога и Господа.

Глаголы моя услышав спешно, отче Николае, потщися приити ми на помощь, обуреваему скорбми и нуждами житейскими. И бесовскими озлоблени: яко да спасаем пою предстательство твое.

Иже древле явлься во сне царю, неповинныя имущыя умрети избавляя, напастей мя избави находящих всегда, и недуг телесных, и душевных болезней, отче Николае.

Богородичен: Тебе единому, Пречистая, имею помощницу, Тебе напишю мне всех жития хранительницу, не презри мене раба Твоего, едина предстательнице мира, но спаси мя поюща: благословен Бог отец наших.

Песнь 8

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющыя: благословите вся дела Господня Господа.

Теловидно на вас нашед во огненном виде Пресвятый Дух, содела яко светила, опаляющая убо безбожие, просвещающая же вся благочестующыя, Божественныя слова апостоли. [Дважды.]

Страстми люте обуреваемое неисправленное сердце мое исцели. Щедре, молюся: душу мою просвети, и ум мой направи преклоншийся в злобу, учеников Твоих мольбами.

Воздохни, душе моя, и прослезися прилежно, и себе прежде конца восплачи, прежде даже не постигнет тебе плачь неутешимый, и возопий Господеву: спаси мя, Милостиве, молитвами Апостол Твоих.

Богородичен: Пещь иногда неопальшая детей, Твое Рождество проображаше, Дево Всенепорочная. Сего ради молю Тя: со Апостолы молися, со всеми пророки, огня геенны избавити мя.

Ин

Ирмос: В пещь огненную ко отроком еврейским снишедшаго, и пламень в росу предложшаго Бога, пойте дела, яко Господа, и превозносите во вся веки.

Вязати и решати приим власть от Бога, отче богомудре Николае, зол моих соузы разреши твоими молитвами: и Божественней мя привяжи любви вочеловечитися восхотевшаго Владыки.

Посещением твоим Божественным во дни и в ночи посещай мя,

углажда́я стезю́ смире́нной мое́й души́, и сохра́няй мя́, свя́те Нико́лае, неуязвле́на от находя́щих лука́ваго собла́зн.

Ру́ку ми́ пода́ждь к Бо́жией по́мощи, Нико́лае, и сохра́ни от лю́таго вра́жия ча́яния, и́же ю́ношы́ ино́гда сме́рти го́рькия изба́вил еси́: да почитаю́ тя́ яко́ блага́го предста́теля.

Егда́ сядеши́, Бо́же, на престо́ле стра́шнем суди́ти ми́ру, не вни́ди в су́д с рабо́м Твои́м: но ча́сти сподо́би спаса́емых, моли́твами Нико́лаа.

Богородичен: Па́че естества́ Твои́м рождество́м, Богороди́тельнице, возвели́чила еси́ нас ума́ленных вели́кими неисче́тными злыми́. Те́мже моли́мся Ти́, Пречи́стая: возвели́чи в нас бога́тыя Твоя́ ми́лости.

Песнь 9

Ирмо́с: Безнача́льна Родите́ля Сы́н, Бо́г и Госпо́дь, вопло́щся от Де́вы нам я́вился, омраче́нная просвети́ти, собра́ти расточе́нная: те́м Всепе́тую Богороди́цу велича́ем.

Апо́столи сла́внии, Апо́столи блаже́ннии, ученицы́ Спа́совы, пропове́дницы́ всему́дрии, от вся́каго мя́ изба́вите вре́да, вся́каго гне́ва, вся́каго греха́, вся́каго обстоя́ния, и разли́чных напа́стей. [Два́жды.]

Мене́ осужде́ннаго, мене́ неиспра́вленнаго, Твоя́ повеле́ния небре́гшаго, и бесо́вским прельще́нием умове́дно после́довавша, возврати́, Го́споди, моли́твами Апо́стол Твои́х.

Ду́шу неиспра́влену́ приношу́, и со́весть погребё́ную с веще́ми прегрешений, и оскверне́нное се́рдце, и по́мысл ока́лян, вопию́ Ти́, Человеколю́бче: Апо́стол ра́ди уще́дри мя́ ми́лостию́ Твое́ю.

Богородичен: Апо́столи Пречи́стая, Твоего́ Сы́на пропове́даша во все́м ми́ре, Бо́га и Челове́ка. Те́мже с ни́ми моли́ся, во стра́шном дни́ суда́ изба́виться му́к, веро́ю Тебе́ велича́ющым.

И́н

Ирмо́с: От Бо́га Бо́га Сло́ва, неизрече́нною му́дростию́, прише́дшаго обновити́ Ада́ма, я́дию в тле́ние па́дшаго лю́те, от святы́я Де́вы неизрече́нно воплотивша́гося нас ра́ди, вернии́ единому́дренно́ песньми́ велича́ем.

Свяще́нства пра́вило, и крото́сти о́браз, ве́м тя́, Нико́лае му́дре: на мя́ возстаю́щую бу́рю по́ вся дни́ страсте́й и бе́д, укроти́ моли́твами твои́ми, и соблюди́ мя́ невре́жденна́, свяще́ннейший о́тче.

Яко́ свяще́ннейший со́суд прия́тен Бо́же́ственнаго ми́ра, ми́лостивно́ излия́вша́гося на зе́млю, всех нас обла́гоуха́й се́рдца, ми́рянном бы́в му́дре первосвя́титель, искуше́ния зловоние́ отгона́ моли́твами твои́ми.

Ты́ мою́ уте́ши, о́тче, ду́шу, невидимо́ мно́жеством озло́бленную́ лю́те: ты́ безме́рная ми́ укроти́ искуше́ния, я́же льсти́вый подви́жет ми́ во дни́ и в

нощи́, яко́ благо́й мой предста́тель явля́ясь, Никола́е.

Стра́шный Влады́чний де́нь при двéрех прибли́жается, что́ сотвори́ши о ду́ше, грехо́в мно́жество иму́щи? потщи́ся убо́ пре́жде конца́, и возопи́й Го́споду приле́жно: моли́твами Никола́а, святи́теля Твоего́, спаси́ мя.

Богоро́дичен: Пощади́ мя, Го́споди, пощади́, егда́ хо́щещи судити́ и не осуди́ мене́ во о́гнь, ниже́ я́ростию Твоею́ обли́чи мене́: мо́лит Тя́ Де́ва рожда́ющая Тя́, Христе́, и апо́стол мно́жество, и сла́вный Никола́й.

Та́же: Досто́йно е́сть: **и покло́н. Ектени́я ма́лая, и свети́лен, и псалмы́ обы́чныя.**

На стихо́вне стихи́ры апо́стольския, глас 2:

Возвели́чил еси́, Спа́се, во все́лennenй верхо́вных апо́стол имена́, навько́ша небе́сным, неизрече́нна да́ша земным исцелéния, и сени́ их еди́ны недуги́ уврачева́ху: и́бо от рыба́рей чудотворя́ще, и и́же о иуде́й богосло́вующе благода́ти учéния, ихже́ ради́ благоутро́бне, да́ждь на́м велию́ ми́лость.

Сти́х: Испол́нимомся за́втра ми́лости Твоея́, Го́споди, и возра́довахомся, и возвесели́хомся: во вся́ дни́ на́ша возвесели́хомся: за́ дни, в ня́же смири́л ны еси́, лета́, в ня́же видехом злая́, и при́зри на рабы́ Твоя́, и на дела́ Твоя́, и наста́ви сыны́ их.

И́же от неправедных́ дея́ний всегда́ борими́, и к Тебе́ прибега́юще вои́стинну́ сущему́ Бо́гу, глас Твои́х учени́к прино́сим Ти́, глаго́люще: спаси́ ны, Наставни́че, погиба́ем. Покажи́ и ны́не враго́м на́шим, мо́лимся, яко́ покрыва́еши люди́, и спаса́еши от бе́д, моли́твами апо́стол презира́я грехи́, за мно́гую́ благосты́ню, Го́споди, сла́ва Тебе́.

Сти́х: И бу́ди све́тлость Го́спода Бо́га на́шего на на́с, и дела́ ру́к на́ших исправи́ на на́с, и де́ло ру́к на́ших исправи́.

Святы́х твои́х мно́жество, мо́лит Тя́, Христе́: поми́луй и спаси́ на́с яко́ Человеколю́бец.

Сла́ва, и ны́не, Богоро́дичен: Все́ упова́ние моё́ на Тя́ возлага́ю, Ма́ти Бо́жия, сохрани́ мя под кро́вом Твоим́.

Та́же, Благо́ е́сть испове́даться Го́сподеви: **И Трисвято́е. По** О́тче на́ш: **тропа́ри и ектени́и. Та́же час 1-й, псалмы́ обы́чны, и отпу́ст.**

В четверток блаженны, глас 2:

Глас Ті приносим разбойничь, и молимся: помяни нас, Спасе, во Царствии Твоем.

Стих: Блажени изгнани правды ради, яко тех есть Царство Небесное.

Мирския концы прошедше Апостоли, от тьмы прелести и злочестия человеки избавили есте премудрии.

Стих: Блажени есте, егда поносят вам, и изженут, и рекут всяк зол глагол, на вы лжуще Мене ради.

Мрежею благодати из глубины суетства, всех человек, ученицы Спасовы мудре возвели есте.

Стих: Радуйтесь и веселитесь, яко мзда ваша многа на Небесех.

Иже течение скончавшыя, и веру соблюдшыя, страстотерпцы Господни, согласно вернии воспойм.

Слава: Равнодетельна родителю сына, со духом проповедающе, воспойм Троицу несозданную.

И ныне: Апостолов похвала, страдальцев удобрение, Ты еси Пречистая Дево, и мира спасение.

В четверток вечера

на Господи возвах, стихиры крестны. Глас 2.

Подобен: Егда от Древа Тя:

Стих: Аще беззакония назириши, Господи, Господи, кто постоит? Яко у тебе очищение есть.

Спасе, на Кресте пригвоздився, солнце видево помрачися от страха твоего, и завеса церковная раздрася: земля же потрясется, и камене такожде трепетом распадоса, зрети не терпяще Зиждителя своего и Бога, на Древе страждуща неправедно волею, и от беззаконник досаждаема.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Весь низложен бысть на землю, весь уязвися, и лежит падением чудным змий вселукавый, вознесену бывшу Ти на Древо, Человеколюбче: Адам же от клятвы разрешается, и спасаем бывает, иже прежде осужденый. Темже и мы молимся: спаси нас, Щедрый, всех, и Царствия Твоего сподоби.

Стих: От стражи утренния до нощи, от стражи утренния, да уповает Израиль на Господа.

Егда воздвиглся на Крест, и в ребра прободен был еси копием, Безгрешне, солнце сокрывашеся, зрети не хотя, Спасе, и земля колебашеся, и камене страхом тогда распадашеся, досаждаему Тебе. Тварь же вопияше вся: слава распятию Твоему, Слове, имже всех спасл еси, Человеколюбче.

Таже стихиры минеи, святому.

Аще ли несть минеи, поем сия стихиры крестобогородичны.

Глас 2. Подобен тойже.

Стих: Яко у Господа милость, и многое у него избавление: и той избавит Израиля от всех беззаконий его.

На Древе Крестнем Тя, Иисусе, воздвигена зрящи Неискусобрачная, плакаше и глаголаше: Чадо Сладкое, вскую оставил еси Мене едину рождшую Тя? Свете неприступный Пребезначальнаго Отца, потщися и прослави, яко да славу получают Божественную, иже Божественныя страсти Твоя славящи.

Стих: Хвалите Господа вси языцы, похвалите Его вси людие.

Егда на Древе Живот умирающ зряше Дева, и ребра Его копием болезненно прободается, плачущи взываше: Сыне и Боже Мой, что Ти воздаде собор безблагодатный? Увы Мне, болезни не терпя снедаюся

утробою, видящи сия страждуща Тя, Владыко!

Стих: Яко утвердися милость Его на нас, и истина Господня пребывает во век.

Егда от Древа Сына виде снемлема Отроковица Неискусомужная, проста же положена без дыхания на земли яко человека, в недрах объемши, и облобызаючи устне же и очи, Тому взываше дивно: како вся оживляющего безгласна, не движима ныне зрю Тя? Воистинну чудо велие.

Слава, и ныне: КрестоБогородичен:

Подобен: Егда от древа Тя:

Егда Нескверная Агница виде Своего Агнца, на заклание яко человека волею влекома, плачущи глаголаше: безчадствовати Мя ныне тщишися, Христе, рождшую Тя. Что сие сотворил еси, Избавителю всяческих? Обаче воспеваю и славлю Твою, юже паче ума и Слова, крайнюю благодать Человеколюбче.

Таже, Свете тихий: Прокимен дне: Помощь моя от Господа, сотворшаго небо и землю. **Стих:** Возведох очи мои в горы, отнюдуже придет помощь моя. И Сподоби Господи:

На стиховне стихиры крестны, глас 2:

Спаси мя, Христе Спасе, силою крестною, спасый Петра в мори, и помилуй мя Боже.

Стих: К Тебе возведох очи мои Живущему на небеси. Се яко очи раб в руку господий своих, яко очи рабыни в руку госпожи своея: тако очи наши ко господу Богу нашему, дондеже ущедрит ны.

Да распнется вопияху, иже Твоих дарований присно наслаждающихся, и злодея во благодетеля место прошаху прияти, иже праведником убийцы: молчаше же Христе, терпя их суровство, пострадати хотя, и спасти нас яко Человеколюбец.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих и уничижения гордых.

Мученичен: Иже земных наслаждений не возлюбивше страсотерпцы, небесных благих сподобишася, и Ангелом сожителе быша: Господи, молитвами их помилуй и спаси нас.

Слава, и ныне, КрестоБогородичен:

Подобен: Егда от Древа Тя:

Егда Тя беззаконнии людие, Спасе, жизнь всех, на Древо вознесоша, тогда Чистая и Пренепорочная Мати Твоя предстоящи и рыдающи взываше: Чадо мое сладкое, свете мойма очима, увы мне, како посреде злодею на Кресте пригвоздится претерпел еси, иже землю повешей на

водах?

Таже, Ныне отпускаеши: Трисвято́е. По́ Отче на́ш: тропáрь, и отпу́ст.

В четверток на повечерии

канон молебный пресвятей Богородице. Глас 2.

Песнь 1

Ирмос: Во глубинѣ постла иногда, фараонитское всевоинство преоруженная сила, воплощающееся же Слово всезлюбный грех потребило есть, препрославленный Господь, славно бо прославился.

Яко красную, яко предобрую всю, яко непорочную в женах, Бог Тя избра, и во утробу Твою вселися непорочную: Егоже моли, Всенепорочная, порока грехов избавити вся поющия Тя.

Псаломски, Чистая, одесную якоже Царица, от Твоея утробы возсиявшего Царя предста: Егоже моли, Всенепорочная, да деснаго предстателя покажет мя в День воздаяния.

Слава: Пресохшее естество человеческое безместными делы, рождающая Дождь Небесный вся obnovи: темже молюся, души моя бразду изсохшую покажи плодоносну, Богоневесто.

И ныне: Умертвившеся садом разума, древом же жизни, Чистая, к жизни вечней призвани быхом, от Тебе, Богородице, процветшим паче смысла, Христом Богом: Егоже со дерзновением моли, спастися душам нашим.

Песнь 3

Ирмос: Процвела есть пустыня, яко крин, Господи, языческая неплодящая церковь, пришествием Твоим, в нейже утвердися мое сердце.

Облечеся в мя человека, от чрева Твоего прошед, Творец, Пречистая, нетления одежду даруя обнажшесю многими злодействы.

Пречестное родила еси Бога Слово, Владычице: Егоже прилежно моли, ущедрити смиренную мою душу, сладостными безчестии сетующую.

Слава: Язвы исцели души моя, Пречистая, и смиренное сердце мое, огорченное ядом змийным, действенною Твоею лечбою уврачуй.

И ныне: Яко Мати, имущи дерзновение, Владычице, к Сыну Твоему, проси помощь озлобленным людем, незаконных же низложи шатание.

Песнь 4

Ирмос: Пришел еси от Девы, не ходатай, ни ангел, но сам Господи воплощеся, и спасл еси всего мя человека. Тем зову Ти: слава силе Твоей, Господи.

Каплю ми умиления одожди, Владычице, отемлющи весь сердца моего вар, и печаль мою, и пакостныя прилоги отгоняющи.

Ору́жием мя́ сла́стным уязв́лена, и лежа́ща в ра́нах, Пречи́стая, не прэ́зри, но исцели́ копи́ем и кро́вию распе́ншагося Сы́на Твоего́, и Бо́га нашего́.

Сла́ва: Обогаще́нная Влады́чим вся́ким зда́нием, лю́те мя́ обнища́вша, благода́ти Божество́нныя сподо́би: яко да велича́ю Тя, яко́ благо́ю мою́ заступни́цу, Всенепоро́чная.

И ны́не: Возсия́ из утробы́ Твоея́, Отрокови́це Неискусобра́чная, О́тчая заря́ Хри́стос. И просвети́ вселе́нную распина́ем, и бесовскую́ тьму́ потреби́.

Песнь 5

Ирмо́с: Ходата́й Бо́гу и челове́ком бы́л еси́ Хри́сте́ Бо́же: Тобо́ю бо, Влады́ко, к Светона́чальнику Отцу́ Твоему́, от но́щи неведе́ния, приведе́ние има́мы.

Пу́ть жи́зни ро́ждшая, Пречи́стая, наста́ви мя́ ны́не на пу́ть пра́вый, в безу́тие и в бре́г лю́тых паде́ний безслове́сно низринове́ннаго.

Устра́нся без ума́ от разу́ма Бо́жия, блу́дно пожих, во стране́ да́льней страсте́й заблудив: но возвра́щши, Де́во Чи́стая, спаси́ Твои́м утешением.

Сла́ва: Водами́ Твоими́ животными́ напо́й раба́ Твоего́, пла́менем разжига́емаго грехо́вным, и опаля́емаго прило́ги бесовскими́, Де́во Ма́ти Пречи́стая.

И ны́не: Се́ во чре́ве, Богоро́дице Пречи́стая, Хри́ста́ Бо́га па́че слова́ имела́ еси́, яко́же Иса́иа провозгласи́, и па́че естества́ Сего́, Богороди́тельнице, роди́ла еси́.

Песнь 6

Ирмо́с: В бе́здне грехо́вней валя́йся, неизсле́дную милосе́рдия Твоего́ призыва́ю бе́здну: от тли́, Бо́же, мя́ возведи́.

Не яви́ мене́ бесо́м в ра́дость на суди́щи бу́дущем, Влады́чице: но благопреме́нно возре́вши на мя́, Судию́ и Сы́на Твоего́ умоли́.

Помы́слы прогне́вав Тя, Госпо́ди, и лука́выми и нечи́стыми мои́ми дея́ньми, в моли́тву привожду́ Ти Ма́терь Твою́, уще́дрив, спаси́ мя.

Сла́ва: Осу́ждения изба́ви мя́, Влады́чице, самоосу́ждена́ су́ща прегреше́ньми, яко́ Судию́ ро́ждшая, и Бо́га вся́ческих, Препе́тая.

И ны́не: Иису́са Спа́са моли́, Его́же па́че естества́ плоти́ю роди́ла еси́, Де́во Ма́ти Пречи́стая, изба́вися от бе́д рабо́м Твои́м.

Та́же, Госпо́ди помилуй, три́жды. Сла́ва, и ны́не:

Седале́н, гла́с 2. Подобе́н: Милосе́рдия су́щи:

Де́ва и Ма́ти Твоя́, Хри́сте́, на Дре́ве зря́щи Тя ме́ртва прости́рта пла́чущи го́рько глаго́лаше: Сы́не Мой, что́ стра́нное сие́ таинство́, все́м да́руяй жи́знь ве́чную, волею́ на Кресте́ како́ умира́еши сме́ртию

поно́сною?

Песнь 7

Ирмос: Богопротѣвное велѣние беззаконнующаго мучителя высокъ пламень вознесло естъ: Христосъ же простре богочестивым отроком росу духовную, Сый благословен, и препрославлен.

Крепость моя и пѣние, и спасѣние, и твёрдое заступлѣние, и стена непобѣдима сущи, Владычице, борющыя мя бѣсы победи, присно ищущыя умертвити мя.

Бога воплощи девическими Твоими кровьюми, обожила еси, Дѣво, человечество: темже молюся Ти страстьми оскверненнаго мя, и растленнаго вражими коварствы избави молитвами Твоими.

Слава: Пещь прообразоваше Рождество Твое, Всенепорочная, отроки бо не опали, якоже ни ложесна Твоя Огнь непостоянный: темже молим Тя, избави рабы Твоя огня вѣчнаго.

И ныне: Пречистое зачатие, и нетлѣнное Рождество, Ты Едина явила еси, Дѣвою пребывши: Христа бо зачѣнши, Чистая, над всеми Бога, Человека бывша, вѣрным на спасѣние и избавлѣние.

Песнь 8

Ирмос: Пещь иногда огненная в Вавилоне дѣйства разделяше, Божиим велѣнием халдеи опаляющая, вѣрныя же орошающая, поющыя: благословите вся дела Господня Господа.

Ревнуй добрым, злых удалышия, попечѣнием Божественных дѣяний, душе моя, молящуюся о Тебѣ Богородительницу, и всех непостыдную имущи Заступницу, яко милостиву и благолюбиву.

Разрешила еси союз человеческий древняго осужденія: темже молю Тя, Богородительнице, разреши всякъ союз злѣбный сердца моего, связавши мя, Пречистая, Божественною любовью Зиждителя.

Слава: Славы Отчую Зарю рождши, Богородице, безславием прегрешѣний сетующее сердце мое уясни и славы присносущныя покажи мя причастника, яко да верою славлю Тя.

И ныне: Явися нам из Тебѣ, Богородительнице, правды истинное Солнце, просвѣщая всяческая лучами Божества, воплощся Вышний, Егоже песнословим.

Песнь 9

Ирмос: Безначальна Родителя Сын, Богъ и Господь, воплощся от Дѣвы нам явися, омрачѣнная просветити, собрати расточѣнная: тем всепетую Богородицу величаем.

Вкусив Адам снѣдь примѣсную смѣрти, от Древа горестъ объят: на дрѣве же пригвождься Сын Твой, Пречистая, сладость безсмѣртія источи:

сего́ ра́ди Тя́ восхваля́ем:

Цари́ца еси́, Царя́ Христа́ и Го́спода па́че сло́ва ро́ждши, разо́ршаго а́дова ца́рства: Его́же приле́жно моли, О́трокови́це, вы́шняго Ца́рствия сподо́бити вся́ чту́щя Тя́.

Сла́ва: Ублажи, Влады́чице, смире́нное се́рдце моё́, озло́бленое сла́стными затво́ры, я́ко блага́го Родите́льница, и Блага́я су́щи вся: и к пока́янию мя́ блага́х дверей́ введи́.

И ны́не: Ме́ртв бы́в на Крест возно́сим, си́м умори́вый зми́я. Те́мже зову́ Ти: умерщвле́нную ду́шу мою́ лука́выми делы́, помилуй, Сло́ве, и оживи́ молитвами Ро́ждшия Тя́.

Та́же, Досто́йно е́сть: и поклóн. Трисвято́е. **По** О́тче на́ш: **тропа́ри, и** **про́чее обы́чное, и отпу́ст.**

Пятница

В пятóк ўтра

По 1-м стихослòвии седальны крестны. Глас 2:

Спасение соделал еси посреде земли, Христé Бóже, на кресте пречистей руке Твоей простерл еси, собирая вся языки зовущия: Господи, слава Тебе.

Стих: Возносите Господа Бóга нашего, и поклоняйтесь подножию но́гу Его, яко свято е́сть.

Имже образом пленил е́сть враг Адама древом снédным: такожде сам, Господи, пленил еси Ты врага древом крестным, и страстию Твоею. На се бо прииде вторый Адам, взыскати заблудшаго, и оживити умершаго: Бóже, слава Тебе.

Слава, и ны́не, КрестоБогородичен: Де́ва и Ма́ти Твоя́, Христé, на древе зрящи Тя мёртва простёрта, плачу́щи горько глаго́лаше: Сы́не мой, что́ странное сие́ таинство? Иже всем даруяй живо́т вéчный, волею на Кресте́ како умираеши смёртию поно́сною?

По 2-м стихослòвии седальны. Глас 2:

Животворящий Крест Твоея́ бла́гости, е́гоже дарова́л еси́ нам недостóйным, Господи, Тебе́ приносим в моли́тву: спаси град Тво́й, мир даруя Богородицы́ ради, еди́не Человеколю́бче.

Стих: Бог же Царь наш пре́жде ве́ка, содела́ спасение посреде́ земли.

Пречистому́ образу Твоему́ поклоня́емся, Благи́й, прося́ще прощéния прегрешéний наших, Христé Бóже: волею́ бо благоволил еси́ плóтию взы́ти на Крест, да избавиши я́же созда́л еси́ от рабóты вра́жия. Те́м благодарственнó вопие́м Ти: радости́ исполнил еси́ вся, Спа́се наш, прише́дый спасти́ мир.

Стих: Дивен Бог во святых Своих, Бог Израилев.

Мученичен: Тебе́ одева́ющаго небо́ облаки, иму́ще святи́и одея́ние в ми́ре, му́ки от беззаконных претерпéша, и прелесть идо́льскую упраздни́ша. Те́х моли́твами и нас свободи́ от невидима́го врага́, Спа́се, и спаси нас.

Слава, и ны́не, КрестоБогородичен: Предстоя́щи у Креста́ Твоего́, я́же без се́мене ро́ждшая Тя, Христé, и не терпя́щи зрети́ неправедне стражду́ща, рыда́ше с плачем, и вопия́ше Ти: како́ страждеши, иже естество́м безстра́стен, Сладчайший Сы́не? Пою́ Твою́ крайнюю́ бла́гость.

По 3-м стихослòвии седальны. Глас 2:

Я́ко разбо́йник испове́дую, и вопию́ Ти благо́му: помяни́ мя, Господи, во Царствии Твое́м: и с ним мя сопричти́, иже волею́ страсти́ нас ради́

претерпевый.

Просветивый земная крестом Твоим, и призывый на покаяние грешных, не отлучи мене стада Твоего, Пастырю добрый: но взыщи мене заблуждшаго, Владыко, и святому Твоему стаду сопричти, едине Милостиве и Человеколюбче.

Слава, и ныне, КрестоБогородичен: Честным Крестом Сына Твоего сохраняеми, Владычице, Чистая Богородице, всяк прилог борителя вси удобне побеждаем: сего ради по долгу Тя ублажаем, яко Божию Матерь, и едину упование душам нашим.

Канон честному и животворящему Кресту, [егоже краеграние сице: Кресту водрузившуся, паде бесовская прелесть.] Творение Иосифово. Глас 2.

Песнь 1

Ирмос: Нетрену, необычну, немокренно морскую шествовав стезю, избранный вопияше Израиль: Господеви поим, яко прославися.

Распятие приим, и гвоздми пригвожден быв безчестно, Слове, вся человеки почитити хотяй, иже Твоя вольная страдания славящия.

Простерл еси на Кресте длани, Спасе, иже прострый небо яко кожу, имиже объят языки и люди, иже Твоя вольныя страсти славящия.

Мученичен: Вземше Крест на ramo стратотерпцы, распеншемуся последоваша Христу тепле, того сообразующеся Божественным страстем.

Мученичен: Воспеша ангельския силы, видевши ваша страдания, восплакася же бесов множество, победоносцы мученицы богозрительнейшии.

Богородичен: Слово честнаго пророка исполнися: оружие бо сердце Твое пройде, Владычице, егда на Кресте пригвождена видеда еси Твоего Сына.

Другий канон Пресвятей Богородице. Глас 2.

Ирмос: Грядите людие, поим песнь Христу Богу, разделшему море, и наставльшему люди, яже изведе из работы египетския: яко прославися.

Яже Источник безстрастия рождающая, уязвленнаго мя страстем, Отроковице, исцели, и огня вечнаго исхити, Едина Богорадованная.

Телесных недуг избави мя, и души моея исцели безместныя страсти: и огня вечнаго исхити мя, Едина Богоблагодатная.

Под Твою ныне прибегаю благодать, Дево Мати Пречистая, избави раба Твоего душевных болезней, и страстей душетленных, и вечнаго огня.

Ты, Владычице, мое теплое очистилище, к Тебе пририщу и спасаюся, и приобретаю душевное спасение: можеша бо всех спасти, яко Мати сущи Бога.

Пѣснь 3

Ирмосъ: На ка́мени мя́ вѣры утверди́в, расшири́л еси́ уста́ моя́ на враги́ моя́. Возвесели́ бо ся́ дѹх мой внигда́ пѣти: несть́ святъ, якоже́ Богъ нашъ, и несть́ праведенъ́ паче́ Тебѣ́, Го́споди.

Гроздъ́ нетлѣнный на дрѣве́ висящъ́, иска́па Божѣ́ственную́ сладость, сердца́ веселя́щую челове́ков: злобы́ же погубля́ющую пьянство́ благодати́ю, Иису́с, изба́витель ду́ш на́ших.

Возне́слся еси́ на Дре́во воле́ю, Иису́се, и все́ диаво́ле злодея́ние свергъ́л еси́: па́дшыя же́ челове́ки в па́губу умо́м развра́щеннымъ, возне́сл еси́, Многоми́лостиве.

Му́чениченъ: Огнѣ́м Божѣ́ственныя́ любви́ распальше́ся, огня́ не устраши́шася до́блии, и не́ ужасо́шася сме́рти, безсме́ртныя да́ры наде́ющеся восприя́ти, и ра́дость бесконе́чную, и свѣ́тъ незаходи́мый.

Му́чениченъ: От кро́вей своихъ́ страстоте́рпцы, пресвѣ́тлую очервлени́ша багря́ницу, и то́ю оде́явше́ся, десно́ю же́ руко́ю яко́ скиптръ́ нося́ще Божѣ́ственный Крѣ́ст, с Го́сподем всегда́ ца́рствуют.

Богоро́диченъ: Чту́т Тя́ чинове́ беспло́тных, все́х бо́ Влады́ку плотоно́сца роди́ла еси́, разреши́вшаго дрѣ́вом связа́нныя́ вся, Отрокови́це Богоневѣ́сто, и вѣ́рныя привяза́вшаго к любви́ своѣ́й.

Ин. Ирмосъ тойже

Роди́ла еси́ безнача́льнаго Ца́ря, из Тебѣ́, Де́во Ма́ти, плоть́ приѣ́мша: то́го убо́ яко́ Человеколю́бца моли́, спасти́ раба́ Твоего́ от вся́кия скорби́, и бу́дущаго осужде́ния.

Разори́ недоуме́ние се́рдца моего́, я́звы исцели́, и гно́ения отжени́ Божѣ́ственною́ Твоею́ си́лою: и умилѣ́ния стру́ю пода́ждь ми́, я́же исто́чник рождши́ присноживо́тныи.

Боле́вшую ду́шу мою́́ бесо́вскими на́пастыми́ и уны́нием, Богороди́тельнице, исцели́: и слѣ́зы пока́яния да́ждь се́рдцу моему́, и Влады́ки моего́́ страхъ́ всади́ в нёмъ, Пречи́стая.

Лѣно́стию жи́знь мою́́ иждивъ́, и страстьми́́ се́рдце моѣ́́ оскверни́в, прихо́жду к Тебѣ́́, Влады́чице, умилѣ́нием ду́ши, и молю́ся: уще́дри и спаси́ мя, пока́яния мя́́ обра́зы утвержда́ющеи.

Пѣснь 4

Ирмосъ: Прише́л еси́́ от Де́вы, не ходата́й, ни А́нгел, но́ Са́м Го́споди вопло́щся, и спасл еси́́ всего́́ мя́́ челове́ка. Те́м зову́ Ти: сла́ва си́ле Твое́́й, Го́споди.

Пове́шен бы́л еси́́ на дрѣ́ве, пове́шей зе́млю на вода́хъ́́ Всеси́льне: и копи́емъ́ в ре́бра пробода́емъ, кро́вь же́ с водо́ю иска́пал еси́́ на изба́вление́́ все́х.

Прободённым Твоим рёбром, исцелё болезнь моя: рукою по ланите биену Ти свободу улучих: жёлчи же вкушением, сладнаго избавихомся, Христё, брашна.

Мученичен: Струпми острупльше змия льстиваго, исцеляете струпы сердце наших, всегда благодать источающе от источник спасовых, Божественнии мученицы.

Мученичен: Всетелёсную язву врагу нанесли есте всечестнии, язвами окровавляеми, на Кресте же протяеми, и одираеми, богзрачнии страстотерпцы.

Богородичен: Воплотися из Пречистых кровей Твоих Вшний: Егже видящи на Древе Пречистая, без правды воздвизаема, стеняше слезящи, и Того благоутробие величала еси.

Ин

Ирмос: Пою Тя, слухом бо Господи услышах, и ужасохся: до мене бо идеши, мене ищя заблудшаго. Тем многое Твое снизхождение, еже на мя, прославляю, Многомилостиве.

Пою Тя воистинну, Всепетая, препетаго Бога слово паче естества рождшую: и молюся, смиренныя души моя болезни исцели, и от лютаго мя избави осуждения.

Обычно на ны богатыя Твоея милости Дево орошай, недуги уставляющи, страсти разрушающи различныя души: темже разреши сердца моего пленицы греховныя, и болезней многих.

Оскверних душу мою страстьми: чистейшее Ты бывши пречистому жилище, очисти, Богородительнице, к свету покаяния наставляющи мя, и огня будущаго изымающи.

Ум мой, Пречистая Владычице, просвети, молюся Тебе. Волны утиши страднаго сердца моего, плотская хотения потребляющи, и ко пристанищу Божественному приводящи:

Песнь 5

Ирмос: Угль Исаии проявлейся, солнце из девственныя утробы возсия, во тме заблудшым, богоразумия просвещение даруя.

За милосердие приобщився кресту Владыко, из глубины мя злых исторгл еси, и почтил еси соседением отчим, безчествоваанный волею.

Тернием венчався, иже венчаваяй цветы всю землю, страстей моих терние из корене сечеши, Слове, и насаждаеши во мне Твой разум.

Мученичен: Крепостию неможения вашего, святии мученицы волею обложшеса, и укрепльшеса, бесов крепость отнюд погубисте.

Мученичен: Вельми подвигшеса святии на земли, на небесех велию славу обретоште, и великих бед избавляете нас, вас чтущих.

Богородичен: Иже на плещу херувимску, на небесех боголепно носимый, яко воистинну, Пречистая, на руку Твоею седый, распят быв, всех из тли избави.

Ин

Ирмос: Просвещение во тме лежащих, спасение отчаянных, Христе Спасе мой, к Тебе утреню Царю мира, просвети мя сиянием Твоим: иного бо разве Тебе Бога не знаю.

Наветы и ловленьми лстываго, умерщвленнаго оживи мя, Всенепорочная Владычице Богородице, яже рождши жизнь всех ипостасную: да Тя пою благочестно Всепетую.

Яже Агнца и пастыря, явльшися Дево Мати, упаси мя нравом заблужденнаго, и десным мя сочεταιся овцам, в день судный сподоби: яко да Твою благодать пою спасительную.

От страстей омрачения, от соблазн прибывающих напастми чуждаго, будущих же мук вечных согрешающим, избави мя, Отроковице, Твоими мольбами, молюся.

Невесто Божия, в нюже вселися едино Божественное слово, всю просвещающее вселенную, возсияй ми зарю истиннаго покаяния: озари мне спасительныя лучы, разоряющи страстей моих тму Твоими мольбами, молюся.

Песнь 6

Ирмос: Глас глагол молебных от болезненна, Владыко, души услышав, от лютых мя избави: един бо еси нашего спасения виновен.

Плещы вдав на раны, и ланите Твои на ударение, лице же, Спасе, на оплевание, спасл мя еси много Тебе согрешившаго в разуме и неведении.

Якоже Агнец, во еже заклатися, веден был еси Христе Боже мой: волка мысленнаго ядовитым угрызением умерших паки возводя к животу: слава распятию Твоему.

Мученичен: Законы соблюдающе мученицы владычния, беззаконен совет законопреступных отнюд уклониша, и умерше, жизнь будущую прияша.

Мученичен: Ополчившися святии радуящися, к сопротивным началом Божественными оружии сих победиште, и венцы победныя приясте от Бога.

Богородичен: Да обожит человека, из Тебе Дево раждается Бог, и распинается, и смерть вкушает, убивая Крестом мене древле убившаго.

Ин

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Ныне к Тебе прибегаю, Препетая, спаси мя молитвами Твоими и

соблюди́: елика́ бо хо́щеши, и мо́жеши́ яко́ Ма́ти вся́ укрепля́ющаго.

Обурева́ема бу́рею печа́лей, и потопля́ема настоя́ными трево́лнения, спаси́ мя, Богоро́дице Де́во, раба́ Твоего́.

Милосе́рдия Твоего́ сподо́би мя, немилосе́рдием и зло́бою одержима́го, и томле́ний предлежа́щих и огня́ вѣчнаго́ исхити́ мя.

Грехи́ мира́ взѣмлю́щаго, Пречи́стаго А́гнца заче́нши родила́ еси́, Всенепоро́чная, грехо́в прощѣ́ние дарова́ти ми́, моля́щися Ему́ не престай́.

Пѣснь 7

Ирмо́с: Богопроти́вное велѣ́ние беззаконну́ющаго мучи́теля, высо́к пла́мень вознесло́ естѣ́: Христо́с же простре́ богочестивым отро́ком росу́ духо́вную, съи́ благослове́н и препросла́влен.

Падша́ мя́ преступле́нием воздвигл еси́, на Крѣ́ст воздвигнѣ́н иже́ все́х воскресе́ние, и совоздвиже́ние, Сло́ве: и низвергл еси́́ свергша́го борите́ля, всего́ безде́льна ме́ртва показа́л еси́. Сла́ва держа́ве Твоей́.

Гвоздьми́ пригвозди́л еси́́ Христе́ грехи́ праотца́, трости́ю же́ би́ем, написа́л еси́́ свобо́ду все́м челове́ком. Сла́ва страда́нию Твоему́, и́мже изба́вихомся тьмы́ страсте́й.

Мучени́чен: Секо́ми бы́ша по телесе́м скверноуби́йственными рука́ми, добропобе́дни Христо́вы вели́комученицы́, и пребыва́ху ду́хом от Бо́га неразлучи́ми, секу́ще му́жества мече́м, и закала́юще льсти́ваго врага́.

Мучени́чен: Кре́пость непобори́мую распѣ́ншагося Хри́ста́ имѣ́я, воинство́ непобеди́мое, губи́тельное воинство́ в ко́нѣц погуби́: пострада́в же, вене́ц побе́ды при́ят, жи́знь блаже́нную и неги́блемую.

Богоро́дичен: Пала́та одушевле́нная Царе́ва, и престо́л огнеобра́зный Де́во показа́лася еси́́, на не́мже се́дя, воздвиге́ от пе́рваго паде́ния вся́ челове́ки, и соседени́ем оте́ческим почте́.

И́н. Ирмо́с тойже́

Живо́т ипоста́сный на́м ро́ждши, сме́ртию сме́рть я́ве погуби́льший, стра́сти умертви́ се́рдца моего́, и исто́чник слѣ́з подаждь ми́, Чи́стая: яко́ да при́сно сла́влю Тя́.

Наде́жда непосты́дная, упова́ние изве́стное, и стена́ необори́мая, покрóв же́ и помо́щница бу́ди мнѣ́, Всенепоро́чная, упова́ющему на́ Тя́: и к све́ту наста́ви, Чи́стая, пока́яния и умиле́ния.

Иза́виться рабу́ Твоему́́ вся́кия зло́бы бесо́вския и печа́ли, и осужде́ния, и вѣчнаго́ огня́, Сы́на Твоего́ умоли́: яко́ да ве́рою при́сно сла́влю Тя́.

Пречи́стое зача́тие, и нетле́нное Рожде́ство, Ты́ е́дина показа́ла еси́́, Де́ва пребы́вши: Хри́ста́ бо заче́нши, Чи́стая, над все́ми Бо́га, Челове́ка бы́вша, ве́рным на спасе́ние и изба́вление.

Песнь 8

Ирмос: О подобии злате небрегше треблаженнии юноши, неизменный и живый Божий образ видевше, среди огня воспеваху осуществованная да поет Господа вся тварь, и превозносит во вся веки.

Людие непокоривии, без страха же беззаконная вся творяще, посреде беззаконною Тя, Щедре, оправдающа беззаконныя, на Древе воздвигше распяша: Тебе же вся тварь славит, яко Господа и Владыку, воспевающи Твое Долготерпение.

Окровавил еси, Христе, персты Твоя на Древе пригвождаем, иже приносимую бесом кровь древле, на пагубу приносящим ю, представил еси: темже Тя славит вся тварь, Боже всех, воспевающи Твое, Человеколюбие.

Мученичен: Вод животных суще исполнь мученицы, потоки лестныя изсушиша Божественными струями кровей, верою неуклонною зовуще: осуществованная да поет Господа вся тварь, и превозносит Его во вся веки.

Мученичен: Неисчетное множество кровей ваших, святии, нечестия огнь погаси, и еллинскую многобожную разруши прелесть, всех же верных просвети поющих: да поет вся тварь Господа, и превозносит Его во вся веки.

Богородичен: Непорочная Агница, пророков же и мучеников украшение, якоже Агнца Тя воздвигена на Древо узревши, безначальное Слово, плакаше горько, и глаголаше: осуществованная да поет Господа вся тварь, и превозносит Его во веки.

Ин

Ирмос: В пещь огненную ко отроком еврейским снизшедшаго, и пламень в росу преложшаго Бога, пойте дела яко Господа, и превозносите во вся веки.

Прибежище христианом и помощнице, в лютых одержима мя, Пречистая Дево, не презри, бедами обходимого всегда, и многими устремлении лукавых бесов.

Не забуди гласа молитвенник Твоих, Предстательнице страшная, но от всякия болезни, и от всякаго прещения мольбами Твоими исхити: преклоняет бо Бога Твоя матерняя молитва.

Утоли страстей моих лютую ныне бурю, Чистая благословенная: и победи, Отроковице, нещадно на мою нищету нападающих, вся враги безплотныя, яко да верою пою Тя.

От пещи искушений, от пламене грехов и огня страстей и геенны, и бесовскаго нашествия, в час скончания исхити мя едина Богородительнице, предстательнице верных.

Песнь 9

Ирмос: Недоумеет всяк язык благохвалити по достоянию, изумевает же ум и премирный пети Тя, Богородице, обаче благая сущи, веру приими: ибо любовь веси Божественную нашу, Ты бо христиан еси Предстательница, Тя величаем.

Да вообразит древле Исаак Твою страсть, связуется слове: разрешает же связанное овча в тойже образ, в саде Савекове оставления, и отпустися невольная тогда жертва воистинну: Тебе бо волю пожержуся, от зол разрешихомся.

Красен добротою паче сынов человеческих, Христе, сый доброты не имый, ниже вида, в страсти на Древе крестнем повешен, украшая нелепоту всего рода человека: Слава благоутробию Твоему, едине милосерде Господи.

Мученичен: Сиона вышняго явистеся жители Божественнии, и Ангелом равночестнии мученицы, яко сущии сограждане: и церковь святии первородных светло просвещаете, сияюще светом Божественным, и мучения венцы украшаеми.

Мученичен: Возлюбленнии друзи, вас преславно возлюбльшаго, избавите мя дружбы лстивья, яже к плоти, святии Господни мученицы: освящение же и просвещение и разрешение прегрешений лютых, всем совершающим память вашу испросите.

Богородичен: Светил доброта течения обычнаго уступи, егда Тя видеша Солнца правды вознесена на Крест хотением: Дева же со учеником девственным восклицаше с плачем, увы мне, вопиющи, что сие странное зрение?

Ин

Ирмос: Безначальна родителя Сын, Бог и Господь, воплощся от Девы нам явися, омраченная просветити, собрати расточенная. Тем всепетую Богородицу величаем.

Человеколюбца Господа Единого Многомилостиваго, паче ума же и слова родила еси: того моли, Дево, в час страшный суда избавити раба Твоего огня вечнаго.

Нам поющим Тя, и верою славящим, и к Божественному Твоему покрову присно притекающим, подаждь с небес разрешение лютых, и мучащих страстей, Богоневесто, и муки и суда избави.

Красен в видении, во вкушении же горчайший, иже мене уморивый греха плод, егоже напитался в сытость, страшнаго чаю суда, от негоже мя исхити, Пресвятая Дево Мати.

Ублажи, Пречистая, смиренное сердце мое, озлобленное сладными затворы, яко Благому Родительница, и благая сущи вся: и к покаянию мя

благих дверей введи.

Таже: Достойно е́сть: **Ектенія, и свети́лен, и псалмы́ обы́чны.**

На стиховне стихи́ры крестны. Глас 2:

Креста́ Твоего́ Древо, Христе́ Бо́же, дре́во живо́тное показа́л еси́ нам верующым в Тя, и сим упразднил державу имущаго сме́рти, оживил еси́ нас умерщвлёныя грехом. Те́мже вопие́м Ти́ благода́телю все́х, Го́споди, сла́ва Тебе́.

Стих: Исполнимся за́втра ми́лости Твоея́, Го́споди, и возра́довахомся, и возвесели́хомся, во вся́ дни́ на́ша возвесели́хомся: за дни́, в няже смирил ны́ еси́, ле́та, в няже видехом злая. И при́зри на рабы́ Твоя, и на дела́ Твоя, и наста́ви сы́ны их.

Волею обнища́в, обнища́ния ра́ди Ада́мова, Христе́ Бо́же, пришёл еси́ на зе́млю от Де́вы воплоще́ся, и распя́тие прия́т, да нас свободиши от рабо́ты вра́жия: Го́споди, сла́ва Тебе́.

Стих: И бу́ди све́тлость Го́спода Бо́га на́шего на нас, и дела́ ру́к на́ших исправи на нас, и де́ло ру́к на́ших исправи.

Мученичен: По Христе́ пострада́вше да́же до сме́рти, о страстоте́рпцы́ мученицы́! Ду́шы у́бо има́те на небесе́х в руце́ Бо́жии, и по ми́ру все́му почита́емы су́ть ва́ша мо́щи, священни́цы покланя́ются, и лю́дие вси, ра́дующеся, согла́сно вопие́м: со́н че́стен пред Го́сподем сме́рть преподо́бных Его́.

Сла́ва, и ны́не, Кресто́Богоро́дичен:

Подобен: Егда́ от Дре́ва Тя́:

Егда́ нескве́рная А́гница ви́де своего́ А́гнца, на заколе́ние я́ко челове́ка волею́ влеко́ма, рыда́ющи глаголаше: безча́дствовати мя́ ны́не тщи́шися Христе́, ро́ждшую Тя́. Что́ си́е сотвори́л еси́ Иза́вителью́ все́х? Оба́че воспеваю́ и сла́влю Твою́ кра́йнюю благода́ть па́че ума́ и слова́, Человеколю́бче.

Таже, Благо́ е́сть испове́даться Го́сподеви: Трисвято́е. **По** О́тче на́ш: тропа́рь, и ектений. **Таже час 1-й, псалмы́ обы́чны, и отпу́ст.**

В пятóк блажённы. Глас 2:

Глас Тí прино́сим разбо́йничь, и мо́лимся: помяни́ нас, Го́споди, во Ца́рствии Твоём.

Стих: Блажéни изгна́ни пра́вды ра́ди, яко́ те́х е́сть Ца́рство Небе́сное. Искорени́л еси́, Влады́ко, злобный те́рн, вене́ц терно́в волею́ носив, Долготерпеливе.

Стих: Блажéни есте́, егда́ поно́сят ва́м, и изжену́т, и реку́т вся́к зóл глаго́л на вы́ лжу́ще Мене́ ра́ди.

Распят б́ыв, безгре́шне, на лóбнем, сокруши́л еси́ главу́ лука́ваго, и вся́ челове́ки спасл еси́.

Стих: Ра́дуйтесь и весели́тесь, яко́ мзда́ ва́ша мно́га на Небесе́х. Сокруша́еми му́ченицы, врага́ сокруши́ли есте́ всю́ силу́, и побéдныя венцы́ прия́сте.

Слава: Окроплéнием Божéственныя крóве вёрнии просвещáеми, еди́но в Три́ех лица́х Божество́ чтим.

И ны́не: Яко́ А́гнца повéшена на Дре́ве, Всенепоро́чная видя́щи Христа́, рыда́ющи с пла́чем, Того́ велича́ше.

В пятѡк вѣчера

начало суббѡтней службе, и все послѣдование вечерни и утрени: писан указ о том в первом гласе.

На Господи возвах, стихирѣ святым мучеником, и святителем и преподобным. Глас 2.

Подобен: Егда от древа Тя:

Стих: Аще беззакония назириши, Господи, Господи, кто постоит? Яко у тебе очищение есть.

Плѡть предающе ранам и горчайшыя муки терпяще, и нужную смѣрть мученицы всехвальнии, и мучителей посрамите, и чести идольския воистинну потребили есте, Христа проповѣдающе Единого Бога и Владыку: Емуже со ангельскими лики, венценосцы славнии, предстоитѣ.

Стих: Имене ради Твоего потерпѣх Тя, Господи, потерпе душа моя в слово Твое, упова душа моя на Господа.

И паки глаголем ту же стихирѣ: Плѡть предающе ранам:

Стих: От стражи утренния до нощи, от стражи утренния да уповаѣт Израиль на Господа.

Слова являшагося на земли, проповѣдницы явистеся Божественнии, и благочестию всех научите, и православное Божественных словес изложше, имиже ересь далече отгнасте от Церкви Христовы. Темже во обители присно живущыя, яко священнодейственницы Троицы, всех введите, блаженнии.

Ины стихирѣ мученичны, глас той же.

Стих: Яко у Господа милость, и многое у Него избавление: и Той избавит Израиля от всех беззаконий его.

Иже земныя сласти не возлюбивше страсотѣрпцы, Небесным благим сподобишася, и Ангелом сограждане быша: Господи, молитвами их помилуй, и спаси нас.

Стих: Хвалите Господа вси языцы, похвалите Его вси людие.

Святым мучеником молящимся о нас, и Христа поющим, всяка прелесть преста, и человеческий род верою спасаѣтся.

Стих: Яко утвердися милость Его на нас, и истина Господня пребывает во век.

Лицы мученичести противишася мучителем, глаголюще: мы воинствуем Царю Силам: аще и огню и мукам предадите нас, не отметаѣмся Троицеския силы.

Слава, и ныне, Богородичен: Прейде сень законная, благодати

прише́дши: я́коже бо купи́на не сгара́ше опаля́ема, та́ко Де́ва роди́ла еси́, и Де́ва пребы́ла еси́. Вме́сто столпа́ о́гненнаго, пра́ведное возсия́ Со́лнце: вме́сто Моисе́а, Христо́с, спасе́ние ду́ш на́ших.

Та́же. Све́те тихий: Проки́мен дне́: Бо́же засту́пник мо́й еси́ Ты́, и ми́лость Твоя́ предва́рит мя. **Сти́х:** Изми́ мя от враг мо́их, Бо́же, и от воста́ющих на мя изба́ви мя. **Та́же,** Спо́доби Го́споди в ве́чер сей:

На стихо́вне стихи́ры, гла́с 2:

Ве́лия сла́ва, ю́же стяжа́сте святи́и ве́рою: не то́кмо бо в страда́ниих врага́ победи́ли есте́, но и по сме́рти ду́хи прого́ните, недужны́я исцеля́ете, ду́ш и телес вра́чеве: мо́литесь ко Го́споду, поми́ловатися душа́м на́шим.

Сти́х: Блаже́ни, я́же избра́л и прия́л еси́, Го́споди.

Ме́ртвен: Я́ко цве́т увяда́ет, и я́ко се́нь ми́мо гряде́т, и разруша́ется вся́к челове́к: па́ки же глася́щей трубе́, ме́ртвии я́ко в трусе́ вси востану́т ко Твоему́ сре́тению, Христе́ Бо́же. Тогда́ Влады́ко, ихже предста́вил еси́ от нас, во свята́х твои́х учини́ кро́вех ду́хи ра́б Твои́х.

Сти́х: Ду́шы их во благи́х водворя́тся.

Ме́ртвен: Увы́ мне́, коли́к подви́г има́ть душа́ разлуча́ющися от телесе́! Увы́ мне́, тогда́ коли́ко слези́т, и несть и́же поми́луе́т ю́! Ко А́нгелом о́чи возводя́щи, безде́льно мо́лится: к челове́ком ру́це протира́юща, и не има́ть помога́ющаго. Те́мже, возлю́бленная мо́я бра́тие, разуме́вше кра́ткую на́шу жи́знь, предста́вленным поко́я от Христа́ проси́м, и душа́м на́шим ве́лию ми́лость.

Сла́ва, и ны́не, Богоро́дичен: Спаси́ от бе́д рабы́ Твоя́, Богоро́дице Де́во, я́ко вси́ по Бо́зе к Тебе́ прибега́ем, я́ко к неруши́мей стене́ и предста́тельству.

Та́же: Ны́не отпу́щаеши: **Трисвято́е. По** О́тче на́ш: **тропа́рь, и отпу́ст.**

В пятѡк на повечѣрии

канѡн молебный Пресвятей Богородице. Глас 2.

Пѣснь 1

Ирмос: Грядите людіе, поим пѣснь Христу Богу, раздѣльшему море, и наставльшему люди, яже изведе из работы египетския: яко прославися.

Жизни источник еси, Дево Мати Чистая, Начальника и Господа рождши, Жизнь всяческих, орошаючи верою славословящия Тя.

Тя утверждение и предстательницу обогащесе имамы, иже Богородицу Пречистая исповедающи Тя, от треволения жития Всенепорочная Дево спасаемся.

Слава: Яже Источник безсмертия рождши, уязвленого мя страстьми, Отроковице, исцели и огня вечнаго исхити, Единая Богоблагодатная.

И ныне: Яже верным прибежище Приснодево, державная помощь притекающим Ти, от всякия нужды и вреда сопротивнаго нас спаси.

Пѣснь 3

Ирмос: Утверди нас в Тебе, Господи, древом умерщвей грех, и страх Твой всади в сердца нас поющих Тя.

Златую яко воистинну кадильницу, и стамну манны, и Божественную гору, и палату прекрасну Божию, Тя, Дево, именуем.

Церковь, и священное жилище Слова сущи Богородице, прегрешений очищение буди мне присно, Пресвятая Дево.

Слава: Ни языкъ земли, ни умъ безплотных, возможет Рождество Твое сказати: паче естества бо и смысла, Богородице, Зиждителя родила еси.

И ныне: Утверждение буди и прибежище и покров, Дево Богородительнице, верою к Тебе прибегающим, и Божию Тя Матерь исповедающим.

Пѣснь 4

Ирмос: Услышах Господи, славное Твое смотрение, и прославих, Человеколюбче, непостижимую Твою силу.

Тя, Богородице, стяжанием христиане помощь велию, от лютых бед нас исхити.

Неискусобрачная Владычице, яже Бога во утробе зачѣнши, напастей и печалей всех нас избави.

Слава: Непобедимую стѣну Тя, и державную надежду, Богородице, вернии стяжанием в напастех, Чистая.

И ныне: Молитву Твою, Владычице, яко тверд степенъ стяжавше, различных скорбей избавляемся.

Пѣснь 5

Ирмос: Свѣта Подателю, и вековъ Творче, Господи, во свѣте Твоихъ повелений настави нас: разве бо Тебѣ инога Бога не знаемъ.

Воплощенна из Тебѣ, Богородительнице, вернии познахом, без семени Сына рожденна, Бога истинна, и Человека естеством: темже Тя славимъ.

Под кровъ Твой и заступление, Пречистая, вернии всегда прибегающе верою, избавляемся Тобою, Богородице, всякаго тяжкаго нашествия.

Слава: Избави нас отъ напастей, и бури помышлений, Пречистая, всякаго гнева, всякаго греха, глада же и губительства, и вечнаго, Дево, мучения.

И ныне: Заступница наша и спасение и надежда Владычице, христианъ сущи, спаси любовью Тя присно верно воспевающихъ, Дево Всепетая.

Пѣснь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Иже волею вся содеваяй, в ложесна Неискусобращныя волею вселився, тлею болящя нетлением обогатив, яко Милосерд.

Вышша Вышнихъ Сил, и святѣйша еси, Всенепорочная, паче естества вмещши невместимое Слово в ложесна Твоя.

Слава: На пути жития заблужденнаго мя, и безпутиемъ часто падающа во гресехъ, Владычице, к покаяния стезямъ настави.

И ныне: Не презри, Чистая, мольбы наша, на Тя положшихъ надежду рабъ Твоихъ: прибежище бо Владычице, и душамъ очищение еси.

Таже, Господи помилуй, трижды. Слава, и ныне:

Седален, глас 2:

Слово без семени зачала еси, Сына же Единого Христа родила еси: Ты бо роди ново Отроча Зиждителя Твоего. Темъ Тя, Богородице, величаемъ.

Пѣснь 7

Ирмос: Образу златому на поле Дейре служиму, трие Твои отроцы небрегоша безбожнаго веления: посреде же огня ввержени, орошаеми пояху: благословенъ еси Боже отецъ нашихъ.

Отцу соестественна разумнаго Сына, силою Духа Пресвятаго воплотила еси Богоблагодатная Владычице. Сего убо непрестанно моли, ущедрити поющя: Благословенная, Яже Бога плотию рождшая.

Дево Чистая, неискусобращная, Святая Благословенная, падающихъ исправление, согрешающихъ избавление: спаси мя блуднаго, спаси, Сыну Твоему зовуща: Благословенная, Яже Бога плотию рождшая.

Слава: Пристанище твердо, представительница страшна, и стена неборима, в нуждахъ бедствующимъ, и обуреваемымъ в печали, и яже к

Сы́ну Твоему́ моли́твами, Богоро́дице су́щи, от многообра́зных искуше́ний спаси́ рабы́ Твоя́.

И ны́не: Яже Еди́но упова́ние, и по́мощь ве́рных, Богороди́тельнице, потщи́ся по́мощи рабо́м Твои́м, погружа́емым скорб́ми, отвсю́ду недоуме́емым, и в болезнех су́щым, и прибега́ющим к Тебе́ любви́ю души́.

Песнь 8

Ирмо́с: В пе́щь о́гненную́ ко отроко́м евре́йским снизше́дшаго, и пла́мень в ро́су прело́жшаго Бо́га, по́йте дела́ яко Го́спода, и превозноси́те во вся́ веки́.

Живы́й су́щий исто́чник, яко Во́ду жи́зни ро́ждши, ду́шу мою́ иста́явшую греха́ пла́менем, Де́во Богороди́це, ороси́, да Тя́ славлю́ во вся́ веки́.

Умерщвле́нных, и к пе́рсти сме́ртней и тле́нной сведённых, возста́вила еси́ Еди́на, Нача́льника жи́зни ро́ждши Христа́ Бо́га на́шего, Влады́чице Де́во Чи́стая и Благослове́нная.

Сла́ва: Изба́ви мя́, Влады́чице Чи́стая, ве́чнаго огня́ и осужде́ния, и изми́ мя от челове́к злотворя́щих, и ищущи́х за́пяти мне́: яко да ублажа́ю Тя́ при́сно, Ю́же вся́ тва́рь Божество́нно ублажа́ет.

И ны́не: В подо́бии пло́ти Пребоже́ственный из Тебе́ ви́ден бы́сть, Чи́стая Де́во: Его́же непреста́нно моли́, поми́ловати на́с в зло́бе живу́щих, и трепещу́щих ве́чнующаго муче́ния.

Песнь 9

Ирмо́с: От Бо́га Бо́га Сло́ва, неизрече́нною му́дростию, прише́дшаго обновити́ Ада́ма, я́дию в тле́ние па́дшаго лю́те, от Святы́я Де́вы неизрече́нно воплотивша́гося на́с ра́ди, ве́рнии еди́номудре́нно песньми́ велича́ем.

Человеколю́бия Божество́ннаго сподо́би мя́, Отрокови́це, Яже Еди́на Человеколю́бца Бо́га пло́ть от Тебе́ взаимова́вша, и неизглаго́ланно ро́ждшая, изба́ви мя́ бу́дущаго пла́мене, и му́ки вся́кия, любви́ю Тя́ славя́щаго.

Яко крѣпкую заступни́цу, яко наде́жду и стѣну́ и основа́ние, и покрóв твёрд, и непобеди́мо утвержде́ние, и небу́рно пристани́ще, и еди́нодержавное прибе́жище стяжавше́ Тя́ вси́ спаса́емся, Препѣ́тая.

Сла́ва: Детороди́тельнице Де́во, души́ моя́ обла́ки отжени́: и пода́й чи́сто узрѣти, Влады́чице, спаси́тельную до́броту, возсия́вшую неизглаго́ланно из Твоея́ Пресвяты́я утробы́, во свѣ́т язы́ков, Препѣ́тая.

И ны́не: Свѣ́т ро́ждшая Божество́нный, мно́гими страстьми́ наведе́ния помраче́нное се́рдце мое́, и помы́сл очужда́ющих, просвети́, Отрокови́це,

ка́плю ми́ подаю́щи при́сно слез, скве́рны греха́ Де́во, очища́ющую ми́.

Та́же, Досто́йно е́сть: и покло́н. Трисвято́е. По О́тче на́ш: тропа́рь, и
про́чее обы́чное, и отпу́ст.

Суббота

В суббóту ўтра

По 1-м стихослòвии, седа́льны мученичны. Глас 2:

Тебе́ одева́ющаго не́бо о́блаки и́муще святыи одея́ние в ми́ре, му́ки от беззако́нник претерпе́ша, и прелесть и́дольскую упраздни́ша. Те́х моли́твами и нас свободи́, Спа́се, от невидимаго врага́, и спаси́ нас.

Сти́х: Дивен Бо́г во святы́х Свои́х, Бо́г Израи́лев.

Апòстоли, мученицы и проро́цы, святы́телие, преподо́бнии и пра́веднии, до́бре по́двиг совершившии, и ве́ру соблю́дшии, дерзнове́ние и́муще ко Спа́су, о нас То́го яко́ Блага́ мо́лите, спастися́, мо́лимся, ду́шам на́шим.

Подóбен: Милосе́рдия су́щи:

И́же ме́ртвыми и живы́ми яко́ Бо́г облада́яй все́ми, вла́стию животода́вче, приими́ мо́ление ра́б Твои́х: покажи́ твое́ милосе́рдие, Человеколю́бче, и пода́ждь оставле́ние ду́шам, я́же предста́вил еси́ наде́жду в Тя́, благоутро́бия ра́ди яко́ благ.

Сла́ва, и ны́не, Богоро́дичен: Вся́ па́че смы́сла, вся́ пресла́вная Твоя́, Богоро́дице, та́инства, чистоте́ запечатанной и де́вству храни́му, Ма́ти позна́лася еси́ неложна́, Бо́га ро́ждши и́стиннаго: То́го моли́ спастися́ ду́шам на́шим.

По 2-м стихослòвии седа́льны, глас 2.

И́же просвети́вый святы́я Твоя́ па́че злата́, и просла́вивый преподо́бныя Твоя́ яко́ благ, от нихже умоле́н быва́я, христе́ Бо́же, жизнь на́шу умири́, яко́ Человеколю́бец, и моли́тву исправи́ яко́ кади́ло, е́дине во святы́х почи́вай.

Сти́х: Дивен Бо́г во святы́х Свои́х, Бо́г Израи́лев.

Страстоте́рпцы Госпо́дни, блаже́нна земля́ напивша́яся крове́й ва́ших, и святы́ храмы́ прие́мшии телеса́ ва́ша: на суди́щи бо врага́ обли́чисте, и Христа́ со дерзнове́нием пропове́дасте. То́го яко́ блага́ мо́лите спастися́, мо́лимся, ду́шы на́ша.

Сти́х: Блаже́ни, я́же избра́л и прия́л еси́ Го́споди.

Помяни́, Го́споди, яко́ благ, ду́шы ра́б Твои́х, и ели́ка в жити́и согреши́ша, прости́, никто́же бо безгре́шен, то́кмо Ты́ моги́й и предста́вленным да́ти поко́й.

Сла́ва, и ны́не, Богоро́дичен: Богоро́дице Де́во Мари́е, ро́ждшая Христа́ избави́теля и Спа́са, мо́лися то́го благосты́ни, со апосто́лы и мучени́ки, и проро́ки, с преподо́бными же и священномучени́ки, очи́щение грехо́в дарова́ти нам, и вели́ю милость.

Канон святым мучеником, святителем, преподобным и усопшым, [егоже краегранесие: Рабом Божиим ближним хвалу нося.] Творение Иосифово. Глас 2.

Песнь 1

Ирмос: Моисейскую песнь восприимши, возопий душе: Помощник и Покровитель бысть мне во спасение, Сей мой Бог, и прославлю Его.

Мученичен: Изгнания лютая, и уранения зельная, терпеливно подъясте страдалцы, всякую прелесть от конец силою Божественною отгнасте.

Святителем: Божии служителие, и святителие, светом мысленным облистаяще яве, к свету благочестия наставиша всех благочестивых исполнения.

Преподобным: Гордый ум смиривше преподобнии, к добрей земли преидосте: вознесеша же Божественными образы, и всем смиренным помогаете присно.

Слава, Покойн: Светлейшаго света, и вечнаго веселия, яви причастники яко Бог, яже преставил еси от привременных, рабы Твоя верныя, преблагий Боже наш.

Богородичен: Пощением крепко подвигшися, и терпеливно низложиша врага честныя жены, Тебе Богородительнице предстоят радуящися.

Другий канон усопшым поется на ряду, идеже несть минеи, [егоже краегранесие: Умершым второе соплетая пение.] Глас 2.

Песнь 1

Ирмос: Непроходимое волнящееся море, Божиим Своим велением изсушившему, и пешешествовати сквозе е Израильтеския люди наставльшему, Господеву поим, славно бо прославися.

Припев: Дивен Бог во святых Своих, Бог Израилев.

Смертию Твоею поправ смерть, Божественныя жизни источил еси присносущие: еже подаждь, Блаже, душам усопших, мученик Твоих мольбами, оставление прегрешений даруя.

Припев: Упокой, Господи, души усопших раб Твоих.

Иже богатую милость присно источая, благочестно присно приемлющым Тя, в дому Твоем, Христе, в дивней Твоей скинии, место ослабления подаждь, Владыко, рабом Твоим, яко благоутробен.

Слава: Крепчайший на смерть был еси Христе: темже ту связав, нас избавил еси, и ныне избави от сея тления (темницы) усопшья, яко Благ, и Твоего сияния причастие даруй.

И ныне: Утвердши колеблемый ум мой, Мати Божия, укрепи

Божественными повеленьми, Рождшагося из Твоего освященнаго чрева, и упраздннвшаго, Владычице, адово мрачное царство.

Песнь 3

Ирмос: Неподродствовавший мой ум, плодороден Боже покажи ми, делателю добрых, насадителю благих, благоутробием Твоим.

Разжегшися огнем любви Христовы, о страстотерпцы, мук разжжения угасисте, орошением вседетелья духа.

Святейшии Христовы святителие, и честнии преподобных собори, о всех нас Человеколюбца Бога умолите.

Священнейший лик Божественных пророк возвеличися, и жен множество пострадавших крепко, славу уллучиша.

Слава: Умертвився Христе на кресте, даровал еси умершим безсмертие: егоже уллучити сподоби, к Тебе отшедшыя верою.

И ныне: Со всеми пророки, и женами священными, ныне прилежно Бога моли Дево рождшагося из Тебе, ущедрити нас.

Ин

Ирмос: На камени мя веры утвердив, разширил еси уста моя на враги моя, возвесели бо ся дух мой, вегда пети: несть свят, якоже Бог наш, и несть праведен, паче Тебе, Господи.

Твоя красота сиянием озарится в вере усопшым благоволи, с мученики Твоими, иже богатый в милости: Ты бо еси Бог наш, и несть праведен паче Тебе, Господи.

На месте прохладения, в недрах Авраамовых, избраннаго Твоего, сподоби водворятися рабом Твоим, яко щедр, Тебе вопиющим: Ты бо еси Бог наш, и несть праведен паче Тебе, Господи.

Слава: В чертозах небесных водворятися, с мудрыми девами совшедшими, Владыко, прими рабы Твоя священосцы, ихже преставил еси Твоею волею от временных, Едине Человеколюбче.

И ныне: Умерщвлена мя и к земли возвращена воздвигнула еси, рождши Жизнодавца, и возвела еси мя из ада преисподнейшаго, Богородицу Тя верою славящаго, и почитающаго Пречистая, Тебе всепетую.

Песнь 4

Ирмос: Еже от Девы Твое Рождество пророк предзря возпроповедаше вопия: слух Твой услышах, и убояхся, яко от юга, и из горы святых, приосененныя, пришел еси Христе.

Иже Христовым страstem Богославнии страстотерпцы уподобльшися добре, распростираеми радовахуся многими муками, на вечная воздаяния взирающе: ихже получивше ублажаются присно.

Зако́ны соблюда́юще Ду́ха, первосвященни́цы премудре́нно упасо́сте лю́ди, яко́ кормчи́и преизрядни́и на Божество́нне приста́нищи, и преложи́вшеся от житейских мо́лв, к ти́шине преидо́сте живо́та.

На земли́ пришельцы́ яви́стеся, преложи́вше отцы́ жи́знь ва́шу на небеса́, яко́же пишет, благочестномудре́нне, и плотскія́ страсти́ обузда́вше боле́зными́ воздержания́, си́лою Христо́вою.

И́хже превел еси́ Влады́ко, от вре́меннаго житія́ мно́гочисленное мно́жество, в правосла́вней послужившы́я тебе́, Сло́ве, ве́ре, все́х спаса́емых мно́жеством сочета́в, ве́чнаго сподо́би живо́та.

Сла́ва: Ме́ртвости Божество́нныя жела́юще, жи́знь безконечную́ ходата́йствующе вои́стинну, тобо́ю, Пречи́стая Влады́чице Богороди́тельнице, честны́я жены́ сподо́бишася тоя́, моля́ще Сы́на Твоего́ и Бо́га о нас.

Богороди́чен: Го́ру присенную́ зри́т Тя́ добродетельми́, проро́к Авваку́м, Богороди́це, из нея́же яви́ся Бо́г неизрече́нно, добродетели́ю покрыв небеса́, и ро́д челове́ческий из и́стления́ спасы́й.

И́н

Ирмо́с: Пою́ Тя, слухом бо, Го́споди, услы́шах и ужа́сохся, до мене́ бо и́деши, мене́ ищя́ заблуждшаго. Те́м мно́гое Твое́ снизхожде́ние, е́же на мя́, прославля́ю, Многоми́лостиве.

Упованием и любо́вию пожившы́я, и умом правосла́вным, я́же па́че ума́ сла́вы Твоея́ сподо́би рабы́ Твоя́, Христе́, мно́гим Твоим человеколю́бием, и избра́нных мучени́к мо́льбами.

Яко́ имы́й сла́дости приснотеку́щий пото́к, присно напо́яеши избра́нныя, Го́споди: с ними́же и ны́не предста́вленныя Христе́ к Тебе́, неизрече́нным Твоим милосе́рдием пита́еши при вода́х оставления́.

Сла́ва: Ты́ живы́ми господству́еши, Влады́ко, и ме́ртвыми владе́еши. Ты́ в земли́ пе́рсть су́щую си́лою Твоею́ воскреси́ши. Те́мже к Тебе́ преше́дшыя во дво́рех Твоих, Спа́се, всели́.

И ны́не: Исцели́ла еси́ Е́вино сокруше́ние, и дре́внее окая́нство: Зижди́теля бо роди́ла еси́, могу́щаго испра́вити нас прегреше́нными поверже́ных, Богороди́тельнице едина́ Ма́ти Дево́.

Пе́снь 5

Ирмо́с: Мглу́ ду́ши моея́ Спа́се мой разгна́в, све́том за́поведей Твоих оза́ри мя, яко́ един Ца́рь ми́ра.

Тебе́ возлюбивше́, Ще́дре, возненави́деша все́я ми́рская́, до́блии страстоте́рпцы, приме́сившеся му́кам, отверже́нием плоти́.

Святители́е, проро́цы, преподо́бнии богоно́сцы, духо́вными луча́ми просвеща́ете ми́р, тьму́ разоря́юще страсте́й.

Преподобнии отцы, пророцы и первосвященницы, и приснославныя жены, о нас Тебе Владыце всех молятся прилежно.

Слава: Молим Тя, Слове, ихже от нас приял еси, лику избранных Твоих сопричтав, причастники покажи лучшаго живота.

И ныне: Пречистая Дево Мати, похвало мучеников, и преподобных и праведных, от всякаго изми нас мучительства лукаваго.

Ин

Ирмос: Света Подателю, и веков Творче, Господи, во свете Твоих повелений настави нас: разве бо Тебе иного Бога не знаем.

Умерщвленных нас, и положеных во тли, возвел еси от мрачных адовых сокровищ, и восхитил еси, Блаже, и сочетав святых ангел воинством.

За еже спасти нас яко пришел еси Христе прими ныне иже благочестно к Тебе преставленные, яко един благ, на лонех Авраама, и с Лазарем тех всели.

Слава: Разрешил еси, Владыко, летную мою и долгую брань, Тебе прежде ходатаю, и молитвеннику примирения бывшу: и ныне Твоя рабы ущедрив упокой.

И ныне: Под кровом Твоим, Мати Божия, иже надеющиеся на Тя спасаются: Жизнодавца бо родила еси нам, животворящаго вся волею.

Песнь 6

Ирмос: Во глубине греховней содержим есмь, Спасе, и в пучине житейстей обуреваем: но якоже Иону от зверя, и мене от страстей возведи, и спаси мя.

Крепостию сердца страдальцы противу врагу ополчившися, того низложиша, и прияша победы венцы от Бога: и ныне прилежно молятся о всех земнородных.

Божия святители почтим верно, и преподобныя Его ублажим, спасаеми мольбами их, от всякаго гнева и скорби, и вражия навета.

Пострада жен Божественный лик, и в посте Богу угоди, и получи Царство Небесное: тех молитвами ущедри Боже твой мир.

Слава: Иже создавый Жизнодавче Христе человека от земли, ихже о нас преставил еси упокой, оставление подая им злых, яко Милосерд и Человеколюбец.

И ныне: Святаа Богородице, освяти наша помышления, и ум укрепи, и спаси нас от стрел лукаваго неузвленных, славящих, Всепетая, Твоя величия.

Ин

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Неизреченныя, и Божественныя светлости, идеже мученичестии лица, сподоби, яже от земли преставил еси, вседетельною Твоею волею Человеколюбче.

Слава: Озаритися добротою славы Твоея сподоби, оставльшыя житие, и к свету Твоему неизреченному, Владыко, прешедшыя упокой.

И ныне: Избавляющи усердно явися призывающыя Тя, Пречистая Владычице, яже Бога рождающая животом и смертию обладающая.

Песнь 7

Ирмос: Херувимы подражающе отроцы в печи, ликовствоваху вопиюще: благословен еси Боже, яко истиною и судом навел еси сия вся грех ради наших: препетый, и препрославленный во вся веки.

Терпением низложиша святии врага, терпяще всяко искушение лютых мучений, яко воистинну Бога возлюбиша пострадавшего за грехи наша. Тех молитвами спаси всех нас, Слове, от напастей и бед, Тебе славящих.

Светозранныи святителие, и преподобнии и пророцы и священномученик достославное множество, и жен святых священное сословие, во страдании и в посте возсиявшее мужески: присно о нас моления творите к Богу, яко да помилует нас.

Мученик множество молит Тя, Христе Благодателю, от всех печалей, и скорбей, и лютых напастей, и всех прегрешений, и от вреда спаси мя, Слове, погибшаго.

Слава: Отнюдуже болезнь отбеже, и воздыхание и печаль, идеже свет сияет Твоего лица, Христе: и идеже святых соборы ныне ликуют. Учини всех преставльшихся души к Тебе, Человеколюбче, прегрешения их вся презрев, яко един милостив.

И ныне: С мученики, Пречистая, и с преподобными отцы и пророки всеми, со святыми женами во святых Единого Почивающего умоли, всех освятити нас, святыми гласы Тя славословящих, Чистая, во вся веки.

Ин

Ирмос: Богопротивное веление беззаконующаго мучителя, высок пламень вознесло есть: Христос же простре Богочестивым отроком росу духовную, Сый благословен и препрославлен.

Иже везде сый, низшел еси Господи, еже спасти иже древле прельщаемый человек род. Темже Тя мученицы молят: сих яже преставил еси от земли, в земли кротких, Спасе, упокой.

Мертвости умерщвление оттрясл еси в мертвых свободь быв, сам един Христе: и ныне умерщвления греховнаго владыко избави рабы Твоя, являя их наследники Царствия Твоего.

Слава: Многим Твоим и неизреченным милосердием, и неизмерною

бездною человеколюбия Твоего, Христе, прегрешений убо оставление преставленным даждь, и благодатию Твоею очищены сих яви.

И ныне: Свѣтильникъ была еси Божественная славы, сияние носящи Дѣво дѣхомъ, и плотию намъ являшагося, и адову мглу свѣтлостію Божества Своего потребльша, Богорадованная.

Пѣснь 8

Ирмосъ: В купинѣ Моисею Дѣвы чѣдо, на Синайстей горѣ Прообразившаго иногда, пойте, благословите, и превозносите во вся вѣки.

Течѣние крове ваша, страсотѣрпцы Господни, освяти всю тварь, и изсуши яве излиianie прѣлести, и вѣрныхъ души напои богато.

Явился ликъ постнический, святителей же соборъ и женъ святыхъ, и пророкъ славныхъ, единосѣстенъ ангеломъ, ангельски на земли дѣхомъ поживше.

Избавите всехъ насъ страстотѣрцы Господни, первосвященницы, и пророцы, и преподобныхъ множество, и женъ святыхъ, от стрѣлъ вражиихъ, васъ восхваляющихъ.

Слава: Ихже от насъ Спасе приялъ еси, в недрахъ Авраамовыхъ учини, и со всеми избранными упокой, подавая греховъ ихъ всемъ разрешѣние, яко Всещедръ.

И ныне: Богородительнице Чистая, со всеми святыми пророки, и мученики, и преподобными, и святыми женами, и священномученики, ущедрити насъ Спаса моли.

Ин

Ирмосъ: Пещь иногда огненная в Вавилоне дѣйства разделяше, Божиимъ велѣниемъ халдеи опаляющая, вѣрныя же орошающая, поющыя: благословите вся дѣла Господня Господа.

Показал еси намъ враговъ смѣрть, схождѣниемъ Твоимъ яко безсмѣртен: Божественною же силою Твоею, входы явил еси живота, Безсмѣртне, егоже мученицы Твои ныне достойно получиша.

Доброты умныя Твоея насладитися преставленнымъ сподоби, студъ грѣха злообразнаго очищая, яко Человеколюбецъ: единъ бо ты, Владыко, явился еси грѣха отчужденъ.

Слава: Исправил еси насъ Христе, падшыя в пѣрсть смѣртную, смѣртію Твоею животъ даруя, и пищу безконѣчную, и радость присносущную, еяже ныне преставленные сподоби, яко милостивъ.

И ныне: Вѣлія и страшна естъ тайна Богомати Твоего рождества: Бога бо родила еси, егоже смѣрть не претерпѣ, и гробъ не растли. Темже Тя, Пречистая, вси языцы славимъ.

Пѣснь 9

Ирмосъ: Преестественно плотию зачѣншую во чреве, от Отца безлѣтно предвозсиявшее Слово, в пѣсняхъ немолчныхъ величаемъ вѣрнии.

Кре́пцы на стра́сти, си́льни на враги́ явльшеся страсотер́пцы: взя́сте побéду постра́давше законно, и венча́стеся от Бо́га.

Яко́ Бо́жии священноде́лателие, и па́стыря до́браго подо́бницы б́ывше, упасо́сте того́ овцы́ преподо́бне, первосвященни́цы Богославнии.

С преподо́бными, постники́, и проро́ки священными́, почти́м же́н постра́давших мно́жество и постом низложивших врага́.

Сла́ва: Пресла́вное мно́жество святы́х Твои́х, Христе́, непреста́нно мо́лят Тя: ихже предста́вил еси́ в ве́ре, Го́споди, причастники яви вéчнаго живота́.

И ны́не: Щедролюби́ваго Бо́га ро́ждшая плóтию, со святы́ми все́ми моли́ того́ присно, от бе́д нас спасти́, Ма́ти Де́во Чи́стая.

Ин

Ирмо́с: Я́же пре́жде Со́лнца Свети́льника Бо́га возсия́вшего, плóтски к нам прише́дшаго, из бо́ку Де́вчу неизрече́нно воплотившая, благослове́нная Всечи́стая, Тя, Богороди́це, велича́ем.

Име́яй вла́сть живыми́ и ме́ртвыми живота́ Нача́льниче, от земли́ к Тебе́ преше́дшым, насле́дие небе́сное пода́ждь, Влады́ко, и све́тлость святы́х, и пресла́вных страсотер́пец Твои́х.

Сло́во сый, е́же дрéвле бы́ти ми́ пода́я живонача́льнейшее, и е́же до́бре бы́ти па́ки да́руя, в не́дрех желáнных Авраа́ма праотца́, предста́вльшеся рабы́ Твоя́, яко́ милостив всели́.

Сла́ва: Ве́сь еси́ Спа́се мой сла́дость светови́днейшая, ве́сь еси́ желáние ненасыща́емое: пото́ки Твое́я пи́щи, и водо́ю оставле́ния усопшы́я напо́й, непреста́нно Тебе́ сла́влящия.

И ны́не: Тя Богороди́це, досто́йно ве́рнии ны́не ублажа́ем, богодохнове́нным словесе́м Твои́м последую́ще: Ты́ бо едина́ земным Бо́га родила́ еси́, сме́рти разо́ршаго си́лу, Ма́ти Де́во.

Та́же, Досто́йно е́сть: Е́ктения́, и свети́лен дне́ и псалмы́ обы́чны.

На хвалитех стихи́ры му́ченичны, глас 2:

По Христе́ постра́давше да́же до сме́рти, о страсотер́пцы му́ченицы, ду́шы́ убо́ имате на небе́сах в руце́ Бо́жией, и по ми́ру все́му́ почита́еми су́ть мо́щи ва́ша. Святители́е покланя́ются, и лю́дие все́, ра́дующеся, согла́сно вопие́м: со́н че́стен пред Го́сподем сме́рть преподо́бных Его́.

Вся́к град и страна́ чтут мо́щи ва́ша, о страстоно́сцы му́ченицы: вы́ бо законно́ постра́давше, венцы́ небе́сныя прия́сте, и сего́ ра́ди святителе́м е́сте похва́ла и Це́рквам благоле́пие.

Кре́ст Христо́в взе́мше святии́ му́ченицы, ору́жие непобе́димое, всю́ диа́волу си́лу упраздни́ша, и прия́ша венцы́ Небесны́я, стена́ нам бы́ша, о нас присно моля́щеся.

Мёртвен: Увы́ мне, коли́к подвигъ имать душа́ разлуча́ющися от телесе́! Увы́ мне, тогда́ коли́ко слезит, и несть́ иже помилует ю! Ко́ Ангеломъ о́чи возводя́щи, безде́льно мо́лится: к челове́комъ ру́це простира́ющи, и не имать помога́ющаго. Те́мже возлю́бленная моя́ братие, разуме́вше кра́ткую на́шу жизнь, преста́вленным поко́я от Христа́ просим, и душа́м на́шим вели́я милости.

Сла́ва, и ны́не, Богоро́дичен: Прииди́те, Ма́терь Све́та пе́сньми немол́чными вси́ просла́вим, та́ бо роди́ спасе́ние на́ше: и ра́дуйся принесе́м, я́ко еди́ной ро́ждшей все́х нача́льнейшаго, иже пре́жде векъ Бо́га. Ра́дуйся, я́же Е́ву ро́ждшую па́ки назда́вшая, ра́дуйся Пречи́стая Де́во Неискусобра́чная.

На стихо́вне стихи́ры поко́йны, гла́с 2:

Подобен: Егда́ от Дре́ва Тя́:

Стремле́ние сме́ртное и тлю́ Твоею́ живоно́сною сме́ртию низложи́л еси́, Влады́ко: все́м же источи́л еси́ живо́т ве́чный, и земны́м уме́ршым воста́ние дарова́. Те́мже мо́лимся Тебе́, Спа́се: и́же ве́рою к Тебе́ преста́вльшы́яся упоко́й, и нетле́нной Твое́й сла́ве сихъ сподо́би, Человеколю́бче.

Сти́х: Блаже́ни, я́же избра́л и прия́л еси́ Го́споди.

Да челове́ки о́бщники́ Божество́ннаго твоего́ Ца́рствия соде́лаеши, Христе́, распя́тие претерпе́л еси́, и сме́рть во́льную прия́т. Сего́ ра́ди мо́лимся: Твои́м милосе́рдием прича́стники яви́ Ца́рствия Твоего́, ве́рою к Тебе́ преста́вльшы́яся, и сла́дкия добро́ты Твоея́ сихъ сподо́би, Человеколю́бче.

Сти́х: Ду́шы ихъ во благо́их водворя́тся.

Спасти́ Твое́ создани́е восхотев, смотре́ния же вои́стинну стра́шное таи́нство, ра́дуясь соверши́л еси́ я́ко преблагий: и це́ною́ искупи́л еси́ ве́сь ми́р честною́ Твоею́ кро́вию. Те́мже мо́лимся: и́же ве́рою к Тебе́ преста́вльшы́яся, со все́ми святы́ми изба́вления сподо́би.

Сти́х: И па́мять ихъ в родъ и родъ.

Гро́зному, трéпетному, и стра́шному престо́лу Твоему́, Христе́, предстоя́ще, я́же от века́ уме́ршии ожида́ют праведна́го изрече́ния Твоего́, и Божество́нное прие́млют правосудие. Тогда́ убо́ упоко́й, Спа́се, рабы́ Твоя́, ве́рою к тебе́ преста́вльшы́яся, иде́же святы́х лица́, и ра́дость е́сть неизглаго́ланная.

Сла́ва, и ны́не, Богоро́дичен: Егда́ плотска́го сою́за хо́щет душа́ моя́ от жития́ разлучи́тися, тогда́ ми предста́ни, Влады́чице, и безплотныхъ враго́в сове́ты разори́, и сихъ челю́сти сокруши́, ищущихъ пожре́ти мя неща́дно: я́ко да невозбра́нно пройду́ на возду́се стоя́щья князи́ тьмы, Богоневе́стная.

Та́же, Бла́го е́сть испове́даться Го́сподви: ча́с 1-й, и отпу́ст.

В суббóту блаже́нна, гла́с 2:

Гла́с Ти́ прино́сим разбо́йничь, и мо́лимся: помяни́ нас, Го́споди, во Ца́рствии Твоём.

Сти́х: Блаже́ни изгна́ни пра́вды ра́ди, я́ко те́х е́сть Ца́рство Небе́сное.

Христо́вым страсте́м уподо́бльшеся му́ченицы, страсти челове́ския различны́я при́сно исцеля́ете.

Сти́х: Блаже́ни есте́, егда́ поно́сят ва́м: и изжену́т, и реку́т вся́к зóл глаго́л, на вы́ лжу́ще Мене́ ра́ди.

Со проро́ки, апо́столы, со преподо́бными учи́тели, соде́телю все́х до́бре угоди́ша.

Сти́х: Ра́дуйте́ся и весели́те́ся, я́ко мзда́ ва́ша мно́га на небесе́х.

Со все́ми святы́ми Твои́ми, я́ко Человеколю́бец Го́споди, вся́ и́же ве́рою преста́вльшы́яся, учини́ рабы́ Твоя́, мо́лимся.

Слава: О Трои́це пресу́щная, чту́щих Тя́ уще́дри, от преле́сти вра́жия и се́тей, все́х избавля́ющи при́сно.

И ны́не: Мо́льбы́ ра́б Твои́х не презри́, Всенепоро́чная, спаса́ющи нас от вся́ких бе́д и скорбе́й.

Коне́ц второ́му гла́су.

Глас 3

Суббота

В суббóту вéчера, на мáлей вechérни

на Гóсподи воззвах, стихиры воскресны 3, повторяюще пёрвую. Глас 3.

Стих: От стражи утренняя до нощи, от стражи утренняя, да уповаёт Израиль на Гóспода.

Твоим Крестом, Христé Спасе, смёрти держава разруши́ся, и диаволя прелесть упраздни́ся: род же человеческий верою спасаемый, пёснь Тебе всегда приносит.

Просвети́шася всяческая Воскресением Твоим, Гóсподи, и рай паки отворёся: вся же тварь восхваляючи Тя, пёснь Тебе всегда приносит.

Сла́влю Отца́ и Сы́на силу, и Свята́го Духа пою́ власть, нераздельное несозданное Божество, Троицу Единосу́щную, царствующую в век века.

Сла́ва, и ны́не, Богоро́дичен, догмáтик. Глас 3:

Превели́е чúdo: Дéва рóждшая, и рóждённое Бóг прёжде век, предъявленное рождение, и совершенное паче естества. О таинства страшнаго! еже и мыслимое неизречённо пребывает, и зримое не поёмлется. Блаженна Ты еси́, Пречистая Отроковице, Адама земнаго Дщи́, и Бóга Вышняго являющаяся Мати: Того́ моли, спаси́ся душам нашим.

Та́же, Свете тихий: Посём проки́мен: Гóсподь воцарис́я: три́жды.

Стих: Облечёся Гóсподь в силу, и препоясася. **Та́же,** Сподоби Гóсподи в вечер сей: **Иерей же ектений не глаголет, но поём на стиховне стихи́ру воскресну, глас 3:**

Страстию Твоею́, Христé, омрачивый со́лнце, и светом Твоего́ Воскресения просветивый всяческая, прими́ нашу вечернюю пёснь, Человеколю́бче.

Та́же 3 Богоро́дичны подобны. Глас 3.

Стих: Помяну́ имя твоё во всяком роде и роде.

Ковчег Тя умный, Чистая, вемы́, носящий скрижали́ Богописанныя, нам же Законоположителя́ и Создателя́: Ему́же моли́ся спаси́ся душам нашим.

Стих: Слы́ши, Дщи́, и ви́ждь, и приклони́ у́хо Твоё.

На земли́ Тя небо, Чистая, показа́, И́же во утробе Твоей всели́выйся Бóг Слово, плóть приим, И́же естеством незримый: и дожди́ши всём бессмертную рóсу, Неискусобрачная.

Стих: Лицу́ Твоему́ помоля́тся богáтии лю́дстии.

Спасение молитвами Твоими́ има́мы, и́же те́ми, Дéво, от бед при́сно и искуше́ний бу́ри избега́ем: и сего́ ра́ди про́сим непреста́нно о нас еже молити, спаси́ся душам нашим.

Слава, и ныне, Богородичен. Глас 3:

Паки наздание и живот Тобою вторый вемы, Пречистая Марие, человеческого естества, во чреве Твоем смесившагося Создателя твари, и воскресившаго нас от ада и смерти, и жизнь вечную подавшаго нам, еже вопити Тебе, Приснодево: радуйся, совокупившая дольная небесным. Радуйся, надеждо всех концев земли, и предстательство и заступление. Радуйся, яже Воскресением Сына Твоего просветивши всяческая, и подаючи миру велию милость.

Таже, Ныне отпущаеши: Трисвятое. И по Отче наш: тропарь воскресен. Слава, и ныне, Богородичен его, и отпуст.

В субботу на велицей вечерни

на Господи, возвах поставим стихов 10, и поём стихиры воскресны, глас 3.

Стих: Изведи из темницы душу мою, исповедатися имени Твоему.

Твоим Крестом, Христе Спасе, смерти держава разрушися, и диаволя прелесть упразднися: род же человеческий верою спасаемый: песнь Тебе всегда приносит.

Стих: Мене ждут праведницы, дондеже воздаси мне.

Просветишася всяческая Воскресением Твоим, Господи, и рай паки отверзется: вся же тварь восхваляючи Тя, песнь Тебе всегда приносит.

Стих: Из глубины возвах к Тебе, Господи, Господи, услыши глас мой.

Славлю Отца и Сына силу, и Святаго Духа пою власть, нераздельное, несозданное Божество, Троицу единосущную, царствующую в век века.

Ины стихиры Анатолиевы, глас тойже.

Стих: Да будут уши Твои внимлюще гласу моления моего.

Кресту Твоему честному поклоняемся, Христе, и Воскресение Твое поём и славим: раною бо Твоею мы вси исцелехом.

Стих: Аще беззакония назириши, Господи, Господи, кто постоит? Яко у тебе очищение есть.

Поём Спаса от Девы воплощагося: нас бо ради распятыся, и в третий день воскресе, даруя нам велию милость.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Сущим во аде сошед Христос благовести: держайте, глаголя, ныне победих, Аз есмь Воскресение, Аз вы возведу, разрушив смертная врата.

Стих: От стражи утренния до нощи, от стражи утренния, да уповает Израиль на Господа.

Недостойно стояще в пречистом дому Твоем, вечернюю песнь возсылаем, из глубины зывающе, Христе Боже: просветивый мир тридневным воскресением Твоим, изми люди Твоя от руки врагов Твоих, Человеколюбче.

Ины стихиры Пресвятей Богородице. Творение Павла Аморрейскаго, поём их, идеже несть Миней. Глас 7.

Подобен: Днесь бдит Иуда:

Стих: Яко у Господа милость, и многое у Него избавление: и Той избавит Израиля от всех беззаконий его.

Милостива, благопробытна мне, Дево, и благопослушна явися

призывающую Божественную Твою благодать во всех воистинну случающихся ми ся: всю бо надежду души моея возложих к Тебе, и во всех уповаю на Божественный промысл Твой, Ты и будущия мя славы, и живота Божественного сподоби.

Стих: Хвалите Господа, вси языцы, похвалите Его, вси людие.

Углие во мне, Богородице, страстей моих возгорешася, от гнева же и ярости, от пьянства и блуда, от сребролюбия и жестости сердца, умерщвления лютаго, от уныния и смущения, от тщеславия же и попраiania совестнаго, от нихже избави душу мою, молюся, Владычице, и спаси мя.

Стих: Яко утвердися милость Его на нас, и истина Господня пребывает во век.

Вси чистою совестью Богородице припадём, вопиюще непрестанно от среды сердечныя: Владычице святая, спаси всех от гнева и озлобления, бед и падежей: яко Тебе стяжахом стёну, и утверждение, Тобою спасаеми под кров Твой притекающе.

Слава, и ныне, Богородичен: Како не дивимся Богомужному Рождеству Твоему, Пречестная? Искушения бо мужескаго не приемши, Всенепорочная, родила еси без отца Сына плотию прежде век от Отца рождённого без матери, никакоже претерпевшаго изменения, или смешения, или разделения, но обою существу свойство цело сохраняшаго. Темже, Мати Дево Владычице, Того моли спастися душам, православно Богородицу исповедающих Тя.

Таже вход с кадиллом. Свете тихий: Прокимен и ектений.

На стиховне стихиры воскресны, глас 3:

Страстию Твоею, Христе, омрачивый солнце и светом Твоего Воскресения, просветивый всяческая, прими нашу вечернюю пёснь, Человеколюбче.

По алфавиту:

Стих: Господь воцарися, в лепоту облечёся.

Живопримное Твое востание, Господи, вселенную всю просвети, и Твое создание истлевшее призва. Темже клятвы Адамовы изменшеся, вопием: всесильне Господи, слава Тебе.

Стих: Ибо утверди вселенную, яже не подвижится.

Бог сый неизменен, плотию стражда изменился еси, Егже тварь не терпящи всяща зрети, страхом прекланяшеся, и стеньщи поёт Твое долготерпение: сошед же во ад, тридневен воскрёсл еси, жизнь даруя миру, и велию милость.

Стих: Дому твоему подобает святыня, Господи, в долготу дний.

Да род наш от смерти, Христе, избавиши, смерть претерпел еси: и

триднѣвен из мѣртвых воскрес, с Собою воскресил еси, иже Тя Бога познавших: и мир просветил еси. Господи, слава Тебе.

Слава, и ныне, Богородичен: Без семене от Божественнаго Духа, волею же Отчею зачала еси Сына Божия, от Отца без матери прежде век суща: нас же ради, из Тебе без Отца бывша, плотию родила еси, и младенца млеко питала еси. Темже не престай молити, избавитися от бед душам нашим.

Таже, Нине отпущаеши: Трисвятое. По Отче наш:

Тропарь воскресен, глас 3:

Да веселятся небесная, да радуются земная: яко сотвори державу мущею Своею Господь, попрал смертию смерть, Первенец мертвых бысть, из чрева адова избави нас, и подаде миру велию милость.

Слава, и ныне, Богородичен: Тя ходатайствовавшую Спасение рода нашего, воспеваем, Богородице Дево: плотию бо от Тебе восприятою Сын Твой, и Бог наш, Крестом восприим страсть, избави нас от тли яко Человеколюбец.

В субботу на повечерии

канон Пресвятей Богородице. Глас 3

Песнь 1

Ирмос: Воды древле, манием Божественным, во едино сонмище совокупивый, и делимый море Израильтеским людем, Сей Бог наш, препрославлен есть: Тому Единому поим, яко прославися.

Яко Матерь Божию Тя Духом Божественным, Отца же благоволением явльшуюся, вернии песньми чистыми венчаим, Пречистая Богоневесто: и целуем Тя пеньми со Архангелом, во спасение наше.

От ребр убо Адамовых созидается Ева, древним богозданием: от утробы же Богородицы явися Христос, сый Бог наш, вочеловечься непреложно, временен бысть Превечный.

Слава: Иже Евину утробу осуждь в печалех, родити плоды в болезни, во чрево Твое вселися, Дево Чистая, сый Бог наш, плотию явися паче слова, и праматерний разреши долг.

И ныне: В нечаяния глубину впадше тяготами, прилежно зовем, Богородительнице, к Тебе: Владычице, помози потопляемым делы лукавых прегрешений, Тя бо Едину имама надежду по Бозе.

Песнь 3

Ирмос: Иже от не сущих вся приведый, Слово созидаемая, совершаемая Духом, Вседержителю Вышний, в любви Твоей утверди мене.

Тя проявляше жезл Ааронов, без напоения процветший, Богородице Пречистая, без семене рождши воплощагося Бога непременно.

Божественный огонь Тя носящу, яко светильник, Пречистая, провиде пророк Духом, благоухание носящую сущым в мире, и жизнь вечную.

Слава: Ко Архангелу приступим Гавриилу, радуйся, вещающе Дево песньми: Тобою бо разрешитя осуждения прадедня клятва.

И ныне: Тя, Пресвятая Богородице, яко стену спасения имуще грешнии спасаемся: не презри, Владычице, и не посрами наша моления.

Песнь 4

Ирмос: Положил еси к нам твердую любовь, Господи, Единороднаго бо Твоего Сына за ны на смерть дал еси. Темже Ти зовем благодаряще: слава силе Твоей Господи.

Гору мысленную, добродетелей сень, Духом древле Аввакум боговидно Тя виде, проповедаше, Пречистая: яко от юга пришедша от Тебе Слово плоть приемша.

Гору Тя велию несекому Даниил Духом виде, не новосекому являя

чистоту́ дѣвства Твоего́, Влады́чице: от нея́же ка́мень усече́ся, Хри́сто́с Сло́во, лести низлага́я идо́льския.

Сла́ва: Го́ру Тя́ Дави́д чу́дну и ту́чну прорече́: Еди́норо́дны́й бо от Отца́ Сы́н в Тя́ благово́ли, Чи́стая, вселити́ся воплоща́емь. Те́м Ти́, ра́дуйся, Ду́хом зове́м.

И ны́не: Вся́ благая́ и те́плая засту́пница су́щи грѣшником и смире́нным, Богороди́тельнице Пречи́стая Влады́чице, от бе́д, и скорбе́й, и грехо́в спасай рабы́ Твоя́.

Пѣснь 5

Ирмо́с: Я́ко ви́де Иса́иа о́бразно на престо́ле превознесе́на Бо́га, от а́нгел сла́вы до́рино́сима, О́ окаянны́й, вопия́ше, аз: прови́дех бо воплоща́ема Бо́га, Све́та Невече́рня, и ми́ром влады́честву́юща.

Израсти́ же́сл Иессее́в цвѣт неувяда́емь, Де́ва Мари́а Бо́га Безнача́льнаго, без се́мене, от Ду́ха Божѣ́ственнаго и О́тча, ца́рства держа́вная язы́ческая облада́вшаго, на Не́гоже язы́цы упова́ша.

Кня́зь ми́рный при́иде на престо́л Дави́дов, ца́рствуя из Тебе́, Богороди́це, Бо́г воплоща́емь: О́ чу́до! И бра́нь разре́ш, потче́ князи моави́тския, и Тебе́ ро́ждшую Цари́цу показа́.

Сла́ва: Непоро́чную Твою́ добро́ту, от Нея́же Хри́сто́с в плоть облече́ся без се́мене, Де́во, Иса́иа явля́я, зоветъ вопия́: Госпо́дь сла́вы гряде́т на обла́це ле́гце, и преле́сти тьму́ отгона́я, просвети́т нас.

И ны́не: От Ду́ха Свя́та заче́нши Сло́во Еди́носу́щное Отцу́, Де́во Си́е роди́ла еси́ во дву́ Естество́у су́ща, Бо́га соверше́нна и соверше́нна Чело́века: е́гоже ве́рою почита́ем плото́ское явле́ние.

Пѣснь 6

Ирмо́с: Бе́здна послѣ́дняя грехо́в обы́де мя́, и исче́зает ду́х мой: но простры́й, Влады́ко, высо́кую Твою́ мы́шцу, я́ко Петра́ мя́, Управите́лю, спаси́.

О́др Тя́ пѣсньми премудры́й преднапи́сует, Все́пѣтая, на Не́мже почи́ Бо́г воплоща́емь во Ипосто́си из Тебе́, и просла́ви Тя́, несме́сно ра́ждаемь.

Бы́сть Сло́ву я́ко избра́нная, Де́во Все́пѣтая, избра́нная оде́жда: я́ко порфи́ру Божѣ́ственную из Тебе́ плоть при́ем воца́рися, боголе́пно оде́явся.

Сла́ва: Бы́сть соединѣ́ния Божѣ́ственнаго вме́стилище, Богоневѣ́сто, злата́ светле́йши: Тобою́ бо бы́сть Бо́г я́ко чело́век, и бесе́дова чело́веком Бо́г, я́ко чело́век.

И ны́не: Умертви́ нече́ствующих в Тя́, Де́во Все́пѣтая, зло́бы е́ресь: я́ко зави́стию та́ют пресла́вное Твоего́ О́браза ви́дяще подо́бие.

Госпо́ди, поми́луй, **трижды. Сла́ва, и ны́не:**

Седа́лен, гла́с 3:

От теплоты веры вопию Ти, Богородице, недостойными усты, и скверным сердцем: спаси мя, погруженного грехами, ущедри умерщвленного отчаянием, да зову Ти спасаемь: радуйся, Дево, христианом помощнице.

Песнь 7

Ирмос: Прежде образу златому, персидскому чтилищу, отроцы не поклоняшася, трие поюще посреде пещи: отцев Боже благословен еси.

Купина и пламень сообразне совокупльшеся, и нетленна обоя явльшеся, Тя, Дево, ясно проявляют: ибо родила еси Бога, и девствуещи.

Руно и роса Гедеону во изменении образуема, рождество Твое предпшут: Ты бо Едина Божественное Слово носиши во чреве, яко дождь, Дево Мати.

Слава: Греха моего огонь паче геенскаго, пламень мне содевает, сий угаси, Чистая, Твоею милостию, покаянием мя ко свету наставляющи.

И ныне: Твоего зрака явление, Богородице Пречистая, чтуще яко первый образ Тя, заступницу присно, и покров благопременен к Богу имамы вси.

Песнь 8

Ирмос: Вавилонская пещь отроки не опали, ниже Божества огонь Деву растли. Тем со отроки вернии возопийм: благословите дела Господня Господа.

Тя Отец изволи Невесту Неискусобрачную, яко крин пресветлый посреде терния обрет, светлостию доброты блистающую Духом Божественным, Сыну в жилище.

Святейшую вышних сил Деву Пренепорочную, без разсуждения славлю яве: Творца бо сих во чреве понесе, несмесным соединением плоть приемша от Тебе.

Слава: Девство некрадомо Дево сохраниши, Мати явилася еси Сына Божия воистинну, Отца благоволением Невеста бывши, и приятелище славы Духа нетленно.

И ныне: Иже естеством Невещественный Бог и Невидимый, просто и неизреченно паче естества раждается Человек от Святыя Девы, сугуб зримь во Единой Ипостаси, в Нейже видимь есть писаньми.

Песнь 9

Ирмос: Новое чудо и боголепное: Девическую бо дверь затвореную яве проходит Господь, наг во входе, и плотоносец явися во исходе Бог, и пребывает Дверь затворена. Сию неизреченно яко Богоматерь величаем.

Святаго корене Свят Плод: неплодныя бо, освященныя законом Божиим Отчим, неувядаемую жизнь совершающую Богородица

Отрокови́ца процветé: и радуется́ Анна, приéмши Отрочá в старости́,
Бо́жию Ма́терь, Ю́же сла́вим.

Но́во Рожде́ство и богови́дно Свята́го Твоего́ и Богоно́снаго чре́ва
Чи́стая: в нём бо написа́ся о́браз в челове́ка О́тчим пер́стом, Сын
вопло́щся Свят Духом Святы́м. Его́же несме́сно яко́ Бо́га и Челове́ка
велича́ем.

Сла́ва: Вопиéт вся́к суд на мя́: дела́ бо грехо́вных дея́ний во́плъ
содева́ют мне́ претя́ще, и душа́ вся́ весть, и́миже препре́на бу́дет, и
трепе́щет пламене́ геéнскаго: от него́же пре́жде конца́, молитва́ми Твоими́
изба́ви мя́, Влады́чице.

И ны́не: По Рожде́ствé яви́ся нетле́нна, Чи́стая: неизме́нно бо
Зижди́теля все́х плоти́ю, Богоро́дице, родила́ еси́ Челове́ка па́че естества́,
О́тча Суще́ства не отсту́пльша, и а́бие пребы́сть Де́ва Духом
Боже́ственным. Те́мже сла́вяще Тя́, пе́снь соверша́ем.

Та́же, Досто́йно е́сть: Трисвято́е. Конда́к воскресе́н, и отпу́ст.

Неделя

В недѣлю ўтра, на полунощнице

канон трои́чен, [его́же краестрѣ́че: Хвалю́, Трои́це, Тя́, еди́но Богонача́лие. Митрофа́ново.] Глас 3

Пѣснь 1

Ирмо́с: Во́ды дрѣ́вле, ма́нием Боже́ственным, во еди́но со́нмище совокупивый, и разделивый мо́ре израильтеским лю́дем, Сей Бо́г наш препросла́влен е́сть: Тому́ Еди́ному поим, я́ко просла́вился.

Непости́жимое Еди́но Господонача́лие, и Еди́но Трои́ческое Богонача́лие, Трисия́ннаго Свѣ́та Твоего́ мя сподо́би: я́ко да воспою́ Тя́, пева́емое непреста́нно трисвяты́ми пѣ́снями, а́нгельскими усты́.

Свяще́нно невеще́ственнымъ вси́ чи́нове пою́т, я́ко творите́льную вину́, Еди́нственную, Трисвѣ́тлую, Нача́льнейшую я́ве: Ю́же согла́сно поём, и челове́ческая мно́жества, и ве́рно сла́вим брѣ́нными усты́.

Сла́ва: У́м, и Сло́во и Ду́х, богословцы́ приличне, и знамените́льне Тебе́ нари́чут: безстра́стно Рожде́ство от Неро́ждѣннаго Отца́, Сы́ну зна́менающу (от неро́ждѣннаго Отца́ Сы́на, зна́менающе), Бо́же еди́нонача́льне все́х, вкупе и Ду́ха Боже́ственного исхо́ждѣние.

И ны́не: Я́ко Чело́веколюбе́ц есте́ством, челове́ческое суще́ство приём, Бо́жий Сло́ве, Трои́чный возсия́л еси́, Еди́нонача́льнейший свѣ́т Еди́наго Бо́жества, Препросла́вленную все́м показавый, ро́ждшую Тя́ Дѣ́ву Пречи́стую.

Пѣснь 3

Ирмо́с: И́же от не су́щих вся́ приве́дый Сло́вом созида́емая, соверша́емая Ду́хом, Вседержите́лю Вы́шний, в любви́ Твое́й утверди́ мене́.

Утрои́ти дрѣ́вле воду́ повеле́в Или́а на по́ленах, обра́зно прояви́ Трои́чную Ипоста́сь, Еди́нственного Бо́жия Господонача́лия.

Тленное есте́ство поёт Тя́ земноро́дных, Еди́наго и Трисвѣ́тлаго Созда́теля Неизме́ннаго, и вопи́ет Ти́, Влады́ко: всеразличнаго мя́ премене́ния изба́ви, и спаси́ мя.

Сла́ва: Ра́вно веща́юще словесе́м проро́ческим, сла́вных апо́стол же́ и проповѣ́дник ве́ры, равноде́тельную Тя́ Трои́цу славосло́вим ве́рнии, Бо́же все́х.

И ны́не: С престо́ла высо́каго снѣ́де Христо́с, челове́ка возвы́шая, я́ко Чело́веколюбе́ц, Тобо́ю Пречи́стая, и Трисо́лнечный Свѣ́т все́м возсия́.

Господи́, помилуй, **трижды.**

По 3-й пѣ́сни седален, глас 3. Подо́бен: Красоте́ дѣ́вства:

Пресу́щественный и Еди́не Господи́ Христе́, и ро́ждѣние

Пребезначальнаго Отца, и Душе Божественнейший, помилуй рабы Твоя: вси бо согрешихом, но от Тебе не отступихом. Темже молим Тя, триипостасне Господи, яко имеяй власть, создание Твое спаси от всякаго обстояния.

Слава, и ныне, Богородичен: Пресущественный Бог и Господь из Тебе воплотися за благодать, Еже по нам осуществавыйся, и пребыв еже бе. Темже и Богочеловека Сего почитающе, Всечистая, Тя Неискусобрачную Богородицу проповедуем, славяще превелие чудо Твоего безсеменнаго Рождения.

Песнь 4

Ирмос: Положил еси к нам Твердую любовь, Господи, Единороднаго бо Твоего Сына за ны на смерть дал еси. Темже Ти зовем благодаряще: слава силе Твоей, Господи.

Отрасль сугуб от Отца, яко от корене прозябе Сын, и Дух Правый, соестественна прозябения, и богосажденна, и цвѣти Собезначальнии: яко трием быти светом Божества. [Дважды.]

Слава: Множества умных существ, непрестанно поют Тя, недомыслимаго Бога, с нимиже мы славим, глаголюще: Троице Пресущная, Твоя рабы спаси, яко Человеколюбец.

И ныне: Распалил еси нас в любовь Твою, Многомилостиве Слове Божий, Иже нас ради воплощся непреложне, и Трисветлое Единое Божество тайно научив: темже Тя славим.

Песнь 5

Ирмос: Яко виде Исаиа образно на престоле превознесенна Бога, от ангел славы дориносима. О окаянный, вопияше, аз: провидех бо воплощаема Бога, Света Невечерня, и миром владычествующа.

Единого Господоначальника, образно яко виде Исаиа Бога, в Трех Лицех славословима пречистыми гласы Серафим, послан бысть проповедати абие Трисветлое Существо, и Единицу Трисолнечную [Дважды.]

Слава: Яже всех невидимых и видимых естество, от не сущих прежде составляющая, Единице Трисолнечная, Иже Единого Тя Бога верно воспевающих от всяких искушений избавльши, Твоея славы сподоби.

И ныне: Невестник светоносен и чист, Дево, бывший Божий, воспеваем Тя любовию, и блажим: из Тебе бо родися Христос, в существах и хотениях сугубых, Иже Един от Троицы и славы сый Господь.

Песнь 6

Ирмос: Бездна последняя грехов обыде мя, и исчезает дух мой: но прострый, Владыко, высокую Твою мышцу, яко Петра мя, Управителю,

спаси́.

Пресе́льник сый́ Авраа́м, сподо́бися о́бразно восприя́ти Еди́нственнаго
у́бо Господа в Три́ех Ипоста́сах, пресу́щественна мужескими же зра́ки.
[Два́жды.]

Слава: Напра́ви сердца́ Твои́х рабо́в к Све́ту Непристу́пному, О
Трисо́лнечне Го́споди, и Твоея́ сла́вы сия́ние пода́ждь ду́шам на́шим, во
е́же облиста́емым бы́ти Твоею́ добро́тою неизрече́нною.

И ны́не: Отве́рзи мне́ дв́ери Све́та ро́ждшагося от утробы́ Твоея́,
Пречи́стая: да зрю́ Трисве́тлую лучу́ Божества́, и сла́влю Тя, Всесве́тлую
Владычицу.

Го́споди, поми́луй, **три́жды.**

По 6-й пе́сни седален, глас 3.

Подобен: Боже́ственныя ве́ры:

Боже́ственного Естества́ Еди́носущнаго Трисо́лнечную по́ем держа́ву,
и трисвяты́ми гласы́ возопи́ем: Свят еси́, О́тче Пребезнача́льный, Свят еси́,
Сы́не Собезнача́льный, и Ду́ше Святы́й, Еди́не Неразде́льный Бо́же на́ш, и
всех Творче́ Человеколю́бче.

Слава, и ны́не, Богоро́дичен. Подобен:

Чу́до преве́лие: како́ содер́жася Невмести́мый во чре́ве Твоём и
воплоти́ся, и яви́ся, яко́ Чело́век, не претерпе́вый сме́шения или́ разделе́ния
Боже́ственного и Непрело́жнаго Божества́, Отрокови́це всечи́стая: те́мже
Богоро́дицу тя́ ве́рно пропове́дуем при́сно и сла́вим.

Пе́снь 7

Ирмо́с: Яко́же дре́вле благочести́выя три́ о́троки ороси́л еси́ в пла́мени
халде́йстем, све́тлым Божества́ огнём и нас оза́ри, благослове́н еси́
звы́вающыя, Бо́же оте́ц на́ших.

Хра́м мя́ покажи́ Твоего́ Божества́, Влады́ко, Триси́яннаго, Ве́сь
Све́тел: грехо́внаго омраче́ния лю́таго и страсте́й вы́шша, светода́тельными
Твоими́ сия́нии, Бо́же оте́ц на́ших, благослове́н еси́.

Божества́ зра́к Еди́н возвеща́ем, в Три́ех Ипоста́сных и разде́льных
сво́йствах, Отца́, и Сы́на, и Ду́ха: благослове́н еси́ зову́ще, Бо́же оте́ц
на́ших.

Сла́ва: Яви́ся Авраа́му Бо́г Триипоста́сный у́ дуба́ дре́вле
мамврийскаго́, о страннолю́бии мзду́ Исаака́ воздая́ за ми́лость: Его́же и
ны́не сла́вим, яко́ Бога́ оте́ц на́ших.

И ны́не: Яви́ся на земли́, бы́в Чело́век Вседете́ль, боголе́пно от
де́вственнаго и пречи́стаго Твоего́ чре́ва, и нас обожи́, Благослове́нная
Всечи́стая, Богоро́дице Пречи́стая.

Пе́снь 8

Ирмос: Нестерпимому огню соединившеся, богочестия предстояще юноши, пламенем же невреждени, Божественную песнь пояху: благословите вся дела Господня Господа, и превозносите во вся веки.

Безначальна Отца яко от корене, Слово, и Дух Собезначальне суща: яко отрасли Пресущественнаго Богочаля показаша Троицы славу единую и силу: Юже поем вси вернии во веки. [Дважды.]

Слава: Управляеши Твоими светлостми чины небесныя, воспевати немолчно трисвятыми песнями Божественными, Отче, Слово сообразне, и Душе, Трисветлую Державу и Равномощную. Темже Тя поем во вся веки.

И ныне: Проречения пророческая, Твое Рождество издалеча видевшие, Богородице, восхваляху, яко без семене, и паче естества рождшагося, Владычице: и согласно Сего поем, яко Господа, и превозносим во вся веки.

Песнь 9

Ирмос: Новое чудо и боголепное, девическую бо дверь затворенную, яве проходит Господь, наг во входе, и Плотносец явися во исходе Бог, и пребывает Дверь затворена: Сию неизреченно яко Богоматерь величаем.

Видети славу Трисианную, боговиднии безплотных чинов яве, восходити крылы желают горе: но говеют зело неприступнаго света, и песни непрестанно вопиют: с ними согласно, Единственная Троице, Тя славим. [Дважды.]

Слава: Несытною любовию и иже на земли, умную душу от Тебе приемше, и словесную, Тебе поим, Владыко, Боже всех, Единственное Естество воистинну, и Троичное Лицы, от всего сердца. Темже щедре яко многомилостив, нас ущедри.

И ныне: Храм мя покажи Единоначальнаго, и Трисветлаго Твоего Богочаля, Световиден, чисте служити Тебе, Зиждителю всех, и неизреченную Твою славу умно зрети: молитвами Единыя Богородицы, Юже достойно яко Преславную величаем.

Таже Троичны, Григория Синаита. Достойно есть: И прочее полунощницы, писано в конце книги сея.

В неделю на ўтрени, по шестопсалмии

Бог Господь, и явился нам: **на глас 3. Тропарь воскресен:** Да веселятся небесная: **Слава, и ныне, Богородичен:** Тя ходатайствовавшую спасение рода нашего: **Таже обычное стихословие.**

По 1-м стихословии седальны воскресны, глас 3:

Христос от мертвых воста, начаток усопших: перворожден твари, и Содетель всех бывших, истлевшее естество рода нашего в себе Самомъ обнови. Не ктому смерти обладаеши: ибо всех Владыка державу твою разруши.

Стих: Воскресни, Господи Боже мой, да вознесется рука Твоя, не забуди убогих Твоих до конца.

Плотию смерти вкусив, Господи, горестъ смерти пресеки еси востанием Твоим, и человека на ню укрепил еси, первыя клятвы одоление призывая: Защитниче жизни наша, Господи, слава Тебе.

Слава, и ныне, Богородичен: Красоте девства Твоего, и пресветлой чистоте Твоей, Гавриил удивився, вопияше Ти, Богородице: кую Ти похвалу принесу достойную; что же возыменую Тя; недоумеваю и ужасаюся. Темже яко повелен бых, вопию Ти: радуйся, Благодатная.

По 2-м стихословии, седальны воскресны, глас 3.

Подобен: Красоте девства:

Неизменнаго Божества, и вольныя страсти Твоея, Господи, ужасся ад, в себе рыдаше: трепещу плоти Нетленныя Ипостаси (*плотскаго неистлѣва состава*), вижду Невидимаго, тайно борюща мя. Темже и ихже держу, зовут: слава, Христе, воскресению Твоему.

Стих: Исповемся Тебе, Господи, всем сердцем моим, поведем вся чудеса Твоя.

Непостижимое распятия, и несказанное востания богословствуем, вернии, таинство неизреченное: днесь бо смерть и ад пленися, род же человеческий в нетление облечеса. Тем благодаряще вопием Ти: слава, Христе, востанию Твоему.

Слава, и ныне, Богородичен: Непостижимаго и Неописаннаго, Единосущнаго Отцу и Духови, во утробу Твою тайно вместила еси, Богородице, Едино и Несмесно от Троицы Божество: познахом рождество (*Твое Едину и Неслиянну Троицы силу познахом рождеством Твоим*) Твое в мире славити. Темже и благодарственно вопием Ти: радуйся, Благодатная.

По непорочнах ипакои, глас 3:

Удивляя видением, орошая глаголании, блистаяя ангел

мироносицам глаголаше: что живаго ищете во гробе; воста истощивый гробы. Тли Пременителя разумеите Непременнаго. Рцыте Богу: коль страшна дела Твоя, яко род спасл еси человеческий!

Степенна, глас 3. Антифон 1-й, повторяюще поём:

Плен Сион Ты изъял еси от Вавилона: и мене от страстей к животу привлещи, Слово.

В юг сеющи слезами Божественными, жнут класы радостию присноживотия.

Слава: Святому Духу всякое благодарие, якоже Отцу и Сыну сооблищает, в Немже вся живут и движутся.

И ныне, тойже. Антифон 2-й:

Аще не Господь созиждет дом добродетелей, все труждаемся: душу же покрывающую, никтоже наш разорит град.

Плода чревна Духом сынотвореное Тебе, Христу, якоже и Отцу, святии всегда суть.

Слава: Святым Духом прозрится всякая святыня, премудрость: осуществует бо всякую тварь: Тому послужим, Бог бо, яко Отцу же и Слову.

И ныне, тойже.

Антифон 3-й:

Боящиеся Господа блажени, в пути ходяще заповедей: снут бо животное всеплодие.

Окрест трапезы Твоея возвеселися, зря Твоя Пастыреначальниче исчадия, носяща ветви благоделания.

Слава: Святым Духом всякое богатство славы, от Негоже благодать, и живот всякой твари: со Отцем бо воспеваемъ есть, и с Словом.

И ныне, тойже.

Прокимен, глас 3: Рцыте во языцех, яко Господь воцарися, ибо исправи вселенную, яже не подвижится.

Стих: Воспойте Господеву песнь нову. Всякое дыхание:

Стих: Хвалите Бога во святых Его: **Евангелие воскресно, и прочее по ряду.** Воскресение Христово: **псалом 50.**

Канон воскресен. Глас 3.

Песнь 1

Ирмос: Воды древле, манием Божественным, во едино сонмище совокупивый, и разделивый море израильтеским людем, Сей Бог наш, препрославлен есть: Тому Единому поим, яко прославися.

Припев: Слава, Господи, святому Воскресению Твоему.

Иже землю осудив, преступльшему потом изнести плод терние (*нота*)

изнести плод терния), от терния венец из руки законопреступныя, Сей Бог наш, плотики приемый, клятву разрушил есть: яко прославися.

Победитель и Одолетель смерти, иже смерти убоявся, явися: страстную бо плоть одушевленную прием, Сей Бог наш, и брався с мучителем, вся совоскреси: яко прославися.

Богородичен: Истинную Богородицу вси языцы славят Тя, без семени рождшую: сошед бо во утробу освященную Твою, Сей Бог наш, Еже по нам осуществовася, Бог же и Человек из Тебе родися.

Другий канон крестовоскресен. Глас 3.

Песнь 1

Ирмос: Песнь новую поим, людие:

Род человець порабощен мучителем грехолюбным, кровию Божественною Христос искупи, и обоготворив обновил есть: яко прославися.

Яко убо смертен, смерти хотяй, Иже животу сокровищник, Христос вкуси: а яко бессмертен сый естеством, мертвыя оживотворил есть: яко прославися.

Ин канон Пресвятей Богородице, [егоже краестрочие: Пою третье пение тебе, Богородице.] **Глас 3.**

Песнь 1

Ирмос тойже.

Колено приклоняет всяко естество небесных, Дево, воплощемуся из Тебе, со земными же достолепно преисподняя: яко прославися.

О примирений Яже в Тебе: благих бо независтно Податель, яко Бог Духа Божественнаго подавый нам, плоть от Тебе, Отроковице, прият: яко прославися.

Катавасиа: Отверзу уста моя:

Песнь 3

Ирмос: Иже от не сущих вся приведый, Словои созидаемая, совершаемая Духом, Вседержителю Вышний, в любви Твоей утверди мене.

Крестом Твоим постыдеса нечестивый, содела бо яму, юже ископа, впаде: смиренных же вознесеса, Христе, рог, во Твоем воскресении.

Благочестия проповедание языком, яко вода покры моря, Человеколюбче: воскрес бо от гроба, Троицкий открыл еси свет.

Богородичен: Преславная глаголана быша о Тебе, Граде Одушевленный присно Царствующаго: Тобою бо, Владычице, сущим на земли Бог спожил есть.

Ин Ирмос: Лук сокрушил еси вражий:

Очищение, Пречистый Кресте, идольских явился еси Ты нечистот: яко

Иисус Пребожественный на Тебе руке распростерл есть.

Да вси вернии живоприемный гробе, тебе поклоняемся: погребёся бо в тебе и воста Христос воистинну Бог наш.

Ин Ирмос тойже

Жезл из корене Иессеова, пророчески прозябши Дева, цвет Тя Христэ, возсия нам: Свят еси, Господи.

Да Божественному причастию (причастны) земнородныя соделаеши, от Девы плоть нашу, Ты обнищал еси, прием: Свят еси, Господи.

Песнь 4

Ирмос: Положил еси к нам Твердую любовь, Господи, Единороднаго бо Твоего Сына за ны на смерть дал еси. Темже Ти зовём благодаряще: слава силе Твоей, Господи.

Язвы, Христэ, и раны милостивно подъял еси, досаду по ланитома ударений терпя, и долготерпеливне оплевания нося, имиже соделал еси мне спасение: слава силе Твоей, Господи.

Телом смертным животё, смерти причастился еси, страсти ради нищих, и въздыхания убогих Твоих: и растлив тлеющего (растлившаго), Препрославленне, всех совоскресил еси, яко прославися.

Богородичен: Помяни, Христэ, еже стяжал еси стадо страстию Твоею: Препрославленныя Твоея Матере милостивныя мольбы прием, и посетив озлобленное, избави силою Твоею, Господи.

Ин Ирмос: Странна и неизреченна:

Создавый по образу Твоему, Человеколюбче, человека, и умерщвлена грехом преступления ради, распенся на лобнем, спасл еси.

Мертвья убо, ихже пожре смерть, отдаде: разорися же и адово тлетворное царство, воскресшу Ти из гроба, Господи.

Богородичен: Марие Чистая, Златая Кадильнице, неслиянно яко Един от Троицы в Тя сошед, воплощься Бог Слово, мир благоухал есть.

Ин Ирмос тойже

Иже поставивый горы, Владыко, мерилом Божественнаго разума, отсечен еси от Девы Камень, кроме рук: силе Твоей слава, Человеколюбче.

Недугующее исцелил еси наше естество, Владыко, скорейшую из Девы сию (в Деве тому) соединив цельбу, Твое Пречистое Слово Божество.

Часть моя еси, Господи, и наследие желанное, соединивый мя из Девы, Слове, Ипостаси Твоей, плотию быв ипостась.

Песнь 5

Ирмос: К Тебе утреннюю, всех Творцу, преимуществу всяк ум миру, зане свет повеления Твоя: в нихже настави мя.

Судий неправедному, еврейскою завистию предан быв, Всевидче, и

всёй праведне судяй земли, Адама древняго избавил еси осуждения.

Твой мир церквам Твоим, Христе, непобедимою силою Креста Твоего, из мёртвых воскресий подаждь, и спаси души наша.

Богородичен: Скиния Святая, и пространнейши небес, яко Иже во всёй твари Невместимаго Слова Божия приемши, Еди́на явилася еси, Приснодево.

И́н Ирмо́с: На земли Невидимый явился еси, и человеком волею сожил еси Непостижимый, и к Тебе утренююще, воспеваем Тя, Человеколюбче.

Копиём в ребро Твое, О Христе мой, прободён быв, от ребра человека созданную, губительства всем человеком бывшую ходатаицу, клятвы свободил еси.

Равен Отцу по Существо сый, священный храм Пречистаго Твоего и всечестнаго телесе, из мёртвых воскресил еси, Христе Спасе наш.

И́н Ирмо́с тойже

Слово Божие Сын Твой, Дево, Содетель Адама первозданнаго, не создание, аще и плоть одушевлену Себе из Тебе создал есть.

Равен Отцу Сын Твой, Дево, Слово Божие, Ипостась совершенна во двою естеству, Иисус Господь, Бог совершен и Человек.

Песнь 6

Ирмо́с: Бездна последняя грехов обыде мя, и исчезает дух мой: но прострый, Владыко, высокую Твою мышцу, яко Петра мя, Управителю, спаси.

Бездна милости и щедрот обыде мя, благоутробным снятием Твоим: воплощься бо, Владыко, и быв в рабии зраце обожил еси, с Собою сопрославив.

Умерщвление подъят умертвитель, умерщвленнаго оживленно видя: Твоего воскресения сии суть, Христе, образы, и страсти Твоея Пречистыя победительная.

Богородичен: Пречистая, яже Еди́на Создателю и человеком, паче ума исходатаившая, Сына Твоего милостива прегрешным рабом Твоим, и поборника быти, помолися.

И́н Ирмо́с: Селения Иона, еже в преисподнем аде, естественный образ быв, вопияше: возведи от тли живот мой, Человеколюбче.

Ранами Ты искусився, от ада ураненых, страстию Креста совоскресил еси. Темже Ти зову: возведи от тли живот мой, Человеколюбче.

Отверзаются Ти, Христе, страхом врата адова, сосуды же вражия восхищаются: темже Тя жены сретоса, вместо печали радость приемши.

И́н Ирмо́с тойже

Воображается еже по нам, от Нетленныя Девы, Иже образом

неразлучный (образу непричастный) образом быв и вещь, не предложся Божеством Человек.

Бездны грехов, и бури страстей, Пречистая, избави мя: еси бо пристанище, и бездна чудес, верою притекающим к Тебе.

Кондак, глас 3. Подобен: Дева днесь:

Воскресл еси днесь из гроба, Щедре, и нас возвел еси от врат смертных: днесь Адам ликует, и радуется Ева, вкупе же и пророцы с патриархи воспевают непрестанно Божественную державу власти Твоея.

Икос: Небо и земля днесь да ликовствуют, и Христа Бога единомудренно да воспевают, яко узники от гробов воскреси. Срадуется вся тварь, приносящи достойныя песни Создателю всех, и Избавителю нашему: яко человеки из ада днесь яко Жизнодатель совозвед, на небеса совозвышает, и низлагает вражия возношения, и врата ада сокрушает Божественною державою власти Своея.

Песнь 7

Ирмос: Якоже древле благочестивыя три отроки оросил еси в пламени халдейском, светлым Божества огнем и нас озари, Благословен еси, зывающыя, Боже отец наших.

Раздрася церковная светлая катапетасма (завеса), в распятии Содетеля, сокровенную в Писании являющи верным истину, благословен еси, зовущим, Боже отец наших.

Прободенным Твоим Ребром, каплями Боготочныя Животворящая Крове, Христе, смотрительно каплющая на землю, сущих от земли возсоздал еси, благословен еси, зовущих, Боже отец наших.

Троичен: Духа Благаго со Отцем прославим, и с Сыном Единородным, Едином в Трех вернии чтуще Начало, и Едином Божество: благословен еси, зовуще, Боже отец наших.

Ин Ирмос: Гордый мучитель, но детей бысть игралище: якоже бо персть поправше седмеричный пламень, пояху: благословен еси, Господи, Боже отец наших.

Не проста солнце на кресте висяща человека, но Бога воплощенна зря помрачается. Емуже и поем: благословен еси, Господи, Боже отец наших.

Крепкого Божеством прием ад страшливый, нетления Подателя, души праведных вопиющыя изблева: благословен еси, Господи, Боже отец наших.

Богородичен: Сокровище многоценное благословения явилася еси, Пречистая, чистым сердцем Тебе исповедающим Богородительницу: небо из Тебе воплотися Бог отец наших.

Ин Ирмос тойже

Иже славы Господь, и держай горния силы, Иже со Отцем седяй, девственными руками носимь: благословен еси, Господи, Боже отец наших.

Яра смерть, но сию Тебе беседовавшую (соединившуся) погубил еси, от Девы Богоипостасная плоть быв: благословен еси, Господи, Боже отец наших.

Богородицу вси Тя Бога рождшую уведехом, Единого бо от Троицы воплотившагося из Тебе родила еси: благословен, Пречистая, Плод Твоего чрева.

Песнь 8

Ирмос: Нестерпимому огню соединившеся, богочестия предстояще юноши, пламенем же невредени, Божественную песнь пояху: благословите вся дела Господня Господа, и превозносите во вся веки.

Раздрася церковная светлость, егда крест Твой водрузися на лобнем, и тварь преклоняшеся страхом, воспеваючи: благословите вся дела Господня Господа, пойте и превозносите Его во веки.

Воскресл еси, Христе, из гроба, и падшаго прельщением, древом исправил еси Божественною силою, зовуща и глаголюща: благословите вся дела Господня Господа, пойте и превозносите Его во веки.

Богородичен: Храм Божий явилася еси, Вместилище одушевленное, и Ковчег: Творца бо человеком, Богородительнице Пречистая, примирила еси, и достойно вся дела поем Тя, и превозносим во вся веки.

Ин Ирмос: Вещественного огня пламень невещественным увядиша, богозримии отроцы, и пояху: благословите вся дела Господня Господа.

Слово нестрастное, безстрастно убо Божеством, страждет же плотию Бог, Ему же и поем: благословите вся дела Господня Господа, пойте и превозносите Его во веки.

Уснувый убо яко смертен, воскресен еси яко Безсмертен, Спасе, и спасаеши от смерти поющих: благословите вся дела Господня Господа, пойте и превозносите Его во веки.

Троицен: Служим благочестно Триипостасному Божеству, соединяему неизреченно, и поем: благословите вся дела Господня Господа, пойте и превозносите Его во веки.

Ин Ирмос тойже

Чины умныя яко Мати превозшла еси, и близ Бога бывши: благословим, Благословенная Дево, рождество Твое, и превозносим во вся веки.

Доброту естественную, краснейшу показала еси, облиставающую плоть Божества. Благословим, Благословенная Дево, рождество Твое, и превозносим во вся веки.

Та́же, пе́снь Богоро́дицы: Вели́чит душа́ моя́ Го́спода: с припе́вом:
Честне́йшую Херувим:

Пе́снь 9

Ирмо́с: Но́вое чу́до и боголе́пное, девиче́скую бо две́рь затворе́нную я́ве
проходи́т Го́спо́дь, наг во вхо́де, и Плотоносе́ц яви́ся во исходе́ Бо́г, и
пребыва́ет Две́рь затворе́на: Сию́ неизрече́нно, я́ко Богома́терь велича́ем.

Стра́шно е́сть зрети́ Тебе́, Творца́, на дре́ве воздви́жена, Сло́ве Бо́жий,
плотски́ же стра́ждуща́ Бо́га за рабы́, и во гробе́ бездыха́нна лежа́ща,
ме́ртвья же из ада́ разреши́вша: те́мже Тя́, Христе́, я́ко Всеси́льна
велича́ем.

Из тли́ сме́ртныя спа́сл еси́, Христе́, праотцы́, положи́н бы́в во гробе́
ме́ртв, и живо́т процве́л еси́, ме́ртвья воскресив, руководи́в естество́
челове́ческое ко свету́, и в Боже́ственное облек не́тление. Те́мже исто́чника
Тя́ све́та при́сно жива́го велича́ем.

Богоро́дичен: Хра́м и Престо́л яви́лася еси́ Бо́жий, во́ньже всели́ся
И́же в вы́шних съи́, ро́ждейся неискусому́жно, Всечи́стая, плоти́ Твоя́ не
отве́рз всячески́ врата́. Те́мже непреста́нными, Чи́стая, моли́твами Твоими́,
языки́ варварския́ скоро́ до конца́ покори́.

И́н Ирмо́с: Сла́дкую Пречи́стаго Твоего́ ро́ждества́ стрело́ю уязвлени́,
Чи́стая, Твоей́ достоже́ланней добро́те дивя́щися, пе́снями а́нгельскими́
досто́йно Тя́, я́ко Ма́терь Бо́жию велича́ем.

Че́сть челове́ком от безче́стныя сме́рти все́м источи́л еси́: ея́же
распя́тием Твои́м, Спа́се, вкусив, существо́м сме́ртным не́тление мне́
дарова́л еси́, Христе́, я́ко Человеколю́бец.

Спа́сл мя еси́ воскресе́ из гроба́, Христе́, воскресе́л же (*и возне́сл*) еси́, и
Отцу́ приве́л еси́ Твоему́ Родите́лю: одесну́ю же Его́ спосади́л еси́ за
благоутро́бие ми́лости Твоея́, Го́споди.

И́н Ирмо́с той́же

Сы́тость Твои́х похва́л, Де́во, благоче́стивым ве́рным отню́д не быва́ет:
желáнием бо желáние при́сно Боже́ственное, и Духо́вное прие́млюще, я́ко
Ма́терь Бо́жию велича́ем.

Положи́л еси́ на́м непосты́дную Моли́твенницу, Тебе́ ро́ждшую,
Христе́. То́я мо́льба́ми Ми́лостива́ подае́ши на́м Ду́ха, Подáтеля́ бла́гости,
от Отца́ Тобо́ю происхо́дяща.

По катавасии ектенia. Та́же, Свя́т Го́спо́дь Бо́г на́ш. **И свети́лен.**

На хвали́тех стихи́ры воскресе́ны, гла́с 3.

Сти́х: Сотвори́ти в ни́х су́д напи́сан: сла́ва сия́ бу́дет все́м
преподо́бным Его́.

Прииди́те, вси́ язы́цы, уразуме́йте стра́шныя та́йны си́лу: Хри́сто́с бо

Спа́с на́ш, Е́же в нача́ле Сло́во, распя́тся на́с ра́ди, и во́лею погребё́ся, и воскресе́ из ме́ртвых, еже спасти́ вся́ческая: Тому́ поклонимся.

Сти́х: Хвалите́ Бо́га во святы́х Его́, хвалите́ Его́ во утверже́нии си́лы Его́.

Пове́даша вся́ чудеса́ стра́жие Твои́, Го́споди: но собо́р суе́ты испо́лни мздо́ю десни́цу их, скры́ти мня́ше воскресе́ние Твое́, еже ми́р сла́вит: поми́луй на́с.

Сти́х: Хвалите́ Его́ на си́лах Его́, хвалите́ Его́ по мно́жеству вели́чества Его́.

Ра́дости вся́ испо́лнишася воскресе́ния иску́с прии́мша: Мари́а бо Магдали́на ко гробу́ прииде, обре́те а́нгела на ка́мени се́дяща, ри́зами блиста́ющая и глаго́люща: что́ ищете́ жива́го с ме́ртвыми: не́сть зде́, но воста́, яко́же рече́, предва́ряя вы́ в Галиле́и.

Сти́х: Хвалите́ Его́ во гла́се тру́бнем: хвалите́ Его́ в псалти́ри и гу́слех.

Во све́те Твое́м, Влады́ко, узрим све́т, Человеколю́бче: воскре́сл бо еси́ из ме́ртвых, спасе́ние ро́ду челове́ческому да́руя: да Тя́ вся́ тва́рь славосло́вит Еди́наго Безгре́шнаго, поми́луй на́с.

Ины́ стихи́ры Анато́лиевы, гла́с той́же.

Сти́х: Хвалите́ Его́ в тимпа́не и ли́це, хвалите́ Его́ в стру́нах и орга́не.

Пе́снь у́треннюю мирonóсицы же́ны со слеза́ми приноша́ху Тебе́, Го́споди, благоуха́ния бо арома́ты иму́щая, гроба́ Твоего́ дости́гоша, пречисто́е те́ло Твое́ пома́зати тща́щаяся. А́нгел се́дяй на ка́мени те́м благовести́: что́ ищете́ жива́го с ме́ртвыми? сме́рть бо попра́в воскресе́ яко́ Бо́г, пода́я все́м ве́лию ми́лость.

Сти́х: Хвалите́ Его́ в кимва́лах доброглас́ных, хвалите́ Его́ в кимва́лах восклица́ния: вся́кое дыха́ние да хвалит Го́спода.

Блиста́ясь а́нгел на гробе́ Твое́м живото́ворнем, мирonóсицам глаго́лаше: исто́щив гробы́ Изба́витель плени́ а́да, и воскресе́ тридне́вен, яко́ Еди́н Бо́г и Всеси́лен.

Сти́х: Воскресни́, Го́споди Бо́же мой, да вознесе́тся рука́ Твоя́, не забуди́ убо́гих Твои́х до конца́.

Во гробе́ Тя́ иска́ше, прише́дши во еди́ну от суббо́т Мари́а Магдали́на, не обре́тши же рыда́ше с пла́чем вопию́щи: увы́ мне́, Спа́се мой! Укра́ден бы́л еси́ все́х Царю́. Супруг же́ живonóсных а́нгел вну́три гроба́ вопия́ше: что́ пла́чеша, о же́но? плачу́, глаго́лет, яко́ взя́ша Го́спода моего́ от гроба́, и не ве́м, где́ положи́ша Его́. Сия́ же обра́щися вспя́ть, яко́ ви́де Тя́, а́бие возопи́: Госпо́дь мой и Бо́г мой, сла́ва Тебе́.

Сти́х: Испове́мся Тебе́, Го́споди, все́м се́рдцем мои́м, пове́м вся́ чудеса́ Твоя́.

Еврѣи затвориша во гробѣ Живот, разбойник же отверзе языком наслаждение, зовый и глаголя: Иже со мною мене ради распныйся: сообеси ми ся на древе, и явися мне на престоле со Отцем седя: той бо есть Христос Бог наш, имей велию милость.

Слава, стихира евангельская. И ныне, Богородичен: Препоблагословенна еси, Богородице дево: **Славословие великое.**

По славословии тропарь:

Днесь спасение миру бысть, поем Воскресшему из гроба, и Начальнику жизни нашея: разрушив бо смертию смерть, победу даде нам и велию милость.

И ектений, и отпуст.

На литургии блаженна, глас 3:

Отвергши Христѣ заповѣдь Твою, праотца Адама из рая изгнал еси: разбойника же щедре исповедавши Тя на крестѣ, вонь вселил еси, зовуща: помяни мя, Спасе, во Царствии Твоѣм.

Стих: Блажени чистии сердцем, яко тии Бога узрят.

Согрѣших нас смертною осудил еси клятвою, Живодавче и Господи, телом же Твоим, безгрешне Владыко, пострадав, смертныя оживил еси зовущыя: помяни и нас во Царствии Твоѣм.

Стих: Блажени миротворцы, яко тии сынове Божии нарекутся.

Воскрес из мертвых, совоскресил еси нас от страстей воскресением Твоим, Господи: смертную же всю силу погубил еси, Спасе. Сего ради верою Ти зовем: помяни и нас во Царствии Твоѣм.

Стих: Блажени изгнани правды ради, яко тех есть Царство Небесное.

Тридневным Твоим погребением, иже во аде умерщвленныя яко Бог оживотворивый, совоздвигл еси, и нетление всем яко Благ источил еси нам, верою зовущым всегда: помяни и нас во Царствии Твоѣм.

Стих: Блажени есте, егда поносят вам, и изженут, и рекут всяк зол глагол на вы лжуще Мене ради.

Мироносицам женам первее явился еси, воскрес из мертвых, Спасе, возопив: еже радуйтесь, и теми другом Твоим возвещаеши востание Твое, Христѣ, сего ради верою Ти зовем: помяни и нас во Царствии Твоѣм.

Стих: Радуйтесь и веселитесь, яко мзда ваша многа на небесех.

На горѣ Моисей руце распростер, прообразование крест, Амалика победивый: мы же верою того на бесы оружие крепкое приемше, вси зовем: помяни и нас во Царствии Твоѣм.

Слава: Отца и Сына, и Духа Святаго воспойм вернии, Единого Бога, Единого Господа, яко от Единого бо Солнца Трисияннаго есть Троица (яко от Единого Солнца: трисиятельна бо есть Троица) и просвещает вся зовущыя: помяни и нас во Царствии Твоѣм.

И ныне, Богородичен: Радуйся, двере Божия, Еюже пройде воплощся Создатель, запечатану сохранив Тя. Радуйся, облаче легкий, Божественный дождь носяй Христа, радуйся, Лестнице и Престоле Небесный. Радуйся, Горю Божия Честная, Тучная, Несекомая.

Прокимен, глас 3: Пойте Богу нашему, пойте, пойте Цареву нашему, пойте. **Стих:** Все языцы воспещите руками, воскликните Богу гласом радования. **Аллилуиа:** На Тя, Господи, уповах, да не постыжуся во век.

Стих: Будь ми в Бога Защитителя, и в дом прибежища, еже спасти мя.

В неделю вечера

на Господи возвах, стихиры умильтельны. Глас 3

Подобен: Велия мученик твоих:

Стих: Аще беззакония назириши, Господи, Господи, кто постоит; яко у тебе очищение есть.

Вельми согрешающа мя, и Тебе огорчевающа благаго Владыку, и милостива естеством, обращающа, яко блуднаго прими мя, и единого от наемник Твоих сотвори мя, небесный Отче.

Стих: Имене ради Твоего, потерпех Тя, Господи, потерпе душа моя в Слово Твое, упова душа моя на Господа.

Леностию жития меру преидох, и к концу уже окаянный приближися, не помышляю ждущаго мя суда, и от Бога отпадения: но обратив мя, Спасе, сих всех исхити.

Стих: От стражи утренния до нощи, от стражи утренния, да уповает Израиль на Господа.

Геенны, и зубнаго скрежета избави, Господи, смиренную мою душу, и всякаго иного томления вечнаго, Преблагий: яко да верою Тя пою, Милостиваго Бога и Человеколюбца естеством.

Таже в минеи стихиры святому. Слава, святому: **И ныне. Богородичен.** Аще ли несть минеи: **ины стихиры святым безплотным ангелом, глас тойже.**

Стих: Яко у Господа милость, и многое у Него избавление: и Той избавит Израиля от всех беззаконий его.

Лики безплотных, Господи, составил еси, богатство являя всем Твоея благодати: и привел еси от небытия во еже быти, паче ума славу Твою ныне славящих гласы немолчными.

Стих: Хвалите Господа, вси языцы, похвалите Его, вси людие.

Велия ангел Твоих, Христе, сила: безтелесни бо суще мир протичут, сохраняюще церкви силою, яже от Тебе, Владыко, и Тебе молятся о вселенней.

Стих: Яко утвердися милость Его на нас, и истина Господня пребывает во век.

Доброту трисолнечную Твою единственную, зряще силы Тебе служащия, являют втория светлости сущим в мире: и общно сияюще, подают нам Божественныя светлости.

Слава, и ныне, Богородичен: Всеми владающая тварьми, Пречистая, люте обладаема страстьми ума моего, свободи теплым твоим

предстательством и Матернею молитвою и поработи мя Сыну и Богу Твоему.

Таже, Свете тихий: Прокимен дне: И Сподоби, Господи **в вечер сей:**
На стиховне стихиры умильтельны. Глас 3:

Вечернюю песнь приносим Ти, Христе, с кадилом и пеньми духовными, помилуй и спаси души наша.

Стих: К Тебе возведох очи мой, живущему на небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Спаси мя, Господи Боже мой, ты бо всем еси спасение: буря мя страстей смущает, и бремя беззаконий моих погружает мя. Дажь ми руку помощи, и к свету возведи мя умиления, яко един милосерд и человеколюбец.

Стих: Помилуй нас, Господи, помилуй нас, яко по многу исполнихомся унижения: наипаче наполни душа наша поношения гобзующих и унижения гордых.

Велия Креста Твоего, Господи, сила: водрузися бо на месте, и действует в мире, и показа от рыбарей апостолы, и от язык мученики, да молятся о душах наших.

Слава, и ныне: Богородичен: Владычице, предстательнице всех молящихся Тебе, Тобою дерзаем, и Тобою хвалимся, и к Тебе все упование наше есть: моли рождагося из Тебе, за непотребныя рабы Твоя.

Таже: Ныне отпускаеши: И трисвятое. По Отче наш: **тропарь, и отпу́ст.**

В не́делю на повече́рии

канон моле́бный ко Пресвяте́й Богоро́дице. Гла́с 3.

Пе́снь 1

Ирмо́с: Во́ды дре́вле, ма́нием Боже́ственным, во Еди́но со́нмище совокупивый, и разделивый мо́ре израильтеским лю́дем, Сей Бо́г наш, препрославлен е́сть: Тому́ Еди́ному поим, яко прославися.

Великоименита́я Еди́на, Пресвята́я Де́во Мари́е херувим сла́внейшая Дави́дова дщи́, и добро́та Иа́ковля, Ма́ти Бо́га нашего́: возвели́чися зело́ сла́ва Твоя́, и мы вси Тя ве́рою сла́вим.

Пропеншаго Сло́вом не́бо яко ко́жу, Твои́ма рука́ма яко Чело́века носила еси́: Сего́ убо моли́ неизме́нно, Чи́стая, страсте́й безсло́весья ду́шу мою́ изба́вити, и от вся́кия ско́рби.

Сла́ва: Я́же пре́жде всех ве́к, прона́рече́нная Де́во, Ца́ря сла́вы порфи́ра Пречи́стая: в ню́же обле́клся в последня́я времена́, покры́ ко́жныя ризы́ Ада́ма пра́отца, и мене́ ны́не покрый́.

И ны́не: Глю́ творя́щий дре́вле грех́ ро́ду чело́веческому́, Де́во Христа́ ро́ждши, нестерпимый́ о́гнь изсушила еси́: те́мже страсте́й пото́ки ду́ши мое́я изсуши́ Твои́ми моли́твами.

Пе́снь 3

Ирмо́с: И́же от несущих́ вся́ приведи́й, Сло́вом созида́емая, соверша́емая Ду́хом, Вседержителю́ вы́шний, в любви́ Твое́й утверди́ мене́.

И́же о́гненным вла́дычеством Влады́ка и Госпо́дь Тво́й Сын на́рече́ся, Чи́стая: те́мже изба́ви мя, Влады́чице, стра́стных работ Твои́ми моли́твами.

От бу́ри плотски́х страсте́й изба́ви мя раба́ Твоего́ ско́ро, Пречи́стая, Ти́шину ро́ждши спасе́ния, и Исто́чник безстра́стия.

Сла́ва: Све́та незаходи́мага свети́льник светоза́рен бы́вши, Пречи́стая, ми́р просветила еси́: те́мже заря́ми Твои́ми ду́ши мое́я разори́ облак.

И ны́не: Ме́ртва мя су́ща ду́шею, от мно́жества злы́х страсте́й, оживотвори́, Влады́чице, Я́же ро́ждшая живода́вца Христа́ несказа́нно.

Пе́снь 4

Ирмо́с: Положи́л еси́ к на́м твёрдую́ любóвь, Го́споди: Единоро́днаго бо Твоего́ Сы́на за ны́ на сме́рть дал еси́. Те́мже Ти́ зове́м благода́ряще: сла́ва си́ле Твое́й, Го́споди.

Прии́де на мя́ плотска́го мудрова́ния бра́нь, и пленя́ет мою́ ду́шу: но И́же вся́к ум преиму́щия́ Мир ро́ждшая, Тво́й ми́р, Влады́чице, пода́ждь ми́.

Ми́ро умное́ из чре́ва источила еси́ ми́ру: те́мже от скве́рн страсте́й

душу мою свободи, и даждь ми, Пречистая, безстрастия миро Твоими молитвами.

Слава: Стáмну Тя златую, жизни Мánну носившую, Богомужнаго Христа, яве ведый молю: накорми душу мою тающую голодом, и потоком напои Духа.

И ныне: Ева убо прежде неудержанно введе смерть: Ты же девством чистым истинную Жизнь ввела еси. Темже смерти мя греховныя избави, Твоими молитвами.

Песнь 5

Ирмос: На земли невидимый явился еси, и человеком волею сожил еси Непостижимый и к Тебе утренующе, воспеваем Тя, Человеколюбче.

Избавление нам быв Сын Твой, Дево, вся от тли избави: темже избави мя плотскаго мудрования, и страстей настояния.

Огнем Твоих молитв, Богородице, страстных помышлений терние все попали, Яже клеща угля, человека очистившая.

Слава: Ты Божия еси Юница, нас ради пожренаго человеколюбно, Божественнаго Юнца: Егоже Божественною кровию сердце мое очисти.

И ныне: Красную прежде стяжах добродетелей одежду, еяже совлекохся леностию моею: Ты же, Дево, ныне мя облецы в светлейшу, Твоими молитвами.

Песнь 6

Ирмос: Бездна последняя грехов обыде мя, и исчезает дух мой: но прострый, Владыко, высокую Твою мышцу, яко Петра мя Управителю спаси.

Поколебаша храм души моея злобы лютая коварства: но яко утвердившаго землю на водах Христа рождающая, Твоими молитвами утверди.

Разрешила еси долг земнородных, Бисера многоценнаго рождши. Темже разреши, Пречистая, скорее пленицы прегрешений моих, и страстей, и скорбей.

Слава: Дадё верным Тя прибежище, и Божественный покров, рождейся из ложесн Твоих Бог преблагий. Темже, Пречистая, и мене покрый Твоима дланьма, и соблюди.

И ныне: Волнами жития умовредно аз окаянный часто погружаемь, и работами вражиими всегда обуреваемь, ныне зову Ти: Богородице, помози ми.

Таже, Господи, помилуй, трижды. Слава, и ныне:

Седален, глас 3. Подобен: Божественныя:

Божественная была еси сень Слова, Единая Пречистая Дево Мати,

чистою ангелы превозшедшая: паче всех бывша мя осквернена плотскими прегрешении, очисти молитв Твоих Божественными водами, подаючи, Чистая, велию милость.

Песнь 7

Ирмос: Якоже древле благочестивыя три отроки оросил еси в пламени халдейстем, светлым Божества огнем, и нас озари, благословен еси, взывающыя, Боже отец наших.

Собори лукавых бесов обыдоша мя, и плотстии сонми страстей: но яко крепкаго во бранех Христа рождшая, избави мя частых печалей и лютых нападаний.

Единый херувимским существом неприступный, и страшный ангельским чином, вселися в Тя, Чистая, и нас обнови: Имже покажи мя, Владычице, страшна невидимым врагом.

Слава: Рай словесен, Дево, Ты была еси, прозябший Древо жизни: Егоже причащся Адам, смертнаго плода избавися. Темже и мене ныне услади, и страстей избави вкушения.

И ныне: Кала мя страстей телеснаго избави, и искушений бесовских, Яже Избавителя рождшая человеком вышняго Селение, и Храм освящен, Бога отец наших.

Песнь 8

Ирмос: Нестерпимому огню соединившеся, Богочестия предстояще юноши, пламенем же невредени, Божественную песнь пояху: благословите вся дела Господня Господа, и превозносите во вся веки.

Облаче света, светила сотворшаго в мире велия, дневное же и ночное, всяко помрачение разори, Твоими зарями, всех страстей и прегрешений моих: и покажи мя Сына света, Богородительнице.

С Небесе сошедшим Дождем во чрево Твое Богородице, душу мою и сердце мое просвети и ороси: и пламень угаси страстей и скорбей, да Тя славлю тепле во вся веки.

Слава: Неизглаголанно, Чистая, Премудрость Божию, вся от не сущих Небесное и земное естество совокупльшую, Ты родила еси, Еяже Словом даждь ми мудрость и разум, яко да воспою яве Божественное Твое Рождество.

И ныне: Ороситися Владычице миру Твоими молитвами души моей и телу, вопию и молюся: и болезней греховных и страстей злобы, избавитися вскоре: Ты бо еси всех человеков исцеление.

Песнь 9

Ирмос: На Синайстей горе видя Тя в купине Моисей, неопально Огнь Божества зачешую во чреве: Даниил же Тя виде гору несекому: жезл

прозябший, Исаи́а взы́ваше, от ко́рене Дави́дова.

Поста́в Христу́ боготка́н яви́лася еси́, от него́же оде́жду плоть́ Богона́чальнейшу́ Ду́ха проугото́ва: облецы́ у́бо мене́ во оде́жду целому́дрия, Чи́стая, Твои́ми моли́твами.

Мысленный́ виногра́де, израстивший́ нам Гро́зд Божество́нный, от Него́же напая́емся водою́ нетле́ния, источи́ мое́й души́ умиле́ние, и вино́ очище́ния, Твои́ми моли́твами.

Сла́ва: Чи́стый и святы́й черто́же, и́мже естество́м Бо́г челове́ком уневе́сти естество́, молю́ Тя: совокупи́ мя Твоему́ Сы́ну, и присво́й Божество́нную жизнью́, Твои́ми моли́твами.

И ны́не: Па́жить тле́ния челове́ческаго существа́, нетле́ния Исто́чника Христа́ ро́ждши, Де́во, претвори́ла еси́: умертви́ ми у́бо опаля́ющее, и бу́рное стремле́ние страсте́й, Твои́ми моли́твами.

Та́же, Досто́йно е́сть: И покло́н. Трисвято́е. И по́ Отче наш: тропари́. И проче́е обы́чное, и отпу́ст.

Понедельник

В понеде́льник у́тра

по 1-м стихосло́вии седа́льны умили́тельны, глас 3:

Живу́щи на землі, ду́ше моя́, пока́йся, пе́рсть бо во гробе́ не поёт, ни от прегреше́ний избавляет. Возопи́й Христу́ Бо́гу: Сердце́ведче, согреших ти́, пре́жде да́же не осуди́ши мя́, пощади́ мя, Бо́же, и помилуй́ мя.

Стих: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

Доко́ле, ду́ше моя́, пребы́ваеши в согреше́ниях? Доко́ле прие́млеши пока́янию отложе́ние? Приими́ во уме́ суд гряду́щий, возопи́й Христу́ Бо́гу: сердце́ведче, согреших, безгреше́не Го́споди, помилуй́ мя.

Сла́ва, и ны́не, Богоро́дичен: Красоте́ де́вства Твоего́, и пресве́тлой чистоте́ Твоей, Гаври́ил удиви́вся, вопия́ше Ти́, Богоро́дице: кю́ю Ти́ похвалу́ принесу́ досто́йную? что́ же возы́мену́ю Тя? недоуме́ваю и ужаса́юся. Те́мже, яко́же повеле́н е́смь, вопию́ Ти: раду́йся, Благода́тная.

По 2-м стихосло́вии, седа́лен, глас 3:

На стра́шном суди́щи без оглаго́льников облича́юся, без свиде́телей осужда́юся: кни́ги бо сове́стныя разгиба́ются, и дела́ сокрове́нная открыва́ются: пре́жде не́же во о́ном всена́родном позори́щи имаши испыта́ти, я́же мно́ю соде́янная, Бо́же, очисти́ мя, и спаси́ мя.

Стих: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

Глубину́ согреше́ний мои́х Ты́ ве́си, Го́споди: да́ждь ми́ ру́ку по́мощи я́коже Петро́у, и спаси́ мя.

Стих: Ди́вен Бо́г во святы́х Свои́х, Бо́г Изра́илев.

Му́ченичен: Благоду́шное терпе́ния ва́шего, победи́ кова́рство злонача́льнаго врага́, страстоте́рпцы прехва́льнии, сего́ ра́ди ве́чнаго сподо́бистеся блаже́нства: но моли́теся Го́сподеви, хри́столюбивых люде́й спасти́ ста́до, свиде́телие су́ще истины.

Сла́ва, и ны́не, Богоро́дичен: Раду́йся, Мари́е Де́во Ма́ти, Горó Свята́я, еде́мский раю́, из нея́же роди́ся Хри́стос Бог, безсе́менное слово, имже́ жизнь ми́рови прозябе́.

По 3-м стихосло́вии, седа́льны, глас 3.

Подобе́н: Красоте́ де́вства:

Егда́ суди́щу Твоему́ неумы́тному, и Боже́ственному суду́ предста́нем, и си́лы небесны́я с трепетом Тебе́ предстанут, како́ тогда Тебе́ явлю́ся, о суди́е пра́веднейший? Дела́ осужде́нию и огню́ име́ю досто́йна: но А́нгел Твои́х молитва́ми пощади́ мя тогда́ и спаси́ мя.

Небесная и земная словом привел еси, яко Всесилен: ангельския же лики, с трепетом предстояще, непрестанную хвалу Тебе приносят, Владыко, вся озаряюще светом Твоим концы. С нимиже и мы Тебе вопием: спаси нас благоутробием Твоим.

Слава, и ныне, Богородичен: Яко невозделанная Дево лоза, краснейший грозд прозябла еси, источающ нам вино спасения, всех веселящее души же и телеса. Темже яко вину Тя добрых блажаще присно, со ангелом вопием Ти: радуйся, Благодатная.

Канон умиленный ко Господу нашему Иисусу Христу, и святым его мучеником. Творение Кир Иосифа. Глас 3.

Песнь 1

Ирмос: Фараони колесницы глубиною покрыв, Господи, море развергл еси: и спасл еси песнями поющыя Тя, люди израильтеския.

Прегрешений тьмы избави мя безгрешне, яже без ума содеях, подая ми слезы умиления, якоже иногда блуднице.

Бывша мя вертеп разбойником безместными деянии, добродетельми яви, Человеколюбче, храм Твой, Иже волею рождейся в вертепе.

Мученичен: Окормлением духа Божественнаго претекосте мучений бурю, богодохновеннии мученицы, и к Божественному достигосте пристанищу.

Мученичен: Просветившися благодатию духа мученицы, тьмы глубочайшия идолюбесия убежасте, радуящися прехвальнии.

Богородичен: Всесвятая и пречистая, грешным помощнице, падающим исправление, покаяние ми даждь умиления многосогрешившему.

Другий канон святым безплотным ангелом, [егоже краегранесие: Творю третье пение безплотным.] Феофаново. Глас 3.

Песнь 1

Ирмос: Песнь новую поим, людие, от Девы Рождшемуся во спасение наше, и единого Сотворшему с Небесными земная, яко прославися.

Безначален свет, и подателен светоявления сый всего, Христе Боже, мое помышление просвети предстательством Твоих сил.

Радуящися ангелолепно, всебогатым причастием ангельстии лица, Твоими, Спасе, красными сиянии тайно облистаются.

Яко благий животворец благодетельный дух исходяй от отца, небесныя силы утверди неприкосновенными Божественными благодатями.

Богородичен: Чиноначальниче Божий Гаврииле безплотных ликов, и ныне пребогате, глас радостен обрадованней возопий: радуйся, Всенепорочная.

Пѣснь 3

Ирмос: Утверди мене, Господи, еди́не многомилостиве, и простри ми руку́ яко Петро́ви, и спаси́ мя.

Якоже Петро́а погружа́ема спаса́ еси́, Человеколю́бче: тако́ и мене́ из глубины́ прегрешений́ моихъ возведи́.

Умертви́ мя лъсти́вымъ страстьми́ убивъ: Ты́ же мя́, Жизнода́телю, пока́яния о́бразы оживи́.

Мученичен: Огнемъ веще́ственнымъ мученицы́ непра́ведно опаля́еми, не веще́ственне не веще́ственного воспали́стеся жела́нием.

Мученичен: Мученицы́ растерза́еми, растерза́ния и ловле́ния погуби́ша лъсти́ваго, и венце́в сподо́бишася.

Богородичен: Мари́е госпо́доименита́я, мно́гими облада́ема мя́ страстьми́ душетле́нными, свободи́ молитва́ми Твоими́.

И́н Ирмос: Луки сокруши́л еси́ вражи́и, и щиты́ стёрл еси́ крѣпостию Влады́ко Христе́, утвержде́ние наше́, Свят еси́ Господи́.

Струи́ теку́щя и реки́ бла́гости, явил еси́ бла́гий а́нгельския ли́ки, сокровенна́го Твоего́ та́инства заре́ю сия́ющих.

Да пока́жеша я́ве сокрови́ща бога́тства Твоего́, и крѣ́пости, Влады́ко Христе́, Твоея́ сла́вы прича́стники у́мныя си́лы привел еси́.

С трѣ́петомъ Тебе́ служе́бне а́нгельския светлос́ти предстоя́ще, пою́т при́сно Твою́ си́лу, Христе́, неисче́тноси́льную.

Богородичен: Все́го при́ят из Тебе́ неизме́нно чове́ка, иже Влады́ка се́го все́го, Богома́ти, и Тебе́ исто́чника благода́ти явил е́сть.

Пѣснь 4

Ирмос: Еда́ в река́х прогне́ваеши́ся, Господи́; еда́ в река́х я́рость Твоя́, или́ в мо́ри устре́мление Твое́?

Разреши́ соу́зы страсте́й моихъ, Господи́, пока́яниемъ мя́ связа́в, и прича́стника яви́ бла́гихъ Твоихъ.

Возсия́ ми́ светоза́рныя пока́яния о́бразы, со́лнце съ́й Христе́, зо́л моихъ отгона́я но́щь глубо́кую.

Мученичен: Яви́стеся му́дрии страда́льцы, яко́же у́глие ве́щь безбо́жия попаля́юще, и су́щя во т́ме просвеща́юще.

Мученичен: Ме́ртвости Христо́ве уподо́бистеся мученицы́, болѣ́знемъ примеси́вшеся различны́м: те́мже Боже́ственную жи́знь насле́довасте.

Богородичен: Даждь ми́, Чи́стая, истинное пока́яние, ути́ши страсте́й моихъ молву́, согреша́ющимъ предста́тельнице.

И́н Ирмос: Стра́нна и неизрече́нна Рожде́ства Твоего́ та́йна: услы́шах слухъ Твой́, и убоя́хся, и веселя́ся вопию́ Ти: си́ле Твое́й сла́ва, Человеколю́бче.

Облацы иже трисолнечное светозарение приемлюще, принесостеся Божественным хотением, троическая украшения, окормляеми силою духа.

В мир посылаются к хотящим веровати Тебе, якоже хранителие спасения благочестивых Ангели, соблюдающе, Спасе, рабы Твоя.

Просвещаются тайно Ангели, чистым приближением, и богоначальным Твоим осиянием: силе Твоей слава, зовуще, Человеколюбче.

Богородичен: Рабски молебник ныне прихожду в кров твой, Пренепорочная: избави мя, Богородительнице, страстей смущения, яже безстрастию виновнаго рождшая.

Песнь 5

Ирмос: Светом Твоим невечерним, Христе, озари, Боже, смиренную мою душу, и настави на страх твой: зане свет повеления Твоя.

Не постави мене нага от дел добрых, на судищи Твоём Человеколюбче: но во одежду Божественных деяний облещи покаянием.

Уязвись оружием страстей, и в ров отчаяния впадох: не презри, Владыко, но исцели мя обращения бытием.

Мученичен: И ногтями стружами люте, и мечем страдалцы убиваемы, и ранами изнуряемы, не поклоните истуканному колена.

Мученичен: Мир страданиями вашими красуется присно святии мученицы: премирное яко обретосте пребывание со Ангелы.

Богородичен: Яже едина словом на земли, плотию слово рождши, и Дева пребывши, безсловесных мя избави деяния, яко да словесы честными воспеваю Тя.

Ин Ирмос: На земли невидимый явился еси, и человеком волею сожил еси непостижимый, и к Тебе утренююще, воспеваем Тя, Человеколюбче.

Со Отцем Сына и Духа, трисиянным светом просвещшеся вернии, воспойм едино Божество, со ангельскими воинствы.

Свещы соображающыяся, незаходимым сиянием Божества пребожественнаго, проявленне обогащшеся, ангельстии чини проповедают.

Едино начало пребезначальное чести серафимы учат, вопиюще глас трисвятый яве, духом просвещаемы ангели Божества.

Богородичен: Без семене, Отроковице, Тебе Архангел Гавриил родити Животодавца благовести, Богородице Всечистая, с небес сошед.

Песнь 6

Ирмос: Иже в концы веков дошедшыя, Человеколюбче, и треволнеными напастей погибнути бедствующыя, вопиющыя не презри: спаси, Спасе, якоже спасл еси от зверя пророка.

Превознёся мы́слию, якоже дрéвний фарисей́ прегрешéнием низпадóхся люте, и зря́ мя льстивый, веселится́, Христе́: имже смири́вый сего́ Крестомъ, смири́вшася ны́не ущедри́ мя.

Грехолюбив в житии́ быв, якоже инъ никто́же, Влады́ко, иждихъ твоё долготерпéние окаянный, и ещё́ есмь нечу́вствен, но обрати́ мя Твоимъ благоутроби́ем.

Мученичен: Я́ростнымъ произво́лением, законопресту́пницы богомудренныхъ осужда́юще, огнёмъ и сожже́нием и прободёнными, злата́ светлейше́ яко войстинну́ показа́ша, и Христу́ снасле́дники.

Мученичен: Суди́ще исполнено́ бо́рений, и подвиговъ превели́ких, и па́че естества́ ра́ны прешедше́, победисте́ князя́ тьмы, и от Бога́ прия́сте страда́льцы венцы́.

Богородичен: Ковчегъ за́вета, святу́ю войстинну́ трапéзу, очистили́ще наше́, церковь́ Божи́ю одушевлённую, всезлатый́ свещникъ, истинну́ю Ма́терь Зиждителя́ воспеваемъ.

Ин Ирмосъ: Селёния́ Ио́на, е́же в преисподнемъ а́де, естéственный образъ́ бывъ, вопия́ше: возведи́ от тли́ животъ мой, Человеколю́бче.

Первое́ и вседетельное́ богона́чалия сия́ние, Арха́нгели и А́нгели, си́льно пою́т зову́ще, с нача́лы и властью́ и си́лами, гласы́ немолчными́ Го́спода. [Два́жды.]

И́же миръ умный́ всесли́чнымъ чи́ном по чину́ украше́й невидимо́, сему́ уподобля́тися благочи́нию, честну́ю Це́рковь благоволи́.

Богородичен: Исцелений́ Тя́ исто́чник приснотеку́щ, е́же в Тя́ всельше́еся Слово́ показа́: моя́ убо́ души́ язвы́, Богороди́це Дево́, исцели́.

Пёснь 7

Ирмосъ: Три́е о́троцы в пе́щи Трои́цу прообрази́вше, преще́ние о́гненное́ попра́ша, и поюще́ вопия́ху: благослове́н еси́, Го́споди, Бо́же отецъ́ нашихъ.

Вре́мя моё́ сконча́ется о́ душе́, при двéрехъ исхо́д, пока́яния́ убо́ плоды́ пока́жи, пре́жде даже́ двéри не затворя́тся, возопий́ Христе́: Го́споди, спаси́ мя.

Обнови́м сердца́ ра́лом истинна́го позна́ния, пока́яния́ пшени́цу се́юще, яко́ да по́жнемъ класъ́ правды́, о́ Христе́ возде́лателе́ душъ́ нашихъ.

Мученичен: Светила́ благоче́стия, нече́стия сопро́тивоборцы́, ни́щихъ обогатители́е, Госпо́дни мучени́цы, преока́янную мою́́ душу́ лише́нную, добродетельми́ обогатите́.

Мученичен: И́же спасый́ мы́таря́ из глубины́ возо́дхну́вша, и моё́ ма́лое возо́дыхание́ приими́, и спаси́ мя Страсто́терпецъ́ ради́, прославльшихъ́ Тя́, Христе́, своими́ уды́.

Богородичен: Исто́чнице, и́же во́ду оставле́ния исто́чающе, тече́ния моих прегреше́ний изсуши, подающе ми́ тучу слез, да Тя́ присно́ яко Богородицу́ пою́.

И́н Ирмо́с: Го́рдый мучи́тель, но дете́й бы́сть игра́лище: я́коже бо пе́рсть попра́вше седмери́чный пламе́нь, пояху: благослове́н еси́ Госпо́ди, Бо́же оте́ц на́ших.

Тве́рдый умо́м и до́блественным о́ком, зря́ще первонача́льные све́тлости, прича́стием быва́ете све́ти втории, а́нгельстии ли́цы, благослове́н еси́, зову́ще, Бо́же оте́ц на́ших. [Два́жды.]

Неукло́нным жела́нием, и неизда́тельною любо́вию води́ми су́ще, до́бротами зижди́теля, положи́ем бы́сте свети́ла вторая, ли́цы а́нгельстии, благослове́н еси́ зову́ще, Бо́же оте́ц на́ших.

Богородичен: Воплоще́нное роди́ла еси́, Богороди́це, сло́во безнача́льное, е́же из отца́ без ма́тере предвече́нное Боже́ственным рождество́м, благослове́н, Влады́чице, пло́д твоего́ чре́ва.

Пе́снь 8

Ирмо́с: В пламе́нь ко отроко́м евре́йским снизше́дшаго Бо́жиею си́лою, и явля́шагося Госпо́да, священни́цы благослови́те, и превозноси́те во вся́ ве́ки.

От посме́шства хра́м оте́ческим изрече́нием ра́б бы́сть: что́ сотвори́ши душе́ моя́, поработи́вшись страсте́м и безчи́нно смею́щихся, и не стыдя́щихся Небе́снаго Отца́?

Враждова́в Ка́ин безу́мно братоуби́йца бы́сть: се́му подобна́ яви́лася еси́, и не ина́го уби́вши, но се́бе са́мую душе́ моя́, сластолю́бием и преле́стными жития́.

Мучени́чен: Избра́нныя бисеры́ Госпо́дни, сосу́ды честны́я, свята́щися свещы́ заре́ю Боже́ственныя благода́ти, Христо́вы страстоте́рпцы, ве́рою соше́дшися почти́м досто́йно.

Мучени́чен: И́же му́дрых Страстоте́рпец кро́вь, па́че кади́ла прие́м сло́ве, те́х мольба́ми пока́янием к тебе́ припада́ющих спаси́, яко еди́н милостив.

Богородичен: Изли́шеством блу́днаго жития́, ко а́ду ны́не прибли́жихся: премно́гое благоутро́бие, Отрокови́це, иму́щи, яко Бо́га благоутро́бнаго рождши́ неизрече́нно, уще́дривши, спаси́ мя.

И́н Ирмо́с: Веще́ственного огня́ пламе́нь не веще́ственным увяди́ша, богозри́мии отро́цы, и пояху: благослови́те вся́ дела́ Госпо́дня Го́спода.

Я́ко все́х соде́тель, А́нгелы умы́слил еси́, и предста́ша ти́ со стра́хом, зову́ще: благослови́те вся́ дела́ Госпо́дня Го́спода, пойте́ и превозноси́те Его́ во ве́ки.

Прича́стием Боже́ственнаго огня́, якоже пла́мень бы́вше небесны́я умы́ зову́т: благослови́те вся́ дела́ Госпо́дня Го́спода, пойте и превозноси́те Его́ во веки.

Невеще́ственныя и у́мныя А́нгелы пре́жде соста́вил еси́ ви́димых все́х, непреста́нно Тебе́ зову́щих: благослови́те вся́ дела́ Госпо́дня Го́спода, пойте и превозноси́те Его́ во веки.

Богоро́дичен: Сло́во Отчее, па́че сло́ва воплоще́нное, Богороди́тельнице Де́во, роди́ла еси́: Его́же пою́т вся́ дела́ яко Го́спода, и превозно́сят во вся́ веки.

Та́же поём пе́снь Богоро́дицы: Вели́чит ду́ша моя́ Го́спода:

Пе́снь 9

Ирмо́с: На Сина́йстей горе́ ви́де Тя́ в купине́ Моисе́й, неопáльно о́гнь Божества́ заче́ншую во чре́ве: Даниил же́ Тя́ ви́де го́ру несекóмую, же́лз прозя́бший, Иса́иа взыва́ше, от корене́ Дави́дова.

Иа́ков пер́венство прия́т, ра́ди возде́ржания́ иногда́, Иса́в же́ старей́шинство отда́де, не удержа́в чре́во. Ко́ль зло́ невозде́ржание, и ко́ль вели́ко возде́ржание! бега́й неподóбия, возлю́би, о́ душе́, до́брых прибавле́ние.

Я́ко мно́гая претерпе́в непоро́чный, венча́ся Иов: искуше́ний бо́ стéкшеся пото́цы, не поколеба́ша ему́ серде́чнаго столпа́. Тому́ ревну́й всегда́, непрело́жна пребыва́ющи, о́ душе́, лукаваго козньми́.

Му́ченичен: Обостри́вшеся огнемъ́ Боже́ственнаго Ду́ха, мечи́ яви́стеся я́ве, секу́ще полки́ проти́вныя, страстоно́сцы Христо́вы, и вели́кими побе́дами прославля́еми, венча́стеся все́сильною руко́ю все́х Царя́.

Му́ченичен: Мно́жество му́ченик непоро́чное, безме́рных моихъ́ зóл мно́жество, очисти́ти моли́те Влады́ку и Бога́, ва́ша неизрече́нныя труды́ прие́мшаго, и со безплóтных во́инствы ва́с сочета́вшаго.

Богоро́дичен: Све́тлая влады́чняя пала́та, до́м мя́ покажи́ све́та, непроходи́мая двéре, отве́рзи ми́ пока́яния пу́ти, земле́ свята́я, к земли́ мя́ кроткихъ́ наста́ви, Влады́чице, вся́каго мя́ влады́чества страсте́й я́ви свобо́дна.

И́н Ирмо́с: Сла́дкою пречи́стаго Твоего́ Рождества́ стрело́ю уязвлени́, Чи́стая, Твое́й достоже́ланней до́броте́ дивя́щеся, пе́сньми а́нгельскими́ досто́йно Тя́, яко́ Ма́терь Божи́ю велича́ем.

И́же свету́ вели́кому и пер́вому ны́не предстоя́ще ли́цы, моли́твенницы́ сильне́йшии бы́сте о́ все́х на́с, ва́с, яко́же мо́щно, о́ Боже́ственнейшии А́нгели Божи́и, велича́ющих. **[Два́жды.]**

Равноси́льную Трои́цу сла́вити сподо́бльшеся я́сно, то́я сия́нием пер́вее освеща́еми, освети́тися второ́м сия́нием сподо́бите на́с, и́же ва́с

благочестно величающих.

Богородичен: Тя нашего спасения основание вси ве́мы: Твое́ бо Пречистое Рождество́ спасло́ е́сть, кро́вию богоде́тельною, пою́щя Тя, Богоро́дице, и ве́рно сла́влящя.

Таже, Достойно е́сть: Ектениа́, и свети́лен, и псалмы́ обы́чныя.

На стиховне стихи́ры умили́тельны, глас 3:

Разсе́янный мой у́м собери́ Го́споди, и оляде́вшее се́рдце мое́ очисти́, яко́ Петро́у дая́ ми покая́ние, яко́ мытарю́ въздыха́ние, и яко́же блуднице́ слезы́, да ве́лиим гласом зову́ Ти: Бо́же, спаси́ мя, яко́ Еди́н Благоутро́бен и Человеколю́бец.

Стих: Исполнимо́ся за́втра ми́лости Твое́я Го́споди, и возра́довахомся и возвесели́хомся: во вся́ дни на́ша возвесели́хомся: за дни́, в ня́же смири́л ны еси́, лета́, в ня́же видехом злая́, и призри на рабы́ Твоя́, и на дела́ Твоя́, и настави́ сыны́ их.

Мно́жицею пение́ соверша́я, обрето́хся грех́ сконча́вая, язы́ком у́бо пение́ веща́я, душо́ю же безме́стная помышля́я: но обо́е исправи́, Христе́ Бо́же, покая́нием, и спаси́ мя.

Стих: И бу́ди све́тлость Го́спода Бо́га на́шего на нас, и дела́ ру́к на́ших исправи́ на нас, и де́ло ру́к на́ших исправи́.

Му́ченичен: Святы́х страстоте́рпец па́мять, прииди́те, лю́дие, вси́ почти́м, яко́ позор́ бы́вше а́нгелом и челове́ком, побе́ды венцы́ от Христа́ прия́ша, и мо́лятся о душа́х на́ших.

Сла́ва, и ны́не, Богородичен: Святоперво́чистая похвало́ су́щи Небе́сных чино́в, апо́столов пение́, и проро́ков сбы́тие, Влады́чице, приими́ моли́твы на́ша.

Таже, Благо́ е́сть испове́даться: И Трисвято́е. По О́тче наш: тропа́рь и ектениа́: таже ча́с 1-й, и отпу́ст.

В понедельник Блаженны, глас 3:

Отвергша Христѣ заповѣдь Твою, праотца Адама из рая изгна́л еси́: разбойника же ще́дре испове́давши Тя на Крестѣ, во́нь всели́л еси́, зову́ща: помяни́ мя, Спа́се, в Ца́рствии Твоѣм.

Стих: Блаже́ни изгнани правды́ ради, яко́ те́х е́сть Ца́рство Небе́сное.

Зо́л моих мно́жество, по мно́жеству ми́лости Твоея, Христѣ, презре́в спаси́ мя: и в де́нь су́дный осужде́ния изба́ви мя Спа́се, и ве́чнаго муче́ния, яко́ да песносло́влю Твою́ благосты́ню.

Стих: Блаже́ни есте́, егда́ поно́сят ва́м, и изжену́т и реку́т вся́к зо́л глаго́л, на вы́ лжу́ще Мене́ ради.

Херувими́ и Серафими́, Престо́ли, Арха́нгели, Си́лы, и Нача́ла, и Госпо́дства, А́нгели и власти́ вся, умо́лите соде́теля, презре́ти тогда́ моя́ согреше́ния, егда́ хо́щет суди́ти земли́, яко́ Человеколю́бец.

Стих: Радуйте́ся и веселите́ся, яко́ мзда́ ваша́ мно́га на Небесе́х.

От крове́й свяще́нных багряни́цу омочи́вше Христо́вы страда́льцы, Царю́ си́л сца́рствовати вои́стинну сподо́бишася боголе́пно: и на́м про́сят прегреше́ний оставле́ния, досто́йно те́х всегда́ почита́ющим.

Слава: Триипоста́сное ве́рнии еди́но Божество́, пою́ще благоче́стно, Отца́, и Слова́, и свята́го Уте́шителя́ Ду́ха, а́нгельски возопи́им гласы́ немолчно́: свят, свят, свят еси́, Бо́же, спаса́яй ду́шы на́ша.

И ны́не, Богоро́дичен: Я́же Све́т от света́ ро́ждшая, о́блаче све́тлый, омраче́ннаго мя́ страстьми́ и сла́стьми́ жития́, ко́ свету́ наста́вльши, исправи́, Чи́стая, и улу́чити сла́ву моли́ся, ю́же получи́ша ны́не, и́же до́бре поживши́и.

В понеде́льник ве́чера

на Го́споди воззва́х, стихи́ры, гла́с 3,

Подобен: Крестообра́зно:

Стих: Аще беззакония на́зриши, Го́споди, Го́споди, кто́ постои́т; яко у тебе́ очище́ние е́сть.

Ю́же во мнѣ́ многообра́зный зми́й, уви́дев ле́ность к по́лезным делом, и манове́нием ко злым и го́ршым преобразу́ется, показу́я греха́ сла́дость, свое́ же го́рькое де́лание, и сопроти́вное Боже́ственным за́поведем. Те́мже и порева́ет мя нра́вом, яко до́брая, злая́ приима́ти лука́вым, Христе́.

Стих: И́мене ра́ди Твоего́ потерпе́х Тя Го́споди, потерпе́ душа́ моя́ в Сло́во Твое́, упова́ душа́ моя́ на Го́спода.

Вся́к путь беззакония́ и грехо́вный шество́вав усер́дно, оста́вив пра́вый до конца́, ны́не ко врато́м сме́ртным прибли́жися, утесня́емъ зову́: живота́ наше́го путю́, Иису́се мой Преблагий, к широте́ пока́яния истинна́го обрати́в спаси́, да́ждь ми́ исправле́ние: и пре́жде сме́рти, прощѣ́ния Боже́ственна́го сподо́би мя.

Стих: От стражи́ у́тренняя до но́щи, от стражи́ у́тренняя, да упова́ет Израи́ль на Го́спода.

Умертви́хся грехи́ различны́ми, и прегреше́ний мно́жества, и безме́стием вели́ким, лежу́ ме́ртв, беспомощен вои́стинну. Еди́на же живѣ́т наде́жда моя́, я́же к Твоему́ благоутро́бию: ме́ртвым дыха́ние вкупе́ и живо́т подава́я, Христе́, и умерщвля́я стра́сти нас умертви́вшыя, те́мже предва́рив, ве́чныя сме́рти исхити́ мя.

Та́же, стихи́ры мине́и: Сла́ва, свято́му, аще́ има́ть: **И ны́не, Богоро́дичен.** Аще́ ли не́сть мине́и, и́ны стихи́ры свято́му и вели́кому Иоанну́ Предте́чи.

Стих: Яко́ у Го́спода ми́лость, и мно́гое у Него́́ изба́вление: и Той́ изба́вит Израи́ля от все́х беззаконий́ его́.

И́же ма́тернее безча́дие, и о́тчее безгла́сие в Рожде́стве́ Твое́м Предте́че разреши́вый, моего́ се́рдца безча́дие, и души́ безслове́сие, разреши́ молитвами́ Твоими́ благоприя́тными, к милосе́рдому о́тчу Сы́ну, все́х Влады́це и Бо́гу, Е́гоже́ яко́ слова́ ум безстра́стно роди́: и любезна́я то́му и глаго́лати и твори́ти укрепи́ мя.

Стих: Хвали́те Го́спода все́ язы́цы, похвали́те Е́го́ все́ лю́дие.

И́же Христу́ угото́вав сте́зи, и шество́вия испра́вив, пред Е́гоже́ лице́м послан бы́сть, и мое́ се́рдце благоше́ственно то́му пока́жи, молитвами́

Твоими и помощью проявленными: иже ногам Его честным достоин явился еси, небесныя мя земли ходити сподоби, еюже шествуют кратких нозе, да любовьню яко ходатая почитаю Тя.

Стих: Яко утвердися милость Его на нас, и истина Господня пребывает во век.

Житию ангельскому поревновал еси на земли, пророческое совершение, и Новаго Завета первомучениче, иже сущым под землею первый проповедниче Божественнаго слова тамо сошествия, от Христа свидетельствованный: друже агнца, и избавителя, от всяких соблазн вражиих, и многоплетенных искушений его, Твоего раба избави, Крестителю Иоанне, молитвами Твоими.

Слава, и ныне, Богородичен: Яже света незаходимаго облаче, Богорадованная Отроковице, благословенная Марие, возсияй ми свет покаяния во тьме греховней безумно содержиму: и избави мольбами Твоими огня геенскаго, и тьмы несветимья, и дне не вечерняго яви причастника, Дево, прибегающаго под кров Твой, Пречистая.

Таже, Свете тихий: Прокимен дне:

На стиховне стихиры, глас 3:

Вечернюю песнь приносим Ти, Христе, с кадилом и песнями духовными, помилуй, Спасе, души наша.

Стих: К тебе возведох очи мой, Живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Спаси мя, Господи Боже мой, Ты бо всем еси спасение: буря мя страстей смущает, и бремя беззакония погружает мя. Дажь ми руку помощи, и возведи мя к свету покаяния, яко Един Благоутробен и Человеколюбец.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Велия мученик Твоих, Христе, сила: во гробех бо лежаще духи прогонят, и упраздниша вражью власть, верою троическою подвигшися о благочестии.

Слава, и ныне, Богородичен: В женах святая Богородице, Мати Безневестная, моли, Еюже родила еси, Царя и Бога, да спасет нас яко Человеколюбец.

Таже, Ныне отпускаеши: Трисвятое. И по Отче наш: тропарь, и отпуст.

В понеде́льник на повече́рии

канон пресвятей Богородице. Глас 3.

Песнь 1

Ирмос: Воды дрéвле, ма́нием Божéственным, во еди́но со́нмище совокупивый, и разделивый мо́ре израильтеским лю́дем, Сей Бо́г наш препрославлен е́сть: Тому́ Еди́ному поим, яко прославися.

В ле́ности жити́е скончав, прибли́жися к концу́ жити́я моего́: но Сама́ Пречи́стая, поне́ в последнее́ время, да́ждь ми́ умиле́ние, молю́ся, яко да пла́чуся горько о безме́рных моих прегрешениях.

Оскверни́в безумно, ю́же по образу, красоту́ страстми́ плоти́ моея́, Де́во, Божияго́ устраши́хся негодования́, и ужа́снаго огненнаго́ преще́ния: но Сама́ помилуй́ мя прибега́ющаго к Тебе́.

Сла́ва: Коле́на преклонив́ окаянный, Твою́ прощу́ по́мощь, Пресвята́я Де́во: но Ты́ услы́ши боля́щую ду́шу, и належа́щий о́блак печали́ моея́ разори́ зарею́ Твои́х моли́тв.

И ны́не: Напойтися́ бога́тно слеза́ми да́ждь, бразда́м стра́стных моея́ ду́ши, и пло́д принести́ ми сторичный́, Влады́чице, сподо́би, и се́рдце мое́ всякаго́ весели́я исполни́, да славлю́ Тя.

Песнь 3

Ирмос: И́же от не су́щих вся́ приведый́, Сло́вом созида́емая, соверша́емая Ду́хом, Вседержителю́ вы́шний, в любви́ Твое́й утверди́ мене́.

Слез тучу́ пода́ждь ми, Благая́ Богородице, и си́ми угаси́ страсте́й мои́х пещь, и всякия́ омый́ душе́вныя́ моя́ скверны́.

В беззакони́их оскверни́х благо́родие ду́ши, Пречи́стая, и трепещу́ истязания́, егда́ истя́жет мя о́браза́ досто́яния, Сло́во.

Сла́ва: Бу́ря прегрешений́ объе́мши мя ны́не, во глубину́ отча́яния́ сведе́: но да́ждь ми́ руку́, Чи́стая, и на покая́ние мя наста́ви.

И ны́не: Изба́ви геенны́ и всякаго́ ина́го преще́ния в ча́с суда́, раба́ Твоего́, Пренепоро́чная, и прича́стника сотвори́ Сы́на и Бо́га Твоего́ Ца́рствию.

Песнь 4

Ирмос: Положи́л еси́ к на́м твёрдую́ любо́вь, Го́споди, Единоро́днаго́ бо Твоего́ Сы́на за ны́ на сме́рть дал еси́. Те́мже Ти́ зове́м благода́ряще: сла́ва си́ле Твое́й, Го́споди.

Приидо́ша, Чи́стая, безме́стных де́л во́ды, до окаянны́я моея́ ду́ши. Те́мже помы́слы брeния́ одержи́мь, вопию́ с боле́знию: не прeзри́ мене́, Влады́чице, раба́ Твоего́.

Звѣрие мы́сленни, ны́не немилостиво обыдо́ша мя, тща́щеса
восхитити неща́дно смире́нную мою́ ду́шу, Всенепоро́чная: но сы́ном,
Пречи́стая, сокруши́ душетле́нныя че́люсти.

Сла́ва: Милостива́ буди́ Твоему́ рабу́, Влады́чице, молю́ся, и ча́емаго
преще́ния люди́ Твоя́ исхити́, Всечистая, да зове́м Ти благода́ряще: сла́ва
Тебе́, все́х Цари́це.

И ны́не: Егда́ в но́щи Жени́х приидет суди́ти земли́, тогда́ во срѣ́тение
Его́ со свѣтлою свеще́ю благоволи́, Пречи́стая, изы́ти ми́, и поклони́тися
Того́ прише́ствию.

Пѣснь 5

Ирмо́с: На земли́ невиди́мый явил́ся еси́, и челове́ком во́лею сожи́л
еси́, Непостижи́мый, и к Тебе́ у́тренююще, воспева́ем Тя, Человеколю́бче.

Пси́ мнози́ одержаша́ мя воистинну́, сонм лука́вых духо́в обыде́ мя: но
си́х, Пречи́стая, советы́ ны́не разори́.

Ров мнѣ́ ны́не лука́вый изры́в, вовре́щи мя во́нь покуша́ется: но Твое́ю
десни́цею, Влады́чице, да впаде́т в яму́, ю́же сотвори́.

Сла́ва: Да не я́ростию́ Сына́ Твоего́ обли́чен буду́, во вре́мя прише́ствия
Его́, ни гне́вом Его́ накажу́ся, Всепе́тая: но спаси́ мя мо́льбами́ Твоими́.

И ны́не: Виждь, Чистая, немо́щъ, виждь смире́ние окаянны́я моея́
души́, и безплотных вра́г воста́ние: и си́х вре́да изба́ви мя́.

Пѣснь 6

Ирмо́с: Бе́дна послѣ́дняя грехо́в обыде́ мя, и исче́зает ду́х мой: но
простры́й, Влады́ко, высо́кую Твою́ мы́щцу, яко́ Петра́ мя, Управите́лю,
спаси́.

Мани́ем все́х Зижди́теля, егда́ хо́щет ду́ша моя́ разлучи́тися от плоти́,
Всенепоро́чная, свободи́ мя руки́ ненави́дящих мя, Богороди́це Всепе́тая.

Изуши́ му́тныя ре́ки, Богороди́тельнице, лука́вых моихъ де́яний
струя́ми умиле́ния, и напра́ви к воде́ осла́бы в де́нь суда́.

Сла́ва: Ве́си мою́ немо́щъ душе́вную, и ума́ моего́ некрѣ́пость,
Пречи́стая, и плоти́ немо́жение. Темже́ спаси́ раба́ Твоего́: Тя́ бо стяжа́х
засту́пницу́ непобеди́мую.

И ны́не: Струи́ мнѣ́ слѣ́з духо́вных пода́ждь, Отрокови́це, и́миже
измыю́ тину́ прегреше́ний моихъ, и страсте́й молву́, Пренепоро́чная,
и скверны́ телѣ́сныя.

Та́же, Го́споди, поми́луй, три́жды. Сла́ва, и ны́не:

Седале́н: Подобе́н: Красоте́ де́вства:

Милостива́го во чре́ве носивша́я, прибега́ющаго под кро́в
Тво́й, и прося́ща от души́ Божѣ́ственную Твою́ по́мощь, Влады́чице,
ущедри́, и милости́ сподо́би, егда́ предста́нем Влады́це тва́ри, изба́ви,

Чистая, огня вечнаго, и всякаго осуждения.

Песнь 7

Ирмос: Прѣжде образу златому, персидскому чтилищу, отроцы не поклоняшася, трие поюще посреде печи: отцев Боже благословен еси.

Излияшася на мя, Чистая, прегрешений воды до души моя, бездна же обиде мя последняя: но сего изми треволения.

Окропи мя, Чистая, кровию из ребр Рождества Твоего, множеством милости Твоея: омой же мя слезными струями, и очисти мя от всякия скверны.

Слава: Сокрушение моей души, смирение же сердцу даждь, Всечистая, яко да всякаго избавлюся коварства, присно мя нещадно ловащих.

И ныне: Яко милостива Мати Божия, рабы Твоя, Владычице, милости сподоби, иже верою Сыну Твоему вопиющих: отцев Боже благословен еси.

Песнь 8

Ирмос: Нестерпимому огню соединившеся, богочестия предстояще юноши, пламенем же невредени, Божественную песнь пояху: благословите вся дела Господня Господа, и превозносите во вся веки.

Стрелы стрельца сокруши, Чистая, державою Сына Твоего, и сего неправда ныне да снидет на верх его, да воспою: вся дела Господня Господа, пойте и превозносите Его во веки.

Светом Твоим озари, Отроковице, омраченное мое сердце, и оружием света свету двери отверзи ми зовущу: благословите вся дела Господня Господа, пойте и превозносите Его во веки.

Слава: Уснув в смерти, лежу во гробе отчаяния, но Сама мя возстави, Дево, и бодренно пети сподоби: благословите вся дела Господня Господа, пойте и превозносите Его во веки.

И ныне: Не престаи, Чистая, молящи о чтущих Тя во умилении, избавитися сетей диавольских, Сыну Твоему вопиющих: благословите вся дела Господня Господа, пойте и превозносите Его во веки.

Песнь 9

Ирмос: В законе сени и писаний образ видим вернии: всяк мужеский пол ложесна разверзая, свят Богу: тем перворожденное Слово, Отца Безначальна, Сына первородящася Материю неискусомужно, величаем.

Обуревают страстей волнение, и смущение скверных помышлений душу мою, и лукавых человек буря присно мя смущает: но яко человеколюбива Дево, одержимыя нужды вскоре мя избави.

Душе смиренная, отступи лукавых твоих деяний, и престаи от злобы, и еже прогневати Бога, восприими же усердно заповеди Его:

Богородицу бо имаши пути твоя направляющую.

Слава: Яко рождающая всех Господа, страстей моя свободи, и лютых грехов, и всего моя дела благими за многое милосердие Твое обогати: да радуясь любовью величаю Тя, Всенепорочная.

И ныне: Приближается душе конец, при дверех судище, отступи дел студных, и приимися за благое житие: имаши бо поборницу Богородицу, избавляющую тя от всякаго озлобления.

Таже, Достойно есть: И поклон. Трисвятое. По Отче наш: тропарь, и прочее обычно, и отпуст.

Вторник

Во вто́рник у́тра

по 1-м стихословии седальны умилительны, Глас 3:

Прише́льству́ющи на земли́ ду́ше моя́, пока́йся, пе́рсть бо во гробе́ не поёт, ни от прегрешений́ избавляет. Возопи́й Христу́ Бо́гу: Сердцеве́дче, согреших́ ти, пре́жде да́же не осуди́ши мене́, пощади́ мя, Бо́же, и помилуй́ мя.

Стих: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

Доко́ле ду́ше моя́ пребыва́еши в согрешения́х? Доко́ле прие́млеши пока́яния отложе́ние? Приими́ во уме́ суд гряду́щий, возопи́й Христу́ Бо́гу: Сердцеве́дче, согреших́, безгреше́нне Го́споди, помилуй́ мя.

Сла́ва, и ны́не, Богоро́дичен: Прибе́жище и си́ло на́ша Богоро́дице, крѣ́пкая помо́щнице ми́ра, моли́твами Твои́ми покрѣ́й рабы́ Твоя́ от вся́кия нужды́, еди́на благослове́нная.

По 2-м стихословии седальны, глас 3:

На стра́шнем суди́щи без сопе́рник облича́юся, и без свиде́телей осужда́юся: кни́ги бо сове́стныя разгиба́ются, и дела́ сокро́венная открыва́ются. Пре́жде да́же убо во о́ном всена́родном позори́щи хо́щещи истязати́, я́же мно́ю содея́нная, Бо́же, очисти́ мя, и спаси́ мя.

Стих: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

Глубину́ согрешений́ мои́х Ты́ ве́си, Го́споди: да́ждь ми́ ру́ку помо́щи я́ко Петро́у, и спаси́ мя.

Стих: Дивен́ Бо́г во святы́х Свои́х, Бо́г Израи́лев.

Му́ченичен: Сия́ете ве́рою пресве́тлая свети́ла святы́и, немощствую́щих вра́чеве, страстоте́рпцы прехва́льнии: мучи́телей бо ра́н не убо́ястеся, идо́льское злочестие́ низложи́сте, побе́ду иму́ще непобе́димую Крѣ́ст и́стинный.

Сла́ва, и ны́не, Богоро́дичен: Приими́, Влады́чице, ве́рою притека́ющаго под кро́в Твою́, и не возненави́ждь мене́, ниже́ презри́, Благо́я, пока́янием моля́щагося. Приими́ я́же от уст недосто́йных мои́х мо́льбу, и ходата́йством Твои́м от сетей́ изба́ви мя, да со дерзнове́нием вопию́ Ти: раду́йся, Обра́дованная.

По 3-м стихословии седальны, глас 3:

Подобен: Красоте́ де́вства:

Под кро́в Твою́ прибе́гше, ве́рою зове́м из глубины́ ду́шевныя: Богоблаже́нне Проро́че и Предте́че, напа́стей и бе́д смущения́, и неду́гов

волнения утиши, и суетны сотвори врагов злехитрия советы, прося нам велия милости.

Уныние твоё, душе окаянная, прежде исхода твоего оттряси покаянием, и с плачем обрати зовущи к незлобивому Иисусу человеколюбцу: согреших Ти, Владыко, но яко милосерд спаси мя, молитвами святого Предтечи, иже един сый безгрешен.

Слава, и ныне, Богородичен: Недомысленно и непостижимо есть, Владычице Богорадованная, еже соделанное о Тебе страшное Божие таинство: ибо необъименнаго зачещи родила еси, плотию обложена от пречистых кровей Твоих: Егоже всегда, Чистая, с Предтечею моли, спастися душам нашим.

Канон умилителен ко Господу нашему Иисусу Христу, и святым его мучеником, [егоже краегранесие: Моим стенанием вонми, Божий Слове.] Творение Иосифово. Глас 3.

Песнь 1

Ирмос: Дивно, славно творяй чудеса, Ты еси, Боже, бездну оземленивый, и колесницы потопивый, и люди спасый поющыя Тебе, яко Царю нашему и Богу.

Сами себе прежде конца вернии плачим от всея души: приближается жених, возжжем деяния якоже светлыя свещы, яко да Божественный чертог улучим вкупе.

Покаявся древле Манассиа от всея души, спасеся: возопи бо от среды уз связан ко единому Владыце. Тому ревнуй душе, и спасешися удобь.

Мученичен: Очес слепоту, рук лишение, языка урезание, ног же отятие, бедр и мышцей сокрушение, претерпеша Божественнии страдальцы, благодаряще Иисусу Христу.

Мученичен: Врачебница явися нам рака мощей ваших, святии мученицы всем верным: из неяже почерпаем исцеления, душ же и телес, по долгу вас чтущии присно.

Богородичен: Безсмертия манну Христа носящи, стамно словесная, горести душетленных страстей избави мя, Всепетая Дево: яко да верою Тя славословлю благочестно.

Другий канон Предтечи Иоанну.

Ирмос: Воды древле, манием Божественным, во едино сонмище совокупивый, и разделивый море Израильтеским людем, Сей Бог наш, препрославлен есть: тому Единому поим, яко прославися.

Неплодные утробы Божественное прозябение, плоды ми добродетелей прозябати, Богу молися, греха моего разрешая неплодие, и отгоняя мрак от ума моего, Господень Предтече.

Солнца славы велий, якоже предтекущая звезда, верою на земли явился еси, землю всю просвещшаго: того убо моли, омрачившую душу мою злыми помышленьми просветити Предтече.

Иже Живот сущым во аде, Духом Божественным приближающся, предвозвестил еси пророче, мою умерщвленную душу оживи твоими мольбами: и яко от гроба прегрешений возстави, молюся, славный Предтече.

Богородичен: Со Архангелы и Ангелы, Дево, и со святыми всеми, из тебе Господа являшагося нам моли, молимся, истинную Богородицу исповедающим Тя от бед избавитися.

Песнь 3

Ирмос: Неplодная душе и безчадная, стяжи плод благославный, веселящийся возопий: утвердихся Тобою, Боже, несть свят, несть праведен, паче Тебе, Господи.

Закон Божий отвергох несмысленно, и осужден быти имам: и что сотворю, не вем. Судие праведнейший, ущедрив спаси мя милосердием Твоим.

Восток Человеколюбче сый востоков, возсияй ми, молюся, правды свет, изымая мя страстей омрачения, и тьмы мучения, Многомилостиве.

Мученичен: Земли мысленныя жителие, древеса плодovitая райская, святии мученицы, источницы, иже Божественную воду имущии, чаши проливающии питие святое явистесья.

Мученичен: Един во многих телесех нрав носяще, страстотерпцы мученицы, тьмы победисте врага миродержца, Троицу неразделимую проповедающе.

Богородичен: Дево Мати Пречистая, кающымся нам и ко Христу притекающим, и прегрешений разрешение хотящим прияти, милостива сего всем содейлай всех, Владычице.

Ин Ирмос: Иже от не сущих вся приведый, Словом созидаемая, совершаемая Духом, Вседержителю вышний, в любви Твоей утверди мене.

Глас слова быв Крестителю, гласы чтущих Тя к нему ныне исправи, и прегрешений оставление ходатайством Твоим нам подаждь.

Согреших Тебе и беззаконновах, и люте, Спасе, прегреших, и душу оскверних: сего ради молюся Ти, Твоего ради Крестителя ущедри мя.

В пустыни заблуждша сластями, пустынное воспитание и наставника новых людей молю Тя, Предтече, к покаяния пути настави мя.

Богородичен: Со апостолы, и пророки священными, с мученики, Пречистая, и с вышними силами Сына Твоего моли, ущедрити нас Тебе поющих.

Пѣснь 4

Ирмосъ: Приосенѣнную гору Аввакум прозряше, пречистую Твою утробу, Чистая, темъ взываше: от юга придетъ Богъ, и святыи от горы приосенѣнныя чащи.

Иже источивый из камене древле людем непокоривымъ, Христе, и пререкающымъ, воду жажды исцелѣния, от невлажныя души моея, Боже, умилѣния каплю измывающую мя источи.

Врачу болящихъ, сердца моего страсти исцели благоутробнымъ Твоимъ мановѣниемъ, покаяния сему, Спасе, прилагая пластырь, яко благъ, Божественнаго былія, яко да верою славословлю Тя.

Мучениченъ: Милостивно страстоточцы, яже к телу дружбы, распрягше помышлѣние, мучити васъ хотящымъ предасте сами себѣ. Темъже ближнии Зиждителю бысте друзи.

Мучениченъ: Многоболезненныя струпы отъ многовидныхъ мукъ подъясте страдалцы Христовы, и благодать приясте отъ духовныхъ даровъ, страстей нашихъ прогоняюще многолѣтныя болезни.

Богородиченъ: Многоименитая Отроковице, радуйся, из неяже Богъ Слово родися, отъ безсловесныхъ насъ разрешая, и безмѣстныхъ деяній: радуйся, Облаче свѣтлый, разгоняющій облаки нашего унынія.

Ин Ирмосъ: Положилъ еси к намъ твердую любовь, Господи, единороднаго бо Твоего Сына за ны на смерть далъ еси. Темъже Ти зовемъ благодаряще: слава силе Твоей Господи.

Слова Тя гласъ плотию явльшагося суща, Предтече Господень, молю, безсловесныхъ мя избави деяній, словесы чтущаго Тя, и по долгу верою блажащаго.

Воздохни, о душе, и Богу зиждителю Твоему возопий: согрѣшихъ, очисти мя Христе, и избави мя страшныя муки, бѣдъ же и скорбей, мольбами Божественнаго Предтечи.

Волнами многими лютыхъ страстей потопляема, и бурю люте содержима, и присто погружаема, Крестителю исхити, и к покаяния пристанищу настави мя.

Богородиченъ: Мати Божия, херувимъ превъшшая, колеснице, с невещественными служители, и со святыми всеми моли Христа, егоже родила еси, Всенепорочная, спасти мя отчаяннаго.

Пѣснь 5

Ирмосъ: Утренююще воспѣваемъ Тя, Слове, сыне Божий единорodne: Твой миръ даждь намъ, и помилуй ны поющыя Тя, и верно поклоняющыяся.

Окропивъ мя покаяния иссопомъ, очисти отъ сквернъ страстей, да явлюся Тебѣ чистъ, егда хоцещи, Иисусе, судити всяческимъ, праведнымъ Твоимъ

судом.

Ра́ны согни́шася, Спа́се, преока́янная моя́ ду́ши: исцели́телю боля́щих, и да́телю благи́х, исцели́в спаси́ мя, мно́гия ра́ди Твоея́ ми́лости.

Му́ченичен: Сокруши́шася сосуди́ скуде́льнии страстоте́рпцев на земли́: но кре́пость душе́вная укрепя́ся множа́е, и просвети́ся Христо́вою си́лою.

Му́ченичен: Пролива́емая святы́х кро́вь всю́ зёмлю́ освяти́, и напои́ ве́рных ду́шы, и изсуши́ я́ве су́етства му́тныя пото́ки.

Богоро́дичен: Рожде́ством Твои́м онепло́дстви́ла еси́, Отрокови́це, пра́дедную клятву́: и источи́ла еси́ нам благослове́ния реки́, благосло́вляющим Тя́, и сла́вляющим ве́рою.

И́н Ирмо́с: На земли́ невиди́мый яви́лся еси́, и челове́ком воле́ю сожи́л еси́ непостижи́мый, и к Тебе́ утре́нююще, воспева́ем Тя́, Человеколю́бче.

На земли́ яко́же А́нгел блаже́нне, с плоти́ю я́ве пожил еси́. Те́мже молю́ся Ти́: плотски́х мудрова́ний ду́шу мою́ свободи́.

Во глуби́ну грехо́вную впа́дшаго, и сла́стми ду́шу оскверни́вшаго, и бе́дству́ющаго, Госпо́день Предте́че, спаси́ мя к Тебе́ прибега́ющаго.

Ты́ пророков пре́вышши яви́лся еси́, и́бо са́м видел еси́, Проро́че, пропове́даннаго: е́гоже непреста́нно моли́, просвети́ти ду́шы на́ша.

Богоро́дичен: Небе́с пространне́йши явльши́ся, е́же в Тя́ вселе́нием Сло́ва, Богора́дованная, утесня́ющих мя грехо́в свободи́.

Пе́снь 6

Ирмо́с: Глуби́на страсте́й воста́ на мя́, и бу́ря проти́вных ве́тров: но предвари́в мя Ты́ спаси́, Спа́се, и изба́ви от тли́ яко́ спаса́л еси́ от зве́ря проро́ка.

Отмрачи́хся греха́ мгло́ю, и лежу́ неде́йствен ве́сь: и́же уязви́выйся мене́ ра́ди копи́ем ино́гда, Христе́ Бо́же, уще́дри мя́ Твои́м милосе́рдием.

Стеню́, и в злы́х пребыва́ю: слезю́, и суда́ не трепе́щу, нечу́вствием болю́: Сло́ве Бо́жий, уще́дри мя́ и спаси́, благи́ми судьба́ми Твои́ми.

Му́ченичен: Я́коже агнцы́ не вопи́юще отню́д, ни сло́во, ни гла́с испуща́юще, всесла́внии страда́льцы, к заколе́нию и ра́нам приводи́ми бы́сте, Христа́ воспева́юще.

Му́ченичен: Зверём пре́дани бы́сте на сне́дь, морски́я глуби́ны причастите́ся радостно́ю ду́шею. Те́мже ва́с Христо́с, страда́льцы, венцы́ нетле́нными украси́.

Богоро́дичен: Две́ре ве́рно спаса́емых, врата́, и́миже еди́н про́йде вопло́щся за ны́, врата́ нам правды́ отве́рзи, ве́рою Тя́ пою́щим.

И́н Ирмо́с: Бездна́ последняя́ грехо́в обы́де мя́ и исче́зает ду́х мой́: но простры́й, Влады́ко, вы́сокую Твою́ мы́шцу, яко́ Петра́ мя́, Управителю́,

спаси́.

Вода́ми, пото́ка сла́дости, приклóншагoся под ру́ку твою́ крестил еси́: Тогó моли́, низпослáти ми́ воду́ мýдре умилéния, много́ согрешившему́.

Бéздну милосéрдия в рецe, Предтече, омы́л еси́, превы́спренняя Небеса́ вода́ми покрывающаго, Иисуса́ Человеколю́бца: Егóже моли́ источити́ ми́ оставлéние.

Приблѣжися Цáрство Небéсное, пока́йтесь, взывáл еси́ Предте́че: егóже улóчить сподóби любóвию Тя́ чту́щих, и под крóв честнѣй прибeгающих.

Богородичен: Пречистая, я́же плóть Свою́ Создáтелю взáим дáвши, с вы́шними силами, и со проро́ки все́ми, апóстолы же и мученики, тогó моли́ ущeдрити и спасти́ мя.

Пѣснь 7

Ирмос: Пла́мень оросивѣй пѣщнѣй, и óтроки неопали́мы спасѣй, благословeн еси́ во вѣки, Гóсподи́ Бóже отецъ нáших.

Обнажѣхся от ризъ нетлeния, облекóхся же в дeлá безчeстия. Тѣмже вопи́ю Ти: Бóже щeдрѣй, добродeтелей мѣ оде́ждами просвети́.

Очима́ блудныма́ окаляхся, и осызáнием невоздержáния оскверни́хся, и мeрзок бѣх предъ Тобóю Иисусе́, я́ко блуднаго́ приими́ мя.

Мученичен: Вы́шнюю жизнь возлюбивше, мно́гия претерпѣсте болeзни, Христóвы ору́жницы, свeтильницы́ Божeствeннии: сего́ ради́ вѣрно́ ублажа́еми есте́.

Мученичен: Просветѣвшeся зарeю́ мучeния, облистáете́ мно́жаe солнца́, и вся́к мракъ безбóжия отгна́сте свѣтѣи́и мученицы́.

Богородичен: Я́ко рождши́ все́х содержитeля, от содержáщаго мра́ка невeдeния, и от грехá избави́ мя, Богороди́це Чистая́ Приснодeво.

И́н Ирмос: Триé óтроцы в пещи́ Трои́цу прообразивше́, прещeние́ о́гненное́ попра́ша, и поюще́ вопия́ху: благословeн еси́ Бóже отецъ нáших.

Свeтильникъ солнца́, ду́шу мою́ лeностию́ омрачeную озари́ и ослеплeнную, к пока́яния стезé направля́ мя, Креститeлю́ Христóв Предте́че.

Суднѣй чáс помышля́я, вeсь устрáшаюся, слeжý во мно́жествé безмeстныхъ дeяний, Креститeлю́ Господeнь, предстáв избави́ мѣ о́гня́ предлежа́щаго ми́.

Предстáтелю́ животá моего́, заступни́че мóй Предте́че, от врагóв мѣ видимыхъ и невидимыхъ сохрани́, и покрѣй, и Цáрствия́ Небeснаго́ причáстника́ сотвори́.

Богородичен: Дeво́ Богороди́це, Сы́на Твоегó моли́, со проро́ки, апóстолы же и мученики, будущия́ нужды́ избавити́ ны́, Тебé чту́щяя

присно.

Песнь 8

Ирмос: Ангельми немолчно в вышних славиമാго Бога, небеса небес, земля, и горы, и холми, и глубина, и весь род человеческий, песньми Того яко Создателя и Избавителя благословите, и превозносите во вся веки.

Яко страха Твоего не имех живущаго в сердце моем, всю скончах плотскую сласть безсовестный, и трепещу Твоего суда всех Царю: не возгнушайся мене ныне кающагося.

На землю святую мя прейти, Многомилостиве, сподоби, на нейже живут кротцыи, покаянием измыв мя земнаго греха, иже на земли безгрешно рождейся от Девы.

Мученичен: В своей вам крови очервленшася ноги ваша, запинаяще врагу, и шествие к небесным творяще преподобно, всеславнии Христа всех Бога страстотерпцы.

Мученичен: Совлекостесь ко страданием усердно, и к великим борением, обнажите врага, и в студ облекосте: темже на Небесех венценосцы ликуете, славнии страстотерпцы.

Богородичен: Иаковлю Тя доброту, иже красней доброту Господь возлюбив, во Твое чрево, Всенепорочная, вселися, человеческое существо добротами просветив, паче ума дарованьи.

Ин Ирмос: Нестерпимому огню соединившися, Богочестия предстояще юноши, пламенем же невредени, Божественную песнь пояху: благословите вся дела Господня Господа, и превозносите во вся веки.

Агнца Божия проповедал еси, грехи человеков вземлющаго, Иоанне Божественный Предтече: того моли бремя разрешити грехов моих, и спасаемых части сподобити мя.

Пещи пламене горящаго, тьмы несветимыя кромешния избави мя, во тьме злых дел всего содержима, молю Тя, Слове Божий Пребезначальный, славнаго ради Божественнаго Крестителя Твоего.

Пустым душам и бесплодным, покаянием благоплодие проповедавай, Господень Божественный Пророче, терноносную душу мою от всех сластей очисти: яко да возвращу благих дел клас.

Богородичен: Яко Мати Божия, моли со святыми ангелы и пророки, апостолы же и мученики, бед же и скорбей, и будущих всех мук избавити, тебе Богородицу присно исповедающих.

Песнь 9

Ирмос: Благословен Господь Бог Израилев, воздвигнувший рог спасения нам, в дому Давида отрока своего, милосердия ради милости, в нихже посети нас восток с высоты, и направил ны есть на путь мира.

Се время благоприятно, и день очищения: обратитися восхожди прочее, о душе, творити плоды покаяния: да не бесплодну Тя обрящет смертная секира страшная, и яко смоковницу древнюю посекиши, огню тамошнему послет.

Якоже иногда богатый веселюся в сладостех, немилосердие многое имый к ближнему, и огня не устрашаюся неугасимаго. Темже, Владыко, умягчи ми окаменение души, яко да поне наконец милосердием просвещуся омраченный.

Мученичен: Знаменовавшеся мученицы Божественною кровию Христовою, и знаменьями верою страждуще крепко, неверныя враги низложисте, и от прелести скверныя многия люди исхитисте, пременении Божественными, просветивше светом богоразумия.

Мученичен: Изъощрени явистесь мечи, секуще вражия ополчения, Божественнии Христовы мученицы: и сосуди вместивше зарю Святыя Троицы, и свещницы светящия верным свет благочестия, и Сиона мысленнаго истиннии оружницы.

Богородичен: Световидна Тя облака пророк предзрит, из негоже великое солнце явися нам Христос Бог, и просвети яже первее омраченныя: того умоли, Благая, страстей моих облаки отгнати, и светом Божественным просветити.

Ин Ирмос: В законе сени и писаний образ видим вернии, всяк мужеский пол ложесна разверзая, свят Богу: тем Перворожденное Слово, Отца Безначальна, Сына первородящая Материю неискусомужно, величаем.

В законную сень приник, зарю Божественныя благодати богато узрел еси, земныя концы мудре просвещая, и тьму прогоняя неразумия, Пророче: сего ради Тя чтим.

Яко мученик Христов, яко Божественный Креститель, яко покаяния светильник, и яко утро благочестия, ветхому ходатай и новому: обещавшую злобою смиренную мою душу, разумением Божественным обновив, просвети.

В час ужасный, в час страшный, в час осуждения, осуждаема мя избави мудре, прещения ждущаго мя тамо: слушающаго имья Твоя мольбы, якоже друг Жениха, Спасителя душ наших.

Богородичен: Яко Мати Божия, яко Мати из Тебе плотию рождагося Слова Божия, Чистая, со безплотными, апостолы же и пророки, со святители и мученики, Того моли присно, умирить мир, пречистая Мати Дево.

Таже, Достойно есть: Ектения и светлен, и псалмы обычныя.

На стиховне стихиры умилительны, глас 3:

Разсеянный мой ум собери Господи, и оляденевшее сердце мое очисти, яко Петру дая ми покаяние, яко мытарю воздыхание, и якоже блуднице слезы, да велиим гласом взываю Ти: Боже, спаси мя, яко един Милосерд и Человеколюбец.

Исполнимся завтра милости Твоея Господи, и возрадовахомся, и возвеселихомся, во вся дни наша возвеселихомся, за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Множицею пения содеяая, обретохся грехи совершая, языком убо пения вещая, душею же невместная мышлю: но обое исправи, Христэ Боже, покаянием, и помилуй мя.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Царей и мучителей страх отринуша Христовы воины, и благодарзновенно, и мужески того исповедаша, всяческих Господа Бога, и Царя нашего, и молятся о душах наших.

Слава, и ныне, Богородичен: Без семене зачала еси от духа святаго, и славословяще воспеваем Тя: радуйся, Пресвятая Дево.

Таже, Благо есть исповедатися Господеви: Трисвятое. По Отче наш: тропарь, и ектения, и час 1-й, и отпуст.

Во вто́рник блаже́нны, гла́с 3:

Отве́ргша, Христе́, за́поведь Твою́, пра́отца Ада́ма из ра́я изгна́л еси́: разбо́йника же ще́дре, испове́давши Тя на Кресте́, во́нь всели́л еси́, зову́ща: помяни́ мя, Спа́се, во Ца́рствии Твоём.

Сти́х: Блаже́ни изгна́ни пра́вды ра́ди, я́ко те́х е́сть Ца́рство Небе́сное.

Жите́йскими сла́стми оскверне́ну притяжа́х ду́шу, к щедро́там Твои́м прихо́жду ненача́емь ве́сь, и приле́жно зову́ Ти Христе́, све́дущему еди́ному та́йная: очисти́ мя Твои́м милосе́рдием, Го́споди.

Сти́х: Блаже́ни есте́, егда́ поно́сят вам, и изженут и реку́т вся́к зóл глаго́л, на вы́ лжу́ще мене́ ра́ди.

Я́ко ходата́й ветха́го и но́ваго бы́в Божество́нный Крестите́лю, обетша́вшего мя́ прегреше́ньми обновив, да́ждь Твои́ми мо́льбами, всехва́льне, ходи́ти непреткнове́нно по сте́зям покая́ния, вводя́щим до́бре во Ца́рство Христо́во.

Сти́х: Радуйте́ся и веселите́ся, я́ко мзда́ ва́ша мно́га на небесе́х.

Подви́гом до́брым подвиза́вшеся до́блии страда́льцы, безчи́сленныя тьмы́ боле́зней подъя́сте, и сего́ ра́ди всех боле́зни облегча́ете при́сно, и духо́в врежде́ния прогоните́: темже ве́рою ва́с святы́и сла́вим.

Сла́ва: Све́т и живо́т, и вседе́тель, триипоста́сная еди́ница, я́ко вои́стинну е́сть, ю́же сла́вим: Оте́ц бо, и Сы́н, и Ду́х, еди́ница и содер́жащая вся́, Влады́ка и Го́сподь еди́н Бо́г в триех́ лица́х познава́ется.

И ны́не: Согреша́ющего при́сно, и прогне́вающего Бо́га благо́го, Де́во Ма́ти уще́дри и покая́ния о́бразы я́ко Благо́я, утверди́ мя ны́не, я́ко да бу́дущих мук избе́гнув, воспе́ваю приле́жно, Отрокови́це, моли́тву Твою́.

Во вто́рник ве́чера

стихи́ры подо́бны, крѣстныя, глас 3.

Подо́бен: Ве́лия Креста́ Твоего́:

Тварь измени́ся, Сло́ве, распя́тием Твои́м, со́лнце лучи́ спря́та страхом, и хра́ма завеса́ раздрася́, и вся́к ве́рный спасе́ся. Темже́ славим Твое́ безме́рное бога́тство.

И́же плоть на́шу за ми́лосе́рдие воспри́им, Бо́г же и Влады́ка, на дрѣ́ве пригвозди́ся, и вознесе́ ны низверже́ныя, вознесе́я, те́лом, яко́же благоволи́, за благоутро́бие ми́лости.

Ка́плями богото́чныя кро́ве и воды́ воссозда́ся ми́р, проли́яныя от ре́бр Твои́х, водо́ю убо омы́еши яко́ щедр, все́х грехи́, Госпо́ди, кро́вию же прощѣ́ние пи́шеша.

Ины́ стихи́ры Богоро́дичны, подо́бны:

На одре́ сле́жя небре́жения моего́, живота́ моего́ вре́мя ле́нотно сконча́х, и бо́юся исхо́да моего́ часа́: но Твое́ю моли́твою воздви́гнувши к пока́янию, спаси́ мя отрокови́це.

Боле́зни се́рдца моего́ Чистая́ исцели́, и уста́ви ума́ моего́ прѣ́лесть, и сподо́би чистым Тя́ воспевати́ се́рдцем, и испроси́ти благода́ть, и обрести́ ми́лость в де́нь судный.

Отложи́ смире́нная ду́ше моя́, неудобносо́симая бре́мена злѣ́бы, и приступи́ слезя́щи и вопи́юще: и́го, Чистая́ Де́во, сподо́би мя ле́гкое носи́ти Сы́на и Бога́ Твоего́.

Сла́ва, и ны́не, Кресто́Богоро́дичен: Ору́жие се́рдце Твое́ пройде́, Пречи́стая, егда́ Сы́на Твоего́ на Кресте́ ви́дела еси́, и вопия́ла еси́: не безча́дну Мя́ покажи́ Сы́не Мой́ и Бо́же Мой́, соблюды́й Мя́ по рождестве́ Де́ву.

Та́же, Све́те тихи́й: Проки́мен.

На стихо́вне стихи́ры крѣстныя, глас 3:

Кресту́ Твоему́ покланя́юся, Христе́, честно́му, храните́лю ми́ра, спасѣ́нию нас грѣшных, вели́кому очи́щению, похвале́ всея́ вселенны́я.

Сти́х: К Тебе́ возведе́х очи́ мои́ живу́щему на небеси́. Се́ яко́ очи ра́б в руку́ госпо́дий свои́х, яко́ очи рабы́ни в руку́ госпо́жи свое́я, тако́ очи на́ши ко Госпо́ду Бо́гу на́шему, до́ндеже уще́дрит ны́.

Древо́ преслу́шания ми́ру сме́рть прозябе́: дре́во же Креста́ живо́т и нетле́ние. Темже́ Ти́ покланя́емся распе́ншемуся Госпо́ду: да зна́менается на нас́ све́т лица́ Твоего́.

Сти́х: Помилуй́ нас́, Госпо́ди, помилуй́ нас́, яко́ по мно́гу

исполнимся унижения: наипаче наполни душа наша поношения гобзующих, и унижения гордых.

Пророцы, и апостоли Христовы, и мученицы, научиша пети Троицу Единосущную, и просветиша языки заблуждшыя, и общники Ангелом сотвориша сыны человеческия.

Слава, и ныне, КрестоБогородичен: Подобен: Велия Креста Твоего:

На кресте Тя воздвигена, Христе Мой, яко виде Агница рождшая Тя и Непорочная, и Мати Твоя, рыдаше с плачем и вопияше: не покажи Мя безчадну, Юже сохранил еси чисту и по рождестве.

Таже: Ныне отпускаеши: **Трисвятое. По** Отче наш: **тропарі, ектенія, и отпуст.**

Во вто́рник на повече́рии

канон пресвятей Богородице. Глас 3.

Песнь 1

Ирмос: Воды дрéвле, ма́нием Божéственным, во еди́но со́нмище совокупивый, и разделивый мо́ре израильтеским лю́дем, Сей Бо́г наш, препрославлен е́сть: Тому́ Еди́ному поим, яко прославися.

Яко исто́чник милосе́рдия и ми́лости, ве́дый Тя Бо́жию Ма́терь, присту́пль молю́ся Твое́й бла́гости, да́ти ми́ умиле́ние: яко да сетую и плачуся прегрешений моих, Всечистая Влады́чице.

Душе́вных ми́ слез даждь ка́плю, омыва́ющую скве́рну всю́ моих дея́ний, и лука́вая помышле́ния, и очища́ющую ду́ши моя́ нечистоту́, и це́рковь творя́щую мя́ Бо́жия Ду́ха.

Слава: Обуреваемъ волною, и треволнением моих прегрешений, и люте всегда борца работами потопляемъ, и во глубину погибели ныне отпущен, вопию Ти, Пренепорочная: спаси мя.

И ныне: Милосердия ради милости, Влады́чице все́х, помилуй ока́янную мою́ ду́шу, и огня́ изба́ви мя́ ве́чнующаго, и бесо́вскаго напа́дания, под кров Тво́й, Богородице, ны́не прибега́ющаго.

Песнь 3

Ирмос: Иже от несущих вся приведи́й, Сло́вом созида́емая, соверша́емая Ду́хом, Вседержителю вы́шний, в любви́ Твое́й утверди́ мене́.

Светом Божéственным озари́, Всепе́тая, омраче́нный ум мой злыми по́мыслы: Ты́ бо Свет роди́ла еси́, возсия́вший от Отца́ присносу́щный.

Запе́н ду́ши мое́й стопы́, иже пра́ведных вра́г к земли́ прирази́: но Твое́ю деснице́ю, Влады́чице Чи́стая, возстави́ мя.

Слава: Мытаревыми гласы, окаянный аз зову́ Ти: очисти́ мя́, Влады́чице, и прегрешений оставле́ние, Твое́ю молитвою, подаждь рабу́ Твоему́.

И ныне: Исцели́ я́звы душе́вныя, и многому́тное помышле́ний волне́ние, Влады́чице, утиши́: и мирное ми́ устроение даждь.

Песнь 4

Ирмос: Положи́л еси́ к нам твёрдую́ любовь, Го́споди, Единоро́днаго бо Твоего́ Сы́на за ны́ на сме́рть дал еси́. Те́мже Ти́ зове́м благода́ряще: сла́ва си́ле Твое́й, Го́споди.

Пло́ть сла́стми, и сладостра́стием оскверни́х, и ду́ши моя́ чистоту́ скве́рными мы́сльми окаля́х, и ум помрачих, не презри́ убо, Влады́чице, раба́ Твоего́.

Избавлѣніе мѣ буди, и прибѣжище и держава, рогъ же спасенія, Чистая, и заступница, всякия мя скорби избавляющи всегда, и враги моя вся посрамляющи.

Слава: Многими напастями ныне одержимъ есмь окаянный, и бесовскими коварствы присно погружаемъ, прибегаю Ти ныне: теплою Твоею молитвою спаси мя, раба Твоего.

И ныне: Нощь мя несветла страстей одержитъ окаяннаго: но светомъ Твоимъ Благая, души моя облаки разжени, и к свету настави повелѣній Божіихъ, Всенепорочная.

Пѣснь 5

Ирмосъ: Яко виде Исаіа образно на престоле превознесена Бога, отъ ангелъ славы дориносима, о окаянный, вопіяше, азъ провидѣхъ бо воплощаема Бога, Света невечерня, и миромъ владычествующа.

Время живота моего яко дымъ исчезе, и къ смертнымъ двѣремъ приближися, и ужасаюся бесовскаго нападанія: дела бо тѣхъ дѣяхъ всегда, Всенепорочная, ущедри и спаси мя.

Изсушающи, Дѣво, золъ моихъ бездну, подаждь мѣ рѣки слезъ, и угаси весь страстей моихъ пламень, Отроковице, и сподоби избавитися огня, и прочихъ мученій въ день судный.

Слава: Болѣвшую душу мою грехи, Пречистая, исцели Твоимъ милованіемъ, и сподоби мя творити во смирѣніи Сына Твоего повелѣнія присно, яко да восприиму Сего благодать.

И ныне: Овдовѣшая, Сыне Мой, невестныя одежды, Божественная Цѣрковь Твоя, отъ ребръ Святыя крове одеяся. Азъ же болѣзную, вся болѣзни Твоя зрящи на Крестѣ, яже Слова Мати рыдающи глаголаше.

Пѣснь 6

Ирмосъ: Бездна послѣдняя греховъ обыде мя, и исчезаетъ духъ мой: но прострый, Владыко, высокую Твою мышцу, яко Петра мя, Управителю, спаси.

Великое Тя Божий Сынъ грѣшникомъ прибѣжище показавъ, воплощся Богоневѣсто, отъ чистыхъ кровей Твоихъ: тѣмъ милостива Твоимъ рабамъ буди.

Просвети зарю Твоею, Благая, омраченныя сердца моего очи помыслы неподобными: и свету сына сотвори, и въ мѣсто светло мя всели.

Слава: Волны страстныхъ помышленийъ всегда мя смущаютъ, Пречистая, лукавыхъ же духовъ буря погружаетъ: но утверди мя на камени безстрастія.

И ныне: Уснухъ къ смерти душевной, и во гробѣ лежю отчаянія: но даждь мѣ руку, и воздвигни, молюся, къ покаянію жизни наставляющи мя.

Таже: Господи помилуй, **трижды. Слава, и ныне:**

Седаленъ, гласъ 3: Жезлъ силы стяжавшии, Крестъ Сына Твоего,

Богородице, тем низлагаем врагов шатания, любовью Тя непрестанно величающе.

Песнь 7

Ирмос: Прежде образу златому, персидскому чтилищу отроки не поклоняшася, трие поюще посреде пещи: отцев Боже благословен еси.

Крепостию препояши, Чистая, душу мою изнемогшую грехи, и вопиющая Сыну Твоему спаси мя: отец наших Боже, благословен еси.

Смертного часа убоясь, безсмертного ради и вечного мучения, Тебе припадаю: спаси мя, Отроковице, от сети ловящих, Богородительнице.

Слава: Яже невместимаго Бога во чрево вместившая, многими прегрешении утесняемый ум мой, Богородице, свободи сих осуждения.

И ныне: Род человеческий Тя молит, Богородице: Владычице, помилуй рабы Твоя, верою Сыну Твоему вопиющыя: отец наших Боже, благословен еси.

Песнь 8

Ирмос: Нестерпимому огню соединившися, Богочестия предстояще юноши, пламенем же невреждени, Божественную песнь пояху: благословите вся дела Господня Господа, и превозносите во вся веки.

Позавидев блудному воистинну, и житие мое все скончав во гресех, ныне зову: согреших Ти, сотвори мя, Отроковице, яко единого от наемник Сына и Зиждителя Твоего, да Тя славлю во вся веки.

Наполнися зол душа моя, и привменен бых со всеми в ров низходящими: но Ты мя, Богородице Дево, изведи из ямы страстных, и от брения тимения зол моих.

Слава: Молися Христу, рождающая Сего от святых Твоих чресл, Богородице, многих ми прегрешений дати прощение, да пою: вся дела Господня Господа пойте, и превозносите Его во веки.

И ныне: Егда Божиим повелением хочет душа моя от жития сего отити, от сети ловящих исхити, Пречистая, Тебе вопиющих: вся дела Господня Господа пойте, и превозносите Его во веки.

Песнь 9

Ирмос: В законе сени и писаний образ видим вернии, всяк мужеский пол ложесна разверзая, свят Богу: тем перворожденное Слово Отца Безначальна, Сына первородящая Материю неискусомужно, величаем.

Род человеческий, Всенепорочная, Твоею непобедимую молитвою ныне обогащся, вопиет день и ночь: не престай всегда молящися Творцу и Сыну Твоему, ущедрити поющыя Тя.

Стрелы страстей безместных душу мою уязвиша бесовскими прилоги,

сопротивными стрелами помышлений, всегда ум мой смущают: темже исцели Отроковице, неисцельныя моя язвы.

Отими, Чистая Богоневесто, от мене борющихся враг раны вскоре, востания бо тех, и многого лукавства и наглости ктому не терплю окаянный: но потщися избавити мя.

Ты неможение веси смиренного моего телесе, язвы души моя, сердца моего стенание, и ума моего заблуждение и прелести: темже Твоим милосердием обоюду даждь исцеление.

Таже, Достойно есть: **И поклон до земли.** Трисвятое. **По** Отче наш: **тропарь, и прочее обычное, и отпуст.**

Среда

В среду утра

по 1-й кафисме седальны крестныя, глас 3:

Крест водрузи́ся на земли, и косну́ся небесе́: не яко дре́ву дося́гну высоту́, но Тебе́ на нём исполня́ющему вся́ческая: Го́споди, слава Тебе́.

Стих: Возносите́ Го́спода Бо́га на́шего, и покланя́йтесь подно́жию но́гу Его́, яко свято́ е́сть.

На кипари́се, и пёвке, и ке́дре, возне́слся еси́ а́гнче Бо́жий, да спасе́ши и́же ве́рою покланя́ющыся вольному́ Твоему́ распя́тию, Христе́ Бо́же, слава Тебе́.

Слава, и ны́не, Кресто́Богоро́дичен: Же́л си́лы стяжавши́и крест сы́на твоего́, Богоро́дице, те́м низлага́ем враго́в шата́ния, любви́ю Тя непреста́нно велича́юще.

По 2-м стихословии седальны крестныя, глас 3:

Зауши́выйся за ро́д челове́ческий, и не прогне́вавыйся, свобо́ди из ислéния живо́т на́ш, Го́споди, и спаси́ на́с.

Стих: Бо́г же Ца́рь на́ш пре́жде ве́ка, соде́ла спасе́ние посреде́ земли́.

Подобен: Красоте́ де́вства:

Неисче́тней власти́ Твое́й, и вольному́ распя́тию, а́нгельская во́инства дивля́хуся зря́ще: како́ невиди́мый плоти́ю ураня́шеся, хотя́ изба́вити от ислéния челове́чество? Те́мже яко́ Жизнода́вцу вопи́ем Ти́: слава, Христе́, благоутро́бию Твоему́.

Стих: Дивен Бо́г во святы́х Свои́х, Бо́г Израи́лев.

Мучени́чен: Воору́жившеся во всеору́жие Христо́во, и обо́лкшеся во ору́жие ве́ры, ополче́ния вра́жия страда́льчески низложи́сте: усер́дно бо наде́жду жи́зни, претерпе́сте вся́ мучи́тельская дре́вле преще́ния же и ра́ны. Те́мже и венцы́ приа́сте, мучени́цы Христо́вы терпеливо́душнии.

Слава, и ны́не, Кресто́Богоро́дичен: Подобен:

Неискусобра́чная Чи́стая и Ма́ти Твоя́, Христе́, ви́дящи Тя ме́ртва вися́ща на Кресте́, ма́терски плачу́щи глагола́ше: что́ Тебе́ воздаде́ еврейский́ беззако́нный собо́р и неблагода́рный, и́же мно́гих и вели́ких Твои́х, Сы́не мой, даро́в наслади́выйся? Пою́ Твое́ Боже́ственное снизхо́ждение.

По 3-м стихословии, седальны крестныя, глас 3:

Подобен: Красоте́ де́вства:

Распя́тие и сме́рть прие́м, живо́т безсме́ртный исто́чил еси́ на́м, Христе́ Спа́се, и от тли́ ми́р свобо́дил еси́. Те́мже Твоя́ сла́вим, Жизнода́вче

Человеколюбче, страсти спасительныя, имиже вси спасаемся, Честнаго Креста Твоего мир и непобедимое оружие имуще.

Крест претерпел еси безчестно, Владыко, иже превыше всея твари, яко да почтиши мя прежде люте обезчестована: копием же в ребра Твоя прободен был еси, Долготерпеливе, хотя избавити из истления мя создание Твое. Пою Твое многое благоутробие и благодать, Человеколюбче.

Слава, и ныне, КрестоБогородичен. Подобен:

Воздвигена Тя яко виде на древе, Владыко, неискусобрачная и пренепорочная, Чистая Дева же и Мати Твоя, увы мне зываше, о Сыне мой сладчайший! Какое Тя беззаконнейший собор на древе осуди, всех творца и Владыку: пою Твою крайнюю благодать.

Канон Честному и Животворящему Кресту, [егоже краестрочие: Болезни уставил еси человеком болезнями слове. Творение Иосифово.] Глас 3.

Песнь 1

Ирмос: Воды древле, манием Божественным, во Единое сонмище совокупивый, и разделивый море израильским людем, Сей Бог наш, препрославлен есть: тому единому поим, яко прославися.

Многоболезненныя страсти уставил еси, Слове, страстьми честныя плоти Твоея, и человеки спасл еси, ихже уязви древле сопротивоборец, благочестно поклоняющихся недомысленному смотрению Твоему.

Иже связавый в рай лестию человека, заповеди преступлением, узами связан есть нерешимыми, Господи, имиже воплощаемъ волею связан был еси, разрешая прегрешения наша, Человеколюбче.

Мученичен: Бедствующую потоплением зряще страсотерпцы тварь, демонов прелестями, верным явися пристанища благодатишная, всю гордаго силу струями кровными погрузивше великоименити.

Мученичен: Лик мученический, ликостоянием горним светло сочетаемъ, блистаными всегда озаряется несозданнаго Божества, и сущия на земли озаряет, того чудеса верою славящия.

Богородичен: Превышши горних явилася еси чинов, рождши на земли Бога слова, Пречистая, нас к небесным своими страстьми, и крестом честным возведшаго благодати ради.

Ин канон пресвятей Богородице, егоже краестрочие: Третье пение Богородице приношу.

Ирмос тойже.

Приосененную гору Тя провиде духом Аввакум пророк, молю, Пречистая, осени мя страстию прободаема, и в сени смертной от стужающих мя страстей свободитися. **[Дважды.]**

Окроплѣнием Божѣственныя струи источившияся от Божѣственнаго ребра Сына Твоего, моя омь сердечныя язвы: яко да величаю Тя, и по долгу славлю Присноблаженную и Пренепорочную.

Равнодѣтеля рождшему родила еси слова, обожившаго человеческое существо: но того моли недоумеваема и изнемогша мя вражими коварствы, Божѣственнаго утешения сподобити чистая.

Пѣснь 3

Ирмос: Иже от несущих вся приведи, Словом созидаемая, совершаемая Духом, Вседержителю Вышний, в любви Твоей утверди мене.

Тебе естеством Божества безстрастна, страстна бывша плотию благодати ради, древом умертвил есть еврейский собор, нас обезсмертствующа.

На водах повесивый слово землю, на древе волю был еси повешен, возводя мя к небесным в злобы ров падшаго.

Мученичен: Преиспещрени ранами, Христовы всехвальнии мученицы, Господеви предстоите от него приемлюще богатейшею рукою воздаяния.

Мученичен: Радостною душею к ранам вещахуся мученицы, последнюю змиеви печаль творяще, и ангельския лики радости исполняюще.

Богородичен: Воздвигнута зрящи на Кресте, Христа Неискусобрачная плачущи глагола еси: зашел еси славы Солнце от очию Моєю, просвещаяй во тьме сущия.

Ин Ирмос тойже.

Иже в милости Неизреченней, и щедротах суща Богатаго, милостива сущи, Всесвятая, моли еже ущедрити нас озлобленных.

Дом всех сущи Творца, обитати моли во мне Утешителю, бывшем вертепе душеленных разбойник, Чистая Дево.

Манием вся носящаго Божѣственным, во объятиих яко носящи Богородице, призри на мя, и избави мя от иже к страстем разума безместнаго.

Пѣснь 4

Ирмос: Положил еси к нам твердую любовь, Господи, единороднаго бо Твоего Сына за ны на смерть дал еси. Темже Ти зовем благодаряще: слава силе Твоей, Господи.

Досаждение войстинну, иже чести всякия превышший Владыко, претерпел еси Христе, по главе тростию биемь: яко да преступлением мя обезчестована почтиши, Человеколюбче.

Венцем терновым венчан был еси хотя долготерпеливе, якоже Царь

истинный, и терноносный частный грех из корене уставил еси: песнословлю Твоя, Спасе, страдания.

Мученичен: Не сокрушени томлѣньми ран пребысте мученицы, сокрушающе прелесть вражю, и ногами вашими попирающе, безмерно хвалящаяся, и безумием всего увядаема.

Мученичен: Телесы тлѣнными нетлѣние Божественно стяжасте, страстьми страсть честную безстрастного твердо подражавше всехвальнии мученицы, безплотным всем счислении.

Богородичен: Свиток Тя иногда пророк отроковице зряше, в немже перстом отчим написася слово воплощаемо, и праотчее рукописание копием раздра, Пречистая.

Ин Ирмос тойже.

Язвы, Христе, и заколение волею яко претерпел еси, уязвленную мою душу разбойническими демонов озлобленными, молитвами исцели рождшия Тя, еди́не Многомилостиве.

Тело Твоею руку создателю есмь и творение, злобою же змииною, Христе, от сладостей житейских сокрушихся. Темже мя возсозидай рождшия Тя Божественными умоленными.

Слово Отчее паче слова родила еси, разрешившее всякаго безсловесия человеки: Егоже прилежно моли, безсловесными мя страстьми пленяема свободити, Еди́на Приснодево.

Исцеление нам из длани точиши всегда, вся святыни сень, вся света сущи исполнена, вся каплющи миро благоухания, Пречистая Богоневесто.

Пѣснь 5

Ирмос: На земли невидимый явился еси, и человеком волею сожил еси непостижимый, и к Тебе утренююще, воспеваем Тя, Человеколюбче.

Якоже агнец воздвиглся еси на древо, и отцу жертва принеслся еси о нас, Блаже, и жертвы идольския уставил еси, Всесильне.

Прободся в ребра, Живодавче, копием, два источника спасения проливаеши, от Троицы Тя Еди́наго возвещающим, действия два носяща.

Мученичен: Утверждение крепкое, и непоколеблемый камень, Тя, Иисусе, крепцыи страстотерпцы верою обретше, якоже каменею честное себе наздаша.

Мученичен: Силою Божиею укрепляеми верою, всю лютую силу прелестника поборили есте, страстотерпцы мученицы, и светло венчаестеся.

Мученичен: Истлѣвшее прежде преступлением естество еже по нам, яко нетлѣнно рождши Христа, возсоздала еси, Пресвятая Владычице, предстательство душ наших.

Ін Ирмос: Яко виде Исаиа образно на престоле превознесена Бога, от ангел славы дориносима, о окаянный, вопияше, аз: провидех бо воплощаема Бога, Света невечерня, и миром владычествующа.

Плоти моея болезни, и душевную болезнь претвори, и лености облаки отгони, Дево, Света облаче, и здравие, и лютых пременение даждь ми просящему, и любовью Тя славящему.

Ходатаицу Тя и молитвенницу, из Тебе Рождшемуся ныне предлагаю, всякаго греха сый исполнь Дево, поручница ми и жития исправление буди, и руководство к стезям Божественнаго Ведения.

Освяти ум мой, и душу, Дево, световоди, и Божественныя Славы причастника сотвори: се бо зол исполнихся, и всяким порабощен бых слаstem, и осквернену приношу совесть.

Песнь 6

Ирмос: Бездна последняя грехов обыде мя, и исчезает дух мой, но прострый, Владыко, высокую Твою мышцу, яко Петра мя Управителю спаси.

Змий мя изведе из едема, льстивою снѣдию прельстивый льстивый: Христос же на древо воздвигся волею, древний мне паки дает вход.

Уязвися, иже нас уязвивый, и неисцелен пребысть, уязвленным Твоим ребром, благодателю Господи: вернии же исцелихомся Твоими язвами, имиже волею уязвился еси.

Мученичен: Явистесь посреде огня, премудрии Христовы оружницы, якоже агнцы испецаеми, и Богу всех Царю на трапезу приносими, и неизреченное веселие наследующе.

Мученичен: Подаваете исцеления реки, от неистоцимых сокровищ почерпающе, и страстей вред страстотерпцы изсушаете, и напаяете верных собрания.

Богородичен: Умерщвление зрящи, от Твоих кровей Слова воплощагося, Всенепорочная, матерски восклицала еси: и жизни суца Виновнаго возвеличила еси, Мати Дево Владычице.

Ін Ирмос: Иже в концы веков дошедшыя, Человеколюбче, и треволненными напастей погибнути бедствующыя, вопиющыя не презри: спаси, Спасе, якоже спасл еси от зверя пророка.

Фарисеа превознесенною мыслию превосходях, гордяся присно, и к пропадем пореваяся безмерных согрешений, Единая Чистая, смирившагося мя люте ущедри. [Дважды.]

Яже пречудное Зачатие имевши и Рождение, Твоя милости на мене окаяннем ныне удиви: ибо в беззакониях и зачахся и рождейся слаstem порабощен бых.

Восклицаю, плачу и рыдаю, егда судище страшное воспоминаю: лукава бо дела имам, неискусомужная Дево Мати Божия, в час страшный предстани ми.

Песнь 7

Ирмос: Прже образу златому, персидскому чтилищу, отроки не поклоняшася, трие поюще посреде печи: отцев Боже, благословен еси.

Болезньми Твоими уставил еси наша болезни, Человеколюбче, и ныне к жизни неболезненней привел еси иже Твоим честным страстем поклоняющыяся благочестно, Боже всех.

Егда Тя узре, Христе, тварь распинаема, изменяшеся и трепеташе: земля трясашеся, распадеся же камение, и сокрываше свет солнечное течение.

Мученичен: Законом покаяющеся Христовым, беззаконных уклонишася ласканий мученицы, и законно посреде судища страдальчествующе, славно венчавахуся.

Мученичен: Не опалистеся огнем, огня теплейше произволение стяжавше, стратотерпцы Господни венценосцы, вопиюще: Боже, благословен еси.

Богородичен: Стояла еси зрящи Христа на Кресте воздвигена, Егоже родила еси, Пречистая, и вопияла еси: не безчадну яви Мя, юже соблюл еси чисту и по Рождестве.

Ин Ирмос: Трие отроцы в печи Троицу прообразивше, прещение огненное попраша, и поюще вопияху: благословен еси Боже отец наших.

От дел спасения несть ми, Владычице, грехи бо прилагаю ко грехом, и к злобе злобу: молитвою убо Твоею, Чистая, ущедри, и спаси мя.
[Дважды.]

Суд при дверех, судище готово, уготовися, смиренная душе, и возопий: внегда судити ти Слове, не осуди мене, молитвами Рождшия Тя.

Объем греховных плоды умертвихся, и принося душу неплодну, зову Ти: плодоносна покажи, яже плодом Твоим тление потребившая.

Песнь 8

Ирмос: Вавилонская печь отроки не опали, ниже Божества огонь деву растли. Тем со отроки вернии возопием: благословите дела Господня Господа.

Тебе распеншуся, отверзеся паки рай, и обращающеся на ны оружие плещы дает, копия устыдеся прободшаго святая ребра Твоя, Христе многомилостиве.

Копием Ти борец уязвися, и падеся, падый же Адам к жизни

возвращается, вопия Тебе волею заклавшемуся, Христе: благословляя Тя славлю, Боже мой многомилостиве.

Мученичен: Мир просвещается бореньми вашими, и изрядствы страдальцы, и неисчетными чудесы и тьмы болезней избавляется, верою вопия: благословите дела Господня Господа.

Мученичен: Смех зрится лежа под ногами вашими святии, иже прежде хваляйся землю потребити и море: Христос же животною украшает десницею, неувядающими венцы, вас приснославнии.

Богородичен: В лето породила еси лет вышшаго, разрешающего летняя соузы, узами своими, Пречистая, Адама первозданнаго, и сосвязующа его узами сладкия своей любве.

Ин Ирмос: Нестерпимому огню соединившися, Богочестия предстояще юноши, пламенем же невредени, Божественную песнь пояху: благословите вся дела Господня Господа, и превозносите во вся веки.

Вся яко добра и ближняя всех Царя бывшая, Богородице, исполни мя благих дел, злобе спожившаго, и леностно все житие скончавшаго: яко да Тя славлю во вся веки.

От китова чрева яко избавил еси древле пророка, Божий Слове, преславно: тако избави мою душу во глубину поползшую погибели, имей, Спасе, молящуюся Тебе неискусобратно рождшую Тя Деву.

В красную одежду облекшагося мя богорождения, обретше, Богородице, иже злобу соделовающи, тоя обнажиша: но Ты мя Божественными одеждami уясни покаянием, молитвами Твоими, Дево.

Таже, песнь Богородицы: Величит душа моя Господа:

Песнь 9

Ирмос: Купиною и огнем прописаную в Синаи законоположнику Моисею, и Божий во чреве неопально зачешую огнь, всесветлую и негасимую свещу, сущую Богородицу песнями чтуще величаем.

Да обрящещи драхму, юже погубил еси, Христе, вжег на кресте Твою плоть, Блаже, и общники сотвориши радости, силы Твоя горния, Живодавче, с нимиже Ты яко благодетеля поюще, песнями величаем.

Яко воздвигл еси, Христе, Твой руке на кресте, ослабленныя мой прежде руке страстьми многими, укрепил еси силою Твоею, и колена к течению Божественному, воистинну ослабленная утвердил еси: темже Ты величаем.

Мученичен: Сгарающе пламенем, безмерными ранами, росу Тя обретоша Христе прохладения, Твой твердии и чуднии страдальцы. Темже радуящися идяху путем, желанием почестей, песнями Тя непрестанно величающе.

Мученичен: Множество страдалец, святых лик молит Тя, Христе, за собор людей, много преогорчающих: множеством Твоея, Щедре, милости, очисти множество беззаконий наших, яко Человеколюбец.

Богородичен: Носящее земных зрак, Сияние Отчее Дево родила еси, Егоже воздвигена на Кресте солнце на терпящи зрети омрачашеся, и мрак умаляшеся идолонействовства: темже с Ним Тя величаем.

Ин Ирмос: В Законе сени и Писаний образ видим вернии: всяк мужеский пол ложесна разверзая, свят Богу. Тем перворожденное Слово Отца Безначальна, Сына первородящая Материю неискусомужно, величаем.

Растренна умом, растренна душею и совестью, злобою осквернена, и нага всяких благ явлена, Дево нетленная, непорочная, не презри мене, но делы благочестия украси.

Исполнися зол, исполнися помышлений отчуждающих мя от Тебе, Человеколюбца. Сего ради и стеню и вопию: кающагося мя прими, и не отрини мене рождшия Тя молитвами, Благодетелю многомилостиве.

Да избавлюся Твоими, Всенепорочная Отроковице, молитвами, от всякого гнева, страстей смертоносных, лютыя геенны и огня, от человеков неправедных, от врагов лукавых, прибегнувший к Твоему покрову, и призываяй Тя на помощь.

Яко Мати Божия, моли из Тебе рождагося Господа Бога и Царя: еже избавитися всякого прещения, и лукаваго обычая Твоему рабу, Чистая, на Тя надевавшемуся из чрева Матере моея, Владычице.

Таже, Достойно есть: Ектения и прочее.

На стиховне стихиры, глас 3:

Завистию сладости изгнан бых, падением падся лютым: но не презрел еси, Владыко, восприим мене ради еже по мне, распинаешися, и спасаеши мя, в славу вводиши мя, Избавителю мой, слава Тебе.

Стих: Исполнимся заутра милости Твоея Господи, и возрадовахомся, и возвеселихомся: во вся дни наша возвеселихомся: за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Крестоявленно Моисей на горе руже простер к высоте, Амалика победи: Ты же, Спасе, длани прострый на Кресте честнем, объял еси мя, спасый от работы вражия: и дал еси знамение жизни, от лука бежати противных моих. Сего ради слове, поклоняюся Кресту Твоему честному.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Яко светила в мире сияете и по смерти святии мученицы,

пóдвиги дóбрыми подвизáвшеся: тёмже имúще дерзновéние, Христа́
молите помíловатися душáм нáшым.

Слáва, и ны́не, КрестоБогорóдичен: Зря́щи Тя́ вíсяща на дрéве
Всепорóчная, Христé мой Прéблагий, рыда́ющи вопия́ше ма́терски: сы́не
мой вселюбéзнейший, како́ собор беззаконный на дрéве Тя́ осуди?

В среду блаженны, глас 3:

Отвергнуша Христе заповедь Твою праотца Адама из рая изгна еси: разбойника же, Щедре, исповедавша Тя на Кресте, вонь всели еси зовуща: помяни мя, Спасе, во Царствии Твоем.

Блажени изгнани правды ради, яко тех есть Царство Небесное.

Распялся еси мене ради, и прободен еси Иисусе мой в ребра, два источника источивый мне спасительная: темже спасся страстию Твоею, Христе, воспеваю и славлю благоутробие Твое: помяни мя вопиющая во Царствии Твоем.

Блажени есте, егда поносят вам, и изженут, и рекут всяк зол глагол, на вы лжуща мене ради.

Со незаконными вменився, беззакония всех нас Иисусе взял еси, и тернием венчався яко Царь всех, греха терние праотца из корене Христе, отсекаеши: темже верую Твою страсть ныне славим.

Радуйтесь и веселитесь, яко мзда ваша многа на небесех.

Иже страдания Христова подражавше доблии страдальцы, всеславнии мученицы, и вражью прелесть низложивше силою Божественною, небесную славу получите, о всех нас святии молящися.

Слава: Триипостасная Единице, и Нераздельная Троице вседетельная, существо едино, и сила, певцы Твоя покрый от всякаго вреда вражия, и Царствия Твоего сподоби, еже получиша, иже добре пожившии.

И ныне: Зрящи на Кресте, Егоже от кровей чистых воплотила еси, плачущи зывала еси, Богородительнице Отроковице: что сия, Чадо, сонм лукавый воздаде Тебе, умертвивый Тя, Живота верных всех и воскресение?

В среду вечера

на Господи, возвах, стихиры святым апостолом, глас 3

Подобен: Велия мученик:

Стих: Аще беззакония назириши, Господи, Господи, кто постоит; яко у тебе очищение есть.

Молитвами честных и Божественных апостол Твоих, Человеколюбче Щедрый, Едине Милостиве, смирение Твое подаждь рабам Твоим, и спаси от бед воспевающих Тя, и верою поклоняющихся.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Егда на престолех обоюнадесятих сядете со всех Судиею, судити всякой твари: не осуждена мя покажите, и тьмы и всякаго томления избавите благодатели мой, Божественнии апостоли.

Стих: От стражи утренния до нощи, от стражи утренния да уповает Израиль на Господа.

От стрел нечестиваго избавите мя, яко Божии самовидцы, угашающе его коварства: и оросите мя духовною росою, вас молю мудрии благодатели мой, Божественнии апостоли.

Таже в минеи стихиры святому. Аще несть минеи, ины стихиры святому и великому чудотворцу Николаю: глас и подобен тойже.

Стих: Яко у Господа милость, и многое у Него избавление, и Той избавит Израиля от всех беззаконий его.

Уязвен бых окаянный змийным угрызением, и лежу повержен мертв без дыхания: бодренною Твоею мольбою возстави мя вскоре, всеблаженне святителю, да славлю Твою скоропослушливую благодать.

Стих: Хвалите Господа вси языцы, похвалите Его вси людие.

Ума моего помрачившася злыми помышленьми, и лежаща предвидя, никакоже престаёт ловленьми на мя лъстивомудрый: но яко Бог ущедр и спаси мя, Николаа молитвами.

Стих: Яко утвердися милость Его на нас и истина Господня пребывает во век.

Великое спасение всем нам явился еси, Николае преблаженне: избавляеши бо всяческих бед и напастей рабы Твоя, и искушений и недугов и обстояния, и врагов невидимых.

Слава, и ныне, Богородичен: Велия чудес Твоих, Чистая, сила: избавляеши бо от бед, и спасаеши от смерти, и восхищаеши от напастей неначаемых, и скорби разрешаеши, и согрешения человеков отемлеши.

Та́же, Свѣте ти́хий: Проки́мен дне́.

На стихо́вне стихи́ры апо́стольския, гла́с 3:

Во всю́ зѣмлю изы́де веща́ние ва́ше, святии апо́столи, и́дольскую прѣлесть разруши́сте, Богоразу́мие проповѣда́вше: се́ до́брый по́двиг ва́ш есть блаженнии. Сего́ ради поем, и славословим па́мяти ва́ша.

Сти́х: К Тебе́ возведо́х о́чи мой, живу́щему на Небеси́. Се́ яко́ о́чи ра́б в руку́ госпо́дий свои́х, яко́ о́чи рабы́ни в руку́ госпо́жи своея́: тако́ о́чи на́ши ко Госпо́ду Бо́гу на́шему, до́ндеже уще́дрит ны́.

Живоно́снаго виногра́да су́ще ло́зие, сла́внии апо́столи, пло́д благоче́стия сами́ ся Бо́гу принесо́сте. Те́мже дерзнове́ние иму́ще к Нему́, проси́те дарова́ти ми́р, и ве́лию ми́лость ду́шам на́шым.

Сти́х: Помилуй на́с, Госпо́ди, помилуй на́с, яко́ по мно́гу испо́лнихомся уничи́жения: наипа́че напо́лнися ду́ша на́ша поноше́ния гобзую́щих и уничи́жения го́рдых.

Му́ченицы Твои́, Госпо́ди, ве́рою утве́рждшеса, и наде́жду укре́плшеса, любо́вию Креста́ Твоего́ ду́шевно соединившеса, вражие мучи́тельство разруши́ша: и улу́чивше венцы́, со Безплотны́ми мо́лятся о ду́шах на́ших.

Сла́ва, и ны́не, Богоро́дичен: Вельми́ согреша́юща мя́, Отрокови́це, исхити́ вели́кою Твое́ю моли́твою пла́мене ну́жнаго: и исправи́, Чи́стая, Твои́ми мо́льбами, ко спаси́тельным сте́зям наставля́ющи мя́, Матерни́ми Твои́ми моли́твами.

В среду на повечерии

канон молебный к пресвятей Богородице, глас 3.

Песнь 1

Ирмос: Воды дрѣвле манием Божественным во единое сонмище совокупивый, и разделивый море израильтеским людем, Сей Бог наш, препрославлен есть: Тому Единому поим, яко прославися.

Стенание ми убо подаждь, Богородице, сокрушенное, и слезу душевную, яко да моих многих прегрешений плачуся, и совести неисpravления, Отроковице, и умолю милосердие Твое.

Помыслы поползаяся, и впадая в бездну погибели, Твое, Дево, ныне молю заступление: утверди непоколебимо неможение ума моего на камени твердем Божиих заповедей.

Слава: Смоковницу ношу бесплодия, и боюсь посечения и при, да не во огонь пошлет мя Зиждитель мой Бог. Владычице, предваривши, покаяния мя дела плодоносна сотвори, да славлю Тя.

И ныне: Яко непорочен Храм Царев, страстьми безместными осквернившееся сердце мое, молюся, очисти, Пречистая, целомудрием же и чистым житием, и дела обогати, Богоблагодатная.

Песнь 3

Ирмос: Иже от не сущих вся приведый, Словои созидаемая, совершаемая Духом, Вседержителю вышний, в любви Твоей утверди мене.

Борюции и оскорбляюции мя мнози суть, и несть ослабы обрести избавления от обшедших мя: но не презри Чистая моления моего.

Отягчен множеством злых, и многими прегрешении моими, к высоте небесней возрети не могу: но Ты оставление ми подаждь, Пречистая.

Слава: Расторгнути смиренную мою душу змий лукавый по вся дни покушается: но сему сокруши, Богородице, душетленные зубы.

И ныне: Избави мя, Богородице, всякия одержания беды, и греховныя бури раба Твоего: и к спасительному мя пристанищу направи Твоими молитвами.

Песнь 4

Ирмос: Положил еси к нам твердую любовь, Господи, Единородного бо Твоего Сына за ны на смерть дал еси. Темже Ти зовем благодаряще: слава силе Твоей, Господи.

Трепещу помышляя грехов моих пучину, и сопротивных помышлений лютое и великое волнение: но Ты окорми, и к тишине направи мя, Пречистая.

Недовѣдѣніе тѣжкое ду́шу мою́ ны́не пости́же, неразу́мие и забвѣніе злыхъ, яже в житіи содѣяхъ: но Ты́ убо, Пречі́стая, на покая́ніе содѣянныхъ мною́ наведи́ мя.

Сла́ва: О́гнь страсте́й слѣзными струя́ми угаси́, и удавляющее́ мой́ умъ житѣ́йское трево́лнение, и те́рніе попали́ огнемъ Ду́ха, Богороди́тельнице: Ты́ бо покровъ ми еси́ и похвала́.

И ны́не: Молво́ю напа́стей и трево́лне́ній ве́сь потопля́емъ е́смь лука́выми по́мыслы, и во глубинѹ́ отчая́нія прісно́ низвлеко́мъ, вопію́ Ти: Влады́чице, спаси́ мя раба́ Твоего́.

Пѣснь 5

Ирмо́с: Я́ко ви́де Иса́иа образно́ на престо́ле превознесе́на Бо́га, от а́нгел сла́вы до́риноси́ма, о́ окаянный, вопія́ше, азъ: прови́дех бо воплоща́ема Бо́га, Све́та невече́рня, и ми́ром влады́честву́ща.

Души́ моя́ болѣзнь, и плоти́ немо́женіе ве́си Влады́чице, и ума́ моего́ гни́лость и непостоя́тельное. Те́мже сподо́би мя́ милости́ и благода́ти Твоея́, да Тя́ сла́влю спаса́емъ кро́вомъ Твои́мъ.

Не затвори́ ми милосе́рдия щедро́т Твои́х, Влады́чице Всенепоро́чная: но во умиле́нии приходя́щему к Тебе́ пода́ждь Твоя́ милости́, и лю́тых премене́ніе и прощѣ́ніе, я́ко да благода́рно пою́ вели́чія Твоя́.

Сла́ва: Умно́жишася, Де́во, ненави́дящии мя́ всѹ́е, и оскорбля́ющии ны́не, па́че власъ гла́вы моея́, Чи́стая, ищуще́ расторгну́ти, и сне́дь сотвори́ти се́бе: сихъ убо́ студа́ испол́ниши возврати́.

И ны́не: Я́же ми́рови ми́р, и спасе́ніе все́м пода́вшая, я́ко Боже́ственный Ми́р порождши́, Де́во, бра́нь страсте́й души́ моея́ и те́ла, Чи́стая, умири́ страхомъ и любо́вию Спа́са Христа́.

Пѣснь 6

Ирмо́с: Бе́здна послѣ́дняя грехо́в обы́де мя́, и исче́зает ду́х мойъ: но простры́й, Влады́ко, высо́кую Твою́ мышцу́, я́ко Петра́ мя́ Управителю́ спаси́.

В де́ле и сло́ве и де́янии, не́сть зле́ поживша́ на земли́, я́коже азъ: те́мже Твоего́ прошу́, Влады́чице, человеколю́бія, улучи́ти милости́.

Де́янія злыхъ прегреше́ній, печа́ли ражда́ют все́м те́мже го́рькими напа́стыми одержи́ми есмы́ ны́не: помози́ намъ, Я́же Еди́на христиа́ном спасе́ніе.

Сла́ва: И ражда́еши, и чи́ста по Рожде́ствѣ яви́лася еси́, Богороди́це Де́во. Те́мже моли́ Твое́ рождество́ прісно́, да изба́вимся от вся́каго вре́да вра́жия Твои́ раби́.

И ны́не: Молитва́ми Пречі́стыя Ма́тере Твоея́, и все́х проро́к и му́ченик, и свяще́нных учени́к, Сло́ве Бо́жий, пода́ждь намъ

ми́р, и очище́ние прегреше́ний.

Та́же, Го́споди, поми́луй, три́жды. Сла́ва, и ны́не:

Седа́лен, гла́с 3:

Все́ жити́е моё́ в ле́ности мно́зе преидо́х, Пречи́стая, и ны́не прибли́жися ко исхо́ду моего́ време́не, и устраши́хся от враго́в моих, да не расто́ргнут ду́шу мою́, Всенепоро́чная, и в поги́бели мя́ глуби́ну отпу́стят: но уще́дри раба́ Твоего́, Де́во, и изба́ви мя́ сих озлобле́ния.

Пе́снь 7

Ирмо́с: Я́коже дре́вле благочести́выя три́ о́троки ороси́л еси́ в пла́мени халде́йстем, све́тлым Бо́жества́ огнем и нас оза́ри, благослове́н еси́, вызы́ающы́я, Бо́же оте́ц на́ших.

Тебе́, Ма́терь Бо́жию Чи́стую и Непоро́чную, оскверне́нный те́лом и ду́шею, и окаля́нный дея́ньми нечи́стыми, молю́, Влады́чице, наде́йся на ми́лость Твою́ уще́дри мя́, Пречи́стая.

Прегреше́ний моих мно́жество, и злы́х испы́тание, недоуме́нием мя́ препира́ет зело́, и во отча́яния влече́т мя́ глуби́ну: но Ты́, Пречи́стая Влады́чице, спаси́ мя́ погиба́ющаго, и лю́те потопля́ема.

Сла́ва: Мно́жеством ще́дрот Твоея́ бла́гости, грехо́в на́ших мно́жество прэ́зри, Бла́же, и благопреме́нен бу́ди немол́чно зову́щим: благослове́н еси́, Го́споди, Бо́же оте́ц на́ших.

И ны́не: От брeния страсте́й, и глуби́ны скорбе́й, и напа́стей житей́ских, привле́цы нас к безстра́стию, Чи́стая, и радостному́ весе́лию, Благословенная, зову́щих: Ты́ еси́ Еди́на Богоблагодатная.

Пе́снь 8

Ирмо́с: Веще́ственнаго огня́ пла́мень не веще́ственным увяди́ша, Богозрими́и о́троцы, и пояху́: благословите́ вся́ дела́ Го́сподня Го́спода.

Сласте́й горесть чу́ства вся́ телeсная проше́дши, ду́шу мою́ безме́стно окаля́ет, и в сме́рть влече́т: Влады́чице ми́ра, бу́ди ми́ спасение.

На Тя́ ду́шу, и се́рдце, и те́ло возложих: не й́мам бо ины́я наде́жды разве́ Тебе́, Влады́чице, е́юже получу́ ми́лости. Те́мже ми́ подаждь бога́тую Твою́ ми́лость и благода́ть.

Сла́ва: Зми́й мя́ я́дом приползну́в, плотско́ю сла́стию окая́нную ду́шу мою́ лю́те умори́: но оживи́ сию́ сопроти́вными лечба́ми, Чи́стая, Твоими́ молитва́ми.

И ны́не: Я́же Бо́га и Спа́са ро́ждшая, Миронача́льника, Того́ моли́, ми́р ми́рови послати́ вско́ре, я́ко да в ми́ре Того́ славосло́вим.

Пе́снь 9

Ирмо́с: Тебе́ Неопали́мую Купину́, и Святу́ю Де́ву, Ма́терь Све́та, и Богороди́цу, наде́жду все́х нас велича́ем.

Скверну страстных помышлений моего ума очисти, Чистая, в безстрастия ризу светлую одеваючи мя.

Отверзи ми, Дево, Божественныя входы покаяния, входы страстей и сластей моих заграждаючи, и возбраняючи силою Твоею.

Слава: Услыши глас стенания моего, и глас плача моего, и подаждь очищение и спасение окаянной моей души, Дево Всенепорочная.

И ныне: Виде Даниил пророк Твое Рождество, Дево, виде реснотивно войстинну, иже на престоле виде, Егоже дньми Ветхаго возгласи.

Таже, Достойно есть: И поклон. Трисвятое, и по Отче наш: тропари, и прочее обычное, и отпуст.

Четверг

В четверток утра

по 1-м стихословии седален, глас 3:

Приидите вси, апостоли, восхвалим яко кормчя: идольскую бо прелесть упраздниша, и к свету жизни возведоша, и в Троицу веровати научиша. Темже днесь память их честную совершающе, вернии, славим Христа Бога нашего.

Стих: Во всю землю изыде вещание их, и в концы вселенныя глаголы их.

Апостол Твоих память уяснил еси, Господи, яко Всесилен, яко укрепил еси их, страстем Твоим подобитися, и победиша мужески вражью силу. Темже и прияша исцелений благодати: тех молитвами, Человеколюбче, мир подаждь людем Твоим.

Слава, и ныне, Богородичен: Непостижимаго и неописаннаго, единосущнаго безначальному Отцу, во чрево Твое тайно вместила еси, Богородице. Едино и несмесо от Троицы Божество разумехом, Рождество Твое в мире славяще. Темже и благодарно вопиём Ти: радуйся, Обрадованная.

По 2-м стихословии седалны, глас 3:

Всю напоиша землю струями апостоли, Божия слова, и возрастё клас веры, и концы вселенныя наполни: плевелы бо вся посекоша. темже всех Христу Богу приведоша, крещающе тех в Троицу несозданную.

Стих: Небеса поведают славу Божию, творение же руку Его возвещает твердь.

И паки глаголем тойже седален.

Стих: Дивен Бог во святых Своих, Бог Израилев.

Страстотерпцы святии, молитесь милостиваго Бога, да прегрешений оставление подаст душам нашим.

Слава, и ныне, Богородичен: Пророцы проповедаша, апостоли научиша, мученицы исповедаша, и мы веровахом Богородицу Тя воистинну сущую: темже и величаем Рождество Твое, Пречистая.

По 3-м стихословии седалны, глас 3:

Апостоли Твоя, Христе, в концы земныя послал еси, яко милосерд, яко изощренныя сильне стрелы, закаляюща всякое нечестие и злосуетствие, и насаждающа спасительная учения: тех мольбами, Щедре, мир подаждь душам нашим.

Тебе проповедника истины, и пресветлаго светильника миру, хваляще воспеваем, Николае, и вопиём верою молящися: якоже повинныя от

смерти исхитил еси: тако святе, и нас от бед и скорбей и всякаго избави лютаго озлобления.

Слава, и ныне, Богородичен: Умертвившуюся душу мою согрешёнными многими, всенепорочная Владычице: оживи, яко дерзновение матернее к Сыну Твоему имущи: Ты бо едина родила еси паче ума и смысла Слово собезначальное Отцу и Духу, живот и нетление миру дарующа присно, и велию милость.

Канон святым славным и всехвальным апостолом. Творение Феофаново. Глас 3.

Песнь 1

Ирмос: Воды древле, манием Божественным, во едино сонмище совокупивый, и разделивый море израильтеским людем: Сей Бог наш, препрославлен есть: Тому Единому поим, яко прославися.

Церковныя столпы, основания веры, благочестная утверждения, и верныя вся утверждающая, приидите ублажим священныя апостолы, яко да мольбами их спасемся. **[Дважды.]**

Сам себе прежде суда блудный убоявся осуждаю, злая бо дела безчисленная стяжах. Темже молюся Ти, праведный Судие: отчаяннаго мя спаси Божественными мольбами апостол Твоих.

Непревратнии столпы благочестия, прельщением мя вражиим препятаго, и на земли лежащаго и бедствующаго, и недоумевающагося исправите, яко да обрящу оставление, о нихже согреших.

Богородичен: Со святыми пророки, со апостолы, и мученики, из Тебе воплощагося Господа, прилежно, Чистая, моли, яко да плотския наша вся страсти умертвит, и живот вечный нам дарует.

Другий канон, святому и великому чудотворцу Николаю. Творение Иосифово. Глас 3.

Песнь 1

Ирмос: Поим Господеву, сотворшему дивная чудеса в Чермном мори: понтом бо покры противныя, и спасе Израиля. Тому единому поим, яко прославися.

Пресветлаго светильника неугасимаго, на земли сущаго столпа, и к пристанищу Божественному призывающа, иже волнами житейскими присно потопляеми, Николаа вси почтим, и любовию ублажим.

Силою Божиею всеблаженне укрепляемь, ревность благочестия по разуму стяжал еси: темже хотящия неправедно умерети избавил еси. Сего ради тя молим: всякаго неправеднаго озлобления избави нас, Николае.

Моления Господеву, отче, неоскудно приноси ты: яко да грехов и пламене мучения вечнующаго, и напастей, и скорбей избавит нас, яко един

Благий.

Богородичен: Ковчег Божественный иже вместивший Законодавца наша беззакония вся отемлющаго, ради милосердия Божественного несказанныя пучины, Марию Пречистую согласно воспойм.

Песнь 3

Ирмос: Иже от не сущих вся приведый, словом созидаемая, совершаемая Духом, Вседержителю вышний, в любви Твоей утверди мене.

Иже мира концы учения Божественного исполнивше, душу мою исполните добродетельных деяний, и помышлений благих, Христовы самовидцы. [Дважды.]

От соблазн многих лукаваго, и от всякия скорби, и от всякия тесноты, от всякаго обстояния, ученицы Христовы избавите мя.

Увы, душе моя, окаянная и смиренная, часто согрешаючи, и Бога прогневающи, како испросиши прощение злых, ихже не престаеши творящи?

Богородичен: Божественная лестнице, юже виде Иаков, по нейже сниде Бог, вознося нас, прилежно моли со апостолы, ущедрити нас.

Ин Ирмос: неплодная душе и безчадная, стяжи плод благославный, веселящихся возопий: утвердихся Тобою Боже, несть свят, несть праведен, паче Тебе, Господи.

Изощрен мечь духовный явился еси мудре: лукавья плевелы еретичествующих посекая, и добродетелей стези спасительныя верным углаждая, отче Николае.

Тебе источнику источающе исцелений потоки, молимся, святе: скверны страстей всех нас молитвами твоими омой, бед и скорбей избавляя.

Крепкими твоими молитвами низлагая врага, и ныне нань укрепив немощствующая помышления наша страстными прилоги, призыванием святых твоих молитв, отче Николае.

Богородичен: Ум разумети не может, еже паче ума рождение, чудеснаго Рождества Твоего, Богородительнице всенепорочная, темже молю Тя: ум мой облагодати присно славити Тя.

Песнь 4

Ирмос: Положил еси к нам твердую любовь, Господи: Единороднаго бо Твоего Сына за ны на смерть дал еси. Темже Ти зовем благодаряще: слава силе Твоей, Господи.

Якоже молнии, и яко лучы незаходямаго солнца, апостолы простирая слове, в мирския концы, всех просветив, и безбожия мрак отгнал еси.

[Дважды.]

Мо́ре лю́таго греха́ сло́ве обу́ревает мя́, и волне́ния безчи́нных помышле́ний смире́нную ду́шу мою́ смуща́ют: окормите́лю Го́споди, ученик Твои́х мо́льба́ми спаси́ мя.

Ужаса́юся помышля́я стра́шное Твое́, Влады́ко, прише́ствие: има́м бо пре́жде суда́, мою́ осужда́ющую мя́ внутре́ совести́, и пре́жде муча́щая му́ки, нечувствие мое́.

Богоро́дичен: Сло́ве Бо́жий, И́же рожде́йся от Де́вы Богоотрокови́цы То́я ходата́йствы свяще́нными, и премудры́х апо́стол Твои́х, Спа́се, вся́каго обстоя́ния и вся́кия ну́жды изба́ви ду́шы на́ша.

И́н Ирмо́с: Приосене́нную гору́ Авваку́м прозря́ше пречи́стую Твою́ утробу́, Чи́стая. Те́м зыва́ше: от ю́га прииде́т Бог, и Святы́й от горы́ приосене́нныя ча́щи.

К Бо́гу ходата́я вся́к ве́рный всегда́, Нико́лае, предлага́ет тя́. Те́мже тя́ мо́лим, от напа́стей лю́тых, и паде́ний греховных на́с изба́ви, О́тче.

Во́ду живу́ в се́рдцы имы́й благода́ть Госпо́дню, ороша́еши при́сно му́дре, зно́ем скорбе́й, и сухото́ю грехов бе́дству́ющих, ока́янне поги́бнути имущих, всеблаже́нне.

И́же изба́вил еси́ ино́гда ве́домыя на сме́рть непра́ведно, всеблаже́нне: ны́не и на́с спаса́й от челове́к тлетворных стуже́ния, и от вся́кия бесо́вския ле́сти.

Богоро́дичен: Вопло́щсеся Сло́во премно́жеством благоутро́бия неизрече́нно роди́ла еси́: то́го моли́, Пречи́стая, плотския́ страсти́ и скве́рны все́х изба́вити, и все́х ну́жных жития́.

Пе́снь 5

Ирмо́с: На земли́ невиди́мый яви́лся еси́, и челове́ком во́лею сожи́л еси́, Непости́жимый: и к Тебе́ утрене́юще, воспева́ем Тя́, Человеколю́бче.

На земли́ вопло́щсеся, соде́лал еси́ учени́ки, небеса́ веща́ющая, Христе́, сла́ву Твою́: те́х ра́ди убо, Го́споди, ду́шы на́ша помилуй. **[Два́жды.]**

От страсте́й и от вся́кия ну́жды, от лю́таго обстоя́ния, сло́ве изба́ви рабы́ Твоя́, апо́стол Твои́х благоприя́тными мо́литвами.

Увы́ мне́, душе́ всестра́стная, ка́ко хо́щеша Стра́шному Суду́ предста́ти беспло́дна су́щи; потщи́ся, пока́йся, добродете́лей пло́ды возвраща́ющи.

Богоро́дичен: И́же на земли́ явля́шагося неизрече́нно с плоти́ю, от чи́стых крове́й Твои́х, Чи́стая, моли́ яко Сы́на Твоего́ всегда́, очи́щение на́м дарова́ти.

И́н Ирмо́с: Све́том Твои́м невече́рним, Христе́, озари́, Бо́же, смире́нную мою́ ду́шу, и наста́ви на стра́х Тво́й, зане́ свет повеле́ния Твоя́.

Свету́ чи́стому предста́, и отту́ду при́сно исходя́щими заря́ми просвеща́емь, о́тче, испроси́ все́м очи́щение и мир.

Мене́ па́че все́х челове́к Тебе́ прогна́вша умо́м неразу́мным, Преблагий уще́дри, Никола́а те́плыми моли́твами.

Во уны́нии иждивша мою́ жи́знь, молю́ся ти́, о́тче Никола́е, воздви́гни к пока́янию мы́сль мою́ оскверне́ную.

Богоро́дичен: Я́ко еди́на А́нгелов ра́дость Богора́дованная, ра́дости испо́лни мою́ мы́сль се́тующую, и ле́ностию погружа́емую.

Пе́снь 6

Ирмо́с: Бе́дна послéдняя грехо́в обы́де мя́, и исче́зает ду́х мой: но простры́й, Влады́ко, высо́кую Твою́ мы́щцу, я́ко Петра́ мя, Управителю́, спаси́.

Бе́дну премудро́сти духо́вныя источи́вше, апо́стольское сосло́вие, мирска́го изсуши́ мудрова́ния течéние, и напо́й благочести́вых собра́ния. [Два́жды.]

Воздохни́ и прослезис́я, смире́нная душе́ моя́, и возопи́й ко Го́споду, глаголю́щи: согреших́ Ти́, Влады́ко, очисти́ мя́, Благоутро́бне, мо́льбами́ премудры́х апо́стол Твои́х.

Потеко́ша пото́цы страсте́й, и потопи́ша мою́ душе́вную хра́мину: ре́ки духо́вныя бы́вше апо́столи, сокруше́ннаго мя́ к живото́у обновите́.

Богоро́дичен: Со́бор Тя́ апо́столов, Христе́, мо́лит с ро́ждшею Тя́: очище́ние низпосла́ти и ми́р рабо́м Твоим, я́ко Человеколю́бец и Бо́г благопре́менитель.

И́н Ирмо́с: Глубина́ страсте́й воста́ на мя́, и бу́ря проти́вных ве́тров: но предвари́в мя́ Ты́ спаси́, Спа́се, и изба́ви от тли́, я́ко спа́сл еси́ от зве́ря проро́ка.

Умертви́в воздержáнием у́ды, стяжа́л еси́ жи́знь нестарéемую: Ейже́ и нас общники́ твоими́ моли́твами соде́лай му́дре, избежáнием злаго́ греха́.

Ве́трилом свяще́нных твои́х моли́тв, пучи́ну напа́стей многообра́зных, и грехо́вныя глубины́ изба́ви нас, ко пристани́щу же живото́а приводя́, му́дре святителю́.

Украси́в мирли́кийский престо́л, яви́лся еси́ красото́а первосвяще́нником: но моли́твами твоими́ от мирски́х напа́стей спаса́й ны́ невре́димы, святителю́.

Богоро́дичен: Всели́вшееся во утробу́ Твою́ Сло́во, Ма́ти чи́стая, дрéвле в челове́цех всели́вшуюся от преступле́ния тлю́, я́ко Бо́г еди́н, вне́ изгна́л е́сть, за милосе́рдие ми́лости.

Пе́снь 7

Ирмо́с: Пре́жде образу́ злато́му, перси́дскому́ чтители́щу, о́троки не поклони́шася, три́е пою́ще посреде́ печи́: отцев́ Бо́же благослове́н еси́.

Иже свет миру Христос, свет вас показа, светоноснии апостоли, разгоняющих тьму прельщения, и просвещающих верных мысли. [Дважды.]

Яже на нас вражия сети сокрушите, богогласнии апостоли, и стези нам покаяния уладите, к вам прибегающим.

Обьюродевшую душу мою плотскими страстьми соль Божественная суще богоблаговолити Господни апостоли, очистите верно оживляюще.

Богородичен: Доброто Иаковля, добрыми мя зраки просвети, молюся, молящися ныне со апостоли, рождшемуся от Твоих чистых кровей.

Ин Ирмос: Трие отроцы в пещи Троицу прообразивше, прещение огненное попраша, и поюще вопияху: благословен еси Боже отец наших.

Губящаго древле Господни люди, безумнаго Ариа удавил еси жилами словес твоих, яко пастырь начальный истинен, отче Николае.

Свято прешед пресвятое житие твое, со святыми живещи, отче Николае, священне посылая и просвещение благочестно тя блажащим.

Яко готова ты избавителя, яко тепла заступника призываем присно, отче Николае, от страстей нас избави и нечаемых напастей, находящихся на ны.

Богородичен: Мене небрежением душу омрачившаго, просвети Чистая, Яже Свет рождающая, сердца моего возжизающи светильник, яко да усердием благим славлю Тя.

Песнь 8

Ирмос: Нестерпимому огню соединившися, Богочестия предстояще юноши, пламенем же невреждени, Божественную песнь пояху: благословите вся дела Господня Господа, и превозносите во вся веки.

Уязвихся страстей оружием, и острупих сердце безумием, злобы содетелем: апостоли славнии исцелите мя всего недоумеющася, душ и телес врачеве суще. [Дважды.]

Во всю землю проповедников вещание изыде Божественное, учащее православно о единственном существе, едино естество почитати Святыя Троицы, и едино воистинну господство, и едино Царство во вся веки.

Мене многосогрешившаго, и долготерпение твое Божественное иждившаго. В пребывании прегрешений, возврати, Владыко, ведый мою немощь слове, и леность, и зломудрие.

Богородичен: Божественная клеще, яже Божественнаго угля неизреченно приемши, Богородице, страстей моих разжженное углие угаси, Пречистая, росой Твоих молитв, и всеславных и Божественных апостол.

Ин Ирмос: Ангельми немолчно в вышних славиимаго Бога, небеса

небес, земля, и горы, и холмы, и глубина, и весь род человеческий, песнями Того яко Создателя, и Избавителя благословите, и превозносите во вся веки.

Землю кратких наследовал еси, краток преподобне быв. Темже молюся ти верно: укроти молитвами твоими, подвижающаяся на мя присно лукаваго треволнения.

Якоже избавил еси воеводы, иже неправедно умерети хотящия: тако от человек лукавых озлобления нас избави, и от всякаго бесовскаго навета, Николае, моля Спаса.

Путь показал еси человеком правый и спасительный: на негоже настави нас в житии переходящих, Николае, молитвами твоими, яко да купно внидем в животная врата.

Богородичен: Крепость и пение мое есть, Иже из Тебе рождейся, Пречистая, Егоже прилежно моли, Дево, расслабленного мя страстьми укрепити, и творити спасительная Его повеления.

Таже, поем песнь Богородице: Величит душа моя Господа: **С поклоны.**

Песнь 9

Ирмос: В законе сени и писаний образ видим вернии, всяк мужеский пол ложесна разверзая, свят Богу: тем перворожденное Слово, Отца Безначальна, Сына первородящая Материю неискусомужно, величаем.

Иже словеса Твоих ученик, утвердил еси земныя концы Отца безначального слова: тех мольбами, и мене, к страстем безсловесным попользася, и бесовским прельщением потопляема ущедрити. **[Дважды.]**

Душе моя, страстей работающая устремлением, пострадавшему нас ради принеси мольбы, яко да избавит Тя лютых, молящимся проявление священным учеником, и уподобльшимся того плотским страданием.

Христовы ученицы, егда с ним судити сядете суду повинных, неосужденну мою душу соблюдайте, оскверненную безместными делы, яко блазии мой предстателие, и яко мира заступницы.

Богородичен: Дево Чистая, Дево Пречистая, Христова палато, Дево Пресвятая, Святаго Святых Бога, паче вины и слова рождшая, со апостолы святыми, о всех молися.

Ин Ирмос: На Синайстей горе виде Тя в купине Моисей, неопально огонь Божества зачешую во чреве, Даниил же Тя виде гору несекомую, жезл прозябший, Исаиа зываше, от корене Давидова.

Яко ограждение Божественное и утверждение, и доброе прибежище, земный мир стяжа тя: ходатайствы бо твоими присно избавляемся от всякаго искушения и тесноты, отче Николае. Темже во хвалении верно ублажаем Тя.

Утесняе́мь бы́в мно́гими обстоя́нии, к пространству прибегаю́,
всеблаже́нне, тёплых моли́тв твои́х, претвори́ души́ моея́ болѣзнь, вопию́
ти: во́лны украти́ отча́яния, и умири́ моего́ ума́ смущѣ́ние.

Творца́ настоитъ прише́ствие суди́ти все́й земли́, и негото́в сый
окаянный, весь устрашаю́ся, помышляя́ золъ моихъ мно́жество: Го́споди
долготерпеливе, уще́дри, и спаси́ мя Божественными Никола́а моли́твами
преподобнаго Твоего́.

Богородичен: Просвѣще́ние моё спаси́тельное яви́лася еси́, ро́ждшая
Свѣт, души́ моея́ о́блаки разгона́ющи мра́чныя и лю́тыя: яко да сынъ дне́
моли́твами Твои́ми буду́ содевая́ преподо́бная, яко да в песнословлении́
преподо́бне ублажа́ю Тя.

Та́же, Досто́йно е́сть: Ектѣ́нiа. И свети́лен.

На стиховне́ стихи́ры, гласъ 3:

Во всю́ зе́млю изы́де веща́ние ва́ше, святы́и апо́столы: и́дольскую
прѣ́лесть разруши́те, Бого́разу́мие проповѣ́дающе. Се́ до́брый по́двигъ вашъ
е́сть, блаже́ннии, те́мже поемъ и славосло́вимъ ва́ша па́мяти.

Сти́х: Исполни́хомся за́утра ми́лости Твоея́ Го́споди, и возра́довахомся,
и возвесели́хомся: во вся́ дни на́ша возвесели́хомся, за дни́, в ня́же смири́л
ны́ еси́, ле́та, в ня́же видехомъ зла́я, и при́зри на рабы́ Твоя́, и на дела́
Твоя́, и наста́ви сы́ны ихъ.

Христо́вы заповѣ́ди непоро́чно сохра́ньше, святы́и апо́столы, ту́не
прия́те, ту́не подава́ете, исцеля́юще страсти́ душъ и теле́с на́ших. Те́мже
иму́ще дерзнове́ние, Того́ моли́те, поми́ловатися́ душамъ на́шымъ.

Сти́х: И бу́ди свѣ́тлость Го́спода Бо́га на́шего на насъ, и дела́ ру́к на́шихъ
испра́ви на насъ, и де́ло ру́к на́шихъ испра́ви.

Яко свети́ла в ми́ре сия́ете, и по сме́рти святы́и му́ченицы, по́двигомъ
до́брымъ подвигше́ся, иму́ще дерзнове́ние, Христа́ моли́те, поми́ловатися́
душамъ на́шымъ.

Сла́ва, и ны́не, Богородичен: Без се́мене зачала́ еси́ от Ду́ха
Свята́го, и славослова́юще воспева́емъ Тя: ра́дуйся, Пресвята́я Де́во.

Та́же, Благо́ е́сть: И часъ 1-й, и отпу́ст.

В четверток блаженны, глас 3:

Отвергша, Христѣ, заповѣдь Твою, праотца Адама из райа изгнал еси: разбойника же щедре, исповѣдаша Тя на крестѣ, вонь вселил еси, зовуща: помяни мя, Спасе, во Царствии Твоѣм.

Стих: Блажени изгнани правды ради, яко тех есть Царство Небесное.

Иже тростию крестною из глубины неведения люди изведше апостоли, и еллинскую прелесть отгнасте от земли, нелестнии спасителие бысте верным войстинну. Темже блажими есте.

Стих: Блажени есте, егда поносят вам, и изженут, и рекут всяк зол глагол, на вы лжуще мене ради.

Яко лучы тайныя, и светила праведнаго солнца бывше, славнии апостоли, злочестия тьму отгнали есте, и к свету богоразумия настависте вся люди: темже вы почитаем.

Стих: Радуйтеся и веселитесь, яко мзда ваша многа на небесех.

Мук разжжения претерпесте, свыше страдальцы благодати росу прияли есте: и человеческия страсти, яко Христовы угодницы, присно благочестно мудрии исцеляете. темже верно вас святии почитаем.

Слава: Троицы священнии проповедницы, Пётре, и Павле, Марко, и Луко, Матфее, Симоне, Иакове, Андрее, Иоанне, Фомо, Варфоломее и Филиппе мудре, прилежно всегда сию молитѣ, избавитися нам от всякаго обстояния.

И ныне: Апостолов доброто, и святых страсотерпец радование, богоблагодатнейшая владычице, о нас моли всех Спаса и Бога: яко да прегрешений приимем оставление, и Божественныя жизни вси причастницы будем.

В четверток вечера

на Господи, возвах, стихиры крестны, глас 3.

Подобен: Поставиша:

Стих: Аще беззакония назириши, Господи, Господи кто постоит; яко у тебе очищение есть.

Господи, безстрастен сый Божественным естеством Твоим, Страсть претерпел еси, по естеству человеческому Твоему, на Кресте убо пригвождаемь, копием же ископываемь в ребра, источая мне две рече от них тайнств неизреченных.

Стих: Имене ради Твоего потерпех Тя, Господи, потерпе душа моя в Слово Твое, упова душа моя на Господа.

Венцем от терния исплетенным увязлся еси поруганно Царю всех, запрещение спасе, тернового греха истерзая: рукама же твоима трость прием, в горней книзе написал еси всех нас: в Тя веровавших.

Стих: От стражи утренния до нощи, от стражи утренния да уповает Израиль на Господа.

Никакоже преста евреюв зависть неправедная, ниже распенших Тя, Незлобиве, ниже умершу Ти, Христе: но и тако оклетаху, якоже лестца, у Пилата лютии просиша стрещи гроб Твой. О гнева неисцельнаго!

Ины стихиры пресвятей Богородице. Глас тойже.

Стих: Яко у Господа милость, и многое у Него избавление, и Той избавит Израиля от всех беззаконий его.

Егда из Твоего чрева возсиявшаго, на Кресте заходяща видевши солнца незаходимаго, солнца зарю содержащаго, возопила еси отягченою душею тьмою печалей, волею зашед, и паки возсияв, в мое просвещение, и миру.

Стих: Хвалите Господа вси языцы, похвалите его вси людие.

Владычице, рождающая грядущаго живым же и мертвым судити, умерщвленную мою душу болезнию, покаянием оживи, и Божественною кровию из ребр сына Твоего истекшею: и живым Его заповедем делателя яви мя.

Стих: Яко утвердися милость его на нас, и истина Господня пребывает во век.

Егда Тя Чадом неболезненно раждах, агница и Мати глаголаше: скорби избежах и печалей мглы: но ныне ты воздвигнута на Кресте зрящи, утроба моя, горькими стрелами сердце облагаю, и печалию безмерною погружаюся, Владыко.

Слава, и ныне, Богородичен: Мир помилован бысть, Слове, распятием Твоим, тварь просветися, языцы спасение обретоша, Владыко, вопияше Пречистая: аз же ныне растерзаюся, зрящи Твою вольную страсть.

На стиховне стихиры, глас 3:

Кресту Твоему поклоняемся, Христе, честному, хранителю мира, спасению нас грешных, великому очищению, похвале вся вселенныя.

Стих: К Тебе возведох очи мой живущему на небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Крестообразно Моисей на горе руце распростер к высоте, Амалика побеждаше. Ты же, Спасе, длани распростер на Кресте честнем, объем мя спасл еси от работы вражия: и дал ми еси знамение живота бежати от лука сопротивных ми. Сего ради слове, поклоняюся Кресту Твоему Честному.

Стих: Помилуй нас, Господи, помилуй нас, яко по многу исполнихомся уничижения, наипаче наполни душа наша поношения гобзующих, и уничижения гордых.

Велия Креста Твоего, Господи, сила: водрузися бо на месте, и действует в мире, и показа от рыбарей апостолы, и от язык мученики, да молятся о душах наших.

Слава, и ныне, КрестоБогородичен: Зрящи Тя всенепорочная воздвигена на Древо, Христе мой преблагий, плачуци вопияше матерски: Сыне мой вселюбезный! Како сонм беззаконный на Кресте Тя воздвиже?

В четверток на повечерии

канон Пресвятей Богородице. Глас 3.

Песнь 1

Ирмос: Воды дрéвле, мánием Божéственным, во Едино сонмище совокупивый, и разделивый море израильтеским людем, Сей Бог наш, препрославлен есть: Тому Единому поим, яко прославися.

Присенную Тя гору, юже провиде Духом Аввакум пророк, молю, Пречистая, осенити мя страстьми озноенаго, и от сени смертныя лютых бед избавитися.

Окроплением Божественныя крове, излианныя от Божественных ребр Чистая, Сына Твоего, моего сердца омый раны, яко да величаю Тя, и по долгу славлю Присноблаженную и Пренепорочную.

Слава: Равнодетельное Отцу родила еси Слово, обожившее человеков существо: Того моли, недоуменнаго мя и изнемогшаго вражими коварствы, Божественныя утехи сподобити, Чистая.

И ныне: Очищение ми подаждь прегрешений Божественными Твоими молитвами, Дево, сильную бо имаши молитву Владычице: и Тебе поющыя избави от прегрешений, и страстей, и скорбей, и обстояния.

Песнь 3

Ирмос: Иже от не сущих вся приведый, Словои созидаемая, совершаемая Духом, Вседержителю вышний, в любви Твоей утверди мене.

В милости Неизреченнаго, и в щедротах суща Богатаго, милостива сущи, Пречистая, помолити ущедрити ны озлобленныя.

Храм сущи всяческих Творца, помолитися вселитися в мя Утешителю, бывша мя вертеп душетленных разбойников, Чистая Дево.

Слава: Манием вся носящаго Божески, на руку яко носила еси, Богородице, призри на мя, и избави мя, еже к страстем зрения неподобнаго.

И ныне: Милосердие милости Твоея молю, отверзи ми, Богородице Пречистая, и теплая ми явися в напастех помощница и спасение.

Песнь 4

Ирмос: Положил еси к нам твердую любовь, Господи, Единороднаго бо Твоего Сына за ны на смерть дал еси. Темже Ти зовем благодаряще: слава силе Твоей, Господи.

Раны Христе и заколение, волею яко Бог претерпевый, ураненую мою душу разбойми бесовских озлоблений, молитвами Тебе Рождшия исцели, Едине многомилостиве.

Дѣло Твоею руку, Зиждителю, есмь и творение: злоба же змиина сластьми жития сокруши мя. Темже, Христе, обнови мя, Тебе Рождшия, Слове, мольбами.

Слава: Слово Отчее паче слова родила еси, решащее всякого безсловесия человеки: Егоже прилежно моли, безсловесными мя сластьми порабощенна свободити, Единая Приснодево.

И ныне: Исцеление нам от длани точиши всегда, Всеосвященная сене, вся света сущи исполнена, всем источающи миро благовонно, Всечистая Богоневесто.

Песнь 5

Ирмос: Яко виде Исаиа образно на престоле превознесена Бога, от ангел славы дориносима, о окаянный, вопияше аз: провидех бо воплощаема Бога, Света невечерняя, и миром владычествующа.

Плоти моя болезни, и душевную ми печаль претвори и уныния облаки отжени Дево, Света облаче, и здравие и болезней пременение даждь ми поющему, и любовию Тя славящему.

Тя ходатаицу, и молитвенницу, ко из Тебе Рождшемуся ныне предлагаю, всякого греха исполнен сый: Дево, буди ми жития исправление, и наставница к стези Божественнаго Разума.

Слава: Освети ум мой, Дево, и душу просвети, и Божественныя славы причастника сотвори: се бо зол наполнихся, и всякими поработихся сластьми, и осквернену приношу совесть.

И ныне: Виноград Божественный, Яже красный Грозд возрадившая, Иже душам дающий питие независтное: Дево Святая Отроковице, Ты мя напои сладости Его и сластей пьянство отими, и спаси мя.

Песнь 6

Ирмос: Иже в концы веков дошедшыя, Человеколюбче, и треволенными напастей погибнути бедствующыя, вопиющыя не презри: спаси, Спасе, якоже спасл еси от зверя пророка.

Фарисеа вознесенаго умом превзыдох возношаемь присно, и пропадем соединихся безмерных прегрешений: смирившагося люте, Единая Чистая, избави и ущедри мя.

Иже пречудное Зачатие имевши и Рождество, Твоя милости на мене окаянем ныне удиви: ибо в беззаконних зачахся, и родихся, и сластьми поработихся.

Слава: Рыдаю, и плачу, и стению, егда судище страшное вспомяну: лукавая бо дела стяжах: но Ты ми, неискусомужная Дево Мати Божия, в час страшный предстани.

И ныне: Разумети и глаголати не может всяк ум, Дево Чистая,

содеянное на Тебе чудо странное и преславное: како родила еси, и пребываеши паки чиста? Бог есть Рождёйся по Существоу.

Таже, Господи помилуй, трижды. Слава, и ныне:

Седален, глас 3:

Неискусобрачная Чистая Мати Твоя, Христе, зрящи Тя мертва повешена на Древе, матерски рыдаючи, глаголаше: что Ти воздаде еврейский беззаконный собор и безблагодатный, иже многих и великих Твоих даров насладивыйся Сыне мой? Пою Твое Божественное снитие.

Песнь 7

Ирмос: Триё отроцы в пещи Троицу прообразивше, прещение огненное попраша, и поюще вопияху: благословен еси Боже отец наших.

От дел спасения несть ми, Владычице, грехи бо прилагаю ко грехом, и к злобе злобу: молитвою убо Твоею, Чистая, предвари и спаси мя.

Суд при дверех, и судище готово, готовися смиренная душе, и возопий: егда судиши ми, Слове, не осуди мене, молитвами Рождшия Тя.

Слава: Объём греховныя плоды, умертвихся, и приношаю душу неплодну, и зову Ти, Пречистая: плодоносна мя покажи, Яже Плодом Твоим тлю потребльшая.

И ныне: О страннаго таинства! О ужаснаго разума! Како Бог на земли явися яко человек? Яко весть, яко хочет, яко благоволит, и действует, якоже и хочет.

Песнь 8

Ирмос: Нестерпимому огню соединившися, Богочестия предстояще юноши, пламенем же невредени, Божественную песнь пояху: благословите вся дела Господня Господа, и превозносите во вся веки.

Вся яко добра, яко ближняя всех Царю бывши, Богородице, наполни мя благих дел в злобе пожившаго, и в лености все житие скончавшаго, яко да Тя славлю во вся веки.

Китовы утробы, якоже избавил еси древле пророка преславно, Божий Слове: тако избави, Спасе, ныне душу мою поползшуюся во глубину погибели, имея молящую Тя, неискусобрачно рождшую Тя Деву.

Слава: Красною одеждою облечена, обретше мя злобы делатели, и сея совлекоша мя: но Сама мя, Богородительнице Дево, Божественными одеждами уясни покаянием, молитвами Твоими, Богородице.

И ныне: Тоже трепещет всяко создание, сего чистая на руку имела еси, за милосердие нас ради младенца бывша, сего моли спасти вся верою зовущья: Тя превозносим, Пречистая, во вся веки.

Пѣснь 9

Ирмосъ: В законѣ сѣни и Писаний, образъ видимъ вѣрнии, всякъ мужеский полъ ложесна разверзая, святъ Богу: темъ перворожденное Слово, Отца Безначальна, Сына первородящая Материю неискусомужно, величаемъ.

Истлѣвша умомъ, и душею, и совесть злобою осквернивши, и нага всехъ благихъ являшагося, Дѣво нетлѣнная, непорочная, не презри мене, но дѣлы благочестія украси.

Наполнихся золъ, наполнихся помышленийъ отчуждающихъ мя отъ Тебѣ, Человеколюбца, сего ради стеню и вопию: кающася приими мя, и не отрини мене Тебѣ Родящия мольбами, Благодателю многомилостиве.

Слава: Да избавлюся Твоими молитвами, Всенепорочная Отроковице, отъ всякаго гнѣва, и страстей смертоносныхъ лютаго геенскаго огня, отъ человекъ неправедныхъ, и отъ врагъ злыхъ, прибегий въ кровъ Твой, и зовий Тя на помощь.

И ныне: Красну душею, красну помышленьми, красну теломъ, обретъ Тя Прекрасный, отъ чреселъ Твоихъ девическихъ воплотися, якоже вѣсть, безобразіе наше украшая, Дѣво, Егоже моли спастися намъ.

Таже, Достойно есть: и поклонъ. Трисвятѣе. **По** Отче нашъ: **Иерей,** возгласъ. Тропаріи, и прочее обычное, и отпустъ.

Пятница

В пятóк ўтра

по 1-м стихослòвии седальны крестны. Глас 3:

Крест водрузи́ся на земли́, и косну́ся небесе́, не яко́ дрéву дося́гну высоту́, но Тебе́ на нём, исполня́ющему вся́ческая: сла́ва Тебе́.

Стих: Возносите́ Господа́ Бога́ нашего́, и покланя́йтесь подно́жии но́гу Его́, яко́ свято́ е́сть.

Крест и сме́рть пострада́ти изво́ливый, посреде́ тва́рей сия́ претерпе́л еси́, егда́ благоизво́лил еси́, Спа́се, те́ло Твое́ пригвозди́ти, тогда́ и со́лнце лучы́ скры́: тогда́ и разбо́йник сия́ зря́, на Кресте́ Тя воспе́т, вопия́ благоговейно́: помяни́ мя, Госпо́ди: и ве́ровав, прия́т рай.

Сла́ва, и ны́не, Кресто́Богоро́дичен: Нескверная́ А́гница Сло́ва, Нетле́нная Де́ва Ма́ти, на Кресте́ зря́щи пове́шена из Нея́ без боле́зни прозя́бшаго, ма́терски подо́бно рыда́ючи, вопия́ше: увы́ Мне́, Ча́до Моё́, како́ страждеши́ волею́, хотя́ изба́вити от страсте́й безче́стия челове́ка?

По 2-м стихослòвии, седа́лен, глас 3:

На кипари́се, и пёвке, и ке́дре, возне́слся еси́, А́гнче Бо́жий: да спасе́ши и́же ве́рою покланя́ющыся во́льному Твоему́ распя́тию. Христе́ Бо́же, сла́ва Тебе́.

Стих: Бог же Ца́рь на́ш пре́жде ве́ка, соде́ла спасе́ние посреде́ земли́.

Неизче́тней власти́ Твоей, и во́льному Твоему́ распя́тию, а́нгельская́ во́инства дивля́хуся зря́ще, како́ и́же невиди́мый плотию́ ра́ны прия́т, хотя́ изба́вити от ислéния челове́чество? Те́мже яко́ благода́телю вопие́м Ти: Сла́ва, Христе́, благоутро́бию Твоему́.

Стих: Дивен́ Бог во́ святых́ Своих́, Бог Изра́илев.

Благодуштвенное́ терпе́ния ва́шего победи́ ко́зни злонача́льнаго врага́, му́ченицы прехва́льнии: сего́ ра́ди ве́чнаго сподо́бисте́ся блаже́нства, но мо́литесь Госпо́деви, христо́любивых люде́й спасти́ ста́до, свиде́телие су́ще и́стины.

Сла́ва, и ны́не, Кресто́Богоро́дичен: Понóсную, Ще́дре, сме́рть в распя́тии волею́ претерпе́л еси́: Тебе́ же, Ро́ждшая Христе́, зря́щи уязвля́ешся: ея́же мо́льбами́ за ми́лосе́рдие ми́лости Твоея́, еди́не преблагий́ Человеко́любче́ Госпо́ди, уще́дри и спаси́ ми́р, взёмляй ми́ра грехи́.

По 3-м стихослòвии, седа́льны, глас 3:

Крест претерпе́л еси́ безгре́шне, кля́твы сосу́д, за ми́лосе́рдие неизрече́нное: перво́зданнаго перво́я кля́твы свободи́л еси́. Те́мже Твои́м че́стным покланя́емса́ страсте́м, смотре́ние Твое́ свято́е сла́вяще: е́же еди́н

за милосердіе милости исполнив, создание Твое спасл еси.

В ланиту ударен быв за род человеческий, и не разгневался еси: свободи из истления живот наш, Господи, и помилуй нас яко Человеколюбец.

Слава, и ныне, КрестоБогородичен: Жезл силы стяжавши Крест Сына Твоего, Богородице, тем низлагаем врагов шатания, любовию Тя непрестанно величающе.

Канон Честному и Животворящему Кресту, [егоже краеграние сие: Похвала верным крест есть, и слава. Творение Иосифово.] Глас 3.

Песнь 1

Ирмос: Сушу глубородительную землю солнце нашествова иногда, яко стена бо огусти обаполы вода, людем пешомореходящим, и богоугодно поющим: поим Господеви, славно бо прославися.

Волны морския жезлом огутив, и провёл еси люди, прообразуя Крест Твой, имже ссекл еси воду лестную, и к земли, Щедре, Богоразумия спасл еси всех, верою поющих Твою силу.

Бездну сотворивый повелением, иже водами превыспренняя сильно покрывая, и иже на водах землю повесивый, висиши на древе, и колеблещи всю тварь манием: всех же сердца утверждаеши в страхе Твоем.

Мученичен: Сынове причастием бываете Божественнии мученицы Христовы, и жителие вышнаго Сиона и наследницы, в немже и венцы носяще взываете светло: поим Господеви, славно бо прославися.

Мученичен: Рук отсечения и ног подъясте мученицы, и стружеми люте, и огню примешающесе, не отвергостеся отнюд Христа Бога суца всех, но тепле вопиясте: поим Господеви, славно бо прославися.

Богородичен: Предобрая и Дево Владычице, Егоже родила еси Сына, зрящи на Древе воздвижена волею, плачущи восклицала еси, вопиющи болезненно: Боже всех благоутробне, Господь сый славы, како сия страждеши, Владыко?

Другий канон Пресвятей Богородице, глас 3.

Песнь 1

Ирмос: Воды древле, манием Божественным, во Едином сонмище совокупивый, и разделивый море израильтеским людем, Сей Бог наш, препрославлен есть: тому единому поим, яко прославися.

Очищение ми подаждь прегрешений, Божественными Твоими мольбами, Дево: сильну бо имаши молитву, Пречистая, и Тебе чтущая избавляеши от согрешений, и страстей, и скорбей, и обстояний.

Водами молитв Твоих, Дево, истаявшую зноем безмерных моих согрешений и страстей, ороси душу мою смиренную: яко да прохлаждение

Божественно улучив, песнями Тя величаю, яко предстательницу теплую.

Всего погружаема грехми и всего отчаянна мя суща, Ты, Чистая Владычице, милосердия Твоего руку простерши, к покаяния мя высоте привлецы, подаючи ми источник слез.

Раздери, Пречистая, греховное рукописание моих прегрешений Твоими молитвами, яко имущи к Сыну Твоему дерзновение за ны молити прилежно: Тя бо едину имама Христиане заступницу.

Песнь 3

Ирмос: Утверждение на Тя надеющихся, утверди, Господи, церковь, иже стяжал еси Честною Твоею кровию.

Един сложен нося состав, Слове, претерпел еси распятие безчестнейшее: чтущия Тя чести сподоби сущия.

Разрешени быша земнороднии от клятвы, клятве Тебе, Владыко, бывшу, и Крестом благословение источившему.

Мученичен: Пришельцы во всю землю бывше, и небеснии воистинну граждане явитесь, и Христу снаследницы всехвальнии.

Мученичен: Крепчайшее оружие, Крест стяжавше мученицы, всю силу губителя врага до конца победиша.

Богородичен: Ты соблюлася еси и по рождестве Дева, яже Бога чистая рождши воплощена, на Кресте пригвождшася хотением.

Ин Ирмос: Иже от не сущих вся приведый словом созидаемая, совершаемая духом, Вседержителю Вышний, в любви Твоей утверди мене.

Благоутробия милосердия Твоего, молюся, отверзи ми вскоре, Богородице Пречистая, и теплая мне явися во искушениях помощница, и спасение.

Избави мя от всякия содержащая лютыя греховныя бури, раба Твоего, Пречистая, и ко спасительному мя пристанищу направи, молитвами Твоими.

Спаси мя, Мати Дево Чистая, от страстей моих мутных слияний, и обходящих ныне смиренную мою душу, и оскорбляющих.

Слез тучу подаждь ми, Благая, и сими угаси страстей моих пещь, и всякия омый душевныя моя скверны, Богородице.

Песнь 4

Ирмос: Покрыла есть небеса добродетель Твоя, Христе, из Кивота бо прошед Святыни Твоя нетленные Матере: в храме славы Твоя явился еси яко Младенец руконосимь, и исполнишася вся Твоего хваления.

Падение Адамово един воздвигл еси, Христе, нов быв Адам, на Кресте руке пригвождей, тростию же биен хотя, и оцта и желчи вкушая, превозношаемый высотой Царствия Твоего.

Яко овча на заколѣние Тя пророкъ предзрит, и яко агнца Слове Божий, не противящася отнюд, ниже вопиюща: ибо хотѣнием претерпел еси распятися, яко да иже волею согрешившыя избавиши, и спасеши, милосерде Господи.

Мученичен: Обновльше души ралом веры, мученицы Христовы, семя терпением мук всеяша, и клас мучения гобзующий обяша, верных составления питающ. Темже присно славими суть.

Мученичен: Утесняеми стужением нестерпимых лют, чаянием красных, к пространству вышняго Царствия яве мученицы достигоша, яко да расширят наша уста, тех непрестанно пѣти борения.

Богородичен: Яже угль Божественный приемши, якоже клеща, не опаляющь отнюд, орошающ же паче, Мати Дево, безсеменную и Божественную утробу Твою: Егоже видящи плотию повешена волею на древе, пѣсньми славляше.

Ин Ирмос: Положил еси к нам твердую любовь, Господи, единороднаго бо Твоего Сына за ны на смерть дал еси. Темже Ти зовем благодаряще: слава силе Твоей, Господи.

Всю на Тя надежду возложих, Владычице, молюся припадая от души: смертоносныя избави болезни, к жизни спасения возводящи мя, яже жизнь рождшая.

Владычице Чистая, крепкая миру помощница, не отвержи мене от себе, ниже посрамлена отследи мя от лица Твоего, ниже бесом покажи мя обрадование.

Весь обнажен бых окаянный Божественных дел, и уязвихся сластей острыми стрелами, и оструплен бых. Темже вопию Ти, Владычице: спаси мя, Пречистая.

Приидоша, Чистая, безместных деяний воды до окаянный моя души, и помыслы бранными одержимь, вопию Ти с болезнию: не презри, Владычице, раба Твоего.

Пѣснь 5

Ирмос: Яко виде Исаиа образно на Престоле превознесена Бога, от Ангел Славы дориносима, о окаянный, вопияше, аз: провидех бо воплощаема Бога, Света Невечерня, и миром владычествующа.

Упокоил мя еси слове, претружденнаго трудом прегрешений, препочивая на древе Владыко, и взят поношение мое, имиже пострадал еси Иисусе поношеньми. Пою Твою державу и Божественная страдания.

Возжег якоже свещник на кресте плоть Твою, и поискал еси погибшую драхму, Человеколюбче, и вся призываеши други Твоя силы, на сея обречение: поем державу, Христе, Царствия Твоего.

Мученичен: Повержен льстец, при ногах нельстивых страстотерпец Христовых, мертв зримь есть и недействен: сами же нельстинно сопричитаеми суть со ангелы, неизреченныя радости исполняющиеся.

Мученичен: Святый студению, и лютыми муками и скорбьми, и ранами вельми померзаеми, к теплоте преидоша Божественней Небеснаго Царствия войстинну, и теплии предстатели верным присно являються.

Богородичен: Распинаема на Древе, и ребра копием ископоваема, от ребр древле создавшего Еву, Пречистая Дево зрящи, вопияше матерски: како умираеши, Сыне Мой, Животе безсмертный?

Ин Ирмос тойже.

Винограде Божественный, иже красный грозд прозябшая, и душам подающ питие Божественное, Дево, напоения горькаго, и пьянства страстей, и сластей избави душу мою, и огня вечнаго.

Тимения исторгни мя грехов, Пречистая Богоневесто, падшаго в кал страстей: и струями молитв Твоих омывши мя страстей скверн, ризою спасения световидною одежи.

Яже миру мир, и спасение всем подавшая, яко Божественный мир породжи, Дево Чистая, настоящую брань страстей души моя и тела умири, страхом и любовью Спаса Христа.

Болевшую душу мою грехми, Пречистая, исцели Твоим милосердием, и сподоби наставляющи мя творити во смирении Сына Твоего повеления присно, яко да восприиму Сего благодать.

Песнь 6

Ирмос: Возопи к Тебе, видев старец очима спасение, еже людем прииде от Бога: Христе, Ты Бог мой.

Волею заклался еси яко агнец, снедию древа умершаго волею, паки к жизни Христе возводя.

На Крест воздвиглся еси, и низпадеса бесовская прелесть: вознесеса же верных множество, воспевающе Тя, Живодавче.

Мученичен: Багрянницею яже от кровей испещрени мученицы, Царю всех ныне предстоят, венцы светлыми украшаеми.

Мученичен: Исцеление всем приступающим источают мощи святых мученик, и страстей множество потопляют.

Богородичен: Разумети не может ум человеческий, Отроковице, паче естества Рождества Твоего тайну: паче бо ума Бога родила еси.

Ин Ирмос: Бездна последняя грехов обыде мя, и исчезает дух мой: но прострый, Владыко, высокую Твою мышцу, яко Петра мя управителю спаси.

Избавление прегрешений подаждь яко благая, Твоему рабу, Пречистая,

Твоего заступления просящему с верою, и будущего мя суда исхити.

Владычице и Мати Избавителя, Ты предстани ми в час исхода моего, истязаему мне от воздушных духов, о яже несмысленною мыслию содеях.

Окаянен явихся весь аз, нечистотами всегда объят: и прозря ныне созиди ногу моею смерть, зываю Ти, Богородице, помози ми.

Волны страстных помышлений, всегда мя смущают, Пречистая, и лукавых духов буря погружает мя: но утверди на камени безстрастия.

Пѣснь 7

Ирмос: Тебе во огни оросившаго отроки богословившыя, и в Деву нетленну всельшагося, Бога Слова пойм, благочестно поюще: благословен Бог отец наших.

На кедре вознеслся еси, и певке, и кипарисе, Владыко, от Троицы един сый, и вознесл еси сущыя бо глубину многих сластей впадшыя: благословен Бог отец наших.

Кровию честною, Господи, тварь очистил еси от крове, приносимыя мерзким бесом, и разрушил еси жертвы скверныя, Слове Божий, пожерся яко незлобив агнец: слава державе Твоей.

Мученичен: Стояху пред мучители, яко столпи неподвижими, поколебающе прелесть, и утверждающе верных сердца, страдальцы поюще: благословен еси Господи Боже отец наших.

Мученичен: Не опалистесь огнем, огня теплейшее произволение стяжавше, страстотерпцы Христовы венценосцы, вопияше: благословен еси Господи Боже отец наших.

Богородичен: Зачатие несравнено, и Рождество несказанно имела еси, Чистая едина, Владыку воплощи плотию распеншагося, Ему же поюще вопием: благословен еси Господи Боже отец наших.

Ин Ирмос: Якоже древле благочестивыя три отроки оросил еси в пламени халдейстем, светлым Божества огнем и нас озари: благословен еси, зывающыя, Боже отец наших.

Тебе Матери Божии, чистей и непорочней молюся, оскверненный телом и душею, и окалянный деянии нечистыми, и надеюся, Владычице, на милость Твою, Ты мя ущедри, Пречистая.

Прегрешений моих множество, и злых испытание, недоумением мя препирает зело, и во отчаяния влечет глубину: Пречистая Владычице, спаси мя погибающаго, и люте потопляема.

Помилуй, Благая, смирившуюся душу мою лукавыми деяньми, и к покаяния мя пути настави, и творити хотения Твоего Сына исправи, и от муки избави.

Мно́жеством щедро́т Твоея́ благода́сти, грехо́в на́ших мно́жество прѣзри, Благо́я, и благопременительна́ буди, немол́чно зову́щим: благословен, Пречистая, Пло́д Твоего́ чре́ва.

Пѣснь 8

Ирмос: Нестерпимому огню́ соединивше́ся, Богочестія́ предстояще ю́ноши, пла́менем же невреждѣни, Божественную пѣснь пояху: благословите вся́ дела́ Господня́ Го́спода, и превозносите во вся́ ве́ки.

Лю́дие непокоривии и неразу́мнии, Тя́ нра́вом благопоко́рным восхотѣвша́ распятися, осужда́ют умрѣти: яко да хотѣнием умерщвленныя сло́ве, оживиши, поющы́я Тя́ и превозносящы́я во ве́ки.

Распросто́р на Крестѣ́ длани́, ру́це неудержанно́ простѣрты́я ко Дре́ву сне́дному перво́зданнаго исцеля́я, Влады́ко: и зря́щи Тя́ страхом со́лнце, лучы́ скрыва́ше, и вся́ тва́рь поколебася́.

Мученичен: Луча́ми священны́х боро́ений стру́й нечестія́, изли́яния безбо́жия изсуши́ша страстоте́рпцы, и исто́чники исто́чища исцелѣ́ний, скверну́ страсте́й омыва́ющыя, и ве́рных се́рдца́ напая́ющыя богáтно.

Мученичен: Сообразно́ честныхъ страсте́й, и Божественныхъ за́поведей исполните́лие страстоте́рпцы, согра́ждане безплотным: написа́тися ны́не в вы́шнем гра́де, Бога́ молите, ва́с чту́щим во вся́ ве́ки.

Богородичен: Ру́чку Тя́ злату́ю и све́щник, трапѣзу́ и же́лз, Божественную́ гору́ и обла́к, палату́ Царе́ву и престо́л огнеобра́зен, Богороди́цу вси́ ве́рнии имену́ем, по Рождестве́ Де́вою сохра́ншуюся.

И́н Ирмос: В пла́мень ко отро́ком еврейскимъ снизше́дшаго, Бо́жиею си́лою, и явля́шагося Го́спода, священни́цы благословите́, и превозносите́ во вся́ ве́ки.

Сласте́й го́рестъ, чу́ства вся́ телѣ́сная проше́дши, ду́шу мою́ безме́стно окаля́ет, и в сме́рть влечѣ́т: Влады́чице́ мира, буди ми́ спасе́ние.

На Тя́ возложи́х, Влады́чице, се́рдце, и ду́шу, и теле́: не й́мам бо ины́я наде́жди, разве́ Тебе́, е́юже получи́у ми́лость. Те́мже пода́ждь ми́ богáтую Твою́ благода́ть.

Зми́й мнѣ́ ядом приползе́, и плотско́ю сла́достию окаянну́ю ду́шу мою́ лю́те умори́: но оживи́ сию́ сопроти́вными лечьба́ми, Чистая́, Твоими́ молитва́ми.

Лю́тая мя́ но́щь покрывáет прегрешѣ́ний, Свята́я Влады́чице: не й́мам бо све́щи, ду́шу просвеща́ющыя благодея́ния еле́ем. Те́мже из черто́га изрини́хся вы́шняго.

Та́же, поѣм пѣснь Богороди́цы: Вели́чит ду́ша́ моя́ Го́спода:

Пѣснь 9

Ирмос: В за́коне се́ни и писа́ний о́браз ви́дим ве́рнии: вся́к му́жеский

пол ло́жесна́ разверза́я, свѣт Бо́гу: те́м Перворожде́нное Сло́во, Отца́ Безнача́льна, Сы́на перво́родяща́ся Ма́терию неискусому́жно, велича́ем.

На Кресте́ пригво́дся Иису́се, и́же основа́вый на ниче́мже всю́ зе́млю, угле́бшаго мя́ в ка́ле грехо́внем нра́вом лука́вым, я́ко бла́г уще́дрил Христа́, и извле́к, и безче́стною Твоею́ сме́ртию почтил еси́, Многоми́лостиве.

Ви́ден бы́л еси́ Бо́г неви́димый естество́м, плоти́ю возвы́шаем, я́ко да от враговъ неви́димых изба́виши ми́р ви́димый, и су́щия ни́зу, небе́сны сотвори́ши, Христа́, славослова́юща держа́ву вели́кия власти Твоея́.

Мученичен: Вои́нство священное, свѣтымъ а́нгелом подо́бно избра́нное, ра́й, посреде́ имы́й живо́тное дре́во, Христа́, богокрасны́я Це́ркве сословие́ честное, всесла́внии страстоте́рпцы Спасовы́ яви́стеся.

Мученичен: На́с на земли́ ва́с помина́ющих, помина́йте, свѣтѣи, Престо́лу влады́чнему предста́юще ра́достно: и я́же отону́ду заря́ми богáтно свѣщенни́и просвещáйте ны́, я́ко да долго́в разреше́ние при́емем.

Богородичен: Свети́ла, Твое́ зря́ще, Сы́не мой́, распя́тие, заидо́ста: и ка́ко еврейский́ со́нм не за́йде неверный́, преда́в Тя́ на сме́рть нача́льника жи́зни? Богороди́ца вопи́аше. Ю́же непрестáнно велича́ем.

И́н Ирмос: Тебе́ неопали́мую купину́, и свѣту́ю Де́ву, Ма́терь Све́та, и Богороди́цу, наде́жду все́х на́с, велича́ем.

Скве́рну стра́стных помышле́ний моего́ ума́ очи́стивши, Чи́стая, безстра́стия свѣтло́ю ризо́ю оде́жи мя́.

Отве́рзи ми́ Божество́нныя вхо́ды покая́ния, Де́во, вхо́ды страсте́й и сласте́й моихъ загражда́ющи, и возбрана́ющи си́лою Твоею́.

Услы́ши гласъ стена́ния моего́, и гласъ пла́ча моего́, Де́во Всенепоро́чная, и пода́ждь очи́щение и спасе́ние окаянней́ мое́й ду́ши.

Ве́сь отчая́хся окая́нный, и недоуме́юся, помышля́я лука́вая моя́ де́яния: ту́не уще́дри, Влады́чице. И спаси́ мя.

Та́же, Достойно́ е́сть: ектени́а, и свѣти́лен.

На стихо́вне стихи́ры крестны́, гласъ 3:

Дре́во преслу́шания́ ми́рови сме́рть прозябе́, дре́во же Крестное́ живо́т и нетле́ние. Те́мже Тебе́ мо́лим распе́ншаго́ся Го́спода: да зна́менается на на́с свѣт лица́ Твоего́.

Стихъ: Исполни́хомся за́втра ми́лости Твоея́ Го́споди, и возра́довахомся, и возвесели́хомся: во вся́ дни́ на́ша возвесели́хомся, за дни́, в ня́же смири́л ны́ еси́, ле́та, в ня́же видехомъ злая́, и при́зри на рабы́ Твоя́ и на дела́ Твоя́, и наста́ви сы́ны ихъ.

За́вистию от пи́щи изгна́н бы́х, паде́нием падо́хся лю́тым: но не презре́в, Влады́ко, и воспри́ем мене́ ра́ди е́же по мнѣ́ распя́тие Твое́, и

спаса́еши мя́, и в сла́ву вводи́ши, изба́вителю мо́й, сла́ва Тебе́.

Сти́х: И бу́ди све́тлость Го́спода Бо́га на́шего на на́с, и дела́ ру́к на́ших исправи на на́с, и де́ло ру́к на́ших исправи.

Святы́х страстоте́рпец па́мять, прииди́те лю́дие вси́ почти́м: я́ко позор б́ывше а́нгелом и челове́ком, победы́ венцы́ от Христа́ прия́ша, и моля́тся о душа́х на́ших.

Сла́ва, и ны́не, Кресто́Богоро́дичен: Зря́щи из Тебе́ Рожде́ннаго, Всенепоро́чная, повешена́ на Дре́ве, восклица́ше вопию́щи: сла́дкое мое́ чадо, где́ Твоя́ за́йде добро́та светно́сная, добро́ сотвори́вшего ро́ду челове́ческому?

Та́же, Благо́ е́сть: Трисвято́е. По О́тче на́ш, тропа́рь, ектениа́, и ча́с 1-й, и отпу́ст.

В пятѡк блаженны, глас 3:

Отвѣргша, Христѣ, заповѣдь Твою, праотца Адама из рая изгна́л еси́: разбойника же Щедре, испове́даша Тя на Крестѣ, вонь вселил еси́, зову́ща: помяни́ мя, Спа́се, во Царствии Твоѣм.

Сти́х: Блаже́ни изгнани правды́ ради, я́ко те́х е́сть Ца́рство Небе́сное.

Зря́щи Тя на Крестѣ солнца незаходи́мага, помрачи́ свет со́лнце: ка́мение распаде́ся, Влады́ко, земля́ поколеба́ся вся, завеса́ же церко́вная раздра́ся посреде́, непра́ведно стра́ждуща ви́дящи Тя, Спа́се, все́ми недомы́слимага.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зѡл глаго́л на вы́ лжу́ще Мене́ ради.

За все́х, Иису́се, веде́н бы́л еси́ на сме́рть, живы́х животе́: я́ко да Божѣ́ственными твоими́ стра́стьми, я́же дре́внюю сне́дию умерщвле́нья спасе́ши я́ко Бог, и рая́ покажеши жители. Те́мже ве́рою Твоя́ страсти ны́не сла́вим.

Сти́х: Ра́дуйтеся и весели́теся, я́ко мзда́ ва́ша мно́га на небесе́х.

Пострада́вшаго волею́ нас ради, и поноше́ния отѣмшаго челове́ков, стра́тем уподо́бльшеся мучени́цы, мно́гих ради́ му́к низложи́сте врага́, и вы́шнюю сла́ву получи́сте. Те́мже боголе́пно сла́вими есте́.

Сла́ва: Отцу́, и Сы́ну, и утѣшительному́ Ду́ху пра́вому, вси́ ве́рнии поклонимся́: еди́но нача́ло, и сла́ву боголе́пно пою́ще, благоче́стно правосла́вным разуме́м возопи́ем: помяни́ нас во Царствии Твоѣм.

И ны́не: Страсти терпя́ща Плотию́ хоте́нием, зря́щи на Крестѣ́ Своего́ Сы́на, Всенепоро́чная, смути́ся вся́, и плачу́щи взыва́ше, Чи́стая: увы́ Мне́, чадо́ Моё, како́ умерщвлен еси́, иже умершья́ лю́те оживи́ти хотя́?

В пятѡк вѣчера

на Гѡсподи, возваѡх, стихирѡ святѡм мѡчеником, и святителем, и преподѡбным. Глас 3.

Подѡбен: Вѣлия мѡченик:

Стих: Аще беззаконія назриши, Гѡсподи, Гѡсподи, ктѡ постоит? Яко у тебе очищение естъ.

Страждуще дѡблии мѡченицы крѣпко, и раны, и вязанія, и различныя мѡки претерпѣвше, к неболезненному воистинну и блаженному наслѣдию приведѡшася, по достоянню болезней.

Стих: Имене ради Твоегѡ потерпѣх Тя, Гѡсподи, потерпѣ душа моя в слово твое, упѡва душа моя на Гѡспода.

Иже слово благочестиво и Божественно отрыгнувше, Господни святителие, и вся еретическая сопротивословія разрушите, и верным всем переводетельницы явитесь: сего ради почитаемы есте.

Стих: От стражи утренняя до нощи, от стражи утренняя, да упѡвает Израиль на Гѡспода.

Невещественных и безплотных чину уподобитесь отцы богоноснии, в телеси вещественне, тех преславно житие показующе: темже во обителех тех живете.

Ины стихирѡ мѡчеником, глас 8, подѡбен тойже.

Стих: Яко у Гѡспода милость, и многое у него избавление, и той избавит Израиля от всех беззаконий его.

Вѣлия Креста Твоегѡ, Гѡсподи, сила: водрузися бо на месте, и действует в мире, и показа от рыбарей апѡстолы, и от язык мѡченики, да молятся о душах наших.

Стих: Хвалите Гѡспода вси языцы, похвалите Его вси людие.

Вѣлия мѡченик Твоих, Христе, сила: во грѡбѡх бо лежаще дѡхи прогонят: и упраздниша вражию власть, верѡю троическою подвигшеся по благочестии.

Стих: Яко утвердися милость Его на нас, и истина Господня пребывает во век.

Пророцы, и апѡстолы Христовы, и мѡченицы, научиша ны пѣти Троицу единосущную, и просветиша языки прельщенных, и причастники, ангелом сотвориша сыны человеческия.

Слава, и ныне, Богородичен: Како не дивимся Богомужному Рождеству Твоему, Пречестная? Искушения бо мужескаго не приемши, Всенепорочная, родила еси без Отца Сына плотию, прежде век от Отца

рождѣннаго без матере, никакоже претерпѣвшаго изменѣния, или смѣшенія, или разделенія: но обою существу свойство цело сохраншаго. Тѣмже, Мати Дѣво Владычице, Того моли спастися душам, православно Богородицу исповѣдающих Тя.

Таже, Свѣте тихий: Прокимен дне.

На стиховне стихиры мученичны, глас 3:

Мученицы Твои, Господи, верою утвердившися, и надежду укрепившися, любовью Креста Твоего душевне соединившися, вражие мучительство разрушиша, и улучиша венцы: со безплотными молятся о душах наших.

Мертвен: Все суетие человеческое, елико не пребудет по смерти: не пребудет богатство, ни снидет слава: нашедши бо смерть, вся сия погубит. Тѣмже Христу безсмертному Царю возопиим: преставленныя от нас упокой, идеже всех есть веселящихся жилище у тебе.

Мертвен: Человецы, что всеу мятѣмся? Путь краток есть, имже течем, дым есть житие, пара и персть и пепел: вмале является, и вскоре погибает. Тѣмже Христу безсмертному Царю возопиим: преставленныя от нас упокой, идеже всех есть веселящихся жилище у тебе.

Слава, и ныне, Богородичен: В женах святая Богородице Мати безневѣстная, моли егоже родила еси, Царя и Бога нашего, да спасет ны, яко Человеколюбец.

Таже, Нине отпускаеши: Трисвятое. По Отче наш: тропарь, и отпуст.

В пятѡк на повечѣрии

Канѡн Пресвятѣй Богородице. Глас 3.

Пѣснь 1

Ирмосъ: Вѡды дрѣвле, мѡнием Божѣственным, во едиѡно сѡнмище совокупивый, и разделивый море Израильтеским людем, сей Бог наш, препрославлен естъ: Тому Единому поим, яко прославися.

Спасѣнию Начальника и Жизнодавца рѡждшая пѡче смѣсла всего, соуз разрешила еси осуждѣния Евы праматере. Темже тварь вся блажит Тя, Богородительнице Чистая.

Озлѡбленнаго лютыми болѣзньми, душею и телом, Пресвятая Дѣво, исхити от глубины нечаяния, всех нуждных избавляющи мя: Ты бо еси, Пречистая, милосѣрдия истѡчник.

Слава: Совлекохся одежды весѣлия, в скорбь впад и болѣзнь, и люте уязвихся отвсюду: предвари и избави мя от одержащия прелести: Ты бо ми еси, Владычице, прибежище и надежда.

И ныне: Предстательницу Тя твердо стяжав, Богоневѣсто, ко Твоему покрову притекаю, моляся: не презри мя, Твоего раба, многими страстьми и болѣзньми и скорбьми отягчена, но молитвами Твоими исцели, Мати Божия.

Пѣснь 3

Ирмосъ: Иже от не сущих вся приведый, словом созидаемая, совершаемая Духом, Вседержителю Вышний, в любви Твоей утверди мене.

В недоумении и скорби болѣзненне есмь окаянный, во след себе смѣрть зря: темже, Пречистая, Твоею молитвою спаси мя.

Все житие растленно злыми и блудными деянии клеветет на мя, и отчаянием мя погружает: Чистая, спаси мя.

Слава: Щедрот Твоих бездна, всюду проливаема, Владычице, Единья ради благасти, во елей мастите умащает всех присно Тя поющих.

И ныне: Яко от начала Тя естества нашего прием, Богоневѣсто, Сын Твой и Господь, совокупляет молитвами Твоими Тебе поющья.

Пѣснь 4

Ирмосъ: Положил еси к нам твердую любовь, Господи, Единороднаго бо Твоего Сына за ны на смѣрть дал еси. Темже Ти зовем благодаряще: слава силе Твоей, Господи.

Всю на Тя надежду положих, Владычице, молюся и припадаю от души: смертоносныя избави болѣзни, возводящи мя к жизни спасѣния, Яже Жизнь рѡждшая.

Исцели́ мя, Чи́стая, моли́твами Твои́ми отча́яннаго раба́ Твоего́, подобием лю́тых и растле́нных ра́н: Врача́ бо родила́ еси, в милости́ бога́таго Бо́га на́шего.

Сла́ва: В стра́сти лю́тыя впа́дшаго мя́ изба́ви, и весе́лия оде́жду посеще́нием Твоим Божественным подаждь ми, яже преиму́щую всяк ум Ра́дость, Де́во, прорасти́вшая.

И ны́не: Друго́е Не́бо Богоро́дице яви́лася еси́, Со́лнце пра́вды несказа́нно на земли́, Чи́стая, возсия́вшая: Имже на́м возсия́ Богоразу́мия све́т присносу́щный.

Песнь 5

Ирмо́с: К Тебе́ у́треннюю, все́х Творцу́, преиму́щему всяк ум ми́рови: зане́ све́т повеле́ния Твоя́, в нихже наста́ви мя.

Ме́ртвость творя́щий и стра́сти прибли́жися, от мои́х безме́рных грехо́в: Ма́ти Бо́жия, Тя́ изба́вление мно́гих злых мои́х бы́ти, молю́ приле́жно.

Душе́внии мои́ ру́це протираю́ к Тебе́, Чи́стая, плотски́ми бо разслабе́х окаянный: но Ты́ от мно́гих ра́н изба́ви мя, подаю́щи исцеле́ние.

Сла́ва: Совлеко́хся здра́вья оде́жды, и плачевную́ ризу́ в болезнех о́блек: Тебе́ молю́ся, Владычи́це, о́блецы́ мя во здра́вие.

И ны́не: Я́ко му́чеников и апо́столов свяще́нное су́щи благоле́пие, Богоро́дице, и ве́рных заступле́ние, вси́ досто́йно Тя́ сла́вим.

Песнь 6

Ирмо́с: Возведи́ от тли́ мя, Го́споди Бо́же мой, Ио́на вопия́ше. И аз́ вопию́ Ти: из глубли́ны изба́ви мя, Спа́се, мно́гих мои́х зо́л, и к све́ту Твоему́, молю́ся, наста́ви.

Напряже́ на мя́ мно́жество болезне́й, от мои́х безме́рных согреше́ний тлетво́рный, и умерщвле́нием мя́ обложи́ша: но Ты́ Сама́, Богороди́це, от си́х мя изба́ви, и вся́кия ну́жды исхити́.

Вверже́н бы́х во глубли́ну прегреше́ний, и болезне́й и скорбе́й безме́рных, и в си́х ны́не отню́д подавляю́ся: но Ты́, Богороди́тельнице, прости́вши ру́ку ко спасе́нию возведи́ мя.

Сла́ва: Тя́ основа́ние твёрдое́ ве́м, Богоро́дице, и держа́вную по́мощь су́щым в ско́рби: те́мже к Твоему́ покрову́ прибе́г, молю́ Тя, от лю́тых бе́д изба́ви мя и от тяжких болезне́й.

И ны́не: Бразду́ ю́же Божественный́ Клас́ прора́стшую, Имже ве́рных серде́ца пита́ются веро́ю, и мы́сленный гла́д преста́, Бо́жий Ковче́г воспо́йм, я́ко Де́ву Богома́терь.

Та́же, Го́споди, поми́луй, три́жды. Сла́ва, и ны́не:

Седа́лен, гла́с 3:

Боже́ственнаго Естества́ не отлучи́ся, плоть́ быв во чре́ве Твоём: но Бо́г вочелове́чися и пребы́сть, Иже по Рождестве́ Ма́терь Тя Де́ву, яко пре́жде Рождества́ сохранив Всенепоро́чну Един Госпо́дь: Того́ приле́жно моли, даровати на́м велию́ милость.

Песнь 7

Ирмо́с: Якоже дре́вле благочести́выя три́ о́троки ороси́л еси́ в пла́мени халде́йстем, све́тлым Божества́ огнём и на́с озари́, благослове́н еси́ зыва́ющыя, Бо́же оте́ц на́ших.

Умилосе́рдися на мя́, Де́во Богоневе́сто, во отча́яния глубину́ попо́лзшася: Тебе́ тишину́ быти ми́, молю́, Пречи́стая, спасе́ний бо еси́ пристани́ще су́щым в ну́ждах при́сно.

Неизглаголанно паче ума́ Му́дрость и Си́лу Бо́жию роди́ла еси́ Христа́: те́мже си́льна в милости, и ще́дра су́щи, даждь ми́ спасительны́я цельбы́ Твоя́, Богоро́дице, наде́жде ве́рных.

Сла́ва: Обога́тивши Боже́ственным Рождество́м концы́, нетле́ния сла́достью, от тлетво́рных мя́ боле́зни, и го́рьких страсте́й свобо́ди, и спасе́ние пода́ждь, Бо́жия Ма́ти пресла́вная.

И ны́не: Иже двeрь Тя тайную́ Себе́ предложив, и засту́пницу дивную́ су́щым на земли́, Тобо́ю, Чи́стая, двeрь подаде́ челове́ком в ве́чную жи́знь все́х вводя́щу, яко ще́др, и все́х Бо́г.

Песнь 8

Ирмо́с: Вавило́нская пе́щь о́троки не опали́, ниже́ Божества́ о́гнь Де́ву растли. Те́м со о́троки ве́рнии возопи́ем: благослови́те дела́ Госпо́дня Го́спода.

Прегреше́ний неизче́тную пучи́ну стяжа́в, ны́не соуда́вляюся, Чи́стая, в боле́знях погружа́емь. Те́мже ми́ руку́ помощи́ простeрши, из глубины́ боле́зней возведи́, молю́ся.

Престо́л Бо́гу земле́ный, Двeрь же Небе́сная яви́лася еси́ Присноде́во Чи́стая, Богоро́дице Всепе́тая. Те́мже ми́ спасе́ния двeрь отве́рзи, Богомати́, и тьмы́ страсте́й свобо́ди.

Сла́ва: Яко виногра́д возрасти́ла еси́, Гро́зд невозде́лан, Чи́стая, вино́ источа́ющ ду́шам, веселя́щее ве́рно пою́щих Его́, Всенепоро́чная.

И ны́не: Яже по Рождестве́ нетле́нна пребы́вши, Всенепоро́чная, мо́лимся, Чи́стая, изба́ви от тли́ рабы́ Твоя́, ве́рно пою́щыя единомы́шлением ду́ши: благослови́те вся́ дела́ Го́спода, и превозноси́те Его́ во ве́ки.

Песнь 9

Ирмо́с: На Сина́йстей горе́ ви́де Тя́ в купине́ Моисе́й, неопально́ О́гнь Божества́ заче́ншую во чре́ве: Даниил же Тя́ ви́де го́ру несеко́мую, же́сл

прозябший, Исаи́а взы́ваше, от ко́рене Дави́дова.

О Де́во благая́! О ми́ра ра́досте и прибежи́ще! О храни́лище ве́рных, и избавле́ние скорбе́й! Ты́ предста́ни ми в ча́с сме́рти, и изба́ви от бесо́в, ищущи́х растли́ти мя.

Яко Зижди́теля и Бо́га заче́нши во утробе́, Де́во Ма́ти Чи́стая, си́лою я́же в Тебе́ низложи́ бесо́в шата́ния, и вознеси́ ро́г пою́щих держа́ву Твою́ Божество́нную, и ве́рно покланя́ющихся о́бразу Твоему́.

Сла́ва: Новосоде́лав на́ше естество́, И́же от Тебе́ воплоще́йся, Де́во Чи́стая, но́во де́лает и обновля́ет, Ма́тернею Твое́ю моли́твою, све́тлую и бо́друю заступни́цу, и су́щую Богороди́цу в пе́снях непреста́нно Тя велича́ющих.

И ны́не: Ты́ а́нгелов ра́дость, Ты́ пра́ведников добро́та, Ты́ ве́рных наде́жда, Ты́ соблюде́ние на́ше: Ты́ мо́ст, и́же к жи́зни несостаре́ющейся прево́дящий, ве́рою и любо́вию Тя велича́ющыя.

Та́же: Досто́йно е́сть: **Трисвято́е. По** О́тче на́ш: **Тропа́ри, и проче́е обы́чно, и отпу́ст.**

Суббота

В субботу утра

по 1-м стихословии, седальны мученичны, глас 3:

Благодушное терпения вашего победи козни злоначального врага страстотерпцы всехвальнии: сего ради вечного сподобистесь блаженства. Но молитесь Господеви, христоробивых людей спасти стадо, мученицы суще истиннии.

Стих: Дивен Бог во святых Своих, Бог Израилев.

Сияете верою Пресветлая светила святии, недугующих врачеве, страстотерпцы прехвальнии, мучителей убо ран не убоястесь, идольское злочестие низложисте, победу имуще непобедимую, крест истинный.

Слава, и ныне, Богородичен: Тя ходатайствовавшую спасение рода нашего, воспеваем, Богородице Дево: плотию бо от Тебе восприятоу Сын Твой и Бог наш, крестом восприим страсть, избави нас от тли, яко Человеколюбец.

По 2-м стихословии, седальны, глас 3:

Вооружившесь всеоружеством Христовым, и облкшесь во оружие веры, полки вражия страдальчески низложисте, усердно бо упованием жизни, претерпесте вся мучителей прещения же и раны. Темже и венцы приясте, мученицы Христовы терпеливодушнии.

Стих: Дивен Бог во святых своих, Бог Израилев.

Страстотерпцы святии, молитесь милостиваго Бога, да прегрешений оставление подаст душам нашим.

Стих: Блажени, яже избрал, и приял еси Господи.

Егда словом Твоим предстанем безмездному Твоему судищу Господи, не посрами в Тя веровавших, Спасе наш: вси бо согрешихом, но Тебе не отступихом. Темже молим Тя, в селениях праведных Твоих, Христе, ихже приял еси, упокой: един бо еси безгрешен.

Слава, и ныне, Богородичен: Пророцы проповедаша, апостоли научиша, мученицы исповедаша, и мы веровахом, Богородицу Тя воистинну сущую: темже и величаем Рождество Твое, Пречистая.

Канон святым мучеником, и святителем, и преподобным, и усопшым. Творение Иосифово. Глас 3.

Песнь 1

Ирмос: Дивно, славно творяй чудеса Ты еси, Боже, бездну оземленийый, и колесницы потопивый, и люди спасый поющыя Тебе, яко Царю нашему и Богу.

Мучения славу, премудрии, обретосте вси страдальцы, мучения

многообразная доблественно претерпесте, страстотерпцы: темже славами есте присно.

Превышший имуще живот явистеся Божественнии служителие, премудрии священнотайницы воплощагося слова, упасше добре Господне стадо силою Божественною.

Распешесея миру преподобнии, плотских всех сластей отвергостесе, и сосуди духа явльшесе, духи прелестныя Божественною силою погубисте вкупе.

Слава: Иже от земли повелением Твоим, Господи, верою благочестною щедре преставльшися, жизни безконечныя и света невечерняго сподобив, упокой яко благ.

Богородичен: Яко Бога рождшую плотию, Пречистая, нравом благочестным чтим Тя непрестанно, с честными женами, постом просиявшими, и страданиями врага низложившими.

Другий канон усопшым поем наряду, идеже несть миней. Творение Феофаново.

Песнь 1

Ирмос: Пресекаемое море жезлом древле Израиль пройде яко по пустыни, и крестообразно яве предъуготовляет стези: сего ради поим во хвалении чудному Богу нашему, яко прославися.

Припев: Дивен Бог во святых Своих, Бог Израилев.

Погребением Твоим смерть умертвив, и низложив адово мучительство, на небеса предтеча нам возшедый, страстотерпческий лик совознесл еси. ныне же души упокой преставленныя к Тебе, Христе.

Припев: Покой, Господи, души усопших раб Твоих.

Иже Божественныя мученики укрепляя, и теми прелесть потребивый, мольбами их, яко Бог, скончавшись яже о Тебе, Спасе, безсмертие и блаженное наследие улучити благоволи.

Слава: За рабы, Владыко, Твою кровь заклався излиал еси яко щедр, долг же за них воздая: сего ради, Милосерде, Тебе молим, преставленныя рабы Твоя к Тебе упокой.

И ныне: Чистую воспойм Богородицу, Бога рождшую, смертью своею смерть нашу испровергшаго, и жизнь источившаго нестареющуюся, и во веки пребывающее блаженство.

Песнь 3

Ирмос: неплодная душе и безчадная, стяжи плод благославный, веселящися возопий: утвердихся Тобою, Боже, несть свят, несть праведн, паче Тебе, Господи.

Силою Божию укрепляеми мученицы славии, пагубородную силу,

и́же в зло́бе си́льнаго врага́, до конца́ погуби́сте, и победны́я прия́сте
Боже́ственныя венцы́.

И́же преподо́бныя, Влады́ко, яви́л еси́ врага́ победители, и святители́
помаза́нием пресвяты́м освятивый Христе́, те́х мольба́ми освяти́ и
просвети́ пою́щыя Тя.

Со проро́ки все́ми восхва́лим же́н Боже́ственных ли́к, я́же в посте́
просия́вшыя, и ве́рою пострада́вшыя, и многоко́зненнаго зми́я попра́вшыя.

Сла́ва: И́хже от на́с предста́вил еси́ Боже́ственною во́лею, Христе́, со
святы́ми учини́, я́же в жити́и презре́в, Ще́дре, те́х прегреше́ния, мо́лимся,
моли́твами святы́х Твоих.

Богоро́дичен: И́же спасе́ни, Пречи́стая, Твои́м святы́м Рожде́ством,
глас Гаври́илов вопи́ем Ти́ ве́рно, е́же ра́дуйся, и мо́лимся: Твои́ми
моли́твами, прегреше́ний прощ́ение все́м нам испроси́.

И́н Ирмо́с: И́же от не су́щих вся́ приве́дый, Сло́вом созида́емая,
соверша́емая Ду́хом, Вседержи́телю Вы́шний, в любви́ Твое́й утверди́ мене́.

Сзда́вый мя́ от земли, и к земли́ возвращ́ена ока́яннаго обновивый
светле́е, ду́шы усо́пших упоко́й моли́твами мучени́к.

Страстоте́рпец мучени́к, би́еньми же́ и вяза́ньми, ра́нами и я́звами,
умоле́н бывая́, ду́шы ра́б Твоих во святы́х селе́ниих учини́, Ще́дре.

Сла́ва: Избави́ Человеколю́бче рабы́ Твоя́ ге́енны, огня́ же́ и мра́чных
селе́ний а́да, и́же ве́рою, Влады́ко, усо́пшыя Твое́ю наде́ждою.

И ны́не: Священнейшая́, я́ко Мати́ Зижди́теля твари́ су́щи, сме́рти
разо́ршаго си́лу, Богоро́дице Пречи́стая, и нетле́ние на́м дарова́вшего.

Песнь 4

Ирмо́с: Приосене́нную го́ру Авваку́м прозря́ше пречи́стую Твою́
утро́бу, Чи́стая. Те́м зыва́ше: от ю́га приидет Бо́г, и Святы́й от горы́
приосене́нныя ча́щи.

Я́коже овча́та приве́досте́ся все́и во́лею закла́вшесе́ я́коже а́гнцы,
му́дрии страда́льцы, А́гнцу на Дре́ве Крестне́м благоизво́лившему Бо́жию
Сло́ву заклати́ся за ро́д челове́ческий.

Со преподо́бными почти́м благосла́вныя первосвяще́нники,
свети́льники бывшы́я ве́рным: е́реси же́ разруши́вшыя, и страсте́й тьму́
глубо́кую, и к незаходи́мому све́ту ве́рою прело́жшыяся.

Красото́ю словес, богогласни́и проро́цы просвеща́ют ве́рных ду́шы,
по́двигов же́ светлостью́, и чуде́с востока́ми озаря́ют сердца́ богоносны́я
жены́.

Сла́ва: И́же жити́е оста́вльшыя, преми́рней сла́ве прича́стники
пока́жи, сло́ве Бо́жий, прегреше́ний избавле́ние сим́ дару́яй бла́же, я́же
содя́ша на земли́ в ра́зуме и не в ра́зуме.

Богородичен: Мучеников славу, святителей и преподобных Божественное удобрение, и верных утверждение, пророков оглашение, Всепетую воспоим Господню Матерь.

Ин Ирмос: Положил еси к нам твердую любовь, Господи: Единородного бо Твоего Сына за ны на смерть дал еси. Темже Ти зовем благодаряще: славе силе Твоей, Господи.

Во гроб за ны милостивно вселился, Владыко, гробы истощил еси яко Бог, и победоносцы явль мученики, в месте ослабления усопшья рабы Твоя учини.

Иже страдалец крепкия подвиги, и раны, и удов отсечения, яже за Тя претерпеша, Владыко, радуяся приемый, и яже приял еси, избави от мучения.

Слава: Иже мановением своим живота имея умерение, безконечныя Твоя жизни и нетленные славы сподоби, яже к Тебе представил еси, греховное разорь средоградие.

И ныне: Мати воистинну и Дева явилася еси, Всенепорочная, зачатие и рождество истинно, к девству едина сочетавши: Бога бо родила еси, смерти разоршаго силу.

Песнь 5

Ирмос: Светом твоим невечерним, Христе, озари, Боже, смиренную мою душу, и настави на страх Твой, зане свет повеления Твоя.

Раны ваши и язвы, врагу убо явишася язвы неисцельныя: язвы же ныне исцеляют всех верных страдальцы Господни.

Воспоим преподобных множество, и ублажим святители Христовы, и почтим пророки Его, ныне о нас присно молящияся.

Бога воплощася нас ради, любяща всеславныя жены, нравом правым пострадавша, и постившася, на небесех ныне пребывают.

Слава: В райстей, Господи, пищи, во стране живых, Христе, идеже сияет Твой свет, всели яже представил еси от земли, верныя Твоя рабы.

Богородичен: Из Тебе, Пречистая, Бог воплотися, и вышшую Тя ангел показа ныне, тварей же всех преимушую, Владычице: темже Тя воспеваем.

Ин Ирмос: К Тебе утреннюю, всех Творцу, преимущему всяк ум миру, зане свет повеления Твоя, в нихже настави мя.

В Церкви первенец, Блаже, прешедшья от нас мученик ради, и честных страдалец мольбами: с праведными причти.

За избавление многих прегрешений, пресвятую кровь Твою, Христе, излил еси: и ныне мученик Твоих спасе, мольбами, благочестно усопшья упокой.

Слава: Управи Слове, отшедших души в вечное место сладости Твоя,

яже паче ума, и святых Божественных светлости сподоби.

И ныне: Тебе Деву, Юже паче слова во чреве необъименное Слово зачешую, мертвым жизнь дающего, достойно блажим.

Песнь 6

Ирмос: Глубина страстей воста на мя, и буря противных ветров: но предварив мя Ты спаси, Спасе, и избави от тли, яко спасл еси от зверя пророка.

Светильники честных церкви, агнца и пастыря священнейшии всеславнии Христовы страдальцы да почтутся священными песнями.

Вознесся преподобных собор вознесый Бога во смирении: и прославися множество святителей в делах добрых, прославивших Святую Троицу.

Чудес показании Божественных, и болезней терпением совершенным, беззаконующих враг, священных жен лик уязви, мужески доблествовавшие.

Слава: В вере ихже от земли приял еси, святых сопричти собором, и в недрах вернаго Авраама учини, Христе, присно славити Твое многое благоутробие.

Богородичен: Мучеников, пророков и преподобных, и всех от века праведных похвала, Ты еси, Пречистая: темже гласы яве радостными чтим Тя с ними, Богородице.

Ин Ирмос: Возведи от тли мя, Господи Боже мой, Иона вопияше, и аз вопию Ти: из глубины избави мя, Спасе, многих моих зол, и к свету Твоему, молюся, настави.

Преложи на радость в вере усопших рыдание, молитвами страготерпец, препоясуя их благолепне, Христе, веселием, и к свету Твоему направляя и наставляя.

Упокой, Боже, множеством щедрот Твоих у патриархов в недре преставления, идеже свет сияет светлый Твоего лица, Христе, презирая их вся прегрешения.

Слава: Удиви на отшедших отсюда, и лютых жития избавленных, чудную милость, Христе, человеколюбия Твоего, и радости Твоея насыти, и кротости.

И ныне: Мертвости и тли, и смерти избавихомся, преславным рождеством Твоим, Богомати: Ты бо нам родила еси, Чистая, нетления источник, и Твоим светом мир весь просветила еси.

Песнь 7

Ирмос: Трие отроцы в пещи Троицу прообразивше, прещение огненное попраша, и поюще вопияху: благословен еси Боже Отец наших.

Стояще посреде́ огня, пресла́внии страстоте́рпцы Госпо́дни, Божество́нную росу́ приима́ете с небесе́, и умертвивше́ся му́ками, многоко́зненнаго врага́ ме́ртва соде́ласте.

Божество́ннии святителие, я́ко кора́бль испра́вивше Це́рковь Христо́ву, непотопля́ему ту́ соблюдо́ша, преле́сти избе́гше воистинну́ злых волн.

Умертвивше́ плоть́ свяще́нными по́двиги по́стницы и́стиннии, безстра́стия насле́довасте живо́т несостаре́ющийся, пою́ще: благослове́н еси́ Госпо́ди Бо́же оте́ц на́ших.

Сла́ва: Не покажи́ повинны́ на суде́ рабы́ Твоя́, я́же предста́вил еси́ ве́рныя, но упокой́ сло́ве, во све́тлости святы́х Твоих, пе́ти благоутро́бие Твое́.

Богоро́дичен: Му́чеников и преподо́бных, и проро́ков, Всенепоро́чная, и святы́х же́н, и все́х первосвяще́нников свяще́ннопоживши́х, ты́ еси́ сла́ва воистинну́, с ними́же чтим́ тя.

И́н Ирмо́с: Я́коже дре́вле благоче́стивы́я три́ о́троки ороси́л еси́ в пла́мени халде́йстем, све́тлым Божества́ огне́м и нас оза́ри, благослове́н еси́, взыва́ющыя, Бо́же оте́ц на́ших.

И́же все́м живонача́льная, вина́ же и си́ла творите́льная, Сло́ве Бо́жий, обеща́нныя му́чеником пи́щи сподо́би ду́шы предста́вленных ра́б Твоих. Благослове́н еси́ Бо́же оте́ц на́ших.

О телесе́х убо́ я́ко тле́нных, до́блественне неради́ша сла́внии му́ченицы Христо́е: ны́не же со дерзнове́нием мо́лятся к Тебе́: ду́шы поко́й предста́вленных ра́б Твоих. Оте́ц на́ших Бо́же, благослове́н еси́.

Сла́ва: Тростию́ кресто́ную подписа́л еси́ оста́вление грехо́в все́м ве́рным, ему́же ны́не ду́шы, я́же предста́вил еси́ к Тебе́, причастите́ся сподо́би, и весе́лием пе́ти Тя: оте́ц на́ших Бо́же, благослове́н еси́.

И ны́не: Сло́во О́тчее, И́же вся́ волею́ соде́ваяй, естество́ челове́ческое погребёное́ страстьми́. Я́ко Бо́г обнови́: благослове́н, Пре́чистая, пло́д Твоего́ чрева́.

Пе́снь 8

Ирмо́с: А́нгельми́ немол́чно в вы́шних сла́вимаго́ Бо́га, небеса́́ небесе́, земля́, и го́ры, и хо́лми, и глублина́, и ве́сь ро́д челове́ческий, пе́сньми́ Того́ я́ко Созда́теля и Изба́вителя́ благослови́те, и превозноси́те во вся́ ве́ки.

Нанесе́нием ран, и боле́зней приложе́ными обдержими́ зело́, не отверго́стесе́ истиннаго́ живота́, Госпо́дни страстоте́рпцы, ни истуканна́м пода́сте по́чести, преле́сти лука́вей.

Светила́, я́коже на све́щницах положе́ни, че́стных добродете́лей, все́х оза́ристе ду́шы, вся́ку тьму́ отгна́вше страстоте́рпцы́ свяще́нноде́йственнии, небесе́ным умо́вом сожителие́.

Достохва́льнии проро́цы, и преподо́бных сосло́вие, и же́н все́х благоговейных мно́жество достославное, да воспое́тся досто́йно, о на́с моля́щаяся Спасу́ и Бо́гу.

Сла́ва: Ты́ иже живы́ми облада́яй, я́же от земли́ преста́вил еси́ ве́рныя, со святы́ми во све́те лица́ Твоего́ учини́, прощ́ение прегреш́ений, мно́гаго ра́ди, Спа́се, милосе́рдия пода́я сим.

Богоро́дичен: Многопета́я Де́ва, проро́ков оглаше́ние, святите́лей и страда́льцев, и преподо́бных удо́брение, и же́н святы́х ра́дость, да пое́тся по долгу́ во веки.

И́н Ирмо́с: Служи́ти живому́ Бо́гу, в Вавило́не о́троки претерпе́вше, о мусики́йских орга́нех неради́ша, и посреде́ пла́мене стоя́ще, боголе́пную пе́снь воспева́ху глаго́люще: благослови́те вся́ дела́ Госпо́дня Го́спода.

Сый сокрови́ще безсме́ртия, Ты́ живона́чалниче, ме́ртвым нетле́ние провозвести́л еси́, еже твои́м мучени́ком, Христе́, благоче́стно ве́рою Тебе́ пою́щим дарова́л еси́: благослови́те вся́ дела́ Госпо́дня Го́спода.

Му́дростию́ духо́вную, и терпе́нием де́л кре́пцыи страда́льцы о му́ках неради́ша, ду́шам преста́вленным от Христа́ оставле́ния прося́т, зову́ще: благослови́те вся́ дела́ Госпо́дня Го́спода.

Сла́ва: Очи́сти, Бла́же, копи́ем ре́бр Твои́х растерза́в рукописа́ние к Тебе́ преста́вленных, и средогра́дие о́тем прегреш́ений, песносло́вити Тя́ прие́м их, Спа́се, благоволи́: благослови́те вся́ дела́ Госпо́дня Го́спода.

И ны́не: Обла́к Тя́ мы́сленный претру́ждшымся жа́ждею умерщвле́ния, Де́во Чи́стая, ве́мы, во́ду живу́ оставле́ния исто́чающе, и ме́ртвым безсме́ртие все́м пода́ющую, ве́рою при́сно зову́щим: благослови́те вся́ дела́ Госпо́дня Го́спода.

Та́же, пе́снь Богоро́дицы: Вели́чит ду́ша моя́ Го́спода.

Пе́снь 9

Ирмо́с: На Сина́йстей горе́ ви́де Тя́ в купине́ Моисе́й, неопально́ о́гнь Божества́ заче́ншую во чре́ве: Дани́ил же́ Тя́ ви́де го́ру несеко́мую, же́лз прозя́бший, Иса́иа зыва́ше от ко́рене Дави́дова.

Я́коже овча́та приве́досте́ся закла́вшемуся на́с ра́ди, и Божество́вныя ли́ки а́нгел испо́лните ра́дости, страстоте́рпцы Христо́вы. Те́мже моли́твами ва́шими все́х утверди́те, и от врага́ вре́дныя преле́сти все́х изба́вите.

Я́ко свети́льницы живо́тное сло́во иму́ще, просвети́сте ду́шы, перво́священни́цы Христо́вы священнейши́и, Божество́вныя сла́вы прича́стницы: я́ко о́гнь прии́мше ду́ха преподо́бнии, стра́сти попали́сте, и идо́льское разжи́зание погуби́сте.

Со проро́ки святы́ми почти́м преподо́бных мно́жество, пре́жде зако́на,

и в законѣ возсіявшихъ житіемъ чистымъ, жѣнъ же святыхъ лики восхвалимъ, и возопиимъ: Господи, молитвами ихъ спаси всехъ насъ.

Слава: Погребѣніе Твое, Христе, и воскресѣніе, всемъ бысть живѣтъ. Сего ради дерзающе вопиѣмъ Ти: со всеми избранными верныя, яже приялъ еси рабы Твоя упокой сихъ согрѣшенія вся прощая, яко Богъ прѣблагій.

Богородичен: Страшно мѣсто сіе, возопи, егда Иаковъ Твое воображеніе в лѣствице видѣ, Богородице, неложне: мучениковъ славо, и преподобныхъ похвало, ангеловъ украшеніе, и всехъ пророковъ, и верныхъ спасеніе.

Ин Ирмосъ: Купиною и огнемъ прописанную в Синаѣи законоположнику Моисею, и Божій во чреве неопально зачѣншую огнь, всесвѣтлую и негасимую свещу, сущую Богородицу пѣснями чтуще величаемъ.

Ныне яко единъ благъ, и человеколюбецъ Богъ, прѣставленныя къ Тебѣ, мученикъ мольбами, в странѣ кроткихъ земли всели, разрешеніе прегрѣшеній подавая, Милостиве, симъ, да непрестанно пѣснями Тя величаемъ.

Во святыхъ селѣніихъ, в недрахъ Авраама, яже приялъ еси, Христе, причтіи с праведными Твоими: идеже сияетъ свѣтъ лица Твоего неизреченный и Божественный, и пребывающее во вѣки воистинну присносущное радованіе.

Блаженныя Твоя жизнь, и вѣчныхъ благъ непрестанныя пища, веселія истиннаго сподоби рабы Твоя, яже прѣставилъ еси волю, Жизнодавче, в мѣсте злачне, на водахъ покойныхъ.

И ныне: Яко святыи ковчегъ, и свидѣнія скинія законодателя Бога, прияла еси во утробѣ, Всенепорочная, Зиждителя Твоего, изреченіе древнихъ клятвъ, и законъ смѣрти своею смѣртію испровергшаго.

Таже, Достойно есть: Ектенія, и светилен, и псалмы обычны.

На хвалитѣхъ стихирѣ мученичны, гласъ 3:

Святыхъ мученикъ память, приидите, людие, вси почтѣмъ, яко позоръ быша ангеломъ и человекомъ и победы венцы от Христа прияша, и молятся о душахъ нашихъ.

Царей и мучителей страхъ отринуша Христовы воины, и благодарно и мужески Того исповѣдаша, всяческихъ Господа Бога и Царя нашего, и молятся о душахъ нашихъ.

Силы святыхъ Ангелъ удивишася мученическимъ страданіемъ, яко плотию смѣртною обложени, о мукахъ нерадиша, подобницы бывше страстемъ Спаса Христа, и молятся о душахъ нашихъ.

Яко светила в мире сияете, и по смѣрти святѣи мученицы, подвигомъ добрымъ подвигшася: и имуще дерзновѣніе, Христа умолите, помилуватися

душам нашим.

Мёртвен: Челове́цы, что́ всуе́ мяте́мся? Пу́ть кра́ток е́сть, теце́м: ды́м е́сть жити́е, па́ра, пе́рсть и пе́пел: вма́ле явля́ется, и вско́ре погиба́ет. Те́мже Христу́ Безсмер́тному Царю́ возопи́им: преста́вленныя от нас упоко́й, иде́же всех е́сть веселя́щихся жили́ще у тебе́.

Сла́ва, и ны́не, Богоро́дичен: Без се́мене зачала́ еси́ от Ду́ха Свята́го, и славосло́вюще воспева́ем Тя: ра́дуйся, Пресвята́я Де́во.

На стихо́вне стихи́ры мёртвены. Творе́ние Феофа́ново, гла́с 3.

Подобен: Ве́лия Креста́ Твоего́:

Сла́влю Крест́ Тво́й честный́, и́мже живо́т дарова́ся, и пи́щи наслажде́ние, ве́рою и любви́ю Тя пою́щим, Еди́не Многоми́лостиве. Те́мже вопие́м Ти, Христе́ Бо́же: преста́вльшы́ся от нас упоко́й, иде́же всех е́сть веселя́щихся жили́ще у тебе́.

Сти́х: Блаже́ни, я́же избра́л и прия́л еси́, Го́споди.

Еди́не Ми́лостиве и Благоутро́бне, имей́ непостижи́мую бла́гости пучи́ну, све́дый естество́ челове́ческое, е́же соде́лал еси́: Тя мо́лим, Христе́ Бо́же, преста́вленныя от нас упоко́й, иде́же е́сть всех веселя́щихся жили́ще у тебе́.

Сти́х: Ду́шы их во благи́х водворя́тся.

Усну́в во гробе́ я́ко Чело́век, си́лою же непобеди́мою я́ко Бо́г воскресил еси́, я́же во гробéх спя́щия, немол́чныя пёснi Тебе́ принося́щия. Те́мже мо́лим Тя, Христе́ Бо́же: преста́вленныя от нас упоко́й, иде́же е́сть всех веселя́щихся жили́ще у тебе́.

Сла́ва, и ны́не, Богоро́дичен: Свещу́ разумную́ Тя, нося́щую свёт Божества́, совокупльша́ся дебели́ству́ челове́ческаго существа́, Богоро́дице, вси́ ве́мы: Твоего́ моли́ Сы́на и Бога, преста́вленныя от нас упоко́ити, иде́же е́сть всех веселя́щихся ра́дование.

Та́же, Благо́ е́сть исповедати́ся Го́сподеви: **Трисвято́е. По О́тче наш: тропа́рь, ектени́а, и отпу́ст. Та́же ча́с пе́рвый, и отпу́ст.**

В суббóту блаже́нны, глас 3:

Отве́ргша, Христе́, за́поведь Твою́ праотца Ада́ма, из ра́я изгна́л еси́: разбо́йника же, Ще́дре, испове́давши Тя на кресте́, во́нь всели́л еси́, зову́ща: помяни́ мя, Спа́се, во Ца́рствии Твоём.

Сти́х: Блаже́ни изгна́ни пра́вды ра́ди, я́ко те́х е́сть Ца́рство Небе́сное.

Огненным ра́нам примеша́ющесе́ страстоте́рпцы Христо́вы, ро́су небе́сную обрето́сте, прохладя́ющую же и укрепля́ющую ва́с терпéти плотскія́ го́рькия боле́зни: те́мже облегча́ете вся́ку боле́знь при́сно от ду́ш наших.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зóл глаго́л на вы́ лжу́ще Мене́ ра́ди.

Святите́лие свяще́ннии, проро́цы сла́внии, преподо́бных мно́жество, и же́н Божество́нных собо́р, пострада́вших ве́рою, и низложив́ших преле́сть вра́жю, небе́сную сла́ву получи́ша: ихже мо́литвами, Спа́се, уще́дри рабы́ Твоя́.

Сти́х: Ра́дуйтесе́ и весели́тесе́, я́ко мзда́ ва́ша мно́га на небесе́х.

Иде́же сияет Тво́й све́т, во хра́мах избра́нных твои́х, Бо́же, иде́же пи́ща присносу́щная, я́же от нас ве́рою предста́вленныя учини́ Иису́се, презря́ их, Спа́се, согрешения́: да Тя, Влады́ко, приле́жно славим.

Сла́ва: Отцу́, и Сы́ну, и Ду́ху Божество́нному, покланя́емсе ве́рнии Трои́це несозда́нной, в три́ех лица́х, и во еди́ном Божестве́, при́сно от безплотных сил, в три́ех свяще́ниях славослови́мей ве́рно.

И ны́не: Просвеще́ние и очище́ние, из Тебе́ яви́ся все́х изба́витель, Богора́дованная Влады́чице, е́гоже приле́жно моли́ в бу́дущий су́д стра́шный, осужде́ния вся́каго нас изба́вити, Пречи́стая, верно́ всегда́ пою́щих Тя.

Коне́ц трéтиему гласу́.

Глас 4

Суббота

В суббóту вéчера

на ма́лей вechéрни, на Гóсподи воззва́х, стихи́ры воскрeсны 3, повторя́юще пeрвую. Глас 4:

Стих: От стражи у́тренния до но́щи, от стражи у́тренния да упова́ет Израи́ль на Гóспода.

Животворя́щему Твоему́ Кресту́, непреста́нно кла́няющeся, Христе́ Бо́же, триднeвное Воскрeсeние Твое́ сла́вим: те́м бо обновил еси́ истлeвшее чeловeчeское естество́, Всесильне, и и́же на небеса́ восход обновил еси́ нам, яко́ един Благ и Чeловеколю́бец. [Два́жды.]

Дре́ва прeслушания за́прещeние разрешил еси́, Спа́се, на дре́ве крeстнем волею́ пригвоздился, и во ад соше́д, Сильне, сме́ртныя узы́ яко́ Бо́г растeрзал еси́. Те́мже кла́няемeся е́же из мертвых Твоему́ Воскрeсeнию, ра́достью вопи́юще: всесильне Гóсподи, сла́ва Тебе́.

Врата́ адова́ сокрушил еси́, Гóсподи, и Твоею́ сме́ртию сме́ртное ца́рство разрушил еси́: род же чeловeчeский от истлeния свободил еси́, живо́т и нетлeние ми́ру дарова́в, и ве́лию ми́лость.

Сла́ва, и ны́не, Богородичен, догма́тик. Глас 4:

Без се́мене зачала́ еси́ и родила́ еси́ неизрече́нно, Низложи́вшего си́льныя от престо́л, и Вознося́щего смире́нныя, и Воздвиза́ющего ро́г ве́рных Своих, сла́вящих Христов Крeст и погребeние, и сла́вное Воскрeсeние. Те́мже Тя́, Богородице, Ходатаи́цу то́ликих бла́г немóлчными пе́снями убла́жаем, яко́ моля́щуюся присно, е́же спасти́ся душа́м на́шим.

Та́же, Свeте тихий: Посeм проки́мен: Гóсподь воцари́ся: три́жды.
Стих: Облече́ся Гóсподь в си́лу, и препоя́сeся. **Та́же,** Сподóби, Гóсподи, в вeчeр сей: **Иере́й же ектeний не глаголет, но поeм.**

На стиховне стихи́ру воскрeсну, глас 4:

Гóсподи возше́д на Крeст, праде́дную на́шу кля́тву потреби́л еси́, и соше́д во ад, вeчныя у́зники свободил еси́, нетлeние даруя́ чeловeчeскому роду́: сего́ ра́ди пою́ще сла́вим животворя́щее и спаси́тельное Твое́ востание.

Та́же стихи́ры подо́бны Пресвяты́я Богороди́цы.

Подо́бен: Зва́нный свы́ше:

Стих: Помяну́ имя́ Твое́ во вся́ком ро́де и ро́де.

Из Безнача́льна Отца́ Сын безлeтно, низхо́ждения ра́ди и спасeния чeлове́ков, Бо́г Чeлове́к бы́сть, да пода́ст перво́зданному ны́не ра́й: то́гда и все́ естество́ изба́вится от прeлести змиeвы, и о́браз па́дший спасeт, яко́ Благопрeменитель: отню́ду же Ма́терь соде́ла Невесторо́дицу Чисту́ яко́

нескверну, Юже яко агкиру вси, и пристанище ублажаем.

Стих: Слыши, Дщи, и виждь, и приклони ухо Твое.

Воплощенная Создателя всех, имела еси во утробе Твоей, Богоблаженная, вообразившаго Человека, прежде падшаго преступлением змийным: Бога бо родила еси плотию несказанно нам, и из тления свободила еси естество все обетшавшее, Рождеством Твоим, темже поем и славим Твою благодать Дево Безневестная, молитися не престаи, спастися душам нашим.

Стих: Лицу Твоему помолются богатыи людстии.

Да Твоя всем множество милости и благодати открыеши нам неопределимую пучину, грехи рабов Твоих вся заглади: имаши бо, Всенепорочная, яко Мати сущи Божия, власть создания, и водиши вся, яко хощеши, силою Твоею: ибо благодать Духа Святаго яже всельшаяся в Тя, содействует Ти во всем присно, Всеблаженнейшая.

Слава, и ныне: Иже со Отцем и Духом славословимый Сын, в вышних от Серафимов первосозданнаго паки обновити хотя, всего Себе истощи неизреченно во утробе Твоей, Богородице Всепетая: и из Тебе возсиявый, просвети всего мира Божеством, избавивый от идолонействовства, и Собою обоживый, на небеса возведе человечество, Христос Бог и Спас душ наших.

Таже, Ныне отпуцаеши: **Трисвятое. Тропарь:** Светлую Воскресения проповедь: **Богородичен:** Еже от века утаеное: **Ектения и отпу́ст.**

В суббóту на вели́цей вечерни

на Господи, воззвах, **стихи́ры воскресе́ны, глас 4.**

Сти́х: Изведи́ из темни́цы ду́шу мою́, испове́датися и́мени Твоему́.

Животворя́щему Твоему́ Кресту́, непреста́нно кланя́ющеся, Христе́ Бо́же, тридне́вное Воскресе́ние Твое́ сла́вим: те́м бо обновил еси́ истлевшее челове́ческое естество́, Всесильне, и иже на небеса́ восход обновил еси́ нам, я́ко еди́н Бла́г и Человеколюбец.

Сти́х: Мене́ ждúт пра́ведницы, донде́же возда́си мне́.

Дре́ва преслу́шания запре́щение разрешил еси́, Спа́се, на Дре́ве крестне́м волею́ пригвозди́вся, и во ад соше́д, Сильне, сме́ртныя узы́ я́ко Бо́г растерза́л еси́. Те́мже кланя́емся е́же из ме́ртвых Твоему́ Воскресе́нию, ра́достью вопию́ще: все́ильне Господи́, сла́ва Тебе́.

Сти́х: Из глубли́ны воззва́х к Тебе́, Господи́, Господи́, услы́ши глас мой́.

Врата́ адова́ сокрушил еси́, Господи́, и Твоею́ сме́ртию сме́ртное ца́рство разрушил еси́: род же челове́ческий от истле́ния свободил еси́, живо́т и нетле́ние ми́ру дарова́в, и ве́лию ми́лость.

Ины́ стихи́ры, творе́ние Анато́лиево.

Сти́х: Да бу́дут уши́ Твои́ внемлю́ще гласу́ моле́ния моего́.

Приидите́ воспоим, лю́дие, Спасо́во тридне́вное воста́ние, и́мже изба́вихомся а́довых нерешимых у́з: и нетле́ние и жи́знь вси́ восприя́хом зову́ще: распный́ся, и погребый́ся, и воскресый́, спаси́ ны Воскресе́нием Твоим, Еди́не Человеколю́бче.

Сти́х: А́ще беззако́ния на́зриши, Господи́, Господи́, кто́ постои́т; я́ко у тебе́ очи́щение е́сть.

А́нгели и челове́цы, Спа́се, Твое́ пою́т тридне́вное Воста́ние, и́мже озари́шася вселе́нныя концы́, и рабо́ты вра́жия вси́ изба́вихомся, зову́ще: Животворче́ Всесильне Спа́се, спаси́ ны Воскресе́нием Твоим, Еди́не Человеколю́бче.

Сти́х: Имене́ ра́ди Твоего́ потерпе́х Тя́, Господи́, потерпе́ душа́ моя́ в сло́во Твое́, упова́ душа́ моя́ на Господа́.

Врата́ ме́дная сте́рл еси́, и вере́й сокрушил еси́, Христе́ Бо́же, и род челове́ческий па́дший воскресил еси́. Сего́ ра́ди согла́сно вопие́м: Воскресый́ из ме́ртвых, Господи́, сла́ва Тебе́.

Сти́х: От стра́жи у́тренняя до но́щи, от стра́жи у́тренняя да упова́ет Израи́ль на Господа́.

Господи́, е́же от Отца́ Твое́ Рожде́ство, безле́тно е́сть и присносу́щно: е́же от Де́вы вопло́щение, неизрече́нно челове́ком и несказа́нно: и е́же во

ад сошествие страшно диаволу и аггелом его: смёрть бо поправ, триднёвен воскрёл еси, нетление подавая человеком, и велию мѣлость.

Ины стихѣры Богородице, Павла Аморрейскаго. Глас 8.

Подобен: О преславнаго чудесе!

Стих: Яко у Господа мѣлость, и многое у него избавление: и Той избавит Израїля от всех беззаконий его.

Тебе верным покров показа, иже всяческих Бог, воплощся от кровей Твоих, Богородице Всечистая, и предстательницу и поборницу сущым в нуждах и обстояниях, и в буре пристанище благоутѣшное: Ты убо спаси от всякия скорби и туги, всех притекающих к Божественному покрову Твоему.

Стих: Хвалите Господа вси языцы, похвалите его вси людие.

Да прославляю и почитаю, да чту и пою, да воспеваю всегда Твое Божественное имя, Преблагенная Владычице, да мя не оставиши врагом радование быти, покрову Твоему притекающаго: но крылы честных молитв Твоих всегда цѣла мя сохрани от всех искушений.

Стих: Яко утвердися мѣлость Его на нас, и истина Господня пребывает во век.

Радуйся, Богомати Пречистая. Радуйся, верным надежда. Радуйся, миру очищение. Радуйся, избавляющая всяких скорбей рабы Твоя, яже смерти разрушительница. Радуйся, животоносная. Радуйся, утешительнице. Радуйся, заступнице. Радуйся, прибежище.

Слава, и ныне, Богородичен: Иже Тебе ради Богоотец пророк Давид пѣсенно о Тебе провозгласи, величия Тебе Сотворшему: предста Царица одесную Тебе. Тя бо Матерь, ходатаицу живота показа, без отца из Тебе вочеловечитися благоволивый Бог, да свой паки обновит образ, истлевший страстьми, и заблуждшее горохищное обрет овча, на рамо восприим, ко Отцу принесет, и Своему хотению, с небесными совокупит силами, и спасет, Богородице, мир, Христос имеяй велию и богатую мѣлость.

Таже, Свете тихий: Прокимен: Господь воцарися: и прочее по обычаю.

На стиховне стихѣры воскресны, глас 4:

Господи, возшед на Крест, прадедную нашу клятву потребил еси, и сошед во ад, вечныя узники свободил еси, нетление даруя человеческому роду: сего ради поюще славим животворящее и спасительное Твое востание.

Ины стихѣры по алфавиту.

Стих: Господь воцарися, в лепоту облечеса.

Повешен на древе Едине Сильне, всю тварь поколебал еси: положен

же во гробѣ, живущія во гробѣхъ воскресил еси, нетлѣние и жизнь даруя человѣческому роду. Тѣмже поюще славим триднѣвное Твое Востаніе.

Стих: Ибо утверди вселенную, яже не подвижится.

Людиѣ беззаконнии, Христе, Тебѣ предавше Пилату, распяти осудиша, неблагодарни о Благодѣтели явившеся. Но волю претерпел еси погребение: самовластно воскресен еси триднѣвно яко Бог, даруя намъ безконечный живот, и велию милость.

Стих: Дому Твоему подобаетъ святыня, Господи, в долготу днй.

Со слезами жены, дошедша гроба, Тебѣ искаху, не обретша же, рыдающа с плачемъ вопиюща глаголаху: увы намъ, Спасе нашъ, Царю всехъ, како украденъ былъ еси? кое же мѣсто держитъ Живоносное Тѣло Твое? Ангелъ же к нимъ отвѣщаваше, не плачите, глаголетъ, но шедша проповѣдите, яко воскресѣ Господь, подавая намъ радость, яко Единъ Благоутробенъ.

Слава, и ныне, Богородичен: Призри на молѣнія Твоихъ рабъ, Всенепорочная, утоляющи лютаѣ на ны востанія, всякія скорби насъ изменяющи: Тя бо Едину твердое и известное Утвержденіе имамы, и Твое предстательство стяжахом. Да не постыдимся, Владычице, Тя призывающи, потщися на умоленіе, Тебѣ верно вопиющихъ: радуйся, Владычице, всехъ помощи, Радосте и Покрове, и Спасеніе душъ нашихъ.

Таже, Ныне отпускаеши: и Трисвятѣе. По Отче нашъ:

Тропарь, гласъ 4:

Светлую Воскресенія проповѣдь отъ ангела увѣдевша Господни ученицы, и прадеднее осужденіе отвергша, апостоломъ хвалящяся глаголаху: испровержеся смерть, воскресѣ Христосъ Богъ, даруяй миру велию милость.

Слава, и ныне, Богородичен: Ёже отъ вѣка утаеное, и ангеломъ несведомое таинство: Тобою, Богородице, сущымъ на землѣ явися Богъ, в неслитномъ соединеніи воплощаемъ, и Крестъ волю насъ ради восприимъ, имже воскресивъ первозданнаго, спасѣ отъ смерти души наша.

В суббóту на повечэ́рии

Кано́н Пресвяте́й Богоро́дице. Глас 4.

Пе́снь 1

Ирмо́с: Мо́ря чермну́ю пучи́ну невла́жными стопа́ми дре́вний пешешествовав Израиль, крестообра́зными Моисе́овыми рука́ма, Амаликову силу в пустыни победи́л е́сть.

Припе́в: Пресвята́я Богоро́дице, спаси́ нас.

Я́же Еди́на в на́пастех и ско́рбех защища́ющая, под кро́в Тво́й, Пречи́стая, прибега́ющих те́пле, приими́ яко Преблагая, я́же от се́рдца моления.

Приста́нице невла́емое обрёт Тя неразу́мный, на́пастныя же и ну́ждныя прилоги отревая, благодарное пою́ Ти воспевание, Богому́жная Родительнице.

Слава: Милостивным и кро́тким Твои́м о́ком, Богороди́тельнице, зря́щи мя во обстоя́нии и скорби одержима, вскоре свободи́: Тя бо призыва́ю на по́мощь.

И ны́не: Прекло́нена мя, Влады́чице, скорбьми́ ну́ждными лю́те, яко Милостива Еди́на Бла́гая Предста́тельница рабо́в Твоих, руку́ мо́льбы прости, и лю́тых бе́д избави́ мя.

Пе́снь 3

Ирмо́с: Лу́к си́льных изнемо́же, и немо́цству́ющи препоя́сашася си́лою: се́го ради утверди́ся в Го́споде се́рдце мое́.

Ору́жие кре́пко, и стéну Тя стяжав аз, побежда́ю сопроти́вных полки́, и пою́ вели́чия Твоя́, Богоро́дице Неискусобра́чная.

Пе́щь разоря́еши печале́й, и погаша́еши отча́яния зно́й: кто́ бо та́ко, я́коже Ты, Де́во Богоро́дице, упова́ние на́ше?

Слава: Внуши́ глас раба́ Твоего́, Твоя́ тре́бующаго по́мощи, Богома́ти: упова́ние мое́, услыши́ мя, и на́пастей исхити́.

И ны́не: Прииде́ от прегреше́ний мно́жества мучи́тельство на́м, нося́ сме́рть па́губную: но спаси́ Твоя́ рабы́, Богоро́дице, Ты бо мо́жеша.

Пе́снь 4

Ирмо́с: Вознесе́на Тя ви́девши це́рковь на Кресте́, со́лнце пра́ведное, ста́ в чи́не свое́м, досто́йно взыва́ющи: сла́ва си́ле Твое́й, Го́споди.

Побе́ждши вражду́ющих мне́ все́, яко ду́шу мою́ тща́щихся лю́те прияти, сохрани́ мя, Влады́чице, помилуй, и спаси́: к Тебе́ бо прибега́ю, раб Тво́й.

Избавля́ющи мя от язы́ка льстивоглаго́лива, Бла́гая Засту́пнице моя́,

безпако́стна покажи́, и житейских дея́ний: мно́го бо мо́жеши, я́ко Зижди́теля Ма́ти су́щи.

Сла́ва: Безболе́зненну ве́дый Тя́, Целе́бницу, немощный, ду́хом и усты́ зову́: исцели́ мя, Влады́чице, поми́луй, и спаси: к Тебе́ бо прибегаю́, ра́б Твой.

И ны́не: Не оста́ви мене́ напáстем прѣдану́ быти, Ма́ти Бо́га на́шего, но от вся́кия ско́рби и зло́бы челове́чи сохрани́ невреждѣна: ты́ бо еси́ Помо́щница все́м нам.

Пѣснь 5

Ирмос: Ты́, Го́споди мой, Свѣ́т в ми́р пришѣ́л еси́, Свѣ́т Святы́й, обраща́я из мра́чна неведе́ния, ве́рою воспева́ющыя Тя́.

Испра́ви, Чи́стая, моли́тву раба́ Твоего́ ко Го́споду Сы́ну Твоему́: да обря́щу разреше́ние мно́гих моих прегреше́ний.

Избави́ мя страсте́й и бе́д, Богоневѣ́сто: Тя́ бо положи́ Бо́г очище́ние вои́стинну моему́ смире́нию.

Сла́ва: Покро́в мой Ты́ еси́, и прѣ́сное хвале́ние, о Влады́чице Богоро́дице! Ника́коже бо презира́еши к Тебе́ прибега́ющих.

И ны́не: Помилуй, Чи́стая, чтущих Рождество́ Твое́, и избави́ мучительства́, и горести́ челове́чския: и́бо има́ши е́же мо́щи.

Пѣснь 6

Ирмос: Пожру́ Ти со гласом хвале́ния, Го́споди, Це́рковь вопиѣ́т Ти́, от бесо́вския кро́ве очи́щшися, ра́ди ми́лости от ре́бр Твои́х истѣ́кшею Кро́вию.

Кре́пость ми́ Сама́ еси́, Пречи́стая Влады́чице, во обрѣ́тших мя́ зело́ нена́чаянных ско́рбех, и вопию́ Ти: я́ко Ве́лия еси́ Покрови́тельница рабу́ Твоему́.

Исцели́ душе́вныя моя́ я́звы, Пречи́стая, заступи́ мя, Де́во, и избави́ раба́ Твоего́ от оклеветáния, наве́та же и развра́щения непра́ведна.

Сла́ва: Сокруши́ на мя́, прѣ́сно прибега́ющаго к Тебе́, наве́тники непра́ведныя, и не оста́ви мя́ поги́бнути: я́ко вся́ Тебе́ возмо́жна, Чи́стая, я́ко Богоотрокови́це.

И ны́не: Победи́ души́ моя́ свирѣ́пую во́лну, я́ко мно́жество прегреше́ний, напáстей и скорбе́й, Влады́чице, воста́ша на мя́, но сама́ мя спаси́.

Го́споди, поми́луй, **три́жды, Сла́ва, и ны́не:**

Седáлен, глас 4:

Мно́гими прегреше́нии аз блудный ум помрачѣ́в, вопию́ Твоему́ кре́пкому заступле́нию, Богоро́дице: просвети́ души́ моя́ зени́цы, возсия́й ми́ покая́ния свѣ́тлую зарю́, и облецы́ мя во ору́жие свѣ́та,

Богородительнице Чистая.

Песнь 7

Ирмос: Спасый во огни авраамския Твоя отроки, и халдеи убив, яже правда праведно уловляше, Препетый Господи Боже отец наших, благословен еси.

Иже от агарян насильование скоро потрѣбльши мечѣм молитв Твоих, Маріе, люди и стадо Твое сохрани, Сыну Твоему зовущыя: Боже отец наших, благословен еси.

Равнолепная Скиния, прими мя к Тебе прибегающаго, да не примет мя враг погубити хотя, зовущаго: Превозносимый отец наших Боже, благословен еси.

Слава: Богородительнице Маріе, предвари раба Твоего вскоре, в треволнениих напастей потопляемаго, не имущаго помощи, к тебе же зовуща: упование концев, помилуй мя.

И ныне: Человеческия помыслы яко грехом виновны, ныне, Богородице Благая, разори, Божественными Твоими молитвами, и рабы Твоя избави болезненныя напасти и всякаго вреда.

Песнь 8

Ирмос: Избавителю всех, Всесильне, посреде пламене благочествовавшыя, снизшед оросил еси, и научил еси пети: вся дела благословите, пойте Господа.

Найде на ны язык беззаконен, хваляся погубити служители Твоя: егоже потрѣбльши, Пречистая, покрый зывающыя: вся дела благословите Господня Господа.

Многия Твоя щедроты милостивно нас спасают, Единая Богомати, от греховнаго суда, и различных напастей: Ты бо рождши Бога, милуеши мир Его.

Слава: Яко Ты еси крепость и помощь, не боюся врагов негодования, но пою Тя, Владычице, и вопию Сыну Твоему: благословите вся дела Господня Господа.

И ныне: На мольбу мою ныне умилосердися, и радость в печали место даруй ми: да пою Тя, Владычице, и вопию Сыну Твоему: благословите вся дела Господня Господа.

Песнь 9

Ирмос: Ева убо недугом преслушания клятву вселила есть: Ты же, Дево Богородице, прозябением чревоношения миру благословение процвела еси, тем Тя вси величаем.

Оружие убо на ны обострив, совещаает льстивый арваннин беззаконный: Ты же, Дево Богородице, силою Креста и молитв твоих,

воору́жаеши на него́ рабы́ Твоя́. Те́мже пропове́даем сла́ву Твою́.

Кре́пость Тебе́ на враги́ даде́ся, Влады́чице, и изба́вление ми́ от бе́д: что́ же аз Тебе́ прине́су, не до́вем. Оба́че, еже и́мам, благода́рение прино́шу Ти: приими́ си́е ны́не, и спаси́ мя.

Сла́ва: О Ма́ти вся́ческих Творца́ Всесвѣ́тлая, печа́льных утѣ́ха, пото́пляемых Предста́тельница, и прене́могающихся Засту́пница, до живота́ моего́ Ты́ мя сохрани́.

И ны́не: Утесня́ема мя́ грехи́ мно́гими, и беда́ми, не прѣ́зри мене́, Всепе́тая, ны́не, Тебе́ хвале́ния же́ртву прино́шу, приле́жно взы́вая Ти: Свята́я Богоро́дице, помози́ ми, Тя́ бо сла́ва пе́снь сконча́ваю.

Та́же, Досто́йно е́сть: Трисвято́е, и проче́е обы́чно, и отпу́ст.

Неделя

В неделю утра на полунощнице

Канон Троицен, [егоже краестрочие: Четвертое пение Богу. Творение Митрофаново.] Глас 4.

Песнь 1

Ирмос: Моря черннью пучину, невлажными стопами, древний пешествовав Израиль, крестообразными Моисеевыми руками, Амаликову силу в пустыни победил естъ.

Троицу Богоначальную да прославим Ипостасми, Единственное же Естество Триех, Соприсноущную, Сопрестольную, Юже моляще, глаголем: спаси иже верою Тебе славящих.

Помазася от Отца Духом радования, Богодетельным елеем, Сын, и Человек бысть, и Единого Божества Триипостасное научил естъ.

Слава: Доброту неприступная славы Твоея, Единице Трисолнечная, Серафими не терпяще зрети, спокрываются крылы: и Трисвятыми песнями непрестанно Тебе славят.

Богородичен: Неизреченно Творца родила еси всех, Пречистая, избавляющаго древняя клятвы человеки, и смертныя тли, и Тобою познахом Единого Бога Триипостаснаго.

Песнь 3

Ирмос: Не мудростию и силою и богатством хвалимся, но Тобою, Отчею Ипостасною мудростию, Христе: несть бо свят, паче Тебе, Человеколюбче.

Силу свыше святым Твоим прежде апостолом, яко послал еси, Христе, от Отца Утешителя, Едино явил еси Естество Трисолнечное.

Патриарху Аврааму егда явилася еси во образе мужесте, Троицня Единице, непременно показала еси Твоея Благости и Господства.

Слава: Иже во Образех Триех, Един Бог веруемый: Неописанный яве, Недомыслимый всеми, избави души наша от всякия скорби.

Богородичен: Наставльшеся Сына Твоего премудрыми приведеньми, Единственное и Трисветлое Богоначалие славим, и Тебе блажим, Приснодеву.

Таже седален, глас 4. Подобен: Скоро предвари:

Трисолнечная, Несозданная и Единосущная Единице, Триипостасная и Непостижимая, рабы Твоя ущедри: спаси от бед, яко Бог милостив, Тя бо, Господи, Единого Избавителя и Владыку имамы, вопиюще: буди нам милостив.

Слава, и ныне, Богородичен: Многими обстояньми и напастыми

лю́тых, Де́во, окружа́еми, и ко отча́янию прісно впа́дающе, Еди́ну Тя спасе́ние и наде́жду, и стѣну імамы, Богоро́дице, и Тебе́ по до́лгу ве́рою и ны́не мо́лим: спаси рабы́ Твоя́.

Пѣснь 4

Ирмо́с: Седя́й в сла́ве на Престо́ле Божества́, во о́блаце ле́гце при́иде Иису́с Пребоже́ственный, нетле́нною длáнию, и спасе́ зову́щья: сла́ва, Христе́, си́ле Твое́й.

Пресу́щную Тро́ицу, во Еди́нице Божества́ и Господона́чалие, с Серафимы́ Тебе́ славим, я́ко Неразде́льно Естество́, я́ко Непрису́пное, я́ко равноста́тно славою́, Бо́же Непостижимый́.

Разделе́нну су́щу неизрече́нно Ли́цы Божества́, и соединя́ему Держáвою вку́пе Еди́нем Господством, Безпреде́льну Еди́ну, Неопісанну, воспева́ем Тя, Творца́ всея́ твáри.

Сла́ва: Ум безнача́льный, Сло́во неизглаго́ланне роди́, и Божество́ннаго Ду́ха Равномо́жна испусти́: и сего́ ра́ди Тро́ицу Единосущ́ную, Влады́ку все́х Бо́га пропове́даем.

Богоро́дичен: Видим бывáя дрéвними обра́зне, предвозвести́ло е́сть, е́же от Тебе́ воплоще́ние, Сло́во: но по́слежде явлься́ челове́ком, поистинне Триипоста́сное Единона́чалие яви́.

Пѣснь 5

Ирмо́с: Ужасо́шася вся́ческая о́ Божество́нной сла́ве Твое́й: Ты́ бо, Неискусобра́чная Де́во, имела́ еси́ во утробе́ над все́ми Бо́га, и родила́ еси́ Безле́тнаго Сы́на, все́м воспева́ющим Тя́ мир подава́ющая.

Разуме́вше от ве́ры Вседетельна́го Божества́, Еди́но у́бо Непрису́пно Существо́, Три́ же Ипоста́си Живонача́льны, сраслены́ чем: Отца́, и Сы́на, и Ду́ха Свята́го Соприсносу́щное быти́е.

Свете́ Трисо́лечне, су́щественнаго Свѣта́ Твоего́ возсия́й ми́ Еди́нственное́ Божество́, Несозда́нное Естество́, и светоде́йственный Исто́чнице́ вся́кия светода́тельныя за́ри: да созерца́ю Твою́ добро́ту неизрече́нную.

Сла́ва: Я́ко Еди́ному су́щу Содетелю́ вся́ческих, и Соде́ржителю́, и Ко́рмчию Всепрему́дру, воистинну́ и жи́зни Подателю́, сего́ ра́ди и вопие́м Ти́ ве́рно: Влады́ко Трисо́лечне, пою́щья́ Тя́ соблюди́.

Богоро́дичен: Обожити́ хотя́ дрéвле истле́вшаго челове́ка, за бла́гость, Де́во, созда́вый, и показавый́ Обра́за Божество́нный зра́к, Челове́к бы́сть из Тебе́, Еди́но Тричи́сленное Богона́чалие пропове́да.

Пѣснь 6

Ирмо́с: Возопи́, прообра́зюя́ погребѣ́ние тридне́вное, проро́к Ио́на в ките́ моля́ся: от тли́ изба́ви мя́, Иисусе́ Царю́ Сил.

Яви́ Оте́ц изгла́олюя Сыновство́, и Ду́х, Христу́ крещшуся, ви́дим бы́в: сего́ ра́ди Еди́но и Трои́ческое Богонача́лие славим.

Яко́ виде́ Тя Трисвяты́ми гла́сы воспева́емаго Иса́иа, на вы́соце Престо́ле се́дяща, Трои́ческую позна́ Еди́наго Богонача́лия Ипостáсь.

Слава: Возвы́шено се́рдце покажи́ и нас ра́б Твои́х, Вы́сокий Царю́ Триипостáсне: да Твоея́ славы зрím я́сно свѣтлость.

Богоро́дичен: Восхотѣ́ вообрази́тися я́ве в на́ше, от Дѣ́вы Сы́н Бо́жий яко́ Человеколю́бец, и Божѣ́ственныя Сла́вы о́бщники челове́ки сотвори́.

Седа́лен, гла́с 4. Подо́бен: Ско́ро предвари́:

Отца́ неро́жденна, Сы́на же ро́жденна, и Ду́ха Свята́го исхо́дна от Отца́ му́дрствующе, проповѣ́даем Безнача́льное Царство́ и Божество́ еди́но, Е́же славослова́ще еди́номудренно вопие́м: Трои́це Еди́носущная, спаси́ нас, Бо́же.

Слава, и ны́не, Богоро́дичен: Лѣ́т превы́шше, и пре́жде вѣ́к Бо́га, в ле́то родила́ еси́ преестѣ́ственне плото́ю, Бо́га Челове́ка, Пречи́стая. Те́мже Тя́, Богоро́дицу, истинно́ и господа́ственне всѣ́ испове́дающе, приле́жно Ти́ вопие́м: славы́ вѣ́чныя вся́ сподо́би.

Пѣснь 7

Ирмо́с: В пещи́ Авраа́мстии о́троцы перси́дстей, любо́вию благоче́стия па́че, не́жели пла́менем опаля́еми, взы́ваху: благослове́н еси́ в хра́ме Сла́вы Твоея́, Го́споди.

Учи́неная небѣ́сная естества́, и у́мныя чи́ны правосла́вно всѣ́ земноро́днии подража́юще, славим́ Еди́но Божество́ в Трѣ́х Равноде́тельных ипостáсах. [Два́жды.]

Слава: Рѣ́чи святы́х проро́к, Тя́ дрѣ́вле обра́зно Еди́наго веко́в всѣ́х Соде́теля прояви́ша, Неизрече́ннаго Бо́га и Го́спода, Богонача́льными Трѣ́ми Ипостáсьми.

Богоро́дичен: И́же по существу́ Невиди́мое Сло́во и Вседѣ́тельное, яви́лся еси́ челове́ком, Челове́к от Чи́стыя Богома́тере, челове́ка призыва́я ко прича́стию Твоего́ Божества́.

Пѣснь 8

Ирмо́с: Ру́це распростѣ́р Дании́л, льво́в зия́ния в ро́ве затче́: о́гненную же́ силу угаси́ша, добродетели́ю препоя́савшеся, благоче́стия рачители́ о́троцы, взы́вающе: благослови́те вся́ дела́ Го́сподня Го́спода.

Свѣ́те Еди́нонача́льный и Триси́янный, Суще́ство Безнача́льное, Добро́то Недове́домая, в се́рдцы моёмъ всели́ся, и хра́м Твоего́ Божества́, светови́ден и чи́ст покажи́ мя, зову́ща: благослови́те вся́ дела́ Го́сподня Го́спода, по́йте и превозноси́те Его́ во ве́ки.

Слава: От разли́чных мя́ страсте́й, Трои́це Неразде́льная, Еди́нице

Неслитная, и омрачения прегрешений избави, и озари лучами Твоими Божественными: да вообразую Твою славу, и воспеваю Тя славы Господа.

Богородичен: Ум убо Нерожденный Отец, и Слово Сообразно, и Дух Сопрестолен, Существо, Сила, Бытие: Пресущная, Неизреченная, Великодейственная Троице, Единице, соблюдай стадо Твое молитвами Богородицы, яко Естеством Человеколюбец.

Песнь 9

Ирмос: Всяк земнородный да възграется Духом просвещаем, да торжествует же безплотных умов естество, почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Все к Тебе ныне движу сердце мое и мысль, и предложения же всея души и тела, Содетелю и Избавителю моему, Единоначальне, и Трисветле, и вопию Ти: спаси мя, раба Твоего, от всяких искушений и скорбей.

[Дважды.]

Слава: Возвыси наш ум, и мысль к Тебе, Вышнему, просвети Твоими сияньми Пречистыми, Отче, Слове, Утешителю, во Свете живый Непреступнем, Славы Солнце, Светодержче, всегда славити Тя Единоначального Бога Триипостасного.

Богородичен: Спаси иже в Тя верующия, Господи, и проповедающия Безначальное Присносущное Существо Едино, Три же Лица Богоначальна и Сообразна, Твоего Господствия, и Божественная Славы Твоя сподоби, мольбами Чистыя Богоматере.

Посем припевы Григория Синаита: Достойно есть: И прочее полунощницы.

В неделю ўтра по шесто́псалми

Бо́г, Госпо́дь, и яви́ся на́м: на гла́с 4. Та́же тропа́рь: Све́тлую воскресе́ния проповедь: два́жды. Сла́ва, и ны́не, Богоро́дичен: Ё́же от века утае́ное: Та́же обы́чная стихосло́вия псалти́ра.

По 1-м стихосло́вии седа́льны воскресе́ны, гла́с 4:

Возрѣвша на гробный вход, и пламене ангельскаго не терпяща мироносицы, с трепетом дивляхуся, глаголюща: егда украдеса отверзый разбойнику рай; еда ли воста, Иже и прежде страсти проповедавый востание; воистинну воскресе Христос, сущым во аде подая живот, и воскресение.

Сти́х: Воскресни́, Го́споди Бо́же мой, да вознесѣтся рука́ Твоя́, не забуди́ убо́гих Твои́х до конца́.

Вольным Твоим советом Крест претерпел еси́, Спа́се: и во гробе но́ве челове́цы положи́ша Тя сме́ртни, словом концы́ составльшаго. Те́мже связа́н бысть чу́ждий: сме́рть лю́то пленя́шеся, и су́щии во а́де вси́ взыва́ху живоно́сному востанию́ Твоему́: Христос воскресе, Жизнодавец пребыва́яй во веки.

Сла́ва, и ны́не, Богоро́дичен: Удиви́ся Ио́сиф, ё́же па́че естества́ зря́, и внима́ше мы́слию и́же на руно́ дождь, в безсе́менном зача́тии Твоем, Богоро́дице, купину́ огнём неопали́мую, же́зл Ааро́нов прозя́бший, и свиде́тельствую обручник Тво́й и храните́ль, священником взыва́ше: Де́ва раждает, и по рождестве́ па́ки Де́ва пребыва́ет.

По 2-м стихосло́вии седа́льны воскресе́ны, гла́с 4:

Подобен: Ско́ро предвари́:

Воскресл еси́ яко Безсме́ртный от гроба́, Спа́се, совоздвигл еси́ ми́р Тво́й силою́ Твоею́, Христе́ Бо́же на́ш, сокрушил еси́ в крепо́сти сме́рти держа́ву, показал еси́, Милостиве, воскресе́ние все́м: те́мже Тя́ и сла́вим, Еди́не Человеколю́бче.

Сти́х: Испове́мся Тебе́, Го́споди, все́м се́рдцем мой́м, пове́м вся́ чудеса́ Твоя́.

С го́рних вы́сот соше́д Гаври́ил, и к ка́меню присту́пль, иде́же Ка́мень жи́зни, белоно́сый взыва́ше ко пла́чушым: преста́ните вы́ от рыда́ния во́пля, име́ющыя и ны́не ми́лостивное: Его́же бо и́щете пла́чушя, дерза́йте, яко воистинну́ воста́л е́сть. Те́мже возопи́йте апо́столом: яко́ воскресе́ Госпо́дь, Воста́вшему поклоните́ся радо́сть прие́мшя. Дерза́йте у́бо, да дерза́ет у́бо и Е́ва.

Сла́ва, и ны́не, Богоро́дичен: Удиви́шася, Чи́стая, вси́ а́нгелов ли́цы

таинству Твоего рожде́ния стра́шному: ка́ко И́же вся́ содержа́й ма́нием еди́нем, объ́ятии Твоими́ я́ко че́ловек содер́жива́ется, и прие́млет нача́ло Пре́вечный и млеко́м пита́ется, И́же вся́кое дыха́ние пита́яй неизрече́нною бла́гостию; и Тя́ я́ко вои́стинну Бо́жию Ма́терь хва́ляще сла́вят.

По непоро́чных ипако́й, гла́с 4:

Я́же Твоего́ пресла́внаго воста́ния, предте́кша миронóсицы, апо́столом пропове́даху Христе́, я́ко воскрeсл еси́ я́ко Бо́г, пода́я миру́и ве́лию ми́лость.

Степе́нна, гла́с 4. Антифо́н 1, ихже стихи́ повторя́юще поём:

От ю́ности моя́ мнози́ бо́рют мя́ стра́сти, но Са́м мя́ заступи́, и спаси́ Спа́се мой.

Ненави́дящи Сио́на, посра́митесь от Го́спода, я́ко тра́ва бо огне́м бу́дете изсо́хше.

Сла́ва: Святы́м Ду́хом вся́ка ду́ша живи́тся, и чисто́ю возвы́шается, светле́ется Тро́ическим Еди́нством свяще́ннота́йне.

И ны́не, тойже.

Антифо́н 2:

Воззва́х Тебе́, Го́споди, те́пле, из глуби́ны ду́ши мое́я, и мне́ да бу́дут на послуша́ние Боже́ственная Твоя́ ушеса́.

На Го́спода наде́жду вся́к кто́ стяжа́в, вы́шший е́сть все́х скорба́щих.

Сла́ва: Святы́м Ду́хом то́чатся благода́тныя струи́, напая́юща вся́ку тва́рь ко оживле́нию.

И ны́не, тойже.

Антифо́н 3:

Се́рдце моё́ к Тебе́, Сло́ве, да возвы́сится, и да ничто́же услади́т мя́ от мирских красо́т на сла́бость.

К матери́ свое́й я́коже има́ть кто́ любо́вь, ко Го́споду те́плыше любле́нием до́лжны есмы́.

Сла́ва: Святы́м Ду́хом богове́дения бога́тство, зрéния, и прему́дрости: вся́ бо в се́м оте́ческая велéния сло́во открыва́ет.

И ны́не, тойже.

Проки́мен, гла́с 4: Воскресни́, Го́споди, помози́ на́м, и изба́ви на́с И́мене твоего́ ра́ди. **Сти́х:** Бо́же, у́шима на́шими услы́шахом: Вся́кое дыха́ние: **Ева́нгелие воскрeсно.** Воскрeсeние Христо́во: **Псалóм 50.** И проча́я по обы́чаю.

Кано́н воскрeсен, творéние Иоáнна Дамаски́на.

Пе́снь 1

Ирмо́с: Мо́ря чермну́ю пучи́ну невла́жными стопа́ми, дре́вний пешешество́вав Израи́ль, крестообра́зными Моисе́овыми рука́ми Амали́кову

силу в пустыни победил есть.

Припев: Слава, Господи, Святому Воскресению Твоему.

Вознесся еси на пречистем древе крестнем, наше отпадение исправляя, еже на древе исцеляя всегубительство, Владыко, яко Благ и Всесилен.

Во гробе плоти, во аде же с душею, яко Бог: в рай же с разбойником, и на Престоле был еси, Христе, со Отцем и Духом, вся исполняя, Неописанный.

Богородичен: Без семени Отчею волею от Божественнаго Духа Божия зачала еси Сына, и плотию родила еси: Иже из Отца без матери, нас же ради, из Тебе без отца.

Другий канон крестовоскресен. Глас 4.

Песнь 1

Ирмос: Отверзу уста моя, и наполнятся Духа:

Исцелил еси сокрушение человечества, Господи, Божественною Твоею Кровию обновивый то: и сокрушил еси сильного в крепости, иже древле сокрушившаго Твое создание.

Мертвых востание, умерщвлением был еси: крепость бо отъяты умерщвления, бравшися с Жизнию вечною, Иже всеми владычествующу воплощенному Богу.

Богородичен: Красен превышши небесных сил, Божественный Твой бысть Храм Одушевленный, во утробе Ты носивши Дево, гора святая (яже во утробе Тя носившая Дево, гора святая Твоя), Бога нашего.

Ин канон Пресвятей Богородице, [егоже краестрочие: Четвертая песнь Всеславней Отроковице.] Глас 4.

Песнь 1

Ирмос: Триста ты крепкия, рождейся от Девы:

Сотрясошася людие, смятошася языцы, Царствия же державная уклонишася, Чистая, от страха рождества Твоего: прииде бо Царь мой, и низложи мучителя, и мир от тли избави.

Жилище свое живый в вышних, к человеком сошед, освяти, Христе, и непоколебимо яви: Единая бо по рождестве девства сокровище, Зиждителя рождши пребыла еси.

Песнь 3

Ирмос: Веселится о Тебе Церковь Твоя, Христе, зовущи: Ты моя крепость, Господи, и прибежище, и утверждение.

Древо животное, мысленный истинный виноград, на Кресте висит, всем источая нетление.

Яко велик, яко страшен, яко адово низложь шатание, и яко Бог

нетленен, ныне плотски воскресе.

Богородичен: Ты едина сущым на земли, яже паче естества благих Ходатаица, Мати Божия была еси: темже Ти, радуйся, приносим.

Ин Ирмос: Твоя песнословцы, Богородице:

Ядом исполненный мне (ядом исполнены в мя) змий зuby вонзе, Спасе, яже Вседержителю Владыко, гвоздьми рук Твоих сокрушил еси: яко несть свят во святых, паче Тебе, Человеколюбче.

Виден был еси Человеколюбче волею во гробе мертв, Животворче, и врата развергл еси адова, яже от веков душам: яко несть свят во святых разве Тебе, Человеколюбче.

Богородичен: Неорана бразда явилася еси, клас животный рождши, всем причащающимся безсмертию Ходатая, во святых Святаго свято почивающаго.

Ин Ирмос: С высоты снишел еси волею на землю:

Очищается человек существо, Тобою присовокупльшееся нестерпимому Божественному Огню: яко сокровенный, Пречистая Дево, в Тебе хлеб испекшееся, Иже и Тебе неврежденну сохраняемому.

Кая сия яже воистинну близ Бога; яко превозшедши вся ангельския чины, едина добротою девства, яко Мати сияющи Вседержителя.

Песнь 4

Ирмос: Вознесена Ты видевши церковь на Кресте, Солнце праведное, ста в чине своем, достойно зывающи: слава силе Твоей, Господи.

Возшел еси, страсти моя исцеляя, на Крест страстию Пречистыя плоти Твоя, в нюже волею облеклся еси. Темже Ти зываем: слава силе твоей, Господи.

Безгрешнаго смерть вкусивши, Животворящаго Тела Твоего, достойно Владыко умертвися: мы же вопием Ти, слава силе Твоей, Господи.

Богородичен: Неискусобратно родила еси Дево, и по рождестве явилася еси девствующи паки: темже немолчными гласы, еже радуйся Тебе, Владычице, верою несумненною зываем.

Ин Ирмос: Незследный Божий совет:

Взаконен сый Израиль, Тебе, Христе, взаконившаго Бога не позна: но яко беззаконника, законопреступая, на Кресте пригвозди, иже законоположению недостойный.

Обожена Твоя, Спасе, Душа, адова сокровища пленивши, яже от века совоскреси души: живоносное же Тело всем нетление источи.

Богородичен: Тебе, Приснодеву и истинную Богородицу вси славим, Юже прообразоваше боговидцу Моисею неопально, Пречистая, купина, огню примесившись.

И́н Ирмо́с: Седя́й в сла́ве:

Поживе́ с челове́ки, ви́димь бы́в Невиди́мый, во зра́це сый Непости́жимаго Божества́, и вообра́жся из Тебе́, Отрокови́це, в чужде́е, ве́дущих Тя́ чи́стую Богома́терь спаса́ет.

Прият в веще́ственне Де́ва Невеще́ственного, в прича́стии веще́ства, Младенца́ от Нея́ бы́вша. Те́мже во дву́ существу́, Еди́н познава́ется плотоно́сец Бо́г, и Челове́к Пресу́щественный.

По Рожде́стве́ Тя́ Де́ву, И́же в Де́ву Тя́ всели́ся, и ро́ждься без се́мене, Сло́во и Бог пребы́сть, и в рождестве́ Де́ву сохрани́, яко Влады́ка и Зижди́тель всея́ твари.

Пе́снь 5

Ирмо́с: Ты́, Го́споди мой, Све́т в ми́р прише́л еси́, Све́т Святы́й, обраща́й из мрачна неведе́ния ве́рою воспева́ющья Тя́.

Ты́, Го́споди, к земли́ ми́лостивно соше́л еси́: Ты́ возне́сл еси́ па́дшее челове́ческое существо́, на дре́ве воздвиза́ем.

Ты́ взял ми́ еси́, Христе́, прегреше́ний осужде́ние: Ты́ разруши́л еси́ боле́зни сме́ртныя, Ще́дре, Божественным воскресе́нием Твоим.

Богороди́чен: Тя́ ору́жие непобеди́мое на враги́ предлага́ем, Тя́ утвержде́ние, и наде́жду нашего́ спасе́ния, Богоневе́сто, стяжа́хом.

И́н Ирмо́с: Ужасо́шася вся́ческая о Боже́ственной:

Прият Тя́ всего́ усты́ а́д безу́мный: на Кресте́ бо пригво́ждена́ Тя́ ви́дев, копи́ем прободена́, бездыханна, Жива́го Бога́, проста́ вменяше человека́. Разуме́ же искусивый кре́пость Твоего́ Божества́.

Разруше́нный, Человеколю́бче, Хра́м Твоего́ Телесе́, гробъ́ раздели́вый и а́д неволею́ оба́ суда́ истязу́еми су́ть (*оба́ истязу́етася*): ов убо́ святы́х Твои́х души́, тела́ же други́й соотсыла́юще, Безсме́ртне.

Богороди́чен: Се́ ныне́ испо́лнися проро́ческое прорече́ние: Ты́ бо, Неискусобра́чная Де́во, имела́ еси́ во утробе́ над все́ми Бо́га и родила́ еси́ Безле́тнаго Сы́на, все́м воспева́ющим Тя́, ми́р подава́юща.

И́н Ирмо́с: Ны́не воста́ну:

До́м Тя́ сла́вы, Го́ру Божию́ Святу́ю, Чи́стая, Неве́сту, Черто́г, Хра́м освяще́ния, Сы́н Божий, в Тя́ всели́вся, и ра́й сла́дости присносу́щныя на́м соде́ла.

Пло́ть от кро́ве Де́вственны́я прия́л еси́, Христе́, Безсе́менну, Пречи́сту, Ипостасну́, и словесну́ и умну́, одушевле́нну, действенну́, хоте́тельну, Самовлады́чну и Самовла́стну.

Мучи́телей разум Де́вственное́ посрами́ чре́во: Младене́ц бо я́зву а́спидную́ душегубную́ испы́та руко́ю, и отступника́ горда́го низложив, ве́рных под но́зе покори́.

Пѣснь 6

Ирмосъ: Пожру́ Ти со гласомъ хвалѣнія, Господи, Церковь вопиѣтъ Ти, отъ бесовскихъ крове очищися, ради милости отъ ребръ Твоихъ истекшею Кровию.

Возшелъ еси на Крестъ, силою препоясався, и соплется с мучителемъ яко Богъ, с высоты сверглъ еси, Адама же непобедимою силою воскресилъ еси.

Воскреслъ еси блистаясь краснѣйшій изъ гроба, Христѣ, и разгналъ еси всѣхъ враги Божественною силою Твоею, и всѣхъ яко Богъ, веселія исполнилъ еси.

Богородиченъ: О чудо всѣхъ чудесъ новѣйшее! Яко Дева во утробѣ, всяческая обдержавшаго неискусомужно зачѣнши, не тесновмести.

Ин Ирмосъ: Приидохъ во глубины морскія:

Отверзе гортань свою адъ, и пожре мя, и душу разшири безумный: но Христосъ сошедъ, возведе жизнь мою, яко Человеколюбецъ.

Погибе смертию смерть, умерь бо воскресе, нетлѣние мнѣ даруя: явлься же женамъ провещая радость Безсмертный.

Богородиченъ: Нестерпимаго Божества вместилище чистое утроба Твоя явися, о Богородице! Еже безъ страха небеснии чиновѣ възрѣти не возмогоша.

Ин Ирмосъ тойже.

Древле убо прельсти мя змий, и умори мя, праматерию моею Евою: ныне же, Чистая, Тобою создавый мя изъ истлѣния воззва.

Бездна Тя бездну неизреченно благоутрѣбля, Отроковице, избранную показа чудесъ: ибо изъ Тебѣ молниєю Божества, бисеръ Христосъ возсия.

Кондакъ, гласъ 4. Подобенъ: Явилъся еси днесь:

Спасъ и Избавитель мой, изъ гроба яко Богъ воскреси отъ узъ земнородныхъ, и врата ада сокруши, и яко Владыка воскресе тридневенъ.

Икосъ: Воскресшаго изъ мертвыхъ, Христа Жизнодавца тридневна изъ гроба, и врата смертная днесь сокрушшаго силою Своею, и ада умертвившаго, и жало смертное стершаго, и Адама со Евою свободившаго, воспоймъ вси земнороднии, вопиюще хвалу прилежно: Той бо яко Единъ Крепкий, Богъ и Владыка, воскресе тридневенъ.

Пѣснь 7

Ирмосъ: Въ пещи Авраамстии отроцы персидстей любовию благочестія паче, нежели пламенемъ опаляеми зываху: благословенъ еси въ храмѣ Славы Твоея, Господи.

Къ нетлѣнию человечество призвася, Божественною измовѣно Кровию Христовою, благодарно воспевающее: благословенъ еси въ храмѣ Славы Твоея, Господи.

Яко Живоносецъ, яко райъ краснѣйшій воистинну, и чертога всякаго

царскаго показася светлейший, Христё, гроб Твоёй, источник нашего воскресения.

Богородичен: Вышняго освящённое Божественное селение, радуйся, Тобою бо дадётся радость, Богородице, зовущим: благословена Ты в женах еси, Всенепорочная Владычице.

И́н Ирмос: Не послужиша твари богомудрии паче Создавшего:

Смирил еси на древо воздвигаемь, око высокое, и превознесённую бровь на землю низложил еси, спасый человека: Препётый отцев Господь и Бог благословен еси.

Силою Твоею ро́г наш возвыси служащих Ти, воскресый из мёртвых, и адово истощивый прежде многочеловечное богатство, Владыко: Препётый отцев Господь и Бог благословен еси.

Троичен: Речением Божественным последующе, славим Еди́но Божество, яко в Трёх Светех Неслиянно, Непресекомо, пламень вечный просвещающий всю тварь, зовущую: Бо́же, благословен еси.

И́н Ирмос: Юношы три в Вавилоне:

Привлечит мя к пению любовь девственная, о́гнь (*любве́ девственныя о́гнь*), иже в сердцах, вопити Матери и Деве: Благословенная, Господь силам с Тобою.

Превы́шиши твари явилася еси́, яко Творца́ ро́ждши и Го́спода. Те́мже Ти вопию, Богородице: Благословенная, Господь силам с Тобою.

Троичен: Господство Тя́ Еди́но чтый, в Трёх Священiих Нераздельно, воспеваю Триипостасное Естество, Благословенная, зывая Тебе́, Яже вся управляющая.

Песнь 8

Ирмос: Руце распростёр Даниил, львов зияния в рове затче: о́гненную же силу угасиша, добродетелию препоясавшися, благочестия рачители отроцы, зываяюще: благословите вся дела́ Господня Го́спода.

Руце распростёр на Кресте́, языки вся собрал еси́, и еди́ну явил еси́, Владыко, Цёрковь воспевающую Тя́, земную и небесную (*земным и небесным*), согласно поющим: благословите вся дела́ Господня Го́спода, пойте и превозносите Его́ во веки.

Белообразен явися женам, неприступным светом воскресения блистаясь ангел, что́ Живаго во гробе, вопия, ищите яко мёртва; воистинну воста́ Христос, Ему́же вопием: вся дела́ пойте Го́спода, и превозносите во вся веки.

Богородичен: Ты́ Еди́на во всех ро́дах, Де́во Пречистая, Ма́ти явилася еси́ Бо́жия: Ты́ Божества была́ еси́ жилище Всенепорочная, не опальшися огнём Неприступнаго Света. Те́мже вси́ Тя́ благословим, Мари́е

Богоневѣсто.

И́н Ирмо́с: О́троки благочести́выя в пещи́:

Неправедное видящи заколѣние Твое тварь, омрачающися рыдаше: земли бо смущающейся, во мракъ яко в ризу черну солнцу облечеса: мы же Тя непрестанно поем, и превозносим, Христе, во веки.

Сшѣдый ко мнѣ даже до ада, и всемъ путесотворивый воскресѣние, паки возшел еси, взем мя на раму Твоею, и Отцу привел еси. Темже зову Ти: Господа пойте дела, и превозносите во вся веки.

Тро́ицен: Ума Пѣрваго и виновнаго всех, Отца Единаго Безвиновнаго славим, Слова же Безначальнаго, и Духа Утѣшителя, Единаго Бога всех, Тро́ице срасленней поклоняющеса, и превозносяще во вся веки.

И́н Ирмо́с: Избавителю всех Всесильне:

От ребра Адамова создавый Тя, от Твоего дѣвства воплотися, Иже всех Господь, Егже поюще, вопиѣм: вся дела благословите, пойте Господа, и превозносите Его во веки.

В сени Авраам узре, еже в Тебѣ, Богородице, таинство, Сына бо Твоего Безплотнаго прият, поя: вся дела благословите, пойте Господа, и превозносите Его во веки.

Равночисленныя Тро́ицы спасло е́сть Твоего Дѣвства проображение: в дѣвственныхъ бо телесехъ попираху пламень Отроковице, вопиюще: благословите, пойте Господа, и превозносите Его во веки.

Пѣснь 9

Ирмо́с: Камень нерукосѣчный, от несекомыя горы Тебѣ, Дѣво, краеугольный отсечеса, Христос, совокупивый разстоящая естества. Темъ веселящеса Тя, Богородице, величаем.

Всего мя восприял еси весь в совокуплении неслитно, всему ми дая, Боже мой, спасѣние страстию Твоею, юже на Крестѣ претерпел еси телесне, благоутрѣбия ради многаго.

Твой ученицы зряще отвержен гробъ Твой, и богоносныя плащаницы испражнены воскресѣнием Твоим, со ангелом глаголаху: воистинну воста Господь.

Тро́ицен: Единице убо Божественнаго Существа, но Ипостасьми Тро́ице, вси вернии поклоняющеса, в неслиянныхъ Ипостасехъ Равносильную Единочестную ныне благочтуще величаем.

И́н Ирмо́с: Всяк земнородный:

Льстивно поплз змий, из Едема поят мя пленена: на краниевем же твердемъ камени разби сего Вседержитель Господь, якоже младенца: и сладости паки мнѣ входъ древомъ крестнымъ отверзе.

Положил еси крепкия вражия твердыни ныне в заустѣние:

всесильнейшею же рукою богатство его расхитил еси из истощаний адовых совоскресивый мя Христе, и древле безмерно хвалящагося яко смех ругаема явил еси.

Прииди, нищих людей Твоих озлобление посещая, милостивною же и державною Твоею рукою укрепи крестоносных люди, Твое изрядное достояние, Христе, яко Человеколюбец.

Ин Ирмос: Сокровенное Божие неизреченное в Тебе:

Зрим яко крин Тя ризою обagrеною украшену, Пречистая, Божественнаго Духа, посреде терния сияюще, и благоухания исполняюще, иже Тебе искренно величающих.

Тленное прием человеческое естество из Твоего, Всенепорочная, чрева Нетленный. В Себе показа нетленно, за благоутробие: темже Тя яко Богородицу величаем.

Яже всеми владычествующи тварьми, людем Твоим даруй победное одоление, врага полагающе примирительна церкви: да Тя яко Богородицу величаем.

По катавасии ектенія, и Свят Господь Бог наш: Посем светлен. Слава, и ныне, Богородичен.

На хвалитех стихиры воскресны, глас 4:

Стих: Сотворити в них суд написан: слава сия будет всем преподобным Его.

Крест претерпёвый и смерть, и воскресый из мёртвых, Всесильне Господи, славим Твое Воскресение.

Стих: Хвалите Бога во святых Его, хвалите Его во утвержении силы Его.

Крестом Твоим, Христе, от древния клятвы свободил еси нас, и смертью Твоею естество наше мучащаго диавола упразднил еси: востанием же Твоим радости вся исполнил еси. Темже вопиём Ти: воскресый из мёртвых, Господи, слава Тебе.

Стих: Хвалите Его на силах Его, хвалите Его по множеству величества Его.

Твоим Крестом, Христе Спасе, настави нас на истину Твою, и избави нас от сетей вражиих, воскресый из мёртвых, возстави ны падшыяся грехом, простер руку Твою, Человеколюбче Господи, молитвами святых Твоих.

Стих: Хвалите Его во гласе трубнем, хвалите Его во псалтири и гуслех.

Отеческих Твоих недр не разлучився, Единородный Слове Божий, пришёл еси на землю за Человеколюбие, человек быв непреложен, и крест

и смѣрть претерпѣл еси плотию, безстрастный Божествомъ: воскрес же из мертвых, безсмертие подал еси роду человеческому, яко Един Всесилен.

Ины стихиры Анатоліевы, глас тойже.

Стих: Хвалите Его в тимпане и лице, хвалите Его во струнах и органе.

Смѣрть приял еси плотию, нам безсмертие ходатайствуя, Спасе, и во гроб вселился еси, да нас от ада свободиши, воскресив с Собою: пострада убо яко человек, но воскрес яко Бог. Сего ради вопием: слава Тебе, Жизнодавче Господи, Едине Человеколюбче.

Стих: Хвалите Его в кимвалех dobroгласных, хвалите Его в кимвалех восклицания: всякое дыхание да хвалит Господа.

Камень распадается, Спасе, егда на лобнем Крест Твой водрузися, устрашишася адовы вратницы, егда во гробе яко мертв положен был еси: ибо смертную упразднилъ крепость, умершим всем нетление подал еси воскресением Твоим, Спасе, Жизнодавче Господи, слава Тебе.

Стих: Воскресни, Господи Боже мой, да вознесется рука Твоя, не забуди убогих Твоих до конца.

Возжелѣша жены видети Твое воскресение, Христе Боже, прииде предварши Маріа Магдалина, обрете камень отвален от гроба, и ангела сидяща, и глаголюща: что ищете живаго с мертвыми: воскресе яко Бог, да спасет всяческая.

Стих: Исповѣмся Тебе, Господи, всемъ сердцемъ моимъ, повѣмъ вся чудеса Твоя.

Гдѣ есть Исусъ, Егоже вменисте стрещи, рцыте иудеи; гдѣ есть, Егоже положили во гробе, камень запечатлевше; дадите мертв, иже живота отвергшиися: дадите погребеннаго, или веруйте воскресшему. Аще и вы умолчите Господне востание, камень возопиет, паче же отваленный от гроба. Великая Твоя милость, велие таинство смотраения Твоего, Спасе наш, слава Тебе.

Слава, стихира утренняя евангельская. И ныне, Богородичен: Преблагословенна еси: Славословіе великое. По славословіи тропарь воскресен:

Воскрес из гроба, и узы растерзал еси ада, разрушил еси осуждение смѣрти, Господи, вся от сетей врага избавивый: явивый же Себе апостолом Твоим, послал еси я на проповедь, и теми мир Твой подал еси вселенней, едине Многомилостиве.

Таже ектений, и отпуст. Посѣм час первый, и прочее обычное, и конечный отпуст.

На литургии блаженна, глас 4:

Дре́вом Ада́м ра́я бы́сть изсе́лен: дре́вом же крѣстнымъ разбо́йникъ в ра́й всели́ся. Ов у́бо вку́ш, за́поведь отве́рже Сотво́ршаго: о́в же сраспинаемъ, Бо́га испове́да Тая́щагося, помяни́ мя, вопия́, во Ца́рствии Твоѣмъ.

Сти́х: Блаже́ни чи́стии се́рдцемъ, яко́ тии́ Бо́га узрятъ.

Вознесы́йся на Крѣстъ, сме́ртную разруши́вый си́лу, и заглади́вый яко́ Бо́г е́же на ны́ рукописа́ние, Го́споди, разбо́йниче́ покая́ние и на́м пода́ждь, Еди́не Чело́веколю́бче, ве́рою служа́щимъ, Христе́ Бо́же на́ш, и вопию́щимъ Ти: помяни́ и на́с во Ца́рствии Твоѣмъ.

Сти́х: Блаже́ни миротво́рцы, яко́ тии́ сы́нове Бо́жии нареку́тся.

Рукописа́ние на́ше на Крѣсте́ копи́емъ раздралъ еси́, и вмени́вся в ме́ртвыхъ, та́мошняго́ мучи́теля связа́л еси́, изба́вивый все́х от у́з а́довыхъ воскресе́нием Твои́м, имже́ просвети́хомся, Чело́веколю́бче Го́споди, и вопие́м Ти: помяни́ и на́с во Ца́рствии Твоѣмъ.

Сти́х: Блаже́ни изгнани́ правды́ ради́, яко́ те́х е́сть Ца́рство Небе́сное.

Распны́йся и воскреси́ый яко́ Си́лен из гроба́ тридне́венъ, и перво́зданнаго́ Ада́ма воскреси́вый Еди́не Безсме́ртне: и мене́ на покая́ние обрати́ся, Го́споди, сподо́би от все́го се́рдца моего́, и те́плою ве́рою присно́ зывати́ Ти: помяни́ мя, Спа́се, во Ца́рствии Твоѣмъ.

Сти́х: Блаже́ни есте́, егда́ поно́сятъ ва́м, и изжену́т и реку́т вся́къ зóл глаго́л, на вы́ лжу́ще Мене́ ради́.

На́с ради́ И́же безстра́стен стра́стный бы́сть чело́векъ, и во́лею на Крѣсте́ пригво́ждейся, на́с совоскреси́, те́мже и сла́вим со Крѣсто́м стра́сть и воскресе́ние, ими́же возсозда́хомся, ими́же и спаса́емся, зыва́юще: помяни́ и на́с во Ца́рствии Твоѣмъ.

Сти́х: Ра́дуйте́ся и весели́тесь, яко́ мзда́ ва́ша мно́га на небе́сехъ.

Воскрѣ́сшаго́ из ме́ртвыхъ, и а́дову держа́ву плени́вшаго, и ви́дима жена́ми миронóсица́ми, ра́дуйте́ся, глаго́лющаго, ве́рнии умо́лим, от ислéния изба́вити ду́шы на́ша, зову́ще все́гда разбо́йника́ благо́разумнаго́ гласомъ к Нему́: помяни́ и на́с во Ца́рствии Твоѣмъ.

Сла́ва, Тро́ицен: Отца́, и Сы́на, и Свята́го Ду́ха, вси́ еди́номудренно́ ве́рнии сла́вослови́ти досто́йно помóлимся: Еди́нство́ Божества́, в три́ехъ суще́е Ипостáсахъ, неслия́нно пребыва́ющее, Прóсто, Неразде́льно и Непристу́пно, Имже́ изба́вляемъ́ огненна́го муче́ния.

И ны́не, Богоро́дичен: Ма́терь Твою́, Христе́, плóтию без се́мене ро́ждшую́ Тя, и Де́ву вои́стинну, и по Ро́ждестве́ пребы́вшу Нетле́нну, Си́ю Ти́ приводи́м в моли́тву, Влады́ко Много́милостиве, прегреше́ний

про́щение да́руй, всегда́ вопи́ющим Ти́: помяни́ и на́с во Ца́рствии Твоём.

Прокимен, глас 4: Я́ко возвели́чишася дела́ Твоя́ Го́споди, вся́ премудростию́ сотвори́л еси́. **Стих:** Благослови́, душе́ моя́, Го́спода, Го́споди Бо́же мой, возвели́чился еси́ зело́. **Аллилу́иа:** Наляцы́, и успева́й, и Ца́рствуй истины́ ради, и кротости, и правды. **Стих:** Возлюбил еси́ правду, и возненави́дел еси́ беззаконие.

В недѣлю вѣчера

на Господи, возвахъ, **стихиры покаянны, глас 4.**

Подобен: Дал еси знамение:

Стих: Аще беззаконія назриши, Господи, Господи, кто постоит; яко у тебе очищение есть.

Согреших к Тебе, Человеколюбче, не по естеству яко человек, да испрошу прощение: но паче человека, и выше естества, и паче прощения. Но иже выше естественных устав, и паче постижения мысли, человек Спасе мой быв, и паче ума человеколюбное имый, помилуй мя к Тебе обращающагося.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Положил еси покаяние согрешающим Христе, а не праведным: образ убо имам разбойника же и блуднаго, Манассии и блудницы, гонителя, мытаря, и отметника, неудобь отчаяваюся, твое бо человеколюбное, и преблагое ведый, Спасе мой, обращаюся же и слезю, и благонадежден бываю яко примешь мя.

Стих: От стражи утренняя до нощи, от стражи утренняя, да уповает Израиль на Господа.

Даждь ми умиление, и злых отчуждение, и совершенное исправление, в страстях телесных ныне погруженному, и удаленному от Тебе, Боже, всех Царю, и никакоже надежду имуща, спаси мя блуднаго, многия ради благодати, Иисусе Всесильне, Спасе душ наших.

Таже в минеи стихиры святому, аще имать. Аще ли несть минеи, ины стихиры безплотным святым ангелом. Глас 4.

Подобен: Яко добля:

Стих: Яко у Господа милость, и многое у Него избавление, и Той избавит Израиля от всех беззаконий Его.

Божественныя светлости приятная жилища, и приятелища всечестная, утвердил еси ангельская воинства, Безсмертне: и Божественным составлением, зрители и служители Твоея Славы сия положив, в крепости скончавати Твое слово, и хотение исполнити вседетельное и пресвятое.

Стих: Хвалите Господа вси языцы, похвалите Его вси людие.

Благости пучину явити восхотев, благ сый Безначальне, первее создал еси всесильным Твоим мановением, и Божественным повелением, ангельския лики, и силам чины: воистинну бо подобаше благому излиться, и походить, да и мнозем быти дарованием, Владыко.

Стих: Я́ко утверди́ся ми́лость Его́ на на́с, и и́стина Госпо́дня пребывает во вѣк.

Серафими шестокрилатии, Херувими многоочитии с превысокими Престо́лы, Тебе́ обсто́ят, вседе́тельнаго Твоего́ сия́ния непосредственне приобща́ющесе, Госпо́дствия, Нача́ла, Вла́сти, Архангели, А́нгели и Си́лы Божественны́я: Твою́ сла́ву, Вседержи́телю, хваляще, о на́с мо́лятся Тебе́.

Сла́ва, и ны́не, Богоро́дичен: Превозше́дши чы́ны а́нгельския, Всенепоро́чная, со а́нгелы всегда́ моли́ а́нгелы Влады́чествующаго, и всею́ тварию́, дарова́ти на́м прегреше́ний оставле́ние, и изба́витися страсте́й, и досто́йны сотвори́ти на́с тогда́ певцы́ славы́ Его́, и насле́дники нетле́нныя пи́щи.

Та́же, Све́те ти́хий: Прокі́мен дне́: и Сподо́би, Го́споди, в ве́чер сей:

На стихо́вне стихи́ры покая́нны, гла́с 4:

Хоте́х слеза́ми омы́ти моих прегреше́ний рукописа́ние, Го́споди, и прочее́ живота́ моего́ покая́нием благоугоди́ти Тебе́, но вра́г льсти́т мя, и бо́рет ду́шу мою́: Го́споди, пре́жде да́же до конца́ не поги́бну, спаси́ мя.

Стих: К Тебе́ возведо́х о́чи мои́, живу́щему на Небеси́. Се́ я́ко о́чи ра́б в руку́ госпо́дий своих, я́ко о́чи рабы́ни в руку́ госпо́жи свое́я: та́ко о́чи на́ши ко Го́споду Бо́гу на́шему, до́ндеже уще́дрит ны́.

Кто́ обуре́ваем, и притека́я ко пристани́щу Твоему́, Го́споди, не спасе́тся; или́ кто́ недугу́я, и припа́дая ко врачевству́ Твоему́, не уврачу́ется, Соде́телю вся́ческих, и Врачу́ недужных; Го́споди, пре́жде да́же до конца́ не поги́бну, спаси́ мя.

Стих: Помилуй на́с, Го́споди, помилуй на́с, я́ко по мно́гу исполнихомся уничи́жения: наипа́че напо́лнися ду́ша на́ша поноше́ния гобзующих и уничи́жения гордых.

Прославля́йся в па́мятех святы́х Твои́х, Христе́ Бо́же, и от ни́х умоле́н быва́я, низпосли́ на́м ве́лию ми́лость.

Сла́ва, и ны́не, Богоро́дичен: Ра́дуйся, Све́та о́блаче. Ра́дуйся, Све́щнице све́тлый. Ра́дуйся Ру́чко, в нейже ма́нна. Ра́дуйся, Же́зле Ааро́нов. Ра́дуйся, Купино́ неопали́мая. Ра́дуйся, Черто́же. Ра́дуйся, Престо́ле. Ра́дуйся, Горó святая́. Ра́дуйся, Прибе́жище. Ра́дуйся, Божественная Трапезо́. Ра́дуйся, Двере́ та́йная. Ра́дуйся, все́х Ра́досте.

Та́же, Ны́не отпу́щаеши: Трисвято́е. **По** Отче на́ш: **тропа́рь и ектениа́, и отпу́ст.**

В неде́лю на повече́рии

Кано́н пресвяте́й Богоро́дице. Гла́с 4.

Пе́снь 1

Ирмо́с: Мо́ря чермну́ю пучи́ну невла́жными стопа́ми дре́вний пешешествовав Израиль, крестообразныма Моисеовыма рукама, Амаликову си́лу в пустыни победи́л е́сть.

Приими́ еже от души́ моление моё, Пречи́стая Влады́чице, Я́же Бо́га ро́ждши плоти́ю: к Тебе́ бо прибе́гох к держа́вней по́мощи, да не погрешу́ наде́жды моея́.

Припадаю́ раболе́пно к Тебе́, Пречи́стая Богороди́тельнице, я́ко дерзнове́ние иму́щи мно́го, от всяких мя́ скорбе́й Твоими́ моли́твами изба́ви, к Сы́ну Твоему́ ходата́йствующи.

Сла́ва: Мо́ря житейскаго волна́ми потопля́ем, и напасты́ми лю́тыми одержи́м, ко пристани́щу устремихся́ невла́емому, покро́ву Твоему́: те́мже мя́ изба́ви, Богоро́дице, от лю́тых.

И ны́не: Благоутро́бным и ти́хим Твои́м о́ком воззри́ на раба́ Твоего́, и услы́шати потщи́ся, Блага́я, исполня́ющи мо́льбу Твоего́ раба́, Пречи́стая, и разоря́ющи сове́ты лука́выя.

Пе́снь 3

Ирмо́с: Весели́тся о Тебе́ Це́рковь Твоя́, Христе́, зову́щи: Ты́ моя́ кре́пость, Го́споди, и прибе́жище и утвержде́ние.

Помощница́ на враги́, и в бранех поборница́, Влады́чице, Ты́ ве́рным еси́, и прибе́жище су́щым в печале́х.

Его́же родила́ еси́ плоти́ю Бо́га все́х, я́ко Сы́на моли́, разреше́ние зо́л моих да́ти ми́ от житейских настоя́ний.

Сла́ва: Призри́ ми́лостивно на смире́ние на́ше, Влады́чице, во еже гне́ва належа́щаго изба́виться рабо́м Твоим.

И ны́не: Кро́вом Твои́м, Влады́чице Блага́я, спаса́еми при́сно от всяких скорбе́й, хвалу́ Сы́ну Твоему́ приноша́ем.

Пе́снь 4

Ирмо́с: Услы́шах слух Тво́й, и убоя́хся, разумех дела́ Твоя́, и ужасо́хся, Го́споди.

Я́ко иму́щи дерзнове́ние, Чи́стая Богороди́тельнице, к Сы́ну Твоему́, настоя́щаго мя́ премени́ искуше́ния, разруша́ющи сове́ты часты́я врагов при́сно борю́щих мя́.

Ли́цы вы́шних чино́в, му́ченицы и пра́ведницы, со апо́столы, проро́к Божественных собо́р, и преподо́бных с Богоро́дицею и Ма́терию о на́с

Христа́ моли́те.

Сла́ва: Пресла́вную Твою́ Ма́терь, Христе́, приими́ моля́щуюся о ми́ре, ми́лостивно Тебе́ зову́щую: Сы́не Мой, приими́ мо́льбу Мою́, и утиши́ гнев належа́щий земли.

И ны́не: Припадаю́ Ти, Богоро́дице, и молю́ся из глублины́ се́рдца моего́: настоя́щаго мя́ премени́ искуше́ния, я́ко да изба́влься от лю́тых, пе́снь принесу́ Твое́й све́тлости.

Пе́снь 5

Ирмо́с: Нечести́вии не у́зрят сла́вы Твоея́ Христе́, но мы́ Тя, Единоро́дне, Оте́ческа́я сла́вы сия́ние Божества́, от но́щи ут́реннююще, воспева́ем Тя, Человеколю́бче.

Упова́ние земны́м, и заступле́ние, Чи́стая, уми́лосе́рдися на на́ше смире́ние, мо́лимся, и настоя́щаго гнева́ свободи́ нас.

Сте́ну необори́му, Чи́стая, моли́тву Твою́ держа́ще вопие́м Ти: уми́лосе́рдися, о Влады́чице, и ви́димыя враги́ прожени́.

Сла́ва: Хваля́щийся при́сно упова́нием е́же к Тебе́, Пре́чи́стая, да не постыди́мся, мо́лимся со слеза́ми, и покланя́емся Твое́й бла́гости.

И ны́не: Пре́чи́стою Твоею́ руко́ю, Пре́пета́я, разжени́ враги́, на ны́ встаю́щия: и да разуме́ют окая́ннии, я́ко на Тя упова́ние возложи́хом.

Пе́снь 6

Ирмо́с: Возопи́, прообра́зую погребё́ние тридне́вное, проро́к Ио́на, в ките́ моля́ся: от тли́ изба́ви мя, Иису́се Царю́ Сил.

Очи́сти на́ша грехи́, Человеколю́бче, мо́лимся, моли́твами без се́мене Ро́ждши́я Тя: нас бо́ ради Сло́ве, Твою́ честну́ю кро́вь проли́ял еси́.

Собо́рище на ны́ лука́вное собра́ся непра́ведно борю́щих нас, Богоневе́сто: но сих низложи́, я́ко Си́мона волхва́ дре́вле.

Сла́ва: Услы́ши на́шу мо́льбу, Влады́чице, мо́лимся, и бу́ри во́лны утиши́ разли́чных боле́зней, и́миже врази́ на ны́ собра́шася.

И ны́не: Печа́ль мою́ на ра́дость пре́ложи, я́ко ще́др, и пла́ч в весе́лие премени́, и уми́лосе́рдися Богоро́дицы́ ради, И́же воду́ в вино́ в Ка́не Галиле́йстей претвори́вый, Христе́.

Та́же, Го́споди, поми́луй, три́жды. Сла́ва, и ны́не:

Седа́лен, гла́с 4:

Мно́гими прегреше́нии аз блу́дный у́м помрачи́в, вопию́ Твоему́ кре́пкому заступле́нию, Богоро́дице: просвети́ души́ моея́ зени́цы, и возсия́ ми́ пока́яния све́тлую зарю́, и облецы́ мя во ору́жие све́та, Богороди́тельнице Чи́стая.

Пе́снь 7

Ирмо́с: Не преда́ждь нас до конца́ и́мене Твоего́ ра́ди, и не разори́

завета Твоего, и не остави милости Твоея от нас, Господи Боже отец наших, препетый во веки.

Иже в различных напастех и скорбех сый, к Тебе, Чистая, спасению моему ныне прибегох, вопию, да не возвращуся посрамлен от чаяния моего: но услыши, и избави мя сетей ловящих.

Раболепно вью преклоняю окаянный, и от сердца моего вопию, руке простер, колена преклоняю, и молю Тя, Пречистую Деву, избавитися скорбей, присно находящихся мне от навета чуждаго.

Слава: Преславная Чистая Марие, земных похвало, молимся, подаждь Твою помощь нам, молящимся и кланяющимся благочестно Рождеству Твоему, яко инья не стяжахом надежды и заступницы разве Тебе.

И ныне: Яже паче ума Бога рождши Неискусомужная Марие, и паче всякаго естества, заступнице верных, напрасных искушений чтущья Тя избави чисты, и без вреда от враг всяческих, видимых и невидимых.

Песнь 8

Ирмос: Руце распростер Даниил, львов зияния в рове затче: огненную же силу угасиша, добродетелию препоясавшеса, благочестия рачители отроцы, зывающе: благословите вся дела Господня Господа.

Руце воздети не смею к Сыну Твоему, Чистая, весь бо есмь осквернен: темже дерзаю к Тебе, Владычице, прибегнути, ходатайствуй к Щедрому Богу и благопремённому, избавитися нам сопротивных враг оскорбляющих нас.

Очи и сердце и душу на Тя, Пречистая, возложих: темже умилосердися, Владычице Чистая, Щедрому припадаючи о мне худем и нетерпеливем, да спасет мя от всякия нужды, и язи, и печали.

Слава: Оружием Твоим, яко силен, борющья нас поперя, Господи, и победу даруй Владыко, верою надеющимся на Тя, Богородица молится с Предтечею Иоанном, и апостольский лик и мученик Твоих.

И ныне: Радость Благовещения иногда Гавриил Тебе, Чистая Деве, принесё, и праматернее сетование разрушися Рождеством Твоим: темже Сама и моя души уныние очистивши, покажи мя молитвами Твоими непосрамлена.

Песнь 9

Ирмос: Камень нерукосечный, от несекомья горы Тебе, Деве, краеугольный отсечеса, Христос, совокупивый разстоящая естества: тем веселящеса, Тя, Богородице, величаем.

Яви, Богородице Деве, Твою помощь вскоре: приклони же усердно ухо Твое, и вопиющих тепле услыши, и лютых измени, избавляючи нас молитвами Твоими.

Весь лѣностию одержим, и во отчаянии есмь глубины моих прегрешений: темже ми, Дѣво Мати, руку простри, яко Петру Христу, и из глубины прегрешений избави мя.

Слава: Язык необуздан и велеречив укроти, Дѣво, изощренный яко стрела, устрелити хотяще и уморити мя, яко воск разлей, и совет его суетен сотвори.

И ныне: Разруши советы вся, яже на ны вооруженных, Мати Бога Вышняго, радости же исполни уповающих на Тя: да усердно вси Твое проповѣмы заступление.

Таже, Достойно есть: **И поклон до земли.** Трисвятое, по Отче наш: тропари, и прочее обычно, и отпуст.

Понедельник

В понеде́льник у́тра

по 1-м стихослoвию, седа́льны покая́нны. Глас 4

Смирённую мою́ ду́шу посети́, Го́споди, во гресе́х всё жити́е иждившу́ю: яко́же блудницу́ приими́ мене́, и спаси́ мя.

Стих: Го́споди, да не я́ростию твое́ю обличи́ши мене́, ниже́ гне́вом Твои́м нака́жеша мене́.

Препла́вая пучину́ настоя́щаго жити́я, помышля́ю бездну́ мно́гих мои́х зoл, и не имейя́ окормите́ля помышле́ний, Петро́в провеща́ваю Ти́ глас: спаси́ мя, Христе́, спаси́ мя, Бо́же, яко́ Человеколю́бец.

Слава, и ны́не, Богоро́дичен: Стена́ непобеди́мая на́м христиа́ном еси́, Богоро́дице Де́во: к Тебе́ бо прибега́юще невре́дими пребыва́ем, и па́ки согреша́юще, има́мы Тя́ Моли́твенницу́. Те́м благода́рственно́ вопие́м Ти́: ра́дуйся, Благода́тная, Го́сподь с Тобо́ю.

По 2-м стихослoвию седа́льны, Глас 4

Скoро́ совни́дем в невестни́к Христов, да всё услы́шим Божество́нный глас Хри́ста Бо́га на́шего: прииди́те любя́щии Небесну́ю сла́ву, и приими́те си́ю вку́пе с му́дрыми де́вами, просвети́вше свещи́ своя́ ве́рою.

Стих: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеша мене́.

Мно́жеством прегреше́ний мои́х осужда́ем, и стра́хом муче́ния смуща́ем есмы́. Христе́ Бо́же на́ш, слезы́ покая́ния от се́рдца приношу́ Тебе́, имущему́ вла́сть живота́, и сме́рти, и зову́ Ти во умиле́нии: согреших, Го́споди, спаси́ мя.

Стих: Дивен Бо́г во святы́х Свои́х, Бо́г Израи́лев.

Днесь а́нгельская во́инства, в па́мять страстоте́рпец приидо́ша, ве́рных мы́сли просвети́ти, и вселе́нную благода́тию уясни́ти: те́ми, Бо́же, умоле́н бывая́, даруй на́м вели́ю ми́лость.

Слава, и ны́не, Богоро́дичен: Е́же от а́нгела сло́во прие́мши, Де́во, во утробе́ Твоей, и ро́ждши воплоще́нна Хри́ста Бо́га Емману́ила, Богоро́дице, моли́ о душа́х наших.

По 3-м стихослoвию седа́льны, глас 4:

Подобен: Скoро́ предвари́:

Невещество́нными усты́, Тро́ице Пребо́жественная́, непреста́нно пою́т Тя́ безплотных ли́цы, и со стра́хом предста́ют, свят, взыва́юще, трипостасное́ естество́: помилуй́ рук Твои́х создание́ Твое́, те́х мольба́ми, еди́не Человеколю́бче.

А́нгельстии́ чини́ со стра́хом предста́ют престóлу Твоему́,

Влады́ко, и е́же отону́ду заря́ми прѣсно просвещаемы, пѣснь Тебѣ немолчно побѣдную воспева́ют, Го́споди: ихже священными моли́твами, мир ми́ру, и оставле́ние прегреше́ний на́ших да́руй.

Слава, и ны́не, Богоро́дичен: Де́во Всенепоро́чная, я́же пресу́щнаго Бо́га ро́ждши, со безплотными то́го непреста́нно моли́, оставле́ние прегреше́ний, и исправле́ние жити́я да́ти на́м прѣжде конца́, ве́рою и любовью пою́щим Тя по до́лгу, Еди́на Всепе́тая.

Кано́н пока́янен ко Го́споду на́шему Иису́су Христу́ и святы́м его́ му́чеником, [его́же краестро́чие: Спаси́ мя, Спасе, я́коже блуднаго дре́вле.]
Глас 4.

Пѣснь 1

Ирмо́с: Триста́ты кре́пкия, Ро́ждейся от Де́вы, безстра́стия во глубинѣ, души́ трича́стное пото́пи, молю́ся, да Тебѣ я́ко в тимпа́не, во умерщвле́нии телесе́ побѣдное воспою́ пѣние.

Спасе́ мой, Иису́се, И́же блуднаго спасы́, и и́же блудни́цы пла́ч прие́мый, И́же мыта́ря воздохну́вша, манове́нием своим оправда́вый, и мене́ без числа́ согрешившаго, и обраща́ющаяся приими́, и спаси́ мя.

Я́ко ве́щь снеда́ет ду́шу мою́ зло́бный о́гнь, и пла́меню творит подгне́щенье бу́дущему: Человеколю́бче, угаси́ то́го, ороше́нием Твои́х милостей, Долготерпели́ве, пода́в ми слезы́ пока́яния.

Му́ченичен: Разума́ мно́га исполнен ли́к святы́х страда́лец, неразу́мен сове́т и сопроти́вное мудрова́ние все́х законопресту́пных, целомудренно уклони́, и Боже́ственных по́честей получи́.

Му́ченичен: И́же ми́ра презре́вше красна́я ве́рою, и премирную́ жи́знь насле́довасте му́дрии страстоте́рпцы прехва́льнии, всякаго мя убо изба́вите мирска́го смешения́, и́скренно вас блажа́щаго.

Богоро́дичен: Пресве́тлая свеще́ Со́лнца сла́вы, души́ моея́ о́гнь уны́нием угаше́нный возжзи́, Пречи́стая, прѣсно Боже́ственных де́л елее́м напо́яющи, да ве́рою и любовью́ славлю́ Тя.

Други́й канон безплотным святы́м А́нгелом. Глас 4.

Ирмо́с тойже.

Я́ко у́ми чи́стии, А́нгели, Вели́кому и Пе́рвому предстоя́ще Уму́, и Боже́ственнаго сия́ния насыща́еми, луче́ю мя вашею озарите, пою́ще всеви́новнаго Сло́ва пресла́внии. [Два́жды.]

Отню́д к Бо́гу прекло́ньшеся любовью́, и Боже́ственными добро́тами вообража́еми я́ве, о А́рха́нгели сла́внии, стоя́нием приле́жным обстоите́, зову́ще побѣдную пѣснь Зиждите́лю.

Богоро́дичен: Я́же Еди́на во чре́ве прие́мши Сло́во, Его́же а́нгельская

воинства славят присно, душу мою озари, решащи греховное мрачное зломышление Всенепорочная, и просвещающи разумом Рождества Твоего.

Песнь 3

Ирмос: С высоты снизшел еси волею на землю, превыше всякаго начала, и смиренное вознесл еси из ада преисподняго естество человеческое: несть бо свят паче Тебе, Человеколюбче.

Нощию мя жития тьма страстей объяла есть, Христе Боже, свет сый незаходимый, лучами покаяния озарив мя спаси, яко Человеколюбче, да славлю Тя.

Части мя покажи, Христе, избранных наследника, сопротивныя части отлучив, Спасе, слезами и милостиною очищена, яко да во хвалении Тя славлю всегда.

Мученичен: Очервленишася воистинну кровию ваши ноги, и быстрейше к небеси потекоша, со грехом землю оставльше, мученицы, собеседницы Божественным силам.

Мученичен: Удручаемо тело ваше ранами растаяшеся, Христовы страдальцы: душевная же укрепляшеся сила, любовьию привязуема нерешимо к создавшему всяческая хотением.

Богородичен: Марие Госпоже, яко сущи всем Господа рождши, обладаема страстьми ума моего, и злобою очернена, свободна сотвори и просвети.

Ин Ирмос тойже

Иже премирными лики воспеваемый Христе, чином тех верных составления воспевати богомудренно сотвори, Слово: несть бо свят паче тебе, Человеколюбче. [Дважды.]

Любовию теплою, привязанием рачительным причащающеся первому источнику служительне предстоите, поюще немолчно, едино существо Божества безначальнаго, Божественнии Архангели.

Богородичен: Евину древнюю клятву, Христа рождши, Мати Чистая, пресветло разрешила еси, всех венчающаго благословеньми: несть бо, Пречистая, разве Тебе Помощницы.

Песнь 4

Ирмос: Седяй в славе на престоле Божества, во облаце легче прииде Иисус Пребожественный, нетленную дланию, и спасе зовущья: слава, Христе, силе Твоей.

Яко судий праведнейшему ныне припадаю Ти, Господи, осужденна и отчаяннаго мя ущедри, и праведнаго Твоего избави изречения, и стояния избранных сподоби.

В разбойники впадша неукротимья, Человеколюбче, и уязвлена

бывша исцели, Христе, возливая на мя покаяния вино и елей и одевая мя одеждою спасения моего.

Мученичен: Облекостесь свыше ризою спасения, в совлечении телесном всехвальнии мученицы, и совлекшаго прежде праотца обнажите, без дыхания мертва сотворше.

Мученичен: Витийствующе пред беззаконными мученицы, Божия слова разумом благочестия украшаеми, мудрецы и витии вся посрамите нечестующья, и врага умертвивше.

Богородичен: На Тя якоже дождь, премудрости бездна Иисус сниде, едину Чистую Тебе обрет, Богородительнице Дево, и загради нечестия потоки лютыя Божественною благодатию.

Ин Ирмос тойже

Непостижимою силою от небытия привел еси небесныя умы, слове Божий пресущественный, и неизреченною Твоею славою украсил еси, зовущья: слава, Христе, силе Твоей.

Управляеми вышния силы духом, и броздами его, и Божественными зарями облистаеми, неотпадающья чины наследоваша, едино чтуще всех начало и Божество.

Лица Твоего доброту красную зрети, сподобишася служительныя Твоя светлости, и отонуду разумения восприемлюще, Тебе вопиют: слава, Христе, силе Твоей.

Богородичен: Царица Дево, златою одеждою украшена, Сыну Царю ныне предстоит, Яже без сравнения ангел превыши, зовущих: слава, Христе, силе Твоей.

Песнь 5

Ирмос: Ныне востану, пророчески рече Бог, ныне прославлюся, ныне вознесуся, падшаго прием от Девы, и к Свету умному возносяй Моего Божества.

О како осужден хочу предстати Тебе, Судий Богу всех, и обличен быти о всех злых, ихже без ума согреших волю, и всего себе непотребна сотворих!

Спаси мя, Господи, яко зол исполнихся многих, и молюся: исцели грехи моя и гноения лютая, и не остави погибнути мя единого, Иисусе мой, много Ти согрешившаго.

Мученичен: Кончину блаженну обретше страдальцы яве, славу улучиша, Христа прославляюще своими уды, страстоположителя, язвам и ранам причащаются мужески предразсуждающе.

Мученичен: Богатство небесное, житием Божественным и красным, венец неувядаемый, и свет невечерний, и жилище никакоже обетшаемое

нерукотворенно наследовали, страдальцы христовы блаженнии.

Богородичен: Твоя чудеса пророчесии проречеши гласи, гору нарицающе Тя, Пречистая, и дверь, и светильник светел: из негоже воистинну свет чудный просвещает, Чистая, мир весь.

Ин Ирмос тойже

Трепетно славят Херувими, и Серафими, со Престола, и Божественнии Архангели, и Господствия, и Силы, и Начала, и власти со Ангелы, честное едино и троическое Божество. [Дважды.]

Явися Ангели световидно сияюще, Христе, Твое Воскресение проповедающе в мире преподобным женам, и врагов Твоих сотрясающе ум блистаньи Твоего Божества.

Богородичен: Ныне сохрани ополчение архангельскими Церковь Твою, Тебе славящую православными гласы, иже от Девы неизреченно рождется, и человеки от тли избавляяй.

Песнь 6

Ирмос: Приидох во глубины морския, и потопила мя есть буря многих грехов: но яко Бог из глубины возведи живот мой, Многомилостиве.

Мертв сый не разумею, не чувствуя окаянный, и совесть осквернену нося присно: Боже Создателю мой, да не до конца погубиши мене.

Деяния моя якоже врази оклеветати мя хотят на судищи твоём, Щедре: от нихже скоро избави, Христе, наставляя мя к покаянию.

Мученичен: Сокруши кости страстотелец собор законопреступных, но не сокруши тех веру, еяже ради наследницы явися Богу, и Спасу душ наших.

Мученичен: Яко честное камение, на камени непоколеблеме надежди богомудренно наждашася страстотелцы, и яко храмы Святаго Духа, в храм Божий вселишася.

Богородичен: Омрачившееся сердце мое темными наитии греха, Светом, иже в Тебе, Богоневестная, озари, яко солнце Христа рождающая.

Ин Ирмос тойже

Окрест Владыки предстояще ангельская воинства, и чисте наслаждающиеся сиянием начала светлаго, просветите верою вас поющих. [Дважды.]

Премудростию Твоею сотворивый Ангельския лики, Господствия же и Силы, и Серафимы, яко Владыка показал еси, хвалами Тя чтущия.

Богородичен: Яко на престолех превознесенных, Христе, почиваяй, и всяческая Божественным промыслом соблюдаяй, на руку девическую Владыко почил еси.

Песнь 7

Ирмос: Юноши три в Вавилоне, веление мучителево на буйство преложше, посреде пламене вопияху: благословен еси Господи Боже отец наших.

Кому Ты уподоблю, душе моя окаянная, увы мне, любящую безместная, а не добрая взыскующую? Темже прежде конца потщися образы благия показати.

Тучу ми, Христе, слез даждь, яко да от лютых моих измыюся, и не остави мене, Спасе, ныне погибнути, согрешившаго Ти много паче человек.

Мученичен: Мертвость умерщвленнаго слова носяще на теле своем, прелесть умертвисте: живете же и умерше славнии, и умерщвленныя страстьми страдальцы врачуете.

Мученичен: Кое место ныне не имат вас мученицы просветители, и предградие? Кая страна не освящается вашими страданьми славнии, и востоками исцелений?

Богородичен: Единая пребываеши по Рождестве, Владычице, девственною добротою сияючи, единая матерних избегла еси болезней: Бога бо единая родила еси, избавителя душ наших.

Ин Ирмос тойже

Свидетели содеянным имуще мысленныя Ангелы, изберем чистое житие душе моя, вопиюще: благословен еси Господи Боже отец наших. [Дважды.]

Углем очищенный, престолу Твоему предстоящия зрит серафимы, Божественный вопия Исаия: благословен еси Господи Боже отец наших.

Богородичен: Чины всех безплотных, Дево, яже превосходиши, яко Творца рождши и Господа: благословен, Пречистая, плод Твоего чрева.

Песнь 8

Ирмос: Избавителю всех, Всесильне, посреде пламене благочествовавшья, снишед оросил еси, и научил еси пети: вся дела благословите, пойте Господа.

Явихся скотом подобен безсловесным, подклонився страстем. Слово Божий пребезначальне, обратив мя, спаси вопиюща: благословите вся дела Господня Господа.

Озоба вебрь, позоба единок мя, Спасе, якоже виноград возделанный духом: от негоже избави мя, Слове, и плодоносна добродетельми абие Тебе покажи.

Мученичен: Обращения кровная очервлениша багряницу вам боготканную, еюже украсистесь мученицы, венцы носяще победы, иже в вышних Царю вечному предстоите.

Мученичен: Священное мучеников сословие несвященное разруши согласие, незаконнородно повелевающее, и законно пострадав, от Владыки всех законно венчаяся.

Богородичен: Благословит вся тварь рождество Твое, благословенными нас венчавшее, и от клятвы изъемшее, Всеблагословенная едина, и препрославленная, яже род наш облагодатившая.

Ин Ирмос тойже

Яко сый живот бессмертный, бессмертному животу причащаются зиждительно сотворил еси Ангелы, и научил еси пети: благословите, пойте Господа. [Дважды.]

Мысленно обстояще Тя Архангелы, непрестанными гласы воспевают, боголепно чтуще Тя яко Владыку всех: благословите, пойте Господа.

Богородичен: Законнии образы проображаху Тя, Всеблаженная, рождшую Бога, вещи плотстей соединяема, прежде невещественна суща Божественным естеством: благословим, Дево, Рождество Твое.

Таже, поем песнь Богородицы: Величит душа моя Господа.

Песнь 9

Ирмос: Ева убо недугом преслушания клятву вселила есть: ты же, Дево Богородице, прозябением чревоношения, миру благословение процвела есть: тем Тя вси величаем.

Се покаяния время, что ленимся, что сном погружаемся? Уныния да отступим, украсим свещи, якоже пишет, елеем благотворения: да не останем внеуду дверей рыдающих.

Дондеже есть время покаяния, обратися от зол Твоих, душе моя, яже содела еси ведением и неведением, и возопий к ведущему вся: согреших Ти, прости Владыко, и не гнушайся мене, недостойнаго.

Мученичен: Собра Христос страдавший святыя явленнейше, от всякия страны и града на места славная, в честная покойща, и ныне первородных Церковь просвещают веселящися.

Мученичен: Всечестная рака честных мученик Твоих, Господи, лучами Божественного духа озаряема, преславне исцеления испускает светлость, и разоряет недугов болезни, едине Многомилостиве.

Богородичен: От света, иже в Тебе, Богоневесто, зарями душу мою просвети, лежащую в рове погибели возстави, враги сокрушающие, оскорбляющие сердце мое присно, и к страстем поревающие мя.

Ин Ирмос: Сокровенное Божие неизреченное в Тебе совершается, явственное таинство, Дево Пречистая: ибо Бог из Тебе воплотися за милосердие. Темже Тя, яко Богородицу величаем.

Иже ума родителя, и предложителя Сыну и Духу поюще Ангелы, ныне

к нам Божественныя благодати подавния, прилежно приемше посылати усердствуйте.

Красно удобряеми нетления даром и благодатию, Божественнии Архангели, Тебе Источника Христе присносущна нетления, поюще яко Благодателя величают.

Богородичен: Невестник воплощения неизреченнаго, и чертог одушевленный, и ковчег закона благодати Тя, Богомати, вернии свемы: темже Тя непрестанно величаем.

Таже, Достойно есть: и поклон. Ектения, и светилен. И псалмы обычны.

На стиховне, стихиры покаянны, глас 4:

Омый мя слезами моими, Спасе, яко осквернихся многими грехи. Темже и припадаю Ти: согреших, Боже, помилуй мя.

Стих: Исполнимомся заутра милости Твоея, Господи, и возрадовахомся и возвеселихомся: во вся дни наша возвеселихомся: за дни, в няже смирил ны еси, лета, в няже видехом злая. И призри на рабы Твоя, и на дела Твоя, и настави сыны их.

Овча есмь словеснаго Твоего стада, и к Тебе прибегаю, Пастырю доброму: взыщи мене заблудшаго, Боже, и помилуй мя.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Кто не ужасается, зря, святии мученицы, подвига добраго вашего, имже подвижастесь? Како во плоти суще, безплотнаго врага победисте, Христа исповедающе, и крестом вооружившесь! Темже достойно явистесь бесов прогонителие, и варваров сопротивоборцы, непрестанно молящесь, спастися душам нашим.

Слава, и ныне, Богородичен: Богородице всех Царице, православных похвало, еретичествующих шатания разори, и лица их посрами, не кланяющихся, ниже чтущих, Пречистая, честный Твой образ.

Таже, Благо есть исповедатися Господеви: И трисвятое. По Отче наш: тропари, и ектений. Таже час 1-й, псалмы обычны, и прочее: и отпуст.

В понедельник блаженны, глас 4:

Дре́вом Ада́м ра́я бы́сть изсе́лен, дре́вом же крѣстным разбо́йник в ра́й всели́ся: о́в убо вку́ш, за́поведь отве́рже сотво́ршаго: о́в же сраспина́емь, Бо́га испове́да тая́щагося, помяни́ мя, вопи́я, во Ца́рствии Тво́ем.

Сти́х: Блаже́ни изгна́ни пра́вды ради́, яко́ те́х е́сть Ца́рство Небе́сное.

Па́че все́х челове́к на землѣ аз согреших, и бою́ся тамо́ нелицеме́рнаго суди́ща, Преблагѣ́й: на не́мже неосу́ждена́ мя соблюди́ тогда́, и от му́ки изба́ви, пода́я ми пока́яние, омы́вающее́ вся́кия скве́рны, яко́ Человеколюбе́ц.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зол глаго́л на вы́, лжу́ще Мене́ ради́.

Херувими́ и Серафими́, Вла́сти, Престо́ли, Арха́нгели, Госпо́дствия вку́пе и си́лы, свя́тии А́нгели, нача́ла высоча́йшая, Влады́це все́х ны́не предсто́яще, согреше́ний оста́вления́ и жити́я испра́вления́ испросите́ все́м вопи́ющымъ ве́рно: помяни́ насъ во Ца́рствии Тво́ем.

Сти́х: Ра́дуйте́ся и весели́те́ся, яко́ мзда́ ва́ша мно́га на Небесе́х.

Примеша́юще́ся огню́, хвра́стную́ преле́сть попали́сте страстоно́сцы Христо́вы: и мно́жествомъ ва́шей кро́ве, глубинна́го зми́я отню́д потопи́сте, всехва́льнии, побѣ́ду вземше́, с вы́шними вои́нствы ра́дуете́ся, моля́ще́ся приле́жно спасти́ся намъ.

Сла́ва: Трисо́лнечная́ заре́, я́же в ми́рскихъ сия́ющая́ исполне́нии, души́ моя́ лю́тыя отгна́вши стра́сти, низпосли́ мне́ све́та сия́ние, и очи́щение согреше́ний, ве́рою ны́не зову́щу Ти́ безнача́льному Отцу́, Сы́ну Сопресто́льну, и Ду́ху: Трои́це, Вседе́тельная́ си́ло, спаси́ насъ.

И ны́не: Согреша́юща́го присно́, и ле́ностию́ все́ма содержи́ма, уще́дри, Чи́стая, и пока́яния́ о́бразы́ удобри́, даю́щи умиле́ние недоуме́нней души́ мое́й, Пре́чи́стая, Наде́ждо непосты́дная: лю́бовию́ воспева́ющихъ Тя́, и вопи́ющихъ ве́рно, помяни́ и насъ, Де́во Всепе́тая.

В понеде́льник ве́чера

на Го́споди, воззва́х, стихи́ры покая́нны. Глас 4.

Подобен: Зва́нный свѣше:

Стих: Аще беззако́ния на́зриши, Го́споди, Го́споди, кто́ постои́т? Яко у тебе́ очище́ние е́сть.

Хананеи поревнова́вши, ду́ше, прикосни́ся Христу́ созда́и, и взыва́й ча́сте: поми́луй мя, о Влады́ко! Де́тище и́мам, бесну́ющуюся плоть безчи́нную, отжени́ разжже́ние от нея́, молю́ся, и утоли́в безчи́нная възыгра́ния, ме́ртву страхом Твои́м соверши́, моли́твами Пречи́сто Заченши́я и Рожде́шия Тя, Христе́, и все́х святы́х, Благода́телю Многоми́лостиве.

Стих: Имене́ ра́ди Твоего́, потерпе́х Тя, Го́споди, потерпе́ душа́ моя́ в сло́во Твое́, упова́ душа́ моя́ на Го́спода.

Ниневитяном ино́гда согрешивши́м Ио́ну посла́л еси́, Христе́, пропове́дати сим, и́же пока́явшеся, я́рость в благосе́рдие преложи́ша, избавля́еми от губи́тельнаго гне́ва. Посли́ убо, Человеколю́бче, и мне́ недостойно́му державную Твою́ по́мощь, да обра́щуся от безчи́сленных мои́х согрешений, и на стезю́ покая́ния наста́влен буду́, и плачу́ стенья́ горце́, мно́гих мои́х прегрешений́ изба́вися ми́лостию Твоею́.

Стих: От стра́жи у́тренняя до но́щи, от стра́жи у́тренняя, да упова́ет Израи́ль на Го́спода.

В мир прише́дый, во е́же спасти́ челове́ки согреша́ющыя, и к покая́нию сих призва́ти, яко Благоутро́бен, и мене́, Ще́дре, па́че все́х Тебе́ прогне́вавшего́ ущедри́в, спаси́ мя ра́ди благо́сти, и на пу́ть покая́ния наста́ви мя, и помысл да́ждь ми́ умиле́ния, утверди́в се́рдце смире́нно, и просто́, и крото́, нековарно́, Спасе́ мой, благо́стию Твоею́, яко Благоутро́бен.

Ины́ стихи́ры свято́му и вели́кому Иоа́нну Предте́чи. Глас 4.

Стих: Яко у Го́спода ми́лость, и мно́гое у него́ изба́вление: и то́й изба́вит Израи́ля от все́х беззако́ний его́.

Име́яй ко Го́споду дерзнове́ние, ро́жденных жена́ми все́х Предте́че превосходи́й, то́го моли́ непреста́нно с ве́рою моля́щихся Ти́, обра́щение нам да́ти, и вину́ покая́ния: яко да Тя́ воспева́ем спаса́еми всегда́.

Стих: Хвали́те Го́спода вси́ язы́цы, похвали́те Его́ вси́ лю́дие.

Нарече́н бы́л еси́ Проро́к от ложесн, и от утробы́ Пропове́дник, Предте́че и Апосто́ле прише́ствия Госпо́дня: бесо́м убо пре́дана мя́ су́ща, и греху́ раба́ многоде́йственна, от обои́х мя́ исправи́, яко кре́пкий воин, да

Твое скорое проповеду заступление.

Стих: Яко утвердися милость Его на нас, и истина Господня пребывает во век.

Лопата сый духа Божественнаго, плевовидныя нравы развей от сердца моего, деяния Божественная от мене собирая, яко пшеницу в житницу Божию, яко да пища Владыце благопотребна буду, Тобою ходатаем обогащаем, Христов Крестителю блаженне.

Слава, и ныне, Богородичен: Слезы ми даждь от сердца, и воздыхание из глубины, Отроковице, и души сокрушение, и исповедание, яже в житий содеянная мною прегрешения: да Твоею помощию, Всечистая, в покаянии преиду жизнь мою, и улучу ослабление.

Таже, Свете тихий: Прокимен дне. И Сподоби, Господи, в вечер сей:

На стиховне стихиры покаянны, глас 4:

Хотех слезами омыти моих прегрешений, Господи, рукописание, и прочее живота моего, покаянием благоугодити Тебе: но враг льстит мя, и борет душу мою. Господи, прежде даже до конца не погибну, спаси мя.

Стих: К Тебе возведох очи мои, живущему на Небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Кто обуреваем, и притекая ко пристанищу сему не спасется? Или кто недугуя, и припадая ко врачевству сему, не уврачуется, Содетелю всяческих, и Врачу недужных? Господи, прежде даже до конца не погибну, спаси мя.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих и уничижения гордых.

Иже святых мученик приемый терпение, и от нас прими пение, Человеколюбче: и даруй нам тех молитвами велию милость.

Слава, и ныне, Богородичен: Избави нас от нужд наших, Мати Христа Бога, рождающая всех Творца, да вси вопием Ти: радуйся, Единое Предстательство душ наших.

Таже, Ныне отпущаеши: Трисвятое, и по Отче наш: **тропарь, ектения, и отпуст.**

В понеде́льник на повече́рии

канон пресвятей Богородице. Глас 4.

Песнь 1

Ирмос: Моря чермную пучину невлажными стопами древний пешествовав Израиль, крестообразными Моисеевыми руками, Амаликову силу в пустыни победил есть.

Яже едина в напастех и скорбех защищающая, под кров Твой, Пречистая, прибегающих тепле, прими яко Преплагая, яже от сердца нашего моления.

Пристанище невлаемое обретох Тя, окаянный, напастныя же и нуждныя прилоги отрвая, благодарное пою Ти воспевание, Богомужная Богородительнице.

Слава: Милостивным и кратким Твоим оком, Богородительнице, зрящи мя во обстоянии и скорби одержима, вскоре свободи: Тя бо призываю на помощь.

И ныне: Ева осуждения избавися и Адам Тобою, Чистая, с нимиже и аз припадаю Ти: печальныя ми слезы ныне на радость преложи, и от напастей свободи.

Песнь 3

Ирмос: Лук сильных изнеможе, и немощствующии препоясашася силою: сего ради утвердися в Господе сердце мое.

Оружие крепко, и стену Тя стяжав аз, побеждаю сопротивных полки: и пою величия Твоя, Богородице неискусобрачная.

Пещь разоряеши печалей, и погашаеши отчаяния зной: кто бо тако, якоже Ты, Дево Богородице, упование наше?

Слава: Внуши вопль раба Твоего, Твоея требующаго помощи, Богомати: Упование мое, услыши мя, и потщися спасти мя.

И ныне: Призри, Чистая, спасти мя: небо Божественным манием вся содержащаго воплотила еси, Божие Слово, паче слова и смысла.

Песнь 4

Ирмос: Вознесена Тя видевши Церковь на Кресте, Солнце Праведное, ста в чине своем, достойно взывающи: слава силе Твоей, Господи.

Победдши враждующих мне все, яко душу мою тщащихся люте прияти, сохрани мя, Владычице, ненаветна, да радуяся славлю Тя.

Избавляющи мя от языка лъстивоглаголиваго, яко Благая предстательница, безпакостна покажи от житейских деяний: много бо можеша, яко Мати Зиждителя сущи.

Слава: Безболѣзнену вѣдый Тя целѣбницу немощный, духом и усты зову: исцели мя, Владычице, помилуй и спаси мя, к Тебе бо прибегаю раб Твой.

И ныне: Яко похвалу ангелов и человеков Тя воспеваем вси, Дево Марие, и верно молимся: молися, Владычице, от всякия скорби избавитися нам.

Пѣснь 5

Ирмос: Ты, Господи мой, Свет в мир пришел еси, Свет святыи, обращай из мрачна неведения, верою воспеваящия Тя.

Исправи, Чистая, молитву раба Твоего ко Господу Сыну Твоему: да обрящу разрешеніе многих прегрешений.

Избави мя страстей и бед, Богоневесто: Тя бо положи Бог к нему ходатаицу о моем смирении.

Слава: Покровительница мне Ты еси и непрестанное хваление, о Владычице Богородице, не презриши бо никакоже одержимаго в печалех.

И ныне: Ныне испроси нам прегрешений оставление, и избави от напастей, и страстей нечистых, молитвами Твоими, Препетая.

Пѣснь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися, ради милости от ребр Твоих истекшею кровию.

Крепость моя Сама еси, Пречистая Владычице, во обретших мя зело неначаянных скорбех, и вопию Ти: яко велия еси Помощница рабу Твоему.

Исцели душевныя моя язвы, Владычице, заступи мя, Дево, и избави раба Твоего от оклеветания, навета же и развращения неправедна.

Слава: Сокруши наветники неправедныя, иже на мя, присно прибегающаго к Тебе, Чистая, и не остави мене погибнути, яко вся Тебе возможна, Богоотроковице.

И ныне: Успи души моея свирепую волну, яко множество прегрешений, искушения и печали востаха на мя: но Сама мя, Владычице, спаси.

Таже, Господи, помилуй, трижды. Слава, и ныне:

Седален, глас 4:

В кров Твой, Дево, вси прибегающе вопиём Ти: мольбу приими от нас, и не престай молящися Человеколюбцу, спастися рабом Твоим.

Пѣснь 7

Ирмос: Спасый во огни авраамския Твоя отроки, и халдеи убив, яже правда праведно уловляше, препетый Господи Боже отец наших, благословен еси.

Е́же от ага́рян наси́лование ско́ро потре́бльши мече́м моли́тв Твои́х, Мари́е, лю́ди и ста́до Твоё сохрани, Сы́ну Твоему́ зову́щее: Бо́же оте́ц на́ших благослове́н еси́.

Равноле́пная Ски́ние, приими́ мя к Тебе́ прибега́ющаго, да не при́имет мя́ враг погуби́ти изгоня́я, пою́ща Сы́ну Твоему́, Богомати: оте́ц на́ших Бо́же благослове́н еси́.

Сла́ва: Богороди́тельнице Мари́е, предва́ри раба́ Твоего́ вско́ре, в трево́лнениих напа́стей потопля́емаго, и не имуща по́мощи. К Тебе́ бо зову́: упова́ние моё, Богороди́це, помилуй́ мя.

И ны́не: Чело́веческия напа́сти, я́ко грехо́м ви́новны, ны́не, Богороди́це Блага́я, разори́ Божество́нными моли́твами Твои́ми, и рабы́ Твоя́ изба́ви болезненны́х прегреше́ний и вся́кия напа́сти.

Песнь 8

Ирмо́с: Изба́вителю́ все́х, Всеси́льне, посреде́ пла́мене благо́чествова́вшья, снизше́д, ороси́л еси́, и научи́л еси́ пети́: вся́ дела́ благослови́те, пойте́ Го́спода.

Воста́ на ны́ язы́к беззаконе́н, хваля́ся погуби́ти служи́тели Твоя́, е́гоже потре́бльши, Пречи́стая, зову́щья покрый́: вся́ дела́ благослови́те Го́сподня Го́спода.

Мно́гия Твоя́ щедро́ты, Еди́на Богома́ти, на́с ми́лостивно спаса́ют от грехо́внаго суда́ и различны́х напа́стей: Ты́ бо ро́ждши Бо́га, и милуеши́ мир Его́.

Сла́ва: На моле́ние моё ны́не умилисе́рдися, и ра́дость ми́ в печа́ли ме́сто да́руй, да пою́ Тя, Влады́чице, и вопию́ Сы́ну Твоему́: вся́ дела́ благослови́те Го́сподня Го́спода.

И ны́не: Я́ко Ты́ мне́ еси́ кре́пость и по́мощница, не убою́ся враго́в негодова́ния, но воспева́ю Тя, Влады́чице, и вопию́ Сы́ну Твоему́: вся́ дела́ благослови́те Го́сподня Го́спода.

Песнь 9

Ирмо́с: Е́ва у́бо недуго́м преслуша́ния кля́тву всели́ла е́сть: Ты́ же, Де́во Богороди́це, прозябе́нием чревоноше́ния, ми́рови благо́словение процвела́ еси́. Те́м Тя все́и велича́ем.

Ору́жие у́бо на ны́ обостри́в, совеща́ет льсти́вый а́рвлянин беззаконны́й: Ты́ же, Де́во Богороди́це, си́лою Креста́ Сы́на Твоего́, и моли́тв Твои́х, воору́жаеши на него́ рабы́ Твоя́: те́мже пропове́даем сла́ву Твою́.

Кре́пость у́бо Ты́ мне́ на враги́ даде́ся, и изба́вление в напа́стех: что́ же Ти́ аз принесу́, Чи́стая? Не до́вем. Оба́че, е́же има́м, благода́рение приношу́ Ти, Влады́чице: приими́ сие́ от раба́ Твоего́, и спаси́ мя.

Сла́ва: О Ма́ти вся́ческих Творца́! О Всечи́стая, скорбя́щих утёхо, потопля́емых предста́тельница, и побежда́емых заступнице, до живота́ моего́ Ты́ мя сохрани́.

И ны́не: Утесня́ем грехи́ мно́гими, Препе́тая, и напáстыми лю́тыми, ны́не Тебе́ хвалéния жéртву прино́шу, и приле́жно взыва́ю Ти́: Свята́я Богороди́це, помози́ ми, Тебе́ бо сла́вя, пéснь сконча́ваю.

Та́же, Достойно́ е́сть: Трисвято́е. По́ Отче на́ш: тропари́, и прóчее обы́чно, и отпу́ст.

Вторник

Во вто́рник у́тра

по 1-м стихослoвию седа́льны покая́нны. Глас 4:

Смирённую мою́ ду́шу посети́, Го́споди, во гресе́х жити́е всё иждившую: якоже блудницу приими́ и мене́, и спаси́ мя.

Стих: Го́споди, да не я́ростию Твое́ю обличи́ши мене́, ниже́ гнёвом Твоём нака́жеша мене́.

Препла́вая пучину́ настоя́щаго жити́я, помышляю́ бездну́ мно́гих моихъ зoл, и не име́я ко́рмчия помышле́ний, Петро́в провеща́ваю Ти́ глас: спаси́ мя, Христе́ Бо́же, спаси́ мя, яко́ Человеколюбец.

Слава, и ны́не: Богоро́дичен: Якоже су́щая вои́стинну Богоро́дица, моля́щаяся яко́ Ма́ти со дерзнове́нием Сы́ну Твоему́ и Бо́гу на́шему, сохраня́й градъ изрядно́ к покрову́ Твоему́ притека́ющий, о Тебе́ держа́ву имущий, и к Тебе́ прибега́ющий, приста́нищу и стене́, еди́ней предста́тельнице́ рода́ челове́ческаго.

По 2-м стихослoвию, седа́лен, глас 4:

Мглю́ю страсте́й и житейскими́ сластьми́, помрача́ем умъ окая́нныя моея́ души, к помы́слу уми́ления не приходи́т: но уще́дри, Спа́се, и мене́, окая́ннаго, и даждь ми́ помы́сл уми́ления, да и азъ пре́жде конца́ вопию́ благоутро́бию Твоему́, Го́споди: Христе́ Спа́се мой, отча́яннаго спаси́ мя и недостой́наго.

Стих: Го́споди, да не я́ростию Твое́ю обличи́ши мене́, ниже́ гнёвом Твоём нака́жеша мене́.

Скоро́ совни́дем в невестникъ Христо́в, да вси́ услы́шим блаже́нный гласъ Христа́ Бо́га на́шего: приидите́ любя́щии Небе́сную сла́ву, сопричастни́цы бы́вшие му́дрым де́вам, просвети́вшие свещи́ на́ша ве́рою.

Стих: Дивенъ Бо́г во святы́х Свои́х, Бо́г Израилев.

Крестомъ вооружени́ страстоно́сцы Твои́, Христе́ Бо́же на́ш, победи́ша кознования́ началозло́бнаго врага́, и возсия́ша яко́ свети́ла земны́х наставля́юще, и подаю́т исцеления́ ве́рою прося́щим: те́х моли́твами спаси́ души́ на́ша.

Слава, и ны́не, Богоро́дичен: Сло́во Отче́е Христа́ Бо́га на́шего, из Тебе́ воплоти́вшася, познахомъ, Богоро́дице́ Де́во, Еди́на чи́стая, Еди́на благослове́нная: те́м непреста́нно Тя воспева́юще велича́ем.

По 3-м стихослoвию, седа́лен глас 4.

Душе́, пока́йся пре́жде исхода́ твоего́, су́д неумы́тный согреша́ющимъ е́сть и непостоя́нен, возопи́й ко Го́споду уми́лением се́рдца: согрешихъ в ра́зумѣ и неве́дении, Ще́дре, моли́твами Крестите́ля Твоего́, уще́дри и

спаси́ мя.

Го́рлица пустыннолю́бная, свяще́нный Крести́тель, пропове́давый покая́ние, и показавый Христа́ бывша́ челове́ка, все́м согреша́ющим бы́сть предста́тель, и все́м обу́реваемым помо́щник быва́я присный: того́ молитвами, Христе́, спаси́ мир Тво́й.

Сла́ва, и ны́не, Богоро́дичен: Обно́вила еси́, Чи́стая, Божество́нным Рожде́ством Тво́им, истле́вшее во страстехъ земноро́дных ме́ртвенное существо́, и воздвигла еси́ вся́ от сме́рти к живу́ту нетле́ния: те́мже Тя по до́лгу блажи́м вси́, Де́во препросла́вленная, яко́же прорекла́ еси́.

Кано́н покая́нен, ко Го́споду нашему́ Иису́су Христу́ и святы́м его́ му́чеником, [его́же краегра́нэсие сицево́: Чи́стотными́ мя слеза́ми омы́й сло́ве.] Творе́ние Ио́сифово. Гла́с 4.

Пе́снь 1

Ирмо́с: Порази́вый Египта, и фара́она мучи́теля погрузи́вый в мо́ри, лю́ди спа́сл еси́ из рабо́ты, Моисе́йски пою́щия пе́снь победну́ю: яко́ просла́вился.

Сокрове́нно де́ющаго дела́ тьмы́, Го́споди, да не я́ве обличи́ши, ни посрами́ши предъ все́ми: но све́том просвети́ искрення́го покая́ния, Спа́се, и спаси́ мя.

Грехи́ всегда́ на грехи́, Влады́ко, совокупля́ю блу́дный, и не чу́вствую стра́ха Твоего́ никогда́же, Го́споди: те́мже пре́жде конца́ спаси́ и уще́дри мя.

Му́ченичен: Щито́м благоче́стия покрыва́еми святы́и, держа́ще яко́ ме́ч кресто́ное ору́жие, к борению́ врага́ сла́внии изыдо́сте, и того́ низложи́сте.

Му́ченичен: Кровопийи́ц льво́в, и меча́ секу́щаго, и варе́ния коно́бнаго, строга́ния ногте́й, терза́ния же и боле́зненнаго муче́ния, мученицы́ Божество́ннии не убо́яшася.

Богоро́дичен: Ковче́г Божество́нным ду́хом позлаще́нный, Пречи́стая, показавъ́ся: не скрижа́ли нося́щ зако́на, но Христа́ Го́спода, Его́же зако́н и проро́цы дре́вле предвозвести́ша.

Други́й кано́н свято́му и честно́му Иоáнну Предте́чи, [его́же краегра́нэсие сицево́: Пе́снь молитвенну́ю плету́ тебе́, блаже́нне, любо́вию.] Творе́ние Ио́сифово. Гла́с 4.

Пе́снь 1

Ирмо́с: Триста́ты кре́пкия, рожде́йся от Де́вы, безстра́стия во глубине́, души́ трича́стное пото́пи, молю́ся: да Тебе́́ яко́ в тимпа́не, во умерщвле́нии телесе́, победно́е воспою́ пе́ние.

Яко́ вели́кая звезда́ со́лнцу предтеки́й, просвети́л еси́ зе́млю све́тлосты́ми Тво́ими, Крестите́лю. Те́мже зову́ Ти: просвети́ моё́ се́рдце,

ослепленное от безчисленных прегрешений лютыми омрачении.

Разрешивый иногда, блаженне, в рождении неплодствия узы, темже Тя молю, неплодствием запустевшую душу мою страстей, покажи молитвами Твоими плодительно, добродетелей благочадие приносящую.

Уготовал еси пути избавителю, предходяй в силе Илиине, Приснославне Крестителю: к немуже моя душа движение исправи, соблазны всякия, и пламень страстей изымая молитвами Твоими.

Богородичен: Облаче светлый, души моя облаки темныя и лютыя Твоими светлыми ходатайствы разори: яко да вижу зарю из Тебе возсиявшего, и светом свет прииму незаходимый.

Песнь 3

Ирмос: Утверждаяй гром, и созидаая дух, утверди мене, Господи, да Тя пою истинно, и творю волю Твою: яко несть свят, яко Ты, Боже наш.

Иже слепцев очи просветивый, Христе, очи мой просвети омрачении сластми, и житейскими печальми, и никакоже к судьбам Твоим взирающи.

Се время, возникни душе моя, от зол, яже содеяла еси, и Владыце избавителю возопий со страхом: покаяния, Христе, двери отверзи ми.

Мученичен: Отгнан явися Велиар Божественными подвиги страстотерпец, и от них попираем зрится мертв и недействен, иже древле хваляйся.

Мученичен: Мученически течение совершивше святых сословие, и тьмы мысленных муринов, Божественною силою яко воистинну посече, и славу получи.

Богородичен: Праотцем разрешила еси печаль, радость нам рождши Жизнодавца, и Избавителя, Пресвятая Богородице: Егоже прилежно моли, спасти души наша.

Ин Ирмос: Лук сильных изнеможе, и немощствующии препоясашася силою: сего ради утвердися в Господе сердце мое.

Всяку добродетель исполнил еси, всяку же злобу от сердца возненавидел еси, и стезю покаяния человеком блаженне, показал еси.

Слова воплощагося Предтеча великий показался еси. Сего ради молюся Ти: безсловесных мя страстей избави, наставляя мя к безстрастию.

Еще жителствуя в телеси, житие безплотных показал еси, Предтече: емуже уподобитися молитвами Твоими, Богоносе, и нас укрепи, молимся.

Богородичен: Мир Тобою помиловася, иже преступлением непотребен бысть, Мати Дево: сего ради в пениих песенных по долгу Тя ублажает.

Песнь 4

Ирмос: услышах Боже слух твой, и убоясь, разумех дела твоя, и ужасохся, Господи: яко твоего хваления исполнь земля.

Обнажен бых добродетелей, и злобою облекохся, и се студа исполнихся, Иисусе Человеколюбче: одеждами мя Божественными просвети.

Преplавая мирскаго моря, Слове, воду, леностию в беду истопления впадохся сластей телесных: к покаяния пристанищу направи мя.

Мученичен: Очитивше воистинну гной весь греха терпения Божественною силою доблии мученицы, спасение всем подаша.

Мученичен: Валяеми по земли якоже камене страсотерпцы, прелести твердыя до конца низвергоша, и к вышнему граду dospеша: тех молитвами, Господи, спаси нас.

Богородичен: Спасение Тя на всякое время и место призываю: не презри мене, Всенепорочная, яже Бога рождшая, избавителя вкупе и Spаса моего.

Ин Ирмос: Любве ради, Щедре, Твоего образа, на Кресте Твоем стал еси и растаяшася языцы: Ты бо еси, Человеколюбче, крепость моя и хваление.

Яко горлицу Тя, весну истинную, всеистинными словесы предвозвещающую миру, разумевше, ублажаем присно, славне Предтече.

Сокрушенна мя лстываго сокрушенными, ветхому и новому яко сый ходатай, всего обнови молитвами Твоими, Предтече.

Иже в пустыню вселившийся непорочным житием, опустевший всякими преступленьми ум мой, Божественными молитвами Твоими обнови, Предтече.

Богородичен: Очищение нам и избавление познася Твой Сын, Дево: Егоже моли спасти души во умилении Тя блажащих.

Песнь 5

Ирмос: Возсияй ми, Господи, свет повелений Твоих, яко к Тебе дух мой утренюет, и поет Тя: Ты бо еси Бог наш, и к Тебе прибегаю, Царю мира.

Унынием преходящаго житие тлеющее, и прелестями мя омрачаема от прелестника по вся дни, Иисусе, ущедри, и к свету покаяния настави и жизни.

Вознесся сердце мое прилогми змия, и низпадеса падением велиим: иже низверженным, Иисусе, исправление, возстави и спаси мя, многих Твоих ради щедрот.

Мученичен: Каплями кровей угасите многобожия прелести пещь,

богоблаженнии, и тучами исцелений пламень утишите страстей всегда, Спасовы страдальцы.

Мученичен: Стояще пред судищем, и ногтями стружеми, и во главы усекаеми мученицы, и множеству примешающесе лютых мук, непреклонни пребысте мановением Божественным.

Богородичен: Возсияй ми, Владычице, зарю милости Твоея, иже во мраце прегрешений моих сущу, Дево: и к свету покаяния настави мя, Пречистая, да верю Тя пою.

Ин Ирмос: Просвещение Твое, Господи, низпосли нам, и от мглы прегрешений разреши ны блаже, Твой мир даруай.

Пустынными мя углыми, страстей находеньми распалаема, пустынное воспитание, росю Твоих молитв, сих вреда соблюди невреждена.

От Твоея, Всеблаженне, святых десницы крещается Отца Божественная десница, спасающая нас от руки льстиваго, священными ходатайствы Твоими.

Прибежище Тя, Предтече, и покров державен, и великую стену весь мир иматъ: избави нас Твоими молитвами от всякия тесноты.

Богородичен: Доброту Тя Иаковлю возлюби Бог, Дево Отроковице, украшающ вся Тобою, омрачившыся преступлением первее.

Песнь 6

Ирмос: Пучиною житейскою деяньми моими снидох во ад, но яко от кита Иона, тако вопию: из глубины зол возведи, молюся, Сыне Божий и Слове.

Дреманием небрежения отяготих, окаянный, душу, и грехам сном низложихся: к свету покаяния воздвигни мя, Господи, и Твоим милосердием спаси мя.

Како падох окаянный? Како удалихся Бога преблагаго? Како не внемлю в чувствии страшное судище оно, на немже имам судитися? Творче мой, ущедри мя.

Мученичен: Цевница явистесе, воистинну возглашающая пение спасительное присно, и наслаждающая верных сердца, и пьянство прелести до конца огняющая, страдальцы пресветлии.

Мученичен: Превозшедше пределы человеческого мученицы Христовы к Зиждителю возникновением Божественным, мучения болезни претерпесте радуящесе, яко в телесех чуждих.

Богородичен: Всесвятая Дево, Предстательнице и покрове всех верных, предстани и избави мя прещения будущего, и страшнаго судища в час судный, да верю присно пою Тя.

И́н Ирмо́с: Приидо́х во глублины́ морскія, и потопи́ла мя е́сть бу́ря мно́гих грехо́в: но я́ко Бог из глублины́ возведи́ живо́т мой, Многоми́лостиве.

Стоя́ше крещая́ в быстрина́х Влады́ку, грехи́ все́х челове́ков вземлю́щаго: Его́же моли́ти не преста́й, Предте́че, уще́дрити ду́шы на́ша.

Пропове́дник показа́лся еси́ пока́яния, в немже́ соблюди́, Предте́че, моё́ се́рдце, оскверне́нное вре́дными грехи́, и возникнове́ния не иму́щее.

Возгласи́л еси́, блаже́нне, ду́шам в пусты́нях непроходи́мых, сло́ва прише́ствие хотя́щее бы́ти: те́мже гласы́ немолчными́ всякая́ Це́рковь блажит́ Тя.

Богоро́дичен: Зако́на изья́снишася о́бразы, Твои́м стра́шным Рожде́ством, Богоневесто́: ихже́ сбы́тиё мы́ ны́не зря́ще, Влады́чице, по досто́янию́ Тя́ чтим.

Песнь 7

Ирмо́с: О́бразу злато́му не поклони́вшеся о́троцы́ авраа́мстии, искуша́хуся я́ко злато́ в горни́ле в пе́щи о́гненной, я́ко в черто́зе све́тлем ликова́ху, пою́ще: благо́словен еси́ Бо́же оте́ц на́ших.

Ю́но Отроча́ яви́лся еси́ Христе́, вѣтхаго́ осужде́ния изба́вити хотя́ ми́р, я́ко Благоутро́бен. Те́мже вопи́ю Ти, обетша́вшаго́ мя грехи́ мно́гими ны́не обнови́, Ще́дре, и спаси́ мя пою́ща: благо́словен Бо́г оте́ц на́ших.

И́же ино́гда Манасси́ю пока́явшася́ спасы́й, и уще́дривы́й блудни́цу прослезившу́юся, и разбо́йника́ сло́вом оправда́вый, мно́гая и лю́тая согрешивша́го Ти́, и мене́, Спа́се, приими́ вопи́юща: благо́словен Бо́г оте́ц на́ших.

Му́ченичен: Бу́ри лю́тей многобо́жия обдержа́щей вселе́нную, кора́бль сотвори́ше благо́честия́ страстоте́рпцы: окормле́нием же́ Христовым, ко приста́нищу́ жи́зни доплыв́ше вопи́ете: благо́словен Бо́г оте́ц на́ших.

Му́ченичен: Просвеще́ни бы́вшие я́ве, я́коже злато́ в горни́ле, му́ками искуша́еми страда́льцы, и пока́завшеся́ запеча́тания́ честная́ страсте́й Христо́вых, в сокрови́щах небе́сных, во утвержде́нии мно́зе сокровени́ бы́ша ны́не.

Богоро́дичен: Спа́са и Бо́га, и изба́вителя́ и Влады́ку, плоти́ю ро́ждши́ Пречи́стая Влады́чице, то́му при́сно, Пречи́стая, моли́ся, я́ко да разре́шение лю́тых и мно́гих грехо́в оставле́ние приим́ше, славослови́м то́го я́же па́че ума́ ще́дроты.

И́н Ирмо́с: Авраа́мстии́ ино́гда́ в Вавило́не о́троцы́, пе́щный пла́мень попра́ша, песньми́ взыва́юще: оте́ц на́ших Бо́же благо́словен еси́.

Бо́льший все́х ро́жденных яви́лся еси́, Проро́че, Бо́гу вельми́ согреша́юща́ мя, величайше́ю моли́твою́ Твое́ю, пламене́ вели́каго

избави, и вечныя тьмы, яко да ублажаю Тя.

Неплодная явихся смоковница, и посечения боюся: утверди мя ходатайством Твоим, Предтече Спасов, и плодота сотвори, яко да ублажаю Тя.

Успи всяку вражю подвижимую бурю, на иже верою притекающего к Тебе, бодренными Твоими молитвами, ко избавителю всех, Предтече Иоанне.

Богородичен: Нахождения лукаваго и части, Дево, и работы бесовския сохрани рабы Твоя, иже душою Тя и языком присно славящя.

Песнь 8

Ирмос: Во огни пламеннем предстоят Тебе Херувими, Серафими, Господи, и вся тварь песнь Тебе поет красную: пойте, благословите, людие превозносите Христа, Единого Содетеля, во вся веки.

Не пребых во страхе Твоем, не послушах заповедей Твоих, и волю твою никогдаже сотворих: что буду окаянный? Человеколюбив сый, ущедри мя туне, Спасе, и не отвержи мене.

Делателю добрых, вопию Ти: страха Твоего серпом, пожни из корене вся терновная помышления души моея окаянная: и семенем покаяния прозябати ми сподоби, Христе, спасительный клас.

Мученичен: Распространишася благодатию, утесняеми в муках многих страстоносцы, и стесниша врагу пути пропастей исполнены, и ныне наставляют нас к путем Божиим в вере и любви.

Мученичен: Беду прият льстивый, впад во глубину, мученицы, терпения и страдания вашего, и лежит от всех насмеваем безумный: вы же победными венцы украшаетесь.

Богородичен: Чрево Твое, Всенепорочная, стог честнаго гумна явися, мирунося пшеницу Живота, питающую всяческая. Темже Тя яко виновну всех добрых, вернии по достоянию ублажаем.

Ин Ирмос: Избавителю всех, Всесильне, посреде пламене благочествовавший, снишед, оросил еси, и научил еси пети: вся дела благословите, пойте Господа.

Уныния мя сном одержима, и мглою злобы помрачаема, светлую молитвою Твоею исправи, Предтече, и даждь яко во дни добродетелей благообразно ходити.

Искушений мя буря обдержит, и страстей волна смущает мя: руку ми подаждь, Предтече, возводя ко пристанищу покаяния, души моея корабль молитвами твоими.

Иже вземлющаго миру прегрешения, в речных водах крестил еси, зол моих бездну изсуши струями молитв твоих, блаженне Иоанне Предтече.

Видев Духа Святаго, слышал еси глас Родителей, свидетельствующ, Предтече, тобою неизреченно крещаемому Иисусу: Егоже моли спасти нас.

Богородичен: Яко источник нашего обновления, сокрушенного мя прираженными змиевыми, всего обнови: яко да верою и любовию Тя ублажаю, Богородице Дево Всенепорочная.

Таже, поем песнь Богородицы: Величит душа моя Господа:

Песнь 9

Ирмос: Сотвори державу мышцею своею, низложи бо сильныя со престол, и вознесе смиренныя Бог Израилев: в нихже посети нас восток с высоты, и направил ны есть на путь мира.

Се отверзется чертог тайный, и мудрии украсивше свещи своя елеем добродетелей, входят светли. Отложи сон уныния, о душе, яко да видиши со Христом свещу носящи.

Якоже блудница держу нозе Твои мысленно, и слезами омываю сих, Слове. Омой мя, Спасе, от тимения страстей: вера твоя спасе тя, ныне и мне пригласив, яко да Твое безчисленное пою милосердие.

Мученичен: Веселым сердцем и радостною душею мученицы в вышних живут, язвы Христовы якоже красоту благолепия присно имуще: и нам мира испрашают, и лютых избавление, и прегрешений разрешение.

Мученичен: Освятися всяко место, имущее Божественнии страдальцы мощи ваша, якоже другой ковчег, иже во Израили избавляющ лютых: радуются небесная, с честными Ангелы, души ваша блаженнии стяжавша.

Богородичен: Благолюбивая Отроковице, благолюбиваго Бога рождающая, вопию Ти: ублажи окаянную мою душу, озлобленную люте страстьми и прилогми лукавых бесов, да верою Тя пою надежду всех.

Ин Ирмос: Ева убо недугом преслушания клятву вселила есть, ты же, Дево Богородице, прозябением чревоношения миру благословение процвела еси: тем Тя вси величаем.

Крепость моя и пение Христос Господь: Егоже моли, блаженне Предтече, на страсти мя укрепити, и на всякия прилоги бесовския: и даждь Божественную делати волю, яко да Тя любовию ублажаю присно.

Красная горлица, и ластовица сладкоглаголивая явился еси Божественный Предтече, весну возвещающая Божественную Христа: Егоже моли, избавити мя зимы душетленные и бури греховныя, молюся Ти.

Взыгрався в ложеснах матерних, возвестил еси от Девы возсиявшего: того моли, плотская моя двизания умертвити, умерщвляющая

мя, и исполнити радости сердце мое, яко да пою Тя, Божественный Предтече.

Суд немилостив душе, милости не творящим, зри и внимай: елей приими, свещу Твою просвещающий, и соблюди неугашенну. Приближается жених, бодрствуй, да неугашаемо имаши произволение.

Богородичен: Благолюбиваго рождши Бога, благолюбивая Богородице, того моли, всякия мя избавити злобы, и к тому да сотворит сердце рачительно, плотское сладострастие возненавидети: да в песнях величаю Тя.

Таже, Достойно есть: И ектения, и светилен, и псалмы обычны.

На стиховне стихиры покаянны, глас 4:

Омый мя слезами моими, Спасе, яко осквернихся многими грехи. Темже и припадаю Ти: согрших, Боже, и помилуй мя.

Стих: Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Овча есмь словеснаго Твоего стада, и к Тебе прибегаю, Пастырю доброму, взыщи мене заблудшаго, Боже, и помилуй мя.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Ангелом сопричастницы бысте святии мученицы, на судищи Христа мужески проповедающе: вся бо яже в мире остависте красная, яко не суща, веру же яко надежду тверду удержасте. Темже и леть отгнавше, источаете верным исцелений дарования, непрестанно молящися, спастися душам нашим.

Слава, и ныне, Богородичен: От всех бед рабы Твоя сохраняй, благословенная Богородице: да Тя славим, надежду душ наших.

Таже, Благо есть исповедатися Господеви: Трисвятое, и по Отче наш: тропарь, и ектения. Посем час 1-й, псалмы обычныя, и прочее, и отпуст.

Во вто́рник блаже́нны, гла́с 4:

Дре́вом Ада́м ра́я бы́сть изсе́лен: Дре́вом же крѣ́стным разбо́йник в ра́й всели́ся. Ов у́бо вку́ш, за́поведь отве́рже сотво́ршаго: о́в же сраспина́ем, Бо́га испове́да тая́щагося, помяни́ мя, вопия́, во Ца́рствии Твоём.

Сти́х: Блаже́ни изгна́ни пра́вды ра́ди, я́ко те́х е́сть Ца́рство Небе́сное.

И́же Петро́в пла́ч, и блудни́цы слѣ́зы прие́мый, Сло́ве, и мыта́ря то́чию воздохну́вша, уще́дрил еси́, Христе́, я́ко благоутро́бен: и мене́ припа́дающа и прося́ща прегрешений про́щения, помилуй, Господи́ Преблагий, и изба́ви вѣчныя му́ки.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зѡ́л глаго́л, на вы́ лжу́ще Мене́ ра́ди.

И́же непло́дствія у́зы разреши́вый вели́кий Предте́че, непло́дие моего́ смиренна́го се́рдца разреши́: и приноси́ти сотвори́ добродетельна́я дея́нїя ходата́йством Твоимъ, и́миже восприиму́ пи́щу неизжди́ваемую, взыва́я Христу́: помяни́ мя, Спа́се, егда́ приидеши́ во Ца́рствии Твоём.

Сти́х: Ра́дуйте́ся и веселите́ся, я́ко мзда́ ва́ша мно́га на Небесе́х.

Сокруша́емѣ му́ками, и зве́рем в снедь вда́ваемѣ му́дрии, и ссеца́емѣ, и во глубли́ну морскую́ вмета́емѣ, всесла́внии мучени́цы, огнёмъ сожига́емѣ, и остры́ми ору́жїи стру́жемѣ, Бо́га не отверго́стесѣ: у него́же испросите́ намъ, святы́и мира, и просвеще́нїя, и ве́лия милости.

Сла́ва: Отца́, и Сы́на, и Ду́ха Свята́го, вси́ ве́рнии единому́дренно мо́лим, славослови́ти досто́йно еди́нство Божества́, в Триехъ су́ще Ипоста́сах, несме́сно пребыва́ющее, прѡ́сто, неразде́льно и непристу́пно: и́мже изба́вляемѣя огненна́го муче́нїя.

И ны́не: Собезнача́льнаго Отцу́, и Свято́му Ду́ху сопресто́льна, прия́т во утробе́, и па́че ума́ и слова́ роди́ла еси́, бывша́ челове́ка, за благодея́нїе челове́честву, Мари́е Богоневѣ́стная, вмести́лище пространно́е Бо́га на́шего: Его́же моли́ приле́жно, спасти́ся рабо́м Твоимъ.

Во вто́рник ве́чера

на Го́споди, воззва́х, стихи́ры крѣстны, глас 4.

Подобѣн: Яко до́бля:

Стих: Аще беззаконія на́зриши, Го́споди, Го́споди, кто́ постои́т; яко у тебе́ очище́ние е́сть.

На Крѣстъ воздвига́ем, и копи́ем пробода́ем, и пер́сты окровавля́ем Влады́ко, свобожде́ние подписа́л еси́ на́м, Преблагий, и рукописа́ние Адама прароди́теля растерза́в, свободи́л еси́ челове́ческое существо́. Сего́ ради воспева́ем, Ще́дре, ю́же па́че ума́ Твою́ благосты́ню.

Стих: Имене́ ради Твоего́ потерпѣхъ Тя, Го́споди, потерпѣ́ душа́ моя́ в сло́во Твое́, упова́ душа́ моя́ на Го́спода.

Воспева́ем Твоя́ страда́ния, Влады́ко Иису́се: крѣстъ, копи́е же и трость, губу́ и гвоздя́, би́ения, багря́ницу, и вене́ц от те́рния, оплевания́ же и поруга́ния, яже претерпѣ́л еси́ волею. Велича́ю Твое́ незло́бие, Еди́не Жизнода́вче долготерпе́ние, и ве́рою славосло́влю Тя, Человеколю́бче.

Стих: От стра́жи у́тренняя до но́щи, от стра́жи у́тренняя, да упова́ет Израи́ль на Го́спода.

Кресту́ Твоему́ честному́ поклоня́юся, Преблагий, любо́вию облобыза́я, и славлю́ Твое́ еже па́че ума́ соше́ствие, безме́рную ми́лость и неизрече́нныя щедроты, и богату́ю благосты́ню, ея́же ради́ спасл еси́ челове́ческое естество́, содержи́мо бы́вшее во тьме́ прегреше́ний. Сла́ва, Христе́, распя́тию Твоему́.

Та́же в мине́и стихи́ры свято́му, а́ще има́ть: а́ще ли не́сть мине́и, ины́ стихи́ры Пресвяте́й Богоро́дице, глас и подобѣн то́йже.

Стих: Яко у Го́спода ми́лость, и мно́гое у Него́ изба́вление: и То́й изба́вит Израи́ля от все́х беззаконі́й его́.

На Кресте́ яко узре́ пригвожда́ема Тя, Го́споди, А́гница и Ма́ти Твоя́ дивля́шеся. Что́ видение́ сие́, зыва́ше, Сы́не вожде́ленный? Сия́ Ти непокоривый со́нм возда́ет беззаконный, и́же мно́гих Твои́х чудесъ наслажде́йся: но сла́ва неизрече́нному схожде́нию Твоему́, Влады́ко.

Стих: Хвалите́ Го́спода вси́ язы́цы, похвалите́ Его́ вси́ лю́дие.

А́гнца и Па́стыря́ Тя на Дре́ве яко́ ви́де, А́гница ро́ждшая рыда́ше, и ма́терски Тебе́ веща́ше: Сы́не любезнейший, како́ на Дре́во Крестное́ воздвигл́ся еси́, Долготерпели́ве? Како́ ру́це и но́зе Твои́, Сло́ве, пригвозди́шася от беззаконныхъ, и кро́вь Твою́ излия́л еси́ Влады́ко?

Стих: Яко́ утверди́ся ми́лость Его́ на на́с, и и́стина Госпо́дня пребыва́ет во ве́к.

Яко ви́де Тя́, Го́споди, Де́ва и Ма́ти Твоя́ на Кресте́ пове́шена, дивля́шися, и зри́аючи глаголаше: что́ Ти возда́ша, и́же мно́гих Твои́х даро́в насла́ждшиися, Влады́ко? Но молю́ся, не оста́ви мя́ еди́ну в ми́ре, но потщи́ся воскресе́нути, совозста́вляя пра́отца.

Сла́ва, и ны́не: Кресто́Богоро́дичен:

Подобен: Зва́нный свы́ше:

Не рыда́й Мене́, Ма́ти, зря́щи на Дре́ве пове́шена Твоего́ Сы́на и Бо́га, на вода́х повеси́вшаго зе́млю неоде́ржимо, и всю́ тва́рь созда́вшаго: и́бо воскресе́ну, и просла́влюся, и а́дова ца́рствия сокрушу́ крѣпостию, и погублю́ того́ силу, и связа́нныя изба́влю от злоде́йства его́, яко Благоутро́бен, и Отцу́ моему́ приве́ду, яко Чело́веколю́бец.

Та́же, Све́те ти́хий: Прокимен дне́. И Сподоби́, Го́споди, в ве́чер сей:

На стихо́вне стихи́ры крѣстны, глас 4:

Ору́жие непобе́димое, Христе́, Крѣст Тво́й да́л еси́ на́м: и си́м побежда́ем прило́ги чужда́го.

Сти́х: К Тебе́ возведо́х о́чи мои́, Жи́вущему на Небеси́. Се́ яко́ о́чи ра́б в руку́ госпо́дий свои́х, яко́ о́чи рабы́ни в руку́ госпо́жи свое́я: тако́ о́чи наши́ ко Госпо́ду Бо́гу на́шему, донде́же уще́дрит ны́.

Всегда́ иму́ще Христе́, Крѣст Тво́й на по́мощь, се́ти вра́жия удо́бь попира́ем.

Сти́х: Помилуй на́с, Го́споди, помилуй на́с, яко́ по мно́гу испо́лнихомся уничи́жения: наипа́че напо́лнися ду́ша на́ша поноше́ния гобзую́щих, и уничи́жения го́рдых.

Иму́ще дерзнове́ние ко Спа́су, свя́тии, моли́те непреста́нно за ны́ грѣшны́я, оставле́ние прегреше́ний прося́ще, и ду́шам на́шым ве́лию ми́лость.

Сла́ва, и ны́не, Кресто́Богоро́дичен: Распина́ема Христа́ Чело́веколю́бца ви́дящи, Пре́чистая, и ре́бра ископова́ема копи́ем, плачу́щи вопия́ше: что́ си́е, Сы́не Мой? что́ Ти безблагодатни́и лю́дие возда́ша, за я́же сотвори́л еси́ до́брая им, и тщи́шися безча́дствовати́ Мя́, Вселю́безнейши́й? Удивля́юся, Благоутро́бне, Твоему́ во́льному распя́тию.

Та́же, Ны́не отпу́щаеши раба́ Твоего́: Трисвято́е, по О́тче наш: тропа́рь, ектени́а, и отпу́ст.

Во вто́рник на повече́рии

канон Пресвяте́й Богоро́дице. Гла́с 4.

Песнь 1

Ирмос: Отве́рзу уста́ моя, и напо́лнятся Ду́ха, и сло́во отры́гну Цари́це Ма́тери, и явлю́ся светло́ торжеству́я, и воспою́ раду́ясь Тоя́ чудеса.

Неизме́рную Бо́жью му́дрость и си́лу рождши́, Пренепоро́чная, Христа́ без семене́ плоти́ю, держа́ву кре́пости, и Боже́ственное вели́чие стяжа́ла еси́ Рожде́ством Твои́м, Богороди́тельнице.

О па́че ума́ Рожде́ства Твоего́, Пречи́стая, и́мже обогати́ся земных мно́жество нетле́нием, и Тя́ ны́не блажит досто́йно, Хода́таицу обновле́ния.

Сла́ва: Боля́щаго исцели́ душе́ю и теле́м, Де́во, раба́ Твоего́ осене́нием Твои́м: Тя́ бо Предста́тельница́ все́м су́щым в печа́ли позна́х, яко́ рождшу́ю Спасе́ние на́ше.

И ны́не: Люте́ погружа́ему в пучи́не скорбе́й, и бу́рею безме́рных обстоя́ний, спасе́ния просте́рши ми́ руку, изведи́, Влады́чице, из глуби́ны зол.

Песнь 3

Ирмос: Твоя́ песносло́вцы, Богоро́дице, живы́й и незави́стный исто́чнице, лик се́бе совокупльшья́ духо́вно утверди́ в Боже́ственной Твое́й сла́ве, венце́в сла́вы сподо́би.

Кропиши́ исцелений́ струи́ боля́щим, Де́во, всю́ду: Тя́ бо исто́чника показа́ милосе́рдия, Влады́чице, И́же милости́ Госпо́дь из Тебе́ рождей́ся па́че ума́.

Красе́н черто́г Боже́ственному Сло́ву, и Боже́ственный Неве́стник вы́ше естества́, Де́во Ма́ти, была́ еси́: те́мже милости́ Твои́х щедро́т отве́рзи ми́, ко спасе́нию возводя́щи.

Сла́ва: Умертви́ся вся́ кре́пость моя́ от мно́жества́ безме́рных зол: мно́гими́ убо́ скорбьми́ отчая́хся. Помози́ ми́, Госпо́же, Я́же Жизнь ро́ждшая, и пла́чущым Утеше́ние.

И ны́не: Помилуй, Еди́на Богома́ти, помилуй и уще́дри ду́шу мою́ окая́нную, потопля́емую бесы́ лука́выми и страстьми́ и пре́жде време́не сме́рти моея́, си́ю очи́стити умо́лосе́рдися.

Песнь 4

Ирмос: Неизсле́дный Бо́жий сове́т, е́же от Де́вы воплоще́ния Тебе́ Вы́шняго, проро́к Авваку́м усмотря́я зова́ше: сла́ва си́ле Твое́й, Госпо́ди.

Корене́ и чре́сл Тя́ Царских, все́х Ца́рь яко́ су́щу вожде́лев, вы́шшу херувим и серафим соде́ла, ве́сь, Богоро́дице, все́лся в Тя́.

Человѣческаго ради порождѣнія, Содѣтель воплощаемъ, из Тебѣ родися и Предстательницу неложну христіаном Тя показа: тѣмже к Твоему крову прибегаю, Чистая.

Слава: Кровъ, и заступленіе, и прибежище буди ми, Дѣво, рабу Твоему, и исцели мя от безмѣрныхъ золъ, воспевати Тя, Пречистая: слава неизреченному Рождеству Твоему.

И нынѣ: Недоумеюся, и слезю, и стеню от страстныхъ моихъ помышлений, и Тя молю: яко еси источникъ милости, от болезнейъ моихъ избави мя, ведущи к Божественному умилению.

Пѣснь 5

Ирмосъ: Ужасошася всяческая о Божественней славе Твоей: Ты бо, неискусобрачная Дѣво, имела еси во утробѣ надъ всеми Бога, и родила еси безлетнаго Сына, всемъ воспевающимъ Тя миръ подавающая.

Исцелений воды точиши присно, Дѣво, всемъ болящимъ яко облакъ одушевленъ сый Царя Христа. Тѣмже молю Тя прилежно: росу исцеления мнѣ болящему низпосли.

Не престаи молящи, Егѣже родила еси, Богоневѣсто Дѣво, яко Спаса и Владыку, разрешеніе ми даждь скорбей и болезнейъ, и к радости нетленной мя возведи, прощая ми прегрешенія.

Слава: Упованіе ми еси, Пречистая, и спасенію похвала. Тѣмже прибегаю к Твоему покрову: не гнушайся мене, грехи многими и болезнями скорбными нынѣ поглощеннаго, но предвари и спаси мя.

И нынѣ: Гроздъ зрѣлый, како на Дрѣве висиши? Солнце славы, како воздвиглся еси, светъ солнца помрачивый в страсти Твоей? Спасе, рождшая Тя Агница дрѣвле вопиаше Ти, матерски восклицающи.

Пѣснь 6

Ирмосъ: Приидохъ во глубины морскія, и потопила мя естъ буря многихъ греховъ: но яко Богъ из глубины возведи животъ мой, Многомилостиве.

Зракъ восприятъ рабий от Тебѣ, Дѣво, всехъ Царь и Богъ нашъ, и вышшу Тя яко Богородицу показавъ херувимъ и страшныхъ серафимъ.

Яже Едина рождши Божию Жизнь, и всемъ спасеніе дающаго, отчаянна мя суща спасенію сподоби, и страстей моихъ востаніе пресецы.

Слава: Твою подаждь помощь, и избави мя бѣдъ и скорбей, избавляющи мя напастей и прегрешений моихъ, Яже всехъ рождшая Избавленіе.

И нынѣ: О Тебѣ, Дѣво, хвалимся, и Тобою лютыхъ избавляемся: надѣющесе на Тя находенія не боимся злочестивыхъ варваръ, воспевающимъ Тя.

Таже, Господи, помилуй, трижды. Слава, и нынѣ:

Седа́лен, гла́с 4:

Де́во Пренепоро́чная Ма́ти Христа́ Бо́га, ору́жие про́йде Твою́ Пресвяту́ю ду́шу, егда́ распина́ема ви́дела еси́ волею́ Сы́на и Бо́га Твоего́: Е́гоже, Преблагослове́нная, моля́щи не преста́й, проще́ние прегреше́ний нам дарова́ти.

Песнь 7

Ирмо́с: Не послужи́ша тва́ри богому́дрии па́че Созда́вшего, но о́гненное преще́ние мужески попра́вше, радоваху́ся поюще́: препе́тый отце́в Госпо́дь и Бо́г благослове́н еси́.

И́зше́ яко́ скуде́ль страстьми́ вся крѣпость моя́, и се́ а́ду прибли́жихся, от у́з всепа́губных предва́ри, Ма́ти Бо́жия, и исхити́ от одержа́щих печа́лей руко́ю милости́ Твоея́.

Ра́стерза́еме утробе́ моей от зло́б многообра́зных, и е́же жи́ти ра́стерза́юся мно́жеством прегреше́ний и боле́зней моих: но изба́ви мя́ от обо́их, Пречи́стая, Жи́знь нам ро́ждшая.

Сла́ва: Ца́рства Христо́ва всеще́драго, Де́во Пречи́стая, отве́рсти ми́ яко́ Благая́ сподо́би, и боле́зней душе́тленных и нахо́ждений изба́вити, Твоими́ моли́твами, Благо́словенная.

И ны́не: Обо́щре́ны боле́зни ра́нам мо́им от безме́рных моих прегреше́ний, ве́дут в сме́рть душе́вную и теле́сную: но исхити́ мя, Влады́чице, яко́ сильна́, от вся́ких скорбе́й и недуго́в.

Песнь 8

Ирмо́с: О́троки благо́честивыя в пе́щи, Рожде́ство́ Богоро́дичо́ спасло́ е́сть: то́гда у́бо образу́емое, ны́не же де́йствуемое, вселе́нную всю́ воздвиза́ет пе́ти Тебе́: Господа́ по́йте дела́, и превозно́сите Е́го во вся́ ве́ки.

Ве́щь страсте́й терноно́сных стя́жах, и жа́лом сих пробо́даемь е́смь: те́мже отча́яхся, у́зами подавля́емь е́смь и напа́стьми, Пречи́стая Ма́ти Христа́ Бо́га: от ни́хже мя́ изба́вляю́щи, пода́ждь все́х прегреше́ний проще́ние Твоими́ моли́твами.

Све́щнице́ Све́та трисо́лнечнаго́ су́щи, заре́ю благоутро́бия Твоего́ тьму́ отими́ прегреше́ний моих, Богороди́тельнице́, изба́вление́ ну́ждных боле́зней пода́ющи, ве́рою пою́щему и превозно́сящему Пречи́стое Твое́ Рожде́ство.

Сла́ва: Ве́сь все́лся во чре́во Твое́, неизглаго́ланно воплоти́ся пресу́щный Бо́г, Присноде́во, миру́ заступни́цу Тя́, и о́бщую по́мощь соде́лав: те́мже молю́ Тя́, изба́витися лю́тых страсте́й моих, и у́з прегреше́ний.

И ны́не: В ча́с, Де́во, кончи́ны моея́, руки́ бесо́вския, и осужде́ния, и отве́та и стра́шнаго́ испытáния, и мытарств

гoрьких, и князя лютаго, и огня вѣчнаго исхити мя, Богомати.

Песнь 9

Ирмос: Всяк земнородный да възграется Духом просвещаем, да торжествует же безплотных Умов естество, почитающее священное торжество Богоматере, и да вопиет: радуйся, всеблаженная Богородице, Чистая Приснодево.

Род земный вознесся Рождеством Твоим, сыноположение взем Божественным совокуплением: и сликует Небесное множество со земными, поюще Тя достождно, Чистая, яко Матерь сущу Бога нашего, и миру всему прибежище.

Весь быв отнюд стягнув грехи моими, от безмерных ран и болезней, Твою помощь призываю, Владычице, и заступление, еже подаждь всех избавляющи мя лютых бед и скорбей.

Слава: Пение с песнею и хваление сплетения ныне от болезненной души приношаю с любовью, Тебе рождшей естеством Христа Бога, Егоже благопробытна приими, и прошения моя, Богородице, вся исполни, молитвами твоими соблюди.

И ныне: Просвети, Чистая Богородительнице, души моя очи, да не постигнет мене греховная тма тяжкая, ниже глубина покрывает мя отчаяния: но Сама мя спаси, и окорми, Предстательнице верных непостыдная.

Таже, Достойно есть: И поклон до земли. Трисвятое, и по Отче наш: тропари. И прочее обычно, и отпуст.

Среда

В среду утра

по 1-м стихословии, седальны крестны. Глас 4:

Искупи́л ны еси́ от клятвы́ зако́нныя честно́ю Твое́ю Кро́вию, на Кресте́ пригвозди́вся, и копи́ем прободы́ся, безсме́ртие источи́л еси́ челове́ком: Спа́се наш, сла́ва Тебе́.

Стих: Возноси́те Го́спода Бо́га нашего́, и покланя́йтесь подно́жию но́гу Его́, я́ко свято́ е́сть.

На Кресте́ Тя, Спа́се, пригвозди́ша иуде́и, и́мже от язы́к нас призва́л еси́, Христе́ Бо́же наш: прости́л еси́ длани́ на нём волею́ твое́ю, копи́ем же в ре́бра Твоя́ прия́л еси́ пробосты́ся мно́жеством щедро́т Твои́х, еди́не Человеколю́бче.

Сла́ва, и ны́не, Кресто́Богороди́чен: Безневе́стная Ма́ти Твоя́, Христе́, я́ко узре́ на Кресте́ Тя возвы́шаема, рыда́ющи ма́терски тако́вая веща́ше: что́ новое́, и странное́ сие́ чудо́, Сы́не Мой? Ка́ко беззако́нный со́нм ко Кресту́ Тя пригво́ждает все́х Жизнода́вца, Све́те Мой Сладча́йший?

По 2-м стихословии седален, глас 4:

Скоро́ предвари́, пре́жде да́же не поработи́мся враго́м хуля́щим Тя, и претя́щим нам, Христе́ Бо́же наш: погуби́ Крестом́ Твои́м борю́щя нас, да уразуме́ют, ка́ко мо́жет правосла́вныя ве́ра, моли́твами Богороди́цы, еди́не Человеколю́бче.

Стих: Бо́г же Ца́рь наш пре́жде ве́ка, соде́ла спасе́ние посреде́ земли́.

На Кресте́ пригво́ждься на лобнем волею́ свое́ю, мою́ дре́внюю я́зву грехо́вную исцели́л еси́, Влады́ко, мно́гия ра́ди благосты́ни: я́ко положи́лся еси́ хоте́нием, Человеколю́бче Спа́се наш, за ро́д челове́ческий, и от ре́бр Твои́х иска́пал еси́ кро́вь и во́ду, ве́рою пою́щим Тя.

Стих: Дивен́ Бо́г во святы́х Свои́х, Бо́г Израи́лев.

Си́лою крестно́ю подви́гшеся до́бре, сопоста́та врага́ низложи́сте кре́пко, терпе́нием ва́шим, святии́ страстоно́сцы: те́мже честно́я соверша́юще ве́рно па́мяти ва́ша, освяща́емся де́йством, и благода́тию ду́ха все́свята́го моли́твами ва́шими, священни́и Христо́вы ору́жницы, о ми́ре Спасу́ моли́тесь.

Сла́ва, и ны́не, Кресто́Богороди́чен: Де́ва и А́гница ви́девши на Кресте́, без се́мене из Нея́ А́гнца ро́ждшагося, и копи́ем прободена́, печа́ли уязвена́ стрела́ми вопия́ше, боле́зненно восклицáющи: что́ новое́ та́инство? Ка́ко умираеши́, И́же живота́ еди́н Госпо́дь? Те́мже воскресни́, па́дшаго совоздвизая пра́отца.

По 3-м стихословии седальны, глас 4:

В рай мя люте падшаго, човекоубийцы горьким советом, на краниевом месте паки воздвигл еси, Христе, древом уврачевав юже от Древа клятву, убивый лестию умертвившаго мя змия, и даровал ми еси Божественную жизнь. Слава Божественному распятию Твоему, Господи.

На Древе разумев Тя, повешена Солнца праведнаго Христе, солнце свет помрачи, тварь же подвизашеся, и мертвии яко от сна скоро из гробов востаху слове, Божественную песнословяще державу Славы Твоея.

Слава, и ныне, КрестоБогородичен: Дево Пренепорочная Мати Христа Бога, оружие пройде Твою пресвятую душу, егда распинаема видела еси волею, Сына Твоего и Бога: Егоже, Препоблагословенная, молящи не престаи, прощение прегрешений нам даровати.

Канон честному и животворящему Кресту, и святым мучеником. Творение Иосифово, [егоже краеграние сицево: Крест есть оружие во спасение.] Глас 4.

Песнь 1

Ирмос: Моря черную пучину невлажными стопами древний пешествовав Израиль, крестообразными Моисеевыми руками, Амаликову силу в пустыни победил есть.

Пропный небо, распростерл еси, Иисусе, длани Своя, языки далече сущия от Тебе, яко благ и милосерд, светло к Себе призывая.

Крестом Твоим, Христе мой Слове, огради мя, яко да не буду уловление волку, моя ищущу погибели, и по вся дни сети мне, и ловления готовящу.

Мученичен: Болезнями своими, мученицы, болезнем всем ходатая низложисте, и ныне наследовате неболезненную жизнь, и всяку болезнь облегчаете, блаженнии, всегда от душ и телес наших.

Мученичен: Нерешимыми узами, вы, святии, связасте многокозненнаго, за Христа вяжеми мудрии, связавшагося волею, и всякую прелесть разрушивша: темже достойно ублажаетеся

Богородичен: Дева по Рождестве пребыла еси, Бога бо родила еси, Пречистая, воздвижена на Кресте и земныя совоздвигшаго. Темже Тя вси вернии велегласно ублажаем.

Другий канон пресвятей Богородице, [егоже краеграние сицево: Богородице Дево мольбу приношаю]. Глас 4.

Песнь 1

Ирмос тойже.

Яко сущи чистейшая, Пречистая, всякия твари, еже нечистыми страстьми, люте оскверненное сердце мое, чистою молитвою Твоею, Богородительнице, очисти. **[Дважды.]**

Слѣз и въздыханий изба́ви мя, предлежа́щих ми́ в бу́дущем стра́шнем суде́, богоприя́тными моли́твами твоими́, Дево́ Ма́ти пречи́стая, я́же к зиждителю́ и Бо́гу на́шему.

Я́же еди́на па́че ума́, Рожде́ством Твои́м свободи́ла еси́ от кля́твы ро́д челове́ческий, плотскими́ страстьми́ порабо́щена мя, Пречи́стая, Твоими́ моли́твами свободи́.

Пѣснь 3

Ирмо́с: Весели́тся о Тебе́ Цѣрковь Твоя́, Христе́, зову́щи: Ты́ моя́ крѣпость, Го́споди, и прибе́жище и утвержде́ние.

Воздвиза́ем на Крест, низверже́ныя во тлю́ возне́сл еси́, Христе́ Бо́же наш, и врага́ свѣргл еси́, Влады́ко.

Мечи́ вра́жия притупи́шася, Тебе́ прободѣ́ну в рѣбра, Сло́во О́тчее ипостасное, и Еде́м отверзе́ся.

Му́ченичен: О́гненными́ река́ми прелѣ́стныя рѣки́ укроти́ша му́ченицы, и пла́мень угаси́ша многобо́жия.

Му́ченичен: Распина́еми, и ного́тьми́ стру́жеми Христо́вы му́ченицы, враго́в и зми́я мечѣ́м терпе́ния закла́сте.

Богоро́дичен: Непоро́чная А́гница, ви́дящи Тя́, Влады́ко, воздви́жена на Крестѣ́, плачевно́ рыдаю́щи, поя́ше держа́ву Твою́.

И́н Ирмо́с: Не му́дростию, и си́лою, и бога́тством хва́лимся, но Тобо́ю, О́тчею ипостасно́ю му́дростию, Христе́: не́сть бо свя́т, па́че Тебе́, Человеколю́бче.

Превы́шшую херувим́ молю́ Тя, Влады́чице, низпа́дший мо́й у́м напа́стыми змиевыми́, страсте́й телѣ́сных пока́жи вы́шший. **[Два́жды.]**

Во испытáнии стра́шнем, егда́ хо́щет мя Го́сподь осуди́ти многосогреши́вшего, да обря́щу Тя́, Всенепоро́чная, избавля́ющую мя осужде́ния.

Щедро́тами Твои́ми немилосѣ́рдныя моя́ нра́вы преложи́, ми́лостию Твое́ю, Христе́, и немилостива́ мя су́ща спаси́, моли́твами ро́ждшия Тя́.

Пѣснь 4

Ирмо́с: Вознесе́на Тя́ ви́девши Цѣрковь на Крестѣ́, Со́лнце Пра́ведное, ста́ в чи́не своѣ́м, досто́йно взыва́ющи: сла́ва си́ле Твое́й, Го́споди.

Воздви́жена Тя́ на Дре́во хотѣ́нием со́лнца сла́вы, смотря́я со́лнце тьмо́ю облече́ся, и ка́мение распа́дашеся, и церковная́ завеса́ раздрáся.

Распина́ему Тебе́, Спасе́, и копи́ем пробода́ему, обра́щающее́ся ору́жие дая́ше плещы́, повеле́нием Твои́м, Го́споди, разбо́йнику благона́вному, песносло́влящу держа́ву Твою́.

Му́ченичен: Огражда́еми ору́жием Креста́ Твоего́ страсотѣ́рпцы Тво́й, Го́споди, не уязвлени́ яви́шася стрело́ю злобы́, и стѣны́ разори́ша

идолобесия неутверждёныя.

Мученичен: Якоже свящѣнія непорочная, и жѣртвы, и приношенія всеожжѣнія цѣлы, за милосѣрдие обнищавшему, Господеви, мученицы приведѣстеся, болѣзнемъ воздаянія приѣмлюще.

Богородичен: Яже безлетнаго в лето породѣши, и дѣвство непорочно Еди́на стяжавши, на Дре́во воздви́жена яко видѣвши Господа, болѣзными ду́шу Свою́ разделяше.

Ин Ирмосъ тойже.

Свящѣнія су́щи Божѣственный до́м, источившагося на благодея́нія своего́ создани́я, Пречистая, ду́шу мою́ освяти, и помышлѣния просвети. [Два́жды.]

Ве́емъ вѣтромъ злобы́ помышлѣние моѣ, и лѣностию́ все́ погружа́емо, молитвами Твоими́ утверди́, Владычице, и от нападе́ния исхити́.

Пала́ту Царе́ву Небесную́ одушевлѣнную, ны́не молю́ Тя, Де́во: до́м Святы́я Трои́цы, молитвами Твоими́ покажи́ мя, верте́п разбойникомъ пребыва́ющаго.

Пѣснь 5

Ирмосъ: Ты́, Госпо́ди мой, Свѣ́тъ в ми́ръ пришѣ́лъ еси́, Свѣ́тъ святы́й, обраща́я из мрачна́ неведѣ́ния, ве́рою воспева́ющыя Тя́.

Прободѣ́ным Твои́м ре́бромъ, нетлѣ́ния источа́еши мнѣ́ струи́ Божѣственны́я, о Влады́ко, ребра́ преступлѣ́нием, в тлѣ́ние попѣлзшемуся́.

Честны́й Крѣ́ст Твои́й, на враги́ е́сть побѣ́да: его́же далъ еси́ намъ, Сло́ве, ду́шамъ во спасѣ́ние, ве́рою воспева́ющымъ Тя́.

Мученичен: Со о́гненными́ служите́льми ме́ртвии ны́не совокупи́шася, о́гнь веще́ственный проше́дше вели́кихъ му́къ, яко́ мученицы́ пресветли́и.

Мученичен: Руши́ме плѣ́ти мно́гими страда́ньми, неразруше́нна к зиждѣ́телю душе́вная утвержда́шеся мучениковъ́ любѣ́вь.

Богородичен: Иже́ еди́н благи́й, вше́дый во чре́во Твоѣ́ нетлѣ́нное, Пречистая́, воплоща́емъ явися́ и распя́т: яко́ да от истлѣ́ния насъ́ изба́вит.

Ин Ирмосъ: Нечестивии́ не узря́тъ сла́вы Твоея́, Христе́, но мы́ Тя́ Единоро́дне, Оте́ческаго́ сла́вы сия́ние Божества́, от но́щи утреню́юще, воспева́емъ Тя́, Человеколю́бче.

А́гница, ро́ждшая а́гнца́ Бо́жия, ду́шу мою́́ възвѣ́щи прельще́нную наветомъ́ змиинымъ, и на гора́хъ, Владычице́, заблужда́емую́ преступлѣ́нием.

Тѣ́плою мо́литвою Твое́ю, мразомъ́ лю́тымъ померза́емую́ ду́шу мою́, к теплотѣ́ зиждѣ́теля́ Божѣственны́я любѣ́ве, благочѣ́стно сподви́гни, Богороди́це Присноде́во.

Яже́ добра́я и непорочная́ в жена́хъ, Чи́стая, ока́янную́ мою́́ ду́шу

страстнаго порока ныне свободи, и чисте пожити ми, молитвами Твоими устрой.

Душу мою сохрани, яко зеницу ока, под кровом крилу Твоею благая, Пречистая, и от духов лукавствия, томления и мучения избави мя.

Песнь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися, ради милости от ребр Твоих истекшею Кровию.

Всякия выше чести пребольший сый, обезчеститися претерпел еси, яко да мя зле обезчестившагося почтиши, и Крестом спасеши, Человеколюбче.

На древо возносим и мертв убо был еси, Господи, умертвителя же сотворив мертва души моя, и всякаго исполнена студа: и ныне, Творче мой, пою Твою силу.

Мученичен: Уязвен бысть уязвимый вас вселукавый, неисцельными муками, и ногами вашими, мученицы, низложися, и зрим есть от всех наругаем.

Мученичен: Исцеления источает мученических мощей прах лежащий во гробе, и якоже прах бесы разрушает, и различныя исцеляет человеков болезни.

Богородичен: Гвоздьми Тя законопреступных собор пригвозди на Кресте, и печали ныне оружием Моё сердце растерзаю, о Сыне Мой! Дева вопияше слезящи.

Ин Ирмос тойже.

Смерти потребитель бысть Рождество Твое, Дево, умирающим же живот и избавление. Сего ради молю Тя: душу мою умерщвленную воскреси.

Прости мне помощи руку, Человеколюбче, в пучине житейстей обуреваему, мольбами Матере Твоея, и вышних неизчетных сил.

Село еже Божественный возраставшее клас, ослабленную душу мою, и голодом Божественных деяний истаемую не презри, но напитай Сына Твоего Божественною благодатию.

Успи страстная двизания телесе и възграна моя плотская ум повини якоже жребя, успивши Чистая, сном Твоих молитв.

Песнь 7

Ирмос: В пещи Авраамстии отроцы персидстей, любовию благочестия паче, нежели пламенем опаляеми, взываху: благословен еси в храме славы Твоея, Господи.

Распятся хотяи на древе наг, Едине Безсмертный, облачаяи небо

облаки, и иже дрѣвле праотца обнажившаго, облѣкл еси вѣчный.

На Крестъ вознѣлся еси, и падый Адамъ возсталъ естъ: копиемъ прободѣнъ былъ еси въ ребра Владыко, и язву смертную пріятъ многокозненный, благословѣна держава Твоя, Господи.

Мученичен: Краснѣйше краснѣйшему Слову соединяеми, всехвальнии страдальцы, и мира отнюдъ отлучистесе, вяжеми и сокрушаеми, и врагу присно запинаяще.

Мученичен: Стѣны прѣлести утверждѣния низложисте Божественными страданьи войстинну славнии страдальцы, и вернымъ стена явистесе, и хранилища, васъ благочестно блажащымъ.

Богородичен: Въ печи росу явльшаго Христа Бога, Отроковице, никакоже опальша чрево Твое, видящи повѣшена на Дрѣве, славляше еже паче ума Твоего сошествие.

Иън Ирмосъ тойже.

Божественная горю Отроковице, от неяже камень отсечесе, сокрушивый столпы идольския, души моя истуканная, и сердца моего окамененное отжени недоумѣние.

Не поколебася Отроковице, якоже приѣмшая во утробѣ Твоей, презрѣниемъ колеблющаго зѣмлю, и яже на ней, егда хощетъ: темже утверди мя, прилоги вражиими колеблемаго.

Низлагающи ми плотская мудрования, всего мя, Богородице, покажи духовна добродетельми украшена, егоже вселукавый сластьми некрасотою помрачи.

Божественный окрине милосердія и благодости источи ми обильно богатство Твоихъ щедротъ, скверну прегрешений моихъ омывающи, и плотское угаси разжжение.

Пѣснь 8

Ирмосъ: Руце распростеръ Даниилъ, львовъ зиянія въ ровѣ затче: огненную же силу угасиша, добродетелию препоясашесе, благочестія рачители отроцы, взываше: благословите вся дела Господня Господа.

Простеръ длани на Крестѣ Владыко, руки неудержанныя хотя исцелити прегрешения: гвоздьми же пригвоздился еси, Господи, весь разумъ первозданнаго отѣмля страстный, поюща: благословите вся дела Господня Господа.

Раздирается рукописаніе первозданнаго Адама, прободѣниемъ Божественныхъ ребръ Твоихъ: каплями же крове, Владыко, освящается вся земля, во гласехъ благодаренія присно зовущи: благословите вся дела Господня Господа.

Мученичен: Стояху посреде огня, якоже орошаеми, и неопалѣеми

всесла́внии му́ченицы, и о́троческую воспева́юще в согла́сии та́йнем, вои́стинну Божество́нную пе́снь: благослови́те вся́ дела́ Госпо́дня Го́спода.

Му́ченичен: Непостоя́нный терпя́ще о́гнь произво́лением, тьмо́ю му́к не приложи́тесь к суете́ му́ченицы, но о́ Бо́же укрепля́еми, притеко́сте к свету́ незаходи́мому, вопи́юще: благослови́те вся́ дела́ Госпо́дня Го́спода.

Богоро́дичен: Умерщвля́ема зря́щи Христа́, многопе́тая Влады́чица, и умертви́вшего челове́ки умерщвля́юща врага́, я́ко Влады́ку поя́ще плачу́щи, и долготерпе́нию Его́ дивя́щися вопи́аше: благослови́те вся́ дела́ Госпо́дня Го́спода.

И́н Ирмо́с то́йже.

Зре́л пло́д роди́ла еси́, Влады́чице, от Не́гоже сме́рть я́дши поги́бе. Те́мже зову́ Ти, пло́дом греха́ умерщвле́наго мя льсти́вно, оживи́ пою́ща: благослови́те вся́ дела́ Госпо́дня Го́спода.

Успи́ движе́ние стра́стное мы́сли моея́, неусы́пную Твое́ю моли́твою, Пре́чистая Влады́чице, и возста́ви мя́ от сна́ ле́ностаго пе́ти в бо́дрости души́: благослови́те вся́ дела́ Госпо́дня Го́спода.

Расто́ргни прегреше́ний моих́ плени́цу, и теле́сныя воста́ния утиши́, Богоро́дице: лука́вая же посе́цы умы́шления, и очисти́ от та́йных помышле́ний ско́ро раба́ Твоего́, все́х ве́рных Предста́тельнице и изба́вление.

Не бои́шися ли, окая́нная душе́, та́мо клеветни́к клевету́щих Твоя́ злая́ дея́ния безчи́сленная? Сего́ ради́ пока́йся ко Преблагóму, и спосо́бницу еди́ну Пре́чистую приими́: Та́ бо е́сть челове́ком прибе́жище.

Пе́снь 9

Ирмо́с: Ка́мень неруко́сечный от несеко́мья горы́ Тебе́, Де́во, краеуго́льный отсече́ся, Христо́с, совокупи́вый разстоя́щая естества́. Те́м веселя́щися Тя́, Богоро́дице, велича́ем.

Се́ жизнь пове́шена на Кресте́ все́м яви́ся: со́лнце же того́ не терпя́щи лучы́ оставя́ет, и земля́ коле́блется, и помышле́ния утвержда́ются на благо́честии и чистоте́.

О́ како́ Тя́, Законода́вца, беззаконный собо́р осужда́ет, Иису́се мой, на Дре́ве умре́ти, Живота́ все́х су́ща и Го́спода, и ради́ страсте́й все́м челове́ком источа́юща безсме́ртие?

Му́ченичен: Усты́ ва́шими богосло́вными пропове́дасте всему́дренно́ воплоще́ние сло́ва Бо́жия, посреде́ законопреступных́ враѓ всехва́льнии: и свяще́нно пострада́вшие, побе́ды венцы́ венча́стесь.

Му́ченичен: Я́ко светлоднёвны́я зве́зды, всю́ тва́рь озаря́ете страда́ний свяще́нных блиста́ньми, и исцеле́ний Божество́нными светлосты́ми, и страсте́й разоря́ете но́щь глубо́кую, Божество́ннии

мученицы.

Богородичен: Просвети, Чистая, душу мою от грехов омраченую, и отжени зол моих облаки, света облаче, яже помрачившееся солнце древле видевши внегда распятися Безсмертному.

Ин Ирмос тойже.

Расторгни союз зол моих Божественным копием сына Твоего, и разреши окаянную мою душу, окованную и бедствующую, и к любви привяжи, Дево Мати Бога нашего.

Яже небес ширшая Дево, утесненное мое сердце всяким прилогом сопротивным, в широте безстрастия возведи тесною стезею ходити мя укрепляющи всегда.

Да Тя славлю, Дево, воистинну препрославленную, всякаго безсловесия греховнаго избави мя, и славы небесныя причастника сотвори прибегающаго к милости Твоей.

Устави советы вся, яже на ны вооруженных, Мати Бога вышняго, радости же исполни уповающих на Тя да усердно вси Твое проповемя заступление.

Таже, Достойно есть: И поклон до земли: ектения, и светилен, и псалмы обычные.

На стиховне стихиры крестны, глас 4. Самогласен:

Стена буди нам Крест Твой, Иисусе Спасе наш: иного бо упования вернии же имамы, точно Тебе на нем плотию пригвождшагося, и подающа нам велию милость.

Стих: Исполнихомся завтра милости Твоея, Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая. И призри на рабы Твоя, и на дела Твоя, и настави сыны их.

Дал еси знамение боящимся Тебе, Господи, Крест Твой честный, имже посрамил еси начала тьмы и власти, и возвел еси нас на первое блаженство. Темже Твое Человеколюбное смотрение славим, Иисусе всеильне, спасе душ наших.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Како вашим не удивимся подвигом, святии мученицы, яко телом умирающим обложени, безплотныя враги победисте? Не утрашиша вас мучительская прещения, не ужасиша вас мук приложения: воистинну достойно от Христа прославистесь, и душам нашим просите велия милости.

Слава, и ныне, КрестоБогородичен:

Подобен: Яко добля:

Умерщвляема видящи Христа, Пречистая Владычица, умерщвляющая льстиваго, восклицаше горце зываючи, из утробы Тоя произшедшему, и долготерпению Его чудящися зываше: Чадо Моё Любезнейшее, не забуди рабу Твою, не закосни, Человеколюбче, моё утешение.

Таже, Благо есть исповедатися Господеви: Трисвятое. **По** Отче наш: тропарь, ектения, и час 1-й, псалмы обычны, и отпуст.

В среду блаженны, глас 4:

Дре́вом Ада́м ра́я бы́сть изсе́лен: Дре́вом же крѣ́стным разбо́йник в ра́й всели́ся. Ов у́бо вку́ш, за́поведь отве́рже сотво́ршаго: о́в же сраспина́ем, Бо́га испове́да тая́щагося, помяни мя, вопия, во Ца́рствии Твое́м.

Стих: Блаже́ни изгна́ни правды́ ради, я́ко те́х е́сть Ца́рство Небе́сное.

Пригвозди́лся еси́ на Кресте́, мно́гия ра́ди, Христе́, бла́гости, прободѣ́н бы́л еси́ в ре́бра, два́ исто́чника исто́чивый оста́вления: земля́ же не терпя́щи зрети́ дерзнове́ния трыса́шеся, ка́мение распада́шеся, угаса́ше солнце, колеба́хуся горы́ и хо́лми, стра́хом держа́вы Твое́я.

Стих: Блаже́ни есте́, егда́ поно́сят вам, и изжену́т, и реку́т вся́к зо́л глаго́л, на вы́ лжу́ще Мене́ ра́ди.

Просте́ртыя дре́вле неудо́ержанно́ к Дре́ву разу́мения пра́отчи ру́ки, исправля́я Христе́ поползнение́, распро́стерлся еси́ волею́, и Твой пригвозди́л еси́ ру́це, Долготерпели́ве, созда́вший чове́ка руко́ю, за безме́рную благо́стыню. Сла́ва паче́ ума́ сло́ве, благоутро́бию Твое́му.

Стих: Ра́дуйте́ся и веселите́ся, я́ко мзда́ ваша́ мно́га на небе́сех.

Онебесивше́ зе́млю́ святы́и пресве́тлыми́ сия́нии по́двигов че́стных, ими́же тьму́ всю́ разори́сте су́етства, и к све́ту незаходи́мому всели́стеся прича́стием обожа́еми, и все́м озаря́ете све́т разу́мения, вас по до́лгу ублажа́ющим.

Слава: Похвалу́ и сла́ву и че́сть, всеви́новней Тро́ице пода́ем, и трисвяты́ми гла́сы а́нгельскую́ пе́снь принося́ще Отцу́ Безнача́льну, и Сы́ну, и Ду́ху, взыва́ем разбо́йника́ благо́разу́мнаго глас, воспева́юще и вопи́юще: помяни́ нас во Ца́рствии Твое́м.

И ны́не: Воздви́жена на Кресте́ волею́ ви́дящи, Пречи́стая, Сы́на Своего́ и Бо́га, дивя́щися плачу́щи глаго́лаше, вся́ческая удо́брившему: гдѣ за́йде добро́та Твоя́, Го́споди? Что́ сия́ неблагода́рный Тебе́ возда́де собо́р, вме́сто благи́х? Пою́ паче́ ума́ Твою́ благо́стыню.

В среду вечера

на Господи, возвах, **стихиры подобны, апостолом. Глас 4**

Подобен: Яко добля:

Стих: Аще беззакония назириши, Господи, Господи, кто постоит? Яко у тебе очищение есть.

Крепчайшим мудрованием воинствовавшие славнии, на лукаваго врага ополчитесь, всеоружием ограждшесь духовным доблественне: и всю крепость бесовскую погубивше, восхитивше души человеческия якоже корысти: сего ради во веки вас почитаем, апостоли.

Стих: Имене ради твоего потерпех Тя, Господи, потерпе душа моя в слово Твое, упова душа моя на Господа.

Крестообразно распростерши мрежу веры, двенадцатица Божественных апостол Твоих, вся языки уловила есть к Твоему познанию, Христе: и море сланое страстей изсуши. Сего ради Тя молю, из глубины прегрешений воззови мя, тех всеблагоприятными мольбами.

Стих: От стражи утренния до нощи, от стражи утренния да уповает Израиль на Господа.

Двенадцатица Богоизбранная, апостольская и всечестная, да восхвалится днесь Божественными песньми: Пётр, и Павел, Иаков, Лука, Иоанн же и Матфей, и Фома, Марк, Симон, и Филипп, и преславный ныне Андрей с Матфием, и Божественным и премудрым Варфоломеем, и с прочими седмидесятью.

Ины стихиры святому и великому чудотворцу Николаю:

Стих: Яко у Господа милость, и многое у него избавление, и той избавит Израиля от всех беззаконий его.

Миром Божественным тя помаза Божественная благодать духовная, миряном первопрестольна, и миром облагоухавша, добродетельми священнейшими мира концы, сладкодъшущими твоими молитвами, злосрадные прогоняющая страсти всегда. Сего ради тя верно славим, и память твою всесвятую совершаем, Николае.

Стих: Хвалите Господа вси языцы, похвалите Его вси людие.

Яко осиятеля тя незаходимаго, и яко светильника всемирна, на тверди возсиявша церковней, Николае, и мир просветивша, и бед лютых мглу отгоняющая, и отемлюща печалей зиму, и тишину соделавшаго глубокою, по долгу ублажаем.

Стих: Яко утвердися милость Его на нас, и истина Господня пребывает во век.

И сый и являйся в сонних, Николае, иже неправедно имущья умрети спасл еси, яко сострадатель, яко благолюбивый, яко избавитель теплейший, яко предстатель истинный верных, и просящих твоего заступления, священнейший отче, ангелом согражданине, преподобным и пророком равностоятелю.

Слава, и ныне, Богородичен: Яже Бога Невместимаго, во чреве Твоем вместившая, человеколюба человека бывша: и наше смешение из Тебе приемша и обоживша яве, не презри мене, Всечистая, ныне скорбяща: но ущедрь скоро, и различныя вражды же и вреда лукаваго свободи.

Таже, Свете тихий: Прокимен дне, и прочее.

На стиховне стихиры, глас 4:

Апостольский лик Духом Святым просветил еси, Христе, и нашу скверну греховную теми омой, Боже, и помилуй нас.

Стих: К тебе возведох очи мои, живущему на Небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Некнижныя ученики Дух Твой Святой казатели яви, Христе Боже, и многовещанным сличием языков прелесть упраздни, яко Всесилен.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Жертвы одушевленные, всесожжения словесная, мученицы Господни, закления совершенная Божия, Бога знающая, и Богом знаемая овчата, ихже ограда волком невходна: молитесь и нам упасеным быти с вами, на воде упокоения.

Слава, и ныне, Богородичен: Избави ны от нужд наших, Мати Христа Бога, рождающая всех Творца, да вси зовем ти: радуйся, едино предстательство душ наших.

Таже: Ныне отпускаеши: Трисвятое. По Отче наш: тропарь, ектения, и отпуст.

В сре́ду на повече́рии

Кано́н Пресвяте́й Богоро́дице. Гла́с 4.

Пе́снь 1

Ирмо́с: Мо́ря чермну́ю пучи́ну невла́жными стопа́ми дре́вний пешешествовав Израиль, крестообразныма Моисе́овыма рука́ма, Амаликову си́лу в пустыни победи́л е́сть.

Войсти́нну и вресноту́ родила́ еси́ Бо́га и Го́спода, и Богоро́дица Еди́на войсти́нну и вресноту́ нарекла́ся еси́ Чи́стая. Те́мже Тя ве́рно воспева́ем, и по долгу́ славим.

Звезда́ Я́же от Иа́кова, возсия́ из Тебе́, Пречи́стая, изчита́й мно́жество зве́зд, я́ко Бо́г. Те́мже Того́ сия́ньми отими́ моих грехо́в тьму́.

Сла́ва: Неве́стник словесе́н ве́м Тя я́ве Бо́жия воплоще́ния, Чи́стая и Всенепоро́чная: молю́ Тя изба́вити мя страсте́й плотских и скорбе́й, и искуше́ний, и обстоя́ний.

И ны́не: Я́ко Лестви́ца, Я́же к на́м пришест́вия Вседержи́телева, Е́юже Бо́г сниде́ на зе́млю, от земленых страсте́й плотских к Небеси́ вознеси́ мя, и к Бо́гу приведи́.

Пе́снь 3

Ирмо́с: Не му́дростию и си́лою и бога́тством хвали́мся, но Тобо́ю, О́тчею ипостасно́ю му́дростию, Христе́: несть бо Свят, па́че Тебе́, Человеколю́бче.

Теку́щий исто́чник, скорбя́щих утеше́ние еси́: те́мже, Влады́чице, и мне́ моли́твенных Твоих во́д исто́чник источи́, и угаси́ страсте́й пещь.

Уязвена́ мя по́мыслы безме́стными исцели́, Чи́стая, Я́же естества́ нашего́ исцели́вшая язву́ лю́тую, ро́ждши Зижди́теля и Го́спода.

Сла́ва: В пучи́не мно́гих моих прегреше́ний, и страсте́й и искуше́ний обурева́ема, к тихому́ зело́ пристани́щу, Всенепоро́чная, устреми́ Твоим заступле́нием.

И ны́не: И́же я́ко на руно́ дожде́м Боже́ственным, во утробу́ Твою́ соше́дшим, опламене́нное огне́м страсте́й моё се́рдце ороси́ Твоими мо́льбами.

Пе́снь 4

Ирмо́с: Вознесе́на Тя ви́девши Це́рковь на Кресте́, Со́лнце пра́ведное, ста́ в чине́ своём, досто́йно взыва́ющи: сла́ва си́ле Твое́й, Го́споди.

От мир Сы́на Твоего́ теку́щих, благоуха́нием жи́зни все́х, миро́ безстра́стия источи́ души́ мое́й, Чи́стая, и ве́сь ка́л стра́сти ея́ потреби́.

Осквернённаго мя калом греха, моли́тв Твои́х окропи́ иссо́пом, и омы́й, и скве́рну страсте́й мои́х очисти́, Влады́чице, и яви́ Христу́ жили́ще.

Сла́ва: Напи́сану Тя́ кни́гу пер́стом Божество́нным, запеча́тану, Пречи́стая, молю́, персты́ Твои́х моли́тв напиши́ мне́ прегреше́ний оставле́ние, и напа́стей изба́ви.

И ны́не: И́же от ко́нєц го́р святы́х все́х, хра́м Бо́гу бы́вши я́коже пре́жде проро́к рече́: Христу́ чист покажи́ мя хра́м, Влады́чице, Твои́ми заступле́нми.

Песнь 5

Ирмо́с: Ты́, Го́споди мой, свѣ́т в ми́р пришѣ́л еси́, Свѣ́т святы́й, обраща́й из мра́чна неведе́ния, ве́рою воспева́ющыя Тя́.

Тя́ ро́су Аермо́нску, на Сио́н соше́дшую, ве́дый, Богороди́тельнице, молю́ угаси́ти плоти́ моея́ запале́ние.

Ра́й жи́зни су́щи, Богороди́це, сме́рти грехо́вныя и страсте́й многообра́зных изба́ви мя вско́ре.

Сла́ва: Алава́стр мы́сленный, Чи́стая, Ты́ еси́, Ми́ра излия́вшагося на зе́млю с Небесе́: мене́ ны́не благоуха́ния испо́лни.

И ны́не: Прекло́ншагося ко тле́нию обнови́ла еси́ челове́ка: изведи́ у́бо и мене́ ны́не, Богоневѣ́сто, из глубли́ны прегреше́ний и страсте́й.

Песнь 6.

Ирмо́с: Пожру́ Ти со гла́сом хвалѣ́ния, Го́споди, Це́рковь вопиѣ́т Ти́, от бесо́вския кро́ве очи́щися, ра́ди ми́лости от ре́бр Твои́х истекшею кро́вию.

Пала́та прекра́сна, сла́вная Влады́чице, Царя́ Сла́вы бы́вши, просла́вила еси́ челове́ки: те́мже сла́вы нетле́нныя и мене́ сподо́би.

Ути́шила еси́ тлю́ поро́чную естества́ чи́стым нетле́нием, но изсуши́, Пречи́стая, страсте́й мои́х потоки́, и плотскія́ му́дрости ре́ки.

Сла́ва: Успи́ страстна́я движе́ния телесе́, и взыгра́ния моя́ плотска́я уму́ повини́ яко жребя́, успивши́, Чи́стая, сно́м Твои́х моли́тв.

И ны́не: Пою́ Тя, Бо́га Препѣ́таго ро́ждшую, и молю́ Тя, Отрокови́це: стра́шныя мя́ при́ и ве́чнаго, Богороди́це, осужде́ния изба́ви и спаси́ мя.

Та́же: Го́споди, помилуй, **трижды. Сла́ва, и ны́не:**

Седа́лен, глас 4:

Предста́тельница не́ра́тная, Богороди́тельнице, и моли́твеннице́ гото́вая притека́ющым к Тебе́, от бе́д мя́ изба́ви: да не презри́ши мене́, все́х Засту́пнице.

Песнь 7

Ирмо́с: В пе́щи Авра́амстии о́троцы перси́дстей, любо́вию благоче́стия

паче, нежели пламенем опаляеми, взываху: благословен еси в храме славы Твоея, Господи.

Яко огненосна и Богоприемна сущи купина Чистая, попали помышлений терние лукавых, души моя озари мысль, и страстей бездну изсуши.

Величество от века, и Божественную славу, Ты Единая яже обрела еси на земли, Небо явльшиися второе: Ты убо упраздни велеречивыя враги моя бесы.

Слава: Божественный окрине милосердия и благодати, источи ми обильно богатство Твоих щедрот, и скверну прегрешений моих омывающи, плотское угаси разжжение.

И ныне: Данное ми от Бога богатство духовное прежде, жив блудно всегда, сладостми изждих телесными: но яко блуднаго, Твоими молитвами, Дево, оправди.

Песнь 8

Ирмос: Руце распростер Даниил, львов зияния в рове затче: огненную же силу угасиша, добродетелию препоясавшися, благочестия рачители отроцы, взывающе: благословите вся дела Господня Господа.

Расторгни прегрешений моих пленницу, и телесная стремления утиши, лукавствия же умышлений посецы, и очисти от тайных помышлений скоро раба Твоего, Богородице, всех Предстательнице верных и заступление.

Гора Божия явлена, и несекома, и тучна, Пречистая, часта и осененная, покрый мя сению Твоих молитв, и от сети ловец избави, и сохрани от стрел бесовских, и скверных помышлений.

Слава: Страх Божественный прияти ми, Владычице, и дух умиления во утробе моей, и родити житие добродетельно, и страшна лукавым бесом, Пречистая, сотвори, и Божественныя славы ангельских лик собеседника.

И ныне: Отверзи ми двери жизненные вскоре, врата упования моего, и настави, Пречистая, к жизни некончаемой, и Царствия Небеснаго покажи мя раба Твоего наследника, и Божественныя славы святых сопричастника.

Песнь 9

Ирмос: Ева убо недугом преслушания клятву вселила есть, Ты же, Дево Богородице, прозябением чревоношения миру благословение процвела еси: тем Тя вси величаем.

Воззри молитвами Твоими, Чистая, на раба Твоего, и вскоре предвари, и оскорбляющих и озлобляющих враг невидимых избави мя: спаси от бед и скорбей, и многообразных обстояний.

Всего мя язвами греховными суца уязвлена и осуждена, исцели, Дево, и избави лукавых помышлений, Яже Слово Всесильное рождающая,

Благо́го же и Чело́веколю́бца.

Сла́ва: Па́дшаго ра́ди пре́жде Ада́ма в сме́рть, сме́рти причасти́ся, И́же живо́том и сме́ртию облада́я Тво́й Сын, Преблага́я: те́мже мя страсте́й и паде́ния Тво́ими мо́льбами воздвигни.

И ны́не: Спаси́, Богоро́дице, к Тебе́ прибега́ющих, от бе́д и паде́жа, греха́ и бу́ри, и теле́сных страсте́й, и волне́ния, и жития́ ну́жных печа́лей, и зло́бы лука́вствия.

Та́же, Досто́йно е́сть: И поклóн до земли́. Трисвято́е **По** О́тче на́ш: тропари́, и прóчее обы́чное, и отпу́ст.

Четверг

В четверток утра

по 1-м стихословии седальны апостольския, глас 4:

Апостолов первопрестольницы, и вселенныя учителяе, Владыку всех молитве, мир вселенней даровати, и душам нашим велию милость.

Стих: Во всю землю изыде вещание их, и в концы вселенныя глаголы их.

Светила в концех ученики Твоя, Христе, явил еси, сияющыя душам сущым во тьме, разум Твой, Владыко: и леств идольскую тех ради омрачив, учеными благочестия просветил еси мир. Тех мольбами спаси души наша.

Слава, и ныне, Богородичен: Скоро прими, Владычице, молитвы наша, и сия принеси Сыну Твоему и Богу, Госпоже Всепречистая: разруши обстояния, к Тебе притекающих: разсыпи приседания и дерзости, Дево, ныне вооружающихся на рабы Твоя.

По 2-м стихословии седальны апостольския, глас 4:

Подобен: Скоро предвари:

Во всю землю протече вещание ваше, и прелестную обьюроди мудрость немудрую, апостоли славнии, привлече человеки из глубины прелести, показа же всем спасения стезю, темже ныне достойно вас ублажаем.

Стих: Небеса поведают славу Божию, творение же руку Его возвещает твердь.

Веры проповедники ученики Твоя, Спасе, миру показал еси, наставляя теми языки к разуму Твоему: зарями бо слова просветиша вся, тьму неразумия прогнавше верою. Тех молитвами спаси души наша.

Стих: Дивен Бог во святых Своих, Бог Израилев.

Мученичен: Мученицы Твой, Господи, во страданиях своих венцы прияша нетленныя от Тебе Бога нашего: имуще бо крепость Твою, мучителей низложиша, сокрушиша и демонов немощныя дерзости. Тех молитвами спаси души наша.

Слава, и ныне, Богородичен: Услыши, Владычице, от болезненныя души вопиющаго раба Твоего, и многих моих зол подаждь ми оставление, Тебе бо имам предстательницу в день и ночь: избави, Богородице, от огня геенскаго, и постави мя одесную Сына Твоего и Бога.

По 3-м стихословии седальны, глас 4:

Подобен: Скоро предвари:

Лучы яко солнце правды, вас Христос испусти, просветити всю землю апостоли славнии: Божественными вашими молитвами, озаряете

Божественным светом не вечерним всех, и просвещаете верою совершающих святую вашу память.

Скоро предвари, отче Николае, и спаси рабы твоя от находящих нам бед и скорбей, имаши бо к Создателю и Богу дерзновение. Прииди убо вскоре ко верою тя призывающим, твое ныне предстательство и покров даруя.

Слава, и ныне, Богородичен: Яко всех еси творений вышшая, воспевати Тя достойно недоумевающе, Богородице, туне, молим Тя, помилуй нас.

Канон святым славным и всехвальным апостолом. Творение кир Феофана. Глас 4.

Песнь 1

Ирмос: Моря черную пучину невлажными стопами древний пешествовав Израиль, крестообразными Моисеевыми руками, Амаликову силу в пустыни победил ест.

Божественнии Утешителя органы, возглашающи Сего Божественными всегда дохновенными, воспеша песнь нам, яко воистинну спасительную, благославнии Христовы апостоли. **[Дважды.]**

На одре лениости слежя, и в смерти греховней недугом душевным люте истаем, посещения мя, славнии Христовы самовидцы, сподобите.

Иже словом безсловесие разрешивше языков апостоли, от безсловесных деяний люте омраченное сердце мое, Утешителя благодатию, просветите, апостоли.

Богородичен: Дева по рождестве нетленна пребыла еси, нас ради явльшагося на земли, паче слова рождшая: Егоже прилежно моли просветити души наша.

Другий канон святому Николаю, [егоже краестрочие: Четвертое сие на Николаа плескание. Творение Иосифово.] Глас тойже.

Песнь 1

Ирмос: Триста ты крепкия, Рождейся от Девы, безстрастия во глубине, души тричастное потопи, молюся: да Тебе яко в тимпане, во умерщвлении телесе, победное воспою пение.

Безпечальную жизнь наследовав блаженне, и радости духовныя исполняемь присно, всяку печаль отжени, молюся, от души моя: яко да радуясь славлю тя, священнейший отче Николае.

Поставлен был еси добродетелей высоких на свещнице, якоже светильник просвещаети сердца верных, святителю Николае. Темже верою молю тя: светоносными молитвами твоими, души моя тму отжени.

Житія тлѣннаго нынѣ пучиною, ѡтче, искушеній различныхъ наполняемъ, премудре, къ тебѣ прибѣгая вопию: да обрящу тя кормчія, въ тишину прелагающа бурю, Божественными молитвами твоими.

Богородичен: Неусыпающую, Чистая, имущи молитву, успи наша страсти душевныя, священными ходатайствы Твоими, Божественную и спасительную дающи бодрость, къ Божиимъ хотѣній исполненію.

Пѣснь 3

Ирмосъ: Веселится о Тебѣ Церковь Твоя, Христѣ, зовущи: Ты моя крѣпость, Господи, и прибѣжище и утверждение.

Градъ Твой, Боже, словесныхъ рекъ Твоихъ теченія ученик, Владыко, священно возвеселяютъ. [Дважды.]

Граждане небеснии, сослужбницы мысленнымъ чиномъ, всеславнии апостоли, всякія насъ скорби избавите.

Утвердивый Христѣ словесная Твоя небеса: утверди мя тѣхъ молитвами, на камени Твоихъ хотѣній, яко благоутробенъ.

Богородичен: Яко Мати Тя молитъ съ ликомъ ученик, Господи, яже Тебѣ чисто родившая: даруй намъ милости Твоя.

Ин Ирмосъ: Не мудростию, и силою, и богатствомъ хвалимся, но Тобою Отчею Ипостасною мудростию, Христѣ: несть бо святъ, паче Тебѣ, Человеколюбче.

Оружіе явился еси, борительныя враги закалая, ихже искушенія соблюди насъ невредныхъ, Николае, содевающихъ Божественное хотѣние.

Сокрушение моя души, святителю, уврачуи, сокрушивый вражия козни и ловленія: да яко предстателя моего верою почитаю тя.

Разоривый Артемиды бездушная капища, ума моего страстная мечтания потреби Божественными ходатайствы твоими, ѡтче Николае.

Богородичен: Тя предстательницу, Пречистая Дево, стяжахом, претвори нашу печаль на радость, и скорби избави раждающія смерть.

Пѣснь 4

Ирмосъ: Вознесена Тя видевши Церковь на Крестѣ, Солнце праведное, ста въ чинѣ своемъ, достойно взывающи: слава силѣ Твоей, Господи.

Навелъ еси на море кони Твоя избранныя, Человеколюбче, зловерія воды возмущающыя, и всемъ разумъ Твой истинный возвещающыя. [Дважды.]

Звѣзды просветивше благочестіемъ мысленную твердь церковную, славнии апостоли, от нощи неведения, и прегрешеній избавите мя.

Явльшеся якоже стрѣлы изъощрени апостоли, вражия разжженныя стрѣлы злобы моя нынѣ угасите, и помышление мое утвердите.

Богородичен: Душу мою огорченую ядомъ, сопротивнаго угрызѣниемъ,

действенным врачеванием исцели, молитвами, Христе, Рождшия Тя и священных апостол Твоих.

Ин Ирмос: Седяй в славе на престоле Божества, во облаце легце прииде Иисус Пребожественный, нетленною дланию, и спасе зовущия: слава, Христе, силе Твоей.

Преславное житие твое вездѣ ты преславна показа, чудесы Божественными, и просвещаемаго, святителем украшение, всем похвалу, чтущим тя, Николае, радостными песньми.

На высоте престоле блаженне, Бога похвалил еси, смиреномудрия Божественными облистая светлостью, ихже бо причастии быти нас сотвори, благоприятными твоими мольбами, отче мудре.

Неправедно ведомыя на смерть избавил еси, ревностию Божественною отче, священнолепне распалаем. Темже вопием ти: такожде изми нас от напастей, умерщвляющих люте сердце мое.

Небеса обходя, Николае, радостно, невидимо, отче, всем призывающим тя предстани, облегчаяя недуги душ наших, и утешение боголепно подая.

Богородичен: Воинства ангельская ужасаются, Пречистая, воспевающе величество Божественного рождества Твоего: с нимиже моли, Дево, всем спастися, верою чистою Тебе блажащым.

Песнь 5

Ирмос: Ты, Господи мой, Свет в мир пришел еси, Свет святыи, обращаей из мрачна неведения, верою воспевающия Тя.

Лозы животныя процветающе гроздие, напоиша всех вина мысленнаго веселия, славнии апостоли. **[Дважды.]**

К свету заповедей Божиих наставите, апостоли, иже во тме душевнаго уныния безумно пребывающия.

Избавите нас душевных прегрешений, и Суда будущаго, и тли и бед, апостоли блаженнии.

Богородичен: Спаси мя, Боже, яко Человеколюбец, спаси мя мольбами неизреченно Тебе родившия, и всех Божественных апостол Твоих.

Ин Ирмос: Нечестивии не узрят славы Твоея, Христе, но мы Тя, Единородне, Отеческия славы сияние Божества, от нощи утренююще, воспеваем Тя, Человеколюбче.

Зашел еси якоже солнце, умерый отче мудре, и возсиял еси у Христа, светоносными сияньми чудес твоих, озаряя всю подсолнечную, Николае.

Священне Николае, услыши нас во дни наведения искушений и скорбей, всякую тесноту отгоняя благодатию в тебе живущаго Духа.

Сокрушенную страстьми житейскими душу мою имый, на помощь ты призываю, священне Николае, потщися, и даждь ми совершенное исцеление, умоляя Преплагаго.

Богородичен: Умными очима, Дево, зря Тя Исаиа, вопиет: се хочет родиться от Девы Богоотроковицы Иисус Господь, в человек паки возрождение.

Песнь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися, ради милости от ребр Твоих истекшею Кровию.

Пастыря добраго богоизбранная овчата, рассеянная по миру, волков всяко зверство во овчую кротость, верою преложиша. [Дважды.]

Божественнаго рая древеся доброплодная, преокаянныя души мояя все неплодство во благоплодие добродетельнаго нрава преведите, апостоли.

Уязвен бых сластей оружием и умрох: иже от Христа приемше славному благодать воскрешати мертвыя, умерщвленную окайнную мою душу оживите.

Богородичен: Устави души моея свирепую бурю, Боже всех щедрый, мольбами рождшия Тя Богородицы, апостол же и мученик Твоих.

Ин Ирмос: Приидох во глубины морския, и потопила мя есть буря многих грехов: но яко Бог из глубины возведи живот мой, Многомилостиве.

Укрепился еси крепостию Спасовою, возмогий, Богомудре, невидимаго врага погубити: егоже лютаго вреда нас избави мольбами твоими, отче Николае.

Мучения же в геенне, от лукавых человек стужения вреднейшаго, избави нас священными молитвами твоими, преславне Николае.

Иже древле умрети неправедно имущии воеводы, избавишася твоими предстательствы: якоже тех, и нас исхити всякаго вреда, досточудне.

Богородичен: Людие твой и град молит тя, Мати Божия: изми нас всякия нужды, и тамошнаго, Всесвятая Владычице, вечнаго осуждения.

Песнь 7

Ирмос: В пещи Авраамстии отроцы персидстей, любовью благочестия паче, нежели пламенем опаляеми, взываху: благословен еси в храме славы Твоея, Господи.

Крепостию всесвятых проповеди, нелестнии апостоли Христовы, прелести зиму разрушите, и просветите богоразумием верных мудрование. [Дважды.]

Миро благоуханное источающе всегда Божественнии ученицы, мира

умнаго благово́ния притека́ющих к ва́м испо́лните, и злосра́дныя стра́сти отже́ните.

Растле́ваго мя́ плотски́ми безме́стии, Сло́ва нетле́ннаго сла́внии учени́цы, спаси́те мя́ пою́ща: благослове́н еси́ в хра́ме сла́вы Твоея́, Госпо́ди.

Богоро́дичен: Ли́к а́нгельский, ли́к му́ченик и апо́стол Твои́х, Сло́ве, мо́лят всегда́, мно́гое благоутро́бия Твоего́, Человеколю́бче: все́х уще́дри Богоро́дицею, я́ко благоутро́бен.

И́н Ирмо́с: Ю́ноши три́ в Вавило́не велéние мучи́телево на буйство́ прело́жше, посреде́ пламене́ вопияху: благослове́н еси́ Госпо́ди Бо́же оте́ц наших.

Свя́те Нико́лае, во святы́х еди́наго все́х Творца́ почи́вающего, моли́ освя́тити нас, и низпосла́ти бога́тыя на ны́ ми́лости Своя́.

Преподо́бен, пра́в и кро́ток, ти́х и смире́н бы́в сла́вне, к высоте́ пресла́вней свяще́нства взя́лся еси́, чуде́са соверша́я и зна́мения.

Зако́ны Боже́ственныя соблю́д преподо́бне, яви́лся еси́ Бо́жий хра́м чистей́ший. Те́мже ти́ вопие́м, всеблаже́нне: от вся́каго пребеззако́ния изба́ви рабы́ твоя́.

Богоро́дичен: Успи́ воста́ния страсте́й моея́ души́, бо́дренною моли́твою Твоею́ да́ждь ми́ бо́дрость, О́трокови́це, уны́ния дрема́ние далéче отгоня́ющи.

Песнь 8

Ирмо́с: Ру́це распросте́р Дании́л, льво́в зия́ния в ро́ве затче́: о́гненную же́ силу́ угаси́ша, добродетели́ю препоя́савше́ся, благоче́стия рачи́тели о́троцы, взыва́юще: благослови́те вся́ дела́ Госпо́дня Госпо́да.

Уста́ огнедохнове́нная Христо́ва, и́же бездвер́ная уста́ заградивше́, и спаси́тельное пропове́дание повсю́ду разсе́явше, от уст во́лка мысленнаго изба́висте вопию́щия: вся́ дела́ Госпо́да пойте́, и превозноси́те Его́ во вся́ ве́ки. [Два́жды.]

Воструби́те о́крест моея́ умерщвле́нныя души́ благогласни́и трубы́ Христо́вы, апо́столи сла́внии, и от гроба́ отча́яния и уны́ния лю́таго сию́ воздви́гните, во е́же пети́: вся́ дела́ Госпо́да пойте́, и превозноси́те Его́ во вся́ ве́ки.

Мене́ зако́ны Твоя́, Христе́, попра́ваго ума́ развраще́нием, мене́, Влады́ко, блуднаго, во глубины́ попо́лзшася, и обы́чаю лука́вому присно́ работа́юща не презри́, учени́ков Твои́х мо́льба́ми.

Богоро́дичен: Мари́е Госпо́же́ вся́ческих, облада́ема мя́ от зми́я, и согреша́юща всегда́ свободи́ моли́твами Твои́ми, и порабо́ти Христу́ в житии́ чисте́ воспевати́: вся́ дела́ Госпо́да пойте́, и превозноси́те во вся́

веки.

И́н Ирмо́с: Изба́вителю́ всѣхъ Всесильне, посреде́ пла́мене благо́чествовавша, снизше́д ороси́л еси́, и научи́л еси́ пѣти: вся́ дела́ благослови́те, пойте́ Го́спода.

Ветийству́я Божество́нная Нико́лае, беззако́ннующихъ незатворѣ́ная уста́ явственнó заградилъ еси́, и от А́риева губи́тельства мно́гия изба́вил еси́, правосла́вно пою́щия: Го́спода пойте́, и превозноси́те Егó во вся́ веки́.

Иже побѣ́ды тезоименитъ́ святе́, победите́лей насъ покажи́, моли́твами твои́ми, страсте́мъ ражда́ющимъ сме́рть, и пребеззако́нныхъ челове́къ язы́ка льсти́ва, верно́ присно́ молящихъ́ ти.

По́мощь твою́ спаси́тельную низпосла́ти намъ, умоле́н бу́ди, чудотворче́ Нико́лае, в де́нь ну́жды, внегда́ тя ве́рою прося́ще мо́лим.

Троичен: Правосла́вно ве́рнии поклони́мся Святе́й Трои́це, сла́вяще Отца́, и Сы́на, и Всесвята́го Ду́ха, вопию́ще: благослови́те, пойте́ Го́спода, и превозноси́те Егó во вся́ веки́.

Богоро́дичен: Ми́лости Твоея́ мя сподо́би, ми́лостивейшаго Сло́ва ро́ждши, Благосло́венная Всечи́стая: в ча́с судный́ предста́ни, и изба́ви тамошня́го мя, Чи́стая, осужде́ния.

Пѣснь 9

Ирмо́с: Ка́мень неруко́сечный от несеко́мья горы́ Тебе́, Де́во, краеуго́льный отсече́ся, Христо́с, совокупивы́й разстоя́щаяся естества́. те́м веселя́щися, Тя́, Богоро́дице, велича́ем.

Ка́мение избра́нное, положѣ́ннаго во главу́ у́гла ка́мене, созда́сте всѣхъ ве́рныхъ се́рдца, ка́менемъ ве́ры вра́жия созда́ния, апо́столи, разве́ргше. [Два́жды.]

Решити́ и вяза́ти от Христа́ прие́мше вла́сть, разрешите́ зóл мои́х соу́з, и к любви́ Бо́жией привя́жите, и Ца́рствия прича́стника Божество́ннаго соде́лайте, апо́столи.

Божество́ннии Влады́ки обла́цы, изсо́хшее моё се́рдце вся́ким лука́вымъ дея́нием Божество́нными туча́ми ны́не напо́йте, и плодоно́сно покажите́, апо́столи богоблаже́ннии.

Богоро́дичен: Со святы́ми А́нгелы, с Божество́нными апо́столы, со сла́вными му́ченики, Твоего́ моли́ Сы́на и Бо́га, Богороди́тельнице Пречи́стая, от бе́д изба́вити ду́шы на́ша.

И́н Ирмо́с: Е́ва убо́ неду́гом преслу́шания́ кля́тву всели́ла е́сть: Ты́ же, Де́во Богоро́дице, прозя́бениемъ чревоноше́ния, ми́рови благосло́вение процвела́ еси́. Те́м Тя́ вси́ велича́ем.

Исцелѣ́ния присно́ соверша́я грóбъ тво́й, благоуха́ния ми́ра преподо́бне, источа́ет ве́рою и любóвию присту́пающимъ, Нико́лае, погреба́яй неду́говъ

находь. Тем же ты все ублажаем.

Яко солнце всю озаряешь, Николае богоблаженне, подсолнечную, Божественных чудес сияньми тьму лютых обстояний отгоняя, священными ходатайства твоими, архиереев удобрение.

Обычно ущедри ны, Николае, житейскими обстояньми, и бесовскими прелестями, лукавых же человек искушеньми, люте обуреваемыя всегда: яко да ты все ублажаем.

День и час страшный поминай, о душе моя! Егда ты хочет привести на суд Владыка, и судити твоя дела тайная, и возопий Ему: Спасе, спаси мя Николаа мольбами.

Богородичен: Глас Тебе Божественнаго Гавриила приносим радостно, и зываем: радуйся Раю, яже древо животное посреде имущая всегда, преславная Слова Палато, радуйся, Дево Всенепорочная.

На стиховне стихиры апостолом, глас 4:

Апостольский лик Духом Святым просветил еси, Христе: и нашу скверну греховную, тех ради омой, Боже, и помилуй нас.

Стих: Исполнихомся завтра милости Твоея, Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая. И призри на рабы Твоя и на дела Твоя, и настави сыны их.

Некнижн्या ученики, Дух Твой Святой казатели яви, Христе Боже: и многовещанным сличием языков прелесть упраздни, яко Всесилен.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Честна смерть святых Твоих, Господи: мечами бо и огнем, и студению сокрушаеми, излиша кровь свою, надежду имуща на Тя, восприяти трудов мзду: претерпеша, и прияша от Тебе, Спасе, велию милость.

Слава, и ныне, Богородичен: Ты стену стяжахом, Богородице Пречистая, и благоутешное пристанище, и утверждение. Тем же молюся, иже в житии обуреваем, окорми, и спаси мя.

В четверток блаженны, глас 4:

Дре́вом Ада́м райа бы́сть изсе́лен, Дре́вом же крѣ́стным разбо́йник в рай всели́ся: о́в убо вку́ш, за́поведь отве́рже Сотво́ршаго: о́в же сраспина́ем, Бо́га испове́да тая́щагося, помяни́ мя, вопия́, во Ца́рствии Тво́ем.

Сти́х: Блаже́ни изгнани пра́вды ра́ди, я́ко те́х е́сть Ца́рство Небе́сное.

Па́стыря и А́гнца словеса́я су́ще воспита́ния, посреде́ волко́в от Не́го я́ко а́гнцы му́дри и по́слани бы́сте, Боже́ственным пропове́данием, те́х претворя́юще свире́пство на кро́тость, ве́рою зову́ще неукло́нным помы́слом: помяни́ нас, Спа́се, во Ца́рствии Тво́ем.

Сти́х: Блаже́ни есте́, е́гда поно́сят ва́м, и изжену́т, и реку́т вся́к зóл глаго́л, на вы́ лжу́ще Мене́ ра́ди.

Проше́дше земна́я исполне́ния апо́столи госпо́дни, я́ко зве́зды све́тлыя, помраче́нныя преле́сти разори́сте, и све́т спасите́льный прельще́нным облиста́сте. Те́мже блажи́м вас, Христо́вы пропове́дницы, прося́ще: моли́тесь о нас всегда́ ко Го́споду.

Сти́х: Ра́дуйтесь и весели́тесь, я́ко мзда́ ва́ша мно́га на небесе́х.

Мучени́чен: Умерщвля́еми му́дри, и огне́м веще́ственным опаля́еми, попали́сте горька́го многобо́жия веще́ство, блаже́ннии, и ны́не исто́чаєте исцеле́ний стру́и приходя́щим к ва́м с ве́рою, те́пле взыва́ющим, и вопию́щим Христу́: помяни́ нас во Ца́рствии Тво́ем.

Слава: Тро́ицен: Непреткнове́нным помы́слом, мы́слию трезвля́юща рце́м, в вы́шних со отце́м се́дящему вку́пе и ду́хом: Тро́ице неразде́льная, я́же вся́ слово́м пре́жде соста́вляющая, и все́х просвеща́ющая, ве́рою Тебе́ зову́щих, помяни́ нас во Ца́рствии Тво́ем.

И ны́не, Богоро́дичен: Апо́столов ра́досте, и страстоте́рпец вене́ц неувяда́емый войсти́нну еси́ Богоро́дительнице́, всенепоро́чная Отрокови́це, с ни́миже испроси́ нам, Влады́чице, прегреше́ний избавле́ние, и жития́ исправле́ние, ве́рою прося́щим Тя́, и вопию́щим Ти́: ра́дуйся, всеисти́нне благи́х сокрови́ще.

В четверток вечера

на Господи, возвах, стихиры крестны. Глас 4.

Подобен: Дал еси знамение:

Стих: Аще беззакония назириши, Господи, Господи, кто постоит; яко у тебе очищение есть.

Егда ты распинаема тварь вся виде, изменяшеся и трепеташе: земля же трясушися вся колебашеся, Долготерпеливе Слове, и завеса церковная страхом раздирашеся, досаждаему Тебе, и камение распадешеся от страха, и солнце лучы скры, Творца своего ведущи Тя.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Како беззаконнейший собор дерзну осудити Тя, Судию Безсмертного, закон давшего в пустыни древле Моисею Боговидцу? Како жизнь всяческих на древе зряще умершую, никакоже убояшася, ниже во уме помышляху, яко Ты един Господь и Владыка твари.

Стих: От стражи утренния до нощи, от стражи утренния да уповает Израиль на Господа.

Растерзается рукописание, еже от века Адама праотца, прободением Твоих ребр, Многомилостиве, и отриновенное естество человеческое кроплением крове Твоея освятися, зовущее: слава благоутробию Твоему, слава Божественному распятию Твоему, Иисусе всеильне, Спасе душ наших.

Таже в минеи стихиры святому, аще имать. Аще ли несть минеи:

Ины стихиры пресвятей Богородице. Глас 4.

Подобен: Яко добля:

Стих: Яко у Господа милость, и многое у него избавление, и той избавит Израиля от всех беззаконий его.

На Кресте яко узре Тя пригвождена, Господи, Агница и Мати Твоя дивляшеся, и что видение сие, взываше, Сыне вожделенне, сия ли Ти непокоривый собор воздаде беззаконный, иже многих Твоих чудес насладивыйся: но слава неизреченному схождению Твоему, Владыко.

Стих: Хвалите Господа вси языцы, похвалите Его вси людие.

И паки глаголем туюжде стихиру.

Стих: Яко утвердися милость Его на нас, и истина Господня пребывает во век.

Агнца и Пастыря Тя, яко виде на Древе Агница рождающая, рыдаше матерски, Тебе вещаше: Сыне Любезнейший, како на Древе Крестнем

повѣшен еси́, Долготерпели́ве? како́ ру́це и но́зе Твои́, Сло́ве, пригвозди́шася от беззаконных? и Кро́вь Твою́ излия́л еси́, Влады́ко.

Сла́ва, и ны́не, Кресто́Богоро́дичен: Я́ко узре́ Тя, Го́споди, Де́ва и Ма́ти Твоя́ на Кресте́ повѣшена, дивля́шеся и зриа́ющи глаго́лаше: что́ Ти возда́ша, иже мно́гих Твои́х даров насла́ждшиися, Влады́ко? но молю́ся, не остави́ Мене́ еди́ну в ми́ре: но потщи́ся воскресну́ти, совозста́вляя пра́отца.

Та́же, Све́те тихи́й: Прокі́мен дне́: и Сподо́би, Го́споди, в ве́чер сей:

На стихо́вне стихи́ры крестны́, глас 4:

Ору́жие непобеди́мое, Христе́, Крест Тво́й на́м да́л еси́, и си́м побежда́ем прило́ги чужда́го.

Сти́х: К тебе́ возведо́х о́чи мои́, Жи́вущему на небеси́. Се́ я́ко о́чи ра́б в руку́ госпо́дий свои́х, я́ко о́чи рабы́ни в руку́ госпо́жи свое́я: тако́ о́чи на́ши ко Госпо́ду Бо́гу на́шему, донде́же уще́дрит ны́.

Всегда́ иму́ще, Христе́, Крест Тво́й на по́мощь, се́ти вра́жия удо́бне попира́ем.

Сти́х: Помилуй на́с, Го́споди, помилуй на́с, я́ко по мно́гу испо́лнихомся уничи́жения: наипа́че напо́лнися ду́ша на́ша поноше́ния гобзую́щих, и уничи́жения го́рдых.

Прославля́йся в па́мятех святы́х Твои́х, Христе́ Бо́же, и от ни́х умоле́н быва́я, низпосли́ на́м ве́лию ми́лость.

Сла́ва, и ны́не, Кресто́Богоро́дичен: Подо́бен: Зва́нный свѣ́ше:

Не рыда́й Мене́, Ма́ти, зря́щи на Дре́ве ви́сяща Твоего́ Сы́на и Бо́га, на вода́х повесивша́го зе́млю неоде́ржимо, и всю́ тва́рь созда́вшаго: и́бо воста́ну и просла́влюся, и а́дова ца́рствия сокрушу́ крепо́стию, и потре́блю его́ всю́ силу, и узники́ изба́влю от злоде́йства его́, я́ко Милосе́рд: и Отцу́ Моему́ приведу́, я́ко Чело́веколю́бец.

Та́же: Ны́не отпу́щаеши: **И** Трисвято́е. **По** О́тче на́ш: **тропа́рь, и отпу́ст.**

В четверток на повечерии

канон пресвятей Богородице. Глас 4.

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся светло торжествуя, и воспою радуясь Тоя чудеса.

Ты Единая заступление, прибежище и хранительница рабов Твоих еси, Богородительнице Чистая. Сего ради припадаю Ти и зову: спаси мя окаяннаго, яко милостива.

Деяния скверная совесть мою ранят, пред лицом носящую сих обличение: ускори, Владычице, и помощь буди ми, и прежде кончины избави, и спаси мя.

Слава: Освяти, Владычице, оскверненное сердце мое, Яже Пресвятое Слово рождающая, и сущая всех святейшая вышних сил, Единая Всепетая.

И ныне: На Тя надежду моего спасения возложих, и к Тебе благоутробней верою прибегах: не презри мене, Надежду ненадежных, ниже яви мя обрадование бесом.

Песнь 3

Ирмос: Твоя песнословцы, Богородице, живый и неизвестный источник, лик себе совокупльшыя духовно утверди, в Божественней Твоей славе, венцев славы сподоби.

Росу Твоего благоутробия подаждь ми, Пренепорочная Чистая, греховным зноем тающему, и печаль Сама устужающи ми, и радость Божественную подающи.

Ума моего тьму разруши, Богородице, светом иже в Тебе, яко Благая, и молюся, покаяния мя образы утвердити, яко щедра и многомилостива, да спасаем убожаю Тя.

Слава: Кроплением милости Твоея, Дево Богорадованная, углие погаси моих страстей, и угасший светильник сердца моего возжзи, златый свещнице, Всенепорочная.

И ныне: Потопляет мя волна греховная, и буря безместных помышлений: но умилосердися, Всенепорочная, и руку ми помощи яко милостива прости, да спасаем убожаю Тя.

Песнь 4

Ирмос: Незследный Божий совет, еже от Девы воплощения, Тебе Вышняго, пророк Аввакум усмотря зовяше: слава силе Твоей, Господи.

Яже Всепречудная Мати Божия, возсияй ми покаяния зари, и разреши мрак окаянныя моея души, и отжени, Дево, лукавая помышления сердца

моего.

Тя очисти́лище всѣхъ челове́ковъ ве́рою молю́, Благосло́венная, и про́шу: ми́лостива ми́ Судию́ Сы́на Твоего́ сотвори́, яко да хвала́ми прославляю́ Тя.

Сла́ва: Смирѣнное, Еди́на Чи́стая, и прока́женное се́рдце мое́, нечи́стыми страсте́й наведе́нии, яко врач исцели́, и от руки́ бесовския́ исхити́.

И ны́не: Глаго́лом Богодохнове́нным пре́жде блаже́нный Авваку́м, го́ру Тя Чи́стую и присе́нную наре́че, Прише́дшаго от ю́га, и Тобо́ю воплоща́ема, Влады́чице, возвеща́я явле́нейше.

Песнь 5

Ирмо́с: Ужасо́шася вся́ческая о Божѣственной сла́ве Твое́й: Ты́ бо неискусобра́чная Де́во, имела́ еси́ во утробе́ над все́ми Бо́га, и родила́ еси́ безле́тнаго Сы́на, все́м воспева́ющим Тя мир подава́ющая.

Умерщвле́н страстьми́ и помышле́нии, Всенепоро́чная, к щедро́там Твои́м прибега́ю, и к те́плому Твоему́ притека́ю, Влады́чице, покрову́ и по́моци: Я́же Жизньъ Еди́на рождша́я, се́рдце мое́ оживи́.

Ору́жиемъ снedéна мя́ грехо́внымъ, исцели́ де́йственною Твое́ю лечьбо́ю, Я́же Спаса́ рождша́я Го́спода, копи́емъ уязвленнаго́ мене́ ради́, Пречи́стая, и уязвивша́го се́рдце зми́ево.

Сла́ва: Ума́ моего́ уврачу́й сокруше́ния, Пренепоро́чная, и исцели́ стра́сти души́ моя́, и уны́ния тьму́ потреби́, яко да во хвале́нии Тя́ пою́ Присноблаже́нную, Богоро́дице́ Всепе́тая.

И ны́не: Гро́зд виногра́да, Е́гоже возра́сти Де́во на Дре́ве ви́сяща виде́вши, вопия́ше: Ча́до, мсто́ ископа́еши, пьянство́ отпу́щая враго́мъ всеу́ распе́ншымъ Тя́, во все́м долготерпели́ваго.

Песнь 6

Ирмо́с: Божѣственное́ сие́ и всечестно́е соверша́юще пра́зднество, богому́дрии Богома́тере, прииди́те рука́ми воспле́щим, от Не́я рождша́гося Бо́га славимъ.

Я́же Еди́на все́м по́мощь, помози́ намъ бе́дствующымъ, и ру́ку пода́ждь, и к приста́нищу напра́ви спаси́тельному, Еди́на Богоблагода́тная.

Истя́зания мя́, Пречи́стая, в ча́с стра́шный Ты́ исхити́, от бесо́в злы́я преле́сти, и суда́, и огня́, и тьмы́, и му́ки.

Сла́ва: Песносло́влю Тя́, Всепе́тая, сла́влю́ честна́я вели́чия Твоя́: Ты́ же нечи́стыхъ мя́ страсте́й свобо́ди, и ве́чныя сла́вы сподо́би.

И ны́не: Пе́ти Тя́ дол́жни есмы́, но вои́стинну по досто́янию не мо́жемъ: те́мже пое́м Тя́, молча́ниемъ чту́ще несказа́нное, е́же на Тебе́ Де́во, соде́янное Та́инство.

Та́же, Го́споди, поми́луй, три́жды. Сла́ва, и ны́не:

Седа́лен, гла́с 4:

На Кресте́ Тя возвы́шена, яко́ узре́ Пречи́стая Твоя́, Сло́ве Бо́жий, ма́терски рыда́ющи веща́ше: что́ но́вое и стра́нное си́е чу́до, Сы́не Мо́й? Ка́ко Жи́знь все́х вкуша́еши сме́рти, оживи́ти ме́ртвыя хотя́, яко́ Милосе́рд?

Пе́снь 7

Ирмо́с: Не послужи́ша тва́ри богому́дрии па́че Созда́вшего, но о́гненное преще́ние му́жески попра́вше, радоваху́ся пою́ще: препе́тый отце́в Госпо́дь и Бо́г благослове́н еси́.

Непреме́ннаго ро́ждши Еди́на Богоблагода́тная, моли́ся, Чи́стая, десни́цею Его́ пременити мо́й ум к лучши́м, лю́те пременённы́й бесо́вскими искуше́нии.

Цари́це Де́во, ро́ждшая Царя́ Христа́, уще́дри и спаси́ мя, страстьми́ прекло́ннаго: ве́рою утверди́, и наста́ви мя ко спасе́ния сте́зи, ве́рных спасе́ние.

Сла́ва: Моли́твенница ми́ бу́ди, Пренепоро́чная, к Ро́ждшемуся из Тебе́: и оставле́ние лю́тых долго́в пода́ждь ми́, и Ца́рствия Бо́жия Боже́ственный вход, и пи́щи восприя́тия, и све́та прича́стие.

И ны́не: Всенепоро́чная Мари́е, Де́во неискусобра́чная Чи́стая, безме́рная благода́тию, Я́же Бо́га плоти́ю ро́ждшая, Того́ моли́, вся́кия на́с изба́вити печа́ли и греха́.

Пе́снь 8

Ирмо́с: О́троки благоче́стивы́я в печи́, Ро́ждство́ Богоро́дичо спасло́ е́сть: тогда́ у́бо образу́емое, ны́не же де́йствуемое, вселенну́ю всю́ воздвиза́ет пе́ти Тебе́: Господа́ по́йте дела́, и превозно́сите Его́ во вся́ ве́ки.

Блудно́ жити́е иждив, и вся́ку скверну́ соде́лав, трепе́щу суди́ща, трепе́щу истязания́, трепе́щу и отве́та осужде́ния моего́: поми́луй ду́шу мою́ окаянну́ю, Чи́стая, и пре́жде сме́рти просвеще́ние ми́ пода́ждь.

На Тя́ всю́ наде́жду спасе́ния моего́ возложих, Богома́ти неискусобра́чная, и Тебе́ на по́мощь призыва́ю всегда́: спаси́ мя от печа́лей, и напа́стей вражи́их, и разреши́ плени́цы зол мои́х, и от ве́чных тьмы́ исхити́ мя.

Сла́ва: Яви́лася еси́ а́нгел вы́шши, Бо́га неизрече́нно воплоти́вши: Сего́ у́бо моли́, Влады́чице Всенепоро́чная, плотски́х искуше́ний вы́шщу бы́ти ми́, и суда́ бу́дущаго изба́виться, Де́во, и ве́чныя му́ки.

И ны́не: Вод Боже́ственных испо́лни мя, Де́во, Я́же Исто́чник во чре́ве носив́шая: изба́ви от гно́я грехо́в мои́х, и к жи́зни наста́ви спасе́ния, Чи́стая, и уны́ния ду́ши моея́ окаянны́я отжени́, Де́во, и от бесо́в изба́ви.

Пе́снь 9

Ирмо́с: Вся́к земноро́дный да взыгра́ется Ду́хом просвеща́ем, да

торжествует же безплотных умов естество, почитаючи священное торжество Богоматере, и да вопиет: радуйся, Всеблаженная Богородице, Чистая Приснодево.

Разруши пажить греха, осквернённая моя душа и телесе, Богорадованная Пречистая Владычице, сильною молитвою, Твоею, о Всенепорочная! исцеление давши спасительное, Владычней страх пречистый.

Ты мне просвещение, Ты ми избавление и радование, Ты поборница моя, Ты моя слава, и похвала, и надежда, и спасение мое еси, Пренепорочная, и Тебе верно поклоняюся, и вопию Ти: спаси мя окаяннаго раба Твоего, и от адовых врат исхити мя.

Слава: Спаси мя, Чистая, Спаса рождающая всецедраго, и ущедри раба Твоего, и к покаяния пути настави, лукаваго соблазны от среды отжени, и того ловления избави мя, и огня вечнаго, Пренепорочная, исхити мя.

И ныне: Плотию, еже из Тебе, Слово, Пренепорочная, одеаяся, воплотився же поживе в мире, яко милосерд, пребыв не худши, Иже прежде безплотный: и иже древле всех мучившаго, Божественною силою низложи.

Та же: Достойно есть: и поклон. Трисвятое. По Отче наш: тропарь, и прочее обычное, и отпуст.

Пятница

В пятóк ўтра

по 1-м стихослòвии, седальны крестны, глас 4:

Искупи́л ны еси́ от клятвы́ законны́я честно́ю Твое́ю Кро́вию, на кресте́ пригвозди́вся, и копи́ем прободы́ся, безсме́ртие источи́л еси́ челове́ком: Спа́се наш, сла́ва Тебе́.

Сти́х: Возноси́те Го́спода Бо́га нашего́, и покланя́йтесь подно́жию но́гу Его́, я́ко свято́ е́сть.

На кресте́ Тя пригвозди́ша иуде́и, Спа́се, и́мже от язы́к нас призва́л еси́ ино́гда, Христе́ Бо́же наш, просте́рл еси́ длáни на нём воле́ю Твое́ю: копи́ем же в ре́бра Твоя́ восхотел еси́ прободен бы́ти, мно́жеством щедро́т Твои́х, Человеколю́бче.

Сла́ва, и ны́не, Кресто́Богороди́чен: Де́во пренепоро́чная Ма́ти Христа́ Бо́га, ору́жие пройде́ пресвяту́ю твою́ ду́шу, егда́ распина́ема ви́дела еси́ воле́ю Сы́на и Бо́га твоего́: его́же благослове́нная моля́щи не преста́й, прощэ́ние прегрешэ́ний нам дарова́ти.

По 2-м стихослòвии, седальны, глас 4:

Скóро предвари́ пре́жде да́же не порабо́тимся враго́м хуля́щим Тя, и претя́щим нам, Христе́ Бо́же наш: погуби́ Крестом́ Твои́м борю́щья нас, да уразуме́ют, како́ может правосла́вных ве́ра, молитва́ми Богороди́цы, Еди́не Человеколю́бче.

Сти́х: Бо́г же Ца́рь наш пре́жде ве́ка, соде́ла спасэ́ние посреде́ земли́.

Уязвену́ Ти, Влады́ко, копи́ем Божэ́ственному ребру́, ору́жия оскуде́ша невидима́го врага́ до конца́, и преста́ всякое наси́лие злоде́йства его́. Те́мже покланя́емся Твои́м спаси́тельным страсте́м, сла́вяще Божэ́ственное смотре́ние Твое́.

Сти́х: Дивен Бо́г во святы́х Свои́х, Бо́г Изра́илев.

Дне́сь анге́льская во́инства, в па́мять страстоте́рпец приидо́ша, ве́рных мы́сли просвети́ти, и вселе́нную благода́тию уясни́ти. Те́х ра́ди, Бо́же, умоле́н быва́я, да́руй нам ве́лию ми́лость.

Сла́ва, и ны́не, Кресто́Богороди́чен: На Кресте́ Тя возвы́шаема́ я́ко узре́ Пречи́стая Ма́ти Твоя́, Сло́ве Божий, ма́терски рыда́ющи веща́ше: что́ новое́ и стра́нное чу́до си́е, сы́не мой? Ка́ко животе́ всех вкуша́еши сме́рти, оживи́ти умершья́ хотя́, я́ко Милосе́рд?

По 3-м стихослòвии седальны, глас 4:

Крест и сме́рть за ны́, Бла́же, за безме́рную ми́лость воле́ю претерпе́л еси́, и суд непра́веден: я́ко да осужде́ния и дре́вния клятвы́ все́х свободи́ши, ле́стияю в тле́ние впа́дших. Те́мже и покланя́емся, сло́ве, Твоему́ распя́тию.

На Дре́ве пове́шена усмотрившее Тя Со́лнце, со́лнца пра́вды Христа́, свѣт помрачи́. Тва́рь же колеба́шеся, и мѣртвии яко от сна́ скоро из гробовъ воста́ша, сло́ве, Божѣственную песносло́вяще держа́ву сла́вы Твоея́.

Сла́ва, и ны́не, Кресто́Богоро́дичен: Непоро́чная Ма́ти Твоя́, Христе́, яко узре́ на Кресте́ Тя возвыша́ема, рыдаю́щи матерски, таковая глаголаше: что́ новое и странное сие́ чу́до, Сыне́ Мой? Ка́ко Тя беззако́нный со́нм ко Кресту́ пригвожда́ет все́х жизнь, Свѣте́ мой сладча́йший?

Канон Честно́му и Животворя́щему Кресту́, [его́же краегра́нэсие сие́: Кресту́ пригвожде́н Христос́, прелесть разрешает. Творение́ Ио́сифово.]
Глас 4.

Пѣснь 1

Ирмо́с: Отвѣ́рзу уста́ моя́ и напо́лнятся Ду́ха, и сло́во отры́гну Цари́це Ма́тери, и явлю́ся светло торжеству́я, и воспою́ раду́ся То́я чудеса́.

На Кресте́ распросто́рл еси́ Божѣственныя длани́, Долготерпели́ве, и погиба́ющий ми́р призвал еси́ к позна́нию держа́вы Твоея́, Ще́дре. Те́мже велича́ем благоутроби́е Твое́.

Змья́ воздвигл е́сть Моисе́й, прообразу́я Божѣственное Твое́ распя́тие, Сло́ве пребезнача́льне, имже паде́ ядовитый змий паде́нию Ада́мову ходата́й бывый.

Му́ченичен: Во свѣ́лостехъ святы́х ны́не жи́ти сподо́бистеся́ му́ченицы, непоколебимо́е прие́мше я́ве Ца́рство, яко́же сказа́ Павел, и сла́вы сопричастни́цы Христовы́ бы́сте.

Му́ченичен: Воздвиза́емыми волна́ми нестерпи́мых муче́ний ва́ших, непогру́зим бы́сть кора́бль, му́ченицы: окормле́нием бо все́х Ца́ря, в пристани́ще dospéте покои́щное.

Богоро́дичен: Ору́жие, яко́же рече́ Симео́н, се́рдце Твое́ про́йде, егда́ видела́ еси́ Христа́ распина́ема, Де́во Влады́чице, и Еди́наго пробода́ема копи́ем. Те́мже рыдаю́щи боле́зни претерпела́ еси́.

И́н канон пресвяте́й Богоро́дице. Глас 4.

Пѣснь 1

Ирмо́с тойже.

Ты́ Еди́на заступле́ние, и прибе́жище, и храните́льница еси́ рабо́м Твои́м, Богороди́тельнице Чы́стая. Сего́ ра́ди припада́юще вопие́м Ти́: спаси́ нас, Влады́чице, милосе́рдием Твои́м.

Освяти́, Влады́чице, оскверне́нное се́рдце мое́, Я́же Пресвято́е Сло́во ро́ждшая, и су́щи все́х святе́йшая вы́шних си́л, Отрокови́це Всенепоро́чная.

Па́дших воззва́ние, и стоя́щих еси́ утвержде́ние, Всенепоро́чная. Те́мже молю́ся Ти́: па́дший мой у́м грехо́м исправи́, Влады́чице, да сла́влю Тя́.

Мёртва мя скорбьми и недействена лежача, руку простёрши помощи Твоея возстави, и Божественнаго веселия исполнена покажи мя, Богородительнице.

Песнь 3

Ирмос: Твоя песнословцы, Богородице, живый и независтный источник, лик себе совокупльшыя духовно утверди в Божественней Твоей славе венцев славы сподоби.

Яко овча на заклание ведяху Тя, Христе, людие пребеззаконнии, агнца Божия суща, и хотяща избавити овцы от волка лютаго, ихже человеколюбне возлюбил еси.

Предстал еси судий судимь неправедно, судяй праведно всей земли, и претерпел еси ударение в ланиту, свободити мя хотяя порабощеннаго, Господи, лукавому миродержцу.

Мученичен: Страдавше святии законно, беззаконныя враги посрамисте, и волею умерщвляеми за всех востание, и иже смерть исходатаившаго побористе змия.

Мученичен: От земных возвысившися, ко благославию же пришедше страдальчески мученицы святии, и к невещественным чином вещественнии соединишася, радости неизреченныя исполняеми.

Богородичен: Из Тебе, Дево, обновление Еве явися воистинну, Бог плотию раждаем, и на Крест возвышаем, низлагая бесы, Богоблагодатная Владычице.

Ин Ирмос тойже.

Помилуй, Пречистая Дево, в пучине житейстей люте мя потопляема, и ко пристанищу тихому спасения исправи: Тя бо едину надежду стяжах.

Ума моего тьму разори, Богородице, светом иже в Тебе яко Блага, и молюся: покаяния мя образы утверди, яко щедра, и многомилостива, да спасаем ублажаю Тя.

Кроплением милости Твоея, Дево Богорадованная, углие погаси моих страстей: и угасший светильник сердца моего возжзи, златый свещнице, Всенепорочная.

Болящую люте страстьми окаянную мою душу, Богородительнице, яко милостивая посети, и спаси мя молитвами Твоими: яко да живот лучший получив величаю Тя.

Песнь 4

Ирмос: Неизследный Божий совет, еже от Девы воплощения, Тебе Вышняго, пророк Аввакум усмотря зовяше: слава силе Твоей, Господи.

Да отпустиши мя от уз греховных, Человеколюбче, Твоею волею

связа́н бы́л еси́, и на Кресте́ умерл еси́ яко злоде́й: сла́ва мно́гому благоутро́бию Твоему́.

Язвы претерпел еси́, Сло́ве Бо́жий, и поно́сную сме́рть, обезсме́ртствуя существо́ земных умерщвле́ное страстьми́: сла́ва мно́гому благоутро́бию Твоему́.

Мученичен: И́же ра́дования Бо́жия хотя́ще насле́довати ду́хом все́святым, ра́достною душе́ю ра́ны претерпе́ша, и ну́жную сме́рть, му́ченицы, и лука́ваго уязви́ша.

Мученичен: Ру́це отсе́цаеми, и гла́вы, и язы́ки уре́заеми, богословни́и, и о́чи лиша́еми све́та, и на уды́ ссе́цаеми, му́ченицы, не отсе́чени же от Бо́га пребы́сте.

Богородичен: Раздра́ся рукописа́ние Ада́мово, копи́ем прободёну Ти́, Влады́ко, Богоро́дица вопия́ше у́ Креста́ предстоя́щи, Го́споди, и боле́зненно восклица́ющи.

И́н Ирмо́с то́йже.

Я́же всенепоро́чная Ма́ти Бо́жия, возсия́й ми́ пока́яния зарю́, разруши́ мра́к окаянны́я моея́ души́, и лука́вая помышле́ния се́рдца моего́ отжени́, Дево.

Я́же благопреме́ннаго и благоуве́тливаго, Пречи́стая, Влады́ку ро́ждши, Девома́ти, яко́ благая́, о нас То́го моли́ всегда́, от чужда́го изба́вити нас.

Тя́ очисти́лице все́х челове́ков, ве́рою молю́ и прошу́, Благослове́нная: ми́лостива мнэ́ Судию́ Сы́на Твоего́ сотвори́, яко́ да во хвале́нии сла́влю Тя́.

Име́я Тя́, Пречи́стая, помо́щницу всегда́ никогó убою́ся, или́ устрашу́ся: кто́ же ли хотя́ скорбная́ принести́ рабу́ Твоему́, и не устрашится́?

Песнь 5

Ирмо́с: Ужасо́шася вся́ческая о́ Божество́нней сла́ве Твое́й: Ты́ бо Неискусобра́чная Де́во, имела́ еси́ во утробе́ над все́ми Бо́га, и родила́ еси́ безлетна́го Сы́на, все́м воспева́ющим Тя́ мир подава́ющая.

Ви́девшее Тя́, Со́лнца, на Кресте́ протира́ема, со́лнце скры́ лучы́, сия́ти не могу́щее, Тебе́ Спа́се заше́дшу, и просвеща́юще и́же в но́щи преле́сти спя́щия, покланя́ющыяся держа́ве Твое́й.

Распина́ем за ми́лосе́рдие, Го́споди, и спаса́еши мя́, о́цта и же́лчи прие́млеши вкуше́ние, сла́стнаго изба́вляя нас вкуше́ния яко́ благ, имже прельсти́хомся, и тли́ подпадо́хом.

Мученичен: Преле́сти разори́сте зи́му, Божество́ннии му́ченицы, Ду́ха Свята́го тепло́ю, и к весне́ поко́я раду́ющеся доидо́сте купно́, все́м помога́юще сущы́м в скорбех.

Мученичен: Тучами Божественныя крове зѣмлю всю напоите, изсушающе потоки безбожия, святии мученицы: темже к воде животней ныне вселитесь, о всех молящися.

Богородичен: Плотию Егоже родила Сына, Богорадованная, яко виде на Древе возвышена, плачем исполнися, и долготерпению Его дивлящися воистинну: темже величаше Его снизхождение.

Ин Ирмос тойже.

Умерщвленъ страстьми и сквернами, Всенепорочная, к щедротам Твоим прибегаю, и к теплomu Твоему притекаю, Владычице, покрову и помощи: жизнь едина рождающая, сердце мое оживи.

Просвети омраченное мое сердце, Пречистая, яже светодавца рождающая, Бога вкупе и человека: Егоже яко матери умоли, подати ми избавление, Госпоже, прежде страшнаго дне.

Ума моего уврачуи сокрушения, Всенепорочная, исцели страсти души моей, и уныния тьму отжени: яко да во хвалении Тя пою Присноблаженную, Богородице Всепетая.

Низложи, Владычице, врагов моих шатания: Тя бо едину имам предстательницу и надежду, и помощь крепкую, Ты мя соблюди, Чистая, всякаго избавляющи мя тех нахождения.

Песнь 6

Ирмос: Божественное сие и всечестное совершающе празднество Богомудрии Богоматере, приидите руками воспоем, от Нея рождающегося Бога славим.

Болезнями, яже претерпел еси распинаем, болезни уставил еси человечеству, и к неболезненному житию всех приводиши, благоутробне Господи.

Солнца лучи скрывахуся, церковная же светлость раздиралася, и земля трясахуся, камень страхом распадалася, на Кресте Зиждителя зрети не могуще.

Мученичен: Мертв змий бысть, муками умерщвляемы зря Божественныя мученики, и живот вечный наследующыя воистинну, Божественною благодатию.

Мученичен: Многия муки претерпесте, многия и венцы улучисте, многочисленная множества мученик присно живущих: темже зол моих множество отжените.

Богородичен: Пристанище буди ми, Всенепорочная, в пучине лютых плавающу, яже бедствующую всю тварь рождеством Твоим, Богородительнице, спасла еси.

Ин Ирмос: Возопи, прообразуя погребение тридневное, пророк Иона в

ките моляся: от тли избави мя, Иисусе Царю Сил.

Возсияй ми покаяния зарю, Владычице, и облаки злых помышлений моих разори, облаче Солнца Праведнаго Приснодево.

Утоли страстей моих свирепую волну, и бурю злых помышлений укроти, пристанище великое обуреваемых Приснодево.

Напой мя умиления питием, Владычице, слез реки мне ныне подаючи: имиже угашу пламень вечнующий, Едина Всепетая.

Изсушаючи зол моих свирепую пучину, рождшая благодости войстинну пучину, настави мя ко пристанищу Божественных воли.

Песнь 7

Ирмос: Не послужиша твари Богомудрии паче Создавшего, но огненное прещение мужески поправше, радовахуся поюще: препетый отец Господь и Бог благословен еси.

Побежден бысть сопротивоборец, и падся дивным падением, вознесшуся Христу на Древо, и спасся прежде осужденный, вопия ему: иже отец Господь и Бог благословен еси.

Умерщвлена мя Древом оживил еси на Древе Христе умерый, и Божественными убо ранами Твоими струпы сердца моего исцелил еси: препетый отец Господь и Бог благословен еси.

Мученичен: Дар приемше исцеления, исцеляти недуги, и бесы от человек отгоняти силою духовною, исцелите страсти сердца моего вашими молитвами, мученицы непобедимии.

Мученичен: Истопления подъемый боритель, кровью вашими погибаше со тьмами его. Вы же, всехвальнии мученицы, радующеся воспеваете: иже отец Господь и Бог благословен еси.

Богородичен: Невеста непорочная, палата Зиждителя, земле неделанная, престол огнезрачен явилася еси, Пречистая. Темже вопием Ти: радуйся, Пречистая Владычице, яже человеки обожившая Божиим Твоим рождеством.

Ин Ирмос: Спасый во огни Авраамския Твоя отроки, и халдеи убив, яже правда праведно уловляше, препетый Господи Боже отец наших, благословен еси.

Любовию притекаю многою под святей Твоей покров, не отврати мене тща: но даждь ми, Пречистая, оставление прегрешений, и спаси мя, да видевши врази мои посрамятся.

Не боюсь зла, Ты бо со мною еси, Дево: пожену враги, яже нещадно мене гонящыя, и победю силою Твоею укрепляем, Марие Богородительнице.

Имаши еже мощи присно всех, яко рождши Владыку, владычества мя

сластнаго и страстей свободи, да пою радуяся: радуйся, престоле вышняго, Благословенная.

Тя едину покровительницу имам на земли Твой раб, и помощь воистинну спасительную и твердую, Пречистая, богопрославленная: и к Тебе прибегаю, спаси мя от сетей ловящих, Богородительнице.

Песнь 8

Ирмос: Отроки благочестивыя в пещи Рождество Богородичо спасло есть: тогда убо образуемое, ныне же действующее, вселенную всю воздвизает пети Тебе: Господа пойте дела и превозносите Его во вся веки.

Разрешаеши мя от уз летных, в лето безлетный быв, связан же быв волею, гордаго узам нерешимым отслал еси, Владыко, и спасаеши мя Крестом и страстию: темже благословлю Тя, Христе, во веки.

Воздвигся на Древо волею, и всю тварь совоздвигл еси, Слове Препетый, безначальне и невидиме, иже начала и власти тьмы страстию Твоею, Христе, обличил еси: темже Тя поем во вся веки.

Мученичен: Вседосте на кровь свою, яко на колесницу, мученицы всекраснии, и к премирным взяти бысте селением, от Христа достойныя почести приемлюще, Господа пойте, вопиюще, и превозносите его во веки.

Мученичен: На Древа возвышаеми, и в ров вметаеми, зверем же вдаваеми, во огонь же и в воду разделени бывающе, страстоносцы мученицы, радующеся пояху: Господа пойте, и превозносите Его во веки.

Богородичен: Видевши уснувши на Древе Христа, всем бодрость подающего Божественную и спасительную, Мати Всенепорочная, восклицанием рыдаше и зываше: что сие новейшее чудо? Оживляй вся, умирает хотя.

Ин Ирмос тойже.

Блудно житие иждив, и всякую нечистоту соделав, трепещу судища, трепещу истязания, трепещу и ответа осуждения моего, Чистая: яже судию рождающая, предстани ми тогда, и избави мя нужды.

На Тя всю надежду спасения моего возложих, Богомати неискусобрачная, и Тебе на помощь призываю всегда: спаси мя от печалей и напастей врага, и разреши пленицы зол моих, и вечныя тьмы исхити мя.

В час, Дево, конца моего руки бесовския мя исхити, и суда и прения, и страшнаго испытания, и мытарств горьких, и князя лютаго, Богомати, и вечнаго осуждения.

Соблуди раба Твоего, Дево, от всякаго навета чуждаго, Тя бо имам Владычице, покров и заступление, прибежище и утверждение: и Тебе ради чаю избавитися сетей врага, едина Предстательнице рода человеческого.

Та́же, поём пёснь Богоро́дице: Вели́чит ду́ша моя́ Го́спода:

Пёснь 9

Ирмо́с: Вся́к земно́родный да взыгра́ется Ду́хом просвеща́ем, да торжеству́ет же безплотных умов естество́, почита́ющее священное торжество́ Богома́тере, и да вопи́ет: ра́дуйся, Всеблаже́нная Богоро́дице, Чистая Присноде́во.

Стоя́ше суди́м Человеколю́бче, и́же суди́ти хотя́й все́м: венце́м же терновым увязлся еси́ хоти́тельне, Спа́се, свое́ю во́лею, преслу́шания, Христе́, те́рния из ко́рене истерза́я, все́м же насажда́я Твоего́ благоутро́бия познание.

О ка́ко лю́дие беззаконни́и, за́вистию су́ще омраче́ни, пра́ведна су́ща, и непоро́чна Тя́, Светода́вче, Кресту́ преда́ют? Е́гоже стра́сть со́лнце зря́ помрачаше́ся, и све́тлость церковная́ раздира́шеся, и колеба́хуся основа́ния земли́.

Му́ченичен: Сообра́зни страсте́м Христо́вым бы́сте свя́тии му́ченицы, и снасле́дницы Ца́рствия и све́тлости: те́мже просвети́те, премудри́и, певцы́ ваша́, греховнаго мра́ка свобожда́юще, и разли́чных обстоя́ний.

Му́ченичен: У́же в са́мая, премудри́и небе́сная всельше́ся, сла́ву же прие́мше присносу́щную, и прича́стии священными́ обожа́еми, помяни́те все́х нас, чту́щих ве́рою все́священную́ и честную́ вашу́ па́мять, присносла́внии.

Богоро́дичен: Просвети́, Чи́стая, любо́вию воспева́ющих и велича́ющих Тя́, разреши́ страсте́й на́ших тьму́, Отрокови́це, укроти́ бу́рю и лука́ваго соблазны́ от сре́ды отжени́, Ты́, Отрокови́це, моли́твами Твоими́.

И́н Ирмо́с то́йже.

Ра́дуйся, я́же ра́дость ро́ждшая, Пре́чи́стая, су́щым на землі́ войсти́нну. Ра́дуйся, спаси́тельное приста́нище, и покрове́ притека́ющих к Тебе́. Ра́дуйся, ле́стнице чи́стая, возвы́сившая па́дших. Ра́дуйся, всеблаже́нная Богоро́дице, упова́ние ду́шам на́шым.

Разруши́ па́жить греха́ моего́, оскверне́нная моя́ ду́ши и телесе́, Богора́дованная Пре́чи́стая Влады́чице, си́льною моли́твою Твое́ю, о Всенепоро́чная, исцеле́ние давши́ спаси́тельное, Влады́чнии́ стра́х Божество́нный.

Ты́ мне́ просвеще́ние, Ты́ ми́ изба́вление и ра́дование, Ты́ поборо́ница моя́, Ты́ моя́ сла́ва и похва́ла, и ча́яние спасе́ния моего́ еси́, Всенепоро́чная, и Тебе́ ве́рно покланя́юся, и вопию́ Ти: спаси́ мя ока́яннаго раба́ Твоего́, и от врат а́довых исхити́ мя.

Спаси́ мя, Чи́стая, Спа́са ро́ждшая и всеще́драго, уще́дри мя раба́ Твоего́, и к покая́ния пу́ти наста́ви: лука́ваго собла́зны от сре́ды отжени́, и того́ ловле́ния изба́ви мя и огня́ вечно́го, Пренепоро́чная, исхити́ мя.

Та́же, Досто́йно е́сть: Ектениа́, и свети́лен, псалмы́ обы́чны.

На стихо́вне стихи́ры, глас 4:

Стена́ бу́ди на́м Крест Тво́й, Иису́се Спа́се на́ш: ино́го бо упова́ния ве́рнии не има́мы, разве Тебе́, на нём плоти́ю пригво́ждшагося, и подаю́щаго на́м ве́лию ми́лость.

Стих: Исполнихомся за́втра ми́лости Твоея́, Го́споди и возра́довахомся, и возвесели́хомся: во вся́ дни на́ша возвесели́хомся, за дни́, в ня́же смири́л ны еси́, ле́та, в ня́же ви́дехом зла́я. И при́зри на рабы́ Твоя́, и на дела́ Твоя́, и наста́ви сы́ны их.

Дал еси́ зна́мение боя́щимся Тебе́, Го́споди, Крест Тво́й Че́стный, и́мже посра́мил еси́ нача́ла тьмы́ и вла́сти, и возве́л еси́ на́с на пе́рвое блаже́нство. Те́мже Твое́ Человеколю́бное смотре́ние сла́вим, Иису́се всеси́льне, спа́се ду́ш на́ших.

Стих: И бу́ди све́тлость Го́спода Бо́га на́шего на на́с, и дела́ ру́к на́ших исправи́ на на́с, и де́ло ру́к на́ших исправи́.

Кто́ не ужа́сается зря́, свя́тии му́ченицы, по́двига до́браго, и́мже подви́заете́ся? Ка́ко во плоти́ су́ще, безплотна́го врага́ победи́сте, Христа́ испове́дающе, и Кресто́м воору́живше́ся? Те́мже досто́йно я́висте́ся бесо́в прогони́телие, и ва́рваров победи́телие, непреста́нно моля́ще́ся спасти́ся ду́шам на́шым.

Сла́ва, и ны́не, Кресто́Богоро́дичен: Подо́бен: Я́ко до́бля:

На Кресте́ Тя́ я́ко узре́ пригво́ждена, Го́споди, А́гница́ и Ма́ти Твоя́ дивля́ще́ся, и что́ ви́дение си́е взы́ваше, Сы́не вожде́ленне? Сия́ Ти́ неве́рный собо́р воздаде́ беззако́нный, и́же мно́гих Твои́х чуде́с наслади́выйся? но сла́ва неизгла́голанному соше́ствию Твоему́, Влады́ко.

Та́же, Благо́ е́сть испове́даться Го́сподеви: Трисвято́е. По́ Отче на́ш: Тропа́рь, ектениа́, и ча́с 1-й, и прочее́ обы́чно, и отпу́ст.

В пятóк блажённы, глас 4:

Дрёвом Ада́м райа бы́сть изселён: Дрёвом же крёстным разбо́йник в рай всели́ся. О́в убо вку́ш, за́поведь отве́рже сотво́ршаго: о́в же сраспина́ем, Бо́га испове́да тая́щагося, помяни́ мя, вопия́, во Ца́рствии Твоём.

Сти́х: Блажéни изгна́ни правды́ ради́, я́ко те́х е́сть Ца́рство Небе́сное.

Зря́ще Тя на Кресте́ распросте́рта, еди́не Долготерпели́ве, си́лы небе́сныя, недоуме́юща с трепетом дивля́хуся: земля́ же колеба́шися, и свети́л добро́та угаси́ше неправедно́, Человеколю́бче, осужда́ему Тебе́, Ада́м осужде́нный оправда́шися: сла́влю благоутро́бие Твое́.

Сти́х: Блажéни есте́, егда́ поно́сят ва́м, и изжену́т и реку́т вся́к зóл глаго́л, на вы́ лжу́ще Мене́ ради́.

На лóбнем возне́ся, вражи́ю главу́ сокруши́л еси́: на дрéве же умер, пло́дом дрéвным умершья́ оживи́л еси́, Влады́ко, и райа́ жители́ яви́л еси́, непрестанно́ сла́влящих Твою́ благосты́ню, и вопию́щих: помяни́ нас во Ца́рствии Твоём.

Сти́х: Ра́дуйтеся и весели́теся, я́ко мзда́ ва́ша мно́га на небесе́х.

Я́коже ору́жие Крестъ́ восприе́мше святи́и мучени́цы, ко ополче́нию враго́в помы́слом до́блím изы́досте: и те́х погуби́ше, нетле́нным венце́м увязо́стесе, и сла́ву получи́сте вы́шнюю, раду́ющесе досто́блажéнии: те́мже веро́ю вас ублажа́ем.

Сла́ва: Да пока́жеша я́вственнó, е́же к нам, Спа́се, благоутро́бие Твое́, пригвозди́лся еси́ на Кресте́, Отцу́ соедине́нный и Ду́ху: губу́, и тро́сть, поруга́ния и ра́ны претерпе́л еси́, хотя́ изба́вити огня́ вечно́го зовущья́: помяни́ нас, Спа́се, во Ца́рствии Твоём.

И ны́не: Невместимый́ вездé, нестесня́ем мéстом, всели́ся во святу́ю утробу́ Твою́, Богороди́тельнице́ Пречи́стая Влады́чице, и на дрéве пове́шен, жи́знь ми́рови я́ве источи́л е́сть. Того́ умоли́ умертв́ити мудрова́ния плóти наша́я, и спасти́ все́х, я́ко Человеколю́бца.

В пятѡк вѣчера

начало суббѡтныя службы, и все возслѣдование вечерни и утрени, и о сем писан указ в 1-м гласѣ.

На Господи, воззвах, стихирѣ святымъ мученикомъ, и преподобнымъ.
Глас 4.

Подобен: Дал еси знамение:

Стих: Аще беззаконія назириши, Господи, Господи, кто постоит; яко у тебе очищение есть.

Христа Человеколюбца страстемъ поревновавше страсотерпцы, телеса убо на раны предасте, и горькимъ мукамъ, тьмамъ же болезнемъ, яко предзряще присно рая Божественное наслаждение, пищу же неизживаемую и вечнующее благославие, еже получивше, молитесь о воспевающихъ васъ.

Стих: Имене ради Твоего потерпехъ Тя, Господи, потерпе душа моя в слово Твое, упова душа моя на Господа.

И паки глаголи туюжде стихирѣ:

Стих: От стражи утренняя до нощи, от стражи утренняя, да уповает Израиль на Господа.

Пастырие всесвященнии, начальнаго пастыря славному подобницы бывше Христа всех Царя, души усердно о овцахъ положите, беды лютыя претерпесте, яко борими от волковъ тяжкихъ, достоблаженнии, спасаете невредно богоизбранное стадо.

Ины стихирѣ мученичны. Глас и подобен тойже.

Стих: Яко у Господа милость, и многое у него избавление, и той избавит Израиля от всехъ беззаконий Его.

Жертвы одушевленные, всеожжения словесная, мученицы Господни, заклѣния совершенная Богу, Бога знающа, и Богомъ знаема овчата, ихже ограда волкомъ невходима: молитесь и о насъ, упасеннымъ быти с вами на воде упокоения.

Стих: Хвалите Господа вси языцы, похвалите Его вси людие.

Честна смерть святыхъ Твоихъ, Господи: мечемъ бо и огнемъ, и душею сокрушенною пролияша крови своя, упование имуще на Тя, восприяти трудовъ мзду, и претерпевше прияша от Тебе, Спасе, велию милость.

Стих: Яко утвердися милость Его на насъ и истина Господня пребывает во векъ.

Имуще дерзновение ко Спасу, святѣи, молитѣ непрестанно за ны грешныя, оставления прегрешений просяще, и душамъ нашимъ велия

милости.

Слава, и ныне, Богородичен: Иже тебе ради Богоотец пророк Давид, песенно о Тебе провозгласи, величия тебе сотворшему: предста Царица одесную Тебе. Тя бо, Матерь, ходатаицу живота показа, без отца из Тебе вочеловечится благоволивый Бог, да Свой паки обновит образ, истлевший страстьми, и заблуждшее горохищное обрет овча, на ramo восприим, ко Отцу принесет и Своему хотению, с небесными совокупит силами, и спасет, Богородице, мир, Христос имеяй велию и богатую милость.

Таже, Свете тихий: Прокимен дне.

На стиховне стихиры, мученичны. Глас 4:

Прославляйся в памятех святых Твоих, Христэ Боже, и от них умолен бывая, низпосли нам велию милость.

Иже святых мученик приемый терпение, и от нас прими пение, Человеколюбче, даруй нам тех молитвами велию милость.

Мертвен: Со души праведных скончавшихся души раб Твоих, Спасе, упокой, сохраняя их во блаженной жизни, яже у тебе, Человеколюбче.

Слава, и ныне, Богородичен: Свеще неугасимая, престоле праведный, Пречистая Владычице, моли спастися душам нашим.

Таже, Ныне отпускаеши: Трисвятое. По Отче наш: тропарь, и отпуст.

В пятѡк на повечѣрии

канѡн пресвятей Богородице. Глас 4.

Пѣснь 1

Ирмосъ: Трѣстаты крѣпкия, Рождейся от Дѣвы, безстрастіа во глубинѣ, души тричастное потопи, молюся, да Тебѣ яко в тимпане во умерщвлении телесе, побѣдное воспую пѣние.

От каѡла страстей, от помышлений треволнения, и от стрѣл лукаваго, и от всякаго прилога сопротивнаго спаси душу мою окаянную, Пречистая Богородительнице, и огня вѣчнаго исхити мя.

Возведи мя, Чистая, из глубины прегрешений, и настави к свѣту Божественных заповедей Спаса Христа и Бога: возсияй ми покаяния спасительную зарю, и подаждь жизнь вѣчную.

Слава: В тину лукавую впадся зол моих, удавляюся вельми делесы лукавыми, и несть постоянна: Владычице Дево Мати, Твоею силою возведи мя, и огня и муки избави мя.

И ныне: Смерть и тлю потребила еси, Богородице Всепетая, нетления Источник рождши Христа, безсмертием украсивша и благодатию человеческое естество, Пренепорочная.

Пѣснь 3

Ирмосъ: Не мудростию и силою и богатством хвалимся, но Тобою Отчею Ипостасною мудростию, Христе: несть бо свят, паче Тебѣ, Человеколюбче.

Явльшися, Чистая Дево, души моея тьму отими, и греховныя пленницы расторгни, и спаси мя, молюся, заступлением Твоим.

Колѣблющееся прилоги страстными сердце мое в страх Божий чистейший утверди, Дево Пренепорочная, благоутробием Твоим.

Слава: Отчаявся помощи всякия, к Тебѣ, Пренепорочная, державней хранительнице, и покрову притекох: не отрини убо мене от Божественнаго покрова Твоего.

И ныне: Испещрена ряснами златыми яко Царица, Царя и Бога одесную ныне предстоиши, Владычице, молящи о рабех Твоих.

Пѣснь 4

Ирмосъ: Седяй в славе на престоле Божества, во облаце легче прииде Иисус Пребожественный, нетленною дланию, и спасе зовущыя: слава, Христе, силе Твоей.

Унынием одержима мя, и страстей омрачением всего потемнена, и грехом порабощена, Богоблаженная Отроковице, свободи, и присвой

Твоему Сыну и Богу нашему.

Умерщвлена мя злобою льстиваго, Пренепорочная, яко Жизнь рождающая оживи: к Тебе бо прибегах, и погружена во глубине падежей возведи, яко милостива, Всенепорочная.

Слава: Во гробе безмерных сластей моих низлежу, унынием и леностию одержим есмь: но рождающая всех возставление, оживи мя, Благая, и спаси.

И ныне: Священную Тя древле пророк гору Божественную нарече, Дево Чистая, добродетельми всю осенену, из Неяже спасительное Слово явися, в создание и просвещение душ наших.

Песнь 5

Ирмос: Нечестивии не узрят славы Твоея, Христе, но мы Тя, Единородне, Отеческия славы Сияние Божества, от нощи утренююще, воспеваем Тя, Человеколюбче.

Да возвеселится, Владычице, душа моя смиренная, бояться Твоего Сына, и творити повеления Его от сердца, Всенепорочная Пречистая, молитвами Твоими настави.

Всем сердцем моим, Владычице Благая, исповедатися Избавителю сподоби душу мою страстную, отгонящи неведение сердца моего, Всенепорочная.

Слава: Душу мою сохрани яко зеницу ока, под кровом крилу Твоею, Благая Пречистая, и духов от лукавых томления и мучения избави.

И ныне: Избавляющи явися, Пречистая, от страстей наведения, и бесов лукавых, Твоего раба, стяжавшаго Тя державное заступление, и предстательницу непостыдную.

Песнь 6

Ирмос: Возопи, прообразуя погребение тридневное, пророк Иона, в ките моляся: от тли избави мя, Иисусе Царю Сил.

Низложи иже присно борющыя мя, Владычице, и облак лукавых помышлений разори, Солнца Праведнаго сущи Дверь, Богомати.

Воссияй ми покаяния зарю, Владычице, и облаки злых помышлений моих разруши лютыми прельщения привлекома же и растлеваема.

Слава: Утоли страстей моих свирепую волну, и бурю злых помышлений потреби, твердая всех предстательнице, и покрове, Пренепорочная.

И ныне: Умножишася паче песка морскаго прегрешения души моея, и яко бремя тяжкое низлагает мя: но Ты, Дево, прежде конца ущедривши спаси мя.

Таже, Господи, помилуй, трижды. Слава, и ныне:

Седа́лен, гла́с 4:

Тёплое заступле́ние, е́же в беда́х, и помо́щницу на́шу, и к Бо́гу премене́ние, Е́юже тли́ изба́вихомся, Богоро́дицу ве́рнии ублажа́ем.

Пёснь 7

Ирмо́с: Авраа́мстии иногда́ в Вавило́не о́троцы, пёщный пла́мень попра́ша, пёсньми взыва́юще: оте́ц на́ших Бо́же благослове́н еси́.

Тя́, Богоро́дице Чи́стая, призыва́ю ве́рно: смире́нное моё́ соблюди́ се́рдце, и изба́ви мя пла́мене муче́ния, и тьмы́ ве́чныя.

Раздери́, Де́во Чи́стая, Сы́на Твоего́ копи́ем мо́их прегреше́ний рукописа́ние, и изба́ви мя молю́ся, одержа́ния вся́каго, в ча́с кончи́ны моея́.

Сла́ва: Угаси́, Де́во Чи́стая, мо́их слёз струя́ми, и Твои́х щедро́т одожде́нием пёщ, ю́же ми исходатаи́ зол мо́их мно́жество, бесо́вским действом.

И ны́не: Изба́ви на́с искуше́ний находя́щих, Еди́на Сло́ва Ма́ти Присноде́во, и вся́каго муче́ния, воистинну́ Тя́ разу́мно пою́щих во вся́ веки́.

Пёснь 8

Ирмо́с: Изба́вителю́ все́х Всесильне́, посреде́ пла́мене благо́чествовавши́я, снизше́д ороси́л еси́, и научи́л еси́ пети́: вся́ дела́ благослови́те, пойте́ Го́спода.

Ду́шу мою́ боля́щую исцели́, и у́м омраче́нный просвети́, и огня́ исхити́, и ве́чных неизглаго́ланных му́к, Богоро́дице Де́во Богоневесто́.

Пре́клонься безсло́весными́ страстьми́, во глубину́ поги́бели снидо́х, и пла́мени сожже́ние са́м ся содела́х, от ни́хже мя изба́ви, Богоро́дице Де́во, раба́ Твоего́.

Сла́ва: Зо́л мо́их пучи́ну изсуши́, милосе́рдия́ ро́ждши пучи́ну Изба́вителя́ и Го́спода, и плени́цы зо́л мо́их разреши́ пре́жде кончи́ны, Я́же Спа́са все́х ро́ждшая.

И ны́не: Вопло́щься от утробы́ Твоея́ Го́спо́дь, го́сподствуй тва́рию, и Тебе́, Де́во, Госпо́жу показа́, ви́димым же все́м и неви́димым, яко́ Ма́терь прославля́я непоро́чную.

Пёснь 9

Ирмо́с: Е́ва у́бо недуго́м преслуша́ния кля́тву всели́ла е́сть: Ты́ же, Де́во Богоро́дице, прозя́бением чревоноше́ния миро́ви благослове́ние процвела́ еси́, те́м Тя́ вси велича́ем.

Непло́дное бы́вшее Боже́ственных добродете́лей се́рдце моё́, Пречи́стая Богоро́дице Де́во, пока́жи плодо́сно, Я́же от непло́дныя ро́ждшаяся, хоте́нием вся́ Претворя́ющаго мани́ем, да пою́ Тя́, Всепе́тую.

Светом Твои́м озари́ мя, Пренепоро́чная, ро́ждшая Све́т

Неприступный, разжени́ облаки страстей моих, и от тьмы́ несветлыя
исхити́ мя, и Божественнаго Свѣта сподоби: яко да пою́ Тя, Мати́ Дѣво.

Сла́ва: Кроплением, Чистая, Твоих щедрот омый гноения сердца
моего, источати ми присно сподоби струи слез моих, потоки страстей
укрочающи, и муки избавляющи.

И ныне: Благолюбиваго Бога рождши, благолюбивая Богородице,
любве мя плотския лукавыя ныне вскоре свободи, Владычице, и поработи
Божественней воли леностию погибающаго.

Таже, Достойно есть: и поклон до земли: Трисвятое. По Отче наш:
тропарь, и прочее обычно, и отпуст.

Суббота

В субботу утра

по 1-м стихословии, седальны мученичны, глас 4:

Днесь ангельская воинства в память страстотерпец приидоша, верных мысли просветити, и вселенную благодатию уяснити: от нихже, Боже, умолен бывая, даруй нам велию милость.

Стих: Дивен Бог во святых Своих, Бог Израилев.

Крестом вооружившися, страстотерпцы Твой, Христе Боже наш, победиша козни началозлобнаго врага, возсияша яко светила, человеки наставляюще, дают исцеления верою просящим. Тех мольбами спаси души наша.

Слава, и ныне, Богородичен: Еже от века утаеное, и ангелом неведомое таинство, Тобою, Богородице, сущим на земли явися Бог, в неслитном соединении воплощаем, и Крест волею нас ради восприим, имже воскресив первозданнаго, спасе от смерти души наша.

По 2-м стихословии седальны, глас 4:

Мученицы Твой, Господи, во страданиях своих венцы прияша нетленныя от Тебе Бога нашего: имуще бо крепость Твою, мучителей низложиша, сокрушиша и демонов немощныя дерзости, тех молитвами спаси души наша.

Стих: Многи скорби праведным, и от всех их избавит я Господь.

Иже во всем мире мученик Твоих, яко багряницею и виссом кровью Церковь Твоя украсившися, теми вопиет Ти, Христе Боже: людем Твоим щедроты Твоя низпосли, мир жительству Твоему даруй, и душам нашим велию милость.

Стих: Блажени, яже избрал, и приял еси, Господи, и память их в род и род.

Душы яже преставил еси, Спасе, от временных, упокой яко благоутробен и всемогущ, и Един Человеколюбец, прости яко щедр содеянная ими: и помилуй, Милостиве, дела рук Твоих, молитвами Богородицы, Едине Человеколюбче.

Слава, и ныне, Богородичен: Чистая Всенепорочная и Неискусомужная: Яже Единая Безлетнаго Сына и Слова Божия в лето рождающая, сего со святыми и честными патриархи, и мученики, и пророки, и преподобными моли, даровати нам очищение и велию милость.

Канон святым мучеником, и святителем, и пророком, и преподобным, [егоже краеграние: Светло похваляю Божественныя Христовы други.] Творение Иосифово. Глас 4.

Пѣснь 1

Ирмосъ: Трѣстаты крѣпкия, Рождѣйся от Дѣвы, безстрастія во глубинѣ, души тричастное потопи, молюся, да Тебѣ яко в тимпане, во умерщвлении телесе побѣдное воспую пѣние.

Светлеется присно честная церковь, подвиги светлыми господних страдалец, и Христа возсиявшаго Солнца от Дѣвы, и тьму разгнавшаго прелести, славит почитающыи.

Восхвалим верно Христовы святители, изрядныя люди упасшыя добре, и светло да похвалим собор весь преподобно поживших, и телесныя сласти умертвивших духом.

Крепость от Бога женам даровася, в постѣ и крѣпком страданіи врага поправшым благодатию: тех молитвами, Господи, и пророк святых Твоих милости Твоя всем низпосли.

Слава: Оправдай, Христѣ, рабы Твоя, яже праведным промыслением, от житія тленнаго к нетленней жизни превел еси: со всеми же твоими праведными ликовствовати сподоби, тех презирая прегрешения.

Богородичен: Избавляя нас от осуждения перваго, Сын Божий, благоизволи, Чистая, и Сын быти Твой. Темже и всыннвшесе Тебѣ ради небеснаго благословим Отца, поюще Тебѣ.

Другий канон усопшым, егоже поем наряду, идеже несть минеи, [егоже краегранесие: Правило четвертое, кончину воспоминая.] Глас 4.

Пѣснь 1

Ирмосъ: Моря чермную пучину, невлажными стопами, древний пешешествовав Израиль, крестообразными Моисеевыми руками, Амаликову силу в пустыни победил естъ.

Припевъ: Дивен Бог во святых Своих, Бог Израилев.

Держай за десную руку раб Твоих, настави их на пажить безсмертную, Спасе, на зрение доброты Твоея страстности мученики умолен бывая.

Припевъ: Упокой, Господи, души усопших раб Твоих.

Неизреченную и блаженную славу Твою, представляшьяся верою наследовати сподоби, Христѣ, презирая прегрешения их, и оправдай благодатию, изливанием Твоея крове.

Слава: Мертвостию Твоею животносною умертвителя умертвил еси, Христѣ Боже, ихже прият, и имже Твою воздая жизнь, Сам ныне упокой верныя рабы Твоя.

И ныне: Красен превысочайшими добротами, яко Божий Сын: а яко из Тебѣ, Дево, воплотившися и на Древе повешен быв доброты не имяше, смерть за всех прият.

Пѣснь 3

Ирмос: Лукъ сильныхъ изнеможе, и немощствующи препоясашася силою: сего ради утвердися в Господе сердце мое.

Якоже агнцы добропобѣднии мученицы, заколѣни бывше, Христу принесошася, заклавшемуся агнцу и слову Божию за всехъ избавление.

Уста Божия бывше священнотайницы, от недостойныхъ изведоша достойныя, учёными священными просвещаяще.

Обрѣте преподобныхъ сословіе, воздержанія ради пищу неизживаемую, насладившеся зрѣньми и Божественными восхожденіями.

Слава: Вся, Христе, яже в верѣ прѣставилъ еси, мольбами всехъ святыхъ Твоихъ, упокой, презрѣвъ яже содеянная в житіи тѣхъ прегрешенія.

Богородичен: Хвалу Богу принесемъ, от Дѣвы рождшемуся плотию, и жѣнъ лики ангельскимъ ликомъ совокупльшему.

Иън Ирмос: Не мудростию и силою, и богатствомъ хвалимся, но Тобою, Отчею Ипостасною Мудростию, Христе: несть бо святъ паче Тебѣ, Человеколюбче.

Победивше идольскую прѣлестъ мученицы, Владыку и Бога нынѣ молятъ, даровати прежде скончавшымся Божественный покой.

Обращающееся оружіе преминути благоволи, и дрѣва животнаго подобно причастіе уллучити, яже прѣставилъ еси рабы Твоя, Владыко.

Слава: В рай, Христе, пиши водворитися рабомъ Твоимъ сподоби, идеже гласъ чистъ празднующихъ, согрешеній оставление тѣмъ даруя.

И нынѣ: Божественному рождеству дѣвство сочетала еси, Пречистая: Зиждителя бо всяческихъ несказанно родила еси, Егоже хотенію вся повинуются.

Пѣснь 4

Ирмос: Седяи въ славе на престолѣ Божества, во облацѣ легце прииде Исусъ Пребожественный, нетленною дланію, и спасе зовущыя: слава, Христе, силѣ Твоей.

Священнейшее прославіся мучениковъ сословіе, священно прославиша уды своими Господа, от всехъ Ангелъ славимаго: и молятся избавитися намъ от всякия скорби.

Умъ невестественнаго светозаренія сияющъ, имущѣ Божественнии святителие, нощь всякия прѣлести разрушите, и нелестнымъ наставленіемъ настависте Богоизбранное стадо Христово къ разуму.

Украсися преподобныхъ многочисленное множество, и возвеличися Божественныхъ жѣнъ единственное торжество, и пророкъ почтѣся соборъ святый, со ангельскими соборы соединився радуяся.

Слава: Ангеломъ сограждане бывше, святіи мученицы, усопшымъ всѣмъ

испросите ослабление, и рай Божественного вселение, и прегрешений конечное избавление.

Богородичен: Иже Деву Тя сохранив по рождестве нетленну, девы вся Тебе обстоящия прослави: с нимиже непрестанно молися, спастися от всякия скорби и напасти душам нашим.

Ин Ирмос: Вознесена Тя видевши Церковь на Кресте, Солнце праведное, ста в чине своем, достойно зывающи: слава силе Твоей, Господи.

Явльшеся мученицы яко светильницы, небо просвещают церковное, иже и у Спаса Христа просят, даровати усопшым ослабление.

Жезл силы имуще Крест Твой раби Твой, мирское море проидоша: ихже всели в гору Твою, Господи, в нейже соделал еси святыню.

Слава: В селения воистинну возлюбленная, яже избрал еси, Владыко, и яже приял еси рабы Твоя, благоволи вселитися яко милосерд, идеже праведных души.

И ныне: Иже мертвыми и живыми обладай, воплощься яко Человек из Тебе, Богомати, смерть претерпе плотию Безсмертный, разрушив смерти силу.

Песнь 5

Ирмос: Ты, Господи мой, Свет в мир пришел еси, Свет Святыи, обращаай из мрачна неведения, верою воспевающия Тя.

Возносими на Крест и колесы сокрушаеми, ссецаеми же на уды крепцыи мученицы, Богу явишася не отсечени.

Спасителие верным, святителие бывше, приведосте агнцу и владыце, ихже пасти преподобне вверистеся.

Мягчей мирских отлучившеся, преподобнии, умиристе сердца от страстей, и всех Богу сынове бысте.

Слава: Божественнии пророцы, и жен сословие Богу угодившии, прежде усопшым просите покой.

Богородичен: Бог в Тя вселився, Пречистая Дево, содела человеки Своея Славы Божественная жилища.

Ин Ирмос тойже.

Ты, Господи, Твоего владычества прославил еси мученики: техже ради прежде усопшья упокой, яко благоутробен.

Нерешимый живот, красное радование, и непрестающее веселие, прежде умершым подаждь, Многомилостиве.

Слава: Едине Блаже, и источниче благодости, упокой иже в вере, и Твоем познании житие скончавших.

И ныне: Поём Тя, Богомати, Еюже сущым во тьме возсия

неизречённый и неприступный Свет, и любовью блажим.

Песнь 6

Ирмос: Приидо́х во глубины́ морскія, и потопи́ла мя́ е́сть бу́ря мно́гих грехо́в: но́ яко́ Бо́г из глубины́ возведи́ живо́т мой, Многоми́лостиве.

Яко́ прече́стно камене́ мученицы́, по земли́ премудро́ валяюще́ся, злочесті́я зда́ние все́ низверго́сте, и храмы́ Бо́жия бы́сте.

От руки́ насильственны́я спаса́ете подру́чники вся́, святители́е, праведни́и и преподо́бнии, и́же о Христе́ стадо́ соблюдающе́: се́го ра́ди ублажа́ете́ся.

Рече́нием проро́ческим послѣдующе́, же́н мно́жество, во страда́ниих же и в посте́, от жены́ Дѣвы́ возсия́вшему, Бо́гу сло́ву угоди́ша.

Слава: Все́м живо́те уме́ршым, я́же от нас в вере́ прешѣ́дшыя к Тебе́ зиждите́лю, во све́те со святы́ми Твоими́, Многоми́лостиве, сподо́би.

Богородичен: Усты́, и язы́ком, и се́рдцем испове́даю Тя́, Отрокови́це, Бо́га на́шего Чи́стую Ма́терь: и Твои́м хода́тайством изба́ви мя́ вѣчнаго осужде́ния.

И́н Ирмос: Пожру́ Ти со гласо́м хвале́ния, Го́споди, Це́рковь вопи́ет Ти́, от бесо́вскія кро́ве очи́стися, ра́ди милости́ от ребр́ Твои́х истѣ́кшею Кро́вию.

Копи́е Боже́ственная Твоя́ ребра́ пробод́шее, обра́щающее́ся ору́жие увидевше́, Спа́се, да отсту́пит от ра́б Твои́х мо́льбами́ страсотѣ́рпец Твои́х.

На Дре́ве пове́шен бы́в Спа́се мой, ра́й отверзл еси́: в вере́ убо преста́вленныя во́нь всели́, яко́ ще́др, и Твоя́ жи́зни прича́стники пока́жи.

Слава: Па́жити живо́тныя сподо́би наслади́тися, и́же к Тебе́, Влады́ко, благо́честно прехо́дящыя сме́ртию, и с праведны́ми и́же от ве́ка сопричти́.

И ны́не: Слово́ яко́ Бо́г съи́ невидим, и вопло́щся видимъ́ бы́сть, от Дѣвы́ Отрокови́цы неискусому́жныя, и сме́ртию Своёю́ сме́рть разруши́.

Песнь 7

Ирмос: Авра́амстии́ ино́гда в Вавило́не о́троцы пе́щный пла́мень попра́ша, пе́сньми зыва́юще: о́тец на́ших Бо́же благослове́н еси́.

Влады́ки Христа́ освя́щенныя́ сосу́ды, це́ркве забра́ла и столпы́ Господни́ мучени́ки в весе́лии ду́ши воспойм со́гласно.

Святители́е Христо́вы, и преподо́бныхъ́ все́х лиќ Боже́ственный ра́дуется с вы́шними́ сила́ми: те́х моли́твами, Христе́, спаса́й пою́щыя Тя́.

Терпѣ́ние благо́е же́н преподо́бне́ и страда́льне просия́вших и ве́рою по́стничествова́вших, Е́ву послуша́нием уязви́вшаго низложи́.

Слава: Ты́ И́же а́да разруши́вый, и сме́рть попра́вый, Твоёю́ сме́ртию, я́же преста́вил еси́ в вере́ упокой, и ра́я пока́жи житѣ́ли.

Богородичен: Пла́мень и́же купину́ дре́вле не опаля́ющий, ви́дя

законоположник, научаешься образу Рождества твоего, Богородительнице Деве, присно благословенная.

И́н Ирмо́с: В пе́щи Авраа́мстии о́троцы перси́дстей, любóвию благоче́стия па́че, не́жели пла́менем опаля́еми взы́ваху: благослове́н еси́ в хра́ме сла́вы Твоея́, Го́споди.

Терпéние же и по́ждание, и кро́ви всéх мученик, избавлéние приéм, благоче́стно усóпшыя у тебе́ упоко́й, я́ко ми́лостив и благопре́менитель.

Причета́вый к перво́родным, и пра́ведным Твоим, Спа́се, ду́шы ра́б Твои́х к Тебе́ преста́вленыя, сподо́би непреста́нно Тебе́ наслажда́тися, все́ми вла́дущаго.

Сла́ва: С весе́лием и со дерзнове́нием и све́тлостию Сло́ве Бо́жий Изба́вителю, благоволи́ я́ко Бо́г на о́блацех срéсти Тя́, ихже Ты́ прия́л еси́ ны́не я́ко ми́лостив.

И ны́не: Благослове́нная Богороди́тельнице Де́во Ма́ти, ра́дуйся: Тебе́ бо ра́ди бы́сть вои́стинну сме́рти потребе́ние, живо́т же неразо́римый умершым дарова́ся.

Пéснь 8

Ирмо́с: Изба́вителю всéх Всеси́льне, посреде́ пла́мене благоче́ствовавши́я, снизше́д ороси́л еси́, и научи́л еси́ пети: вся́ дела́ благослови́те, по́йте Го́спода.

Святители́е, проро́цы, и мученицы́, священны́й по́двиг сконча́вши, священное́ улучи́ша водворéние со Ангелы́: с ними́же про́сят очи́щения нам все́м и ве́лия ми́лости.

Просвети́вшесея ду́хом преподо́бнии, бесо́вскую тьму́ погуби́ша: с ними́же священномученицы́, и святители́е, проро́цы с пра́ведными, Бо́га во хвалéнии сла́вят.

И́же пре́жде безуми́ем хваля́йся погуби́ти зéмлю и мо́ре, жена́ми всегда́ попира́ется, страда́нием же и постом́ послуживши́ми Бо́гу со усерди́ем.

Сла́ва: О всéх, Христе́, мо́лимся Ти́, ве́рою усóпших, я́ко милосе́рд сих к ли́ком причти́ спасаемых, непреста́нно вопи́ющих: вся́ дела́ благослови́те Госпо́дня Го́спода.

Богородичен: Ми́лости Твоея́ сподо́би мя́, благоми́лостивное Сло́во ро́ждшая, Богороди́тельнице Влады́чице, и вопи́юща мя́ спаси́: вся́ дела́ благослови́те Госпо́дня Го́спода.

И́н Ирмо́с: Ру́це распросте́р Дании́л, льво́в зия́ния в ро́ве затче́: о́гненную́ же си́лу угаси́ша, добродете́лию препоя́савшесея, благоче́стия ра́чители о́троцы, взы́вающе: благослови́те вся́ дела́ Госпо́дня Го́спода.

Мучеников приéмля молéния, и ми́лование к единопле́менному, ду́шы

упокóй, Влады́ко, в ве́ре Твое́й усо́пших, грехи́ презря́ сих вопи́ющих Ти́: вся́ дела́ благослови́те Госпо́дня Го́спода.

Ме́ртв со беззако́нникама вмени́вся, ме́ртвым источи́л еси́ жи́знь безсме́ртную, предста́вляя у́бо рабы́ Твоя́ о наде́жди воскресе́ния, Ца́рствие Твое́ улучи́ти сподо́би, Спасе, Тебе́ вопи́ющих: вся́ дела́ благослови́те Госпо́дня Го́спода.

Сла́ва: Войсти́нну приснотеку́щий исто́чнице бла́гости, в небе́сных селе́ниях сконча́вшыся рабы́ Твоя́, и жити́е тле́нное оста́вльшыя, крóтко Спасе, прими́ри, Тебе́ вопи́ющыя: вся́ дела́ благослови́те Госпо́дня Го́спода.

И ны́не: Еди́на Ты явила́ся еси́ на земли́ Де́во Пречи́стая, и Ма́ти безму́жная: Бо́га бо роди́ла еси́ Влады́чице па́че сло́ва и смы́сла, и ве́чную жи́знь ме́ртвым источи́ла еси́. Те́мже вси́ Тя благословим, Мари́е Богоневе́сто.

Пе́снь 9

Ирмо́с: Е́ва у́бо недуго́м преслуша́ния кля́тву всели́ла е́сть, Ты́ же, Де́во Богоро́дице, прозябе́нием чревоноше́ния миро́ви Благосло́вение процвела́ еси́: Те́м Тя вси́ велича́ем.

Ви́девше Божество́нныя да́ры му́ченицы, и по́чести прие́млюще вели́ких свои́х болезне́й, ра́дуются Христа́ велича́юще, сих войсти́нну возвели́чившаго, и победоно́сцы показавшаго.

Я́ко святительствую́ще лю́дем, поста́влены бы́вше святители́е Богопропове́дницы, я́ко просвети́вшеся постом, со́лнца светле́йше преподо́бнии просия́сте, ве́рных озаря́юще де́л вели́ких явле́нием.

Со свяще́нному́ченики купно, и со все́ми проро́ки, убла́жим вся́ преподо́бныя и праведники́, и жены́ све́тло угодившы́я, тех мольба́ми, Христе́, вопи́юще: избави́ геенны́ ду́шы наша́.

Сла́ва: Ея́же сподо́бишася ра́дости святы́и, и́же до́бре Тебе́, Христе́, угодивши́и, тоя́ предста́вльшы́я к Тебе́ ве́рою сподо́би, тех презира́я согреше́ния, Го́споди еди́не многомилостиве́.

Богоро́дичен: Явльши́ся вы́шних херувим́ Всенепоро́чная превы́шши, я́ко ро́ждши содержи́теля вся́ческих, вы́шши ум мой соде́лай, на стра́сти плотския́ укрепля́ющи мя, влады́чняя твори́ти хоте́ния.

И́н Ирмо́с тойже́.

Да́л еси́ и́стинным страда́льцем, и му́чеником дерзнове́ние моли́ти Тя́, Го́споди: даждь же́ ве́рою предста́вльшымся́, Божество́нное тех ра́ди изба́вление, в ме́сто селе́ния свята́го всели́тися да́руя.

Манове́нием вседе́тельным, и́же вся́ческая полезне́ соде́ловая, живы́ми име́я о́бласть, и ме́ртвыми го́сподствуя́, я́ко всеси́лен, учини́, я́же предста́вил еси́ рабы́ Твоя́ на вода́х поко́йных.

Слава: Иже естеством сый яко благ, Иже богатый в милостех и в благодати, избави от тьмы кромешния, призывающыя Твое имя, верою оправдав и благодатию, сих просвети, яко Человеколюбец.

Богородичен: Образы, Всенепорочная, Твоего рождества пророцы проповедаша, инако же друзии преславно Тебе нарицания слагающе: Живот бо во аде сущым родила еси, державу смерти разрушающий.

Таже, Достойно есть: И поклон, ектения, и светилен, и псалмы обычные.

На хвалитех стихирь мученичны, глас 4:

Кто не ужасается зря, святии мученицы, подвига добраго, имже подвижастесь? како во плоти суще, безплотнаго врага победисте, Христа исповедающе, и Крестом вооружившесь; темже достойно явистесь бесов прогонители, и варваров победители, непрестанно молящесь спастись душам нашим.

Ангелом сопричастницы бысте, святии мученицы, на судищи Христа мужески проповедающе: вся бо яже в мире остависте красная яко не суща, веру же яко надежду тверду удержасте, темже и леть отгнавше, источаете верным исцелений дарования, непрестанно молящесь спастись душам нашим.

Како вашим подвигом не удивимся, святии мученицы? Яко телом умирающим обложени, безплотныя враги победисте, не устраиша вас мучительская прещения, ни ужасиша вас мук приложения, воистинну достойно от Христа прославистесь.

Честна смерть святых Твоих, Господи, мечем бо и огнем, и душею сокрушенною пролияша кровь свою, упование имуще на Тя, восприняти трудов мзду: претерпеша бо и прияша от Тебе, Спасе, велию милость.

Мертвен: В покоищи Твоем, Господи, идеже вси святии твой почивают, усопшыя рабы Твоя покой, яко един сый Человеколюбец.

Слава: Где есть мира пристрастие? Где есть привременное мечтание? Где есть злато и серебро? Где есть рабов множество и молва? Вся прах, вся пепел, вся сень! Но приидите возопиим безсмертному Царю: Господи, вечных Твоих благ сподоби преставльшыся от нас, и упокой тыя в нестареемом блаженстве.

И ныне, Богородичен: Единая Чистая и Пречистая Дево, яже Бога безсеменно рождающая, моли спастись душам нашим.

На стиховне стихирь покойны, глас 4:

Подобен: Дал еси знамение:

Воистинну страшно есть таинство смертное: како душа от тела нуждею разлучается, от состав и сочетания естественнаго соуза

Божественным хотением разделяется; темже Тебе молимся: преставленья упокой в крове праведных Твоих, Жизнодавче Человеколюбче.

Стих: Блажени, яже избрал и приял еси, Господи.

Сон является, верующим в Тя смерть, Тебе положену во Гробе, всеми Владущему, и смертную державу Разоршему, и Упразднившему ея насилие многолетное. Темже Ти молимся: преставленья учини в радости святых Твоих, и в праведных светлости.

Стих: Душы их во благих водворятся.

Ты правда же и освящение нам был еси, и душам избавление: Отцу бо привел еси оправданы и избавлены, восприем наше должное запрещение. И ныне молим Тя: преставленья упокой в радости и светлости святых твоих, Благодателю и Человеколюбче.

Слава, и ныне, Богородичен: Словесем последующе богоглаголивых пророк, Богородицу Тя Всенепорочная, мудрствуем: Бога бо родила еси воплотившагося недомысленно, избавльшаго нас плененных согрешении. Егоже ныне моли, Пречистая, преставленья рабы Твоя своим просветити озарением.

Таже, Благо есть: Трисвятое. По Отче наш: тропарь, ектения, и час 1-й: псалмы обычные, и отпуст.

В суббóту блажённы. Глас 4:

Дрёвом Ада́м райа́ бысть изселён: Дрёвом же крёстным разбойник в рай всели́ся. Ов́ убо́ вку́ш, за́поведь отвёрже Сотворшаго: ов́ же сраспина́ем, Бо́га испове́да таяща́гося, помяни́ мя, вопия́, во Ца́рствии Твоём.

Сти́х: Блажéни изгнáни правды́ ради́, я́ко тэ́х ёсть Ца́рство небéсное.

Распала́ющесе́ Христо́вою любовью́, святи́и мученицы́, злочéстия о́гнь оро́шением подвиг уга́сите, и свети́льницы́ многосвётли́и Цёркве я́вите́ся, отгоня́юще бла́гостию́ тьму́ неду́гов и скорбей́ от ду́ш наших. Те́мже до́лжно похва́ляем вас.

Сти́х: Блажéни есте́, егда́ поно́сят ва́м, и изжену́т, и реку́т вся́к зóл глаго́л на вы́ лжу́ще Мене́ ради́.

Святители́е свяще́ннии, и проро́к Божéственное́ сослóвие, и преподо́бных лица́, и жён свята́х еди́нственное́ торже́ство, Бо́гу уго́дивше́ добродетельными́ дея́нии, и просла́вишася. Тэ́х ублажа́ем, мольба́ми их моля́ще, получи́ти вéчный живо́т и просвещéние.

Сти́х: Ра́дуйтесе́ и веселитесе́, я́ко мзда́ ва́ша мно́га на небесéх.

Иде́же сияет Тво́й свéт, и иде́же лица́ свята́х ра́дуются, отню́ду же отбе́же воздыхание́ и боле́знь, учини́ рабы́ Твоя́ пре́жде скончавшы́яся, и оста́вльшы́я жити́е многоболе́зненное́, пéти Твою́ неизрече́нную, Христе́, бла́гостию́, презрёв их прегреше́ния, я́же на земли́ содея́ша.

Сла́ва: Неразлучна́я Трои́це, я́же во Отце́, и Сы́не, и Ду́хе, соединя́ема́ вся́чески, неслива́ема́ со́бствы, Еди́нице́ Триипоста́сная, умершы́я вёрно у тебе́ поко́й, мольба́ми свята́х Твои́х мученик, Оте́ц же и честных проро́к, подаю́щи очище́ние душа́м нашим.

И ны́не: Его́же роди́ Оте́ц пре́жде денни́цы, Сло́во зачала́ еси́, и родила́ еси́ плóтию, бывша́ челове́ка совершенна́, двема́ познава́ема́ дей́ствы, Пречистая́, и воле́ма. Того́ убо́ моли́, я́ко Зиждите́ля и Го́спода, ущедри́ти нас Тебе́ пою́щих, Отрокови́це Богоневéстная.

Конец четвёртому гласу.

Глас 5

Суббота

В субботу вечера, на малей вечерни

на Господи, возвах, поставим стихов 4: и поем стихиры воскресны осмогласника 3, повторяюще 1-ю, глас 5:

Стих: От стражи утренняя до нощи, от стражи утренняя, да уповает Израиль на Господа.

Честным Твоим Крестом, Христе, диавола посрамил еси, и Воскресением Твоим жало греховное притупил еси, и спасл еси ны от врат смертных: славим Тя, Единородне.

Воскресение дай роду человеческому: яко овча на заклание ведеса: устрашишася сего князи адстии, и взяшася врата плачевная. Вниде бо Царь славы Христос, глаголя сущым во узах, изыдите: и сущым во тьме, открыйтеся.

Велие чудо, невидимых Содетель, за человеколюбие плотию пострадав, воскресе, Безсмертный. Приидите отечествия язык, Тому поклонимся: благоутробием бо Его от прелести избавльшеся, в трех ипостасех единого Бога пети навыкохом.

Слава, и ныне, Богородичен: Боголепную и честную Отроковицу почитим, Пречестную Херувимов: Содетель бо всех вочеловечитися восхотевый, в Тую вселися неизреченно. О странных вещей, и преславных таинств! Кто не удивится о сем внушивый, яко Бог Человек бывает, и предложение в Нем не бе? И девства врата пройде, и умаление в Нем не оставися, якоже пророк глаголет: человек сия не пройдет когда, токмо един Господь Бог Израилев, имеяй велию милость.

Таже, Свете тихий:

Посем прокимен: Господь воцарися: трижды. **Стих:** Облечеса Господь в силу, и препоясася.

Таже, Сподоби, Господи, в вечер сей:

Иерей же ектений не глаголет, но поем на стиховне стихиру воскресну, глас 5:

Тебе Воплощеннаго Спаса Христа, и Небес не разлучившася, во гласех пеней величаем: яко Крест и смерть приял еси за род наш, яко Человеколюбец Господь, испровергий адова врата, тридневно воскресл еси, спасая души наша.

Ины стихиры подобны пресвятей Богородице, глас 5:

Подобен: Радуйся постником:

Стих: Помяну имя Твое во всяком роде и роде.

Руце простираю к Тебе, и скверней устне отверзаю к молению, и

прекло́няю се́рдечное ко́лено, и умно́ нога́м Твои́м пречи́стым ны́не прика́саюся, Чи́стая: и припа́даю к Тебе́: бо́лезни моя́ исцели́, ле́тныя моя́ мно́гия и неисце́льныя бла́гостию Твое́ю исцели́ стру́пы. Изба́ви от ви́димых враго́в и неви́димых: обле́гчи, Отрокови́це, тя́готу ле́ности моея́, яко́ да Тя́ пою́ и сла́влю, Е́юже обре́те мир ве́лию ми́лость.

Сти́х: Слы́ши, Дщи́, и ви́ждь, и приклони́ ухо Твое́.

Ра́дуйся, Сы́на Бо́жия несказа́нно заче́нная, Всенепоро́чная, и Сего́ ро́ждшая, плоть по́ нам вои́стинну от кро́вей Твои́х прии́мшаго, ду́шу умную́ же и самовла́стную иму́щаго: неоску́дно бо во Ада́ма обле́кшагося, ми́лости ра́ди и бла́гости неизрече́нныя. Отону́дуже во дво́ю есте́ству на́м возвеща́ется, обои́х показу́яй в Себе́ де́йство Христо́с: Е́гоже моли́ душа́м на́шим да́ти ве́лию ми́лость.

Сти́х: Лицу́ Твоему́ помо́лятся бога́тии лю́дстии.

Ра́дуйся добро́то Иа́ковля, Ю́же избра́ Бог, Ю́же возлю́би, двéре спаса́емых, пламенено́сная кле́ще, кля́твы разреше́ние, Всебла́гословенная: чре́во Боговместимое, па́дших возведе́ние: Святе́йшая Херувимов, и тва́рей преиму́щая: неудо́бозримое ви́дение, слы́шание нове́йшее, неизрече́нное глаго́лание, колесни́це Сло́ва: обла́че, из него́же возсия́ Со́лнце, и мене́ озаря́я, и су́щым во тьме́ пода́я ве́лию ми́лость.

Сла́ва, и ны́не, Богоро́дичен: Я́же о Тебе́ проро́чества, испо́лнишася, Де́во Чи́стая: о́в у́бо от проро́к двéрь Тя́ прорече́, во Еде́ме на восто́к зря́щую, ю́же никто́же про́йде, то́чию Зижди́тель Твой, и всего́ ми́ра: о́в же купину́ огне́м жегóму, яко́ в Тебе́ обита́ огнь́ Бо́жества́, и неопали́ма пребы́сть, ин гору́ святу́ю, от нея́же отсече́ся ка́мень краеуго́льный, кроме́ ру́ки челове́ческой, и порази́ о́браз мы́сленнаго Навуходо́носора: вои́стинну ве́лие и пресла́вное, е́же в Тебе́ таи́нство е́сть, Богомати́. Те́мже Тя́ сла́вим: Тобо́ю бо бы́сть спасе́ние душа́м на́шим.

Та́же, Ны́не отпу́щаеши: Трисвято́е. И по́ Отче́ на́ш: Тропа́рь: Собезнача́льное сло́во: **Богоро́дичен:** Ра́дуйся, двéре Госпо́дня непроходи́мая: **Ектениа́. И отпу́ст.**

В суббóту на вели́цей вечерни

на Гóсподи, воззва́х, поста́вим стихо́в 10 и поём стихи́ры воскресе́ны, глас 5:

Сти́х: Изведи́ из темни́цы ду́шу мою́, испове́датися и́мени Твоему́. Честным Твоим Крестом, Христе́, диавола посрамил еси́, и Воскресе́нием Твоим жало грехо́вное притупил еси́, и спаса́л еси́ ны́ от врат сме́ртных: сла́вим Тя, Единоро́дне.

Сти́х: Мене́ ждут пра́ведницы, донде́же возда́си мне́. Воскресе́ние да́й роду́ человеческому, яко́ овча́ на заколе́ние веде́ся: устраши́шася Сего́ князи́ адсти́и, и взя́шася врата́ плачевна́я. Вни́де бо Ца́рь славы́ Христо́с, глаго́ля су́щым во у́зах, изыди́те: и су́щым во тьме́, откры́йтеся.

Сти́х: Из глубины́ воззва́х к Тебе́, Гóсподи, Гóсподи, услы́ши глас мой. Вели́е чудо́, невидимых Соде́тель, за человеколю́бие плоти́ю пострада́в, воскресе́ Безсме́ртный, прииди́те оте́чества́ язы́к, Тому́ поклони́мся: благоутро́бием бо Его́ от преле́сти изба́вльшеся, в триех́ Ипоста́сах еди́наго Бога́ пе́ти навько́хом.

Ины́ стихи́ры Анато́лиевы, глас то́йже.

Сти́х: Да будут уши́ Твои́, внемлю́ще гласу́ моле́ния моего́. Вечернее́ поклонение́ прино́сим Тебе́, Невечерне́му Свету́, на ко́нц веко́в, яко́ в зерка́ле плоти́ю возсия́вшему́ миру́, и да́же до а́да низше́дшему, и тамо́ су́щую тьму́ разруши́вшему, и све́т Воскресе́ния язы́ком показав́шему: Светода́вче Гóсподи, сла́ва Тебе́.

Сти́х: А́ще беззако́ния на́зриши, Гóсподи, Гóсподи, кто́ постои́т? Яко́ у тебе́ очи́щение е́сть.

Нача́льника спасе́ния на́шего, Христа́ славосло́вим: Тому́ бо из ме́ртвых воскресе́шу, мир от преле́сти спасе́н бы́сть. Ра́дуется лик а́нгельский, бе́гает де́монов преле́сть, Ада́м пады́й воста́, диавол упрздни́ся.

Сти́х: Имене́ ра́ди Твоего́, потерпе́х Тя, Гóсподи, потерпе́ душа́ моя́ в сло́во Твое́, упова́ душа́ моя́ на Гóспода.

И́же от кустодии́ науче́ни бы́ваху от беззако́нник, покрый́те Христо́во воста́ние, и приими́те сре́бреники, и рцы́те яко́ нам спя́щым, из гроба́ укра́ден бы́сть ме́ртвый. Кто́ ви́де, кто́ слы́ша, мертвеца́ укра́дена ко́гда, паче́ же пома́зана и на́га, оставя́ща и во гробе́ погребальна́я своя́? Не прельща́йтеся, иудее́, навькните́ рече́нием проро́ческим, и уразуме́йте, яко́ Той е́сть вои́стинну́ Изба́витель ми́ра, и Всеси́льный.

Стих: От стражи утрення до но́щи, от стражи утрення, да упова́ет Израиль на Го́спода.

Го́споди, а́д пленивый, и сме́рть попра́вый, Спа́се на́ш, просвети́вый мир Крестом честным, поми́луй нас.

Ины стихиры, Богородице, Павла Аморре́йскаго, глас 5:

Подобен: Ра́дуйся:

Стих: Я́ко у Го́спода ми́лость, и мно́гое у Него́ изба́вление, и То́й изба́вит Израи́ля от все́х беззако́ний его́.

Престо́л Херувимский вои́стинну, я́ко Превы́шши тва́рей бы́вши: в Тебе́ бо Бо́жие Слово, наш зра́к назда́сти хотя́, всели́ся, и проше́д с плоти́ю из Тебе́, Всечы́стая: Крестную́ же стра́сть на́с ра́ди восприя́т, и Воскресе́ние я́ко Бо́г дарова́, изме́няемому́ нашему́ осужде́нному естеству́. Те́м я́ко Соде́телю, Сыну́ Твоему́ мо́лимся, Богомати, улучи́ти прощение́ и ми́лость в час судный.

Стих: Хвалите Го́спода все́ язы́цы, похвалите́ Его́ все́ лю́дие.

Что́ Твою́, Богороди́тельнице Чы́стая, нареку́ Церковь Богосла́вную? Вертогра́д Еде́мский имену́ю, и Но́ев, Чы́стая, ковчег прореку́, спа́сший Богу́ ца́рское свяще́ние, все́ свят язы́к, Христа́ Бо́га на́шего собо́р: Моисе́ову же киво́ту уподо́бляю́ Тя, в немже́ очисти́лице и же́сл прозя́бший, в немже́ све́щник и ру́чка, кади́льница всезлата́я, во́ньже прибега́ет вся́к ве́рный, и испро́шает ве́лию ми́лость.

Стих: Я́ко утверди́ся ми́лость Его́ на на́с, и и́стина Госпо́дня пребыва́ет во ве́к.

Еди́на безнаде́жным Наде́ждо, беспомо́щным гото́вая По́моще, ми́лости Ро́ждшая Воли́теля Иису́са, мою́ поми́луй ны́не немо́щь, Чы́стая, и пода́ждь ми помы́слом умиле́ние. Стру́ями слез са́мых согрешений́ моих, непобеди́мую пото́пи пучи́ну: отжени́ безме́рных моих страсте́й бу́рю: и испо́лни ти́шины Бо́жественны́я смуще́нное се́рдце мое́, Христа́ моля́щи, пода́ти ми согрешений́ соверше́нное оставле́ние.

Слава, и ны́не, Богороди́чен: В Чермне́м мо́ри, Неискусобра́чныя Неве́сты образ написа́ся ино́гда: та́мо Моисе́й, разделе́тель воды: зде́ же Гаври́ил, служи́тель чуде́се. Тогда́ глубину́ шество́ва немо́крено Израи́ль: ны́не же Христа́ роди́ безсе́менно Де́ва. Мо́ре по прошество́вии Израилеве, пребы́сть непроходно́: Непоро́чная по Ро́ждестве́ Емману́илеве, пребы́сть Нетле́нна. Сый, и пре́жде Сый, явлей́ся я́ко Чело́век, Бо́же, поми́луй на́с.

Та́же, Све́те тихий: Прокі́мен: Госпо́дь воца́рися: **И проче́е по обы́чаю.**

На стихо́вне стихи́ры воскре́сны, глас 5:

Тебе́, Воплоще́ннаго Спа́са Христа́, и Небе́с не разлучи́вшася, во

гласех пений величаем: яко Крест и смерть приял еси за род наш, яко Человеколюбец Господь, испровергий адова врата, тридневно воскресл еси, спасая души наша.

Ины стихиры по алфавиту.

Стих: Господь воцарися, в лепоту облечеса.

Прободенным Твоим ребром, Жизнодавче, токи оставления всем источил еси, жизни и спасения: плотию же смерть восприял еси, безсмертие нам даруя: вселив же ся во гроб нас свободил еси, совоскресив с Собою славно яко Бог. Сего ради вопием: Человеколюбче Господи, слава Тебе.

Стих: Ибо утверди вселенную, яже не подвижится.

Странно Твое распятие, и еже во ад сошествие, Человеколюбче, есть: пленив бо его, и древняя юзники совоскресив с Собою славно яко Бог, рай отверз, восприяти сего сподобил еси. Темже и нам славящим Твое тридневное Востание, даруй очищение грехов: рая жители сподобляя, яко Един Благоутробен.

Стих: Дому Твоему подобает святыня, Господи, в долготу дней.

Нас ради плотию страсть приемый, и тридневен из мертвых воскресый, плотския наша страсти исцели, и возстави от прегрешений лютых, Человеколюбче, и спаси нас.

Слава, и ныне, Богородичен: Храм и Дверь еси, Палата и Престол Царев, Дево Всечестная, Еюже Избавитель мой, Христос Господь, во тме спящим явися, Солнце Сый правды, просветити хотя, яже созда по образу Своему рукою Своею. Темже, Всепетая, яко Матерне дерзновение к Нему стяжавшая, непрестанно моли спастися душам нашим.

Таже, Ныне отпускаеши: Трисвятое. По Отче наш:

Тропарь, глас 5:

Собезначальное Слово Отцу и Духови, от Девы Рождшееся на спасение наше, воспойм вернии и поклонимся: яко благоволи плотию взыти на Крест, и смерть претерпети, и воскресити умершья славным Воскресением Своим.

Богородичен: Радуйся, Двере Господня непроходимая: радуйся Стено и Покрове притекающих к Тебе. Радуйся, Необуреваемое Пристанище, и Неискусобрачная, Рождшая плотию Творца Твоего и Бога: молящи не оскудевай о воспевающих, и кланяющихся Рождеству Твоему.

В суббóту на повечэ́рии

глаголет иерей: Благословен Бог: **И мы:** Слава тебе, Боже наш, слава Тебе. Царю небесный: **Трисвятое. и по** Отче наш: Господи, помилуй, **12. Слава, и ныне:** Приидите поклонимся: **трижды. псалом 50, и прочее** обычно.

Посем канон Пресвятей Богородице, глас 5:

Песнь 1

Ирмос: Коня и всадника в море Чермное, сокрушаяй брани мышцею высокою, Христос истрясет: Израиля же спасет, победную песнь поющая.

Припев: Пресвятая Богородице, спаси нас.

Песнь Ти по достоянию приносить, Владычице, недоумеем вси: слава бо паче всех Твоя. Но обаче, Богоневесто, не омерзи моление приносимое со страхом и любовью Тебе.

Вси к воде Твоего неоскуднаго источника, Богородице Дево, притекаем зовуще: едина Радосте роду нашему, Пречистая, испроси мир церквам Твоим.

Слава: Положи Тя пристанище сущим в бедах, Чистая, Бог, Иже от Тебе благоволивый восприняти плоть. Темже Ти припадающе взываем: даруй Твоим рабам Твою помощь.

И ныне: Облегчение Твоя молитва, Дево Пречистая, Твоим рабам да будет, страстей отгнание, грехов разрушение, и всяческих болезней, Богородительнице, очищение.

Песнь 3

Ирмос: Водрузивый на ничесомже землю повелением Твоим, и повесивый неодолимо тяготеющую, на недвижимем Христе, камени заповедей Твоих, Церковь твою утверди, Едине Блаже и Человеколюбче.

Ты еси земнородных упование, и помощь и радость, покров и прибежище, Владычице Мати Живота. Темже Тя молим: Твою помощь низпосли всем поющим Тя, Пречистая.

Недугующии, и напастями лютыми одержимии, Вседетелю Щедрый, Иже всяческих Боже, Пречистую сень Твою Матерь, Спасе, на мольбу Ти приводим: разреши пленницы прегрешений наших.

Слава: Всех Содержителя и Зиждителя и Господа рождающая Едина, и девствующи, иже воистинну Тя Божию Матерь славят, спасение, Богоневесто, подаждь свыше рабам Твоим.

И ныне: Вод животворных мя исполни, Владычице, Божественную воду миру источившая: и беззаконий моих лютыя потоки и сердца моего

волны Божественною Твоею тишиною укроти.

Пѣснь 4

Ирмосъ: Божественное Твое разумѣе истощаніе, прозорливо Аввакумъ, Христѣ, со трѣпетомъ вопіяше Тебѣ: во спасеніе людей Твоихъ спасти помазанныя Твоя пришелъ еси.

Яко всѣхъ вышшу сущую тварей, Тя Богъ сущымъ на землі дарова, Еже к Нему ходатайствы виновну, Богородице Препетая.

Цѣрковь Тя Божию вѣдуще, Дѣво Мати, прилѣжно молимся Тебѣ чтущи: не затвори рабомъ Твоимъ, Богородице, Твоя милости дверей.

Слава: Тя вси Божию вѣдуще преукрашену воистинну одежду, Мати Браконеискусная: иже Тя чтущи просимъ, во оставленія одежду облещи насъ.

И ныне: Миръ в Рождествѣ Твоемъ, Пречистая, весь исполнися радости: отнележе, еже радуйся, великий Тебѣ, Дѣво Мати Маріе, свѣше Гавриилъ возгласи.

Пѣснь 5

Ирмосъ: Одейся свѣтомъ яко ризою, к Тебѣ утренюю, и тебѣ зову: душу мою просвети омраченную, Христѣ, яко Единъ Благоутробенъ.

Воистинну наказуемъ, не по равенству же долга согрешеній нашихъ: но, о Дѣво Мати Пречистая, отвори весь гнѣвъ Сына Твоего от насъ.

Единаго изведшаго светъ отъ тмы, Чистая, Бога рождши неискусобрачно, прилѣжно моли Его, низпослати Божественный Свѣтъ рабомъ Твоимъ.

Слава: От каженія молитвы Твоея, Чистая, и Божественная Невѣсто от Ливана, Юже Соломонъ прорече, рабы Твоя, Мати Зиждителя, благоухай.

И ныне: Ты Правду же и Избавленіе намъ рождши, Христа без семени, свободно содеяла еси, Богородице, от клятвы естество прадѣнее.

Пѣснь 6

Ирмосъ: Нейстовствующееся бурю душетленною, Владыко Христѣ, страстей море укроти и от тли возведи мя, яко Благоутробенъ.

Богородице Владычице, рождшая Содѣтеля, Твоимъ рабомъ испроси оставленіе: и державны насъ воздвигни, во еже пѣти Тя.

Буди намъ помощь Твоимъ рабомъ, Владычице Чистая, вѣрно молящимъ Тя, яко Милостива: и державны насъ воздвигни, во еже пѣти Тя.

Слава: По достоянію имущи, еже мощи, Владычице Чистая, Твоимъ милостивнымъ окомъ призри, и от тли насъ Твоя рабы возведи.

И ныне: Непрестанно точащи щедротъ струи, Благая, просящимъ, одожди и мнѣ свѣтъ заповѣдей Твоего Сына, Пренепорочная.

Таже, Господи, помилуй, **трижды.**

Слава, и ныне, седален, глас 5:

Всесвятая Дѣво, помилуй нас прибегающихъ верою к Тебѣ, Милосердой, и просящихъ тѣлаго Твоего заступленія: можеша бо всехъ спасти, яко Благая сущи Мати Бога Вышняго, Матерними Твоими молитвами присно объемши, Дѣво Богорадованная.

Пѣснь 7

Ирмосъ: Превозносимый отцевъ Господь пламень угаси, отроки ороси согласно поющыя: Боже, благословен еси.

Неизследная Божия мудросте, Христе, рабы Твоя ущедри, Рождшия Тя ради, непрестанно поющыя: Боже, благословен еси.

Твою благодать молимъ, Господи, язву исцели Рождшия Тя ради со страхомъ поющихъ: Боже, благословен еси.

Слава: Окомъ милостивнымъ Твоимъ, Богомати, призри и избави рабы Твоя всякаго обстоянія, верою поющыя: Боже, благословен еси.

И ныне: Зло дѣлающе, Владычице, от Тебѣ отпадохомъ: но обретохомъ, Пречистая, абие помощь Твою, внемди звати: Боже, благословен еси.

Пѣснь 8

Ирмосъ: Из Отца прежде векъ рожденнаго Сына и Бога, и в последняя лета воплощеннаго от Дѣвы Матере, священницы пойте, людие, превозносите во вся веки.

Владычице наша, благихъ Подательнице, рабомъ Твоимъ даруй страстей исцеление: яко да непрестанно поемъ Тя, Дѣво, и превозносимъ во веки.

Неизглаголанно, Чистая, Избавителя рождши, несказанно доила еси Дѣва пребывши. Егоже убо моли о поющихъ Тя, и славословящихъ во вся веки.

Слава: Тебѣ, Светлому Избавителя Свѣтнику, прекрасный сплѣтше ликъ поемъ: вся дела Господня пойте непрестанно Дѣву Марию, и превозносите Ю во веки.

И ныне: Чистая Агнице, Дѣво Мати Отроковице, чиста мя сотвори от страстей телесныхъ: яко да лстываго избавлюся сетей, песнослова Тя, Богорадованная.

Пѣснь 9

Ирмосъ: Исаие ликуй, Дѣва имѣ во чреве, и роди Сына Еммануила, Бога же и Человека, Востокъ Имя Ему: Егоже величающе, Дѣву ублажаемъ.

Совершается пѣние убо, надежда же, Владыко Христе, непреходна, яже к Тебѣ Содетелю, якоже и благодать Твоя: но отобоюду силу крепку давай рабомъ Твоимъ, молитвами Рождшия Тя.

Недугующымъ сила, и болящимъ близъ Ты, Чистая, еси, яко истинная Мати Жизни: темже к Тебѣ прибегающе, пременение всехъ скорбныхъ

обрето́хом, Влады́чице, и кро́вом Твои́м спаса́хомся.

Сла́ва: Тво́й Божество́нный ви́дяще обра́зно Влады́чице зра́к, зри́м Тя́ в нём́ я́коже я́ве, вся́ко ненави́дяще ерети́к безу́мие на земли́. Ему́же припада́юще исцеле́ние прие́млем.

И ны́не: Исцеле́нием бездну́, и благода́тем пучи́ну, Чи́стая, позна́хом Тя́ мы́ гре́шнии. Те́мже Ти́ мо́лимся: от ну́жных все́х изми́, Еди́на Пре́чи́стая, притека́ющих к покрову́ Твоему́.

Та́же, Досто́йно е́сть: Трисвято́е. **По** О́тче наш: **Конда́к, и проче́е обы́чно: и отпу́ст.**

Неделя

В неделю ўтра, на полунощнице

канон Святей и Живоначальной Троице, [егоже краестрочие: Правило пятое Свету Трисолнечному.] Творение Митрофаново, глас 5:

Песнь 1

Ирмос: Коня и всадника в море Чермное, сокрушая брани, мышцею высокою Христос истряс: Израиля же спасе, победную песнь поюща.

Припев: Пресвятая Троице Боже наш, слава Тебе.

Державу Единственного и Трисолнечного зрака воспевающе вопиём: ум наш озари, Боже Всесильне, и к Твоей Владыко, возвыси славе неизреченней.

Горы Тя ангельская удобрения умная немолчно поют Трисвятими песнями, Единицу Тричисленную, и Троицу Сообразну, Пресущественну, Всесильну.

Слава: Божественное питание Твоя любовь, сладчайшее, светодейственное, души моей подаждь, Троице Единице Светоначальная, и Божественное умиление очистительное, Владыко Многомилостиве, всея твари.

И ныне, Богородичен: Якоже на руно снеде без шума с небесе, Дево, дождь в ложесна Твоя Божественный: и спасе все изсохшее человеческое естество, Пречистая.

Песнь 3

Ирмос: Водрузивый на ничесомже землю повелением Твоим, и повесивый неодолимо тяготеющую, на недвижимом Христе, камни заповедей Твоих, Церковь Твою утверди, Едине Блаже и Человеколюбче.

Умыслив умная существа, составил еси певцы непрестанныя Твоего Божества, Трисветлый Боже и Вседетелю: но и бранных и земнородных прими моление и мольбу, яко Благоутробен.

Иже всякого по естеству пренесения неприятен, изменяемым нам и поющим, неизследимый источник Твоя благодати, согрешений даждь прощение, и спасение, яко Благоутробен.

Слава: Отца и Сына, и Духа славим, в непреломном зраце Божества Тебе Единственному и Трисианному Господу всех, якоже пророцы, и апостоли от Тебе яже научишася.

Богородичен: Явился еси Моисею в купине, яко ангел совета Великаго Вседержителя, Твое еже от Девы проявляя воплощение, Божий Слово: имже нас претворил еси, и на небеса возвел еси.

Господи, помилуй, **трижды.**

Седáлен, глас 5. Подóбен: Собезначáльное слóво:

Милостива еси́ Троице Нераздели́мая: милуеши́ бо́ всех,́ яко́ Всеси́льная и Всеще́дра, Сострада́тельна и Многоми́лостива. Те́мже прибега́ем к Тебе́, иже грехми́ многими́ отягча́еми́ взыва́юще: очисти́ Твоя́ рабы́, и избави́ всех́ всякия́ муки́.

Сла́ва, и ны́не, Богоро́дичен: Всесвята́я Де́во, поми́луй на́с прибега́ющих ве́рою к Тебе́ Благоутро́бней, и просящих те́плага Твоего́ ны́не заступле́ния: мо́жеша бо́ яко́ Благая́ всех́ спасти́, яко́ су́щи Ма́ти Бо́га Вышня́го, Матерняя́ Твоя́ моли́твы присно́ употребля́ющи, Богоблагода́тная.

Пе́снь 4

Ирмо́с: Божество́нное Твое́ разумёв исто́щание, прозорли́во Авваку́м, Христе́, со трепетом вопия́ше Тебе́: во спасе́ние люде́й Твои́х, спасти́ помазанны́я Твоя́ пришёл еси́.

Та́йно науча́ется Еди́наго Госпо́дства Трисвётлому́ Дании́л, Христа́ Судию́ узре́в ко Отцу́ иду́ща, и Ду́ха проявля́юща видёние.

Бренными́ поющих́ Тя́ усты́, Пресу́щественнаго́ Бо́га, Трои́чна Ипоста́сьми, Еди́нственна́ же Естество́м, славы́ а́нгельския́ сподо́би.

Сла́ва: Еди́ну вла́сть, и Еди́но Госпо́дство, в Трех́ Свои́х свойства́х неразлу́чно сла́вим: Отче́, и Сы́не, и Ду́ше, просвети́ ны́ рабы́ Твоя́.

Богоро́дичен: Го́ра частая́ и присе́нная, Ю́же ви́дев пре́жде Авваку́м, из Нея́же про́йде Святы́й: неудобь зримо́е Рожде́ство́ явля́ше Твоего́, Дево́, зачатия́.

Пе́снь 5

Ирмо́с: Оде́йся све́том яко́ ризо́ю, к Тебе́ у́треннюю, и Тебе́ зову́: ду́шу мою́ просвети́ омраче́нную, Христе́, яко́ Еди́н Благоутро́бен.

И́же за бла́гость созда́вый челове́ка, и по образу́ Твоему́ сотвори́, во мнѐ обита́й, Трисвётне́ Бо́же мой,́ яко́ Бла́г и Благоутро́бен.

Ты́ мя наста́ви, Еди́нице Трисо́лнечная, к сте́зям Божество́нным спасе́ния, и Твоего́ сия́ния испо́лни,́ яко́ естество́м Бо́г Неисчето́сислен.

Сла́ва: Све́т Неразде́льный Еди́наго Естества́, разде́ленный начертáньми, Триси́янный, Невече́рний, моё́ се́рдце луча́ми Твои́ми озари́.

Богоро́дичен: Я́ко ви́де Тя́ дре́вле, Чи́стая Пренепоро́чная, проро́к, зря́щая врата́ к Све́ту Незаходи́мому, а́бие Тя́ позна́ Бо́жие Жили́ще.

Пе́снь 6

Ирмо́с: Неистовствующе́ея бу́рею́ душетле́нною, Влады́ко Христе́, страсте́й мо́ре укроти́, и от тли́ возведи́ мя,́ яко́ Благоутро́бен.

Трисвётло́е су́ще Богонача́лие Ипоста́сне, Еди́нственна́ еси́,́ яко́ сообразна́ и Равноде́тельна, и по су́ществу́ и хоте́нию.

Довольно изъяви пророк, поя Отцу Твоему Свету: узрим Духом, Свет Сына, Единого Бога Трисолнечного.

Слава: Несоставно Существо в Трёх Свойствах, Едину власть и Державу имый: Тем бо состоится тварь всяческая, и обновляется.

Богородичен: Прегрешений избавление и бед, Владыко Боже, Единственне и Трисветне, низпосли Твоим певцем, молитвами Богоматере.

Господи, помилуй, **трижды.**

Седален, глас 5. Подобен: Собезначальное Слово:

Трисолнечный Свет славословим, и Простей Троице ныне поклонимся, яко просвети нас и помилува, и избави от тли весь род человеческий, избавляючи от прелести идольския весь мир, и Царство нам подаде.

Слава, и ныне, Богородичен: Недоумевся от всех, к Тебе прибегах к Надежды всех, и Прибежищу грешных и смиренных, зовый: согреших, и пребываю в злых, нечувствуя окаянный. Помилуй мя, прежде конца обрати мя, и избави всякия муки, недостойного.

Песнь 7

Ирмос: Превозносимый отец Господь, пламень угаси, отроки ороси согласно поющыя: Боже, благословен еси.

Яко имый бездну милости, Господи, и пучину неизчетну щедрот, помилуй Единого Тя поющих, Трисветлаго Бога всех.

Необмыслимаго, Единственна и Трисветла, Бога Тя и Господа поюще вопием Ти: подаждь Твоим рабом очищение грехов.

Слава: Равно Ипостаси во Единой Державе чтуще разделяем Неразделимо Существо, Бога Отца, и Сына, и Пресвятаго Духа.

Богородичен: Отрасль прозябла еси, Отцу Собезначальную, цвет Божества: Отрасль Соприсносущную, Дево, дающую жизнь всем человеком.

Песнь 8

Ирмос: Тебе, Вседетелю, в печи отроцы, всемирный лик сплетше, пояху: дела всякая Господа пойте, и превозносите во вся веки.

Да Единого открыеши древле яве Господства Троичную Ипостась, явился еси, Боже мой, во образе человек Аврааму, поющу Твою Державу Единственную.

Ты мя к Твоим благодетельным лучам взирати сподоби, Свете Неприступный, Отче Щедрый, и Слове, и Душе, еже благоугождати Тебе присно, Господи всех.

Слава: Свят Отец Бог Превечный: Свят же Сын из Отца рожден: Свят же и Животворящий Дух, исходя из Отца, Сыном же являемь.

Богородичен: Облиста́ла еси́ нам от Трисо́лнечныя сла́вы, Еди́наго Всепе́тая Христа́ Го́спода, все́х тайнонау́чающа Еди́ному Богонача́лию в Три́ех Ли́цах, пе́ти во ве́ки.

Песнь 9

Ирмос: Иса́ие лику́й, Де́ва имé во чре́ве, и роди́ Сы́на Емману́ила, Бо́га же и Чело́века, Восто́к И́мя е́му: Егóже велича́юще, Де́ву ублажа́ем.

Глаго́лания чело́веческая по досто́янию, Безнача́льная Еди́нице, не мо́гут пе́ти Тя: оба́че я́коже мо́щно дерза́юще от ве́ры, Богонача́льная, Сопресто́льная Трои́це, сла́ву приносим Твое́й Держа́ве, и хвалу́.

Равноста́тную славою, Тя Еди́нонача́льнаго Трисве́тлаго Бо́га сла́вят Херуви́ми и Серафи́ми пречи́стыми усты́: с ними́же и на́с грешных приими́, Го́споди, Твою́ Держа́ву велича́ющих.

Слава, Иса́иа Тя ви́де на Престо́ле херуви́мсте, и Серафи́мы стоя́щья о́крест Тебе́, кри́лы лица́ закрыва́ющья, и вопи́ющья: Свят, Свят, Свят, Трисвяты́й Бо́же, сла́вимый в Три́ех Сво́йствах.

Богородичен: Я́ко Чи́стая и Непоро́чная и Де́ва, родила́ еси́ Сы́на, изба́вляющаго на́с от искуше́ний, Бо́га Неизме́нна: но и ны́не оставле́ние нам прегреше́ний да́ти Сего́ моли́.

Посем припе́вы Григо́риа Синайта: Досто́йно е́сть: **И прóчее полунощницы, пи́сано в конце́ кни́ги сея́.**

На ўтрени, по шестопсалмии

Бог Господь, и явися нам: на глас 5: и глаголем тропарь воскресный: Собезначальное Слово Отцу: дважды. Слава, и ныне, Богородичен: Радуйся, Двере Господня Непроходимая: Таже, обычная стихология Псалтира.

По 1-м стихословии седальны воскресны, глас 5:

Крест Господень похвалим, погребение Святое песнями почтим, и Воскресение Его препрославим: яко совозстави мертвые от гроб яко Бог, пленив смерти державу, и крепость диаволу, и сущим во аде свет возсия.

Стих: Воскресни, Господи Боже мой, да вознесется рука Твоя, не забуди убогих Твоих до конца.

Господи мертв нареклся еси, умертвивый смерть, во гробе положился еси, истощивый гробы: горе воины гроба стражаху, доле от века мертвые воскресил еси. Всесильне и Непостижимо Господи, слава Тебе.

Слава, и ныне, Богородичен: Радуйся, Святая Горы и Богопроходная, радуйся, одушевленная купино и неопалимая. Радуйся, Единая к Богу миру Мосте, преводяй мертвые к Вечному Животу. Радуйся, Нетленная Отроковице, неискусомужно рождающая спасение душ наших.

По 2-м стихословии седальны воскресны, глас 5:

Господи, по тридневнем Твоем Воскресении, и апостолов поклонении, Петр вопияше Ти: жены дерзновение прияша, аз же убояхся. Разбойник богословяше, аз же отвергохся. Убо призвеш ли мя прочее ученика быти? или паки покажеш ли мя ловца глубиннаго? но кающася прими мя, Боже, и спаси мя.

Стих: Исповемся Тебе, Господи, всем сердцем моим, поведем вся чудеса Твоя.

Господи, посреде осужденных пригвоздиша Тя беззаконнии, и копием ребро Твое прободоша, о Милостиве! Погребение же приял еси, разрушивый адова врата, и воскресл еси тридневно. Притекоша жены видети Тя, и возвестиша апостолом востание: Превозносимый Спасе, Егоже поют ангели, Благословенный Господи, слава Тебе.

Слава, и ныне, Богородичен: Неискусобрачная Невесто Богородительнице, Яже Евину печаль радостотворившая, воспеваем вернии и поклоняемся Тебе, яко возвела еси нас от древния клятвы: и ныне моли непрестанно, Всепетая, Пресвятая, во еже спастися нам.

Ипакои, глас 5:

Ангельским зраком ум смущающая, и Божественным востанием душею

просвещаемы, мирно́сицы апо́столом благовество́ваху: возвестите во язы́цах Воскресе́ние, Го́споду соде́йствующу чудесы́, пода́ющему на́м велию́ милость.

Степе́нна, гла́с 5. Антифо́н 1.

И́хже стихи́ повто́ряюще поём:

Внегда́ скорбе́ти мне́, Дави́дски пою́ Тебе́, Спа́се мой: изба́ви ду́шу мою́ от язы́ка льсти́ваго.

Пустьи́нным живо́т блаже́н е́сть, Боже́ственным ра́чением воскриля́ющимся.

Сла́ва: Святы́м Ду́хом одержа́тся вся, ви́димая же с неви́димыми: Самоде́ржавен бо сый, Трои́цы Еди́н е́сть нело́жно.

И ны́не, тойже. Антифо́н 2:

На го́ры, ду́ше, воздви́гнемся, гряди́ та́мо, отню́дуже по́мощь и́дет.

Десная́ Твоя́ рука́, и мене́, Христе́, каса́ющися, от ле́сти вся́кия да сохра́нит.

Сла́ва: Свято́му Ду́ху богосло́вяще рцём: Ты́ еси́ Бо́г, Живо́т, Ра́чение, Све́т, Ум: Ты́ Благосты́ня, Ты́ ца́рствуеши во ве́ки.

И ны́не, тойже. Антифо́н 3:

О ре́кших мне́: во дво́ры вни́дем Госпо́дня: ра́дости мно́гия испо́лнен бы́в, моли́твы возсыла́ю.

В до́му Дави́дове стра́шная соверша́ются: о́гнь бо та́мо паля́ вся́к сра́мный ум.

Сла́ва: Свято́му Ду́ху живона́чалное досто́инство, от Него́же вся́кое живо́тно одуше́вляется, я́ко во Отце́, купно́ же и Сло́ве.

И ны́не, тойже.

Проки́мен, гла́с 5: Воскреси́, Го́споди Бо́же мой, да вознесе́тся рука́ Твоя́, я́ко Ты́ ца́рствуеши во ве́ки. **Сти́х:** Испове́мся Тебе́, Го́споди, все́м се́рдцем мойи́м. Вся́кое дыха́ние: **Сти́х:** Хвали́те Бо́га во святы́х Его́:

Еванге́лие у́треннее ря́довое.

Воскресе́ние Христо́во ви́девше, поклони́мся Свято́му Го́споду Иису́су, Еди́ному Безгре́шному: Кресту́ Твоему́ покланя́емся, Христе́, и свято́е Воскресе́ние Твое́ поём и сла́вим: Ты́ бо еси́ Бо́г на́ш, разве Тебе́ ино́го не зна́ем, Имя́ Твое́ имену́ем. Прииди́те, вси́ ве́рнии, поклони́мся свято́му Христо́ву Воскресе́нию: се́ бо прииде́ Крестомъ́ ра́дость все́му ми́ру. Всегда́ благосло́вяще Го́спода, поём Воскресе́ние Его́: распя́тие бо претерпе́в, сме́ртию сме́рть разруши́.

Псаломъ́ 50: Помилуй́ мя, Бо́же:

Сла́ва: Моли́твами апо́столов, Ми́лостиве, очи́сти мно́жества согреше́ний на́ших.

И ны́не: Моли́твами Богоро́дицы, Ми́лостиве, очи́сти мно́жества согреше́ний на́ших.

Та́же, гла́с 6: Помилуй мя, Бо́же, по вели́цей ми́лости Твое́й, и по мно́жеству щедро́т Твои́х, очи́сти беззаконе́ мое.

Посе́м стихи́ра:

Воскре́с Иису́с от гроба́, я́коже прорече́, даде́ на́м живо́т ве́чный, и велию́ милость.

Спаси́, Бо́же, лю́ди Твоя́:

И возглас: Ми́лостию и щедро́тами и человеколю́бием:

Кано́ны: Воскре́сный на 4: Кре́стовоскре́сный на 3: Богоро́дичен на 3: Мине́и на 4. А́ще же пра́зднуется святы́й, на 6. Кре́стовоскре́сный на 2: и Богоро́дицы на 2.

Кано́н воскре́сен, гла́с 5:

Песе́нь 1

Ирмо́с: Ко́ня и вса́дника в мо́ре Чермно́е, сокруша́яй бра́ни мы́шцею висо́кою, Христо́с истрясе́: Израи́ля же спасе́, побе́дную песе́нь пою́ща.

Припе́в: Сла́ва, Госпо́ди, свято́му Воскре́сению́ Твоему́.

Тебе́ терноно́сный евре́йский со́нм, любве́ Благодетелю́ к Тебе́ не сохра́нь ма́терния, Христе́ венча́, родонача́льника разреша́юща терно́вное запре́щение.

Воздвигл еси́ мя па́дшаго в ро́в, прекло́нься, Жизнода́вче, Безгре́шне: и моя́ злосра́дныя тли, Христе́, претерпе́в неискуше́нно, Божество́ннаго Суще́ства ми́ром мя облагоуха́л еси́.

Богоро́дичен: Разреши́ся кля́тва, печа́ль преста́: Благослове́нная бо и Благода́тная, ве́рным ра́дость возсия́, благослове́ние все́м конце́м цветоно́сящи Христа́.

Други́й кано́н кре́стовоскре́сен.

Песе́нь 1, гла́с тойже.

Ирмо́с: Спаси́телю Бо́гу:

И́же волею́ на кресте́ пригво́жденному́ плоти́ю, и дре́вняго от изрече́ния дре́вом (дре́вняго осужде́ния и́же дре́вом) па́дшаго свобо́ждшему, Тому́ Еди́ному воспойм: я́ко просла́вился.

И́же из гроба́ мертвецу́ воскре́сшу Христу́, и па́дшаго совозста́вившу, и соседением О́теческим украси́вшему, Тому́ Еди́ному воспойм: я́ко просла́вился.

Богоро́дичен: Пре́чи́стая Ма́ти Бо́жия, из Тебе́ вопло́щемуся, и от не́др Родите́ля не разлуче́муся Бо́гу, непреста́нно моли́ся, от вся́каго обстоя́ния спасти́, ихже созда́.

И́н кано́н Пресвяте́й Богоро́дице [его́же краестро́чие: Све́т ро́ждшая,

просвети́ мя, Де́во.].

Пѣснь 1, глас тойже.

Ирмос: Коня́ и вса́дника в мо́ре Чермное́:

Свѣта всѣльшагося в Тя́, Пречистая́, и просвѣща́го ми́р луча́ми Божества́, Христа́ моли́, просвети́ти вся́ поющы́я Тя́, Ма́ти Де́во.

Я́ко украша́ема добро́тою добродѣтелей, Благода́тная, добротво́рное благоле́пие луче́ю Ду́ха, подъя́ла еси́, Всечистая́, вся́ческая удо́брившаго.

Тебе́ дре́вле прообра́зующи купина́ в Синаи, не опа́лися, Де́во, огню́ присовокупльши́ся: Де́ва бо роди́ла еси́, и Де́ва пребы́ла еси́, паче́ смы́сла Ма́ти Де́во.

Катавасиа: Отве́рзу уста́ моя́:

Пѣснь 3

Ирмос: Водрузи́вый на ничесо́мже зѣмлю́ повеле́нием Твои́м, и повѣсивы́й неоде́ржимо тяготе́ющую, на недви́жимем, Христе́, ка́мени за́поведей Твои́х, Це́рковь Твою́ утверди́, Еди́не Бла́же и Чело́веколю́бче.

Желчь у́бо иже́ из ка́мене ме́д ссавшии, в пусты́ни чудоде́йствовавшему Тебе́́ принесо́ша, Христе́: о́цет же́ за ма́нну возблагодѣя́ние Ти́ возда́ша о́троцы Израиле́вы неблагода́рнии.

Иже́ дре́вле светови́дным о́блаком покрыва́еми, Живо́т во гробе́ Христа́ положи́ша: но самовла́стно воскре́с, все́м ве́рным подаде́ та́йно осе́няющее́ свѣше́ Ду́ха сия́ние.

Богородичен: Ты́, Ма́ти Бо́жия, несочета́нно роди́ла еси́, Иже́ от Нетле́нна Отца́ возсия́шаго, кромѣ́ боле́зней ма́терних: те́мже Тя́, Богороди́цу, вопло́щенна бо роди́ла еси́ Сло́ва, правосла́вно пропове́дуем.

И́н Ирмос: Си́лою Креста́ Твоего́, Христе́:

Воскре́сл еси́ от гроба́, Христе́, тли́ сме́ртныя изба́вль воспева́ющих, Жизнода́вче, во́льное Твое́ распя́тие.

Помазати́ ми́ром те́ло Твое́ ми́роноси́цы, Христе́, тща́хуся, и не обрѣ́тша́ возврати́шася, воспева́юща́ Твое́ Воста́ние.

Богородичен: Моли́ непреста́нно, Чи́стая, вопло́щеннаго из боку́ Твоею́, изба́вити от ле́сти диа́воли, воспева́ющы́я Тя́, Де́ву Чи́стую.

И́н Ирмос: Водрузи́вый на ничесо́мже:

Ле́ствица, Ё́уже к на́м сни́де Вы́шний, истле́вшее естество́ испра́вити, Ты́ я́вственнo, Чи́стая, все́м ны́не ви́дена бы́ла еси́, Тобо́ю бо Преблагий́ ми́рови бесе́довати (причасти́тися) благово́ли.

Е́же дре́вле преду́ставленное, Де́во, та́инство, и пре́жде ве́к провиди́мое вся́ ве́дущему́ Бо́гу, ле́том ны́не напоследок в ло́жесна́х Твои́х, Всенепоро́чная, ко́неч прие́м я́вися.

Разреши́ся кля́твы дре́вня́я осужде́ние Твои́м хода́тайством, Де́во

Пречи́стая: из Тебе́ бо Госпо́дь явься, все́м благослове́ние я́ко Преблагий́
источи́, Еди́на челове́ком удо́брение.

Песнь 4

Ирмос: Божественное Твое́ разумёв исто́щание, прозорли́во Авваку́м,
Христе́, со трепетом вопия́ше Тебе́: во спасе́ние люде́й Твои́х спасти́
пома́занныя Твоя́ пришёл еси́.

Я́же от Ме́рры горча́йшыя во́ды, я́ко во о́бразе прона́черта́я Пречи́стый
Кре́ст Тво́й, Бла́же, грехо́вное умерщвля́ющ вкуше́ние, дре́вом услади́л еси́.

Кре́ст за дре́во разу́мное, за сладкую́ же пи́щу же́лчь, Спа́се мой́,
прия́л еси́, за тле́ние же сме́рти кро́вь Твою́ Божественную́ излия́л еси́.

Богородичен: Кроме́ у́бо сочета́ния зачала́ еси́ нетле́нно во чре́ве, и без
боле́зни роди́ла еси́, и по Рожде́стве Де́ва, Бо́га плоти́ю ро́ждши,
сохрани́лася еси́.

И́н Ирмос: Услы́шах слух́ си́лы Кре́ста:

Я́ко водрузи́ся на земли́ на лобне́м Кре́ст, сокруши́шася вере́й и
врати́цы ве́чнии, и возопи́ша: сла́ва си́ле Твое́й, Госпо́ди.

Я́ко сни́де Спа́с к связа́нным я́ко ме́ртв, совоскресо́ша с Ни́м и́же от
ве́ка умерши́и, и возопи́ша: сла́ва си́ле Твое́й, Госпо́ди.

Богородичен: Де́ва роди́, и ма́терских не позна́: но Ма́ти у́бо е́сть,
Де́ва же пребы́сть: Ю́же воспева́юще, ра́дуйся, Богороди́це, взыва́ем.

И́н Ирмос: Божественное Твое́:

Се́рдцем и умо́м, душе́ю же и усты́ испове́дую всеблагоче́стно Тя́
Богороди́цу вои́стинну, Чи́стая, спасе́ния пло́д объе́мля, и спаса́юся, Де́во,
моли́твами Твои́ми.

Сзда́вый от не су́щих вся́ческая, от Тебе́, Чи́стая, созда́тися я́ко
Благоде́тель благоволи́, на спасе́ние ве́рою и любви́ю Тя́ пою́щих,
Всенепо́рочная.

Пою́т Твое́ Рожде́ство, Всенепо́рочная, преми́рнии ли́цы, спасе́нию
ра́дующеся, И́стинную Богороди́цу мудрствую́щих Тя́, Де́во Нескве́рная.

Тя́ Же́зл Иса́иа именов́а, от Него́же прозябе́ нам кра́сный Це́вет,
Христо́с Бо́г, на спасе́ние ве́рою и любви́ю притека́ющих к Покро́ву
Твоему́.

Песнь 5

Ирмос: Оде́йся све́том я́ко ризо́ю, к Тебе́ у́треннюю, и Тебе́ зову́: ду́шу
мою́ просвети́ омраче́нную, Христе́, я́ко Еди́н Благоутро́бен.

И́же сла́вы Госпо́дь в несла́вне зра́це, на дре́ве обезче́щен во́лею ви́сит,
о Божественней́ мне́ сла́ве несказанно́ промышля́я.

Ты́ мя преобле́кл еси́ в нетле́ние, Христе́, тли́ сме́ртныя неистле́нно
плоти́ю вку́ш, и возсия́в из гроба́ триднё́вен.

Богородичен: Ты́ правду́ же и избавлѣние намъ рождши́ Христа́ безсемене́, свободно́ соде́яла еси́ отъ клятвы́, Богородице́, естество́ праотца́.

И́н Ирмо́с: У́треннюю́ще во́пиемъ Ти́:

Просте́рл еси́ длани́, Спа́се нашъ, на дрѣве́, вся́ призыва́я к Себе́, я́ко Чело́веколюбе́ц.

Пленилъ еси́ а́д, Спа́се мой, Твои́мъ погребѣ́нием, и Твои́мъ Воскресе́ниемъ ра́дости вся́ исполнилъ еси́.

Воскрѣ́с от гроба́ триднѣ́вно, Жизнода́вче, и все́мъ источилъ еси́ безсме́ртное неги́блющее.

Богородичен: Де́ву по Рождестве́ воспева́емъ Тя́, Богородице́: Ты́ бо Бо́га Слова́ плоти́ю ми́рови роди́ла еси́.

И́н Ирмо́с: Оде́йся́ све́томъ:

Вси́ проро́цы Тя́ я́ве предвозвести́ша хотя́щую бы́ти Бо́жию Ма́терь, Богородице́ Чистая́: еди́на бо обре́лася еси́, Чистая́, соверше́нна Непоро́чная.

Све́телъ о́блакъ Тя́ живо́тныя воды́, намъ ту́чу нетле́ния Христа́ одожди́вший отчая́ннымъ, Чистая́, познава́емъ.

Я́ко близъ всю́ Тя́ до́бру и непоро́чну, запечатле́нну де́вствомъ чисте́ возлюбилъ, в Тя́ Всели́вшийся Богъ, я́ко еди́н Благоутро́бен.

Пѣснь 6

Ирмо́с: Неистовствующе́я бу́рею душе́тленною, Влады́ко Христе́, страсте́й мо́ре укроти́, и от тли́ возведи́ мя я́ко Благоутро́бен.

В тле́ние по́ползся родонача́льник, Влады́ко Христе́, преслу́шаннаго бра́шна вку́ш, и к животу́ возведе́н бы́сть страсти́ю Твое́ю.

Животъ низше́л еси́ ко а́ду, Влады́ко Христе́, и тле́ние растле́вшему бы́в, тле́ниемъ источилъ еси́ Воскресе́ние.

Богородичен: Де́ва роди́, и рождши́ пребы́ть чиста́, на руку́ нося́щаго вся́ческая, я́ко воистинну́ Де́ва Ма́ти понѣ́сшая.

И́н Ирмо́с: Обы́де мя́ бездна́:

Просте́рл еси́ длани́ Твои́, собира́я далѣ́че расто́ченная́ язы́къ Твои́хъ собра́ния, Христе́ Бо́же нашъ, живоно́снымъ Кресто́мъ Твои́мъ, я́ко Чело́веколюбе́ц.

Пленилъ еси́ сме́рть, и врата́ а́дова сокрушилъ еси́, Ада́мъ же связа́нный разреше́н бы́в, вопия́ше Тебе́: спасе́ мя́ десница́ Твоя́, Го́споди.

Богородичен: Купину́ Тя́ неопали́му, и гору́ и ле́ствицу́ одушевле́ну, и врата́ небе́сная́ досто́йно сла́вимъ, Мари́е сла́вная, правосла́вныя похва́ло.

И́н Ирмо́с: Неистовствующе́я бу́рею:

И́же все́му ви́новный, и е́же бы́ти все́мъ пода́вый, я́ко ви́новну́ имя́ше воплоща́емъ, е́же по намъ, Тя́, Богома́ти Всенепоро́чная.

Исцелений, Владычице, душепитательный точащий источник верно притекающим к покрову Твоему благославному, вемы Тя, Всенепорочная.

Спасению виновна Жизнодавца родила еси нам, вечное избавление дарующаго, Истинную Богородицу Тя проповедающим.

Кондак, глас 5. Подобен: Собезначальное слово:

Ко аду, Спасе мой, сошел еси, и врата сокрушивый яко Всесилен, умерших яко Создатель совоскресил еси, и смерти жало сокрушил еси, и Адам от клятвы избавлен бысть, Человеколюбче. Темже вси зовем: спаси нас, Господи.

Икос: Услышавша жены ангеловы глаголы, отложиша рыдание, радостны бывша и трепетны, ужас бо видеша, и се Христос приближися к ним, глаголя: еже, радуйтесь, держайте, Аз мира победих, и узники свободих, потщитесь убо ко учеником, возвещающа им: яко варяю вы во граде Галилейстем, еже проповедати. Темже вси Тебе зовем: спаси нас, Господи.

Песнь 7

Ирмос: Превозносимый отец Господь пламень угаси, отроки ороси, согласно поющыя: Боже, благословен еси.

Плотию обложься якоже на удице лщения, Божественною Твоею силою змия низвлекл еси возводя вопиющыя: Боже, благословен еси.

Земли непроходное осуществовавый составление, во гробе покрывается плотию Невместимый. Емуже вси поем: Боже, благословен еси.

Богородичен: Едину убо Ипостась во Двою Естеству, Всенепорочная родила еси Воплощеннаго Бога. Емуже вси поем: Боже, благословен еси.

Ин Ирмос: В пещи огненной песнословцы:

Иже древом крестным идольскую прелесть разрешивый, благословен Бог отец наших.

Воскресый из мертвых, и сущыя во аде совоздвигнувый, благословен Бог отец наших.

Твоею смертию, Христе, смертную разорь державу, благословен Бог отец наших.

Богородичен: Иже от Девы рождся, и Богородицу Сию показавый, благословен Бог отец наших.

Ин Ирмос: Превозносимый отец:

Неопределенный пребыв Непреложен, плоти по Ипостаси соединися, яко Благоутробен, в Тебе Пресвятей: Иже Един благословен Бог отец наших.

Невесту Тя Всенепорочную, Богородице Владычице, согласно славим

и Престо́л Зиждителя Твоего́. Ему́же всѣ поём: Бо́же, благословѣн еси́.

Ма́ти всѣх Царя́, очищися́ ду́хом Де́во, была́ еси́, Тебе́ Созда́вшего. Ему́же всѣ поём: Бо́же, благословѣн еси́.

Спасе́ мя Госпо́дь, Богома́ти Пречи́стая, оде́ждою плоти́ из Тебе́ оде́вися. Ему́же всѣ поем: Бо́же, благословѣн еси́.

Пѣснь 8

Ирмо́с: Тебе́, Вседѣтелю, в пещи́ о́троцы, всеми́рный лик сплѣтше пояху: дела́ всякая Го́спода пойте, и превозносите во вся ве́ки.

Ты о вольней спасительныя страсти помолился еси́ чаши, якоже невольней: два хотѣния, двама́ бо по коемуждо носиши существо́ма, Христе́, во ве́ки.

Твоимъ вседѣтельнымъ схожде́нием, адъ, Христе́, поруганный избе́ва́ вся, яже дре́вле лѣстию умерщвленныя, Тебе́ превозносящыя во вся ве́ки.

Богородичен: Тя́ яже паче ума́ богомужне Сло́вом Рождшую Го́спода, и дѣвствующую, вся́ дела́, Де́во, благословимъ, и превозно́сим во вся ве́ки.

И́н Ирмо́с: Из Отца́ пре́жде ве́к:

И́же на Кресте́ волею́ длани протѣршаго, и у́зы смѣртныя разрушившаго Христа́ Бо́га, священницы пойте, лю́дие превозносите во вся ве́ки.

И́же яко́ Жениха́ из гроба́ возсия́вшаго Христа́ Бо́га, и мирно́сицамъ явля́шагося, и ра́дость те́м провѣщавша, священницы пойте, лю́дие превозносите во вся ве́ки.

Богородичен: Херувимъ превы́шши явилася еси́, Богородице́ Чи́стая, во чре́ве Твое́м, И́же на те́х носима́го понѣсши: Е́гоже со безплотными челове́цы славословимъ во вся ве́ки.

И́н Ирмо́с: Тебе́ Вседѣтелю в пещи́:

Преста́ ны́не яже праотчая печаль, ра́дость приѣмши Ты́ Богома́терни. Те́мже непреста́нно поёмъ Тя́, Де́во, и превозно́сим во вся ве́ки.

Поётъ с нами́ безплотныхъ соборъ, Де́во, Рождество́ Твое́ непостижимое, еди́н ликъ составля́ше любови́ю, и превознося́ще его́ во ве́ки.

Струя́ прозра́чная безсмѣртія, О́трокови́це, из Тебе́ изы́де, И́же всѣхъ Госпо́дь, скверну́ омы́вая ве́рою Ты́ поющихъ, и превознося́щих во вся ве́ки.

Божественный вои́стинну, и светоно́сный Престо́л, и скрижа́ли благода́ти испове́дуемъ Тя́, Сло́во, Де́во, О́тчее́ яко́ приѣмшую: Е́гоже превозно́сим во вся ве́ки.

Та́же, поёмъ пѣснь Богороди́цы: Вели́читъ душа́ моя́ Го́спода: **С припе́вом:** Честнейшую́ Херувимъ:

Пѣснь 9

Ирмо́с: Иса́ие лику́й, Де́ва имѣ́ во чре́ве, и роди́ Сы́на Емману́ила, Бо́га

же и Человека, Восток Имя Ему: Егоже величающе, Деву ублажаем.

Падшаго человека восприял еси, Владыко Христе, из ложесн Девических всему совокуплься, греху же ни единому причащся: всего от исления Ты свободил еси пречистыми Твоими страстьми.

Боготочною кровию истощенною, Владыко Христе, от Твоих пречистых ребр и животворящих, жертва убо преста идольская, вся же земля Тебе хваления жертву приносит.

Богородичен: Не Бога безплотна, ниже паки человека проста произведе Чистая Отроковица, и Нескверная: но Человека совершенна, и неложно совершенна Бога. Егоже величаем со Отцем же и Духом.

Ин Ирмос: Тя паче ума:

Тебе Иже на Кресте страсть подымшаго, и адову силу смертию сокрушившаго, вернии православно величаем.

Тебе из гроба тридневно воскресша, и ад пленившаго, и мир просветившаго, вернии единомудренно величаем.

Богородичен: Радуйся, Богородице, Мати Христа Бога, Егоже родила еси, моли прегрешений оставление даровати, верою поющим Тя.

Ин Ирмос: Исаие, ликуй:

От чистых кровей Твоих усирися плоть преестественно всех Содетелю, Единородному Сыну Родителю, не от мужа, без семени же умна и одушевлена, Богородице Приснодево.

Обходимое устави еси смерти неудержимое стремление, рождши плотию воистинну паче ума Жизнь вечную: Ейже приложься усты горькими ад упразднися, Пресвятая Мати Дево.

На престоле седя Сын Твой Владычне, рясны Тя златыми Божественных добродетелей свет сияюще, одесную постави Себе, Чистая, дая честь яко Матери Тебе, Всенепорочная.

Паче ума Рождество Твое, Богомати: без мужа бо зачатие в тебе, и девически рождение бысть: ибо Бог есть Рождейся, Егоже величающе, Тя, Дево, ублажаем.

По катавасии ектения малая. Также, Свят, Господь Бог наш. Ексапостиларий утренний.

На хвалитех стихиры воскресны, глас 5:

Стих: Сотворити в них суд написан, слава сия будет всем преподобным Его.

Господи, запечатану гробу от беззаконников, прошел еси из гроба, якоже родился еси от Богородицы: не уразумеша, како воплотился еси, безплотнии Твои ангели: не чувствовала, когда воскресл еси, стрегущии Тя воины. Обоя бо запечатлестася испытующим, явишася же чудеса

кланяющимся верою таинству: еже воспевающим, воздаждь нам радость и велию милость.

Стих: Хвалите Бога во святых Его, хвалите Его во утвержении силы Его.

Господи, вереи вечныя сокрушив, и узы растерзав, от гроба воскресл еси, оставль Твоя погребальная, во свидетельство истиннаго тридневнаго Твоего погребения: и предварил еси в Галилеи, в пещере стрегомый. Велия Твоя милость, Непостижимо Спасе, помилуй и спаси нас.

Стих: Хвалите Его на силах Его, хвалите Его по множеству величества Его.

Господи, жены текоща на гроб, видети Тя Христа нас ради пострадавшего, и пришедшия, обретоша ангела на камени сидяща, страхом отвальшемся, и к ним возопи глаголя: воскресе Господь, рцыте учеником, яко воскресе от мертвых, спасаая души наша.

Стих: Хвалите Его во гласе трубнем, хвалите Его во псалтири и гуслех.

Господи, якоже изшел еси от запечатаннаго гроба, тако вшел еси и дверем заключеным ко учеником Твоим, показуя им телесная страдания, яже подъял еси, Спасе Долготерпеливый: яко от семени Давидова язвы претерпел еси: яко Сын же Божий, мир свободил еси. Велия Твоя милость, Непостижимо Спасе, помилуй и спаси нас.

Ины стихиры Анатолиевы.

Стих: Хвалите Его в тимпане и лице, хвалите Его во струнах и органе.

Господи Царю веков, и Творче всех, нас ради распятие и погребение плотию приемый, да нас от ада свободиши всех: Ты еси Бог наш, разве Тебе иного не вемы.

Стих: Хвалите Его в кимвалех dobroгласных, хвалите Его в кимвалех восклицания: всякое дыхание да хвалит Господа.

Господи, пресияющая Твоя чудеса кто исповест? или кто возвестит страшная Твоя таинства? вочеловечивыйся бо нас ради, яко Сам восхотел еси, державу явил еси силы Твоея: Крестом бо Твоим разбойнику рай отверзл еси, и погребением Твоим вереи адовы сокрушил еси, Воскресением же Твоим всяческая обогатил еси: Благоутробне, Господи, слава Тебе.

Стих: Воскресни, Господи Боже мой, да вознесется рука Твоя, не забуди убогих Твоих до конца.

Мирносицы жены гроба Твоего достигши, зело рано искаху Тебе мйры помазати, Безсмертнаго Слова и Бога: и ангела глаголы огласившися, возвращахуся радостию, апостолом возвестити яве, яко воскресл еси,

Животѣ всѣх, и подал еси мірови очищѣние и велию милость.

Стих: Исповѣмся Тебѣ, Господи, всѣмъ сердцемъ моимъ, повѣмъ вся чудеса Твоя.

Богоприятнаго гроба ко иудеомъ стражие глаголаху: О вашего суемудреннаго совета! стрещи Неописаннаго покусившеся, всуе трудитесь, сокрыти Воскресѣние Распятаго хотяще, ясно покажете. О вашего суемудреннаго соборища! что паки сокрыти советуете, Еже некрывается? паче же от насъ услышите, и вѣровати восхощите бывшихъ истине: ангелъ молниеносецъ с небесе сошедъ камень отвали, егоже страхомъ мѣрзостию содержими быхом, и возгласивъ крепкоумнымъ мирноносцамъ, глаголаше женамъ: не зрите ли стражей умерщвления, и печатей разрешѣния, адова же истощанія? почто побѣду адову Упразднѣвшаго, и смертное жало Сокрушившаго, яко мѣртва взыскуете? благовестите же скоро шедши апостоломъ Воскресѣние, безъ страха зовуща: воистинну воскресѣ Господь, имѣя велию милость.

Слава, стихира утрення евангельская. И ныне: Преблагословѣнна еси: Славословіе великое.

Таже, тропарь воскресен:

Днесь спасѣние міру бысть, поемъ Воскресшему изъ гроба, и Начальнику жизни нашея: разрушивъ бо смертию смерть, побѣду даде намъ, и велию милость.

Таже, ектений. И отпуст.

На литургии блаженна, глас 5:

Разбойник на кресте́ Бо́га Тя́ бы́ти ве́ровав, Христе́, испове́да Тя́ чи́сте от се́рдца, помяни́ мя, Го́споди, вопия́, во Ца́рствии Твоем.

Стих: Блаже́ни чи́стии се́рдцем, яко́ тии Бо́га узря́т.

Иже на дре́ве крестнем жизнь процветша́го ро́ду на́шему, и изсушивша ю́же от дре́ва клятву, яко́ Спа́са и Соде́теля согласно́ воспоим.

Стих: Блаже́ни миротво́рцы, яко́ тии сы́нове Бо́жии нареку́тся.

Сме́ртию Твоею́, Христе́, сме́ртную разруши́л еси́ силу, и совоздви́гл еси́ иже от ве́ка уме́ршья, Тя́ пою́щья и́стиннаго Бо́га и Спа́са на́шего.

Стих: Блаже́ни изгнани пра́вды ра́ди, яко́ те́х е́сть Ца́рство небе́сное.

На гроб Тво́й, Христе́, прише́дшя жены́ честны́я, иска́ху Тя́, Жизнода́вче, миропома́зати, и яви́ся им а́нгел вопия́: воскресе́ Го́сподь.

Стих: Блаже́ни есте́, егда́ поно́сят вам, и изжену́т, и реку́т вся́к зол глаго́л, на вы́ лжу́ще Мене́ ра́ди.

Распе́ншу Ти́ ся, Христе́, посреде́ двою́ осужде́нною разбойнику́, еди́н убо́ хуля́ Тя́, осужде́н бы́сть пра́ведне: други́й же испове́дая Тя́, в ра́й всели́ся.

Стих: Ра́дуйте́ся и весели́те́ся, яко́ мзда́ ва́ша мно́га на небе́сех.

Ко апо́столов ли́ку прише́дшя жены́ честны́я, возопи́ша: Хри́сто́с воскресе́, яко́ Влады́ще и Соде́телю То́му поклони́мся.

Сла́ва, тро́ицен: Тро́ице Не́разде́льная, Еди́нице Вседе́тельная и Всеси́льная, О́тче, Сы́не и Святы́й Ду́ше, Тебе́ поём И́стиннаго Бо́га и Спа́са на́шего.

И ны́не, Богоро́дичен: Ра́дуйся, одушевле́нный Хра́ме Бо́жий и Врата́ Непроходи́мая: ра́дуйся, неопали́мый и огнеобра́зный Пре́столе: ра́дуйся, Ма́ти Емману́ила, Христа́ Бо́га на́шего.

Проки́мен, глас 5: Ты́, Го́споди, сохрани́ши ны́, и соблюде́ши ны́ от ро́да сего́ и во ве́к. **Стих:** Спаси́ мя, Го́споди, яко́ оскуде́ преподо́бный.

Аллилу́иа. Ми́лости Твоя́, Го́споди, во ве́к воспою́, в род и род возведу́ и́стину Твою́ усты́ моими́.

Стих: За́не ре́кл еси́: в ве́к ми́лость сози́ждется, на небе́сех уго́товится и́стина Твоя́.

В недѣлю вѣчера

на Господи, возвах, стихиры покаянны, глас 5:

Подобен: Радуйся постником:

Стих: Аще беззаконія назириши, Господи, Господи, кто постоит? Яко у тебе очищение есть.

Плачу и сетую горце, смотря страшное слова воздаяние, от дел не имый ответа и мала противу винѣ, окаянный. Темже молюся: прежде даже не постигнет мя конца моего безместное, прежде пожатия смертнаго, прежде суда страшнаго, прежде хотящу ми осуждение прияти, идеже огнь негасимый, и тма кремешняя, идеже червь, и скрежет, и снѣдает согрѣшившыя, согрѣшений ми даруй избавление, Христе мой, и велию милость.

Стих: Имене ради Твоего потерпѣх Тя, Господи, потерпѣ душа моя в слово Твое, упова душа моя на Господа.

Законы Твоя и писанія презрев, заповѣди Твоя отвергох окаянный, Боже мой, содетелю мой, како избегну прочее тамошняго спасе, мучения? Темже прежде конца моего, Спасе, прощѣние ми даруй, слез тучу, истинное умилѣние подая, яко Бог Преблагий далече от мене отгоняя полки бесовския, ищущих низвести мя во адову пропасть. Темже молюся Ти, да не руку Твою отимеши от мене всемошную.

Стих: От стражи утренняя до ноци, о стражи утренняя да уповает Израиль на Господа.

Увы мне! како омрачѣхся умом: како удалихся от Тебе, и работах окаянный греху и сласти плотстей себе всего страстный издах, жившей во мне страстнем? и ныне ожидаю моего еже от жития исхода, и хотящаго томлѣния быти: Господи преблагий, подаждь ми слезное покаяние, и разрешѣние безчисленных прегрѣшений моих. Верно Тя молю, подающаго миру велию милость.

Ины стихиры безплотным. Подобен: тойже.

Стих: Яко у Господа милость, и многое у него избавление: и той избавит Израиля от всех беззаконий Его.

Тайницы Богочаля честнии, Трисвѣтлаго и Единосушнаго Божества, иже пѣснь непрестанно безплотными гласы и языки огненными приносяще, наша молѣния и молитвы принесите, яже от устен скверных возсылаем, и оставление прегрѣшений испросите: вѣсть бо немощь нашу оболкийся в ню, и милостив съй естеством, молѣния приимет ваша о рабех согрѣшивших бываемая, подай миру велию милость.

Стих: Хвалите Господа вси языцы, похвалите Его вси людие.

Все ангельское множество еже владыце моему приближающееся, и того Божественному престолу предстоящее со страхом, и исполняеми неизреченным светом, мене во тьме греховней заблудшаго наставите к свету спасительному, повелением Бога Щедрого, тьму отжените мрачную и чуждую коварных бесов, заступлением и благодатию вашею: не терпит бо света пришествию, но отгоняется.

Стих: Яко утвердися милость Его на нас, и истина Господня пребывает во век.

Ангели светлии Божии, предстояще престолу благодати Божественному, смирение сущее и просвещение истинное от света Божественнаго восприемлюще, нас назирайте с небес человеколюбцы, в бури лютых держимых, и бедствующих, и во тьме спящих. Приидите убо, о архангели! Нам в помощь, и сетей избавите нас злоначальнаго врага: к вашему бо крову прибегаем вси, прехвальнии.

Слава, и ныне, Богородичен: Престол Херувимский воистинну, яко Превышши ангел бывши, в Тя бо Божественное слово вселися, Чистая, наш образ обновити хотя: из Тебе прошед плотносец яко милосерд, Крест и страсть нас ради прият, и воскресение яко Бог дарова. Темже яко пренившаю нас осужденнаго естества, создателю верою благодаряще молимся, улучшить Твоими молитвами прегрешений прощение, и велию милость.

Таже, Свете тихий: Прокимен дне: и Сподоби, Господи, в вечер сей:

На стиховне стихиры покаянны, глас 5:

Господи, согрешая не престаю, человеколюбия сподобляемь не разумю: одолей моему недоумению, Едине Блаже, и помилуй мя.

Стих: К Тебе возведох очи мой живущему на небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Господи, и страха Твоего боюся, и злое творя не престаю: кто на судищи судий не боится? Или кто уврачеватися хотя, врача прогневает якоже аз? Долготерпеливе Господи, на немощь мою умилосердися, и помилуй мя.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих и уничижения гордых.

О земных всех нерадивше, и на муки мужески дерзнувше, блаженных надежд не погрешисте: но Небесному Царствию наследницы бысте,

прехва́льнии му́ченицы. Имúще дерзнове́ние к человеколюбíвому Бо́гу, миру умире́ние испроси́те, и душам на́шим ве́лию ми́лость.

Сла́ва, и ны́не, Богоро́дичен: Стра́шно и пресла́вно, и ве́лие та́инство, Невмести́мый во чре́ве вмести́ся, и Ма́ти по рождестве́ па́ки пребы́сть дево́ю: Бога́ бо роди́ из нея́ воплоще́нна. Тому́ возопи́им, тому́ пе́снь рце́м, со А́нгелы воспева́юще: свят еси́, Христе́ Бо́же, и́же на́с ради́ вочелове́чивыйся, сла́ва Тебе́.

Та́же, Ны́не отпу́щаеши раба́ Твоего́ Влады́ко: Трисвято́е. **По О́тче на́ш: Тропа́рь свято́му. Сла́ва, и ны́не, Богоро́дичен, во гла́с тропаря́: ектения, и отпу́ст.**

В неде́лю на повече́рии

канон моле́бный пресвяте́й Богоро́дице, глас 5:

Песнь 1

Ирмос: Коня́ и вса́дника в мо́ре Чермно́е, сокруша́яй бра́ни мы́щцею висо́кою Христо́с истрясе́: Израи́ля же спасе́, побе́дную пе́снь пою́ща.

Чудо в Тебе́ соверша́ется, Де́во, вои́стинну ужа́сно: яко во утробе́ Твое́й ника́коже Вместима́го имела́ еси́, и несказа́нно родила́ еси́, Присноде́вою пребы́вши.

Одожди́ ми, Влады́чице, прегреше́ний оставле́ние, Я́же До́ждь Небе́сный прише́дший к Тебе́, неизглаго́ланно вмести́ла еси́, и Де́вою пребы́ла еси́ по Рожде́стве непости́жнем.

Сла́ва: Еди́на благослове́нная и Богора́дованная, Я́же ра́дость челове́ком ро́ждшая неизрече́нную, печа́ли отими́ души́ моя́ молю́ся, и возвесели́ се́рдце мое́.

И ны́не: Ве́сь жела́ние и сла́дость жи́зни, И́же от Тебе́ возсия́вый за премно́гую бла́гость, Де́во Пренепоро́чная: Е́гоже моли́ спасти́ мя, непрестанно ны́не Тя сла́влящаго.

Песнь 3

Ирмос: Водрузи́вый на ничесо́мже зе́млю повеле́нием Твои́м, и повеси́вый неоде́ржи́мо тяготе́ющую, на недви́жимем, Христо́е, ка́мени за́поведей Твои́х, Це́рковь Твою́ утверди́, Еди́не, Бла́же и Человеколю́бче.

Преидо́ша се́нем законотвори́мая: Законода́вца бо Христа́ родила́ еси́, Пречи́стая, благода́ть очи́щения и просвеще́ния на́м взако́нившего, и от клятвы́ изъе́мшаго, Де́во Всенепоро́чная.

Роди́ся от Тебе́, Чи́стая, Бо́г воплоща́емь, и плоти́ю ви́ден бы́сть, И́же пре́жде невиди́мый. Сего́ убо моли́ приле́жно, Отрокови́це, от види́мых и невиди́мых вра́г мя изба́вити, све́тло Тя сла́влящаго.

Сла́ва: Страсте́й мя лю́та обурева́ет волна́, лука́вых духо́в глубина́ одержи́т мя, греховная́ бу́ря смущает ми́ се́рдце: Богороди́тельнице, Ты́ мя утверди́, све́тло Тя пою́щаго.

И ны́не: Божество́ннаго Гаврии́ла чи́нонача́льника иму́ще, благоговейно́ е́же ра́дуйся, ве́рою приводи́м согла́сно, неискусобра́чней Ма́тери Богоро́дице ве́рно: Е́юже бе́д же и скорбе́й, и неду́г изба́вляемся.

Песнь 4

Ирмос: Божество́нное Твое́ разуме́в исто́щание, прозорли́во Авваку́м, Христо́е, со трепе́том вопия́ше Тебе́: во спасе́ние люде́й Твои́х, спасти́

помазаннѣя Твоя пришѣл еси.

Исткѣвшая внутрь от кровей Твоихъ девическихъ, Небо облаки Дѣво, Одевающая одеждою нетлѣнія, прежде лѣстїю обнаженнаго мя облещы.

Утроба Твоя, Дѣво, палата свята Царя и Бога несказанна бысть, в нюже вселився, цѣркви нас содела.

Слава: Ущѣдри щѣдра сущи преокаянную мою душу, Богородительнице Всенепорочная, юже от страстей и грехѣ люте очерневшую и оцепеневшую.

И ныне: Нетлѣннаго Царства возсияла еси скипетро, от корене Иессеова, и раждаеши Отроча безмужно, Чистая, Адамова и Давидова Бога, вкупѣ и Зиждителя и Господа.

Пѣснь 5

Ирмос: Одейся свѣтомъ яко ризою, к Тебѣ утренюю, и Тебѣ зову: душу мою просвети омраченную, Христе, яко Единъ Благоутробен.

Пребываеши по Рождествѣ Дѣва нетлѣнна, истлевшихъ всѣхъ человекъ к жизни приводиши, и нетлѣниемъ осияваеши, Пренепорочная.

Ново родила еси яко младя, Пречистая, Предвѣчнаго от Отца безлѣтно возсиявшаго, Егоже о мирѣ моли, Богоневѣсто.

Слава: Да обрящу Тя помощницу, Дѣво, изымающую мя в часъ прѣнія суднаго, егда на судищи предстану от Тебѣ Рождшагося.

И ныне: Вся Ближняя Моя добра, и непорочна от Ливана, Дѣво Богоневѣсто: Святымъ Духомъ в Тебѣ проувѣдѣся воплощеніе Сына Божия.

Пѣснь 6

Ирмос: Нейстовствующееся бурю душетлѣнною, Владыко Христе, страстей море укроти, и от тли возведи мя, яко Благоутробен.

Неискусомужно родила еси, Богородице, Еммануила, наше смиреніе ущѣдрившаго: темже приснодолжно Тя славимъ.

Паче ума безлѣтнаго, паче слова Зиждителя Пресвятая родила еси, избавляющаго всякия тли, Богородицу Тя поющихъ.

Слава: Благого рождши Благодетеля и Зиждителя, Пресвятая Владычице благолюбивая, душу мою озлобленную ублажи.

И ныне: Новое Тебѣ похваленіе, и дрѣвнее приносимъ, Всечистая: лучше бо не имамы к похваленію, разве, радуйся, еже с Гаврииломъ Тебѣ воспѣваемъ.

Таже, Господи, помилуй, трижды. Слава, и ныне:

Седален, гласъ 5: Себѣ прежде суда нынѣ плачу, помышляя моя дела лукавая и лютая, и прегрешений глубину одержающую мя от юности, и подавляющую умъ: но Твоимъ, Чистая, предстаніемъ, оставленіе мѣ подаждь, и спасеніе улучити сподоби.

Пѣснь 7

Ирмосъ: Превозносимый отцевъ Господь, пламень угаси, отроки ороси, согласно поющыя: Боже, благословен еси.

Избави мя, Пречистая, злаго уныния, и страстей омрачения, и осуждения вечнующаго: яко да верою Тя славлю.

Умертви страсти моя, Яже Жизнь рождающая: воздвигни мя Богоневесто лежащаго из гроба нечувствия, да любовью Тя славлю.

Слава: Плотию обложена Бога безплотнаго, Пренепорочная, родила еси, нас избавляющаго, со страхом поющих: Боже, благословен еси.

И ныне: Исцеление безмездно, Чистую Твою молитву обрѣтше, Дево, просим поюще, души благопременения, и телеси здравия.

Пѣснь 8

Ирмосъ: Тебе Вседетелю, в пещи отроцы, всемирный лик сплетше пояху: дела всякая Господа пойте, и превозносите во вся веки.

Двере света, покаяния ми двери светозарныя отверзи, показующи всяк правый путь правды, вводящ в Божественныя воли входы.

Ново на земли Дево Мати Отроча, Отцу собезначальнаго Сына родила еси, за милосердие неизреченное уподобльшагося нам, истлевшим под грехом.

Слава: Вся избрана, вся преукрашена, Бог Юже возлюбил, Юже избрал, явилася еси, Дево, присно препрославленная: темже Тя поем, Чистая, во веки.

И ныне: Вся Чистая, и Божественныя славы исполнена, Ближняя Моя, рече Дух Божий, Тя провозвещая, Пречистая, Юже песнями воспеваем поюще: Тебе подобает радоватися Бога Человека рождающей.

Пѣснь 9

Ирмосъ: Исаие ликуй, Дева име во чреве, и роди Сына Еммануила, Бога же и Человека, Восток имя Ему: Егоже величающе, Деву ублажаем.

Твоих притекателей, Всечистая, не отрини ныне воздыхания, но воззри на ны сущих в скорбех, плачь преложи на радость, и умиление в веселие, в песнях Тя поющих.

Основание еси недвижимо, Спаса рождши, Чистая, на водах землю Божественными велениями основавшаго: на немже нас светло Тя блажащих утвердити молися.

Слава: Паче ума Рождество Твое, Богородице, без мужа бо зачатие в Тебе, и девственно Рождество Твое бысть: ибо Бог есть рождающийся, Егоже величающе, рождающую Тя ублажаем.

И ныне: Страшен еси, Господи, и кто убо тогда постойт прещения Твоего Христе, Едине Царю, суд творящу Ти? Темже пощади, и спаси мя,

Спа́се, Ро́ждшия Тя благоприя́тными мольба́ми.

Та́же, Досто́йно е́сть: И проче́е обы́чно, и отпу́ст.

Понедельник

В понедельник утра

по 1-м стихословии седальны покаянны. Глас 5:

Судий седящу, и Ангелом предстоящим, трубѣ гласящей, и пламени горящу, что сотвориши, душе моя, ведома на суд: тогда бо лютая тебе предстанут, и тайная Твоя обличатся согрешения. Темже прежде конца возопий судий: Боже, очисти мя, и спаси мя.

Стих: Господи, да не яростию Твоею обличиши мене, ниже гневом Твоим накажешу мене.

Вси побдим, и Христа усрящим со множеством елеа, и свещами светлыми, яко да чертога внутрь сподобимся: иже бо вне дверей обретаемся, бездельно Богови воззовет: помилуй мя.

Слава, и ныне, Богородичен: Святейши херувим, и вышши серафим, Пречистая, Богородицу Тя воистинну исповедающе, имамы грешнии заступницу, и обретаем во время напастей спасение. Темже не престай о нас молящи, державо и прибежище душам нашим.

По 2-м стихословии, седальны, глас 5:

Душе, яже zde временна, тамошня же вечна: зрю судище и на Престоле судию, и трепещу ответа. Прочее со тщанием обратися, суд не прощамь.

Стих: Господи, да не яростию Твоею обличиши мене, ниже гневом Твоим накажешу мене.

На одре слезу согрешений многих, окрадаемь есмь в надежди спасения моего: ибо сон моея лениности ходатайствует души моей муку. Но Ты, Боже, рождейся от Девы, воздвигни мя к Твоему пению, да славлю Тя.

Стих: Дивен Бог во святых Своих, Бог Израилев.

Мученичен: Сияет днесь стратотерпец память, имать бо и от небес зарю: лик ангельский торжествует, и человеческий род спразднует. Темже молятся Господеви помиловатися душам нашим.

Слава, и ныне, Богородичен: Со Ангелы небесная, с человеки земная, во гласе радования, Богородице, вопиём Ти: радуйся, двере небес пространнейшая. Радуйся, Единая земнородных спасение. Радуйся, Чистая обрадованная, рождшая Бога воплощенна.

По 3-м стихословии, седален, глас 5:

Подобен: Собезначальное слово:

Безсловесными мя страстьми преклоненнаго, и блудно житие мое иждивша, призови, Спасе, якоже блуднаго, и прими, и объятия отеческая за милосердие щедрот распрости ми: и молитвами безплотных древней

че́сти сподо́би.

Сла́ва, и ны́не, Богоро́дичен: Те́плая Предста́тельница и непобеди́мая, упова́ние изве́стное и непосты́дное, стено́ и покрове́ и пристанище́ прибега́ющим к Тебе́, Присноде́во Чи́стая, Сы́на Твоего́ и Бо́га моли́ со Ангелы, умире́ние да́ти миру, и спасе́ние, и велию́ милость.

Кано́н, его́же краегра́не́сие си́це: Мно́го Ти́ согрешивша́го уще́дри, Сло́ве. **Творе́ние кир Ио́сифа, гла́с 5:**

Пе́снь 1

Ирмо́с: Пои́м Го́сподеви, сотвори́шему дивна́я чуде́са в Чермне́м мо́ри, пе́снь победную́, я́ко просла́вися.

Мно́гими ле́стми́ извлеко́ма, и прельща́ема, Христе́, чу́ждаго, обрати́ и уще́дри мя́, я́ко всеси́лен.

И́же глуха́го у́шы отве́рзый, Христе́, ду́ши моея́ огло́хнувшая ушеса́ отве́рзи, молю́ся: я́ко да Твоя́ словеса́ внушаю́.

Му́ченичен: Новоявле́нныя звёзды́ су́ще му́ченицы со́лнца пра́веднаго Христа́, тьму́ отжени́те от серде́ц наших.

Му́ченичен: Разжже́нныя стрéлы Божéственными́ у́глыми Свята́го Ду́ха страда́льцы я́вльшеся, стрéлы сокруша́ют вся́ змиевы́.

Богоро́дичен: Двере́ Божéственныя сла́вы, пока́яния ми́ двере́и отве́рзи, и от врат а́довых исхити́, молю́ся, смире́нную мою́ ду́шу.

Други́й кано́н безплóтным.

Творе́ние Феофа́ново, [его́же краегра́не́сие: Пе́ние а́нгелом пя́тое.]
Гла́с 5:

Пе́снь 1

Ирмо́с: Ко́ня и вса́дника в мо́ре Чермно́е, сокруша́яй бра́ни мы́шцею вы́сокою, Христо́с истрясе́: Изра́иля же спасе́, победную́ пе́снь пою́ща.

Таи́нницы бо́гонача́лия светода́тельнаго, и то́го луча́ми перво́явле́ннаго сия́юще, све́том просветити́ ду́шу мою́, А́нгели, Влады́ку умо́лите. **[Два́жды.]**

Иму́ще дерзнове́ние, я́ко престо́лу вы́сокому́ предста́юще вси́, благочестивне́ пою́щих ва́с, бе́д изба́вите предста́телие́ чи́на небéснаго, о Архистрати́зи!

Богоро́дичен: Разреши́ся кля́тва, и печа́ль преста́: Благослове́нная бо́ и благодатная, ве́рным ра́дость возсия́, благослове́ние все́м конце́м цветоно́сящи Христа́.

Пе́снь 3

Ирмо́с: Над язы́ки Бо́г воцари́ся, Бо́г се́дит на престо́ле святе́м Своём, и поём е́му́ разу́мно я́ко Царю́ и Бо́гу.

Ты́, и́же ни еди́ному хотя́й поги́бнути, благи́й Го́споди, погиба́ющаго

уцѣдри, и спаси мя, манием всецѣдре милости Твоея.

Яже в ведении и не в ведении согреших к Тебе, Христе Господи, вся ведящему прихожду и припадаю Ти, прими мя якоже блуднаго.

Мученичен: Да живущий грех умертвите мученицы и мертва врага покажете, о мертвости телесней блаженнии нерадисте.

Мученичен: Испещрени страданьми мученицы, и одеждами кровию оброщенными украшаеми, всех Царю венценосцы предстоите.

Богородичен: Дево Мати, яже Бога воплощшая, гласы прими вопиющих Ти всегда, и избави нас от различных обстояний.

Ин Ирмос: Водрузивый на ничесомже землю повелением Твоим, и повесивый неодолимо тяготеющую, на недвижимем Христе, камени заповедей Твоих, Церковь Твою утверди, Едине Блаже и Человеколюбче.

Иже словом ликования вышним силам премудро составлей, Твою благодать неисчислильну показуй, сих представительствы Церковь Твою утверди, Едине Блаже и Человеколюбче. [Дважды.]

Украшая неизреченною светлостью Ангелы, Христе, и теми утверждая церковь Твою, Милосерде, окаянную мою душу теми просвети, молюся Ти, Владыко, не поминая моих безчисленных грехов.

Богородичен: Ты Мати Бога несочетанно была еси, безплотныя лики просвещающаго, едино богочалие в трех пети непрестанно священствиих, и господствиих, Пречистая Дево Всепетая.

Пѣснь 4

Ирмос: Дела смотрения Твоего Господи, ужасиша пророка Аввакума: изшел бо еси на спасение людей Твоих, спасти помазанныя Твоя пришел еси.

Дела, яже в житии соверших, суть лукава и люта: о нихже, Христе Боже мой, избави мя, покаяние искреннее подай ми.

Всяку заповедь честную уничижих, страх Твой отринух, Христе, и боюся неизбежнаго Твоего судища, в немже да не осудиши мене, Благоутробне.

Мученичен: Ремнями отсюду воистинну протяжаеми, и ранами изнуряеми зельне, и ногтями стружеми слове, страдальцы Твой, верою радовахуся.

Мученичен: Поколебати вас страдальцы от Божественнаго стояния, не возможе всячески лукавый: темже многим колеблемым, доблии утверждение Божественное покажется.

Богородичен: Воплощается от чистых кровей Твоих Господь, покаяние чтущим Тя подавая, Всепетая, Твоим благим ходатайством, яко

благоутро́бен, и еди́н Человеколю́бец.

И́н Ирмо́с: Божество́нное Твое́ разумёв исто́щание, прозорли́во Авваку́м, Христе́, со трéпетом вопи́яше Тебе́: во спасе́ние люде́й твои́х, спасти́ помазанны́я Твоя́ пришёл еси́.

Ангельски́я составил еси́ свётлости, богоде́тельными луча́ми благопода́тливие просвети́л еси́: я́ко си́лен в крепо́сти, сло́во Твое́ испо́лнивый, Человеколю́бче. [Два́жды.]

Земна́я телёс мудрова́ния отложим, ве́рнии, жити́ю подоби́ящеся безплотных чи́нов, и ум вперим ду́хом.

Богородичен: Буди́ ми Предста́тельница Пренепоро́чная, прибежи́ще и приста́нище, страсте́й бу́рю отгоня́щи: я́же а́нгельски́я ли́ки, добро́тою без сравне́ния побе́ждшая.

Пёснь 5

Ирмо́с: Све́те и́стинный, Христе́ Бо́же, к Тебе́ у́тренюет ду́х мо́й от но́щи, яви́ на мя лице́ Твое́.

Восприя́н, о ду́ше, восприя́н от сна́ тяжка́го, моего́ лю́таго греха́, и пока́яния свётом озари́ся.

Обновим ду́шу прилежанием, и умиле́ния ту́чами напо́ймся: я́ко да прозябе́м пока́яния клас.

Му́ченичен: У́глыми любве́ наостри́вшеся, небокова́ннии ме́чеве, стратоте́рпцы яви́стеся, врагов́ ссеца́юще полки́.

Му́ченичен: Непорабо́щени от врага́ бы́сте, порабо́тисте се́го стратоте́рпцы, и бли́жнии Христу́ яви́стеся дру́зи.

Богородичен: Де́во в жена́х благослове́нная, Твоя́ ми́лости пода́ждь лю́дем Твоим: ми́лостива́го бо яви́лася еси́ Ма́ти.

И́н Ирмо́с: Оде́йся свётом, я́ко ризо́ю, к Тебе́ у́тренюю, и Тебе́ зову́: ду́шу мою́ просвети́ омраче́нную, Христе́, я́ко еди́н благоутро́бен.

Обходя́ще все́я земли́ концы́, влады́чняя благодея́ния ве́рным прино́сите, и сохраня́ете всесла́внии арха́нгели. [Два́жды.]

Словеси́ Твоему́ повиную́щеся сло́ве Бо́га и Отца́, небе́снаго чи́нонача́лия сла́вная украше́ния, Твоя́ свётлости свётом озаря́ются.

Богородичен: Все́ моё жела́ние к Тебе́ предста́ви, я́же па́че сло́ва, жела́ния сла́дость роди́вшая, Тебе́ Богороди́цу, Чистая́, веду́щим.

Пёснь 6

Ирмо́с: От кита́ проро́ка изба́вил еси́, мене́ же из глубли́ны грехо́в возведи́, Го́споди, и спаси́ мя.

Несть в жити́и се́м греха́, е́гоже аз еди́н не сотвори́х ока́нный, Еди́не Безгре́шне, уще́дри мя.

Ве́трилом усер́дия вперимся, и ко приста́нищу спасе́ния пока́янием

предваримъ всѣ, яко да спасемъся.

Мученичен: Проповѣдниковъ, апостоловъ и мучениковъ страданіемъ озаряется тварь: ѿмуже и насъ просвети, Человеколюбче.

Мученичен: Сосуды вмѣстившыя зарю Божественную, и честная светолитія мученики всѣ почитимъ.

Богородичен: Дѣво вѣрнымъ Предстательнице, избавитися отъ всякаго грѣха рабомъ Твоимъ моли Господа.

Ин Ирмосъ: Неистовствующееся бурю душеленною, Владыко Христе, страстей море укроти, и отъ тли возведи мя, яко Благоутробенъ.

Священноукрашаеми ангельстии собори избраннии, светодательными сиянии просвѣщается, богодѣтельнымъ озарениемъ яже совершаеми. [Дважды.]

Трисветлыми зарями богато преукрашаеми Ангели и Архангели, богозрачно окаянную мою душу просветите вашими молитвами.

Богородичен: Зачала еси, Пречистая, всехъ Зиждителя и Бога, Егоже съ трепетомъ зрятъ радующеся, всеблагоговѣно предстояще Ангели.

Пѣснь 7

Ирмосъ: Благословенъ еси Боже, видяи бѣдны, и на престолѣ славы седи, препетый и преславный.

Благословенъ еси, Боже, иже за благоутробіе кающихся всехъ приѣмля, препетый и преславный.

Исцели, благоутробне Христе, многія моя страсти, Иже мое сведый неможѣние, препетый и преславный.

Мученичен: Силою Божественною укрепися ликъ стратотѣрпецъ, враги победы вопия: препетый и превозносимый во веки.

Мученичен: Укрепивый премудрыя стратотѣрпцы словѣ, претерпети многоплетенныя муки, молитвами ихъ ущѣдри всехъ.

Богородичен: Благословенъ еси, Боже, Иже во чрево Девиче вселився, и спасъ человека, препетый и превозносимый во веки.

Ин Ирмосъ: Превозносимый отцевъ Господь пламень угаси, отроки ороси согласно поющыя: Боже, благословенъ еси.

Неисчислительную Христосъ являя крепость, васъ архистратиги поставилъ естъ, научи воспевати: Боже, благословенъ еси. [Дважды.]

Иже множество безчисленное безплотныхъ чинѣвъ украшая благаго стію, вѣрныхъ составленія сподоби пѣти Тя: Боже, благословенъ еси.

Богородичен: Страстми колеблема, Дѣво, Ты ныне утверди мя, яже всемъ источившая вѣрнымъ безстрастіе, верою поющымъ: Боже, благословенъ еси.

Пѣснь 8

Ирмос: Творца твари, Егоже ужасаются Ангели, пойте людие, и превозносите во вся веки.

Мёртва преступлением бывша мя, Господи, оживи, да Тя славлю во вся веки.

Просветив мя покаянием, тьмы греховныя избави, Господи, да Тя славлю во вся веки.

Мученичен: Стратотерпцы мученицы, пламень прелести попраша, росу с небесе приемше преславно.

Мученичен: Якоже земля тучная святии, клас воистинну сторичествующ, подвигоположнику Христу плодоносите.

Богородичен: Из Тебе Бог возсия, Всепетая Дево, и богоразумием просвети омраченныя.

Ин Ирмос: Тебе, Вседетелю, в пещи отроцы, всемирный лик сплетше пояху: дела всякая Господа пойте, и превозносите во вся веки.

Привлачат мя ныне ангельстии собори, пети песнями и сердечным желанием, с нимиже пою: дела всякая Господа пойте, и превозносите Его во веки. [Дважды.]

Слуги пресвятей и трисолнечней зари, спастися молити верою поющим: Господа воспевайте дела, и превозносите Его во веки.

Богородичен: Двери света, Дево Мати Отроковице: светом Твоим озари верою поющих: Господа воспевайте дела, и превозносите Его во веки.

Песнь 9

Ирмос: Тя блаженную в женах, и благословенную Богом, человеческий род, песнями величаем.

Милостив буди ми, Господи, без числа безумно согрешившему, и Твоего Царствия, Слове, сподоби мя.

Якоже ниневитяны спасл еси древле покаявшыся единому Спасе, и нас поющих Тя спаси милостию Твоею.

Мученичен: Плоть предавше всяческим язвам, неузвлену спасли есте душу стратотерпцы Господни, Божественныя славы причастницы.

Мученичен: Днесиятельныя звезды, на земли всех озаряючи души, страстностицы всех Господа явистесья.

Богородичен: Носиши якоже престол огненный манием вся носящаго, и сосцема питаеши, Дево, всех питающаго.

Ин Ирмос: Исаие ликуй, Дева име во чреве, и роди Сына Еммануила, Бога же и человека, Восток имя ему: Егоже величающе, Деву ублажаем.

Чином начальницы бывше ангельским, пресветлый Михайле, и ты Гаврииле Божественнаго воплощения всеистинный проповедник быв, всех

сохраняйте поющих вас славы. [Дважды.]

Иже богатыми дароваными преизливаяй своя сокровища, иже чины приведей ангельския, с ними же пришед яко судия, и всех Царь, спаси мя, Владыко, прибегающаго к милости Твоей.

Богородичен: Умне Архангели, Власти, Престоли, Херувими, Силы и Серафими, Ангели светлии, Начала и Господствия, Твоему Сыну, Пренепорочная Чистая, с трепетом служат, Богородице всеблаженная.

На стиховне стихиры покаянны, глас 5:

Множества прегрешений моих презри, Господи, иже от Девы рождёйся: и вся очисти грехи моя, мысль мне подавая обращения, яко един Человеколюбец, молюся, и помилуй мя.

Стих: Исполнихомся завтра милости Твоея Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая. И призри на рабы Твоя, и на дела Твоя, и настави сыны их.

Увы мне, кому уподобихся аз? неплодней смоковнице, и боюся проклятия с посечением: но Небесный Делателю, Христе Боже, оядневшую душу мою плодоносну покажи, и яко блуднаго сына прими мя, и помилуй мя.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Благословено воинство Небеснаго Царя: аще бо и земнороднии беша Стратотерпы, но Ангельское достоинство потщашеся достигнути, о телесех нерадиша, и страданиями безплотных сподобишася чести. Темже молитвами их, Господи, низпосли нам велию милость.

Слава, и ныне, Богородичен: Обрадованная, ходатайствуй Твоими молитвами, и испроси душам нашим множество щедрот, и очищение многих прегрешений, молимся.

Таже, Благо есть исповедатися Господеву: **Трисвятое: И по Отче наш:** Тропарь святому, аще имать: аще ли ни, глаголем тропарь дне. Таже ектения, и час 1, и прочее обычно. И отпуст.

В понедельник блаженны, глас 5.

Разбойник на Кресте Бога Тя быти веровав, Христе, исповеда Тя чисте от сердца, помяни мя, Господи, вопия, во Царствии Твоем.

Стих: Блажени изгнани правды ради, яко тех есть Царство Небесное.

Душетленнии разбойницы, на пути житейстем сретше уязвиша мя: но к Твоему благоутробию ныне притекаю, исцели, Христе, и спаси мя, молюся.

Стих: Блажени есте, егда поносят вам, и изженут, и рекут всяк зол глагол на вы лжуще мене ради.

Небеснии лица песнословят Тя всех Бога: тех, Владыко, священными ходатайствы, многая ми презри злая, и спаси мя, молюся.

Стих: Радуйтесь и веселитесь, яко мзда ваша многа на небесех.

Ангельским ликом сочисляеми Христовы страдальцы, и исполняеми просвещения невечерняго, смрадные страсти сердца моего потребите.

Слава: Ангельски земнороднии, в вышних поемому Богу, воспойм трисвятую песнь: свят еси пребезначальне Отче, Сыне со Духом.

И ныне: Яже Ангелом радость во Твоей утробе восприемши чистая, сетующую лукавыми делы, душу мою исполни радости, к свету наставляющи мя.

В понедельник вечера

на Господи, возвах, стихиры покаянны, глас 5:

Подобен: Радуйся постником:

Стих: Аще беззакония на́зриши, Господи, Господи, кто́ постоит? Яко у тебе́ очище́ние е́сть.

Увы́ мне́ прогна́вавшему Тя, ми́лостиваго Бо́га моего́ и Господа! Коли́жды обеща́хся пока́яться, Христе́, и ло́ж обрето́хся несмы́сленный! Пе́рвую убо креще́ния окалях оде́жду, завет же мой, иже к Тебе́, оста́вих: и второе́ сие́ паки заве́щание, е́же испове́дах Ти́ пред А́нгелы и челове́ки, о́бразом плачевным оде́ян: е́гоже отложив прочее́, Спа́се, до конца́ не оста́ви мене́ поги́бнути.

Стих: Имене́ ради Твоего́ потерпе́х Тя, Господи, потерпе́ душа́ моя́ в сло́во Твое́, упова́ душа́ моя́ на Господа.

Кото́рый отве́т душе́ окаянная, обря́щеши в де́нь су́дный: или́ кто́ Тя осужде́ния огня́ ве́чнаго, и про́чих муче́ний изба́вит? Никто́же, аще́ не Ты́ сама́ умилостивиши́ Благоутробнаго́, злая́ Твоя́ оста́вльши́ дея́ния, и благоуго́дно стяжавши́ житие́: плачу́щи на вся́к де́нь Твои́х безме́рных согреше́ний, яже́ на вся́к ча́с согреша́еши́ делом, и сло́вом, и помышле́нием, Христа́ моля́щи, пода́ти Тебе́ соверше́нное си́х про́щение.

Стих: От стражи́ у́тренния до но́щи, от стражи́ у́тренния, да упова́ет Израи́ль на Господа.

Да не соде́ржит мене́, Спа́се, грехо́вный обы́чай влеки́й, ниже́ да облада́ет мно́ю бес, при́сно боря́, и низводя́ к во́ли свое́й: но исхити́ мя то́го влады́чества, крепо́ую твое́ю руко́ю, Всеси́льне, и воца́рися во мене́ Ты́, Человеколю́бче. Все́го же Твоего́ бы́ти мя сподо́би, и жити́ по во́ли Твое́й сло́ве, имети́ поко́й в Тебе́, и обрести́ ми очище́ние и спасе́ние и ве́лию ми́лость.

Ины́ стихиры Предте́чи: глас и подобен то́йже.

Стих: Яко́ у Господа́ ми́лость, и мно́гое у него́ изба́вление, и то́й изба́вит Израи́ля от все́х беззаконий е́го.

Все́го прекло́ншася в зе́млю, и сокруши́вшася неисце́льно уврачу́й, Предте́че Христов и муче́ниче, прибега́ющаго ве́рою в Бо́жественный покров Твой, блаже́нне: те́мже и дне́ стра́шнаго мя исхити́, воньже хо́щу пред суди́щем стати́, и му́кам отда́тися, молю́ся Ти́, тамо́шнаго стоя́ния изба́ви мя то́гда, яко́ имы́й дерзнове́ние непосты́дно му́дре, моля́ пода́ющаго ми́рови ве́лию ми́лость.

Стих: Хвалите Господа вси языцы, похвалите его вси людие.

Светильник Ты солнца мудре сый Предтече Христов, пресветлейший, во тьму низпадшуся безмерных зол, облистай ми зарю света, молю Тя, и воздвигни из рова греховнаго, наставляя мя гласом Твоим сладким: иже отцу древле глас разрешивый рождеством Твоим, ныне мой исправи глас, молю Тя, яко да верою и любовию славословлю Человеколюбца Бога и Спаса, подающаго миру велию милость.

Стих: Яко утвердися милость его на нас, и истина Господня пребывает во век.

Божественный храм был еси Бога живодавца всех блаженне пророче, и Предтече, и проповедниче, живущаго имел еси в сердцах, егоже моли присно во святыи Твои храм прибегающих, и тебе чтущих, Иоанне пребогате, храмы духа быти молимся, и к Богу приблизитися: яко да твое почитаем в песнях заступление, и теплую молитву, от негоже больше всех человек свидетельствовался еси досточудне.

Слава, и ныне, Богородичен: Весь от младенства явихся, грехи неослабно делая: уязвихся люте умом, и обычаем многим в нем пребыв любовию, и ныне сетуя плачу лютыя моея прелести, и злаго обычая и безумия, и души моея погибели: Владычице, не презри мене зле погибающаго, но ущедривши, всякаго нахождения и страстей избави Твоим заступлением, яко да поне на старость покаюся Богу.

Таже, Свете тихий: Посем прокимен, и ектения. Таже, Сподоби, Господи, в вечер сей:

На стиховне стихиры покаянны. Глас 5:

Господи, согрешая не престаю, человеколюбию сподобляемь не разумею: одолей моему недоумению единый Блаже, и помилуй мя.

Стих: К тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Господи, страха Твоего боюся, и зло творя не престаю: кто на судищи судий не боится? или кто исцелится хотя, врача прогневает, якоже аз? долготерпеливе Господи, на немощь мою умилосердися, и помилуй мя.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Щитом веры обокшеса, и образом крестным себе укрепльше, к мукам мужески вдашася, и диаволу гордыню и лесь низложивша святии Твои, Господи: тех мольбами яко всемогущи Бог, миру мир низпосли, и душам нашим велию милость.

Сла́ва, и ны́не, Богоро́дичен: Утоли́ болéзни многовоздыха́ющия души́ моея́, утоли́вшая всяку́ слéзу от лица́ земли́. Ты́ бо челове́ком болéзни отгоняеши, и грéшных скорби́ разруша́еши: Тебе́ бо вси́ стяжа́хом наде́жду и утвержде́ние, пресвята́я Ма́ти Дéво.

Та́же, Ны́не отпу́щаеши раба́ Твоего́, Влады́ко: Трисвято́е. По О́тче наш: Тропа́рь свято́му. Сла́ва и ны́не, Богоро́дичен, во глас́ тропаря́. Посéм, ектениа́, и отпу́ст.

В понеде́льник на повече́рии

канон пресвятей Богородице, глас 5:

Песнь 1

Ирмос: Коня́ и вса́дника в мо́ре Чермное́, сокруша́яй бра́ни мы́щцею висо́кою, Христо́с истрясе́, Израи́ля же спасе́ победную́ песнь пою́ща.

Припев: Пресвята́я Богородице́, спаси́ нас.

Ду́х сокруше́н пода́ждь ми, Благо́я, смире́ние се́рдцу, уму́ же чистоту́, и жити́ю исправле́ние, и прегреше́ний оставле́ние, и слез исто́чники, Пренепоро́чная.

Ви́ждь мою́ беду́ и умиле́ние, и дре́вних прегреше́ний исцели́ стру́пы, и вре́мя ми пока́яния да́руй и грехо́в испове́дание.

Слава: Себе́ плачу́ пре́жде исхода́ моего́, помышля́я зол мои́х бездну́, Всенепоро́чная. Те́мже молю́ся Ти: Сы́на Твоего́ умоли́, изба́вити мя́ муки.

И ныне: Имущи́ пока́яния вре́мя, отступи́ от вся́кия зло́бы, душе́ моя́, и Зиждите́лю Твоему́ со слеза́ми возопи́й: Бо́же мой, спаси́ мя мо́льба́ми Рожде́шия Тя́.

Песнь 3

Ирмос: Водрузи́вый на ничесо́мже зе́млю повеле́нием Твоим, и повеси́вый неоде́ржи́мо тяготе́ющую, на недви́жимем, Христе́, ка́мени за́поведей твои́х, Це́рковь Твою́ утверди́, Еди́не Бла́же и Человеколю́бче.

Страсте́й мои́х нача́льницы обя́ща мя́, Пречиста́я, и е́же по о́бразу и по подо́бию сотворе́ннаго мя́ Бо́жию испо́лниша студа́: но сих вре́да изба́ви мя́, во умиле́нии пою́щаго Тя́.

Лука́вно вра́г улови́ти мя́ тщи́тся, ве́чнующаго пла́мене попа́ление пока́зати мя́ хотя́, Пречиста́я: но сего́ кова́рствия и сове́ты разори́, да Тя́ сла́влю раду́ясь.

Слава: В ро́в преиспо́дний льсти́вно мя́ положи́ша мно́гих согреше́ний врази́ пра́ведных: яко́ беспомо́щен же ны́не, и уязвлен ве́сь, призыва́ю мо́литву Твою́, Влады́чице Пренепоро́чная, спаси́ мя́.

И ныне: В ле́ности жизнь ижди́х ока́янный, ны́не к сме́ртным двере́м прибли́жися, и вра́жиих наве́т ужа́саяся, вопи́ю Ти: искуше́ний сих изба́ви мя́, да Тя́ сла́влю спаса́емь.

Песнь 4

Ирмос: Божество́нное Твое́ разуме́в исто́щание, прозорли́во Авваку́м, Христе́, со тре́петом вопи́яше Тебе́: во спасе́ние люде́й Твои́х, спасти́ помаза́нныя Твоя́ прише́л еси́.

Уязвѣхся стрелами греховными, и всего телесе рану ныне обношу, Темже зову Ти, Пречистая: Твоих молитв скоростию язвы души моя исцели.

Помилуй, Чистая, рабы Твоя: Тебе бо ходатаицу к Богу стяжахом, и молимся избавитися всякия нужды и вечнующаго мучения.

Слава: Надежда и щит и утверждение Ты мне еси благая, и лютых избавление, и просвещение души моей, и хвала, и стена, и держава.

И ныне: Блудно расточих богатство добрых дел, еже ми Христос яко благ дарова: да не презриши убо мене, Пречистая Отроковице, голодом погибающаго.

Песнь 5

Ирмос: Одейся светом, яко ризою, к Тебе утренюю, и Тебе зову: душу мою просвети омраченную, Христе, яко Един Благоутробен.

Видь, Владычице, немощь смиренныя моя души, и плоти моя изнеможение, и ума моего пленение, и ненадежнаго спаси мя.

Бога, Егоже родила еси, моли всегда, спасти всех нас, Богородицу Тя исповедующих, и славословящих Рождество Твое, Пречистая.

Слава: Кто не блажит Тебе Всенепорочную? Творца бо всего мира Спаса Христа и Единого Владыку несказанно родила еси.

И ныне: Струи мне низпосли слез, Пречистая, имиже скверны и враски грехов моих омыв, пою множество Твоея благодати.

Песнь 6

Ирмос: Нействовствующееся бурю душеленною, Владыко Христе, страстей море укроти, и от тли возведи мя яко Благоутробен.

Во глубину ввергохся прегрешений и беззаконий: но простри руку Твою, Всенепорочная, и от ада возведи мя нечаяния.

Множество веси согрешений, и помысл смущающих мя: темже ускори, и избави мя сих, Пречистая.

Слава: Пощади мя раба Твоего, Владыко Христе, мольбами чисто Родшия Тя, егда хочещи судити миру, егоже создал еси.

И ныне: Во глубину низвлечеса прегрешений, Владычице Чистая, душа моя, снѣдь бывши бесом: темже ненадежно спаси мя.

Господи, помилуй, **трижды. Слава, и ныне:**

Седален, глас 5: Подобен: Собезначальное слово:

Души моя страсти многоболезненныя, и плоти моя недуги вскоре исцели, ума моего блужения устави, Пренепорочная, и в тишине помысла молитвы принести чисты Царю всяческому, сподоби, Богородице, и испросити согрешений оставление.

Песнь 7

Ирмос: Превозносимый отцев Господь пламень угаси, отроки ороси согласно поющыя: Боже, благословен еси.

Егда прииму во ум мой безместных моих деяний множество прегрешений, Всенепорочная, боюся и ужасаюся: от нихже мя твоими молитвами свободи, Дево.

Червь неусыпный, и огонь неугасимый, истаявает мя всегда, и снedaет мою душу, да не прииму сих искуса, Пресвятая Богородице.

Слава: Тьмы кромешния, и страшнаго мучения, раба Твоего избави мя, Дево Всенепорочная, вопиюща Сыну Твоему: Боже, благословен еси.

И ныне: Плоть убо оскверних срамными страстьми, ум же помрачих скверными мысльми: но ущедри, Чистая, и спаси мя, непотребнаго раба Твоего.

Песнь 8

Ирмос: Тебе Вседетелю, в пещи отроцы всемирный лик сплетше, пояху: дела всякая Господа пойте, и превозносите во вся веки.

Тебе, Богородице, немощное смиренныя моя души приношу, и сердца моего неможение, и ума моего прелесть возвещаю, Твоя помощи прося, Дево.

Милостив буди Твоим рабом, Слове, молитвами Рождшия Тя, и спаси поющыя: вся дела Господня Господа пойте, и превозносите Его во веки.

Слава: Иже Волителя Рождшая милости, помилуй всех верою поющих: вся дела Господня Господа пойте, и превозносите Его во веки.

И ныне: Избави мя кромешния тьмы, и неусыпающаго червья, Благая Дево: Ты бо родила еси Творца миру: вся бо елика хочет, и творит Твоими молитвами.

Песнь 9

Ирмос: Исаие ликуй, Дева име во чреве, и роди Сына Еммануила Бога же и Человека, Восток имя Ему: Егоже величающе, Деву ублажаем.

Бога, Егоже родила еси неизреченно, Владычице Чистая, моли прилежно, избавити нас от бед и скорбей, и будущаго Суда страшнаго, и светлости святых Его сподоби.

Паче всех согреших, преслушав Твоя заповеди, Христе, животворныя, и уподобихся безсловесным скотом: но Твоя Матере Слове молитвами, непокаянна от жития не исторгни мене.

Слава: Яко милости бездну рождшая Слова Божия, помилуй, Благая, всех души под кров Твой прибегающих: Тя бо к Богу вси стяжахом предстательницу непостыдну.

И ныне: Очищение и оставление прегрешений испроси нам, и всех нуждных пременение, и жития исправление ныне чисто и световидно: да

прославляем, Богомати, мно́гую Твою́ благода́ть.

Та́же, Досто́йно́ е́сть: И покло́н. Та́же Трисвято́е. По О́тче на́ш:
тропа́рь, и проче́е обы́чное, и отпу́ст.

Вторник

Во вто́рник у́тра

по 1-м стихослoвию, седа́льны покая́нны, глас 5:

Судии́ седа́щу, и а́нгелом предста́ющим, трубе́ глася́щей и пла́мени горя́щу, что́ сотвори́ши, ду́ше моя́, ве́дома на су́д? Тогда́ бо люта́я тебе́ предста́нут, и та́йная твоя́ обличатся согреше́ния. Те́мже пре́жде конца́ возопи́й судии́: Бо́же, очисти́ мя и спаси́ мя.

Сти́х: Госпо́ди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

Вси́ побди́м, и Христа́ усря́щим со мно́жеством еле́а, и свещами́ све́тлыми, яко́ да черто́га вну́тр сподо́бимся: иже́ бо вне́ дверей́ постигну́вый, безде́льно Бо́гу воззовет́: поми́луй мя.

Слава, и ны́не, Богоро́дичен: Стра́нное Де́вы та́инство, ми́рови яви́ся спасе́ние: из нея́ бо роди́ся без се́мене, и плоти́ю яви́ся без ислéния: все́х радости, Госпо́ди, слава Тебе́.

По 2-м стихослoвию, седа́льны, глас 5:

Егда́ открýются дела́ Твоя́, о ду́ше моя́, тьма́м а́нгелом предста́ющим судии́: кото́рый отве́т студу́ обряще́ши? Аще́ не пре́жде конца́ возопи́еши слезя́щи: согреших, бла́гий Госпо́ди, поми́луй мя!

Сти́х: Госпо́ди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

На одре́ слежу́ согреше́ний мно́гих, окрада́емь е́смь в наде́жди спасе́ния моего́: и́бо сон лeности́ моея́ ходата́йствует ду́ши мое́й муку́: но Ты́, Бо́же, рожде́йся от Де́вы, воздви́гни мя к Твоему́ пению́, да сла́влю Тя́.

Сти́х: Дивен́ Бо́г во святы́х Свои́х, Бо́г Израи́лев.

Му́ченичен: Чудеса́ святы́х Твои́х му́ченик, стéну неразо́риму на́м дарова́л еси́, Христе́ Бо́же: те́х моли́твами ве́рныя люди́ Твоя́ утверди́, яко́ еди́н Бла́г и Человеколю́бец.

Сла́ва, и ны́не: Богоро́дичен: Ско́рый Тво́й покрóв, и по́мощь, и ми́лость, покажи́ на рабе́ Твое́м: и во́лны чи́стая, укроти́ су́етных помышле́ний, и па́дшую ду́шу мою́ воздви́гни, Богоро́дице: ве́м бо, ве́м, Де́во, яко́ можеши, ели́ка хо́щеша.

По 3-м стихослoвию, седа́льны, глас 5:

Подóбен: Собезнача́льное сло́во:

Во глубину́ мя греха́ попо́лзшася, трево́лнение́ обу́ревает́ отча́яния: но предва́ри, Христе́, яко́ всеси́лен, управите́лю все́х, и ко приста́нищу ти́хому устре́ми безстра́стия, моли́твами Твоего́ Предте́чи, за милосе́рдие, Спасе́, и спаси́ мя.

Елисавет неплодствія свободися, Дева же паки Девкою пребысть, егда гласом Гаврииловым во чреве зачат: но предвыигравает во утробе, иже во чреве девичестем Бога провидя и Владыку, предтеча Иоанн, во спасение наше воплощаемого.

Слава, и ныне, Богородичен: Яже цвет Божественный от корене прозябший, ковчеже и светильниче, ручко всезлатая, святая трапезо, живота хлеб носящи яко Сына Твоего и Бога, моли Его со святым Предтечею, ущедрити и спасти, Богородицу исповедающих Тя.

Канон, [егоже краегранесие сице: Очищение нам, Христе, прегрешением давай.] Творение Иосифово, глас 5:

Песнь 1

Ирмос: Землю, на нюже не возсия, ни виде солнце когда, бездну, иже не виде нагу широта небесная, Израиль пройде невлажно, Господи, и ввел еси его в гору святыни Твоея, хваляща и поюща победную песнь.

Очищение ми даруй содеянных мною, Спасе, и ослаби ми прежде даже отсюду отити ми, очисти многаго гноения, Господи, очистивый прокаженных: и сподоби мя без порока предстати Тебе, приити хотящему судити живым и мертвым.

Гноение, еже лежит на очесех души моея, возбраняющее ми зрети лучи Твоя, яже явлься на земли простерл еси, солнце незаходящее: сие очисти спасе, и давай созерцати, Господи Благоутробне, благодатей Твоих свет.

Мученичен: Бодри бывше повелений Христовых хранителие, успиште вражю всю злобу, страдальцы блаженнии. Темже отягчаема сном греховным, к покаяния, молюся, Божественней бодрости и мене воздвигните.

Мученичен: Плотию сплетаеми борителю врагу мученицы, победите того оружием креста, и кровей течением потописте: и венцы победныя от Бога приясте, воспевающе и поюще победную песнь.

Богородичен: Избави мя обычая злаго, Чистая Дево, утверди на камени заповедей, колеблема козными, Владычице, ветхаго запинателя. И сподоби мене Христу угодити, добре воспевающа и поюща победную песнь.

Другий канон Иоанну Предтечи, творение Иосифово, [егоже краегранесие: Крестителю, сию мольбу приими.] Глас 5:

Песнь 1

Ирмос: Коня и всадника в море Чермное, сокрушай брани, мышцею высокою Христос истрясе: Израиля же Спасе, победную песнь поюща.

Житие очищено, жизнь же невещественну, показал еси, Предтече, в

вещественнем телеси: темже молим Тя, подражателей себе соделай верою Тя блажащих.

Бездну погруживый благоутробию, Христа в речных струях, того моли, Предтече, изсушити бездну зол моих, молюся и просветити мой смысл.

Предтече Спасов, покаяния ми вины ходатайствуя, испроси умилению датися ми, тимения отмывающее смрада греховнаго, моли Человеколюбца, молюся Ти.

Богородичен: Родила еси неизреченно кроме болезни, егоже Отец прежде век нетленно роди, Всепетая Владычице: егоже моли спасти всякаго вреда к Тебе прибегающих.

Песнь 3

Ирмос: Движимое сердце мое, Господи, волнами житейскими, утверди, в пристанище тихое наставляя яко Бог.

Покаяться Тебе Богу обещаваюся, и паки согрешая, что буду? Како явлюся, внемда судиши земли?

Моления Господеви принесем, воздохнем, слезы пролием очистительныя сквернам: яко да избавимся тамо.

Мученичен: Умерщвленную мыслью законопреступницы, жизнь любящии, ураняху победоносныя мученики, исповедающыя Христа.

Мученичен: Лицы мученичестии, ликом сопричташася умных ангел: и равноангельнии бывше, благодатию Божественнаго духа.

Богородичен: Покаяния врата ныне ми отверзи, врата света, Дево: входы же страстей затвори смиренныя моей души.

Ин Ирмос: Водрузивый на ничесомже землю повелением Твоим, и повесивый неодолимо тяготеющую, на недвижимем Христе, камени заповедей твоих, Церковь Твою утверди, Едине Блаже и Человеколюбче.

Исцеления приступающим верою к храму Твоему, чудный Предтече источая всегда, исцели страсти моего сердца, молю Тя, яже всеокаянне совозрастшыя ми от невнимания, всебогате.

Воздыхаю, и рыдаными содержимъ есмь всегда, помышляя судище Твое неумытное, Едине Праведнейший Судие: в немже мя, мольбами крестителя Твоего, неосужденна, Господи Боже мой, соблюди.

Новаго и ветхаго ходатай быв, ходатайствы Божественными славный Предтече, обещавшаго мя грехи многими, вопию Ти, покаянием обнови, яко да во хвалении Тя почитаю.

Богородичен: Святая Дево Мати, едина Всенепорочная, прегрешений порока нас измени: просвети наше помышление, сердца освяти, и вечнаго нас избави всех осуждения, молимся.

Пѣснь 4

Ирмос: Услышах, Господи, слух Твой, и убоялся, разумех смотрение Твое, и прославих Тя, едина Человеколюбче.

Глагол Твоих, Господи, небрег просвещающих, темная сотворих дела, и боюся тамошняго страшнаго Твоего судища.

Ветрилом Божественнаго страха вперим душевный корабль: и к пристанищем покаяния достигнем, злых убежавше треволнения.

Мученичен: Каплющая мученицы сладости, явистесь Божественныя горы: и рай богонасажденный, жизни древо имущий Господа.

Мученичен: Стреляными святии, терпения и пождания, постреляете борителей бесов, и венцы славы восприяете.

Богородичен: Пречистая Владычица, согрешающим Предстательница, падающим Божественное исправление, яко Бога рождающая славится.

Ин Ирмос: Божественное Твое разумев истощание, прозорливо Аввакум, Христе, со трепетом вопияше Тебе: во спасение людей Твоих, спасти помазанныя Твоя пришел еси.

В вышнее вселился еси Царство, яко воин истинен Царя Христа, Крестителю: Того моли непрестанно, люди ущедрити чтущия Тя.

Освяти из ложесн твоя Господь, провидяй благодарство твоего сердца, блаженне: Того моли всех нас освятити, молимся.

Мертвым благовестил еси пришествие умерщвленнаго нас ради: Того моли Предтече, умерщвленнаго и мене грехми оживити, и спасти мя.

Богородичен: Помилуй мя, едина Пренепорочная, яже милостиваго Бога премногою благостию несказанно рождающая, и избави вечныя муки.

Пѣснь 5

Ирмос: Окаянную душу мою, ношеборющуюся со тьмою страстей, предварив ущедри, и возсияй мысленное солнце дне светлыя звезды во мне, во еже разделить ночь от света.

От дел несть мне спасения, много бо на земли окаянный согреших, и трепещу страшнаго судища Твоего, егда осудити хочещи, Боже, преступники Твоих заповедей.

Како безумен бых? Како омрачыхся творя дела злая? Како не разумех страха Твоего, Христе? В землю поникох, и уподобихся скотом безсловесным: но обрати мя, Боже всяческих.

Мученичен: Облак мученик разгна облаки горьких мук: и озариша день истиннаго разума, и многобожия мглу разрушиша, и к незаходимому свету достигоша.

Мученичен: Освяти ум мой мольбами святых мученик Твоих, Христе, молюся, и покажи просвещения исполнена, и вечней славе причастника,

да сла́вля пою́ Тя, Спа́се.

Богоро́дичен: Бо́га неизрече́нным сло́вом, Де́во Ма́ти, роди́ла еси́ на́м, все́м пока́яние даю́ща многогосреши́вшим, ходата́йством Твои́м благи́м, прибе́жище ве́рным и приста́нище.

И́н Ирмо́с: Оде́йся све́том яко ри́зою, к Тебе́ у́тренюю, и Тебе́ зову́: ду́шу мою́ просвети́ омраче́нную, Христе́, яко еди́н благоутро́бен.

Породи́ непло́дная утроба́ тя, Предте́че, непло́дная от до́брых дея́ний се́рдца, благоча́дная показу́ющая, благопло́дными твои́ми словеса́ми: те́мже ты ублажа́ем.

Процве́л еси́ яко благоуха́нный кри́н, присноблаже́нне в пусты́нях. Те́мже вопию́ ти: ду́ши моея́, Предте́че, вся́ко злосра́дие зло́бы отжени́.

Зако́на посреде́ ста́л еси́, премудре́, и благода́ти. Те́мже взыва́ю: побежда́ема мя грехо́вным, Предте́че, зако́ном уще́дри, ока́янне бе́дствующа́го.

Богоро́дичен: Врата́ непроходи́мая сла́вы, Пречи́стая, отве́рзи ми́ врата́ пока́яния, ходата́йствующа́я ми́ Божество́вныя вхо́ды, и та́мошня́го поко́йща.

Песнь 6

Ирмо́с: Я́коже проро́ка от зве́ря изба́вил еси́, Го́споди, и мене́ из глубли́ны несоде́ржимых страсте́й возведи́, молю́ся, да приложу́ призре́ти ми́ к храму́ святому́ Твоему́.

Се́ вре́мя обра́щения, и аз низлежу́ в зна́к присно́, нечу́вствием мно́гим все́гда соде́ржимь: омраче́ние се́рдца моего́, Сло́ве, разреши́в уще́дри мя́.

Стеня́ща мя́, я́коже ино́гда мытаря́ уще́дри, благоутро́бне Христе́. И я́коже блудни́цу те́пле слези́ти сподоби́: да отмыю́ и аз тимение́ мно́гих мои́х прегреше́ний.

Му́ченичен: Великому́ченицы́ Христо́вы, вельми́ согреши́вшего, вели́каго пла́мене и́же в ге́енне, та́мо ожида́ющего мя́ исхити́те, да вельми́ и аз ва́шу па́мять сла́влю все́гда.

Му́ченичен: Подвиза́вшеся до́бре, све́тло венча́шася Твои́ страда́льцы, живона́чала́ною десни́цею Твое́ю, Бо́же и Го́споди: си́х честны́ми мо́льба́ми спаси́ вся́ лю́ди Твоя́.

Богоро́дичен: Богора́дованна́я се́не освяще́ния, честны́й ковче́же, свети́льниче Божество́вна́го све́та, хле́ба живо́тнаго трапезо́, слова́ пала́то одушевле́нная, храм мя́ ду́ху пока́жи.

И́н Ирмо́с: Неистовстующе́ея бу́рею душетле́нною, Влады́ко Христе́, страсте́й мо́ре укроти́, и от тли́ возведи́ мя́, яко Благоутро́бен.

Неизрече́нными луча́ми сия́я, Предте́че Христо́в, де́тельною

молитвою Твоею озаряй сердца, благочестно хвалящих Тя.

Леностным сном одержима мя, Предтече Христов озарив благодатию, воздвигни усердно Божественная творити хотения.

От всякия скорби сопротивныя избави нас, представителя Божественнаго Тя стяжавших и молитвенника ко Владыце, Блаженне.

Богородичен: Буря смущает мя греховная, Богородице Пречистая, потщися избавити мя, вводящи к пристанищу покаяния, Всенепорочная.

Песнь 7

Ирмос: Огня гасилице отроков молитва, орошающая пещь проповедница чудесе, не опаляющи, ниже сожигаящи песнословцы Бога Отец наших.

Беззакония моя и неправды моя, безчисленная согрешения, Христе, прости, и будущия избави мя муки, за множество Твоих щедрот, Боже.

Яко блудный ныне иждих богатство, еже приях, и голодом таю, Божественнаго брашна лишаемь: кающася, Спасе, прими, и спаси мя.

Мученичен: Мертва соделасте борющаго врага, удесы умерщвляеми многими муками, досточуднии Господни мученицы: темже вернии благочестно воспевает вас.

Мученичен: Бесовския полки, мучителей все множество, стреляньми, мученицы уранисте, терпением же и доблестию, и к животу истинному ныне преложистесь.

Богородичен: Пристанище спасительное показася всем, Чистая, страстей бурю утишающи, и к тишине всех приводящи, Богородительнице Чистая, иже на земли смиренна.

Ин Ирмос: Превозносимый отец Господь, пламень угаси, отроки ороси, согласно поющыя: Боже, благословен еси.

Словесы молим тя, иже слова Предтечу, отчий якоже разрешил еси глас в рождении, разреши сетей наших прегрешения.

Солнце многосветлое, возсияй покаяния ми спасительное сияние: и тмы мя избави страстей смущающих помраченное мое сердце.

Неплодну душу стяжах, и сердце безчадно, неплодове Божественное прозябение, плоды покаяния прозябати ми, Крестителю Христов, моли непрестанно.

Равна родителю Сына славим, и Духа Святаго, Троицу нераздельну Божественно поюще: Боже, благословен еси.

Богородичен: Младо родила еси Отроча, Всенепорочная, Христа, обновление наше соделовающаго, обетшавших древним преступлением.

Песнь 8

Ирмос: Ангелов сонм, человеков собор, Царя и зиждителя всех,

священницы пойте, благословите левити, людие превозносите во вся веки.

Се возмердеша и согниша души моя раны, Христе, и пострадах и смирихся отнюд: лечьбами покаяния, Спасе, уврачуи мя.

Льстивно змии мя лукавнейший подзукрад, зол исполни, и воздыхая зову: не отрини мене, Слове, осужденнаго и смиреннаго.

Мученичен: Не уклонитесь лучшаго стояния, крестныя же враги всехвальнии, яко запяти вам непщевавшыя низложисте, и до конца премудрии победдше.

Мученичен: Вас прехвальнии Господни мученицы, ни огнь, ни мечь, ни зверие, ни глад, ни колес раздробление, ниже мука ина возможе разлучити от Христа Человеколюбца.

Богородичен: Ангелов похвала, и человеков спасение, и споручница буди ми, Мати Божия: яко да обращуся, и прииму разрешение прежде согрешенных, в ведении и не в ведении.

Ин Ирмос: Тебе, Вседетелю, в пещи отроцы всемирный лик сплетше пояху: дела всякая Господа пойте, и превозносите во вся веки.

Собор людей струями Иорданскими измываеши, проповедуя покаяние великий Предтече. темже вопию ти: страстей моих струю изсуши, источники ми слез посылая.

Трепещущи буди вся, помышляющи, душе, судище Вседержителево, вопия: Щедре, Крестителя Твоего ради, ущедри и спаси мя, и мук избави.

Устне нечисты и осквернившийся язык движу Ти на моление, святе Предтече: потщися вскоре, помози ми, всякими прилоги лестца непрестанно колеблему.

Троицен: Одожди нам Отче, и Сыне, и Душе, Троице Единосущная, согрешений оставление, яко да получивше совершенное спасение, Тя превозносим во вся веки.

Богородичен: Вознесла еси нас высоким Твоим Рождеством, от рова падений, Богорадованная: темже Тя гласы благодарными, верою, Отроковице, воспеваем во вся веки.

Таже, поем песнь Богородицы: Величит душа моя Господа: **И поклоны.**

Песнь 9

Ирмос: Яко сотвори Тебе величия сильный, Деву явль Тя Чисту по Рождестве, яко рождшую без семене своего Творца: тем Тя, Богородице, величаем.

Да Твое величаю долготерпение, Иисусе, долготерпи и еще на мне, и не посецы мене якоже неплодную смоковницу, взываю Ти: яко да покаяния плоды принесу Тебе.

Коль страшен еси, едине державный и сильный? И кто противу постоит Твоему страшному прещению, егда хочещи на суде сам седети? В нёмже мя соблюди неосужденна.

Мученичен: Телесныя болезни болезнями Божественными вашими изымаете, Господни страдальцы: темже исцелите души моя страсти лютейшыя, яко суще врачеве искуснейшии.

Мученичен: Солнечных лучь блистает множае, ваших рака мощей, зарь Божественных благодати: и просвещает сердца, и озаряет души, верою стратотерпцы восхваляющих вас.

Богородичен: Световидный облак, предводящий новыя люди к земли обетования, воистинну Богоблагодатная явилася еси, и врата вводящая к жизни. Темже Тя, Богородице, величаем.

Ин Ирмос: Исаие ликуй, Дева име во чреве, и роди сына Еммануила, Бога же и человека, Восток имя ему: егоже величающе, Деву ублажаем.

Се благолепие Твоего храма, яко небо познаётся на земли, Предтече Христов, вонже приходя зарями Божественными освещаеши, по вся дни Тя ныне в нём блажащя.

Яко сый искренний Владыце друг, Крестителю, любити ми его правым нравом неуклонно, всеблаженне, укрепи, и страстей тлетворных возгнушати поревающих мя к погибели.

Ты не был еси трость, противными ветры премудре колеблема, но наше Божественное утверждение, и непоколеблемо церкви укрепление: юже твоими молитвами соблюдай непреклонну, утоляя всякий соблазн.

Жидителево при дверех пришествие: что убо не плачеши себе, окаянная душе, живущи в небрежении? Возникни и возопий Господеви: пощади мя, Спасе, мольбами Предтечи, яко Человеколюбец.

Богородичен: Светоносная колесница солнца явилася еси воистинну, возсияшаго от Твоею, Всенепорочная, чистая боку, и разрушаго прелести лютую тьму. Темже по долгу Тя верою ублажаем.

Таже, Достойно есть: И поклоны, и ектенія малая. Таже светилен, и псалмы обычныя.

На стиховне стихиры покаянны, глас 5:

Множества прегрешении моих презри, Господи, иже от Девы рождейся, и вся очисти беззакония моя, мысль ми подай обращения, яко един Человеколюбец, молюся: и помилуй мя.

Стих: Исполнихомся заутра милости Твоея, Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Увы́ мне, кому́ уподо́бихся аз? Непо́дней смоко́внице, и бою́ся прокля́тия с посе́чением: но небе́сный де́лателью, Христе́ Бо́же, оляде́вшую мою́ ду́шу плодоно́сну покажи́, и яко блу́днаго сы́на приими́ мя, и помилуй́ мя.

Стих: И бу́ди све́тлость Го́спода Бо́га на́шего на нас, и дела́ ру́к на́ших исправи́ на нас, и де́ло ру́к на́ших исправи́.

Му́ченичен: Страсто́терпцы́ Твои́, Го́споди, чино́м а́нгельским подража́телие, яко безплотни́и му́ки претерпеша, и единомы́сленно упова́ние иму́ще, обеща́нных бла́г наслажде́ние: моли́твами их Христе́ Бо́же, ми́р миру́ Твоему́ да́руй, и ду́шам на́шим ве́лию милость.

Сла́ва, и ны́не, Богородичен: Обра́дованная, ходата́йствуй Твои́ми моли́твами, и испроси́ ду́шам на́шим мно́жество щедро́т, и очище́ние мно́гих прегреше́ний, молимся.

Та́же, Благо́ есть испове́даться Го́сподеви: Трисвято́е. По О́тче на́ш: Тропа́рь. Та́же ектени́а, и час 1-й, и псалмы́ обы́чныя, и проче́е, и отпу́ст.

Во втoрник блаженны, глас 5:

Разбойник на Кресте́ Бoга Тя́ быти́ вeровав, Христé, исповeда́ Тя́ чистe от сeрдца: помяни́ мя, Гoсподи, вопия́, во Цaрствии́ Твоeм.

Стих: Блажeни́ изгнани́ правды́ ради́, яко́ тeх eсть Цaрство́ Небeсное.

Якоже́ оправдал еси́, Христé, блудницу́, плакавшуюся́ от всея́ души́: такожде́ и мене́, Влады́ко, отчаявшагося́ от всякаго́ исхити́ блаже́ мучения́, молю́ся.

Стих: Блажeни́ есте́, егда́ поно́сят ва́м, и изжену́т, и реку́т вся́к зoл глагол, на вы́ лжу́ще мене́ ради́.

Предте́кшаго́ Христу́, и уготовавшаго́ пути́ благия́, да ублажим́ Иоанна́ согласно́: яко́ да того́ Божeственными́ молитвами́ от прегрешeний избавимся́.

Стих: Радуйте́ся и веселите́ся, яко́ мзда́ ва́ша мно́га на небесeх.

Мученичен: Иже́ чашу́ Христову́ испивше́ мученицы́ усeрдною́ душею́, мутных́ на́с грехов́ и недугов́, одождeнными́ Божeственных́ молитв́ избавите́ святии́.

Слава, трoичен: Непостижимый́ Бoже, всесильная́ Трoице́ и Еди́нице, молитвами́ Предте́чи Твоего́ спаси́ мя, избавляю́щи тьмы́, и пламене́ предлежащаго́ ми.

И ны́не, Богородичен: Всегда́ лукавыми́, Дeво, дея́ными́ оскверняе́мь, Тя́ нескверную́ Влады́ки Мaтерь молю́: скверны́ мя́ всякия́ очисти́, Влады́чице.

Во вто́рник ве́чера

На Го́споди, воззва́х, стихи́ры крѣстны, гла́с 5.

Подобѣн: Радуйся:

Стих: Аще беззаконія на́зриши, Го́споди, Го́споди, кто́ постоит? Яко у тебе́ очище́ние е́сть.

Воздвѣжесе́ якоже А́гнец на Кресте́, и возноше́ния льсти́ваго низве́ргл еси́: закла́в же ся, кро́вию Твоею́ всю́ освяти́л еси́ зе́млю. И прободѣ́н копи́ем, пла́менному́ мнѣ, Христе́, ору́жию плещи́ да́ти а́бие повелѣ́л еси́, и ра́я вмести́ти вход, и дре́ва мя наслажда́тися животна́го небо́язненно. Те́мже спасѣ́н бы́в страсти́ю Твоею́, зову́ раду́ясь: сла́ва Боже́ственному Кресту́ Твоему́, имже́ кля́твы изба́вихомся дре́вняя, и благослове́ние от дре́ва объе́млем, и ве́лию ми́лость.

Стих: Имене́ ради́ Твоего́ потерпѣ́х Тя, Го́споди, потерпе́ душа́ моя́ в сло́во Твое́, упова́ душа́ моя́ на Го́спода.

Уста́вити болѣзни́ хотя́ челове́ком и поноше́ния, преблагий́ Го́споди Спа́се мой, распя́тие терпи́ши поно́сное, и же́лчи вкуша́еши, Незло́биве, на́шу го́ресть оте́мля зло́бную, уязви́вся Сло́ве, ребра́ прободѣ́нием, я́звы на́ша яко́ Влады́ка исцеля́еши. Те́мже и воспева́ем Твое́ сла́вное хоте́ние, и погланы́ющесе́ чти́м копи́е, и губу́, и трость, ими́же дарова́л еси́ ми́ру Твоему́ ми́р и ве́лию ми́лость.

Стих: От стра́жи у́тренняя до но́щи, от стра́жи у́тренняя, да упова́ет Израи́ль на Го́спода.

Како́ Тя, Иису́се, евре́йское́ мно́жество беззаконно́е на Кресте́ распя́ти осуди́, не уще́дрив Тебе́, Ще́драго: Де́ва пла́чущи веща́ше ино́гда, егда́ узре́ на Кресте́ воздвѣ́жена, Е́гоже из утробы́ нестра́стно поро́ди. Что́ Ти соде́я беззаконно́е собори́ще, Ча́до Моё́ вожде́ленное, Сы́не Мой превозлю́бленнейший? Потщи́ся и спаси́, ве́рою Твое́ сла́влящих распя́тие, и Мене́, яко́же обеща́л еси́ велича́ющих, яко́ Еди́н Все́преблагий.

Ины́ стихи́ры Богоро́дице, гла́с тойже:

Стих: Яко́ у Го́спода ми́лость, и мно́гое у него́ изба́вление, и то́й изба́вит Израи́ля от все́х беззаконий́ его́.

Хотя́ рукополо́жение Ада́ма перво́зданнаго отя́ти до конца́ всеболѣзненно́е, Человеколю́бче, яко́ создате́ль Ада́мов, гвоздьми́ пригвозди́ся, безгре́шне Христе́, и копи́ем Боже́ственная Твоя́ ребра́ уязви́в нас ради́, возбра́няеши сло́ве ору́жию пла́менному, не бранити́ нам входа́ Твоим ра́бом. Те́м же славослова́юще Тя, поём держа́ву Твою́, и крѣст Твой чти́м, и воспева́ем, Человеколю́бче, имже́ всяко́ естество́ обре́те

неболѣзненное достояние и велию милость.

Стих: Хвалите Господа вси языцы, похвалите Его вси людие.

Агнца Своего Агница иногда зрящи к заколению тщащася, усердно последоваше, сия вопиющи Ему: камо грядеши, Чадо мое сладчайшее Христе, чего ради течением сим течеши Долготерпеливе без лености, Иисусе превозжеленне? безгрешный и многомилостиве Господи, даждь Ми слово Рабе Твоей, Сыне Мой вселюбезный. Не презри Мя Щедре молча, странно рождшую Тя, Боже Живодавче, даруй миру велию милость.

Стих: Яко утвердися милость его на нас, и истина Господня пребывает во век.

Престол Херувимский воистинну, яко Превышши тварей бысть: в Тя бо Божественное Слово, наш зрак обновити хотя, вселися, Чистая, и из Тебе прошед плотносец, яко благоутробен, крест и страсть нас ради прият, и Воскресние яко Бог дарова. Темже яко примирившую наше осужденное естество, Зиждителю благодаряще, к нему и Тебе зовем: подаждь нам оставление прегрешений, и милость Твоими молитвами.

Слава, и ныне, КрестоБогородичен: Избавление нас ради, и цену великую, пречистую кровь Твою изволил еси дати, безгрешне Христе мой, всем хотя спасение получитьи. Темже ты зрящи пригвождена Мати Твоя, рыдающи власы терзаше Своя, глаголющи: Чадо, Агнче Всенепорочный, мир хотя избавити честною Твоею Кровию, от очию моею како зашел еси, Спасе, незаходимое Солнце, иже всем подай просвещение, и мир, и велию милость.

Таже, Свете тихий: Прокимен дне: Сподоби, Господи, в вечер сей:

На стиховне стихиры крестны, глас 5:

Господи, при Моисеи иногда пророце, точно образ Креста Твоего являемь, побеждаше враги Твоя. Ныне же самый Крест Твой имуще, помощи просим: укрепи Церковь Твою, многия ради милости, Человеколюбче.

Стих: К Тебе возведох очи мой живущему на небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Крест Твой, Христе, аще и древо видимо есть существом, но Божественною одеяно есть силою, и чувственне миру являемь, умно наше чудотворит спасение, емуже кланяющеся славим Тя, Спасе, помилуй нас.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Моли́те за ны́, святы́и мученицы, да изба́вимся от беззаконий на́ших: вам бо дана́ е́сть благода́ть моли́тися за ны́.

Сла́ва, и ны́не, Кресто́Богоро́дичен:

Подобен: Преподо́бне О́тче:

Весь воспри́им мой зра́к, Созда́тель и Бо́г облече́ся, вообрази́ти и́же пре́жде па́дший зра́к Ада́мов восхоте́вый, на Кресто́ вознесе́ся во́лею я́ко повинен: и ру́це распросте́р ны́не, исцеля́я ру́це я́же дре́вле осла́бленныя к дре́ву сме́дному. Е́гоже Всечы́стая ви́дящи восклицáше: что́ сие́ Твое́, Сы́не Мой, неизрече́нное долготерпе́ние? Не терплю́ на Кресте́ воздви́жена зря́щи Тя, горсти́ю содержа́ща всея́ земли́ концы́.

Та́же, Ны́не отпу́щаеши раба́ Твоего́, Влады́ко: Трисвято́е. По О́тче наш: тропарь свято́му. Сла́ва, и ны́не, Богоро́дичен, во гла́с тропаря́. Та́же, ектения, и отпу́ст.

Во вто́рник на повече́рии

канон пресвятей Богородице. Глас 5.

Песнь 1

Ирмос: Коня и всадника в море Чермное, сокрушаяй брани мущею высокою, Христос истрясёт: Израиля же спасёт, победную песнь поющая.

Твоих раб из глубины сердца молитвы верно приносимыя Ти, Богородице, приими: и сия приносящи Сыну Твоему, подаждь прегрешений оставление.

Яко войстинну Благодательница сущи, богатящи земнородных, и спасения Двере к жизни вводящи, Дево Богомати, предстоящи всегда не престаи, о молящих Тя.

Слава: Ныне преклоншиися певец Твоих мольбами, яко державна ко спасению сущи помощь: от бед молитвами Твоими изъёмши, Владычице, целы сохрани почитающыя Тя.

И ныне: Предваривши вскоре и предстоящи тепле, Пресвятая Дево, zelo одержимых нас лютыми обстоянии умилившись избави, и от печали свободи.

Песнь 3

Ирмос: Водрузивый на ничесомже землю повелением Твоим, и повесивый неодолимо тяготеющую, на недвижимем Христе, камени заповедей Твоих, Церковь Твою утверди, Едине Блаже и Человеколюбче.

Света Твоего бодренною Божественною мольбою темный облак сердца моего, Мати Божия, озаривши, Сына дне покажи мя добродетельми просвещена, Световодительнице душам нашим.

Пети Тя по достоянию желающе присно, обаче недоумеюще, хвалу от устен приносим худых, юже благопрёмно приими, и мольбам послушница буди, верно молящимся Ти.

Слава: Доброплодны неплодныя души показующи, и оляденевшее очищающи Твоею молитвою, и мою душу плод дающую веру и житие нескверно, Ты Богородительнице, покажи.

И ныне: Иже вся земля горстию Содержай концы, како Матерними недрами объёмлется? Млеко же питается от сосец, насыщая всяко животное благоволения: и богатый изливанием обнищавает воплощаемь.

Песнь 4

Ирмос: Божественное Твое разумев истощание, прозорливо Аввакум, Христе, со трепетом вопияше Тебе: во спасение людей Твоих спаси

помазаннѣя Твоя пришѣл еси.

Яко Едину Тя к Богу ходатаицу вѣдуще, согрешений долги разрешающую повинным, Пречистая, хвалами и пѣсньми почитаем.

Церковь освященную Тя показа, вселься в Тя Бог, Дѣво Пренепорочная: Егоже присно моли соблюсти невредны рабы Твоя.

Слава: Мольбу нищих услыши уповающих на Тя, Богородице, и ускори от бѣд избавити нас матерними твоими дерзновѣнии.

И ныне: В скорбех сладкое утешѣние, и в напастех помощь, и в бѣдах предстательницу Тя, Мати Божия, стяжавше, озлоблений всяких избавляемся.

Пѣснь 5

Ирмос: Одейся свѣтом, яко ризою: к Тебѣ утренюю, и Тебѣ зову: душу мою просвети омраченную, Христѣ, яко Един Благоутробен.

Иже Первоначальнаго в лето породши, во описанней плоти, воистинну естеством неописаннаго: Того моли непрестанно о рабѣх Твоих.

Ты приближаешься вскорѣ сущым в нуждах, присно помогающи, и управляющи призывающыя Тя во искушѣннѣх ко спасенію, Пречистая.

Слава: Милостива естеством, милосердаго Бога молитвами показавши, подаждь Твоим рабам мирну жизнь, и прегрешений избавленіе, Пренепорочная.

И ныне: Угль рождшая, Егоже узрѣ Исаиа, попали ми вещи, Всенепорочная, согрешений, и просвети мя, молюся.

Пѣснь 6

Ирмос: Нействовствующееся бурѣю душетленною, Владыко Христѣ, страстей морѣ укроти, и от тли возведи мя, яко Благоутробен.

Умерщвленных нас страстьми грѣха, Владычице, возставивши оживи молитвами Твоими, яко тли Потребителя рождшая.

Нелестно упование Тя, и необориму стѣну на враги, и тверду имуще помощь, на ны наветов не убоимся.

Слава: Земнородным предстани в болѣзнях присно, Чистая: и лютых увядающих Твоя служители не вредны сохрани.

И ныне: Душу мою просвети омрачившуюся, облаком помышлений находящих ми, Богоневѣсто, наветом човекоубийцы бѣса.

Таже: Господи, помилуй, **трижды. Слава, и ныне:**

Седален, глас 5:

Крестом Сына Твоего, Богоблагодатная, идольская прѣлесть вся упразднися, и демонская крепость попрася. Сего ради вернии по долгу Тя присно поем и благословим, и Богородицу воистинну исповедающе Тя

велича́ем.

Пѣснь 7

Ирмосъ: Превозносимый отцевъ Господи, пламень угаси, отроки ороси, согласно поющыя: Боже, благословен еси.

Приими Владычице верныхъ Твоихъ прошения рабъ, напастей изымающыи, и от скорбей спасающыи верно поющихъ: Боже, благословен еси.

Иже благихъ Дѣлателя Бога намъ рождающая, Того умоли Матерними мольбами, Чистая, ущедрити о Тебѣ хвалящихся.

Слава: Предстательницу непобедимую, и основаніе непоколеблемо Тя стяжавше, и Твоимъ одеявшеся заступленіемъ, Владычице, побеждаемъ стрельца яже на ны коварствія.

И ныне: Виждь смиреніе Твоего раба, Владычице, и вѣчнаго огня свободи мя непрестанно поющаго: Боже, благословен еси.

Пѣснь 8

Ирмосъ: Тебѣ Вседѣтелю в пещи отроцы, всемирный ликъ сплетше, пояху: дела всякая Господа пойте, и превозносите во вся вѣки.

Глаголы вкупе и мыслями хвалу, Дево, Тебѣ плетуще, вернии зываемъ: Господа пойте, и превозносите Его во вѣки.

Всю Тебѣ доброту Соломонъ ближнюю Богу преднаписа, яко ближайшу сущую Сему, Матернимъ Девѣ дерзновеніемъ, сущихъ в мире избавляющыи.

Слава: Тя по Бозе упованіе спасенія в напастехъ имуще вернии зываемъ: вся дела Господня Господа пойте, и превозносите Его во вѣки.

И ныне: Приими пѣснь от худыхъ устенъ, Дево Всепетая, вопиющихъ Ти: радуйся болящимъ теломъ врачевство, и отчаяннымъ душамъ спасеніе.

Пѣснь 9

Ирмосъ: Исаіе ликуй, Дева имѣ во чреве, и роди Сына Еммануила, Бога же и Человека, Востокъ имя Ему: Егоже величающе, Дѣву ублажаемъ.

К Тебѣ проливаемъ, юже от болѣзни молитву нашу: помилуй насъ грѣшныхъ, да не посрамимся в день искушенія, Тя Всемилосердную Богородицу призывающыи.

Перстное сродство не презри, Владычице Чистая, но буди помощница покрывающыи, в печалехъ укрепляющыи, и избавляющыи всехъ недужныхъ: на Тя бо уповаемъ готовую, во еже спасти насъ.

Слава: Боже, услыши людейъ Твоихъ молитву ныне, и избави насъ вреда вражия: се Тебѣ приводимъ истинное очищеніе, Тебѣ рождающую, Юже любовію ублажаемъ.

И ныне: Под державу крепости Твоея, Владычице, притекаемъ тощю вси земнороднии, просяще милости и щедроты Твоя милостивыя, яже

проли́явши все́х на́с освяти́.

Та́же, Досто́йно е́сть: И поклóн. Та́же Трисвято́е. По О́тче на́ш:
тропа́рь, и прóчее обы́чное, и отпу́ст.

Среда

В среду утра

по 1-м стихословии, седальны крестны. Глас 5:

Место лобное рай бысть, точию бо водрузися древо крестное, абие израсти грозд животный, в наше веселие, Тебе, Спасе: слава Тебе.

Стих: Возносите Господа Бога нашего, и поклоняйтесь подножию ногу Его, яко свято есть.

Распешагося Спаса и Избавителя нашего волею, якоже весть, и якоже благоизволи, воспойм вернии, и прославим: яко пригвозди на Кресте грехи человеков: избавляя от прелести род человеческий, и Царствию сподобил есть.

Слава, и ныне, КрестоБогородичен: Возвышена на Древе яко узре родившая Тя болезней кроме, рыдаше с плачем и зываше: увы Мне, сладчайший Сыне, уязвляюся душею, на Кресте зрящи Тя пригвождена, посреде двою злодею, якоже злодея пригвождена.

По 2-м стихословии седальны, глас 5.

Распятие претерпевый Своею волею, и от исления человеки своводив, Спасе, воспеваем вернии, и поклоняемся Ти, яко просветил еси нас силою крестною: и страхом славим Тя, Человеколюбче щедрый, яко Жизнодавца и Господа.

Стих: Бог же Царь наш прежде века, содела спасение посреде земли.

Древо Креста Твоего, Спасе наш, миру явися спасение: на том бо пригвоздился еси волею, и от клятвы избавил еси земнородныя: всех радости, Господи, слава Тебе.

Стих: Дивен Бог во святых Своих, Бог Израилев.

Мученичен: Господи, чаше Страстей Твоих стратотерпцы Твой поревновавше, оставиша житейская краснейшая, и быша ангелом сопричастницы: тех мольбами подаждь душам нашим мир, Христе, и велию милость.

Слава, и ныне, КрестоБогородичен: Крестом Сына Твоего, Богоблагодатная, идольская прелесть вся упразднися, и демонская крепость попрася, сего ради вернии, по долгу Тя присно поем, и благословим, и Богородицу воистинну исповедающе Тя величаем.

По 3-м стихословии, седальны, глас 5.

Подобен: Собезначальное слово:

Пророческая проречения уже исполнишася, древний совет Твой конец прият: Ты бо волею всех Царю, плотию оубожал еси Христе, и приял еси нас ради взыти на Крест, и смерть претерпети. Темже славим слове, еже

паче ума твое схождение.

На Кресте Тя пригвождена и уснувши ангельстии чинове видевше, устращишася, Иисусе Всецарю: и побегоша абие бесовстии полцы, и сокрушишася верей адовы, и смерти мучительство низложися: и иже во гробех мертвии воскресоша.

Слава, и ныне, КрестоБогородичен: На Кресте зрящи Тя, Христе, Мати Твоя, волею посреде разбойнику висяща, растерзающися утробою матерски глаголаше: безгрешный Сыне, како неправедно на Кресте, якоже злодей пригвожден еси? иже человеческий род хотя оживити, яко Благоутробен.

Канон Кресту, егоже краегранесие сице: [Мир возносая, Христе, вознелся еси на Древо.] **Творение Иосифово, глас 5:**

Песнь 1

Ирмос: Коня и всадника в море Чермное, сокрушая брани мышцею высокою, Христос истряс: Израиля же спасе, победную песнь поюща.

Иже непостижением разумеваемого воплощенна, и миру явльшася плотию, на Древе воздвиже древле восхотевшаго, еврейский собор законопреступный.

Егда плодоносна винограда Тебе, Христе, на Древо крестное евреи возбесившеся воздвигоша: тогда вино искапал еси веселия слове, всяко пьянство злых отемлющее.

Мученичен: Законом не подпадает похвальным мученицы, ваше терпение: паче бо естества всякаго человеческого болезни претерпесте, и ко упокою неболезненному вселистеса веселящеся.

Мученичен: Волны мук преплывше окормлением слова, всехвальнии Христовы страдальцы, во пристанища достигосте небесная, Божественныя тишины ныне наслаждающеся.

Богородичен: Егда из чрева Твоего рожденного Господа, усмотривши на Древо без правды возвышаема, Деве прослезилася еси, и того воспела еси неизреченное воистинну снисхождение.

Другий канон Богородице, егоже краегранесие: [Пятое бывает пение ныне Деве.] **Глас 5:**

Ирмос тойже.

Двери Божественныя славы, отверзшая райския двери, покаяния двери и мне отверзи молюся, и ум мой просвети воспевати Тя, Богорадованная.

Уставила еси смертное устремление, рождающая животом и смертию обладающего, Всенепорочная: того убо моли, умерщвляющая прегрешения, душу мою уставити, и спасти мя.

Еди́ну от ро́дов Тя́ добро́ту, Иа́ковлю, избра́ слово́ Отцу́ собезнача́льное, и от Твои́х воплотися́ крове́й: Влады́чице, спаси́ мя ходата́йствы Твоими́.

Яко́же на руно́ до́ждь небесный́ на Тя́ сше́дший, подъя́ла еси́ всечи́стая: те́мже одождения́ страсте́й мои́х изсуши́, молю́ Тя, Мати́ Де́во.

Песнь 3

Ирмос: Водрузи́вый на ничесом́же зе́млю повеле́нием Твои́м, и повеси́вый неоде́ржи́мо тяготе́ющую, на недви́жимем Христе́, ка́мени за́поведей Твои́х, Це́рковь Твою́ утверди́, еди́не бла́же и Человеколю́бче.

Распина́еши́ся, и рай па́ки отверза́ется, и разбо́йник пре́жде все́х раду́ясь входи́т: и умира́еши, Иису́се мой, и враг льсте́ц умерщвля́ется, умерщвле́нный же Ада́м оживля́ется: сла́ва мно́гому Твоему́ милосе́рдию.

Увяда́еши грехо́вный пла́мень, распина́емь, Иису́се, на Дре́ве за бла́гость: реши́ши преле́сть связу́емь, обна́жен б́ыв оде́ваеши оде́ждою сла́вы челове́ка: сла́ва мно́гому благоутро́бию Твоему́.

Мученичен: Явле́й при́сно сия́ющыя звёзды́ мучени́ки, нече́стия тьму́ прогоня́ющыя: те́х мольба́ми, Христе́, но́щь зол мои́х отжени́, и просвети́ омраче́нное моё се́рдце.

Мученичен: Зако́нно благосла́внии пострада́вшие мучени́цы, и зако́нною ве́рою венцы́ венча́ни бы́ша, и беззаконну́ющих сове́ты уклони́ша му́дре, и пи́щу Божество́нную прия́ша, и райское вселе́ние.

Богородичен: Пою́т а́нгельстии ли́цы Тя́, Всепе́тая, без рассу́ждения си́х преиму́щую: Бо́га бо роди́ла еси́ плоти́ю, от Дре́ва клятву́ дре́вом погубльша́го, и благослове́ние источи́вшего.

И́н Ирмос то́йже.

Стрела́ми грехо́вными уязвле́ннаго мя́, в Тебе́ лечьбо́ю все́го исцели́, Чи́стая: и от содержа́щих мя́ измени́ болезне́й, я́же болезне́й пременя́вшая род челове́ческий рождество́м Твои́м.

Я́же все́у смире́нное се́рдце моё́ оскорбля́ющыя и и́щущыя умертви́ти мя́ невиди́мыя враги́, Влады́чице, Твои́м низложи́ заступле́нием, да пребу́дут безде́льны, студа́ исполня́еми.

Вод живо́творных мя́ исполни́, Влады́чице, я́же Божество́нную во́ду ми́рови источи́вшая: беззакони́й мои́х лю́тыя изсуши́ пото́ки, и се́рдца моего́ во́лны Божество́нною Твое́ю тиши́ною украти́.

Пре́йде се́нь, зако́ну сконча́ему: законода́вца бо Христа́ роди́ла еси́, благода́ть очи́щения и просвеще́ния на́м законополага́юща, и клятвы́ изыма́юща, Пречи́стая Де́во, Всенепоро́чная.

Пѣснь 4

Ирмос: Божественное Твое разумѣе истощаніе, прозорливо Аввакум, Христе, со трепетом вопіяше Тебѣ: во спасеніе людей Твоих, спасти помазанныя Твоя пришел еси.

Душам всеконечное избавленіе сотворяя, Христе, в руке Отцу предал еси Пресвятую Душу Твою, на древе волею висимь.

Неправедный судия осуди Тя праведнаго судию, Иисусе, умрети на Древе висиму: яко да оправдиши нас, неправедно врагу подклоншыся.

Мученичен: Видети сподобистесь мученицы яже от века Благая, бедам многим и скорбем, и неизчетным мукам на земли явленно причастившися.

Мученичен: Зиму искушений преидосте, и к весне воздаяния небснаго достигосте, и ликом ангельским, честнии сочетаетесь мученицы.

Богородичен: Оружие Божественных Страстей пройде Твою, Благословенная, душу, вегда видела еси распинаема Твоего Сына, и в руке Отчи душу предавша.

Ин Ирмос тойже.

От дел спасения несть ми: темже под кров Твой с надеждою прибегаю, Дево Всенепорочная, отчаяннаго мя спаси молитвами Твоими.

Света чистое приятище, солнца носило честное, омраченное сердце мое лютых мраком, озари и спаси мя, молюся, Владычице.

Исткавшая одежду от кровей Твоих Девственных, небо облаки, Отроковице, одевающему, одеждею нетления облецы, прелестию обнаженнаго мя.

От удолий житейских, яко крин восприят Тя Зиждитель: из Тебе миру вдохну духовное благоуханіе, Дево пресвятая Богоневесто.

Пѣснь 5

Ирмос: Одейся светом яко ризою, к Тебе утренюю и Тебе зову: душу мою просвети омраченную, Христе, яко Един Благоутробен.

Стоял еси судимь праведный судие, Христе, и осуждая плотию вражду, тростию биемь, и свободеніе совершенное подписуя мнѣ.

Тебе яко виде плотию висима, Христе, на Древе, солнце свет во тьму преложил, и земля поколебася, и камене распадесе.

Мученичен: Земли концы освятили есте, яко исполнителіе бо закона Божественнаго, всехвальнии мученицы, страждуще, святыню наследовасте.

Мученичен: Предобрейшии и богозарнейшии, иже Божественною славою одеяни, и обнаживше вражию злобу, мученицы да почитаются.

Богородичен: Тебѣ Всенепорочную Божию Родительницу ублажаем: Еяже ради клятва неплодна бысть, и избавление и благословение дадеся.

Ин Ирмос тойже.

Да обрящу Тя помощь, Дево, изымающую мя в час судный осуждения, егда судишу из Тебе рождшагося предстану.

Законом мя побеждаема греховным, Чистая, и прелестями чуждаго часто прельщаема, и в бреги прегрешений низреема обрати.

Угль рождающая, Егоже узре Исаия, попали вещь, Всенепорочная, моих согрешений, и просвети мя, молюся.

Плоть от кровей Твоих Христу взаим давши, плотския моя, Дево, страсти отнюд очисти, и безстрастия стезю покажи ми.

Песнь 6

Ирмос: Неистовствующееся бурей душетленною, Владыко Христе, страстей море укроти, и от тли возведи мя, яко Благоутробен.

Воздвигеся Долготерпеливе на Древо, вся вражия возвышения низложил еси, и спасл еси падшаго, многия ради Твоея благодати.

Душы праведных, на Древе древле душу Тя предающая, Владыко, яко ощутиша, вечных уз слове отпускаеми бываху.

Мученичен: Якоже твердии адаманты, мук всяко разжжение терпеливым нравом претерпесте, и врага смирившиеся низложисте.

Мученичен: Подобницы Христовым страстем бывше, подъясте всяко мучение, стратотерпцы Господни: сего ради небесных красот сподобистесь.

Богородичен: Дивно Рождество Твое, еже велия чудеса творящее, и во святых прославляемо, Богородице единая всечюдная Владычице.

Ин Ирмос тойже.

Да не пожрет мене, Владычице, уныния глубина, и греховная волна да не покрывает мене: но Твоею молитвою да спасен буду, Единая Чистая.

Закона свещник проображаше Тя рождшую свет, просветившаго, Пречистая, всяческая. Темже вопию Ти: омраченнаго мя просвети.

Благого рождающая Благодетеля и Содетеля, Всечистая Владычице, и благолюбивая, душу мою озлобленную ублажи.

Вину спасения жизнедавца родила еси нам, вечное избавление дарующая воистинну, Тя Богородицу проповедающим.

Песнь 7

Ирмос: Превозносимый отец Господь, пламень угаси, отроки ороси согласно поющия: Боже, благословен еси.

Венча тернием Тя, Царю безсмертне, собор законопреступный, из корене изсецающая прелестное терние: Боже, благословен еси.

Да облечеши мя одеждою сло́ве, нетле́ния, обнажился еси́ волею: и терпиши оплева́ния, и распя́тие, и стра́сть, безстра́стен сый по существу́.

Му́ченичен: Сообра́зни бы́вше страсте́м, свя́тии, все́ми влады́честву́ющему, войсти́нну есте́ сынове и насле́дницы Ца́рствия непоколебимаго.

Му́ченичен: Дре́весем безсло́веснейшым не принесо́сте че́сти, на Дре́ве просте́ршаго ру́це чту́ще, яко́ все́х Ца́ря и Влады́ку.

Богоро́дичен: Странно́ есть Рождество́ Твое́, Всенепоро́чная: Бо́га бо родила́ еси́, Дре́вом увядившаго пла́мень преле́сти, и просветившаго мир.

Ин Ирмо́с тойже.

Пою́ Тя, Всепе́тая, Бо́га бо Препе́таго без се́мене родила́ еси́, Де́во Всесвя́тая, обожа́ющаго пою́щих: Бо́же, благослове́н еси́.

Умертви́ страсти́ моя́, жизнь ро́ждшая, воздви́гни мя лежа́ща от гроба́ нечу́ствия: да любо́вию сла́влю Тя, Богоневе́сто.

Призри на моле́ния рабо́в Твои́х, Влады́чице, от бе́д избавля́ющи, и от скорбе́й спаса́ющи, ве́рою пою́щья: Бо́же, благослове́н еси́.

Неисчисли́маго, нашу́ немо́щь понесе́шаго, родила́ еси́, Чи́стая: е́гоже моли́, исцелити ду́шу мою́, лю́те изнемо́гшую.

Пе́снь 8

Ирмо́с: Тебе́, Вседете́лю, в пе́щи о́троцы, всеми́рный ли́к сплётше, поя́ху: дела́ вся́кая Го́спода по́йте, и превозно́сите во вся́ ве́ки.

Вы́шний Бо́же, на Кре́ст воздви́гся еси́, же́лчи напо́яемь, сла́досте жи́зненная: копи́ем пробода́еши́ся, зака́лая зми́я, в рай Ада́ма низложившаго.

Разреша́еши мя́ от у́з грехо́вных сло́ве, хоте́нием связу́емь, и ве́чными у́зами связу́я, Спа́се, врага́ отсту́пника: те́мже Твоя́ сла́влю страсти́ во ве́ки.

Му́ченичен: Явисте́ся прича́стницы́ све́та неведещества́, све́ти су́ще втори́и свя́тии му́ченицы, тьму́ преле́сти оте́млюще, и все́х ве́рных серде́ца просвеща́юще Божество́м.

Му́ченичен: Иерусали́ма вы́шняго свобо́днаго сы́нове бы́сте му́ченицы, просвеща́юще перво́родных Це́рковь, и превозно́сяще Христа́ во ве́ки.

Богоро́дичен: Стоя́ла еси́ у́ Кре́ста́ смотре́ющи, О́трокови́це, пригво́ждена́ Христа́, Е́гоже родила́ еси́, Влады́чице. Те́мже вопия́ше: не безча́дну мя́ яви́ безнача́льне, безнача́льнаго Отца́ Сы́не и Сло́ве.

Ин Ирмо́с тойже.

Я́же предобра́я и богозра́чная Де́во, до́брых мя́ виде́нием удо́бривши просвети́, яко́ да зову́: Го́спода по́йте, и превозно́сите Е́го во ве́ки.

Врата́ свѣта, покая́нія ми́ врата́ светоза́рная отве́рзи, показу́ющи всякий пра́вый пу́ть пра́вды, приводя́щий к Божественнаго хотѣ́нія вхо́ду.

Свято́е, Чи́стая, Сло́во, ве́рныя освяща́ющее, неизглаго́ланно роди́ла еси́: то́го моли́, Пресвята́я, смире́нную ду́шу мою́ ны́не освятити, зло́бою оскверне́ную.

Стру́я свѣтлая и исто́чник безсме́ртія, свята́я Влады́чице, из Тебе́ произы́де, и́же все́х Госпо́дь. Те́мже вопи́ю Ти, Чи́стая: стру́и зо́л мои́х изсуши́ туча́ми Твои́х моли́тв.

Та́же, поём пе́снь Богоро́дице: Вели́чит ду́ша моя́ Го́спода: **покло́ны.**

Пе́снь 9

Ирмо́с: Иса́ие лику́й, Де́ва имѣ́ во чре́ве, и роди́ Сы́на Емману́ила, Бо́га же и челове́ка, Восто́к и́мя е́му: Е́гоже велича́юще, Де́ву ублажа́ем.

Я́ко а́гнец воздвиѓся еси́ на дре́во, Влады́ко Хри́сте, че́люсти сокруша́я во́лка мы́сленнаго, и от уст е́го исхища́я Твоя́ словѣ́сныя о́вцы, и приводя́, Влады́ко, роди́телю.

Венце́м терно́вым увяз́ся еси́, я́коже Ца́рь Ца́рствующих, Хри́сте, лука́ваго потре́бляя ца́рствія, и из ко́рене изсе́чая прелести́ терне́: те́мже веро́ю Тя, Бла́же, славим.

Му́ченичен: Облиста́ я́коже со́лнце твёрдое́ стоя́тельное сопроти́вление ва́ше, и всю́ разруши́ вра́жью мглу́, му́ченицы непобеди́мии, просвети́телие все́х ве́рных, столпи́ непрекло́ннии благоче́стия, досто́славнии.

Му́ченичен: По́лк богособ́ран, во́инство небе́сное, собо́р избра́нный, свята́я се́нь яви́стеса, вы́ всехва́льнии му́ченицы Спа́са, лука́ваго гра́ды разруша́юще Божественно́ю благода́тию.

Богороди́чен: Садоде́теля роди́ла еси́, благоче́стия сади́теля, всажда́юща на земли́ разум и́стинный, и прозя́бшую, от сада́ разоря́юща кля́тву, Е́гоже велича́юще, Тебе́ Де́ву ублажа́ем.

Ин Ирмо́с тойже.

Осно́вание непоколеби́мо, Спа́са роди́ла еси́, Чи́стая, на вода́х зе́млю Божественным повеле́нием основа́вшаго: Е́гоже моли́ нас утвер́дити, чи́сто Тебе́ блажа́щих.

В пу́ть смире́ния повеле́ний Божественных, незаблудно́ шество́вати, и непре́лестно сотвори́ мя, Чи́стая, бесо́вский мяте́ж, и страсте́й нахо́ждения отгоня́ющи, и ти́шину пода́ющи ми.

Дремани́ем одержи́ма нераде́ния, ви́дя вра́г нахо́дит неосла́бно, сно́м сла́стным наде́яся укра́сти мя: но сама́ мя сохрани́, Чи́стая, неусы́пную Твое́ю моли́твою, Ма́ти Де́во.

Я́ко самоосу́жден, помышля́ю мои́х грехо́в мно́жество, и стра́шное

суди́ще суди́и, на нёмже хо́щю суди́тися: но я́же суди́ю ро́ждшая Бо́га, тогда́ мя соблюди́, Богоро́дице, неосу́ждена.

Та́же, Досто́йно е́сть: И покло́н. Та́же, ектени́а ма́лая, свети́лен: и псалмы́ обы́чныя.

На стихо́вне стихи́ры крестны́, глас 5:

То́чию водрузи́ся дре́во, Христе́, Креста́ Твоего́, прелесть прогна́на бы́сть идо́льская, и благода́ть процвете́: не бо́ ктому́ осу́ждения е́сть мучи́тельство, но побе́да яви́ся нас спасе́ния. Крест бо́ нам е́сть похва́ла, Крест нам утвер́ждение, Крест нам ра́дование.

Стих: Исполнимо́ся за́втра ми́лости Твоея́, Го́споди, и возра́довахомся, и возвесели́хомся: во вся́ дни на́ша возвесели́хомся, за дни́, в ня́же смири́л ны еси́, ле́та, в ня́же видехом зла́я, и при́зри на рабы́ Твоя́ и на дела́ Твоя́, и наста́ви сы́ны их.

Ведён был еси́ нас ра́ди на же́ртву Христе́, я́ко овча́, и я́ко А́гнец незло́бив Емману́ил, на зако́ление во́льное, с беззако́нники вменён был еси́. Прииди́те, воспойте́ оте́чества я́зык, и поклони́тесь на Кресте́ пове́шенному Жи́воту́ беско́нечному.

Стих: И буди́ све́тлость Го́спода Бо́га на́шего на нас, и дела́ ру́к на́ших исправи́ на нас, и де́ло ру́к на́ших исправи́.

Свя́тии му́ченицы на землі́ подвигше́ся, мраз претерпе́ша, огню́ преда́шася, вода́ их при́ят, те́х е́сть глас: проидо́хом сквозе́ огнь и во́ду, и изведе́ ны в поко́й. Молитва́ми их, Христе́ Бо́же, поми́луй нас.

Сла́ва, и ны́не, Кресто́Богоро́дичен: Зря́щи дре́вле А́гнца и Сы́на Своего́, Де́ва Ма́ти и Всеблаже́нная Отрокови́ца, на Крест воздви́жена, вопия́ше слезя́щи: увы́ Мне́, Сы́не Мой, како́ умираеши. Бо́г естество́м сый́ безсме́ртен?

Та́же, Благо́ е́сть испове́даться Го́сподеви: Трисвято́е. По О́тче на́ш: Тропа́рь, свято́му. Ектени́а. Та́же, ча́с пе́рвый, псалмы́ обы́чныя, и про́чая поря́ду: и отпу́ст.

В сре́ду блаже́нны, гла́с 5:

Разбойник на Кресте́ Бо́га Тя́ бы́ти ве́ровав, Христе́, испове́да Тя́ чи́сте от се́рдца, помяни́ мя, Го́споди, вопия́, во Ца́рствии Твоём.

Сти́х: Блаже́ни изгна́ни пра́вды ра́ди, яко́ те́х е́сть Ца́рство Небе́сное.

Прободён́ бы́в в ре́бра, пото́ки оста́вления́ исто́чил еси́ Христе́: пригвозди́в же свои́ на Кресте́ ру́це, ве́сь разоря́ стра́стный челове́ком разум.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зóл глаго́л, на вы́ лжу́ще Мене́ ра́ди.

Возше́д на Крест, все́ поколеба́л еси́ бесо́вское мно́жество, и низве́ргл еси́ па́губную держа́ву мучи́теля, Влады́ко Христе́, и спа́сл еси́ челове́чество.

Сти́х: Ра́дуйтеся и весели́теся, яко́ мзда́ ва́ша мно́га на небесе́х.

Подобни́цы Хри́стовым стра́стем блаже́ннии́ бы́вше, подъя́сте вся́ко муче́ние, страстоте́рпцы Го́сподни: се́го ра́ди небе́сных красо́т сподо́бистеся.

Сла́ва: На Кресте́, и́же Отцу́ и Боже́ственному Ду́ху неразде́льный, во́льную претерпе́л еси́ стра́сть Христе́, стра́сти вся́ тлетворны́я на́ша оте́мля.

И ны́не: Предсто́ящи у́ Креста́ Богора́дованная, и Сы́на Своего́ ви́дящи уязвле́на, ду́шею уязвля́шеся, воспеваше́ Того́ мно́гое войсти́нну смотре́ние.

В среду вечера

На Господи, воззвах, стихиры святым апостолом, глас 5:

Подобен: Радуйся постником:

Стих: Аще беззакония назириши, Господи, Господи, кто постоит? Яко у тебе очищение есть.

Всю прошедше землю, всеясте Божественная учения, слово точию яко свещник и богатство все, ученицы Господни носяще, имже царя же и мучители посрамите, и любомудрецем и витиям лютость яко паучинная раздрате плетения, всех к разуму призывающе зиждителя, и суетная служения бесовская отемлюще. Темже молю, безсловесных избавити мя страстей молитвами вашими.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Мятежа искушений, и лютыя лжи безчестных ересей, бесовскаго злосветия, и человек горькаго сообщения и бури всеблаженнии, огня несветимаго, и вечнующаго червья, скрежета зубнаго, и всякия инья муки, к Богу мольбами избавите всех нас, и Сего умолите, воздержания ради и трудов, добродетелей воздаяний получитьи, наследия же Небеснаго Царствия, и велию милость.

Стих: От стражи утренния до нощи, от стражи утренния, да уповает Израиль на Господа.

Всю светлость ясно восприемлюще, троичный свет вторый неизреченнаго смотрения, яко мощно воистинну человеческому естеству, всехвальная десятица со двоицею, показася совершенно водящи единоревнительный собор, седмидесятих и дву имущи с ними, и вся просвещающе мира концы, омрачающыяся тьмою зломудренных ересей, Христа моляще, подающаго миру велию милость.

Ины стихиры, иже во святых отцу нашему Николаю Чудотворцу, глас 5. Подобен тойже.

Стих: Яко у Господа милость, и многое у него избавление, и той избавит Израиля от всех беззаконий Его.

Радуйся, священная главо, чистое добродетелей обителище, Божественное непорочнаго священства правило, пастырю великий явственный, светлое победы нося имя, молящимся милостивный приклонителю, преклоняся к немощных мольбам, избавитель готовый, прибежище спасительное всем, верою чтущим присно славную твою память, Христа моли, низпослати нам велию милость.

Стих: Хвалите Господа вси языцы, похвалите его вси людие.

Радуйся, священнейший уме, троицы чистое жилище, столпе церковный, верных утверждение, озлобленным помощнике, звезда иже блистаньями благоприятных молитв, разоряя напасти же и скорби тьму всегда, святителю Николае: пристанище тихое, в неже прибегающе треволнении жития напастуемии спасаются. Христа моли, низпослати душам нашим велию милость.

Стих: Яко утвердися милость Его на нас и истина Господня пребывает во век.

Радуйся, во святителех правило, Божественных чудес неисчерпаемая пучино, красотой церковная, светлая звездой, священными твоими, Блаженне, блистаньями, нас озаряя коегождо святейший, пресветлыми молниями просвещаемь: столпе неборимый, степеню веры, честную твою память любовью совершающим, Христа моли, душам нашим даровати велию милость.

Слава, и ныне, Богородичен: Радуйся, пророческая печате, и богогласных апостол проповедание: Бога бо воистинну сущаго воплощенна, паче ума и слова родила еси, Чистая: имже первое восприимше благородие, и райския пищи наслаждающися, Тебе ходатаицу таковыя светлости, и молитвенницу благоприятну, песньми почитаем. Тобою, Пречистая, обогатившися, присносущныя сподобляемся жизни Сына Твоего, подающаго богато велию милость.

Таже, Свете тихий: Прокимен дне. Таже, Сподоби, Господи, в вечер сей:

На стиховне стихиры апостолом, глас 5:

Ученицы Спасовы таин самовидцы бывше, Невидимаго и Начала не имущаго проповедаете, глаголюще: в начале бже Слово. Не создани бысте прежде Ангел, ни научистесь от человек, но от вышния премудрости. Темже дерзновение имуще, молитесь о душах наших.

Стих: К Тебе возведох очи мои, живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Апостолы Господни согласно песньми похвалим, облекшися бо в крестное оружие, идольскую прелесть упраздниша, и победоноснии явшася венчаницы: ихже молитвами и всех святых, Боже, помилуй нас.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Несытною любовью души, Христа не отвергостесь

святѣи мученицы, иже различныя раны страстей претерпевше, мучителей дерзость низложисте, непреклонну и невредиму веру сохраняете, на Небеса преставистесь. Темже и дерзновение имуще к Немю, просите даровати нам велию милость.

Слава, и ныне, Богородичен: Блажим Тя, Богородице Деве, и славим Тя вернии по долгу, Град непоколебимый, Стену неборимую, твердую Предстательницу, и прибежище душ наших.

Таже, Ныне отпускаеши раба Твоего, Владыко: **Трисвятое.** По Отче наш: **Иерей:** Яко Твое есть Царство: **Посем тропарь, ектения, и отпуст.**

В сре́ду на повече́рии

канон пресвятей Богородице, глас 5.

Песнь 1

Ирмос: Спасителю Богу, в мори люди немокрыми ногами наставльшему и фараона со всевоинством потопльшему, Тому Единому поим, яко прославися.

Запев: Пресвятая Богородице, спаси нас.

Светоносная скиние Царя Христа, озари мою мысль омраченную лестию борца, и тьмою ослепленную прегрешений моих.

Помышлений лукавых смиренную мою душу, Богородительнице, свободи, и жилище Богу сию соделай, да по долгу Тя славлю всегда.

Слава: Егда повелением Божиим, от временныя жизни отити хочу, Пречистая, бесовския руки покажи мя вышша, Ангелы подаючи спутники мне.

И ныне: Вскую, о душе! во унынии мнозе все житие иждила еси? Потщися убо прочее, и возопий Господни Матери: очисти и спаси мя, Богородительнице.

Песнь 3

Ирмос: Силою Креста Твоего, Христе, утверди мое помышление, во еже пети и славити тридневное Твое Воскресие.

Из рова страстей и мучений возведи мя, несумненно поюща Тя, Богородице Всеблаженная.

Вретище мое расторгни безмерных прегрешений моих, и веселием опояши добродетелей, Богоблагодатная.

Слава: Каплю ми, Чистая, слез подаждь, яко да отжену сердца моего недоумение, и прилежно воспою Тя.

И ныне: Низложи, Пренепорочная, враг безплотных шатание, и тех томления вскоре свободи мя.

Песнь 4

Ирмос: Услышах слух силы Креста, яко рай отверзся им, и возопих: слава силе Твоей, Господи.

Вскую уподобилася еси, душе, неплодней смоковнице, никакоже боящися посечения и пламене вечнаго? Ускорь убо прежде конца, и возникни.

Кий язык изречет содеянных моих зол безмерное море, и глубину прегрешений? Спаси мя, Дево Пренепорочная, отчаяннаго.

Слава: Себе плачу, егда во ум прииду многих моих

прегрешений, и огня негасимаго: и молю Тя, дати ми время покаяния, Чистая.

И ныне: Да не восхитит яко лев строптивый враг окаянную мою душу: но Твоею силою душетленные сокруши зубы его, Благая.

Песнь 5

Ирмос: Утреннююще вопиём Ти, Господи, спаси ны: Ты бо еси Бог наш, разве бо Тебе иного не знаем.

Призри и услыши, Владычице, глас мой, и избави мя, молюся, вечнаго осуждения.

Уязвихся грехом стрелами, и вопию Ти: уврачуй, Пречистая, сердца моего язвы.

Слава: Помилуй мя, Едине Человеколюбче Щедрый, молитвами Рождшия Тя: Ты бо ми еси Бог и Господь.

И ныне: Помилуй мя, Единая Всепетая, молю Твою благодать, и милости сподоби.

Песнь 6

Ирмос: Обиде мя бездна, гроб мне кит бысть, аз же возопих к Тебе Человеколюбцу, и спасе мя десница Твоя, Господи.

Яко лев рыкая лстивый ищет мя расторгнути, и показати снедь своей злобе, Чистая: но сего вреда свободи мя.

Очисти, Человеколюбче, молитвами чисто Рождшия Тя, и избави мир Твой от всякия скорби, и вечныя славы сподоби.

Слава: Обиде мя бездна прегрешений, во глубину низведши отчаяния, молюся, Чистая, возведи от преисподняго ада, Тебе славящаго.

И ныне: Житие мое исполнися прегрешений, и всякия лености: темже к покаянию прежде кончины моей, Чистая, обрати, и спаси мя, Препетая.

Таже, Господи, помилуй, трижды. Слава и ныне:

Седален, глас 5:

Подобен: Собезначальное Слово:

Радуйся, стено, твердая Богопобедная, радуйся, падение варваров всевоеванное, радуйся, возведение верных православных людей, Богородице, воистинну уповающих на Тя, молитвами твоими избавляющи нас от бед всяческих, и от безбожных враг.

Песнь 7

Ирмос: В пещи огненной песнословцы спасый отроки, благословен Бог отец наших.

Невольных зол и вольных, прощение Твоею благодатию, Владычице, подаждь ми.

Изнемогает мой ум, прилоги нечестия лукавых помысл: помози ми,

Благая.

Слава: Душе́вных мо́их страсте́й ра́ны, Богоро́дице, Твои́х моли́тв лечьба́ми ны́не исцели́.

И ны́не: Сокруше́нну ду́шу, и по́мысл смире́н, пода́ждь ми́, Благая: я́ко да сла́влю Тя́.

Песнь 8

Ирмо́с: Из Отца́ пре́жде ве́к ро́жденнаго Сы́на и Бо́га, и в послед́няя ле́та воплоще́ннаго от Де́вы Матере́, священни́цы по́йте, лю́дие превозно́сите во вся́ ве́ки.

В ле́ности жити́е сконча́в окаянны́й, и прибли́жився к концу́ живота́ моего́, взы́ваю Ти́, Богоро́дице: сопроти́вных исхити́ сетей́ смире́нную мою́ ду́шу.

Телес́ных боле́зней, ра́н лю́тых душе́вных, и страсте́й настоя́ния истязу́ему, Твоего́ Царства́ силу́ ми́ пода́ждь, я́ко Еди́на ми́лостива.

Слава: В пучи́не жития́ обуре́ваема, и бесо́вскими волна́ми погружа́ема, спаси́, Чи́стая, и Боже́ственному устремле́нию, к благоуго́дному жити́ю введи́ мя, Отрокови́це.

И ны́не: Я́ко в неве́стный чертог входя́ Де́во, Гаври́ил по́слан, ра́дуйся возопи́, глаго́ля: пресла́вная Пала́то всех Ца́ря Христа́, в Ню́же все́лься, земны́я вся́ обожи́.

Песнь 9

Ирмо́с: Тя́ па́че ума́ и словесе́ Ма́терь Бо́жию, в ле́то Безле́тнаго неизрече́нно ро́ждшую, ве́рнии еди́номудре́нно велича́ем.

Тя́ Ю́же Бо́га несказа́нно ро́ждшую, засту́пницу стяжа́хом, и стéну недви́жиму, и душа́м спасéние, и чуде́сем исто́чник.

Ми́лостив бу́ди ми́, Сло́ве истиннаго́ Бо́га, в де́нь суда́, мо́льба́ми Ро́ждшия́ Тя́: и су́щым одесну́ю Тебе́ сочета́й.

Слава: Избави́ мя, Чи́стая, огня́ ве́чнующаго, и неусыпа́ющаго че́рвья, и вся́кия му́ки, на Тя́ наде́жду возло́жшаго.

И ны́не: Егда́ хо́щет душа́ моя́ разлучи́тися от окаяннаго́ моего́ телесе́, невидимых вра́г томительства́ избави́ мя, Богоневéстная.

Та́же, Досто́йно е́сть: И поклóн. Посéм, Трисвято́е. По́ Отче́ на́ш: тропари́, и прочее́ обы́чное, и отпу́ст.

Четверг

В четверток утра

по 1-м стихословии, седальны апостолом, глас 5:

Яко самовидцы и слуги слова, премудрыя апостолы похвалим, пёсньми духовными и пёньми вси земнии: тии бо Христа прилежно молят о нас, поющих священную их память, и кланяющихся мощем их.

Стих: Во всю землю изыде вещание их, и в концы вселенныя глаголы их.

Апостолы согласно восхвалим, яко самовидцы Слова, и Божественныя проповедники, и языков духовныя уловители, яко яве приведоша нас к познанию Христа, избавльше от прелести род человеческий, и Царствия сподобиша.

Слава, и ныне, Богородичен: Осужден есмь судом совести, и прежде суда суд помышляя, трепещу окаянный, поминая зол моих множество. Но к Тебе неборимей умилением вопию, и Предстательнице, и покрову: онаго студа избави мя, и спаси молитвами Твоими.

По 2-м стихословии седальны, глас 5:

Апостолы согласно похвалим, яко проповедаша всем православное Господне учение, и прогнавшыя еретическую мглу, и просвещение духовно возсиявшыя в мире, благодати учением: и молятся спастися нам.

Стих: Небеса поведают славу Божию, творение же руку Его возвещает твердь.

И паки глаголи тойже седален.

Стих: Дивен Бог во святых Своих, Бог Израилев.

Мученичен: Святых мученик исправлением небесных силы преудивившася: како в теле мертвенном добре подвигшеся, безплотнаго врага силою крестною невидимо победиша: и молятся Господеви, помиловатися душам нашим.

Слава, и ныне, Богородичен: Тя пристанище, и стёну, и прибежище, и надежду, и покров, и заступление тёплое обрётше вернии, к Тебе притекаем, и вопием прилежно, и зовём верно: помилуй, Богородице, уповающих на Тя, и от прегрешений избави.

По 3-м стихословии седальны, глас 5:

Подобен: Собезначальное слово:

Ученицы Спасовы, Божественнии апостоли, иже слово спасительное всеявше в концы земли, и озаривше во тьме и сени сидящия, мою просветите душу омраченную страстей чёрностию, мольбами вашими, всехвальнии.

Господи, неизреченное таинство Твоего воплощения проповедавшие немудрии, философов посрамиша, риторов рыбарие заustiша, и быша языков премудрии учителя, просветивше концы светом Божественного разума: теми подаждь нам велию милость.

Слава, и ныне, Богородичен: Иже упование на Тя, Дево Пречистая, непотковенное имущим, покров сущи от различных напастей и обстояний, и бед лютых свободи нас, молящи Сына Твоего, со апостолы его, и спаси всех воспевающих Тя.

Канон святым апостолом, творение Феофана, епископа Никийского, глас 5:

Песнь 1

Ирмос: Коня и всадника в море Чермное, сокрушаяй брани мышцею высокою, Христос истрясет: Израиля же спасет, победную песнь поюща.

Сиянием перводатнаго светодания, плотию беседовати человеком сподобившагося, обогатившися славнии, души моя разрушите всяк мрак, Божественнии апостолы. [Дважды.]

Напряг Божественный лук, якоже стрелы вас в весь мир посла апостолы, стрелы сокрушающыя злокозненнаго вся, и исцеляющыя верных язвы.

Имуще премудрость самую учителя, умудрите апостолы вся концы. Темже мя умудрите, вражие всяко злодейство отгоняти.

Богородичен: Едина благословенная, богорадованная, благословенными человеческий род обрадовавши, Христа моли с Божественными, Пречистая, Апостолы, помилуютися нам.

Другий канон, иже во святых отцу нашему Николаю Чудотворцу. Творение Иосифово, [егоже краегранесие: Пятое принесу тебе, Николае, пение.] Глас 5:

Ирмос тойже.

Верую и любовью, Отче, присвоився Богу, всевятая Сего исполнил еси хотения: Имже по всему свят был еси, святителю мудре Николае.

Имуще тя предстателя к Щедрому, иже напастями и печальми одержимии, к тебе прибегаем: даруй руку спасающую нас от всякия тесноты.

Миряном святителя Христос помаза тя, благовоением чудес нас облагоухающа. Темже молим тя, Николае, зловония греховнаго избавити нас.

Богородичен: Древле пророческий Тя лик пронарече гору Божественную, Дево, и дверь непроходимую. Темже молимся Ти: покаяния двери Божественныя, Отроковице, отверзи нам.

Пѣснь 3

Ирмосъ: Водрузивый на ничесомже зѣмлю повелѣнием Твоимъ, и повѣсивый неодолимо тяготѣющую, на недвижимемъ Христѣ, камени заповѣдей Твоихъ, Цѣрковь Твою утверди, Едине Блаже и Человеколюбче.

Иже плотию обнищавый, премногий благаго, Его ради обнищавшыя, обогати васъ славы апостоли, дарованными всякими, обогащающа концы Божественными и честными разуми. [Дважды.]

Уязвися ядовитымъ змѣя угрызѣниемъ, уязвено сердце стяжахъ. Темже Ти вопию, Христѣ, мене ради уязвившемуся: апостолъ Твоихъ мольбами исцели, и спаси мя, молюся.

Мрежею молитвъ вашихъ всеблаженнии, от глубины злобныя борителя, и от тревоженія помышленийъ, и от страстей смертоносныхъ возведше мя, приведите Богу всехъ спасаема.

Богородиченъ: Яже дождь приемша небесный, со апостоли того моли: уставити потоки моихъ страстей, пучину изсушающа греха моего, и спасти мя, чисто Тебѣ славящаго.

Иъ Ирмосъ тойже.

Стрѣлы лукаваго притупилъ еси, преподобне, противленіемъ Божественныхъ твоихъ трудовъ: но Твоими молитвами, премудре, от того злодѣянія и насилія соблюди невреденны, Тебѣ воспевающа, великий Николае.

Житіе ангельское на земли показавъ, ныне со Ангелы присно предстоиши престолу Троицескому, священне, нашихъ согрешений и напастей разрешенія прося, Отче первосвятителю Николае.

Ума моего омраченіе все отжени, Николае, твоими светоносными молитвами, утиши бурю страстей, управи мя, отче, к безстрастия пристанищу, молюся, яко да во хвалении славолю ты.

Богородиченъ: Предстоящи одесную Христа, яко Царица, рясны златыми Богообрадованная одеяна воистинну, намъ Царствие Небесное молитвами Твоими, Отроковице, исходатай, Всенепорочная.

Пѣснь 4

Ирмосъ: Божественное Твое разумѣніе истощаніе, прозорливо Аввакумъ, Христѣ, со трепетомъ вопіяше Тебѣ: во спасеніе людей Твоихъ спасти помазанна Твоя пришелъ еси.

Дверь сый Иисусъ Богъ нашъ и Господь, отверзлъ свое апостоломъ познаніе, всемъ языкомъ дверь отверзе техъ учеными. [Дважды.]

Сыне Божий, сыны по причастию Небеснаго Отца Твоего апостоли явилъ еси: моленіемъ ихъ сыны света всехъ насъ сотвори.

Иже на престолех двюнадесятих, с судиею и Царём хотяще преславно сести, страшнаго и ужаснаго мя, апостоли, избавите суда.

Богородичен: Божественнаго священія ковчеже, освяти мою душу, помышление просвети, всегда молящи Христа со апостола, да спасет мя.

Ин Ирмос тойже.

Мимотекущими изменил еси будущая, ихже причастники и нас святыми твоими молитвами сотвори, Николае, и искушения всякаго избавляя житейскаго.

Миряном первопрестольник быв, Николае, вся чувства сердца моего миром облагоухай, святе, и страсти злосмрадныя от сего, молитвами твоими отгоняй всегда.

Сокруши вражия козни видимыя, и невидимыя, Николае, всегда борющыя ны наша враги в безконечную пагубу послы.

Богородичен: Святая Богородице, помози ми, сладостми вину потопляему телесными, и на одре уныния присно слежашу и стеньшу.

Песнь 5

Ирмос: Одейся светом яко ризою, к Тебе утренюю, и Тебе зову: душу мою просвети омраченную, Христе, яко един Благоутробен.

Духовнии витии, честнии апостоли, на горнице, во огненне виде духа святаго к ним пришедша, страшно прияша. [Дважды.]

Сокрушающе нечестия, сокрушеную прегрешеньми мою мысль, росю исцеления апостоли исцелите.

Стрелы избранныя вас Христос посла апостоли, сокрушающыя стрелы лукавствия: темже мя исцелите уязвеннаго вражиими стрелами.

Богородичен: Не осуди мене, ни отвержи мене от лица Твоего, Многомилостиве: молит Тя чисто рождающая, и апостольский собор.

Ин Ирмос тойже.

Кумиры сокрушил еси идольския, святе, и советы бездельны еретичествующих показал еси, Николае, и ведомыя на смерть избавил еси.

Утреневав ко Господу измлада, преподобне, и тамо сущими светолитии весь просветился еси. Темже молюся: души моя облаки разжени.

Тебе молим, отче Николае, в час сей посреде буди всех призывающих тя, и яже ко спасению даруй нам прощения.

Богородичен: Непостижимый умом, Богоблагодатная, обдержание Тя, плотоносец быв, прият человеки, избавляя от одержавших скорбей.

Песнь 6

Ирмос: Неистовствующееся бурю душетленною, Владыко Христе, страстей море укроти, и от тли возведи мя, яко Благоутробен.

Распространяющееся устави́ еси́ злобы́ согнѣтие, языков души́, Человеколю́бче, солю́ учѣния священны́х учени́к Твои́х. [Два́жды.]

Глубину́ ве́си зол моих, Влады́ко Христе́, даждь ми́ руку, и спаси́ мя, Человеколю́бче, мольба́ми священны́х апо́стол Твои́х.

Суди́е праведнейши́й, в день суда́ страшна́го, трѣпетна́го мя изба́ви осужде́ния, благосла́вны́х апо́стол Твои́х мольба́ми.

Богоро́дичен: Отча́яннаго мя́ от мно́жества беззаконі́й, спасѣ́ния Го́споди сподо́би, учени́к и ма́тере Твоея́ мольба́ми.

И́н Ирмо́с тойже.

Милости́ва соде́лай Влады́ку, твои́ми моли́твами, все́м чту́щим тя, Нико́лае, я́ко да на́ших прегрешѣ́ний разреше́ние да́рует.

Недуѓ изба́ви и собла́зн житѣ́йских, напа́стей же и скорбе́й, Нико́лае, тя моли́твенника ко́ Го́споду стяжавши́х.

Врача́ тя изя́чна Влады́ка показа́ Христо́с: те́мже недуги́ исцели́, благоче́стно к тебе́ присту́пающих, Нико́лае.

Богоро́дичен: Родите́льница безму́жная, Богома́ти была́ еси́, Чи́стая. Сего́ ра́ди ве́рою молю́ Тя: души́ моея́ уны́ния разжени́.

Песнь 7

Ирмо́с: Прево́зносимый отце́в Го́сподь, пла́мень угаси́, о́троки ороси́ согла́сно пою́щия: Бо́же, благосло́вен еси́.

Прево́зносимый отце́в Го́сподь, ва́с превознесе́, всю́ низверже́ вра́жью си́лу, учени́цы Христовы́ богови́дцы.

Скверну́ се́рдца моего́ струя́ми умилѣ́ния, ва́шими мольба́ми, апо́столи, омьѣ́йте, уча́ще зыва́ти: Бо́же, благосло́вен еси́.

Огне́м Боже́ственнаго ду́ха ве́щь попали́сте вся́каго су́етства: те́мже паля́щия мя́ изба́вите ге́енны, учени́цы Бо́га слова́.

Богоро́дичен: Я́же паде́ния Ада́мова исправле́ние, воздвѣ́гни па́дшаго мя́ в про́пасть зло́бную, моли́твами Твои́ми, Де́во, и Боже́ственны́х апо́стол.

И́н Ирмо́с тойже.

Ве́сь возложився́ Бо́гу, Нико́лае, все́го мя́ спаси́, житѣ́йскими страстьми́ ока́янно все́гда впа́дающа, богому́дре.

Светило́ Богоза́рнейшее, ума́ моего́ озари́, страсте́й мра́ком при́сно помрача́ема, и дава́й благообра́зно ходи́ти в жити́и.

Вся́кая отверза́емая на́ мя, Нико́лае, уста́ лука́вая, твои́ми моли́твами загради́: и изба́ви мя́ ви́димых вра́г и неви́димых.

Богоро́дичен: Из Тебе́́ нам возсия́ невече́рнее Со́лнце, о́блаче́ все́светлы́й, Христо́с Бо́г на́ш, просвеща́я и́же во тьме́ неве́дения, Богоро́дице.

Пѣснь 8

Ирмосъ: Тебѣ, Вседѣтелю, в пещи́ о́троцы, всемірнѣй ли́къ сплѣтше пояху: дела́ всякая Гóспода пойте и превозносите во вся́ веки.

Ты мы́сленныя о́блаки, апóсто́лы сло́ве распростѣрл еси́, кропя́щыя на ны́ дождь премудрых и Божественных учений, и напоющыя нас во вся́ веки.

Преудобреннии столпи́ церкóвнии, иже сию́ держа́щи веры́ учеными, согнившуюся души́ моя́ храмину, Божественным хитродействием утвердите, Боговидцы.

Стени, душе́, и слѣз пото́ки от всего́ сѣрдца принеси́ Гóсподеви, зову́щи: Едине Ще́дрый, спаси́ и очисти́ мя, всеславных апóстол молитвами благоприятными.

Богородичен: Сионе́ избранный, Царский граде́, вы́шняго мя́ града́ гражда́нина сотвори́, с Божественными ученики́ молящи, Пречистая Де́во, безлѣтнаго Сы́на Твоего́.

Ин Ирмосъ тойже.

В ми́рех первосвятитель бѣ́в вели́кий, души́ моя́, Никóлае, чу́вствия ми́ром облагоухай: яко́ да избе́гну страстей́ зловонія, и Уте́шителю прииму́ благодать.

Уста́вил еси́ премудре́ твоего́ свята́го язы́ка струя́ми, струи́ А́риевы ху́льныя. Те́мже вопию́ ти: то́ки страстей́ моихъ изсуши́ молитвами твоими́, Никóлае всеблаже́нне.

Избави́ нас согрешѣ́ний моли́твами твоими́, дѣмонскаго озлоблѣ́ния, язы́ческаго пленѣ́ния, и все́х челове́к лука́вейшаго злаго́ вреда, да ты́ яко́ избавителя́ нашего́ восхваляем.

Троичен: Иже Трои́чески единонача́лие непреста́нно ве́рою сла́вяще, возопи́им: О́тче, и Сло́ве, и Всесвяты́й Ду́ше, песносло́вим Тя во вся́ веки

Богородичен: В плóть на́с ради́ из Тебѣ́ Бо́г облекся, чистую́ Тебѣ́ всенепоро́чную, все́му роду́ нашему́ Божественную́ показа́ Де́во предста́тельница. Те́мже Тя вернии́ велегласно́ воспева́ем.

Таже поемъ пѣснь Богородицы: Вели́чит душа́ моя́ Гóспода: И поклóны.

Пѣснь 9

Ирмосъ: Иса́ие лику́й, Де́ва имѣ́ во чрѣ́ве, и роди́ Сы́на Емману́ила, Бо́га же и челове́ка, Восто́к имя́ Емү́: его́же велича́юще, Де́ву ублажа́ем.

Небеса́ узвѣздены́ светлосты́ми Божественныхъ добродѣ́телей умно́ яви́стеся, посреде́, Христа́, яко́ со́лнце иму́ще, и земны́я концы́ премудри́и обновисте́: сего́ ради́ блажими́ естѣ́.

Христовы́ язвы́ на Божественномъ телеси́ ва́шем, яко́ у́тварь всеблагoléпну́ нося́ще премудри́и, уязвленую́ мою́ душу́ дѣмонскими́

стрелами, яже ко Господу ходатайствы исцелите.

В рове преисподнем мя греха слежаща, Христе, и лености лютыя сном душу отягчившаго, Твоими слове, ученики, якоже Лазаря воздвигнувый, спаси Господи.

Богородичен: Души моя направл шествия слове Божий, к стезям заповедей Твоих незаблудных, имея молящуюся рождшую Тя пречистую Деву, и премудрыя апостолы Твоя Многомилостиве.

Ин Ирмос тойже.

Святитель Божествен быв, вся заповеди сохранил еси Христовы: темже верным хранитель Божественный был еси, отче Николае, соблюдай тех от всяких напастей и озлобления.

Якоже иногда препитал еси град твой изнемогающ гланием, яко добрый пастырь, преподобне: такожде и ныне препитай душу мою хлебом разумным, отче Николае, ты заступника блага стяжавшаго.

Ты великое солнце, на высоте лежащее присно Церкви Христовы, преподобне пастырю, верно молим ты: светоносными блистаньями света, глубокую тьму отжени греха душ наших.

Приблизися, якоже пишется, день страшный пришествия Христова. Подвигнися, душе, отрини леность, и усердно Христу возопий: спаси мя, Господи, Николаа Твоего молением.

Богородичен: Светел Ты свещник пророк провидяше, Пречистая, свещу разумную, носящую Христа, Имже просветихомся, иже во тьме лежащий и страстях, Ты ублажаем, Богородице Приснодево.

Таже, Достойно есть: и поклон. Таже, ектения малая, светилен, и псалмы обычныя.

На стиховне стихиры апостолом, глас 5:

Ученицы Спасовы, тайным самовидцы бывше, Невидимаго и начала Неимущаго проповедаете, глаголюще: в начале бже Слово, не создани бысте прежде ангел, ниже научистесь от человек, но от Вышняго Премудрости. Темже дерзновение имуще, молитесь о душах наших.

Стих: Исполнихомся заутра милости Твоея, Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая. и призри на рабы Твоя, и на дела Твоя, и настави сыны их.

Апостолы Господни согласно в песнях похвалим, обоклещеся бо в крестное всеоружие, идольскую лость упраздниша, и победоноснии явися венечницы: ихже молитвами и всех святых, Боже, помилуй нас.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Му́ченичен: В му́ках су́ще свя́тии, ра́дующеся, вопия́ху: купля́ нам су́ть сия́ ко Влады́це: вме́сто бо бы́вающих ра́н на телесе́х, све́тло одея́ние в воскресе́ние процвете́т нам: вме́сто безче́стия, венцы́: за у́зы темни́чныя, рай: и за е́же со злоде́и осужде́ние со а́нгелы жити́е. Ихже моли́твами, Госпо́ди, спаси́ души́ наша́.

Сла́ва, и ны́не, Богоро́дичен: Блажи́м Тя́, Богоро́дице Де́во, я́ко из Тебе́ возсия́ Со́лнце пра́ведное Хри́сто́с, име́яй ве́лию ми́лость.

Та́же, Благо́ есть испове́даться Госпо́деви: **Трисвято́е.** По О́тче наш: тропа́рь свято́му, а́ще има́ть. Та́же ектениа́, и ча́с 1-й: псалмы́ обы́чныя: и про́чая поря́ду, и отпу́ст.

В четверток блаженны, глас 5:

Разбойник на кресте́, Бо́га Тя́ быти ве́ровав, Христе́, испове́да Тя́ чи́сте от се́рдца: помяни́ мя, Го́споди, вопия́, во Ца́рствии Твоём.

Стих: Блаже́ни миротво́рцы, я́ко тии сы́нове Бо́жии нареку́тся.

Я́коже о́блацы све́тлии зе́млю прои́дoste Боже́ственнии учени́цы, во́ду животную́ окропля́юще, и се́рдца иста́явшая прегрешени́и богато́ напо́яете.

Стих: Блаже́ни изгна́ни пра́вды ра́ди, я́ко те́х е́сть Ца́рство Небе́сное.

Я́коже лучы́ та́йныя, со́лнца возсия́вшего от Де́вы Чи́стыя, просвети́ли е́сте су́щыя во тьме́ неве́дения се́дящыя, Боже́ственнии учени́цы Христа́ Бо́га наше́го.

Стих: Блаже́ни е́сте, е́гда поно́сят ва́м, и изжену́т и реку́т вся́к зо́л глаго́л, на вы́ лжу́ще мене́ ра́ди.

Мученичен: Разжже́ния лю́тых муче́ний, премудри́и претерпе́вше усердно́ю ду́шею, попали́сте идо́льскую ле́сть, и к Боже́ственному утеше́нию преи́дoste святы́и.

Стих: Ра́дуйтесь и веселите́ся, я́ко мзда́ ва́ша мно́га на небесе́х.

Да дра́хму во глубине́ прегреше́ния погребёную, Христе́, взём ко́ Отцу́ принесеши, апо́столы пропове́дники сотвори́л еси́ Боже́ственным ду́хом.

Слава, трои́чен: Пребоже́ственная Трои́це, О́тче пребезнача́льне, собезнача́льне сы́не, и ду́ше святы́й: еди́но Боже́ство, все́х пропове́дник моли́твами Це́рковь Твою́ сохрани́.

И ны́не, Богоро́дичен: Апо́столов удо́брение богообра́дованная су́щи, омраче́на мя́ сла́стми́ житейскими́, пока́яния просвети́, заря́ми, я́ко да велича́ю Тя́.

В четверток вечера

на Господи, возвах, стихиры крестны, глас 5:

Подобен: Преподобне Отче:

Стих: Аще беззакония назриши, Господи, Господи, кто постоит? Яко у тебе очищение есть.

Вся древа дубравная да возрадуются, Древо видяще всечестное, страстию Владычнюю обрадованно, благодать облистающее яко пламень огня, источающее якоже воды дарования всем, души просвещающее и помышления, недуги очищающее и страсти отгоняющее невидимыя, языки иноплемennыя побеждающее яве, победы подающее всегда верным, благословение и велию милость.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Месту, идеже стоясте ноге Господни, верою поклоняющеся, якоже пророк рече: Христа славословим распеншагося и сраспенша прегрешения наша: юже от древа разорившаго клятву, и примиривша Отцу отстоящя отнюд помышленьми. Ручныя же Его и ножныя гвоздя, копие и трость, губу и венец облобызающе, досаждения и наругания, и ина елика подъят, честне почитаем, имиже спасохомся.

Стих: От стражи утренния до нощи, от стражи утренния да уповает Израиль на Господа.

Вся уды Христу сраспнем, и мируи умертвимся, и Миродержцу Христу по стопам ходити вожделевше, Тогоже на рамах Божественный Крест носим, отвержением плотскаго взыграна, и похотей злых, яже душу влекут ко греху, Тому мяще предстати, и зрети Того на Кресте пригвождена, и душу свою в руке Родителю со издыханием предавша, яко да всегда с Ним будем неразлучни.

Ины стихиры Богородице, глас и подобен тойже.

Стих: Яко у Господа милость, и многое у него избавление, и той избавит Израиля от всех беззаконий Его.

Егда грозд ненасажден суц, яко Лоза отрастила еси, узревши на Древе повешена, прободена же копием в Божественныя ребра: Что сие, глаголаше, Сыне и Боже мой? како иже недуги вся и страсти исцеляяй, Страсти терпиши, Безстрастен Сый по естеству Божественному? Что Ти безблагодатнии людие Благодателю, сия воздаша вместо благоденний? вопияше Пречистая: но Того Страстьми, страстей мя свободити моли непрестанно, яко да славлю Тя.

Стих: Хвалите Господа вси языцы, похвалите Его вси людие.

Плачем вси, и руже распротрем, и бием в перси, тепле слезяще и преклоньше колена, лицем биюще в землю прилежно, и въздыхания возпустим к высоте, иже безместными делы прогневавши Бога, заповедей Его отвержением, избавити зовуще в будущем суде всякаго мучения, иже Тебе опечалившыя, и обращающыяся, мольбами Матере Твоея: за нихже Крест претерпел еси воплощся, и Твоего Царствия причастники сотвори.

Стих: Яко утвердися милость Его на нас, и истина Господня пребывает во век.

Кому уподобилася еси, душе, успеваючи в горших всегда, и прилагаючи безумно Твоим язвам струпы множайшыя, яко всетелесней быти язве: не помышляючи, яко судия приближается, емуже предстанеша воспрियाти по деянием, вины и томления? но обратиши припадй к Деве зовущи: Владычице Владычице, не презри мя прогневавшаго Бога благомилостиваго, из Тебе на спасение человеков рождашагося, и распеншагося плотию.

Слава, и ныне, КрестоБогородичен: Подобен: Радуйся:

Избавление нас ради, и цену великую, пречистую кровь Твою изволил еси дати, безгрешне Христе мой, всем хотяй спасение получитьи. Темже Тя зрящи пригвождена Мати Твоя, рыдаючи власы терзаше Своя, глаголющи: Чадо, Агнче Всенепорочный, мир хотя избавити честною Твоею Кровию, от очию Моею како зашел еси, Спасе, незаходимое Солнце, всем подай просвещение, и мир, и велию милость.

Таже, Свете тихий: Прокимен дню: И Сподоби, Господи, в вечер сей:

На стиховне стихиры, глас 5:

Господи, при Моисеи иногда пророце, точию образ Креста Твоего являем, побеждаше враги Твоя. Ныне же самый Крест Твой имуще, помощи просим: укрепи Церковь Твою, многия ради милости, Человеколюбче.

Стих: К Тебе возведох очи мой живущему на небеси. Се яко очи раб в руку Господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Крест Твой, Христе, аще и Древо видимо есть существом, но Божественною одеяно есть силою: и чувственно миру являясь, мысленно наше чудотворит спасение. Емуже поклоняющыяся, славим Тя, Спасе, помилуй нас.

Стих: Помилуй нас, Господи, помилуй нас, яко по многу исполнихомся уничижения, наипаче наполнися душа наша поношения

гобзующих, и уничижения гордых.

Мученичен: О земных всех нерадивше, и на муки мужески дерзнувше, блаженных надежд не погрешите: но небесному Царствию наследницы бысте, прехвальнии мученицы, имуще дерзновение к человеколюбивому Богу, миру умирение испросите, и душам нашим велию милость.

Слава, и ныне, КрестоБогородичен: Зрящи древле Агнца и Сына Своего Дева Мати и Всеблаженная Отроковица, на Кресте возвышена, вопияше слезящи: увы Мне, Сыне Мой, како умираеши, Бог естеством сый Безсмертен?

Таже, Ныне отпускаеши раба Твоего, Владыко: Трисвятое. **По** Отче наш: **тропарь святому. Таже ектения, и отпуст.**

В четверток на повечерии

канон пресвятей Богородице, глас 5.

Песнь 1

Ирмос: Коня и всадника в море Чермное, сокрушаяй брани, мышцею высокою Христос истрясё, Израиля же спасё, победную песнь поюща.

Другий рай знаем Тя мысленный без сравнения, Дево Богоневесто, одолевающий иже во Едеме раю, Богомати: Ты бо нетление человеком прозябла еси.

Древо жизни объяти в рай Адам возбранен бысть, от древа причастився разумнаго: бессмертие же подаде, плоть от Тебе, Дево, Приемый.

Слава: Первее от земли создан бысть Адам, Пречистыма рукама Вседержителя: от Тебе же, Богородице Дево, родися без семене новый Адам, Зиждитель человечества.

И ныне: Бездна последняя обыде мя безмерных прегрешений, и во глубину низводит мя лютаго отчаяния: рождшая бездну милосердия, ускори, и спаси мя.

Песнь 3

Ирмос: Водрузивый на ничесомже землю повелением Твоим, и повесивый неодолимо тяготяющую, на недвижимем Христе, камени заповедей Твоих, Церковь Твою утверди, Едине Блаже и Человеколюбче.

Иже животным садом землю сотворивый родительницу, не сущим на ней первее, от Неискусомужных Жены абие яко от земли, безсеменной воплощаемь пришёл еси Слове Божий неизменный.

Ты еси земнородных надежда и помощь, и радость, и покров, и прибежище, Владычице Мати Живота. Темже молим: Твою помощь низпосли всем поющим Тя.

Слава: Недугующий напастями лютыми одержими, Вседетелю Щедре, Иже всяческих Боже, Трисвятую Твою Скинию приводим Ти вси в молитву, и вопием Ти: разреши одержания раб Твоих.

И ныне: Смущает мя люте греховная волна, во глубину прегрешений низвлека, Пречистая, и буря сопротивных помышлений обурекает душу мою: Окормителя рождшая, ускори изъяти раба Твоего.

Песнь 4

Ирмос: Божественное Твое разумев истощание, прозорливо Аввакүм, Христе, со трепетом вопияше Тебе: во спасение людей Твоих, спаси

помазаннѣя Твоя́ пришѣл еси́.

Е́ва повину́вшись зми́ю, роди́ печаль̄ жена́м: Ты́ же, Де́во, ве́ровавши Бо́жиим веща́нием, все́му ми́ру ра́дость процвѣла́ еси́.

Пе́рвее от ребр̄ Ада́мовых ро́ждѣна Е́ва: ны́не же Бо́г от Ма́тере Богоневесты́, Его́же воплоще́нна Де́ва без отца́ родила́ е́сть.

Сла́ва: Е́ва ра́дуется, дре́вняго бо прама́терня осужде́ния свобо́ждѣну Отрокови́ца показа́, Я́же Судию́ заче́ншая нетле́нно, и ро́ждшая Милосе́рдаго.

И ны́не: Жити́е моё́ прегреше́ний испо́лнися, по́мысл же стра́стен, и ду́ша моя́ осужде́на: те́мже Твоим̄ благоутро́бием поми́луй, и спаси́ мя, Влады́чице.

Пѣснь 5

Ирмо́с: Оде́йся све́том яко́ ризо́ю, к Тебе́ у́тренюю, и Тебе́ зову́: ду́шу мою́ просвети́ омраче́нную, Христе́, яко́ Еди́н Благоутро́бен.

Сто́лп и о́блак света́ Тя о́бретше, Де́во Ма́ти, Светода́вца, и́же по пусты́ни ле́стней ходя́щии от лю́т избега́ем.

Ра́дуйся, ро́ждшая Бо́га плоти́ю, пре́жде ве́к ро́ждѣннаго от Отца́ безплотне́, явитися́ же а́бие на́м изво́лившаго.

Сла́ва: Со́лнце победи́ся Твое́ю све́тлостию́, Мари́е: Ты́ бо свети́лы не́бо Укра́сившаго́ рука́ма объ́яла еси́, и от Твое́ю сосцу́ пита́ла еси́.

И ны́не: Да не осуди́ши мене́ во о́гнь негаси́мый, Христе́ Спа́се мой, мо́льбама́ Чи́стия, ро́ждшия́ Тя.

Пѣснь 6

Ирмо́с: Неи́стовствующее́ся бу́рею душе́тле́нною, Влады́ко Христе́, страсте́й мо́ре укроти́, и от тли́ возведи́ мя яко́ Благоутро́бен.

И́же в ките́ спасша́го проро́ка дре́вле Ио́ну, невредно́ носи́ла еси́ во утробе́ Твое́ю чу́днаго Бо́га Чи́стая Присноде́во.

Держа́щаго Го́спода моря́, Пре́чи́стая Де́во Бо́га небу́рно, яко́же си́лы но́сящи, сла́ное возму́щения лъсти́ успи́ла еси́.

Сла́ва: Все́ческих ти́шину́ ро́ждши Пре́чи́стая Христа́, Я́же к Нему́ благоукроти́ мо́литвами Твоими́, ю́же на мя́ страсте́й непостоя́нную бу́рю.

И ны́не: В де́нь печали́, егда́ хо́щю теле́сных сою́з разрешитися́, предста́ни ми́, и обдержа́ния бесо́вскаго исхити́.

Та́же, Го́споди, поми́луй, три́жды. **Сла́ва, и ны́не:**

Седа́лен, глас 5:

На Кресте́ зря́щи Тя́, Христе́, Ма́ти Твоя́ во́лею посреде́ разбо́йнику́ вися́ща, растерза́ющися ма́терски утробо́ю, глаго́лаше: безгрешне́ Сы́не, како́ непра́ведно на Кресте́ яко́же злоде́й распя́тся, И́же челове́ческий оживи́ти хотя́ ро́д, яко́ Преблагий?

Пѣснь 7

Ирмосъ: Превозносимый отцевъ Господи, пламень угаси, отроки ороси согласно поющыя: Боже, благословен еси.

Иже к праотцу Аврааму пришествие Бог соверши, Сын Твой быв: и семя его во языки благослови, Благословенная.

Ты Лествица еси Иаковля нескверная: Матерь бо Едину Тя Бог написа, Еяже ради Бог совокупил онаго исчадия.

Слава: Превозносимый со Отцем и Духом Сын, избрав Тебе, Чистая, зело возлюби в жилище Себе воплощаемь.

И ныне: Бога, Егоже родила еси, всегда моли, отчаяннаго мя спасти, и улучшить простыню, верою вопиющему: Боже, благословен еси.

Пѣснь 8

Ирмосъ: Тебе Вседетелю, в пещи отроцы, всемирный лик сплетше, пояху: дела всякая Господа пойте, и превозносите во вся веки.

Испытания Твое убегает Рождество, Дево, верою же является вопиющим: вся дела Господня Господа пойте, и превозносите Его во веки.

Всяко девическия не отпадши славы, матерскою обогатилася еси честию, Безневестная: весть Иже сия яве чудодѣйствовавший, Егоже превозносим во веки.

Слава: Виждь, Благая Пречистая, смиренныя моя души озлобление, и болезнь премени вскоре: да Тя славлю во веки.

И ныне: Приими милостивно Твою Матерь, Слове, молящуюся спасти Твоя люди, Блаже, яже стяжал еси честною Твоею кровию: да тебе благословим во вся веки.

Пѣснь 9

Ирмосъ: Исаие ликуй, Дева име во чреве, и роди Сына Еммануила: Бога же и Человека, Восток имя Ему: Егоже величающе, Деву ублажаем.

Богородице Владычице, умоли поклоняемую Троицу, от Неяже безстрастно Единого плотию нам родила еси, умирить сущыя на земли, и разрешению прегрешений поющим Тя дароватися.

Аще и Един разумеется Лицем Еммануил, но Естеством сугуб: се бо две возвещая воли, яже в Нем и действия, Егоже Родительницу Богородицу исповедуем.

Слава: Себе рыдаю помышляя моих грехов множество, и страстей возшествия, души моя уныния, и ума моего изступления, отчаяннаго мя спасения сподоби.

И ныне: Врази мой нашедше, Господи, якоже разбойницы, вышнюю светлую и световидную одежду совлекше, и раны ми наложиша многи: Ты представши еле жива возстави.

Та́же, Досто́йно е́сть: И поклóн. Та́же, Трисвято́е. По О́тче наш:
тропа́ри, и прóчее обы́чно, и отпу́ст.

Пятница

В пятóк ўтра

По 1-м стихослòвии седальны крестны, глас 5:

Место Лобное рай бысть: то́чию бо водрузи́ся дре́во крестное, а́бие израсти́ гро́зд живòтный, Тебе́, Спа́се, в на́ше веселие, сла́ва Тебе́.

Стих: Возносите́ Господа́ Бога́ нашего, и покланя́йтесь подно́жию но́гу Его́, я́ко свято́ е́сть.

Распéншагося Спа́са и Избáвителя на́шего волею́ я́ко вéсть, и я́коже благоизволи, воспойм вёрнии, и просла́вим: я́ко пригвозди́ на Кресте́ грехи́ челове́ков, избавляя́ от лести́ род челове́ческий, и Царствия́ сподобил е́сть.

Сла́ва, и ны́не, Кресто́Богородичен: На кресте́ Тя, Христе́, зря́щи Ма́ти Твоя́, волею́ посреде́ разбо́йнику́ ви́сяща, растерза́ющися ма́терски утробо́ю, глаго́лаше: безгрéшный Сы́не, ка́ко без правды́ на Кресте́ я́ко злоде́й пригвозди́лся еси́, род челове́ческий оживи́ти хотя́ я́ко преблагий?

По 2-м стихослòвии седальны крестны, глас 5:

Распя́тие претерпéв Твое́ю волею́, и от тли́ челове́ки свободи́л еси́, Спа́се! воспева́ем вёрнии, и покланя́емся Ти́, я́ко просвети́л еси́ нас си́лою крестно́ю, и вси́ прославля́ем Тя́, Человеколю́бче ще́дрый, я́ко Жизнода́вца и Господа́.

Стих: Бог же Царь на́ш пре́жде ве́ка, соде́ла спасéние посреде́ земли́.

Волею́, Ще́дре, Крест претерпéл еси́, и дрéвнюю клятву́ я́же ра́ди снэди́, я́ко всесильный́ Бог Ты́ потреби́л еси́. Темже́ Божественны́я и честны́я стра́сти Твоя́, Влады́ко Христе́, поём и покланя́емся славословя́ще непреста́нно, е́же па́че слова́ смотре́ние Твое́.

Стих: Дивен́ Бог во святы́х Свои́х, Бог Израи́лев.

Мученичен: Сия́ет днёсь па́мять страстотерпе́ц има́ть бо и от небéс зарю́: лик а́нгельский торжеству́ет, и челове́ческий род спраздну́ет. Темже́ моля́тся Господе́ви, поми́ловатися душа́м на́шым.

Сла́ва, и ны́не, Кресто́Богородичен: Кресто́м Сы́на Твоего́, Богоблагодáтная, идо́льская преле́сть вся́ упраздни́ся, и де́монская крeпость попра́ся. Сего́ ра́ди вёрнии по до́лгу Тя́ при́сно поём, и благослови́м, и Богороди́цу вои́стинну испове́дающе́ Тя́ велича́ем.

По 3-м стихослòвии седальны, глас 5:

Подобен: Собезначáльное сло́во:

На Кресте́ Тя́ пригво́ждена́, и усну́вша, а́нгельстии́ чи́нове ви́девше, ужасо́шася, Иису́се все́х Царю́: и побе́ждени́ быва́ху а́бие бесовстви́и полцы́, и сокруши́шася вере́и а́довы: и сме́ртное мучи́тельство низложи́ся,

и сущи во гробѣх мѣртвии воскресоша.

От Древа горестъ Адамъ объятъ, к тлѣнію поползся завистию змийною: Тебѣ же пригвождѣну бывшу, Иисусе, живота насладися, и Древа ради крестнаго паки вселяемъ бываетъ на Небесѣх. И упразднися змий, и тля пожерта бысть: и вси славу Ти приносим.

Слава, и ныне: КрестоБогородичен: Вознесѣна на Древо яко виде, рождшая Тя, Спасе, болезней кромѣ, рыдаше с плачем, и зываше: увѣ мнѣ, Сладчайшій Сынѣ, уязвляюся душою, на Крестѣ зрящи Тя пригвождѣна посреде двою злодею, судомъ злодейственнымъ.

Канонъ честному и животворящему Кресту, творѣніе кір Іосифа, [егоже краегранѣсіе: Страстѣй мя спасаеши страстию Твоею, Христѣ мой.]
Гласъ 5:

Пѣснь 1

Ирмосъ: Спасителю Богу, в мѣри люди немѣкрыми ногами наставльшему, и фараѣна со всевоинствомъ потопльшему, Тому Единому поимъ, яко прославися.

Страстоубийственную, Христѣ, хотѣніемъ Твоимъ претерпѣлъ еси страсть, и убилъ еси в рай древле нас убившаго: темже Твою славимъ благостыню.

Воздвиглся еси на Крестъ, и низпадѣся врагъ: и падшии воздвигохомся, и райстии жители, Христѣ, быхомъ, державу славяще Царствія Твоего.

Мучениченъ: Щитомъ крестнымъ вооружившеся добре, к борѣнію всякому бесѣвскому ополчистеся премудрости великомученицы: и того победивше, славу получите.

Мучениченъ: Яко агнцы честнии, нас ради страдальцы Агнцу пожреному принесостеся, нечистыя жертвы яве уставльше: темже ублажаемъ вас, всехвальнии.

Богородиченъ: Ново отроча намъ вѣтхаго дѣньми, Чистая Дѣво родила еси, обѣщавшее естество человеческое обновляюща, Всенепорочная, Божественною страстию своею.

Другій канонъ Пресвятей Богородице, ирмосъ тойже.

Благоутрѣбляя источникъ, и предстательницу теплую вѣмъ Тя, Всенепорочная, Дѣво Мати Маріе, и зываю Ти: помилуй и ущѣдри смиренную мою душу.

В недрахъ Твоихъ Сынъ Божій, Чистая, вселився, и воспріятъ человеческое существо яко преблагій, всехъ избави отъ тли змиевы.

Просвѣщеніе ми буди, и спасѣнію надежда, Богородительнице Всенепорочная, прегрешений разрешающи пленицы, и избавляющи мя

будущия муки и осуждения.

Помышлений лукавых смиренную мою душу свободи, Богородительнице: и жилище Божие ту соделай, да по долгу Тя славлю всегда.

Песнь 3

Ирмос: Силою Креста Твоего, Христе, утверди мое помышление, во еже пети и славить спасительное Твое вознесение.

Увядаеши плода тлю, на Древо Спасе воздвигаемь, и нетления источники нам от ребр источаеши, Владыко.

Заклася на кресте якоже агнец, праги назнаменуя душ наших Божественною Твоею кровию, Владыко: темже Тя со страхом славим.

Мученичен: Вяжеми Христовы страдальцы, и многообразне ураняеми, и зверем пометаеми, непреложни пребысте.

Мученичен: Якоже гроздие винограда животного, мучения вино источиша, верных сердца веселящее, Бога нашего мученицы.

Богородичен: Жизни нам ходатай, Чистая, умирая на Древе явися Твой Сын же и Господь, прославляяй поющыя Тя.

Ин Ирмос тойже.

В ров погибельный лютых согрешений впадша мя, Богородительнице, изведи благоутробною Твоею благодатию.

К вечеру жития пришед, и недоумением одержимь есмь, вопию Ти, Всепетая: Ты Помощница ми явися.

Святая Богородице Чистая, подаждь разрешение прегрешений моих: и спасение ми испроси, и радование вечное.

Каплю ми слез, Чистая, подаждь, яко да от сердца моего отжену недоумение, и искренно воспою Тя.

Песнь 4

Ирмос: Услышах слух силы Креста, яко рай отверзся им, и возопих: слава силе Твоей, Господи.

Егда зашел еси на Кресте правды Солнце Христе, свет невечерний возсиял еси нам, поющым Твое, Слово, страшное смотрение.

Стоящу Ти судие, иногда пред судищем, Христе, осудил еси неправедного врага: и распялся еси посреде неправедных, нас оправдая.

Мученичен: Венчаеми победительно, Господни страдальцы, невидимаго посрамиша врага, и зываху: слава силе Твоей, Господи.

Мученичен: Неувядаемая цветы мысленного рая многоценныя сосуды, Христовы страстотерпцы, верою шедшеся да почтим.

Богородичен: Егда узрела на Кресте Христа, Егоже родила еси, Чистая, дивилася еси неизреченному Его долготерпению: темже Тя с ним

прославляем.

И́н Ирмо́с тойже.

О соде́яниих мо́их лука́вых, и прегреше́ниих мно́гих, кто́ возмо́жет умо́лити суди́ю, а́ще не Ты, Чи́стая, еди́на согреша́ющих Засту́пнице?

Многими́ мя па́дша прегреше́нии, и грехи́ поработи́вша мою́ ду́шу, воздви́гни си́лою твоею́, Пречистая, и разреши́ мя моли́твою от рабо́ты.

Я́ко ро́ждшая Творца́ и Царя́ всяческих, Богоро́дице Всенепоро́чная Чи́стая, Ты мя изба́ви всякаго скве́рнаго согреше́ния.

Себе́ сама́го плачу́, егда́ в помышле́ние прииду́ мно́гих мо́их прегреше́ний, и огня́ негасимаго: молю́ся, даждь ми вре́мя покая́ния, Пречистая.

Пе́снь 5

Ирмо́с: У́треннюю́ще вопие́м Ти́, Го́споди, спаси́ ны: Ты́ бо еси́ Бо́г на́ш, разве во Тебе́ ино́го не зна́ем.

Ка́мение Тя́ на ка́мени ощути́вше, Христе́, воздви́жена, распадо́шася, и земли́ потрясо́шася основа́ния.

Отложи́ све́тлость со́лнце, воздви́жену Тебе́ на Дре́во, Со́лнце пра́ведное Долготерпели́ве.

Му́ченичен: Чуде́с блиста́ете святи́и све́тлостию, тьму́ отгоня́юще боле́зней ду́хом.

Му́ченичен: Разсека́ема бе́ша телеса́ ва́ша мечи́, ду́х же Божество́нныя любве́ не отсека́емь импе́сте му́ченицы.

Богоро́дичен: Ви́девши на Крест́ воздви́жена Спа́са, рыда́ющи восклица́ше, Де́во Ма́ти Всенепоро́чная.

И́н Ирмо́с тойже.

Всетеле́сную ми́ язву́ прие́мшу греха́, бы́лием уврачу́й милосе́рдия Твоего́, Влады́чице.

Тече́ние тлени́ю дре́вле уста́вила еси́ Божество́нным Рождество́м: и ны́не прегрешений мо́их уста́ви тече́ние, Пренепоро́чная.

Помилуй́ и уще́дри, Влады́чице, ду́шу мою́, и изба́ви осужде́ния, и ве́чныя му́ки.

При́зри и услы́ши, Влады́чице, гла́с мой: и молю́ся, изба́ви мя ве́чнаго муче́ния.

Пе́снь 6

Ирмо́с: Обы́де мя бе́здна, гроб́ мне́ кит́ бы́сть, аз же возопи́х к Тебе́ Человеколю́бцу, и Спасе́ мя десни́ца Твоя́, Го́споди.

Крест́ на земли́ водружа́шася, и паде́ние бесо́м быва́ше: и ве́ра утвержде́ния нача́ло приимаше, и злоба́ от сре́ды отгонима́ быва́ше.

Солнце́ угасе́, плоть́ Твою́́ якоже́ свещу́́ возже́гшу́́ Ти́́ на Дре́ве,

Господи: дра́хма же обрета́шеся погребёная мра́чными страстьми́.

Мученичен: Воздв́ижену Ты́, Человеколю́бче, на Дре́во, лик мученик последую́щ стопа́м Твои́м имёл еси́, стра́сти Твоёй подобя́щся, безстра́стию ходатаице.

Мученичен: Потóки изсу́шили естé прелестны́я кро́вным течением, и о́гнь угаси́сте чужд́ий бесóв Божественно́ю росóю, венценóсцы мученицы.

Богородичен: Ору́жие про́йде сёрдце Твоё, Дёво Всенепорóчная, егда́ распина́ема Зиждителя́ видела еси́, и копием Божественная́ рёбра ископа́ема.

И́н Ирмо́с тойже.

Обы́де мя́ бездна́ прегрешéний, и глубина́ содержи́т мя́ грехóвная, и ко отчая́нию прино́сит погибельно́му: святая́ Влады́чице, Ты́ мя ны́не спаси́.

Воздвигни́ мя́ лежа́ща на одре́ согрешéний, Пресвята́я Влады́чице: и да́ждь ми́ осия́ние спаси́тельное покая́нием.

Очи́сти, Человеколю́бче, моли́твами чи́сто ро́ждшия Тя́: и изба́ви ми́р Тво́й от вся́кия скорби́, и вéчныя сла́вы сподо́би.

При́сно обеща́ваюся дел злы́х отступити́, но всегда́ лгу́, и оскорбля́ю Влады́ку моего́: Пречи́стая Влады́чице, Ты́ ми да́ждь исправле́ние.

Пéснь 7

Ирмо́с: В пещи́ о́гненной песносло́вцы спасы́й о́троки, благословéн Бо́г Оте́ц на́ших.

Да изба́вимся мы́ сла́стнаго греха́, жёлчи́ вкуси́л еси́, Христе́, сла́досте жи́зненная.

Тебе́ на Дре́ве, Христе́, уязв́ену, исцелéша я́звы Ада́мовы многолётныя.

Мученичен: Своими́ вольными́ устремлénными отлучи́шася ко страда́нию, страстотёрпцы́, и победители́е яви́шася.

Мученичен: Почётше́ Бо́га болéзненным безчести́ем, и вы́шнюю по́честь получи́сте страда́льцы.

Богородичен: По рождестве́ Чи́стая, яко́же и прёжде рождества́ пребыва́еши: Бо́г бо бе́ рожде́йся, да обожит челове́ки.

И́н Ирмо́с тойже.

Богороди́тельнице Чи́стая, не прёзри́ мене́, véрою под кро́в Тво́й при́сно прибега́ющаго.

Страстéй моих па́жить изсуша́ющи, пода́ждь точи́ти слéз ка́пли, Богороди́тельнице.

Связа́ема мя́ вери́гами грехóвными, Твои́ми моли́твами разреши́, Пренепорóчная, всепéтаго Бо́га ро́ждшая.

К Тебе́ прибега́ю véрно, и Тебе́, Чи́стая, призыва́ю: изба́ви мя́, Дёво,

огня вѣчнаго.

Пѣснь 8

Ирмосъ: Изъ отца прежде вѣкъ рождѣннаго Сына и Бога, и в послѣдняя лѣта воплощеннаго от Дѣвы Матере, священницы пойте, людие превозносите во вся веки.

Иже клятву Древа дрѣвом исцѣливый, и благословѣние источивый человеком, Преблагий: Тебѣ, Спасе, поем, и Тебѣ славословимъ во веки.

Превозвышаемаго змя Крестомъ Твоимъ смирилъ еси, и люте падшагося смиряемъ вознесъ еси: Тебѣ, Спасе, поем, и превозносимъ во вся веки.

Мучениченъ: Потребители прелести, и поборники Божественныя вѣры, церковныя столпы, и твердыя войстинну адаманты, Христовы оруженники, верою страстотѣпцы да почитимъ в пѣсняхъ.

Мучениченъ: Славнии страстотѣпцы, якоже солнце возсияша, болѣзней облаки разгнавши благодатию, и нечестия мракъ разориша верою Троицескою.

Богородиченъ: Невестоводитель Тебѣ Дѣво, Гавриилъ посланъ бысть: радуйся, вопияше Ти глаголя: светлѣйшая палата всехъ Царя Христа, в нюже вселився, обожилъ вся человеки.

Ин Ирмосъ тойже.

В недоумѣнии съи, и сердцемъ, и мыслию, прещѣния геенскаго не бояся, согрѣшаю присно: но Ты, Дѣво, недоумѣние мое разреши, и огня избави мя.

Сластми плоти моея часто привлачимъ есмь, и яко плененъ продаемъ есмь, Бога прогневляю присно: Богородице, едина надежда ненадежныхъ, сама помилуй мя.

Яко непостыдна естъ молитва Твоя, Всенепорочная, елика бо хощеши подаеши, молящи Твоего Сына и Бога. Темже молюся Ти, помилуй и спаси смиренную душу мою.

Телесными болѣзнями, и страстными воздвиженными, и душевными ранами люте истязуемъ есмь: Рождшая Единого Благодателя, Твоими мольбами здрава сотвори мя.

Таже пѣснь Богородицы: Величитъ душа моя Господа: **И поклѣны.**

Пѣснь 9

Ирмосъ: Тя паче ума и словесе матеръ Божию, в лѣто безлѣтнаго неизреченно рождшую, вернии единомудренно величаемъ.

Крепость вражия и держава отята бысть, державный едиине Господи, на Крестъ вознесену Ти, и персты на немъ окровавившу.

Ископаша, Христѣ мой, рuce и нозе Твои, и кости Твоя изочтоша распеншии беззаконницы, и желчи со Отцомъ Тебѣ напоиша.

Мученичен: Усты́ свѣтлыми́ Бо́га проповѣдасте бѣвшаго́ челове́ка, пред мучители́ страстотѣрпцы, и сла́ву насле́довасте.

Мученичен: Болѣзнь прия́ша уязвивши́и врази́ ра́нами, и разли́чными му́ками би́юще вас, всечестни́и вра́чеве болѣзней, Боже́ственнии мученицы.

Богородичен: Свѣт на́м, Чи́стая, из Тебе́ возсия́ Иису́с, и просвети́ тва́рь всю распя́тием, и бесо́вскую тьму́ прогна́л е́сть.

Ин Ирмо́с тойже.

Сле́зы ми́ подаждь́ покая́ния, Пре́чи́стая: да пла́чуся́ дѣл мо́их лю́тых и неправедных, пре́жде приспе́яния кон́ца жити́я моего́.

Вску́ю, душе́, оскорбля́еши Влады́ку Твоего́, неправедная́ дѣю́щи, и не возни́чеши? Пре́жде кон́ца́ убо́ потщавши́ся покая́ся.

Избави́ мя от злы́х прегреше́ний и скорбе́й: подаждь́ ми́ ми́лость, Де́во Всечи́стая, и живота́ нетле́ннаго Боже́ственное прича́стие.

Тебе́, Бо́га неизрече́нно ро́ждшую́ предста́тельницу́ стяжа́хом, и стѣну́ необори́мую, и душа́м спасе́ние, и чуде́с исто́чник.

Та́же, Досто́йно е́сть: и покло́н. Та́же ектени́а ма́лая, и свети́лен: посѣ́м псалмы́ обы́чныя.

На стихо́вне стихи́ры крѣстны, гла́с 5:

То́чию водрузи́ся Дре́во, Христе́, Креста́ Твоего́, прѣлесьть́ прогна́на бы́сть, и благода́ть процвете́: уже́ бо ктому́ не́сть осужде́ния мучи́тельство, но победа́ явися́ нам спасе́ния: Крѣст бо́ нам е́сть похва́ла, Крѣст на́м утвержде́ние, Крѣст на́м ра́дование.

Сти́х: Исполни́хомся́ за́втра ми́лости Твоея́, и возра́довахомся́ и возвесели́хомся: во вся́ дни́ на́ша возвесели́хомся, за дни́, в ня́же смири́л ны́ еси́, лета́, в ня́же видехом зла́я. И при́зри на рабы́ Твоя́, и на дела́ Твоя́, и наста́ви сы́ны их.

Ведѣ́н бы́л еси́ на́с ра́ди на же́ртву, Христе́, я́ко овча́, и я́ко А́гнец незло́бив Емману́ил на заколе́ние вольное, со беззаконни́ки вменѣ́н бы́л еси́. Прииди́те, воспойте́ оте́чествия́ язы́к, и поклони́теся на Кресте́ повѣ́шенному, живото́у безконече́нному.

Сти́х: И бу́ди свѣтлость́ Го́спода Бо́га на́шего на на́с, и дела́ ру́к на́ших исправи́ на на́с, и де́ло ру́к на́ших исправи́.

Мученичен: Благосло́вено́ воинство́ Небе́снаго́ Царя́: а́ще бо и земно́родни бѣ́ша страстотѣрпцы, но а́нгельское́ досто́яние потщаша́ся дости́гнути, о телесе́х небре́гше, и страсте́й ра́ди безплотных́ сподо́бишася́ че́сти, молитва́ми их, Го́споди, спаси́ души́ на́ша.

Сла́ва, и ны́не, Кресто́Богородичен: Ста́вши у Креста́, Иису́се, Тебе́ ро́ждшая́ пла́чущися́ рыда́ше, вопи́ющи: не терплю́ сия́, пригво́ждѣ́на

зрящи Тя на Дре́ве, Егѡже породихъ Азъ, и избегахъ болѣзни яко Безмужна, и како ныне болѣзнию содержи́ма есмь, и уязвляюся се́рдцем? Ныне бо исполнися глаго́л, иже рече́ Симеонъ: се́рдце Твое́ непоро́чная, ору́жие про́йдет. Но ныне, о Сы́не мой, воскресни, и спаси́ пою́щия Тя!

Та́же, Благо е́сть испове́даться Господеви: **Посѣмъ, Трисвято́е. По́ Отче нашъ: тропа́рь, ектениа́. Та́же часъ пе́рвый, и псалмы́ обычны, и про́чая по ряду, и отпуст.**

В пятѡк блаженны, гласъ 5:

Разбойникъ на крестѣ Бѡга Тя быти веровавъ, Христѣ, исповѣда Тя, Чистѣ, отъ сердца: помяни мя, Господи, вопия, во Царствии Твоѣмъ.

Стихъ: Блажени изгнани правды ради, яко техъ есть Царство Небесное.

Умертвився на Крестѣ, снѣди ради умершаго Адама: егѡже оживилъ еси Жизнодавче щедрый, и жителя паки блаже рая показалъ еси.

Стихъ: Блажени есте, егда поносятъ вамъ, и изженутъ, и рекутъ всякъ зѡлъ глаголъ, на вы лжуще Мене ради.

Пригвоздился еси на Крестѣ Христѣ, лоза истинная, и источилъ еси питие спасенія, напаяя всехъ верныхъ сердца благодатию.

Стихъ: Радуйтесь и веселитесь, яко мзда ваша многа на Небесехъ.

Мучениченъ: Биѣми мудрии, и на удеса разсекаѣми вообразисте заколѣние Владычнее: сего ради мученицы Христовы присно ублажаѣми есте.

Слава, Троиченъ: Поклоняѣмся Ти верно, въ триехъ лицахъ единому Бѡгу, нераздельну, и пребожественному естеству, вопиюще Ти: слава Тебѣ, Троице, единице Боже нашъ.

И ныне, Богородиченъ: Плачемъ бияше Себѣ, Владычице, видящи на Дрѣве Крестнемъ Живота нашего, волею умерша: темже вси Божественными гласы Тя присно ублажаѣмъ.

В пятѣкъ вѣчера

На Господи, воззвах, **стихиры святымъ мученикомъ, и святителемъ и преподобнымъ, гласъ 5: Подобенъ:** Радуйся:

Стихъ: Аще беззаконія назириши, Господи, Господи, кто постоитъ; яко у тебе очищение есть.

Пламень нечестія лютаго страсотерпцы угасиша кровей своихъ теченьми, благочестія свѣтлость в мире всемъ возжегше мученицы, боги же лжеименитыя, и техъ зловонія, и храмы до конца попалиша: свѣтъ возсияша сущымъ на земли чистейший, имже и просвещаемы, тьмы избегаемъ безбожия, и прелести идольския уклоняемся, Христу поклоняющеса, подающему миру велию милость.

Стихъ: Имене ради Твоего потерпѣхъ Тя, Господи, потерпѣ душа моя в слово Твое, упова душа моя на Господа.

Словеса еретикъ злочестивыхъ, и ловленія удобь разрушивше, оружицы Отца безначальнаго, Сына собезначальнаго, и Святаго Духа бысте, в трехъ лицахъ единству Божества, благочестномудренне верныхъ научающе и утверждающе православную проповедь. Темже и блажими есте, пастырие всесвященнии: яко на пажитехъ живоносныхъ Христова стадо упасосте, за негоже вся болѣзни и напасти многообразныя претерпесте.

Стихъ: От стражи утренняя до нощи, от стражи утренняя да уповаетъ Израиль на Господа.

Страсти плотскія удобь до конца попрѣ, подвигшееся преподобныхъ сословие, властелина ума деяниемъ добродѣтелей приемше: имже бесовскія вся козни победиша доблественне, и ангеломъ собесѣдницы явишася, яко безплотнии поживше. Имже и ныне срадуются в вышнихъ обителехъ, свѣтло живуще, и Христу предстоятъ, от него просяще душамъ нашимъ даровати велию милость.

Ины стихиры мученикомъ, гласъ тойже.

Стихъ: Яко у Господа милость, и многое у него избавление, и той избавитъ Израиля отъ всехъ беззаконій Его.

Щитомъ веры оболкшеса, и знаменіемъ крестнымъ себе укрепльше, к мукамъ мужески вдашася, и диаволу гордыню и лѣсть упраздниша святіи твой, Господи, техъ молитвами яко всеильный Богъ, миру миръ низпосли, и душамъ нашимъ велию милость.

Стихъ: Хвалите Господа вси языцы, похвалите его вси людіе.

И паки глаголи: Щитомъ веры:

Стихъ: Яко утвердися милость Его на насъ, и истина Господня

пребывает во век.

О земных всех небрегше, и на муки мужески дерзнувше, блаженных надежд не погрешите, но небесному Царствию наследницы бысте, прехвальнии мученицы: имуще дерзновение к Человеколюбцу Богу, миру мир просите, и душам нашим велию милость.

Слава, и ныне, Богородичен: В Черном мори, Неискусобрачныя Невесты образ написася иногда. Тамо Моисей, разделитель воды zde же Гавриил, служитель чудесе. Тогда глубину шествова немокренно Израиль: ныне же Христа роди безсеменно Дева. Море по прошествии Израилеве пребысть непроходно: непорочная по рождестве Еммануилеве пребысть нетленна. Сый, и прежде сый, явлейся яко человек, Боже, помилуй нас.

Таже, Свете тихий: Прокимен дне. Посем: Сподоби, Господи, в вечер сей:

На стиховне стихиры, глас 5:

Молите за ны, святии мученицы, да избавимся от беззаконий наших: вам бо дана бысть благодать молитися о нас.

Несытною любовью души, Христа не отвергостеся, святии мученицы: лютыя и различныя раны страстей претерпесте, мучителей гордыню низложисте: непреклонну и невредиму веру сохраняше, на небеса прставистеся. Темже и дерзновение имуще к нему, просите даровати нам велию милость.

Мертвен: Помянух пророк вопиюща: аз есмь земля и пепел, и паки разсмотрюх во гробех, и видех кости обнаженные, и рех убо: кто есть царь, или воин, или богат, или нищ, или праведник, или грешник? Но упокой, Господи, с праведными рабы Твоя, яко Человеколюбец.

Слава, и ныне, Богородичен: Обрадованная, ходатайствуй Твоими молитвами, и испроси душам нашим множество щедрот, и очищение многих прегрешений молимся.

Таже, Ныне отпускаеши: Трисвятое. По Отче наш: И отпуст.

В пятѡк на повечѣрии

канѡн молѣбный пресвятѣй Богородице. Гласъ 5:

Пѣснь 1

Ирмосъ: Коня и всадника в морѣ Чермное, сокрушаяй брани, мышцею высокою, Христосъ истрясѣ: Израиля же спасѣ, побѣдную пѣснь поюща.

Вси Тя человѣчестии роди хвалят, яко древле, Дѣво, пророчески прорекла еси: и мене убо приими поюща Тя, Владычице, и просвети, и вразуми.

Притупила еси смѣрти жало, и мирскій грѣх, Дѣво, истинную рождши Жизнь, еяже ради, Владычице, притупи страстей моихъ острия стрелы вскорѣ.

Слава: Еди́на испещре́на девическими ря́снами от ве́ка явльши́ся, смоковную ризу Ада́мову Ты расто́ргнула еси́: те́мже мя ны́не облецы́ целомудрия оде́ждою моли́твами Твоими́.

И ны́не: Богатство и Божественную сла́ву стяжа́ша убо мно́ги дщѣри пре́жде я́ве, но без сравне́ния, Влады́чице, Ты все́х превозшла́ еси́. Те́мже мя ны́не обогати́ Небесными́ и Божественными́ благодатьми́.

Пѣснь 3

Ирмосъ: Водрузи́вый на ничесомже зе́млю повеле́нием Твои́м, и повѣсивый неодо́ержимо тяготе́ющую, на недви́жимем, Христе́, ка́мени заповедей Твои́х, Цѣрковь Твою́, утверди́, Еди́не Бла́же и Человеколю́бче.

Глубина́ и высота́ в Тебе́ познава́шеся, Дѣво Пречи́стая, Божией Му́дрости непостижи́мей, от Твои́х ложесн рождше́йся: е́юже глубины́ се́рдце мое́ изба́ви мудрова́ний зми́йныхъ.

Иже пре́жде пернатя́, и гады́, от воды́ состави́л еси́ сло́вом, не су́щья пре́жде: Ты а́бие, Христе́, от крове́ Чисты́я Дѣвы, Божественнаго Твоего́ воплоще́ния оде́жду страна́ устрои́л еси́.

Слава: Ты Еди́на очище́ние явилася́ еси́ естеству́, Пречи́стая, в Ню́же о́гнь Божественный́ неопально́ всѣлся, си́е очисти́ я́ве: Ты убо согреше́ний и страстей́ моихъ скверну́ очисти́, и Твоими́ моли́твами просвети́ мя.

И ны́не: Ча́шу нова́го винограда́ рождия́, напо́яющую я́ве ве́рныя во оставле́ние согреше́ний, Тя, Пречи́стая, ве́дый, молю́: испуще́нием Божественны́я воды́ напо́й се́рдце мое́.

Пѣснь 4

Ирмосъ: Божественное Твое́ разумѣ́в исто́щание, прозорливо́ Авваку́м, Христе́, со трѣпетомъ вопи́яше Тебе́: во спасе́ние люде́й Твои́х, спасти́ помаза́нныя Твоя́ прише́л еси́.

Неорана Ты явилася еси бразда, несейанный Божественный прозябшая Клас, Имже алчуца мя накорми Божественными дарованьми же и благодатьми.

Боляца мя искренно смертне, и душевных страстей огнем содержима, Владычице, молитв Твоих водою напоивши, вскоре возстави.

Слава: Яко сущий Божий Град одушевлен, егоже реки мысленныя веселят стремления, молитв Твоих столпом души моея храмину утверди.

И ныне: Облак Тя ведый, одождивший Правду истинную, молю, Пречистая Владычице, от всех обидящих мя избавити раба Твоего вскоре.

Песнь 5

Ирмос: Одейся светом яко ризою, к Тебе утренюю, и Тебе зову: душу мою просвети омраченную, Христе, яко Един Благоутробен.

Возмущение и волну греха, и страстей моих, Дево Владычице, до конца утиши, безстрастия рождши Виновнаго.

Постав сый свыше Христов явися, благолепия одежды Божественныя, добродетелей одеждею, Чистая, обнаженную душу мою облещи.

Слава: Очищение ми даруй согрешений, Твоими мольбами, Чистая Дево, Яже очищение Божественное рождшая нам Христа и Господа.

И ныне: Струпы, язвы и гноения греховная, рукодействия, молитвами потреби ми, Дево, и силу рабу Твоему подаждь.

Песнь 6

Ирмос: Нейстовствующееся бурю душетленною, Владыко Христе, страстей море укроти, и от тли возведи мя, яко Благоутробен.

Яже Свет рождшая светилам творительный, душу мою ныне просвети, и избави от страстей омрачения, Всесветлая.

Мерры Уславившаго воды прежде, Богородице, Твоего Сына моли, избавити мя страсти лютыя, и горести вскоре.

Слава: Возмущает поток страстей душу мою, Пречистая: но сего изсуши молитвами Твоими, и помыслы лукавыя потреби.

И ныне: Христос избавляя человеки прииде от Сиона, из чрева Твоего, Владычице Пренепорочная: Имже и мене от напастей избави и скорбей.

Таже, Господи, помилуй, трижды. Слава, и ныне:

Седален, глас 5:

Вскую унывающи душе страстная, забыла еси Бога Твоего милующаго тя? И повеления Его преобидевши, в блуде житие скончавашеши умовредно: отступи от злобы, Богородице вопиющи: отчаянную душу мою помилуй.

Песнь 7

Ирмос: Превозносимый отец Господь пламень угаси, отроки ороси, согласно поющыя: Боже, благословен еси.

Ужасаются и трепещут Твоего призывания, Пречистая, бесовстии полцы: от нихже избавляющи мя спаси, и соблюди, покрывающи от всякаго вреда.

Неизглаголанная Слава Твоя, Дево, славы бо Господа родила еси: темже мя сподоби славы Сына Твоего и Бога моего, Твоими молитвами.

Слава: Преклонися к мольбам Твоего раба, Владычице, и избави мя вскоре бед и скорбей, и всяких искушений, видимых и невидимых.

И ныне: Всего мя страстьми студа, Пречистая, окалявшася и осквернившася, чистотою омой, и уясни, Дево, молитвами Твоих окроплений.

Песнь 8

Ирмос: Тебе Вседетелю в пещи отроцы, всемирный лик сплетше, пояху: дела всякая Господа пойте, и превозносите во вся веки.

Вода неплодствия страстна, души моя ложесна неплодна сотвори, и изсуши: одожди ми легкий Облаче, Божественную росу, яко да возвращу плоды покаяния.

Волну помышлений страстных и бурю утиши, Пречистая, Твоими молитвами: направи же мя к течению безстрастия, да Тя славлю тепле во веки вся.

Слава: Двере мысленная, и затвореная врата, имиже Един пройде Бог, двери загради и заключи страстей моих, и упования отверзи ми врата.

И ныне: Возми от мене прегрешений бремя, Мати Дево, Яже Единая вземлющаго мира всего весь грех, рождшая несказанно Агнца Божия и Слова.

Песнь 9

Ирмос: Исаие ликуй, Дева име во чреве, и роди Сына Еммануила, Бога же и Человека, Восток имя Ему: Егоже величающе, Деву ублажаем.

Осквернив яко человек душу мою прегрешеньми многими, и страстьми плотскими окалявся, Тя молю ныне прилежно, и мил ся дею: очисти мя, Чистая, Твоими молитвами от всякия злобы.

Волителя милости родила еси, щедрот Человеколюбца Бога, Единого благаго, долготерпеливаго и благоутробнаго: Егоже благоприменна покажи ми, Чистая, Твоими мольбами, и согрешений разрешение подаждь.

Слава: Дреманием одержима уныния, и сладьми спяща мя ныне, Владычице, раба Твоего воздвигни к добродетелем деяний благих, неусыпными Твоими Матерними молитвами.

И ныне: Благословя благословлю Тя, Пречистая, и величаю тепле: благослови мя убо Твоего певца, и всяческих нуждных и печальных избави, и сохрани Твоима дланьма непобедима.

Таже, Достойно ёсть: Поклон. И Трисвятоё. По Отче наш: тропари и прочее обычно, и отпуст.

Суббота

В субботу утра

по 1-м стихословии седальны мученичны, глас 5:

Сияет днесь память страсотерпец, имать бо и от небес зарю: лик ангельский торжествует, и род человеческий спразднует. Темже молятся Господеви, помиловатися душам нашим.

Стих: Дивен Бог во святых Своих, Бог Израилев.

Чудеса святых Твоих мученик стену неразриму нам даровал еси, Христе Боже: тех молитвами верныя люди твоя утверди, яко Един Благ и Человеколюбец.

Слава, и ныне, Богородичен: Радуйся, двере Господня непроходима, радуйся, стено и покрове притекающих к Тебе, радуйся, необуреваемое пристанище, и Неискусобрачная, рождающая плотию Творца Твоего и Бога: молящи не оскудевай о воспевающих, и кланяющихся Рождеству Твоему.

По 2-м стихословии седальны, мученичны, глас 5:

Господи, чаще Страстей Твоих страсотерпцы Твои поревновавше, оставиша житейскую красоту, и быша ангелом сопричастницы: тех мольбами подаждь душам нашим мир Христе Боже, и велию милость.

Стих: Дивен Бог во святых Своих, Бог Израилев.

Святых мученик исправлением небесных силы преудивившася, како в теле мертвенном подвигшися добре, безплотного врага силою крестною победиша невидимо: и молятся Господеви, помиловатися душам нашим.

Стих: Блажени, яже избрал и приял еси, Господи, и память их в род и род.

Таже седален, покойн:

Покой, Спасе наш, с праведными рабы Твоя, и тех всели во дворы твоя, якоже писано есть, презирая вся согрешения их, яко Благ, вольная и невольная, и вся яже в ведении и не в ведении, Человеколюбец.

Слава, и ныне, Богородичен: От Девы возсиявый миру, Христе Боже, сыны света Твою показавый, помилуй нас.

Канон святым мучеником, и святителем, и преподобным, и усопшым. Творение Иосифово, [егоже краестрочие: Твоим, Христе, рабом сия песни приношу.] Глас 5:

Песнь 1

Ирмос: Землю, на нюже не возсия, ни виде солнце когда: бездну, юже не виде нагу широта небесная, Израиль пройде невлажно, Господи, и ввел еси его в гору святыни Твоея, хваляща и поюща победную песнь.

Мученичен: Телеса предающе некротким судиям, претерпесте

нестерпимыя ра́ны до́блии страда́льцы, ча́юще при́яти по́чести свы́ше: и введе́ вас Христо́с в вѣчныя обители, ра́дующихся и пою́щих побѣдную пе́снь.

Святите́лем: Преподо́бнии и пра́веднии, и святите́лие, благосла́внии совершивше повеления́ Бо́жия, упасо́ша лю́ди, и до́бре наста́виша к воде́ разума́: и пото́ки сла́дости досто́йно восприя́ша, источа́юще благода́тию исцелений ре́ки.

Напра́ви мя, Го́споди, к приста́нищем живота́, моли́твами проро́к пресла́вных, премудры́х первосвятите́лей, и священны́х же́н пострадавших крѣ́пко, и постомъ врага́ попра́вщих, мужеским умо́м, Боже́ственною Тебе́ благода́тию явля́шагося на земли́.

Сла́ва, поко́ин: Тебе́ мо́лим благопреме́ннаго Бо́га: упоко́й в не́дрех Авраа́мовых раба́ Твоя́, Христо́е, яже к Тебе́ предста́вил еси́ от житейскаго мяте́жа, и сподоби́ их свѣта вѣчнаго, те́х согрешения́ презира́я яко́ благ.

И ны́не: Ра́дуйся, Тебе́ зове́м, ро́ждшей ра́дость, Всепѣ́тая: просвети́ наша́ умы́ и ду́шы, и к стезя́м разума́ все́х напра́ви, и прегрешений́ все́м очище́ние да́ти моли́, еди́на Богоневѣ́сто, Сы́на Твоего́ и Бо́га.

И́н кано́н усоп́шым, поёмый на ряду́, иде́же не́сть мине́и, [его́же краегра́не́сие: Феофа́нов пя́тый над ме́ртвыми кано́н.] Гласъ 5.

Пе́снь 1

Ирмо́с: Спаси́телю Бо́гу, в мо́ри лю́ди немо́крыми но́гами наста́вльшему, и фарао́на со всевои́нством пото́пльшему, Тому́ Еди́ному по́йм, яко́ просла́вился.

Припе́в: Дивенъ Бо́г во святы́х Свои́х, Бо́г Изра́илев.

Боже́ственною любо́вию страстоте́рпцы Христо́вы мучи́телей горды́ню попра́ша: предста́вленным же́ ве́рою милостивное про́сят оставле́ние и поко́й.

Припе́в: Упоко́й, Го́споди, ду́шы раба́ Твои́х.

Во святы́х селени́их, во дворе́х Твои́х, Христо́е, предста́вленная всели́! И́же до́лг за них про́лиявый кро́вь Твою́, Влады́ко, пречестне́йшую.

Сла́ва: Премудро́сть Бо́жия, И́же извѣ́стно начертание́ все́ нося́й Родите́лево: и́хже при́ят, Ще́дре, Са́м упоко́й, подава́я им присносу́щное блаже́нство.

И ны́не: Светоно́сная се́нь, златови́дны́й ковче́г, Боже́ственное Сло́во обдержа́щи воплоще́нное на́с ра́ди, и разорившее́ сме́ртную силу́, явилася́ еси́, Всенепоро́чная.

Пе́снь 3

Ирмо́с: Дви́жимое се́рдце моё́, Го́споди, волна́ми житейскими́, утверди́, в приста́нище тихое наста́вляя́ яко́ Бо́г.

Палицами биемо не пощадёте тело, и мечи секомо всехвальнии оружницы, укрепляеми надеждо мученицы вечных красот.

Святительства одеждо просветисте, виды добродетельными упасше Христово стадо на пажитех животных.

Плоть умерщвляюще воздержанием, преподобнии, жизни Божественней причастияшася: тех, Христе, священными молитвами от бед избави нас.

Слава: Усопшым тамошний покой, Человеколюбче, подаждь, яже содеяша на земли, долги отпущая яко благ.

И ныне: Благословенную в женах Тя яко виде, сословие женское пострада, и Твоему Сыну, Дево Мати, приведёся.

Ин Ирмос: Утверди ны, Боже Спасе, Твоею силою, и воздвигни рог Твоея Церкви, правоверно хвалящих Тя.

Мужески подвигшеся страдальцы, мучительским стремлением противу стаща, и молятся о усопших Христу.

Законы Твоими воспитавшихся, преставльшихся, Препоблагий, в светлых Твоих селениях приёмь, упокой.

Слава: Милостивый Едине Боже, яже избрал еси, сподоби святых светлостей, презирая тех согрешения.

И ныне: Поём Твое Рождество, Чистая, Имже первого осуждения и клятвы избавихомся, и от смерти свободихомся.

Песнь 4

Ирмос: Услышах, Господи, слух Твой, и убояхся, разумех смотрение Твое, и прославих Тя, Едине Человеколюбче.

Силою Твоею, Господи, страстотерпцы вражию силу попраша, и крепость быша верным, и великое утверждение.

Преподобнии вси радостию радуются, и одеваются священницы Божественнии в правду, якоже в ризу.

Воспойм вси богоглаголивья Божия пророки, и почтим жен сословие, яже добре течение скончавшыя.

Слава: К пристанищу твоего Царствия, Владыко, устремив, упокой, ихже представил еси от мятежа и бури настоящего жития.

И ныне: Безлётный бысть ныне под летом из Тебе, Дево: того моли разрушити вся души моя летная прегрешения.

Ин Ирмос: Услышах, Господи, из гроба Твое востание, и прославих Твою непобедимую силу.

Соприсносушна Тя Отцу исповедавшие благочестно мученицы, Христе, убиени быша, и вопиют Ти: избави ихже приял еси рабы Твоя.

Иже в мертвецах бывый един свободь мертвец, Христе, и мертвецем

жизнь вечную даруя, покой даждь ныне преставленным рабom Твоим.

Слава: Пришедый во еже спасти заблуждшыя, Христе, райскаго сподоби вселения, яже преставил еси в вере, оправдавый благодатию.

И ныне: Осени Тя Вышняго, Отроковице, сила, в Тебе рай содела животный, древо имущий посреде, Ходатая и Господа.

Песнь 5

Ирмос: Окаянную душу мою, ношеборющуюся со тьмою страстей, предварив ущедри, и возсияй мысленное солнце днесветлыя звезды во мне, во еже разделить ночь от света.

Исцеление недугующим источают кости мученик: не сокрушившеся бо злобою, и наша обновляют сокрушения: вся же кости злочестия яко прах истина.

Законы Твоя соблюдающе святителие упасоша люди, и наставиша, Щедре, к Животу будущему: преподобнии же умертвиша страстей мучительство совершенным умом.

Да почтутся пророцы, и с ними вси праведницы верою, и да похвалятся преподобно пожившии, и муками просветившиися на земли Божественныя жены, яко рабы Христовы.

Слава, покойн: Яже от земли прият, в небесных учини селениях верныя рабы Твоя, тех презирая прегрешения, за премногую благодать, Христе, воплощйся нас ради земных.

И ныне, Богородичен: Поём Тя, Дево, еяже ради явися Бог сущым на земли, человек быв, вопиюще: радуйся, земле благоплодовитая, плодоносящая клас тайны, питающ всякое дыхание.

Ин Ирмос: Утреннююще вопием Ти, Господи, спаси ны, Ты бо еси Бог наш, разве бо Тебе иного не знаем.

Мученик прием, Господи, моления, души, яже преставил еси, со избранными Ти причти.

Предрекл еси, не узрети смерти верующым в Тя: темже, Владыко, усопшыя упокой.

Слава: Красоты дому Твоего, Господи, Твоя рабы улучшить сподоби, и сладкаго причастия.

И ныне: Слово, Еже Отцу соприсносущное, от Девы воплощся, умертви смертью смерть.

Песнь 6

Ирмос: Якоже пророка от зверя избавил еси, Господи, и мене из глубины несодержимых страстей возведи, молюся: да приложу призрети ми к Храму святому Твоему.

Телеса предавше на раны Божественнии мученицы, мучителей рукам,

веселяхуся душею: Божественное бо зряху воистинну, присносущное радование и Божественная воздаяния.

Слава премудрым святителем и преподобным Ты еси, Христе: молитвами их Твоя люди ущедрю, ихже своею кровию стяжал еси, яко Человеколюбец.

От Тебе, Господи, просвещающа умом пророцы, проявляют ясно дальняя якоже близ: жены же силою Твоею державу вражю разрушиша, страданием и постом.

Слава: Преставления от нас верныя рабы Твоя, ликом избранных сопричтав блаже, упокой, Господи, вся тех согрешения презирая за милосердие.

Богородичен: Создавый в начатце Еву, Господи, Девы в ложесна вшед, наше соделоваеши обновление в рабий образ оболкса, иже Владыка всяческих.

Ин Ирмос: Обыде мя бездна, гроб мне кит бысть: аз же возопих к Тебе Человеколюбцу, и спасе мя десница Твоя, Господи.

Воинство мученик Твоих, вышним силам подобящися, Христе, молят Тя, подаждь Человеколюбче, преставленным еже от Тебе наслаждение.

В местех прохлаждения, в местех святых светлости, в местех ослабления, Христе, яко человеколюбец, ихже приял еси, учини рабы Твоя.

Слава: Очисти рабы Твоя, и тем согрешений прощение подаждь, Человеколюбче, и жизни сподоби нетленной, и блаженному наследию.

Богородичен: Зачатия безсеменнаго Твоего, кто словом изрещи может чудесе, Всенепорочная: Бога во родила еси, за милосердие к нам пришедша.

Песнь 7

Ирмос: Огня гасилице отроков молитва, орошающая пещь, проповедница чудесе, не опаляющи, ниже сожигающи песнословцы Бога Отец наших.

Вы разжизаеми лютых мучений огнем, любление теплейшее мученицы славнии покажете ко Господу, прохлаждающе вас помыслом благочестивым.

Премудростию духа украсившися премудрии, и светло пожисте, священнодействующе благодати Еванглия, и яко Божия служители похваляем вас.

Вы умертвивше плоть болезнями многими, жизни сподобистесь будущия, преподобнии, молящися сию получитьи нам умерщвленым страстей приложенными.

Блаженный лик Божиих пророк, и жен собор, подвигшыся постом, и

страданием низложившыя врага, да похвалятся верно.

Слава: Мёртвым приобщився всех жизнь слове, ныне оставльших жития мятеж, ко пристанищу Твоему Божественному управи, согрешения их презирая, Блаже.

И ныне: Иже Богородицу Тя мудрствующи разумом правым, огня вечнаго и тьмы да избавимся ходатайством Твоим, Владычице, и невидимых враг борющих нас.

Ин Ирмос: В печи огненной песнословцы спасый отроки, благословен Бог отец наших.

Ныне неприступнаго света насытитися, подаждь, Спасе, преставленным, мольбами страстотерпец Твоих.

В Церкви первенец, Христе, в вере скончавшихся, Щедре, сопричти.

Слава: Украшены одеждами нетления Твоя Рабы, преставленья к Тебе, Спасе, упокой.

И ныне: Ток смертнаго существа отсекала еси, Пречистая, жизнь без семени зачавши, Всенепорочная.

Песнь 8

Ирмос: Ангелов сонм, человеков собор, Царя и Зиждителя всех, священницы пойте, благословите левити, людие превозносите во вся веки.

Преплывше мучений пучину окормлением слова, страдальцы кровей течением погрузите вся полки лстываго, и живете во веки.

Премудрии бывше священноделателие, священно на воде православия вам вверенное стадо препитаєте: воистинну сладости красных потоков наслаждаетеся во веки.

Светила преподобнии верным явистеся, яко совершивше дела света, и к Божественней светлости представистеся: тьмы нас свободити молитесь Владыце.

Веселися сословие женское, почестей исполнение всяких приемшее ранами, и лик радуйся пророческий, и праведных, угодивших Христу во веки.

Слава: Оружие обращающееся ныне, даждь, Владыко, невозбранно пройти, преставленным от жития рабом Твоим: внутрь рая тех вселяя, яко един милостив.

Богородичен: Яко врата вводящая к Божественному входу, яко добровосходную лестницу Божию, яко спасающимся незаблудную наставницу, обрадованную воспойм Деву Марию.

Ин Ирмос: Из Отца прежде век рожденнаго Сына и Бога, и в последняя лета воплощеннаго от Девы Матере, священницы пойте, людие превозносите во вся веки.

Иже святых мученик подвиги приемый, и тех ради упокояй в вере Твоей усопшыя, Тебе, Спасе, поем, и превозносим во вся веки.

Премірныя Твоея славы сиянием озарятися, яже от нас преставленныя сподоби, яко благоутробен, Тебе, Спасе, поющыя, и превозносящыя во вся веки.

Слава: С лики святых, ихже преставил еси, учини, и Аврааму, в недрах с Лазарем причти Тебе, Спасе, поющих, и превозносящих во вся веки.

Богородичен: Украшена добротою чистоты, Дево Мати, добротворнаго благолепия жилище бывши: темже Тя поем, и превозносим Чистую во вся веки.

Таже, поем песнь Богородицы: Величит душа моя Господа:

Песнь 9

Ирмос: Яко сотвори Тебе величия Сильный, Деву явль Тя чисту по рождестве, яко рождшую без семене Своего Творца: тем Тя Богородицу величаем.

Священнодейственнии пастырие пророк святых лик, праведных неизчетное множество: мучеников собор, священными песнями да улажаются: молящися спастися душам нашим.

Яко чудный постничествовав преподобных собор премудренно, чудес показанными многими ныне удивися: тех мольбами, дивный Господи, удиви на всех милости Твоя.

Со священномученики скончавшими течение добре, жен безчисленное множество пострадавшее и постившееся, любовью да улажается верно, со ангельскими лики пребывающее.

Слава: Святых всех множество молит Тя слове: упокой множества яже в вере от земли преставленныя, за множество милости, яже содеяная ими в житий, презирая согрешения.

Богородичен: Умовредно грехи содеях многи Дево, мучения ожидаю прочее, от негоже мя избави, несумненным сердцем к Тебе приходящаго, и Божественный покров Твой призывающа.

Ин Ирмос: Тя паче ума и словесе Матерь Божию, в лето Безлетнаго неизреченно рождшую, вернии единомудренно величаем.

Страданий священных мученицы, воздаяния приемше, даровати Тя ныне молят, верою преставленным, Спасе, ослабление.

Умерщвление претерпел еси, Едине Спасе Безсмертне, иже воскресение мертвым подая яко благоутробен, и безсмертия светлость.

Слава: Исправил еси нас падших в смерть, и на живот вечный надеяться научил еси, егоже улучшить Твоим рабом, Спасе, даруй.

Богородичен: Закона сени преидоша рождеством Твоим, истина

возсия, благодать даровася Богородице: темже Тя величаем.

Таже, Достойно есть: И поклон. Посем ектения, и светилен, и псалмы обычны.

На хвалитех стихиры мученичны, глас 5:

Благословено воинство Небеснаго Царя: аще бо и земнородни беша Стратотерпцы, но Ангельский сан тщахуся достигнути, о телесех нерадивше, и страстей ради безплотных сподобишася чести. Темже молитвами их, Господи, спаси души наша.

Страстносцы Твой, Господи, чином ангельским уподобльшеся, яко безплотнии, муки претерпеша, и единомысленно упование имуще, обещанных благ наслаждение. Молитвами их, Христе Боже, помилуй нас.

Святии мученицы, на земли подвигшеся, мраз претерпеша, и огню предашася, вода их прият. Тех есть глас: проидохом сквозе огонь и воду, и изведе ны в покой. Тех молитвами, Боже, помилуй нас.

В муках суще святии, радуящеся вопияху: купля нам суть сия ко Владыце. Вместо бывающих ран на телесех, светлое одеяние в воскресение процветет нам, за безчестие венцы, за узы темничныя рай: и за еже со злодеи осуждение, еже со ангелы житие. Молитвами их, Господи, спаси души наша.

Ты создавый мя, Господи, и положи на мне руку Твою, и заповедав ми рекл еси: в землю паки пойдеши. Настави мя на правый путь Твой, прощаю мне прегрешения, ослаби ми, и спаси мя, молюся, яко Человеколюбец.

Слава, и ныне, Богородичен: Оле окаянная душе! Кий ответ имаши рещи Судий во он час, егда престолы поставятся на Суде, и Судия придет от Небес, сошед со тьмами ангельскими? Егда сядет на Судищи, прю сотворити с рабы непотребными, подобными мне, что отвещати имаши? Чтоже принести тогда? поистинне ничтоже, ум и тело осквернивши Твое. Темже припади к Деве, и зови непрестанно, подати тебе богато грехов прощение.

На стиховне стихиры покойны, глас 5:

Подобен: Радуйся:

Светом лица Твоего, Христе, преставленья яко щедр просвети. Всели я в место злачно, при водах Твоего чистаго и Божественнаго покоя, в желаемых недрах Авраама праотца, идеже свет Твой чисте сияет, и проливаются источники благостыни: идеже ликуют ясно веселящеся праведных всех собори о Твоей благодати. С нимиже учини рабы Твоя, подаю им велию милость.

Стих: Блажени, яже избрал и приял еси, Господи.

Пети всесоставными гласы, славословити же Твою державу, благоволи,

Щедре, преста́вльшыся от привре́менных к Тебе́ Влады́це все́х и Бо́гу нашему, пода́я красо́тою Твое́ю освещáтися, и сладкаго и краснаго причáстия Твоего́, восприя́ти же и наслажда́тися чистейше: иде́же о́крест престо́ла Твоего́ лику́ют А́нгели, и святы́х ли́цы радостно обстоя́т. С ними́же Твои́м рабо́м поко́й пода́ждь, и велию́ милость.

Сти́х: Ду́шы их во благо́их водворя́тся.

Иде́же проро́ков ли́к, апо́столов и му́чеников чи́нове, и вси́ и́же от ве́ка оправдившиися Твое́ю спаси́тельною стра́стию и кро́вию, е́юже искупил еси́ пленена́го челове́ка, та́мо ве́рою усо́пшыя упоко́й, я́ко Человеколюбец, проща́яй согреше́ния: Еди́н бо безгре́шен на земли́ пожил еси́ свят вои́стинну, Еди́н во умерших свобо́дь. Те́мже Твои́м рабо́м поко́й пода́ждь, и велию́ милость.

Сла́ва, и ны́не, Богоро́дичен: Зако́ном грехо́вным на́с порабоще́нных свободи́ла еси́ Влады́чице, в ложесна́х Законода́вца и Царя́ Христа́ заче́нши, Еди́на Де́во Ма́ти, И́мже оправда́емся ту́не, и благода́тию: Е́гоже ны́не моли́, ду́шы ве́дущих Тя́, Богома́терь, написа́ти в кни́зе живо́тней, я́ко да хода́тайством Твои́м спасше́ся, Всенепоро́чная, Сы́на Твоего́ любезное изба́вление получи́м, Тому́ покланя́ющеся, пода́ющему ми́рови велию́ милость.

В суббóту блажéнны, глáс 5:

Разбóйник на крестé Бóга Тя бы́ти ве́ровав, Христé, испове́да Тя чисте от се́рдца, помяни́ мя, Го́споди, вопия́, во Ца́рствии Твоём.

Сти́х: Блажéни изгна́ни пра́вды ра́ди, яко́ те́х е́сть Ца́рство Небе́сное.

Началозлобнаго врага́, умерше́ мученицы́, погубисте́, и възды́осте к вы́шним, венчавше́ся Божественными́ победами́, и Царю́ всех Бо́гу предста́сте.

Сти́х: Блажéни есте́, егда́ поно́сят ва́м, и изжену́т, и реку́т вся́к зóл глаго́л, на вы́ лжу́ще Мене́ ради́.

Священства́ све́том святителие́ просвещáеми просла́вишася, и преподо́бных мно́жество присносу́щный получи́ша живо́т: те́мже ублажа́еми суть.

Сти́х: Радуйте́ся и веселите́ся, яко́ мзда́ ва́ша мно́га на Небесéх.

С ли́ки избра́нных на ме́сте, Влады́ко, ослаблéния, ихже́ преставил еси́, всели́ Сло́ве, презре́в Христé, яже́ на земли́ те́х согрешéния.

Сла́ва: О Трои́це честна́я! Святители́ей и мучени́к честных́ подвиги́ умоле́на буди́: верою́ умерших́ душа́м спасéние даруй, и ве́лию ми́лость.

И ны́не: Яже́ невместима́го все́ми, богорадованная́ вместила́ еси́, и ро́ждши па́че естества́ и слова́, того́ милостива́ бы́ти все́м, Влады́чице, умоли́.

Конецъ́ пя́тому глáсу.

Глас 6

Суббота

В суббóту вéчера, на мáлей вechérни

на Гóсподи, воззва́х, **поставим стихо́в 4. И поём 3, воскрeсны глása, повторяюще пeрвую. Глaс 6:**

Стих: От стражи у́тренняя до но́щи, от стражи у́тренняя, да упова́ет Израи́ль на Гóспода.

Побeду имeя, Христe, ю́же на а́да, на Крeст возшeл еси́: да во тьмe смeрти сeдящья воскресиши с Собoю, И́же в мeртвых Свобoдъ: Источая́ живoт от свoегó Свeта, Всесильнe Спáсе, помилуй нáс.

Днeсь Христос смeртъ поправ, я́коже речe, воскрeсе, и рáдование мiрови дарoва, да вси́ взывающе, пeснь тако́ рцeм: Источниче жизни, Неприступный Свeте, всесильнe Спáсе, помилуй нáс.

Тебe, Гóсподи, Сущаго по всeй твaри, грeшнии кáмо бежим; на Нeбеси́ Сáм живeши: во аде попра́л еси́ смeртъ: во глубины́ морски́я; тáмо рука́ Твоя́, Влады́ко. К Тебe прибегаeм, Тебe припадающе мо́лимся: Воскрeсьи́ из мeртвых, помилуй нáс.

Слáва, и ны́не, Богорóдичен: Достóйно eсть я́ко воистинну́ блажити́ Тя, Богорóдицу: в Твоe бо пречистое вшeд чрeво всeх Содeтель, плoть бысть, не прeложився естeством, ни́же мечтáвся о смoтрeнии: но восприятeй из Тебe словeсно одушевлeннeй плoти соединився, по Ипocтáси. Отнюдуже благочeстно, во обоих естeствах являющихся, рáзнство творим. Тогó моли, Чeстная́ Прeсвята́я, низпocлати нáм мир и велию́ милoсть.

Тáже, Свeте тихий: Посeм проки́мен: Госпoдь воцарися: **Три́жды. Стих:** Облечeся Госпoдь в силу́, и препоясeся. **Тáже,** Сподoби, Гóсподи, в вeчeр сeй:

Иерей же ектений не глаголет, но поём на стихoвне стихи́ру воскрeсну, глaс 6:

Воскрeсение Твоe, Христe Спáсе, áнгели пою́т на нeбесeх, и нáс на землe сподoби, чистым сeрдцем Тебe славити.

И инья стихи́ры Прeсвяты́я Богорóдицы.

Подобен: Всю́ отложивше:

Стих: Помяну́ имя Твоe во всяком рoде и рoде.

Клятвoю я́ко обеща́ Твоeму́ праотцу́ дрeвле Бoг прeлeтный, в послeдняя лeта соверши́, произшeд, Пречистая, от чрeва Твоeгo Божeственнаго: и́бо воистинну́ возсия́ из Тебe Госпoдь, длáнию содержáй концы́, Егoже и мнe благоувeтлива сотвори́ в час судный, Дeво Мариe, Тогó Цáрствия мя́ получи́ти, добродeтелей́ возвышeнием, и страстeй

умерщвлѣніем.

Стих: Слыши, Дщи, и виждь, и приклони ухо Твое.

Ума чистотою Исаиа, Дево, издавеча прорече, родити имущую Создателя всея твари, Тя, Честная Пречистая: Ты бо явилася еси едина во веки, Всенепорочная. Темже Тя молю: оскверненую мою душу очисти, и светлости Божественныя общника мя покажи, и Божественнаго Сына Твоего стояния деснаго, егда сядет, якоже писано есть, судити миру всему.

Стих: Лицу Твоему помолются богати людстии.

Смерти разрушение Рождеством Твоим явися, Ты бо, Отроковица, еси живота нетленнаго пребывание. Темже Тя молю: во гробех адовых страстей моих слежаша Ты воскреси, и к веселию и оживлению, Дево, руководи, ко блаженному воздаянию, и негиблемыя и Божественныя сподоби радости, идеже сладость присносущная, идеже свет невечерний.

Слава, и ныне, Богородичен: Приидите, вси языцы, во гласе радования Пресвятую Деву и Богородицу восхвалим, человеческого существа горнило, неизреченных чудес делателище, о Той бо быша новая: Безначальный начинается, Слово одебелевает, Бог Человек бывает, да бога человека соделает, не пременением естеств, но соединением по Ипостаси: происходит бо един от двою сопротивных, во двоих совершенных естествах нераздельне познаваемый, хотетьельне же и детельне по обою существу: Тойже по истотному веруемь бывая, ради спасительнаго смотраения Христос Бог наш, миру подавая очищение, мир и велию милость.

Таже, Ныне отпускаеши: Трисвятое. По Отче наш: Тропарь воскресен. Слава, и ныне, Богородичен его. И отпуст.

В субботу на велицей вечерни,

на Господи, воззвах, поставим стихов 10: и поем настоящия стихиры воскресны, глас 6:

Стих: Изведи из темницы душу мою, исповедатися имени Твоему.

Победу имея, Христе, юже на ада, на Крест возшел еси: да во тьме смерти сидящия воскресиши с Собою, Иже в мертвых свободь, источая живот от Своего света, всеильне Спасе, помилуй нас.

Стих: Мене ждут праведницы, дондеже воздаси мне.

Днесь Христос смерть поправ, якоже рече, воскресе, и радование миру дарова, да вси взывающе, песнь тако рцем: источниче жизни, неприступный свете, всеильне Спасе, помилуй нас.

Стих: Из глубины воззвах к Тебе, Господи, Господи, услыши глас мой.

Тебе, Господи, сущаго по всей твари, грешнии камо бежим? На небеси Сам живещи, во аде попрал еси смерть, во глубины морския? Тамо рука Твоя, Владыко. К Тебе прибегаем, Тебе припадающе молимся: Воскресый из мертвых, помилуй нас.

Ины стихиры Анатолиевы, глас тойже.

Стих: Да будут уши Твой, внимлюще гласу моления моего.

Крестом Твоим, Христе, хвалимся, и Воскресение Твое поем и славим: Ты бо еси Бог наш. Разве Тебе инаго не вемы.

Стих: Аще беззакония назириши, Господи, Господи, кто постоит? Яко у тебе очищение есть.

Выну благословяще Господа, поем Воскресение Его: Крест бо претерпев, смертью смерть погуби.

Стих: Имене ради Твоего, потерпех Тя, Господи, потерпе душа моя в слово Твое, упова душа моя на Господа.

Слава силе Твоей, Господи, яко упразднил еси державу имущаго смерти: обновил еси нас Крестом Твоим, даруя нам живот и нетление.

Стих: От стражи утренния до нощи, от стражи утренния да уповает Израиль на Господа.

Погребение Твое, Господи, узы адовы сокрушившее растерза: еже из мертвых воскресением¹⁰ мир просвети, Господи, слава Тебе.

Ины стихиры Богородице, творение Павла Аморрейскаго, глас 3:

Стих: Яко у Господа милость, и многое у Него избавление: и Той избавит Израиля от всех беззаконий его.

Видящи немощь мою телесную, и душевное страдание, и сердечное озлобление, посещения сподоби мя Божественнаго, Всенепорочная Дево,

спаси́ мя, молю́ся, тёплыми Тво́ими моли́твами.

Сти́х: Хвалите Го́спода вси́ язы́цы, похвалите Его́ вси́ лю́дие.

Всёх преидо́х, Влады́чице, согрешёнными: но мно́жества сих, Де́во, очи́щи, милостей получи́ти ми, Чистая, сподо́би, в бу́дущем суде́ Сы́на и Бо́га Твоего́.

Сти́х: Я́ко утверди́ся ми́лость Его́ на нас, и и́стина Госпо́дня пребыва́ет во ве́к.

Мно́жество согрешёний мо́их, зову́щаго очи́сти, Чистая, и чу́вствий мо́их неуста́вная движе́ния, моли́твенным мечём ссецы́: я́ко да ве́рою и любóвию пою́ Твое безсе́менное Рожде́ство.

Сла́ва, и ны́не, Богоро́дичен: Ктó Тебе́ не ублажи́т, Пресвята́я Де́во? Ктó ли не воспоёт Твоего́ Пречи́стаго Рожде́ства? Безлётно бо от Отца́ Возсия́вый Сын Еди́нородный, Тойже от Тебе́, Чисты́я, про́йде, неизрече́нно вопло́щся, естество́м Бо́г сый, и естество́м быв Че́ловек нас ради, не во двою́ лицу́ Разделя́емый, но во Двою́ Естеству́ неслитно Познава́емый. Того́ моли, Чистая, Всеблаже́нная, поми́ловатися душа́м нашим.

Та́же, Све́те тихий: Прокі́мен дне́: Госпо́дь воцари́ся: И прóчее по обы́чаю.

На стихо́вне стихи́ры. Гла́с 6:

Воскресе́ние Твое́, Христе́ Спа́се, А́нгели пою́т на Небесе́х, и нас на земли́ сподо́би, чи́стым сердцем Тебе́ славити.

По алфави́ту.

Сти́х: Госпо́дь воцари́ся, в ле́поту облече́ся.

Врата́ сокруши́в медная, и вереи́ а́довы сотры́й, я́ко Бо́г всеси́лен, ро́д че́ловеческий па́дший воскресил еси́. Сего́ ради́ и мы́ согла́сно вопие́м: Воскреси́й из ме́ртвых, Го́споди, сла́ва Тебе́.

Сти́х: И́бо утверди́ вселе́нную, я́же не подви́жится.

Тле́ния нас дре́вняго Христо́с испра́вити хотя́, на Кресте́ пригвожда́ется, и во гробе́ полага́ется, Его́же мироно́сицы жены́ со слеза́ми иска́ху, плачу́ща глаго́лаху: увы́ нам, Спа́се все́х, како́ изво́лил еси́ во гробе́ вселитися? Всели́выйся же хотя́, како́ украде́н бы́л еси́? Како́ преложи́лся еси́? Ко́е же ме́сто Твое́ Живо́нное сокры́ Тело́? Но, Влады́ко, я́ко обеща́лся еси́ нам я́вися, и уто́ли от нас рыда́ние слез. Плачу́щимся же им, А́нгел к ним возо́пи: от пла́ча преста́вша Апо́столом рцы́те, я́ко воскре́се Госпо́дь, ми́рови да́руя очи́ще́ние, и ве́лию ми́лость.

Сти́х: До́му твоему́ подо́ба́ет святы́ня, Го́споди, в долготу́ дний.

Распный́ся я́ко восхотел еси́, Христе́, и сме́рть погребени́ем Тво́им Пленивы́й, тридне́вен воскре́сл еси́, я́ко Бо́г со сла́вою, ми́рови да́руя

безконечную жизнь, и велию милость.

Слава, и ныне, Богородичен: Творец и Избавитель мой, Пречистая, Христос Господь из Твоих ложищ прошед, в мя оболкийся, первыя клятвы Адама свободи. Темже Ти, Всечистая, яко Божии Матери же и Деве, воистинну вопием немолчно: радуйся Ангельски, радуйся, Владычице, Предстательство и Покрове, и Спасение душ наших.

Таже, Ныне отпускаеши: Трисвятое, и по Отче наш:

Тропарь воскресен, глас 6:

Ангельския Силы на гробе Твоем, и стрегущи омертвеша: и стояше Мариа во гробе, ищущи Пречистаго Тела Твоего. Пленил еси ад, не искусився от него: сретил еси Деву даруяй живот. Воскресый из мертвых, Господи, слава Тебе.

Слава, и ныне, Богородичен: Благословенную нарекий Твою Матерь, пришел еси на страсть вольным хотением, возсияв на Кресте, взыскати хотя Адама, глаголя ангелом: срадуйтесь Мне, яко обретется погибшая драхма, вся мудре устройвый, Боже наш, слава Тебе.

Посем отпуст,

В суббóту на повечéрии

Канóн пресвяте́й Богоро́дице. Гла́с 6:

Пéснь 1

Ирмо́с: Я́ко по су́ху пешешествовав Израи́ль по бездне стопа́ми, гонителя́ фарао́на ви́дя потопля́ема, Бо́гу побéдную пéснь поим вопия́ше.

Припе́в: Пресвята́я Богоро́дице, спаси́ нас.

Неоску́дну благода́ть иму́щи я́ко Божéственную, Ма́ти Безневéстная, к Тебе́ прибега́ющих не презри́, от бе́д и скорбе́й присно спаса́ющи.

Се вре́мя наста́ моего́ уны́ния, востани́, Пречиста́я Влады́чице, и по́мощи даждь ми́ руку: Ты бо мир Божéственного весéлия испо́лнила еси́.

Сла́ва: Державный́ твой покрóв, Богороди́тельнице, я́ко заступни́ца су́щи, даждь ми́ вскоре напáстыми одержиму́, и невре́дна от сих сохрани́ мя.

И ны́не: Души́ мое́й сме́рть притека́ет, искуше́ния же ненави́дящих, я́ко а́спиды обыдо́ша погуби́ти мя: но Сама́ мя, Богоро́дице, спаси́.

Пéснь 3

Ирмо́с: Разшири́шася на враги́ моя́ уста́ моя́, я́ко утверди́ся о Го́споде се́рдце мое́.

Умерщвлéнную ду́шу мою́ прегрешéньми, Живóт я́ко рóждшая, Богоро́дице, оживи́.

От всяка́го искуше́ния соблюди́, к Тебе́ прибега́ющих, Богоро́дице, упова́ние наше.

Сла́ва: От воста́ющих на мя напáстей го́рько, спаси́ мя, Ма́ти Го́спода моего́ Пренепоро́чная.

И ны́не: Я́же ми́рови спасéние пода́ющи Божéственным Рождество́м Твои́м, от бе́д мя премени́.

Пéснь 4

Ирмо́с: Услы́ша проро́к пришéствие Твоё́, Го́споди, и убоя́ся, я́ко хо́щещи от Дéвы роди́тися, и челове́ком яви́тися: и глаго́лаше: услы́шах слух Тво́й, и убоя́хся: сла́ва си́ле Твоёй, Го́споди.

Изнемо́же ницето́ю крéпость души́ мое́я, Богороди́тельнице, и лю́тое на мя омра́чение нападé, от прегрешéний иму́щее нахо́д: при́зри я́ко светоно́сный о́блак Бо́жий: и просвети́ мя, молю́ся.

Бу́ри зóл моих, и смущéние прегрешéний, преложи́ в ти́шину спасéния, я́ко су́щи пристани́ще, Всенепоро́чная: рыка́юще ищут мя, я́ко льво́ве пожрети́, па́губы те́х изба́ви мя, молю́ся.

Сла́ва: В но́щи и во днí, на земли́ же и в мо́ри, и на вся́ком мéсте,

спасѣние твѣрдо сущи, Богородице, покрове непобѣдимый, спасай мя: по Бозе бо на Тя воистинну христіане уповаем.

И ныне: От великих и различных прегрешений же и напастей, всегда спасаеши мя: темже яко рождшую Тя Господа молю, и к Тебе прибегаю, непобедимей помощи скорбящим: от бед изведи мольбами Твоими.

Пѣснь 5

Ирмос: Свѣт возсияй міру, Христе, просвети сердце мое от нощи Тебе зовуща, и спаси мя.

Спасения Тя покров славим, Слова Мати, Всенепорочная, навѣт не боящися человеческих.

Имуще Тя стѣну небориму, искушений же и печали востания избавляемся, Пречистая.

Слава: Изми мя от злых человек языка, Чистая: якоже бо бритва изострися, погубити иский душу мою горько.

И ныне: Прилежно Ти припадаю, моляся: яко Мати Зиждителя моего, одержащих мя бед свободи.

Пѣснь 6

Ирмос: Китом пожрен греховным, вопию Тебе, Христе, яко пророка из истления мя свободи.

Горести вкус прием, Божественныя сладости отчуждихся, Пречистая, темже вопию Ти: даруй ми помощь.

Омрачение страстей, раба мя тли содела: темже Свѣт рождшая, свободи мя, Владычице.

Слава: Согласно Тебе и верно исповедаюся, Пречистая, и пожру Ти жертву, Тобою избавлься скорби.

И ныне: Отверзошася на мя неправды уста, Владычице: темже мя яко Заступница, сих вскоре свободи.

Таже, Господи, помилуй, трижды: Слава, и ныне:

Кондак, глас 6: Предстательство христіан непостыдное, ходатайство ко Творцу непреложное, не презри грешных молений гласы: но предвари яко Благая на помощь нас, верно зовущих Ти: ускори на молитву, и потщися на умоление предстательствующи присно, Богородице, чтущих Тя.

Пѣснь 7

Ирмос: Росодательну убо пещь содела ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

Искушения души моея, юже тучнии юнцы ныне обыдоша, Пресвятая Дѣво, Сама мя сих свободи.

Защища́ющи то́чно, в бедé су́щих и в печáли, ра́дость, Богоро́дице, пода́еши всегда́.

Сла́ва: Побежде́на мя́ всего́ отча́янием де́л и печáли, огради́ мя, Де́во, я́ко покрóв все́м неруши́мый.

И ны́не: Предста́тельством Твои́м избавля́емся бе́д и скорбе́й, и обрета́ем бога́тство ве́лие неисто́щаемо.

Песнь 8

Ирмо́с: Из пла́мене преподо́бным ро́су источи́л еси́, и пра́веднаго жёртву водо́ю попали́л еси́: вся́ бо твори́ши, Христе́, то́кмо е́же хотети́, Тя́ превозно́сим во вся́ веки́.

От челове́ческих снеда́юся озлобле́ний, и молю́ся Богоро́дице, изба́ви мя́ су́етнаго сове́та их.

Победи́хся в печáлех искуше́нии мои́ми, и молю́ся Влады́чице, от си́х мя́ спаси́ невреди́ма.

Сла́ва: Спаси́ мя, Чи́стая, от челове́ка льсти́ва, и язы́ка, и у́ст, и мучите́льства, и вся́кия ну́жды.

И ны́не: И́же нра́вом прельща́ем е́смь, без отве́та сый, к Богоро́дице зову́: вся́ческих мя́ изба́ви зол.

Песнь 9

Ирмо́с: Е́же ра́дуйся от А́нгела прии́мшая, и ро́ждшая Созда́теля Своего́, Де́во, спаси́ Тя́ велича́ющыя.

Милостива́ ми́ в печáлех жити́я, Богоро́дице, бу́ди, и спаси́ от бе́д ны́не прибега́ющаго к Тебе́.

Войстинну́ еди́на на земли́ и в мо́ри яви́лася еси́, Чи́стая, кро́в неразори́мь, прибега́ющим Ти́ несумне́нною душе́ю.

Сла́ва: Без ума́ себе́ вся́ческими порабо́тившу лю́тыми паде́ньми, мольба́ми Твои́ми свобо́ду пода́ждь ми́, Всепе́тая.

И ны́не: Тя́ наде́жду и заступле́ние твёрдо стяжа́в, Чи́стая, велича́я Тя́ я́ко Богоро́дицу, песнь веро́ю сконча́ваю.

Та́же, Досто́йно е́сть: И Трисвято́е. **и по** О́тче на́ш: конда́к гла́са. **И** проче́е по обы́чаю, и отпу́ст.

Неделя

В недѣлю ўтра, на полунощнице

Канон Пресвятѣй и Живоначальной Троице, [егоже краестрочие: Шестое пение приношаю тебе Божество.] Творение Митрофаново. Глас 6.

Песнь 1

Ирмос: Яко по сѹху пешешествовав Израиль по бѣдне стопами, гонителя фараона видя потопляема, Богу побѣдную песнь поим, вопияше.

Припев: Пресвятая Троице Боже наш, слава Тебе.

Три ипостаси поем Богоначальныя, Единственного естества неизменный зрак, Благаго Человеколюбца Бога, прегрешений очищение нам дарующа.

Пресущный еди́не, и трисия́нный начертаньми Господи, в Божестве́ еди́ном Сый, вразуми нас, и сподоби Твоего́ Божественнаго сия́ния.

Слава: Невестоукрашив Павел, юже от языкъ Церковь, Единому Тебе́ Триипостасному Богу поклоняться научи, от Негоже, и Имже, и в Немже вся быша.

И ныне, Богородичен: Из чрева Твоего́ пройде умное, Богородице, Солнце, и осия нас Трисветлаго Божества зарями: Егоже поюще, благочестно Тя ублажаем.

Песнь 3

Ирмос: Нестъ свят, якоже Ты, Господи, Боже мой, вознесый рогъ верныхъ Твоихъ, Блаже, и утвердивый нас на камени исповѣдания Твоего́.

Украшив Трисветлый Боже чины небесныя, устроил еси пѣти Тя трисвятыми гласы: с нимиже приими и нас воспевающихъ Твою́ благость.

Едино непреложное Трои́чное, сообразное единственное Богоначалие поюще, молим Тя тепле, греховъ многихъ низпослати ны́не намъ прощѣние.

Слава: Уме Безначальный Отче, сообразный Божий Слове, и Душе Божественный, Благий и Правый, воспевающыя верно Твою́ державу, соблюди́ яко Благоутробен.

И ныне, Богородичен: Па́жить потреби́ тли, человекъ по существу́ бывъ Богъ мой, во утробѣ Твоей, Чистая: и родоначальники пре́жняго осуждения Единъ свободи́.

Таже, Господи помилуй, **трижды.**

Седален, глас 6. Подобен: Е́же о нас:

Владыко Бо́же, призри с Небесе́, и ви́ждь наше смире́ние яко Ще́др, и умилосердися, Человеколюбче Преблагий: ни откуда́ бо наде́емся прощѣние получи́ти злыхъ, ими́же согрешихом. Те́мже буди с нами, и никто́же на ны́.

Слава, и ныне, Богородичен: Владычице Чистая, призри, Богородице, виждь наших язв болезни, и умилосердися, Пречистая, и исцели совестное жжение, Твоею милостию орошаючи, и вопиючи рабом Твоим: Аз есмь с вами, и никтоже на вы.

Песнь 4

Ирмос: Христос моя сила, Бог и Господь, честная Церковь, боголепно поет зываючи, от смысла чиста о Господе празднуючи.

Возвышай мысль, Единице Трисветлая, и душу и сердце Твоих певец скоро возведи, и сияния Твоего и светлости сподоби.

Претвори и преобрази от злобы мя всякия к добродетели, Единая неизображенная, и неизменная Троице, и Твоими зарями просвети.

Слава: Помыслив прежде, мудре составил еси Ангелов чины, служительныя Твоея благодати, Триипостасная Единице, с нимиже прими мою хвалу.

И ныне, Богородичен: Иже естеством несозданный Бог Присносущный, созданное восприем человеческое естество, возобрази во Святей Твоей утробе, Богородице Приснодево.

Песнь 5

Ирмос: Божиим светом Твоим, Блаже, утренующих Ти души любовию озари, молюся: Тя ведети, Слове Божий, Истиннаго Бога, от мрака греховнаго зывающа.

Помышляюще естество Богоначальное, промыслительное и спасительное всех сущее, Владыко, Трисветлое же едино, к Тебе утренуем, прощения просяще грехопадений.

Отче Безначальный Боже, и Соприсносущный Сыне, и Душе Святой, утверди Единоначальная Троице Твоя певцы, и от всякия напасти избави и скорби.

Слава: Управляяй сияньми Богодетельными, и к благоугождению Твоего Триипостаснаго Божества, Солнце Славы, наставляя мя присно, и Божественнаго Царствия сотвори причастника.

И ныне, Богородичен: Иже вся носяй и соблюдаяй всесильною Твоею рукою, Слове Божий, неизменно, сохрани и соблюди Тя славящия, молитвами Рождшия Тя Богоматере.

Песнь 6

Ирмос: Житейское море воздвигаемое зря напастей бурю, к тихому пристанищу Твоему притек вопию Ти: возведи от тли живот мой, Многомилостиве.

Премудрость и разум, Богоначалие Трисветлое певцем Твоим даруй, и доброты лучами светодетельныя Твоея благодати, осияватися всех сподоби.

[Дважды.]

Слава: Свѣте Нераздѣльный по существу, Трисианне, Вседержительне, Неприступне, сердца озари верно хвалящих державу Твою, и к Божественней любви вперѣ.

И ныне, Богородичен: В Тя вселися, Приснодево, яве Вседержитель и Господь всех, и Единому Трисианному зраку Божества человеки поклонятися научи.

Господи, помилуй, **трижды.**

Седален, глас 6: Подобен: Еже о нас:

Отче и Сыне со Духом Святым, призри на ны верою Тебѣ поклоняющыяся, и славящыя державу Твою, Благоутробне, со огненными брѣннии, иного бо разве Тебѣ не вѣмы, и возопий поющым Тя: Аз есмь с вами, и никтоже на вы.

Слава, и ныне, Богородичен: Призри на ны, Всепѣтая Богородице, возсияй просвѣщеніе сердцам омраченным, и озари стадо Твое, Пречистая. Елико бо хочещи и можещи, яко Мати сущи Зиждителя Твоего, и возопий молящым Тя: Аз есмь с вами, и никтоже на вы.

Пѣснь 7

Ирмос: Росодательну убо пещь содела Ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

Крепкую мнѣ мысль устрой Трисвѣтлая начертанными Единице, еже хранить и соблюдать Божественныя заповѣди Твоя, и всегда пѣти Тебѣ верно: благословен еси, Боже отец наших.

Яко тождеством естества поемый, неизреченно Единственный Боже, Лицы же Троицы нося число, соблюди всех нас от различных искушений и обстояний.

Слава: Соестественна и Соприсносущна славим, Единого Тя по существу Бога, свойства неслиянне Ипостасными Троице, различное просто предлагающе, во зраце непрѣменном яве.

И ныне, Богородичен: Бог Пресущный прият, Пречистая, от чрева Твоего чистаго наше человеколюбѣзне смешение яве, и всех научи вопити: благословен еси, Боже отец наших.

Пѣснь 8

Ирмос: Из пламене преподобным росу источил еси, и праведнаго жертву водою попалил еси: вся бо творяши, Христе, токмо еже хотѣти: Тя превозносим во вся веки.

Очищение прегрешений скоро подаждь ми, и страстей многообразных избавление, сообразная Троице, Единице Триипостасная: да Тя славлю во

вся́ ве́ки.

Воли́тель ми́лости извѣствован, яко́ Бо́г ми́лостив, все́х поми́луй, Трисвѣтлая́ Еди́нице и Трои́це Преблага́я, славосло́вящих Твое́ величест́вие.

Сла́ва: От Свѣта́ Присносу́щнаго Отца́, Свѣта́ Соприсносу́щна ро́ждшася́ Сло́ва, со Ду́хом исхо́дным Свѣтом, ве́рою сла́вим, и превозно́сим во вся́ ве́ки.

И ны́не, Богоро́дичен: Врача́ челове́ком, Пречи́стая, родила́ еси́ Всеси́льнаго Сло́ва, Христа́ Го́спода, прародительны́я язвы́ все́х исцеля́юща, превознося́щих Его́ во ве́ки.

Пѣснь 9

Ирмо́с: Бо́га челове́ком не возмо́жно ви́дети, на Него́же не сме́ют чи́ни А́нгельстии́ взира́ти: Тобо́ю же, Всечи́стая, я́вися́ челове́ком Сло́во Воплоще́нно. Его́же велича́юще, с Небе́сными во́и Тя́ ублажа́ем.

Зрети́ чи́нове херувимстии́, Влады́ко, добро́ты Твоея́ сла́вы не могу́ще, кри́лы покрыва́ющесе́, непрестанно́ Трои́чную пѣснь́ вопи́ют, Триипоста́сную Твоего́ Богонача́лия Еди́нственнаго держа́ву сла́вяще.

Твоя́ сия́ния, Со́лнце незаходи́мое, Твои́х рабов́ подаждь́ сердца́м, и просвети́ ду́шы, и изба́ви от мно́гих прегреше́ний, Еди́не Всеми́лостиве, и Триипоста́сне: и нетле́нныя Твоея́ жи́зни на́с сподо́би.

Сла́ва: Е́же Свѣ́т Еди́ночест́ный, и Трисо́лнечный, и Светоде́тельный, Божество́ су́щее озари́ веро́ю Тя́ пою́щих, и от мра́чнаго изба́ви злоде́йства, и сподо́би светле́йших Твои́х селѣ́ний, яко́ Преблагий́.

И ны́не, Богоро́дичен: Прему́дре челове́ка пре́жде созда́ Сы́н Тво́й, Де́во, и истле́вшаго обнови́ Тобо́ю, Всепѣ́тая: и Божѣственнаго́ Свѣта́ зари́ невече́рняя́ все́х исполни́, Тя́ Богоро́дицу́ истинну́ веро́ю сла́вящих.

Посѣ́м припе́в Григо́рия Синаита́: Досто́йно е́сть: **И проче́е полу́нощницы́.**

В неделю на ўтрени

По екса́ псалмѣх, Бѡгъ Господь, и явѣся: на гласъ 6, и глаголемъ тропарь: Ангельския силы на гробѣ Твоемъ: [Дважды.] Слава, и ныне: Благословенную нареки Твою Матерь: И обычное стихословие псалтиря.

По 1-м стихословии, седальны воскресны, гласъ 6:

Гробу отверсту, аду плачущуся, Маріа вопиаше ко скрѣвшымся апостоломъ: изыдите винограда делателие, проповѣдите Воскресения слово: воскресе Господь, подаѣя миру велию милость.

Стихъ: Воскресни, Господи Боже мой, да вознесѣтся рука Твоя, не забуди убогих Твоих до конца.

Господи, предстояше гробу Твоему Маріа Магдалина, и плакаше вопиюще, вертоградаря Тя мнящи, глаголаше: гдѣ сокрыл еси вечный Живот? гдѣ положил еси, иже на престолѣ Херувимстем¹¹? стрегущи бо сего, от страха омертвѣша. Или Господа моего дадите ми, или со мною возопийте: иже в мертвых быв, и мертвыя воскресив, слава Тебѣ.

Слава, и ныне, Богородичен: Преднаписуетъ Гедеонъ зачатіе, и сказуетъ Давидъ рождество твое, Богородице: сниде бо яко дождь на руно, слово во чрево твое, и прозябла еси без семени, землѣ святая, миру спасеніе, Христа Бога нашего, Благодатная.

По 2-м стихословии седальны воскресны, гласъ 6:

Живот во гробѣ возлежаше, и печать на камени надлежаше: яко Царя спяща воины стрѣжаху Христа, и враги Своя невидимо поразивый, воскресе Господь.

Стихъ: Исповѣмся Тебѣ, Господи, всемъ сердцемъ моимъ, повѣмъ вся чудеса Твоя.

Преднаписуетъ Иона гробъ Твой, и сказуетъ Симеонъ востаніе Божественное, безсмертне Господи: сошелъ бо еси яко мертв во гробъ, разрушивый адова врата. Воскресл же еси кроме тленія яко Владыка, во спасеніе мира, Христе Боже нашъ, просветивый сущыя во тмѣ.

Слава, и ныне, Богородичен: Богородице Дево, моли Сына Твоего, волю пригвожденнаго на Крестѣ, и воскресшаго из мертвых Христа Бога нашего, спастися душамъ нашимъ.

По непорочныхъ, ипакѡй, гласъ 6:

Вольною и животворящею Твоею смертию, Христе, врата адова сокрушивъ яко Богъ, отверзл еси намъ древний рай, и воскрес из мертвых, избавил еси от тленія животъ нашъ.

Таже степенна, гласъ 6. Антифонъ 1, ихже повторяюще поемъ.

На не́бо о́чи мой возвожу́, к Тебе́, Сло́ве: уще́дри мя́, да живу́ Тебе́.
Помилуй на́с уничиже́нных, устро́я благопотре́бныя Твоя́ сосу́ды,
Сло́ве.

Сла́ва: Свято́му Ду́ху, вся́кая всеспа́сительная ви́на, а́ще ко́ему Се́й по
досто́янию дхне́т, скоро́ вземлет от земных: воспе́ряет, возвраща́ет, устро́яет
горе́.

И ны́не, тойже.

Антифон 2:

А́ще не Го́спо́дь бы́ бы́л в на́с, никто́же от на́с проти́ву возмо́гл бы
вра́жиим бра́нем одоле́ти: побежда́ющий бо от зде́ возно́сятся.

Зубы́ их да не я́та бу́дет ду́ша моя́ я́ко птене́ц, Сло́ве: увы́ мне́, ка́ко
има́м от врага́ избы́ти грехолю́бив сый!

Сла́ва: Святы́м Ду́хом обоже́ние все́м, благоволе́ние, ра́зум, мир и
благослове́ние: равноде́телен бо е́сть Отцу́ и Сло́ву.

И ны́не, тойже.

Антифон 3:

Наде́ющийся на Го́спода враго́м стра́шни, и все́м дивни́: горе́ бо зря́т.
В беззако́ния рук своих, пра́ведных жре́бий, помо́щника Тя́ име́я
Спа́се, не проти́рает.

Сла́ва: Свята́го Ду́ха держа́ва на все́х: Ему́же вы́шняя во́инства
покланя́ются, со вся́ким дыха́нием до́льным.

И ны́не, тойже: Прокі́мен гла́с 6: Го́споди, воздви́гни си́лу Твою́, и
прииди́ во е́же спа́сти на́с. **Сти́х:** Пасы́ Израи́ля вонми́, наставля́я я́ко
овча́ Ио́сифа. Вся́кое дыха́ние: **Сти́х:** Хвалите́ Бо́га во святы́х Его́:
Ева́нгелие воскресе́но: Воскресе́ние Христо́во: **Псалом́ пятидеся́тый. И
про́чая по ряду́.**

Кано́н воскресе́н. Гла́с 6.

Пе́снь 1

Ирмо́с: Я́ко по су́ху пешешество́вав Израи́ль, по бе́здне стопа́ми,
гоните́ля фара́она ви́дя потопля́ема, Бо́гу побе́дную пе́снь поим, вопия́ше.

Припе́в: Сла́ва, Го́споди, свято́му Воскресе́нию Твоему́.

Распротёрты́ма дланьма́ на Кресте́, Оте́ческаго испо́лнил еси́
благоволе́ния, Благо́й Иису́се, вся́ческая. Те́мже побе́дную пе́снь Тебе́ вси́
поим.

Стра́хом к Тебе́ я́ко рабы́ня, сме́рть повеле́на приступи́ Влады́ще
живота́, тою́ пода́ющему на́м безконе́чный живо́т и воскресе́ние.

Богоро́дичен: Своего́ прие́мши Соде́теля, я́ко Са́м восхоте́, от
безсе́меннаго Твоего́ чрева́, па́че ума́ воплоща́ема, Чи́стая, тварей
воистинну́ явила́ся еси́ Влады́чица.

И́н кано́н, кресто́воскресе́н.

Песе́нь 1. Ирмо́с: Волно́ю морско́ю:

Суди́лищу Пила́тову предстои́т хотя́ беззаконно́му суду́, я́ко суди́мь Судия́, и от руки́ неправды́ по лицу́ зауша́ется Бо́г, его́же трепещу́т земля́, и небесе́ная.

Просте́рл еси́ Божество́нней длани́ Твои́, Спа́се, на Пречи́стем Твоём и Живоно́снем Кресте́: и собра́л еси́ язы́ки в позна́ние Твое́, Влады́ко, поклоня́ющыяся, Го́споди, славному́ Твоему́ распя́тию.

Кресто́Богоро́дичен: Стоя́ще слез исто́чники испу́щающи, Пренепоро́чная, при Кресте́ Твоём, Спа́се, я́же от ребра́ Твоего́ ка́пли крове́й зря́щи, Христе́, и Твою́ безприкладную́ ми́лость славя́щи.

И́н кано́н пресвяте́й Богоро́дице, [его́же краестро́чие: Ма́ти Бо́жия, незави́стную ми да́ждь благода́ть.]

Ирмо́с: Я́ко по су́ху пешеше́ствовав Израи́ль:

Прича́щися Е́ва саду́, преслу́шаннаго бра́шна¹², кля́тву введе́: но сию́ разре́шила еси́, Чи́стая, благослове́ния нача́ток Христа́ Рожде́ши.

Я́же бисера́ от Божество́нныя мо́лнии Христа́ рождши́, страсте́й мои́х мглу́, и прегреше́ний смущение́, Чи́стая, разжени́ светом Твоея́ светлости́.

Язы́ков ча́яние, Иа́ков из Тебе́ воплоща́емаго предзря́ше та́йно умны́ма очы́ма Бо́га, изба́вльшаго на́с хода́тайством Твои́м.

Оскуде́вшем князе́м от ко́лена Иудова́, Пречи́стая, Сы́н Тво́й и Бо́г, проше́д вождь, над концы́ земны́ми ны́не воистинну́ воцари́ся.

Катава́сиа: Отве́рзу уста́ моя:

Песе́нь 3

Ирмо́с: Не́сть свят, я́коже Ты́, Го́споди, Бо́же мой, вознесы́й ро́г ве́рных Твои́х, Бла́же, и утверди́вый на́с на ка́мени испове́дания Твоего́.

Бо́га распина́ема плоти́ю зря́щи тва́рь растая́вашеся стра́хом: но содержи́тельною длани́ю на́с ра́ди Распя́таго, кре́пко держа́ма бе́.

Смерти́ю сме́рть разорена́ лежи́т ока́янная без дыха́ния: Живота́ бо не терпя́щи Божество́ннаго прира́жения, умерщвля́ется кре́пкий¹³, и да́руется все́м воскресе́ние.

Богоро́дичен: Божество́ннаго рожде́ства Твоего́, Чи́стая, вся́кий естества́ чин превосхо́дит чу́до: Бо́га бо преестество́нне зачала́ еси́ во чре́ве, и рождши́ пребыва́ещи при́сно Де́ва.

И́н Ирмо́с: Тебе́ на вода́х:

Во гробе́ тридне́вствовавый́ воскреси́л еси́ животворя́щим воста́нием Твои́м пре́жде умерщвле́нныя, и осужде́ния разре́шившеся ра́достно веселя́хуся, се́ изба́вление прише́л еси́, Го́споди, взыва́юще.

Слава́ Твоему́ воста́нию, Спа́се на́ш, я́ко на́с от а́да тле́ния, и сме́рти

избавил еси́ яко Всеси́лен, и пою́ще глаго́лем: не́сть свят ра́зве Тебе́, Го́споди Человеколю́бче.

Богородичен: Ты́ от Тебе́ ро́ждшагося́ яко ви́дела еси́ уязвлена́ копи́ем, уязвила́ся еси́ се́рдцем, Пресвята́я Всенепоро́чная, и ужа́сающися глаго́лала еси́: что́ Тебе́ воздаде́, Чадо́, наро́д пребеззако́нный?

И́н Ирмо́с: Не́сть свят, яко́же Ты́:

Тле́нную мою́ плоть и сме́ртную, Всечи́стая Богома́ти, из чре́ва Твоего́ несказа́нно прие́м Благо́й, и обезтле́нив сию́, ве́чне Себе́ связа́л е́сть.

Бо́га воплоща́ема из Тебе́ зря́ще, Дево́, ужа́сахуся́ стра́хом ли́цы а́нгельстии, и яко́ Ма́терь Бо́жию немолчны́ми песньми́ Тя почита́ют.

Ужа́сеся, го́ру умну́ю ви́дев Тя́ проро́к Дании́л, из нея́же ка́мень отсече́ся кро́ме рук: и демо́нская ка́пища, Богома́ти, кре́пко сокруши́.

Не мо́жет сло́во Тя́ челове́ческое, ниже́ язы́к, Дево́, похвали́ти досто́йно: из Тебе́ бо́ без се́мене Жизнода́вец Христо́с воплоти́тся, Пречи́стая, благоволи́.

Пе́снь 4

Ирмо́с: Христо́с моя́ си́ла, Бо́г и Го́спо́дь, честна́я Це́рковь Боголе́пно поёт́ взыва́ющи, от смы́сла чи́ста о Го́споде пра́зднующи.

Дре́во процвело́ е́сть, Христе́, и́стинныя́ жизни: кре́ст бо́ водрузи́ся, и напоен́ бы́в кро́вию и водо́ю от нетле́ннаго Твоего́ ребра́, живо́т на́м прозябе́.

Не ктому́ зми́й мне́ ло́жне обоже́ние подлага́ет: Христо́с бо́ богоде́латель челове́ческаго есте́ства, ны́не невозбранно́ стезю́ живо́та́ мне́ отверзе́.

Богородичен: Я́ко вои́стинну неизвеща́нна и непостижи́ма, я́же Твоего́ боголе́пнаго, Богороди́це, су́ть рождества́, су́щым на земли́ и на небеси́, Присноде́во, та́инства.

И́н Ирмо́с: На кресте́ Твое́ Божество́нное исто́щание:

Честны́й кре́ст Тво́й почита́ем, и гво́зди, Христе́, и свято́е копи́е с тростию́, вене́ц и́же от те́рний, и́миже от а́дова ислéния изба́вихомся.

Гро́б, Спа́се, Тя́ подъя́т воле́ю ме́ртва о на́с явля́шагося, но ника́коже возмо́же, Сло́ве, удержи́ти: яко́ Бо́г бо́ воскрeсл еси́, спаса́я ро́д на́ш.

Кресто́Богородичен: Богороди́тельнице́ Присноде́во, Спа́са Христа́ челове́ком ро́ждшая, от бе́д и му́к изба́ви нас, прибега́ющих ве́рою к Божество́нному Покро́ву Твоему́.

И́н Ирмо́с: Христо́с моя́ си́ла:

Поём, Пречи́стая, Тебе́ Всенепоро́чную, и́же Тобо́ю спа́сшиися, и благо́честно пою́ще взыва́ем: благосло́венна, я́же Бо́га Присноде́во ро́ждшая.

Свѣтъ незаходимый, Дѣво, родила еси, сущим во тьмѣ житія, плотию
свѣтящ, Всеблаженная, и поющым Тя, радость, Приснодѣво, источила еси.

Благодать процветѣ, закон преста, Тобою, Всесвятая: Ты бо, Чистая,
родила еси Господа, подающаго нам, Приснодѣво, оставление.

Мертва мя показа сада вкушение, жизни же древо из Тебѣ явльшееся,
Пречистая, воскреси, и райския сладости наследника мя устрои.

Пѣснь 5

Ирмосъ: Божиим свѣтом Твоим, Блаже, утренюющих Ти души
любовию озари, молюся, Тя ведети, Слове Божий, истиннаго Бога, от
мрака греховнаго зывающа.

Уступают мнѣ Херувими ныне, и пламенное оружье, Владыко, плещи
мнѣ дает, Тя видевше, Слове Божий, истиннаго Бога, разбойнику путь
сотворшаго в рай.

Не ктому боюся, еже в зѣмлю, Владыко Христе, возвращенія: Ты бо от
земли мя возвел еси забвенна, благоутробия ради многаго, к высотѣ
нетленія воскресением Твоим.

Богородичен: Иже Богородицу тя от души, Владычице мира Благая,
исповѣдающих спаси: Тебе бо предстательство непоборимое имамы,
истинную Богородительницу.

Ин Ирмосъ: Богоявленія Твоего, Христе:

Снедию древа во Едеме прельстивыйся в тлю поползе родоначальник,
преслушавый, Господи, заповеди Твоя, Преблагий: но сего Крестом паки
возвел еси в первую доброту, послушлив Отцу Спасе бывый.

Твоею смертию, Блаже, смерти потребися держава, источник жизни
нам источи, и безсмертие даровася: сего ради погребенію Твоему и
воскресенію верою поклоняемся, имже яко Бог мир весь просветил еси.

КрестоБогородичен: Живый на небесех и Творецъ всехъ Господь, во
Твою, Всенепорочная, вселися неизреченно утробу, прославивый Тя
превышшую небес, и святѣйшую чиновъ невестественныхъ: темже ныне иже
на земли Тя ублажаем.

Ин Ирмосъ: Божиим свѣтом Твоим:

Чистотою возсиявши свѣтло Божественное пребываніе Владыки,
Всепетая, была еси. Ты бо едина Мати Божия явилася еси, во объятиихъ яко
младенца Сего носивши.

Носящи доброту умную, краснейшия Твоея души, Невѣста Божия была
еси, запечатствована дѣвством, Чистая, и свѣтомъ чистоты миръ
просвѣщающа.

Да рыдаетъ собраніе злочестивыхъ, не проповѣдающихъ Тя яже Чистую
Богоматерь: Ты бо врата Божия свѣта явилася еси нам, мракъ прегрешеній

разгоняющи.

Пѣснь 6

Ирмосъ: Житѣйское море воздвизаемое зря напастей бурю, к тихому пристанищу Твоему притекъ вопию Ти: возведи от тли живот мой, Многомилостиве.

Распинаемъ, Владыко, гвоздми убо клятву юже на нас потребил еси: копием же прободаемъ в ребро, Адамово рукописание растерзав, мир свободил еси.

Адам низведеса, лестию запят бив, ко адове пропасте: но иже естеством, Бог же и милостив, сшел еси на взыскание, и на раму понес, воскресил еси.

Богородичен: Пречистая Владычице, рождающая человеком кормчию Господа, страстей моих непостоянное и лютое утоли смущение, и тишину подаждь сердцу моему.

Ин Ирмосъ: Ят бысть:

Христубийца и пророкубийца бысть еврейское множество: яко бо пророки древле истины сущия тайныя лучи, убити не убояся: сйце и ныне Господа, егоже проповедаху они тогда, завистию влекоми убиша, но нам бысть живот умерщвление Его.

Ят был еси, но не удержан Спасе во гробе, аще бо и волю вкусил еси смерти, Слове, но воскресл еси яко Бог безсмертен, совоздвигнувший узники сущия во аде, и радость женам вместо печали прежняя, паки переменивый.

Богородичен: Безчестен Твой и скуден явися вид плотский паче человеков, во время страсти: ибо Божества существом, красен добротою Давиду показася: но жезлом Твоего Царствия врагов сотрый крепость, глаголаше, Чистая: о Сыне мой и Боже, от гроба востани.

Ин Ирмосъ: Житѣйское море:

Великий преднаписа во пророцех Моисей Тя, ковчег, и трапезу, и свещник, и ручку, образно назнаменуя воплощение, еже из Тебе Вышняго, Мати Дево.

Умерщвляется смерть, и тление упражняется Адамова осуждения, о Владычице! Плоду Твоему приразившееся: Жизнь бо родила еси, от истления избавляющую поющих Тя.

Закон изнеможе, и сень мимо иде, паче ума и смысла явльшейся ми благодати, еже от Тебе, Дево, рождества, Бога и Спаса, многопетая.

Кондак, глас 6: Живоначалною дланию, умершья от мрачных удолий, Жизнодавец воскресив всех Христос Бог, воскресение подаде человеческому роду: есть бо всех Спаситель, Воскресение и Живот, и Бог

всѣх.

И́кос: Крѣст и погребѣние Твое, Жизнода́вче, воспева́ем ве́рнии, и покланя́емся, я́ко адъ связа́л еси́, Безсме́ртне, я́ко Бо́г Всеси́льный: и ме́ртвыя совоскреси́л еси́, и врата́ сме́ртная сокруши́л еси́, и держа́ву а́дову низложи́л еси́, я́ко Бо́г. Те́мже земно́роднии славослови́м Тя́ любви́ю, воскре́сшаго, и низложивша́го вра́жью держа́ву всепа́губную, и всѣх воскре́сивша́го в Тя́ ве́ровавших, и ми́р изба́вльша́го от стрелъ зми́иных, и от прѣлести вра́жия, я́ко Бо́г всѣх.

Пѣснь 7

Ирмо́с: Росода́тельну́ убо́ пѣщъ соде́ла А́нгелъ преподо́бнымъ отроко́м, халде́и же опаля́ющее велѣ́ние Бо́жие, мучи́теля увещá вопи́ти: благослове́н еси́, Бо́же оте́цъ на́ших.

Рыда́ющее во стра́сти Твое́й со́лнце, во мра́к облече́ся, и во дни́ по все́й, Влады́ко, земли́ све́тъ померче́, вопия́: благослове́н еси́, Бо́же оте́цъ на́ших.

Облеко́шася, Христе́, схожде́ниемъ Твои́м во све́тъ преиспо́дня, праоте́цъ же весе́лия испо́льнъ явися́ ликовству́я, възгра́ся вопия́: благословенъ еси́, Бо́же оте́цъ на́ших.

Богоро́дичен: Тобо́ю, Ма́ти Де́во, све́тъ возсия́ все́й вселѣ́нной све́тлый: Зижди́теля бо́ Ты всѣхъ роди́ла еси́ Бо́га. Его́же проси́, Всечи́стая, на́м низпосла́ти ве́рнымъ вели́ю милость.

И́н Ирмо́с: Неизрече́нное чу́до:

О́ страна́го обра́за! Израи́ля Изба́влей от рабо́ты фарао́нския, распина́ется во́лею от него́, и разреша́ет вери́ги согреше́ний. Ему́же ве́рою поёмъ: изба́вителю́ Бо́же, благослове́н еси́.

Тебе́, Спа́са, на ло́бнемъ распя́ша пребеззако́нных о́троцы нечести́вии, врата́ ме́дная и вере́и сломивша́го, во спасе́ние на́с поющихъ: изба́вителю́ Бо́же, благослове́н еси́.

Богоро́дичен: Е́вы дре́вняя свобожде́ние ро́ждшая от кля́твы, разреша́еши Ада́ма, Де́во Чи́стая. Те́мже со а́нгелы́ Тя́, с Сы́номъ Твои́м поемъ и вопие́м: изба́вителю́ Бо́же, благослове́н еси́.

И́н Ирмо́с: Росода́тельну́ убо́ пѣщъ:

Ю́ношъ три́ехъ пѣщъ не опа́ли, рождество́ прообра́зующихъ Твое́: Боже́ственный бо́ о́гнь Тебе́ не опа́лив, всели́ся в Тя́, и вся́ научи́ вопи́ти: благослове́н еси́, Бо́же оте́цъ на́ших.

Блажа́т концы́ Тя́, Всечи́стая Ма́ти, я́коже прорекла́ еси́, просвещáеми светолу́чными сия́ньми Твои́ми, и благода́тию поюще́, вопи́ют: благослове́н еси́, Бо́же оте́цъ на́ших.

Па́губныя́ убо́ зу́бы в мя́ вонзе́ зми́й лука́внейший: но са́м¹⁴ Тво́й

Богомати, сокруши Сын, крепость же мне даде вопити: благословен еси, Боже отец наших.

Очистилице естества Ты еси единая богоблаженная, на раму бо херувимску сядящаго Бога во объятиих носящи вопиеша: благословен еси, Боже отец наших.

Песнь 8

Ирмос: Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети, Тя превозносим во вся веки.

Иудейския древле пророкоубийцы люди, богоубийцы зависть ныне содела, Тебе на крест вознесшыя, Слово Божий: Егоже превозносим во вся веки.

Небеснаго круга не оставил еси, и во ад сошед, всего совоздвигл еси лежащаго во гноищи, Христе, человека, Тя превозносяща во вся веки.

Богородичен: От Света Светодавца Слова зачала еси, и рождши неизреченно Сего, прославилася еси: Дух бо в Тя, Отроковице, Божий вселися. Темже Тя поем во вся веки.

Ин Ирмос: Ужаснися бояйся небо:

Ужасеся всяк слух, како Вышний волею прииде на землю, адову крепость разрушити крестом и погребением, и вся воздвигнути звати: отроцы благословите, священницы воспойте, людие превозносите во вся веки.

Преста адово мучительство, и царство уничижися прочее, на кресте бо на земли водрузився, иже над всеми Бог, сего могутство низложи. Егоже отроцы благословите, священницы воспойте, людие превозносите во вся веки.

О неизреченнаго Твоего, Христе, человеколюбия, и неизглаголаных благ! Мене бо видя погибающа во адове темнице, страсти претерпевый избавил еси. Темже Тя благословим всех Владыку, и превозносим во вся веки.

Ин Ирмос: Из пламене преподобным:

Позлащеною ризою якоже Царицу Сын Твой просветив зарю Духа, Тебе одесную Себе постави, Пречистая: Егоже превозносим во вся веки.

Иже хотением единым мир водрузивый, от пречистыя Твоея утробы плоть вземлет, свыше сию наздати хотя: Егоже превозносим во вся веки.

Счетанием Слова ко мне человеку, Божественное жилище была еси, Пречистая, просиявши яве девства светлостию: темже Тя поем во вся веки.

Златозарный Тя свещник предвообрази, приемшую несказанно Свет Непреступный, разумом Своим озаряющ всяческая. Темже Тя поем,

Чистая, во веки.

Таже, поём пѣснь Богородицы: Величит душа моя Господа: с припевом: Честнейшую Херувим:

Пѣснь 9

Ирмос: Бога человеком не возможно видети, на Негоже не смеют чини Ангельстии взирати: Тобою же, Всечистая, явися человеком Слово воплощено, Егоже величающе, с Небесными вои Тя ублажаем.

Страстей непричастен Ты пребыл еси, Слове Божий, плотию приобщився страстем: но решиши от страстей человека, страстем быв страсть, Спасе наш: един бо еси безстрастен, и всемогущ.

Тлю смертную прием, тления соблюл еси тело Твое невкусно, Твоя же животворящая и Божественная, Владыко, душа, во аде не оставлена бысть: но якоже от сна воскрес, нас совоздвигл еси.

Троицен: Бога Отца, Сына собезначальна, вси человецы устнами убо чистыми славим, неизреченную же и преславную Духа Всесвятаго силу чтим: едина бо еси всемогущая Троица неразлучная.

Иъ Ирмос: Не рыдай Мене, Мати:

Аще и во гроб сошел еси яко мертв, Жизнодавче, но адову крепость разрушил еси, Христе, совоздвигнув мертвые, яже и поглотил, и воскресение всем подал еси, яко Бог, верою и любовью Тя величающим.

Да радуется тварь, и да процветет яко крин: Христос бо от мертвых воста яко Бог. Где Твое, смерти, ныне жало, воззовем? Где Твоя, аде, победа? Низложи Тя в землю, Возвысивый рог наш, яко благоутробен.

КрестоБогородичен: Носиши Носящего вся, и держиши яко Младенца в руках, из руки избавляющего нас борителя врага, Пречистая Владычице, и видиши на крест древа возвышаема, от рова злобы нас возвысивша.

Иъ Ирмос: Бога человеком не возможно:

Звезда сияющи зарями Божества от Иакова, от мрака содержимым возсия: Тобою бо Всечистая, Христос Бог Слово соплотено: Имже просвещаемы, с небесными вои Тя ублажаем.

Укрепься силою Твоею и благодатию, Тебе пѣснь усердно от сердца возложих: но сию прими, Дево Чистая, благодать воздающи Твою многосветлую, от нетленных сокровищ, Богоблаженная.

Постав показалася еси яже Божества, в немже ризу телесе Слово истка, богосодѣлав мой, Дево, зрак: в негоже облекся всех Спасе, от смысла чиста Тебе величающих.

Мертвым воскресение ныне даровася, Твоим несказанным и неизреченным рождеством, Богородице Всечистая: жизнь бо из Тебе плотию облечися, всем возсия, и смертную дряхлость яже разруши.

По катавасии ектенія малая. Таже: Свят Господь Бог наш: Эксапостиларий утренний.

На хвалитех стихиры воскресны, глас 6:

Стих: Сотворити в них суд написан: слава сия будет всем преподобным Его.

Крест Твой, Господи, жизнь и воскресение людем Твоим есть, и надеющиеся на ны, Тебе воскресшаго Бога нашего поем: помилуй нас.

Стих: Хвалите Бога во святых Его, хвалите Его во утверждении силы Его.

Погребение Твое, Владыко, рай отверзе роду человеческому: и от исления избавльшися, Тебе воскресшаго Бога нашего поем: помилуй нас.

Стих: Хвалите Его на силах Его, хвалите Его по множеству величества Его.

Со Отцем и Духом Христа воспойм, воскресшаго из мертвых, и к Нему вопиим: Ты Живот еси наш, и Воскресение, помилуй нас.

Стих: Хвалите Его во гласе трубнем, хвалите Его во псалтири и гуслех.

Тридневен воскресл еси Христэ от гроба якоже писано есть, совоздвигнувый праотца нашего. Темже Тя и славит род человеческий, и воспеает Твое воскресение.

Ины стихиры Анатолиевы.

Стих: Хвалите Его в тимпане и лице, хвалите Его во струнах и органе.

Господи, велие и страшно есть Твоего воскресения таинство: тако бо произшел еси от гроба, яко жених от чертога, смертию смерть разрушивый, да Адама свободиши. Темже на Небесех Ангели ликовствуют, и на земли человецы славят, еже на нас бывшее благоутробие Твое, Человеколюбче.

Стих: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа.

О пребеззаконнии иудее, где суть печати и сребреницы, яже дасте воином? не украдено бысть сокровище, но воскресе яко силен: сами же посрамистесь отвергшиися Христа Господа славы, пострадавша и погребенна, и воскресша из мертвых: Тому поклонимся.

Стих: Воскресни, Господи Боже мой, да вознесется рука Твоя, не забуди убогих Твоих до конца.

Запечатану гробу, како окрадени бысте иудее, стражы поставльше, и знаменія положше, дверем заключенным пройде Царь? Или яко мертва представите, или яко Богу поклонитесь, с нами поюще: слава, Господи, Кресту Твоему, и воскресению Твоему.

Стих: Испове́мся Тебе́, Го́споди, все́м се́рдцем мои́м, пове́м вся́ чудеса́ Твоя́.

Живоприя́тнаго Твоего́ гроба́, мирно́сицы жены́ рыда́юща, дости́гоша, Го́споди, и ми́ра нося́ща, те́ло Твое́ пречи́стое пома́зати иска́ху: обрето́ша же светоно́сна А́нгела на ка́мени сидя́ща, и к ни́м веща́юща, и глаго́люща: что́ слези́те, из ре́бр источи́вшего жи́знь ми́рови? Что́ и́щете я́ко ме́ртва во гробе́ Безсме́ртнаго? Те́кша же па́че возвести́те Того́ учени́ком, сла́внаго Его́ воскресе́ния всеми́рное ра́дование, и́мже и на́с Спа́се просвети́вый, да́руй очище́ние и ве́лию ми́лость.

Слава, стихира утренняя евангельская. И ныне: Преблагословенна еси́: Славосло́вие великое.

Таже, тропарь воскресен.

Воскрес из гроба́, и у́зы растерза́л еси́ а́да, разруши́л еси́ осужде́ние сме́рти, Го́споди, вся́ от сетей врага́ изба́вивый: явивый же Себе́ апо́столом Твои́м, посла́л еси́ я́ на пропове́дь, и те́ми ми́р Твои́ подал еси́ вселе́нней, Еди́не Многоми́лостиве.

Таже, ектений. И отпуст.

На литургии блаженны, глас 6:

Помяни́ мя, Бо́же Спа́се мой, егда́ приидеши во Ца́рствии Твоём, и спаси́ мя яко́ един Человеколюбец.

Сти́х: Блаже́ни чи́стии се́рдцем, яко́ тии́ Бо́га узрят.

Дре́вом Ада́ма прельсти́вшагося, Дре́вом крестным па́ки спа́сл еси́ и разбойника, вопи́юща: помяни́ мя, Го́споди, во Ца́рствии Твоём.

Сти́х: Блаже́ни миротво́рцы, яко́ тии́ сынове́ Бо́жии нареку́тся.

А́дова врата́ и вере́и сокруши́вый, Жизнода́вче, воскреси́л еси́ вся́, Спа́се, вопи́ющыя: сла́ва востанию́ Твоему́.

Сти́х: Блаже́ни изгнани́ правды́ ради, яко́ те́х е́сть Ца́рство Небе́сное.

Помяни́ мя, И́же сме́рть плени́вый погребением Твои́м, и воскресе́нием Твои́м ра́дости вся́ испо́лнивый, яко́ благоутро́бен.

Сти́х: Блаже́ни есте́, егда́ поно́сят вам, и изжену́т, и реку́т вся́к зо́л глаго́л на вы́ лжу́ще Мене́ ради.

Мироно́сицы ко гробу́ прише́дшы, А́нгела зову́ща слы́шаху: Хри́сто́с воскресе́, просвети́вый вся́ческая.

Сти́х: Ра́дуйте́ся и весели́те́ся, яко́ мзда́ ва́ша мно́га на Небесе́х.

На дре́ве крестнем пригвозди́вшагося, и ми́р от преле́сти изба́вльшаго, согласно́ вси́ Хри́ста́ воспоим.

Сла́ва, тро́ицен: Отца́, и Сы́на славосло́вим, и Ду́ха Свята́го, глаго́люще: Тро́ице Свята́я, спаси́ ду́шы на́ша.

И ны́не, Богоро́дичен: Неизрече́нно в послéдняя заче́нши, и ро́ждши Созда́теля Твоего́, Де́во, спасай́ Тя велича́ющыя.

Проки́мен: глас 6: Спаси́, Го́споди, лю́ди Твоя́, и благослови́ досто́яние Твое́.

Сти́х: К Тебе́, Го́споди, воззову́, Бо́же мой, да не премолчи́ши от мене́.

Аллилу́иа: Живы́й в по́мощи Вы́шняго, в крове́ Бо́га Небе́снаго водвори́тся.

Сти́х: Рече́т Го́сподеви: Засту́пник мой еси́, и Прибе́жище мое́, Бо́г мой, и упова́ю на Него́.

В недѣлю вѣчера

На Господи, воззвах, стихиры покаянны, творение Иосифово. Глас 6.

Подобен: Ангельския силы:

Стих: Аще беззакония назириши, Господи, Господи, кто постоит? Яко у тебе очищение есть.

Слезы, Спасе, покаяния ми даждь сокрушенною мыслию: яко да омью скверну души моея, юже зле окалях, деяи неправедная на всяк час, имея на сие молящую, Тебе рождшую, и Ангельския лики, и Твое человеколюбие.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Гряди, о душе! И раскайся о многих гресех, яже содеяла еси в житии, и множеству Вышних воинств молися, со вздыханием же и слезами: яко да время подастся тебе покаяния, да не яко неплодная смоковница отслещиися во огнь геенский всестрастная.

Стих: От стражи утренния до нощи, от стражи утренния да уповает Израиль на Господа.

Ни единому на земли заповедь Твою сотворих, како явлюся Тебе сидящему на Престоле, и слово дати, и суд подъяти о всех, яже в ведении, и не в ведении, кождо содеях, Христе мой? Темже зову Тебе, Твоих слуг молитвами спаси мя блуднаго.

Таже минеи стихиры святому. Аще ли несть минеи, ины стихиры святым небесным безплотным ангелом, глас 6.

Подобен: Триднєвно воскресл еси:

Стих: Яко у Господа милость, и многое у него избавление, и той избавит Израиля от всех беззаконий его.

Ангельския силы, Христе, предстояще престолу Твоему, молятся о роде человечестем. Тех убо молитвами мир всем даруяй, языков дерзость укроти.

Стих: Хвалите Господа вси языцы, похвалите его вси людие.

Окрест престола всех Царя, присно ликующе ангельстии вси чинове, нас сохраняйте, верою вас призывающих, и мучений избавляйте.

Стих: Яко утвердися милость Его на нас, и истина Господня пребывает во век.

Отец Иже над всеми Бог, силы небесных умов, безобразны и невещественны певцы, трисолнечныя славы Своя приведе, и единственное Слово, и Дух.

Слава, и ныне, Богородичен: Слово собезначальное Отцу же и Духу,

архангельским гласом Богородице, во утробе зачѣнши, Херувимов, и Серафимов, и престолов явилася еси превъшши.

Таже, Свете тихий: Прокимен дне: И Сподоби, Господи, в вечер сей:

На стиховне стихиры покаянны, глас 6:

Во страшное пришествие Твое, Христе, да не услышим: не вѣм вас. Упование бо на Тя, Спасе, возложихом, аще и Твоя повеления не сохранихом за небрежение наше: но пощади души наша, молимся.

Стих: К Тебѣ возведох очи мой живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Покаяния не стяжах, ниже паки слез: сего ради молю Тя, Христе Боже, прежде конца обрати и дати умиление мне, яко да избавлюся от муки.

Стих: Помилуй нас, Господи, помилуй нас, яко по многу исполнихомся уничижения: наипаче наполни душа наша поношения гобзующих, и уничижения гордых.

Мученицы Твои, Господи, не отвергашася Тебѣ, ни отступиша от заповедей Твоих. Тех молитвами помилуй нас.

Слава, и ныне, Богородичен: Архангельски воспойм вернии, небесный чертог, и дверь запечатану воистинну: радуйся, Еяже ради отрасте нам Спас всех Христос, Жизнодавец и Бог. Низложи, Владычице, мучители, безбожныя враги наша, рукою Твоею, Пречистая, упование христиан.

Таже, Ныне отпускаеши раба Твоего, Владыко: Трисвятое. По Отче наш: тропарь, ектения и отпу́ст.

В недѣлю на повечѣрии

канон пресвятей Богородице, глас 6.

Пѣснь 1

Ирмос: Яко по сѹху пешешествовав Израиль, по бѣдне стопами, гонителя фараона видя потопляема, Богу побѣдную пѣснь поим, вопияше.

Моего ума облак страстей отжени, Чистая, и возсияй ми свет, рождшая, Пречистая, Сына, сияние Отчее, яко да воспую Тя.

Яко Гавриил Дѣве, приидите, вернии, и мы вопием благоговением душевным: воистинну украшена, Чистая, рождшая Радость: радуйся, Пречистая.

Слава: Иже безстрастно прежде век от Отца рожденнаго, Пречистая, в последняя дни во утробе носящи Сына, родила еси сугуба, Бога и Человека.

И ныне: Бога родила еси Единого без тли, и Дѣва пребыла еси по Рождестве, якоже бе и прежде Рождества Пречистая: сего ради, вернии, радуйся, Тебе зовем.

Пѣснь 3

Ирмос: Нѣсть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповѣдания Твоего.

Нѣсть непорочны, якоже Ты, Пречистая Богородице, рождшая Зиждителя и Владыку всяческим: темже Ти вси вернии благодарственно, радуйся, взываем.

Страстей смущает мя лютое волнение, Чистая, и горестями многих падений во глубину пометаемъ воистинну злых моих, даждь ми руку, Чистая, и спаси мя.

Слава: Тьму разруши моих прегрешений, Дѣво, и озари светом безстрастия жизнь несказанно, Чистая, рождшая Солнце неприкосновенное.

И ныне: Огнемъ страха Божия очистивши мя, Отроковице, от прегрешений и скверны, облецы светозарною одеждею добродетелей, и ликомъ святыхъ сочетай.

Пѣснь 4

Ирмос: Христосъ моя сила, Богъ и Господь, честная Церковь Боголепно поетъ взывающи, от смысла чиста, о Господе празднующи.

Свет рождшая, тьму разруши многих моих прегрешений Твоею зарею, Пренепорочная Владычице, Яже Солнце правды вернымъ возсиявшая.

Надежду, Тебе, Пречистая, ныне предлагаю моего неможения: да от Тебе не недействован отиду, спасение же получивъ воспую радуйся.

Слава: Богатыя щедроты Твоя даруй нам, Пречистая, верую и любовью в Твой храм притекающим, и от всяких искушений и скорбей избави.

И ныне: Слово, Пречистая, в Тя вселися, безсловесия страстей мир избавляя, Владычице, и Царствия Небеснаго сподобляя воспевающыя Тя.

Песнь 5

Ирмос: Божиим светом Твоим, Блаже, утренюющих Ти души любовью озари, молюся: Тя ведети, Слове Божий, истиннаго Бога, от мрака греховнаго зывающа.

Божественною зарею от Твоих чресл возсиявшаго, мою душу во тьме спящую просвети, Дево, и греховную мглу отжени, светом мя Твоим просвещаючи.

Душу мою исцели, Благая, впадающе в разбойники, милостивне елей искапающе, и вино благосердия Твоего, разумы независтно подающе ми.

Слава: Плотския недуги, и душевныя исцели нам к Тебе прибегающим, Всепетая: крепость бо еси притекающим под кров Твоя молитвы, Богородительнице.

И ныне: Божественный Дух Святыи вселися, Пресвятая Чистая, в Твое чрево, осенив Тя показа Дом Троицы, благоволением Отчим Слово зачениши, и Сего рождши.

Песнь 6

Ирмос: Житейское море воздвигаемое зря напастей бурю, к тихому пристанищу Твоему притек вопию Ти: возведи от тли живот мой, Многомилостиве.

Тьму разруши окаянныя моея души, и светом просвети мя, Пречистая, возсиявшим от Твоих ложесн, и все человеческое естество озарившим.

Враг видимых и невидимых навета избави мя, Чистая, и подаждь ми кров державный Твоего заступления: к Тебе бо, Дево, ныне прибегох.

Слава: Создавый всяческая, в последния дни от святых утробы Твоя воплотися, человеческое естество еже от Адама люте поползшееся устроив, мир обнови.

И ныне: Святых ангел благолепие поет Тя, и аз молю, Пренепорочная: отими от мене нелепая бесов мечтания, в тишине соблюдаючи сердце мое.

Таже, Господи, помилуй, **трижды.** Слава, и ныне:

Седален, глас 6:

Прилози сопротивных борют достояние Твое, Владычице Чистая, разори тех коварствия, и низложи на землю гордынное шатание: Ты бо еси Заступница верно молящимся Ти.

Песнь 7

Ирмос: Росодательну убо пещь содела ангел преподобным отроком, халдеи же опаляющее веление Божие мучителя увеща вопити: благословен еси Боже отец наших.

Просветивши мя Светом Непреступным, Пречистая, во тме неразумения, и к Свету настави верно вопити Сыну Твоему благочестно: благословен Бог отец наших.

Омраченный облак отжени от души моея, Богородительнице, осиявши светом всех Творца: приятелище бо еси Света Превечнаго, от Отца безстрастно возсиявшаго.

Слава: Приклонися нашим мольбам, Чистая Богородительнице, молитвою милостивно подвигнися к Богу: и Сего милостива сотвори нам, на Тя, Благая, присно надеющимся.

И ныне: Осквернена мя суща страстьми лукавых деяний, очистилище даждь ми, Чистая, слез капли омывающи студ лукавый греха моего, окаiania источник.

Песнь 8

Ирмос: Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Яже Владыку всех плотию рождающая, насильствия страстей исхити мя, Отроковице, и Творцу всяческих присвой любовь, поющаго во вся веки.

На одре болезненне слежащу ми, посещением Твоим, Отроковице, возстави мя, и душевное и телесное даруй ми здравие, воспевающе Христа во веки.

Слава: Страстей моих пламень угаси росю молитв Твоих, Владычице: и мене спаси, якоже прежде Сын Твой избави отроки, превозносящия Его во веки.

И ныне: Не ужасаюся лаяния борца, на Тя упование чаяния моего имый, Благая: заступаеши бо всегда спасающи от бед, Тя восхваляющих.

Песнь 9

Ирмос: Бога человеком не возможно видети, на Негоже не смеют чини ангельстии взирати: Тобою же, Всечистая, явися человеком Слово воплощенно, Егоже величающе, с Небесными вои Тя ублажаем.

Зол всяческих избави к Тебе прибегающаго верою, Дево Пречистая: и здравие даждь ми прибегшему в покров Твой, Отроковице, и лютых избавление: яко да во гласех благодарственно присно славлю Тя.

Клятву печали разрушила еси, Чистая, и радость источила еси миру Рождеством Твоим: благословения Источник рождши. Темже восхваляюще

Тя, Всепетую, вси благодарственнo вѣрнии ублажаѣм присно.

Слава: Свѣта пріятелище, Богородительнице, Твое чрево бысть, Всепетая, от Отца Возсиявшаго прѣжде всех вѣк. Темже Тя Богородицу вси славим: Сего яко Сына Твоего и Бога величаѣм.

И ныне: Сына безлетна от Отца возсиявшаго, Едина Чистая, родила еси в лето, Духа найтием Божественнаго. Темже Тя, Пречистая, Богородицу неискусомужную вси языком и сердцем вѣрнии исповѣдуем.

Таже: Достойно есть: **И поклон.** **И** Трисвятое. **По** Отче наш: **тропарь.**
И прочее обычно. И отпуст.

Понедельник

В понедельник утра

по 1-м стихословии седальны покаянны, глас 6:

Помышляю день страшный, и плачуся деяний моих лукавых, како отвещаю Безсмертному Царю? коим же дерзновением воззрю на Судию блудный аз? Благоутробный Отче, Сыне Единородный, и Душе Святыи, помилуй мя.

Стих: Господи, да не яростию Твоею обличиши мене, ниже гневом Твоим накажешу мене.

Во удоли плачевней, на месте идеже положи, егда сядеши, Милостиве, сотвори праведный суд, не обличи моя сокровенная, ниже посрами мене пред Ангелы: но пощади мя, Боже, и помилуй мя.

Слава, и ныне, Богородичен: Преславную Божию Матерь, и святых Ангел Святейшую, немолчно воспоем сердцем и усты, Богородицу сию исповедающе, яко воистинну рождшую Бога воплощенна и молящуюся непрестанно о душах наших.

По 2-м стихословии седальны, глас 6:

Помилуй нас, Господи, помилуй нас: всякаго во ответа недоумеюще, сию Ти молитву яко Владыце грешнии приносим, помилуй нас.

Стих: Господи, да не яростию Твоею обличиши мене, ниже гневом Твоим накажешу мене.

Господи, помилуй нас, на Тя бо уповахом, не прогневайся на ны зело, ниже помяни беззаконий наших: но призри и ныне яко благоутробен, и избави ны от враг наших. Ты бо еси Бог наш, и мы люди Твои, вси дела руку Твоею, и имя Твое призываем.

Стих: Дивен Бог во святых Своих, Бог Израилев.

Свет праведным присно, святии бо о Тебе просвещшися, сияют всегда яко светила, свещник неверных угасивше: ихже молитвами, Спасе наш, Ты просвети светильник мой, Господи, и спаси мя.

Слава, и ныне, Богородичен: В храме стояще славы Твоея, на небеси стояти мним. Богородице, дверь небесная, отверзи нам двери милости Твоея.

По 3-м стихословии седальны, глас 6:

Подобен: Упование:

Страшнаго дне пришествия Твоего ужасаюся, Христе, и неумоленнаго судища боюся и трепещу, яко имый множество согрешений: но прежде конца мя обратив спаси яко Милостив Бог, Ангел Твоих молитвами, благоутробне Спасе, едине Человеколюбче.

Душе, в лености жизнь провождаючи всю, дне суднаго грознаго во уме не прие́млеши, воспряни́ убо, и покая́ние себе́ избери́, обрати́ся и возопи́й ко Христу́: Щедре, не вспомяни́ наших мно́гих согреше́ний, в час осужде́ния.

Слава, и ныне, Богородичен: Упова́ние, и покрóв, и пристани́ще на Тя наде́ющимся, Богороди́тельнице́ благая́, предста́тельница́ ми́ру, моли́ со безплóтными приле́жно, Егóже родила́ еси́ человеколю́бнаго Бо́га, изба́вители́ душам на́шим от вся́каго преще́ния, едина́ благослове́нная.

Кано́н покая́нен ко Го́споду на́шему Иису́су Христу́ и святы́м Егó мучени́ком, **[его́же краегра́нєсие:** Очию́ моею́ Христе́ пла́чь приими́]
Творе́ние Ио́сифово, глас 6:

Песнь 1

Ирмо́с: Чу́вственный́ фарао́н потопле́н бы́сть со всево́инством, Израиль же проше́д посреде́ моря, вопия́ше: Го́сподеву́ Бо́гу на́шему поим, я́ко просла́вился.

Впа́дшаго, Христе́, разбо́йников в ру́це лука́вых, и я́звами душе́тленными, испо́лу ме́ртва бы́вша, ми́лости е́леем уврачева́в уще́дри мя, да Тя просла́вляю.

Я́ко согреших мно́го, верте́п бы́х разбо́йником: рождей́ся в верте́пе Христе́, слез ту́чу да́руй ми́, и очисти́, я́ко да Свято́му Ду́ху Твоему́ це́рковь буду́.

Мучени́чен: Юноше́ски врага́ низложи́вше страда́льцы, богоплете́нными вои́стинну венцы́ украси́стєся, и Бо́гу в вы́шних со А́нгелы предста́ите, сла́вы исполняе́ми.

Мучени́чен: И́же крове́й глубино́ю фарао́на мы́сленнаго удави́вше ино́гда, честни́и вели́комучени́цы, к земли́ обетова́ния небе́сней преидо́сте, Христа́ сла́вляще.

Богородичен: С мучени́ки, Чи́стая, с Божество́нными проро́ки и со все́ми А́нгелы, Зижди́теля́ все́х моли́, спасти́ веро́ю Тя сла́влящих и велича́ющих.

Други́й кано́н, святы́м небе́сным безплóтным а́нгелом, [его́же краегра́нєсие: Шесто́е быва́ет умных пение́.] **Творе́ние Феофа́ново. Глас 6.**

Ирмо́с: Я́ко по су́ху пешешество́вав Израиль, по бездне́ стопа́ми, гоните́ля фарао́на ви́дя потопля́ема, Бо́гу победну́ю песнь поим, вопия́ше.

Небе́сных лик восхваля́ю красное́ благоле́пие, те́х све́тлыми мол́ниями просвети́тєся вопию́: молю́ Тя, Христе́, едина́го благоутро́бнаго. **[Два́жды.]**

Украше́й сло́вом вся́, и и́же из Тебе́ Всесвяты́м Ду́хом а́нгельския́ лики, тебе́ ю́же все́х вину́ пети́ устроил еси́ те́х, я́ко все́силен.

Богородичен: Твоего́ прие́мши Соде́теля́ я́ко Са́м восхоте́, из

безсе́меннаго Твоего́ чрева́ па́че ума́ воплоща́ема, Чи́стая, тва́рем
вои́стинну яви́ся Влады́чица.

Пёснь 3

Ирмо́с: На твёрде́м ве́ры Твоея́ ка́мени помышле́ние утверди́в души́
моея́, утверди́, Го́споди: Тя́ бо има́м, Бла́же, прибе́жище и утвержде́ние.

Пока́ются Христо́ви обеща́хся, и от злых́ ника́коже отста́паю: что́
бу́ду, слепото́ю обложе́н мно́гою? Сы́не Бо́жий, Ты́ мя уще́дри.

Помы́шляю Бо́жие долготерпе́ние, изжив́ жизнь в ле́ности
окая́нный, и бою́ся, да не внеза́пу посече́ние сме́ртное предва́рит мя.

Му́ченичен: Гонéния, болезне́й же и бед́ яко́же пи́щи жела́юще,
му́ченицы весе́ляхуся, зря́ще мы́сленны́ма очы́ма ве́чнуююще наслажде́ние.

Му́ченичен: Я́коже на твёрде́м благоче́стия ка́мени помышле́ние
утверди́вше премудре́нно, кре́постию святы́и, многообра́зных ра́н не
убо́ястеся му́ченицы.

Богоро́дичен: Но́в на́м ра́й яви́лася еси́ жи́зни, чи́стая, посреде́ дре́во
иму́щий, от него́же яды́й, Пречи́стая, умерщвле́ния Ада́м лукаваго
отпу́щается.

И́н Ирмо́с: Не́сть свят, я́коже Ты́, Го́споди, Бо́же мо́й, вознесы́й ро́г
ве́рных Твои́х, Бла́же, и утверди́вый на́с на ка́мени испове́дания Твоего́.

И́же вся́кое словéсное естество́, от не су́щих хоте́нием соде́лавшее,
трисвяты́ми гласы́ поётся в три́ лица, и славосло́вится ве́рно. [Два́жды.]

Исто́чая ны́не благо́е, Влады́ко вся́ческих, и бога́тне изли́вая:
прича́стием бла́гих, безплотны́я ли́ки а́нгельския показа́л еси́,
Человеколю́бче.

Богоро́дичен: Дадéся отпу́щение на́м Тебе́ ра́ди, Богоро́дице, зако́на бо
Влады́ка из Тебе́ вопло́щся, стра́сти на́с ра́ди претерпев, и всех́ изба́вил
е́сть.

Пёснь 4

Ирмо́с: Покры́ла е́сть небеса́ добродéтель Твоя́, Христе́, и Твоего́
хвале́ния, Го́споди, вся́ испол́нишася.

Не осуди́ на́с согрешив́ших Ти́ мно́го: но обы́чною Твое́ю, Влады́ко,
ми́лостию уще́дри.

Пу́ть сый́ живота́, Спа́се, смертоно́сных путе́й греха́ уклони́тися ми́
присно́ сподо́би.

Му́ченичен: Воспаля́ющимися ра́нами угаси́сте о́гнь, пострада́вши
му́ченицы, росóю Божéственного́ дýха, пребы́сте неопалéями.

Му́ченичен: Пото́ка Божéственны́я пи́щи наслажда́етесь превы́спрь
му́ченицы, кро́вными течéнии, сию́ бога́тно насле́довавшие.

Богоро́дичен: Ле́ностию жи́знь мою́ иждив́, Пречи́стая, к Твоему́

притекаю заступленію, ущедривши спаси мя.

Ін Ирмос: Христос моя сила, Бог и Господь, честная Церковь боголепно поет зываючи, от смысла чиста о Господе празднуючи.

Тли неприятное естество имуще, Божественнейшии умі Твой честнии, престол обстоят, безсмертия Тя источник наследовавшии, Человеколюбче. [Дважды.]

От Святаго Духа освящаеми ангельстии собори, на зло пребывают недвижими, еже к первому благому восхождению обожаем.

Богородичен: Клятва разорися праматерняя, Тебе ради, Богородице Всенепорочная: Ты бо нам, Пречистая, благословения источник приснотекущ родила еси.

Песнь 5

Ирмос: Свет возсиявый миру, Христэ, просвети сердце мое от нощи Тебе зовуща, и спаси мя.

Иже от Иессеова корене израстый, Христэ, изсуши прозябения страстей моих, всаждая во мнэ страх Твой.

Воздыхания якоже мытарь стяжим, и злых отступим, яко да воздыхания убежим вечнующаго.

Мученичен: Уязвлени Божественным ти желанием, мученицы Твой, Господи, уязвляеми муками радовахуся.

Мученичен: От конец телесем страждуще мученицы возвасте, и Христос глас ваш услышал есть.

Богородичен: Небесная врата воспоем Богородицу, имиже входят вси грешнии ко входом прощения.

Ін Ирмос: Божиим светом Твоим, Блаже, утренюющих Ти души любовию озари, молюся: Тя ведети, Слове Божий, истиннаго Бога, от мрака греховнаго зывающа.

На престоле херувимсте видев Тя пророк, Всевидче, Зиждителя и Бога сидяща: знаменми Твоему научается владычеству и господству. [Дважды.]

Тьмы тьмами, и тысяща тысящами Ангел, Тебе окружаема, Владыко, Даниил зряше, совокуплена человеческому зраку: державе Твоея славы тайнонаучается.

Богородичен: Красен добротою Твой Сын явися, паче сынов земнородных, Всенепорочная Владычице: Слово бо есть иже над всеми Бог, аще и естество человеческое из Тебе прият.

Песнь 6

Ирмос: Китом пожрен греховным, вопию Тебе, Христэ, яко пророка из истления мя свободи.

Воочивый слепыя, Христе, души моя отверзи очи: яко да свет Твой узрю, и страстей тьмы избавлюся.

Бод животворных покаяния исполнену душу мою сотвори, Щедре, реки слез даруя ми.

Мученичен: Юдолия мученическая крины исцелений изращают, и всех сердца благочестивых облагоухают.

Мученичен: Разрешаемы муками телесе тлеющего святии, любовию же ко Владыце и сердцем привязаетеся.

Богородичен: Свята Мати Божия, оскверненное сердце мое деянии нечистыми, молитвами Твоими очисти.

Ин Ирмос: Житейское море воздвигаемое зря напастей бурю, к тихому пристанищу Твоему притек вопию Ти: возведи от тли живот мой, Многомилостиве.

Ума чистотою зря Иаков, на лестнице низходяща Ангелы Твоя, Владыко, светло, издалеча Твоему научашеся в плоти пришествию явственнейше. **[Дважды.]**

Разумев Божественное Ангелов светлое ополчение, радовашеся угольник Твой, Владыко, Израиль, благочинно ликовствующее, и Твою неизреченную славу обстоящее.

Богородичен: Гор небесных воистинну превышши, Ангельских сил, явися гора явственная, Отроковица Владычица, яже Твою вместившая лучу Божества.

Песнь 7

Ирмос: Преподобных Твоих отроков песнь услышавый, и пещь горящую оросивый, благословен еси, Господи Боже отец наших.

От зельных злобы умом ослепихся, и не возрех на свет покаяния, Христе Спасе мой, спаси мя.

Надеюся на Твое благоутробие, припадаю Ти, Щедре, прошу зол моих разрешения, не презри мя, Владыко.

Мученичен: Премирною славою облекий святых Твоя пострадавших в мире, молитвами их, Христе мой, спаси мя.

Мученичен: Законоположения неправедная поплевасте, праведнаго закона суще Божественнии хранителие, верою законно пострадавшие.

Богородичен: Рабий зрак приемшаго Владыку, Отроковице, раждаеши: егоже моли, Чистая, страстей мя работы свободити.

Ин Ирмос: Росодательну убо пещь содела Ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

Красотою светлеетеся вси святии Ангели Вседержителя,

приближающе́йся неизрече́нной сла́ве Христо́вей, и любо́вию всегда́ пою́ще ему́: благослове́н еси́, Бо́же, во ве́ки. [Два́жды.]

Мы́сленно о Тебе́, Влады́ко, обраща́ющиеся А́нгели, непости́жно светоявле́ние Твое́ прие́млют присносу́щне, пою́ще и глаго́люще всегда́: благослове́н еси́, Бо́же, во ве́ки.

Богоро́дичен: С тобо́ю благослове́нная Госпо́дь, безплотный арха́нгел рече́: истле́вшее бо естество́ обновити хотя́, во чре́во Твое́ всели́ся, Чи́стая, благослове́нная, я́же Бо́га плоти́ю ро́ждшая.

Пе́снь 8

Ирмо́с: Преподо́бнии Твои́ о́троцы в пе́щи херувимы́ подража́ху, трисвяту́ю пе́снь воспева́юще: благослови́те, пойте́, и превозноси́те во вся́ веки.

Поревнова́х немилосе́рдию бога́того нра́вом, и презира́я моего́ обнищавша́го ума́, пред двере́ми пока́яния огноена́го зло́бою, Христе́, да не во о́гнь по́слеши негасимый́.

Зиме́ и в суббо́ту, до́брых пра́здности, да не от жити́я мя поймеш́и негото́ва, зиму́ греховну́ю утоли́вый ще́дрый: но обра́щение Божество́нное пода́ждь ми.

Му́ченичен: Му́ченицы нельсти́вною ве́рою ле́сть попира́юще, вся́ко му́к претерпе́ша трево́лнение, благосло́вляще, пою́ще, и превознося́ще Христа́ во ве́ки.

Му́ченичен: Возжига́ющий пла́мень му́к угаси́вше терпе́ния росо́ю святы́и, ве́щь попали́сте безбо́жия ре́вностию Божество́нными любве́ распала́еми, добропобе́днии му́ченицы.

Богоро́дичен: Су́щи А́нгел честне́йшая, Бо́га пресвята́го родила́ еси́, премно́жественне освя́щися, Богоро́дице Де́во: те́мже ду́шу мою́ освя́ти.

И́н Ирмо́с: Из пла́мене преподо́бным росу́ источи́л еси́, и пра́веднаго же́ртву водо́ю попали́л еси́: вся́ бо твори́ши, Христе́, то́кмо е́же хотети́. Тя́ превозно́сим во вся́ ве́ки.

Я́коже Елиссее́ дре́вле Твое́го́ уго́дника вои́нствы безплотными́ огради́л еси́: тако́жде и ны́не, Христе́, Це́рковь Твою́ Тебе́ превознося́щую огради́ во ве́ки. [Два́жды.]

Иза́бавитися от прегреше́ний, моли́теса архистрати́зи Божество́ннии, я́ко предстоя́ще престо́лу грозному́, любо́вию сла́влящим и превознося́щим Христа́ во вся́ ве́ки.

Богоро́дичен: Я́ко Ма́тери и Де́ве, ра́дуйся, тебе́ вопие́м с Гаврии́лом Божество́нным, Богора́дованная: сло́во бо нам Бо́жие плоти́ю родила́ еси́, Е́гоже превозно́сим во вся́ ве́ки.

Та́же, пое́м пе́снь Богоро́дицы: Вели́чит ду́ша моя́ Го́спода: и про́чья

стихи.

Пѣснь 9

Ирмосъ: Ёже радуйся от Ангела приимшая, и рождшая Создателя Своего, Дево, спаси Тя величающыя.

Иосиф убо целомудрствовав, пшеницодавец познан бысть: аз же блудствуя, гладом одержимъ есмь добродетельных деяний.

Яко Пётр покайся Христе, слезы приношу, яко мытарь въздыхаю, яко блудный из глубины зову: согреших, прости мя.

Мученичен: Пособием Христовым премудрии, низложисте злобу вражию, венцы победы с высоты приясте.

Мученичен: Святая мученик память всех освящает Святым Духом, православно сию освящающих.

Богородичен: Просвети мя омраченнаго грехи, безстрастия Свет рождшая: яко да пою Тя, Чистая Приснодево.

Ин Ирмосъ: Бога человеком не возможно видети, на Негоже не смеют чини ангельстии взирати: Тобою же, Всечистая, явися человеком Слово воплощенно, Егоже величающе, с небесными вои Тя ублажаем.

Давиду пророку Твоему, яко престати сотворил еси, Твоя люди поражающа оружием Ти Ангела: яко щедр подаждь мир, Христе, всем церквам, надлежащая ныне облегчая искушения, яко многомилостив.

[Дважды.]

Видев людей Твоих, Христе, озлобление, яко врач душ же и телес исцели мольбами, Владыко, Твоих служителей, ныне окрест стоящих Тебе всех Царя и гласы непрестанными яко Бога славословящих Тя.

Богородичен: Начала, архангели, господствия и серафими, силы, власти и Ангели, престолы с херувимы, ныне препрославленное Рождество Твое чтуще, Тя, Мати Дево, благоговейно присно славят.

Таже, Достойно есть: И поклон. **Таже, ектения, и светилен, и псалмы обычные.**

На стиховне стихиры покаянны, глас 6:

Нага мя обрет от добродетелей враг, стрелою греховною уязви: но Ты яко врач душ же и телес, язвы души моея исцели, Боже, и помилуй мя.

Стих: Исполнихомся заутра милости Твоея Господи и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Сердца моего струпы от многих согрешений возрастшья ми исцели, Спасе, яко душ и телес врач, подая просящим согрешений прощение, присно подая ми слезы покаяния: и даруй ми разрешение долгов,

Господи, и помилуй мя.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Господи, в памяти святых Твоих, вся тварь празднует, небеса радуются со ангелы, и земля веселится с человеки: тех молитвами помилуй нас.

Слава, и ныне, Богородичен: Архангельское слово прияла еси и херувимский престол показала еси, и на руку носила еси, Богородице, надежду душ наших.

Таже, Благо есть исповедатися Господеви: Трисвятое. **И по Отче наш:** тропарь, и ектения. **Таже, час 1-й:** и псалмы обычные, и прочее, и отпуст.

В понедельник блаженны, глас 6:

Помяни́ мя, Бо́же Спа́се мой, егда́ приидеши во Ца́рствии Твоём: и спаси́ мя яко еди́н Человеколюбец.

Стих: Блаже́ни изгна́ни пра́вды ра́ди, яко́ те́х е́сть Ца́рство Небе́сное.

Пре́зри я́же в ве́дении и не в ве́дении соде́янная моя́, Иису́се Человеколю́бче, и спаса́емых ча́сти сподо́би мя.

Стих: Блаже́ни есте́, егда́ поно́сят ва́м, и изжену́т и реку́т вся́к зо́л глаго́л, на вы́ лжу́ще Мене́ ра́ди.

Просвети́вый а́нгельския́ ли́ки, те́х мольба́ми, Христе́, зра́к се́рдца моего́ просвети́.

Стих: Ра́дуйте́ся и весели́те́ся, яко́ мзда́ ва́ша мно́га на Небесе́х.

Вся́ко искуше́ние ра́н подьёмше, страстоно́сцы, ра́ны и стру́пы челове́ком ве́рующим присно исцеля́ете.

Слава: Трои́це Святе́й поклони́мся, поёмей а́нгельскими́ во́инствами, то́й вопию́ще: спаси́ ду́шы на́ша.

И ны́не: Избави́ мя о́гня вечно́го, и му́к належа́щих ми́, Богороди́тельнице, яко́ да ублажа́ю Тя.

В понедельник вечера

на Господи, возвах, стихиры покаянны, глас 6:

Подобен: Отчаянная жития ради:

Стих: Аще беззакония назириши, Господи, Господи, кто постоит? яко у тебе очищение есть.

Кто мене не плачется, преступившаго заповедь Вышняго, невоздержания ради? во ад вселихся, вместо рая, снеди сладкия видением, смерть исходатайствующия, и странен ея ради Божия славы и жизни явихся: но прими мя кающася, Господи, яко милостив и Человеколюбец, великия ради Твоея милости.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Виждь мою скорбь и болезнь, и прегрешений безмерное множество, души моя озлобление, и умное прельщение: разумей глас отчаяннаго и осужденнаго. И даждь ми, Господи, дух сокрушен, и смиренно сердце, и подаждь источник слез, и многих прегрешений прощение, великия ради Твоея милости.

Стих: От стражи утренния до ноци, от стражи утренния да уповает Израиль на Господа.

Боже, хотяй всем человеком спастися, призри и услыши молитву мою, и да не моя слезы отринеси, яко суетны: кто бо прииде к Тебе плача, и не абие спасен быв? кто же ли возопи тепле к Тебе, и не абие услышан бысть? но о Владыко! скор обретаешися во спасение молящимся Ти всем, яко в милости непобедимь.

Таже минеи стихиры святому. Аще ли несть минеи: **ины стихиры святому и великому Иоанну Предтечи.** Глас тойже.

Стих: Яко у Господа милость, и многое у него избавление: и той избавит Израиля от всех беззаконий Его.

В пути заблудившаго мя жития, не презри, Предтече Спасов: сердечнии бо очи к Тебе возвожду, и постави на камени покаяния стопы души моя, покажи путь прав ходити ми, вводящий во врата спасительная: и не отрини стенание скорбящаго сердца моего, в рожденных всех преизящный.

Стих: Хвалите Господа вси языцы, похвалите Его вси людие.

Крестителю и Предтече Спасов, помощник ми буди блаженне, углубшему в тимении помышлений нечистых, руку ми подаждь прикоснувшуюся верху нетленному, дела творити покаяния укрепи

добрѣственне, еже проповѣдал еси, и Царствія внѣтъ быти, еже первыи научил еси, сподоби мя раба Твоего.

Стих: Яко утвердися милость Его на нас, и истина Господня пребывает во век.

Иже матернее неплодство, и Отчее безгласие разрешивый рождеством Твоим, неплодствие разреши безчаднаго моего сердца: всяко же безсловесие души отими вскоре, Слову бо глас сый, возглашающъ покаяние, еже сподоби мя сие совершати всегда, от Бога удалившагося лености ради, Христов крестителю.

Слава, и ныне, Богородичен: Человеколюбия Твоего пучину, и благоутробия Твоего глубину, и благости щедроты неизчетныя покажи, Пречистая Дево, на мне окаяннем. Утоли пажить греховную, целомудрие подавши, и соблюди с душею и теломое нескверно, яже Спаса рождающая.

Таже, Свете тихий: Прокимен дне. Сподоби, Господи, в вечер сей:

На стиховне, стихиры покаянны, глас 6:

Во страшное пришествие Твое, Христе, да не услышим, не вем вас: упование бо, Спасе, на Тя возложим, аще и Твоя повеления не сохраним за небрежение наше, но пощади души наша, молимся.

Стих: К Тебе возведох очи мои живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Покаяния не стяжах, ниже паки слез, сего ради молю Тя, Христе Боже, прежде конца обрати, и дати умиление мне, яко да избавлюся от муки.

Стих: Помилуй нас, Господи, помилуй нас, яко по многу исполнихомся унижения: наипаче наполни душа наша поношения гобзующих, и унижения гордых.

Мученичен: Стратотерпцы мученицы небеснии граждане, на земли пострадавшие, многи муки претерпеша: молитвами их, Господи, и молением, всех нас сохрани.

Слава, и ныне, Богородичен: Никтоже притекаяй к Тебе, посрамлен от Тебе исходит, Пречистая Богородице Дево: но просит благодати, и приемлет дарование к полезному прощению.

Таже, Ныне отпускаеши: Трисвятое. По Отче наш: тропарь, ектения и отпуст.

В понедельник на повечерии

канон Пресвятей Богородице, глас 6:

Песнь 1

Ирмос: Яко по сѹху пешешествовав Израиль, по бѣдне стопами, гонителя фараона видя потопляема, Богу побѣдную песнь поим, вопияше.

Преклонен множеством искушений, и лютых деяний, вью душевную и телесную преклоняю Тебе, Чистая, и вопию Ти прилежно: Ты мя исправи.

О Всенепорочная Отроковице, крепкая верных помощь, и упование христиан! Ты мя свободи плотских сластей же и страстей, борющихся со мною.

Слава: Световодительница сущым во тьме: Свет мысленный рождши, Пречистая, просвети мою душу, и ум освяти, страстей и прегрешений тьму решащи.

И ныне: Омраченныя души моя, наведенныи безместных помышлений тьму разруши, Богородице Владычице, светом святых заповедей Воплощеннаго из Тебе.

Песнь 3

Ирмос: Несть Свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

На Тя, Чистая и Пречистая, надеявся, да не отпадѹ еже к Тебе чаяния, яко Мати Человеколюбца Бога милостива, сетей мя вражиих избави.

Марие Мати Божия, Спасения двере, Еюже пройде Един Иже всех Творец, покаяния ныне Божественныя двери отверзи ми, Пречистая.

Слава: Пристанище буди ми и хранительница Чистая, лютыми треволнении страстей обуреваемому всегда в мори жития, Единая Приснодево.

И ныне: Марие Мати Божия, просвети душу мою помраченую люте многими грехи, и стрелою лукаваго уязвленную, и изнемогшую.

Песнь 4

Ирмос: Христос моя сила, Бог и Господь, честная Церковь Боголепно поет зывающе, от смысла чиста, о Господе празднующи.

Крепость моя, Пречистая, и прибежище, и неборимая стена, и к Богу молитвенница сущи, вечнующаго пламене и геенны свободи мя.

Марие Всечистая, страстей молву моего ума, и искушений бурю разори, Яже безстрастия Источник рождши, Мати Приснодево.

Слава: Чистая и Всенепорочная, Яже чистоты бывши приятелище

вместе Божественного вселения, душевную мою скверну и нечистоту потреби.

И ныне: Едину Пречистую, Едину нескверную, молю Тя, Отроковице, сладостными осквернившаяся страстьми, и окалявша душу, Твоими молитвами очисти.

Песнь 5

Ирмос: Божиим светом Твоим, Блаже, утреняющих Ти души любовью озари, молюся: Тя ведети, Слове Божий, истинного Бога, от мрака греховного зывающа.

Осквернен помыслом и окалян многими паденьми, Мати Божия, Тя молю, Единая нескверная, ущедри и спаси мя ходатайством Твоим.

Божественным сиянием Твоим, Благая, просвети душу мою омраченную сладостми, и к спасения стези направи, Единая Спаса Христа рождающая.

Слава: Греховныя ми пленицы расторгни Твоим ходатайством, Дево, и заступлением, и радости Божественныя тишины исполни душу мою окаянную, и тьмы избави.

И ныне: Тя Едину Божественное прибежище ныне стяжав, Благая, зову Ти, и верно припадаю: Ты мне заступление, и покров спасения буди, Владычице мира, и спаси мя.

Песнь 6

Ирмос: Житейское море воздвигаемое зря напастей бурю, к тихому пристанищу Твоему притек вопию Ти: возведи от тли живот мой, Многомилостиве.

Повинен сый грехами, и люте уязвixся окаянный, к Тебе Богомати милостивей прибегаю моляся: нападения потреби прегрешений моих.

Двере благодатная, отверзшая верным дверь Небесную, покаяния дверь светлую отверзи ми, Владычице, и врат смертных свободы.

Слава: Страстьми мя преклонена от сопротивных прилог, Мати Божия, утверди, Яже безстрастия рождши Источник: к Тебе бо прибегах, окаянная моя души утешительнице.

И ныне: Призри, Владычице, на мя смиренного, и ненадежно спаси мя: Ты бо еси упование и покров ми, жизнь и свет сердцу моему, Богородице, и утверждение.

Таже, Господи, помилуй, трижды. **Слава, и ныне:**

Седален, глас 6:

Безпомощным крепость, Ты воистинну, Пресвятая Дево Мати, отсюду смиреннии Тобою возвышаемся, о Тебе висоце держимся: всем Ты еси покров, и к Богу ходатаица.

Пѣснь 7

Ирмос: Росодательну ўбо пещь содела ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

Очищение имама Тя всегда к Богу, Пренепорочная: темже испроси избавити всех, Пречистая, тамо мучений страшных, Богородицу воистинну исповедающих тя.

Леностию мя одержима, воздвигни к деланию, Пречистая, Божественных деяний, укрепляючи мя на враги присно борющыя мя люте, и сопротивными помышлении прельщающыя.

Слава: Не остави мене, Дево, погибати, ни попусти снедь быти присно жаждущему мою пагубу змию лютому: но подаждь ми Твою богатую милость.

И ныне: Молящи не престаи Человеколюбца Бога нашего, Всенепорочная, яко да приемем совершенное прощение, Чистая: и улучим Небесных уготованных благ, и неотемлемую радость.

Пѣснь 8

Ирмос: Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети, Тя превозносим во вся веки.

Якоже Рождеством Твоим, Всечистая, благих дел покажи плодотворно неплодное сердце мое, Бога умоляючи.

Мольбу, Дево, Богу принеси, души наша спасти, Богоблагодатная, и страстей прития избави нас, и от бесов злаго искушения.

К Твоему прибегаю покрову, Всенепорочная, и представительницу живота моего ныне предлагаю, избави мя, Отроковице, суда страшнаго, и испытания, и огня вечнаго.

Поколебавшуюся злобою борца душу мою утверди, Дево Чистая, и огненнаго изми мя мучения, и козлиц болезненныя части.

Пѣснь 9

Ирмос: Бога человеком не возможно видети, на Негоже не смеют чини ангельстии взирати: Тобою же, Всечистая, явися человеком Слово воплощено, Егоже величающе, с Небесными вои Тя ублажаем.

Страстей волнение смущает мя, и сладьми погружает мя, Дево Пренепорочная, Яже кормчию Христа рождающая: руку ми помощи прости и спаси мя, Единая спасение верою блажащих Тя.

Чертоже и престоле Царствующаго, горю Божия, и граде избранный, и раю солнца облаче всесветлый, просвети душу мою, облак

отгоняющи грехов моих многих, Богоблагодатная.

Слава: Чистая Дево Богообрадованная, двери Света двери души моея отвори, греха вход заключаючи: да мя не примет рука льстиваго, ведущи люте ко всепагубней и страшней муце.

И ныне: Душе, возникни, и побди в молитвах и во всеблагих попечениях уныния сон отгоняючи, бодрую заступницу имущи всегда, Чистую Матерь Божию Всещедрую.

Таже, Достойно есть: И Трисвятое. По Отче наш: тропарь и прочее по обычаю, и отпуст.

Вторник

Во вто́рник у́тра

по 1-м стихослoвii, седа́льны покая́нны, глас 6:

Помышляю́ де́нь стра́шный, и пла́чуся дея́ний мо́их лука́вых, ка́ко отве́щаю Безсме́ртному Царю́? ко́им же дерзнове́нием воззрю́ на Судию́, блу́дный аз? Благоутро́бный О́тче, Сы́не Единоро́дный, и Ду́ше Святы́й, помилуй мя.

Сти́х: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

Во удо́ли плачѣвней, на ме́сте, иде́же положи́, егда́ сядеши, Милостиве, сотвори́ти праведный су́д, не обличи́ моя́ сокровенная, ниже́ посрами́ мене́ пред А́нгелы: но пощади́ мя, Бо́же, и помилуй́ мя.

Сла́ва, и ны́не, Богоро́дичен: Милосе́рдия двѣри отве́рзи на́м, Благословенная Богоро́дице Де́во, наде́ющиися на Тя да не поги́бнем, но да изба́вимся Тобо́ю о бед: Ты бо еси́ спасе́ние ро́да христиа́нского.

По 2-м стихослoвii седа́льны, глас 6:

Душе́ моя́, вскую́ уны́вающи греху́ работаеши? И вскую́ боля́щи, ко врачу́ не приходиши? Возникни́ прочее́ от зoл, я́же соде́лала еси́, и возопи́й ко Спа́су, глаголю́щи: наде́жде ненаде́жных, животе́ отча́янных, Спа́се, воздви́гни, и спаси́ мя.

Сти́х: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеши мене́.

Му́дрых дѣв да́руй ми́, Го́споди, бде́ние, и души́ моея́ свещу́ просвети́ елеем ще́дрот Твоих, да пе́снь а́нгельскую пою́ Ти: аллилу́иа.

Сти́х: Дивен Бо́г во святы́х Своих, Бо́г Израи́лев.

Страстоте́рпческий по́двиг претерпе́вше святы́и, и по́чести победы́ от Тебе́ прия́ша: упраздни́ша помышле́ния беззаконных, и восприя́ша венцы́ нетле́нныя. Те́х ради, Бо́же, умоле́н бы́в, да́руй на́м велию́ милость.

Сла́ва, и ны́не, Богоро́дичен: Упование́ ми́ра, благая́ Богоро́дице Де́во, Твое́ и еди́ное стра́шное предста́тельство проси́м: умилосе́рдися на лю́ди безпомощны́я, моли́ милостиваго Бо́га, изба́витися душа́м на́шим от всякаго пре́щения, Еди́на благословенная.

По 3-м стихослoвii седа́льны, глас 6:

Подобен: Всю́ отложивше́:

Живота́ яко́ показáл еси́ пути́ лю́дем Иоáнне, вопия́: испра́вите сердца́ ва́ша Го́сподеви: спаси́ многогрешную́ мою́ ду́шу, ко умилению́ приведи́ окамене́ную мы́сль, и изба́ви будущия́ му́ки Твоими́ моли́твами, Предте́че Спа́сов.

Страстѣй мя буря, и лютое треволнение прегрешений, во отчаяния глубины потопаи слове: но простри ми державную Твою десницу, и спаси мя якоже Петра, священными молитвами Предтечи Твоего, из глубины злолютых беззаконий моих.

Слава, и ныне, Богородичен: Иже прежде век от Отца без матери, рождагося Сына и Слова Божия, и в последняя лета родила еси воплощенна от чистых кровей Твоих, Богородительнице, кроме мужа, Егоже моли, даровати нам грехов прощение прежде конца.

Канон покаянен ко Господу нашему Иисусу Христу, и святым мучеником. Творение кир Иосифа. Глас 6.

Песнь 1

Ирмос: Помощник и Покровитель бысть мне во спасение, Сей мой Бог, и прославлю Его, Бог Отца моего, и вознесу Его: славно бо прославися.

Избавителю мой Иисусе, якоже избавил еси многих прегрешений блудницу, иногда покаившуюся добре: молюся Ти, и мене избави безчисленных зол моих яко милостив.

Плавая в суетном помышлении жития, Иисусе, лютую сию пучину, во истопления впадох многая, от нихже избавив спаси мя.

Мученичен: Доблественныя страдальцы, чуждаго потребители, терпеливно пострадавшыя, и венцы приемшыя, от Бога победныя, радостно да почтим.

Мученичен: Ветийствующе мудрии, дерзновением Бога слова ветий злых победиште: и всяк вид подъемше ран, вельми прославистесь.

Богородичен: Явилася еси врата Живота, смерти врата затвори Рождеством Твоим, Чистая: явилася еси земля избранная, еюже вознесся от земли на небеса человеческое смешение.

Ин канон святому и великому Иоанну Предтечи. Творение Иосифово. Глас 6.

Ирмос: Чувственный фараон потоплен бысть со всевоинством, Израиль же прошед посреде моря, вопияше: Господеви Богу нашему поим, яко прославися.

Ангел Божественный Твое Рождество, ангеле Божий, предвозвещает Отцу: с нимже нас помяни, еже в день судный обрести нам милость, святыи Предтече.

Прозябение сый красное пустынное Предтече Христов, во мне непрестанно прозябающую леньность из корене исторгнув, покаяния мя приносити плоды сотвори.

Утроба безчадна Тя, плод раждает преславно, благоплодная сердца,

яже пре́жде непло́дная показав́шая, но ве́рою вопи́ю Ти: Крестите́лю, непло́дная моя помышле́ния исторгни.

Богоро́дичен: Лёстию непреста́нно вра́г лови́т мя лука́вый, то́го мя ловле́ния, Всенепоро́чная, исхити́, и твори́ти, Богоро́дице, наста́ви влады́чную Божественную во́лю.

Пёснь 3

Ирмо́с: Утверди́, Го́споди, на ка́мени за́поведей Твои́х, подви́гшееся се́рдце мое́, я́ко Един Свят еси́ и Го́спо́дь.

Милостивным Твои́м о́ком при́зри на мя, е́гда хо́щу пред Тобо́ю предста́ти, и суди́тися, Еди́не Благопременителю Го́споди.

Возды́хающа мя приими́, я́коже мы́таря из глубины́ душе́вныя, и покая́ние ми да́руй, Спа́се, греха́ вся́каго мя избавля́ющее.

Му́ченичен: Тече́нием, свя́тйи, пресвя́тых ва́ших крове́й, ме́рзская кро́вь преста́, приноси́мая бесо́м иногда́ в тре́бищах.

Му́ченичен: Ду́хом пресвя́тым укрепля́еми, свя́тйи, низверго́сте ка́пища поги́бельная, все́х к ве́ре утвержда́юще.

Богоро́дичен: Зачала́ еси́, Пресвя́тая, содержи́щаго ве́сь ми́р: се́го ра́ди молю́ся Ти, избави́ мя вся́каго содержи́щаго му́чения.

И́н Ирмо́с: На твёрде́м ве́ры Твое́я ка́мени помышле́ние утверди́в души́ мое́я, утверди́, Го́споди: Тя́ бо и́мамы, Бла́же, прибе́жище и утвержде́ние.

Обра́щение от пу́ти заблуждше́му да́ждь ми́ ны́не: и прости́ ми́ ру́ку, блаже́нне Предте́че, в пучи́не лю́тых всегда́ плаваю́щу.

Живу́ лено́стно, и посече́ние прибли́жается: твои́ми моли́твами возникнове́ние ми́ да́ждь, присносла́вный Предте́че, да не я́ко беспло́ден отсла́н буду́ во о́гнь неугаси́мый.

Стра́шный де́нь при двéрех, и лю́тыми обложе́н е́смь бре́меньми, от ни́хже мя обле́гчи, Го́споде́нь Крестите́лю, чи́стыми твои́ми мо́льба́ми.

Богоро́дичен: Престо́л Бо́жий яви́лася еси́, Богоро́дице, на не́мже плóтию се́де Христо́с, от пе́рваго паде́ния челове́ки воздви́же, во гласе́х радостных пою́щя Тя́.

Пёснь 4

Ирмо́с: Услы́ша проро́к прише́ствие Твоё́, Го́споди, и убо́яся, я́ко хо́щещи от Де́вы роди́тися, и челове́ком яви́тися, и глаго́лаше: услы́ша слух Тво́й и убо́яхся: сла́ва силе́ Твое́й, Го́споди.

То́ки слез да́ждь ми́ изсуша́ющыя страсте́й мои́х исто́чники, и греха́ вся́каго тиме́ния отмы́вающыя, Ще́дре, многомилостиве́, и уга́шающыя огня́ ге́енскаго ве́чнующий пла́мень неугаси́мый.

Непреста́нно чешу́ стру́пы души́ мое́я сластолю́бием, и пребыва́ю

неисцѣлен, в чувство сам прийти не хотя, кто буду? и что сотворю? Христе Щедрый, исцелив спаси мя.

Мученичен: Вод погібельных, и бури злѣбныя окормлѣнием Божественным мученицы присноблаженнии, верою преплывше пучину непостоянную, в безбѣдное и небурное Царствия Небснаго Пристанище dospete.

Мученичен: Просвѣщницы благочестия, светила истины бывше, светом подвигов потребите тму безбожия многоболѣзненную: чудес же зарями мученицы страстей мглу разгоняете.

Богородичен: Седмосветлый Тя свещник, огнь богоразумияносящ, Отроковице, пророк древле провиде, свещящ во тме неведения бедствующим. Темже вопию Ти, Всенепорочная: просвети мя, молюся.

Ин Ирмос: Услышах слух Твой и убояхся, разумех дела Твоя, и ужасохся: слава силе Твоей, Господи.

Уврачуи, Предтече, уязвленное на путех разбойнических сердце мое, молюся ти, детельною Божественных твоих молитв цельюю.

Низложи, Предтече, иже еще живущий в души моей грех: и возникновение ныне даруй ми, к сластем поползающемуся.

Пристанище нам явися обуреваемым в пучине житейския бури, преложи всех в тишину пребогате.

Богородичен: Да не осудиши мене, Господи, по делом моим, но милостив ми явися, Всещедрый: молит Тя со Крестителем рождшая Тя.

Песнь 5

Ирмос: От ноци утренюющая, Человеколюбче, просвети молюся, и настави и мене на повеления Твоя, и научи мя Спасе, творити волю Твою.

Се иже талант Твой сокровый, Христе, ленивый раб Твой, и упразднивыйся лукавыми страстей деянии, аз есмь: темже не послы мене во огонь.

Твой сын быв благодатию, благоутробне Христе, поработихся врагу, и от Тебе удалихся жив блудно. Темже обратив мя спаси.

Мученичен: Мученицы стояху пред судищем, щит веры обносяще. Темже стрелами лестными, уязвити тех лютый отступник не возможно.

Мученичен: Умерщвляеми телесы мученицы, вся умертвища козни вражия: и к жизни нестарѣющейся приидоша в радости, венцы победы приемше.

Богородичен: Врата непроходима, отверзи ми врата, молюся, покаяния истиннаго: и покажи ми стезю покаяния, Чистая, всех наставнице.

И́н Ирмо́с: К Тебе́ у́треню, милосе́рдия ра́ди себе́ исто́щившему непрело́жно, и до страсте́й безстра́стно прекло́ньшемуся, Сло́ве Бо́жий, мир пода́ждь ми па́дшему, Человеколю́бче.

Храм бы́л еси́ Бо́жественны́я Тро́ицы, и в хра́ме Твоём свято́м се́м собра́нии, ве́рою те́плою мо́лим Тя, Предте́че: изба́ви нас от искуше́ний и скорбе́й, всехва́льне.

Устрани́вшийся вся́кия добродете́ли у́м мой, Тебе́ стра́нным ходи́вша путе́м в житий блаже́нне, ны́не молю́: вся́ческих Бо́гу мя присво́й, лучша творя́ мя изя́чными припода́ньми.

Погрузи́вший во иорда́нских стру́ях, бе́здну милосе́рдия, проро́че, то́ки страсте́й мо́их моли́твами тво́ими изсуши́ ны́не, исто́чники ми слез пода́вая.

Богоро́дичен: Преукраше́нна Бо́жественными́ луча́ми, кра́снаго добро́тою роди́ла еси́, Де́во: то́го убо́ присно моли́, спасти́ нас от тли, и́же ве́рою и любви́ю Тя сла́влящия.

Пе́снь 6

Ирмо́с: Возопи́х все́м се́рдцем мо́им к ще́дрому Бо́гу, и услы́ша мя от а́да преисподня́го, и возведе́ от тли живо́т мой.

Не покажи́ мене́ бесо́м обра́дование в де́нь стра́шный, Христе́ Иису́се: да не услы́шу то́гда гла́са отсыла́ющаго во о́гнь ге́енский.

Погрузи́ мя во глубли́не прегреше́ний, и́же пра́ведных вра́г: и к ще́дрот Тво́их притека́ю пучине, Иису́се, к пристани́щу жи́зни ны́не направи́ мя.

Мучени́чен: Бо́лезней мно́гих ра́лом, обновль́ше, душе́вную бра́зду премуд́рии Бо́жественным се́менем ве́ры, многопло́дный муче́ния клас я́ве плодоноси́сте.

Мучени́чен: Я́звами уязви́сте уязви́вшаго ва́с, благоче́стивии ору́жницы. Те́мже преста́вльшеся к жи́зни, стра́сти ны́не челове́чския исцеля́ете.

Богоро́дичен: Хра́м Бо́гу яви́лася еси́, Всенепоро́чная, во́ньже всели́вся свяще́нне, челове́ческое существо́ обожи́, сотвори́л е́сть ве́рных хра́мы себе́.

И́н Ирмо́с: Бе́здна послéдняя грехо́в обы́де мя, и волне́ния не ктому́ терпя́, я́ко Ио́на, Влады́це, вопию́ ти: от тли́ мя возведи́.

Отрасль, Проро́че, ко́рене прозя́бл еси́, и се́рдца непло́дная вся́каго благо́разумия, благопло́дна в похвалу́ Бо́гу показа́л еси́.

Сокруши́ вско́ре лука́ваго но́гами на́шими, и исправи́ стопы́ на́ша мы́сленны́я на пу́ть ми́ра, предста́тельствы тво́ими, Предте́че.

Огради́, Проро́че, правдо́ю ста́до твоё́, избавля́я нас вся́каго наве́та бесо́вскаго, и вечну́ющия му́ки.

Богородичен: Пѣснь тебе́, Де́во, благодарѣния прино́сим ны́не: Тобо́ю, Чи́стая, спасѣни бѣ́вше от клятвы дре́вняя, и всяко́ благослове́ние плоди́м.

Пѣснь 7

Ирмо́с: Согрѣши́хом, беззако́ннавахом, неправдо́вахом пред тобо́ю, ниже́ соблюдохом, ниже́ сотвори́хом, яко́же заповедал еси́ нам: но не преда́ждь нас до конца́, отце́в Бо́же.

Взира́ю на ми́лость Твою́ безме́рную, безме́рно согрѣшивъ́й, ве́м Твое́ ми́лосѣрдие, ве́м долготерпѣ́ние и незло́бие: пока́яния ми́ да́руй плоды́, ще́дрый Христе́, и спаси́ мя.

Уврачу́й, Ще́дре, се́рдца моего́ неисце́льныя стра́сти, да́руй отсече́ние долго́в моих, тяжкое́ бремя́ обле́гчи: да во умиле́нии Тя сла́влю при́сно отце́в Бо́га.

Му́ченичен: Вяже́ми, ссеца́еми, и снеда́еми огне́м веще́ственным, льво́м преда́еми на сне́дь, и протяза́еми на колесе́х, не отверго́шася тебе́, Жива́го Бо́га на́шего, Боже́ственнии и свяще́ннии страда́льцы.

Му́ченичен: Разделя́еми бы́сте от теле́с, но не разделѣ́ни от Бо́га яви́стеся му́ченицы, совокупле́ния ра́ди Боже́ственного, себѣ́ соединивша́го нам нетле́нно. Его́же при́сно мо́лите, изба́витися нам вся́кия ну́жды.

Богородичен: Прозябла́ еси́ без се́мене, Его́же роди́ Отец нетле́нно, пребыла́ еси́ по рождестве́ Де́ва, яко́же и пре́жде рождества́. Те́мже ублажа́ема еси́, и прославля́ема, Пречистая́, непрестанно́, яко́ Мати́ су́щи Бо́жия.

И́н Ирмо́с: О́троцы в Вавило́не пе́щнаго пла́мене не убо́яшася, но посреде́ пла́мене вве́ржени, ороша́еми по́яху: благослове́н еси́ Го́споди Бо́же оте́ц на́ших.

Гласъ́ сый́ Слова́, ны́не гласы́ на́ша приими́ Крестите́лю: и страсте́й и бе́д, и мно́гих обстоя́ний, и ве́чнаго муче́ния изба́ви лю́ди тво́я.

Руко́ю показу́еши Проро́че, А́гнца Бо́жия, ми́ра взѣмлюща́го грехи́: Его́же при́сно мо́ли, отя́ти моя́ согрѣше́ния лю́тая, и лѣты́ удержа́нная, и живота́ сподо́бити мя.

Душе́ моя́, потщи́ся, и возопи́й, омраче́ние оста́вльши безсло́весныхъ́ дея́ний: ущѣ́дри мя́, Иису́се, мо́льба́ми Крестите́ля, и исхити́ мя тимѣ́ния де́л моих.

Богородичен: Ему́же предстоя́т с трѣ́петомъ́ небѣ́снии чи́ни, то́го роди́ла еси́, Чи́стая, соединивша́гося челове́ком за благо́сть: Его́же приле́жно мо́ли ущѣ́дрити рабы́ Тво́я.

Пѣснь 8

Ирмо́с: Его́же во́инства небѣ́сная сла́вят, и трепещу́т Херувими́ и Серафими́, всяко́ дыха́ние и тва́рь, по́йте,

благословите, и превозносите во вся веки.

Взираю на великую милость щедрот Твоих, Христе, якоже Давид, согрешив паче онаго, и зову со онем: Еди́не Милостиве, помилуй мя вскоре.

Конец благ быти ми молюся, положить же лукавым деянием когда конец, не усердствую, ожесточенное имея мое сердце: ущедри мя, Божий Слове.

Мученичен: Яко избранныя и непорочныя жертвы, пожершемуся нас ради, Единородному Слову, волею принесостеса, жертвы вся упражняюще демонския, страстности.

Мученичен: Жилам сечения, зубом искоренения, отятие же рукам, раздробление удом, и всякое томление иное претерпесте доблественне мученицы, поюще Христа единого подвигоположника.

Богородичен: Нова нам Младенца родила еси, Ветхаго Денями, новья на земли стези показующаго, и обетшавшее естество обновляюща, Безневестная Благословенная.

Ин Ирмос: За законы отеческия блаженнии в Вавилоне юношы предбедствующе, царюющаго оплеваша повеление безумное, и совокуплени имже не сваришася огнем, Державствующему достойную воспеваху песнь: Господа пойте дела, и превозносите во вся веки.

Над Слово крещаемо, в виде голубине, низходяща видел еси Духа Святаго, и глас Отець слышати сподобился еси, блаженне: Сей есть Сын Мой сопрестольный, Егоже поет вся тварь: Господа пойте дела, и превозносите во вся веки.

Огнем, Пророче, твоих молитв хвратныя страсти смысла моего попалив, и угашенный сердца моего свещник возжзи паки: яко да ясно смотря, воспеваю создавшаго свет повелений: Господа пойте дела, и превозносите во вся веки.

Сокрывый раб талант, егоже в делание от Тебе приях, аз есмь окаянный, и что сотворю, егда на суд приидеши, коегождо дело истязуя? но пощади мя мольбами Предтечи Твоего, и не во огонь послй вопиюща: Господа воспевайте дела, и превозносите Его во веки.

Богородичен: Соблуди мой смысл во смирении, Отроковице Богоблагодатная, яже Рождеством Твоим сокрушившая возношение демонское, и воздвигни мя от гноища страстей, и алчуща мя насыти благодати Твоея, поюща: Господа пойте дела, и превозносите во вся веки.

Таже, поем песнь Богородицы: Величит душа моя Господа: **И поклоны.**

Песнь 9

Ирмос: Безсеменнаго зачатия Рождество несказанное, Матере безмужныя нетленен Плод: Божие бо Рождение обновляет естества. Темже Тя вси роди яко Богоневестную Матерь, православно величаем.

Иисусе Человеколюбче, еди́не немо́щь на́шу ве́дый: в сию́ бо облеклся еси́ милосер́дия ради́, хотя́ сию́ очисти́ти: те́мже скве́рны лука́выя и гноения́ зол моих очисти́, и спаси́ мя.

Яко блудница слезы приношу́ Ти, Человеколюбче: яко мытарь стена́ зываю́ Ти: очисти́, и спаси́ мя. Якоже ханане́а вопию́: помилуй́ мя, якоже Петра́ пока́явша́ся, прощени́я сподо́би.

Мученичен: Плотию сплétшеся безплóтному миродёржцу, подвигами страданий того́ низложите, и победы венцы́ прия́сте досто́йно. Те́мже моли́тесь приле́жно о все́х, ве́рою восхваля́ющих ва́с, святии́.

Мученичен: Освятил еси́, Го́споди, зе́млю святы́ми крове́ми святы́х Твои́х, и те́х всесвяте́ духи, духо́вом сил святы́х совокупил еси́: всегда́ же сими́ освяща́еши ве́рою и́стинною Тебе́ освяща́ющыя.

Богородичен: Глас Ти́ прино́сим архангелов, Всечистая, благословенная, ра́дуйся вместившая́ Бо́га невместима́го: ра́дуйся клятвы́ разреше́ние, и благослове́ния введе́ние: ра́дуйся, едина́ райскую́ дверь отверзшая́.

Ин Ирмос: Странствия владычня, и безсмертныя трапезы на горнем месте, высокими умы, вернии, приидите насладимся, возшедша Слова, от Слова научившеся, Егоже величаем.

Уврачу́й мой ум, сластолю́бием житейским лю́те уязвлённый, и утоли́ зельне́ возмуща́ющую мя бу́рю, и пока́жи ми пока́яния пу́ти правы́я, Госпо́день Предте́че.

Виден был еси́ посреде́ стоя́ ветха́го же и но́ваго, о́вому у́бо проро́че, преста́ти творя́, ова́го же све́т явля́я, имже ходи́ти спешно́ настави́ нас, сове́стию Божественною́, яко́ да тьмы́ изба́вимся ве́чнуюющыя.

Сочетался еси́ с воинствы́ небесными́ богомудре́, с ними́же Христа́ моли́, су́щих на земли́ нас спасти́ почита́ющих Тя́ в честном Твоем се́м хра́ме, Крестите́лю Иоа́нне, Госпо́день Предте́че.

Де́нь исполнь я́рости, де́нь тьмы́ е́сть, дела́ иму́щым те́мная, су́д стра́шный, Крестите́лю Христо́в и Предте́че: моли́твами твои́ми тогда́ изба́ви осужде́ния вся́каго, тебе́ почита́ющих.

Богородичен: Явилася еси́ херувим святейши́ Де́во, яко́ Бо́га ро́ждши Пресвята́го, все́х нас освяти́, во гласех святы́х ве́рою, в но́щи и во дни́ тебе́ освяща́ющих.

Та́же, Досто́йно е́сть: **И поклон.** **И ектения́ ма́лая, и свети́лен, и псалмы́ обы́чныя, и про́чая.**

На стиховне стихиры покаянны, глас 6:

На́га мя́ обрѣт добродѣтелей враг, стрело́ю греховно́ю уязви́: но Ты́ яко́ врачъ ду́ш и телес, язвы́ души́ моя́ исцели́, и помилуй́ мя́.

Стих: Исполнимомся́ за́втра милости́ Твоея́, Го́споди, и возрадовахомся́, и возвеселихомся́: во вся́ дни́ на́ша возвеселихомся́, за дни́, в ня́же смирил ны́ еси́, ле́та, в ня́же видехом злая́, и при́зри на рабы́ Твоя́, и на дела́ твоя́, и наста́ви сы́ны их.

Серд́ца моего́ стру́пы, от мно́гих согрешѣний́ возра́стшыя ми́ исцели́, Спа́се, яко́ ду́ш и телес вра́чь: пода́я прося́щым прегрешѣний́ прощѣние, присно́ даруй́ ми́ слезы́ покая́ния, дая́ ми разреше́ние долго́в, Го́споди, и помилуй́ мя́.

Стих: И бу́ди свѣтлость́ Го́спода Бо́га на́шего на нас, и дела́ ру́к на́ших исправи́ на нас, и де́ло ру́к на́ших исправи́.

Мученичен: Го́споди, а́ще не бы́хом святы́я Твоя́ имѣли моли́твенники, и благосты́ню Твою́ милую́щую нас, ка́ко сме́ли бы́хом Спа́се, пе́ти Тя́, Егѡ́же славосло́вят непреста́нно А́нгели? Сердцевѣ́дче, пощади́ ду́шы на́ша.

Сла́ва, и ны́не, Богоро́дичен: Вели́ких дарова́ний, чистая́ Де́во Богома́ти, ты́ сподо́билася еси́, яко́ роди́ла еси́ плоти́ю едина́го от Трои́цы, Христа́ Жизнода́вца, во спасѣ́ние ду́ш на́ших.

Та́же, Благо́ е́сть испове́датися Го́сподеви: Трисвято́е. **И по́** О́тче на́ш: тропа́рь, ектениа́. **Та́же, ча́с пер́вый:** псалмы́ обы́чныя, и прѡ́чее, и отпу́ст.

Во вторник блаженны, глас 6.

Помяни́ мя, Бо́же Спа́се мой, егда́ при́деши во Ца́рствии Твоём: и спаси́ мя, яко́ еди́н Человеколюбец.

Сти́х: Блаже́ни изгна́ни пра́вды ра́ди, яко́ те́х е́сть Ца́рство Небе́сное.

Иже Петро́во прие́мый рыда́ние, приими́ и моё, Христе́, пока́яние: и да́руй ми согреше́ний про́щение.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зол глаго́л, на вы́ лжу́ще Мене́ ра́ди.

Пропове́давый пока́яние челове́ком, Госпо́день Крестите́лю и Предте́че, пока́йтесь ми́ от души́, моли́ся.

Сти́х: Ра́дуйтесь и весели́тесь, яко́ мзда́ ва́ша мно́га на Небесе́х.

Треволне́ния претерпе́вше страда́ний, страстоте́рпцы, челове́ков недуги́ ны́не исцеля́ете: те́мже блажи́ми есте́.

Сла́ва: Иже проро́ки прославляе́мый Бо́г в Тро́ице, прости́ей же и неслиянней, Предте́чи мольба́ми спаси́ мя.

И ны́не: Предста́тельство кре́пкое су́щым в ско́рбех, предста́ни ми́ житейским стра́стем приобща́ющемуся, и спаси́ мя, молю́ся.

Во вто́рник ве́чера

на Го́споди, возва́х, стихи́ры крѣстны, глас 6:

Подобен: Тридне́вно воскре́сл еси́:

Стих: А́ще беззако́ния на́зриши, Го́споди, Го́споди кто́ постои́т? Я́ко у тебе́ очище́ние е́сть.

Распеншуся Ти, долготерпеливе Го́споди, поколебал еси́ зе́млю всю́, ве́рных же утверди́в сердца́. Те́мже Тя воспева́ем, и любо́вию покланя́емся непостижимей силе Твоей.

Стих: И́мене ра́ди Твоего́ потерпѣх Тя, Го́споди, потерпѣ душа́ моя́ в сло́во Твое́, упова́ душа́ моя́ на Го́спода.

В ланиту зауше́н бы́л еси́, Спа́се, и оплева́н, ядови́таго зауши́л еси́ врага́ злобу́, оте́мля паде́ние, е́же подъя́т Ада́м, украде́н бы́в видѣния ра́ди.

Стих: От стражи́ утренняя до но́щи, от стражи́ утренняя, да упова́ет Израи́ль на Го́спода.

Со́лнце помрачи́ся, и зе́мля вся́ трясáшеся, и ка́мение распаде́ся, я́ко видѣша Тя, Спа́се, на Дре́ве пове́шена непра́ведно, и оставля́юща хотѣния.

Та́же мине́и стихи́ры свято́му, а́ще има́ть: а́ще ли не́сть, и́ны стихи́ры, глас и подобен то́йже.

Стих: Я́ко у Го́спода ми́лость, и мно́гое у него́ изба́вление, и то́й изба́вит Израи́ля от все́х беззако́ний его́.

Предстоящи́ у Креста́ ино́гда во вре́мя распя́тия Де́ва, с де́вственником учеником, и плачу́щи вопия́ше: увы́ мне, ка́ко страждеши, Христе́, все́х сый безстра́стие?

Стих: Хвали́те Го́спода все́и язы́цы, похвали́те Его́ все́и лю́дие.

Зача́тие Твое́ безсе́менное, и Рожде́ство пречи́стое помышля́юща, уди́вляюся зело́: ка́ко си́це я́ко злоде́й, благоволи́л еси́ умре́ти Спа́се? Пречи́стая взыва́ше.

Стих: Я́ко утверди́ся ми́лость Его́ на на́с, и и́стина Госпо́дня пребыва́ет во ве́к.

Распина́юся у́бо на Дре́ве, и пригвожда́юся я́ко челове́к, и во гробе́ полага́юся я́ко ме́ртв, Мати́ Чи́стая Де́во: я́ко Бо́г же, во сла́ве па́ки воскре́снү тридне́вен.

Сла́ва, и ны́не, Богоро́дичен: Лю́ди беззако́ннейшы́я, без пра́вды пригвожда́юща Тя на Дре́ве, Де́ва, и Чи́стая Ма́ти Твоя́ зря́щи, я́коже Симео́н прорече́, утробо́ю, Спа́се, уязвля́шеся.

Та́же, Све́те тихий: Прокі́мен дне́. и Сподоби́, Го́споди, в ве́чер се́й:

На стихо́вне стихи́ры крѣстны. Глас 6:

Крѣстъ Твой, Господи, жизнь и заступлѣние людемъ Твоимъ есть, и нѣмъ надеющихся, Тебѣ распеншагося плотию, Бога нашего поемъ, помилуй насъ.

Стихъ: Къ Тебѣ возведохъ очи мои живущему на Небеси. Се яко очи раба въ руку господий своихъ, яко очи рабыни въ руку госпожи своея, тако очи наши ко Господу Богу нашему, дондеже ущедритъ ны.

Крѣстъ Твой, Господи, рай отверзу роду человеческому, и от истлѣния избавльшися, Тебѣ распеншагося плотию Бога нашего поемъ, помилуй насъ.

Стихъ: Помилуй насъ, Господи, помилуй насъ, яко по многу исполнихомся уничижения: наипаче наполнися душа наша поношения гобзующихъ и уничижения гордыхъ.

Мучениченъ: Страдавши Тебѣ ради, Христѣ, многия муки претерпѣша, и совершенныя восприяша венцы на небесехъ: да молятся о душахъ нашихъ.

Слава, и нынѣ, КрестоБогородиченъ: На Дрѣве животъ нашъ зрящи всенепорочная Богородице висящъ, матерски рыдающе вопияше: Сыне Мой, и Боже Мой, спаси любовьию поющыя Тя.

Таже, Нынѣ отпуцаеши: Трисвятое. **По** Отче нашъ: **тропарь, ектенія, и отпуст.**

Во вторник на повечерии

канон Пресвятей Богородице. Глас 6:

Песнь 1

Ирмос: Яко по су́ху пешешествовав Израиль, по бездне стопа́ми, гонителя́ фараона видя́ потопляема, Бо́гу победную́ песнь поим, вопия́ше.

Припев: Пресвятая Богородице, спаси нас.

Всяко моего́ рыдаю́ жития́ сквернаго, и множества́ безме́рных ми́ зол: что́ же испове́м Ти, Чи́стая? недоумею́ и ужа́саюся: но помози́ ми, Влады́чице.

Отку́ду начну́ глаго́лати лука́вая и люта́я моя́ паде́ния, стра́стный аз? Увы́ мне, что́ буду́ прочее? но, Влады́чице, пре́жде конца́ уще́дри мя.

Слава: Смертны́й убо́ час, и суди́ще стра́шное всегда́ помышляю́, Пречи́стая, обы́чаем же всезлы́м прельщаю́ся люте: но помози́ ми.

И ныне: Благо́их тлитель смотра́я мя ны́не на́га Божественных добродете́лей, и да́лече отступльша́ и отчужде́на от Бо́га, поглотити́ мя устремля́ется: Влады́чице, предвари́.

Песнь 3

Ирмос: Не́сть свят, яко́же Ты́ Го́споди Бо́же мой, вознесы́й ро́г ве́рных Твоих, Бла́же, и утвердивы́й нас на ка́мени исповедания́ Твоего́.

Ду́шу окаля́х скверно́ от безме́рных зол мои́х стра́стный аз, Богородице́ Влады́чице: и ка́мо прочее́ пойду́, отча́янием ве́сь одержи́мь?

И е́же по о́бразу себе́ окаля́х блуднаго, увы́ мне, Чи́стая, высоко́мудренною́ волею́: по подо́бию бо́ и делом, и словом, и по́мыслом соде́ях безме́стная.

Слава: Не́сть ин в челове́цах, и́же неподо́бная соде́яв, ни роди́ся в ми́ре, яко́же аз, Благо́ая, помраче́н умо́м: небо́ креще́ние Божественное оскверни́х.

И ныне: На ко́нec достигну́х злы́х, Пресвятая́ Де́во, Ты́ помози́ ми вско́ре: небо́ и земля́ вопи́ют го́рце, от безме́стных дея́ний неподо́бных.

Песнь 4

Ирмос: Христо́с моя́ си́ла, Бо́г и Госпо́дь, честна́я Це́рковь боголе́пно поётъ взыва́ющи, от смы́сла чи́ста о Го́споде праздну́ющи.

Ангельстии́ чи́нове, и вои́нства небе́сных сил твоего́ Сы́на ужа́саются держа́вы, Чи́стая: ны́не же аз отча́явся, безстра́шием одержи́мь е́смь.

Удиви́ся вся́ земля́ и ужа́сeся, зря́щи люта́я, и злая́ творя́щу ми́, и безме́стная: и Твоего́ Сы́на мно́гому́ милосе́рдию чуде́тся.

Слава: Це́рковь оскверни́х зле́ телесную́, и Це́рковь Госпо́дню, в ню́же

челове́цы трепещу́ще вхо́дят: аз же блу́дный без студа́ вхо́жду, увы́ мне!

И ны́не: Не яви, Влады́чице, не яви страна́ мя устрани́шася кро́ва Сы́на твоего́, всяко́ недостойна́го: но омы́й мене́ от скверны́ прегрешений́ моих.

Песнь 5

Ирмос: Божиим светом Твоим, Блаже, утренюющих Ти души любовью озари молюся, Тя ведети, Слове Божий, истиннаго Бога, от мрака греховнаго зывающа.

Божественным сиянием твоим, Благая, исцели душевныя моя страсти, яже ми тлитель всея, и избави мя сего пленения горькаго: смеется бо зря мене́ без заступления.

Адам преступи́ убо за́поведь еди́ну Сы́на Твоего́, Де́во, и во изгна́ние впаде́: како́ же рыдаю́ прегрешений́ моих бездну, аз преступный, и отступник его́?

Слава: Убийца́ убо явлься дре́вле, и братоубийца́ Каин, Богом проклят бысть: что́ же сотворю́ аз вседе́рзый, ду́шу убо убив ны́не, и не стыжду́ся?

И ны́не: Иса́ву поревновах лютому, чревообъядением, и сытостию весь. Ду́шу оскверни́х пьянством, и ласкосердством житие́ мое́, и кто́ мене́ не плачет страстнаго? увы́ мне!

Песнь 6

Ирмос: Жите́йское мо́ре воздвиза́емое зря́ напастей бу́рею, к тихому пристанищу Твоему́ притек, вопию́ Ти: возведи́ от тли живо́т мой, Многоми́лостиве.

Житие́ мое́ блу́дно, душа́ моя́ скверна́ва, и живо́т весь ока́янен, тело́ же мое́ все́ во злых лю́те окалях. Те́мже потщи́ся, Де́во, помощи́ ми.

Конецъ предста́, и не терплю́, Благая, совесть обличает мя: предстоя́т во ми́ дея́ния лука́вая, и житие́ блу́дное: и суди́ща ужа́саюся Сы́на Твоего́, Чи́стая.

Слава: Плото́и мое́я разжже́ние, река́ о́гненная стра́шна и неугасима́ жде́т войсти́нну, и червь неусыпа́яй: но угаси́ ми сия́ моли́твами Твоими́, Пречи́стая.

И ны́не: Ны́не трепетом одержи́мь е́смь, Благая, и ужа́саюся лука́ваго ловле́ния, пре́жде бо конца́ хо́щет мя тлитель уби́ти, держа́ мя яко́ пленена́ всего́, и на́га добродетелей.

Та́же, Господи, помилуй, три́жды. **Слава, и ны́не:**

Седа́лен, глас 6:

Упова́ние и стена́, и приста́нище лю́дем Твоим, Де́во, из нея́же роди́ся безстра́стно Спа́с всяческих, и спасе́ упова́ющыя на Тя, яко́же плачася Твоего́ Сы́на при кресте́, того́ и ны́не моли́ изба́вити от тли́ вся́ пою́щыя Тя.

Песнь 7

Ирмос: Росодательну убо пещь содела Ангел, преподобным отроком, халдеи же опаляющее веление Божие, мучителя увеща вопити: благословен еси, Боже отец наших.

Седмь седмицею пламень разжже ми страстьми лукавый, и любодееяньми сердце мое всегда умерщвляет: темже токами моих слез угаси его, Мати Божия, и спаси мя.

Окаляема тиною прегрешений моих, не отрини мене, Владычице благая: ибо зря мя во отчаянии суща, смеется прелукавый враг: но сама твоею державною рукою возстави.

Слава: Страшное убо судище, страстная душе моя и нечувственная, и мучение же некончаемое и грозное: но обаче ныне припади к Матери Судий твоего и Бога, не отчайся сама

И ныне: Омрачися страстный множеством безмерных зол, и оскверних душу и тело же и ум: темже, Пречистая, светом твоих сияний, к безстрастию сладости скоро введи мя.

Песнь 8

Ирмос: Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Яже от Троицы единого Бога рождающая, и на руку носившая, Дево Мати, угаси страстей огнепальную пещь, и слезными токи омой душу мою.

Прихода смертнаго ужасаюся, Пречистая, и суда онаго весь ныне убояхся, дея же злая, никакоже стыждуся: ущедри мя прежде конца молитвами твоими, Дево.

Слава: Стенания немолчная, Владычице, даруй ми, и слез тучы даждь, да отмыю моя прегрешения многая, и неисцельныя язвы: яко да улучу жизнь вечную.

И ныне: Зол моих множество тебе исповедах, Владычице, яко ни один в мире ин прогнева тако Бога, Сына и Господа Твоего: сего ми на милость вскоре премени, Дево.

Песнь 9

Ирмос: Бога человеком не возможно видети, на Негоже не смеют чини Ангельстии взирати: Тобою же, Всечистая, явися человеком Слово Воплощенно, Егоже величающе, с небесными вои, Тя ублажаем.

Се прихожду Ти, Пречистая, со страхом многим и любовью, крепость ведый многия молитвы Твоея раб Твой: много бо может воистинну, Владычице, мольба матерня к Сыну: милосердием бо преклоняется.

Лики приими Архангел же, и множество вышних воинств Зиждителя

моего: Апостол же и Пророк соборы, и Мученики, и Преподобныя, и Священномученики: и молитву сотвори, Чистая, за нас к Богу.

Слава: И ныне и тогда Твою помощь да обрящу, Чистая, в час, вонже изыдет дух мой, вскоре изымаючи, избави мя бесовскаго мучительства, Пренепорочная, и не остави мене Благая, предану быти им.

И ныне: Судий щедрого чаю, и человеколюбиваго Твоего Сына, Чистая, не презри мене: но Того ми сотвори благопременна, поставити мене одесную тогда, Всенепорочная, пречистому судищу Его, на Тя бо уповах.

Таже, Достойно есть, и поклон. И Трисвятое. И по Отче наш: тропарь, и прочее обычно, и отпуст.

Среда

В среду утра

по 1-м стихословии, седальны крестны, глас 6:

Крест Твой, Господи, освятися: тем бо бывають исцеления немощствующим грехми: сего ради Тебе припадаем, помилуй нас.

Стих: Возносите Господа Бога нашего, и поклоняйтесь подножию ногу его, яко свято есть.

Токмо водрузися Древо, Христе, Креста Твоего, основания поколебашася смерти, Господи: Егоже бо пожре любовью ад, отпусти трепещя, показал еси нам спасение Твое, Святыи: и славословим Тя, Сыне Божий, помилуй нас.

Слава, и ныне, КрестоБогородичен: Надежде и заступление и пристанище людей Твоих, Дево, из Тебе бо родися воистинну миру спасение. Якоже плакася у Креста Твоего Сына и Бога, и спасаеши уповающих на Тя: того ныне умоли, избавити от тли всех воспевающих Тя.

По 2-м стихословии седальны крестны, глас 6:

Днесь пророческое исполнися слово: се бо поклоняемся на месте, идеже стояте ноге Твои, Господи: и Древа спасения вкусивше, от греховных страстей свободу улучихом, молитвами Богородицы, едине Человеколюбче.

Стих: Бог же Царь наш прежде века, содела спасение посреде земли.

Господи, осудиша Тя иудеи на смерть, жизнь всех: иже Чермное море жезлом прошедши, ко кресту Тя пригвоздиша: и от камене мед ссавшии, желчь Тебе принесоша. Но волею претерпел еси, да нас свободиши от работы вражия: Христе Боже наш, слава Тебе.

Стих: Дивен Бог во святых Своих, Бог Израилев.

Страдальческая сопротивления на судищи, мучительския раны на мученицех, и стояху лица безплотных, почести держаще победы, удивиша мучители и цари, премудрии, низложиша преступника исповеданием Христовым: укрепивый их Господи, слава Тебе.

Слава, и ныне, КрестоБогородичен: Предстоящи у Креста Неискусобрачная Мати, иже из Тебе рождшемуся без семене, вопияше: оружие сердце мое пройде, о Сыне, не терпящи висима на Древе Тя зрети, егоже трепещут всяческая, яко Создателя и Бога: долготерпеливе Господи, слава Тебе.

По 3-м стихословии седальны крестны, глас 6:

Подобен: Всю отложивше:

На Кресте Тя волею нас ради пригвождена, Христе, тварь видевши,

колебашеся страхом, солнце весь помрачи свет, камене распадёся, и церкви Божественная завеса раздрася, на обличение лютых и беззаконных еврей.

Древо принесё тление во Едеме родоначальнику: Крестное же Древо жизнь процветё на лобнем месте: ибо попрана бысть злоба вражия: помилован же бысть пригвождением Христовым, и обрете рай, вопия Адам: о Древо благословенное!

Слава, и ныне, КрестоБогородичен: Тебе рождающая Христе, Приснодева Отроковица, на Кресте зрящи Тя нас ради вознесена, уязвляше Своё печали оружием сердце и душу, и плакаше рыдаючи матерски: Тоя молитвами помилуй нас.

Канон Честному и Животворящему Кресту, [егоже краегранесие: Спасаети мя, Спасе, пригвождься на Древе.] Творение Иосифово, глас 6.

Песнь 1

Ирмос: Яко по суху пешествовав Израиль, по бездне стопами, гонителя фараона видя потопляема, Богу победную песнь поим, вопияше.

Ты длани простёр на Кресте, объял еси, Владыко, отриновенныя человеки, и к Твоему привёл еси Отцу: яко Сын возлюблен и единосущен.

Якоже агнец воздвиген был еси на Крест, Слове, Твоего овчате ищя заблудшаго: и обрет сочетал еси то к заблудшым, Иисусе: слава державе Твоей.

Мученичен: Жизни вышня желаяюще, благославнии страстотерпцы мученицы, умертвися на земли, претерпевше мучения многая и различныя напасти, достолаженнии.

Мученичен: На судищах неправедных за Христа всех праведнаго представше страдальцы, суд всяк неправедный вас оправдающ, о Бозе претерпели есте.

Богородичен: Да безстрастие всем, иже из Адама, исходатайствуеши, Владыко, страсть терпиши на Кресте: и зрящи Тя земля трясашеся, рыдаючи матерски вопияше, Владычице.

Другий канон Пресвятей Богородице. Глас 6.

Ирмос тойже. Тебе, Всесвятая Дево, небо прострый Господь, и землю основавый, из Тебе прошед с плотию, небо земное нам показал есть.

Яже Бога Заченшая, нас ради бывшего Человека, Того моли, Чистая, в День судный нас ущедрити много согрешившыя ему.

Светлейшими лучами возсиявшее Солнце от святого Твоего чрева, всю землю озаряет, Владычице, темже просвещешся, Тя Божию Матерь чтим.

Омрачения души моя безместных помышлений мглу разруши, наведёнными, Богородице Владычице, светом святых заповедей

Воплощшагося из Тебѣ.

Пѣснь 3

Ирмосъ: Нѣсть святъ, якоже Ты, Господи Боже мой, вознесый рогъ верныхъ Твоихъ, Блаже, и утвердивый насъ на камени исповѣданія Твоего.

Крестъ водружашеся на земли, и низпадаше лѣсть, и тварь колебашеся, и сердца колеблемая вражими напастями, утверждение верою приимаху.

Бесившися неправеднии людие, Тебѣ праведнаго единаго осудиша на смѣрть, оправдающа земныя, и от неправедныя руки лстываго сихъ изымающа.

Мученичен: Подвизаше всю свою злобу лстывый, со святыми борясь: но побеждашеся, зря непокоршихся техъ, и Божественныя светлости общников.

Мученичен: Телѣсная красота зельными изменяшеся ранами, но облиставаше паче светлость душевная страсотѣрпецъ Христовыхъ, дѣйствомъ Святаго Духа.

Богородичен: Красна добротою Тя Сыне, паче всехъ человекъ, внигда раждати ми разумѣхъ: и како распинаемъ ныне, доброты не имаша, Христе, Дѣво глаголаше слезящи.

Ирмосъ тойже.

Рукою держащи Христа содержащаго вся, от руки лукаваго диавола, и всякаго вреждѣнія избави насъ, Богородительнице Чистая, поющихъ Тя.

Бесовскаго смущѣнія избави насъ, Дѣво, и человекъ неправедныхъ, и всякихъ искушѣній, и недугъ тлетворныхъ Твоими молитвами, Владычице Всенепорочная.

Се Тебѣ вси родове блажатъ, Отроковице, безлѣтное Слово в плоти подлѣты рождши преестѣственно, и двою паки пребывши.

Яже Человеколюбца Бога рождшая Дѣво, непотребнаго мя Твоего раба, в часъ страшнаго пришествія Его, избави всякаго осуждѣнія.

Пѣснь 4

Ирмосъ: Христосъ моя сила, Богъ и Господь, честная Церковь боголѣпно поетъ зывающа, от смысла чиста, о Господѣ празднующи.

Распята на Дрѣве Ты, Солнце незаходимое, Христе, зря солнце помрачашеся страхомъ, и темныя прѣлести отпущена бываше вся тварь, воспевающая Тя.

Вязаху рuce Твои, Спасе, людие законопреступнии, и связаннии нерешимыхъ узъ вси отпущаеми бываху: и связан бываше врагъ, и лѣсть разрушашеся.

Мученичен: Течением кровей потописте мученицы фараона гонителя, умовредно безмерно хвалящаяся: и к земли благой веселящаяся преидосте.

Мученичен: Крылами духа прелетевше сети вражия страдальцы, радуящаяся востекосте, идеже первая благодать, и жизнь, и свет невечерний.

Богородичен: Оружием уязвилася еси страстей, Владычице. Из Тебе воплотившагося, егда того видела еси распинаема, и копием в пречистая ребра нас ради прободаема.

Ирмос тойже.

Храм Божий воспойм святую Деву, светло вси блажаще, обожившеся ея ради, и лютых избавльшеся.

Яко дверь ведущую к Божественному входу, яко рай Божественный, яко мысленно место священния, яко доброту Иаковлю, Деву ублажаем.

Пристанище благоутишное Тя показа Христос, Владычице Всенепорочная, верою и любовью от мысли чисты призывающим Тебе, Богородицу истинную.

Марие Пречистая, чистейшее была еси приятелище пространное Божественнаго вселения, душевную мою скверну и кал потреби.

Песнь 5

Ирмос: Божиим светом Твоим блаже, утренюющих Ти души любовью озари молюся, Тя ведети, Слове Божий, истиннаго Бога, от мрака греховнаго взывающа.

Облачаяя небо облаки, Христе, на Кресте наг пригвоздился еси волею, наготу злобы моея приодеваяя, и в ризы нетления облек просвещая, Владыко.

На Кресте распят бысть истинный виноград Христос, яко воистинну сый сладость душам нашим, мсто искапая, прелести всякое пьянство борителя потребляя.

Мученичен: Испещреннии священными язвами Христовы страдальцы, и венцы украшаеми, плотию пострадавшему Богу предстояще, наших прегрешений разрешение просят.

Мученичен: Взирающе стратотерпцы к тамошней славе, и жизни, и истинному веселию, всяко треволнение лютых подьясте, страстию владычнейо укрепляеми.

Богородичен: Во чрево вместившая Тя, Христе, Единого невместимаго всеми, болезней кроме породих: ныне же болезную, распинаему Ти, Христе, Пречистая Дева плачуши глаголаше.

Ирмос тойже.

Иже словом вся создавый, и мудрым промыслом Господь окормляя един, якоже хощет, благоутробием создается из Тебе, Пречистая, и плоть

несказанно бывает.

Се́ Де́во, проро́чески зача́т во утробе́ над все́ми Бо́га Влады́ку и Го́спода, и неизрече́нно то́го, Чи́стая, роди́ла еси́, и по рождестве́ Де́во нетле́нна пребы́вши.

Ма́рие, Влады́чице все́х, изба́ви мя́ я́ко ми́лостива, стра́шнаго плене́ния, молю́ся: и греха́ моего́ рукописа́ние раздери́, копи́ем вопло́щагося из Тебе́.

Греха́ моего́ плени́цу, Твои́м ходата́йством и предста́тельством, Де́во, расто́ргни: отча́янным бо ты́ еси́ наде́жда, ве́рою притека́ющим к Боже́ственному покрову́ Твоему́.

Пе́снь 6

Ирмо́с: Жите́йское мо́ре, воздви́заемое зря́ напа́стей бу́рю, к ти́хому пристани́щу Твоему́ прите́к вопи́ю Ти: возведи́ от тли́ живо́т мой, Многоми́лостиве.

Венча́лся еси́, Долготерпели́ве, те́рнием, посека́я страсте́й те́рние: копи́ем в ре́бра прободён бы́в, умертвил еси́ зми́я многоко́зненнаго, на́с ме́ртвы соде́лавшаго.

На Крестъ́ воздви́жен бы́л еси́, низлага́я вра́жью си́лу, Влады́ко: рабо́ты же го́рькия мене́ свобожда́я, прият зауше́ние: покланя́юся Твоему́, Ще́дре, долготерпе́нию.

Мучени́чен: Крестомъ́ огражда́еми страда́льцы, преле́сти стёны́ лука́выя разверго́ша, и к вы́шнему граду́ пресели́шася, победными́ венцы́ укра́шени. Те́мже ублажа́еми су́ть.

Мучени́чен: На вы́соту пресла́вно муче́ния са́ми себе́ возведше́ святы́и, лука́вая возноше́ния вра́жия на зе́млю низверго́сте, и венцы́ свы́ше прия́сте.

Богороди́чен: Отче́е сия́ние, ка́ко воздви́жеся на Крестъ́, просвеща́я вся́ческая, и низлага́я тьмы́ нача́льника? Пречи́стая Влады́чица ма́терски пла́чущи веща́ше.

Ирмо́с той́же.

Не опа́ливши утробу́ Твою́, о́гнь сы́й Иису́с, из Тебе́ плоти́ю проше́д: то́го, Чи́стая, моли́, огня́ и вся́кия му́ки изба́вители́я ве́рою воспева́ющим Тя́.

Святы́х А́нгел Тя́ благоле́пие воспева́ю, Всенепоро́чная, и молю́: неле́потная потреби́ от мене́ бесо́вская мечта́ния, в ти́шине́ соблюда́ющи се́рдце мое́.

Плотнымъ́ воображе́нием соедини́вся, и́же от Отца́ Единоро́дный, во утробе́ Твоей́ еди́н от двою́, без се́мене пройде́, и соблюде́ неврежденно́ честное́ де́вство Твое́, Всенепоро́чная.

Мно́жество очисти́ моих грехо́в, мно́жеством ми́лости Твоея́, и спаси́ мя раба́ Твоего́, Благо́я, к Тебе́ прибега́ющего, и моля́щаяся ве́рно ми́лости Твое́й.

Песнь 7

Ирмос: Росода́тельну́ убо́ пещь соде́ла Ангел, преподо́бным отроко́м, халде́и же опаля́ющее веление́ Бо́жие, мучи́теля увеща́ вопити: благослове́н еси́, Бо́же оте́ц на́ших.

Ядови́тую зауши́л еси́ зми́я злобу́, зауше́н бы́в, пове́шен на дре́ве еди́не си́льне, все́х просвети́л еси́ вопити: благослове́н еси́, Бо́же оте́ц на́ших.

От Дре́ва вку́ш Ада́м пер́вый челове́к, обре́те сме́рть: второ́й же на́ нём Христо́с, умертви́вся, безсме́ртную жи́знь да́рует, умертви́в врага́ многоко́зненнаго.

Мученичен: Терпя́ще стра́сть мучени́цы, муче́нием Го́сподеви́ возведо́стеся, и на ка́мени ста́те твёрде́м ве́ры, всяку́ лука́вую низлага́юще злобу́ вра́жью Бо́жественным ма́новением.

Мученичен: Просвети́вшеся страда́ньми, страда́льцы облиста́ете со́лнца светле́йше, и тьмы́ вла́сти вся́ разруши́те, пою́ще Христо́ви: благослове́н Бо́г оте́ц на́ших.

Богородичен: И́же сый неизме́нен Бо́жеством, измени́л еси́ пове́шен на́ Кресте́ тва́рь всю́, Де́ва глаго́лаше Сы́ну: и зря́щи сия́ пла́каше, дивя́щися мно́гому́ Твоему́ долготерпе́нию.

Ин Ирмос тойже.

Седя́й в не́дрех роди́теля неопи́санный, ны́не седи́т опи́сан, Пре́чистая, в не́дрех Твои́х Твои́м обложе́н зра́ком, за е́же спасти́ Ада́ма нов Ада́м бы́в.

Моля́щи не преста́й человеколю́бца́ Бо́га на́шего, Всенепоро́чная, я́ко да при́йдем всеко́нечное про́щение злы́х. И улу́чим я́же на Небесе́х угото́ванная́ благо́я любя́щим Его́.

Благослови́м Тя́, Пренепоро́чная, ро́ждшую́ благослове́ннаго Го́спода, благослове́ньми венча́ющего́ Бо́жественными́ естество́ челове́ческое, и но́во творя́ща то́ обетша́вшее пре́жде.

Спасе́ния Твоего́ пристани́щем обогати́вшеся, Чи́стая, от бу́ри спаса́емся: и наде́жду я́же на́ Тя́ я́ко кре́пость ду́ши содер́жаще, зове́м: благослове́нная я́же Бо́га плоти́ю ро́ждши.

Песнь 8

Ирмос: Из пла́мене преподо́бным ро́су источи́л еси́ и пра́веднаго жёртву водо́ю попали́л еси́: вся́ бо твори́ши, Христе́, то́кмо е́же хоте́ти. Тя́ превозно́сим во вся́ ве́ки.

Прегорда́го зми́я Ты́ смири́л еси́, Вы́шний Бо́же, смире́нием се́рдца

возносимъ на Древо, и Адама страстьми смиреннаго вознесл еси, Щедре.

Древнюю горестъ претворяя на Древо вознесен был еси, желчь вкушая, всех сладосте и жизнь единоипостасная сый Владыко, и свет и спасение.

Мученичен: Не преклонисте колен истуканным, всехвальнии, но пожерти бысте яко агнцы непорочнии: и лукаваго крепость преклонисте, песнословяще Христа во веки.

Мученичен: Храмы Духа Живаго явистеся мученицы, храмы идольския низложисте, и к Храму Небесному взяти бысте, песнословяще Христа во веки.

Богородичен: Иаков Тя предвиде, Дево, лествицу, к небесней высоте нас возводящую, во глубину злых поползшихся: темже Чистую Тя благословим во веки.

Ин Ирмос тойже.

Войстинну Богородицу исповедуем Тя: со Ангелом, еже радуйся, верно вопиём Ти: едина бо сущым на земли радость родила еси, обрадованная Чистая, и Благословенная.

Боговещанная цевница Твоего праотца, ковчег Тя пресвят предвоображаше, носящу Бога во плоти, Всенепорочная: Егоже превозносим Господа во веки.

Неискусобрачная Отроковице богорадованная, и пристанище сущым в бури христианом, и упование, избави от напастей, и страстей и озлобления, и от вечнаго огня рабы Твоя.

Егда приидеши во славе судити всяческим, десным мя овцам причти, Владыко, грешнаго, матере Твоея мольбами: да Тя славлю во вся веки.

Таже, поем песнь Богородицы: Величит душа моя Господа:

Песнь 9

Ирмос: Бога человеком не возможно видети, на Негоже не смеют чини ангельстии взирати: Тобою же, Всечистая, явися человеком Слово Воплощенно, Егоже величающе, с небесными вои, Тя ублажаем.

Временом и летом сый Господь, посреде земли в полудне на Древо вознеслся еси, распинаемь Едине Долготерпеливе, и посреде рая претерпевшаго поползновение, плод тлетворный исправляя.

Крест водружашеся, и мучитель в души смертную язву приимаше, и связаннии от тли отрешаеми бываху: разум же во вся человеки всаждашеся, враг упражняшеся, и радости вся исполняхуся.

Мученичен: Земля совокупися, Господни мученицы, с небесы отнележе Христос пожресе, распинаемь: и ваше множество привлече, множество зельных мук претерпевшыя, и множеству Божественных слуг

сооблиставшыя.

Мученичен: Светом невещественным облистаемы, положением бози бысте Господни мученицы, в первородных селениях водворяемы, и вечныя славы исполняемы: темже по долгу вернии вас почитаем.

Богородичен: Страшно рождество претерпех, Владыко, вегда странно Тебе родих Долготерпеливе, Егже тварь распинаема на Древе волею, зрящи устрашися, древле Непорочная плакаше вопиючи матерски, Юже величаем.

Ин Ирмос тойже.

Сын Слово Божие безначальное воплощься, Сын Девыя бывает: благоволением же Отца и Духа Божественнаго действием, весь обновил ислевший мой зрак яко всемоу.

Душе возникни, и бодрствуй к молитвам, и ко всем благим: прилежанием леность сонную отвержи, бодрую имущи хранительницу всегда, Чистую Матерь Божию, Юже величаем.

Упование и покров, и радование, Ты верным еси, Богородице Всенепорочная. Сего ради молюся Твоим щедротам: просвети душу мою, юже омрачи тма многих грехов, и лукавых помышлений.

Святая Дево Богорадованная, двери света отверзи ми, ношь греха да мя не покрывает: исправи жизнь мою, к пристанищу благоутишному Божественных повелений из Тебе вочеловечившагося.

Таже, Достойно есть: Ектения, и светилен. Посем псалмы обычны.

На стиховне стихиры крестны, глас 6:

О Кресте упование имею, Христе, и о нем хваляся вопию: Человеколюбче Господи, гордыню низложи, не исповедающих Тебе Бога и Человека.

Стих: Исполнихомся заутра милости Твоея Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Иже Крестом ограждаеми, врагу противляеми, не боящися козней его и лаяния: яко бо гордый упразднися, и погран бысть силою на древе Пригвожденнаго Христа.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Память мученик, радость боящимся Господа: пострадавшие бо Христа ради венцы от него прияша: и ныне со дерзновением молятся о душах наших.

Слава, и ныне, КрестоБогородичен:

Подобен: Всю отложивше:

Агнца Своего, Агница Нескверная древле и непорочная Владычица, на Древе крестнем яко узре матерски восклицаше, и дивящися вопияше: Чадо Сладчайшее, что зрение сие новое и преславное? Како сонм безблагодатный судищу пилатову предаде Тя, и осуждает на смерть Живота всяческих? Но воспеваю Твое неизреченное, Слово, низхождение.

Таже, Благо есть: Трисвятое. По Отче наш: тропарь, ектения, и час 1-й: псалмы обычны, и прочее, и отпуст.

В среду блаженны, глас 6:

Помяни́ мя, Бо́же, Спа́се мой, егда́ приидеши во Ца́рствии Твоём: и спаси́ мя яко́ еди́н Человеколюбец.

Сти́х: Блаже́ни изгна́ни пра́вды ра́ди, яко́ те́х е́сть Ца́рство Небе́сное.

Волею́ возне́слся еси́ на древе, во глубину́ зол поплзшихся призвал еси́, Еди́не Многомилостиве.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зол глаго́л, на вы́ лжу́ще Мене́ ра́ди.

Земля́ потрясе́ся, и солнце́ угасе́, видя́ще Тя́ на Дре́ве Со́лнца Пра́веднаго, волею́ стражду́ща.

Сти́х: Ра́дуйтесь и веселитесь, яко́ мзда́ ва́ша мно́га на Небесе́х.

Му́ченичен: Страсте́м Спа́совым страстоте́рпцы приобща́ющесе́, и Божество́нныя све́тлости сопричаща́етесь, прича́стием обожаеми.

Сла́ва: Вознеси́ мя из глубины́ грехо́вныя, Христе́ мой, иже от Тро́ицы еди́ный волею́ претерпе́вый распя́тие.

И ны́не: Предста́ющи у Креста́ Де́во Ма́ти, и зря́щи Сы́на волею́ стражду́ща, того́ велича́ше.

В среду вечера

на Господи, возвах, стихиры святым апостолом, глас 6:

Подобен: Тридневен воскресл еси:

Стих: Аще беззакония назириши, Господи, Господи, кто постоит? Яко у тебе очищение есть.

Великим тайнам Божиим служителие бысте, Богословцы и Боговидцы, ученицы: и благодать исцелений приясте, и всем человеком болезни исцеляете.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Великое прибежище и покров душам нашим, духов лютых прогнание, вы есте Боговидцы апостоли Господни: темже вас присно почитаем.

Стих: От стражи утренния до нощи, от стражи утренния, да уповает Израиль на Господа.

От всякаго обстояния, и вреда бесовскаго, и прегрешений, и злаго пленения избавите, верую вас восхваляющих, Божественнии апостоли блаженнии.

Таже, в минеи стихиры святому. Аще ли несть минеи, ины стихиры святому и великому чудотворцу Николаю, глас 6, и подобен тойже.

Стих: Яко у Господа милость, и многое у него избавление, и той избавит Израиля от всех беззаконий его.

Николае блаженне, припадающа мя ущедри, молюся ти мудре, и очи просвети души моея, да чисте вижду Светодавца Щедрого.

Стих: Хвалите Господа вси языцы, похвалите Его вси людие.

Врагов ищущих мя озлобити, избави мя, святе, дерзновение к Богу яко имый, святителю Николае блаженне, спаси мя от вреда, и от муж кровей избави мя.

Стих: Яко утвердися милость Его на нас, и истина Господня пребывает во век.

Пристанище Тя небурное, и стену неборимую, святителю, ныне стяжахом вернии, и столп крепости, и дверь покаяния, и наставника душ наших, и забрало.

Слава, и ныне, Богородичен: Завидя сопротивник лукавый стаду Твоему, Пречистая, всегда борет, хотя себе снесь сотворити: но Ты, Богородице, избави нас от того вреда.

Таже, Свете тихий: Прокимен: Боже, во имя Твое спаси мя: **Стих:** Боже, услыши молитву мою: и сподоби, Господи, в вечер сей:

На стиховне стихирѣ святымъ апостоломъ, гласъ 6:

Господи, апостоли спостигоша иногда убо сетми глубину морскую, иногда же высоту Царствия учений ради. Ово убо художествомъ непостижимую глубину испыташа: Ово же верою неописаннаго Твоего недра достигоша, и миру проповедаша безлетнаго Твоего Сына. Тех молитвами, и всех святых помилуй нас.

Стих: К Тебѣ возведохъ очи мой живущему на Небеси. Се яко очи рабъ в руку господий своихъ, яко очи рабыни в руку госпожи своея: тако очи наши ко Господу Богу нашему, дондеже ущедритъ ны.

Иногда ученицы Твои, Христе, в кораблѣхъ обуреваемы вопияху: Учителю, спаси насъ, погибаемъ. И ныне мы вопиемъ: Человеколюбче, Спасе нашъ, избави насъ отъ бедъ нашихъ, молимся.

Стих: Помилуй насъ, Господи, помилуй насъ, яко по многу исполнихомся уничижения: наипаче наполнися душа наша поношения гобзующихъ, и уничижения гордыхъ.

Мученичен: Крестъ Твой, Господи, мученикомъ бысть оружие непобедимое: видеша бо предлежащую смерть, и презрѣюще будущую жизнь, упованиемъ еже на Тя укрепляхуся: техъ молитвами помилуй насъ.

Слава, и ныне, Богородичен: Око сердца моего возпущаю к Тебѣ, Владычице: не презри малаго моего воздыхания в часъ, егда судитъ Сынъ Твойъ миру, буди ми покровъ и помощница.

Таже, Нине отпущаеши: И отпуст.

В среду на повечерии

канон Пресвятей Богородице.

Творение Иоанна иеромонаха, [егоже краеграние: Пресвятая, прими Иоанна рыдание.] Глас 6.

Песнь 1

Ирмос: Помощник и покровитель бысть мне во спасение, Сей мой Бог, и прославлю Его, Бог отца моего, и вознесу Его, славно бо прославися.

Запев: Пресвятая Богородице, спаси нас.

Како приступлю к Тебе, Чистая, отчаян окаянный аз, весь страстен нечистотами быв? но ущедривши спаси окаянную мою душу, Богородительнице Пречистая.

Воставши, смиренная душе, от глубины безчестия, возопий тепле к Единой Чистой: помилуй мя, Отроковице Пренепорочная Чистая, и страстей мя избави.

Слава: Бурею напастей потоплен бых грехи: простри ми ныне помощи руку, Чистая, и избави безчестия страстей, яко да присно славлю Тя.

И ныне: Греха лютыя бури избави мя, Богородительнице, от неяже весь сквернен есмь. Темже Ти притекаю, облегчи ми ныне тяготу прегрешений моих.

Песнь 3

Ирмос: Утверди, Господи, на камени заповедей твоих, подвигшееся сердце мое, яко Един Свят еси и Господь.

Состаревшаяся страстми безчестными греха, млада сотвори мя, Пренепорочная, союзы прегрешений облегчаючи.

От брения мя очисти, и тины греховныя: и храм мя Божественный сотвори, Богородице, чисте к Тебе прибегающего.

Слава: Возникни, окаянная душе, от сна уныния: очима же воззри к Единой спасающей Тя Отроковице Богоневестней.

И ныне: Прихожду, Владычице, отчаян и сокрушен, и к молитве Твоей теплей прибегаю: спаси мя, Чистая, раба Твоего.

Песнь 4

Ирмос: Услыша пророк пришествие Твое, Господи, и убояся, яко хочещи от Девы родитися и Человеком явитися, и глаголаше: услыша слух Твой, и убояхся, слава силе Твоей, Господи.

Глагол же и вещей, право хочу судитися, Богородительнице, к Твоему Сыну, Пренепорочная, да обрящу Тя тогда прибежище, и заступление державнейшее, мук всех избавляющее мя.

Жити́е моё окаляно, нечист же нрав грехами, весь страстен бых, Чистая: очисти мя от скверны прегрешений, и убели яко снег Твоим ходатайством к Богу Благосердому.

Слава: Пленицами моих согрешений стягнут есмь отвсюду, к покаянным путем уклоняться не могый: простри ми руку, Пренепорочная, управи же ми стезю к спасения пути наставляющую мя.

И ныне: Лютых мя мук, и тьмы кромешния, и геенны Твоими молитвами свободи, Дево: имаши бо волю и силу, Господа рождающая Единого Преподобного.

Песнь 5

Ирмос: От нощи утренюющая, Человеколюбче, просвети молюся, и настави и мене на повеления Твоя, и научи мя, Спасе, творити волю Твою.

В День Суда явися, Владычице, и предстани ми, муки и огня свободящи: да спасся воспую Твою необоримую благодать.

Устраншася, Владычице, крова Твоего, враг видя мя врину во глубину прегрешений душу мою, и зря мя смеется: но помози ми.

Слава: Возникнути сотвори, Чистая, окаянную и страстную мою душу, молю Тя, Пренепорочная, и изми тяготы ея, многих грехов.

И ныне: Мольбу приношу Ти, Пренепорочная, от скверных и окаянных и нечистых моих устен: ущедри мя твоею молитвою, молю Тя.

Песнь 6

Ирмос: Возопих всем сердцем моим к Щедрому Богу, и услыша мя от ада преисподняго, и возведе от тли живот мой.

Блуднаго мене и преокаяннаго прими, Владыко Христе, и муки избави, мольбами Тебе рождшия, и шуия части избави мя.

Темный ада одержит мя страх, Чистая, и козлиц часть смущает мя: еже избави мя, Пречистая Богородице, молю Тя.

Слава: Умертвивши плоти моя страстное, Владычице Богородице, оживотвори мою, Чистая, душу преокаянную, и на путь правый настави мя.

И ныне: Рабское приношаю Ти моление, неразумный аз, и к Твоему прибегаю благоутробному милосердию: не возврати мене, Чистая, посрамлена.

Таже: Господи, помилуй, **трижды. Слава, и ныне:**

Седален, глас 6:

От сердца стенание, и от утробы приношаю Ти, Пренепорочная, Твоего прося благопробитнаго заступления: помилуй всестрастную мою душу: умилосерди многомилостиваго Бога, избавити мя суда и езера

огненного, Еди́на благослове́нная.

Песнь 7

Ирмос: Согрешихом, беззаконновахом, неправдовахом пред Тобою: ниже соблюдохом, ниже сотворихом, якоже заповедал еси нам: но не предаждь нас до конца, отцев Боже.

Яко милостиву, яко благолюбиву Деву Матерь, всю Тя яко Чистую сведый, прибегаю аз окаянный: но не отврати мене, Всенепорочная, посрамлена от Тебе.

Возникни, о страстная душе, и востани, окаянная: бий из глубины в перси, и испусти слез источники, да ты помилует окаянную милосердия Мати Христа и Бога.

Слава: Храм Божий быв, от Крещения Божественного древле, весь осквернился окаянный, и низлежу ужасно падением люте: но Ты мя возстави, Пренепорочная, отчаянных надежда.

И ныне: Облак тяжек покры преокаянное мое сердце: тма и мрак найде на страстную мою душу, Богоневесто: покаяния лучами озари мя, да славлю Тя.

Песнь 8

Ирмос: Егоже воинства Небесная славят, и трепещут херувими и серафими, всяко дыхание и тварь, пойте, благословите, и возносите во вся веки.

Река огненная смущает, и мрак несветимый всего мя колеблет, червь мя ужасает и скрежет зубный, Дево: да обрящу Тя тогда заступницу Державну.

Возгнещение огню да не буду, Господи, ни да услышу глас прещения Твоего, имея молящую Тя, Твою Чистую Матерь: Еяже мольбами помилуй мя, взываю Ти.

Слава: Божественного гласа услышати сотвори мя, и стояния избранных покажи мя, Христе, причастника: да не плачевное место мя примет, имуща молящую Тя о сем Богородицу.

И ныне: Струи слез ныне низпосли ми, и стенание от души сотвори во мне, Чистая, всегда припадати Твоему покрову, яко да обрящу разрешение грехов моих Твоею молитвою.

Песнь 9

Ирмос: Безсеменного зачатия Рождество несказанное, Матере безмужныя нетленен Плод: Божие бо Рождение обновляет естества. Темже Тя вси роди яко Богоневестную Матерь, православно величаем.

День суда страшный смущает мя, Дево, скрежет зубов глит сердце мое, стояние козлиц ужасает мя: но помощь в лютых да обрящу Тя,

Богородицу, егда хочу осудитися.

Ныне трепет содержит мя: и страх смущает мя геенский, и что содеяти, не вем окаянный и осужденный: темже притекаю к Тебе, и теплым умилением вопию Ти: не презри мене, Пречистая.

Слава: Зря судище, и помышляя суд Твой, Христе мой, в немже хочу судитися праведно о делех осужденный. Но имам молебницу тогда, к щедротам Твоим многим, молящую Богоневестную Матерь Твою.

И ныне: Мысленно прикасаяся Твоим стопам, Всенепорочная, молю Тя: прими рыдание мое, пение внуши, и прегрешений разрешение подаждь ми, вопию Ти, молитвами Твоими, Дево, да любовь Тя величаю.

Таже, Достойно есть: Трисвятое. По Отче наш: тропарь, и прочее обычно, и отпуст.

Четверг

В четверток утра

по 1-м стихословии, седальны, апостольски, глас 6:

Яко посреде учеников Твоих, пришел еси, Спасе, мир Твой дай им: прииди и к нам, и спаси нас.

Стих: Во всю землю изыде вещание их, и в концы вселенныя глаголы их.

Учеников Твоих лик вселенную просвети: бывше бо иногда ловцы рыб, ныне же человеков быша: тех ради, Боже, помилуй нас.

Слава, и ныне, Богородичен: Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу, и моли Сына Твоего, и Бога нашего, дати ми оставление, яже содеях лютых, едина Благословенная.

По 2-м стихословии седальны, глас 6:

Ученицы Твой, Спасе, в концы земли посылаеми, языки благочестно яко рыбы уловивше, приведоша Твоей благодати. Тех ради убо вопием Ти, Христе: людем твоим подаждь велию милость.

Стих: Исповедят Небеса чудеса Твоя, Господи.

Двоенадесятица апостол, Господи, двоенадесятолучная яко Солнце явися земли: тех бо ради увядил еси прелести израстителя: тех ради озаряеши души Твоих рабов: и нас их ради спасай, яко Благоутробен.

Стих: Дивен Бог во святых Своих, Бог Израилев.

Мученичен: Господи, святых Твоих память днесь явися, яко рай, иже во Едеме: в ней бо радуется вся тварь, и подаеши нам тех молитвами мир и велию милость.

Слава, и ныне, Богородичен: Всесвятая Богородице, во время живота моего не остави мене: человеческому предстательству не ввери мя: но сама заступи, и помилуй мя.

По 3-м стихословии, седальны, глас 6:

Подобен: Всю отложивше:

Во всю землю яко молния премудрых учеников Твоих, Владыко Христе, изыде спасительное вещание, и озари сущия во тьме и лютых, сыны дне и света нас соделавшее. темже Тя вся тварь благочестно славит.

Мрежею Божественныя веры людие превративше рыбаре, из глубины суетства извлекоша всех, и предаша их Богу, благочествующих, и того присно величающих.

Слава, и ныне, Богородичен: Святая Владычице, Христа Бога нашего Мати, яко всех Творца неизреченно рождшая, моли со апостолы

священными всегда благодать Его, страстей нас избавити, и оставление нам дати грехов.

Канон святым славным и всехвальным апостолом. Творение Феофаново, глас 6:

Песнь 1

Ирмос: Яко по су́ху пешешествовав Израиль, по бездне стопами, гонителя фараона видя потопляема, Богу победную песнь поим, вопияше.

Свет бывше миру богоглаголивии, светлыми блистаньями озарите нас: и страстей избавите нощи, и мглы искушений, богоблаженнии.

[Дважды.]

Князи честныя по всей земли дух вас честно постави, Господни ученицы: темже воздушнаго князя победивше, верныя избавляете.

От огня невестественнаго, яко светозарное разжегшеся углие, вещественныя моя, премудрии, страсти попалите, к свету безстрастия и живота наставляюще мя.

Богородичен: Апостол молитвами, пророк, и мученик, и рождшия Тя, Чистыя, Господи Иисусе, всех Царю, ущедри люди согрешившыя Ти.

Другий канон святому чудотворцу Николаю, [егоже краегранесие. Шестое пение, Николае, прими] Творение Иосифово. Глас 6.

Ирмос: Чувственный фараон потоплен бысть со всевоинством: Израиль же прошед посреде моря, вопияше: Господеви Богу нашему поим, яко прославися.

На небесех живый радостно, отче премудре, на земли верою согласно тебе поющих, всякую скорбь сердца лукавую разжени ходатайством твоим.

На страсти вредныя, на враги тлетворныя, на всякую лстываго злобу, укрепи ныне, отче Николае, к покрову твоему святому верою притекающыя.

Уязвленных нас от невидимых стрелец, врачевством твоея, Николае, молитвы претвори, яко да здраво ходити нам по путем Господним.

Богородичен: Иже сый со Отцем соприисущный Сын, напоследок восхотев вселися в ложесна Твоя на наше, Богородице, верных отрождение: темже воспеваем Тя.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Божественный дух ваша языки изварив нашеством страшным, сокрушенныя человеки к животу обновляет вами, славнии апостоли.

[Дважды.]

В разуме согрешаяй, кое обрящу помилование слове, в день судный?

Сего ради вопию Ти: Твоих ради ученик ущедрю мя самоосужденнаго.

Уподобльшиися Христовым спасительным страstem, души моя страсти летныя и лютыя исцелите, врачеве суще славнии апостоли.

Богородичен: Согрешившаго мя, Христе, Богородицы ради и Твоих апостол, обратив яко Бог помилуй, и огня вечнаго, Спасе, свободи.

Ин Ирмос: На твердем веры Твоея камени помышление утвердив души моя, утверди, Господи: Тя бо имам блаже, прибежище и утверждение.

Победы яве на душетленные страсти приял еси, Николае всеблаженне: от нихже зле всегда побеждаемых нас Твоими молитвами избави.

Уды плотския умертвив воздержанием, к жизни прешел еси нестареющейся, юже и нам воспряти молися, мудре, радостно восхваляющим Тя.

Посещати нас от небесных высот не претай, святителю, отгоня всю житейскую тесноту, к Богу Твоими молитвами.

Богородичен: Разрешение нам грехов дати, Чистая, избавителя умоли, помрачение все от душ наших присно твоими молитвами разгоняючи.

Песнь 4

Ирмос: Христос моя сила, Бог и Господь, честная Церковь боголепно поет зываючи, от смысла чиста о Господе празднуючи.

Пристанища благоутешная, пристанища небурная, к тихому мя пристанищу доведите, прегрешений лютых треволнением обуреваема.

[Дважды.]

Душе моя, воздохни, душе моя, прослезися: смиренное сердце мое благому отнюд прилепися, яко да будущего Тя пламене и муки избавит Бог.

Спаса Господа молитв, спасителие суще человеков всеблаженнии апостоли: да нас спасет от искушений злых яко Человеколюбец.

Богородичен: Дево пречистая, Дево непорочная, со Апостоли о нас мольбу сотвори: яко да избавимся лютых искушений и бед.

Ин Ирмос: Услышах слух Твой, и убояхся, разумех дела Твоя, и ужасохся: слава силе Твоей, Господи.

Уврачуи, святе, уязвленное от лъстиваго неисправленное сердце мое, умолив благодавца Бога нашего, Николае.

Сокрушил еси капища погибели, Христов угодниче: темже верую молю тя, Николае, ума моего злобных кумиры потреби.

Миродохновенен был еси праведными делесы, богомудре, и в Мирех украсил еси престол, отче святителю Николае.

Богородичен: Безневестная Владычице, благословенная Богородительнице, поющыя Тя спасай от всякаго вреда, едина человеков

помощнице.

Песнь 5

Ирмос: Божиим светом Твоим, Блаже, утренующих Ти души любовью озари, молюся, Тя ведети, Слове Божий, истинного Бога, от мрака греховнаго зывающа.

Путь вводящий в живот, zelo теснейшим шествием искушений и скорбей, ученицы Слова яве ходившии, стезю души моея уладите. [Дважды.]

Светильницы Божественнаго Востока, избавите мя от тмы страстей, и сластей помрачения, и напастей, и обстояний, и бури, и бед, Христова Апостоли.

Свитцы слова богозрачнии, в книзе мя животней написатися молитве, апостоли, грехов моих злое растерзающе писание молитвами вашими.

Богородичен: Спасение мое и упование, спаси мя уповающего на Тя, всех упование непостыдное, яже к Сыну Твоему мольбами, и Божественных ученик, Отроковице едина всепетая.

Ин Ирмос: Свет возсиявый миру, Христе, просвети сердце мое от нощи Тебе зовуща, и спаси мя.

Дреманием лености одержима, усердно мя устрой священными ходатайства Твоими, Николае.

Иисуса Спаса умоли, святителю Николае, вечнаго мя избавити мучения.

Мирских мя соблазн соблюди, и от бесовскаго озлобления, молитвами Твоими, святителю Николае.

Богородичен: Еже быти нам подавая, в Твою утробу вселися, Богородице: Егоже моли спасти нас.

Песнь 6

Ирмос: Житейское море воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Яко скрижали богописанная духа, яве честная законоположения славнии, в душах иместе неложно: имиже в писаниих упраздните закон, мир спасше. [Дважды.]

Душе согрешающи, обычаем же злым умовредно работающи, обращением обратися, и Господеви щедрому возопий: Апостол ради слова, спаси мя.

Овцам десным сочетаи мя, во ужасном и страшном пришествии Твоем, избранным Твоим, молитвами Божественных проповедник Твоих, заклавыйся за всех, Агнче незлобивый.

Богородичен: Лик мо́лит Тя́ безплотных слуг, Сы́не Бо́жий пребезнача́льне, мо́лит Тя́ собо́р ученико́в с ро́ждшею Тя́, лю́дем Твои́м пода́ждь ми́лости Твоя́.

И́н Ирмо́с: Ки́том пожре́н грехо́вным, вопию́ Тебе́, Христе́: я́ко проро́ка из истле́ния мя́ свобо́ди.

Свети́льника Тя́ разуме́наго иму́щи тва́рь, Нико́лае, просвеща́ется за́рями неисче́тных чуде́с твои́х.

Недрема́нный моли́твенниче, к тебе́ притека́ющим, Нико́лае, от сна́ зла́го ле́ности изба́ви мя́.

Иза́вил еси́ дре́вле му́дре, хотя́щя непра́ведно умре́ти: тако́же и мене́ изба́ви от бе́д и прегреше́ний, Нико́лае.

Богородичен: Де́во еди́на чи́стая обра́дованная, помози́ ми, при́сно обу́реваему́ житейскими́ напа́стьми.

Песнь 7

Ирмо́с: Росода́тельну́ убо́ пе́щь соде́ла А́нгел преподо́бным отро́ком, халде́и же опаля́ющее веление́ Бо́жие, мучи́теля увеща́ вопи́ти: благослове́н еси́, Бо́же оте́ц на́ших.

Уди́цею слова́ Апо́столи, извле́кше все́х из глублины́ преле́сти, приве́дете к за́клавшему́ сло́ву на́с ра́ди, пою́ще ему́: благослове́н Бо́г оте́ц на́ших. [Два́жды.]

Явльшему́ся ве́щию теле́сною Апо́столи, неходата́йственне бесе́довавше, просвети́стеся светода́тельными блиста́ньми его́. Те́мже мя́ просвети́те вопи́юща: благослове́н Бо́г оте́ц на́ших.

Па́стыря́ добра́го умоли́те, Бо́жественни́и учени́цы, в гора́х мя́ заблужда́шаго престоупле́ния взыска́ти, и спа́сти вопи́ющаго приле́жно: благослове́н Бо́г оте́ц на́ших.

Богородичен: Со проро́ки, Апо́сто́лы же и му́ченики, Де́во, Его́же роди́ла еси́, моли́, земных мя́ изба́вити зо́л, и прича́тника небе́сных бла́г бы́ти мя́ сподо́би, Влады́чице.

И́н Ирмо́с: Преподо́бных Твои́х отро́ко́в моли́тву услы́шавый, и пе́щь горя́щую ороси́вый, благослове́н еси́, Госпо́ди Бо́же оте́ц на́ших.

Си́лою Бо́жиею, пребла́женне, ерети́чествующих полки́ попрал еси́, и от те́х преле́сти ста́до твоё спа́сл еси́, Нико́лае.

Явле́йся пла́вающим, и тво́й град препита́л еси́ стра́ждущ: душе́тле́ннаго мя́ гла́да изба́ви, моли́твами твои́ми, отче Нико́лае.

Утверди́, отче, моли́твами твои́ми тебе́ призыва́ющя на по́мощь, Нико́лае, ути́шая бесо́вскую лука́вую бу́рю.

Богородичен: Влады́чице все́х челове́к, свята́я Богоро́дице, рабо́ты мя́ стра́стныя Твои́ми моли́твами до конца́ свобо́ди.

Пѣснь 8

Ирмосъ: Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Молитв серпом очистите плевелы вся мысли моя, Божественни делатели Спасовы апостоли: яко да спасительнаго плода принесу клас. [Дважды.]

Оляденѣвшая сердца обновите ралом слова, и всеявше учение честное, клас сторицествующ спасшихся пожасте, Боговидцы.

Вражю злобу успивше, уснули есте сном праведных подобным, неусыпнии о нас молитвенницы бывше, ученицы Слова, во вся веки.

Богородичен: Огня негасимаго избави мя, Господи, пророк, и мученик, и Апостол Твоих, и во утробу вместившия Тя неизреченно, Девы неискусомужныя, Щедре, молитвами.

Иън Ирмосъ: Преподобнии Твои отроцы в пещи херувимы подражаху, трисвятую пѣснь воспевающе: благословите, пойте, и превозносите во вся веки.

На высоту жития светлейшаго востек явился еси, и знаемь вселенней, Богоносне, чудодеянии различными просвещая сущих во тьме, Николае.

Облагодати Божественне бодрствующия, тя чтущия, Николае: успи злобу враждующих человек, на нас находящих, блаженне.

Иже вся сети вражия крепостию сокрушив духовною, от тех избави мя твоими молитвами, окормляя живот мой Богомудре, святителю Николае.

Богородичен: Поем тя, Дево Богородительнице, еже ради клятва неплодна бысть и благословение всем прииде, ведущим Тя едину Матерь Бога нашего безмужную.

Таже поем пѣснь Богородицы: Величит душа моя Господа: с припевы, и поклоны.

Пѣснь 9

Ирмосъ: Бога человеком не возможно видети, на Негоже не смеют чини ангельстии взирати: Тобою же, Всечистая, явися человеком Слово воплощенно, Егоже величающе, с небесными вои Тя ублажаем.

Бога человеком приобщившася, и мертвенное совокуплением без сравнения оживившаго, во всем мире проповедающе, всех безбожных прелести свободисте: темже ублажаеми есте присно, Божественни Апостоли. [Дважды.]

Христову страсть изобразивше Апостоли, страстьми телесѣ различными, плоти моя страсти умертвите: и изнемогшую, и бедствующую, и умерщвленную мою душу оживотворите.

Пу́ть бу́ди ми́ наставля́ющий мя́ к незаблудному пу́ти за́поведей Твоих, Человеколю́бче, в пропа́сть грехо́вную впа́дшему: и заблужда́юще, и уклон́шуся к путе́м лука́вым, и бе́дствую́щу.

Богоро́дичен: Ли́ки А́нгел и Арха́нгел же, Вла́сти и Си́лы, Нача́ла, Господ́ствия, Херувими́ и Серафими́ и престо́ли, Христе́, собо́р апо́стол, с Ро́ждшею Тя, мо́лятся Тебе́, еди́не Царю́, спаси́ рабы́ Твоя́.

И́н Ирмо́с: Е́же ра́дуйся от А́нгела прии́мшая, и ро́ждшая Созда́теля Твоего́, Дево, спаси́ Тя велича́юще.

Святи́телей удо́брение, чуде́с исто́чнице, Нико́лае, умоли́ Бо́га Человеколю́бца, обрести́ нам грехов оста́вление.

Яко́же дре́вле у́зники изба́вил еси́ от сме́рти: та́ко и на́с изба́ви искуше́ний житей́ских, Нико́лае.

Ты́ в Ми́рех Ликийских по́гребен́ был еси́, ми́ро то́чиши всегда́, Нико́лае, зловония́ страсте́й отгоня́я присно́.

Жи́ждителя́ прише́ствие при двéрех, не ле́нися, ду́ше моя́, но возопи́й: Никола́а моли́твами, Христе́, спаси́ мя.

Богоро́дичен: Све́т ро́ждшая, Всепе́тая, се́рдца моего́ зе́ницу ослепшу́ю просвети́: да пою́ Тя и́же Тебе́ ра́ди спаса́емь.

Та́же, Досто́йно е́сть: и поклон́. Ектени́а, свети́лен и псалмы́ обы́чныя.

На стихо́вне стихи́ры апо́столом, гла́с 6:

Бу́рю утиши́вше ле́сти бесо́вския му́дре в ти́шину́, Апо́столи Христо́ви, весь ми́р настависте́ в ве́ру правосла́вную, и ны́не моли́тесь о душа́х на́ших.

Сти́х: Испол́нимомся за́втра ми́лости Твоея́, Го́споди, и возра́довахомся, и возвесели́хомся: во вся́ дни́ на́ша возвесели́хомся, за дни́, в ня́же смирил ны́ еси́, лета́, в ня́же видехом злая́, и при́зри на рабы́ Твоя́, и на дела́ Твоя́, и наста́ви сы́ны их.

Па́мять прему́дрых учени́к Христа́ Царя́ на́шего, досто́йно пе́снями почти́м, ве́рнии: тии́ бо тро́ическую ве́ру в ми́ре пропове́даша.

Сти́х: И бу́ди све́тлость Го́спода Бо́га на́шего на на́с, и дела́ ру́к на́ших исправи́ на на́с, и де́ло ру́к на́ших исправи́.

Му́ченичен: Избра́нныя удиви́ и святы́я Бо́г на́ш. Ра́дуйтесь и весели́тесь, вси́ раби́ Его́, ва́м бо угото́ва венцы́ и Ца́рствие Своё: но молим вы́, и на́с не забуди́те.

Сла́ва, и ны́не, Богоро́дичен: Прело́жение скорбя́щих, премене́ние боля́щих еси́, Богоро́дице Всепе́тая, спаси́ гра́д и лю́ди, боримых умирение, обу́реваемых ти́шина, еди́на предста́тельница ве́рных.

Та́же, Благо́ е́сть: И Трисвято́е. По́ Отче на́ш: Тропа́ри, и ектени́а: и ча́с пе́рвый, и псалмы́ обы́чныя, и проче́е, и отпу́ст.

В четверток блаженны, глас 6:

Помяни́ мя, Бо́же Спа́се мой, егда́ приидеши во Ца́рствии Твоём, и спаси́ мя, яко еди́н Человеколюбец.

Стих: Блаже́ни изгнани пра́вды ра́ди, яко те́х е́сть Ца́рство Небе́сное.

Яко лучы́ тайны́я, протекше в мире апо́столи сла́внии, челове́ческий род ве́рою просветили есте́.

Стих: Блаже́ни есте́, егда́ поно́сят ва́м, и изжену́т, и реку́т вся́к зол глагол, на вы́ лжу́ще Мене́ ра́ди.

Яко о́блацы окропи́ли есте́ во́ду в ми́ре, Боже́ственного ра́зума, просвеще́ннии Госпо́дни Апо́столи.

Стих: Ра́дуйте́ся и весели́те́ся, яко мзда́ ва́ша мно́га на Небесе́х.

Муче́ния огню́ приближа́ющесе́, Боже́ственную ро́су прохлажда́ющую вас, от Бо́га восприя́те, му́ченицы.

Слава: Святе́й и честне́й Трои́це, ве́рнии покланя́ющесе́, согласно́ возопи́им: Апо́стол мольба́ми спаси́ всех нас.

И ны́не: Ро́ждшая Сло́во па́че словесе́, Богоро́дице, отцу́ собезнача́льнаго, того́ моли́ спастися душа́м нашим.

В четверток вечера

стихиры подобны крестныя, глас 6:

Подобен: Триднѣвно:

Стих: Аще беззаконія на́зриши, Гóсподи, Гóсподи, ктó постоит? Я́ко у тебе́ очище́ние е́сть.

Долготерпеливе и Человеколю́бче Бóже мой, Многоми́лостиве и Ще́дре, ка́ко претерпѣл еси́ зака́лание и умерщвление на древе, за рód челове́ческий? Славосло́вим Твое́ благоутро́бие.

Стих: Имене́ ра́ди Твоего́, потерпѣх Тя, Гóсподи, потерпѣ ду́ша моя́ в сло́во Твое́, упова́ ду́ша моя́ на Гóспода.

Зауше́ния претерпѣл еси́, и распя́тие, Долготерпели́ве, и уничиже́ния, хотя́ всех изба́вити лестца́, еди́не Живода́вче, и вся́ терпи́ши, Преблагый.

Стих: От стра́жи у́тренняя до но́щи, от стра́жи у́тренняя да упова́ет Израи́ль на Гóспода.

Возше́л еси́, Па́стырю, на Крѣст, и простѣрл еси́ ру́це, вопия́: прииди́те ко Мнѣ, и просвети́теся челове́цы, иже прѣлестию́ помрачи́вшиися: Аз бо Свѣт е́смь. Слава Тебе́, Еди́не Светопода́телю.

Ины стихиры подобны Богородичны, глас тойже:

Подобен: Отчаянная:

Стих: Я́ко у Гóспода ми́лость, и мно́гое у Него́ изба́вление, и То́й изба́вит Израи́ля от все́х беззаконий е́го.

Прекло́ненну тягча́йшею тягото́ю прегреше́ний ду́шу мою́, и сляченную возста́ви, Де́во, Ты́ бо низве́рженныя возставляю́ща Спа́са има́ши, повиную́щая удо́бно ма́тернему дерзнове́нию: и раздери́ Твои́м ходата́йством грехо́вное рукописа́ние, молю́ся, за ве́лию Твою́ ми́лость.

Стих: Хвали́те Гóспода все́и язы́цы, похвали́те е́го все́и лю́дие.

Отча́яннаго грехми́ и оскверне́на беззаконьми́, презре́вшаго Бóжия повеле́ния ви́ждь, и не отве́ржи мене́ от лица́ Твоего́: Ты́ бо еси́, Богоро́дице, упова́ние моѐ, и предста́тельница. Те́мже вонми́ моим молением, и от вся́кия мя скверны́ очисти́, за ве́лию Твою́ ми́лость.

Стих: Я́ко утверди́ся ми́лость Е́го на нас, и исти́на Госпо́дня пребыва́ет во ве́к.

Отве́рзи ми́ двѣри покая́ния, да́ждь ми́, Пресвята́я, исто́чник слѣз, пода́ждь умиле́ние и целомудренно́е се́рдце: Тебе́ бо еди́ну изве́стное предста́тельство напи́сую, вся́кое на Тя ча́яние моѐ возно́шу. Не отри́ни мене́ посра́млена, но приими́, и спаси́, Влады́чице, за ве́лию Твою́ ми́лость.

Слава, и ныне, КрестоБогородичен.

Подобен: Тридневно:

Зряци Тя Пречистая, на Древе пригвождаема вопияше: о Сыне мой и Боже, что преславное Твое, и слышание странное, еже претерпеваеши за многую милость?

Таже, Свете тихий: **Прокимен дне:** Помощь моя от Господа, сотворшаго небо и землю. **Стих:** Возведох очи мой в горы, отнюдуже придет помощь моя. Сподоби, Господи, в вечер сей:

На стиховне стихиры крестны, глас 6:

Крест Твой, Господи, жизнь и заступление людем Твоим есть: и нань надеюшися, Тебе распеншагося плотию Бога нашего поем: помилуй нас.

Стих: К Тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Крест Твой, Господи, рай отверзе роду человеческому: и от истления избавльшися, Тебе распеншагося плотию Бога нашего поем: помилуй нас.

Стих: Помилуй нас, Господи, помилуй нас, яко по многу исполнихомся уничижения, наипаче наполнися душа наша поношения гобзующих, и уничижения гордых.

Мученичен: Мученицы Твой, Господи, не отвергшася Тебе, ни отступиша от заповедей Твоих: тех молитвами помилуй нас.

Слава, и ныне, КрестоБогородичен:

Подобен: Тридневно воскресл еси, Христе:

Предстоящи у Древа иногда во время распятия, Дева с девственным учеником, и плачуши вопияше: увы мне, како страждеши, всех Христе сый безстрастие?

Таже, Ныне отпускаеши: **Трисвятое. По** Отче наш: **тропарь, ектения, и отпуст.**

В четверток на повечерии

канон Пресвятей Богородице, [егоже краеграние сице: Дажь ми, Дево, слезы покаяния.] Глас 6.

Песнь 1

Ирмос: Яко по сѹху пешешествовав Израиль, по бѣдне стопами, гонителя фараона видя потопляема, Богу побѣдную песнь поим, вопияше.

Приими, Дево, мольбу мою из уст недостойных, от скверных устен дерзновенно приносити устремившагося: и свет умиления, Чистая, озари рабу Твоему.

Тучи слез ми подаждь, Твоими молитвами, Дево Мати Чистая: яко да плачу тепле, о ихже соделах на земли, и убегну Тобою муки всякия.

Слава: Моего рыдания не отрини, Яже Источник Милосердия рождающая: но милостивно, Благая, Твоим милостивным оком, Богородице, души моя страсти исцели.

И ныне: Стенанием плачуся, душе моя, и себе отнюд рыдай, поклоняющихся Матери Божии, и глаголющи: мене повиннаго избави муки страшныя.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Несть ин якоже аз прегрешив, Пресвятая Чистая, порабощься злобами безмерных помышлений: но на Тя надеявся молю, сих мя исхити.

Се наидоша на мя яко раны, вся вражия злобы отяготевше, и зело возсмердеша, и душу ведут на всяко падение.

Слава: Многое множество моих прегрешений: сего ради, Пресвятая, верою припадая, вопию Ти смиренный: в час страшный умоли, Егоже воплотила еси.

И ныне: Святая Богородице, мене повиннаго всякому осуждению изми, дерзновение к Богу яко имущи Матерне, и чертогу Сего учини мя.

Песнь 4

Ирмос: Христос моя сила, Бог и Господь, честная Церковь Боголепно поет зывающе, от смысла чиста, о Господе празднующи.

Источник ми слез даруй, Владычице, яко да отмыю скверну смиренныя души моя, и обрящу доброту, юже погубих советом змийным.

Боже мой Милосерде, Боже Человеколюбче, волителю милости, ныне на мя излий Твою милость: молит Тя надежда и заступница моя, Мати Твоя.

Слава: Мене́ блуднаго, мене́ ужаснаго, без ума́ и безсты́дно мно́го согрѣшша к Тебѣ, Пренепоро́чная, ущѣдривши спаси́, и геенны́ свободи́.

И ны́не: Па́жить потреби́ смерти, ро́ждши Жи́знь вся́ческих. Те́мже и аз зову́ Ти: согрѣших, спаси́ мя, Чи́стая, Ма́терними Твои́ми мольба́ми.

Пѣснь 5

Ирмо́с: Бо́жиим свѣ́том Твои́м, Бла́же, у́треннюющих Ти́ ду́шы лю́бовию озари́, молю́ся, Тя ве́дети, Сло́ве Бо́жий, и́стиннаго Бо́га, от мра́ка грехо́внаго взы́вающа.

Помилуй́ мя, Чи́стая, на Тя́ всю́ наде́жду мою́ возложи́вшаго: и ущѣдри, ве́рою взы́ваю́ Ти́, презре́вши души́ моея́ вся́ стра́сти лю́тыя.

Спаси́ мя от страсте́й, ско́рби и вре́да, лука́вых сопроти́вных, и изба́ви сѣх лая́ннїа смире́нную мою́ душу́, да не реку́т, Де́во: укрепи́хомся на́нь.

Слава: Чи́ста тѣ́лом и ду́шею, Пречи́стая, я́вльши́ся, ду́шу мою́ от скве́рны́ свободи́, да́я ми чи́сто жити́, и наста́ви твори́ти ми́ Госпо́дню Боже́ственную волю́.

И ны́не: Тя́ Еди́ну има́м прибе́жище, и к Бо́гу премене́ние, и́же во мно́гих прегрѣше́нїих все́ житїе́ мое́ иждїх. Те́мже мя́, Богоро́дице, Ты́ ущѣдри.

Пѣснь 6

Ирмо́с: Жите́йское мо́ре воздвиза́емое зря́ напа́стей бу́рею, к ти́хому пристани́щу Твоему́ прите́к вопию́ Ти: возведи́ от тли́ живо́т мой, Многоми́лостиве.

Испра́ви, Влады́чице, ма́лое мое́ стена́ние, и рука́ма возде́яние, я́коже благово́нну же́ртву, и Твой́ сподо́би зра́к чи́стою сове́стию узрети́.

Глаго́л моих, Влады́чице́ Бла́гая, не прѣзри́ моле́ние, Родите́льнице́ Ми́лостиваго Бо́га, от Твоея́ утробы́ возсия́вшаго: но да́ждь ми́ прѣ́жде конца́ Боже́ственное оста́вление.

Слава: Преклони́хся страстьми́ блудно́ преока́янный, и удали́хся от Бо́га: Е́гоже моли́ спасти́ мя, Бла́гая, к Тебѣ́ бо прибе́гох, и оде́ждами́ мя́ прѣ́дними украси́.

И ны́не: Не опа́ли ло́жесн Твои́х О́гнь сый́ Иису́с, из Тебѣ́ плоти́ю приходи́т: Сего́, Чи́стая, моли́ огня́ и вся́кия му́ки изба́вити, ве́рою воспева́ющих Тя́.

Та́же, Го́споди, помилуй́, три́жды. Сла́ва, и ны́не:

Седа́лен, гла́с 6:

Чи́стая Де́во и Сла́вная, а́нгелов сла́во, егда́ прѣдста́ла еси́ Кресту́ Сы́на и Бо́га Твоего́, не терпя́щи озло́бленїа вра́г, взы́вала еси́ рыда́ющи

стенаньми, Еди́на Благосло́венная: како́ терпит Чело́веколюбе́ц, сих́ все́х наноси́мая?

Песнь 7

Ирмос: О́троцы в Вавило́не пе́щнаго пла́мене не убо́яшася: по посреде́ пла́мене вве́ржени, ороша́еми поя́ху: благосло́вен еси́ Госпо́ди Бо́же отец́ наших.

Возни́кни, о ду́ше моя́! от злых́, я́же соде́яла еси́, что́ спи́ши проче́е, что́ сном́ уны́ния низлежи́ши? Богоро́дице возопи́й: Пресвята́я, помози́ ми.

Образ ви́да Твоего́ чту́, и не смею́ воззрети́ к Тебе́, Пресвята́я: молю́ прияти́ долгов́ прощение́, и чи́сто видети́ Твою́ пречи́стую ико́ну.

Слава: В Твое́ прибега́ю, Богороди́тельнице, заступле́ние, и припада́ю прияти́ прощение́: не презри́ мене́, Влады́чице, но уще́дривши спаси́ мя.

И ныне: Многообра́зными зло́бами душетле́ннаго оскверни́х ду́шу и ум́, молю́ Тя, Пречи́стая, не презри́, и того́ искуше́ний исхити́ раба́ Твоего́.

Песнь 8

Ирмос: За зако́ны оте́ческия блаже́ннии в Вавило́не ю́ношы предбе́дствующе, царю́ющаго оплева́ша повеле́ние безу́мное, и совокупле́ни имже́ не свари́шася огне́м, Держав́ствующему́ досто́йную воспе́ваху пе́снь: Госпо́да пойте́ дела́, и превозно́сите во вся́ веки́.

Безме́рно согрешив́, и оскверни́в моё́ во гресех́ те́ло неразу́мный, помы́шляю́ необы́меннаго Суда́ Дёнь, и недоуме́вся, убо́ясся, и ужа́саюся́ и трепещу́, ко Благоутро́бию Твоему́, Влады́чице, припада́ю: не отрини́ мене́, но виждь́ мою́ скорбь́, и избави́ всяка́го осужде́ния му́к многообра́зных.

Закон́ Божество́нный презре́в, в ле́ности ве́сь слежу́ ока́янный: призре́вши, Пречи́стая, возстави́ вско́ре, и спасе́нных сотвори́ мя ча́сти получи́ти, да ра́дуяся зову́ Ти: ра́дуйся, Ра́досте́ миру́, Еди́на Предста́тельница, веро́ю призыва́ющим Твой́ твёрдый́ покров́.

Слава: Увы́ мне́, ду́ше моя́! Како́ предстане́м тогда́ во стра́се и трепете́ суди́щу стра́шному, егда́ а́нгели предстану́т во стра́се и трепете́? Богоро́дицу иму́щи Бла́гу заступни́цу, преклони́ ко́лено, и возде́жи ру́це к высоте́, вопию́щи: при́зри и пощади́ Твои́м милостивным́ тогда́ взором́, Де́во.

И ныне: Покажи́ кре́пость Твою́ непосты́дну заступле́ние ны́не: я́ко должни́к бо Ма́терними мо́льба́ми преклони́тся Твой́ Сы́н, Де́во. Предвари́ убо́ ны́не в ну́жный ча́с, да не отиду́ негото́в, но поживу́ и ещё́, Препе́тая Богоро́дице Чи́стая.

Песнь 9

Ирмос: Не рыдай мене, Мати, зрящи во гробе, Егоже во чреве без семене зачала еси Сына: востану бо и прославлюся, и вознесу со славою непрестанно яко Бог, верою и любовию Тя величающыя.

Да вышния славы получу, Дево, молюся Тебе: ослаби ми, и избави долгов тьмы, вся презревши, Пречистая, яже в неведении, и разуме, вкупе дневная и ночная, яко да благодарственную песнь радуясь принесу Ти.

От всяких мя скорбей исхити, Отроковице, и на камени постави ноге мой Божественнаго спасения: Тя бо Предстательницу небориму ныне стяжав, уповаю прейти стену и преграду, юже преслушанием древа создах.

Слава: Тя молю рождшую милосердаго Судию и Владыку: прими дерзость скверных устен, и убогое пение мое, и не омерзи мене паче всех человек грешнейшаго: Тя бо по Бозе заступницу имею раб Твой.

И ныне: Яко вышши сущи созданий всяческих, во утробе Твоей имела еси, Богородице, Бога воплощенна: Сего прилежно моли, Чистая, разрешити всякаго настояшня раба Твоего, да свободным гласом Тя славословлю и аз.

Таже, Достойно есть: Поклон до земли. Трисвятое. **По** Отче наш: **тропари, и прочее обычно, и отпуст.**

Пятница

В пятóк ўтра

по 1-м стихослòвии, седальны крестныя, глас 6:

Днёсь прорóческое исполнися слòво: се бо покланяёмся на мёсте, идёже стоясте но́зе Тво́й, Го́споди, и Дре́во спасёния вкуси́вше, и́же от греха́ страсте́й свобожде́ние уллучихом, моли́твами Богородицы, еди́не Человеколю́бче.

Сти́х. Возносите Го́спода Бо́га на́шего, и покланя́йтесь подно́жию но́гу Его́, я́ко свято́ е́сть.

То́кмо водрузи́ся Дре́во, Христе́, Креста́ Твоего́, основа́ния подви́зашася сме́рти, Го́споди: Е́гоже бо пожре́ любо́вию ад, отпусти́ трепетом. Показа́л еси́ нам спасёние Твое́, Святы́й, и славослòвим Тя́, Сы́не Бо́жий, поми́луй на́с.

Сла́ва, и ны́не, КрестоБогородичен.

Подóбен: Упование мира:

Е́дина непорóчная А́гница, Богороди́це Де́во, от крове́й Твои́х чи́стых Вопло́щшагося зря́щи ви́сяща волею́ на Кресте́, зыва́ла еси́, Отрокови́це, со слеза́ми го́рькими: Сы́не Мой Не́злюбивый, пою́ Твое́ страшно́е все́ смотре́ние.

По 2-м стихослòвии, седальны крестныя, глас 6:

Крест́ Тво́й, Го́споди, освя́тися: те́м бо быва́ют исцелё́ния боля́щим во гресе́х. Сего́ ра́ди Тебе́ припада́ем, поми́луй на́с.

Сти́х: Бог же Ца́рь на́ш пре́жде ве́ка, соде́ла спасё́ние посреде́ земли́.

Го́споди, осуди́ша Тя́ иудее́ на сме́рть, Жизнь́ все́х, и́же Чермно́е мо́ре же́злом проше́дшии, ко Кресту́ Тя́ пригвозди́ша: и от камене́ ме́д сса́вшии, же́льчь Тебе́ принесо́ша: но волею́ претерпе́л еси́, да на́с свободи́ши от рабо́ты вра́жия. Го́споди, сла́ва Тебе́.

Сла́ва, и ны́не, КрестоБогородичен.

Подóбен: Упование мира:

Предстоя́щи у Креста́ Де́ва и Ма́ти, без стра́сти из Нея́ па́че ума́ вопло́щшагося, зыва́ше слезото́чащи матерски́: не терплю́ Тя ме́ртва ви́сяща видети́, дыха́ние подаю́ща живу́щим на земли́, о Сы́не и Бо́же мой!

По 3-м стихослòвии седальны, глас 6:

Подóбен: Упование мира:

Кресте́, де́монов гони́телю, врачу́ неду́гующих, кре́посте и храни́телю ве́рных, похвало́ правосла́вных воистинну́, утвержде́ние Це́ркве Христовы́, буди́ нам забра́ло и стена́ и храни́тель, дре́во благослове́нное.

На дре́ве крестне́м милосе́рдия ра́ди и ми́лости возне́слся еси́ и в

ребро́ прободён бѣв ко́пиём, растерза́л еси́ грехо́вное лю́тое рукописа́ние, яко́ всеси́льный Бо́г: те́мже Твое́ неизрече́нное по́йм, Сло́ве, благоче́стно смотре́ние.

Му́ченичен: Све́т пра́ведным вы́ну, святи́и бо тобо́ю просвети́вшеся, сия́ют при́сно яко́ свети́ла, све́щник нече́стивых угаси́вше. Ихже́ молитва́ми, Спа́се на́ш, Ты́ просвеща́еши свети́льник мо́й, Го́споди, и спаси́ мя.

Сла́ва, и ны́не, Кресто́Богоро́дичен: Всесвята́я Богоро́дице, во вре́мя живота́ моего́ не оста́ви мене́, челове́ческому предста́тельству не ввѣри́ мя, но сама́ заступи́, и помилуй́ мя.

Кано́н Честно́му и Животворя́щему Кресту́. Глас 6.

Пѣснь 1

Ирмо́с: Волно́ю морско́ю Скрывша́го дре́вле гони́теля мучи́теля под земле́ю скрѣша́ спасе́нных о́троцы: но мы́ яко́ отрокови́цы, Го́сподеви́ по́йм, сла́вно бо просла́вися.

Стра́стию Твое́ю честно́ю почти́л еси́ обезче́стенное естество́ челове́ческое: те́мже чту́ще Тя́ со страхом, велича́ем держа́ву Твою́, и ве́рно сла́вим: сла́вно бо просла́вися.

Кро́вию Твое́ю, Сло́ве, кро́вей непра́ведное проли́тие уста́вил еси́, и очи́стил еси́ от скверны́ зло́бныя естество́ челове́ческое, Всеси́льне. Те́м сла́вим спаса́емии держа́ву Твою́.

Му́ченичен: Звѣря́ кро́вопийцу́ победи́ вои́стинну, достохва́льное му́ченик сопроти́востоя́ние: о́гненное покори́ естество́ росо́ю Боже́ственныя благода́ти, и зельну́ бурю́ многобо́жия уста́ви.

Му́ченичен: Туча́ми кро́вей одождѣ́ния прѣлести́ изсуши́вше, тучи́ исцелѣ́ний то́чите миро́ви, и пла́мень страсте́й отгоня́ете безбо́жия. Те́мже, му́ченицы, блажи́ми естѣ́.

Богоро́дичен: Добро́ты, ни ви́да иму́ща внегда́ страда́ти, кра́снаго добро́тою, неискусобра́чная О́трокови́це, смотре́ющи Тя́ ве́рных удо́брение, ма́терски восклица́ше, и любо́вию Тя́ сла́вляше.

И́н кано́н ко́ Пресвяте́й Богоро́дице, [его́же краестро́чие по алфави́ту.] Глас и ирмо́с тойже́.

Пречи́стая Е́во, Благода́тная Мари́е сла́вная, ра́дости хода́таице, певцы́ Твоя́ Боже́ственными благода́тьми благода́тствуй: яко́ да благодарственную́ пѣснь Тебе́ возслѣ́м.

Оле́ Твои́х та́инств, Богома́ти! творѣ́ний бо яви́лася еси́ Влады́чица, Его́же не дерза́ют взира́ти А́нгелов во́инства, во объ́ятиих нося́щи. Те́мже Ты́ ублажа́ем.

Ро́д челове́ческий ве́сь тлѣ́нием смѣртным осуди́ся, прамáтерним

вкушением Древа: Тобою же воззвася, яко Живот рождшею, Чистая, нетленный.

Песнь 3

Ирмос: Тебе на водах повесившаго всю землю неодолимо, тварь видевши на лобнем висима, ужасом многим содрагашеся, несть свят разве Тебе, Господи, взывающи.

Тебе на водах повесившаго всю землю неодолимо на Древо вознесена, и в ребра прободана, смотрящее Солнце помрачашеся, всех просвещение разумеющее Тя, Господи.

Уязвляется Твоими гвоздьми, Долготерпеливе, иже в рай древле уязвимый Адама злодей, и уязвився, неисцельный во веки пребысть: вернии же обретохом всех язв исцеление.

Мученичен: Егда лик ангельский, зряше мучеников стада за Агнца пожержагося сдробляема, дивляшеся: како вещественнии невещественныя враги побеждаху, победы венцы приемлюще?

Мученичен: Силою одеваеми святии, в крепости единого вся могущаго, со врагом сплетяхуся, и того некрепкую попираху силу, венцы от Бога приемлюще.

Богородичен: Ты из Тебе рождагося, яко видела еси уязвлена копием, уязвилася еси сердцем, Пречистая Всенепорочная, и дивящися глаголала еси: что Ти воздаде, Чадо, собор пребеззаконный?

Ин Ирмос тойже.

Лестию мя прельстивый обожения желанием враг древле, из Едема Богомати, на землю пресмыкавый сокруши: но Христос ущедрив мя, от ложесн Твоих плоть восприим, возсозда.

Живота явилася еси врата, пророку древле Иезекиилю, Отроковице, иже Господь един воплощенный пройде, и заключенная Тя, Чистая, соблюде, яко есть Вышний.

Разрешися клятвы древня осуждение, Богомати, Твоим ходатайством: явився бо Ти, Господь, все нелицемерно источи, яко преблагий, всем благословение, Пречистая.

Песнь 4

Ирмос: На Кресте Твое Божественное истощание провидя Аввакум, ужасся вопиюще: Ты сильных пресека еси державу, Блаже, приобщаяся сущым во аде, яко всемогущ.

Простертие руки, Господи, неодолимо, ко древнему вкушению отемляй, мертв на Древе пожрен был еси, спасти восхотевый: из ребр искапаеши связанным оставление.

Страдати претерпел еси, Преблагий, яко да разрешиши нас от

страстей безсловесия: желчь вкусил еси, Владыко, источаяй мне Божественную сладость, умертвился еси, Живот мне подавая.

Мученичен: Огнь Божественныя любви в души словесней носяще, пламень пребеззаконующих угасиша: и просветительныя свещы Христовы страстотерпцы явишася.

Мученичен: Божественнии друзи Всецаря, плотския себе отлучивше дружбы, устремишася ко всякому мучению крепко, и победивше, славою венчашася.

Богородичен: Кроме страсти родих Тя, и како вижу Тя ныне страсти причащающаяся? Како терпиши сие, зываше Дева? Сыне безначальне, славлю Твое долготерпение.

Ин Ирмос тойже.

Избранная же и Пречистая от всех родов явльшиися единая, яже добродетельми возсиявшая нескверная, Честная, иже Тя песнословящия светлостию Твоею просвети.

Бога плотию Дево родила еси, из чистых Твоих, Чистая, кровей Мати, Спаса избавляющаго вся от лютых, поющия Тя, Отроковице Богоблагодатная.

Священнодействует Божественному рождеству Твоему, Богородице Чистая, невестственных естество, и человеков собрание любовью Тя поет: Твоим сиянием нас озари.

Песнь 5

Ирмос: К Тебе утренюю, милосердия ради себе истощившему непреложно, и до страстей безстрастно преклоньшемуся, Слове Божий, мир подаждь ми падшему, Человеколюбче.

Мертв зришися на лобнем, умертвив ада страстию плоти Твоея: ни вида ты, Христе, ни доброты имел еси повешен, удобрить мя хотя яко Человеколюбец.

Адама перваго пригвоздити хотя страстная любления, гвоздьми пригвождаешися, и копием прободься, пламенному оружию возбраняеши, Христе, не возбранити рабом Твоим входа.

Мученичен: Последствующе страстем Владычним, лица мученичестии на Древе пригвождаются, и руками купно отемлются, и ногами к стези честнаго мучения Божественне исправляеми.

Мученичен: Умом совершенным, ума гордаго возносящася дерзостию низложисте совершенно смирившеся в подражании, вся вознесшаго смирением сердца, Христовы мученицы.

Богородичен: От корене, Дево, Иессеова прозябаеши, и яко цвет произносиши Насадителя миру, отрасли безбожия изсушивша

Божественным садом Креста, егѣже плотию прият.

Ин Ирмосъ тойже.

Лѣствица явльшися образно Иакову, к высотѣ превзятая, Твоего, Богоневѣстная, яви рождества воистинну изрядное: Тобою бо воистинну нам Бог споживе схождением Божественным, и Живот подаде человеком.

Избавльшеся Тобою праматерняя печали, Богородительнице, утешения исполнены быхом, веселие всем рождающая, и всемирную радость: темже, Всепѣтая, Твоя песнословцы от бед Твоими молитвами соблюди.

Тайно научимъ Твоему боговидне Моисей образу, предзряще купину неопалимую огнем, Дѣво Всенепорочная: в Тя бо Создатель вселься, не опали Тя вышшую всех творений, Богоневѣстная.

Пѣснь 6

Ирмосъ: Ят бысть, но неудержан в персех китовых Иона: Твой бо образ нося, Страдавшаго и погребенію давшагося, яко от чертога от зверя изыде: приглашаше же кустодии: хранящии суетная и ложная, милость сию оставили есте.

Премѣняя руже древле Иаков прообразоваше Крест, благословляя отроки. Темже Вышний на того восходяй, клятвы древняя решиши человечество: и источаеши ныне благословение, благословящим Тя, Едине благословенне, и Содетелю Преблагий.

Твою страсть прообразуяй, Слово, великий Моисей вознесе древле меднаго змия на древо, отемляй зрящия от ядовитаго угрызения змиина: ибо, Владыко, распяту бывшу Ти, вредения змиинаго богомерзкаго вси вернии избавихомся.

Мученичен: Якоже иному страждущу Божественни древле и честнии страдальцы бяху страдальчествующе, предзряще воздаяния вечная и радование. молитвами их, Христе Щедре, воспевающих Тя избави от искушений, и грехов, и обстояний.

Мученичен: Потокі уставиша прѣлести, струями кровей, честнии и Божественнии страсотерпцы, и источницы воистинну явишася, верным боговедения точаще воду. Молитвами их, Спасе мира, одожди оставление всем, и живот, и очищение грехов, и велию милость.

Богородичен: Пастыря перваго и Владыку, воздвигена на Древе зрящи Агница, плачущи матерски вопияше: что сие, Чадо, новое таинство? како безсмертен по существу сый смерть приял еси, человеки хотя из тли избавити?

Ин Ирмосъ тойже.

Законнии Тя образи, Богородице, и проречение яве пророков являху, имущую родити миру Избавителя, и Благодетеля всея твари,

многоча́стно и многообра́зно благоде́йствовавшаго, ве́рою и любóвию, Влады́чице Чи́стая, славосло́влящих Тя.

Устрани́вшисья дре́вле от преле́сти человекоуби́йцы врага́, Бо́жия перво́зданныя пи́щи райския, едина́ Богороди́тельнице, паки возве́ла еси́ к раю́ рождши́ Спаса́ Господа́, распя́тие и погребе́ние Боже́ственною вла́стию претерпе́вшаго.

И́же воле́ю Боже́ственною, и си́лою соде́тельною Сво́ею, вся́ от не су́щих составле́й, Чи́стая, прóйде от твои́х ложесн и Бо́г и человек: и и́же во тьме́ неведе́ния прэ́жде су́щия, сия́ньми Боже́ственными, Влады́чице Чи́стая, све́тло озари́.

Песнь 7

Ирмо́с: Неизрече́нное чу́до, в пе́щи изба́вивый преподо́бныя о́троки из пла́мене, во гробе́ ме́ртв бездыханен полага́ется, во спасе́ние нас пою́щих: Изба́вителю́ Бо́же, благослове́н еси́.

Егда́ Тя на Кресте́ собо́р евре́йский осуди́, зря́щи земля́ ужасе́ся: со́лнце све́т свой сокры́, и су́щии во тьме́ све́т виде́ша, пою́ще: Изба́вителю́ Бо́же, благослове́н еси́.

Досаждéние претерпéл еси́, Спа́се, трóстию биéшь, и те́рниями я́ко Ца́рь, воле́ю, Христе́ Бо́же, венча́ваемь, на спасе́ние нас пою́щих: Изба́вителю́ Бо́же, благослове́н еси́.

Му́ченичен: Связу́етесь, всю́ диа́волю преле́сть всехва́льнии му́ченицы реша́юще я́ве: терпите́ му́ки и сме́рть неправедную: жизни́ жела́юще горния́, и вопи́юще: Изба́вителю́ Бо́же, благослове́н еси́.

Му́ченичен: Ста́те посреде́ пла́мене, всехва́льнии му́ченицы, преле́сть попада́юще я́ве, и ороше́нием Боже́ственныя́ благода́ти не опали́вшисья, вопи́ете пою́ще: Изба́вителю́ Бо́же, благослове́н еси́.

Богороди́чен: Распина́ешися хотя́й, безнача́льне Сы́не, Богороди́ца взы́ваше зря́щи Тя: печа́лию ду́ши ны́не погружа́юся, умира́еши пода́яй жизнь пою́щым: Изба́вителю́ Бо́же, благослове́н еси́.

И́н Ирмо́с тойже.

Преукра́шенну́ Тя, иму́щую позлаще́нное, Богома́ти, украше́ние благоле́пное, восхоте́ Тво́й Сы́н же и Госпо́дь, во спасе́ние нас вопи́ющих Ти: пло́д Тво́й, Чи́стая, благослове́нный.

Шипок посреде́ те́рний обрёт, Пречи́стая, Влады́ка, испо́лни нас благоуха́ньми Твоими́ кра́сными благода́тей духо́вных, вопи́ющыя ему́ во умилении́: Изба́вителю́ Бо́же, благослове́н еси́.

Зна́мения вси́ Тво́й Боже́стvenнии проро́цы виде́вше Твоего́ Боже́стvenнаго Рожде́ства, славно́ вопия́ху, Чи́стая: Бо́г приидет от Де́вы, е́же спасти́ вопи́ющыя: Изба́вителю́ Бо́же, благослове́н еси́.

Пѣснь 8

Ирмосъ: Ужаснѣя бояйсѣ небо, и да подвижатся основанія земли: се бо в мертвецѣх вменяется в Вышних Живѣй, и во Грѣб малъ страннопріемлется: Егѣже ѡтроцы благословите, священницы воспойте, людие превозносите во вся веки.

Пиеши чашу, Христѣ, юже возжелѣ еси страстию крестною, истѣчники ми проливаяй оставленія от живонѣсных ребр, ради ребра умершему. Пою Тя воспеваяй: священницы благословите, людие превозносите во вся веки.

Егда Тя беззаконнии людие осудиша распяти, Исусе, посреде беззаконных, Жизнодавче Господи, потрясѣся земля, и вси воспеваху со страхомъ: ѡтроцы благословите, священницы воспойте, людие превозносите во вся веки.

Мученичен: Честна пред Богом явися ваша смѣрть, страдальцы: многимъ бо причастившесѣ страстемъ, страсти честныя Христовы общницы покажется, вопиюще единомудренно: ѡтроцы благословите, священницы воспойте, людие превозносите во вся веки.

Мученичен: Войстинну не плотская ваша оружія, мученицы, ко ополченію враговъ: надежда же, вера и истина, имиже уллучивше Бога, ангельскимъ ликомъ сочетается вопиюще Владыце: священницы благословите, людие превозносите во вся веки.

Богородичен: Вышний Безначальне Сыне, терпиши оплеванія, поношенія и Крест, тростию ругательно биѣмъ, Богородица вопияше: славолю Твое долготерпѣние: Егѣже ѡтроцы благословят, священницы воспевает, людие превозносят во вся веки.

Ин Ирмосъ тойже.

Божественному Даниилу ныне предвидена была еси несекомая гора: из Тебѣ бо, Отроковице, камень отсечесѣ Христосъ: Единъ бо Дѣво, кромѣ руки человѣческой. Егѣже ѡтроцы благословите, священницы воспойте, людие превозносите во вся веки.

Пѣснями Рождество Твое, Чистая, присно славят горнии воины, и Тебѣ же, Отроковице Приснодѣво, радостно с нами яко Богоматерь воспевает, юже ѡтроцы благословят, священницы воспевает, людие превозносят во вся веки.

Света Твоего зарями, Тя мудрствующыя ныне Богородицу истинную, Маріе, светозарны содейлай, Богородительнице Чистая: Света бо селение явилася еси, Дѣво, верою Ти вопиющимъ: радуйся благословенная и препрославленная во вся веки.

Таже поемъ пѣснь Богородицы: Величит душа Моя Господа: с поклоны.

Пѣснь 9

Ирмосъ: Не рыдай мене, Мати, зрящи во гробе, Егоже во чреве без семене зачала еси Сына: востану бо и прославлюся, и вознесу со славою непрестанно яко Бог, верою и любовию Тя величающыя.

Да снесию истлевшаго сладостною Древа, едине Спасе, яко благ избавиши от тли, распятися плотию, и умертвитися изволил еси: поем непрестанно, Иисусе, многое благоутробие и силу Твою.

О како претерпел еси болезни, на Кресте простираемъ, от болезней лютых изымая мя, Спасе? Како терниями венчавыйся, все поपालил еси страстей терние? Како оцта напоивыйся, веселия чашу нам растворил еси?

Мученичен: Стесняеми вси, и в темницы вметаеми, и на уды страдальцы разсецаеми люте, и по колесех жестоко протяжаеми, и во снесение зверем вдаваеми, Христа всех Владыки не отвергостесе.

Мученичен: Солнечных сияний множайши сияет страдалец всесветлая и благознаменитая память: и души благочестивых просвещает всегда, и отгоняет тму страстей, и искушений, и демонский расточает мрак глубочайший.

Богородичен: Носиши Носящаго вся, и держиши яко Младенца на руку, избавльшаго нас от руки борителя врага, Пречистая Владычице, и зриши возвышена на Древе Крестнем из ямы злобы нас избавльшаго.

Ин Ирмос тойже.

Радости нам вечныя и жизни явилася еси, преестеством Богородительнице, Ходатаица, Чистая, Спаса всех рождающая, от лица земнаго всяку слезу яве отемшаго, и всем радость подавашаго.

Поя Давид Твой Праотец, ковчег Тя прорече знаменательне: и Божественныя манны златую ручку, Моисей, Богородицу: ибо Единая вместила еси иже в недрах Отчих Суца присно, Богородице. Темже Тя песнями славим.

Яко воистинну превышши всея твари еси: Бога бо всех родила еси плотию. Темже Тя предстательницу имамы, Владычице, и надежду известну, и стену тверду, Тобою спасение улучшить надеющесея.

Таже, Достойно есть: Ектения, и светилен, и прочее.

На стиховне стихиры крестны, глас 6:

О Кресте упование имам, и о нем хваляся вопию: Человеколюбче Господи, гордыню низложи не исповедающих Тебе Бога и Человека.

Стих: Исполнихомся завтра милости Твоея Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая. И призри на рабы

Твоя, и на дела Твоя, и настави сыны их.

Иже Крестом ограждаеми, врагу противляемся, не боящися того коварства, ни ловительства: яко бо гордый упразднися, и поправан бысть на Древе силою распятого Христа.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Господи, в память святых Твоих вся тварь празднует: небеса радуются со Ангелы, и земля веселится с человеки. Тех молитвами помилуй нас.

Слава, и ныне, КрестоБогородичен: Пригвоздихся убо яко человек на Древе, и умертвихся, и во гробе положен бых, яко смертный: но яко Бог во славе, Мати Чистая Дево, паки востаю тридневен.

Таже, Благо есть: И Трисвятое: По Отче наш: тропарь и ектения, и час 1-й: псалмы обычны, и прочее, и отпуст.

В пятѡк блаженны, гласъ 6:

Помяни́ мя, Бо́же Спа́се мой, егда́ приидеши во Ца́рствии Твоём, и спаси́ мя, яко еди́н Человеколюбец.

Стихъ: Блажени́ изгнани́ правды́ ради, яко́ тѣхъ е́сть Ца́рство Небѣсное.

Распротѣр дла́ни на дре́ве, объя́л еси́ язы́ки поющы́я Твое́ благоутроби́е, Христе́ Бо́же наш.

Стихъ: Блажени́ есте́, егда́ поно́сят вамъ, и изжену́т, и реку́т вся́к зѡ́л глаго́л, на вы́ лжу́ще Мене́ ради.

Пригвозди́лся еси́ на Дре́ве волею, и жа́ла го́рдаго Твоею́, Христе́, силою́ соверше́нно сокруши́л еси́.

Стихъ: Раду́йтесь и весели́тесь, яко́ мзда́ ва́ша мно́га на Небесѣхъ.

Му́ками наслажда́ющесе́ страсотѣрпцы, райскаго наслажде́ния сподобистесе́, о ми́ре непреста́нно моля́щесе́.

Слава: От вся́кия изми́ насъ му́ки, О́тче, и Сы́не и сопресто́льный Ду́ше, рабы́ Твоя́, Го́споди.

И ны́не: Зря́щи Тя́ на Крестѣ́ распротѣрта, Де́ва въздыха́ше слезя́щи: Ея́же моли́твами спаси́ насъ, Го́споди.

В пятѡк вѣчера

на Господи, возвахъ, стихирѣ святѣмъ мученикомъ, и святителемъ, и преподобнымъ, гласъ 6.

Подобенъ: Всю отложивше:

Стихъ: Аще беззаконія назриши, Господи, Господи, кто постоитъ; яко у тебе очищение есть.

Христовыхъ страстей по стопамъ ходя все мученическое сословие, крепко зайде к подвигомъ многимъ, и Того предъ нечестивыми мучители, и беззаконными цари Бога проповѣдаша, и многи муки претерпѣша, почести чающе небесныя воспріяти. Ихже ныне видяще радуются, и со всеми лики Безплотныхъ Силъ Господевѣ предстоятъ.

Стихъ: Имене ради Твоего потерпѣхъ Тя, Господи, потерпѣ душа моя в Слово Твое, упова душа моя на Господа.

Стадо Богоизбранное, Христа перваго Пастыря подобницы бысте, пастырие всесвященнии: сохраните невредно до конца, благочестія Божественная сокровища, отгнавши дивія волки: тоже во ограду Небесную добре возведоште. Идеже убо ныне водворяеми, поминайте любовію васъ восхваляющихъ, и Христу со дерзновѣніемъ молитесь о душахъ нашихъ.

Стихъ: От стражи утрення до нощи, от стражи утрення да уповаетъ Израиль на Господа.

Преподобно поживше отцы преподобнии вси, бесы победисте, и совѣстная мученія страстей угасивше, разжженія доблественне претерпѣсте, блаженнии, и радуетесь ныне с Небесными Силами: яко уподобистесь житію в плоти техъ безплотныхъ. С нимиже молите Христа Преблагаго Бога, избавленіе обрести паденій, васъ почитающимъ.

Ины стихирѣ, гласъ и подобенъ тойже.

Стихъ: Яко у Господа милость, и многое у Него избавленіе, и Той избавитъ Израіля отъ всехъ беззаконій его.

Мучениченъ: Мученицы Твои, Господи, не отвергашася Тебѣ, ни отступиша отъ заповѣдей Твоихъ. Техъ молитвами помилуй насъ.

Стихъ: Хвалите Господа вси языцы, похвалите Его вси людие.

И паки тойже мучениченъ.

Стихъ: Яко утвердися милость Его на насъ, и истина Господня пребываетъ во вѣкъ.

Страстотерпцы мученицы, Небеснии граждани, на землѣ пострадавше, многія муки терпѣша. Молитвами ихъ, Господи, и молѣніемъ всехъ насъ сохрани.

Слава, и ныне, Богородичен: Кто Тебе не ублажит, Пресвятая Дево? кто ли не воспое́т Твоего́ Пречистаго́ Рожде́ства? Безлётно бо от Отца́ возсия́вый Сынъ Единоро́дный, Тойже от Тебе́, Чисты́я, про́йде, неизрече́нно вопло́щся: естество́м Богъ Сый, и естество́м бывъ Человѣкъ нас ради, не во двою́ лицу́ разделяе́мый, но во двою́ естеству́ неслитно познава́емый. Того́ моли, Чистая́ Всеблаже́нная, поми́ловатися душа́м нашимъ.

Таже, Свете тихий: и прокимен дне.

На стиховне стихиры мученичны, глас 6:

Страда́вши Тебе́ ради, Христе́, мно́гия му́ки претерпе́ша, и соверше́нныя венцы́ прия́ша на Небесе́х, да мо́лятся о душа́х нашихъ.

Крѣстъ Тво́й, Го́споди, му́ченикомъ бы́сть ору́жие непобеди́мое: ви́дяху бо предлежа́щую сме́рть, и предзря́ще бу́дущую жи́знь, уповани́емъ еже на Тя́ укрепля́хуся: те́х моли́твами поми́луй нас.

Мертвен: Нача́ток ми́ и соста́в зижди́тельное Твое́ бы́сть повеле́ние: восхоте́в бо от невидимаго́ и ви́димаго естества́, жи́ва мя соста́вити, от земли́ убо́ тѣло созда́в, дал же ми́ еси́ ду́шу, Божѣственны́м Тво́имъ и животворя́щимъ вдохнове́нием. Те́мже, Спа́се, рабы́ Твоя́ во стране́ живыхъ, и в крове́хъ праведныхъ упоко́й.

Слава, и ныне, Богородичен: Моли́твами Ро́ждшия́ Тя́, Христе́, му́ченик Тво́ихъ, и апо́столъ, и проро́къ, и святи́телей, преподо́бныхъ, и праведныхъ, и всехъ святи́хъ, усо́пшыя рабы́ Твоя́ упоко́й.

В пятóк на повечéрии

канóн молебный Пресвяте́й Богоро́дице. Глас 6:

Пéснь 1

Ирмо́с: Помо́шник и Покрови́тель бы́сть мне́ во спасéние, Сей мой Бо́г, и просла́влю Его́, Бо́г отца́ моего́, и вознесу́ Его́: славно бо просла́вися.

Припе́в: Пресвята́я Богоро́дице, спаси́ нас.

Не отрини́, Благо́я, не омерзи́ мене́, не презри́ мене́ под Твое́ милосе́рдие, Чи́стая, те́пле прите́кшаго: но да́ждь ми́ е́же в Тебе́ напитатися благода́тию.

Богоро́дице Благо́я, скорбя́щих заступни́це, приими́ мое́ от души́ стенáние: и избави́ мя от все́х безме́рных зол, я́же лю́те соде́ях.

Сла́ва: Тебе́ припадаю́, Благо́я, скорбных́ Предста́тельница: избави́ мя огня́ ве́чнующаго, и тьмы́ и про́пасти, во вся́ком житии́ зле́ пожившаго.

И ны́не: Увы́ мне́! Ка́ко Тя, Избави́телю, умолю́, Иису́се мой, безме́рно к Тебе́ согрешив? Проче́е ходатаи́цу Ти́ приношаю́ ро́ждшую Тя, Чи́стую, поми́луй и спаси́ мя.

Пéснь 3

Ирмо́с: Утверди́, Го́споди, на ка́мени за́поведей Твои́х подви́гшееся се́рдце мое́, я́ко Един Свят еси́ и Го́сподь.

Припадаю́ Ти́, Ма́ти Сло́ва, приими́ мя щедро́тами Твои́ми: прося́щему же прегрешéний прощéние пода́ждь, те́плыми моли́твами Твои́ми.

Поми́луй мя, Влады́чице, поми́луй, и избави́ от вся́каго лука́вствия, и озлобле́ния бесо́в, и ве́чнаго мучéния.

Сла́ва: Украти́, Влады́чице, сласте́й мои́х го́рькое пия́нство, трезвéние Боже́ственное ми́ подаю́щи покая́ния, и обра́щение спаси́тельное.

И ны́не: Вся́ческих Го́спода и Соде́ржителя, Богороди́тельнице, неизгла́голанно ро́ждши, умоли́ Сего́, е́же спасти́ ста́до Твое́.

Пéснь 4

Ирмо́с: Услы́ша проро́к прише́ствие Твое́, Го́споди, и убо́яся, я́ко хо́щещи от Де́вы родитися, и челове́ком явитися и глаго́лаше: услы́шах слух́ Твой, и убо́яхся: сла́ва си́ле Твое́й, Го́споди.

Язвы́ души́ моя́ не престая́ чешу́ любосла́стными, и приложи́шася мне́ стру́пов боле́зни, и пребываю́ нечу́вствен и неисцели́мь: поми́луй, Богороди́тельнице, и исцели́, и спаси́ мя моли́твами Твои́ми.

Тьма́ грехо́вная покры́ ду́шу мою́, Богороди́тельнице, я́ко в но́щи си́це хо́жду во све́те, не ве́дый Христо́вы за́поведи. Све́т ро́ждшая

Божественный, помилуй мя и просвети, молюся.

Слава: Слово Бога Живаго сниде во утробу Твою, Мати Деве, и приём от Твоих кровей пречистых всё мое смешение, приходит сугуб во единой ипостаси, Егоже моли спасти души наша.

И ныне: Телесная хотения прилежно преидох, и сласти вся, и растрлен бых весь, и сквернен и мерзок: Пречистая Богородительнице, помилуй, и спаси мя милосердием Твоим.

Песнь 5

Ирмос: От нощи утренююща, Человеколюбче, просвети, молюся, и настави и мене на повеления Твоя, и научи мя, Спасе, творити волю Твою.

Огнь геенский себе разжегох, дея неподобная, и гнев Божий люте привлекох: помози ми, Чистая, и не остави мене.

Прегрешений оставления прося присно, деяти не prestaю пребеззаконная, и Тебе, Пречистая, огорчеваю: очищение верных, ущедри мя.

Слава: Егоже от Твоих кровей родила еси, Чистая, совершенна Человека, и Бога истинна Иисуса, умоли Того избавитися нам огня вечнаго.

И ныне: Двере непроходима, молюся, отверзи ми двери покаяния истиннаго, и покажи ми стези покаяния, Чистая, Яже всех наставница.

Песнь 6

Ирмос: Возопих всем сердцем моим к Щедрому Богу, и услыша мя от ада преисподняго, и возведе от тли живот мой.

Волны неподобных помышлений погружают мя ныне: но Ты, Владычице, к тихому пристанищу настави покаяния истиннаго Твоим милосердием.

Надежду и стену неборимую, и предстательницу тверду стяжавше Тя, Отроковице, избавляемся прегрешений и страстей лютых, и всякаго вреда.

Слава: Припадаю Ти, Чистая Деве, и вопию с плачем, Богородице: избави душу мою окаянную будущаго суда, и огня вечнаго.

И ныне: Крепость Ты еси, Пречистая, немощных душею, Твоими мольбами: темже мя яко боляща душею не презри, но исцели.

Таже, Господи, помилуй, трижды. Слава, и ныне:

Седален, глас 6:

За милосердие щедрот, Христе, сошел еси на землю, и от Девы воплощся, вся освятил еси, яже от земли, и к Небеси всех призвал еси. Темже уповающе на Тя, никогдаже погрешим, но избавляемся Тобою настояний: Ты бо еси Спас наш, Создателю Боже наш.

Пѣснь 7

Ирмос: Согрѣшихом, беззаконновахом, неправдовахом предъ Тобою: ниже соблюдохом, ниже сотворихом, якоже заповедал еси нам: но не предаждь нас до конца, отцевъ Боже.

Егда душа окаянная моя от телесѣ стерпети хощет разлучѣние, и не будетъ избавляяй ю, или утешаяй ю: тогда, Владычице, предстани, и избави мя бесовъ озлобленія.

Припадаю Ти, и приношу слезъ теплыя капли: вѣм Твое человеколюбное, вѣм долготерпѣние и незлобие. Ты мя нынѣ помилуй, Чистая, прости и спаси мя.

Слава: Помилуй, Дѣво, страстную и окаянную мою душу, виждь страстей смущеніе, виждь и разгорение плоти непостоянное: и помощь даждь ми спасительную, и избавленіе.

И нынѣ: Отцу Единосущный, собезначальный Сынъ и Слово, плоть от Тебѣ приятъ равну, умну, и одушевленну непреложно, яко вѣсть Самъ: и естество наше обнови в ней лучше, Дѣво Чистая.

Пѣснь 8

Ирмос: Егѣже Воинства Небесная славят, и трепещут херувими и серафими, всяко дыханіе и тварь, пойте, благословите, и превозносите во вся веки.

Недоумѣю помышляя деянія моя, и трепещу Судий Страшнаго Судища: кий отвѣтъ окаянный принесу тогда: Владычице мира, буди ми заступница.

Не отвержи убо менѣ Самá, Владычице, от лица Твоего, егда к Твоему воззрю образу: но милостива буди ми, и настоящаго премени мя осужденія.

Слава: Невѣсто Божія, Маріе безневѣстная, от всякаго лукаваго вреда избави мя, вопию Ти, твоего раба: и в будущей при предстани ми, Едина христианъ Предстательнице.

И нынѣ: Да человеки Сынъ Твой, Владычице, обожит, явися из Тебѣ совершенъ Человекъ: Сего убо моли, совершенно очищшася показати причастника мя Божественному Егѣ Царствию.

Пѣснь 9

Ирмос: Еже радуися от ангела приимшая, и рождшая Создателя Твоего, Дѣво, спаси Тя величающыя.

Ты Едина Предстательнице человеков еси, Пречистая, Ты еси стена христианъ, Чистая, Ты нынѣ предлагаю ко Христу ходатаицу о мнѣ смиренном, да Твоими молитвами помилует мя окаяннаго.

Нощи дела соделах, и нощь мученія хощет мя нынѣ покрыти праведно

су́етнаго, и вся́ко томле́ние прия́ти а́дово: но ро́ждшая Су́дию, и Бо́га, Чи́стая Де́во, изба́ви мя вся́каго муче́ния.

Сла́ва: Вре́мя живота́ моего́ во злы́х изжи́х, и к двéрем а́да прибли́жихся, и ве́сь не гото́в иду́ та́мо: помози́ ми, Благая́ Богородице, на Тя́ бо наде́жду возложих.

И ны́не: Благолю́бивая Влады́чице, а́нгелов украше́ние, му́чеников сла́во, с си́ми помоли́ся обрести́ на́м ми́лость, и разреше́ние долго́в, и возмо́щи́и все́м до́бре жи́зни на́шей тече́ние сконча́ти, Божественная́ де́ющым.

Та́же, Досто́йно е́сть: и покло́н, и Трисвято́е. По О́тче на́ш: тропари́, и проче́е обы́чно, и отпу́ст.

Суббота

В субботу утра

по 1-м стихословии седальны мученичны, глас 6:

Свѣт праведнымъ всегда Ты, Господи: святѣи бо о Тебѣ просветившеся, сияютъ присно яко свѣтила, свѣтѣльникъ нечестивыхъ угасивше: ихже молитвами, Спасе нашъ, Ты просвети свѣтѣльникъ мой, и спаси мя.

Стих: Дивен Бог во святыхъ Своихъ, Бог Израилевъ.

Страдальческій подвигъ претерпѣвше святѣи, и почета побѣдныя отъ Тебѣ прияха, упраздниша помышления беззаконныхъ, и прияха венцы нетленныя. Теми, Боже, умоленъ бывая, даруй намъ велию милость.

Слава, и ныне, Богородичен: Иже Благословенную нареки Твою Матерь, пришелъ еси на страсть вольнымъ хотѣниемъ, возсиявъ на Крестѣ, взыскати хотя Адама, глаголя Ангеломъ: срадуйтеся Мнѣ, яко обрѣтесе погибшая драхма. Вся мудре устройвый, Боже нашъ, слава Тебѣ.

По 2-м стихословии седальны мученичны, глас 6:

Страдальческое стояние в подвизе, и мучительскія раны на мученицехъ: и стояху лица безплотныхъ, почета держаще побѣдныя: удивиха мудрии мучителей, и царей премудрии: низложиша отступника исповѣданіемъ Христовымъ. Укрепивый ихъ, Господи, слава Тебѣ.

Стих: Дивен Бог во святыхъ Своихъ, Бог Израилевъ.

Господи, святыхъ Твоихъ память днесь показася, яко рай, иже во Едеме, в ней бо радуется вся тварь: и подаеши намъ техъ мольбами миръ и велию милость.

Стих: Многи скорби праведнымъ, и отъ всехъ ихъ избавитъ я Господь.

Мертвен: Воистинну суета всяческая, житіе же сень и сонъ: ибо всеу мятется всякъ земнородный, якоже рече Писание: егда миръ приобрящемъ, тогда во гробъ вселимся, идеже вкупе царие и убозии. Темже, Христе Боже, преставленныя упокой: яко Человеколюбецъ.

Слава, и ныне, Богородичен: Отъ сердца въздыханія и отъ утробы приношу Ти. Твое, Всенепорочная, молю благопренительное заступленіе: помилуй всестрастную мою душу, умоли многомилостиваго Бога избавити мя суда, и езера огненнаго, Едина Благословенная.

Канонъ святымъ мученикомъ, и святителемъ, и преподобнымъ, и усопшымъ: творение Іосифово, глас 6:

Пѣснь 1

Ирмос: Чувствennyй фараонъ потопленъ бысть со всевоинствомъ, Израиль же прошедъ посреде моря, вопияше: Господеву Богу нашему поимъ, яко прославися.

Свѣтлым умомъ тѣмныя осветивше, злочестивыя же мучители мученицы посрамивше, победоносцы быша яве, и к невечернему свѣту преидоша.

Святителие Христовы, и преподобныхъ ликъ, и пророкъ, и праведныхъ всехъ единственное торжество, добродетельными красотами блистающеся, внидоша к небеснымъ селениемъ.

Женъ всяко множество присвоившеся Христови, Еву лютымъ прельщениемъ уморившаго попраша труды мужескими, ублажаются Божественными пѣснями.

Слава, покойн: Иже от земли в началѣ создавъ человека, Христѣ, души Твоихъ рабъ упокой, молимся, во обителехъ праведныхъ и в мѣстехъ ослабления, яко Препоблагъ.

И ныне, Богородичен: Священнейши, Чистая, херувимъ, и серафимъ, явилася еси рождши творца твари. Егоже непрестанно моли, ущедрити рабы Твоя Тебѣ славящыя.

Другой канонъ усопшымъ, поемъ его на ряду, идеже несть миней: творение Феофаново.

Ирмосъ: Яко по суху:

Стихъ: Дивенъ Богъ во святыхъ своихъ, Богъ Израилевъ.

В Небесныхъ Чертозахъ, всегда доблии мученицы молятъ Тя, Христѣ: ихже от земли преставил еси верныя, вечныхъ благъ получитьи сподоби.

Стихъ: Покой, Господи, души рабъ Твоихъ.

Удивительная всяческая, животное смешанное мя человека, посреде смиренія же вкупе и величества создал еси: тѣмже рабъ Твоихъ души, Спасе, упокой.

Слава: Рай жителя, и делателя в началѣ мя учинил еси: преступивша же Твою заповѣдь изринул еси. Тѣмже рабовъ Твоихъ души, Спасе, упокой.

И ныне, Богородичен: Иже от ребра создавъ Еву первее нашу праматерь, из пречистаго Твоего чрева в плоть одевається: еюже смерти крепость, Чистая, разрушил есть.

Пѣснь 3

Ирмосъ: На твердемъ веры Твоея камени помышление утвердивъ души моя, утверди, Господи: Тя бо имамъ блаже, прибежище и утверждение.

Телеснымъ примесившеся болѣзнемъ страдальцы, на неболезненное взираху воздаяние радующеся: и ныне утоляетъ наша болѣзни многія благодатию.

Разумомъ твердымъ отгоняюще звѣри лукавыя, Божественнии святителие, избавиша невреденны отъ злобъ тѣхъ, Христова Божественная воспитанія.

Бо́лею и́гу Господню́ подвозше́дый ли́к преподо́бных, умертви́в мудрова́ние плотско́е, и живо́т вѣчный восприя́т.

Сла́ва: Изба́ви, Христе́, огня́ вѣчнаго, благоче́стно от жити́я преста́вльшы́яся, и оста́вление да́ждь долго́в их бла́же, и вѣчное наслажде́ние.

И ны́не: Я́же Христа́ возлюбив́шыя жены́, Тебе́ Того́ неизрече́нно ро́ждшую, Всесвя́тая Влады́чице, ра́достною мы́слию обстоя́ще ликовствую́т.

И́н Ирмо́с: Не́сть свят́ яко́же Ты́:

Зако́нно пострада́вше Твои́ мученицы́, Жизнода́вче, и венцы́ побе́ды украси́вшеся от Тебе́, приле́жно преста́вльшымся ве́рным вѣчное ходата́йствуют поче́стие.

Наказа́в пре́жде мно́гими чуде́сы и зна́меньями мене́ заблужда́шаго, напоследо́к Само́го Себе́ исто́щил еси́, я́ко сострада́телен: и поиска́в обре́л, и спа́сл еси́.

Сла́ва: От теку́щаго непостоя́тельныя тли́, к Тебе́ прише́дшыя, в селе́ниях вѣчных вселити́ся ра́достно сподо́би, Бла́же, оправда́в ве́рою же и благода́тию.

И ны́не: Не́сть непоро́чны, яко́же Ты́, Пречи́стая Богома́ти: еди́на бо от ве́ка и́стиннаго Бо́га зачала́ еси́ во чре́ве сме́рти разруши́вшаго си́лу.

Пѣснь 4

Ирмо́с: Услы́шах слух́ Тво́й, и убоя́хся, разумѣ́х дела́ Твоя́, и ужасо́хся: сла́ва си́ле Твое́й, Го́споди.

Стоя́ще зря́ху горда́го страстоте́рпцы, пред но́гами их попира́ема: и вся́ческих Жиждите́ля благода́рственно сла́вляху.

Глаго́л светлос́тми́ святители́е воору́жившеся, к свѣту́ разумѣ́ния, челове́ки от тьмы́ ересей́ спаса́ша.

Я́ко у́глие яви́шася, к Бо́гу те́плым разумѣ́нием, и стра́сти попали́вше веще́ственныя преподо́бнии, вельми́ просла́вляются.

Сла́ва: Живы́ми Ты́, Го́споди, и ме́ртвыми облада́я, ихже преста́вил еси́. Упоко́й со все́ми благоугоди́вшими Тебе́, Влады́ко.

И ны́не: Го́сподь, Пречи́стая, из Тебе́ неизрече́нно в плоть́ облекы́йся, же́н сослови́е му́жественне подвиза́вшихся прия́т.

И́н Ирмо́с: Христо́с моя́ сила:

Прему́дрости бо́льшее явля́я познание́, и о дарѣ́х многосовершенство́ую, Влады́ко, благосты́ню, мучени́ческия ли́ки А́нгелом сочета́л еси́.

Пречи́стую сла́ву Твою́ получи́ти сподо́би к Тебе́ преста́вленным, иде́же, Христе́, веселя́щихся е́сть жили́ще, и глас́ чи́стаго ра́дования́.

Сла́ва: Пою́щыя приими́ Божество́нную держа́вою Твое́ю, ихже от

земли́ при́ят, ча́да свѣту тѣх соде́лав, грехо́вную мглу́ очища́я, Многоми́лостиве.

И ны́не: При́ятелище пречи́стое, Це́рковь непоро́чную, ковче́г всесвя́т, де́вственное ме́сто свяще́ния, Тебе́ добро́ту Иа́ковлю Влады́ка избра́л е́сть.

Пѣснь 5

Ирмо́с: Свѣ́т возсия́вый ми́ру, Христе́, просвети́ се́рдце моё́ от но́щи Тебе́ зову́ща, и спаси́ мя.

Исткано́у от вы́шня благодáти, облѣ́кшеся во оде́жду, страда́льцы, врага́ обнажи́сте.

Со святы́ми проро́ки почти́м первосвяще́нники богому́дрыя, и преподо́бныя Бо́гу благоугоди́вшыя.

Во псалме́х и пѣснѣх восхва́лим же́н сосло́вие: я́ко Бо́гу до́бре угоди́вшыя.

Сла́ва: В селе́ниих пра́ведных Твои́х, Го́споди, Твоя́ рабы́ учини́, презира́я тѣх, я́же в житии́ согреше́ния.

И ны́не: Избавля́ющи насъ́ вся́каго вра́жия вре́да, явилася́ еси́ влады́чице, моля́щи Христа́ еди́наго благоутро́бнаго.

И́н Ирмо́с: Божиимъ́ свѣ́том Твоимъ́:

Я́ко всепло́дие свяще́нное, и я́ко нача́ток челове́ческаго есте́ства муче́ницы, просла́вленному при́несшеся Бо́гу, намъ́ спасе́ние при́сно ходата́йствуют.

Небе́снаго пре́быва́ния, и разда́ния дарова́ний сподо́би, Го́споди, пре́жде усопшы́я ве́рныя рабы́ Твоя́, пода́я прегреше́ний изба́вление.

Сла́ва: И́же еди́н есте́ствомъ́ животворе́ц, И́же благода́ти вои́стинну неизсле́димая пучи́на, сконча́вшыся Ца́рствія́ Твоего́ сподо́би, Ще́дре, Еди́не Безсме́ртне.

И ны́не: Кре́пость и пе́ние, И́же из Тебе́, Влады́чице, ми́ру рождѣ́йся, и спасе́ние бы́сть поги́бшым, и́же от а́довых вратъ́ изба́вляя ве́рою Тебе́ блажа́щыя.

Пѣснь 6

Ирмо́с: Ки́том пожре́н грехо́внымъ́, вопи́ю Тебе́, Христе́: я́ко проро́ка из ислѣ́ния мя́ свободи́.

Крове́й Божѣ́ственныхъ́ течѣ́нием мы́сленныя враги́ погрузи́сте: ве́рных же се́рдца́ страстоте́рпцы напои́сте.

Распе́нше себе́ ми́ру и страсте́м, преподо́бнии, и прему́дрии святите́лие, Божѣ́ственныя Сла́вы сподо́бистеся.

Проро́ков ликъ, и честны́х же́н собо́р, до́бре подвиза́вшихся по до́лгу ублажа́ем.

Сла́ва: Поко́й, Бо́же, пре́ждеусопши́х ду́шы со избра́нными твои́ми,

презира́я тѣх прегрѣшѣнія.

И ны́не: Плоти́ю роди́вшая Христа́, плоти́ моея́ стра́сти умертви́, и оживи́, Де́во, ду́шу мою́ ходата́йством Твои́м.

И́н Ирмо́с: Жите́йское мо́ре:

На Кресте́ пригвожда́емъ, му́ченическия ли́ки к Себе́ собрал еси́, подобя́щися Стра́сти Твое́й, Бла́же. Те́мже Тя мо́лим: к Тебе́ предста́вленные упоко́й.

Неизрече́нную сла́вою Твое́ю, егда́ приидеши стра́шно суди́ти ми́ру все́му на о́блацех, благоволи́, Изба́вителю, све́тло срести́ Тебе́, я́же от земли́ прия́л еси́ ве́рныя рабы́ Твоя́.

Сла́ва: Исто́чник жи́зни съи́, Влады́ко, в му́жестве Боже́ственном, окова́нныя изводя́ рабы́ Твоя́ я́же к Тебе́ ве́рно отше́дшыя, в пи́щи райсте́й всели́.

И ны́не: В зе́млю возврати́хомся, преступи́вше Бо́жью за́поведь: Тебе́ же ра́ди, Де́во, на небеса́ от земли́ вознесо́хомся, тлю́ сме́ртную оттря́сше.

Пѣснь 7

Ирмо́с: Преподо́бных Твои́х отроко́в пѣснь услы́шавый и пѣць горя́щую ороси́вый, благослове́н еси́ Господи́ Бо́же отецъ на́ших.

Христо́вы страстоте́рпцы, угаси́вшыя пла́мень люта́го безбо́жия туча́ми крове́й, пѣсньми почти́м.

Благосла́внии иера́рси, зи́му ересей́ разруши́вше, и к весне́ Боже́ственной раду́ющеся приидо́ша.

Терпѣ́нием бога́тую ду́ха благода́ть насле́довасте по́стницы, и мно́жество бесо́в погуби́сте.

Сла́ва: Рая́ пи́щи Твое́я насле́довати сподо́би, Ще́дре, ве́рою предста́вленные от жити́я, Многоми́лостиве.

И ны́не: И́же тебе́ Де́ву показавый, Чи́стая, и по рождестве́, святы́х же́н ли́ки Тебе́ насле́довавшыя спа́сл е́сть.

И́н Ирмо́с: Росода́тельну́ubo пѣць:

Иза́вльшиися Твое́ю кро́вию му́ченицы, пе́рваго преступле́ния, окропи́вшеся же́ свое́ю кро́вию, прообразу́ют я́ве Твое́ заколе́ние, благослове́н еси́ Бо́же отецъ на́ших.

Свирѣпе́ющую сме́рть умертви́л еси́, Сло́ве Живонача́льнейший, в ве́ре же́ Твое́й усопшы́я приими́ Тебе́ поющы́я, Христѣ́, и глаго́лющыя: благослове́н Бог отецъ на́ших.

Сла́ва: Вооду́шив мя́ челове́ка вдохнове́нием Боже́ственным, Богонача́льнейший Влады́ко, предста́вленные Ца́рствія Твоего́ сподо́би, пѣти́ Тебе́, Спасе́: благослове́н Бог отецъ на́ших.

И ны́не: Превы́вши все́х тва́рей, Пренепоро́чная была́ еси́, заче́нши

Бога сокрушившаго смертна врата, и верей стёршаго. Тёмже Тя, Чистая, песнословим вёрнии, яко Богоматерь.

Пёснь 8

Ирмос: Преподобнии Твои отроцы в пещи херувимы подражаху, трисвятую пёснь воспевающе, благословите, пойте, и превозносите во вся веки.

Доблественне мучений треволнением ураняеми, Божественнии мученицы, благодатию прошедше в тишину глубокую, вышняго Царствия достигоша.

Преподобнии, всемудрии святителие, просиявше яко солнце, просвещают вселенную учений лучами, и исцелений светлостью.

Славнии пророцы, и первосвященницы, преподобнии вси, и праведнии, мученик множества, и жен, стадо ваше все сохраните от бесов непоколебимо.

Слава: Воспоём яже от века праведныя, и богоглаголивья пророки, и возопиём со умилением: тех слове, молитвами в вере усопшыя упокой.

И ныне: Всю Тя ближнюю доброту Бога, Дево, лик женский возлюби, и во след Тебе приведошася Владыце всех, согласно блажаше Тя, Пречистая.

Ин Ирмос: Из пламене преподобным:

Крепко подвиги показующе, победы венцы приясте, мученицы стратотерпцы, Христови зовуще: Тя превозносим Господа во веки.

Священно верныя житейская оставльшыя, и к Тебе, Владыце, отлучившыся прими крото, и упокой, яко милосерд, Тя превозносящих Господа во веки.

Слава: Ныне в земли кротких, всем водворятися прежде усопшым, Спасе, благоволи, верою Твоею оправдав и благодатию, Тя превозносящих Господа во веки.

И ныне: Блажим Тя вси, Преблаженная, яко Слово воистинну Сущее Блаженное Рождшую, плоть бывшее нас ради. Егоже превозносим во вся веки.

Таже поём пёснь Богородицы: Величит душа моя Господа: **И прочыя стихи с припевы.**

Пёснь 9

Ирмос: Еже радуйся, от Ангела приемшая, и рождшая создателя Твоего, Дево, спаси Тя величающыя.

Овчата чистая приведостеся ко Владыце стратотерпцы мученицы, того молити спасти души наша.

Яко пастырие на злаце благочестия святителие, верныя упасосте, и

ныне во ограду Божественную вселистесь.

Со святыми святители, и пророки, и со женами крепко пострадавшими, и преподобных лики да ублажим.

Слава: Ему же причащаются веселию присносущному святых собори, сподоби преставленных улучшить, Многомилостиве.

И ныне: Свет рождающая Дево, просвети душу мою, тьму отгоняющи греха и лености моя.

Ин Ирмос: Бога человеком:

Надежда мучеников лики укрепи, и к Твоей любви распалением впериди, будущий сим предобразивше непоколебимый воистинну покой: егоже преставленные, Блаже, верныя сподоби.

Светлое Твое, Христе, и Божественное улучшить сияние верую преставленным благоволи, иже в лонех Авраамовех покой, яко един милостив тем даруя, и вечнаго сподобляя блаженства.

Слава: Иже сый естеством благ и милосерд, и хотитель милостей, и благоутробия пучина, ихже от места сего озлобления, и сени смертныя преставил еси, идеже сияет Твой Свет, Спасе, тех учини.

И ныне: Сень святую, Чистая, вемы Тя, и ковчег, и скрижали, закона и благодати: Тебе бо ради оставление даровася, оправданным кровию Воплощеннаго из Твоего чрева, Всенепорочная.

Таже, Достойно есть: Ектения, и светилен, и псалмы обычныя.

На хвалитех стихиры мученичны, глас 6:

Господи, в память святых Твоих, вся тварь празднует, небеса радуются со Ангелы, и земля веселится с человеки. Тех молитвами помилуй нас.

Господи, аще не быхом святых Твоя имели молитвенники, и благостыню Твою милующую нас: како смели быхом, Спасе, пети Тя, Егоже славословят непрестанно Ангели? Сердцеведче, пощади души наша.

Память мученик, радость боящимся Господа: пострадавшие бо Христа ради, венцы от него прияша: и ныне со дерзновением молятся о душах наших.

Избранныя удивив святых Бог наш, радуйтесь и веселитесь вси рабы его, вам бо уготовал есть венцы и Царствие Свое: но молим вы, и нас не забудьте.

Мертвен: Болезнь Адаму бысть, древа вкушение древле во Едеме, егда змий яд отрыгну: того бо ради вниде смерть всеродная снедающи человека. Но пришед Владыка, низложил змия, и воскресение нам дарова. К нему же убо возопиим: пощади, Спасе, и ихже приял еси, со святыми упокой, яко Человеколюбец.

Слава, и ныне, Богородичен: Бога из Тебе воплотившагося разумехом,

Богородице Дѣво: тогѡ моли о спасѣнии душъ нашихъ.

На стиховне стихиры покойны, гласъ 6:

Подобенъ: Всю отложивше:

Имеяй непостижимое еже о насъ благоутробие, и источникъ неистощимый Божественныя благодати, Многомилостиве, иже к Тебѣ, Владыко, прешедшыя, на земли живыхъ всели, в селения возлюбленная и желаемая, одержание дара, всегда пребывающее. Ты бо за всехъ пролил еси кровь Твою, Спасе, и животною ценою миръ искупил еси.

Стихъ: Блажени, яже избралъ и приялъ еси Господи.

Умерщвление претерпел еси животворящее волею и животъ источил еси, и пищу присносущную вернымъ дал еси, в нейже учини усопшыя о уповании воскресния, техъ согрешения вся прощая благодатию яко Единъ Безгрешен, и Единъ Благъ и Человеколюбецъ: да всеми поется Твое Имя, Христе, спасительное славимъ Человеколюбие Твое.

Стихъ: Душы ихъ во благихъ водворятся.

Живыми господствующа, Богоначальною властью, и мертвыми владычествующа, Тебѣ, Христе, знающе молимся, верныя рабы Твоя, к Тебѣ Единому Благодателю отшедшыя, техъ упокой со избранными Твоими, Человеколюбче, на месте утешения, во святыхъ светлостехъ: Воитель бо милости еси, и спасаеши яко Богъ, ихже по образу Твоему создал еси, Едине Многомилостиве.

Слава, и ныне, Богородиченъ: Явилася еси пребывалище боголепно, Пречистая: Бога бо вместила еси, и Христа родила еси, Неискусобрачная Мати Дѣво, во двою Существу, во Единой же Ипостаси. Того умоли, Чистая, Единороднаго Первенца, Тя Деву Непорочную, и по рождестве сохраншаго, души упокоити верою усопшихъ во свете, и в нетленномъ блаженстве.

Таже, Благо есть: и Трисвятое. По Отче нашъ: тропарь, и ектенія, и отпу́ст, и часъ первый, псалмы обычныя, и конечный отпу́ст.

В суббóту блажéнны, глáс 6

Помяни́ мя, Бо́же Спа́се мой, егда́ приидеши во Цáрствии Твоём: и спаси́ мя, яко́ еди́н Человеколюбец.

Сти́х: Блажéни изгнани правды́ ради, яко́ тѣх ёсть Цáрство Небёсное.

Огня́ и мечá, и зверей дивных устремлénия свирéпаго, страсотёрпцы сла́внии не убоя́шеся, присносу́щнаго живота́ сподобистеся.

Сти́х: Блажéни есте́, егда́ поно́сят вам, и изжену́т, и реку́т вся́к зóл глаго́л, на вы́ лжу́ще Мене́ ради.

Иже пророки́ и учите́ли, и преподо́бныя и праведны́я просла́вивый, Человеколю́бче: тѣх молитвами спаси́ ду́шы на́ша.

Сти́х: Ра́дуйтеся и весели́теся, яко́ мзда́ ва́ша мно́га на небесе́х.

Со все́ми святы́ми и праведны́ми учини́ сло́ве, ихже в ве́ре предста́вил еси́ от вре́менных, яко́ да сла́вим Тя́.

Слава: Отца́ и Сына́ славословим, и Свята́го Ду́ха, глаго́люще: Трои́це Свята́я, спаси́ ду́шы на́ша.

И ны́не: Блажéнна в родѣ́х все́х яви́лася еси́: Бо́га бо вои́стинну Блажéннаго несказáнно роди́ла еси́, Пречистая́.

Коне́ц шесто́му гласу́.

Глас 7

Суббота

В субботу вечера, на малей вечерни

на Господи, воззвах, поставим стихов 4: и поём 3 воскресны, повторяюще 1-й. Стихиры воскресны, глас 7:

Стих: От стражи утренняя до нощи, от стражи утренняя да уповает Израиль на Господа.

Приидите, возрадуемся Господеви, сокрушившему смерти державу, и просветившему человеческий род, со безплотными зовуще: Содетелю и Спасе наш, слава Тебе.

Крест претерпел еси, Спасе, и погребение нас ради, смертью же, яко Бог смерть умертвил еси. Темже покланяемся тридневному воскресению Твоему: Господи, слава Тебе.

Апостоли видевше воскресение Содетеля, чудяхуся, поюще хвалу Ангельскую: сия слава есть церковная, сие богатство Царствия, пострадавший нас ради, Господи, слава Тебе.

Слава, и ныне, Богородичен, догматик, глас 7:

Страшно и неизреченно воистинну, еже о Тебе содеянное таинство, Нескверная: Слово бо всех виновное, паче вины и слова, Святым Духом воплощенное родила еси, из себе плоть приемша, Своего естества непреложно пребывша. Сошедшымся бо обоим самобытне, по ипостаси единственной, сугуб естеством происходит: весь Бог, и весь Человек, во обоих совершенствих, действительными свойствами изъясляя: пострадав бо на Кресте плотию, безстрастный тойже пребысть Божественно: яко человек умрый, паки оживе яко Бог тридневен, державу смертную низложив, из ислечения избавль человечество. Того яко избавителя и Спасе Рода нашего, Богомати, моли, низпослати нам щедрот его Велию Милость.

Таже, Свете тихий: Посем прокимен: Господь воцарися, трижды. Стих: Облечеса Господь в силу, и препоясася.

Таже, Сподоби, Господи, в вечер сей: Иерей же ектений не глаголет, но поём на стиховне стихиру воскресну, глас 7:

Воскресен еси из гроба Спасе мира, и создвигл еси человеки с плотию Твоею: Господи, слава Тебе.

Ины стихиры Пресвятей Богородице, глас 7:

Подобен: Нерадивше о временных:

Стих: Помяну имя Твое во всяком роде и роде.

Восток Солнца мысленнаго Дево была еси, на западах еже по нам бывшего естества: но яко имущи дерзновение, Того моли, Богородице Всепетая, от безмерных прегрешений свободити души наша.

Сти́х: Слы́ши, Дщи́, и ви́ждь, и приклони́ у́хо Твое́.

Жезл из ко́рене Иессеева, Дево, я́ве прозябла́ еси́, насажде́ния преле́сти из ко́рене Потре́бльшаго: но я́ко иму́щи дерзнове́ние, непреста́нно моли, искорени́ти, Всепета́я, се́рдца моего́ страсти, и Того́ всади́ти страх, и спасти́ мя.

Сти́х: Лицу́ Твоему́ помо́лятся бога́тии лю́дстии.

Врата́ Бо́жия, Пресвята́я, от врат а́довых изба́ви мя, и пу́ть пока́яния покажи́ ми, имже обря́щу врата́ к жи́зни вводя́щая: заблуждших Наставни́це, ро́д ве́рных челове́к соблюда́й, и спаса́й души́ на́ша.

Слава, и ны́не, Богоро́дичен: Из Тебе́, Всесвята́я Богоро́дице Де́во, неизрече́нно роди́ся Христо́с Бо́г на́ш, вои́стинну сый Бо́г Превече́нный, и Чело́век но́в. Ово́ у́бо Сый, присносу́щен: ово́ же на́с ради́ бы́в: спаса́ет бо Собо́ю, коего́ждо естества́ свойство, о́вем у́бо сия́ чудесы́, о́вем же уверя́я страстьми́, те́мже Еди́н и Тойже, и умира́ет я́ко Чело́век, и я́ко Бо́г воста́ет. Его́же моли́, Чи́стая, Неискусобра́чная, спасти́ся душа́м на́шым.

Та́же, Ны́не отпу́щаеши: **Трисвято́е, и по** О́тче на́ш: **Тропа́рь** воскресе́н. **Слава, и ны́не, Богоро́дичен** его́, и отпу́ст.

В субботу на велицей вечерни

на Господи, воззвах, поставим стихов 10: и поём стихиры воскресны, глас 7. Творение Иоанна Дамаскина.

Стих: Изведи из темницы душу мою, исповедатися имени Твоему.

Приидите, возрадуемся Господеви, сокрушившему смерти державу, и просветившему человеческий род, со безплотными зовуще: Содетелю и Спасе наш, слава Тебе.

Стих: Мене ждут праведницы, дондеже воздаси мне.

Крест претерпел еси, Спасе, и погребение нас ради, смертью же яко Бог смерть умертвил еси. Темже поклоняемся тридневному Воскресению Твоему: Господи, слава Тебе.

Стих: Из глубины воззвах к Тебе, Господи, Господи, услыши глас мой.

Апостоли видевше Воскресение Содетеля, чудяхуся, поюще хвалу ангельскую: сия слава есть церковная, сие богатство Царствия: пострадавший нас ради, Господи, слава Тебе.

Ины стихиры Анатолиевы, глас тойже.

Стих: Да будут уши Твои внимлюще гласу моления моего.

Аще и ят был еси, Христе, от беззаконных мужей: но Ты ми еси Бог, и не постыждуся: биен был еси по плещема, не отметаюся: на Кресте пригвожден был еси, и не таю: востанием Твоим хвалюся: смерть бо Твоя живот мой, Всесильне и Человеколюбче Господи, слава Тебе.

Стих: Аще беззакония назриши, Господи, Господи, кто постоит? Яко у тебе очищение есть.

Давидское пророчество исполняя Христос, величие в Сионе Своё учеником открыл есть, хвалима показуя Себе, и славима присно, со Отцем же и Духом Святым: первее убо безплотна, яко Слова, последи же нас ради воплощена, и умерщвлена яко Человека, и воскресша со властью, яко Человеколюбца.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Сошел еси во ад Христе, якоже восхотел еси: испровергл еси смерть, яко Бог и Владыка: и воскресл еси тридневен, совоскресив Адама от адовых уз и тления, зовуща и глаголюща: слава Воскресению Твоему, единому Человеколюбче.

Стих: От стражи утренния до нощи, от стражи утренния, да уповает Израиль на Господа.

Во гробе положен был еси яко спя, Господи: и воскресл еси тридневен,

яко силен в крепости, совоскресив Адама от тли смертных, яко Всесилен.

Ины стихиры Богородице, Павла Аморрейскаго, глас 2.

Подобен: Егда от древа:

Стих: Яко у Господа милость, и многое у Него избавление, и Той избавит Израиля от всех беззаконий его.

Ты еси Ангелов Радость, Ты еси человеков Слава, Ты верных Надежда, Владычице Всепетая, Предстательница наша: и к Тебе прибегаем во всякой нужди, яко да мольбами Твоими, от стрел вражиих пагубы душетленные, и всяких скорбей избавимся вси воспевающи Тя, Богоневестная.

Стих: Хвалите Господа вси языцы, похвалите Его вси людие.

Ты ми, Богородице, Упование, Ты ми Предстательница и стена и прибежище, Владычице Препетая, Яже Бога плотию неискусомужно рождши миру Спасителя: Ты мольбами Твоими от одержавших нас избави искушений, и бед и обстояний, Единая христиан Прибежище.

Стих: Яко утвердися милость Его на нас, и истина Господня пребывает во век.

Укроти плоти моея стремления, угаси пламень страстей моих, отими от мене, Богородице, зной лукавый желания моего, и непреклонный мой обычай возврати, Дево, от всякаго бесовскаго стремления: яко да в тишине сердца, и в безстрастии души моея, песнословлю Тя, Всепетую.

Слава, и ныне, Богородичен: Мати убо позналася еси, паче естества, Богородице, пребыла же еси Дева, паче слова и разума: и чудесе рождества Твоего сказати язык не может. Преславному бо существу зачатую, Чистая, непостижен есть образ рождения: идеже бо хочет Бог, побеждается естества чин. Темже Тя вси, Матерь Божию ведуще, молим Ти ся прилежно, моли спастися душам нашим.

Таже, Свете тихий: Прокимен дне: Господь воцарися: **И прочее по обычаю.**

На стиховне стихиры воскресны, глас 7:

Воскресл еси из гроба, Спасе мира, и совоздвигл еси человеки с плотию Твоею: Господи, слава Тебе.

Ины стихиры по алфавиту.

Стих: Господь воцарися, в лепоту облечеса.

Воскресшему из мертвых, и просветившему вся, приидите поклонимся: от адава бо мучительства нас свободил есть, своим тридневным Воскресением живот нам даровавый, и велию милость.

Стих: Ибо утверди вселенную, яже не подвижится.

Во ад сошед, Христе, смерть пленил еси, и тридневен воскрес, нас совоскресил еси, славящих Твое всесильное востание, Господи

Человеколюбче.

Стих: Дому Твоему подобает святыня, Господи, в долготу дней.

Страшен явился еси, Господи, во гробе лежя яко спя: воскрес же тридневен яко силен, Адама совоскресил еси зовуща: слава Воскресению Твоему, Едине Человеколюбче.

Слава, и ныне, Богородичен: Под кров Твой, Владычице, вси земнороднии прибегающе, вопиём Ти: Богородице, упование наше, избави ны от безмерных прегрешений, и спаси души наша.

Таже, Ныне отпускаеши: Трисвятое, и по Отче наш:

Глаголем тропарь воскресен, глас 7:

Разрушил еси Крестом Твоим смерть, отверзл еси разбойнику рай: мирносицам плачь преложил еси, и апостолом проповедати повелел еси: яко воскресл еси, Христе Боже, даруяй миру велию милость.

Слава, и ныне, Богородичен: Яко нашего воскресения сокровище, на Тя надеющиеся, Всепетая, от рова и глубины прегрешений возведи: Ты бо повинныя греху спасла еси, рождши Спасение наше: яже прежде рождества Дева, и в рождестве Дева, и по рождестве паки пребываеши Дева.

Таже и отпуст.

В суббóту на повечéрии

канóн Пресвятéй Богорóдице. Глáс 7:

Пéснь 1

Ирмóс: Сокрушívшему брани мýщцею Своёю, и всадники тристáты погрузившему, поим Емý, яко Избáвителью нáшему Бóгу: Яко прославися.

Припéв: Пресвятáя Богорóдице, спаси нас.

Яко украшение пéнием, и пéснь Богоподóбну благодарéния Тí дары приносим: еже рáдуйся ныне, Чíстая, яко от печáли рáдость нáм подалá еси.

Милости Твоя́ благодáть, и покрóва крéпость, не премолчím, Дéво Пречíстая: яко от бéd лю́тых нас спаслá еси.

Слáва: От различных избáвльшеся искушéний и скорбéй, Мáтерними Тво́ими молитвами, Пречíстая, соглáсно и тёпле благодарéния Тебé всí гласы поим.

И ны́не: Ряснами испещрёна́ яко златýми добродéтельми, и Дýха благодáтьми, Пречíстая, яко Невéста О́тча украсившися, войстинну явилася еси Мáти Бóгу.

Пéснь 3

Ирмóс: В началé небесá всесильным Слóвом Тво́им утверждéй, Гóсподи Спасе, и вседéтельным и Бóжиим Дýхом, всю силу их, на недвижимем мя́ камени исповéдания Твоегó утверди.

Рáдости Божéственныя величье, яко от началá нáм весéлию, благодарéния гласы приносим прилэжно, почита́юще Ю́ яко предстательницу нáшу.

Иже Тобóю избáвльшеся от бéd, и Тебé рáди рáдость получívше, Мáти Безневéстная, яко подáтельница благоý, и заступницу благохвáльну всí прославляем.

Слáва: Изменéние прегрешéний и напáстей, Божéственною Твоею молитвою приéмлюще, Мáти Христа́ Бóга, яко винý благíх воспе́аем Тя́ вёрно благодарными гласы.

И ны́не: Я́же рáдости истóчник безсмéртныя, тóчит стру́и прísно, и спаса́ет всéх Сама: яко присножизненное нáм благодая́ние, Мáти Христа́ Бóга.

Пéснь 4

Ирмóс: Покры́ла ёсть небесá, Христé Бóже, смотре́нием Тво́им, добродéтель неизречéнныя мýдрости Твоя́, Человеколю́бче.

Достóйну Тí пéснь рáдования, Чíстая Дéво, веселя́щеся приносим,

избавльшеся от бед Твоими молитвами.

Благодарственно Тебе, Дево Чистая, душевными руками вносим пение, Божественными песнями играюще, от печали избавльшеся многия.

Слава: Воздвигоша на ны беды многи страстнии греси: но Божественным Твоим покровом, Чистая, нас избави.

И ныне: Блажени воистинну чтущии Тя, Богородице Пречистая, яко Тобою греха и печали избавихомся.

Песнь 5

Ирмос: Нощь несветла неверным, Христе, верным же просвещение в сладости словес Твоих: сего ради к Тебе утренюю, и воспеваю Твое Божество.

Греха потребителя Христа Дево родила еси, Имже от напастей и болезней спасеся мир: темже радуйся, и мы вопиём Ти, избавльшиися печалей.

Объемшеся различными напастями, Чистая Владычице, и печалию и скорбию, и лютым обстоянием, отчаявшеся мы веселия, надежду Тя обретохом.

Слава: Яко спасения хранилище нам рабом Твоим, Чистая, отгоняеши напасти, и соблюдаеши невредимы. Темже причастницы многих Твоих благ, благодарим Тя песнями.

И ныне: Благодарим Тя избавльшеся Тобою грехов многих, и немощей и болезней и недуг лютых, Пречистая Владычице: надежда бо еси тверда Твоим верным рабом.

Песнь 6

Ирмос: Во глубину греховную впадся, Блаже, яко Иона от кита вопию Ти: возведи от тли живот мой, и спаси мя, Человеколюбче.

Ангельстии языцы достойно Твоя хвалы воспети не могут, Чистая: мы же ныне рабски вземшеся, радование Гавриилово приносим Ти.

Во глубину печали и обстояния грехи нашими впадше, избавихомся Тобою от нужды и напастей, Дево Богородице Чистая.

Слава: Под долгом соделася весь мир, Чистая, благодарити, и хвалити, и славити благодать Твою благочестно: Тобою бо бед и печалей избавлени быхом.

И ныне: В нощи и во дни, яве и втай, под Твой прибегаем покров, Пречистая Дево, иже Тя верно славословящим.

Господи, помилуй, трижды. Слава, и ныне:

Седален, глас 7.

Господи, мы есмы людие Твои, и овцы пажити Твоея, заблуждших яко пастырь обрати нас, тлею расточеных собери нас: помилуй стадо Твое,

умилосердися на люди Твоя, молитвами Богородицы, Едине безгрешный.

Песнь 7

Ирмос: В пещь огненную ввержени преподобнии отроцы, огонь в росу предложаша, воспеванием сице вопиюще: благословен еси, Господи, Боже отец наших.

Радование благодарственное Тебе приносим, Мати Божия: яко воистинну Тобою избавлени всякаго злаго начинания, и согласно Тебе поем: Благословенна еси.

Водворихомся в вечер в плачи печалей, и чаянии злых: но Твоим Боголепным Кровом, Дево, обожени бывше, обретохом радость заутра: Ты бо спасла еси нас.

Слава: Яко Божественное прибежище, мы покров Твой вси стяжавше к Богу, в напастех и гонениях и гресех, к Тебе прибегаем, и Тобою изменение приемлем, Пречистая.

И ныне: Благодать молитвы Твоея, Чистая, проповедуем усты и духом, Славная: яко Тебе ради, напастей и бури, и тяжких печалей, и грехов страстей вси избавляемся.

Песнь 8

Ирмос: Страшнаго Херувимом, и чуднаго Серафимом, и миру Творца, священницы и рабы, и души праведных, пойте, благословите и превозносите Его во веки.

Яко избавльшися бури греховныя и страстей, и напастей Твоими молитвами, Богородице Благая, благодарственным гласом, радуйся, вопиём Ти: яко Тобою от печали в радость прешедше.

В болезнях и напастех одержимыя не презри, Благая, но мольбу худую услышавши, свободи нас от скорбей великих: да верно Твою молитву, Чистая, воспеваем.

Слава: Прегрешений разрушению вина, ныне возстави нас от печалей, напастей и страстей человек, и искушения неподобна: Твоими же, Богородице, Божественными мольбами, избави нас от них преславно.

И ныне: Щедроты Твоя на всех всегда низпосылаются, Христе, благодатию воистинну и мольбами рождшия Тя: от Тебе бо приемлем христиане милость Твою, Спасе Милостиве.

Песнь 9

Ирмос: Паче естества Матерь, и по естеству Деву, Едину в женах благословенную, песнями вернии Богородицу величаем.

Радование по достоянию, со гласом восклицания Тебе, Дево, ныне приносим со ангелом Гавриилом, избавльшися от различных искушений, Богородице, молитвами Твоими.

Ра́дость и весе́лие, и ра́дование Боже́ственное, Де́во неискусому́жная, нам умно́жится Бо́жие: се́ бо пла́чущиися лю́те, ра́дуемся моли́твами Твои́ми.

Сла́ва: Же́ртву хвале́ния пожру́, и язы́ком и гласом, пе́снь благодарственную воздаю́ Ти приле́жно, Де́во: яко да Тебе́ моля́ся, в де́нь печали Тобо́ю изба́влюся.

И ны́не: Сра́дуемся, Пречи́стая, Боже́ственному Твоему́ Рожде́ству благоче́стно: радость бо нам источила еси́ от напа́стей и печалей. Те́мже Ти́ благодарно и мы́ пе́снь соверша́ем, ве́рно воспева́юще Тя.

Та́же, Досто́йно е́сть: Трисвято́е. По О́тче наш: тропари́, и проче́е по обы́чаю, и отпу́ст.

Неделя

В неделю утра на полунощнице

канон Пресвятей и Живоначальной Троице, [егоже краестрочие: Хвалю Троице Тя, Единачальное Естество.] Творение Митрофаново.
Глас 7:

Песнь 1

Ирмос: Манием Твоим на земный образ преложися, прежде удоборазливаемое водное естество, Господи: темже немокренно пешествовав Израиль, поет Тебе песнь победную.

Припев: Пресвятая Троице, Боже наш, слава Тебе.

Отверзи ми уста умная сердца, и устне вещественныя ко хвале Твоей, Трисветлое Едино Божество всех, пети Тебе песнь, Светодетелю, благодарственную.

Да призлишнее Твоея благодати покажеша, создала еси человека Троице безмерносильная: токмо образ бренный Твоего начального содетелью, Господьства.

Ум безначальный, Слово соприисносущное родивый, и Духа собезначального просиявый, сподоби единому Богу по существу сообразну нас поклонятися Триипостасному.

Богородичен: Явился еси при купине Моисею Божий Слове, яко огонь очистительный, не опаляя же отнюд, еже от Девы прообразуя твое воплощение, имже человеки вообразил еси.

Песнь 3

Ирмос: В начале небеса, всеильным Словом Твоим утвердй, Господи Спасе, и вседетельным и Божиим Духом всю силу их: на недвижимем мя камени исповедания Твоего утверди.

Иже Единственного и Трисияннаго, и вседетельнаго Тя Владыку воспевающе, грехов и искушений просим избавления, безмерносильный Боже: да не убо презриши, верою Твою благодать славящих.

Отрасль явися от Отца, яко от корене безначальна Бог Слово, и равномощен со срасленным и Божественным духом: и сего ради вернии, троичное лица едино Господьство славим.

Равнославно и сраслено, триипостасное естество нераздельне и раздельне, и единачальную Троицу вси Тя славословим вернии: и поклоняющеса просим согрешений прощения.

Богородичен: Неизменно человеком уподоблься по всему Божий Слове, от Чистыя Отроковицы прошел еси яве: и всем показал еси Богоначалие Трисиянное, и единственное Существом неизменных

Ипостасей.

Господи, помилуй, трижды.

Седален, глас 7. Подобен: Иже мене ради:

Согрешившыя помилуй, Троице Святая, рабы Твоя: и прими кающихся Тебе благоутробне, и прощения сподоби.

Слава, и ныне, Богородичен: Озлобленные души наша грехми, ублажи, Всечистая Богородице, и избави от прегрешений Тебе поющыя Богоневесто.

Песнь 4

Ирмос: Отча недра не оставль, и сошед на землю, Христе Боже, тайну услышах смотрения Твоего, и прославих Тя, Едице Человеколюбче.

Содержительная Трисветлая Единице, Богоначальная и спасительная всех, Твоя певцы ныне огради, и спаси от скорби, и страстей, и всякаго озлобления.

Назнаменательных речений, Твоего непостижимаго Трисветлаго Божества, недоумевающе воспеваем Тя, Человеколюбче Господи, и прославляем Твою силу.

На земли яко на небесех со безплотными лики, Единице и Троице, нераздельно Тя разделяем, и любовью славим, яко сущими всеми владычествующую.

Богородичен: Отеческия славы не отступль, к нашей худости снизшел еси волею, воплощься Пресущественный: и вознесл еси к Божественней славе, яко благоутробен.

Песнь 5

Ирмос: Ночь несветла неверным, Христе, верным же просвещение в сладости словес Твоих: сего ради к Тебе утренюю, и воспеваю Твое Божество.

Светоначалное Естество Троице начертанными, и Единице в Совете и Славе и Чести, утверди нас в Твоей любви.

Ум, и Слово, и Дух, едино Богоначальное и трисолнечное естество славяще, просим избавитися искушений, и всяких скорбей.

Богородичен: Вообрази Божий Слове, в естество человеческое, от Святыя Девы, Троицу во Единице научил еси пети, сообразну и сопрестольну.

Песнь 6

Ирмос: Плавающего в молве житейских попечений, с кораблем потопляема грехи, и душетленному зверю приметаема, яко Иона, Христе, вопию Ти: из смертоносныя глубины возведи мя.

Единославную державу, и единоначальное богоначалие, трем

ипоста́сьми су́щее, непреме́нне с друг дру́гом сла́вим, разли́чие иму́ще то́кмо, быти́ем ко́ждо сво́йства.

Умни́и Тя́ чинове а́нгельских красóт хва́лят, трисо́лнечное Богонача́лие: с ни́миже и мы́ брэнными́ усты́, яко́ творительну́ всех, е́дину песнословим, и ве́рно сла́вим.

Богородичен: Недоумённм сло́вом, Сло́во ро́ждшееся от Со́лнца Отца́, ино́ со́лнце, пре́жде ве́к, от Де́вы напоследок возсия́: и е́динственнаго́ треми́ лица́, недомыслимаго́ Бо́га пропове́да.

Седа́лен, глас 7:

Подобен: Огня́ светле́йши:

Тро́ице Единосу́щная, Е́динице́ всех Триипоста́сная, поми́луй, я́же создала́ еси́, Безсме́ртная: попада́ющеи зло́бы прегреша́ющих, и просвеща́ющеи се́рдца пою́щих благоутро́бие Твое́, Бо́же наш, сла́ва Тебе́.

Слава, и ныне, Богородичен: Огня́ светле́йши, све́та де́йственнейши ми́лость благода́ти Твоея́, Влады́чице, попада́ющеи грехи́ челове́ков, и ороша́ющеи мы́сли хва́лящих вели́чия Твоя́, Богороди́це Пренепоро́чная.

Пе́снь 7

Ирмос: В пе́щь о́гненную́ вве́ржени́ преподо́бнии о́троцы, о́гнь в ро́су преложи́ша, воспевани́ем си́це вопи́юще: благослове́н еси́, Го́споди, Бо́же оте́ц наших.

Светолу́чными блиста́нии при́сно сия́я, трисве́те Бо́же, Е́динице́ непристу́пная и пресу́щная спаси́, и́же в Тя́, Влады́ко, ве́рующы́я благоче́стно, и покланя́ющы́я Тебе́.

Рече́нием Боже́ственных проро́к повиную́щеся, е́динаго́ тя́ то́чию Бо́га всех сла́вим в три́ех начертани́их, си́це вопи́юще: благослове́н еси́, Го́споди, Бо́же оте́ц наших.

Пе́рстными́ устна́ми мы́ с невеще́ственными́ чини́ми, пе́сньми Тро́ице Свята́я, Тя́ поём во е́динстве́ существа́, вопи́юще: благослове́н еси́, Го́споди, Бо́же Оте́ц наших.

Богородичен: Да и́же созда́вый Ада́ма, возсози́ждет па́ки, Всечи́стая, из Тебе́ я́ве вочелове́чися, челове́ки обожив́ си́це вопи́ющы́я: благослове́н, Пречи́стая, пло́д Твоего́ чре́ва.

Пе́снь 8

Ирмос: Неopáльная о́гню́ в Сина́и прича́щшаяся́ купина́, Бо́га яви́ медленозы́чному и гугни́вому Моисе́ови, и о́троки ре́вность Бо́жия́ три́ непребори́мыя во о́гни́ певцы́ показа́: вся́ дела́ Го́сподня́ Го́спода по́йте, и превозно́сите во вся́ ве́ки.

Со́лнца луча́ми трисия́ннаго́ озари́тися́ светодете́льными́ сподо́би, се́рдцам певце́в Твои́х: и ны́не зрети́ добро́ту Твою́ Тро́ице, Е́динице, яко́

мо́жно да́руй всегда́, все́м ве́рою подо́бною, Твое́ вели́чие песносло́влящим во вся́ веки.

Держи́ши вся́ческая, тро́ичное и еди́нственное Госпо́донача́лие безнача́льное, и управля́еши не́бо и зе́млю. Те́мже мя́ любо́вию Твое́ю привлечи́ма при́сно, сохрани́ пети́ Тебе́: вся́ дела́ Госпо́дня Госпо́да по́йте, и превозно́сите во вся́ веки.

Хра́м мя́ Твоея́ трисвѣ́тныя сотвори́ зарí, Благоде́телю Человеколю́бче: и прича́стия и приобщѣ́ния неприступна́ враго́м невидимым, и плотскимъ страсте́м, Влады́ко, покажи́, единонача́льный Бо́же мой и Госпо́ди сла́вы, песнословити́ Тя во вся́ веки.

Богородичен: Свѣ́т Богонача́льный от чре́ва Твоего́ возсия́вый, Богома́ти Пречи́стая, все́ мир трисо́лнечнымъ свѣ́том озари́, и зе́млю я́коже друго́е не́бо пока́за, пою́щу: вся́ дела́ Госпо́дня Госпо́да по́йте, и превозно́сите во вся́ веки.

Пѣснь 9

Ирмос: Ма́ти Бо́жия и Де́ва, ро́ждшая и де́вствующая па́ки, не естества́ де́ло, но Бо́жия снизхожде́ния: те́м я́ко Еди́ну Бо́жих чуде́с сподо́бльшуюся, Тя при́сно велича́ем.

Высо́косо́вити и пѣ́ти Тя досто́йно, Егóже в вы́шних непреста́нно Серафíми воспева́ют, не возмога́ем брѣ́ннии: оба́че я́ко Влады́ку все́х держа́юще, и человеколю́бнейшаго Бо́га велича́ем.

Телесны́я болѣ́зни изба́ви, и душе́внаго при́страстия́ певцы́ Твоя́, еди́нственная́ Тро́ице неразде́льная, и сохрани́тися невре́ждѣннымъ от все́х житѣ́йскихъ искуше́ний сподо́би.

Равноси́льная, Богонача́льная, Трисвѣ́тная, Всеси́льная Держа́во, неизме́нная Добро́то существе́нныя Благо́сти, да́ждь прегреше́ний разреше́ние Твои́м рабо́м, и искуше́ний, и страсте́й изба́ви.

Богородичен: Ум и ду́шу, и плотско́е сме́шение при́ем, Богороди́це, от Твои́х ложе́сн пречи́стых, Бо́г Сло́во по́истинне́ человекъ я́вися: и Бо́жественнаго существа́ общни́ка челове́ка я́ве показа́л е́сть.

Посѣ́м, припе́вы Григо́рия Сина́ита: Досто́йно е́сть: **И прóчее полуно́щницы, пи́сано в конце́ кни́ги сея́.**

На ўтрени по шестопсалмии:

Бог Господь, и явися нам: на глас 7. И глаголем тропарь воскресен: Разрушил еси Крестом Твоим смерть: Дважды. Слава, и ныне, Богородичен: Яко нашего воскресения сокровище:

Таже, обычное стихословие псалтира.

По 1-м стихословии седальны воскресны, глас 7:

Жизнь во гробе возлежаше, и печать на камени надлежаше, яко Царя спяща воины стрежаху Христа: и ангели славляху яко Бога безсмертна, жены же зываху: воскресе Господь, подая миру велию милость.

Стих: Воскресни, Господи Боже мой, да вознесется рука Твоя, не забуди убогих Твоих до конца.

Тридневным погребением Твоим пленивый смерть, и истлевша человека живоносным востанием Твоим воскресивый, Христе Боже, яко Человеколюбец, слава Тебе.

Слава, и ныне, Богородичен: Распеншагося нас ради, и воскресшаго Христа Бога нашего, и низложившаго смерти державу, непрестанно моли, Богородице Дево: да спасет души наша.

По 2-м стихословии, седальны воскресны, глас 7:

Запечатану гробу, живот от гроба возсиял еси, Христе Боже: и дверем заключенным, учеником предстал еси всех Воскресение, Дух Правый теми обновляя нам, по велицей Твоей милости.

Стих: Исповемся Тебе, Господи, всем сердцем моим, повею вся чудеса Твоя.

На гроб течаху жены, со слезами Мира Носящая: и воином стрегущим Тя всех Царя, глаголаху к себе: кто отвалит нам камень? Воскресе велика Совета Ангел, поправый смерть: всеильне Господи, слава Тебе.

Слава, и ныне, Богородичен: Радуйся, благодатная Богородице Дево, пристанище и предстательство рода человеческого, из Тебе бо воплотися Избавитель мира: едина бо еси Мати и Дева, присно благословена и препрославлена. Моли Христа Бога мир даровати всей вселенней.

Ипакои, глас 7:

Иже наш зрак восприемый, и претерпевый Крест плоти, спаси мя воскресением Твоим, Христе Боже, яко Человеколюбец.

Степенна, глас 7. Антифон 1, ихже стихи повторяюще поем:

Плен Сионь от лести обратив, и мене, Спасе, оживи, изымая работныя страсти.

В юг сеяй скорби постныя со слезами, сей радостныя пожнет рукояти

присноживопитания.

Слава: Святы́м Ду́хом исто́чник Божественных сокровищ, от Него́же премудрость, разум, страх: Тому́ хвала́ и слава, честь и держа́ва.

И ны́не, той́же.

Антифон 2:

Аще не Госпо́дь сози́ждет до́м душе́вный, все́е тружда́емся: разве бо то́го ни дея́ние, ни сло́во соверша́ется.

Плода́ чре́вна, свя́тии духо́движно прозяба́ют оте́ческая преда́ния, сыноположе́ния.

Слава: Святы́м Ду́хом, вся́ческая е́же бы́ти имут: пре́жде бо все́х Бо́г, все́х Госпо́дство, Свет непристу́пен, Живо́т все́х.

И ны́не, той́же.

Антифон 3:

Боя́щиеся Го́спода, пу́ти живо́та обрётше, ны́не и при́сно ублажа́ются сла́вою нетле́нною.

О́крест трапе́зы Твоея́, я́ко сте́блие ви́дя исча́дия Твоя́, ра́дуйся и весели́ся, приводя́ сия́ Христо́ви Пасты́реначальнику (пасты́реначальниче).

Слава: Святы́м Ду́хом глублина́ дарова́ний, бога́тство сла́вы, суде́б глублина́ ве́лия: единосла́вен Отцу́, и Сы́ну, служи́мь бо.

И ны́не, той́же.

Прокимен, глас 7: Воскресни́, Го́споди Бо́же мой, да вознесётся рука́ Твоя́, не забуди́ убо́гих Твоих до́ конца. **Сти́х:** Испове́мся Тебе́, Го́споди, все́м се́рдцем моим. **Та́же, Вся́кое дыха́ние: Сти́х:** Хвалите́ Бо́га во святы́х его́. **Евангелие воскресно:** Воскресе́ние Христо́во: **псалом 50: и про́чая порядку.**

Канон воскресен, глас 7:

Песнь 1

Ирмос: Ма́нием Твои́м на земны́й о́браз преложи́ся, пре́жде удо́боразлива́емое водно́е естество́, Го́споди: темже немокренно́ пешешествовав Израиль, поёт Тебе́ песнь победную́.

Припе́в: Сла́ва, Го́споди, свято́му воскресе́нию Твоему́.

Осуди́ся сме́ртное мучи́тельство Дре́вом, неправедно́ю сме́ртию осужде́ну Ти, Го́споди: отню́дуже князь тьмы́ Тебе́ не одо́лев, пра́ведно изгнан бы́сть.

А́д Тебе́ прибли́жися, и зу́бы не возмо́г стёрти́ те́ло Твое́, челю́стными́ сокруши́ся. Отню́дуже Спа́се, боле́зни разру́ш сме́ртныя, воскресл еси́ тридне́вен.

Богородичен: Разреши́шася боле́зни прама́тере Евы́: боле́зни бо избежавше, неискусому́жно роди́ла еси́. Отню́дуже я́ве Богороди́цу,

Пречистая, вѣдуще Тя, вси сла́вим.

И́н канон крестовоскрѣсен, глас 7:

Пѣснь 1

Ирмос: Пóнтóм покрѣ́ фарао́на с колесни́цами:

Два́ исто́чника нам на Крестѣ́ источи́ Спас Живонóсная от Своего́ прободѣннаго ребра́. Поим Е́му: яко просла́вился.

Во грóб всели́вся, и воскрѣ́с триднѣ́вен, нетлѣ́ние подаде́, ча́яние Христóс смѣртным. Поим Е́му: яко просла́вился.

Богорóдичен: Еди́на Дѣ́ва и по рожде́ствѣ́ показа́лася еси́: Зижди́теля бо ми́рови воплоще́нна роди́ла еси́: темже ра́дуйся, Тебе́́ вси зове́м.

И́н канон Пресвяте́й Богорóдице, [его́же краегра́нѣ́sie по алфави́ту.] Глас 7.

Ирмос: Ма́нием Твои́м на земны́й:

Бѣздну рож́дшая благоутрóбия, Дѣ́во, ду́шу мою́ озари́ светонóсным Твои́м сия́нием, яко да досто́йно воспóю Твои́х чудѣ́с бѣздну.

Стрелóю греховно́ю уязвлены́ нас Сло́во ви́дев, яко Благоде́тель уще́дри: отню́ду же несказанно соедини́ся, Всечы́стая, плóтию, и́же из Тебе́́ (плоти́ я́же из тебе́́) Пребоже́ственный.

Бы́сть смѣртию́ я́то естество́, тлѣ́нное же и мѣртвенное челове́ческое, Влады́чице: Ты́ же жи́знь заче́нши, си́е от ислѣ́ния к животу́́ возвела́ еси́.

Катаваси́а: Отвѣ́рзу уста́ моя:

Пѣснь 3

Ирмос: В нача́ле небеса́́ всесильным Сло́вом Твои́м утвержде́й, Го́споди Спа́се, и вседе́тельным и Бо́жиим Ду́хом всю́ силу их, на недви́жимем мя́ ка́мени испове́дания Твоего́́ утверди́.

Ты́ возше́д на Дре́во, о нас́́ боле́знуеши во́лю, благоутрóбне Спа́се, и терпи́ши я́зву, примирѣ́ния ходата́йственну, и спасѣ́ния вѣ́рным: ё́уже Твоему́́, Милостиве́, вси́ примири́хомся Родителю́́.

Ты́ мя очисти́в от я́звы, ду́шею́ уязвленнаго́ зми́евым угры́зѣнием, Христѣ́, и показа́ еси́́ свет, во тьме́́ дре́вле мнѣ́́ слежа́щу и во тлѣ́нии: кресто́м бо во а́д соше́д, мене́́ совоскресил еси́́.

Богорóдичен: Неискусому́жнны́я Твоея́́ Ма́тере мо́льба́ми ми́р ми́рови пода́ждь, Спа́се, и несказанны́я Твоея́́ сла́вы славосло́вьящы́я Тя́́ сподо́би.

И́н Ирмос: Небеса́́ утвердивы́й сло́вом:

И́же на Крестѣ́́ страсти́ претерпе́вый, и разбо́йнику ра́й отвѣ́рзый, яко́́ благоде́тель и Бо́г, утверди́́ мой ум в во́лю Твою́́, еди́не Человеколю́бче.

Воскресы́й триднѣ́вен из грóба, и живóт ми́рови возсия́вый, яко́́ Жизнода́вец и Бо́г, утверди́́ мой ум в во́лю Твою́́, еди́не Человеколю́бче.

Богорóдичен: Я́ко́́ Бо́га́́ безсе́менно заче́нши, и от кля́твы́́ Ё́ву

избавльши, Дево Мати Мариам, моли от Тебе воплощагося Бога, спасти стадо Твое.

И́н Ирмо́с: В начале небеса́:

Змий поползый из Едема, мене́ обожения желанием прельстив, верже в землю: но Иже милостив, и естеством благоутробен, ущедрив богосодела, во чрево твое вселься, и подобен мне быв, Мати Дево.

Благословен плод Твоего чрева, Дево Богородице, всех радости, радость бо всему миру родила еси, и веселие воистинну разгоняющее печаль греховную, Богоневесто.

Жизнь вечную, и свет, Богородительнице Дево, и мир родила еси нам, древних человек брань яже ко Отцу и Богу, укротевающий, верою и исповеданием благодати.

Песнь 4

Ирмо́с: Отча не́дра не оставль, и сошед на землю, Христе́ Бо́же, тайну услышах смотре́ния Твоего́, и прославих Тя, Еди́не Человеколю́бче.

Своя плещи дав, иже от Девы воплощся, на раны, рабу прегрешившу, биен бывает Владыка неповинен, разрешая моя согрешения.

Предстояв судищу судий законопреступных, яко осудимый повинен бывает (истязуется), и заушается брэнною рукою, создавый человека яко Бог, и судяй праведно земли.

Богородичен: Яко воистинну Мати́ Бо́жия, Творца́ Твоего́ и Сы́на моли, к спасительному направить мя пристанищу, Всенепоро́чная, славнаго Его́ хотения.

И́н Ирмо́с: Смотряяй проро́к:

Не ведый греха, и его́ ради быв, Госпо́ди, еже не был еси воображаешися, прием чуждее, да спасеши мир, и убиеши прельстив мучителя.

На кресте́ воздви́жен был еси́, и праотца́ Ада́ма разрешил еси́ грех [его́же ради твою́ услышах силу:] яко вся спасти помазанья Твоя́ пришёл еси́.

Богородичен: Ты́ рождейся от Де́вы, умираеши, оживляеши же Ада́ма мы́слию заблуждшаго: и́бо убояся сме́рть крепо́сти Твоея́, яко вся спасти растле́вшыяся пришёл еси́.

И́н Ирмо́с: Отча не́дра не оставль:

Избранная вся и добрая, явльшися Бо́гу пре́жде созда́ния све́тлостию, Всепе́тая, светолитием Твои́м (светолития́ Твоего́) светолития́ Твоего́ пою́щья Тя просвети́.

Бога́ челове́ком родила́ еси́, Чи́стая, вопло́щенна от чи́стых крове́й Твои́х, избавляю́ща согреше́ний мно́гих, любо́вию сла́вящья и

почитающыя Тя, Мати Дѣво.

Священнодѣйствует естество словесное, возсиявшему из Тебѣ, Всепѣтая, таинству неизреченному рождества Твоего научившееся ныне, Преплаженная.

Пѣснь 5

Ирмос: Ночь не светла неверным, Христѣ, верным же просвещение в сладости словес Твоих: Сего ради к Тебѣ утренюю, и воспеваю Твое Божество.

За Твоя рабы продаешися, Христѣ, и по ланите ударение терпиши, свободѣ ходатайственно поющим: к Тебѣ утренюю, и воспеваю Твое Божество.

Божественною Твоею силою, Христѣ, немощию плотскою крепкаго низложил еси, и победителя мя смерти, Спасе, воскресением показал еси.

Богородичен: Бога родила еси, Мати Чистая, воплощеннаго из Тебѣ Боголѣпно, Всепѣтая: понеже не познала еси мужеска пола, но от Святаго раждаеши Духа.

Ин Ирмос: Господи Боже мой, от ночи:

Егда со беззаконными вменился, вознѣлся еси на лѣбнем, светила сокрывахуся, и земля колебашеся, и церковная свѣтлость раздрася, еврейское являюще отпадение.

Тебѣ разрушившаго мучителю всю силу крепостию непостижимаго Твоего Божества, и мертвья Твоим воскресением воздвигшаго пѣснями славим.

Богородичен: Мати Царя и Бога, Всепѣтая Богородице, верою и любовию Тя пѣснями восхваляющим присно, очищение прегрешений Твоими мольбами низпосли.

Ин Ирмос: Ночь не светла неверным:

Лѣствицу узрев Иаков, к высотѣ утверждѣну, образу научися, неискусобрачная Тебѣ: Тобою бо Бог человеком приобщися, Всечистая Владычице.

Избавление вѣчное Тобою, Дѣво, ныне обрѣтше усердно зовѣм Ти: еже радуйся, Богоневѣстная: и Твоим свѣтом возрадовавшея, Всепѣтая, пѣснями Тя поѣм.

Едину Тя Жених посреде терния крин, Дѣво, обрѣт, чистоты блистаньем светящуся, и свѣтом девства, Всенепорочная, Невѣсту восприят.

Пѣснь 6

Ирмос: Плавающего в молве житейских попечений, с кораблем потопляема грехи, и душетленному зверю примѣтаема, яко Иона, Христѣ,

вопию Ти: из смертоносныя глубины возведи мя.

Воспоминаху Тя заключенныя во аде души, и оставльшыяся праведных, и от Тебе спасения молахуся: еже крестом, Христе, подал еси преисподним, пришед яко Благоутробен.

Ко одушевленному Твоему и нерукотворенному храму, разрушену бывшу страданьми, возрети паки лик апостольский отчаяся: но паче надежды поклонься, воскресша повсюду проповеда.

Богородичен: Неизреченнаго рожества Твоего всенепорочнаго образ, Дево Богоневестная, иже нас ради, кто от человек сказа́ти возмо́жет? Яко Бог неописанне, Слово соединився Тебе, плоть из Тебе бысть.

И́н Ирмо́с: Иона из чрева:

На кресте вознесся, Спасе, волею, вражю пленил еси держа́ву, на сем пригвоздив греховное, Блаже, рукописа́ние.

Из мертвых воскрес, Спасе, вла́стию, совоздвигл еси челове́ческий род, живот и нетленье дарова́вый нам, яко Человеколюбец.

Богородичен: Его́же родила́ еси, Богородице, несказанно Бо́га нашего, моля́щи не преста́й, изба́виться от бед поющым Тя, Чистая Приснодево.

И́н Ирмо́с: Плавающего в молве:

Законнии Тя образы, и пророческая проречения я́ве предвозвеща́ху, хотя́щую родити благодетеля, Чистая, всея́ твари, многоча́стне и многообразне благоде́йствовавшего ве́рно воспева́ющих Тя.

Устраншагося древле наве́том човекоубийцы, Ада́ма первозда́ннаго райския Божественныя сла́дости, Неискусобра́чная паки возвела́ еси, ро́ждши иже от преступле́ния нас изба́вившаго.

Иже хотением Божественным, соде́тельною же си́лою все́ составле́й от не су́щих, из чрева Твоего́, Чистая, произыде, и су́щья во тьме сме́ртней, богона́чальнейшими мо́лниями осия.

Конда́к, гла́с 7: Не ктому́ держа́ва сме́ртная возмо́жет держа́ти челове́ки: Христо́с бо сниде сокруша́я и разоря́я си́лы ея́. Связуе́мь быва́ет ад, проро́цы согласно́ радуются: предста, глаго́люще, Спа́с су́щым в вере, изыдите вернии в воскресе́ние.

И́кос: Вострепета́ша до́ле преисподня́я днесь, ад и сме́рть Еди́наго от Трои́цы: земля́ поколеба́ся, вратни́цы же а́довы виде́вше Тя ужасо́шася: вся́ же тварь со проро́ки радующи́ся поёт Тебе́ побе́дную пе́снь, изба́вителю Бо́гу нашему́, разрушившему ны́не сме́ртную си́лу. Да воскликне́м и возопи́им ко Ада́му, и к су́щым из Ада́ма: древо́ сего́ паки введе́. Изыдите вернии в воскресе́ние.

Пе́снь 7

Ирмо́с: Пе́щь о́троцы огнепа́льну дре́вле росото́чащу показа́ша,

Еди́наго Бо́га воспева́юще, и глаго́люще: превозноси́мый отце́в Бо́г, и препросла́влен.

Дре́вом умерщвля́ется Ада́м, волею преслуша́ние соде́лав: послуша́нием же Христо́вым паки обновля́емь е́сть. Мене́ бо ра́ди распина́ется Сы́н Божий, препросла́вленный.

Тебе́ воскресе́шаго Христе́, из гроба́, тва́рь вся воспе́: Ты́ бо жи́знь су́щым во а́де процвёл еси́, ме́ртвым воскресе́ние, и́же во тьме́, Све́т препросла́вленный.

Богоро́дичен: Ра́дуйся, Дщи́ Ада́ма тле́ннаго. Ра́дуйся, еди́на Богоневе́сто. Ра́дуйся, ею́же тля́ изгна́на бы́сть, я́же Бо́га ро́ждши: Его́же моли́, Чи́стая, спасти́ся все́м на́м.

И́н Ирмо́с: В пе́щь о́гненную́ вве́ржени:

И́же на дре́ве крестне́м грехо́вное жа́ло притупи́в, и Ада́мова престу́пления рукописа́ние разруши́в копи́ем ребра́ Твоего́, благослове́н еси́, Го́споди Бо́же оте́ц на́ших.

И́же в ребро́ прободён бы́в, и кропле́ньми кро́ве Божество́вныя зе́млю очисти́в, кро́вьми идо́лобесия́ оскверне́нную, благослове́н еси́, Го́споди Бо́же оте́ц на́ших.

Богоро́дичен: Е́же пре́жде со́лнца просвеще́ния, возсия́вши ми́рови Богороди́тельнице́ Христа́, от тьмы́ изба́вльшаго, и просвеща́юща́ вся боговеде́нием: благослове́н еси́ зову́щия, Бо́же оте́ц на́ших.

И́н Ирмо́с: Пе́щь о́троцы:

Преиспещре́ну, позлаще́ну у́тварь Тя́ иму́щу возлю́би Созда́тель Тво́й, Де́во, и Го́сподь: превозноси́мый отце́в Бо́г и препросла́влен.

Очища́ется О́трокови́це, у́гль дре́вле Иса́иа прие́м: знаменáтельно Твое́ ро́ждество́ ви́дев, превозноси́мага́ отце́в Бо́га, и препросла́влена.

Обра́зы знаменáтельная дре́вле Божество́внаго Твоего́ ро́ждества́, Божество́внии проро́цы зря́ще, ра́достно воспева́юще зыва́ху: превозноси́мый отце́в Бо́г, и препросла́влен.

Пе́снь 8

Ирмо́с: Неопáльная́ огню́ в Сина́и прича́щшаяся́ Купи́на, Бо́га яви́ медленоязы́чному и гугни́вому Моисе́ови, и о́троки ре́вность Бо́жия́ три́ непребори́мая во огни́ певцы́ показа́: вся́ дела́ Го́сподня́ Го́спода́ пойте́, и превозноси́те во вся́ веки́.

Пречи́стый А́гнец словесный́ за ми́р заклáн бы́в, преста́ви я́же по за́кону приноси́мая, очисти́в сегó́ крoме́ прегреше́ний я́ко Бо́г, при́сно зову́ща: вся́ дела́ Го́сподня́ Го́спода́ пойте́, и превозноси́те во вся́ веки́.

Нетле́нна не су́щи пре́жде страсти́, восприя́тая от Созда́теля́ плóть на́ша, по страсти́ и воскресе́нии неприкоснове́нна тле́нию устро́йся, и

смертныя обновляет, зовущья: вся дела Господня Господа пойте, и превозносите во вся веки.

Богородичен: Твое чистотное и всенепорочное, Дево, скверное и мерзское вселенныя очисти, и была еси нашего примирения к Богу вина, Пречистая: темже Тя, Дево, вся дела благословим, и превозносим во вся веки.

Ин Ирмос: Единого безначального Царя:

Претерпевшаго страсти волею, и на кресте пригвождена хотением, и разрушшаго силы адовы, пойте священницы, людие превозносите во вся веки.

Упразднившаго смерти державу, и от гроба воскресшаго со славою, и спасающего человеческий род, пойте священницы, людие превозносите во вся веки.

Богородичен: Единого благоутробного, Превечного Слова, напоследок от Девы рождена, и разрешшаго древнюю клятву, пойте священницы, людие превозносите во вся веки.

Ин Ирмос: Неопальная огню в Синаи:

Светом рождества Твоего, страннолепно вселенную просветила еси, Богородительнице, суща бо воистинну Бога на объятиях носиши Твоих, просвещающа верныя присно зовущья: вся дела Господня Господа пойте, и превозносите во вся веки.

Поём, Чистая, благочестно Твое чрево, Бога вместившее несказанно воплощаема, давшего всем верным богоразумия просвещение, присно зовущым: вся дела Господня Господа пойте, и превозносите во вся веки.

Света Твоего блистаньями, Тебе поющья световидны соделала еси, Светородительнице Богородице Чистая: света бо явилася еси Селение, уясняющи светом зовущья: вся дела Господня Господа пойте, и превозносите во вся веки.

Таже, поём песнь Богородицы: Величит душа моя Господа: **с припевом:** Честнейшую Херувим:

Песнь 9

Ирмос: Нетления искушением рождающая, и всехитрецу Слово плоть взаимодейвавшая, Мати неискусомужная Дево Богородице: Приятелище Нестерпимаго, Село Невместимаго Зиждителя Твоего, Тя величаем.

Иже Божеству страсть прилагающии, зауститесь вси чуждемудреннии: Господа бо славы плотию распята, не распята же естеством Божественным, яко во двою естеству Единого величаем.

Иже телесем востанию неверующии, ко Христову шедше гробу, научитесь: яко умерщвлена бысть, и воскресе паки плоть Жизнодавца, во

уверёние послéдняго воскресéния, на нéже упováем.

Тро́ичен: Не Божéств Тро́ицу, но Ипостáсей, ни́же ед́иницу Ли́ц, но Божества́ чту́ще, ссеца́ем же Сию́ деля́щих: слива́ем же па́ки, слия́ние дерза́ющих на Сию́, Ю́же велича́ем.

И́н Ирмо́с: Ма́ти Божия́ и Де́ва:

Свёт от Свёта, О́тчее сия́ние сла́вы безлётно осия́вый, я́коже во тьме́ челове́ческому жити́ю Хри́сто́с возсия́, и гоня́щую прогна́ тьму́: Его́же непреста́нно ве́рнии велича́ем.

Стра́сти плотсќия, и крéпость Божества́, во Хри́сте́ видя́ще, му́дрствующи́и еди́но сло́жное естество́, да посра́мятся: той бо́ яко́ человек у́бо умира́ет, я́коже всего́ Соде́тель воста́ет.

Миро́ мёртвым, живому́ же пéние: слéзы умира́ющим, животу́ же всéх пéснь жены́ принесите, и́же востáния проповéдник вопия́ше, благовесту́я Христо́во воскресéние.

Богорóдичен: Бо́га рáзве Тебе́ ино́го не зна́ю, Це́рковь вопи́ет Ти́: от невер́ных мя́ язык невесту́ Свою́ избрав́ый, да́ждь у́бо, Сло́ве, ве́рным спасéние, Ро́ждшия́ Тя мо́литвами, яко́ благоутробен.

И́н Ирмо́с тойже́ .

Рáдости на́м вéчныя ходáтаица́ и весéлия я́вилася́ еси́, Присноде́во Отрокови́це, Избáвителя́ ро́ждши, и́стиною и Ду́хом Божéственным Того́ чтущих, яко́ Бо́га избавля́ющаго.

По́я Дави́д, Тво́й пра́отец, Пречистая́, Тя́ ковчéг имену́ет Святы́ни Божéственныя́, преестéственне́ Бо́га вместив́шую, во О́теческих Седя́щаго нéдрех, Его́же непреста́нно ве́рнии велича́ем.

Я́ко войистинну́ превы́шши еси́ все́я тва́ри, Отрокови́це: Зиждите́ля во всéх телéсне на́м родила́ еси́. Те́мже яко́ Ма́ти еди́наго Влады́ки, но́сиши противу́ всéх нача́льне побе́ждение.

По катав́асии, ектени́а ма́лая. Та́же, Свят Госпо́дь Бо́г на́ш. Посéм ексапостила́рий у́тренний.

На хвалитех стихи́ры воскрéсны. Глас 7:

Сти́х: Сотвори́ти в них́ су́д напи́сан: сла́ва сия́ бу́дет все́м преподо́бным Его́.

Воскрéсе Хри́сто́с из мёртвых, разру́ш смёртныя́ у́зы: благовести́ землэ́, ра́дость велию́, пойте́ Небеса́ Божию́ сла́ву.

Сти́х: Хвалите́ Бо́га во святы́х Его́, хвалите́ Его́ во утвер́жении́ си́лы Его́.

Воскресéние Христо́во ви́девше, поклони́мся свято́му Госпо́ду Иису́су: еди́ному безгрéшному.

Сти́х: Хвалите́ Его́ на́ си́лах Его́, хвалите́ Его́ по мно́жеству

величествія Его́.

Христову́ воскресѣнію кланяюще́ся не преста́ем: той бо спа́сл е́сть на́с от беззако́ний на́ших, Святы́й Госпо́дь Иису́с, явля́й воскресе́ние.

Сти́х: Хвалите́ Его́ во гла́се тру́бнем, хвалите́ Его́ во псалти́ри и гу́слех.

Что́ возда́мы Господеви́ о всѣ́х, яже́ воздаде́ на́м? На́с ра́ди Бо́г в челове́цех, за истле́вшее естество́ Сло́во плоть бы́сть, и всели́ся в ны́, к неблагода́рным, Благоде́тель: к плѣнником, Свобо́дитель: ко́ иже́ во тьме́ сидя́щым, Со́лнце Правды́: на Кресте́, безстра́стный: во а́де, свѣт: в сме́рти, живо́т: воскресе́ние, па́дших ра́ди. К Немуже́ возопи́им: Бо́же на́ш, сла́ва Тебе́.

Ины́ стихи́ры Анато́лиевы, гла́с тойже́.

Сти́х: Хвалите́ Его́ в тимпа́не и лице́, хвалите́ Его́ во стру́нах и орга́не.

Врата́ а́дова сокруши́л еси́, Госпо́ди, и сме́ртную держа́ву упраздни́л еси́ кре́пкою си́лою Твое́ю, и сово́здви́гл еси́ ме́ртвыя, иже́ от ве́ка во тьме́ спя́щыя, Боже́ственным и сла́вным воскресе́нием Твои́м, я́ко Ца́рь всѣ́х и Бо́г все́илен.

Сти́х: Хвалите́ Его́ в кимва́лех доброгла́сных, хвалите́ Его́ в кимва́лех восклицáния: вся́кое дыха́ние да хва́лит Госпо́да.

Прииди́те возра́дуемся Господеви́, и возвесели́мся о воскресе́нии Его́, я́ко сово́здви́же ме́ртвыя от а́довых нерешимы́х у́з: и дарова́ ми́рови я́ко Бо́г жи́знь ве́чную, и ве́лию ми́лость.

Сти́х: Воскресни́, Госпо́ди Бо́же мой, да вознесе́тся рука́ Твоя́, не забу́ди убо́гих Твои́х до конца́.

Блιστάйся А́нгел, на ка́мени сидя́ше живоприе́мнаго гроба́, и жена́м ми́роносица́м благовество́ваше, глаго́ля: воскре́се Госпо́дь, я́коже пре́жде рече́ вам, возвестите́ учени́ком Его́, я́ко предва́ряет вы́ в Галиле́и: ми́рови же́ подае́т жи́знь ве́чную, и ве́лию ми́лость.

Сти́х: Испове́мся Тебе́, Госпо́ди, все́м се́рдцем мои́м, пове́м вся́ чудеса́ Твоя́.

Почто́ небрего́ма сотвори́сте ка́мене краеуго́льного, о пребеззако́ннии Иуде́и? Се́ той е́сть, Его́же положи́ Бо́г в Сио́не: И́же из ка́мене источи́вый в пусты́ни во́ду, и на́м источа́й от ре́бр свои́х безсме́ртие. Сей е́сть ка́мень, И́же от горы́ деви́ческа́я отсѣ́ся без хоте́ния мужеска́: Сы́н Челове́чь гряды́й на обла́цех небе́сных, к Ве́тхому Дне́ми, я́коже рече́ Дани́ил, и ве́чно Его́ Ца́рство.

Сла́ва, стихи́ра евангелъская. И ны́не, Богоро́дичен: Преблагослове́нна еси́: **Славосло́вие вели́кое. Та́же тропа́рь воскре́сен:**

Дне́сь Спа́сение ми́ру бы́сть, пое́м Воскре́сшему́ из гроба́, и

Начальнику жизни нашей: разрушив бо смертью смерть, победу даде нам,
и велию милость.

И ектений, и отпуст.

На литургии блаженна, глас 7:

Красен бѣ и добр в снѣдь, иже мене умертвивый плод: Христосъ естъ Древо Животное, от негоже ядъи не умираю, но вопию с разбойником: помяни мя, Господи, во Царствии Твоем.

Стих: Блажени чистии сердцем, яко тии Бога узрят.

На Крестъ вознесся, Щедре, Адамово рукописание древняго греха загладил еси, и спасл еси от прелести весь родъ человеческий. Темже воспеваем Тя, Благодетелю Господи.

Стих: Блажени миротворцы, яко тии сынове Божии нарекутся.

Пригвоздил еси на Кресте, Щедре, грехи наша, Христе, и Твоею смертию смерть умертвил еси воздвигнувший умершья из мертвых: темже поклоняемся Твоему святому воскресению.

Стих: Блажени изгнани правды ради, яко техъ естъ Царство Небесное.

Излия ядъ змий в слухи Евины иногда: Христосъ же на Древе крестнемъ источил естъ миру жизни сладость. Темже зываем: помяни нас, Господи, во Царствии Твоем.

Стих: Блажени есте, егда поносятъ вам, и изженутъ, и рекутъ всякъ золъ глагол, на вы лжуще Мене ради.

Во гробе яко смертенъ положенъ былъ еси, Животе всехъ Христе: и вереи адовы сломил еси: и воскрес во славе тридневенъ яко силен, всехъ просветил еси: слава Твоему востанию.

Стих: Радуйтеся и веселитесь, яко мзда ваша многа на небесехъ.

Господь воскрес тридневенъ из мертвых, дарова миръ Свой ученикомъ, и сихъ благословивъ посла рекъ: вся приведите во Царствие Моё.

Слава, Троицен: Светъ Отецъ, светъ Сынъ и Слово, светъ Духъ Святыи: но единъ Светъ три, единъ бо Богъ в трехъ убо Лицехъ, единомъ же естестве и начале, несекомъ и неслиянъ, Сый превечный.

И ныне, Богородичен: Родила еси Сына и Слово Отчее, плотию насъ ради, якоже вѣсть, Богородице, Самъ. Темже, Дево Мати, обожени бывше Тобою, радуйся, Тебѣ зовемъ, христіаномъ упование.

Прокимен, глас 7: Господь крепость людемъ Своимъ дастъ: Господь благословитъ люди Своя миромъ: **Стих:** Принесите Господеву Сынове Божии, принесите Господеву Сыны овни. **Аллилуиа:** Благо естъ исповедатися Господеву, и пети имени Твоему, Вышний. **Стих:** Возвещати заутра милость Твою, и истину Твою на всяку ночь.

В недѣлю вѣчера

на Господи, возвах, стихиры покаянны. Глас 7:

Подобен: Днесь бдит Богородица:

Стих: Аще беззакония назириши, Господи, Господи, кто постоит? Яко у тебе очищение есть.

Возведи Твои очи, о душе моя! И на Божие возри смотрение и благоутробие, како небеса преклонив на землю сниде, да вознесет тебе от окаянства твоих страстей, и поставит тя на камени веры. О дивство страшнаго чудесе! Слава истощанию Твоему, Человеколюбче.

Стих: Имене ради Твоего, потерпех Тя, Господи, потерпе душа моя в слово Твое, упова душа моя на Господа.

Виждь твоя пребеззаконная дела, о душе моя! И почудися, како ты земля носишь? Како не разседется? Како дивии зверие не сьедают тебе? Како же и Солнце незаходимое сияти тебе не преста? Востани, покайся, и возопий ко Господу: согреших Ти: согреших, помилуй мя.

Стих: От стражи утренния до нощи, от стражи утренния да уповает Израиль на Господа.

Имуще на Тя упование Всесильне, Господи, Тебе молим, всяких бед, страстей же и мятежа нам избавитися: яко да жизнь нашу мирно преидем, и в чистоте поживше обрящем в День Судный, благопременна Тебе Владыку и Милостива.

Таже миней стихиры святому. Аще ли несть миней: ины стихиры безплотным святым Ангелом, глас 7:

Подобен: Не ктому возбраняеми:

Стих: Яко у Господа милость, и многое у него избавление: и Той избавит Израиля от всех беззаконий его.

Зарями просвещаемы Троицы, иже верую вас поущая, просветите, Архангели.

Стих: Хвалите Господа вси языцы, похвалите его вси людие.

Причастием свети вторий, показуеми свети совершенни, предстаи нам свету первому молитесь.

Стих: Яко утвердися милость Его на нас, и истина Господня пребывает во век.

Кровом крил ваших сохраняйте верныя вся от духов лукавствия, тьму разоряюще.

Слава, и ныне, Богородичен: Вси песньми со Ангелы Богородице возопиим, яко Спаса миру родила есть, по рождестве же паки пребысть

Де́ва, и ми́р изба́ви от прѣлести рождество́м Свои́м, и пи́щу подаде́ нам неизжива́емую, млеко́м пита́ющая Свободи́теля ду́ш наших.

Та́же, Свѣте тихий: Прокі́мен дне́: и Сподо́би, Го́споди, в ве́чер сей:

На стихо́вне стихи́ры покая́нны, гла́с 7:

Яко блу́дный сы́н приидо́х аз, Ще́дре, прими́ мя припа́дающаго, яко еди́наго от наёмник Твоих, Бо́же, и помилуй́ мя, Чело́веколю́бче.

Сти́х: К тебе́ возведо́х о́чи мой живуще́му на Небеси́. Се́ яко о́чи ра́б в руку́ госпо́дий своих, яко о́чи рабы́ни в руку́ госпо́жи своея: тако́ о́чи наши́ ко Го́споду Бо́гу нашему́, до́ндеже уще́дрит ны́.

Яко впа́дый в разбойники́ и уязвлен: тако́ и аз впадо́х от мно́гих грехо́в, и уязвлена́ ми е́сть ду́ша. К ко́му прибе́гну повинны́й аз? То́кмо к Тебе́ благоутро́бному ду́шам врачу́: изле́й на мя, Бо́же, вели́кую Твою́ ми́лость.

Сти́х: Помилуй́ нас, Го́споди, помилуй́ нас, яко́ по мно́гу испо́лнихомся уничи́жения: наипа́че напо́лнися ду́ша на́ша поноше́ния гобзующих и уничи́жения го́рдых.

Му́ченичен: Сла́ва Тебе́, Христе́ Бо́же, Апосто́лов похвало́, и му́чеников весе́лие: ихже про́поведь Трои́ца еди́носу́щная.

Сла́ва, и ны́не, Богородичен: Е́же ра́дуйся, Тебе́ зове́м со А́нгелом, Богоневѣ́сто, черто́г и двѣрь, и престо́л о́гненный нарица́юще Тебе́, и несе́кому́ю гору́, и купину́ неопали́мую.

Та́же, Ны́не отпу́щаеши: Трисвято́е. **По** О́тче на́ш: тропари́, ектениа́, и отпу́ст.

В неде́лю на повече́рии

канон моле́бный Пресвяте́й Богоро́дице. Гла́с 7:

Пе́снь 1

Ирмо́с: Ма́нием Твои́м на земны́й о́браз преложи́ся, пре́жде удоборазлива́емое водно́е естество́, Го́споди: темже немокренно пешешествовав Израиль, поёт Тебе́ пе́снь победную́.

Чинове́ А́нгел яко́ войстинну́ и вресноту́ Ма́терь Тя́ Бо́га все́х чту́т, Пречи́стая: но и ны́не от брэнных усте́н мои́х приими́ пе́снь моле́бную.

Умертви́ плоти́ моя́ и ещѐ живу́щую злобу́, Жи́знь и́стинную ро́ждшая, Пречи́стая: и страсте́й и прегрешений подаждь, Чи́стая, Твоему́ рабу́ избавление.

Сла́ва: Со́лнце от Со́лнца, безле́тное Сло́во непости́жно возсия́вшее, во вре́мя возсия́. Его́же заря́ми просвети́, Де́во, ду́шы на́ша, и вразуми́.

И ны́не: Подоба́ет Тебе́, Богородице, хваления́ Сло́во всегда́ действовемо́: но мы мо́лим Тя́, Чи́стая, спаси́ от всякия́ житѐйския́ печа́ли, к Тебе́ прибега́ющих.

Пе́снь 3

Ирмо́с: В нача́ле небеса́ все́ильным сло́вом Твои́м утвержде́й, Го́споди Спасе́, и вседе́тельным и Бо́жиим Ду́хом, всю́ силу́ их: на недви́жимем мя́ ка́мени испове́дания Твоего́ утверди́.

Отда́в до́лги раболе́пно благо́разумне, Твои́х благода́тей, Влады́чице, те́пле воспеваю́ Тя́, Пречи́стая, Мати́ Сло́ва, и все́х Избавителя́: но и ны́не изми́ мя́ от житѐйских настоя́ний.

Умерщвле́на Ада́ма от престу́пления дре́вле, лу́чшия, Пречи́стая, жи́зни сподо́била еси́ я́ве, Живоначальное, Влады́чице, ро́ждшая Сло́во: но и ны́не мя́ сме́ртнаго греха́ свобо́ди.

Сла́ва: Ожестѐв плоти́ страстны́й зако́н, и ны́не оскорбля́ет, духо́вный, и к люте́йшим похоте́м совокупля́ет у́м мой, Пречи́стая: но безстра́стия ми́р подаждь ми́ вско́ре Твои́ми моли́твами.

И ны́не: Несказанно́ во утробе́, Пречи́стая, заче́нши Христа́ Содержителя́ все́х, земноро́дных существо́ разрешила́ еси́ от а́довых вере́й: но и ны́не многоплетенны́я плени́цы тлею́щя мя́ расто́ргни.

Пе́снь 4

Ирмо́с: Отча́ не́дра не оста́вь, и соше́д на зе́млю, Христе́ Бо́же, та́йну услы́шах смотре́ния Твоего́, и прослави́х Тя́, Еди́не Человеколю́бче.

Но́щию борю́ся со тьмо́ю лю́тых, омрачи́в по́мысл: Две́ри Све́та, Твои́ми луча́ми озари́ мя, и го́рести изми́ вско́ре, и печа́ли.

Греховъ мно́жествомъ стя́гнут, и плени́цами напа́стей вельми́ связа́н, Твою́, Влады́чице, ны́не по́мощь призы́ваю, да изба́влюся вся́кия му́ки.

Сла́ва: Собо́рища злы́х и лю́тых, и зави́стных и лука́вых челове́к сове́ты разори́, Всепе́тая, и вся́кия мя́ изба́ви печа́ли жити́я и ско́рби.

И ны́не: Возвраще́ния словесъ лживыхъ и де́йств я́же на мя́, мече́м Твои́х моли́тв ссецы́, Влады́чице, и вско́ре разруши́, и вся́кия мя́ изба́ви печа́ли.

Пе́снь 5

Ирмо́с: Но́щь не светла́ невер́ным, Христе́, ве́рным же просвеще́ние в сла́дости словесъ Твои́х: сего́ ради к Тебе́ утреню́, и воспе́ваю Твое́ Божество́.

Непобеди́мая стена́ су́щи ве́рным, и покрóв бу́ди рабу́ Твоему́, Де́во, и от вся́кия нуждны́я изба́ви печа́ли и озлобле́ния.

Недугую́ зело́, лю́те озлобленны́й от обою́ страну́, Пречи́стая, душе́вную силу́ и телесную́ ю́же подъя́х, Твоими́ моли́твами исцели́.

Сла́ва: В пучину́, Де́во, щедро́т Твои́х ны́не прибега́ю рабъ Тво́й, от одержа́щего мя́ сове́та неправедна́го да изба́влюся, и озлобле́ния.

И ны́не: Превозноси́ма е́сть сла́ва Твои́х моли́тв всюду́, Де́во Ма́ти Пречи́стая: и́миже ны́не мя́ вся́каго изба́ви житей́скаго настоя́ния.

Пе́снь 6

Ирмо́с: Пла́вающего в молве́ житей́ских попече́ний, с кора́блемъ потопля́ема грехи́, и душе́тленному́ зве́рю приметáема, я́ко Иона́, Христе́, вопию́ Ти: из смертоно́сныя глубли́ны возведи́ мя.

Рече́ния и словеса́ все́х ве́рно восхваля́ют Тя́, Чи́стая, я́ко все́х челове́к до́лг Рожде́ствомъ Твои́м я́ве разруши́ся: но и ны́не певе́ц Твои́х мольбу́ приими́, и изба́ви искуше́ний и печале́й.

Боля́ща мя́ и стра́стным грехо́внымъ те́рниемъ бодо́ма, и́щуща ю́же от Тебе́ цельбу́, Пречи́стая, от вся́кия боле́зни же и ско́рби изми́, и изба́ви от напа́стей и печале́й.

Сла́ва: Земно́родныхъ естество́, на Не́бо Богоро́дице проявле́нно возвела́ еси́, бывши́ Пала́та Царя́ Сла́вы: те́мже мя́ от бездны́ мно́гихъ прегреше́ний, и напа́стей, и страсте́й возведи́.

И ны́не: Вопло́щенное Сло́во па́че ума́ и сло́ва, Де́во Чи́стая, родила́ еси́, безсло́весья на́с изба́вльша́го: те́мже Тя́ словесы́ Божество́нными непреста́нно воспе́ваемъ, и ве́рно славимъ.

Та́же, Го́споди, поми́луй: три́жды. Сла́ва, и ны́не:

Седа́лен, гла́с 7.

Влады́чице, прогне́вася Сы́н Тво́й на грешны́я рабы́ Твоя́: Ще́драго бо на гневъ обрати́хом мы́, но на ми́лость претвори́ Его́, Чи́стая. Уми́лосе́рдися, Ма́ти Бо́жия, умоли́ Благоутро́бнаго мольба́ми само́движны́ми, пленены́я

избави.

Пѣснь 7

Ирмосъ: В пещь огненную ввержени преподобнии отроцы, огонь в росу предложаша, воспеванием сице вопиюще: благословен еси, Господи Боже отец наших.

Украшена рясами чистоты, Пречистая Отроковице: душу мою ныне претвори от злобы скверныя к Божественней доброте, Благословенная Владычице, Предстательнице рода нашего.

Свирепеют ныне злобы бесовския зело, и огонь страстей мне возжигают, но паче Твоими зарями, сих до конца попали щедротами Твоими, Предстательнице рода нашего.

Слава: О нас Твоего Сына молящи, Пречистая Мати Божия, не престаи отнюд молитвами Твоими, человеческих печалей и бед изымающи рабы Твоя.

И ныне: Пресущный Сын от Тебе, Дево, плоть прият непреложно, и Человек бысть, да спасет поющия: благословен, Пречистая, Плод Твоего чрева.

Пѣснь 8

Ирмосъ: Отроцы зовяху в пещи орошени: тварь да благословит всяческая словом Создавшего, и превозносит Его во веки.

Пажити страстных, и многообразных беды окружают воистинну, Владычице, твоего раба: но избави мя тех всякаго искушения.

Да придет ныне на ны державная Твоя длань, Владычице, и чаемая человеческия скорби да избавит нас.

Слава: Сети лукавых и злосоветных человек сокруши, Чистая Богородительнице: и Твоего раба избави от всякия нужды.

И ныне: Едино сущее верных пристанище Божественно, Дево Чистая, молю Тя избавити мя сущия в мори жития бури горькия.

Пѣснь 9

Ирмосъ: Радуйся, Невесто Светлая, Мати Светодавца: радуйся, вместившая Невместимаго во утробе Твоей: радуйся, самех херувимов честншая, рождающая Спаса душ наших.

Отиграся, яко жеребец от заповедей Владыки, броздами Твоих молитв да востыгнуся, Пречистая, к пути скорого устроения.

Низвлекомь есмь зело поползновением неразумным к деянию лукаваго греха моего: избави мя, Боже, предложения горшаго.

Слава: Исцеление первое явльшися человеческого существа, исцелила сокрушение Адама и Евы: исцели же и мене, Богородице, Твоими мольбами.

И ны́не: Целому́дрен у́м пода́ждь ми́, и чи́сто се́рдце, и ра́зум
смотре́лив: да сохра́ню, Влады́чице, Пречи́стыя за́поведи Бо́га моего́.

Та́же: Досто́йно е́сть: **и покло́н.** Трисвято́е. **По** О́тче на́ш: **тропа́ри,** и
про́чее обы́чно, и отпу́ст.

Понедельник

В понедельник утра

по 1-м стихословии седальны покаянны, глас 7:

Имущи, душе моя, врачевство покаяния, приступи припадаючи, и воздыханием зовущи: Врачу душ же и телес, Человеколюбче, свободи мя от многих моих согрешений: сопричти мя блуднице, и разбойнику, и мытарю, и даруй ми, Боже, беззаконий моих прощение, и спаси мя.

Стих: Господи, да не яростию Твоею обличиши мене, ниже гневом Твоим накажеша мене.

Иже Петрово отвержение слезами очистишь, и мытарева согрешения воздыханием простишь, Человеколюбче Господи, помилуй мя.

Слава, и ныне, Богородичен: Превозшла еси силы небесныя, зане храм показала еси Божественный, благословенная Богородице: яко рождающая Христа Спаса душ наших.

По 2-м стихословии седальны покаянны, глас 7:

Мытареву покаянию не поревновах, и блудницы слез не стяжах: недоумеюся бо от ослепления такового исправления. Но Твоим благоутробием, Христе Боже, спаси мя, яко Человеколюбец.

Стих: Господи, да не яростию Твоею обличиши мене, ниже гневом Твоим накажеша мене.

Пучина житейская обуревает мя, Господи, волнения беззаконий моих погружают мя, Владыко: но простри Твою руку якоже Петрови, и спаси мя, Человеколюбче.

Стих: Дивен Бог во святых Своих, Бог Израилев.

Мученичен: Святии, молитесь оставлению датися нам прегрешений наших, и чаемых лютых избавитися нам, и горькия смерти, молимся.

Слава, и ныне, Богородичен: Честнейши славных херувимов еси Пресвятая Дево, они бо Божественныя не терпяще силы, крылы покрывающе лица службу совершают: Ты же воплощенно Слово самовидно зрящи носиши, Егоже непрестанно моли о душах наших.

По 3-м стихословии, седальны, глас 7:

Подобен: Плод чрева:

Различных страстей, и согрешений моих буря потопляет мя во глубину отчаяния: но молитвами Ангел Твоих, Иисусе Многомилостиве, яко блуднаго спаси мя.

Готовися душе моя, в животе твоём, противу будущей жизни не сумнетися. Тамо бо никтоже помогай, ни богатство, ни сила, ни друзи, ни князи: но токмо показание дел и Божие Человеколюбие.

Слава, и ныне, Богородичен: Богородице Дево нескверная, Сына Твоего моли с горными силами, прощению прегрешений нам прежде конца дароватися, верно Тя славящим.

Канон покаянен ко Господу нашему Иисусу Христу, и святым Его мучеником. Творение Иосифово. Глас 7:

Песнь 1

Ирмос: Поспешествовавшему Богу во Египте Моисеови, извести Израиля, тому единому поим, яко прославися.

В пучину лютых впад, вопию Ти: руку ми прости, Щедре, и спаси мя яко Петра, Человеколюбче.

Мене кающагося, Христе, якоже блудницу от согрешений многих омой мановением милости Твоея, да верою славлю Тя.

Мученичен: Иже святых Твоя, Христе, горнилом просветивый многовидных ран, тех молением от помрачения страстей избави мя.

Мученичен: Терпением ран очистившися, Солнца множае облисташа святый мученицы, и прелесть помрачаша.

Богородичен: Яже предстательнице верных, яже согрешающих обращение к Богу, Дево Всепетая, молитвами Твоими спаси мя.

Другий канон святым безплотным Ангелом, [егоже краегранесие: Безплотных похвалу седьмую ношу.] Творение Феофаново. Глас 7:

Ирмос: Истрысшему Богу фараона в мори Чермнем, песнь победную поим, яко прославися.

Неисчислительне Христе, Твоим светом озарив мой ум, Ангелы Твоя пети вдохни, яко всеилен. [Дважды.]

Крепкую имущу светлость, из богоначального происходящу источника, небеснии лица песнями Христа почитают.

Богородичен: Украшену Тя, Чистая, Божественными светлостями, вернии вемы, яве радуйся, Тебе вси зовем.

Песнь 3

Ирмос: Утвердися сердце мое в Господе, вознесися рог мой в Бозе моем: разширишася на враги моя уста моя, возвеселихся о спасении Твоем.

Нощию безместными содержимъ бых грехи, светом мя покаяния ныне озари, светодателю Человеколюбче, да верою славлю Тя.

Путие вси, по нихже ходих в житий, в пропасть сластей мя низринуша: Иисусе, покаяния ми Божественныя пути покажи.

Мученичен: Доблественным нравом скончавше подвиги, венцев сподобистесь небесных, всеславнии мученицы, о всех молящися.

Мученичен: Тьмы болезней претерпевше, страстотерпцы, тьмами благих сподобистесь, тьмам совокупаеми безплотных сил.

Богородичен: Бога рождши небснаго Царя, Дево, во мнѣ царствующий грѣх низложи, и ущедривши спаси мя.

Ин Ирмос: Утвердися верою Христова Церковь, ибо непрестанно пѣсньми вопиетъ поюще: святъ еси Господи, и Тя поетъ дух мой.

Ходатае бывше Божественнаго явленія лица ангельстии, и невещественно зоветъ непрестанно: святъ еси Господи, спасаѣя души наша.

Любовию законною друг другу Божественная сиянія отдающе, благочинно Христу поете: святъ еси Господи, Едине Многомилостиве.

Первей зарі вторыя свѣтлости житію благочествующии поревнуим, Христу поюще: святъ еси Господи, спасаѣя души наша.

Богородичен: Иже от не сущихъ вся приведый волюю, от Тебѣ Дево, плоть взаетъ Слово, человекъ быв, за милосердіе Человеколюбецъ.

Пѣснь 4

Ирмос: Покрыла естъ Небеса, Христѣ Боже, смотрѣниемъ Твоимъ, добродѣтель неизреченныя мудрости Твоея, Человеколюбче.

Хотяй всемъ человекомъ, Щедре, спастися, спаси мя преступившаго Твоя повелѣнія, Слове, и не уничижи мене.

Подклонихся безсловеснымъ страстемъ, и скотомъ окаянный уподобихся, Щедре Слове Божий, ущедривъ спаси мя.

Мученичен: Вяжеми, и огнемъ поджигаеми, попалисте прѣлесть, воспаляеми ревностию благочестія мученицы.

Мученичен: Рай мысленный явистесь, посреде имуща древо животное блаженнии, Христа саодетеля всяческихъ.

Богородичен: Дево Чистая богоблагодатная, облагодативши ум мой омраченный, неведения совершенно свободи.

Ин Ирмос: Услышах слухъ Твой, и убояхся, разумѣя дела Твоя, и ужасохся, Господи.

Исцелити души моя струпы, предстояще Христу яко служители избраннии, лица ангельстии тому помолитесь.

Воинства безплотныхъ, Владыко, Твой Престолъ благоговѣйно обстояще, ясно присно вопиютъ: слава силе Твоей, Господи.

Удивившася ангельстии чинове, зряще Тебѣ, Христѣ, с плотию на земли живуща со смертными человеки.

Богородичен: Всепетая, и Богомати Пречистая, рождающая Бога нескананно плотию, Тебѣ молимся, моли спастися намъ.

Пѣснь 5

Ирмос: Утреннююще, Слове, в славу Твою и хвалу, восхваляемъ непрестанно образъ Креста Твоего, егже дал еси намъ оружіе в помощь.

Леностию житіе иждихъ, и трепещу неизбежнаго Твоего судища, на

нѣмже судѣтисѣ хошѣ страстный аз, ущѣдри мя, Господи.

Иже очи слепцем просветивый, Слово, души моя зѣницы люте омраченныя отверзи, зрѣти свѣтъ повелѣний Твоихъ.

Мученичен: Крепкою мыслию Христа исповѣдающе, претерпѣсте раны всякаго мученія, доблественнии страдальцы: темже блажими естѣ.

Мученичен: Преплывше всехъ мученій треволненіе, достигостѣ к пристанищу вышняго Царствія, тишины истинныя мученицы исполняеми.

Богородичен: Иже хотѣниемъ вся сотворивый Богъ Слово, паче слова, Дѣво, из Тебѣ воплотисѣ: Того убо прилежно о всехъ моли.

Иъ Ирмосъ: К Тебѣ утренюю, и Тебѣ вопию, благоутробне Господи: омраченную грехми душу мою, свѣтомъ озаривъ заповѣдей Твоихъ, настави.

Священнейшими и многовещанными усты поютъ серафими пребезначальное и Пребожественное начало, невещественными светолитиіи просвещаеміи.

Священными и многосвѣтлыми крылы покрываються херувими, к Божественному сиянію не смеюще зрѣти, мудрости Пребожественныя приведенія.

Разумно Божественнаго и всебогатаго, престоли славнии, краснейшаго наслаждающесѣ блистанія, зрители неизреченныхъ премірно являються.

Богородичен: Умъ пребожественный, человеческому, Пречистая, примешается в пречистемъ и всесвятѣмъ Твоемъ чреве, соединивсѣ неслиянно и неизменно по ипостаси.

Пѣснь 6

Ирмосъ: Иона из чрева Адова вопияше: возведи от тли живот мой. Мы же Тебѣ вопіемъ: всеильне Спасе, помилуй насъ.

Обыде мя бездна прегрешеній, снидохъ во глубину погібели: возведи мя, Слово, якоже иногда Иону от истлѣнія к жизни.

Обуреваетъ мя помышленийъ треволненіе, ко пристанищу истиннаго покаянія исправи мя, Щедре, в тишинѣ соблюдая сердце мое.

Мученичен: Святіи мученицы защитившесѣ верою, ложнаго мучителей ласканія уклонішасѣ: и стрѣлами вражиими не уязвлени быша.

Мученичен: Возношаеми к Богу в любви, и возненавидеша мирскую любовь мученицы, и друзи всяческихъ Творцу явишасѣ.

Богородичен: Поемъ Тя, Препѣтая Отроковице, рождшую пресвятое Слово, Егоже вся силы небесныя воспеваютъ немолчными гласы.

Иъ Ирмосъ тойже.

Юношески светлостыми господоначалия облистаети, и неизреченную славу Того воспевающе, господства присно являються. [Дважды.]

Любѣзно си́льне пре́могущую си́лу, взирающе́ Божѣственныя си́лы, в крѣпости пребыва́ют я́ве возмога́еми.

Богородичен: От ца́рска ко́лена произше́дши, Де́во, родила́ еси́ па́че естества́ слово́ всѣх Ца́ря, и де́ва вои́стинну соверши́лася еси́.

Пѣснь 7

Ирмо́с: Пѣщъ горя́щую ороси́л еси́, Спа́се, о́троки спа́сл еси́ пою́щыя и глаголю́щыя: благослове́н еси́ во ве́ки, Го́споди Бо́же оте́ц на́ших.

Пожри́ душе́, же́ртву хвале́ния Бо́гу, потщи́ся и пока́йся, до́ндеже то́рг е́сть житейский: ны́не куплю́ де́й до́брых прида́яний.

Приближа́ется душе́, сме́ртное посече́ние, пло́ды досто́йны сотвори́: да не́ яко́ непло́дное дре́во ввержешися во о́гнь ге́енский, и воспла́чешися неутѣшно.

Му́ченичен: Свя́тѣи му́ченицы, пѣщъ прѣлести́ угаси́вше крѣвными́ туча́ми, вопи́яху́ яко́же о́троцы: оте́ц на́ших Бо́же благослове́н еси́.

Му́ченичен: Сы́нове́ све́та бы́сте, све́ту жела́емому́ примеси́вшеся му́ченицы: и всѣ́ су́щяя во тьме́ просвѣща́ете, и прѣлести́ тьму́ отгоня́ете.

Богородичен: Купи́на Тя́ прообража́ше, Чи́стая, неопали́мая, о́гнь бо роди́ла еси́ непостоя́нный, Де́во. Те́мже вопи́ю Ти: попали́ веще́ственныя моя́ стра́сти.

И́н Ирмо́с: В пѣщъ о́гненную́ вве́ржени́ преподо́бнии́ о́троцы, о́гнь в ро́су прело́жиша, воспевани́ем си́це вопи́юще: благослове́н еси́ Го́споди Бо́же оте́ц на́ших.

Славосло́вят неукло́нно, Тво́й престо́л, Христе́, я́ве окружа́юще, у́мне а́нгельская́ ликостоя́ния, благослове́н еси́, зову́ще, Бо́же оте́ц на́ших.
[Два́жды.]

Отонудными́ Тя́ нача́ла усѣ́рдии, о еди́ном нача́ле неве́щественно обра́ца́еми, непреста́нными славословле́нными зову́т: благослове́н еси́ Бо́же оте́ц на́ших.

Богородичен: Еди́ну Ипоста́сь во двою́ существу́, Богороди́тельнице, Христа́ Еди́наго без се́мене роди́ла еси́, стра́шное соверша́юща смотре́ние, Бога́ оте́ц на́ших.

Пѣснь 8

Ирмо́с: В пе́щи о́троки подража́юще, духо́вную ро́су прие́мшии, ве́рою зове́м: благослови́те дела́ Господня́ Го́спода.

Сло́во приях́ яко́ све́щник сия́ющ, но к безсло́вѣсным преклони́хся ока́янный страсте́м, и во тьме́ зло́бней шѣствую́ всегда́.

Госпо́дь близ, яко́же ве́руем: попе́чься, душе́, и не уны́вай, побди́ и возопи́й бо́дренно: ще́дрый Чело́веколю́бче, спаси́ мя.

Му́ченичен: Вкусивше́ Божѣственныя́ сла́дости, го́ресть боле́зненную́

претерпёте, и ны́не наслажда́етесь Божество́нейших сло́ва причаще́ний, мученицы.

Мученичен: Внидо́сте к Божество́нному поко́ю, улучи́сте до́брых, ихже на́деястеся, всехва́льнии мученицы: сего́ ра́ди досто́йно вас ублажа́ем.

Богородичен: Разреши́ся от кля́твы рождество́м Твои́м, Де́во, челове́ческое сме́шение: и́бо Всеблагослове́ннаго, благослове́ньми вся украша́ющаго роди́ла еси́.

И́н Ирмо́с: Еди́наго безнача́льнаго Царя́ сла́вы, егóже благословя́т небе́сныя си́лы, и трепещу́т чини а́нгельстии, по́йте. священни́цы, лю́дие превозно́сите Егó во ве́ки.

И́же всё жела́ние к Бо́гу прело́жше, я́же отону́ду наслажда́ющеся заря́ми архангели, вас воспева́ющим изба́витися напáстей, Христа́ умоли́те всех Царя́. [Два́жды.]

У́мове су́ще честне́йшии, вся́каго измене́ни веще́ственного пристра́стия, о А́нгели! Спаси́те всех, любóвию с ва́ми Христа́ превозно́сящих во вся ве́ки.

Богородичен: Све́т непристу́пный, Богороди́це Де́во, во чре́ве Твоём прие́мши неизрече́нно, просвети́ла еси́ су́щия во тьме́ жити́я, сла́вити благо́честно Христа́ произше́дшаго из Тебе́ несказа́нно.

Та́же поём пёснь Богороди́цы: Вели́чит ду́ша моя́ Го́спода: с припе́вом: Честне́йшую херувим: и покло́ны.

Пёснь 9

Ирмо́с: Па́че естества́ Ма́терь, и по естеству́ Де́ву, еди́ну в жена́х благослове́нную пёсньми ве́рнии Богороди́цу велича́ем.

Се́ суд прибли́жается, и осужде́нию дела́ имёя, са́м отчаява́юся: пра́ведный суди́е Христе́ Бо́же, не осуди́ мене́.

Я́коже ве́рная ханане́а, поми́луй мя, вопию́ Ти: я́коже погорбле́нную дре́вле исправи́ мя, е́же ступати́ пра́во к сте́зям Твои́м, Человеколю́бче.

Мученичен: Совлекóстеся вся́кия с риза́ми зло́бы, и одея́ньми зельных муче́ний, сла́вы оде́жду себе́ страда́льцы исходатаи́сте.

Мученичен: Божество́нна страна́ живу́щих, Сио́н вы́шний гра́д, перво́родныя вас при́ят, осия́ваемых добро́тами по́двиг, страда́льцы.

Богородичен: Просвети́тельными луча́ми возсия́вшаго сло́ва из Тебе́, Де́во Чи́стая, озари́ мя, грехов и страсте́й во тьме́ покрыва́ема.

И́н Ирмо́с: Всепе́тая небе́с превы́шшая, безнача́льное Сло́во безсе́менно заче́ншая, и вопло́щеннаго Бо́га ро́ждшая челове́ком: те́м Тя вси́ велича́ем.

Сия́ньми бо́гонача́льнаго светолити́я наслажда́ющеся вси́ ли́цы

а́нгельстии, препросла́вленнаго Бо́га непреста́нно воспева́ют, и сла́вят при́сно велича́юще. [Два́жды.]

Изба́витися мнѣ страсте́й обдержа́ния, о херуві́ми и серафі́ми, сі́лы, вла́сти, а́нгели, архангели, нача́ла же и престо́ли, и господьства, Христа́ молите прилежно.

Богоро́дичен: Я́ко Ма́ти ны́не к Сы́ну Твоему́, Богоро́дице, дерзнове́ние иму́щи, любóвию пою́щих Тя изба́ви от прегреше́ний лю́тых, и неду́гов, и бе́д, Всесвята́я: да вси́ Тя при́сно велича́ем.

Та́же, досто́йно е́сть: и поклóн. Ектениа́, и свети́лен, и псалмы́ обы́чныя.

На стихо́вне стихи́ры покая́нны, глас 7:

Я́ко непло́дную смоко́вницу, не посе́цы мене́, Спа́се, гре́шнаго, но на мно́гая ле́та пождание ми да́руй, напая́я ду́шу мою́ слеза́ми покая́ния, да пло́д принесу́ Ти ми́лостыни.

Сти́х: Испол́нихомся за́втра ми́лости Твоея́, Го́споди, и возра́довахомся, и возвесели́хомся: во вся́ дни на́ша возвесели́хомся, за дни́, в ня́же смири́л ны еси́, ле́та, в ня́же видехом злая́. и при́зри на рабы́ Твоя́ и на дела́ Твоя́, и наста́ви сы́ны их.

Я́ко Со́лнце сый пра́ведное, просвети́ сердца́ пою́щих Тя: Го́споди, сла́ва Тебе́.

Сти́х: И бу́ди све́тлость Го́спода Бо́га на́шего на нас, и дела́ ру́к на́ших исправи на нас, и де́ло ру́к на́ших исправи.

Па́мять святы́х твои́х страсотерпе́ц пра́зднующе, Тя по́йм: Го́споди, сла́ва Тебе́.

Сла́ва, и ны́не, Богоро́дичен: Умири́ моли́твами Богоро́дицы жи́знь на́шу, вопию́щих Ти́: ми́лостиве Го́споди, сла́ва Тебе́.

Та́же, Благо е́сть: Трисвято́е. По О́тче наш: тропари́. Ектениа́, и ча́с пе́рвый, и отпу́ст.

В понедельник блаженны, глас 7:

Красен бѣ и добр в снѣдь, иже менѣ умертвѣвый плод: Христосъ есть древо животное, от Негоже ядый не умираю, но вопию с разбойником: помяни мя, Господи, во Царствии Твоем.

Стих: Блажени изгнани правды ради, яко техъ есть Царство Небесное.

Яко верная хананеа зову в болезни сердца моего: помилуй мя, Спасе, яко благ: ибо душу имамъ бедствующую всякими козными вражими, и обуреваему присно.

Стих: Блажени есте, егда поносятъ вамъ, и изженутъ, и рекутъ всякъ золъ глаголъ на вы лжуще Мене ради.

Херувими, и серафими, и престолы, начала и силы, присно архангели, ангеловъ воинства, и господствія, и премудрыхъ властей собори, Тебѣ славятъ, благодѣтелю Господи.

Стих: Радуйтесь и веселитесь, яко мзда ваша многа на Небесехъ.

Вражия лукавая возношения, к Богу возвышаеми низвергоша совершенно страдальцы: и победители явльшеся, в радости ныне на небесехъ живутъ, славою нетленною блистающе.

Слава: Троице Нераздельная, Единица Единоестественно, Триличное существо, покланяемъ Ти с вышними силами: Отче, и Сыне, и Душе Святыи, единому Божеству, Единой Силе: Единъ Богъ, Троица Единосущная.

И ныне: Слатьми осквернихся житейскими, к Тебѣ нескверней прибегахъ, Дево: порока всякаго и согрешений избави всеокаянную мою душу, яко да ублажаю Тя Присноблаженную.

В понедельник вечера

на Господи, возвах, стихиры покаянны. Глас 7.

Подобен: Днесь бдит Иуда:

Стих: Аще беззакония назриши, Господи, Господи, кто постоит? Яко у тебе очищение есть.

Владыко и Боже Всещедрый, имиже вси судьбами, даждь ми в сердце Твой страх имети, даждь ми гнушати деяний лукаваго, даждь ми любити Тя от всея души моея, и творити волю Твою спасительную. Ты бо еси Бог наш, рекый: просите, и примете.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Бых убо бесом смех, человеком же уничижение, праведным рыдание, и Ангелом плачь, скверна воздуху, и земли и водам: тело бо окалях, душу и ум оскверних безчисленными деяньми, и враг Божий бых. Увы мне, Господи! Согреших Ти, согреших, прости мя.

Стих: От стражи утренния до нощи, от стражи утренния да уповает Израиль на Господа.

Молюся Ти, о мне неплоднем долготерпи, Владыко: и не посецы мене яко неплодное древо посечением смертным, во огонь отсылая, но плодоносна мя сотвори умолен буди, время покаяния ми дая яко Человеколюбец: яко да отмыю, Спасе мой Христе, моя многи грехи.

Таже минеи стихиры, святому. Слава, святому. И ныне, Богородичен гласа. Аще ли несть минеи: ины стихиры святому и великому пророку Иоанну Предтечи, глас 7:

Стих: Яко у Господа милость, и многое у него избавление, и той избавит Израиля от всех беззаконий его.

В пустыни живый непорочно житие, грехами опустевший ум мой обнови, Предтече.

Стих: Хвалите Господа вси языцы, похвалите Его вси людие.

Горлицу Тя, Пророче, краснейшую разумевше славим, провозвещающую сущым в мире Божественную весну.

Стих: Яко утвердися милость Его на нас, и истина Господня пребывает во век.

Предстателю живота моего, души моея хранителю, Божественный Предтече, от человеческого языка лстива избави мя раба Твоего.

Слава, и ныне, Богородичен: В мятежи обуреваема мя лени, в пристанище благоутишное спасения направи, Владычице.

Таже, Свѣте тихий: Прокимен дне. И Сподоби, Господи, в вечер сей:

На стиховне стихиры покаянны, глас 7:

Яко блудный сын приидох аз, Щедре, прими мя припадающаго, яко единого от наемник Твоих Боже, и помилуй мя, Человеколюбче.

Стих: К Тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Яко впадый в разбойники и уязвлен, тако и аз впадох от многих грехов, и уязвлена ми есть душа: к кому прибегну повинный аз, токмо к Тебе благоутробному душам Врачу? Излей на мя, Боже, великую Твою милость.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Святїи мученицы иже добре страдавше и венчавшеся, молитесь ко Господу, спаситися душам нашим.

Слава, и ныне, Богородичен: Радуйся, солнца облаче мысленнаго и неизреченнаго Владычице: радуйся, всесветлая свеще: радуйся, свещнице всезлатый: Тобою, Пресвятая, Ева избавися от клятвы. Но яко имущи дерзновение ко благопремённому Сыну Твоему и Богу, матернею Твоею молитвою, не оскудей молитися, Пречистая.

Таже, Ныне отпускаеши: Трисвятое. **По** Отче наш: **тропарь, ектения, и отпуст.**

В понеде́льник на повече́рии

канон моле́бный пресвяте́й Богоро́дице. Гла́с 7.

Пе́снь 1

Ирмо́с: Сокруши́вшему бра́ни мы́шцею Своёю, и вса́дники триста́ты погрузи́вшему, поим Е́му, яко Иза́вителю на́шему Бо́гу, яко прослави́ся.

Тя ви́новну на́шего спасе́ния, и Боже́ственного изба́вления мо́лим, Пре́чистая: моли́ся е́же спасты́ся нам.

Ве́сь е́смь в лю́тых напáстех, в беда́х и прегреше́ниях, вопи́ю Ти, Пре́чистая: спаси́ мя, раба́ Твоего́.

Слава: Тя, Де́ву Чи́стую мо́лим, и Ма́терь Жи́ждителя: от вся́кого озлобле́ния бесо́в изба́ви на́с.

И ны́не: Я́же Сло́во плоти́ю ро́ждши па́че сло́ва, Нача́льника жи́зни Христа́ Бо́га на́шего, моли́ спасты́ся нам.

Пе́снь 3

Ирмо́с: У тверди́ся ве́рою Христо́ва Це́рковь, и́бо непреста́нно пе́сньми вопи́ет пою́щи: свят еси́ Го́споди, и Тя поёт ду́х мой.

Всепа́губныя зло́бы шествова́в стезю́, не обрето́х пу́ти спасе́ния моего́: к нему́же мя Ты наста́ви, Пренепоро́чная Влады́чице.

Кре́пость, и утвержде́ние, и по́мощь, и наде́жду Ты Еди́ну напи́сую, Всенепоро́чная: Ты́ ми бу́ди засту́пница в де́нь исхо́да.

Слава: Всегда́ Тя, Пренепоро́чная, молю́: в ча́с сме́рти моея́ предста́ни, и му́ки изба́ви раба́ Твоего́.

И ны́не: Роди́лся еси́ от Де́вы несказа́нно, яви́лся еси́, я́коже изво́лил еси́ Спа́се на́ш, и ми́р обновил еси́, Го́споди.

Пе́снь 4

Ирмо́с: Услы́шах слух Тво́й, и убо́ялся, разуме́х дела́ Твоя́ и ужасо́хся, Го́споди.

Пове́ления моего́ Влады́ки престу́пль, враго́м яви́хся удо́бь одержи́мь: Ты́ мя изба́ви, Влады́чице.

В ча́с сме́рти изба́ви, Пре́чистая, и спаси́ ду́шу мою́ стра́стную от бесо́в.

Слава: Разреши́, Пре́чистая Влады́чице, соу́зы прегреше́ний мои́х, и к Животу́ ве́чному бу́ди ми́ ходатаи́ца моли́твами Твоими́.

И ны́не: Воспева́ем Тя, по Рожде́стве па́ки Де́ву, и прославля́ем Тя, Пре́чистая, яко Ма́терь Бо́га на́шего.

Пе́снь 5

Ирмо́с: У́треннюю́ще, Сло́ве, в сла́ву Твою́ и хвалу́, восхваля́ем

непреста́нно о́браз Креста́ Твоего́, е́гоже да́л еси́ нам ору́жие в по́мощь,

Приста́нище в бу́ри лю́те смуща́емым, спасения́ д́вери ве́роу спаса́емым, Де́во Благая́, спаси́ мя раба́ Твоего́.

Мно́гия щедро́ты Твоя́, Де́во Богоро́дице, на мнѐ рабе́ Твое́м яви́ бога́тно, избавля́ющи мя стра́шнаго и бу́дущаго суда́.

Сла́ва: Но́щь страсте́й непостоя́нна соде́ржит ду́шу мою́, и к па́губней про́пасти отсыла́ет: све́том моли́твы Твоея́, Богоро́дице, спаси́ мя раба́ Твоего́.

И ны́не: Пресвята́я Де́во Обра́дованная, ро́ждшая Сло́во в ле́то па́че слова́, моли́ Его́ спасти́ ду́шы наша́.

Пѣснь 6

Ирмо́с: Ио́на из чре́ва а́дова вопи́аше: возведи́ от тли́ живо́т мой. Мы́ же Тебе́ вопие́м: всеси́льне Спа́се: помилуй́ нас.

В на́пастех заступни́цу Тя има́мы твёрду, в ско́рбех крёпкое спасе́ние, поко́й в печа́лех, в беда́х по́мощь, Присноде́во.

Ты́ ми храните́льница жи́зни все́й яви́ся, Пречи́стая: Ты́ мя изба́ви от бесо́в в ча́с сме́рти, Ты́ и по сме́рти упоко́й.

Сла́ва: Добро́та честных́ святы́х а́нгел, ра́дование челове́ков все́х, Ты́ еси́, Богоро́дице Де́во: Ты́ мя к живо́ту наста́ви.

И ны́не: Исцели́, Пренепоро́чная, окаянну́ю ду́шу мою́, неисце́льно боля́щую житейскими́ преле́стями, и мно́гих д́верей затворе́ньми.

Таже, Го́споди, помилуй, три́жды. Сла́ва, и ны́не:

Седа́лен, гла́с 7:

За ми́лосе́рдие ми́лости Твоея́, Христе́ Бо́же, от Де́вы Святы́я воплоти́тися изво́лил еси́: Ея́же ра́ди соблюди́ жи́знь нашу́, я́ко Человеколю́бец.

Пѣснь 7

Ирмо́с: Пе́щь горя́щую ороси́л еси́, Спа́се, о́троки спа́сл еси́ пою́щия и глаго́лющия: благослове́н еси́ во ве́ки, Го́споди Бо́же оте́ц наших́.

Мно́жество прегреше́ний моих́ прие́мля во ум, во отча́янии быва́ю, Де́во Пренепоро́чная. Те́мже Ти́ зову́: помози́ ми, да не до конца́ поги́бну.

Жи́зни су́щую Ма́терь Тя, Чи́стая, ве́дый, зову́ Ти: сме́рти ду́шевныя изба́ви мя, и ве́чныя жи́зни сподо́би.

Сла́ва: Изба́ви, Пренепоро́чная, от бе́д, и страсте́й, и боле́зней, и озлобле́ния, и жития́ согрешений, и от ве́чнаго огня́ негасима́го, ве́рно чту́щия Тя пѣсньми.

И ны́не: Вся́к язы́к сла́вит Тя́, Чи́стая, сла́ву су́щую и похвалу́ ро́да нашего́, и наста́вницу заблуждших, Богоро́дице Препета́я.

Пѣснь 8

Ирмос: Страшнаго херувимом, и Чуднаго серафимом, и миру Творца, священницы и раби, и души праведных пойте, благословите и превозносите Его во веки.

Все житие мое иждих в лености аз преокаянный, и ныне недоумеюся, и к концу приближися, помози ми, Владычице.

Грешников прибежище, низверженных исправление, Ты еси, Владычице: сего ради притекаю к покрову Твоему, спаси мя.

Слава: Неусыпну молитву яко имущи, Всенепорочная Владычице мира, суда избави будущаго, верою чтущья образ Твой.

И ныне: Поет Тя всяк язык славяй, Бога бо Препетаго родила еси, Дево Богоневесто: Егоже моли непрестанно спасти души поющих Тя.

Песнь 9

Ирмос: Паче естества Матерь, и естеству Деву, Едину в женах благословенную, песнями вернии Богородицу величаем.

Под Твое милосердие прибегающи верою избавляются скорбных бед жития. Темже и аз к Твоему покрову прибегах, Богородице.

Крепкая заступнице, непобедимая стена печальных, Чистая, спаси мя от страстей грехов, и огня вечнующаго.

Слава: Светлыми сияньми возсиявшаго Слова от Тебе, Дево Чистая, озари мя, и спаси яко Благая, и от мук исхити.

И ныне: Ношиши Носящаго всяческая святыми руками Твоими: Егоже моли, Чистая, чуждаго злодейства неодолимых нас спасти.

Таже, Достойно есть: и поклон. Трисвятое. По Отче наш: тропари, и прочее обычно, и отпуст.

Вторник

Во вто́рник у́тра

по 1-м стихослoвii седа́льны покая́нны, глас 7:

Иму́щи, душе́ моя, врачевство́ покая́ния, приступи́ припада́ющи и воздыханием вопи́ющи: Врачу́ ду́ш же и телес, свободи́ мя, Человеколю́бче, от мно́гих моих согрешений, сопричти́ мя блудни́це и разбо́йнику, и мытарю́: и да́руй ми, Бо́же, беззако́ний моих прощение́ и спаси́ мя.

Стих: Госпо́ди, да не я́ростию Твоею́ обличи́ши мене́, ниже́ гне́вом Твои́м нака́жеши мене́.

И́же Петро́во отверже́ние слеза́ми очи́стив, и мытарё́ва согрешения́ воздыханием прости́в, Человеколю́бче Госпо́ди, поми́луй мя.

Сла́ва, и ны́не, Богоро́дичен: Ра́дуйся, невместима́го в Небесе́х, вместивша́я во утробе́ Твоей: ра́дуйся, Де́во, проро́ков пропове́дание, е́юже возсия́ Еммануи́л: ра́дуйся, Мати́ Христа́ Бо́га.

По 2-м стихослoвii, седа́льны, глас 7:

Мытарё́ву покая́нию не поревнова́х, и блудни́цы слез не стяжа́х: отчая́юся бо от недоуме́ния тако́ваго исправле́ния. Но Твои́м благоутро́бием спаси́ мя, Бо́же, я́ко Человеколю́бец.

Стих: Госпо́ди, да не я́ростию Твоею́ обличи́ши мене́, ниже́ гне́вом Твои́м нака́жеши мене́.

И́же блудни́цы слезы́, и Петро́а прие́мый, и мытаря́ оправда́вый из глубины́ воздохну́вша: и мене́ отчая́ннаго от де́л уще́дри, Спасе́, и спаси́ мя.

Стих: Дивен Бо́г во святы́х Свои́х, Бо́г Израи́лев.

Му́ченичен: Святи́и Твои́, Госпо́ди, на земли́ подви́гшеся, врага́ попра́ша, и ле́сть идо́льскую упраздни́ша: те́мже и венцы́ от Тебе́ прия́ша человеколю́бца Влады́ки и милостива́го Бо́га, подаю́щаго ми́рови ве́лию ми́лость.

Сла́ва, и ны́не, Богоро́дичен: Превозшла́ еси́ си́лы небесны́я, зане́ хра́м показа́лася еси́ Боже́ственный, благослове́нная Богоро́дице, я́ко ро́ждшая Христа́ Спа́са ду́ш наших.

По 3-м стихослoвii седа́лен, глас 7:

Подобен: Пло́д чре́ва Твоего́:

Я́ко блудни́ца припада́ю Ти́, Человеколю́бче, а́ще и слеза́ми ве́сь недоуме́юся ко умилению́: моли́твами Предте́чи я́ко о́ну умили́ ми́лостиве, и спаси́ мя.

Госпо́ди, скве́рну ду́ши моея́, ми́лости Твоея́ иссо́пом, уми́лостивлься я́ко бла́г омый, Спасе́, и очи́стив от скве́рны тиме́ния страсте́й, поми́луй

мя, Владыко, спаси создание Твое мольбами Предтечи Твоего, Едине Многомилостиве.

Слава, и ныне, Богородичен: Предстательнице теплая и заступнице христиан еси, Богородице Всепетая: темже с Предтечею, Сына Твоего моли обрести нам милость.

Канон покаянен ко Господу нашему Иисусу Христу, и святым Его мучеником. Творение Иосифово, глас 7:

Песнь 1

Ирмос: Сокрушившему брани мышцею Своею, и всадники тристаты погрузившему, поим Ему, яко Избавителю нашему Богу, яко прославися.

Всегда согрешаю, и не боюсь, Тебе, Христе, долготерпением ищущаго моего покаяния: даждь ми помысл обращения яко благ, и не презри мене.

Грехи ко грехом прилагаяй, Христе, присно никакоже престаю аз окаянный, Едине Блаже безгрешне, ущедр и спаси мя.

Мученичен: Дерзостне доблии приглашаху страдальцы: сие тризнице исполнено подвигов: тецем, председит Христос подвигоположник, венчавая победители врага.

Мученичен: Совлекостесь тела многообразными ранами, и нетления ризою одеястесь мученицы мудрии и Отца щедрот сынове бысте.

Богородичен: Многими грехи озлобленную душу мою, Богородительнице Дево, исцели: яко да во гласех благодарения, прилежно всегда славлю Тя.

Другий канон честному и великому Пророку Иоанну Предтечи. Творение Иосифово. Глас 7:

Ирмос: Манием Твоим на земный образ преложися, прежде удоборазливаемое водное естество, Господи: темже немокренно пешествовав Израиль, поет Тебе песнь победную.

Красота церковная, украшен явился еси блаженне Предтече: юже всегда молитвами твоими спасай от всякия бури еретичествующих, крепку и непоколебиму.

Непорочная священная жертва Творцу принеслся еси, заклан был еси Божественный Предтече, яко агнец незлобив. Темже верою тя молю: всякия мя злобы вражия избави.

Исцели телесныя и душевныя наша болезни, приснославный Предтече, моля всегда Слова, всех недуги и болезни благоутробне вземшаго.

Богородичен: Родила еси Всесвятая непостижимое Слово, плотию по ипостаси нам приобщившагося: Того всегда моли, спасти верою Тебе присно блажащя.

Пѣснь 3

Ирмос: Небеса утвердивый словом, и земное основание укрепивый на водах многих, утверди мой ум, в волю Твою, Человеколюбче.

Иже презираяй человеков грехи, многога ради, Христе, человеколюбия, презри, Едине Спасе, многая моя злая: да Тя славлю, Преплагаго.

Да плотская хотения сотворю, Твоя хотения, Христе, презрев бесовственный, и боюся пламеннаго томления, Слове, от негоже мя избави.

Мученичен: Телесным болезнем приобщающесе страдальцы, на неболезненную взираху жизнь и ослабу: юже улучивше в радости, верным болезни присно облегчают.

Мученичен: Зарями подвигов страстности прелести лютую ночь разрушите, и к невечернему свету преидете, наших болезней тьму присно отемлюще.

Богородичен: Дверь Божию провиде Тя пророк, еюже сам пройде един, якоже весть, Дево Пречистая. Темже молюся Ти, покаяния двери Сама ми отверзи.

Ин Ирмос: В начале небеса, всеильным Словом Твоим утверждей, Господи Спасе, и вседетельным и Божиим Духом, всю силу их, на недвижимем мя камени исповедания Твоего утверди.

Солнцелучными молниями всю просвещаеши тварь: солнца бо умнаго звезда светлая явился еси, Предтече. Егоже моли прилежно страстей тьму отгнати от всеболезненных сердец наших.

Закона и благодати посреде стоя Божественный пророче, объявляеши всем яве, овому убо престатие, овей же просияние бывающее чисто: обновление совершенно обетшавшым грехи.

Бесовскаго нашествия, от соблазн житейских, и от всякия скорби нас избави, вопием, Христов Крестителю, моля Преплагаго, и в день судный мучений свободы.

Богородичен: Благословенная яже Бога несказанно рождши, с Божественным его Крестителем, моли, Чистая, непрестанно, Владычице, о нас, в напасти впадающих житейския, и содержимых грехи.

Пѣснь 4

Ирмос: Плотское пришествие Твое, Христе, уверяя пророк Аввакум зываше: слава силе Твоей, Господи.

Устранихся от пути, к жизни ведущаго мя, и в ров злых впадох: Спасе, не презри мене.

Слезныя ми токи низпосли, Владыко Слове Божий: да отмью многих согрешений моих тмения.

Мученичен: Приводими яко Агнцы к заколению мученицы, борителя врага закалаху, славы сподобляеми.

Мученичен: Изливаемя кровей токи прехвальнии, потоки сладостныя уготоваша всем восприятие, Божественнии мученицы.

Богородичен: Воплотися от кровей Твоих чистых Господь, покаяние человеком даруя всем, Отроковице, ходатайством твоим.

Ин Ирмос: Отча недра не оставль, и сошед на землю, Христе Боже, тайну услышах смотрения Твоего, и прославих Тя, Едине Человеколюбче.

Низложив полк враждебных, и доблествовав на них светлостию Крестителю, во мне царствующий грех низложи, молюся Ти, молитвами Твоими.

Светильник явлься блаженне мысленный, показал еси человеком Иисуса, праведное великое Солнце, имже озаритися сердцам всех, молися.

В беззакониих заченся и родився, живу в лености, и боюся тамошних мучений: от нихже мя исхити, Крестителю, Бога умолив.

Моления о нас тебе чтущих, Крестителю, Богу принеси: яко да избавит нас всякаго лютаго обстояния, и бесовскаго вреда, молимся.

Богородичен: Закона сени, Тебе многовидно проявиша рождшую Бога: егоже моли, Всенепорочная, всякаго мя беззакония и страстей телесных избавити.

Песнь 5

Ирмос: Разгнавый ношь страстную, возсияй ми свет умный, началородную тьму отгнав бездны, и первозданный свет возсиявый миру, Содетелю всех.

Избави мя, Слове, праведнаго Твоего гнева, егда судиши земли: и от многих согрешений покаянием очищ, храм мя покажи Твоея благодати, Едине Содетелю всех.

От зельных мглы страстей ослепихся умом, и не вем, что делаю, онечувствився сердцем: обрати мя, Христе, и покаяние ми даруй очистительное скверн.

Мученичен: Тризнице исполнено потов, страдальцы текше юношески, к небесней светлости достигосте, победныя почести от живоначальные руки приемше: темже радуетесь ныне.

Мученичен: Крепкими жилами священных болезней ваших, страдальцы, удаviste воистинну началозлобнаго змия, и райския сладости сподобистесь: темже восхваляем вас.

Богородичен: Яже солнца облаче светлый, возсияй ми свет мысленный истиннаго покаяния, и отжени тьму лукавых помышлений: да верю пою Тя, яко спасение верных.

Ін Ирмос: Господи Боже мой, от но́щи у́треневав Тебе́ молю́ся: подаждь ми оставле́ние прегреше́ний моих, и к све́ту Твои́х повеле́ний пу́ти моя́ напра́ви, молю́ся.

Прозя́бл еси́ гла́с вопи́ющаго в пу́стых, Прему́дре, по́мыслех Бо́жия познания. Те́мже молю́ Тя: ду́шу мою́ опустевшу́ю всякими́ преступле́нями, обнові́.

Честный́ Влады́ки сосу́д показале́ся еси́ Боже́ственный Проро́че, нечи́стых дея́ний изба́ви мя моли́твами твои́ми: и че́сти получи́ти вечны́я благоде́теля умоли́.

Приближи́шася беззако́ния на мя́ вхо́дом ле́ности: о́бразы́ пока́яния мя́, блаже́нне Предте́че, лу́чша сотвори́, яко́ да усер́дно пу́ти Господни́ шествую́.

Богородичен: Умертви́ плоти́ моея́ земна́я мудрова́ния, Богороди́це, жи́знь ро́ждшая, сме́ртию сме́рть до конца́ Боже́ственною си́лою, Пресвята́я Чистая, потре́бльшую.

Песнь 6

Ирмос: Во глубину́ грехо́вную впа́дся, Блаже́, яко́ Иона́ от кита́ вопи́ю Ти: возведи́ от тли́ живот мой, и спаси́ мя, Человеколю́бче.

Но́в блудни́к яви́хся, скве́рно жи́в на земли́, и сла́стным стре́млением подклони́хся: обрати́ мя, Христе́ Боже́ мой, и спаси́ мя́ яко́ Человеколю́бец.

Возстени́, о ду́ше моя́, да изба́виши́ся стена́ния: прослезы́ся, яко́ да слез́ непреста́нных не при́ймеша иску́са та́мо в болезни́, ни еди́ныя же иму́щих по́льзы.

Мученичен: Яви́стеся́ яко́же ка́мение, в венце́ я́ве Христо́вы це́ркве водруже́ны: и украше́ние тоя́ ле́потное бы́сте, честный́ великомуче́ницы.

Мученичен: Кончи́ны в Бо́зе досто́йныя улу́чивше, премудри́и, безконече́нная насле́дствуете мздовозда́ния. Те́мже кончи́нам на́шим в пока́янии бы́ти, муче́ницы, моли́теся.

Богородичен: Из глубины́ мя́ ле́ности безме́рных зо́л возведи́, Благо́я, я́же бездну́ благоутро́бия ро́ждши, исто́чник ми́ слез́, Присноде́во, да́руй.

Ін Ирмос: Иона́ из чре́ва а́дова вопи́яше: возведи́ от тли́ живот мой. Мы́ же Тебе́ вопие́м: все́ильне Спа́се, поми́луй на́с.

Лу́чами добродете́лей я́ве облиста́я, и светоза́рным муче́нием сия́я, просвеща́еши всю́ тварь, ума́наго Восто́ка дру́же бли́жний.

Прозя́бл еси́ от стари́цы непло́дныя, блаже́нне: те́мже вопи́ю Ти: греха́ми мно́гими мя́ состаре́вшася, пока́яния до́бротами обнові́, моли́твами Твои́ми.

Свети́льниче́ све́та невече́рняго Боже́ственный Проро́че, свети́льник се́рдца моего́ угасши́й возжзи́ моли́твами Твои́ми, и све́та прича́стника́ мя́

Божественнаго сотвори.

Богородичен: Яко дождь во чрево Твое Слово сниде: егоже моли, Пречистая Дево, течения изсушити безмерных моих зол, молюся Ти.

Песнь 7

Ирмос: Сущым в пещи отроком Твоим, Спасе, не прикоснуса, ниже стужи огонь. Тогда трие яко единеми усты пояху, и благословляху глаголюще: благословен еси Боже отец наших.

В страсти безчестия впадох, скотом, Спасе, уподобихся, и омрачився не вижду ждания Твоего слова, долготерпеливнаго: обращения ми время даруй. И спаси мя.

В лености житие мое скончах, дея яже не леть есть творити, и се ныне прочее ко вратом приближаюся адовым, не приемля чувства: не презри мя, Христе, иже един сый благ.

Мученичен: Вожделевше жизни вечныя мируи умертвистеся, премудрии: и врага умертвивше конечно, к небесем возлетесте, о нас страдальцы присно молящесе.

Мученичен: Разрешившесе от нужд телесных, разрешисте прелести узы, и ко Христу крепкою любовию мученицы души привязасте, связавшемуся плотию, и разрушившему клятву.

Богородичен: Свиток нов пророк Тебе предвидев, в немже написася слово Отчее. Темже, Чистая, молюся: в книзе мне живых написатися моли, многих моих зол разоряющи написание.

Ин Ирмос: Пещь отроцы огнепальну древле росоточашу показаша, единого Бога воспевающе и глаголюще: превозносимый отец Бог и препрославлен.

Даруй ми тучи слез молитвами Твоими: иже благоутробия бездну речными струями измывый, Предтече, и всего мя очисти скверны, плоти же и духа.

Мольбу принеси, блаженне, над всеми Богу нашему, яко да и мене помилует яко благоутробен, много согрешающаго, и возникновения ныне не имущаго.

Неплодная душе, потщися покаяться, да не яко смоковницу Тя неплодную Божественный суд посечет из корене, Владыце возопий: Боже, очистив спаси мя.

Умерщвлену душу мою имей злыми преступленьми, Тя умертвившую ад рождеством Твоим, молю Владычице, покаяния мя образы оживи.

Песнь 8

Ирмос: Ангельми немолчно в вышних славиамаго Бога, небеса небес,

земля и горы и холмы, и глубина, и весь род человеческий, песнями того яко Создателя и Избавителя благословите.

Преизъобильно насладився вредящих сластей, умовредно несмысленный аз, преидох всякаго грешника: имей благоутробия премножество, подаждь ми очищение прегрешений.

Ныне при дверех Жених, свещу украси, душе, елеем напоюще сию милосердия, и всякими добрыми делы: прежде даже не затворится дверь, потщися со Христом внити в радости неизреченной.

Мученичен: Не боящися мук, доблии вопияху страдальцы: се благоприятно время, станем вси твердым умом: стяжим малыми болезнями жизнь неболезненную, и сладость нестаряющуюся.

Мученичен: Водами Божественными страстотерпцы Спасовы наводняеми присно, напоете всю землю подражанием подвигов ваших: и плодоносну сию добродетельми соделоваете о Христе во веки.

Богородичен: Богородице, известное предстательство, и надежда христиан, в день страшный предстани ми прегрешившему много: и избави геенны страшныя, овцам мя десным сочетавающи.

Ин Ирмос: Единого безначальнаго Царя Славы, егоже благословят небесныя силы, и трепещут чини ангельстии, пойте священницы, людие превозносите его во веки.

Уз разрешити ми ся многих моих прегрешений, связана бывша, и связанным разрешенное подавшаго, моля, Пророче, Единого Избавителя, да не престаеши во веки, присно Тя славящаго.

Уязвяхся, Предтече, сластей оружием, и в болезни сердца тебе зываю: уврачуй души моея болезни, Христа моля, единого Врача душ же и телес.

Рукою Твоею, Предтече, Егоже крестил еси Слова, не оскудей молити непрестанно, избавити мя от руки греховныя, согрешившаго много, и смиреннаго и осужденнаго.

Яко погребох в земли безумно талант, иже ми от Бога вверен бысть, ожидаю горькаго томления: от негоже, Крестителю, исхити мя молитвами Твоими, верно молю Тя.

Богородичен: Пребыла еси неопалима, приемши во утробе огнь нестерпимый, Дево: темже исхити мя от огня негасимаго, орошаючи мя ныне, приснаго покаяния предобрыми образы.

Таже, песнь Богородицы: Величит душа моя Господа: **поклоны.**

Песнь 9

Ирмос: Безсеменнаго Рождества зачатие кто скажет от человек? нетленнаго Рождества рождению кто не почудится от земнородных? тем

Тя племена́ земная́, Богородице, велича́ем.

Да насле́дим бу́дущая́ благая́, воспла́чем, воздохне́м, умо́лим Христа́, донде́же вре́мя има́мы ве́рнии, пока́яния и моле́ния.

Яко ханане́а зову́ Ти: поми́луй мя́, Христе́, яко́же дре́вле ни́чащую исправи́ мя, Иису́се: и спаси́ мя, Спа́се, яко́ Петра́, грехи́ погружа́емаго.

Му́ченичен: Стесня́еми скорбь́ми, темница́ми же и муче́ньми, страстоно́сцы му́ченицы, к пространству́ утеше́ния преидо́ша, от тесноты́ и от прегреше́ний нас изба́вляють.

Му́ченичен: Земля́ убо покры́ ва́ша телеса́ ны́не, не́бо же держи́т святы́я ду́хи: присно́ престолу́ предсто́яще сла́вы, со А́нгелы ра́дуются.

Богороди́чен: Обле́кся в мя́ Госпо́дь, из Тебе́ про́йде, Пречи́стая: Того́ убо моли́, оде́жду мя́ просвети́ти све́та, Де́во, совле́кшаго мя́ ны́не страсте́й вре́тища́ тяжча́йшаго.

И́н Ирмо́с: Нетле́ния искуше́нием ро́ждшая, и всехитре́цу сло́ву плоть́ взаимоотно́вавшая, Ма́ти неискусому́жная Де́во Богороди́це: приятели́ще нестерпи́маго. Село́ невместима́го Зижди́теля Твоего́, Тя велича́ем.

От свяще́ннаго ко́рене, Проро́че, прозя́бл еси́, и зло́бное ко́рение все́ истор́гл еси́, ими́же спода́вляема́ и непотре́бна́ быва́ема посети́ мя, блаже́нне, и Боже́ственнаго пока́яния прозяба́ти пло́ды упра́ви мя́.

Красне́йшую го́рлицу, и сла́вия́ Тя це́рковь познава́ет, вели́кий Предте́че: пока́яния бо провозгласи́л еси́ пе́снь ду́шам запу́стевшим, и злы́ми олядене́вшим. Те́мже ве́рою тя ублажа́ем.

Ты́ пу́ти веду́щыя ко спаси́тельным вхо́дом все́м показа́л еси́, сла́вный Предте́че: ими́же ходи́ти мя́ укрепи́, все́ми жити́я безпу́тии блудя́щаго, преле́стию же зло́бу соде́лавшаго.

Стра́шный при двере́х де́нь прибли́жися, и осужде́ния де́ла имы́й, рыдаю́: Госпо́ди, Госпо́ди, Еди́не Милостиве́, моли́твами Твоего́ Предте́чи, и все́х святы́х, неосужде́нна то́гда покажи́ мя́.

Богороди́чен: Све́т ро́ждшая́ Боже́ственный бо́гоблагода́тная, омраче́нную преступле́ньми ду́шу мою́ просвети́, молю́ся, и тьмы́ ве́чныя свобо́дна мя́ покажи́: яко́ да велича́ю́ Тя и сла́влю́ Присноблаже́нную.

Та́же, Досто́йно е́сть: и покло́н. Ектениа́, и свети́лен, и псалмы́ обы́чныя.

На стихо́вне стихи́ры пока́янны, глас 7:

Яко́ непло́дную смоко́вницу́ не посе́цы мене́, Спа́се, гре́шнаго: но на мно́га ле́та про́щение ми́ да́руй, напая́я ду́шу мою́ слеза́ми пока́яния, да пло́д прине́су Ти милосты́ни.

Сти́х: Испол́нихомся за́втра ми́лости Твоея́, Госпо́ди, и возра́довахомся, и возвесели́хомся: во вся́ дни на́ша возвесели́хомся: за

дни, в няже смирил ны еси, лета, в няже видехом злая. И призри на рабы Твоя, и на дела Твоя, и настави сыны их.

Яко солнце сый праведное, просвети сердца поющих Тя: Господи, слава Тебе.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Посреде судища законопреступных радуящися вопияху страстности Твои: Господи, слава Тебе.

Слава, и ныне, Богородичен: Свет, Христе, прозябл еси от Девы, и просветил еси род человеческий: Господи, слава Тебе.

Таже, Благо есть: Трисвятое. **По** Отче наш: **тропарь, ектения, и час 1-й, и отпуст.**

Во вто́рник блаже́нны, глас 7:

Красе́н бе́ и до́бр в сне́дь, и́же мене́ умертви́вый пло́д: Христо́с е́сть дре́во живо́тное, от него́же яды́и не умираю́, но вопию́ с разбо́йником: помяни́ мя, Го́споди, во Ца́рствии Твоём.

Сти́х: Блаже́ни изгнани пра́вды ра́ди, я́ко те́х е́сть Ца́рство Небе́сное.

Стру́пы моего́ се́рдца неисце́льныя, Го́споди, уврачу́й, я́ко Еди́н Вра́чь ду́ш же и теле́с: и ступа́ти ми́ пра́во всегда́ поспе́й во спаси́тельныя пу́ти.

Сти́х: Блаже́ни есте́, егда́ поно́сят ва́м, и изжену́т, и реку́т вся́к зол глаго́л, на вы́ лжу́ще Мене́ ра́ди.

Предте́кий пра́ведному со́лнцу, Христо́в Крестите́лю, свети́льник души́ моя́ угаше́нный мно́гою зло́бою, возжзи́ Божество́нными моли́твами твои́ми, я́ко да ублажа́ю Тя всегда́ спаса́емь.

Сти́х: Раду́йтесь и веселите́ся, я́ко мзда́ ва́ша мно́га на Небесе́х.

Мучени́чен: Страда́вше и венча́ни бы́вше, врага́ посра́мили есте́, и ны́не жи́тельствоете на Небесе́х, све́та непристу́пнаго исполня́еми премуд́рии мучени́цы, моля́щися о душа́х на́ших.

Слава: Уврачу́й души́ моя́ стра́сти неисце́льныя, Божество́нная Трои́це: и исхити́ мя ге́енны, и искуше́ний, я́же во еди́ном Божестве́ слави́мая благоче́стно: и вечно́ующее ми́ Ца́рство да́руй.

И ны́не: Вместила́ еси́ нетесно́мство во чре́ве невместима́го: его́же всегда́ моли́, Ма́ти Чи́стая, тесноты́ вся́кия и страсте́й наведе́ния изба́вити рабы́ Твоя́, любо́вию Тя славя́щя.

Во вто́рник ве́чера

на Го́споди, возва́х, стихи́ры крѣстны. Гласъ 7:

Подобен: Не ктому́ возбраняеми есмь:

Стих: Аще беззаконія на́зриши, Го́споди, Го́споди, кто́ постоитъ? Яко у тебе́ очище́ние е́сть.

Дре́во изгна́ мя дре́вле из ра́я, ны́не же дре́во к раю́ возведе́, Тебе́ распеншуся, Христе́.

Стих: Имене́ ра́ди Твоего́ потерпѣх Тя, Го́споди, потерпѣ душа́ моя́ в сло́во Твое́, упова́ душа́ моя́ на Го́спода.

Чудо́ страшно, создáнию како́ создáтель предсто́я, осуждае́мъ е́сть, и распинае́мъ, на спасе́ние челове́ков!

Стих: От стра́жи у́тренняя до но́щи, от стра́жи у́тренняя, да упова́ет Изра́иль на Го́спода.

Крѣсте́ Христовъ, А́нгел святы́х чудо́, диáволу же и бесо́м вели́кая язва́, спаса́й рабы́ Твоя́.

Та́же мине́и стихи́ры свято́му. Сла́ва, свято́му, аще́ има́ть: И ны́не, кресто́Богоро́дичен гласа́. Аще́ ли не́сть мине́и, ины́ стихи́ры Богоро́дицы, гласъ 7: **Подобен:** Дне́с бди́т Иуда́:

Стих: Яко́ у Го́спода милость, и мно́гое у него́ изба́вление, и то́й изба́вит Изра́иля от все́х беззаконі́й его́.

Ви́дящи простѣ́рта на дре́ве А́гнца, несквѣ́рная А́гница и Де́ва, посреде́ двою́ разбойнику, увы́ мне, вопия́ще, сладча́йшее Моё́ Чадо́! Что́ странное́ сие́, и пресла́вное та́инство? Ка́ко Тя́ беззаконный́ соборъ на Крѣстъ́ воздви́же, и же́лчию напо́и, ма́нны насы́тившаго́ челове́ки?

Стих: Хвалите́ Го́спода все́и язы́цы, похвалите́ Его́ все́и лю́дие.

Егда́ Тя́ на Крѣсте́́ пригвожде́на Де́ва и Ма́ти Твоя́ узре́, Христе́́ мой, судомъ́ законопресту́пнымъ, от иуде́й на ме́сте ло́бнемъ: увы́ Мне, вопия́ще, Сы́не Мой́ любѣ́знейший! Что́ странное́ ви́дение се́? Ка́ко Тя́ ко Крѣсту́́ пригвожда́ют де́ти неразу́мныя евре́йския, все́х Го́спода?

Стих: Яко́ утверди́ся милость́ Его́ на насъ, и и́стина Госпо́дня пребыва́ет во ве́к.

Еди́ну Тя́, Всесвята́я Влады́чице, по ро́ждестве́ позна́хом все́и Де́ву явльшу́юся, и Его́же без се́мене ро́ждши, на дре́ве ви́дящи ру́це свои́ волею́ пригвозди́вшаго, Пречи́стая плачу́щи зыва́ше: волею́, Долготерпели́ве, умираеши, изба́вляя все́х от сме́рти пою́щих Тя́.

Сла́ва, и ны́не, Кресто́Богоро́дичен: Влады́чице́ все́свята́я Де́во, ро́ждшая Го́спода, за милосе́рдие на Крѣсте́́ пригвозди́вшагося, и жизни́

струй источившаго миру, Того умоли спастися душам нашим. Тебе бо едину имама вернии прибежище, стену и заступление: темже и притекаем к покрову Твоему.

**Таже, Свете тихий: Прокимен дне. И Сподоби, Господи, в вечер сей:
На стиховне стихиры крестны, глас 7:**

Не ктому возбраняеми есмы древа животного, упование имуще Крест Твой, Господи, слава Тебе.

Стих: К Тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Повешен быв на Древе, Безсмертне, разрушил еси сети диаволи, Господи, слава Тебе.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Нерадивше о всех земных, святии мученицы, и на судищи Христа мужески проповедаваше, возмездия о муках от него приясте: но яко имуще дерзновение, Того умолите, яко всесильнаго Бога, души наша спасти, притекающих к вам, молимся.

Слава, и ныне, КрестоБогородичен: Своего Сына на Древе видящи древле, сердце Твое оружием печали уязвляше, Пречистая.

Таже, Ныне отпускаеши: Трисвятое. По Отче наш: тропарь, ектения и отпуст.

Во вто́рник на повече́рии

канон Пресвяте́й Богоро́дице. Гла́с 7:

Пе́снь 1

Ирмо́с: Ма́нием Твои́м на земны́й о́браз преложи́ся, пре́жде удоборазлива́емое водно́е естество́, Го́споди: те́мже немокренно пешешествовав Израи́ль, поёт Тебе́ пе́снь победную.

Уста́ви бу́рю сластей, и страстей мо́их, тишиною́ Божественны́я Твоея́ мо́льбы, Пренепоро́чная: я́ко да тихим се́рдцем Твое́ славосло́влю неизглаголанное Рождество́.

Все́ желание́ и сладо́сть спасе́ния Рождество́м Твои́м бы́сть, Богоро́дице Влады́чице: вся́ку го́ресть отгоня́й, е́же от страстей прегреше́ний, рабо́м Твои́м.

Сла́ва: Изба́ви мя, Пречи́стая, бесо́вския преле́сти, озлобле́ния же и вре́да, и искуше́ния: да ве́рою Тя славлю́, су́щую по Бо́зе заступни́цу и покров мо́й.

И ны́не: Яви́лся еси́ при купине́ Моисе́ю, Бо́жий Сло́ве, я́ко о́гнь попада́я, и не опаля́я же отню́д, е́же от Де́вы Рождество́ Твое́ вообража́я: Ея́же ради́ челове́ка вообразил еси́.

Пе́снь 3

Ирмо́с: В нача́ле небеса́́ все́ильным Сло́вом Твои́м утвержде́й, Го́споди Спа́се, и вседе́тельным и Бо́жиим Ду́хом, всю́ силу́ их: на недви́жимем мя́ камени́ испове́дания Твоего́ утверди́

Возне́сшаго́ся на Крест, и низло́жшаго́ а́да, Богоро́дице, Сего́ приле́жно моли́ о ве́рно пою́щих Тя́ всегда́ гла́сы и пе́снями́ свяще́нными, наде́жде ми́ра, и ве́рных заступле́ние.

Вы́шшая́ небес, и сла́внейшая́ херуви́м, заче́нши роди́ла еси́ Бо́га: те́мже моли́ Его́, прегреше́ний изба́вити мя́, и осужде́ния стра́шнаго, Твоею́ милосе́рдою мо́льбою, и па́че сло́ва си́лою Твоею́.

Сла́ва: Изме́нившая́ челове́ки от тли́ сме́рти, Рождество́м Твои́м, Влады́чице, тле́ния мя́ страстей́ и недуѓ изба́ви, и прегреше́ний лю́тых: и живо́т нестаре́ющийся да́руй ми́, Божественным хо́датайством Твои́м.

И ны́не: Неизме́нно челове́ком уподо́блѣся́ по все́му, Бо́жий Сло́ве, от Де́вы Чи́стѣя́ прошёл еси́ я́ве, и все́м явил еси́ Богонача́лие Трисве́тлое, в неразличне́ Су́ществе́, неизме́нных Ипостасе́х.

Пе́снь 4

Ирмо́с: О́тча не́дра не оста́вь, и соше́д на зе́млю, Христе́ Бо́же, та́йну услы́шах смотре́ния Твоего́, и просла́вих Тя́, Еди́не Человеколю́бче.

Милость Твою и милосердие на рабы Твоя, Чистая, простри, присно молящая Тя, страшныя муки избавляющи молитвами Твоими.

Чистою молитвою, и теплою верою, к Тебе прибегаю, Пренепорочная: Ты буди очистилище многих прегрешений моих, избавляющи и спасающи мя.

Слава: Радости наша Ходатаица Пречистая, Твоим Рождеством явися Владычице: Сего моли, Пренепорочная, напастей избавити, и вечныя жизни сподобити мя.

И ныне: Отческих недр не отлучься, и от Девы воплощься, Христе Боже, сохрани стадо Твое, смотрения Твоего поклоняющееся Божественным образом.

Песнь 5

Ирмос: Ночь неслетла неверным, Христе, верным же просвещение в сладости словес Твоих. Сего ради к Тебе утреннюю, и воспеваю Твое Божество.

Тя молю, Дево Чистая, от мрачнаго греха душу мою избавити, и озарити Божественною зарею покаяния милости Твоея.

Сущия в пучине лютых напастей, и нужных страстей, Пресвятая Чистая, Твоими молитвами и мольбами избави, и спаси хвлящих Тя.

Слава: Яже Бога зачениши во утробе девичестей, и рождши, Богородице Пресвятая, Тя поющия от всякаго избави вечнаго осуждения.

И ныне: Ведуще Божию Тя Матерь, Чистая, и заступницу нашу, Тя ходатаицу предлагаем спасения нашего ко Щедрому Господу.

Песнь 6

Ирмос: Возопих, Господи, внигда скорбети ми, к Тебе, и возвел еси живот мой, Многомилостиве.

Твоего Сына, Владычице, вознесеннаго на Крест, и избавльшаго человеки от тли, умоли спастися нам.

Пречистая Владычице, не остави мене, на Тя уповающаго: но Твою ускори помощь.

Слава: От печали избави призывающих Твое Божественное имя, и страшныя свободи муки.

И ныне: Пречистая Владычице, надеждо твердая, любовью. поющия Тя, яко истинную Богородицу, сохрани.

Таже, Господи, помилуй. **трижды.** Слава, и ныне:

Седален, глас 7:

Распеншагося нас ради Христа Бога, и низложшаго смерти державу, непрестанно моли, Богородице Дево, да спасет души наша.

Песнь 7

Ирмос: Пещь отроцы огнепальну древле росоточашу показаша, Единого Бога воспевающе, и глаголюще: превозносимый отец Бог и препрославлен.

В неведении и печали сый, и в бедах, Пречистая, Тя призываю тепле от сердца моего: предвари, и избави мя, и подаждь, Чистая, утешение мне.

Прегрешений многих, и страстей треволения обуревают мя, и ко глубине погибели низводят: даждь мне руку, Богородице, и спаси, и помилуй мя силою Твоею.

Слава: Твою Матерь привожду Ти в молитву, Спасе Человеколюбче: юже прием избави мя прегрешений и будущего суда, и вечнующаго изми мучения.

И ныне: Умерщвлену душу стяжав лютыми преступленьми, Тя молю, Владычице, уморившую ад Рождеством Твоим, покаяния образы оживи мя.

Песнь 8

Ирмос: Воистинну Сущаго Бога, и всех существа виновнаго, Христа превозносим, и славословим во вся веки.

Спаси мя, Пречистая, от бед, и тли, и страстей: к Тебе бо прибегаю моей надежде, и Божественному спасению.

В час конечный, от клеветник лютых изъемши, Владычице Дево, к Божественному жилищу Сама настави мя.

Слава: Возникни, о душе, Богородице припадаючи возопий: Надежде и Спасение всех, огня вечнаго избави мя.

И ныне: Едину в женах Благословенную Деву воспойм, Христа превозношающе и славословяще во вся веки.

Песнь 9

Ирмос: Мати Божия и Дева, рождающая, и девствующая паки, не естества дело, но Божия снисхождения: тем яко Едину, Божиих чудес сподобльшуюся, Тя присно величаем.

Богородица приносит Ти мольбу о мне, Владыко Христе, юже приим, избави мя от всякия муки.

Всегда молю Тя, Владычице: смиренную избави душу мою, будущего суда и муки.

Слава: Творца моего и Зиждителя моли, Дево, страшнаго избавити мя суда, и жизнь даровати ми.

И ныне: Всенепорочная Мати Дево Чистая, душевных скверн избави Твое стадо, Тебе величающее.

Таже, Достойно есть: Трисвятое. **По** Отче наш: **тропари и прочее** обычно, и отпуст.

Среда

В среду утра

по 1-м стихословии, седальны крестны, глас 7:

Церковь вопиет Ти, Христе Боже, в певке, и кедре, и кипарисе поклоняющиеся Тебе: победы верным даруй, Богородицы ради, и помилуй нас.

Стих: Возносите Господа Бога нашего, и поклоняйтесь подножию ногу Его, яко свято есть.

Иже мене ради претерпевый, еже на Кресте пригвождение, прими мое бодренное хваление, Христе Боже, и спаси мя.

Слава, и ныне, КрестоБогородичен: Распешагося нас ради Христа Бога, и низложившаго смерти державу, непрестанно моли, Богородице Дево, да спасет души наша.

По 2-м стихословии, седальны крестны, глас 7:

Огня светлейшее, и пламене действнейшее древо показал еси, Христе, Креста твоего, поपालющее грехи человеков, и просвещающее сердца поющих волю Твое распятие: Христе Боже, слава Тебе.

Стих: Бог же Царь наш прежде века, содела спасение посреде земли.

Обладая безплотными силами, и сведый души моя леностное, Крестом Твоим спаси мя, Христе Боже, яко Человеколюбец.

Стих: Дивен Бог во святых Своих, Бог Израилев.

Мученичен: Радуйтесь праведнии, да веселятся небесная: на земли бо мученицы подвизавшися, врага попраша: да играет Церковь победительная, празднующи подвигоположнику единому, и победотворцу Христу Богу, подающему миру велию милость.

Слава, и ныне, КрестоБогородичен: Егда зрящи Тя, Господи, Дева, распинаема, плачущи вопияше Ти: воспеваю Твое неизреченное, о Сыне Мой, долготерпение, и еже к человеком крайнее и Божественное сошествие.

По 3-м стихословии седальны, глас 7:

Распешуся Ти, Владыко Христе, враг связан бысть, и смерть умертвися: души, яже во аде в преисподних содержимыя, от уз разрешахуся.

Иже нас ради волюе приемый распятие, сокруши враги неведущия Тя Бога истиннаго, и спаси нас.

Слава, и ныне, КрестоБогородичен: Крестом Сына Твоего присно соблюдаеми, Дево, прилог бесовских избегаем: темже Тя по долгу воспевающе славим, Богородице Всепетая.

Канон Честному и Животворящему Кресту Господню, [егоже краеграние: Крест насажденый прелесть исторгий.] Творение кир Иосифово. Глас 7:

Песнь 1

Ирмос: Манием Твоим на земный образ преложися, прежде удоборазливаемое водное естество, Господи: темже немокренно пешествовав Израиль, поет Тебе песнь победную.

Распятие Владыка поношаемь терпит, человеков отемля поношения, яко Человеколюбец: копием в ребра прободается, сим закалая врага борителя.

Якоже лук напряг Крест Твой, Милостиве, стрелами уязвил еси гвоздей сопротивборца, Спасе, и от него древле уязвленные человеки исцелил еси.

Мученичен: Кровьми святых, мерзкая кровей престаша сквернения, идолом приносимая: вся же земля освятися, тех хвалами присно ублажающи.

Мученичен: Воспеша силы небесныя, земных зряще в телеси со безплотными борющихся: отнюдуже подвигположник сих венцы победших венча.

Богородичен: Раздрася рукописание Адамово, вопияше Пречистая Владычица, копием Сыне прободену Ти бывшу: темже воспеваю Твое страдание, всем источившее безстрастие, Владыко. Другий канон пресвятей Богородице: творение Иосифово. Глас 7:

Ирмос тойже.

Поющыя, Богородице, величия Твоя любовию, Твоя снабди люди, и от вреда избави: Ты бо всех еси Предстательница и Наставница, Чистая, и утверждение.

Воду безсмертия рождши, Дево, исцеления воды нам подаждь, вся смертоносныя страсти душ наших и телес омывающи.

Честное, Владычице Богорадованная, селение явилася еси почетшаго естество праотца: темже Тя, Чистая, молим, всякаго безчестия страстей избави нас.

Солнце правды рождши миру, тьму отжени от воспевающих Тя верою, Отроковице, во светозарнем Твоем сем и святем храме, Всенепорочная.

Песнь 3

Ирмос: В начале небеса, всеильным Словом Твоим утверждей, Господи Спасе, и вседетельным и Божиим Духом, всю силу их: на недвижимем мя камени исповедания Твоего утверди.

Пропный небо яко кожу, на древе распростёрл еси руце, Иисусе, руки неудержание Адамова греха исцеляя, яко милостив, и исхищая всех от руки лъстиваго борца.

Тебе тернием, Царю, людие законопреступнии венчают, славою венчавшаго человеки, и преслушания Адамова терние искоренившаго, Христе, и насадившаго всем богоразумия прозябение.

Мученичен: Естеством суще смертни, безсмертию в том поучитися изволисте, премудрии: темже раны и скорби, мученицы, гонения же, биения, и удов отсечения, вся радуящися, претерпесте.

Мученичен: Твердым помыслом, потребити вся претящаго лъстиваго врага вы страдальцы смиристе, смирившися о Христе, и вознесостеся державою Божественною, на того вооружившися.

Богородичен: Волею закланаго Агнца на страсть пришедша, зрящи Мати и Агница, слез источники проливаеши, глаголющи: что сие Чадо Священное, како умерщвляешися, оживити вся умершья промышляя?

Ин Ирмос тойже.

Даждь рабом Твоим, Чистая, спасительная прошения, в Божественном Твоем сем храме, в немже источник чудес показала еси: источая присно найтием Божественным, и вечнаго избави мучения.

Милостей бездну Христа паче вины и слова, дателя всех благих рождши, Чистая, Божественный храм Твой сей показуеши воистинну, осенением твоим Божественным, всяческих страстей очищение.

Благословен плод Твоего чрева, Дево Богородице, всех радости: радость бо всему миру родила еси, и веселие воистинну, Человеколюбца, разгнавши печаль греховную, Богоневесто.

Ковчеже мысленный, яже нетленную манну рождшая миру воистинну, посреде нас, Дево, прииди в час сей, и всякия нас измени скверны, чисте Тебе убожающих.

Песнь 4

Ирмос: Отча недра не оставль, и сошед на землю, Христе Боже, тайну услышах смотрения Твоего, и прославих Тя, Едине Человеколюбче.

На земли человек явлься, небесныя человеки совершил еси, вознесен быв на древо, Владыко, вся совознесл еси воспевающыя Твоя страдания.

За смертных умираеши, Животе, за неправедныя, Иисусе мой праведный, страсть терпиши поносную: поем, Долготерпеливе, безмерное благоутробие Твое.

Мученичен: Зверей устремления, врения огненная, рук же и ног отсечения, исторгания удов, и всяческую иную муку претерпесте мученицы, ходатайствующую Божественное наслаждение.

Мученичен: От телесных конѣц страдальцы, ко Христу́ всехъ Бо́гу зову́ще, услышани бы́сте, и на ка́мень вознесо́стеся Божественнаго ны́не совершения.

Богородичен: Молю́ о насъ к воплощенному из Тебе́, Богородице, сотвори, яко да обрящемъ по́мощь во время напасти, иже Того́ страсти сла́влящи.

И́н Ирмо́с тойже.

Тя́ Авваку́м го́ру дре́вле возгласи́в, Пречи́стая Богородице, добродетельми приосененную, всехъ, Влады́чице, осеняющую, от опаления злобы начальнаго борца́.

Моление́ Госпо́ду принеси́, воплощенному из Твои́х, Влады́чице, пречи́стых крове́й, спасти́ лю́ди Твоя́ всякаго вре́да, Тебе́ по до́лгу блажа́щя.

Твоя́ пресла́вная сия́ богоблагодатная Цѣрковь бы́сть во исцеление́ ду́ш же и телесъ: уставляетъ бо всяку́ болѣзнь, и очища́ет от страстейъ вѣрно Тебе́ блажа́щя.

Посещениемъ Твои́м, Де́во, спаси́ тёплымъ и честнымъ, всехъ с любóвию прибегающихъ, Влады́чице, к Твоему́ заступлению́, посещай и давайъ яже к жизни проше́ния.

Пѣснь 5

Ирмо́с: Госпо́ди, Бо́же мой, от но́щи у́треневав, Тебе́ молю́ся: подаждь ми́ оставление́ прегрешений моихъ: и к свету Твои́х повеленийъ пути моя́ направи, молю́ся.

Распя́тие приятъ во злыхъ отя́тие, Бо́жий Сло́ве, жѣлчи же вкусилъ еси́, сладостнаго брашна горький вре́д потребляя. Сла́ва мно́гому благоутробию Твоему́.

Иже на Кресте́ воздви́жениемъ Твои́м, всю́ зѣмлю поколебáл еси́ Божественною Твоею́ держа́вою, и исцеля́еши ея́, Влады́ко, сокруше́ния, и колебле́мая сердца́ к Твоему́ утвержда́еши познанию́.

Мученичен: Распростеръ велиаръ всюду́ сети́ злѣбныя, но не объя́л е́сть Христовы́ мученики: криле́ бо приемше́ огненныя, ко обителемъ Божественнымъ дости́гоша.

Мученичен: Ма́нием неоску́дным от Бо́га обожа́еми страсотѣрпцы, болѣзненныхъ мученийъ отню́д не устращи́стеся, якоже ино́му страждущу, си́це премудрии сами́ пребы́сте.

Богородичен: Кийма очима́ воззрю́, О́ко изсуша́ющее вся́ бездны, Сы́не Мой, уга́шаемое, на Кресте́ ви́сящу Ти? Чи́стая Де́ва вопия́ше, рыда́ньми Себе́ смуща́ющи.

И́н Ирмо́с: Но́щь несветла́ неvéрным, Христе́, вѣрнымъ же просвеще́ние

в сладости словес Твоих: сего ради к Тебе утренюю, и воспеваю твоё Божество.

Отягченных сном греховным, Чистая, бодры творящи, обаче же в пречестном храме Твоём, Твоею бодренною Божественною молитвою нас ущедри, Богоневесто.

Даждь, Чистая, всем нам руку помощи к Тебе прибегающим, и отмый всякия злобы скверну, и болезни очисти молитвами Твоими.

Яже Бога зачавши во утробе девичестей, и рождши, Богородице Пречистая, Тя поющих избави всякаго вечнаго осуждения.

В храм Твой верою приходящих души обновляются обетшавшыя грехми, и по долгу Тя вси, Пренепорочная, славят.

Песнь 6

Ирмос: Плавающего в молве житейских попечений, с кораблём потопляема грехи, и душеленному зверю приметаема, яко Иона, Христе, вопию Ти: из смертоносныя глубины возведи мя.

Избавителю сый Едине, цену Твою вдал еси спасительную Кровь, и искупил еси плененныя ны, Преблагий, и Твоему Родителю привел еси, убив Крестом, Христе, мучителя.

Невоздержанием древле падение лютое подъях, Христос же воздвигаемь на древо, руке простер, падшаго мя воздвиге, и уязвився волею, вся моя язвы яве исцели.

Мученичен: Дреманием прелести отнюд, не воздремавшеся, всяко устремление усписте мучителей, мученицы: и иже праведным приличным сном успше блаженнии, бодреннии о всех молитвенницы бысте.

Мученичен: Утверждени на камени Божественных Христовых повелений, вражиими козными непревратни пребысте всеславнии мученицы: и того ногами попрасте богомудренно, к Богу боголепне шествующе.

Богородичен: Юно отроча раждаеши, Богородице, прежде век безлетно Отцу сразумеваемого, обновляющаго Крестом человечество, обетшавшее грехми злоначальнаго советом, Пренепорочная.

Ин Ирмос: Иона из чрева адова вопияше: возведи от тли живот мой. Мы же Тебе вопием: Всесильне Спасе, помилуй нас.

Едина нам спасения источила еси воду, Едина Чистая, распаление прелести иссушивши, орошаеши разум истинный рабом Твоим.

Одушевленный Бога нашего граде, стадо Твое от безбожных варвар, труса же и нужди, и всяческаго искушения свободи.

Язвы душ наших, Богородице, отжени, молитв Твоих окроплением, и телесныя недуги: да Божественными гласы воспеваем Тя.

Яже разрешившая от болезней, Дево, Еву, Рождеством Твоим Пречистым, Отроковице, разреши ми болезни страстные души же и телесе.

Песнь 7

Ирмос: Пещь отроцы огнепальну древле росоточащу показаша, Единого Бога воспевающе, и глаголюще: превозносимый отцев Бог и препрославлен.

Неболезненную обрете жизнь праотец, Тебе волею поболевшу на Кресте и мертву бывшу, и змия умертвившу, Иисусе Христе Многомилостиве.

Законныя клятвы избавихомся вси: Законодавец бо воздвижесе на Крест, благословение приснотекущее и благодать, и милость, и тлению источив потребление.

Мученичен: Вольными устремленными приступающе к мучением мученицы, волею пострадавшего воображаху: от негоже венчавшесе, со Ангелы ныне ликовствуют.

Мученичен: Тело предавше различным мукам, прехвальнии мученицы, кровными пролиянии безплотныя враги удаviste, и источники исцелений источаете.

Богородичен: Како не восплачуся, Сладчайшее Чадо, на Кресте зрящи Тя? како не возрыдаю неправедно Тебе страждуща, Судие Праведнейший? Дева Мати вещаше.

Ин Ирмос тойже.

Огнь рождающая Божественный, Дево, хвратныя попали страсти воспевающих Тя, Всепетая, и светом озари покаяния всех, молимся.

Нетленная Отроковице, от тли нас избави: Божия палато одушевленная, храмы нас покажи Божественного духа, в Церкви Твоей непрестанно верою поющих Тя.

Струи изливаеши исцелений всем, источник бо жизни родила еси: и теплою, Богородице, молитвою Твоею, сие Твое стадо очисти от скверны, Богоневесто.

Образы вси Божественного Твоего Рождества, Божественнии пророцы видевше, радостно воспеваху, вопиюще: препетый отцев Боже благословен еси.

Песнь 8

Ирмос: Неопальная огню в Синаи причащшаяся Купина, Бога яви медленозычному и гугнивому Моисею, и отроки ревность Божия три неупоборимыя во огни певцы показа: вся дела Господня Господа пойте, и превозносите во вся веки.

Кровь и вода истекшая из ребр Твоих, Спасе, мир весь обновивша, и

нетлѣние источиша: жѣрты же мерзкия и пролитие скверных кровей престаша. Темже Тя вся дела яко Господа поем, и превозносим во вся веки.

Венцемъ терновымъ увязлся еси, Спасе, оцта и желчи вкусил еси, и оплеван был еси, и биен, воздвиглся еси на Кресте, гвоздие прием, имиже спасен был аз зываю Ти: вся дела Господня Господа пойте, и превозносите Его во вся веки.

Мученичен: От неистоцимых сокровищ истины, пресветло обогатившися страдальцы, всяку нищету оплевасте идольскую, и обогатителие нищих явистесь, вопиюще: вся дела Господня Господа пойте, и превозносите Его во вся веки.

Мученичен: Законоположения злочестивых небрегуще, якоже отроцы, мученицы, во огнь горящ ввержени бысте, в немже росу Божию прохладящую вас обретосте, вопиюще: вся дела Господня Господа пойте, и превозносите Его во вся веки.

Богородичен: Законный древле Тя ковчег проображаше, Чистая, не скрижали внутрь носящ, но Христа Законодавца, Егоже беззаконнии людие на Кресте пригвоздиша, нас вопиющих спасающа: вся дела Господня Господа пойте, и превозносите Его во вся веки.

Ин Ирмос: Единого Безначальнаго Царя славы, Егоже благословят небесныя силы, и трепещут чини ангельстии, пойте, священницы, людие превозносите Его во веки.

Чудес бездну источаючи миру, Всепетая, страстей наших струю изсуши, и оставления росу источи нам, верою несумненною почитающим Тя, Дево.

Из Тебе Солнце праведное возсия, во тьме страстей сидящим, Тебе свет содела, Всепетая Чистая: темже Тя по долгу поим, Богородице.

Церковь всесветлая Божия бывши, собирающыяся во святем Храме Твоем рабы Твоя, духа жилища покажи, Чистая, Тебе славословящыя во вся веки.

Светом Твоего Рождества вселенную чудолепно просветила еси, Богородице, истиннаго Бога на руку Твоею носивши, просвещающаго присно верою зовущыя: вся дела Господня Господа пойте, и превозносите Его во веки.

Пѣснь 9

Ирмос: Мати Божия и Дева, рождающая и девствующая паки, не естества дело, но Божия снизхождения: тем яко едину Божиих чудес сподобльшуюся, Тя присно величаем.

Крепость вражия отнюд оскуде, Тебе крепко на Древе сильне возопившу к пребезначальному Отцу Твоему, и созвавшу расточенныя

овцы Твоя, Владыко Христе, к Твоему познанию.

Якоже Агнец воздвиглся еси, Владыко, на Крест волею, исхищая от волка словесныя, Спасе, овцы Твоя, и во ограде Твоих повелений затворяя сия воспевающыя Тя.

Мученичен: Твоих страстей подражателие являеми благославнии страстотерпцы, многообразныя виды мук претерпеша, Человеколюбче: отнюдуже венцы улчиша славы, и Царствия Твоего, Христе, сподобишася.

Мученичен: Солнечныя облиставают благодати, просвещающе верныя, честных страстотерпец достохвальное торжество: отнюдуже и иже сие присно совершающии, тьмы прегрешении лютых избавляемся.

Богородичен: Свет мысленный на Кресте облиста, Твой, Пречистая, Сын, и начальники тьмы обличи, Пренепорочная: солнечный помрачи свет, и верных исполнения, Чистая, просветил есть.

Ин Ирмос: Нетления искушением рождающая, и Всехитрецу Слово плоть взаимодейвавшая, Мати неискусомужная, Дево Богородице, Приятелище Нестерпимаго. Село Невместимаго Зиждителя Твоего, Тя величаем.

Священнейши вышних сил явилася еси, Творца бо всех породивши, Мати Неискусомужная святая Богородице: темже Тя со Ангелы славим, непрестанно воспевающе величия Твоя.

Яко просвещаемь зарями Божественнаго Духа, гору, Дево, зрит Тя древле присенную священнейший пророк, Богородице. Темже Тя со Ангелы земнии ублажаем, якоже прорекла еси, Богоблаженная.

Ручка явилася еси манну Божественную носящи, лествица видена была еси человеки от земли возводящи, едина неискусомужная Дево Богородице. Темже Тя сошедшеся вернии славословим по долгу, Богорадованная.

Бывшая Божества Отроковице селение, бывша мя разбойников душетленных вертеп, и делателище всякаго беззакония, банею мя слез омывши, Божественнаго Духа жилище яви.

Свет рождающая едина предвечный, вечныя мя тьмы избави, Владычице, и просвети, Дево, душу мою, страстьми жития всю омраченную, да любовию присно славлю Тя.

Таже, Достойно есть: и ектения, и светилен, и псалмы обычныя.

На стиховне стихиры крестны, глас 7:

Владыка сый Человеколюбче Жизнодавче, искупил еси Крестом Твоим вселенную, Господи, слава Тебе.

Стих: Исполнихомся завтра милости Твоея, Господи, и возрадовахомся, и возвеселихомся: во вся дни наша возвеселихомся, за дни,

в няже смирил ны еси, лета, в няже видехом злая. И призри на рабы Твоя, и на дела Твоя, и настави сыны их.

На Кресте пригвоздися лоза истинная, и обнимаша языцы рай с разбойником: сия слава церковная, сие богатство Царствия. Пострадавый нас ради, Господи, слава Тебе.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Светила явися вселенней, всехвальнии страстотерпцы Христовы, вопиюще: Господи, слава Тебе.

Слава, и ныне, КрестоБогородичен: На Древе пригвождена Тя волею, яко Всенепорочная узре плачущи пояше державу Твою.

Таже, Благо есть: Трисвятое. По Отче наш: тропарь, ектения, и час первый, и прочее, и отпуст.

В среду блаженны, глас 7:

Красен бѣ и добр в снѣдь, иже менѣ умертвѣвый плод: Христосъ естъ Древо животное, от Негоже ядѣи не умираю, но вопию с разбойником: помяни мя, Господи, во Царствии Твоем.

Стих: Блажени изгнани правды ради, яко техъ естъ Царство Небесное.

Распростерл еси на Крестѣ длани, простертія руки Адамовы к Древу снѣдному, исправляя поползненіе, Щедре, ради благи многы: темже Тя славим благодетелю, Господи.

Стих: Блажени есте, егда поносятъ вамъ, и изженутъ и рекутъ всякъ зол глагол, на вы лжуще Мене ради.

На мѣсте Тя лобнем соборъ еврейскій, Христѣ Царю, распя, сокрушающа лукаваго губительную главу, и источающа намъ от ребр святыхъ Твоихъ реки оставленія.

Стих: Радуйтесь и веселитесь, яко мзда ваша многа на Небесехъ.

Мученичен: Подобящеся Христовымъ страстемъ честнымъ и спасительнымъ, мученицы прехвальнии, претерпесте муки многовидныя, и к безсмертію преидосте вкупѣ: темже блажими есте.

Слава: Соблуди, о Троице Святая! Поющыя Тя рабы Твоя, укрепи силою Креста, и к вышнему граду ходити направи нас: идеже и бывше, обрящемъ милость.

И ныне: Распинаема из Тебѣ рождагося зрящи, слезяще, утробою смущающися, Мати Чистая: како сия волею страждеши, Сыне, зовущи, хотя человечество от страстей избавити?

В среду вечера

на Господи, возвах, стихиры святым апостолом, глас 7:

Подобен: Не ктому возбраняеми есмь:

Стих: Аще беззакония назириши, Господи, Господи, кто постоит? Яко у тебе очищение есть.

Богоразумия славнии Апостоли ралом возделавше землю всю, верных множество возрастисте.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Страстей моих разрушите зиму, и тишину ми возсияйте, чистаго пролития, блаженнии апостоли.

Стих: От стражи утренния до нощи, от стражи утренния, да уповает Израиль на Господа.

Яко ученицы Слова, от несмыслства приведосте к разуму Божию языков соборы.

Таже в миней стихиры святому. Слава, святому, аще имать: И ныне, Богородичен гласа. Аще ли несть миней: ины стихиры святому и великому чудотворцу Николаю, глас 7:

Стих: Яко у Господа милость, и многое у него избавление: и той избавит Израиля от всех беззаконий его.

Якоже прежде избавил еси, отче, воеводы умрети имущыя, молитвами твоими Николае, такожде и ныне нас спаси.

Стих: Хвалите Господа вси языцы, похвалите Его вси людие.

Иже верою и любовию вся призывающыя, и поющыя тя, всеблаженне святителю Николае, избави печалей.

Стих: Яко утвердися милость Его на нас, и истина Господня пребывает во век.

Глада и губительства, труса и скорбей, и всякия нужды свободи рабы Твоя, святителю премудре Николае.

Слава, и ныне, Богородичен: Мольбу принеси Твоих раб к Твоему Сыну, Всечистая, да спасет вся, яже созда.

Таже, Свете тихий: Прокимен дне.

На стиховне стихиры апостольски, глас 7:

Апостоли славнии, столпи церковнии, истины проповедницы, светила суще светлая, вы огнем духовным всяку прелесть попалисте, человеческий род верою просветисте. Темже молим вы: молитесь Спаса и Бога нашего, умирить мир, и спасти души наша.

Стих: К тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Апостоли Христовы, делатели Спасовы, Крест убо якоже рало на рамах носяще, олядевшую землю идольскою прелестию очистивше, и веры слово всеясте: достойно почитаеми есте, святии Христовы Апостоли.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Всехвальнии мученицы, овчата духовная, всесожжения словесная. Жертвы приятны, благоугодны Богови, вас ни земля сокры, но небо прият. Вы Ангелом сопричастницы бысте. С нимиже молитесь, молим вы, Спаса и Бога нашего, умирить мир, и спасти души наша.

Слава, и ныне, Богородичен: Едину по Рождестве Пречистую Деву воспойм, яко Матерь Бога Слова, глаголюще: слава Тебе.

Таже, Ныне отпускаеши: Трисвятое. По Отче наш: тропарь, ектения, и отпуст.

В среду на повечерии

канон Пресвятей Богородице, глас 7:

Песнь 1

Ирмос: Манием Твоим на земный образ преложи́ся, прежде удоборазливаемое водное естество, Господи: Темже немокренно пешешествовав Израиль, поет Тебе песнь победную.

Водами живото́чными, Дево, напо́й истаявшую ду́шу мою́ зно́ем грехо́вным, яко да клас плодоно́сен возвращу́, Чистая, Божественнаго умиления.

Одожди́ ми, Чистая, ка́пли умиле́ния щедро́тными ка́плями, и́миже отмыю, Отроковице, всю душевную скверну, от невнятия ей прибывшую.

Слава: Ты, Содетеля Твоего во утробе приемши, без тли родила еси, Младенца Бога суща бывшего, странно чудо, Рабо́ и Ма́ти еси́, Владычице безневестная.

И ныне: Избавителя человеческого роду, и Свободителя и Спаса, Христа́ нам родила́ еси́, Дево Ма́ти Пречистая: темже я́ве Тя́ знающе, Ходатаицу жизни вечныя славим.

Песнь 3

Ирмос: В начале небеса́ всесильным словом Твоим утвержде́й, Господи Спа́се, и вседетельным и Божиим Ду́хом всю́ силу их, на недвижимем мя камени исповедания Твоего утверди.

Телесную багряницу от Твоих Пречистых кровей обагрив Царь всех, и сию носив кроме тления естеством, Бог же и Человек, от Тебе пройде, Дево, имея Царство неизменно.

Яко сокровище благих, и неизреченных, Дево, данное всем от Бога, подаеши нам независтное благодати, чудесныя дары, в напастех и бедах и в немощех, молящимся Ти.

Слава: Ты Даниил чудный провидя гору, Чистая, от неяже камень отсечеса́ Христо́с, сокруши́ бесовския истуканы. Темже яко́ всех добрых песнословим вину́, избавлени Рождеством Твоим.

И ныне: Богогласный Ты некогда провиде свиток, в немже Слово написа́ся, Чистая, перстом Отчим. Темже моли́ся в кни́зе написа́ти мя́ жизни, лукавое писание грехов моих растерзавши.

Песнь 4

Ирмос: Отча не́дра не оста́вь, и соше́д на зе́млю, Христе́ Бо́же, тайну услы́шах смотре́ния Твоего́, и прослави́х Тя́, Еди́не Человеколю́бче.

Моли́тву к Ро́ждшемуся из Тебе́, Богородице, сотвори́, яко́ да обря́щем

помощь во время обстояния, иже страсти Того славящи.

Миро из Тебе, Пресвятая Чистая, излившееся, Содетель естества, благовоения исполни всяческая Божественными разумными, и смрадную лесьть прогна.

Слава: Яко мысленную лестницу, Чистая, поставлей Тя сущим на земли Христос Бог, Тобою к Небесным Божественным деянием верных возводит, яко Милосерд.

И ныне: Отягчен временем многим греховным, Благая, зову Ти: очищение ми явися, Бога рождающая, мира Вземлющего прегрешения.

Песнь 5

Ирмос: Господи Боже мой, от нощи утреневав, Тебе молюся: подаждь ми оставление прегрешений моих, и к свету Твоих повелений пути моя направи, молюся.

Мати Человеколюбца и Бога, Препетая Богородице, верую Тя и любовию песнями восхваляющему присно, очищение Твоими мольбами прегрешений моих низпосли мне.

Пречистая Богородице, приятелище сущи неизменного Света, и храм Божественная Зари, мою душу омраченную, светом Твоим просвети, молюся.

Слава: Господи Боже мой, Иже быти Человек изволивый, молюся Ти: благоволи спасти мя блудного, ради чисто рождающей Тя Девы, и Чистой Отроковицы.

И ныне: Владычице Богомати, моих прегрешений подаждь прощение, Яже Жизнь ипостасную миру рождающая, Пренепорочная.

Песнь 6

Ирмос: Плавающего в молве житейских попечений, с кораблем потопляема грехи, и душетленному зверю приметяема, яко Иона, Христе, вопию Ти: из смертоносной глубины возведи мя.

От тли смерти, и еже от Адама греха, Твоим избавихомся, Богородице, безсеменным Рождеством: Бог бо вкупе и человек Единый, Тойже и Сын Сый, избавление согрешений верным даруя.

Моих прегрешений, Владычице, раздери рукописание, в книзе мя спасенных написавши, Божественными молитвами Твоими: яко да во хвалении Тя пою, святейшую херувим сущую.

Слава: Отриновенная древле, праведным Твоим судом, Христе, от Твоего лица, призвал еси плотским пришествием, яко Милосерд. И ныне, Блаже, согрешившая ны приими, и от зол прями.

И ныне: Очищение рождающую, и грешников Благодателя, Дево Пречистая, молю Тя: вины безмерных прегрешений моих разреши

Матернею Твоею молитвою: имаши бо яко Мати к Сыну, еже мощи.

Таже, Господи, помилуй, трижды. Слава, и ныне:

Седален, глас 7:

Под кров Твой вси земнороднии прибегаем, избави вечнующаго огня души наша, Благая.

Песнь 7

Ирмос: Пещь отроцы огнепальну древле росоточашу показаша, Единого Бога воспевающе, и глаголюще: превозносимый Отцев Бог и препрославлен.

Отягченный ум мой сном, Всенепорочная, ко благим деланием воздвигни: яко да ублажаю Тя, Честнейшую всякия твари.

Юнии трие отроцы посреде пещи Твое проображаху Рождество: не опалися убо, огонь рождши, Чистая. Темже вещныя ми страсти сердца попали.

Слава: В женах Тя красну и добру Прекрасный Господь уразумев, из Тебе воплотися. Того убо моли, Пресвятая Отроковице, спасти мя.

И ныне: Божественная Роса из Тебе прошедши, истаявшыя знобем греховным, орошает, Пренепорочная. Темже Тя молю, истаявшую душу мою ороси.

Песнь 8

Ирмос: Неопальная огню в Синаи причащшаяся купина Бога яви, медленозычному и гугнивому Моисею, и отроки ревность Божия три неборимыя во огни певцы показа, вся дела Господня, Господа пойте, и превозносите во вся веки.

Неопальна огнем в Синаи беседовавши купина, Твое показуя странно Рождество Боговидцу Моисею. Темже удивлься странному Рождеству Твоему, Чистая, радуясь вопияше: вся дела Господня Господа пойте, и превозносите Его во веки.

Умерщвленный мой ум грехом, Яже живот рождшая, Чистая Дево, оживотвори, и спаси к Богу пременении Твоими Матерними, присно мя поюща: вся дела Господня Господа пойте, и превозносите Его во веки.

Слава: Имею Тя, Чистая, в нощи и во дни хранительницу неотступну, от мысленных и видимых враг, никакоже навета зла и лукава ужасаюся, поя Христу: вся дела Господня Господа пойте, и превозносите Его во вся веки.

И ныне: От Своего Человеколюбия, Сын Твой, Богородице, яко Благ преклоняемь, Тя подаде помощь на враги, и цельбу страстей верою зовущим: вся дела Господня Господа пойте, и превозносите Его во вся веки.

Пѣснь 9

Ирмосъ: Нетлѣнія искушѣниемъ рождшая, и Всехитрецу Словоу плоть взаимодейавшая, Мати неискусомужная Дѣво Богородице: приятелище Нестерпимаго, село Невместимаго Зиждителя Твоего, Тя величаемъ.

Неокрадомое богатство дѣвства Твоего, Мати плотию явилася еси Вседержителя, Невѣсто Неискусомужная, Дѣво Богородице, воспитавши, яко Младенца, Питающаго яко Зиждителя весь мир, и Освящающа.

Человеколюбнейшее Слово рождши, Дѣво, грехи мира вземлющее, Сего моли, намъ низпослати греховъ разрешение, верою несумненною по долгу Тя блажащымъ.

Слава: Грехолюбивъ сый, трепещу и боюся, да не внезапно конецъ жития достигнетъ мя, Чистая Владычице, всехъ обидимыхъ представительнице, и образы мя покаяния укрепити нынѣ умолена буди.

И ныне: Да не во огнь последиши мя, уготованный мнѣ, моли Тя Дѣва, рождшая Тя, и Божественный безплотный ликъ, апостоли, пророцы, мученицы и священноначальницы, и души праведныхъ, Всещедрый и Многомилостиве.

Таже, Достойно есть: и поклонъ. Трисвятое. По Отче нашъ: тропарь, и прочее по обычаю, и отпустъ.

Четверг

В четверток утра

по 1-м стихословии, седальны апостольски, глас 7:

Делатели селу Твоему явил еси Апостолы Твоя, Слове, посекающыя идо́лы: темже Тя, Владыку, во языцех проповеда́вше, благоче́стно возвеличи́ша.

Стих: Во всю зе́млю изы́де веща́ние их, и в концы́ вселенны́я глаго́лы их.

Земны́я на земли́ сла́вы не возлюбите́, сла́внии, Бо́га Небе́снаго челове́ком проповеда́вше, тому́ все́х приве́дете.

Слава, и ны́не, Богоро́дичен: Аще и Ма́терь Тя тва́рь позна́, но Де́ву Тя Зижди́тель показа́л е́сть: родила́ бо еси́ плоти́ю Христа́ Бо́га, спасающа́го ду́шы на́ша.

По 2-м стихословии, седальны, глас 7:

Яко на́шего спасе́ния окормители́ премудры́я апо́столи Христа́ Бо́га, пеньми́ и пёсньми́ по до́лгу почти́м: тии́ бо преле́сти нече́стие отгна́вше, ми́р спасо́ша, яко́ самовидцы́ Сло́ва, и слуги́, и дру́зи, и бра́тия бы́вше.

Стих: Небеса́ пове́дают сла́ву Божи́ю, творение́ же руку́ Его́ возвеща́ет твёрдь.

Проро́цы проповеда́ша, апо́столи научи́ша, му́ченицы испове́даша, и мы́ ве́ровахом: яко́ Ты еси́ Христо́с сын Божий, Избавитель ми́ра.

Стих: Дивен Бог во святы́х Свои́х, Бог Израи́лев.

Мученичен: Му́ченицы Твои́, Госпо́ди, врага́ победи́ша, и преле́сть идо́льскую посрами́ша, воору́жившеся Креста́ Твоего́ сило́ю: темже́ и со Ангелы́ воспева́юще Тя, вопи́ют победную́ пёснь, славосло́вяще Тя, Христе́. Те́х моли́твами пода́ждь ду́шам на́шим очи́щение и ве́лию ми́лость.

Слава, и ны́не, Богоро́дичен: Ра́дуйся, из Нея́же непрело́жно Сло́во плоть бы́сть, и всели́ся в ны́: ра́дуйся, Чи́стая, Апо́столов и му́чеников ра́дование, и на́с ве́рных спасе́ние: ра́дуйся, Ма́ти Христа́ Бо́га.

По 3-м стихословии седальны, глас 7:

Подобен: Пло́д чре́ва:

Ученицы́ Госпо́дни всехва́льнии, и́же подсо́лнечную́ всю́ яко́ свети́ла озари́вше, во тьме́ страсте́й мя́ и прегреше́ний су́ща, просвети́тися ми́, моли́те.

Свети́ла вы́ су́ще ми́ру, Госпо́дни Апо́столи, облиста́ете при́сно сло́во ве́рным, отгоня́юще зельне́ преле́сти м́глу. Темже́ и просвеща́ете язы́ки креще́нием, яко́ пропове́дницы́ Трои́цы су́ще, при́сно счита́емии.

Слава, и ны́не, Богоро́дичен: Я́же ми́ру ра́досте, Де́во, Твоего́ Сы́на

непреста́нно со Апосто́лы моли́, прощѣние дарова́ти на́ших прегрѣше́ний, и жити́я исправле́ние.

Кано́н святы́м сла́вным и всехва́льным апо́столом. Творѣние Феофа́ново. Глас 7:

Пѣснь 1

Ирмо́с: Ма́нием Твои́м на земны́й о́браз преложи́ся, прѣжде удоборазлива́емое водно́е естество́, Го́споди: темже немóкренно пешешествовав Изра́иль, поёт Тебе́ пѣснь побѣдную.

Ма́нием к Божѣственному боговидни бывше, бо́ги сокруши́сте безбо́жных, и к Божѣственной всех воздвигосте любви́, веровавших Бо́гу, всечестнии. [Два́жды.]

Со́ль якоже бывше всея́ земли́, богоглаго́ливии Го́сподни Апосто́лы, согни́тие все́ уставите се́рдца моего́, и обуя́вшее лю́те исцелите.

Все́х Судия́ Праведнейши́й, егда́ хо́чет во второ́е прише́ствие с ва́ми се́сти Божѣственнии Апосто́лы, тогда́ всякаго́ осужде́ния на́с изба́вите.

Богоро́дичен: Пречи́стая Богоро́дице, со безплóтными А́нгелы, и проро́ки, и мученики и Апосто́лы моли́: яко́ да оставле́ние прегрѣше́ний при́имем, Де́во, и бога́тую ми́лость.

Други́й кано́н свято́му и вели́кому чудотворцу́ Никола́ю. [его́же краегра́нѣсие: Приими́ моле́ние седмо́е, Никола́е.] Творѣние Ио́сифово. Глас 7:

Ирмо́с: Поспѣшествовавшему́ Бо́гу во Египте́ Моисе́ови, извести́ Изра́иля, То́му Еди́ному по́йм, яко́ просла́вился.

Просла́влено на землі́ прешед́ жити́е, тебѣ́ сла́вящыя, Никола́е, прича́стники та́мо су́щия сла́вы сотвори́.

В пучи́не лю́тых плава́юще, житѣ́йских искуше́ний волна́ми, Всеблаже́нне, окружа́еми есмы́: от ни́хже на́с спаси́.

Ру́ку ми́ ны́не подате́льную по́мощи пода́ждь, о́тче Никола́е, от вра́г ви́димых и неви́димых изба́ви мя.

Богоро́дичен: И́же невещѣственны́я слуги́ сотвори́в, из Тебе́, Богоро́дице, роди́ся за ми́лость неизрече́нную, челове́ки ви́димь бы́сть.

Пѣснь 3

Ирмо́с: В нача́ле Небеса́ всеси́льным Сло́вом Твои́м утвер́ждѣй, Го́споди Спа́се, и вседе́тельным и Божи́им Ду́хом, всю́ силу́ их: на недви́жимем мя́ ка́мени испове́дания Твоего́ утвер́ди.

Яко́ небеса́ сла́ву Бо́жию, яко́же рече́ проро́к, пове́дуете Божѣственнии учени́цы, уясня́юще его́ Божѣственное вопло́щение, и страда́ния я́ве му́дрии: ими́же страсте́й и сме́рти все́х, и тли́ изба́вите.

Стре́лы Христа́ сильнаго́ изъощре́ны яви́стесея, от стрѣ́л мя́ лука́ваго,

мудрии ученицы Господни, избавите: и уязвленное люте греховным оружием мое сердце исцелите.

Прельщенного мя люте и одежды обнажена Божественная, Божественными одеждami, Христовы ученицы, просветити потщитесь: иже вражия коварства обнаживше вся, и того в студ облекосте.

Богородичен: Силы небесныя составлей словом, иже пророком благодать подавый, и учеником, и всем мучеником: тех молитвами, Боже, и Пречистыя Матере Твоея, спаси всех, и ущедри яко милосерд.

Ин Ирмос: Небеса утвердивый словом, и земное основание укрепивый на водах многих, утверди мой ум в волю Твою, Человеколюбче.

О вселенней принося моления, от всякия нужды и скорбей безчисленных спаси нас, святе Николае.

Связанных неизбежно из темницы якоже избавил еси: союзы растерзав зол моих, молитвами твоими, примири Богу, святе Николае.

В нощи и во дни заступника тя нарицаем, наша молитвы принеси Господеву, сохраняя нас присно, святе Николае.

Богородичен: Клеще яже Божественный угля приемиши в Божественной утробе Твоей, никакоже опалившись, попали, Пречистая, наша прегрешения.

Песнь 4

Ирмос: Отча недра не оставь, и сошед на землю, Христе Боже, тайну услышах смотрения Твоего, и прославих Тя, Едине Человеколюбче.

Иже Отцу сопредельный Сын, на земли воплощся яко человек, избра вас ученики, Его Божество проповедати всем языком. [Дважды.]

К создателем всех страстей впадся умовредно окаянный аз, сердцем уязвихся. Темже молюся, исцелите мя врачуе болящих, Апостоли.

От страстей избавите нас, и от бед лютых, и скорбей, апостоли славному, и от всякия напасти, и всеболезненные муки.

Богородичен: Яже Богу Мати избранная, со Апостолы священными, и мученики, и пророки молися, бед и скорбей и прегрешений избавитися нам.

Ин Ирмос: Покрыла есть Небеса, Христе Боже, смотрением Твоим, добродетель неизреченная мудрости Твоея, Человеколюбче.

Премудростию твоею очернив Ариев ум ересью помраченный, и от того прельщаемый, Николае, просветил еси.

Уврачуи моя многия струпы богоприятными твоими молитвами, богоблаженне отче Николае, и сердце мое просвети.

Умертвив страстные выгнания, от нихже мя умерщвленного, молитвами твоими, всеблаженне, оживив, нова сотвори.

Богородичен: Родила еси плотию Безлётнаго: Егже моли многолётных зол нас избавити, поющих Тя, Всенепорочная.

Песнь 5

Ирмос: Господи Боже мой, от ноци утренавав Тебе молюся: подаждь ми оставление прегрешений моих, и к свету Твоих повелений пути моя направи, молюся.

Господи Боже мой, Апостолом Твоим мир древле даровавый, тех молитвами мир даруй всем, и прегрешений прощение. [Дважды.]

Господи Боже мой, сведый согрешения души моя, и неисправленный нрав сердца моего, ту не мя ущедрив спаси, Апостол мольбами.

Господи Боже мой, разбойника, и блудницу согрешившую, многия ради спасл еси благи: и молитвами Твоих Апостол, и мене блуднаго ущедри.

Богородичен: Господи Боже мой, рождейся от Девы неискусобрачныя, Тоя молитвами и Апостол Твоих очищение согрешений ми даруй, и будущия избави муки.

Ин Ирмос: Утренует дух мой к Тебе, Боже, зане Свет еси, и Твоя повеления быша исцеления рабом Твоим, Человеколюбче.

Советы Отче, подвизаемыя присно на ны, ненаказанных человек Твоими молитвами, Николае, бездельны сотвори.

Союзы зол наших расторгни твоими молитвами, связавый злбу душетленнаго змия, всесвятый Николае.

Разумом присно согрешающе, и множеством лютых содержи, отче, предстателя тя, Николае, тепла призываем.

Богородичен: Марие, Госпоже всея твари, от врага безстыдно обладаи ищуща смиренное сердце мое, Богородительнице, до конца свободи.

Песнь 6

Ирмос: Плавающего в молве житейских попечений, с кораблем потопляема грехи, и душетленному зверю, приметаема яко Иона, Христе, вопию Ти: из смертоносныя глубины возведи мя.

Самыя мудрости Божественнии ученицы бывше, еллинскую обуиша премудрость, и мудреца злбы погубиша: и в неведении блудящия, светом благочестия премудрии просветиша. [Дважды.]

Иже Петрово древле слезами прегрешение очистив, того молитвами души моя нечисленныя согрешения очисти, безмернаго ради Твоего благоутробия и премногия, Христе, благины.

Иже ниневитяны древле покаившыся ущедрив, и мене обычным Твоим милосердием помилуй, Апостол Твоих ради: и да не за множество прегрешений, Избавителю, множество приложиши мучения.

Богородичен: Яже Свет Рóждшая, просвети́ ду́шу мою́ омрачённую страстьми: и моли́ со Апóстола, с пророки́ же и мученики, от всякаго греха́, всякаго вреда́, всякия злѡбы вражия изба́вити мя.

И́н Ирмо́с: Иона из чре́ва а́дова вопия́ше: возведи́ от тли́ живѡт мой. Мы́ же Тебе́ вопием: Всесильне Спа́се, помилуй на́с.

Разори́л еси́ сме́рти непра́ведный су́д, и спа́сл еси́ ми́лостию твоёю, о́тче Нико́лае, хотя́щя умре́ти, я́ко те́плый помо́щник призыва́ющим тя́.

Недуги́ ду́ш на́ших утиши́: и уста́ отверза́ющаяся все́е на любя́щих тя́, священнейший па́стырю, загради́.

Па́жить горькую́ злоче́стия а́риева потреби́л еси́, Нико́лае, раство́рением сло́вес твои́х, священнотайнниче, правосла́вным утвержде́ние ты́ был еси́.

Богородичен: Уврачу́й, Всенепоро́чная, неисце́льно боля́щую, окаянную ду́шу мою́ житейскими прелестями, и мно́гих грехѡв обстоя́нии.

Песнь 7

Ирмо́с: Пе́щь о́троцы огнепа́льну дре́вле росоточа́щу показа́ша, Еди́наго Бо́га воспева́юще, и глаго́люще: превозноси́мый о́тцев Бо́г, и препросла́влен.

Пе́щь дре́вле горькаго безбо́жия, росю́ Божество́ннаго пропове́дания угаси́сте, сла́внии апóстоли, зову́ще: превозноси́мый о́тцев Бо́г и препросла́влен. [Два́жды.]

Люта́го мя, Христе́, греха́, и во а́де муче́ния, и в ге́енне боле́зней исхити́: и спаси́ мя, молю́ся, мольба́ми, Сло́ве, Апóстол Твои́х.

Сло́ва мре́жею из глубины́ неведе́ния челове́ки уловивше, и потопля́ема мя́ безме́рными прегрешении́, и обурева́ема, ученицы́ Христовы́, спасите́.

Богородичен: Со А́нгелы, с му́ченики и Апóстола, Всенепоро́чная, Твоего́ Сы́на моли́ и Го́спода, спастися рабо́м Твои́м от напа́стей всяческих и скорбе́й.

И́н Ирмо́с: Пе́щь горя́щую ороси́л еси́, Спа́се, о́троки спа́сл еси́ пою́щя и глаго́лющя: благосло́вен еси́ во ве́ки, Го́споди Бо́же о́тец на́ших.

Красота́ церко́вная бы́в, му́дре Нико́лае, всякия́ мя́ некрасоты́ страсте́й безче́стных избави́, благода́теля все́го ми́ра моля́, святителю́, присно́.

Ту́чами моли́тв твои́х, Нико́лае му́дре, все́х на́с напо́й сердца́: я́ко да принесём пло́ды досто́йны покая́ния, святителю́ Нико́лае.

Просвети́ твоими́ моли́твами на́ша помышле́ния, ве́рою у́треннюющих, и Бо́га сла́влящих, разори́вый мольба́ми твои́ми артеми́ды ка́пища.

Богородичен: Всяк язы́к ве́рою сла́вит Тя́, Чистая́, сла́ву су́щую и

похвалу́ рѡда́ на́шего, и на́ста́вницу заблѹ́ждших, Богоро́дице Прѣблаже́нная.

Пѣснь 8

Ирмо́с: Неопáльная огню́ в Сина́и прича́щшаяся купи́на Бо́га яви́, медленозы́чному и гугни́вому Моисе́ови, и о́троки ре́вность Бо́жия три́ непребори́мая во огни́ певцы́ показа́: вся́ дела́ Госпо́дня, Го́спода по́йте, и превозно́сите во вся́ ве́ки.

У́глие огне́м разу́мным разже́гшеся, я́коже трѡ́стие всю́ идо́льскую ле́сть попали́ша, Христо́вы учени́цы, и просвети́ша ве́рных ду́шы, вызы́ающыя: вся́ дела́ Госпо́дня Го́спода по́йте, и превозно́сите во вся́ ве́ки. [Два́жды.]

Омраче́нную ду́шу мою́ грехо́м, и омраче́нное страстьми́ безче́стия ны́не просвети́те се́рдце мое́, свѣту́ присносу́щному прича́стницы Христо́вы Апѡстоли, я́ко да непреста́нно зову́: вся́ дела́ Госпо́дня Го́спода по́йте, и превозно́сите во вся́ ве́ки.

Уязвленную́ ду́шу мою́ я́довиты́ми го́рдаго угрызе́нныи, и́же я́звы плѡ́тию прие́мый, исцели́ молитвами́ свяще́нных Твои́х учени́ков, и спаси́ пою́щыя: вся́ дела́ Госпо́дня, Го́спода по́йте, и превозно́сите во вся́ ве́ки.

Богоро́дичен: Неопáльно ро́ждши о́гнь, сохрани́лася еси́, Де́ва Пречи́стая: те́мже моли́, Его́же роди́ла еси́, со безплѡ́тными ли́ки и Апѡсто́лы, спасти́ся ве́рою пою́щым: вся́ дела́ Госпо́дня, Го́спода по́йте, и превозно́сите во вся́ ве́ки.

И́н Ирмо́с: В пе́щи о́троки подража́юще, духо́вную ро́су прие́мшии: ве́рою зове́м: благослови́те дела́ Госпо́дня, Го́спода.

В Ми́рех мироуха́нное те́ло твое́, все́святѣ Нико́лае, лежа́щее, ми́ро притека́ющым исто́чает, и уставля́ет недуги́ чело́веком.

Ми́ру тя́ засту́пника показа́ ми́ра Творе́ц и Госпо́дь: те́мже призы́ающым тя́ в ну́ждах ны́не, Нико́лае, обрета́ешися изба́витель гото́вейший.

Не́сть, и́же призва́ый тя́ в ско́рбех, и ско́ро не обря́щет утеше́ния. Те́мже тебе́ мо́лимся: вся́ болѣ́зни на́ша, Нико́лае, обле́гчи.

Богоро́дичен: По́ет вся́к язы́к и сла́вит Тя́, Де́во Богоневѣ́сто, Бо́га бо препѣ́таго роди́ла еси́: Его́же моли́ непреста́нно, спасти́ся душа́м на́шым.

Та́же, по́ем пѣснь Богоро́дицы: Вели́чит душа́ моя́ Го́спода: с покло́ны.

Пѣснь 9

Ирмо́с: Нетле́ния искуше́нием ро́ждшая, и Всехитре́цу Сло́ву плѡ́ть взаимода́вшая, Ма́ти неискусому́жная Де́во Богоро́дице: приятели́ще Нестерпи́мага, се́ло Невместима́го Зижди́теля Твое́го, Тя́ велича́ем.

Сы́ны свѣта и дне́ вас явилъ́ е́сть, Бо́га отца́ Сло́во: се́го возлюбивше́

Божественни Апостоли светила вселенныя, бесов потребителие, наставницы заблуждших, Церкви твердая основания явитесь. [Дважды.]

Рала словесе, иже на выях легчайшее сего иго носившии, обновите ныне оляденевшую страстьми душу мою, и покаяния семенем плодоносную сию соделайте.

О законоположениях мя Божественных нерадивша, и бывшего мя бесов жилище, и делателище всякаго греха ущедре мя, Слове, молитвами славных Апостол Твоих, яко Человеколюбец.

Земля Божественными освящается мощми благославных Апостол, Божественным духом: перворожденных же вышня Церковь духами сих светлеется безпрестанно: ихже ради, Спасе, всех ущедре.

Богородичен: Да мя во огонь не пошлещи уготованный мне, молит Тя Дева Тебе рождающая, и Божественни безплотни лица, Апостоли, пророцы и мученицы, святителие, и души праведных, Всещедре Многомилостиве.

Ин Ирмос: Паче естества Матерь, и по естеству Деву, Едину в женах благословенную, песньми, вернии, Богородицу величаем.

Последовав нравом священных Апостол, и седалища тех наследовал еси, яко святитель чистен, достославный Николае.

Яко ревнителя тя Божественнаго, и помощника по всему тебе призывающим тепле, во всем мире блаженне, Творец превеликаго показа.

Сокрушенным сердцем вопиём ти, отче: утешение нам буди в скорбех, печали разгоняя всегда от душ наших, Николае.

Смертное посещение, якоже секира Древу предлежит ти, о душе, не ленися убо, покаяния плоды Богу показати усердствуй.

Богородичен: Носящаго всяческая святыми Твоими руками: Егоже моли, Чистая, от чуждаго злодейства невредным нам спастися.

Таже, Достойно есть: И поклон. Ектения, и светлен, и псалмы обычныя.

На стиховне стихиры апостольски, глас 7:

Апостоли славнии, столпи церковнии, истины проповедницы, светила суще светлая, вы огнем духовным всяку прелесть попалисте, человеческий же род просветисте. Темже молим вы: молитесь Спаса и Бога нашего, умирить мир, и спасти души наша.

Стих: Исполнихомся завтра милости Твоея, Господи, и возрадовахомся, и возвеселихомся: во вся дни наша возвеселихомся, за дни, в няже смирил ны еси, лета, в няже видехом злая, и призри на рабы Твоя, и на дела Твоя, и настави сыны их.

Апостоли Христовы, делатели Спасовы, Крест бо яко рало на рамах

носяще, олядевшую землю от идольския лести очистивше, и веры слово всеясте: воистинну достойно нарицаетесь, святии Христоувы Апостоли.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Мученичен: Еди́но ды́шуще, и на еди́но взира́юще страстоте́рпцы мученицы, еди́н путь живота́ обрётше, еже за Христа́ сме́рть ревнующе друг друга́ кончи́не: О ле чудесе́! яко́ сокрови́ща му́ки предвосхища́юще, друг ко́ другу глаго́лаху: яко́ аще не ны́не умрем, умрем же вся́ко, и быти́ю должная́ послужим: сотвори́м ну́жду любоче́стием, обще́е свое́ да вмени́м, сме́ртию живот купим. Молитва́ми их, Бо́же, помилуй нас.

Слава, и ны́не, Богоро́дичен: Роди́лся еси́ от Де́вы несказа́нно, Христе́, и просвети́л еси́ су́щия во тьме́, вопию́щия: Госпо́ди, сла́ва Тебе́.

Та́же, Благо́ есть: Трисвято́е. **По** О́тче наш: **тропа́ри, ектениа́, и ча́с пе́рвый, и отпу́ст.**

В четверток блаженны, глас 7.

Красен бѣ и добр в снѣдь, иже менѣ умертвѣвый плод: Христосъ естъ древо животное, от Негоже ядый не умираю, но вопию с разбойником: помяни мя, Господи, во Царствии Твоем.

Стих: Блажени изгнани правды ради, яко техъ естъ Царство Небесное.

Из глубины зловерия язык стада привлекосте, премудрии, к вере богокрасней, и к мысленней трапезе оброк многоценный сих приведосте, славнии Апостоли.

Стих: Блажени есте, егда поносятъ вам, и изженутъ, и рекутъ всякъ зол глагол, на вы лжуще Мене ради.

Омрачение лютыя прелести светом проповѣдания отгнавше, Апостоли Господни, сердца благочестивыхъ просветили есте яве: темже васъ пѣсньми Божественными ублажаем.

Стих: Радуйтесь и веселитесь, яко мзда ваша многа на Небесехъ.

Мученичен: Ссецаеми на удеса мечемъ страдальцы Божественнии, не отсечени пребысте любве Избавителя: к Немуже востекосте: ныне живете в радости, вси небесною славою облистываеми.

Слава: Злобнейший и тлитель рода человеческого обдержитъ мя, молитвами проповѣдникъ Твоихъ, всецельная Троице, исхити мя от гортани Его: да величаю Твою безмерную милость.

И ныне: Сопрестольна Отцу Сына, Чистая Дево, от чистыхъ Твоихъ кровей произвела еси носящаго плоть мертвенную, яко да обезсмертитъ существо человеческое: темже по долгу Тя вси ублажаем.

В четверток вечера

на Господи, возвах, стихиры крестны. Глас 7:

Подобен: Не ктому возбраняеми есмь:

Стих: Аще беззакония назириши, Господи, Господи, кто постоит? Яко у тебе очищение есть.

Да человека Бога соделаеши, человек был еси преблагий Христе, и распялся еси: слава силе Твоей.

Стих: Имене ради Твоего, потерпех Тя, Господи, потерпе душа моя в слово Твое, упова душа моя на Господа.

Егда на Крест Тя, Иисусе, сонм еврейский осуди, земля трясаешся, и солнца свет скрывашся.

Стих: От стражи утренния до нощи, от стражи утренния да уповает Израиль на Господа.

Тернием Тя безсмертне, венча собор беззаконный, прелести терние из корене секуща, Царю Святый.

Таже, в минеи стихиры святому. Слава, святому, аще иматъ: И ныне, крестоБогородичен гласа. Аще ли несть минеи, ины стихиры Пресвятей Богородице, глас 7:

Подобен: Днесь бдит Иуда:

Стих: Яко у Господа милость, и многое у него избавление, и той избавит Израиля от всех беззаконий его.

Видящи простерта на древе Агнца, нескверная Агница и Дева, посреде двою разбойнику, увы мне, вопияше, Сладчайшее Мое Чадо! Что странное сие и преславное таинство? Како Тя беззаконный сонм на Крест воздвиже, и желчи напои, манны насыщающего человека?

Стих: Хвалите Господа вси языцы, похвалите Его вси людие.

Егда Тя на Кресте пригвождена Дева и Мати Твоя узре, Христе мой, судом законопреступным от иудей на месте лобнем, увы мне, вопияше, Сыне Мой любезнейший! Что странное видение сие? Како Тя ко Кресту пригвозждают дети неразумнии еврейстии, всех Господа?

Стих: Яко утвердися милость Его на нас, и истина Господня пребывает во век.

Едину Тя, Всесвятая Владычице, по Рождестве познахом вси Деву явльшуюся, Егоже без семене родила еси, на Древе видящи руке Своей волею пригвоздивша, Пречистая плачущи зываше: волею, Долготерпеливе, умираеши, избавляя от смерти вся поющыя Тя.

Слава, и ныне, крестоБогородичен: Владычице Всесвятая Дево,

ро́ждшая Го́спода, за благоутро́бие на Кресте́ пригвозди́вшагося, и жи́зни струи́ источи́вша ми́ру, Того́ умоли́ спасти́ся душа́м на́шим: Тебе́ бо еди́ну има́мы ве́рнии прибежи́ще, и стéну, и заступле́ние. Те́мже и притека́ем к покрову́ Твоему́.

Таже, Све́те ти́хий: Прокі́мен дне́. И Сподо́би, Го́споди, в ве́чер се́й
На стихо́вне стихи́ры крестны, глас 7: Подо́бен:

Не ктому́ возбрани́ем есмь́ Дре́ва живото́наго, упова́ние иму́ще Крест Тво́й: Го́споди, сла́ва Тебе́.

Стих: К Тебе́ возведо́х о́чи мой живу́щему на Небеси́. Се́ яко́ о́чи ра́б в руку́ госпо́дий свои́х, яко́ о́чи рабы́ни в руку́ госпожи́ своея́: тако́ о́чи на́ши ко Го́споду Бо́гу на́шему, до́ндеже уще́дрит ны́.

Повешен б́ыв безсме́ртне на Дре́ве, сокруши́л еси́ вся́ се́ти диа́воли: Го́споди, сла́ва Тебе́.

Стих: Помилуй на́с, Го́споди, помилуй на́с, яко́ по мно́гу испо́лнихомся уничи́жения, наипа́че напо́лнися душа́ на́ша поноше́ния гобзую́щих, и уничи́жения го́рдых.

Мучени́чен: Сла́ва Тебе́, Христе́ Бо́же, апо́столов похвала́, и мучени́ков весе́лие: ихже про́поведь Трои́ца Еди́носущная.

Сла́ва, и ны́не, Кресто́Богороди́чен: На дре́ве пригвожде́нна Тя́ волею́ Всенепоро́чная яко́ ви́де, пла́чуци поя́ще держа́ву Твою́.

Таже, Ны́не отпу́щаеши: Трисвято́е. **По** О́тче на́ш: **тропа́рь, ектени́а, и отпу́ст.**

В четверток на повечерии,

канон Пресвятей Богородице, глас 7:

Песнь 1

Ирмос: Истрысшему Богу фараона в мори Чермнем, песнь победную поим, яко прославися.

Живота моего прозря наставший конец, Владычице, вопию: Ты ми даждь очищение согрешений, Богоневесто.

В пучине благодыни Твоея притек, вопию: Владычице Благая, избави мя всякаго мучения.

Слава: Владыце, прими нас верою прибегающих к Тебе, и подаждь напастей и скорбей избавление.

И ныне: Ты падшую Адамову скинию пророчески возставила еси, Спаса и Бога, Пречистая, во чреве носивши.

Песнь 3

Ирмос: Утвердися верою Христова Церковь, ибо непрестанно песнями вопиет поющи: свят еси, Господи, и Тя поет дух мой.

Яже Бога и Владыку неизреченно зачешая, обдержима мя бурюю греха, Ты от сих избави, и спаси мя, Пречистая.

Согрешений неподобных ношю мя одержима, покаяния лучами озари, Отроковице, делати ми подавши света дела всегда.

Слава: Яже Небесный Хлеб рождши, Богородице, питающи всех верных сердца, насыти алчущую душу мою страстную.

И ныне: Утвердихся, Божественное Твое Рождество разумев, и заступлением Дево, обогащаюся, зовый: свят еси, Господи, спасая души наша.

Песнь 4

Ирмос: Услышах слух Твой, и убояхся: разумех дела Твоя, и ужасохся, Господи.

Стенюща пред Тобою, Владычице, и вопиюща прилежно от ума моего, да не презриши мене, ниже посрамиши.

Попали унзший терн окаянныя моея души, сластей плотских, Яже Огонь Божественный, Владычице, рождшая.

Слава: Подаждь ми согрешений оставление, всеблагословенная Чистая, и избави вечнаго и ужаснаго мучения.

И ныне: Слово в Тя всельшееся, Пречистая, существо мое възобрази, падшее преступленьми.

Песнь 5

Ирмос: Утренюет дѹх мой к Тебѣ, Бѳже, занѣ Свѣт еси, и Твоя повелѣния быша исцелѣнія рабѳм Твоим, Человеколюбче.

Уподобихся безсловесным скотѳм преокаянный, страстьми безсловесными окаянной моей плѳти рабѳтая: Ты, Богородице, подаждь ми воспряновѣние.

Помилуй мя паче всѣх человек согрѣшившаго, и к Твоему покрову прибегающа теплѳму, Богородице Дѣво, и мучѣний исхити.

Слава: Иже Богородицу исповедающии Тя, Мати Дѣво, непреидущаго Царствія и пищи, Тобою, Богомати, улучшить да сподѳбятся.

И ныне: Благословенная и Препрославленная Мати неискусомужная, умерщвлѣнную грѣхами дѹшу мою, и страстьми погорбленую недержанными, оживотвори.

Пѣснь 6

Ирмос: Иѳна из чрева адова вопиаше: возведи от тли живѳт мой. Мы же Тебѣ вопиѣм: всеильне Спасе, помилуй нас.

Содержит мя буря грѣховная, Дѣво, и ко тли отчаянія ведѣт: но простри ми руку помощи твердую и всемошную.

Елей, еже в Тебѣ теплаго милосердія, возлей на мя, Владычице, и избави согрѣшений, исхити огня вечнующаго.

Слава: Яже разрешившая от болѣзни, Дѣво, Еву, Рождеством Твоим Пречистым, разреши ми, Отроковице, болѣзни страстных моя души и телесе.

И ныне: Песнословииши из Тебѣ воплощеннаго Бѳга, и рыдаѣши на Крестѣ вознесѣна, Того смотряючи, Мати Дѣво Чистая и Пренепорѳчная.

Таже, Господи, помилуй, трижды. Слава, и ныне:

Седален, глас 7:

Плод чрева Твоего, Чистая, Крест водрузи в концы, и тли мир избави: темже Тя яко Преславную величаем.

Пѣснь 7

Ирмос: В пещь огненную ввержени преподобнии ѳтроцы, ѳгнь в росу преложиша, воспеванием сице вопиюще: благословен еси, Господи Бѳже отец наших.

Прегрѣшений моих умножися прецѣние, судѣ достойно, Чистая, припадаю и зову Ти: прежде конца подаждь ми очищѣние, и умилѣнія слѣзы, и нравом исправлѣние.

Недѳговавши мя люте скверными прегрѣшениями, Чистая, и ко отчаянія идуща грѳбу, яко рѳждши Жизнь всяческих, Пречистая, Божественными деянии оживи.

Слава: Богородительнице Благая, верѳю призывающих Твою благодѣть

присноживущую, мысленныя смерти избавляючи, Царствия сподоби Пречистыми Твоими молитвами.

И ныне: Непостижное Рождество Девы славословим, имже смерти избавихомся: Егоже ради рождшеся в нетление, благословен еси, зовем, Господи Боже отец наших.

Песнь 8

Ирмос: Единого безначальнаго Царя Славы, Егоже благословят Небесныя силы, и трепещут чини ангельстии, пойте священницы, людие превозносите Его во веки.

Страстей мя пещь поपालет, Дево, и огнем сластей поядает, предваривши, милостивною Твоею росю угаси ю, даючи души моей устужение крепко.

Душу оскверних, и растлих плоть сластми, валяся в сих, и бых поругание человеком, и смех врагом: Владычице Богородице, помощница мне буди.

Слава: Бога, Егоже родила еси, Дево, умоли низпослати спасение верно чтущим Тя, и бед разрушение, и недугов лютых пременение скорое, и благодать вечную.

И ныне: Создавшаго Адама по образу, и от смешения его прошедша, и разрешша первую клятву, пойте священницы, Господа, и превозносите Его во веки.

Песнь 9

Ирмос: Всепетая небес превышшая, Безначальное Слово безсеменно заченшая, и воплощеннаго Бога рождающая человеком: тем Тя вси величаем.

Всесветлая Дево Мати Богородице, окаянную душу мою, люте омраченную страстми плотскими, светом молитв Твоих в страх Божий светло настави.

Отчаявся от множества согрешений моего спасения, и недоуменен явихся, Владычице Всесвятая: Твое благодаяние, и милость Твою низпосли мне.

Слава: Рождество Твое, Богородице, еже паче естества, удивляет ангелы, ужасает же человеки: всем бо несказанно есть и непостижимо. Сие же поюще благочестно Тя славим.

И ныне: Умерщвления и тления ризы совлецы ми, Дево, Яже спасения Ризу воплощеннаго Слова, рождши человеком: темже вси Тя присно величаем.

Таже, Достойно есть: и поклоны. Трисвятое. По Отче наш: тропари, и прочее, и отпуст.

Пятница

В пятѡк ѹтра

по 1-м стихослѡвии седальны крестны. Глас 7:

Цѣрковь вопиѣт Ти, Христѣ Бѡже, в пѣвке и кѣдре и кипарисѣ, поклоняющисѣ Тебѣ: победы вѣрным даруй, Богородицы ради, и помилуй нас.

Стих: Возносите Господа Бога нашего, и поклоняйтесь подножию ногу Его, яко свято есть.

Иже мене ради претерпѣвый на Крестѣ пригвождѣние, прими и мое бѡдренное хваление, Христѣ Бѡже, яко Человеколюбец.

Слава, и ныне, КрестоБогородичен: Крестом Сына Твоего храними, Дѣво, прилог бесѡвских избегаем: темже Тя, Богородице Безневѣстная, по долгу воспевающе славим.

По 2-м стихослѡвии седальны, глас 7:

Огня светлѣйшее, и пламене дѣйственнейшее древо показал еси, Христѣ, Креста твоего, поपालяющее грехи человекѡв, и просвѣщающее сердца поющих вольное твое распятие: Христѣ Бѡже, слава Тебѣ.

Стих: Бог же Царь наш прежде века, содела спасение посреде земли.

Господи, Твоего Креста зряще возвышаема всегда, приступаем верно пѣньми и пѣсньми, обლობызающе того страхом и радостию: освяти рабы Твоя, и умири мир Твой сего явлением, едине Многомилостиве.

Стих: Дивен Бог во святых своих, Бог Израилев.

Святѣи мученицы, молитѣ оставление дати нам прегрешений наших, и чаемых мук избавитися нам, и горькия смерти, молимся.

Слава, и ныне, КрестоБогородичен: Богородице Чистая Приснодѣво, на Крестѣ зрящи Сына Твоего висѣща, яко Мати плачущи Того величаше страшное низхождѣние, Неискусобрачная Владычице.

По 3-м стихослѡвии, седальны, глас 7:

Крест Твой, Христѣ, Честный, мира оружье есть, и непобѣдимая побѣда: имже и невидимыя враги низлагающе, благодарно воспеваем Тя.

Иже Адамово осуждѣние Древом Креста исцеливый, исцели наша сокрушения сердечная, и спаси нас.

Слава, и ныне, КрестоБогородичен: Плод чрева Твоего, Пречистая, Крест насади в концѣх и от тли мир избавил есть: темже Тя, Преславная, величаем.

Канѡн честному и животворящему Кресту Господню, [егоже краегранѣсие: Христос на Древе, уставил есть древний вред.] **Творение Иосифово. Глас 7:**

Пѣснь 1

Ирмос: Истры́сшему Бо́гу фарао́на в мо́ри Чермнѣм, пѣснь побѣдную поим, яко прославися.

Христосъ возносимъ на Крестъ, къ Себѣ вся привлече́ челове́ки, и низверже врага, всехъ низвергшаго.

Воду животу́ моему́, Иису́се, от живоносныхъ ре́бр источилъ еси́, и умертилъ еси́ врага, Влады́ко, бывъ мёртв.

Мученичен: Молитву́ Христу́ за насъ, страсотерпцы, приле́жную принесите, страшнаго суда́ всемъ намъ изба́виться.

Мученичен: Смирившеся вы Христа́ ради, премудрии мученицы, гордаго врага́ низложи́те Божественною благода́тию.

Богородичен: Возсия́шаго из Тебе́, превели́ким благоутро́бием, Влады́чице, на Кресте́ зрящи плакала еси́, того́ славящи.

Други́й канон Пресвяте́й Богороди́це. Гласъ 7:

Ирмосъ тойже.

Впа́дшаго в тлѣние преслу́шания пра́деда Ада́ма обновила еси́, Бо́га, Пречистая, плоти́ю ро́ждши.

С веселиемъ гласъ Гаври́ловъ взываемъ Ти́, Чистая: ра́дуйся, все́хъ Наде́жде Пречистая, ра́дуйся, Богоневѣсто.

Умерщвлѣнный мой умъ оживи́ животнымъ дѣ́йствиемъ из Тебе́ ро́ждшимся воистинну, Пречистая Дѣво.

Благословящи́и Тя верно от Бо́га благословляю́тся я́ве: благословѣ́ния во исто́чникъ родила еси́, Еди́на Всепѣтая.

Пѣснь 3

Ирмос: Утверди́ся ве́рою Христо́ва Цѣрковь, и́бо непреста́нно пѣсньми вопиѣтъ пою́щи: святъ еси́, Госпо́ди, и Тя поетъ духъ мой.

Безстра́стный по существу́, како́ страсть терпи́ши, живо́тъ мнѣ вды́хаяй? Како́ умира́еши на древе́? Ве́лия Твоя́ ми́лость и долготерпѣ́ние, Спа́се.

На Кресте́ посреде́ разбо́йниковъ, Сло́ве, непра́ведно воздви́глся еси́, и оправда́л еси́ ве́рою позна́вшаго Тебе́ Зиждителя́ всея́ тва́ри, волею стражду́ща.

Мученичен: Строга́ния плоти́ терпя́ще, ру́к же отя́тие, и но́г, и все́хъ удо́в страсотерпцы, славы́ сподо́бишася, о насъ моля́щеся.

Мученичен: Премно́гими му́ками о Бо́зе просвети́вшеся, премно́гую славу́ му́дри и ны́не насле́довасте, всегда́ моля́щеся о душа́хъ на́шихъ.

Богородичен: Разре́шение долговъ на́шихъ, Чистая Дѣво, пода́ждь ма́терними Твоими́ молитвами, на Кресте́ пригво́жденнаго человека́ бывша, Бо́га Сло́ва ро́ждшая.

И́н Ирмо́с то́йже.

Тебе́ Де́ву, обра́зно се́нь все́святую́, Зако́нополо́жнику на горе́ Бо́г предска́заше: се́ление бо бы́сть все́х освяща́ющаго.

Землю́ Тя́ святу́ю, Де́во, разуме́хом вси́, нам без се́мене возра́стившую́ краси́ый клас, Иису́са Христа́, пита́ющ ве́рою Тя́ и любви́ю блажа́щих.

Ви́дена бы́ша ше́ствия Бо́га вы́шняго, в Тебе́, Де́во, неизрече́нно тому́ вопло́щшуся: Ма́ти бо Ты́ была́ еси́ все́ми ца́рствующаго.

Утверди́хся, Божество́нное Твое́ Рождество́ разуме́в, и заступле́нием Твои́м, Де́во, обога́щся, зовы́й: свят еси́ Госпо́ди, спаса́яй ду́шы наша́.

Песнь 4

Ирмо́с: Услы́шах слух́ Тво́й, и убоя́хся: разуме́х дела́ твоя́, и ужасо́хся Госпо́ди.

Яко́же краси́ейший гро́зд на Кресте́ воздви́глся еси́, Влады́ко, весе́лия вино́ иска́пал еси́ Человеколю́бче.

Многобо́лезненны́я челове́ков стра́сти утиши́л еси́ вои́стинну, стра́сти Влады́ко, волею́ на плоти́ Твое́й прие́м.

Му́ченичен: Острупи́ша острупля́еми страстоте́рпцы борца́: и яви́шася вра́чеве ду́ш наших.

Му́ченичен: Ополчи́шася к мучи́телем страстоно́сцы, и победи́вше, венча́ни бы́ша побе́дными венцы́.

Богоро́дичен: Родила́ еси́ без се́мене Де́во Сло́ва, на Кресте́ погуби́вшаго тле́ние благо́стию.

И́н Ирмо́с то́йже.

Услы́шал е́сть Авваку́м Тя́, Пречи́стая, го́ру, духо́вными осене́нными просвеща́ему: из Тебе́ бо Бо́г яви́ся воплоща́емь.

Исправля́ется правосла́вных собо́р, Тебе́ Все́святую́ поя́ яко́ Богома́терь, со Арха́нгелом, ра́дуйся, зовы́й Тебе́.

Бие́тся несто́риа лице́, не восхоте́вшаго му́дрствовати Тебе́ Богоро́дицу Чи́стую: Бо́га бо вои́стинну, Пречи́стая, родила́ еси́.

Кра́сную Тя́ и све́тлую добро́тами Жени́х обрёт, в Тя́ всели́ся, и Богоро́дицу Все́чистая содела́.

Песнь 5

Ирмо́с: Ут́ренует ду́х мой к Тебе́, Бо́же: зане́ Све́т еси́, и Твоя́ повеле́ния бы́ша исцеле́ния рабо́м Твои́м, Человеколю́бче.

Воздви́жемь, Влады́ко, на Дре́во плоти́ю, тва́рь всю́ из ро́ва лю́тых неразу́мья извле́кл еси́, к разу́му Твоему́, Человеколю́бче.

На лобне́м Тя́ ме́сте испроси́ша лю́дие беззаконни́и распя́ти Иису́се, главу́ пагубную́ змие́ву сокруша́ющаго.

Му́ченичен: Уста́viste злочестия́ тече́ние, Христо́вы му́ченицы,

Божественными кровью́ми ва́шими, и фарао́на мучи́теля в сих пото́пи́сте.

Му́ченичен: Ноготьми нещадно стру́жеми, растерза́сте обличены́ми, страда́льцы, сердца́ суемудренна́я, и победи́телие бы́сте.

Богоро́дичен: Освятил е́сть Бо́г утробу́ Твою́, Свята́я Чи́стая, и всели́ся в ню́: и на Крестъ́ воздви́жемъ, тварь́ совозмо́гл е́сть.

И́н Ирмо́с тойже.

Боголе́пную Твою́, Госпоже́, и кра́сную, и сладча́йшую и благу́ю добро́ту возлюбив Влады́ка, в Тя́, Де́во, всели́ся.

Всесвята́я и светоно́сная двере́ благода́ти, вселенну́ю светле́йшим Твои́м све́том озаривши, Отрокови́це, Тебе́ поющы́я просвети́.

Богоро́дицу испове́дающии Тя́, Ма́ти Де́во, непреи́дущаго Ца́рствия и пи́щи Тобо́ю, Богома́ти, улучи́ти да сподо́бятся.

Храмъ́ явила́ся еси́ Всеви́дца и Вседержи́теля: Твою́ бо утробу́ чи́стейшую небесъ́ обретъ́ водворися, Богороди́тельнице́ Всечи́стая.

Пе́снь 6

Ирмо́с: Ио́на из чре́ва а́дова вопи́яше: возведи́ от тли́ живо́т мо́й. Мы́ же Тебе́ вопие́м: всеси́льне Спа́се, поми́луй на́с.

Недугова́вшее челове́ческое естество́, явля́ся за милосе́рдие ми́лости, врачу́ неду́гующих, исцели́л еси́ Кресто́м и стра́стию Твое́ю.

Дре́вом дре́вле Ада́м осуди́ся: Дре́вом же ны́не крестнымъ́ оправда́ся, вхожде́ние прие́м в рай, и сладости́ восприя́тие.

Поёмъ́ Тя́ плоти́ю распенша́гося, сла́вим те́рнием венча́ваша́гося, и сла́вою венча́ваша́го челове́ки, Ца́рю преблагий́.

Му́ченичен: Губи́тельный ны́не отринувше́ вре́д страда́льцы идо́лбесия́, му́кам причасти́шася: и умерше́ со Христо́м ца́рствуют.

Му́ченичен: Ни гоне́ние, ни гладъ́, ни нагота́, ни бе́ды, ниже́ сме́рть, отню́д Божественны́я страстоте́рпцы, от любве́ Христо́вы разлучи́ша.

Богоро́дичен: Славосло́виши из Тебе́ вопло́ща́гося, и пла́чеши на Кресте́ воздви́жена́го, того́ смотре́юще, Де́во Ма́ти Свята́я Всенепоро́чная.

И́н Ирмо́с тойже.

Богому́жно в челове́цех пожи́ваша́го роди́ла еси́, Богоро́дице Де́во, еди́наго благоде́теля, е́же бы́ти челове́ком да́рующа́го.

Емману́ила, Богоро́дице, сугуба́ по существу́ роди́ла еси́, пре́жде соверше́нно сло́во, Бо́га вопло́щенна, изба́вление нам подава́юща́го.

Ковче́г прие́мый зако́на скрижа́ли, преднаписа́ Тебе́, Богоро́дице, Сло́во Бо́жие, яко́ прие́мшую во чре́ве Своёмъ́ на́с ра́ди вопло́щаема́.

Ангельски́я язы́ки исполнены́, Твоя́ похва́лы пропове́дати не мо́гут, Чи́стая: мы́ же ны́не ра́бски прие́мше, е́же ра́дуйся, Гаври́илово прино́сим.

Пе́снь 7

Ирмос: Пещь отроцы огнепальну древле росоточашу показаша, единого Бога воспевающе, и глаголюще: превозносимый отцев Бог, и препрославлен.

Тяготу облегчая беззаконий моих, посреде беззаконных воздвиглся еси на Крест, преблагий Господи, превозносимый отцев Господь, и Бог благословен еси.

Копием прободся в Божественная ребра Твоя, и ребренное поползнение исправил еси, Спасе, пламенному же оружию давати ми вход рая повелеваеши всегда.

Мученичен: Звезды на высоте основанныя церкви мученицы бывше, тварь озаряете страданий светлостью, и исцелений сиянием.

Мученичен: Книга приносит присно написанных живых Господних мученик, написаная Божия оправдания усердно сохранивших, и пострадавших крепко.

Богородичен: Всесвятая, пресвятое Слово, еже от нея возсиявшее, на святем Кресте воздвигено, и освящающе земныя, зрящи рыдаше.

Ин Ирмос тойже.

Яже в пещи огненной, Твое Рождество спасло есть убо Древле: ныне же нас, Всенепорочная, спаси, Его пришествию еже паче слова зовущих: благословен еси Боже отец наших.

Богоотец убо Давид Твою славу напишет, Дево, и Тебе тварей Царицу явленно пророчествует, предстоящую одесную, Всенепорочная, Бога отец наших.

Обновила еси, Чистая, земных естество, обновлением Рождества Твоего. Темже Ти вопием: благословен есть во веки вся, Госпоже, Плод Твоего чрева.

Осужденнаго бывша Адама, и смертию держама, Адам второй, Пречистая, Тобою помиловав призва, благословен еси зовуща, рождейся, и обновлей мя.

Песнь 8

Ирмос: Единого безначального Царя Славы, Егоже благословят Небесныя силы, и трепещут чини ангельстии, пойте, священницы, людие превозносите Его во веки.

Мертва мя показа древо разума, Ты же, Христе мой, умертвився на древе оживил еси, и просветил еси пети: пойте, священницы, людие превозносите во вся веки.

Тернием венча законопреступный сонм Тя, Царю, преслушания искореневающа терние Адама первозданнаго, и воздвиже на Крест, вся из глубины прелести извлекшаго.

Мученичен: Разумом простёршаго Небеса, Тебе простирают на Древе лю́дие неразумнии, исцеляюща на́ша страсти страстию Твоею, Спасе, и уставляюща болѣзни, яже от гвоздѣй болѣзными.

Мученичен: Мученик мо́щи благоуханія испу́щают чудѣс приходящым несумненнымъ сер́дцем, и страстей зловоние прогоняютъ при́сно, и всѣмъ здравие о Бозе подава́ют.

Богородичен: Святы́х чино́ве мо́лятся, Де́во, из утробы Твоея́ прошедшему Влады́це, показавшему на Кресте́ симъ путь страда́ния, Чистая, и славословятъ Тя́ яко́ всѣхъ Царицу.

И́н Ирмо́с тойже.

Непостижимый Влады́ка всѣх, Егѡ́же не вмещаютъ Небеса́, Богородительнице́, вмещаетъ во Твою́ утробу, Де́во. Те́мже Тя́ ве́рнии любовию превозносимъ во веки.

Ума́ превы́шшаго всея́ тва́ри, Отрокови́це, Егѡ́же не возмо́гаетъ ро́жденное зрѣти естество́, носила́ еси́ на Своею́ Пречисто́ю руку́. Те́мже ве́рнии любовию превозносимъ во вся́ веки.

Бо́га, Егѡ́же родила́ еси́, умоли́, Де́во, низпосла́ти спасѣ́ние ве́рно чту́щымъ Тя́, и бе́д разруше́ние, и неду́гов лю́тых премене́ние ско́рое, и благода́ть ве́чную.

Украше́н Тя́ добродѣ́тельми разли́чными, и просвеще́н хра́м Вы́шняго, уве́девше, Всесвята́я Де́во, поѣ́м благоче́стно Тя́, и славосло́вим во вся́ веки.

Та́же поѣ́м пѣ́снь Богороди́цы: Вели́читъ душа́ моя́ Го́спода:

Пѣ́снь 9

Ирмо́с: Всепѣ́тая небѣ́с превы́шшая, Безнача́льное Сло́во безсе́менно заче́нная, и воплоще́ннаго Бо́га ро́ждшая челове́ком: те́м Тя́ вси́ велича́ем.

На Кресте́ Тя́ возвы́шена, Царю́ веко́в, яко́ ви́де со́лнце омра́чися, и зе́мля потря́сѣся, и це́ркве раздра́ся заве́са свѣ́лости, Иису́се Всеси́льне.

Ископа́ша ру́це и но́зе твои́ беззако́нницы, и ре́бра живонóсная прободо́ша копи́ем, и же́лчи со о́цтом напои́ша Тя́, Христе́ мой, всѣ́х сладость, и Бо́га исти́нна.

Мученичен: Сокруши́ша началозло́бнаго се́ти, сокруша́емии вся́кими ви́ды мучѣ́ния, и венце́носцы побѣ́дою бѣ́вше, до́блии страда́льцы ублажа́ются.

Мученичен: Освяти́ша положѣ́нием мо́щей всю́ зе́млю стратотѣ́рпцы, и угаси́ша сква́ры идо́ложертвенны́я, огню́ примеша́ющесе́, и в нёмъ та́йно всесожигáемии.

Богородичен: Благолю́бивая, херуви́м святе́йшая, яже́ Бо́жие Сло́во Бо́га плоти́ю ро́ждшая, воздви́женнаго на Кресте́ хотѣ́нием, за всѣ́х приле́жно тому́ моли́ся.

И́н Ирмо́с то́йже.

Всесоверше́но челове́чество прия́то бы́сть из Тебе́, Пречи́стая Отрокови́це, сло́ву совоку́пльшуся плóти одушевлéнной, сло́вом души́ укра́шенной: те́мже вси́ ве́рнии Тя́ велича́ем.

Витийское́ убо́ буесло́вие да умолчи́т, апо́стольская́ же труба́ да возгласи́т, Тебе́ и́стинными́ гласы́, Де́во, восхваля́ющи, Богоро́дицу и́стинную́ возвеща́ющи.

Помило́вася Тебе́ ра́ди челове́чество, по ипостáси вои́стинну Сло́ву соединё́шееся, и воздая́нием Бо́г, Де́во, бы́вшее: те́мже Тя́ вси́ присно́ велича́ем.

Проразуме́ся проро́ческими́ бы́строзрèнии та́инство, Отрокови́це, Твое́го рожде́ства, я́ко воплощё́нна Бо́га рожди́ши челове́ком, избавля́ющаго нас от напастей мо́литвами Твоими́.

Та́же, Досто́йно е́сть: И ектени́а, и свети́лен, и псалмы́ обы́чны.

На стихо́вне стихи́ры крестны́, глас 7:

Влады́ко съи́й Человеколю́бче Жизнода́вче, искупил еси́ Кресто́м Твои́м вселéнную, Го́споди, сла́ва Тебе́.

Стих: Исполнимо́мся за́втра ми́лости Твоея́, Го́споди, и возра́довахомся, и возвесели́хомся: во вся́ дни́ на́ша возвесели́хомся, за дни́, в ня́же смири́л ны́ еси́, ле́та, в ня́же ви́дехом зла́я. И при́зри на рабы́ Твоя́, и на дела́ Твоя́, и наста́ви сы́ны их.

На Кресте́ пригвозди́ся Лоза́ и́стинная, объима́ша язы́цы рай с разбо́йником: сия́ сла́ва церко́вная, си́е бога́тство Ца́рствия. Пострада́вый на́с ра́ди, Го́споди, сла́ва Тебе́.

Стих: И бу́ди све́тлость Го́спода Бо́га на́шего на на́с, и дела́ ру́к на́ших исправи́ на нас, и де́ло ру́к на́ших исправи́.

Па́мять святы́х Твои́х страстоте́рпец пра́зднующе, Тебе́ поём, Христе́, вопию́ще, Го́споди, сла́ва Тебе́.

Сла́ва, и ны́не, Кресто́Богоро́дичен: Своего́ Сы́на на Дре́ве ви́дящи дре́вле, се́рдце свое́ ору́жием печа́ли уязвля́ше, Пречи́стая.

Та́же, Благо́ е́сть: Трисвято́е. По́ Отче наш: тропа́рь, и ектени́а, и ча́с пе́рвый, и отпу́ст.

В пятóк блажённы, глас 7:

Красён бѣ и добр в снѣдь, иже менѣ умертвѣвый плод, Христосъ естъ Древо животное, от Негоже ядѣи не умираю, но вопию с разбойником: помяни мя, Господи, во Царствии Твоем.

Стих: Блажени изгнани правды ради, яко техъ естъ Царство Небесное.

Исцеляя Адамову болезнь, юже подъят вражиим советом, вознесся на Древо всех Царю, и болезни претерпел еси, рукама и ногама пригвожден: темже славим Твое, Слово, долготерпение.

Стих: Блажени есте, егда поносятъ вам, и изженут, и рекутъ всякъ зол глагол, на вы лжуще Мене ради.

Посредѣ Тя беззаконною сонм еврейский распят, единого законодávца и избавителя, всякаго беззакония избавляюща, Христѣ, родъ человеческий: темже воспѣваем Тя.

Стих: Радуйтесь и веселитесь, яко мзда ваша многа на Небесехъ.

Мученичен: Язвы многихъ мукъ, яко красная удобрения носяще, доблественне страдальцы, украшение церковное познани быша светлое, всегда молящися о душахъ нашихъ.

Слава: О Троице Святаѣ! Верныя рабы Твоя избави мукъ, в Тя веровавшыя, во единомъ Божестве, непрестанно славимую благочестно, и вечное Твое Царствие даруй.

И ныне: Не имуща вида, ниже доброты, зрящи Тебѣ, Христѣ, плотию возвышена на Древе Крестнемъ Всечистая Дѣва, взываше болезненне: увы Мне, како Тя, Чадо, беззаконнии уязвиша?

В пятóк вéчера

на Гóсподи, возва́х, **стихи́ры святы́м му́чеником, и святы́телем, и преподо́бным, глас 7:**

Подóбен: Не ктому́ возбрана́еми есмь:

Стих: Аще беззаконя на́зриши, Гóсподи, Гóсподи, кто́ постои́т; я́ко у тебе́ очище́ние е́сть.

Му́ченицы тьму́ безбо́жия прогна́ша, все́м показавше челове́ком Богоразу́мия свéт.

Стих: Имене́ ра́ди Твоего́ потерпéх Тя, Гóсподи, потерпé душа́ моя́ в сло́во Твое́, упова́ душа́ моя́ на Гóспода.

Учéнии правосла́вными, Божéственными заря́ми осия́ете Госпо́дню Цéрковь, па́стырие всему́дрии.

Стих: От стра́жи у́тренния до но́щи, от стра́жи у́тренния, да упова́ет Израи́ль на Гóспода.

Бесо́в сокруши́те се́ти, водворя́еми в пусты́нях непрохо́дных прísно, отцы́ преподо́бнии.

Ины́ стихи́ры му́чеником, глас то́йже.

Стих: Я́ко у Гóспода ми́лость, и мно́гое у Него́ изба́вление, и То́й изба́вит Израи́ля от все́х беззаконий его́.

Спа́се, не постыди́ мене́, егда́ приидеши суди́ти ми́ру все́му, стúдная дела́ сотвори́шаго.

Стих: Хвалите́ Гóспода все́и язы́цы, похвалите́ Его́ все́и лю́дие.

Сла́ва Тебе́, Христе́ Бо́же, апо́столов похвало́: и му́чеников весе́лие: и́хже про́поведь, Трои́ца Единосúщная.

Стих: Я́ко утверди́ся ми́лость Его́ на на́с, и и́стина Госпо́дня пребыва́ет во вéк.

Святы́и му́ченицы, и́же до́бре страда́вшие, и венча́вшиеся, моли́тесь ко Гóсподу, спасти́ся душа́м на́шым.

Сла́ва, и ны́не, Богоро́дичен: Ма́ти у́бо позна́лася еси́, па́че естества́ Богоро́дице, пребы́ла же еси́ Де́ва, па́че сло́ва и разу́ма, и чуде́се рожде́ства Твоего́ сказа́ти язык не может. Пресла́вну бо су́щю зача́тию, Чи́стая, непости́жен е́сть обра́з рожде́ния: иде́же бо хо́щет Бо́г, побежда́ется естества́ чин. Те́мже Тя все́и Ма́терь Бо́жию ве́дуще, мо́лим Ти ся приле́жно: моли́ спасти́ся душа́м на́шым.

Та́же, Све́те тихий: Прокимен дне́.

На стиховне стихи́ры му́ченичны, глас 7:

Неради́вшие о все́х земных, святы́и му́ченицы, и на суди́щи Христа́

мужески проповедающе, воздаяние мук от Него прияете: но яко имущее дерзновение, Того умолите яко Бога Всесильна, души наша спасти, прибегающыя к вам, молимся.

Всехвальнии мученицы, овчата духовная, всесожжения словесная, жертва приятна благоугодна Богу, вас ни земля потаила есть, но Небо прият вы, Ангелом сопричастницы бысте. С нимиже молитесь, молим вы, Спаса и Бога нашего, умирить мир, и спасти души наша.

Мертвен: По образу Твоему и по подобию создавый, Господи, исперва человека, и в рай поставил еси владети Твоими творении: завистию же диаволею прельщен быв, яди причастися. Заповедей Твоих преступник быв. Темже паки в землю, от неяже взят бысть, осуди его возвратитися, Господи, и испросити покой.

Мертвен: Упокой, Спасе наш, Жизнодавче, яже преставил еси братию нашу от временных, зовущыя: Господи, слава Тебе.

Слава, и ныне, Богородичен: Яже невместимаго приемши, и рождши Бога Слова воплощенна, моли спастися душам нашим.

В пятѣкъ на повечѣрии

канѣн Пресвятѣй Богородице, гласъ 7:

Пѣснь 1

Ирмосъ: Маниемъ Твоимъ на земный образъ преложися, прежде удоборазливаемое водное естество, Господи: темже немокренно пешешествовавъ Израиль, поетъ Тебѣ пѣснь побѣдную.

Владычице Богородице, иже на Тя упование имущая, и к Тебѣ притекающая, бѣдъ же и скорбей избави, и падения, и вечнаго пламене, и муки.

Росою милосердия Твоего, Дѣво Чистая, пламень погаси моихъ падений, яко да не ко искушению прииду всякаго осуждения, и огня будущаго.

Слава: Одожди ми, Дѣво, капли Твоего милосердия, сладостей зноемъ всегда изсушаему: яко да непрестанно славлю от Тебѣ рождагося Бога и Спаса нашего.

И ныне: Водюю напои Твоея молитвы, Дѣво, душу мою разгорѣвшуюся печальнымъ зноемъ: яко да Божественнаго веселія от Тебѣ рождаемому плоды принесу.

Пѣснь 3

Ирмосъ: В началѣ Небесъ, всеильнымъ словомъ Твоимъ утверди, Господи Спасе, и вседетельнымъ и Божиимъ Духомъ всю силу ихъ: на недвижимемъ камени исповѣдания Твоего утверди.

Тя молю, Дѣво, спасение души моея, и очищение подаждь, и благодать независтну, яко сильна и блага, и яко человеколюбива Отроковица, и жизни нетленные сподоби.

Неложное спасение и предстательнице мира, рождающая Зиждителя, Чистая Дѣво, от бѣдъ избави воспевающихъ Тя верно, и напастей житія, и вечнаго осуждения.

Слава: Молимся прилежно щедротамъ Твоимъ, Отроковице, не презри рабы смиренныя: но яко благая, милостивнымъ Твоимъ окомъ призри, и томительства нерешимаго диаволя насъ избави.

И ныне: Ныне зельствомъ печали объятъ есмь, Дѣво, крепость мою всю разслабивъ, и весь на земли ницъ лежу. Но вопию Ти от души: Ты воздвигни мя паки, и утешениемъ Твоимъ укрепи.

Пѣснь 4

Ирмосъ: Отча недра не оставль, и сошедъ на землю, Христе Боже, тайну услышахъ смотрения Твоего, и прославихъ Тя, Едине Человеколюбче.

Ма́ти Бо́жия, изба́ви мя́ от тли́, и льсти́ваго томи́теля зми́я, при́сно мя́ обходя́щаго, и запи́нающаго по Бо́зе стопы́ моя́.

Мысленны́я двéри жи́зни пока́яния ми́ двéри отве́рзи: яко ны́не ко отча́янным двéрем прибли́жился ока́янный, от мно́гих согреше́ний.

Слава: Ка́л страсте́й и сласте́й оттря́си до́бре милосе́рдием Твои́м, Пресвята́я, чи́ста пока́жи, и оде́жду обле́цы мя́ светови́дною благода́тию.

И ны́не: Скве́рну ду́ши, и нечи́стоту́ телесе́ моего́ очисти́вши, Чи́стая, благоприя́тными мо́льбами Твои́ми, чи́ста предста́ви воспева́ти при́сно Тебе́ и сла́вити.

Песнь 5

Ирмо́с: Но́щь несветла́ невер́ным, Христе́, ве́рным же просвеще́ние в сла́дости словес́ Твоих́: сего́ ради́ к Тебе́ утреню́ю, и воспева́ю Твоё́ Божество́.

Преблага́го Сло́ва, Де́во Всенепоро́чная, моли́ спастися́ на́м: и́бо заступни́цу Тя́ стажа́хом, и в ну́ждах по́мощь крёпку.

Не преда́ждь враго́м мя́, Чи́стая, мою́ па́губу зело́ и́щущым грехо́в мойх́ ради́: но милосе́рдием Твои́м от сих́ вре́да исхити́.

Слава: Веду́ще Тя́ Бо́га всех́, Христе́, и всех́ Творца́, на Тя́ Еди́наго возложи́хом спасе́ния упова́ние, на́с ради́ вочелове́чшагося.

И ны́не: Ра́дуйся, обла́че Чи́стая, во́ду живото́ну источа́ющий, ра́дуйся, Де́во, му́чеников утвержде́ние, и апо́столов, ра́дуйся, честное́ славословие́, Пренепоро́чная.

Песнь 6

Ирмо́с: Пла́вающаго в молве́ житей́ских попече́ний, с корабле́м потопля́ема грехи́, и душетле́нному зве́рю приме́таема, яко́ Иона́, Христе́, вопию́ Ти: из сме́ртоносны́я глублины́ возведи́ мя.

Благоле́пия и красotý добро́ту, ю́же имéх Креще́нием, погуби́х, Влады́чице, де́я неподо́бная: Ты́ же тёплым Твои́м предста́тельством сию́ пода́ждь, ве́рно чту́щим Тя́.

Страдания́ и одержа́ния ну́жднаго, и печа́ли изба́ви мя́, Богоро́дице, утеше́ние ми́ Твоё́ подаю́щи; ины́я бо не́ има́м заступни́цы, разве́ Тебе́, Всенепоро́чная, аз ра́б Тво́й.

Слава: Изба́вителя ро́ждшая, Благода́теля и Спа́са, крёпость́ има́ши, и мо́жешь ели́ко хо́щешь творити́, Пренепоро́чная. Те́мже Тя́ мо́лим Твои́ раби́: изба́ви на́с страстны́я молвы́.

И ны́не: Тя́ обла́к лёгoк дре́вле зри́т, просвеща́емь Ду́хом проро́к Иса́иа, на нёмже́ седе́ сла́вы Госпо́дь, прииде́, и низложи́ египетския́ вся́ истуканны́я, Де́во Мати́ Пречи́стая.

Та́же, Господи́, помилуй, три́жды. Сла́ва, и ны́не:

Седáлен, глáс 7:

Избáви огнѧ вѣчнующаго поклáняющихся Рождеству́ Твоему́: Тѧ бо Христосъ показá заступницу́ намъ поющымъ Тѧ.

Пѣснь 7

Ирмосъ: Пѣщь о́троцы огнепáльну дрéвле росоточáщу показáша, Единаго́ Бóга воспева́юще, и глаго́люще: превозно́симый отцевъ́ Бóг и препрослáвлен.

Греховъ одержитъ мѧ мно́жество, и ко тлѣ́нию низвóдит мѧ па́губы и отчáяния: Богороди́це, предвари́, и пода́ждь ми́ по́мощь спаси́тельную.

Избáви мѧ всякаго́ вражия́ злодейства́, и искуше́ний и скорби́, и в тишинѣ́ и мирѣ́ сохрани́ ду́шу мою́, Пречистая́: яко́ да ра́дуясь, пою́ силу́ Твою́.

Слáва: Осу́ждение провидя́ деломъ́ моимъ́ лука́вым, ока́янный, взывáю Тѧ́ из глубины́ сѣрдца́ моего́, Пречистая́: Ты́ ми́ буди, Влады́чице, заступле́ние, и спаси́ мѧ.

И ны́не: С мученики́, со а́нгелы и со апóстолы, Всенепорóчная, Твоего́ Сы́на и Гóспода моли́ спасти́ рабы́ Твоя́ от напáстей, и бѣдъ́ и печáлей.

Пѣснь 8

Ирмосъ: В пещи́ о́троки подража́юще, духо́вную рóсу прие́мшии, вѣрою́ зовѣмъ: благослови́те дела́ Гóсподня́ Гóспода.

Буди́ ми́ по́мощь, Дѣво́ Пресвята́я, к Тебѣ́ прибега́ющему, и вопи́ющему с вѣрою́: помилуй́, Чистая́, и прѣ́жде конца́ очи́щение согрешений́ да́ждь ми́: и в часъ́ кончи́ны пода́ждь спасе́ние, и по кончи́не поко́й да́руй.

Ужасъ одержитъ мѧ лю́т, егда́ помышля́ю стра́шное испытáние, и Судию́ Неумоли́маго, соде́явшимъ лука́вая, яко́ва же воистинну́ яже азъ́ ока́янный соде́ях, и мýки о́ныя конца́ не иму́щия: Влады́чице́ мѧ́ра, буди́ ми́ спасе́ние.

Слáва: Я́же земнорóдныхъ́ ви́новна спасе́нию, о вѣ́рныхъ побóрнице, грѣшниковъ́ очи́щение! о исто́чнице́ всего́ добра́ и подáтелю́ благихъ, Богороди́тельнице́ Чистая́! Ты́ ми́ душе́вная болѣзнь исцели́, и источи́ благода́ть вѣчную́, и слáву и весѣ́лие.

И ны́не: Дáръ от насъ́ Я́же данá еси́ Влады́це, яко́ от нача́ла естества́, мо́льбы́ на́ша, Пречистая́, приими́ да́ры красны́, возда́ющи намъ́ Твою́ по́мощь: яко́ да непрестáнно из Тебѣ́ Рождша́гося поѣмъ, и превозно́сим во веки́.

Пѣснь 9

Ирмосъ: Мáти Бóжия и Дѣ́ва, ро́ждшая́ и дѣ́вствующая́ пáки, не естества́ дѣ́ло, но Бóжия́ снисхо́ждения: те́м яко́ Еди́ну Бóжихъ чудесъ́ сподоблѣ́шуся, Тѧ́ при́сно велича́ем.

Под Тво́й кро́в, Де́во, ны́не прибе́гох, от мно́жества прегреше́ний
обуре́ваемаго, и погиба́ющаго спаси́ мя, Я́же Спа́са и Зижди́теля рождши, и
вечнаго изба́ви осужде́ния.

Творца́, и Бо́га и Го́спода, от Твои́х вопло́щагося пречи́стых крове́й, о
на́с, Чи́стая, моли́, уще́дрити милосе́рдием Твои́м лю́ди отчая́нныя.

Сла́ва: Огня́ негасимаго изба́ви мя, и тьмы́ вне́шния, и пла́ча ве́чнаго,
осужде́нию су́ща досто́йна, о Пресвята́я, Чи́стая Богоро́дице! Хода́тайством
Твои́м те́плым к Богу.

И ны́не: Под Твое́ю, Богоро́дице, благода́тию сохра́няемь, не снеде́н
пребыва́ю прилоги́ сопроти́вных враг: те́мже я́ко утвержде́ние
Боже́ственно и степе́нь, воспева́ю и покланя́юся, и велича́ю Тя.

Та́же. Досто́йно е́сть: **Покло́н. Трисвято́е. И по** О́тче на́ш: **тропари́, и**
про́чее обы́чно, и отпу́ст.

Суббота

В суббóту ўтра

по 1-м стихослóвии, седа́льны мученичны, глас 7:

Святѣи, моли́теся, оставле́ние да́ти на́м прегреше́ний на́ших, и ча́емых лю́тых изба́виться на́м, и го́рькия сме́рти, мо́лимся.

Сти́х: Дивен Бо́г во святых своих, Бо́г Израїлев.

Святѣи Твой, Го́споди, на земли подви́гшеся, врага́ попра́ша, и идо́льскую ле́сть упраздні́ша: те́мже и венцы́ от Тебе́ прия́ша, Чело́веколю́бца Влады́ки, и ми́лостиваго Бо́га, подаю́щаго ми́ру ве́лию ми́лость.

Сла́ва, и ны́не, Богоро́дичен: Я́ко на́шего воскресе́ния сокрови́ще, на Тя́ надею́щися, Всепе́тая, от ро́ва и глубины́ прегреше́ний возведи́: Ты́ бо повинны́я греху́ спасла́ еси́, ро́ждшая Спасе́ние на́ше, я́же пре́жде Рожде́ства Де́ва, и в рождестве́ Де́ва, и по рождестве́ па́ки пребы́ваеши Де́ва.

По 2-м стихослóвии седа́лен, глас 7:

Ра́дуйтеся, пра́веднии, и да весе́лятся небе́сная: на земли́ бо муче́ницы подви́гшеся, врага́ попра́ша, и ле́сть идо́льскую упраздні́ша: да възгра́ется Це́рковь, побе́дительная́ праздную́щи Подви́гополо́жнику и Еди́ному Победо́творцу́ Христу́ Бо́гу, подаю́щему ми́рови ве́лию ми́лость.

Сти́х: Дивен Бо́г во святых Своих, Бо́г Израїлев.

Муче́ницы Твой, Го́споди, врага́ победи́ша, и ле́сть идо́льскую посрами́ша, воору́жившеся креста́ Твоего́ силою: те́мже и со а́нгелы воспева́юще зовут побе́дную пе́снь, славосло́вяще Тебе́, Христе́. Тех моли́твами пода́ждь ду́шам на́шим очи́щение и ве́лию ми́лость.

Сти́х: Многи́ скорби́ пра́ведным, и от все́х их изба́вит я́ Госпо́дь.

Во стране́ живу́щих, Го́споди, и в селе́ниях пра́ведных Твоих учини́ ду́хи, имже сотворя́ем па́мять, Чело́веколю́бче: и а́ще что́ согреши́ша в жити́и су́ще, я́ко ми́лостив, и благопре́менитель Бо́г, прости́, пода́я ми́рови ве́лию ми́лость.

Сла́ва, и ны́не, Богоро́дичен: Неискусобра́чная Отрокови́це Всенепоро́чная, от Твоих кро́вей воплоще́ннаго Бо́га на́шего, при́сно со проро́ки, и святители́, и мучени́ки, моли́ спастися́ ду́шам на́шим.

Кано́н святы́м мучени́ком, иерар́хом, и преподо́бным, и усóпшым, [его́же краегра́нєsie си́цево: С ли́ки воспева́ю па́стырей и мучени́к, аз Ио́сиф.] Глас 7:

Песнь 1

Ирмо́с: Поспешествова́вшему Бо́гу во Египте Моисе́ови, извести́

Израїля, Тому́ еди́ному поїм, яко просла́вися.

Ли́к му́ченик нельсти́вых вся́ преле́сти победи́ борца́, лику́ет ра́дуясь пред ли́цем созда́вшего и́.

Свя́тителие Христо́вы, и преподо́бнии вси́ подви́гшиися, пи́щи сподо́бишася вечно́я благода́тию.

Изба́ви нас, Христе́, от вся́кия я́рости моле́нием проро́к, и преподо́бных, и же́н свяще́нных, и спаси́ ду́шы на́ша.

Сла́ва: Созда́вший мя́ от земли́ Сло́ве, в зе́млю па́ки возврати́тися ми́ повеле́л еси́: упокой, я́же в ве́ре преста́вил еси́.

Богородичен: Пречи́стая Мати, я́же Бо́га Пресвято́е Сло́во ро́ждшая, освя́ти вся́ любо́вию Тя́ сла́вящия.

Други́й канон усопшым, поём на ряду́, иде́же не́сть мине́и, [его́же краегра́нєсие: Прави́ло се́дьмо́е, изъобра́жение то́жде но́сящее. Творе́ние Феофаново.] Глас 7:

Ирмо́с: Ма́нием Твои́м на земны́й о́браз прело́жися, пре́жде удо́боразлива́емое водно́е естество́, Го́споди: темже немо́кренно пешешество́вав Израїль, поёт Тебе́ пе́снь победную́.

Сти́х: Дивен Бо́г во святы́х Свои́х, Бо́г Израилев.

Добро́та украше́нная добродете́льными о́бразы, и Боже́ственное возложе́ние разли́чными красота́ми, сия́юще благоче́стием, му́ченицы, Христу́ Бо́гу принесо́стєся.

Сти́х: Покой, Го́споди, ду́шы усо́пших ра́б Твои́х.

Зарю́ непристу́пнаго и трисо́лнечнаго сия́ния улу́чити сподо́би преста́вльшы́я рабы́ Твоя́, многоми́лостиве Го́споди, отню́дуже отбе́же вся́ка боле́знь, и печа́ль, и воздыха́ние.

Сла́ва: Умерщвле́нием осужде́ное естество́, Живо́т ипоста́сный, Жизнода́вче Са́м сый Христе́, воздвигл еси́: темже яко́ еди́н ще́др, ве́рою к Тебе́ преста́вльшы́яся упокой.

И ны́не: Исправи́ла еси́, Пречи́стая, прама́тернее паде́ние, ро́ждши Го́спода Сло́ва, сию́ воскресивша́го, и су́щым во гробе́х вдохну́вша живо́т, вла́стию Боже́ственною.

Пе́снь 3

Ирмо́с: Небеса́ утверди́вший Сло́вом, и земно́е основа́ние укрепі́вший на вода́х мно́гих, утверди́ мой ум в во́лю Твою́, Человеколю́бче.

Сокруша́еми ка́мением, и в ров вмета́еми, сокруши́те всю́ льсти́ваго си́лу, и не сокруше́ни умо́м му́ченицы пребы́сте.

Заре́ю Боже́ственных уче́ний, и добродете́лей луча́ми, премуд́рии свя́тителие, ве́рныя просвеща́юще, и ересей м́глу́ всю́ отгна́сте.

Умертвивше́ся миру́ преподо́бнии Твои́, Сло́ве, премирную́ вои́стинну

жизнь наследоваша: ихже ради, Щедре, всех нас ущедри.

Слава, мёртвен: О преставльшихся в вере и надежди молимся вси благому Владыце, помилovati их в час суда.

Богородичен: Не истощив недр Отчих Слово, во недрах Твоих, Пречистая, Младенец держимь явися, начало от Тебе приемь Безначальный.

Ин Ирмос: В начале небеса всеильным Словом Твоим утверждей, Господи Спасе, и вседетельным и Божиим Духом всю силу их: на недвижимем мя камени исповедания Твоего утверди.

Юношеско и крепко терпение, мужественно показаша мученик лица: ран бо устремление подъяша, и мучений язвы, нетленные Твоея славы, Спасе, желающе, и красоты.

В вечный Твой живот, яже в надежди усопших, Милостиве, прими души: и желаемых и Божественных, Владыко, недр Божественного Авраама внутрь всели, и с Лазарем блаженным сопричти.

Слава: Сошедый с Небес, во еже спасти род человеческий, Благоутробный Спасе, невестественного света, и Божественная славы Твоея насыщатися и радости, благочестно преставленные, Твоим милосердием сподоби.

И ныне: Закони естества разрешися в Тебе, Непостижимое Слово Заченшей, Чистая: и закон нам Божественный дадеся, всем оставление подая отчаяваемым прегрешеньми, благодатию Божественная любви.

Песнь 4

Ирмос: Плотское пришествие твое, Христе, уверяя пророк Аввакум, зываше: слава силе твоей, Господи.

Укрепляеми еже ко Господу любовью мученицы, обнемощаша вражию силу: темже ублажаются.

Яко овчата пастыря и агнцы, блаженнии иерарси, словесному стаду предстаете Божественною благодатию.

Многосветлыя яко звезды, добродетели светлостию, озаристе верных исполнение, преподобнии отцы наши.

Слава: Единственное торжество крепких жен, и сословие святых пророк, улучиша небесныя благости.

Богородичен: Моли, Егоже родила еси Сына, Всепетая, искушений всяческих и скорбей избавитися рабом Твоим.

Ин Ирмос: Отча недра не оставль, и сошед на землю, Христе Боже, тайну услышах смотрения Твоего, и прославих Тя, Единое Человеколюбче.

Страдальческия болезни терпеливно показавше, Христе, мученицы, венцы увязошася правды Твоея, и славят Твою силу.

Пачеестественныя свѣтлости Твоея преставленныя благочестно сподоби, егда приидеши во славе Твоей со Ангелы Твоими, Всещедре и Многомилостиве.

Слава: Трисвѣтлыя зари, Блаже, и единственнаго облистания Божества насладитися сподоби прежде отшедшыя, и славящыя Тя, Человеколюбче.

И ныне: Иже Отча недра не оставль, в Девических недрах Христос водворися, и смерти избавил есть Тебе блажащыя, Богомати, Единая Всепетая.

Пѣснь 5

Ирмос: Утренюет дух мой к тебе, Боже, зане свет еси, и Твоя повеления быша исцеления рабом Твоим, Человеколюбче.

О язвах плотских нерадивше крепцыи страдалцы, и язвы всех исцеляете и страсти, Божественными вашими язвами.

Приясте власть решити и вязати на земли, святителие Христовы: темже наша греховныя пленицы нерешимыя разрешите.

Умом чистым Богу соединившеся лица постничести, пророк, и праведных, и жен честных ликуют, радуящеся ликованием неразоримым.

Слава, мѣртвен: Яко един сый многомилостив, верою, Христѣ, преставленныя от жития, рай сотвори жители, Человеколюбче.

Богородичен: Чертог неразоримъ явльшися Богу, моли Того, Всесвятая Дѣво, чертога мя мысленнаго жителя соделати.

Ин Ирмос: Господи Боже мой, от ноци утреневав тебе молюся: подаждь ми оставление прегрешений моих, и к свету Твоих повелений пути моя направи, молюся.

Мѣрвостию живоносною, истканною мучений ради, всехвальнии мученицы одеяни светло, душам прежде усопшым Божественный испросите покой.

От неизнуримых сокровищ, проливаяя благоутрѣбие, Спасе, души яже преставил еси, с первородными Твоими в жилищах Небесных благоволи водворитися.

Слава: Тяготу отложившыя, и от уз разрешившыся, и к Вышнему животу рабы Твоя прешедшыя, Христѣ, наслаждатися Твоих святых свѣтлостей, Спасе, благоизволи.

И ныне: Владычице Богомати, моих согрешений разрешение подаждь, и даруй ми прощение грехов моих, яже Жизнь Ипостасную миру рождши, Всенепорочная.

Пѣснь 6

Ирмос: Иона из чрева адова вопияше: возведи от тли живот мой. мы же тебе вопием: Всесильне Спасе, помилуй нас.

Низложите вражия възвышения, възвышаеми к Богу в страданиях, всеславнии оружницы, и граждане небеснии бысте.

Ересей зиму отгоняюще, Христовы истиннии святителие, к весне истинней множество благочестивых приведоша.

Крепостию Твоею, Христе, преподобных множество, и пророк, и жен святых, оправдашася, и незаходимаго света наслаждаются.

Слава, мёртвен: Преставил еси, Щедре, от временных рабы Твоя: но сия вечнаго веселия, и живота истиннаго причастники сподоби.

Богородичен: Освяти, Всесвятая Дево, рабы Твоя, Пресвятое Слово плотию рождшая, Егоже поет всякое дыхание, освящаючи.

Ин Ирмос: Плавающего в молве житейских попечений, с кораблём потопляема грехи, и душетленному зверю приметаема, яко Иона, Христе, вопию Ти: из смертоносныя глубины возведи мя.

Лик мученический, неудобь носимыя болезни крепко претерпевший, неболезненныя сладости наследова, правды венцы от живоносныя десницы прием. [Дважды.]

Слава: С праведными, идеже святых лица, и идеже светлость преподобных и вечныя жизни наслаждение, прежде усопшыя Твоя рабы учини, Милостиве, яко Бог Безсмертен.

И ныне: Иже волею Божественною, и содетельною силою, вся составлей от небытия, из утробы Твоея, Чистая, произыде, и сущыя во тме смертней, Богоначальными блистаньми просветила есть.

Песнь 7

Ирмос: В пещи сущи халдейстей, Авраамстии отроцы ликовашу со ангелом, глаголюще: отец наших Боже, благословен еси.

Течении кровными страстотерпцы, нечестия угасиша пламень, поюще: отец наших Боже, благословен еси.

Иерархи восхваляем, просветители мира бывшыя, поюще: отец наших Боже, благословен еси.

Песньми да почтутся пророк и преподобных святый собор, поющих: отец наших Боже, благословен еси.

Слава: Избави геенны, яже приял еси, Христе щедрый, верныя рабы Твоя, вопиющыя: Отец наших Боже, благословен еси.

Богородичен: Яко Ангел честнейшую, Богородицу песнословим, вопиюще: Отец наших Боже, благословен еси.

Ин Ирмос: Пещь отроцы огнепальну древле росоточашу показаша, Единого Бога воспевающе, и глаголюще: превозносимый отцев Бог и препрославлен.

Венцы носяще лица мученик, Царя Христа ясно обстоят мысленно, со

ангельскими ликостояньми, благословен еси, зовуще, Боже отец наших.

Ты смерти и живота власть имей, Щедре, пищи Божественныя сподоби яже в вере Твоей, Спасе, преложенныя, благословен еси, зовущия, Боже отец наших.

Слава: Просвещая светом невестственного светолития, Христе, души, яже преставил еси, в селениях Небесных всели, славословити Тя непрестанно со угодники Твоими.

И ныне: Иже прежде без матере из Отца, ныне же без отца из Тебе, Дево, Христос неизреченно родился, нас ради человек в плоть оболкся: благословен, Пречистая, Плод Твоего Чрева.

Песнь 8

Ирмос: В пещи отроки подражающе, духовную росу приемшии, верою зовем: благословите дела Господня Господа.

Храмы идольския развергосте, всеславнии: и храмы создасте себе духу, страсотерпцы, храбрски течение скончавше.

Явистесь яко цвети благоуханныи, святителие, разумом души верных веселяще благочестия: темже достойно блажими есте.

Землю всю прошедше преподобнии, и Божии пришельцы пророцы бысте, вышнее соблюдающе наслаждение, и славу присно пребывающую.

Слава, покойн: Яко живых и мертвых слове Господи, иже верою усопшыя рабы Твоя, ликом сочетай спасаемых всех, яко един Человеколюбец.

Богородичен: Жен всех сословие, постом и страданием взыскавших Господа, молится непрестанно Божественному лицу Твоему, Пречистая.

Ин Ирмос: Единого Безначальнаго Царя славы, Егоже благословят Небесныя силы, и трепещут чини ангельстии, пойте священницы, людие превозносите Его во веки.

К Небесней зряще славе мученицы, Христова пришествия, о земней нерадиша славе, поюще благочестно Того яко Царя, во вся веки.

Иже земную разрушивый храмину, еже о надежди жизни усопшым Небесную храмину подаждь, в праведных селениях сих упокой во вся веки.

Слава: Мертвым Воскресние, яко Бог подаваяй, иже источник жизни имый: Ты напои пищными потоки, яко Един Благ, прежде усопшыя, во вся веки.

И ныне: Свет Неприступный, Богородице Дево, во чреве Твоем приемши неизреченно, просветила еси сущия во тьме жития, славити благочестно Христа, прошедшаго из Тебе несказанно.

Таже, поем песнь Богородицы: Величит душа моя Господа:

Песнь 9

Ирмос: Паче естества Матерь, и по естеству Деву, едину в женах благословенную, песньми вернии Богородицу величаем.

Священных мученик, и пророк, и праведных, от века добре живших, молитвами их, Христе, души наша помилуй.

Яко служители Владыце, священнотайницы явльшися, совокупистесь слугам небесным: с нимиже о нас моления принесите.

С женами блаженное скончавшья течение, почтим постническая лики святых: яко да тех молитвами улучим священство.

Слава, мертвен: Еяже сподобишася славы, святых всех ликостояния, Христе, преставленыя сподоби причаститься, православно Тебе послужившья.

Богородичен: Грехолюбив сый, судища страшнаго трепещу, рождагося из Тебе, Чистая, в Немже мя, яко Благая, неосуждена соблюди.

Ин Ирмос: Мати Божия и Дева, рождающая и девствующая паки, не естества дело, но Божия низхождения: тем яко Едину Божиих чудес сподобльшуюся, Тя присно величаем.

Явленно доблии мученицы просвещают мир, веры суще столпи, церквам непоколебимая твердыня, и предградия благочестия: тех по достоянию вернии ублажаем.

Избави огня вечнаго, Владыко, от нас преставльшьяся: ребр Твоих копием греховное рукописание растерзав сих, яко Един Человеколюбец, и святых светлости сподоби.

Слава: Яко Благ Бог, и Человеколюбец естеством, яко Милостив, и Щедр, яко живота безсмертнаго Сый сокровище неистоимое, Спасе, верою прежде усопшья нетленные сладости Твоея сподоби.

Богородичен: Закона сени, и преждняя гадания Твоим Рождеством преидоша, ибо исполнение закона и пророков Христос бысть: Егоже во двою существу поюще, Тебе Приснодеву Чистую ублажаем.

Таже, Достойно есть: Ектения, светилен, и псалмы обычные.

На хвалитех стихиры мученичны, глас 7:

Память святых Твоих страстотерпец празднующе, Тебе поем, Христе, вопиюще: Господи, слава Тебе.

Посреде судища законопреступных, радуящися, вопияху, Христе, страстотерпцы: Господи, слава Тебе.

Едино дышуще, и ко Единому взирающе страстотерпцы мученицы, един путь живота обретше, еже за Христа смерть, ревнующе друг друга кончине. Оле чудесе, яко сокровища муки предвосхищаху! друг ко другу глаголаху, яко аще не ныне умрем, умрем же всяко, и бытию должная послужим, сотворим нужду любочестием, общее свое изволивше, смертью

живо́т купим: моли́твами их, Бо́же, поми́луй нас.

Мёртвен: Во стране́ праведных Твоих, Милостиве, ве́рою к Тебе́ предста́вленные от временных, учини́, Человеколю́бче.

Сла́ва, и ны́не, Богоро́дичен: Моли́, Де́во, со апо́столы и му́ченики, обрести на суде́ предста́вльшымся ве́лию милость.

На стиховне стихи́ры мёртвены, глас 7:

Подобен: Неради́вше:

Умерщвле́н виден бы́л еси́ на Кресте́, Еди́не Безсме́ртне, и во гробе́, я́ко мёртв, положен бы́л еси́, умерщвле́ния и тли́ сме́ртныя челове́ки избавляя. Но я́ко пучина́ милосе́рдия сый неисто́щима́я, и исто́чник благосты́ни, ду́шы Твоих ра́б, от нас предста́вленных, упоко́й.

Сти́х: Блаже́ни, я́же избра́л и прия́л еси́, Го́споди.

Мёртвен: Нетле́нную Твоею́ добро́тою, и сла́достью красото́й и Божество́ннаго Твоего́ све́та лучами просвещати́ся сподо́би, к Тебе́ предста́вльшы́яся, Бла́же, в не веще́ственнем светолитии́ светоявле́ния Твоего́, со А́нгелы ликовстующы́я о́крест Тебе́ Влады́ки, и Ца́ря Сла́вы, и Го́спода.

Сти́х: Ду́шы их во благо́их водворят́ся.

Мёртвен: Я́ко неизжива́емое име́я даро́в великоле́пие, я́ко сокрови́ще неоску́дное богаты́я благосты́ни, к Тебе́ предста́вльшы́яся, я́ко Бо́г всели́ в странах избранных Твоих, на ме́сте ослабле́ния, в домо́у сла́вы Твоея́, в пи́щи райстей, в де́вственном черто́зе, я́ко Милосе́рд.

Сла́ва, и ны́не, Богоро́дичен: Зако́на исполне́ние родила́ еси́, изба́вителя плоти́ю бы́ваго: не бо бы́сть су́щым пре́жде в зако́не оправда́ние: Христо́с же нас ради́ распя́тсЯ и оправда́. Я́ко убо́ имущая дерзнове́ние, я́ко Мати, моли́ Сы́на Твоего́ благоутро́бнаго, ду́шы упоко́ити благоче́стно от нас предста́вленных, Всепе́тая.

Та́же, Благо́ е́сть: и Трисвято́е. По О́тче наш: тропа́рь, ектени́а, и ча́с пе́рвый, и отпу́ст.

В суббóту блаженны, глас 7:

Красен бѣ и добр в снѣдь, иже менѣ умертвѣвый плод: Христосъ естъ древо животное, от Негоже ядый не умираю, но вопию с разбойником: помяни мя, Господи, во Царствии Твоем.

Стих: Блажени изгнани правды ради, яко техъ естъ Царство Небесное.

Скончавше добрый подвиг, и веру соблюдше, венцы нетленные от Бога прияли есте: и славы Его сподобистесь, мученицы всехвальнии, Ангелом сожителіе.

Стих: Блажени есте, егда поносятъ вам, и изженутъ, и рекутъ всякъ зол глагол, на вы лжуще менѣ ради.

Священнодейственных и преподобныхъ собори, и пророк, и честныхъ женъ сословіе да почитѣтся священо, во храмахъ первородныхъ ныне живуще в радости, и соводворяющесе со безплотными чинми.

Стих: Радуйтесе и веселитесе, яко мзда ваша многа на небесехъ.

Учини в храмахъ святыхъ, яже прѣставил еси от насъ, Слове Божий, техъ презревъ душевная согрешения, в ведении и неведении содеяная на земли, и ущедри рабы Твоя.

Слава: Раби Твои, о Троице Святая, умирающии к Тебѣ приходятъ, избавитесе отъ страшныхъ оныхъ мук, и уллучити просятъ благихъ славы святыхъ Твоя, в часъ судный.

И ныне: Вселися в Твоей утробѣ, Всесвятая Чистая, Отчее сияние, и прельщенныя вражиимъ злымъ советомъ, и впадшыя во тлю, паки обновилъ естъ.

Конѣцъ седьмому гласу.

Глас 8

Суббота

В субботу вечера, на малей вечерни

на Господи, возвах, стихиры воскресны 3, повторяюще первую. Глас 8:

Стих: От стражи утренняя до нощи, от стражи утренняя, да уповает Израиль на Господа.

Вечернюю песнь, и словесную службу, Тебе, Христе, приносим: яко благоволил еси помиловати нас Воскресением.

Господи, Господи, не отвержи нас от Твоего лица: но благоволи помиловати нас Воскресением.

Радуйся, Сионе святый, мати церквей, Божие жилище: Ты бо приял еси первый, оставление грехов, Воскресением.

Слава, и ныне, Богородичен, догматик. Глас 8.

Како Тя ублажим, Богородице? Како же воспойм, Препоблагословенная, непостижимое таинство рождения Твоего? Веков бо Творец, и нашего Содетель естества, Свой образ ущедлив, низведе Самого Себе во истощание неизследимое, сый в невестственных недрах Отчих, во утробе Твоей, Чистая, вселися, и плоть непреложно бысть, от Тебе, Неискусобрачная, пребыв убо, еже бе естеством Бог. Темже Ему поклоняемся Богу совершенну, и Человеку совершенну, Тому во обоим зраце: ибо обою естество в Нем есть воистинну: Сугуба же вся проповедуем естественная Его свойства, по сугубому существу, два почитающе действия и хотения. Единосущен бо сый Богу и Отцу, самовластно хочет и действует яко Бог: единосущен же сый и нам, самовластно хочет, и действует яко Человек. Того моли, Чистая Всеблаженная, спаси души наши.

Таже, Свете тихий: Посем прокимен: Господь воцарися, в лепоту облечеса. **Трижды. Стих:** Облечеса Господь в силу, и препоясася. **Таже,** Сподоби, Господи, в вечер сей:

Иерей же ектений не глаголет, но поем на стиховне стихирю воскресну, глас 8:

Возшел еси на Крест, Иисусе, низшедый с Небес: пришел еси на смерть, Животе Безсмертный, к сущим во тьме, Свет истинный: к падшим, всех Воскресение, просвещение, и Спасе наш, слава Тебе.

Таже, Богородичны подобны, три. Глас 8:

Подобен: О преславнаго чудесе!

Стих: Помяну имя Твое во всяком роде и роде.

Радуйся, Богородице всепетая. Радуйся, источнице живота верным

источающъ. Радуйся, всѣх Владычице, и Госпожѣ твари Благословенная. Радуйся, Всенепорочная, Препрославленная. Радуйся, Всепречистая. Радуйся, палато. Радуйся, Божественное селение. Радуйся, Чистая. Радуйся, Мати Дѣво. Радуйся, Богоневѣсто.

Стих: Слыши, Дщи, и виждь, и приклони ухо Твое.

Радуйся, Богомати Речистая. Радуйся, верных надежде. Радуйся, мира очищение. Радуйся, всякия скорби избавляющи рабы твоя. Радуйся, человеков утешение живоносное. Радуйся, заступление. Радуйся, предстолпие призывающих Тя. Радуйся, Божие Божественное пребывание, и Горю Святая.

Стих: Лицу Твоему помолятся богати людстии.

Радуйся, Богородице, Мати Христова. Радуйся, едина надежде, человеков заступление. Радуйся, прибежище. Радуйся, свещниче света светлый. Радуйся, свеще освященная. Радуйся, палато. Радуйся, раю. Радуйся, Божественное селение. Радуйся, источниче, источающъ воды притекающим к Тебѣ.

Слава, и ныне, Богородичен догматик:

Егоже небо не вмести, Дѣво Богородице, во чреве Твоем нетесномѣстно вместися: и пребыла еси, Чистая, словом неизреченным, ничимже дѣвству оскверншуся. Ты бо едина была еси в женах, и Мати, и Дѣва: и Ты едина Пречистая, воздоила еси Сына Живодавца, и на объятях Твоих носила еси недремлющее око: но не остави недра Отча, якоже прежде век предбысть. Но горѣ весь Бог со ангелы, доле весь из Тебѣ с человеки, и вездѣ несказанно. Того моли, Всесвятая Владычице, спастися, православно Богородицу Чистую исповедающим Тя.

Таже, Ныне отпускаеши: Трисвятое, и по Отче наш: Тропарь воскресен. Слава, и ныне, Богородичен его, и отпуст.

В суббóту на вели́цей вечерни

на Гóсподи, воззва́х, поста́вим стихо́в 10, и поём стихи́ры воскресе́ны, глас 8:

Сти́х: Изведи́ из темни́цы ду́шу мою́, испове́датися и́мени Твоему́. Вечернюю́ пёснь, и словесную́ службу́, Тебе́, Христе́, прино́сим: яко благоволил еси́ помиловать нас Воскресе́нием.

Сти́х: Мене́ ждúт пра́ведницы, донде́же возда́си мне́. Гóсподи, Гóсподи, не отвержи́ нас от Твоего́ лица́: но благоволи́ помиловать нас Воскресе́нием.

Сти́х: Из глубины́ воззва́х к Тебе́, Гóсподи, Гóсподи, услы́ши глас мой. Ра́дуйся, Си́оне святы́й, ма́ти Церкве́й, Бо́жие жилище, ты́ бо прия́л еси́ пер́вый, оставле́ние грехо́в, Воскресе́нием.

Ины́ стихи́ры Анато́лиевы, глас то́йже.

Сти́х: Да бу́дут уши́ Твои́, внемлюще́ гласу́ моле́ния моего́. Е́же от Бога́ Отца́ Сло́во, пре́жде ве́к ро́ждшееся, в последняя́ же времена́, То́ежде от Неискусобра́чныя вопло́щенное волею́, распя́тие сме́ртное претерпе́: и дре́вле умерщвле́ннаго челове́ка спасе́ Своим Воскресе́нием.

Сти́х: А́ще беззако́ния на́зриши, Гóсподи, Гóсподи, кто́ постои́т? Яко у тебе́ очище́ние е́сть.

Е́же из ме́ртвых Твоё Воскресе́ние славосло́вим, Христе́, и́мже свободил еси́ Адамский́ род от а́дова мучи́тельства: и даровал еси́ миру́ яко Бог жизнь вечную́, и велию́ милость.

Сти́х: И́мене ра́ди Твоего́ потерпéх Тя́, Гóсподи, потерпé душа́ моя́ в сло́во Твоё, упова́ душа́ моя́ на Гóспода.

Сла́ва Тебе́, Христе́ Спасе́, Сы́не Бо́жий единоро́дный, пригвозди́вшийся на Кресте́, и воскресе́й из гроба́ тридне́вен.

Сти́х: От стра́жи у́тренняя до но́щи, от стра́жи у́тренняя, да упова́ет Израи́ль на Гóспода.

Тебе́ сла́вим, Гóсподи, волею́ нас ра́ди Крест претерпéвшаго, и Тебе́ поклоня́емся, Всеси́льне Спасе́: не отвержи́ нас от лица́ Твоего́, но услы́ши и спаси́ ны Воскресе́нием Твоим, Человеколю́бче.

Ины́ стихи́ры Богороди́це, Па́вла Аморре́йскаго. Глас 4:

Подобен: Яко до́бля:

Сти́х: Яко у Гóспода милость, и мно́гое у Него́ избавле́ние, и То́й изба́вит Израи́ля от все́х беззако́ний его́.

А́нгельстии́ чи́нове Тя́, Богома́ти, сла́вят: Бо́га бо Пречи́стая родила́

еси, Иже со Отцем и Духом присносущнаго, и ангельская воинства, от не сущих хотением составляшаго. Егоже моли, спасти и просветити души, иже православно яко Богородицу воспевающих Тя.

Стих: Хвалите Господа вси языцы, похвалите Его вси людие.

Яко источник освящения, ковчег же всезлатый, Божественным Духом озаряемь, молю и припадаю: страстем преданную и окаянную мою душу просвети, Владычице, избавляющи мя горькаго мучительства бесовскаго, и путь мне спасения подающи непреткновенен.

Стих: Яко утвердися милость Его на нас, и истина Господня пребывает во век.

Престоли егда поставятся, и книги разгнутся, и дела обличатся, и всяк кождо предстанет обременен и обнажен, весь трепещя негодования Божия, и праведнаго Того отвещания: тогда мя пощади, Владычице, и всякаго суда исхити, всяческих томлений сущаго виновна.

Слава, и ныне, Богородичен: Царь небесный за человеколюбие на земли явися, и с человеки поживе: от Девы бо Чистыя плоть приемый, и из Нея прошедый с восприятием: Един есть Сын, сугуб естеством, но не Ипостасию. Темже совершенна Того Бога, и совершенна Человека воистинну проповедающе, исповедуем Христа Бога нашего: Егоже моли, Мати Безвестная, помиловатися душам нашим.

Вход. Свете тихий: **Прокимен дне:** Господь воцарися: **и прочее по обычаю.**

На стиховне стихиры воскресны, глас 8:

Возшел еси на Крест, Иисусе, снизшедый с Небесе: пришел еси на смерть, Животе Безсмертный, к сущым во тьме Свет истинный: к падшым всех Воскресение, просвещение, и Спасе наш, слава Тебе.

Ины стихиры, по алфавиту.

Стих: Господь воцарися, в лепоту облечеса.

Христа славословим, воскресшаго от мертвых: душу бо и тело прием, страсти отобоюду отсече, пречистой убо души во ад сошедшей, егоже и плени: во гробе же истления не виде святое тело, Избавителя душ наших.

Стих: Ибо утверди вселенную, яже не подвижится.

Псалмы и песньми славословим, Христе, от мертвых Твое Воскресение: имже нас свободил еси мучительства адова, и яко Бог даровал еси жизнь вечную, и велию милость.

Стих: Дому Твоему подобает святыня, Господи, в долготу дней.

О Владыко всех Непостижимо, Творче небесе и земли, крестом пострадавый, мне безстрастие источил еси: погребение же прием, и воскрес во славе, совоскресил еси Адама рукою всеильною. Слава Твоему

триднёвному востанію, їмже дарова́л еси́ намъ вѣчную жи́знь, и очище́ние грехо́в, яко́ Еди́н Благоутро́бен.

Сла́ва, и ны́не, Богоро́дичен: Безневе́стная Де́во, Я́же Бо́га неизрече́нно заче́нши плото́ю, Ма́ти Бо́га Вы́шняго, Твои́х рабо́в мо́льбы приими́, Всенепоро́чная, все́м подаю́щи очище́ние прегреше́ний: ны́не на́ша моле́ния прие́млющи, моли́ спасти́ся все́м намъ.

Та́же, Ны́не отпу́щаеши: Трисвято́е, и по́ Отче на́ш:

Тропа́рь воскресе́н, гла́с 8:

С вы́соты́ снизше́л еси́, Благоутро́бне, погребѣ́ние прия́л еси́ триднёвное, да на́с свобо́диши страсте́й, Животе́ и Воскресе́ние на́ше, Го́споди, сла́ва Тебе́.

Сла́ва, и ны́не, Богоро́дичен: И́же на́с ра́ди ро́ждейся от Де́вы, и распя́тие претерпе́в, Благо́й, испро́вергий сме́ртию сме́рть, и воскресе́ние явлей́ яко́ Бо́г, не презри́ я́же созда́л еси́ руко́ю Твое́ю: яви́ человеколю́бие Твое́, Ми́лостиве, приими́ ро́ждшую Тя́ Богоро́дицу моля́щуюся за ны́: и спаси́, Спа́се на́ш, лю́ди отчая́нныя.

Та́же, и отпу́ст.

В суббóту на повечэ́рии

канóн моле́бный Пресвяте́й Богоро́дице. Гла́с 8:

Пёснь 1

Ирмо́с: Пои́м Го́сподеви, провед́шему лю́ди Сво́я сквозе́ Чермно́е мо́ре, яко́ еди́н сла́вно просла́вился.

Припе́в: Пресвята́я Богоро́дице, спаси́ нас.

Прииди́те та́йно бра́тие, яко́ от нача́ла Святе́й Богоро́дице, внесе́м ве́рнии пе́снь но́ву, днёсь похваля́юще вели́чия Ея́.

Дре́вле Боговиде́нием Моисе́й озари́вся умо́м, Твоему́ я́сно науча́шеся, Чи́стая, Боголе́пному зача́тию, па́че естества́ Дево́, явльшу́ся ему́ в купине́ саду́.

Сла́ва: Тебе́ предлага́ю сердéчная дея́ния, и приятно́ подаю́ писа́ние, бли́з су́щий Боже́ственный заступле́ния кро́в, ко Влады́це Христу́ Тебе́ предложив.

И ны́не: Приклони́ ми у́хо Твое́, Чи́стая, правосла́вною ве́рою, в се́ни лица́ Твоего́, че́стно любóвию Ти́ притека́ющему, и страхом покланя́ющуся, моле́бный мо́й гла́с услы́ши.

Пёснь 3

Ирмо́с: Ты́ еси́ утвержде́ние притека́ющих к Тебе́, Го́споди: Ты́ еси́ све́т омраче́нных, и поёт Тя́ ду́х мо́й.

Ле́ствица дре́вле патриархо́ва Тя́ прообража́ше, Пренепоро́чная: а́нгельско бо́ являше́ снitie Бо́жие к нам, Боже́ственное соше́ствие во утробе́ Твоей.

Иу́дово ко́лено всели́ся, ю́же Иа́ков прорече́, от ко́лена Его́ прора́стити избавле́ние, Иису́са Христа́: Его́же Ты́ рождши́, Пречи́стая, прославила́ся еси́.

Сла́ва: Грехми́ отча́ян, обрето́х Тя́ приста́нище спасе́ния, Пречи́стая Богоро́дице, упова́ние на́ше и по́моще: те́мже мя́ к пока́янию настави́.

И ны́не: Бли́з Тя́ су́щу Влады́ки има́м, Пресла́вная Влады́чице, дея́ний мо́их кни́гу возложих на́ Тя́ ве́рою: не премолчи́ уще́дрити мя́.

Пёснь 4

Ирмо́с: Из горы́ приосене́нныя Сло́ве, проро́к, Еди́нныя Богоро́дицы, хотя́ща воплотити́ся, боговидно́ усмотри́, и со страхом славосло́вляше́ силу́ Твою́.

Ты́ яко́ мони́сты златы́ми оде́яна Невéста О́тца, благода́ть прие́мши, укра́шшися добро́тою де́вства, Ма́ти явила́ся еси́ Сы́на Бо́жия.

Тя́ и́стинный Сион, Христо́с Сло́во, изво́ли Себе́ в Боже́ственное

селение, яко избранну избрав, Богородице, на обновление всего мира.

Слава: Радуйся, красная палато Слова, девственный чертоже Царя: радуйся, похвало всех безплотных: радуйся, человеков помощи.

И ныне: Удаляются от Бога, темже и погибают, отметающие образы Сына Твоего, Мати Божия Дево Богородице: имиже спасаются чтуции Тя.

Песнь 5

Ирмос: Мрак души моея разжени, Светодавче Христе Боже, началородную тьму изгнав бездны: и даруй ми свет повелений Твоих, Слове, да утренюя славлю Тя.

С Божественным сошедшеся Гавриилом, возопиим Богородице верно: радуйся, Дево Святая, Благодатная, Господь с Тобою, Иже Тебе ради потребив печаль, подаде радование.

Пречистое Твое чрево Гедеон виде, Дево Чистая, в неже яко дождь Слово сошед, воплотися Божественным Духом, Отча неразлучен сый Божества.

Слава: Помощница мира, и заступница еси человеков грешных, Богородительнице Дево: и верою и любовию прибегающим к Тебе, пременение спасительное, и решило прегрешений многих.

И ныне: Прорастила еси без семене, Иже прежде всякия твари, прозябение Сына Отца, безлетно же и безначально, Духом Божественным, Богородительнице Чистая: Егоже подобие вида вси почитаем.

Песнь 6

Ирмос: Содержима мя приими, Человеколюбче, грехи многими, и припадающа щедротам Твоим, яко пророка, Господи, и спаси мя.

Девства Тя зеркало сущо, и приятелище чисто Божества восхваляем, Дево неискусобрачная, песньми.

Бог во утробе Твоей воплотися, безстрастно и ужасно, Богоневесто, якоже в свитце нове писан перстом Отчим.

Слава: Очищение имамы покров Твой, и известную надежду и заступление, Дево Чистая: не посрами, Владычице, рабы Твоя.

И ныне: Страстей неуставное бешение, предстанием Твоим, Богоневесто, устави в тишину: и ко пристанищу настави нас тишины.

Таже: Господи, помилуй, **трижды. Слава, и ныне:**

Кондак, глас 8:

Взбранной Воеводе победительная, яко избавльшися от злых, благодарственная восписуем Ти, рабы Твой, Богородице: но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Песнь 7

Ирмос: Божия снизхождения огонь устыдеса в Вавилоне иногда, сего ради отроцы в печи радованною ногою, яко во цветнице ликующе, пояху: благословен еси Боже отец наших.

Радости наша ходатаица явилася еси Дево, и благодати приносяще венец любовию, радуйся, вопиём Ти, Благословенная Чистая, похваляюще.

Гора Святая еси Божия приосененная, гора тучна Пренепорочная: гора усуренна Божественными сиянии: гора, в нейже Бог благоволи жити.

Слава: Побеждая благодать Твою несть грех, Матерне бо дерзновение и волю имаши, и решиши прегрешения молитвами Твоими, и преводиши вся стремления.

И ныне: От Троицы родила еси Единого, Богородице, бывша непреложна плотским соединением, сугуба суща Естеством: егоже вида образ почитаем.

Песнь 8

Ирмос: На горе святей прославльшася, и в купине огнем Приснодевы Моисеови тайну явльшаго, Господа пойте, и превозносите во вся веки.

Кадилаица явилася еси пророку, Божественного Угля сущи, грехи отемлющаго, Богородице Дево, Мати Бога нашего.

Даниил провиде Тя гору велию, Богородице Дево: из неяже честный камень Христос, плотию облечеса, и лести низложи идольския храмы.

Слава: Великий кит ищет пожрети мя, лютаго греха и страстей моих отчаяния: но предвари и спаси раба Твоего, Владычице.

И ныне: Иже Тобою беседовавый к человеку, Бог сый всяческих, зрак человека восприят: Егоже взор почитаем, Дево, в писаниих.

Песнь 9

Ирмос: Войстинну Богородицу Тя исповедуем спасеннии Тобою, Дево Чистая, с безплотными лики Тя величающе.

Вертоград затворен Тя, Дево Богородице, и запечатан источник Духом Божественным, премудрый в песнях поет: темже яко Сад жизни, воплощается Христос.

Твоего несказаннаго Рождества прописуя пророк, книгу запечатану провиде, еяже никтоже тайнство разуме, вочеловечения Рождества Твоего.

Слава: Тебе во умилении души молимся вси: не презри, Владычице, наша мольбы, но буди благоуветлив нам покров, и молитву нашу услыши.

И ныне: Твоему и Сына Твоего припадаю образом: и сомнящихся почитати, яко манентовы лжи отметаю, Богородице Дево: темже православно песнь скончаваю.

Таже, Достойно есть: Трисвятое. И по Отче наш: кондак, и прочее по обычаю, и отпуст.

Неделя

В недѣлю ўтра, на полунощнице

канон Пресвятѣй и Живоначальней Троице, [егоже краестрочие: Троице Единице, спаси мя, Твоего раба.] Творение Митрофаново. Глас 8:

Пѣснь 1

Ирмос: Колесницегонителя фараона погрузи, чудотвори иногда Моисейский жезл, крестообразно поразив, и разделив море: Израиля же беглеца пешеходца спасе, пѣснь Богу воспевающая.

Припѣв: Пресвятая Троице, Боже наш, слава Тебе.

Трисолнечному Царю, и Строителю, и Промыслителю всяческих, и Благому Единому, Естественне Сущему, и Единственную имущему Божества славу, Богу Единонаначальному припадаем, пѣснь Трисвятую поюще.

Течения Божественная, и пророчества яже свыше помняще яве, Богоначальное Естество Единственное славим, Присносущное, Собезначальное, в Трех Лицах, Отце, и Сыне, и Дусе, Содетельное, Всесильное.

Священнотайник Авраам быв, священообразно древле, Творца всех и Бога и Господа, в Трех убо Ипостасех прият радуясь, и Трех Ипостасей державу единственную позна.

Богородичен: Неискусобратно Христа родила еси, Еже по нам, нас ради восприемша естество, Пречистая, и Непреложна по обою пребывша. Егоже моли непрестанно, грехов ми даровати и искушений избавление.

Пѣснь 3

Ирмос: Утверждей в начале небеса разумом, и землю на водах основавый, на камени мя, Христе, заповедей Твоих (церкве) утверди, яко несть свят паче Тебе, Едине Человеколюбче.

Тебе Непреступнаго Бога и Царя славы на престоле Исаиа виде висоце, и Херувимы и Серафимы славящия непрестанными пѣснями, Единственнаго Триипостаснаго.

Единаго от Отца яко от ума рожденаго Слова, и Духа происходяща неизглаголанно, по коемуждо помышлению, и книжными учении постигше, Единаго Бога Трисолнечнаго почитаем.

Иже сый Нерожденный Отец, и Своего Существа сияние родив нетленно Сына, Свет от Света: исходне предлагает срасленный Свет Духа, Вседетельна, и Единочестна.

Богородичен: Храм явилася еси чист, Дево Мати Марие, вся всесильно и премудро составльшему Христу, и в чине положшему и носящему:

Егоже Милостива ми сотвори Матерними Твоими молитвами.

Господи, помилуй, **трижды.**

Таже, седален, глас 8: Подобен: Повеленное тайно:

Трисолнечнаго и Честнаго Богоначалия силу вернии ныне восхвалим, яко манием токмо вся составил вышня я ликостояния ангельская, и нижняя священноначалия церковная, еже взывати: Свят, Свят, Свят еси Боже Преплагий: слава и пение Державе Твоей.

Слава, и ныне, Богородичен: Яже Непременнаго Бога порождающая, прменяемое присно сердце мое грехом и леностию, прилогми лстываго, утверди, Благая, молитвами Матерними Твоими: яко да и аз благодарно славолю Тя, Богородительнице Марие, помилуй стадо Твое, еже стяжала еси, Всенепорочная.

Песнь 4

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отца, и нашу нищету посетив. Тем с пророком Аввакумом зову Ти: силе Твоей слава, Человеколюбче.

Восток явльшися Божества сущым во тьме, всю разгна несветлую ночь страстей: и правды Солнце возсия, Просто убо по Существо, Трисианно же Лицы: Еже поем присно, и славим.

Серафимскими усты воспеваемого, бранными устнами славим Единственнаго, и Троичнаго Господа славы, Естеством и Ипостасьми, вопиюще: О Всецарю, Твоим рабом подаждь различных прегрешений прощение!

Содержительная всех сущих, Невидимая, Всещедрая, Благоутробная, Человеколюбивая Троице Честная, и Богоначальная, не забуди мене, Твоего раба, в конец: ниже разори иже заещал еси Твоим рабом завет, за неизреченную милость.

Богородичен: Красную Тя, Всечистая, Едину обрет от века доброту Иаковлю, Пребезначальное Слово, и вселися в Тя благоутробия ради, обнови человеческое естество: Егоже моли непрестанно, от всякия мене избавитися скорби.

Песнь 5

Ирмос: Вскую мя отринул еси от лица Твоего Свете незаходимый, и покрыла мя есть чуждая тьма окаяннаго: но обрати мя, и к свету заповедей Твоих пути моя направи, молюся.

Соприсносушная Три Лица славим, Единого же Господа, Тя Божественное Естество, разделяюще просто, и совокупляюще, и верно вопием: Богоначальная Троице Святая, Твоя рабы от скорби избави.

Рыдаю зельне за немощь мысли моя, како не хотя стражду невольное

войстинну изменёние; сего ради зову: Живоначальная Троице Святая, добрых в стоянии мя учини.

Дреманием отягчена мя греховным, и пореваема в сон смертный, яко Человеколюбивая и Преплагая, и Всемиловитая, Богоначальная Троице Святая, ущедри и возстави мя.

Богородичен: Мати Дево Отроковице, Пречистая, Всенепорочная, Богоблагодатная, Твоими молитвами Сына и Бога Твоего и Господа милостива сотвори мне: и страстей, и прегрешений Твоего раба избави вскоре.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Небесных умов чиноначалия подражающе, Едиנוначальная всех Троице Пресущественная, Трисвятыми песнями Тя славословим, бранными нашими усты.

Иже по образу Твоему человека создавшему, и от не сущих все премудро составльшему, Богу Триипостасному поклоняюся, и чту, и пою, и величаю Тя.

Вседержителю Боже, и Едине Неопределенный, вселися в мя за неизреченную милость, Трисолнечный Владыко: и озари мя, и вразуми, яко Благоутробен.

Богородичен: Храм явилася еси Бога Невместимаго, Пречистая, храм и мене Того покажи, Божественная благодати Пресвятая Владычице, Твоими мольбами, и соблюди невредима.

Господи, помилуй, **трижды.**

Седален, глас 8: Подобен: Повеленное тайно:

Отца Безначальна вернии, Сына Собезначальна, и Духа Божественнаго войстинну песнословим, Неслиянне, Непревратне и Неизменне, Троицу Просту, и Святу, и Сраслену, вопиюще со ангелы: Свят еси Отче, Сыне, со Духом Пресвятым и Честным. Помилуй, яже создал еси по образу Твоему, Владыко.

Слава, и ныне, Богородичен: Благодарим Тя присно, Богородице, и величаем, Чистая, и поклоняемся, воспевающе рождество Твое, Благодатная, вопиюще непрестанно: спаси нас, Дево Премилостивая, яко Благая в час испытанія, да не посрамлени будем раби Твои.

Песнь 7

Ирмос: Божия снизхождения огнь устыдеса в Вавилоне иногда, сего ради отроцы в печи радованною ногою, яко во цветнице ликующе пояху: благословен еси Боже отец наших.

Премудростию неизглаголанною Твоею, и пучиною благостыни, ту́не Твоего раба помилованна покажи́ мя: и ны́не, якоже дрéвле, изба́ви озлоблénия, Трoице Едини́це Бо́же, грехoв и страстéй. [Два́жды.]

У́м Нерождéнный Оте́ц, и Слово ро́ждшееся от Него́, и Ду́х Божéственный, непости́жне Исходен сый, Бо́же Единоначáльне, Трисoлнечне, пою́ Тебе́: благословéн Бог Оте́ц наших.

Богорóдичен: Умерщвлéн бых, Пречистая, грехoвным я́дом напоён, и притекаю́ к Тебе́ вéрою, ро́ждшей Нача́льника живота: Твоими моли́твами раба Твоего́ оживи́, и искушéний и страстéй изба́ви, Едина Чистая.

Пéснь 8

Ирмо́с: Седмери́цею пéщь халдéйский мучи́тель богочестивым неистовно разжжé, силою же лúчшею спасéны сия́ видев, Творцú и Избáвителью вопия́ще: oтpоцы благословите, священницы́ воспойте, людие превозносите во вся́ веки.

Свёт сый Незаходим, Триси́янен и Трисoлнечный и Единоначáлен, Самодержáвен, Простéйший, Бог Непости́жимый, и Самодержáвен Господь, ны́не темное и омрачéнное моё сёрдце озари́: и покажи́ светозарно и светоно́сно пéти Тя, и славити во вся́ веки.

Священнейшими́ крилы́, Серафими́ Божéственнейшии, лица́ и но́ги благоговéйно покрывáют, славы не терпя́ще непости́жимыя доброты́ Твоея́, Благоначáльная, Богоначáльная, Единоначáльная Трoице пресвятáя: о́баче и мы́ воспевáти Тя дерза́ем, и славити вéрно во веки.

Господоначáлие Безначáльное, Всесильную́ и Преблáгу, Совершеннoначáльную, Благодéйственну, Неопредéльну, Винú Невинoвну, Творительну́, Присносущну́, Промыслительну́ и спасительную́ всем Едини́цу по Существу́, и Трoицу Ли́цы, славлю́ Тя, Бо́же мой, вéрно во веки.

Богорóдичен: На земли́ возсия́ Невечéрнее Сoлнце, ро́ждеством Ё́же из Тебе́ дéвственным, Пречистая Влады́чице, и челове́ки изба́ви от идольскаго помрачéннаго мрака. Тёмже и ны́не мя́ паче Того́ Богоначáлия озари́ лучами́, и соблюди́ Твоего́ раба́.

Пéснь 9

Ирмо́с: ужасéся о сём нéбо, и земли́ удиви́шася концы́, яко́ Бог я́вися человеком плóтски, и чре́во Твое́ бысть пространнейшее небéс. Тём Тя́, Богорóдицу, áнгелов и человекó чиноначáлия велича́ют.

И́же все́ми Цáрствующее, и Вседéтельное Преначáльное Естество́, Вышшелéтну́ю, Живоначáльную, Благоутрoбну́, Человеколю́бивую, Благу́ю, Единоначáльную Трoицу Тя́ ны́не славословя́ще, грехoв прощénия просим, мирoви мира, и цёрквам единомы́слия. [Два́жды.]

Еди́но Госпо́дьство и Триси́янное, Еди́нственное Богонача́лие Трисо́лнечное, певцы́ прими́ Тво́я боголе́пно, и прегреше́ний изба́ви, и искуше́ний и лю́тых: и вско́ре ми́р пода́ждь человеколю́бно, и це́рквам соедине́ние.

Богоро́дичен: Во утробу́, Христе́ Спа́се мой, Деви́ческую вселься, яви́лся еси́ ми́ру Твоему́ Богому́жно, Непревра́тен, Неслия́нен войстинну: и обеща́л еси́ всегда́ с Твои́ми рабы́ бы́ти я́ве. Те́мже Тебе́ ро́ждшия молитва́ми, ми́р все́му ста́ду Твоему́ устро́й.

Посе́м припе́вы Григо́риа Синаи́та: Досто́йно е́сть: **И проче́е** полунощи́цы, писа́но в конце́ книги се́я.

На ўтрени по ексапсалмэх

Бо́г Госпо́дь, и яви́ся на́м: **на глас 8, и глаго́лем тропа́рь воскресе́н: С** высоты́ снизше́л еси́: **два́жды. Сла́ва, и ны́не, Богоро́дичен: И**же на́с ра́ди ро́ждейся от Де́вы: Та́же обы́чное стихосло́вие Псалти́ра.

По 1-м стихосло́вию, седа́льны воскресе́ны, глас 8:

Воскресе́л еси́ из ме́ртвых Животе́ все́х, и а́нгел све́тел жена́м вопи́яше: преста́ните от слез, апо́столом благовестите́, возопи́йте пою́щя: я́ко воскресе́ Христо́с Госпо́дь, благоволи́вый спасти́ я́ко Бо́г ро́д челове́ческий.

Сти́х: Воскреси́, Госпо́ди Бо́же мой, да вознесе́тся рука́ Твоя́, не забу́ди убо́гих Твои́х до конца́.

Воскреси́ из гроба́ я́ко вои́стинну, преподо́бным повеле́л еси́ жена́м пропове́дати воста́ние апо́столом, я́коже пи́сано е́сть: и ско́рый Пе́тр предста́ гробу́, и све́т зря́ во гробе́, ужа́сашеся. Те́мже и уви́дев плащаницы́, кроме́ Божественна́го Те́ла в нём лежа́щя, со стра́хом (с веро́ю) возопи́: сла́ва Тебе́, Христо́е Бо́же, я́ко спасае́ши вся́, Спа́се на́ш: Отче́е бо еси́ сия́ние.

Сла́ва, и ны́не, Богоро́дичен: Небе́сную две́рь, и киво́т, все́вятую́ го́ру, светоза́рный о́блак воспо́им, небе́сную ле́ствицу, сло́весный ра́й, Ёви́но изба́вление, вселе́нныя все́я вели́кое сокрови́ще, я́ко спа́сение в Не́й соде́лася миро́ви, и оста́вление дре́вних согреше́ний. Сего́ ра́ди вопи́ем Ти́: моли́ Сы́на Твоего́ и Бо́га, прегреше́ний оста́вление дарова́ти, благоче́стно покланя́ющымся пресвя́тому ро́ждеству́ Твоему́.

По 2-м стихосло́вию седа́льны воскресе́ны, глас 8:

Челове́цы, Спа́се, гроб́ Тво́й запеча́таша: а́нгел ка́мень от двере́й отвали́: жены́ виде́ша воста́вша от ме́ртвых, и ты́я благовести́ша учени́ком Твои́м в Сио́не, я́ко воскресе́л еси́ Животе́ все́х, и разреши́шася у́зы сме́ртныя: Госпо́ди, сла́ва Тебе́.

Сти́х: Испове́мся Тебе́, Госпо́ди, все́м се́рдцем мои́м, пове́м вся́ чудеса́ Твоя́.

Мира́ погребате́льная жены́ прине́сшя, глас а́нгельский из гроба́ слы́шаху: преста́ните от слез, и вме́сто печа́ли ра́дость приими́те, возопи́йте пою́щя: я́ко воскресе́ Христо́с Госпо́дь, благоволи́вый спасти́ я́ко Бо́г ро́д челове́ческий.

Сла́ва, и ны́не, Богоро́дичен, не седа́ще поём, но стоя́ще, и со стра́хом и благоговением:

О Тебе́ ра́дуется, Благода́тная, вся́кая тва́рь, а́нгельский собо́р, и челове́ческий род, освяще́нный хра́ме, и раю́ сло́весный: де́вственная

похвало, из Неяже Бог воплотися, и Младенец бысть, прежде век сый Бог наш: ложесна бо Твоя престол сотвори, и чрево Твое пространнее небес содела. О Тебе радуется, Благодатная, всякая тварь, слава Тебе.

Ипакои, глас 8: Мирносицы Жизнодавца предстояща гробу, Владыку искаху в мертвых Безсмертнаго, и радость благовещения от ангела приемша, апостолом возвещаху: яко воскресе Христос Бог, подавай миру велию милость.

Степenna, глас 8: Ихже стихи повторяюще поем.

Антифон 1:

От юности моя враг мя искушает, сластми палит мя: аз же надеяся на Тя, Господи, побеждаю сего.

Ненавидящи Сиона, да будут убо прежде исторжения яко трава: ссечет бо Христос вы их, усечением мук.

Слава: Святым Духом, Еже жити всяческим: Свет от Света, Бог Велик: со Отцем поем Ему, и с Словом.

И ныне, тойже.

Антифон 2:

Сердце мое страхом Твоим да покрывается смиренномудрствующее: да не вознесшееся отпадет от Тебе, Всещедре.

На Господа имевый надежду, не устрашится тогда, егда огнем вся судити имат, и мукою.

Слава: Святым Духом, всяк кто Божественный видит, и предлаголет, чудодействует вышня, в Трех Единого Бога поя: аще бо и трисияет, единоначальствует Божество.

И ныне, тойже.

Антифон 3:

Возвах Тебе, Господи, вонми, приклони ми ухо Твое вопиюще, и очисти, прежде даже не возмешь мене отсюда.

В матери своей земли отходяй всяк, паки разрешается, прияти муки, или почести поживших.

Слава: Святым Духом богословие, Единица Трисвятая: Отец бо Безначален: от Негоже родися Сын безлетно, и Дух Сопрестолен, Сообразен, от Отца спросивший.

И ныне, тойже.

Антифон 4:

Се ныне что добро, или что красно; но еже жити братии вкупе: в сем бо Господь обеща живот вечный.

О ризе своей, Иже крины сельныя украшая, повелевает, яко не подобает пещися.

Слава: Святым Духом, Единовидною виною, вся содержатся мироподательне: Бог бо Сей есть, Отцу же и Сынови Единосущен Господственне.

И ныне, тойже.

Прокимен, глас 8: Воцарится Господь во век, Бог твой, Сионе, в род и род. **Стих:** Хвали, душе моя, Господа, восхваляю Господа в животе моем. Всякое дыхание: и Евангелие воскресно утреннее. **Воскресение Христова. Псалом 50. И прочая поряду.**

Канон воскресен. Глас 8:

Песнь 1

Ирмос: Колесницегонителя фараона погрузи, чудотвори иногда Моисейский жезл, крестообразно поразив, и разделив море: Израиля же беглеца, пешеходца спасе, песнь Богу воспевающая.

Припев: Слава, Господи, святому Воскресению Твоему.

Всесильну Христову Божеству како не дивимся; от страстей убо всем верным, безстрастие и нетление точащу, от ребра же святого источник бессмертия искапающую, и Живот из гроба Присносущный.

Яко благолепен женам ангел ныне явился, светлыя нося образы естественныя невестественныя чистоты, зраком же возвещая свет воскресения, зовый: воскресе Господь.

Богородичен: Преславная возглаголашася о Тебе в родех родов, Бога Слова во чреве вмещающая, чиста же пребывши, Богородице Марие. Темже Тя вси почитаем, сущее по Бозе заступление наше.

Канон крестовоскресен.

Ирмос: Воду прошед яко сушу:

Взяшася врата болезненная, и ужасошася вратницы адовы, зряще в преисподнейшая Сошедшаго, Иже на высоте всех превыше естества.

Удивишася чини ангельстии, зряще на престоле посаждено Отчи, отпадшее естество человеческое, затвореное в преисподних земли.

Чини Тя ангельстии и человечесстии, Безвестная Мати, хвалят непрестанно: Зиждителя бо сих, яко Младенца на объятиих Твоих носила еси.

Ин канон Пресвятей Богородице.

Ирмос: Поим Господеви, проведшему люди Своя:

Пречистая Богородице, воплощенное Присносущное и Пребожественное Слово, паче естества рождши, поем Тя.

Грозд Тя Живоносен, всемирнаго искапающ сладость спасения, Дева Христе роди.

Род Адамль, ко еже паче ума блаженству, Тобою возведенный,

Богородице, достойно славит Тя.

Катавасиа: Отверзу уста моя:

Песнь 3

Ирмос: Утверждей в начале небеса разумом, и землю на водах основавый, на камени мя, Христе, заповедей Твоих утверди, яко несть свят, паче Тебе, Едине Человеколюбче.

Осуждена бывша Адама вкушением греха, плоти Твоея спасительною страстию оправдал еси, Христе: Сам бо неповинен смертнаго искуса был еси, Безгрешне.

Воскресения свет возсия сущым во тьме, и сени смертней сидящим, Бог мой Иисус, и Своим Божеством крепкаго связав, сего сосуды расхитил есть.

Богородичен: Херувимов и Серафимов превышши явилася еси, Богородице: Ты бо Единая прияла еси Невместимаго Бога в Твоем чреве, Нескверная: темже Тя вернии вси песнями, Чистая, ублажаем.

Ин Ирмос: Небеснаго круга Верхотворче Господи:

Отвергшагося прежде заповеди, Господи, изриновена мя от Тебе сотворил еси, в негоже вообразився, послушанию же навьк, себе паки наздал (научив, к себе вселил) еси распятием.

Премудростию вся проуведевый, Господи, и разумом Твоим водрузивый преисподняя, не не сподобил еси снизхождением Твоим Слове Божий, воскресити, еже по образу Твоему.

Богородичен: Вселився в Деву телесне, Господи, явился еси человеком, якоже подобаше видети Тебе: Юже и показал еси яко истинную Богородицу, и верных Помощницу, Едине Человеколюбче.

Ин Ирмос: Ты еси утверждение:

Даждь нам помощь Твоими молитвами, Всечистая, прилоги отражающи лютых обстояний.

Еве праматери Ты исправление была еси, Начальника жизни миру, Христа Богородице рождши.

Препояши мя силою, Всечистая, Яже воистинну Бога рождши плотию, Отчую Ипостасную силу.

Песнь 4

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отча, и нашу нищету посетив. Тем с пророком Аввакумом зову Ти: силе Твоей слава, Человеколюбче.

Ты врага суца мя зело возлюбил еси: Ты истоцанием странным сошел еси на землю, Благоутробне Спасе, последняго моего досаждения не отвергся, и пребыв на высоте пречистыя Твоея славы, прежде

безчестованнаго прославил еси.

Кто зря, Владыко, ныне не ужасается, страстию смерть разрушаему; Крестом бежащее тление, и смертью ад богатства истощаемый, Божественною силою Тебе распятого; чудно дело, Человеколюбче!

Богородичен: Ты верным похвала еси Безневестная, Ты Предстательнице, Ты и прибежище христиан, стена и пристанище: к Сыну бо Твоему мольбы носиши, Всенепорочная, и спасаеши от бед, верою и любовью Богородицу Чистую Тебе знающих.

Ин Ирмос: Услышах, Господи.

На Кресте Тя пригвоздиша законопреступных дети, Христе Боже: имже спасл еси яко Благоутробен, славящия Твоя страдания.

Воскрес от гроба, вся совоскресил еси сущия во аде мертвыя, и просветил еси яко Благоутробен, славящия Твое воскресение.

Богородичен: Бога, Егоже родила еси, Пречистая Марие, Того моли даровати рабам Твоим согрешений прощение.

Ин Ирмос тойже.

Клас возрастившая животворный, неоранная ниво, подающего миру жизнь, Богородице, спасай поющия Тя.

Богородицу Тя, Всечистая, просвещишия вси проповедуем: Солнце бо правды родила еси, Приснодево.

Очищение даруй нашим неведением, яко Безгрешен: и умири мир Твой, Боже, молитвами рождшия Тя.

Песнь 5

Ирмос: Вскую мя отринул еси от лица Твоего, Свете незаходимый, и покрыла мя есть чуждая тьма окаяннаго; но обрати мя, и к свету заповедей Твоих пути моя направи, молюся.

Одеятися претерпел еси в багряницу прежде страсти Твоея, Спасе, поругаемь, первозданнаго покрывая безобразное обнажение: и наг пригвоздился еси на Кресте плотию, совлачая, Христе, ризу умерщвления.

От персти смертных, Ты падшее мое паки надал еси существо, воскрес: и нестаряющееся, Христе, устроил еси, явив паки якоже царский образ, нетления жизнь блистающ.

Богородичен: Матернее дерзновение, еже к Сыну Твоему имущи, Всечистая, сроднаго промышления, еже о нас, не презри, молимся: яко Тебе и Едину христиане ко Владыце очищение милостивно предлагаем.

Ин Ирмос: Просвети нас:

Настави нас силою Креста Твоего, Христе: тем бо Тебе припадаем, мир подаждь нам, Человеколюбче.

Окорми живот наш, яко Преблагий (Боже наш) поющих Твое

востание, и мир подаждь нам, Человеколюбче.

Богородичен: Умоли, Чистая, Сына Твоего и Бога нашего, Неискусобрачная Марие Пречистая, еже низпослати нам верным велию милость.

Ин Ирмос: Утреннююще, вопиём Ти:

Утоли нестерпимую бурю страстей моих, Яже Бога рождшая Окормителя и Господа.

Служат рождеству Твоему, Пречистая Богородице, ангельстии чинове, и человеков собрание.

Марие Богородице Безневестная, упования врагов осуети, и поющыя Тя возвесели.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Древом крепко низложи мя началозлобный: Ты же, Христе, вознесся на Кресте, крепчае (крепльшаго) низложил еси, посрамив сего, падшаго же воскресил еси.

Ты ущедрил еси Сиона, возсиявый от гроба, новаго вместо ветхаго совершив, яко Благоутробен, Божественною Твоею кровию: и ныне царствуеши в нём во веки, Христе.

Богородичен: Да избавимся от лютых прегрешений, мольбами Твоими, Богородительнице Чистая, и да улучим, Пречистая, Божественное сияние, из Тебе неизреченно воплощенного Сына Божия.

Ин Ирмос: Молитву пролию ко Господу:

Длани на Кресте распростёрл еси, исцеляяй неудержанно простёртую во Едеме руку первозданнаго: и Твоею волею желчи вкусив, и спасл еси, Христе, яко Силен, славящыя Твоя страдания.

Смерти Избавитель вкуси, древняго осуждения, яко да и тления царство разрушит, и во адская сшед, воскресе Христос, и спасе яко Силен поющыя Его воскресение.

Богородичен: Не престаи за ны молящи, Пречистая Богородице Дево, яко верным утверждение Ты еси надеждою Твоею крепимся, и любовию Тя, и из Тебе воплощенного неизреченно славим.

Ин Ирмос: Ризу мне подаждь светлу:

Храм Тя Божий и Ковчег, и чертог одушевленный, и дверь небесную, Богородице, вернии возвещаем.

Требищ разрушитель яко Бог, бывшее рождество Твое, Марие Богоневесто, покланяемо есть со Отцем и Духом.

Слово Божие Тебе земным, Богородице, показа Небесную Лествицу:

Тобо́ю бо к нам сни́де.

Конда́к, гла́с 8: Подо́бен: Я́ко нача́тки:

Воскрёс из гроба, умершья воздвигл еси́, и Ада́ма воскресил еси́, и Е́ва ликуёт во Твоём воскресении, и мирстии концы торжествуют, еже из мёртвых востанием Твоим, Многомилостиве.

И́кос: А́дова ца́рствия пленивый, и мёртвья воскресивый, Долготерпеливе, жены́ мирноносицы сретил еси́, вместо печали радость принесый: и апостолом Твоим возвестил еси́ победительная, Спасе мой, знаменья Живо́дателю, и тварь просвещаеши, Человеколю́бче. Сего́ ради и мир срадуется, еже из мёртвых востанию Твоему, Многомилостиве.

Пёснь 7

Ирмо́с: Бо́жия снизхожде́ния о́гнь устыде́ся в Вавило́не иногда́: сего́ ради отроцы в печи радованною ногою, я́ко во цветнице ликующе пояху: благословен еси́ Бо́же отец наших.

Сла́вное исто́щание, Боже́ственное бога́тство Твоея́ нищеты́, Христе́, удивля́ет а́нгелы, на Кресте́ зря́щья Тя пригвожда́ема, за еже спасти́ ве́рою зову́щья: благословен еси́ Бо́же отец наших.

Боже́ственным Твоим соше́ствием све́та испо́лнил еси́ преиспо́дняя, и тьма́ прогна́на бы́сть пре́жде гоня́щая. Отню́ду же воскресо́ша и́же от ве́ка ю́зницы, зову́ще: благословен Бо́г отец наших.

Трои́чен: Все́м убо Го́спода, Еди́наго же Еди́ному (еди́ному же то́чию) Единоро́дному Сы́ну правосла́вно Отца́, богосло́вяще Тя возве́щаем, и Еди́наго ве́дяще от Тебе́ исходя́ща Ду́ха Пра́ваго, Соесте́ственна и Соприсносу́щна.

И́н Ирмо́с: От Иуде́и доше́дше:

Спасе́ние соде́лал еси́ посреде́ вселе́нныя, проро́чески, Бо́же: на дре́во бо вознесе́н быв, вся́ призвал еси́ ве́рою зову́щья: отец наших Бо́же благословен еси́.

Воскрёс от гроба́, я́коже от сна́, Ще́дре, все́х изба́вил еси́ от тли́, тварь же уверя́ется апо́столы пропове́дающими востание: отцев Бо́же благословен еси́.

Богоро́дичен: Равноде́тельное Ро́ждшему, Равноси́льное Сло́во и Соприсносу́щенное, во утробе́ Де́вы, Отца́ благоволе́нием, и Ду́ха, созида́ется: отцев наших Бо́же благословен еси́.

И́н Ирмо́с тойже.

От Де́вственных ложе́сн вопло́щся, яви́лся еси́ на спасе́ние наше. Те́мже Твою́ Ма́терь ве́дяще Богоро́дицу правосла́вно зове́м: отцев Бо́же благословен еси́.

Же́зл прорасти́ла еси́, Де́во, от ко́рене Иессе́ова, Всеблаже́нная, Пло́д

цветоносы́щи спаси́тельный, ве́рою Сы́ну Твоему́ зову́щим: отце́в Бо́же благослове́н еси́.

Прему́дрости испо́лни все́х и си́лы Божество́нная, Ипоста́сная Прему́дросте Вы́шняго, Богоро́дицею, ве́рою Тебе́ пою́щих: отце́в на́ших Бо́же благословен еси́.

Песнь 8

Ирмо́с: Седмери́цею пе́щь халде́йский мучи́тель богочести́вым неистовно разжже́, силою́ же лу́чшею спасе́ны сия́ ви́дев, Творцу́ и Изба́вителю вопия́ще: о́троцы благослови́те, священни́цы воспойте, лю́дие превозноси́те во вся ве́ки.

Иису́сова Божества́ Пребожество́нная си́ла, в нас боголе́пно возсия́ла е́сть: плотию́ бо вку́ш за все́х сме́рть крестную́, разруши́ а́дову крѣ́пость. Е́гоже непреста́нно де́ти благослови́те, священни́цы воспойте, лю́дие превозноси́те во вся ве́ки.

Распны́йся воста́, великовы́йный паде́, пады́й и сокруше́нный испра́вился, тля́ отверже́на бы́сть, и нетле́ние процвете́: Жизнью́ во ме́ртвенное пожѣ́рто бы́сть. Де́ти благослови́те, священни́цы воспойте, лю́дие превозноси́те во вся ве́ки.

Трои́чен: Трисве́тлое Божество́, еди́ну сия́ющее зарю́ от Еди́наго Триипоста́снаго Есте́ства, Родите́ля Безнача́льна: Единоесте́ственно же Сло́во Отцу́, и Сца́рствующаго Единосу́щнаго Ду́ха, де́ти благослови́те, священни́цы воспойте, лю́дие превозноси́те во вся ве́ки.

И́н Ирмо́с: Победите́ли мучи́теля:

На дре́ве ру́це мне́ простерша́го обнаже́нному, призыва́юща мя́, Своёю́ благообразно́ю согре́яти нагото́ю: благослови́те вся́ дела́ Госпо́дня, и превозноси́те Его́ во ве́ки.

Из преиспо́дняго а́да возне́сша мя́ па́дшаго, и высоко́престо́льною сла́вою Родите́ля поче́тшаго: благослови́те вся́ дела́ Госпо́дня Го́спода, и превозноси́те Его́ во ве́ки.

Богоро́дичен: Ада́ма, Де́во, па́дшаго у́бо яви́лася еси́ Дщи́, Бо́га же Ма́ти, обновивша́го моё́ существо́: Е́гоже поёмъ́ вся́ дела́ яко́ Го́спода, и превозно́сим во вся́ ве́ки.

И́н Ирмо́с: Ца́ря небе́снаго:

Сопроти́вных разжже́нныя и пламенови́дныя на нас угаси́ стрѣ́лы: яко́ да поёмъ́ Тя́ во вся́ ве́ки.

Преесте́ственне Содо́теля и Спа́са, Бо́га Сло́ва родила́ еси́, Де́во: те́мже Тя́ поёмъ́, и превозно́сим во вся́ ве́ки.

Просвети́тельную Тя́, и Златоза́рную, все́льшийся в Тя́ Све́т Непристу́пный, Де́во, пока́за́ свещу́ во вся́ ве́ки.

Таже поём пѣснь Богородицы: Величит душа моя Господа: **С припевом:** Честнейшую Херувим:

Пѣснь 9

Ирмос: Ужасѣся о Сѣм небо, и земли удивишася концы, яко Богъ явися человекомъ плоти, и чрево Твое бысть пространнейшее небес. Темъ Тя, Богородицу, ангелов и человекъ чиноначалия величаютъ.

Божественнымъ и Безначальнымъ Естествомъ прѣстъ сый, сложился еси пріятиемъ плоти, в Тебѣ Самомъ Сію составивъ, Слово Божіе, и пострадавъ яко человекъ, пребылъ еси кромѣ страстей яко Богъ. Темже Тя во Двою Существо нераздельно и неслиянно величаемъ.

Отца по Существо Божественному, якоже естествомъ бывъ человекъ, рекъ еси Бога Вышній рабомъ снисходя, воскрес от гроба, благодатию Отца земнороднымъ полож, иже по естеству Бога же и Владыку, с Нимже Тя вси величаемъ.

Богородичен: Явилася еси, О Дѣво Мати Божія, паче естества рождши плотию Бога Слова, Егоже Отецъ отрыгну от сердца Своего прѣжде всехъ вѣк, яко Благъ, Егоже нынѣ и телесъ превышша разумеемъ, аще и в тело облечеся.

Ин Ирмос: Устрашися:

Божія Тя естествомъ убо Сына, зачатого во утробѣ свѣмы Богоматере, и бывшаго насъ ради Человека, и зряще Тя на Крестѣ естествомъ убо страждуща человеческимъ, безстрастна же яко Бога пребывающа величаемъ.

Разрушися тма дряхлая, от ада бо возсия Солнце Правды Христосъ, земли просвѣщая вся концы, сияя Божества свѣтомъ, Небесный Человекъ, Богъ земный: Егоже во двю естеству величаемъ.

Напязи, и успевай, и царствуй, Сыне Богоматере, исмаильтескія люди покаяря, борющыя ны, яко оружие непобѣдимое, приходящимъ к Тебѣ Крестъ с копиемъ даруя.

Ин Ирмос: Воистинну Богородицу:

Радости и веселія исполнь есть память Твоя, приступающимъ исцеленія точащи, и благочестно Богородицу Тя возвещающимъ.

Псалмы Тя воспѣваемъ, Благодатная, и немолчно, еже радуйся, приносимъ: Ты бо источила еси всемъ радость.

Красенъ, Богородице, прорастѣ плодъ Твой, не тли причащающимся ходатайствен, но жизни, верою Тя величающимъ.

По катавасіи ектеніа малая.

Таже, Святъ Господь Богъ нашъ. Посѣмъ ексапостиларій.

На хвалитѣхъ стихиры воскресны, гласъ 8:

Стихъ: Сотворити в нихъ судъ написанъ: слава сия будетъ всемъ

преподобным Его.

Господи, аще и судилищу предстал еси от Пилата судимый, но не отступил еси от престола со Отцем сидя: и воскрес из мертвых, мир свободил еси от работы чуждаго, яко Щедр и Человеколюбец.

Стих: Хвалите Бога во святых Его, хвалите Его во утвержении силы Его.

Господи, оружие на диавола Крест Твой дал еси нам: трепещет бо и трясется, не терпя взирати на силу его: яко мертвые возставляет, и смерть упраздни. Сего ради поклоняемся погребению Твоему и востанию.

Стих: Хвалите его на силах его, хвалите его по множеству величества его.

Господи, аще и яко мёртва во гробе иудеи положиша: но яко Царя спяща воины Тя стражаху, и яко живота сокровище, печатию печаташа: но воскресл еси, и подал еси нетление душам нашим.

Стих: Хвалите Его во гласе трубнем, хвалите Его во псалтири и гуслех.

Ангел Твой, Господи, Воскресение проповедавый, стражи убо утраши, женам же возгласи глаголя: что ищете Живаго с мертвыми; воскресе Бог сый, и вселенней жизнь дарова.

Ины стихиры Анатолиевы, глас тойже.

Стих: Хвалите Его в тимпане и лице, хвалите Его во струнах и органе.

Пострадал еси Крестом, Безстрастный Божеством, погребение приял еси тридневное, да нас свободиши от работы вражия, и обезсмертив оживотвориши нас, Христе Боже, воскресением Твоим, Человеколюбче.

Стих: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа.

Поклоняюся, и славлю, и воспеваю, Христе, Твое из гроба Воскресение, имже свободил еси нас от адовых нерешимых уз: и даровал еси миру яко Бог жизнь вечную, и велию милость.

Стих: Воскресни, Господи Боже мой, да вознесется рука Твоя, не забуди убогих Твоих до конца.

Жизноприемнаго Твоего гроба стрегуще законопреступнии, с кустодиею запечаташа тогда: Ты же яко Безсмертен Бог и Всесилен, воскресл еси тридневен.

Стих: Исповемся Тебе, Господи, всем сердцем моим, повем вся чудеса Твоя.

Дошедшу Ти во врата адова, Господи, и сия сокрушившу, пленник сице вопияше: кто Сей есть, яко не осуждается в преисподних земли, но и яко сень разруши смертное узилице; приях Того яко мёртва, и трепещу яко

Бо́га. Всеси́льне, поми́луй на́с.

Сла́ва, стихи́ра евангелъская. И ны́не, Богоро́дичен: Преблагослове́нна еси́, Богоро́дице Де́во: Славосло́вие вели́кое.

Та́же, тропарь воскре́сен:

Воскре́с из гроба́, и у́зы растерза́л еси́ а́да, разруши́л еси́ осужде́ние сме́рти, Госпо́ди, вся́ от сетей врага́ изба́вивый: явивый же Себе́ апо́столом Твои́м, посла́л еси́ я́ на пропове́дь, и те́ми мир Тво́й по́дал еси́ вселе́нней, еди́не Многоми́лостиве.

Та́же ектений: и отпу́ст.

На литургии блаженны, глас 8:

Помяни нас, Христэ Спасе мира, якоже разбойника помянул еси на древе: и сподоби всех, Едине Щедре, Небесному Царствию Твоему.

Стих: Блажени чистии сердцем, яко тии Бога узрят.

Слыши Адаме, и радуйся со Евою: яко обнаживый прежде обоя, и прелестию взем вас пленники, Крестом Христовым упразднися.

Стих: Блажени миротворцы, яко тии сынове Божии нарекутся.

На древе пригвожден быв Спасе наш волею, яже от древа клятвы Адама избавил еси, воздая яко Щедр еже по образу, и райское селение.

Стих: Блажени изгнани правды ради. Яко тех есть Царство Небесное.

Днесь Христос воскрес от гроба, всем верным подавая нетление, и радость обновляет мирносолицам по страсти и Воскресении.

Стих: Блажени есте, егда поносят вам, и изженут, и рекут всяк зол глагол, на вы лжуще Мене ради.

Радуйтесь мудрыя жены мирносолицы, первыя Христова Воскресение видевшы, и его возвестившы апостолом, всего мира воззвание.

Стих: Радуйтесь и веселитесь, яко мзда ваша многа на небесех.

Друзи Христовы апостоли явльшеся, сопредельни Его славе быти имуще, со дерзновением Тому нам предстати, яко ученицы Его молитесь.

Слава, Троицен: Безначальная Троице, Нераздельное Существо, Сопредельная Единице, Единочестная славою, Преначальное Естество и Царство, спасай иже верою воспевающих Тя.

И ныне, Богородичен: Радуйся, Божие пространное Вместилище: радуйся, Ковчеже новаго завета: радуйся, ручко, из Неяже манна всем дадеся небесная.

Прокимен, глас 8: Помолитесь, и воздадите Господеву Богу нашему.

Стих: Ведом во Иудеи Бог, во Израили велие Имя Его. **Аллилуиа:** Приидите, возрадуемся Господеву, воскликнем Богу Спасителю нашему.

Стих: Предварим лице Его во исповедании, и во псалмех воскликнем Ему.

В недѣлю вѣчера

на Господи, возвахъ, **стихиры покаянны, гласъ 8.**

Подобен: Господи, аще и судилище:

Стих: Аще беззаконія назириши, Господи, Господи, кто постоит? Яко у тебе очищение есть.

Господи, пришедый в мир грешники призвати, и разбойники, и мытаря, и блудницу, и блуднаго приемыи: паче всех мене согрешившаго Тебе, Христе мой, и никакоже ктому кающася, человеколюбне призови.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Господи, иже от мытарей пастыри Церкви Твоей поставлей, и иже той прежде гонителя, ныне заступника соделав: и мене тех молитвами Твое овча покажи, Спасе, и да не в снѣдь чуждѣму непотребный буду.

Стих: От стражи утренняя до нощи, от стражи утренняя, да уповает Израиль на Господа.

Плачи, окаянная душе, прежде конца, и Богу прилепись, зовущи Ему от сердца и стенаньи, о всескверная, согреших Ти, Христе, не гнушайся мене, молюся, но обратив мя яко Милостив, и прощения сподоби.

Таже миней стихиры святому, аще имать. Аще несть миней, ины стихиры, безплотным святым Ангелом, подобен тойже.

Стих: Яко у Господа милость, и многое у него избавление, и той избавит Израиля от всех беззаконий его.

Господи, безплотных собори непрестанно славят Тя, Твоея наслаждающесе красоты, и неизреченною добротою, и трисолнечными лучами богато озаряеми: ихже молитвами и предстательством, Спасе, спаси души наша.

Стих: Хвалите Господа вси языцы, похвалите Его вси людие.

Господи, вселичныя лики ангельския, Ты поставил еси всесильным Твоим словом, и пресвятым Твоим духом, неотпадающими зарями сияние даровав. Ихже мольбами и предстательствы, Спасе, спаси души наша.

Стих: Яко утвердися милость Его на нас, и истина Господня пребывает во век.

Господи, серафими воспевают Тя, и власти, и ангели, начала, господствія, престолы и силы, и архангели, и херувими страшнии хваление Тебе приносят: ихже мольбами и предстательствы, Спасе, спаси души наша.

Слава, и ныне, Богородичен: Всегда Творца аз тварь оскорбляю и

прогневлѣю, даждь ми исправлѣние, Отроковице, прѣжде того пренѣвши, и помощию Твоею к делом угодным возстави, яко да улучу спасѣние и оставлѣние.

Таже, Свѣте тихий: Прокимен дне: и Сподоби, Господи, в вечер сей:

На стиховне стихиры покаянны, глас 8:

Тебѣ Царя и Владыку, Ангели непрестанно воспевают, аз же Ти припадаю, яко мытарь зовый: Боже, очисти мя, и помилуй мя.

Стих: К Тебѣ возведох очи мой живущему на небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дождеже ущедрит ны.

Безсмертна сущи, душе моя, волнами житейскими не покрывайся, но возникни вопиющи к своему благодателю: Боже, очисти мя, и спаси мя.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученицы Господни, всяко место освящаете, и всяк недуг уврачуете: и ныне молитесь, избавитися от сетей вражиих душам нашим, молим вы.

Слава, и ныне, Богородичен: Архангела Гавриила глас воспримше, рцем: радуйся Мати Божия, яже Жизнодавца Христа миру рождши.

Таже, Нине отпускаеши: **И** Трисвятое. **По** Отче наш: **тропарь, ектения, и отпуст.**

В недѣлю на повечѣрии

канон Пресвятей Богородице. Глас 8:

Пѣснь 1

Ирмос: Колесницегонителя фараона погрузи, чудотвори иногда Моисейский жезл, крестообразно поразив и разделив море: Израиля же беглеца, пешеходца спасе, пѣснь Богу воспевающа.

Припѣв: Пресвятая Богородице, спаси нас.

Преславная о Тебѣ возглаголашася, Пречистая, верных Слава Единая бывша. Темже будущия славы причастника мя покажи Твоими молитвами, славящаго Тя, Пресвятая Дево Всепетая.

Благословен Плод, Пречистая, чрева Твоего, Имже земнии вси клятвы избавихомся, Благословенная Всечистая. О, несказаннаго чудесе, недоуменнаго слышания, всех же верных спасения!

Слава: Ангел молит Тя, Господи, множество всегда: ученик собор, и пророк, сословия мученик, и преподобных Твоих: Богородицы ради грехов прощение даруй нам, яко Человеколюбец.

И ныне: Тебѣ, Пречистую, юже в ложеснах приемшую Огнь нестерпимый, молю верою: геенны огня избавити мя и исхитити, и вечнующаго мучения свободити Твоими благоприятными молитвами.

Пѣснь 3

Ирмос: Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, Единыя Человеколюбче.

Чистаго жития отпад, Пречистая, приложихся скотом, и осужден весь бых: Яже Судию рождающая, всякаго осуждения избави, и спаси мя.

Стенания, Чистая, и душевную слезу, и присное ми умиление подаждь, Отроковице: яко да плачу одержавшая мя страсти от невнятия, Богоблагодатная.

Слава: Небеснии чинове, служебнии души, собор пророк и апостол, и мученик Твоих молят Тя непрестанно, Щедре: людем Твоим даруй прегрешений оставление.

И ныне: Милосердия мя Божественнаго, яко милостива, Пречистая, ныне сподобити умоли Милосердаго: нравы бо немилостивы немилосердно стяжав, вечному огню достоин бых.

Пѣснь 4

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отца, и нашу нищету посетив. Тем с пророком

Аввакумом зову Ти: силе Твоей слава, Человеколюбче.

Лукавое грехов моих рукописание раздери, Пречистая, Божественным копием, прободшим Божественная ребра, вочеловечится из Тебе Восхотевшаго: и моли Сего, в книге мя спасенных написать, безумно от Него удалившагося.

Да гласы благодарственными славлю Тя, да любовьию Божественною величаю Тя, Пренепорочная: еже великим Твоим Рождеством, вся удалившыяся возвеличивши, вельми удалившагося и люте падшаго мя, прощения Божественнаго сподоби.

Слава: Законы в Тебе испразднишася естества, паче бо естества Бога Слова родила еси. Темже Тя верою молю, Пренепорочная: паче естества человеческого много согрешша, и Бога удалшася, обращшагося спаси молитвами Твоими.

И ныне: Враг убо греховными стрелами душу мою всю уязви, и оскверни сластми мое сердце, и от пути отведе праваго. Сего ради, Дево, вопию Ти: обративши исцели и спаси мя.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма окаяннаго? Но обрати мя, и к свету заповедей Твоих пути моя направи, молюся.

Родове родов Тя, Дево, присноблаженную ныне блажат, Небесныя Силы, яко дольняя с вышними совокупльшую, восхваляют Едину в женах Благословенную, падшаго Адама исправление.

Пребыти ми целу, и непреложна стояния улучшу, но благошествующу же, и Богу угодная делающу, Благая моли, Благаго рождши Слова, нас безсловесия избавльшаго.

Слава: Иже Кровь Свою Слове, на Кресте пролиявый, за премногую милости бездну, страстей моих бездну изсуши: и во умилении Тебе Богу угодити, Богородицы ради сподоби.

И ныне: Мати Дево Отроковице, Яже Необъемнаго плотию рождшая, ангелов славу, и бесов язву, Богоневесто, мое сердце уязвившееся грехом, цельбы Божественныя сподоби.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Помилулася Тобою естество человеческое, милостивая Владычице: Милостиваго бо родила еси, Пречистая. Темже молю Тя, мою душу помилуй.

Безплотных чинов молят Тя, Христе, мученик, пророк, и апостол

Твоих: рождши Тя ради, люди Твоя спаси от всякаго обстояния.

Слава: Яже недѣланная Земля, Дѣлателя рождши, и всѣх Зиждителя, оляденѣвшую душу мою страстьми, плодоносну покажи Божественным разумением.

И ныне: Преступих заповеди яже к Богу ведущья мя, и не хотя поработихся лукавым страстем: темже молю Тя, Приснодево, исхити мя от тех владычествия.

Таже, Господи помилуй, **трижды.** Слава, и ныне:

Седален, глас 8.

Небесное благочестие силам, и похвальную высоту душам нашим, Матереву Отроковицу восхвалим вернии: радуйся, Яже ангелом Творца во утробе зачѣнши, радуйся, падающих очищение, Бога Слова воплощши. Радуйся, Невесто невестная.

Песнь 7

Ирмос: Божия снизхождения огонь устыдѣся в Вавилоне иногда. Сего ради отроцы в печи радованною ногою, яко во цветнице ликующе пояху: благословен еси Боже отец наших.

Неизреченным Рождеством Твоим, страшных и неизглаголаных вещей нас сподобила еси, Богородице: темже мя страшныя муки избави, и неизреченныя мя радости исполни, да пою Тя присно, Многопетую.

В лѣности житие мое иждив, бых бесплоден, и ужасаюся прѣния, и геенны огня негасимаго: Яже Огонь рождающая, Богородице, нестерпимый, приложи избавити мя молитвами Твоими.

Слава: Чудес превъше великое чудо Твоего Рождества, Чистая Дево, сего ради вопию Ти, Богородительнице: Твоя милости на мене удиви, и будущаго гнева избави, и спаси мя.

И ныне: Мене жившаго в лѣности, и презрѣвшаго святыя законы Твоя, и честная Твоя, Христѣ, повелѣния, ущедри, Спасе, рождшия Тя ради, яко Благодатель Бог, и Многомилостив.

Песнь 8

Ирмос: Седмерицею пещь халдейский мучитель Богочестивым неистовно разжже, силою же лучшею спасены сия виде, Творцу и Избавителю вопияше: отроцы благословите, священницы воспойте, людие превозносите во вся веки.

Умерщвленную оживи, падшую возстави, уязвленную душу мою исцели, ум мой умири, искушений волны укроти, Дево, и вопиющая мя спаси: отроцы благословите, священнии воспойте, людие превозносите Его во веки.

Яко разбойник взываю Ти, помяни мя, Человеколюбче: плачу яко

блудница, и вопию: согреших якоже древле блудный, кающася прими мя отчаяннаго, Богородицы ради, да усердно вопию Ти: священнии воспойте, людие превозносите Его во веки.

Слава: Раболéпно вопиём Ти, Богородице Всепётая: со безчисленными умными силами, пророки и преподобными, и апостолы же и мученики, сотвори мольбу за вся человеки, Божественне поющыя: священнии воспойте, людие превозносите Его во веки.

И ныне: Честнейши еси, Богородице Всенепорочная, премирных ангельских чинов: сих бо родила еси Создателя и Господа, от девического неискусобрачныя утробы, во двух Существах, несмёсно и непреложно, Едину Ипостась, Богородице воплощаему.

Песнь 9

Ирмос: Устрашися всяк слух неизреченна Божия снизхождения, яко Вышний волею сниде даже и до плоти, от девического чрева быв Человек: темже Тя, Пречистую Богородицу, вернии величаем.

О Божественный одре Соломонов, егоже окружают ныне сильнии шестьдесят, глаголы Божественнаго Писания, на немже Бог почи, тьмами мя присно демоны окружена, невредна сохрани силою Твоею, Чистая Приснодево.

Искапающая Божественную сладость, всех Сладость рождшая, душу мою услади, ядом змийным огорченую, отчуждающи мя горькаго вреда, всегда ходатайством Твоим, Предстательнице верных Непостыдная.

Слава: Солнце славы Иисусе, окаянную мою душу просвети, мольбами Тебе рождшия Чистыя Богоотроковицы: и безплотных слуг, честных апостол Твоих, и святителей, и пророк, и мученик избранных, и преподобных Твоих.

И ныне: Страхуся Едине Царю, Твоего Второго и страшнаго пришествия, весь осужден и недоумен сый, Господи. Темже прежде конца вопию Ти: рождшия Тя ради пощади мя, и спаси, Милостиве, Благий Человеколюбче.

Таже, Достойно есть: И поклон. Трисвятоё. **По** Отче наш: **тропарь, и прочее обычное, и отпуст.**

Понедельник

В понедельник утра

по 1-м стихословии седальны покаянны, глас 8:

Оком благоутробным, Господи, виждь мое смирение, яко в мале жизнь моя скончается, и от дел несть мне спасения. Сего ради молюся: оком благоутробным, Господи, виждь мое смирение, и спаси мя.

Стих: Господи, да не яростию Твоею обличиши мене, ниже гневом Твоим накажеш мене.

Яко судий сущу, попецйся, о душе, и страшнаго дне час помышляй: суд бо без милости есть не сотворшым милости. Темже прежде конца возопий: пощади мя, Спасе, Един бо еси безгрешен.

Слава, и ныне, Богородичен: Повеленное тайно прием в разуме, в крове Иосифове, тцанием предста безплотный, глаголя Неискусобрачней: приклонивый схождением Небеса, вмещается неизменно весь в Тя. Егоже и видя в ложеснах Твоих приемша рабий зрак, ужасаюся звати Тебе: радуйся, Невесто невестная.

По 2-м стихословии седальны, глас 8:

День он страшный помышляючи, душе моя, побди, вжигаючи свещу Твою, елеем просвещаючи, не веси бо, когда придет к тебе глас глаголющий: се Жених. Блуди убо, душе моя, да не воздремлещи, и пребудещи вне толкущи яко пять дев: но бодренно пожди, да усрящещи Христа елеем маститым, и даст ти чертог Божественный славы Своея.

Стих: Господи, да не яростию Твоею обличиши мене, ниже гневом Твоим накажеш мене.

Яко блудница припадаю Ти, да приму оставление, и вместо мира слезы от сердца приношу Ти: да яко оную ущедриши мя, Спасе, и подаси ми очищение грехов. Яко оная бо зову Ти: избави мя от тмения дел моих.

Стих: Дивен Бог во святых Своих, Бог Израилев.

Мученичен: Светом небесным просвещается днесь сей храм: в нем бо воинства ангельская радуются, с нимиже и праведных лица веселятся, в память страготерпец. Тех молитвами низпосли миру Твоему мир, Христе, и велию милость.

Слава, и ныне, Богородичен: Радуйся, врата Царя славы яже вышний един пройдет, и едину запечатану сохрани, во спасение душ наших.

По 3-м стихословии, седальны, глас 8:

Подобен: Повеленное:

Доколе, душе моя, живещи в нерадении? Доколе во унынии скончаваещи? От сна уныния востани окаянная, во ум приемши деяния

тво́я: возстени́, и пра́веднаго суди́и вострепещи́ изрече́ния, что́ отве́щати́ имаши́ в часъ о́н? Или́ како́ ожида́ющаго Тя́ изба́виши́ся опале́ния, неиспра́влена пребыва́ющаго? Возопи́й пре́жде конца́ к суди́и: прегреше́ний даждь ми́, Спа́се, оставле́ние, Ты́ бо еди́н еси́ долготерпели́в.

Мыта́рево стена́ние, и блудни́цы рыда́ние, душе́, пре́жде конца́ восприими́, ве́дущему та́йная дела́ Твоя́, не преста́й рыда́нием испове́дающагося и плачемъ, постомъ и бде́нием, и моли́твою вопи́ющаго: согрешихъ, очисти́ мя, Спа́се, моли́твами А́нгел Твои́х, яко́ ще́др, и спаси́ мя.

Сла́ва, и ны́не, Богоро́дичен: Богора́дованная, Чи́стая, благослове́нная, за ми́лосе́рдие ще́дрот из Тебе́ рожда́гося, с вы́шними си́лами и арха́нгелы, и со все́ми безплотны́ми, о насъ моли́ непреста́нно, да́ти намъ пре́жде конца́ прощ́ение и очи́щение грехо́в, и жити́я испра́вление: яко́ да обря́щем ми́лость.

Кано́н пока́янен ко Го́споду на́шему Иису́су Христу́, и святы́м его́ му́чеником. Творе́ние Ио́сифово. Гласъ 8:

Песнь 1

Ирмо́с: Во́ду проше́д яко́ су́шу, и египетскаго́ зла́ избежа́в, израильтя́нин вопи́яше: Изба́вителю́ и Богу́ на́шему по́йм.

Иза́ви мя́ геенны́, ю́же себе́ де́лы безме́стными́ исхода́таих, Изба́вителю́: и Твоя́ любве́ возжзи́ ми в помышле́нии о́гнь Божество́нный.

Подкло́нхся страсте́м и омрачихся́, и безсло́весенъ явихся́, сло́вом почте́н бывъ: Го́споди, возникнове́ние даждь души́ мое́й, и и́миже ве́си судьба́ми, спаси́ мя.

Му́ченичен: Дручи́мо те́ло биенъми, явля́ше нра́ва пра́вое же и непрекло́нное, и еже́ к Зиждителю́ любовь́, венце́носцы́ всехва́льнии му́ченицы.

Му́ченичен: Кро́вей поте́кша ре́ки теле́с святы́х, сла́вныхъ Твои́х страда́лец, идо́лбесия́ терне́ Твоею́ си́лою, Ще́дре, пода́виша.

Богоро́дичен: Исцели́, Чи́стая, недугу́юща мя́ люте́ смертоно́снымъ грехо́м, плотски́х и душе́вныхъ страсте́й, яко́ да ве́рою при́сно ублажа́ю Тя́.

Други́й кано́н безплотны́м святы́м а́нгелом. Творе́ние киръ Феофа́на. Гласъ 8. Ирмо́с тойже.

Святы́х А́нгелъ яко́ началово́дцы, и боговиде́ния наслажда́ющагося све́тлостно, Благода́вца и Спа́са о насъ мо́лите, Арха́нгели. [Два́жды.]

Ну́ждными́ одержи́ми напа́стьми, к вамъ́ яко́ предста́телемъ ны́не прибега́емъ ве́рнии, Арха́нгели Божество́ннии, Влады́ку ны́не о насъ приле́жно умо́лите.

Богоро́дичен: Буди́ ми́, Де́во, прибе́жище, приста́нище же и стена́ и

предстательница, Яже Бога плотию рождши Богомати, Избавителя всещедраго.

Песнь 3

Ирмос: Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, Едине Человеколюбче.

Которыми узрю Тя тогда, Христе Спасе, очима, ни единому на земли заповедь Твою сотворив? Како нестерпимому Твоему предстану престолу, безмерных ми зол творящу ответ?

Простер руке Твоих щедрот, прими мя якоже прежде блуднаго, подобными образы поработившагося безчестным страстем, и от Тебе удалившася, Иисусе Человеколюбче преблагий.

Мученичен: Утвердившися на камени Божияго разума, мученицы Христовы страстотерпцы, оружием веры искоренисте неразумия терние, и плоды страдания возделасте.

Мученичен: непоколебимии столпы, истинныя веры пресветлая церковная удобрения, священнейшая овчата Христова, волею заколеная, мученицы да похвалятся.

Богородичен: Тебе хранительницу, Пресвятая, в напастех стяжах: Тебе по Бозе мою предстательницу имам неусыпну: Тебе да обрящу, Пречистая, избавляющую мя в день Суда всякаго осуждения.

Ин Ирмос тойже.

Дарми многообразными ангельскаго чина, яко чиновачальницы являеми архистратизи, украшаеми. Христовы Церкви твердо сохраняйте предстательства вашими. [Дважды.]

Оружием благоволения, верных исполнения, православия добротами ныне венчаеми, от напастей яко благославнии предстателие Божии избавите, Божественнии архангели.

Богородичен: Жизни нетленныя Божественная сень была еси, единая от век явльшися, Дево Мати Чистая. Темже, Всепетая, суцаго мя в сени смертней, к животу настави ныне молитвами Твоими.

Песнь 4

Ирмос: Из горы приосененныя, Слове, пророк, Единыя Богородицы, хотяща воплотитися, боговидно усмотри. И со страхом славословяше силу Твою.

Велик подвиг души разлучающейся, трепет страшен, Судий сидящу. И судимым человеком согрешившым: увы мне, что сотворю осужденый?

Имея сердце скверн исполнено, и грехов неудобь носимая бремена, и к щедротам Твоим притекаю, Владыко: не презри мене, но ущедри мя,

молюся.

Мученичен: Честна́ ва́ша сме́рть показа́ся пред Бо́гом, до́блии страстоте́рпцы: не бо́ отверго́стеса то́го, боле́зней тма́ми и ра́нами окружа́еми.

Мученичен: Ура́нен бы́сть вра́г ра́ною му́ченик, паде́ его́ бровь́ возвыша́емая: и велича́ется те́х венцеда́тель, пе́снями Боже́ственными прославля́емь.

Богородичен: Тебе́, чи́стое приятелище Влады́ки Богороди́тельнице, ве́рою молю́: очисти́ мя от вся́кия скве́рны, и до́м покажи́ вседетельна́го и Боже́ственна́го Ду́ха.

И́н Ирмо́с: Услы́шах, Го́споди, смотре́ния Твоего́ та́инство: разуме́х дела́ Твоя́, и просла́вих Твое́ Боже́ство.

Дво́ице пер́венствующа́я архангелско́му ны́не собра́нию, притека́ющыя к покрову́ ва́шему, от вся́кия бе́ды спаса́йте. [Два́жды.]

Зрите́лие све́тлости богонача́льная, и благода́яния архистрати́зи всеславни́и, ны́не ста́до ва́ше просвеща́йте.

Богородичен: Свяще́нно Тя́ сла́вят безплотных́ Боже́ственная во́инства, Богома́ти Всенепоро́чная: Зиждите́ля бо их роди́ла еси́.

Пе́снь 5

Ирмо́с: Просвети́ нас повеле́нии Твои́ми, Го́споди, и мы́щцею Твое́ю висо́кою, Тво́й ми́р пода́ждь нам, Человеколю́бче.

Нравом лука́вым преогорчи́х Тя́, Го́споди, де́лаяй безме́стная: но уще́дри мя обра́щающа́гося, и спаси́.

Име́яй помы́сл от злых́ невозни́цающ, не чу́вствую несмы́сленный, недоуме́ние моё, Иису́се, разреши́, и спаси́ мя.

Мученичен: Положи́ вас Боже́стvenни́и му́ченицы Светода́тель, я́коже ка́менная сия́ющая богора́зумием, и преле́сти тьму́ разоря́ющая.

Мученичен: Законом лука́вым зако́ны Боже́стvenныя сопроти́воположи́сте, и Бо́га проповеда́юще, умертвита́ся его́ ра́ди усе́дрно подья́сте.

Богородичен: Умертви́ чи́стая, плоти́ моея́ двиза́ния, умертви́вшая ро́ждеством Твои́м, Отрокови́це, живу́щий грех́ пра́отца.

И́н Ирмо́с той́же.

О́крест Бо́га предсто́яще архистрати́зи, и отту́ду истека́ющими заря́ми просвеща́еми, ста́до ва́ше сохра́ните. [Два́жды.]

Изва́ление нам дарова́ти, моли́теса Влады́це и Бо́гу на́шему, я́ко предста́телие все́х избавле́ния.

Богородичен: Ми́ро та́йное имену́ем Тя́, Всечи́стая, су́щее, ро́ждшую Бо́га плоти́ю, благоуха́ния точа́щаго дарова́ния.

Пѣснь 6

Ирмос: Иону в ките Господи единого вселил еси, мене же связанного мрежами вражими, яко от тли онаго спаси.

Солнечный свет покаяния возсияй ми, Христе Светодателю, сущему во тме прегрешений, да пою Твою благостыню.

Твоего страшнаго судища трепещу всегда, злых же не отступаю, работая злomu обычаю: исправи мя, Христе, да пою Твою благостыню.

Мученичен: Лицы честных мученик пострадаша, и полки победиша бесовския, и ликом ангельским совокупшася в радости: тех молитвами, Господи, спаси души наша.

Мученичен: Крепостию Твоею сильны показал еси мученики Твоя, Господи, и всю силу низложиша ветхаго зачинателя: тех молитвами, Господи, спаси души наша.

Богородичен: Да гласы благодарственне всегда славлю Тя, Всенепорочная, души моея отжени тму, и покаяния светом разреши ми мрачная согрешения.

Ин Ирмос: Молитву пролию ко Господу, и Тому возведу печали моя: яко зол душа моя исполнися, и живот мой аду приближися: и молюся яко Иона: от тли, Боже, возведи мя.

Ныне престолу страшному предстояти неуклонно сподобившеся боговидцы, и озарении Святыя Троицы насыщаетесь: к вам прибегающим от напастей и страстей молитесь избавитися, Архангели. [Дважды.]

Странствия Владычняго молитесь вас песенно воспевающим получитьи, и радости присносущныя сподобитися, и Божественныя светлости, Архангели боговиднии, Гаврииле и Михайле всеславнии.

Богородичен: Одушевленный Владычній чертог, иже светлыми лучами девства световидне, якоже крин сияющий посреде терновнаго мятежа, Пречистая и Благолепная Богородица Дева да славится.

Пѣснь 7

Ирмос: От Иудеи дошедше отроцы, в Вавилоне иногда, верою Троическою пламень пещный попраша поюще: отцев Боже благословен еси.

Воздыхание ми даждь, Христе, якоже иногда мытарю, и якоже блуднице, слезами отмыв гноения зол моих, и вопиюща мя ущедри: отец наших Боже благословен еси.

В разбойники душегубительныя, Спасе, впадшаго, и уязвленнаго люте, исцели елеем искренняго покаяния, и умили пети Тебе: отец наших Боже благословен еси.

Мученичен: Умертвистесь миру, и мертва бывша живоноснаго Христа,

никакоже отвергостеся, доблественнии страстотерпцы, страдальчествующе и поюще: отец наших Боже благословен еси.

Мученичен: Единое естество Троицы, в трех ипостасех исповедующе мудрии, многобожную прелесть идольскую страстотерпцы разрушите, поюще: отец наших Боже благословен еси.

Богородичен: Иже Божие Бог слово, во утробу твою вселься, Дево Мати Чистая, всем заступницу обидимым являет Тя, вопиющим: отец наших Боже благословен еси.

Ин Ирмос тойже.

Многоразличную благодать, архистратизи Божественнии, вам даровал есть, иже всех благодатель, егоже ныне Церковь поющую спасайте: отец наших Боже благословен еси. [Дважды.]

Силою Всевида укрепляеми, вся концы земли ясно назираете, и всех спасаете верою поющих: отец наших Боже, благословен еси.

Богородичен: Спасительное пристанище, Богородице Дево, Тя ныне имуще, житейских бед избегаем и мятежей, Сыну Твоему зовуще: отец наших Боже благословен еси.

Песнь 8

Ирмос: На горе святей прославльшася, и в купине огнем Приснодевы Моисеови тайну явльшаго, Господа пойте, и превозносите во вся веки.

Отведенаго мя плотскими любостластии, и от Тебе, Слове, безумно удалившагося, и уподобльшася всем скотом, не презри, Спасе, но прежде конца обратив спаси мя.

От грех никакоже остаюся, обращения никогдаже творя, и вопию окаянный: согреших Ти, Господи, и ожестившую умили душу мою, Щедре.

Мученичен: Доблии Господни страстотерпцы, кровными струями крестившеся, вторыми сквернами не осквернишася, и венценосцы со Ангелы ликовствуют непрестанно.

Мученичен: Вжилившеся надеждею будущих, благочестия мученицы, мук лютость доблии претерпеша: и скончавшеся, престолу Владычню предстоят непрестанно.

Богородичен: Стоящих утверждение еси, и падших исправление, Дево. Темже падшаго мя возстави, да Тя славлю, Благословенную и Обрадованную.

Ин Ирмос: Царя Небеснаго, Егоже поют вси ангельстии, хвалите и превозносите во вся веки.

Предстоятели и певцы неизреченныя и неизглаголанная Твоея славы, прими Тебе ныне молящияся, Христе, во веки. [Дважды.]

Едине блаже, Христе, о нас молящаяся ныне воинства ангельская

приими, Тебе воспевающая во веки.

Богородичен: Светлейшими Твоими блистаньями, Богомати, верою поющыя Тя просвещаеши, Тя восхваляющыя во вся веки.

Таже, поем песнь Богородицы: Величит душа моя Господа: **С припевом:** Честнейшую херувим:

Песнь 9

Ирмос: Устрашися всяк слух неизреченна Божия снисхождения, яко Вышний волею сниде даже и до плоти, от девического чрева быв человек. Темже Пречистую Богородицу вернии величаем.

Якоже древле блудницу, с плачем припадшую к Тебе, Спасе, очисти еси: и якоже оправдал еси мытаря слове, точию воздохнувши: и якоже приял еси Манассию, и яко Давида помиловал еси покаявшася: тако и мене приими, и спаси мя, Человеколюбче.

Воздохни и прослезися, душе, первых твоих согрешений отступи, и к вѣдущему тайная Твоя явственнo припади и возопий тепле: согреших Ти, Господи, туне мя ущедри, имей утробы щедрот, Многомилостиве.

Мученичен: Пострадавшие богозрачнии страстотерпцы на земли терпеливне, и непоколебимое ныне Царствия наследие прияша, и райския сладости причащаются радуящися: тех молитвами, Христе Боже, Твоя славы причастники сотвори нас.

Мученичен: Светила восток невечерний просветивше явистесь, и ночь безбожия потребисте, премудрии, и лучами священными всех озаряете, светоносный ваш, страстносцы, праздник величающих.

Богородичен: Просвети, Владычице, дворе света, сердца моего очи молюся, ихже омрачи греховная тьма глубокая, и покаяния ми зарю низпосли, и огня вечнаго ходатайством Твоим, Чистая, свободи.

Ин Ирмос: Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Лицом безплотных ныне Твою Церковь добродетелию подражающе покажи, ограждая Ангелы, Христе, стадо Твое.

Душам спасению от Бога дароватися, Ангели заступницы молитесь, прибегающим под кров ваш, всеславнии.

Богородичен: Яко утро сущым во тьме и заблудшым, Дево, праведное солнце на руку держащи Христа, возсияла еси.

Таже, Достойно есть: и поклон. Посем ектения малая, и светилен, и псалмы обычные, и прочее.

На стиховне стихиры покаянны, глас 8:

Егда прииму во уме множество содеянных мною зол, и в помышление прииду страшнаго онаго испытания, трепетом содержимь к Тебе прибегаю,

Человеколю́бцу Бо́гу. Те́мже не прѣзри мене́, молю́ Тя, Еди́не Безгрѣшне: даруй умили́ние смире́нней мое́й души́ прѣжде конца́, и спаси́ мя.

Сти́х: Исполни́хомся за́втра ми́лости Твоея́, Го́споди, и возра́довахомся, и возвесели́хомся: во вся́ дни́ на́ша возвесели́хомся, за дни́, в няже смири́л ны еси́, лета́, в няже видехом злая́. И при́зри на рабы́ Твоя́, и на дела́ Твоя́, и наста́ви сыны́ их.

Сле́зы ми́ даждь, Бо́же, яко́же ино́гда же́не грѣшнице: и сподо́би мя омочити́ но́зе Твои́, я́же мя от пу́ти прѣлести́ свободи́вшыя, и ми́ро благоуха́ния Тебе́ приноси́ти житие́ чи́сто, пока́нием ми́ созда́нное, да услышу́ и аз желае́мый Тво́й глас: ве́ра Твоя́ Спасе́ Тя, иди́ в ми́ре.

Сти́х: И бу́ди све́тлость Го́спода Бо́га на́шего на нас, и дела́ ру́к на́ших исправи́ на нас, и де́ло ру́к на́ших исправи́.

Мучени́чен: Что́ вас наре́чем, свя́тии? Херувимы́ ли? Я́ко на вас почи́л е́сть Христо́с. Серафимы́ ли? Я́ко непреста́нно просла́висте его́. А́нгелы́ ли? Те́ла бо отврати́стеся. Си́лы ли? Де́йствуете бо чуде́сы: мно́гая ва́ша имена́, и бо́льшая дарова́ния: мо́лите спасти́ся душа́м на́шим.

Сла́ва, и ны́не, Богоро́дичен: Небе́сная пою́т Тя, обра́дованная Ма́ти безневе́стная: и мы́ славосло́вим неизсле́дованное Твое́ Рожде́ство, Богоро́дице, мо́ли спасти́ся душа́м на́шим.

Та́же, Благо́ е́сть: **И** Трисвято́е. **По** О́тче на́ш: **тропа́рь, и ектениа́.** **Та́же,** ча́с пе́рвый, псалмы́ обы́чны: и проче́е, и отпу́ст.

В понедельник блаженны, глас 8:

Помяни нас, Христэ Спасе мира, якоже разбойника помянул еси на Древе: и сподоби всех, Едине Щедре, Небесному Царствию Твоему.

Стих: Блажени изгнани правды ради, яко тех есть Царство Небесное.

Исцели, Христэ, страсти души моея, Едине Врачу душ и телес: и умиления струями мя омыв, всего очисти яко благоутробен.

Стих: Блажени есте, егда поносят вам, и изженут, и рекут всяк зол глагол, на вы лжуще Мене ради.

Престол честнаго обстояще богочалия, Престоли, Херувими, Начала и Власти, и прочая безплотных чиноначалия, священно воспевают.

Стих: Радуйтесь и веселитесь, яко мзда ваша многа на Небесех.

Мученичен: Разгорением распалающа Христовы любве, неопалими пребыша посреде огня, страдальцы, попаливше терние злочестия Божественною благодатию.

Слава: О Троице Пресвятая, Единице начальнейшая! Избави рабы Твоя огня негасимаго, мольбами Божественных безплотных Твоих сил, и Царствия Твоего сподоби.

И ныне: Свиток Тя иногда провиде Исаиа, Богоблагодатная, в немже Отчим перстом написася Слово несказанно, в книгах животных пишущее нас.

В понедельник вечера

на Господи, воззвах, **стихиры покаянны, глас 8:**

Подобен: О преславнаго чудесе!

Стих: Аще беззакония на́зриши, Господи, Господи, кто́ постоит? Яко у Тебе́ очищение́ е́сть.

Ни умиления́ стяжах, ниже́ слез исто́чника, ни тёплаго исповедания, ниже́ плача омыва́ющаго, ни сердечнаго смирения́: ни мытарю́ ревнитель бых, ниже́ блуднице́, ниже́ блудному́ отроку́. Како́ убо́ обрящу́ моих многих грехов оставление? Но́ и́миже, Христе́, ве́си судьба́ми, спаси́ мя.

Стих: Имене́ ради́ Твоего́ потерпех́ Тя, Господи, потерпе́ душа́ моя́ в сло́во Твое́, упова́ душа́ моя́ на́ Господа́.

Стра́нен всякия́ сотвори́хся Божественныя́ за́поведи: о добродетели́ же лу́чшей всяко́ небрего́х, и безу́мно пожих́ в ле́ности все́ житие́ мое́, в блуде́ вся дела́ моя́ содеях, неподобная́ и беззаконная́. Те́мже, Христе́, уще́дри яко́ Благоутро́бен, и ту́не мя́ спаси́.

Стих: От стра́жи у́тренняя до но́щи, от стра́жи у́тренняя да упова́ет Израи́ль на́ Господа́.

Не я́ростию Твоею́ обличи́ мене́, де́ло ру́к Твоея́ бла́гости, отто́ргшася умо́м неразу́мным, И́же мене́ ради́ по́ мне́ благоизво́ливый быти, неизрече́нныя́ ради́ благоутро́бия пучи́ны, Человеколю́бче: но́ моли́твами Присноде́вы, Твоея́, Сло́ве, Ма́тере, Божественнаго́ сподо́би мя́ обра́щения, яко́ Бог.

Ины стихиры святому и великому Иоанну Предтечи.

Глас и подобен тойже.

Стих: Яко́ у́ Господа́ ми́лость, и мно́гое у́ него́ изба́вление, и то́й изба́вит Израи́ля от все́х беззаконий́ его́.

Блаже́нне Иоа́нне Предте́че, смире́нную мою́ ду́шу, я́же ко́ Господу́ лю́бовию́ возвра́щай всегда́, свяще́нными хода́тайствы́ Твоими́ сласте́й моих о́гнь уга́си, приводя́ мя ко́ исполне́нию Божественных повеле́ний, и се́рдца моего́ очища́я воистинну́ чу́вствия, да сла́влю́ Тя.

Стих: Хвалите́ Господа́ вси́ язы́цы, похва́лите́ Его́́ вси́ лю́дие.

Непло́дныя́ прозябе́ние, и чистоты́ са́д Влады́чній, челове́ков удо́брение, Предте́че Иоа́нне́ всехва́льне, храните́лю Божественный́ смире́нныя́ моя́ души́, твоими́ моли́твами и по́мощию́ благоуве́тие да́ждь, изба́вляя́ от зме́ева кова́рства, и лука́вых то́го лая́ний и прилог.

Стих: Яко́ утверди́ся ми́лость его́́ на́ нас, и и́стина Госпо́дня пре́быва́ет во ве́к.

Весь еси сладчайший, и сладости Божественныя исполнен приснославне, и веселиши вся верно приходящия к тебе, услаждая чувства душевная же и телесная, недуг и скорбей, и находений злых, и сластей душетленных, всегда разрешая нас.

Слава, и ныне, Богородичен: Верою притекаю к покрову Твоему, Богородительнице Чистая, от напастей и бед и страстного слияния, и от бесовскаго озлобления спаси мя: яко милости имущи пучину, и спасения явльшися Ходатаица Владычице, Яже Бога рождши Милостиваго, Единого Всещедрого, и Многоблагоутробнаго.

Таже, Свете тихий: И прокимен дне. Посем: Сподоби, Господи, в вечер сей:

На стиховне стихиры покаянны, глас 6 [8]:

Тебе Царя и Владыку, Ангели непрестанно воспевают, аз же Ти припадаю яко мытарь зовый: Боже, очисти мя, и помилуй мя.

Стих: К Тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Безсмертна сущи, душе моя, волнами житейскими не покрывайся, но возникни вопиющи к твоему Благодателю: Боже, очисти мя, и помилуй мя.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Мученицы Господни, молитесь Бога нашего, и испросите душам нашим множество щедрот, и очищение многих прегрешений, молим вы.

Слава, и ныне, Богородичен: Радуйся, вселенная похвало. Радуйся, храме Господень. Радуйся, горю приосененная. Радуйся, всех прибежище. Радуйся, свещнице златый. Радуйся, славо православных Честная. Радуйся, Марие Мати Христа Бога. Радуйся, раю. Радуйся, Божественная трапезо. Радуйся, сене. Радуйся, ручко всезлатая. Радуйся, всех упование.

Таже, Ныне отпускаеши: Трисвятое. **По Отче наш: тропарь и отпу́ст.**

В понедельник на повечерии

канон молебный Пресвятей Богородице, глас 8:

Песнь 1

Ирмос: Воду прошед яко сушу, и египетскаго зла избежав, израильтянин вопияше: Избавителю и Богу нашему поим.

Припев: Пресвятая Богородице, спаси нас.

Вод источник молитвенный, Тя Богородительницу ведуще вси, источающ верным струи душам и телом: темже Тя непрестанно славим.

Паче естества Богоначальное Слово родила еси Дево, и естество от тли избавила еси: темже безсловесных мя, и чрезъестественных страстей свободи.

Слава: Пажити страстей плотских ныне окружают мя, и оскорбляют люте: посети скоро раба Твоего, Дево, и от озлобляющих мя спаси.

И ныне: Иже всю тварь содержи и носяи и спасаей, на руку Твоею, Чистая, описан явися, и человеческий род обнови.

Песнь 3

Ирмос: Ты еси утверждение притекающих к Тебе, Господи: Ты еси свет омраченных, и поет Тя дух мой.

Успи смущение лютаго недуга обдержашаго мя ныне, Пречистая Владычице, и прегрешений и страстей свободи.

Неизреченна пучина щедрот Твоих, Пречистая, имиже и мене избави прегрешений, и недугов.

Слава: Укори и посети, Пречистая, недугоущаго мя, и тяжкия болезни избави, и всякия скорби.

И ныне: Возвеличи милость и заступление, Пречистая, Твоих молитв на мене: и избави мя от напастей и скорбей.

Песнь 4

Ирмос: Услышах, Господи, смотрения Твоего таинство: разумех дела Твоя, и прославих Твое Божество.

Очистилице всегда моему сердцу покажи, Пречистая, святых воспоминание, и прегрешений очищение.

Спасение подаждь ми душевное и телесное, Пренепорочная: и болящему даждь цельбу, и лютых избавление.

Слава: Коварствия упраздни лукавых бесов, Пречистая, и страстей востания, и немощным нам силу подаждь.

И ныне: От ложесн Твоих, Пречистая, правды Солнце возсия, и мир просвети: Егоже Божественными зарями и мене просвети.

Пѣснь 5

Ирмосъ: Вскую мя отринул еси от лица Твоего, Свете Незаходимый, и покрыла мя естъ чуждая тьма окаяннаго? Но обрати мя, и к свету заповедей Твоих пути моя направи, молюся.

Разрешися Твоим Рождеством узы смертныя, и связася тли держава, Пресвятая Дѣво Всепетая. Темже разреши вскоре и моих прегрешений пленницы, и тяжкия печали.

Лукавствия бесов, и злобы человеческия избави, Владычице: и душевный недуг и телесный скоро уврачуй, рождшая Единая всякия плоти и духов Врача, Спаса и Господа.

Слава: Яко клеща Божественнаго Угля, Пречистая, молю Тя, попали всякую страстную похоть раба Твоего, и неможения лютая неудобь стерпимая, и изсуши потоки печалей.

И ныне: Спасение Тя всем подал естъ Сын Твой, Всечистая Владычице, веровавшим в Него, и Бога проповедающим воплощенна от Тебе яве: темже мя спаси от различных бед и скорбей.

Пѣснь 6

Ирмосъ: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Призри на мя милостивным Твоим оком, Владычице, и от недугов лютых избави вскоре, и всякаго озлобления чаемаго ныне, и сетей, и падения.

Безумнаго нрава страстнаго, и зависти неподобных, и всякия злобы, и озлобления житейскаго избави мя, Пречистая Владычице, Твоими мольбами.

Слава: Создавший нас, в Тебе, Дѣво, создася, естество человеческое от тли избавляя, и мене убо избави, Чистая, от одержавших мя искушений Твоими молитвами.

И ныне: Храм показала еси Бога невместимаго пречист, Ты, Пречистая Владычице: храм и мене покажи Того благодати, Твоими молитвами, и соблюди невредима.

Таже, Господи, помилуй, **трижды.** Слава, и ныне:

Седален, глас 8:

Яко Дѣву и Едину в женах, Тя без семене рождшую Бога плотию, вси блажим роди человечести: Огнь бо вселися в Тя Божества, и яко Младенца дойши Зиждителя и Господа. Темже ангельский и человеческий род достойно славим Пресвятое Рождество Твое, и согласно вопием Ти: моли Христа Бога согрешений оставление даровати воспевающим достойно славу Твою.

Пѣснь 7

Ирмосъ: От Иудѣи дошедше ѡтроцы в Вавилоне иногда, вероу Тройческою пламень пещный попраша, поюще: отцевъ Божѣ благословен еси.

Тяжкия болѣзни воздаянїя обретохъ, и многимъ недугомъ одержимъ болю: но молю Тя, Богородице, помози ми, и подаждь здравіе вскорѣ Твоими молитвами.

Блаженная Дѣво, прибежище скорбящихъ всехъ верныхъ, от всякаго искушенїя и печали и злобы завидящихъ мнѣ изми, и от грѣхъ и различныхъ недугъ избави.

Слава: Златокованная Стамно, из Неяже истечѣ Мїро животворное вернымъ, отими души мояя и тѣла недугъ, и прегрешенїй скверну, заступленьми Твоими, Чїстая Богородительнице.

И ныне: Рожденнаго неизреченно из Тебѣ, Богомати, собезначальнаго Слѡва Отцу и Духу славяще непрестанно, во хваленїи поемъ: отецъ нашихъ Божѣ благословен еси.

Пѣснь 8

Ирмосъ: Седмерицею пещь халдейскїй мучитель Богочестивымъ неистовно разжжѣ, силою же лучшею спасены сїя видевъ, Творцу и Избавителю вопияше: ѡтроцы благословите, священницы воспойте, людїе превозносите во вся веки.

Величествія различныхъ чудесъ Твоихъ, Владычице, всї проповѣдуемъ, верно притекающе к Твоему заступленїю: но ныне мя от недуга люта и болѣзней душевныхъ же и телесныхъ премени, и покажи здрава обоюду, славити Сына Твоего Христа во веки.

Напрасно возвѣяша завидящихъ вѣтри, и злолютыхъ рѣки припрошася зело храмину моей умней, Дѣво Чїстая: но якоже безумно волнующагося моря, разори стремленїе печальныхъ всехъ: даждь и мнѣ Твоими молитвами тишину во вся веки.

Слава: Создавый брѣнное тѣло человека, Таже душу ему вложивый безсмертну, в Тебѣ зиждется, Дѣво, Сый, и обновляетъ паки того: Егоже мнѣ благоуветлива, и благопременна покажи Твоими молитвами, и силу подаждь всемъ скорбящимъ, и избавленїе вскорѣ.

И ныне: Светомъ озаряеши всегда, Пречїстая, славящихъ Тя: из Твоея бо утробы возсия Светъ Невечерний, и от страха ношнаго и темнаго и бесовскаго лаянїя избавляеши Твоя рабы: от нихъже изми и мене, и спаси от одержажщихъ золъ твоими молитвами.

Пѣснь 9

Ирмосъ: Воистинну Богородицу Тя исповѣдуемъ, спасенїи Тобою,

Де́во Чи́стая, с безплóтными ли́ки Тя́ велича́юще.

Вознеси́ ро́г Це́ркве, Пре́чи́стая, ве́рным пода́ждь кре́пость и утверди́.

Низложи́ вознесённыя, и победи́ полки́ иноплеме́нных хотя́щия бра́ней, Де́во Чи́стая: и Твоя́ рабы́ невре́дны от сихъ свобо́ди, О́трокови́це.

Слава: Еди́на побóрнице христиано́м правосла́вным, Тебе́ славя́щым, моли́твами Твои́ми ага́ряны оружено́сныя вско́ре посрами́.

И ны́не: Вразуми́ Де́во, ве́рных ли́ки, на враги́ невидимы́я и видимы́я укрепьши, и спаси́ от всякия ско́рби.

Та́же, Досто́йно е́сть: и поклóн. Трисвято́е. **По** О́тче наш: **тропари́, и** **прóчее обы́чно, и отпу́ст.**

Вторник

Во вто́рник у́тра

по 1-м стихослoвii седа́льны покая́нны, глас 8:

О́ком благоутро́бным, Го́споди, ви́ждь моё смире́ние, я́ко помале́ жизнь моя́ сконча́ется, и от де́л несть мне́ спасе́ния. Сего́ ра́ди молю́ся: о́ком благоутро́бным ви́ждь мое́ смире́ние, и спаси́ мя.

Стих: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеша мене́.

Я́ко суди́и прише́дшу попе́чься, о ду́ше! и стра́шнаго дне́ час помышля́й: суд бо без ми́лости е́сть не соде́лавшым ми́лости. Те́мже пре́жде конца́ вопи́й: пощади́ мя, Спа́се, Еди́н бо еси́ Безгре́шен.

Сла́ва, и ны́не, Богоро́дичен: Недви́жимое утвер́ждение ве́ры, и честный да́р ду́ш наших, Богоро́дицу пе́сньми велича́ем ве́рнии: ра́дуйся, ка́мень жи́зни во чре́ве Твоем вмести́вшая. Ра́дуйся, конце́в наде́ждо, скорбя́щих заступле́ние. Ра́дуйся, Не́весто Неве́стная.

По 2-м стихослoвii седа́лен, глас 8:

Я́ко блудни́ца припа́даю Ти́, да прииму́ оставле́ние, и вме́сто ми́ра слезы́ от се́рдца приношу́ Ти: да я́ко о́ную уще́дриши мя́, Спа́се, и пода́си ми́ очи́щение грехо́в. Я́ко о́ная бо зову́ Ти: изба́ви мя́ от тиме́ния де́л моих.

Стих: Го́споди, да не я́ростию Твое́ю обличи́ши мене́, ниже́ гне́вом Твои́м нака́жеша мене́.

Ве́к мой сконча́ется, жити́е мимохо́дит, и стра́шный Тво́й престо́л гото́вится, Спа́се: суд мене́ жде́т, претя́ мне́ о́гненною му́кою, пламене́м негаси́мым: слез тучу́ да́ждь ми́, и угаси́ его́ силу́, хотя́й спасти́ся все́м челове́ком.

Стих: Ди́вен Бо́г во святы́х Свои́х, Бо́г Израи́лев.

Мучени́чен: Свети́ла умная́ я́вистеся, святии́ му́ченицы: мглу́ бо преле́сти упраздни́сте ве́рою, ду́шевныя ва́ша свещы́ просвети́сте, и с Жени́хом со сла́вою внидо́сте в небе́сный черто́г: и ны́не моли́теся спасти́ся, мо́лимся, ду́шам нашим.

Сла́ва, и ны́не, Богоро́дичен: Пречи́стая Де́во, Ма́ти Христо́ва, ду́ши моея́ стра́сти лю́тыя исцели́, молю́ся, и проще́ние да́руй мои́х прегреше́ний, я́же безу́мне содея́х, ду́шу мою́ оскверни́в, и тело́ окаля́х окая́нный. Увы́ мне́, что́ сотворю́ в час о́н, внегда́ А́нгели ду́шу мою́ разлуча́т от убо́гаго моего́ телесе́? Тогда́ помощница́ ми́ буди́ и предста́тельница: Тебе́ бо има́м упова́ние, раб Тво́й.

По 3-м стихослoвii седа́льны, глас 8:

Подóбен: Повеле́нное та́йно:

Страшнаго и ужаснаго и неумытнаго судища Твоего, Владыко Христе, во уме приемлю день и час, трепещу яко злодей: студная дела имам, и деяния лютая, яже един содеях прилежно. Темже со страхом припадаю Ти, и вопию болезненно: молитвами предтечи Твоего, Многомилостиве, спаси мя.

Душе моя, нерадиво жизнь изнуряючи, востани некогда, к покаянию воззри: восплачися горце из глубины сердечныя, да не како возрыдаеши тамо без успеха: содрогнися, помышляючи Владычнее второе пришествие, и прежде суда сама себе осуди: и убегнеша онаго суда праведнаго.

Слава, и ныне, Богородичен: Безплотных Твоих, Христе, и Предтечи Твоего, и ученик, и пророк, и мученик, и святых всех, и Богородицы Неискусомужныя и Благия Матере Твоея молитвами умолен быв, даждь нам во свете Твоем ходити: и сподоби нас улучшить Царствие Твое, за милосердие милости Твоея.

Канон покаянен ко Господу нашему Иисусу Христу, и святым Его мучеником. Творение кир Иосифа, глас 8:

Песнь 1

Ирмос: Сокрушившему брани мышцею Своею, и проведшему Израиля сквозе Чермное море, поим Ему, яко Избавителю нашему Богу: яко прославися.

Исполни мое сердце умиления, Христе, яко да вниду покаянием в селения Твоя: и исповеданием помолюся Тебе, от долгов мя разрешающе.

Разреши мя, Слове, от союз безчисленных моих зол, да шествую в покаянии праведныя стези Твоя, в Божественное наставляющыя покоище вечных красот.

Мученичен: Взятся к высоте великое мученик Твоих, Христе, великолепие, всеславно бо пострадавше, и превеликими Твоими благодатями возвеличишася.

Мученичен: Кроплением Божественных кровей святых страдалец, кровь требищная приносимая врагу преста, и освятишася земная духа благодатию.

Богородичен: Покаяния ми, Дево, покажи пути, и от водящия мя ко греху возврати стези: да Тя пою многопетую Божию родительницу.

Ин канон святому и великому Иоанну Предтечи, глас 8:

Ирмос: Истрысшему в мори мучительство фараоне, и Израиля сушею наставлявшему поим Христу яко прославися во веки.

Предтече проповедателю покаяния, покаются ми от души всея, моли Спаса и Господа, ум мой просвещая и сердце, любовию чтущаго тя.

Яко пустынное краснейшее овча Предтече, мучениче Христов, ныне в

пустыни мя страстей водворяющаяся, настави к жизни покаяния, Божественною твоею молитвою.

Мучащаго мя греха скоро свободи, ходатайством твоим, мудре Предтече, молюся, и разруши на мя движимую бесовскую бурю.

Богородичен: Спаси мя, Мати истины, обуреваемого люте от страстей, и часто погружаема, и исправи мя, Чистая, к спасения благоутишному пристанищу.

Песнь 3

Ирмос: Увердися сердце мое во Господе, вознесеса рог мой в Бозе моем, разширишася на враги моя уста моя, возвеселихся о спасении Твоем.

Скверны злбныя отмыв моего сердца, и явитися ми непорочну пред Тобою в день страшный сподоби, Христе мой, яко Преплагий.

Возможе лукавством умертвити мя отступник, жалом слове греховным: но сам мя, Христе, живоносным исцели былием покаяния.

Мученичен: Станем мужески, возглашаху, страстотерпцы, друг другу, да не кто воинства отвержется: Владыка помощник нам предстоит, страждущим доблественным умом.

Мученичен: Пречестное камение церкви, Божественныя столпы благочестия, прелести победители, вси в песнях почтим вернии мученики Господни.

Богородичен: Низпадшым исправление, Богородице, падшаго мя воздвигни из рова зол моих: и утверди, Владычице, на камени заповедей Божиих.

Ин Ирмос: Утверди наш ум и сердца, небеса словом утвердей, во еже пети и славити Тя, во спасение душ наших.

Одожди и мне капли покаяния, иже в реце бездну крестивый благоутробия, Господа всех, Предтече, мучениче достославне.

Напастьными волнами жития всегда умом колеблемь, прибегаю под кров твой, Предтече Спасов, потщися помощи ми рабу твоему.

В ночных молитвах призываю дневнаго светильника тебе миру, богоблаженне Предтече, просвети моя сердечная чувства.

Богородичен: Радуйся, от нас святая Богородице: радуйся, яже радость рождающая миру: радуйся, ручко, из неяже манна небесная всем верным дадеся.

Песнь 4

Ирмос: Услышах, Господи, слух Твой, и убояхся: яко неизреченным советом, Бог сый присносущный, от Девы прошел еси воплощся: слава снизхождению Твоему, Христе, слава силе Твоей.

Прельсти мя вкушением греховным враг льстец, и от Тебе, Блаже,

далече удали, и зубом своим съедь содела мя: еди́не Спа́се, потщи́ся изъя́ти мя.

Неявле́ная, Го́споди, и сокро́веная моя́ Са́м ве́си, согрешивша́го Ти́ мно́го: мно́гими Твоими́ щедро́тами уще́дри, Сло́ве Бо́жий, яко́ ми́лостив, и покая́ния ми́ вре́мя пода́ждь очи́стительно.

Му́ченичен: Я́ко волна́ми му́ченими потопля́еми му́ченицы, окормле́нием Христо́вым ко приста́нищем приве́досте́ся Небе́снаго Ца́рствия, от Не́го победоно́сными венцы́ войсти́нну удо́бряеми.

Му́ченичен: Обно́вивше му́ченицы, благо́честием зе́млю серде́чную, испове́дания на не́й се́мя вложи́сте: и му́чения пожа́сте я́ве стори́чествующий кра́сный кла́с благода́тию.

Богородичен: Всепе́тая Влады́чице, велегла́сно воспева́ющего Ти́, испо́лни вся́кия ра́дости мою́ мы́сль, пода́ющи ми́ пла́чь бла́г, и покая́ния вины́, и ра́зум спасе́ния.

И́н Ирмо́с: Услы́шах, Го́споди, смотре́ния Твоего́ та́инство: разуме́х дела́ Твоя́, и просла́вих Твое́ Боже́ство.

Себе́ само́го пла́чу, жити́е неиспра́влено име́я всегда́: спаси́ и уще́дри мя́, Пре́дтече, грехи́ погиба́ющего.

В моли́твах и моле́ниях да обря́щу тя́ помо́щника, блаже́нне, ду́шу мою́ укрепля́ющая, и помы́шление моё́ озаря́ющая.

Потопля́ема бу́рею согреше́ний, и бе́дствующа́ мя́, Крестите́лю Христо́в, окорми́ к приста́нищу Боже́ственного ра́зума.

Богородичен: Смиривши́ мя́ высоко́мудренно́ живу́щего, спаси́, Пре́чи́стая, ро́ждшая возне́сшаго сми́рившее́ся естество́.

Пе́снь 5

Ирмо́с: Мра́к души́ мое́я разжени́, светода́вче Христе́ Бо́же, началоро́дную тьму́ изгна́в бездны́: и да́руй ми́ све́т повеле́ний Твои́х, Сло́ве, да у́тренюя сла́влю Тя́.

И́же блудни́цу очи́стивый, и прока́женны́я, Твои́м повеле́нием, Соде́телю вся́ческих, скверна́го греха́ смиренную́ ду́шу мою́ очисти́, и оде́ждами блиста́ющими красну́ соде́лай, Влады́ко, молю́ся.

От у́з разреши́в мя́ мно́гих мои́х прегреше́ний, Христе́ Бо́же, невозбра́нно ходи́ти напра́ви в пу́ти Твоя́: яко́ да отрешив́ся от плоти́, в поко́ища́ свя́тая́ всели́вся, сла́влю Тя́.

Му́ченичен: Истка́вше от боле́зней себе́ ри́зу сла́вы му́ченицы, и оде́явше́ся красно́, в вы́шнем живу́т Ца́рствии в ра́дости, побе́ды венцы́ красны́ми удо́бряеми.

Му́ченичен: Теку́щими стоя́щая измени́ша благо́мудренно́ му́ченицы: теснотами́ бо му́чений различны́х объ́яти бы́вше, к простран́ству

исти́нному Небе́снаго Ца́рствія му́дри и дости́госте ра́дующеся.

Богоро́дичен: Свята́я Богоро́дице, Я́же Свято́е Сло́во ро́ждша́я плоти́ю, Еди́наго почи́вающа́го на все́х святы́х, освяти́ мой у́м в лука́вых дѣлахъ при́сно пребыва́ющий.

И́н Ирмо́с: От но́щи неведе́ния, боговеде́ния де́нь во све́те лица́ Твоего́, Христе́, да возсия́ет, ко́ у́тру хвале́ние Твое́ в се́рдцяхъ на́ших.

В но́щи жити́я заблуждша́го мя просвети́, сла́вный Предте́че, свети́льникъ съ́й Со́лнца пра́веднаго.

В бу́дущемъ суде́, егда́ има́м Го́сподеви предста́ти, да обря́щу тя предста́теля, Предте́че, осужде́ния мя стра́шнаго изыма́юща.

Напа́ствуема́го мя, и искуше́нми бесо́вскими коле́блема́го, утверди́ на ка́мени Божественныхъ хоте́ний, приснопева́емый.

Богоро́дичен: Я́ко превы́шша́я все́хъ тва́рей, Ма́ти Бо́жия Присноде́во, вы́шша покажи́ мя вражи́ихъ се́тей.

Пѣ́снь 6

Ирмо́с: Я́коже проро́ка изба́вил еси́ из глубли́ны преиспо́дня, Христе́ Бо́же, и мене́ от грехо́в мои́х изба́ви я́ко Человеколю́бец, и управи́ живо́т мой, молю́ся.

Ка́юща́ся приими́ мя, я́коже ино́гда ниневи́тяны, ве́ровавшы́я Божественной про́поведи, Христе́, проро́ка Твоего́: и окорми́ живо́т мой, молю́ся Ти.

Я́ко мыта́рь воздыха́ю, я́коже блудни́ца слезю́, я́ко Пе́тр вопию́, мно́гими погружа́емъ прегреше́нии, Христе́: по́мощи ми́ ру́ку да́ждь, и спаси́ мя.

Му́ченичен: Я́ко богосве́тлая свети́ла, му́ченицы, луча́ми страда́ния озаря́ете все́гда земны́й ми́р, и отгоня́ете преле́сти тьму́ глубо́кую.

Му́ченичен: Блаже́нейший ко́нецъ обрѣ́тше, все́святїи му́ченицы, почита́ете все́гда Бо́га блаже́ннаго, наслажда́еми то́го све́тлостию.

Богоро́дичен: Маннопри́емная ру́чка, Тя́, Богоро́дице, ино́гда прообрази́: Христа́ бо носила́ еси́, манну́ разума́ одождивша́го все́мъ чту́щимъ Тя́.

И́н Ирмо́с: Ри́зу мне́ пода́ждь све́тлу, оде́йся све́том. я́ко ри́зою, мно́гомилостиве́ Христе́ Бо́же наш.

Секи́рою пока́яния исти́ннаго все́ очисти́ се́рдце мое́, Иоа́нне премудре́, плодоно́сно добродете́льми соде́лова́я е.

Китомъ соде́ржимъ напа́стей, из глубли́ны се́рдца моего́ взыва́ю ти́, Предте́че: боле́зней мя лю́тыхъ свободи́.

Душе́ моя́, пока́йся те́пле, се́ суди́ще прии́де, возни́кни зову́щи: Иису́се Бо́же мой, Предте́чи ра́ди Твоего́ Ты́ мя уще́дри.

Богородичен: Еди́на сло́вом, плоти́ю Сло́во ро́ждшая, Чи́стая, мо́лимся, изба́ви се́тей вра́жиих ду́шы на́ша.

Песнь 7

Ирмос: А́нгелом о́троки из о́гня спасы́й, и гремя́щую пе́щь преложи́вый на ро́су, благосло́вен еси́ Бо́же оте́ц на́ших.

Я́ко в беззакони́их зача́т и роди́хся, Ще́дре, согреша́х па́че все́х челове́к: обра́щения ми́ пода́ждь вре́мя оправда́ющее мя́.

Прево́знэслся безу́мно, яко́же пре́жде фа́рисей, и паде́нием лю́тым падо́хся, и ви́дя мя́ раду́ется вражде́бный: Сло́ве Бо́жий, не пре́зри мене́.

Мученичен: Со́бор честных мучени́к, воинство́ непобори́мое, полк же́ святы́й, гра́ду написа́ся на небесе́х, на земл́и му́жествовавшее́.

Мученичен: Воле́ю стра́сть проше́дше, мучени́цы, ходата́ицу безсме́ртя, стру́ю исцелений́ источа́ете, челове́ков стра́сти отгоня́юще.

Богородичен: Па́че ви́ны ражда́еши все́х ви́ну, премно́жеством бла́гости челове́ка бы́вшаго: те́мже согла́сно Тя́, Чи́стая, ублажа́ем.

И́н Ирмос: В нача́ле зе́млю основа́вый, и небеса́ сло́вом утверди́вый, благосло́вен еси́ во ве́ки, Го́споди Бо́же оте́ц на́ших.

И́же пу́ти Го́сподни угото́ваый, Пре́дтече, к То́му́же испра́ви и моя́ сте́зи, да зову́: благосло́вен еси́ Бо́же оте́ц на́ших.

Про́поведни́че све́та, просвети́ ду́шу мою́, и лю́тыя тьмы́, и ге́енны паля́щия изба́ви мя́, прибега́ющего к тебе́ несумне́нною ду́шею.

Непло́дныя изра́щение плодови́тое сый, моего́ се́рдца непло́дие во благопло́дие претвори́ твоими́ моли́твами, му́дре Крестите́лю Христо́в.

Богородичен: Избра́нная Агни́це Бо́жия Сло́ва, моли́ из Тебе́ вопло́щагося Бо́га, ко избра́нным овца́м мя́ причта́ти в ча́с стра́шный.

Песнь 8

Ирмос: Покрыва́яй вода́ми превы́спрення́я Сво́я, полага́яй мо́рю преде́л песо́к, и содержи́ай вся́, Тя́ поёт со́лнце, Тя́ сла́вит луна́, Тебе́ прино́сит пе́снь вся́ тварь, яко́ Соде́телю все́х во ве́ки.

Ру́це вся́кими оскверни́ла еси́ злоде́яньми, ду́ше моя́: и ка́ко те́х возде́ваеши на вы́соту бесе́дующи Бо́гу? Но́зе непотре́бны́ сотвори́ла еси́, на дела́ ходя́щи студи́ная: потщи́ся ходи́ти пока́янием в пу́ти спаси́тельныя.

Не пре́бых, Го́споди, в за́поведех Твои́х нико́гдаже, не сотвори́х ни еди́н де́нь Твоего́ хоте́ния, Бла́же: кото́рыма́ убо очима́ воззрю́ на Тя́ тогда́, творя́ща су́д пра́ведный, и повинны́я отсыла́юща во о́гнь ге́енский?

Мученичен: Разжже́нныя угаси́сте пе́щи многобо́жия, му́дрии страда́льцы, яко́же во́ду изли́вающе мно́гу ва́ша кро́ви, неправедно́ проли́явшыяся, за любо́вь Творца́: те́мже пото́к сла́достный насле́дуете.

Мученичен: Превзыдо́сте, свя́тии, смире́ния земно́е те́ло, и му́ки

якоже страждущу ино́му претерпéсте, отсечéние рука́м же и нога́м: отню́ду же превы́шшия ны́не сподобисте́ся жи́зни во веки.

Богоро́дичен: Волну́ема мя́ бу́рею грехо́вною, вопию́ Ти, Влады́чице Чи́стая, Твои́м ходата́йством напра́ви мя́ ко спаси́тельному пока́нию, и ко всеути́шному пристани́щу: яко́ да уви́жу све́т спасе́ния, омрачае́мый присно́ ле́ностию.

И́н Ирмо́с: Безнача́льнаго Царя́ сла́вы, Егóже трепéщут небéсныя си́лы, по́йте священни́цы, лю́дие превозно́сите во вся́ ве́ки.

Взе́млющаго грехи́ ми́ра Агнца́ Бо́жия, Егóже показа́л еси́ все́м, моли́, Крестите́лю, стра́сти моя́ умертви́ти, и спасти́ ду́шу мою́.

Облегчи́ брéмя ду́ши моея́, побори́ борю́щия мя́, Госпо́день Крестите́лю: и не уязвлена́ мя́ покажи́ от тех злоде́йствия.

Удали́лся еси́ бeга́яй, Проро́че, водворился́ же еси́ в пусты́ню непроходи́мую: те́мже тя́ молю́, стра́сти ду́ши моея́ пу́сты сотвори́ вско́ре.

Богоро́дичен: Лоза́ еси́, Дево́, я́же гро́зд зрел ро́ждшая, умиле́ния пи́тием напо́яющи мя́ ны́не, отими́ пьянство́ зол моих.

Та́же, поéм пeснь Богоро́дицы: Вели́чит ду́ша моя́ Го́спода:

Пeснь 9

Ирмо́с: Благосло́вeн Госпо́дь Бо́г Изра́илев, воздвигну́вший ро́г спасе́ния на́м, в до́му Дави́дове о́трока своeго́. В ни́хже посети́ нас восто́к с вы́соты, и напра́вил ны́ е́сть на пу́ть ми́ра.

Да и аз спаса́емь благода́рственно́ Тебе́, Христе́, велича́ю, при́зри на мя́ мно́ги ра́ны на плещу́ приéмшаго, и исцели́, вино́ на ни́х и елей́ возлива́я, Твоего́, Спа́се, благоутро́бия познание́.

Якоже разбо́йника́ благона́впаго испустивша́го глас, изба́вил еси́ убийства́ и те́м злых, якоже уще́дрил еси́ блудни́цу прослезившу́юся, яко́ Петра́ велика́го учени́ка, и Дави́да проро́ка: и мене́, Спа́се, помилуй́ отчая́ннаго.

Му́ченичен: Сообра́зни бывше́ страсте́м, страда́вшаго на́с ра́ди, страсотeрпцы, с ни́м ны́не купно́ прославля́етесь, обожа́еми Боже́ственными́ прича́стии, и сия́юще па́че заре́й чу́вственнаго со́лнца, и просвеща́юще ве́рных серде́ц.

Му́ченичен: Доброде́тель возсия́ святых́ страда́лец, вся́к гра́д си́ми сокрови́щи вои́стинну́ некрадо́мыми обога́щается ве́рою, облиста́ющих благода́ть оби́льно чуде́с пресла́вных: я́же песно́словим яко́ те́пल्या́ предста́тели.

Богоро́дичен: Просвети́тельными мо́лниями, Всенепоро́чная, из Твоея́ проше́дшаго утробы́, Сы́на Бо́жия, ве́рою пою́щия́ Тя просвети́: и тьмы́ на́с несвети́мая, и ве́чныя му́ки изми́ Твои́м предста́тельством.

И́н Ирмо́с: Проявлённое на горé законополо́жнику во огни́ и купинé, рождество Присноде́вы, в на́ше верных спасéние, песньми немóлчными велича́ем.

Хотя́щу стра́шному Твоему́ предста́ти престо́лу, Сло́ве, и дея́ний мо́их истяза́емей бы́ти vine, кото́рый обря́щу отве́т, окая́нный? Твоего́ ради Крестите́ля, Го́споди Бо́же мой, тогда́ пощади́ мя.

Яко́ глас Сло́ва, исправи́ гласы́ моя́ к Бо́гу, премудре́ Крестите́лю, и изба́ви мя зло́бы бесо́вския и искуше́ния челове́к: да по долгу́ ублажа́ю тя.

Напита́й мя пи́щею безсме́ртною Христо́вых за́поведей, напо́й мя пита́ем животным, Крестите́лю и Проро́че: и предста́ви Бо́гу спасéна, под кро́в тво́й притека́ющаго.

Богоро́дичен: Влады́чице Де́во Чи́стая, и препросла́вленная, с Предте́чею Сы́на Твоего́ и Царя́ моли́, от вся́кия ну́жды спасти́ ве́рою Тя блажа́щя.

Та́же, Достойно́ е́сть: и покло́н, и ектениа́, и свети́лен, и псалмы́ обы́чныя.

На стихо́вне стихи́ры покая́нны, глас 8:

Егда́ прииму́ во уме́ мно́жество содея́нных мно́ю зóл, и в помышле́ние прииду́ стра́шнаго она́го испытáния? Тре́петом содержи́мь к Тебе́ прибега́ю, Человеколю́бцу Бо́гу. Те́мже не презри́ мене́, молю́ Тя, Еди́не безгре́шне: даруй умилéние смиренней мо́ей души́ пре́жде конца́, и спаси́ мя.

Сти́х: Испол́нихомся заутра́ мило́сти Твоея́, Го́споди, и возра́довахомся и возвесели́хомся, во вся́ дни на́ша возвесели́хомся: за дни́, в ня́же смирил ны́ еси́, лета́, в ня́же видехом злая́. И при́зри на рабы́ Твоя́, и на дела́ Твоя́, и настави́ сыны́ их.

Сле́зы ми даждь, Бо́же, яко́же иногда́ женé грéшнице, и сподо́би мя омочити́ но́зе Твои́, я́же мя от пу́ти прелести́ свободившы́я, и миро́ благоухáния Тебе́ приноси́ти жити́е чи́сто, покая́нием ми́ создáное, да услышу́ и аз желае́мый Тво́й глас: ве́ра твоя́ спасе́ тя, иди́ в ми́ре.

Сти́х: И бу́ди све́тлость Го́спода Бо́га на́шего на нас, и дела́ ру́к на́ших исправи́ на нас, и де́ло ру́к на́ших исправи́.

Му́ченичен: Вельми́ подви́заете́ся, святы́и, му́ки от беззако́нник претерпе́вше до́блественне, и Христа́ испове́давше пред ца́ри: и преставльше́ся от жити́я паки́ силы́ де́йствуете в ми́ре, и недугую́щя исцеля́ете страстьми́ свои́ми, святы́и. Моли́те спастис́я душа́м на́шим.

Сла́ва, и ны́не, Богоро́дичен: Кро́в тво́й, Богоро́дице Де́во, врачевство́ е́сть духо́вное: во́нь бо прибега́юще, от душе́вных неду́г избавля́емся.

Та́же, Благо́ е́сть: Трисвято́е. По́ Отче на́ш: тропа́рь, и ектениа́. Та́же,

час 1-й, и псалмы обычны, и прочее, и отпуст.

Во вто́рник блаже́нны, глас 8:

Помяни́ нас, Христе́ Спа́се ми́ра, яко́же разбо́йника помяну́л еси́ на Дре́ве: и сподо́би все́х, еди́не Ще́дре, Небе́сному Ца́рствию Твоему́.

Сти́х: Блаже́ни изгна́ни правды́ ради, яко́ тех е́сть Ца́рство Небе́сное.

Пучи́ну яко́ име́я, Христе́, милосе́рдия, изсуши́ мои́х прегреше́ний пучи́ну: и уми́ления слеза́ми ду́шу мою́ окамене́нную претвори́.

Сти́х: Блаже́ни есте́, егда́ поно́сят ва́м, и изженут, и реку́т вся́к зóл глаго́л, на вы́ лжу́ще Мене́ ради́.

Дре́вле Христа́ в воде́ крестив, Божество́нный Крестите́лю, от страсте́й мя́ трево́лнения обурева́ема, ко приста́нищу покая́ния Твои́ми мо́льба́ми устреми́.

Сти́х: Ра́дуйте́ся и веселите́ся, яко́ мзда́ ва́ша мно́га на Небесе́х.

Мучени́чен: Кро́вьми ва́шими, свя́тии страстоте́рпцы, угаси́вше о́гнь идо́лбесия, струи́ источаете, всегда́ исцеле́ний, страсти́ различны́я исцеля́юще.

Сла́ва: Безнача́льне О́тче, и Сы́не, и Божество́нный Ду́ше, Крестите́ля мо́литва́ми, многоле́тныя страсти́ ду́ши моея́ утоли́, молю́ся: и спаси́ мя раба́ Твоего́.

И ны́не: Изба́ви нас от страсте́й безче́стия, и лю́таго во а́де муче́ния. Мо́льба́ми Твои́ми, Пречи́стая Богоро́дице, благоче́стно Тя́ ублажа́ющих.

Во вто́рник ве́чера

на Го́споди, возва́х, **стихи́ры крѣстны, глас 8:**

Подобѣн: Мученицы Господни:

Стих: Аще беззаконія на́зриши, Го́споди, Го́споди, кто́ постои́т? Яко у тебе́ очище́ние е́сть.

На Крестѣ Христѣ пригво́ждся, пронза́емь в ру́це и но́зе, в ребро́ же свято́е прободѣн был еси́, источая́ ми ка́пли Божественнаго спасѣния, Преблагий, кровь же и во́ду, яко да омы́еши мой гно́й и скверну́: сла́ва Твоей, Всеще́дре, бла́гости.

Стих: Имене́ ради Твоего́ потерпѣх Тя, Го́споди, потерпе́ душа́ моя́ в сло́во Твое́, упова́ душа́ моя́ на Го́спода.

Страда́ти претерпѣл еси́, Влады́ко, яко да безстра́стие все́м пода́си, покланя́ющимся Твои́м страсте́м, и вольному́ заколе́нию, и копию́, и гвозде́м, и трости́, яже долготерпели́вно хотя́ претерпѣл еси́: яко да и мнѣ исхода́таиши, Го́споди, ради́ страсте́й Твои́х безстра́стие.

Стих: От стра́жи у́тренняя до но́щи, от стра́жи у́тренняя да упова́ет Израи́ль на Го́спода.

Юница́ Нескверна́я, Юнца́ ви́дящи на Дре́во воздви́жена во́лею, рыда́ющи уми́льно вопия́ше: увы́ Мне, Возлюбленнейшее́ Чадо́, что́ Ти сонм воздаде́ безблагодатный еврейский, хотя́ Мя безча́дствовати от Тебе́, Вселюбимый?

Таже, минѣи стихи́ры свято́му. Аще ли не́сть минѣи:

Ины стихи́ры Богородице, глас 8:

Стих: Яко у Го́спода ми́лость, и мно́гое у него́ избавле́ние, и то́й изба́вит Израи́ля от все́х беззаконі́й его́.

Не терплю́, Чадо́, зрѣти Тя́ на Дре́ве усну́вша, бо́дрость все́м даю́щаго: яко да Дре́вле от преступле́ния плода́, сномъ всепа́губнымъ усну́вшемъ, Божественную́ и спасительную́ бо́дрость пода́си, Де́ва глаго́лаше пла́чущися, Ю́же велича́ем.

Стих: Хвали́те Го́спода вси́ язы́цы, похвали́те Его́ вси́ лю́дие.

Собо́р неправедный Тебе́ на Крестъ воздви́же А́гнца, взѣмлю́щаго ми́ра прегреше́ния, и копи́ем Твоя́ ребра́ прободо́ша, Долготерпели́ве, и ру́ки пригвозди́ша Твоя́ и но́ги. О суровства́ злаго́! Оле дерзнове́ния! Пречистая́ сия́ взы́ваше уми́льно слезя́щи.

Стих: Яко́ утверди́ся ми́лость Его́ на на́с, и и́стина Господня́ пребыва́ет во ве́к.

Что́ зримо́е сие́, е́же ны́не ви́жду, Влады́ко? и́же го́рстию всю́ тва́рь

пречудне содержи, на древе якоже Агнец неправедне висиши, Слове Божий, от раб непокоривых повешен? Оле терпения! Оле Твоея благодати, Всецдре! Слезящи глаголаше, Пренепорочная.

Слава, и ныне, КрестоБогородичен: Агнца Тя егда Агница и Девая к заколению ведома узре со слезами Слове последоваше, и взываше: где тщишися, Чадо Мое? Сшествую Тебе, Сладчайший, не терплю бо не зрети Тебе, Иисусе Мой Многомилостиве.

Таже, Свете тихий: и прокимен дне. И Сподоби, Господи, в вечер сей:
На стиховне стихиры крестны, глас 8:

Вознесыйся на Крест, Христе Боже, и спасл еси человеческий род: славим страдания Твоя.

Стих: К Тебе возведох очи мой живущему на Небеси. Се яко очи раб в руку господий Своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Пригвоздился еси на Кресте, Христе Боже, и отверзл еси райския двери: славим Божество Твое.

Стих: Помилуй нас Господи, помилуй нас, яко по многу исполнихомся уничижения, наипаче наполнися душа наша поношения гобзующих, и уничижения гордых.

Мученицы Твои, Господи, забыша житейская, небрегше о мучениих, будущия ради жизни, тоя наследницы явися: темже и со ангелы радуются. Тех молитвами даруй людям Твоим велию милость.

Слава, и ныне, КрестоБогородичен:

Подобен: Господи, аще и на судищи:

Господи, егда Тя Солнца Праведнаго солнце виде на Древе повешена, лучы скры, и луна свет во тьму преложи: Всенепорочная же Твоя Мати утробою уязвляшеся.

Таже, Нине отпускаеши: **И Трисвятое. По** Отче наш: **тропарь, и ектения, и отпуст.**

Во втoрник на повечeрии

канoн молебный Пресвятей Богородице, глас 8:

Пeснь 1

Ирмос: Воду прoшед яко сушу, и египетскаго зла избежав, израильтянин вопияше: Избавителю и Богу нашему поим.

Припев: Пресвятая Богородице, спаси нас.

Многими содержимь напастыми, к Тебе прибегаю спасения иский, о Мати Слова и Дево, от тяжких и лютых мя спаси.

Страстей мя смущают прилози, многаго уныния исполнити мою душу: умири, Отроковице, тишиною Сына и Бога Твоего, Всенепорочная.

Слава: Спаса рождшую Тя и Бога, молю, Дево, избавити ми ся лютых: к Тебе бо ныне прибегаю, простираю и душу и помышление.

И ныне: Недугующа телом и душою, посещения Божественнаго, и промысления от Тебе сподоби, едина Богомати, яко благая, Благаго же Родительнице.

Пeснь 3

Ирмос: Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, едина Человеколюбче.

Предстательство и покров жизни моея, полагаю Тя, Богородительнице Дево, Ты мя окорми ко пристанищу Твоему, благих виновна, верных Утверждение, едина Всепетая.

Молю, Дево, душевное смущение, и печали моея бурю разорити: Ты бо, Богоневестная, Начальника тишины Христа родила еси, едина Пречистая.

Слава: Благодетеля рождши добрых виновнаго, благодеяния богатство всем источи: вся бо можеша, яко сильнаго в крепости Христа рождши, Богоблаженная.

И ныне: Лютыми недуги, и болезненными страстьми истязаему, Дево, Ты ми помози, исцелений бо неоскудное Тя знаю Сокровище, Пренепорочная, неизживаемое.

Пeснь 4

Ирмос: Услышах, Господи, смотрения Твоего таинство: разумех дела Твоя, и прославих Твое Божество.

Страстей моих смущение, Кормчию рождая Господа, и бурю утиши моих прегрешений, Богоневестная.

Милосердия Твоего бездну призывающе подаждь ми, Яже

Благосердаго рождшая, и Спаса всех поющих Тя.

Слава: Наслаждающися, Пречистая, Твоих дарований, благодарственное воспеваем пение, вѣдуще Тя Богоматерь.

И ныне: На одре болезни моя, и немощи низлежащу ми, яко Благолюбива помози, Богородице, едина Приснодево.

Пѣснь 5

Ирмос: Просвети нас повелѣнии Твоими, Господи, и мѣщцею Твоею высокою Твой мир подаждь нам, Человеколюбче.

Исполни, Чистая, веселия сердце мое, Твою нетленную дающи радость, веселия рождшая Виновнаго.

Избави нас от бед, Богородице Чистая, вѣчное рождши Избавление, и Мир всяк ум преимуций.

Слава: Разреши мглу прегрешений моих, Богоневесто, просвещением Твоея светлости, Свет рождшая Божественный и превѣчный.

И ныне: Исцели, Чистая, души моя немощение, посещения Твоего сподобльшая, и здравие молитвами Твоими подаждь ми.

Пѣснь 6

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Смерти и тли яко спасл есть, Сам Ся издав смерти, тлѣнием и смертию мое естество ято бывшее, Дево, моли Господа и Сына Твоего, врагов злодействія мя избавити.

Предстательницу Тя живота вѣм, и Хранительницу тверду, Дево, и напастей решащу молвы, и налоги бесов отгоняюще: и молюся всегда, от тли страстей моих избавити мя.

Слава: Яко стѣну прибежища стяжахом, и душъ всесовершенное спасение, и пространство в скорбех, Отроковице, и просвещением Твоим присно радуемся. О Владычице, и ныне нас от страстей и бед спаси.

И ныне: На одре ныне немощствуяй лежу, и несть исцеления плоти моей: но Бога и Спаса миру, и Избавителя недугов рождшая, Тебе молюся, Благой, от тли недуг возстави мя.

Таже, Господи, помилуй, трижды. Слава, и ныне:

Седален, глас 8:

Агнца и Пастыря, и Спаса мира, на Крестѣ зрящи, Рождшая Тя, глаголаше слезящи: мир убо радуется, приемля избавление: утроба же Моя горит, зрящи Твое распятие, еже за всех терпиши Сыне и Боже Мой.

Пѣснь 7

Ирмос: От Иудеи дошедше отроцы в Вавилоне иногда, верую

Тро́ическою пла́мень пе́щный попра́ша, пою́ще: отце́в Бо́же, благослове́н еси́.

На́ше спасе́ние я́коже восхоте́л еси́, Спа́се, устро́ити, во утробу́ Де́вья всели́лся еси́, Ю́же ми́ру Предста́льницу показа́л еси́: оте́ц наших Бо́же, благословен еси́.

Воли́теля ми́лости, Егóже родила́ еси́, Ма́ти Чи́стая, умоли́, изба́виться от прегреше́ний, и душе́вных скверн, ве́рою зову́щим: оте́ц наших Бо́же, благословен еси́.

Сла́ва: Сокро́вище спасе́ния, и исто́чник нетле́ния, Тя́ ро́ждшую, и сто́лп утвержде́ния, и две́рь пока́яния зову́щим показа́л еси́: отец наших Бо́же, благословен еси́.

И ны́не: Телес́ныя сла́бости, и душе́вныя недуги́ Богороди́тельнице, любóвию присту́пающих к кро́ву Твоему́, Де́во, исцелити сподо́би, Спа́са Христа́ нам ро́ждшая.

Песнь 8

Ирмо́с: Ца́ря Небе́снаго, Егóже пою́т вои́ а́нгельстии, хвали́те и превозно́сите во вся́ ве́ки.

Помо́щи я́же от Тебе́ тре́бующыя не прэ́зри, Де́во, пою́щыя и превозно́сящыя Тя́ во ве́ки.

Немо́жение души́ моея́ исцеля́еши, и телес́ныя боле́зни, Де́во, да Тя́ просла́влю, Чи́стая, во ве́ки.

Сла́ва: Исцелений́ бога́тство изли́ваеши, ве́рно пою́щим Тя́, Де́во, и превозно́сящим неизрече́нное Твое́ Ро́ждество́.

И ны́не: Напа́стей Ты́ прило́ги отгоня́еши, и страсте́й находы́, Де́во: те́мже Тя́ поём во вся́ ве́ки.

Песнь 9

Ирмо́с: Вои́стинну Богоро́дицу Тя́ испове́дуем спасе́ннии Тобо́ю, Де́во Чи́стая, с безплотны́ми ли́ки Тя́ велича́юще.

То́ка слез́ моих не отврати́ся, Я́же от вся́каго лица́ вся́ку слезу́ оте́мшаго, Де́во, Христа́ ро́ждшая.

Ра́дости мое́ се́рдце испо́лни, Де́во: Я́же ра́дости прие́мшая исполне́ние, грехо́вную печа́ль потребля́ющи.

Сла́ва: Све́та Твоего́ заря́ми просвети́, Де́во, мра́к неве́дения отгоня́щи, благове́рно Богоро́дицу Тя́ испове́дающих.

И ны́не: На ме́сте озлобле́ния немо́щи, смири́вшагося, Де́во, исцели́, из нездра́вия во здра́вие претворя́ющи.

Та́же, Досто́йно е́сть: и покло́н. Трисвято́е. По О́тче наш: Тропа́рь, и проче́е обы́чно, и отпу́ст.

Среда

В среду утра

по 1-м стихословии седальны крестны, глас 8:

Ви́дя разбо́йник Нача́льника жи́зни, на кресте́ ви́сяща, глаго́лаше: а́ще не бы́ Бог бы́л вопло́щся, И́же с на́ми распны́йся: не бы́ солнце́ лучи́ своя́ потаило, ниже́ бы́ земля́ трепещу́щи тряслася: но вся́ терпя́й, помяни́ мя, Го́споди, во Ца́рствии Твоём.

Стих: Возно́сите Го́спода Бо́га на́шего, и покланя́йтесь подно́жию но́гу Его́, я́ко свято́ е́сть.

Посреде́ двою́ разбо́йнику, ме́рילו пра́ведное о́бретесе́ Крест Тво́й: о́вому́ убо́ низводи́му во а́д тягото́ю хуления́: друго́му же́ легча́щуся от прегреше́ний к позна́нию Богосло́вия. Христе́ Бо́же, сла́ва Тебе́.

Сла́ва, и ны́не, Кресто́Богоро́дичен: А́гнца и Па́стыря, и Изба́вителя, А́гница зря́щи на Кресте́ непра́ведно воздви́жена, плачу́щися го́рько взыва́ше: мир у́бо раду́ется, прие́мля Тобо́ю изба́вление: утроба́ же Мо́я горит, зря́щи Твое́ распя́тие, е́же терпи́ши за ми́лосе́рдие ми́лости, Бо́же Преблагий, Безгре́шне Го́споди. Е́йже ве́рно возопи́им: благоутро́бие пока́жи, Де́во, на ны́, и согреше́ний оста́вление да́руй, покланя́ющымся Того́ страданием.

По 2-м стихословии седальны, глас 8:

Посреде́ Еде́ма дре́во процвете́ сме́рть, посреде́ же́ всея́ земли́ дре́во возра́сти жи́знь: вку́сивше бо́ пер́вее пло́да, нетленни́ су́ще, тленни́ бы́хом: у́лучивше же́ второ́е, нетле́ния насла́дихомся: Крестом́ бо́ спасаеши́ я́ко Бог, ро́д челове́ческий.

Стих: Бо́г же́ Ца́рь на́ш пре́жде ве́ка, соде́ла спасе́ние посреде́ земли́.

В рай мя́ пре́жде дре́во обна́жи, внуше́нием вра́г вно́ся умерщвле́ние: Креста́ же́ дре́во, жи́зни ве́чныя оде́яния́ челове́ком но́ся, водрузи́ся на земли́, и мир ве́сь испо́лнися вся́кия ра́дости. Е́гоже́ зря́ще возно́сима, Бо́гу ве́рою лю́дие со́гласно возопи́им: испо́лнь сла́вы до́м Тво́й.

Стих: Дивен́ Бог во́ святых́ Свои́х, Бо́г Изра́илев.

Мучени́чен: Вселе́нней свети́ла присно́светлая пока́застесе́ ве́рою: мучени́ческую́ всю́ возложи́вше на́дежду на́ Бо́га, и мы́сленным е́леем Ду́ха Свята́го, душе́вныя свещы́ ва́ша просвети́сте. Те́мже и ча́шы умны́я, челове́ком пролива́юще исцеле́ния я́коже во́ды, це́ркви я́вистесе́, страстоте́рпцы́ всехва́льнии. Мо́лите Хри́ста Бо́га, прегреше́ний оста́вление дарова́ти, праздну́ющим лю́бовию́ святу́ю па́мять ва́шу.

Сла́ва, и ны́не, Кресто́Богоро́дичен: Де́во, из Тебе́ вопло́щшаго́ся, я́ко ви́дела еси́́ возвы́шаема на́ Крест посреде́ двою́ разбо́йнику, пла́чь

восприёмши вопиаше: увы́ мнѣ чадо́ сладчайшее, како́ волю́ распятъ бысть, иже грехи́ вземляи́ мира́ яко́ благоутробен? Человѣческимъ хотя́, яко́ Богъ, пѣснемъ хвалѣнія приносимымъ быти тебѣ.

По 3-м стихословии седальны, глас 8:

Подобен: Повеленное тайно:

На Крестѣ Тя видевше возвышена, солнца незаходимаго, Христѣ, страхомъ солнце помрачися а́бие: земля́ поколебася, и камене́ трепетомъ распа́дася, и церковная завѣса раздрася, и мѣртвии от гробъ воста́ша, славословяще страшное Твое́ и Божественное снизхожде́ние, еди́наго Бога́ нашего.

Дре́во горестъ во Еде́ме прѣжде произнесѣ, дре́во же Крестное́ сладкую́ жизнь процвете́: Адамъ бо яды́ во тлю́ поползѣся: мы́ же наслаждающе́ся плоти́ Христовы́ оживляеми́ бываемъ, и обожаеми́ таинственне, Царствие́ приемлюще́ присносу́щное Божие. Те́мже и ве́роу зове́м: сла́ва, Сло́ве, страсти́ Твое́й.

Сла́ва, и ны́не, Кресто́Богоро́дичен: Сы́на Твоего́ и Бога́ Крестомъ, Де́во, сохра́няеми́ присно, бесовскія́ прилоги́ и ко́зни побежда́ем, су́щую Богоро́дицу Тя́ воистинну́ воспева́юще: и любви́ю вси́ роди́ блажимъ, Пречи́стая, яко́же прорекла́ еси́. те́мже согрешѣний́ нашихъ оставле́ние моли́твами твои́ми да́руй.

Канонъ Честно́му и Животворя́щему Кресту́, [его́же краегра́нѣсие безъ Богоро́дичновъ: Пригво́ждшемуся́ на Дре́ве Бо́гу благода́ть.] Творѣ́ние Ио́сифово. Гласъ 8:

Пѣснь 1

Ирмосъ: Колесни́цего́нителя́ фарао́ня погрузи́, чудотвори́й ино́гда Моисе́йский жѣзлъ, крестообразно́ порази́в, и раздели́в море́: Израи́ля же беглеца́ пеше́ходца спасѣ́, пѣснь Бо́гови воспева́юща.

Иже́ от Дре́ва сла́стною́ сне́дию мѣртва́ мя́ бывша́го, на Крестѣ́ Сло́ве умертви́выйся, оживи́л еси́, и сла́вою удобри́л еси́: покланя́юся Твое́й держа́ве, славосло́вья страда́ния, и благоутроби́е неисче́тное.

Егда́ распростре́ся на Дре́ве виногра́д невозде́ланный, вино́ намъ Божѣ́ственныя́ благода́ти исто́чи, серде́ца́ веселя́щее, и прѣлести́ пия́нство отню́дъ потребля́ющее, и грехи́ очища́ющее.

Мучени́чен: Преиспещре́ни ранами́, вели́комучени́цы, и страда́ний боле́зными украша́еми, красны́ добротвори́тельному Влады́це предста́сте со сла́вою, всесла́вно веселя́щеся, и боговидны́ познава́еми.

Мучени́чен: Си́лою Божѣ́ственною проявле́нно укрепля́еми, свя́тии, си́льнаго всю́ крѣпость губи́тельную мужески́ низложи́сте: и венча́вшеся краснó победи́тельными венцы́, раду́ющеся Бо́гу предста́сте.

Мученичен: Предстоящи Кресту Твоему, Господи, Неискусобрачная, и Твое уязвление зрящи, Владыко, уязвляема глаголаше: увы Мне Чадо, болезни избегши в Рождестве Твоем, ныне болезненно терзаюся.

Другий канон Пресвятей Богородице. Глас 8: Ирмос тойже.

На Тя, Дево, надежду возложих спасения моего, греховныя скверны всего мя омый, и чиста содейлай, Богу и Сыну Твоему благоугождати и деяти, и Того Всесвятому имени.

Двери света, очи мои просвети, иже помрачи мрачный змий тьмою прегрешений, и двери ми отверзи покаяния, Дево, и к животу настави мя, от пламене и тьмы исхити.

Мати Божия, яко дерзновение имущи к рождшемуся из Тебе, единородному Слову, и Отцу собезначальному, моли, Всенепорочная, душу мою избавити от бесовскаго озлобления, и огня, и всякаго мучения.

Благословен Плод, Богоневесто, Твоего чрева, Имже земнии вси от клятвы избавихомся, Благословенная, Пречистая, несказанное чудо, недоразумеемое ведение, всех верных спасение.

Песнь 3

Ирмос: Утверждей в начале Небеса разумом, и землю на водах основавый, на камени мя, Христе, заповедей Твоих утверди: яко несть свят, паче Тебе, Единому Человеколюбче.

Утверждей небеса, и землю основавый, и море словом связавый, Ты связан был еси мене ради, и на Кресте пригвождаемь: яко да от уз греха разрешиши мя, Человеколюбче.

Крестному древу враг приразився, умертвися с бесы своими злодейственными: и вкушением лукавым осужденный, помилован бысть, и утверждением благочестия тварь утвердися.

Мученичен: Многовидным ранам, и мечем, и зверем, и обнажением телесным вдаваемы, лукавым гонителем, Божественнии и доблии страдальцы, и не яты пребыша мановением лучшим.

Мученичен: Взвращающе помышлением, и трезвенною мыслию к будущим, и текущия до конца пренебрегоша Христова мученицы славнии: темже нестерпимыя болезни претерпеша радуящися.

Богородичен: Многопетая Агница, Агнца зрящи воздвигаема на Древо неправедне, плачущи восклицаше, матерски слезящи: и долготерпение пояше, Того славящи.

Ин Ирмос: Ты еси утверждение притекающих к Тебе, Господи, Ты свет омраченных, и поет Тя дух мой.

Все мое желание к Тебе движая, Владычице Чистая, плотских мя желаний вскоре премени.

Возсияй ми покаяния чистыя зари, Владычице, двери света, и грехов моих мглу потреби.

Еди́на Всенепоро́чная, поро́ка вся́каго нас изба́ви, и искуше́ний находящих, и огня́ вечнующаго.

Ускори посети́ти болящаго, Пречистая, и от лю́тыя ра́ны изба́ви мя, и вся́кия ско́рби.

Песнь 4

Ирмос: Ты́ моя́ кре́пость, Го́споди, Ты́ моя́ и си́ла, Ты́ мой Бо́г, Ты́ мое́ ра́дование, не оста́вь не́дра От́ча, и нашу́ нищету́ посети́в. Те́м с проро́ком Авваку́мом зову́ Ти: си́ле Твое́й сла́ва, Человеколю́бче.

Род челове́ческий от паде́ния призва́ся, е́гоже подъя́т дре́вле перво́зданный: все́х бо соде́тель воздви́жен бы́сть на Дре́во, персты́ окровавляе́мь, и гвоздьми́ волею́ пригвождае́мь в ру́це, и в ре́бра копи́ем прободае́мь.

Ста́ крест, и ле́сть вся́ низпаде́ся: Тебе́, Спа́се, обна́жену бы́вшу, обна́жися чу́ждий: и Ада́м Боже́ственного́ нетле́ния ри́зою оде́ян бы́сть, тва́рь просвети́ся помрача́ему со́лнцу, на Дре́ве, Христе́, распина́ему Ти́.

Мученичен: Но́ваго заколе́ния, яко́же овча́та, мучени́цы, пожре́ному сло́ву принесо́стися: кро́вными́ течени́и, преле́сти моря́ изсуши́вше Боже́ственною́ благода́тию, изли́яние страсте́й одо́ждением чу́дес потребля́ете все́гда сла́внии.

Мученичен: Отсе́чение́ удо́в все́х подъя́сте, мучени́цы, и зубо́в и ногте́й искорене́ние, ру́к отрезание́ неща́дно, язы́ка же и но́г и составо́в теле́сных: те́мже превели́кия сподо́бисте́ся сла́вы, все́х Бо́гу предстоя́ще.

Богородичен: Сво́его́ си́ Ю́нца Непоро́чная Ю́ница виде́вши на Дре́во воздви́жена, вопия́ше со восклицани́ем: Ча́до, како́ Тя зако́нопреступных со́нм отню́д не уще́дри, уще́дрившаго и? но усмотрени́ем льсти́вым сме́рти преда́ти непра́ведно произво́ли.

Ин Ирмос: Услы́шах, Го́споди, смотре́ния Твоего́ та́инство: разуме́х дела́ Твоя́, и просла́вих Твое́ Боже́ство.

Ду́шу мою́, омраче́нную прегреше́ньми, озари́ све́том, Присноде́во, я́же солнце́ ро́ждшая пра́вды.

Искуше́ний мя́ исхити́, и жити́я душе́тле́нныя бу́ри, и огня́ ве́чнаго свобо́ди мя, Богоне́весто.

Девства́ свяще́нный сосу́де, и невмести́мага есте́ством вселе́ние, ду́шу мою́ омраче́нную от мно́гих страсте́й, просвети́.

Всесвята́я Богоне́весто, Влады́чице́ ми́ра, Ты́ мя спаси́, от бе́д избавля́ющи, и страсте́й молву́ отгоня́ющи.

Песнь 5

Ирмос: Вску́ю мя́ отринул еси́ от Лица́ Твоего́, Свѣте Незаходимый, и покрыла мя́ е́сть чуждая́ тьма́ окаяннаго? но обрати́ мя, и к свѣту́ заповедей Твоихъ пути́ моя́ направи, молю́ся.

Да сла́стнаго вкуше́ния изба́виши мя́, же́лчи долготерпели́ве вкусил еси́ хотя́: и яко́ да ме́ртвости совлече́ши мя́, Иису́се, страсте́й, на́г пригвозди́тися изволил еси́ на древе́: пою́ Твое́ благоутро́бное.

Истле́вщую страсте́ми ду́шу мою́, Сло́ве, но́ву творя́, ду́шу пре́дал еси́ Отцу́, на Дре́ве вися, и не терпитъ безду́шная земля́ сия́ поразумева́ющи, но страхомъ колеблется́ воспева́ющи Тя́.

Мученичен: Украси́тесь, мученицы́, Божѣ́ственными страсте́ми удобря́еми, и стопа́м послѣдова́вше страсте́ми все́м безстра́стие пода́вшему, Сло́ву Единоро́дному, Отца́ Безнача́льнаго: сего́ ра́ди с Ни́м прославля́етесь.

Мученичен: Устрани́вшеся до́льних, невидимы́я насле́довасте, в небе́сных водворя́ющесе́ Божѣ́ственных селѣ́ниях, и прича́стием Божѣ́ственным обожа́еми не веще́ственно, Спа́совы непобеди́мии мученицы́.

Богородичен: Странно́ видѣ́ние, ви́жу, взы́ваше Препѣ́тая: како́ иже зрѣ́нием всю́ зѣмлю колебля́й, на Дре́ве возвы́шае́мь усну́л еси́, спя́щья от ве́ка хотя́ возбуди́ти? покланя́юся Сы́не, Твоему́ долготерпѣ́нию.

И́н Ирмос: Утреню́юще вопие́м Ти́, Госпо́ди, спаси́ ны: Ты́ бо еси́ Бо́г на́ш, раз́ве Тебе́ ино́го не вемы́.

По́ем Тя́, Де́во Всепе́тая, я́же сло́во Бо́жие вмести́вшая во чре́ве Твое́м, Пренепоро́чная.

Огня́ негаси́мага, и че́рвия изба́ви мя́, Ма́ти Бо́жия, я́ко иму́щая е́же миловати́ целе́бно.

Стена́ Ты́ ве́рных и держа́ва все́вятая́ еси́, спаса́ющи от искуше́ний пою́щья Тя́.

Недугую́щую ду́шу мою́ исцели́, ро́ждшая́ все́х Спасѣ́ние, и взѣмлю́щаго недуги́, Пречи́стая Влады́чице.

Пѣснь 6

Ирмос: Бе́здна грехо́в и прегреше́ний бу́ря мя́ смуща́ет, и во глубину́ ну́жнаго ре́ет мя́ отча́яния: но Твою́ крепкую́ ру́ку мнѣ́ прости́ яко́ Петрови́, о Управителю́, и спаси́.

Воспе́ша небе́сныя си́лы вся́ и удиви́шася, на Крестѣ́ Тя́, Сло́ве, взира́юще вися́ща: и Ада́м уязвленны́й, Спа́се, исцелѣ́ язвою́ Твоею́, и клятва́ прогна́на бы́сть.

Разреша́ется от у́з нерешимы́х челове́чество, Тебе́, Сло́ве, плоти́ю связа́ну бывшу́: и связу́ется мучительъ́ яко́ птица́, и от все́х ве́рных

наругаемь: слава Христе благоутробию Твоему.

Мученичен: Явистесья, богозрачнии страстотерпцы, якоже углие, всяку злочестия вещь поपालюще благодатию, на углиях же огня всесожигаемы, и Божественное прохладение приемлюще.

Мученичен: Овчата истиннаго пастыря, страстотерпцы, являеми, посреде дивных волков невреждени пребысте, и скончавше добре течение Божественныи, ко ограду небесную вселистесья.

Богородичен: Господа Тя живота породих, и красна добротой паче сынов человеческих, Дева взываше: и како ныне умираеши, Сыне, доброты не имея в распятии, удобривый вся мановением?

Ин Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Марие, чистое и всечестное жилище всех Содетеля, душу очищающая подаждь ми слезы, и будущего суда и муки исхити мя.

Двери Божия, входы Божественныя покажи смиренней моей души: в няже вшед исповедаяся, злых разрешение, Богородице, восприиму.

Пучина грехов, и волны отчаяния обуревают мой ум: умилосердися, Владычице, и руку ми простри, и спаси мя, яже Спаса рождающая.

Тя предстательницу и стену вернии вси имамы, иже во глубине злых, и мятежей и скорбей присно бедствующии, Богородице, Единая верных прибежище.

Песнь 7

Ирмос: Божия снисхождения огонь устыдися в Вавилоне иногда. Сего ради отроцы в печи радованною ногою, яко во цветнице ликующе, пояху: благословен еси Боже отец наших.

Уранен был еси в руке Твоей, Христе, имаже соделал еси чудеса: и раны претерпел еси, раны моя вся исцеляя. Пою Тя, Единые Долготерпеливе, зовый: благословен Бог отец наших.

Пригвожден был еси в руке Твоей и ноге гвоздьми, Спасе, распинаемь, и в ребра прободен быв, капли источая всем оставления поющим непрестанно, и глаголющим: благословен Бог отец наших.

Мученичен: Лик составим песнословяще Божия мученики, иже ликом ангельским сопричтеныя, и земныя просвещающыя, и всегда поющыя: благословен Бог отец наших.

Мученичен: Во святых светлостех освятившися вселистесья, посылающе всем освящение же и избавление, восхваляющим вас, Божественныи мученицы, и воспевающим Христа, Отец наших Боже благословен еси.

Богородичен: Незаходимое солнце, како зайде на дрѣве распинаемъ? Дѣва вопияше Ти, Слове: и видево солнце, остави течение, светити не могый, Тебѣ страждущу, Владыко. Песнословлю Твое, Сыне, беззлѣбие.

Ин Ирмос: Отроцы еврейстии в пещи попраша пламень дерзновенно, и на росу огонь преложиша, вопиюще: благословен еси, Господи Боже, во веки.

Молю Тя, Пречистая, умертви живущий во мнѣ грѣх, и живота получить сподоби мя, Дѣво: и части мя избави тамо мучимых.

Страсти различныя мя обуревают, Рождшая, Чистая, Источника безстрастия, тѣх одержания, и огня вѣчнаго избави мя, Богородице, молитвами Твоими.

Нравом вольным согрѣшаю, и порабоцаемъ есмь безмѣстным обычаем, нынѣ ко обычной Твоей милости притекаю: отчаяннаго спаси мя, Всесвятая Богородице.

Угаси пламень страстей моих, и утиши бурю сердца моего, Богомати Чистая: и избави мя, Пречистая, от бесов мучительства, и огня вѣчнаго.

Пѣснь 8

Ирмос: Седмерицею пещь халдейский мучитель богочестивым неистовно разжже, силою же лучшею спасены сия видево, Творцу и Избавителю вопияше: отроцы благословите, священницы воспойте, людие превозносите во вся веки.

Из корене, Христѣ, прозябл еси Иессеова воплоцаемъ, и искореняеши израстшее терние Адамова преступлѣния, венец носяи тернов: на дрѣве же пригвождься, юже от дрѣва исцеляеши израстшую клятву, и поющыя спасаеши: священницы воспойте, людие превозносите во вся веки.

Да Бога человека соделаеши, Человеколюбче, был еси человек, и Кресту приобщився в ребра прободаемъ, и оцтом с желчию напоаемъ, отонудуже спасшиися Твоими страстьми, Слове, вопием благодарственно: священницы воспойте, людие превозносите Христа во вся веки.

Мученичен: Связани бывше мученицы, и яко Агнцы закалаеми, и на огни немилостивно испецаеми, зверем же отдаваеми, и в главы усекаеми, радовастесь радостию неизглаголанною, вопиюще: дѣти благословите, священницы воспойте, людие превозносите Христа во веки.

Мученичен: Венценосцы мученицы, Ангелом сопричастницы, иже безплотныя враги поправше, молитву сотворите о нас ко Господу, яко да в любви и во мнозе единомыслии поживемъ, вопиюще несумненнымъ сердцемъ: дѣти благословите, священницы воспойте, людие превозносите Христа во веки.

Богородичен: Болѣзненне стеньющи, матерски восклицаше, и

утрѣбнаго смущенія не терпящи на Крестѣ, взираше к рѣждшемуся из Твоего чрева, вопиющи: что зрѣние сие, Чадо, како страждеша, иже естествомъ безстрастный, всяко хотя родъ человѣческій отъ страстей свободити?

Иѣн Ирмосъ: Царя Небеснаго, Егѣже поютъ вои ангельстии, хвалите и превозносите во вся вѣки.

Богородительнице Дѣво, Ты моя грехи и бремя облегчи отъ прегрешений, яко да Тя величаю.

Яже судию рѣждши и Бога, мольбами благопременительными Твоими милостива мнѣ того покажи, Чистая: яко да спасетъ мя отъ вѣчнаго огня.

Прегрешенія моя многа превзыдоша, Богородице, даждь ми нынѣ руку помощи, и отъ пламене негасимаго избави мя непотребнаго.

Просвети, Пречистая, сердца моего очи молюся, чернотию греховною ослепленя, и приятны Божественнаго сиянія покажи, яко да явлюся Тебѣ ради Твоему Сыну чистъ.

Пѣснь 9

Ирмосъ: Ужасѣся о сѣмъ небо, и земли удивѣшася концы, яко Богъ явѣся человекомъ плѣтски, и чрево Твое бысть пространнейшее небесъ. Темъ Тя, Богородицу, Ангеловъ и человекъ чиноначалія величаютъ.

Исцелил еси, Владыко, моя язвы, уязвився и окровавивъ рuce свои, и къ путѣмъ ходити спасительнымъ, яко благъ направилъ мя еси, Господи, нозе ископавъ своя на Крестѣ, ихже древле родоначальницы видевше ходяща тя въ рай, сокрывахуся.

Исправившуся Ти на Крестѣ, исправися падый падѣниемъ велиимъ первозданный. Крепость же вся падѣся вражия, вся же земля освятѣся кровию и водою, отъ ребръ Твоихъ излианною. Темже Тя, Всещедре, непрестанно величаемъ.

Мучениченъ: Вяжеми, святѣи мученицы, вязанія лукаваго разрушите, и узамы, яже претерпѣсте терпеливно, того связаете, и покорите подъ нозе, студа исполнена, и смѣхъ зрящимъ сотворите, благодатию Божественною.

Мучениченъ: Земля положеніемъ священныхъ мученикъ мощей освятѣся: ибо источникъ источающъ исцеленійъ всяческихъ сия Божественнаго стяжаваетъ, страсти телесныя и душевныя непрестанно исцеляющи, и вреждение бесовское отревающи Божественною благодатию.

Богородиченъ: Избѣгши болѣзней матернихъ во время рѣжденія, Долготерпеливе, егда же Ти нынѣ страсти вольней причастившуся, и болѣзни приемшу, поболѣхъ утробю, и душею болѣзни исполнихся, Пречистая, вопияше, Юже достойно величаемъ.

Иѣн Ирмосъ: Устрашися всякъ слухъ неизреченна Божія снизхожденія,

яко Вы́шний во́лею снѣде да́же и до плóти, от девѣческаго чрева бѣв Человѣк: тѣмже Пречѣстную Богородицу вѣрнии велича́ем.

Ущѣдри, Пречѣстая, окаянную мою́ ду́шу, и умертви́ страсти губительныя, и мучительное недоумѣние отжени: струй же слѣз свѣтлосты́ даруй присноживотныя, ими́же избавлю́ся ждущаго мя лютаго осужденія.

Стенá Христиа́ном, и прибежище твёрдое ми́ру, в нёмже спаса́емся, Ты еси́ Дѣво Чѣстая Богоневѣсто: из Тебе́ бо Богъ воплотѣвся, Тебе́ всѣм подаде́ покровъ спасительный. Тѣмже, Чѣстая, спаси́ мя недостойнаго.

Безнача́льне Сло́ве Отчий, и Сы́не Мой, и Свято́му Ду́ху сопрестольный, како́ Свои́ пречѣстеи длани на Крестѣ́ простёрл еси́? что ны́не толика́я Твоя́ нищета́, Преблагий? предстоящи́ Твоему́ Распя́тию, вопия́ше Всенепоро́чная.

Иска́пающи Божѣственную сла́дость, я́же всѣх сла́дость ро́ждшая, услади́ ду́шу мою́, огорчѣнную я́дом зми́я, отчужда́ющи мя горькаго греха́ всегда́ ходата́йством Твои́м, Предста́тельнице вѣрных Непосты́дная.

Та́же, Достойно́ е́сть: И поклóн, ектенія́, и свѣти́лен, и псалмы́ обы́чныя.

На стиховне́ стихи́ры крѣстны, гласъ 8:

Моисѣевъ жѣзлъ прообража́ше Честный́ Крѣстъ Тво́й, Спа́се нашъ: тѣм бо спаса́еши я́ко из глубины́ морскія́, лю́ди Твоя́, Человеколю́бче.

Сти́х: Исполнихомся́ за́втра ми́лости Твоея́, Го́споди, и возра́довахомся, и возвеселихомся: во вся́ дни́ наша́ возвеселихомся: за́ дни, в ня́же смири́л ны́ еси́, лѣта, в ня́же видехомъ злая́. и при́зри на рабы́ Твоя́, и на дела́ Твоя́, и наста́ви сыны́ ихъ.

Е́же дрѣвле во Еде́ме в рай, дрѣво́ снѣдное прозяблó е́сть посреде́ садовъ: Цѣрковь же Твоя́, Христе́, Крѣстъ Тво́й процвете́, источа́ющъ все́му ми́ру жизнь. Но оно́ убо умертви́ снѣдию́ я́дшаго Ада́ма: сие́ же жива́ сотвори́, вѣрою́ спаса́еши разбойника́: Е́гоже спасѣ́ния прича́стники и на́с яви́, Христе́ Бо́же, и́же страсти́ю Твоею́ разруши́в, я́же на ны́ ко́зни вра́жия, и сподо́би на́с Ца́рствія Твоего́, Го́споди.

Сти́х: И бу́ди свѣтлостъ Го́спода Бо́га на́шего на на́с, и дела́ ру́к на́ших исправи́ на на́с, и де́ло ру́к на́ших исправи́.

Му́ченичен: Му́ченицы Христовы́ непобѣди́ми, побѣди́вше лѣсть си́лою Крѣстною́, восприя́те благода́ть вѣчны́я жизни, мучителейъ прещѣ́ния не убоя́вшеся, му́ками ураня́еми весели́стеся: и ны́не крови́ ва́ша бѣ́ша исцѣле́нія ду́шамъ на́шим. Моли́те спасти́ся ду́шамъ на́шим.

Сла́ва, и ны́не, Кресто́Богороди́чен: На Крестѣ́ повѣ́шена зря́щи Чѣстая Тебе́ ро́ждшая, Го́споди, и близъ бѣ́вши, пла́чущи глаго́лаше: Ча́до, что́ сѣя́ страждеши́ плóтию, и тщи́шися безча́дствовати́ мя? Потщи́ся

просла́вится, я́ко да возвели́чуся стра́стию Твое́ю.

Та́же, Благо́ есть: **И** Трисвято́е. **По** О́тче на́ш: **тропа́рь, и ектениа́, и час**
1-й, и отпу́ст.

В среду блаженны, глас 8:

Помяни нас, Христе Спасе мира, якоже разбойника помянул еси на Древе: и сподоби всех, Еди́не Ще́дре, Небесному Царствию Твоему́.

Стих: Блажени изгнани правды ради, яко тех есть Царство Небесное.

Жезлом Моисей Крест воображая, разделяше глубину, люди израильския преводя: мы же того воображающе, мысленныя враги побеждаем.

Стих: Блажени есте, егда поносят вам, и изженут, и рекут всяк зол глагол, на вы лжуще Мене ради.

Древле Иаков благословляя отроки, сыны сынов своих, руке пременяя простираше, знаменная Твой Крест, Христе Спасе, имже вси от клятвы свободихомся.

Стих: Радуйтесь и веселитесь, яко мзда ваша многа на Небесех.

Страстем Христовым ревнующе стратотерпцы, муки горькия подъясте мужески, и нетленными венцы венчавшися, на Небесех живете.

Слава: Слава Отцу́ единому́ безсмертному: слава Сыну во веки живущему: слава купно Духу Всесвятому, всю тварь освящающему.

И ныне: Из девического чрева Твоего, Чистая, возсия Содетель солнца и луны: Егоже зрящи повешена на Древе, вся тварь колебашися.

В среду вечера

на Господи, возвах, стихиры святым апостолом. Глас 8:

Подобен: Господи, аще и на судищи:

Стих: Аще беззакония назириши, Господи, Господи, кто постоит? Яко у тебе очищение есть.

Господи, ты Утешителя зарями апостолы Твоя просветил еси, и светила положив тех вере утверждение, умным просвещением разума Твоего, Владыко: сего ради поклоняемся неизреченному Человеколюбию Твоему.

Стих: Имене ради Твоего, потерпех Тя, Господи, потерпе душа моя в слово Твое, упова душа моя на Господа.

Господи, Ты апостол молитвами оградил еси стадо Твое сие, от врагов искушения невредно сохраняя: зане честною то искупил еси кровию от работы чуждаго, яко Щедр и Человеколюбец.

Стих: От стражи утренния до нощи, от стражи утренния да уповает Израиль на Господа.

Явистесь купно во основании церковнем, яко честное камение, зарею светлою вселенней блистающе Богоразумие известно, апостоли Божественнии, Троице предстоятели, и молитвенницы о душах наших.

Таже в минеи стихиры святому, аще иматъ. Аще несть минеи, ины стихиры святому и великому Чудотворцу Николаю, глас 8:

Стих: Яко у Господа милость, и многое у него избавление: и той избавит Израиля от всех беззаконий его.

Господи, Ты честнаго Твоего святителя Николаа в концах прославил еси, дав тому чудес благодать: и поборника показал еси сущым в бедах лютых, и в скорбех и злобах припадающим, и просящим того присно заступления.

Стих: Хвалите Господа вси языцы, похвалите его вси людие.

Господи, Ты святителя Твоего Божественными мольбами умиласердися: и всякия беды, и всякаго озлобления, и нахождения вражия свободи рабы Твоя, верою поклоняющыяся Твоей державе непобедимей.

Стих: Яко утвердися милость Его на нас, и истина Господня пребывает во век.

Имуще тебе ко Владыце предстателя, и заступника тепла, Николае, к тебе притекаем верою, и взываем: не отврати нас бездельны от покрова твоего, но покажи твое милосердие простерто на рабы твоя.

Слава, и ныне, Богородичен: Виждь моего сокрушеннаго сердца

воздыхание богоневесто, прими Дево Марие чистая, рук моих воздеяние, яко человеколюбива, и не отрини всенепорочная: да пою и величаю тя возвеличившую род наш.

Таже, Свете тихий: Прокимен дне: И Сподоби Господи, в вечер сей:

На стиховне стихиры апостольския. Глас 8:

Господи, Тебе усердно на земли Апостоли возлюбивше, уметы вмениша вся, да Тебе единого приобретут, и за Тя на раны телеса своя предаша: сего ради прославлени бывше, и молятся о душах наших.

Стих: К Тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны.

Господи, Ты Апостолов память на земли возвеличил еси: вси бо вкупе сошедшеся в ней славословим Тя: яко подаеши нам тех ради исцеления, и всему миру умирение молитвами их, и велию милость.

Стих: Помилуй нас, Господи, помилуй нас, яко по многу исполнихомся уничижения: наипаче наполниша душа наша поношения гобзующих, и уничижения гордых.

Мученичен: Аще кая добродетель, и аще кая похвала подобает святым: мечем бо преклониша выи, Тебе ради преклоньшаго небеса и сошедша: пролияша крови своя Тебе ради истощившаго себе, и зрак раба приемша: смиришася даже до смерти, нищете Твоей подобящася: ихже молитвами, по множеству щедрот Твоих, Боже, помилуй нас.

Слава, и ныне, Богородичен: Аз, Дево святая Богородице, к покрову Твоему прибегаю: вем, яко обрящу Тобою спасение, можеши бо, Чистая, помощи мне.

Таже, Ныне отпускаеши: **и** Трисвятое. **По** Отче наш: **тропарь, и** ектения, **и** отпу́ст.

В среду на повечерии

канон молебный ко Пресвятей Богородице. Глас 8:

Песнь 1

Ирмос: Колесницегонителя фараона погрузи, чудотворяй иногда Моисейский жезл, крестообразно поразив, и разделив море, Израиля же беглеца, пешеходца спасе, песнь Богу воспевающая.

Слово Божие родила еси воплощенно, Еже прежде безплотное, паче естества, Всенепорочная Богородице Дево, Богомужно в мире пожившее: темже Тя вси славим, сущее по Бозе заступление наше.

Испещрена различием шара Богоблагодатная, Отчее Слово плоть бывшее за милосердие неизреченное, паче ума и слова, Благословенная родила еси, пребывши Дева нескверная.

Слава: От корене, Чистая царска прозябла еси, Царя Христа, Божие Слово, паче ума и смысла, воплощенна родила еси от чистых кровей Твоих, сугуба Естеством показуема, и Единственна во Ипостаси.

И ныне: Иже Богородицу Тя проповедует, Пречистая, на всякия ереси побеждение носит: плоть убо бывшаго неизменно породила еси, Богородительнице, вышша всякия твари, Слово Божие Присносущное.

Песнь 3

Ирмос: Утверждей в начале небеса разумом, и землю на водах основавый, на камени мя, Христе, заповедей Твоих утверди, яко несть Свят, паче Тебе, Едине Человеколюбче.

Во Твою Святую утробу Бог вселися, и воплотися якоже весть Богомати, и спасе нас живоносными страстьми: тем Тя спасения дверь славим.

На земли воплощься и поживе с человеки, Иже душу всем человеком вдохнувший, от утробы Твоея прошед, без семени Пребожественный: темже Тя вернии вси песньми, Чистая, ублажаем.

Слава: От Отца прежде век рождена во утробе Твоей зачэнши, Дево неискусобрачно, и родила еси нам вкупе Бога и Человека, во обою Естеству совершенна и нераздельна.

И ныне: Жезл прозябший цвет нетления Христа, и златую кадильницу вси Тя знаем, Чистая, Божественное существо носящую на руку угль, Дево Богоблаженная.

Песнь 4

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отца, и нашу нищету посетив: тем с пророком

Аввакумом зову́ Ти: си́ле Твое́й сла́ва, Человеколю́бче.

Киво́т изда́леча прообрази́ прие́мшии зако́н Богопи́санный, во утробе́ Живонача́льное Сло́во, зача́тое несказа́нно, Пренепоро́чная, питающее́ бога́тно ду́шы пою́щих: си́ле Твое́й сла́ва, Человеколю́бче.

Ты́ истинная спасе́ния вина́, Богомати́, Еди́на была́ еси́, Творцу́ и Зиждите́лю, от Твои́х Пречи́стых крове́й плоть́ взаи́м да́вши: Ё́уже сме́ртныя сокруши́шася двере́и, и жи́знь челове́ком дарова́ся.

Сла́ва: Да о́браз погребённый страстьми́ взы́щещи бога́тством бла́гости, в Де́вья всели́лся еси́ утробу́, из нея́же Ты́, Прему́дрость Бо́жия, Хра́м создал еси́: имже́ пожив с челове́ки, Ще́дре, и спасл еси́ ми́ра концы́.

И ны́не: По Бо́зе Тя́ Предста́тельницу́ стяжа́хом, Пренепоро́чная: Ты́ бо Бо́жия Ма́ти была́ еси́ Творца́ и Зиждите́ля, и на́ш зра́к прие́мшаго, и сий́ спа́сша от тли́ и бе́д, и славою́ Боже́ственною прославля́ша.

Песнь 5

Ирмо́с: Вску́ю мя́ отрину́л еси́ от лица́ Твоего́, Све́те Незаходи́мый, и покры́ла мя́ е́сть чу́ждая тма́ окаянна́го? Но обрати́ мя, и к све́ту заповедей́ Твои́х пу́ти моя́ напра́ви, молю́ся.

Я́ко Бо́га заченшу́ю, Пречи́стая, Зиждите́ля, Соде́теля же́ и Го́спода, ро́дове́ Тя́ все́х челове́к блажа́т, и безплотных́ у́мнии чи́нонача́льницы, я́ко Ма́терь Тя́ Бо́га сла́вят.

Вои́нства Вы́шних Си́л, Пречи́стая, блажа́т Тя́: Тобо́ю бо то́кмо, и́же на земли́ с Небе́сными совоку́пльшеся, поём́ Рожде́ство́ Твое́.

Сла́ва: Несказа́нным, Де́во, о́бразом, Сло́во всели́ся в Тя́ и челове́к бы́сть, И́же пре́жде ве́к от Отца́ возсия́вый, и челове́ки от тли́ избавля́я, к жи́зни нетле́нной возводя́, Еди́н Благосе́рдый.

И ны́не: Украси́лася еси́, Пречи́стая Де́во, де́вства добро́тами, и пе́рвыя́ Ё́вы отпу́стила еси́ злоо́бразное, Христа́ ро́ждши, оде́жду́ безсме́ртнаго да́рующего́, Тебе́́ пою́щим.

Песнь 6

Ирмо́с: Очи́сти мя́, Спа́се, мно́га бо беззакония́ моя́, и из глубины́ зо́л возведи́, молю́ся: к Тебе́́ бо возопи́х, и услы́ши мя́, Бо́же спасе́ния моего́.

И́же вседе́ржавною́ си́лою нося́й вся́ческая, в немо́жение́ плотско́е от Тебе́́ облече́ся, Де́во Всенепоро́чная, во благоде́яние́ челове́ков, я́ко Человеколю́бец.

Найде́ на Тя́ вседе́тельный Ду́х, Всенепоро́чная, и Сло́во Бо́жие в Тя́ всели́ся, и плоть́ бы́сть несказа́нно, пре́быв неизме́нен.

Сла́ва: Просвети́ ду́шы правосла́вно пою́щих Тя́: рече́ния проро́к Твое́ провозвести́ша Пречи́стое зача́тие, и па́че слова́, Богоневе́стная, Рожде́ство́.

И ныне: Селѣние Божіе, Божественное воистинну и Пречестное, поем благочестно Марию Пречистую: Бога бо вмести, восприѣмши Невместимаго и Непостижимаго.

Таже, Господи, помилуй, **трижды.** Слава, и ныне:

Седален, глас 8:

Яко Всенепорочная Невѣсто Творцу, яко неискусомужная Мати Избавителя, яко прятелище сущи Утешителя, Всепетая: беззаконию мя суща скверно жилище, и бесом игралище в разуме бывша, потщися и сих злодействія мя избавити, светло жилище добродетельми соделавши, светодательная и нетленная: разжени облак страстей, и вышняго причастія сподоби, и Света невечерняго молитвами Твоими.

Пѣснь 7

Ирмос: Божія снизхожденія огонь устыдѣся в Вавилоне иногда: сего ради отроцы в печи радованною ногою, яко во цветнице ликующе пояху: благословен еси, Боже отец наших.

Пречистая Владычице, зачѣншая Избавителя всех, несказаннаго и Божественнаго сподоби мя избавленія, велегласно вопиющаго, и поюща: благословен Бог отец наших.

Ныне вся исполнишася Света Божественнаго, Тобою, Пречистая: Ты бо дверь явилася еси, еюже мiрови Бог бесѣдова, просвещая верою зовущыя: благословен Бог отец наших.

Слава: Се ныне исполнися Давида Божественнаго Божественное прореченіе: молятся воистинну Твоему лицу, Богородительнице Чистая, стяжавшии богатство благодати, ныне благословяще Бога отец наших.

И ныне: Зачала еси, Пречистая, над всеми Бога и Господа, благоволившаго спасти человеческий род от смерти и тли, Егоже достойно поюще, зовем: благословен Бог отец наших.

Пѣснь 8

Ирмос: Победители мучителя и пламене, благодатию Твоею бывше, заповедем Твоим зело прилежаще, отроцы вопияху: благословите вся дела Господня Господа.

Благословенная Пречистая, души моя язвы, и греховныя струпы очисти, Бога рождающая Иже над всеми, Отроковице Чистая, от девическия неискусобрачныя утробы: Егоже дети благословите, и превозносите во веки.

Света Незаходимаго была еси прятелище, Всечистая, дѣвства добротами сияющи: и всех озарила еси, Богородицу Тя истинную исповедающих от души, и вопиющих: дети благословите, священницы воспойте, и превозносите Его во веки.

Слава: Освящиси́ Ду́хом Святы́м, Богоро́дице Всенепоро́чная, воистинну́ прияла еси́ во утробе́ Безнача́льна Сы́на и Соприсносу́щна Отцу́, в Тебе́, Чи́стая, воплощаема, во благодея́ние ве́рою вопи́ющим: дети́ благослови́те, священни́цы пойте, и превозноси́те Его́ во ве́ки.

И ны́не: Яко́ Бо́га ро́ждши па́че слова́ и смы́сла, Сего́ умоли́, Пречи́стая Богома́ти, бы́ти благоуве́тливу́ недостойны́м на́м все́м, во стра́шное Его́ и ужа́сное прише́ствие, егда́ хо́щет суди́ти челове́ческому естеству́, нагим стоя́щим все́м, и со стра́хом судимы́м.

Песнь 9

Ирмо́с: Ужасе́ся о се́м Не́бо, и земли́ удиви́шася концы́, я́ко Бо́г яви́ся челове́ком плоти́ски, и чре́во Твое́ бы́сть пространне́йшее небес. Те́м Тя́ Богоро́дицу, а́нгелов и челове́к чи́нонача́лия велича́ют.

Отве́рженных ве́чнаго пребы́вания, и па́дших ока́янно в сме́рть, па́ки на́с призвала́ еси́, Пречи́стая, Ма́ти бывши́ Изба́вителя, и к пре́жнему тещи́ сподобила еси́ Оте́честву: те́м Тя́, Богома́ти, непреста́нно велича́ем.

Удобь, Богоро́дице, пода́ждь ми́ преи́ти жити́я волну́ напáстей, и настоя́ния страсте́й, я́ко Блага́ укро́тящи, и наставля́ющи к добродете́ли Небесна́го шестви́я: да я́ко Благода́тельница непреста́нно величаю́ Тя.

Слава: Чи́стая Пресла́вная Ма́ти Бо́жия, пою́щья Тя́ любо́вию спаси́ от напáстей, молву́ реша́ющи ми́лостивно, я́ко Бо́га у́бо ро́ждши: вся́, ели́ко хо́щещи твори́ти, твори́ши невозбра́нно, и можеши́, Де́во. Те́мже Тя́ вси́ велича́ем.

И ны́не: Побежда́ющую е́реси ю́ношския, честну́ю Це́рковь покажи́, ю́же Христо́с Сы́н Твой, Обра́дованная, Кро́вию́ честною́ Своею́ я́ко Бла́г стяжа́, и спасе́ от бе́д и от наси́лия одержа́щаго на́с, Влады́чице.

Та́же, Досто́йно е́сть: Трисвято́е. **по** О́тче наш: **тропа́рь, и отпу́ст.**

Четверг

В четверток утра

по 1-м стихословии седальны апостольския. Глас 8:

Яко свети́ла ми́ра, и наставля́ники на́шего спасе́ния, и́же от нача́ла Божественны́я воспойм учени́ки Бо́га на́шего, яко́ свѣтъ су́щым во тьме́ нам возсия́ша, и со́лнце славы́ все́м сказа́ша. Те́мже и лестви́цу идо́льскую низложи́ша, Трои́цу пропове́дающе во еди́ном Божестве́. Сего́ ради мо́лимся вам апо́столи, Христа́ Бо́га мо́лите, грехо́в оставле́ние дарова́ти нам, и ве́лию ми́лость.

Стих: Во всю́ зѣмлю изы́де веща́ние их, и в концы́ вселенны́я глаго́лы их.

Во вся́ концы́ изше́дшее премудро́е ва́ше веща́ние, яко́ воистинну́ миру прехва́льнии Госпо́дни апо́столи, богоразу́мие все́м я́ве возпропове́да, и язы́ческое неве́дение, во уве́дение пре́веде. Отону́дуже и идо́льскую мглу́ отгна́вше, свѣтъ разума́ су́щым во тьме́ возсия́. Сего́ ради мо́лимся, мо́литесь Христу́ Бо́гу, прегреше́ний оставле́ние дарова́ти, чту́щим любо́вию святу́ю па́мять ва́шу.

Слава, и ны́не, Богоро́дичен: Во искуше́ния многоплетѣ́ная впа́д, от вра́г видимы́х и невидимы́х, и бу́рею безчи́сленных мои́х грехо́в одержи́мь есмь, Пречи́стая: да яко́ к теплому́ заступле́нию, и покрову́, и к приста́нищу моему́ притека́ю Твоя́ благода́ти. Те́мже, Пречи́стая, из Тебе́ воплоти́вшася без се́мене моли́ о все́х раба́х Твои́х, непреста́нно пою́щих Тя, Богоро́дице Пречи́стая, моля́щи того́ приле́жно, согреше́ний оставле́ние дарова́ти покланя́ющимся ве́рою Рождеству́ Твоему́.

По 2-м стихословии, седальны, глас 8:

Во всю́ зѣмлю, яко́же рече́ проро́к, изы́де премудры́х апо́стол веща́ние: пропове́дающе бо́ слово, язы́ки вся́ просвети́ша, те́мже те́х по до́лгу восхваля́юще пѣсньми́ почтим, яко́ мо́лят всегда́ Христа́, спасти́ся душам́ на́шим.

Стих: Испове́дят Небеса́ чудеса́ Твоя́, Го́споди.

Госпо́дня заве́щания в души́, яко́ сокрови́ще богатотво́рное, ве́рою восприе́мше апо́столи, яви́шася все́м благода́телие, нищету́ отгоня́юще бесовску́ю, и все́х обогаща́юще бога́тством Бо́жиим, к ни́мже вси́ возопи́им: обогати́те и нас до́бродетельны́ми дея́нии ны́не обнища́вших, мо́лимся.

Стих: Дивен́ Бо́г во святы́х Свои́х, Бо́г Израи́лев.

Мучени́чен: Воздержани́ем страсте́й огнепа́льныя умертви́вше зра́ки и двиза́ния, Христу́ву при́яша благода́ть, мучени́цы, недуги́ отгоня́ти

болящым, и живуще, и по кончине чудеса творити: воистинну чудо преславно, яко кости наги источают исцеления. Слава единому премудрому Зиждителю Богу.

Слава, и ныне, Богородичен: Предстательнице верных, Богородительнице, скорбящих радости, и плачущих великое утешение, из чрева Твоего, Дево, всесвятаго, паче естества Рождшагося непрестанно о нас со апостолы святыми моли, избавити нас в час испытанія, лютаго осуждения.

По 3-м стихословии седальны, глас 8:

Подобен: Повеленное:

Светила являетесь светлая, Христовы самовидцы, всегда всю землю просвещающе, и тьму отгоняюще многобожия, светом благочестия учеными: темже мя суща во тьме страстей, без страха ходяща, просветите вашими святыми молитвами, Богоноснии апостоли.

Мрежею словес Божественных, аки рыбы живоловяще словесныя, тех приведосте, начаток Богу нашему: и Христовы раны возлюбльше, в них облекостесь, и подражателие страстей его являетесь. Темже сошедшеся по долгу почитаем апостоли славнии, ваше ныне торжество, и согласно зовем: молитесь Христу Богу, прегрешений оставлению дароватися, чтущым любовию святую память вашу.

Слава, и ныне, Богородичен: Непостижимаго Слова Сына Божия, несказанно паче ума из Тебе рождшагося, Богородице, моли со апостолы, умирение чисто вселенней подати, и прегрешений даровати нам прежде конца прощение, и Царствия Небеснаго, крайния ради благодости, сподобити рабы Твоя.

В четверток канон святым славным и всехвальным апостолом. Творение Феофаново. Глас 8:

Песнь 1

Ирмос: Воду прошед яко сушу, и египетскаго зла избежав, израильтянин вопияше: Избавителю и Богу нашему поим.

Лице апостольский световидный, свету великому предстояй, мое омраченое озари сердце, и ко спасительным стезям настави. **[Дважды.]**

Искреннии друзи Избавителя, страстей мя любве избавите, многими лестьми жития прельщенаго, и неразумия нощию покрываемаго.

Оружием уязвления лукаваго исцелите, стрелы суще сильного, апостоли Божественнии, верою под кров ваш прибегающыя.

Богородичен: Полный истощается боголепно, и от Твоего чрева плотоносец, Мати Чистая, происходит, спасаая благоутробием прельщеныя злобою змиевою.

Другий канон святому чудотворцу Николаю. Глас 8:

Ирмос: Посеченый несекомаго пресече, и виде солнце землю, юже не виде: лютаго врага вода потопи, и непроходимое пройде Израиль: песнь же воспевашеся, Господеви поим, славно бо прославися.

С лики вышних сил, Царю всех блаженне предстояй, нас на земли присно призывающих тя, всякаго искушения злаго, Николае, спасай, разрешения прося прегрешений наших.

Иже тобою предстателем обогатившиися, Николае, во дни же и в ночи верою тебе взываем: ныне предвари ны вельми бедствующия бесовскими лукавыми наветы, и тлетворных человек: яко да тишину получивше, восхваляем тя.

Крепкими жилами молитв твоих, Николае, удавити нас тщящихся конечному давлению предаждь, избавляя нас от тех лукаваго навета, во хвалении зовущия: Господеви поим, славно бо прославися.

Богородичен: Законов естественных кроме, родила еси Бога и Законодавца, человека бывша. Того, яко Блага, моли, Всенепорочная, наша беззакония презрети, вопиющих всегда: Господеви поим, славно бо прославися.

Песнь 3

Ирмос: Ты еси утверждение притекающих к Тебе, Господи: Ты еси свет омраченных, и поет Тя дух мой.

Силою препояшите, Спасовы апостоли, изнемогшее страстьми и помышленьми сердце мое. [Дважды.]

Едино возвещающе ученицы, трисветлое Божие сияние, многобожия мглу потребиша.

Гной лукавый сердца моего утолите, яко врачеве Божественнаго рукодействия, ученицы Бога нашего.

Богородичен: Спаси мя, Чистая Владычице, рождающая паче естества избавителя всех, и Владыку, и Спаса и Господа.

Ин Ирмос тойже.

Да ты почитаем, да поем ты всегда, подаждь нам руку помощи, святителю Николае.

Успи, Николае, твоими неусыпающими молитвами, яже на ны встающия напасти, молим тя.

Всего мя страстьми нападствуема, и искушений лукавых человек, ходатайством твоим, святе Николае, избави.

Богородичен: Разрешение грехов, Чистая, даровати ми, моли Избавителя, и житейских лютых напастей.

Песнь 4

Ирмос: Услы́шах, Го́споди, смотре́ния Твоего́ та́инство, разуме́х дела́ Твоя́, и просла́вих Твое́ Божество́.

Украси́тесь сла́внии апо́столи, Божество́нными све́тлостями́ удобря́еми, и заря́ми просвеща́еми ва́с свети́ла показавшаго. [Два́жды.]

Бури́ всякия́ избавите́ мя, все́х кормчи́и, Божество́ннии апо́столи, в пучи́не бедствующаго, и напа́стьми житейскими́ коле́блемаго.

Мо́ре смуща́юще многобо́жия, ко́ни богоизбра́ннии, прегреше́ний моих́ бездну́ вашими́ моли́твами́ потопите́.

Богородичен: Равноде́йственно́ Родите́лю Сло́во, из бо́ку Твое́ю вопло́тила еси́, Де́во: те́мже явила́ся еси́ превы́шши все́х тва́рей, Влады́чице.

Ин Ирмос тойже.

От мно́жества прегреше́ний моих́, во мно́гия впа́даю безчи́сленныя́ ско́рби: потщи́ся, свя́те Никола́е, помо́щи ми, благода́телю подо́бся.

Себе́ само́го пла́чуся погиба́юща, живы́й в ле́ности, моли́твами́ твоими́, Никола́е, к пока́нию руководи́ мя.

И́же три́ юношы́ избавле́й, о́тче Никола́е, умре́ти хотя́щия, вся́кия мя́ изба́ви тесноты́, и ве́чнаго осужде́ния.

Богородичен: Де́лати ми́ разумы́ небесе́нья, Пречи́стая, укрепи́ мя, и ду́ши мое́я напра́вляющи к живо́тным вхо́дом дви́жения.

Песнь 5

Ирмос: У́тренююще́ вопие́м Ти́, Го́споди, спаси́ ны: Ты́ бо еси́ Бо́г на́ш: разве́ Тебе́ ино́го не ве́мы.

Стесня́ема мя́ мно́гими прегреше́ньми, к спаси́тельной широте́ исправите́, я́ко окормите́лие апо́столи. [Два́жды.]

Почита́ющаго мя́ всечестны́й собо́р ва́ш, Богови́дцы апо́столи, вся́каго изба́вите безчестна́го дея́ния, молю́ся.

Я́ко страсте́м уподо́бльшеся́ свя́тии Спа́совым, вся́кое сладостра́стие от ду́ши мое́я отжени́те, апо́столи.

Богородичен: Боля́щую ду́шу мою́ исцели́, ро́ждшая все́х вземлю́щаго недуги́, Пречи́стая Влады́чице.

Ин Ирмос тойже.

Укрепи́ на́с моли́твами́ твоими́, богоблаже́нне Никола́е, соблюда́ти повеле́ния Христа́, еди́наго Бо́га на́шего.

В Ми́рех пожив, Никола́е, благоуха́ния Божество́ннаго на́с испо́лни, благочестно́ воспева́ющих тя́.

Уще́дри на́с моли́твами́ твоими́, свя́тителю́, Бо́га всеще́драго умо́ляя, Никола́е, да изба́вимся́ бед и ско́рбей.

Богородичен: Во́д живо́тных испо́лнена́ су́щи, Отрокови́це, все́х на́с

напой, благочестному́дренне пою́щя Тя.

Пѣснь 6

Ирмос: Молитву пролию ко Господу, и Тому́ возвещу́ печали моя: яко зол душа́ моя́ исполнися, и живото́ мой а́ду приближися, и молю́ся яко Иона: от тли, Боже, возведи́ мя.

Сотря́сше моли́тв призыва́нием, низложи́сте хра́мы идо́льския, учени́цы Христо́вы. Но молю́ся ве́рою: ума́ моего́ сокрушите́ идо́лы, и покажите́ храм Бо́жий мно́гими грехи́ повиннаго. **[Два́жды.]**

Иже на ка́мени непоколебимем созда́вшееся, яко ка́мение, избра́ннии Боговидцы, моё се́рдце в песце́ умовре́дно созданное спасите: стекаются бо напа́стей ре́ки, и лю́те мя обу́ревают.

Любве́ лъстивыя́ яже к плоти, и ме́рзка мно́гия ра́ди зло́бы явля́шагося, изба́вите мя, дру́зи Сло́ва: и к любви́ привяжите́ возлюбившаго грѣшны́я, мно́гия ра́ди милости́ оставле́ния.

Богородичен: Яко ши́пок, яко чистей́ший крин, яко благоуха́нное обоня́ние от кра́сных удо́лий мирских, Творе́ц избра́в Тя, Отрокови́це, всели́вся во утробу́ Твою, и родився, благоуха́ния всяческа́я исполнил е́сть.

И́н Ирмос то́йже.

Ра́й се́рдце твоё́ яви́ся, Никола́е, жи́зни дре́во посреде́ имёя, Иза́вителя Христо́а: Его́же моли́ непреста́нно, ра́я сотвори́ти жители́ вся ны, те́плым заступни́ком тобою́ обога́щшы́ся.

В ле́ности жи́знь мою́ прехожду́, и безбоя́зненно согрѣшаю́, окаянны́й: и тамо́ неотрица́емое суди́ще помышля́я, стра́хом содержи́мь е́смь: уще́дри мя, Бо́же, Никола́а моли́твами, яко́ благоутробен.

Внеза́пу находя́щую ми бу́рю искуше́ний многообра́зных, за мно́жество мои́х согрѣше́ний, вопи́ю: не остави́ мене́, блаже́нне, без заступле́ния, но простри́ ми яко́ милостив по́мощи ру́ку, и спаси́ мя.

Богородичен: Пала́та висо́каго Царя́, и огнеобра́зны́й была́ еси́ престол, Де́во, Херувим пре́вышши, и Серафим, па́че ума́ бы́вшая. Те́мже Тя всякое́ дыха́ние славит, яко́ Ма́терь Зиждителя́.

Пѣснь 7

Ирмос: Отро́цы евре́йстии в пе́щи попра́ша пла́мень дерзнове́нно, и на ро́су о́гнь преложи́ша, вопи́юще: благослове́н еси́, Госпо́ди Бо́же во ве́ки.

Но́щь мя содержит ле́ностей, и покрыва́ет мя тьма́ греховна́я: све́т ми́ра, премудри́и апо́столи, явля́шяся, озарити́ потщитесь омраче́нное мое́ се́рдце. **[Два́жды]**

Друго́е не́бо явля́шяся, пове́дающе́ Бо́га на́шего Сла́ву, безсла́вия страсте́й изба́вите, богоглаго́ливии, ве́рою прибега́ющыя к держа́вному вашему́ покрову́.

О́гненное у́глие я́вльшеся, апо́столи, возжигáеми огнѣм Утѣшителя, всяку вещь попалите наша́ злобы, и огня негасимаго изба́вите нас во ве́ки.

Богородичен: Горá присѣнная явилася еси́ неруко́сѣчная, от нея́же отсѣсѣя ка́мень: те́мже, Влады́чице, умиле́ние ду́шы мое́й пода́ждь омраче́нной, и окамене́нной горькими любосла́стми.

И́н Ирмо́с то́йже.

Исто́чил еси́ стру́и учѣний, ересѣ́й изсуша́я пото́ки, и ве́рных ду́шы напо́яющий бога́тно, священноде́йственниче Никола́е: се́го ради́ тя почита́ем.

Укрепи́лся еси́ си́лою Тро́ическою возмога́емь, куми́ры ле́стных погуби́ти, те́мже ве́рно молю́ся ти, о́тче: ума́ моего́ идо́лы стра́стных отжени́.

Ми́ряню, преподо́бне, первопресто́льник бы́в, по сме́рти исто́чаеши Боже́ственное ми́ро, злосра́дныя наша́ отгоня́я недуги, Никола́е всеблаже́нне, ве́рно к тебе́ присту́пающим.

Богородичен: Украти́ла еси́ течѣние сме́ртное, безсме́ртнаго Бо́га ро́ждшая: Е́гоже моли́, Чи́стая, стра́сти умертви́ти смире́ннаго моего́ телесе́, и жи́зни мя сподо́бити.

Пѣснь 8

Ирмо́с: Се́дмерицею пе́щь халде́йский мучи́тель богочести́вым неистовно разжѣ́, си́лою же лу́чшею спасѣны́ сия́ ви́дев, Творцу́ и Иза́вителю вопия́ще: о́троцы благослови́те, священни́цы воспойте, лю́дие превозноси́те во вся́ ве́ки.

Коле́блемую стра́стми ду́шу мою́ укрепите́, Це́ркве неразори́мая основа́ния су́ще, и столпи́ непоколебимии́, ве́рных предгра́дия, ловцы́ су́щих во глубине́ погибели́, благоути́шная пристани́ща ве́рно пою́щих: де́ти благослови́те, священни́цы воспойте, лю́дие превозноси́те Е́го во ве́ки. [Два́жды.]

И́же во гробе́ те́мнаго отча́яния, и в преиспо́дних паде́ния сласте́й лежа́щаго мя, ва́шими моли́твами возвести́, умилосе́рдитесь, учени́цы Спа́совы, и́же Учи́телева благоутро́бия обогати́тся я́ве сподобистесь, Апо́столи Богови́дцы во вся́ ве́ки. [Два́жды.]

Богородичен: Я́ко светла́ в красота́х добродѣтели́ явилася еси́, Всечи́стая, добротвори́тельное Вседѣтелево́ благоле́пие во утро́бу вмести́ла еси́: Е́гоже приле́жно моли́, грехами́ страсте́й содержи́мую, и доброты́ дре́вняя и́щущую, Чи́стая, зело́ благоле́пнейше́ ду́шу мою́ просвети́ти во вся́ ве́ки.

И́н Ирмо́с: Богогла́оливии́ о́троцы в пе́щи, со огнѣм пла́мень попира́юще, пояху́: благослови́те дела́ Госпо́дня Господа́.

Просвещён сый, богомудре святителю, светозарными лучами трисолнечнаго Божества, страстей моих тьму молитвами твоими разорй, Николае.

Иже воеводы три избавлей от смерти, пришествием страшным твоим, священнотайниче Николае, от всякаго смертоноснаго вреда и нас избави.

Колéблющяся бесовскими искушэнии, и от обидящих человек, твоими молитвами утверди нас, и невредны спаси, всеблаженне Николае.

Богородичен: Мольбу принеси Господеву, ущедрити и спасти верою к Тебе притекающья, Пресвятая Дево, человеком помощнице.

Таже, поём пэснь Богородицы: Величит душа моя Господа:

Пэснь 9

Ирмос: Ужасэся о сэм небо, и земли удившася концы, яко Бог явися человеком плотски, и чрево Твое бысть пространнейшее небес. Тем Тя Богородицу ангелов и человек чиновачалия величают.

Львов душетленных силою Божию сокрушивше челюсти, апостоли, яко от Христа князи поставлени бысте на земли, псаломски духу сию покаяюще благочестно: темже безчинная двизания моего сердца законом Божественным покорите.

Краснаго паче всех сынов человеческих, явльшагося в мире проповедающе, Слова Божия, нозе украсите яко благовестующии всемудрии, мир же и живот. Темже смущаемую страстьми душу мою вашими молитвами умирите.

Умертвивше уды яже на земли, в живот всяческий облекостесь, страстьми страсть изобразующе честную. Темже умерщвленнаго мя стрелою злобы лукаваго, оживите лечьбами истиннаго покаяния, Богоблаженнии апостоли.

Богородичен: Недугующую душу мою страстию лютою, рождающая Бога Преплагаго, яко милостива исцели, и избави мя присно, Пречистая, подстрекающих и находящих ми врагов, яко да спасаемь усердно Тя величаю, возвеличившую род наш.

Ин Ирмос: Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Яко избавитель в скорби верою тя молящым, избави мя злобы всякия, Николае, благаго моля Бога и Господа.

Сый с небесными ныне ликостояньми, святэйший отче Николае, благаго умоли Бога, спасти нас.

Суд при дверех, блюди душе моя, и Судий Богу возопий: Николаа молитвами спаси мя, Господи.

Богородичен: Света суци приятелище, Дево, просвети омраченную

страстьми́ ду́шу мою́: яко да ве́рою и любóвию прѣсно сла́влю Тя́.

Та́же, Достóйно е́сть: И ектеніа́, и свети́лен, и псалмы́ обы́чныя.

На стихóвнѣ стихи́ры апóстольскія, гласъ 8:

Господи́, Тебѣ́ усердно́ на земли́ апóстоли возлюбѣ́вше, умѣ́ты вся́ вмени́ша, да Тебѣ́ еди́наго приобря́щут: и за Тя́ на раны́ телеса́ своя́ преда́ша. Сего́ ради́ просла́вльшеся, мо́лятся о душа́хъ на́шихъ.

Сти́х: Испол́нихомся́ за́втра ми́лости Твоея́, Господи́, и возра́довахомся, и возвесели́хомся: во вся́ дни́ на́ша возвесели́хомся, за дни́, в няже смири́л ны еси́, лета́, в няже видехомъ злая́. И при́зри на рабы́ Твоя́, и на дела́ Твоя́, и наста́ви сыны́ ихъ.

Господи́, Ты́ апóстольскую́ па́мь на земли́ возвели́чил еси́: вси́ бо в нейъ́ вкúпе соше́дшеся славосло́вимъ Тя́: яко́ подае́ши намъ́ те́ми исцелѣ́ния, и все́му ми́ру ми́р моли́твами ихъ, и ве́лию ми́лость.

Сти́х: И бу́ди свѣтлостъ́ Господа́ Бо́га на́шего на насъ́, и дела́ ру́к на́шихъ исправи́ на насъ́, и де́ло ру́к на́шихъ исправи́.

Му́ченичен: Во броня́ ве́ры оболкше́ся до́бре, и ору́жиемъ крѣ́стнымъ вооружѣ́вше себѣ́, во́ини крѣ́пцы яви́стеся, мучителемъ́ мужески́ противѣ́стеся, и диа́волу прелестъ́ низложи́сте, победѣ́телие бы́вше, венце́в сподобѣ́стеся. Мо́лите прѣсно́ о насъ́, спастѣ́ся душа́мъ на́шимъ.

Сла́ва, и ны́не, Богоро́дичен: Исхити́ мя, Влады́чице, ру́ки змиа́ человекоубѣ́йцы, хотя́ща мя лукавствомъ́ поглотѣ́ти до конца́. Сокруши́ челю́сти его́, молю́ Тя, и ко́зни разори́: яко́ да избы́в от ногте́й его́, велича́ю заступле́ние Твое́.

Та́же, Благо́ е́сть: И Трисвято́е. По́ Отче́ нашъ́: тропа́рь, и ектеніа́, и часъ́ 1-й, псалмы́ обы́чныя, и проче́е: и отпу́ст.

В четверток блаженны, глас 8:

Помяни нас, Христэ Спасе мира, якоже разбойника помянул еси на Древе: и сподоби всех Еди́не Ще́дре, Неб́есному Ца́рствию Твоему́.

Сти́х: Блаже́ни изгна́ни пра́вды ра́ди, яко те́х е́сть Ца́рство Неб́есное.

Трубы́ явльшеся, Христо́вы апо́столи, су́щья во гроб́ех злове́рия лежа́щья воздви́гнули е́сте, и Боже́ственныя жи́зни прича́стники соде́ласте.

Сти́х: Блаже́ни е́сте, егда́ поно́сят ва́м, и изжену́т, и реку́т вся́к зол глаго́л, на вы́ лжу́ще Мене́ ра́ди.

Се́менем тайным слова́ богоглаго́ливии, все́х язы́к сердца́ непло́дная плодоно́сна соде́ласте Боже́ственного ра́зума: те́мже досто́йно блажи́ми е́сте.

Сти́х: Ра́дуйте́ся и весели́те́ся, яко мзда́ ва́ша мно́га на Небесéх.

Вся́кия себе́ обнаживше́ злобы́, посреде́ лю́тых проидо́ша до́блественно, и с Небесé в ри́зу спасе́ния страда́льцы оде́яшася.

Сла́ва: Умертви́ злоторных страсте́й воста́ния души́ моея́ окаянныя, Честна́я Трои́це Всесвята́я, моли́твами Боже́ственных Апо́стол Твои́х, яко да спасае́мь сла́влю Тя.

И ны́не: Ра́дуйся, кля́ще У́гля Боже́ственного: ра́дуйся, проро́ков печа́ть, и апо́столов оглаше́ние, Пречи́стая Богоро́дице, Ея́же ра́ди от ислéния свободи́хомся.

В четверток вечера

на Господи, возвах, **стихиры крестны. Глас 8. Подобен:**

Стих: Аще беззакония назриши, Господи, Господи, кто постоит? яко у тебе очищение есть.

О преславнаго чудесе! живоносный сад, Крест пресвятой, на высоту возносимъ является днесь: славословят вси концы земнии, устрашаются демонския полки. О каковый дар земным даровася! имже, Христе, спаси души наша, яко Един Благоутробен.

Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

О преславнаго чудесе! яко грозд исполнен живота, понесый Вышняго, от земли воздвигаемъ Крест видится днесь: имже вси к Богу привлекохомся, и пожерта бысть до конца смерть. О Древо пречестное! имже восприяхом во Едеме безсмертную пищу, Христа славяще.

Стих: От стражи утренния до нощи, от стражи утренния, да уповает Израиль на Господа.

О многия Твоя благасти, яже к нам, Иисусе Блаже! Како Себе смирил еси, и был еси Человек, и пострада изволил еси, Крест и смерть поносную, за непотребныя рабы претерпев? Который Ти достойный дар принесем богоподобный? Точию славим Тя благодаряще, вернии.

Таже, миней стихиры святому, аще имать. Аще несть миней, ины стихиры пресвятей Богородице, глас 8.

Стих: Яко у Господа милость, и многое у него избавление, и той избавит Израиля от всех беззаконий его.

О неизреченныя благасти воплощагося из тебе, Богородице Всепетая! Крест бо и смерть яко Человеколюбец претерпев, да мир спасет, егоже созда. Того моли и мене окаяннаго и многоболезненнаго да избавит муки: и идеже свет сияет невечерний, вселит мя.

Стих: Хвалите Господа вси языцы, похвалите его вси людие.

Что зримое видение, еже Мойма очима видится, о Владыко, содержи всю тварь, на Древо воздвиген быв, и умираеши всем давая жизнь? Богородица плачущися глаголаше, егда узре на Кресте возносима из Нея неизреченно возсиявшаго Бога и человека.

Стих: Яко утвердися милость Его на нас, и истина Господня пребывает во век.

Стадо еже стяжа, Пречистая, Сын Твой и Бог, окропивый кровию, от бед избави честными молитвами Твоими, видимыя и невидимыя враги

якоже звери отгонящи: и тех лица безчестия исполни, якоже Давид древле провозгласи песнопевец, Чистая.

Слава, и ныне, КрестоБогородичен: Тя видящи пригвождаема на Кресте, Иисусе, и страсти приемлюща волю, Дева и Мати Твоя, Владыко, увы мне, вопияше, Чадо сладкое, раны несправедно како терпиши, Врачу исцеливый человеческое неможение, и от тли всех избавивый милосердием Твоим?

Таже, Свете тихий: Прокимен дне: и Сподоби, Господи, в вечер сей:

На стиховне стихиры крестны, глас 8:

Вознеслся еси на Крест, Христе Боже, и спасл еси человеческий род: славим страдания Твоя.

Стих: К Тебе возведох очи мои живущему на Небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны.

Пригвоздился еси на Кресте, Христе Боже, и отверзл еси райския двери: темже славим Божество Твое.

Стих: Помилуй нас, Господи, помилуй нас, яко по многу исполнихомся уничижения: наипаче наполнися душа наша поношения гобзующих, и уничижения гордых.

Мученичен: Мученицы Господни, всяко место освящаете, и всяк недуг врачуете. И ныне молитесь, избавитися от сетей вражиих душам нашим, молим вас.

Слава, и ныне, КрестоБогородичен: Юница Нескверная, Юнца видящи на Древе пригвождаема волю, рыдаючи жалостне, увы Мне, вопияше, Любимейшее Чадо! Что Тебе сонм воздаде безблагодатный еврейский, хотя Мя обезчадствовать от Тебе, Вселюбезне?

Таже, Ныне отпускаеши: Трисвятое. По Отче наш: тропарь, и отпуст.

В четверток на повечерии

канон Пресвятей Богородице. Глас 8:

Песнь 1

Ирмос: Поим Господеви, проведшему люди Своя сквозе Чермное море, яко Един славно прославися.

Припев: Пресвятая Богородице, спаси нас.

Милостива мне Христа содейлай, Дево Пренепорочная, в День при страшного осуждения изымаючи.

Одожди ми, Владычице, молюся, капли умиления, сущую ми скверну отмываючи, яко да славлю Тя.

Слава: Просвети мя, Дево, Яже Свет незаходимый рождающая, моея лености глубокую тьму отгоняючи.

И ныне: Спаси мя, Богородице, во многих гресех погибшаго, и муки всякия, и лютаго осуждения избави.

Песнь 3

Ирмос: Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Едине Человеколюбче.

Священнаго жития отпад, Пречистая, приложихся скотом, и осужден весь бых: но Ты, Яже Судию рождающая, от всякаго осуждения избави мя и спаси.

К Тебе прибегаю, Владычице, всегда множеством напастей обстоима ущедривши спаси мя, Яже Спаса рождающая всяческих и Господа, Единая Препетая.

Слава: Непроходимая Двере, Яже к Богу приводящи, Отроковице, двери покаяния ми отверзи молюся, очистивши грехов моих скверну, тучами милости Твоя, Богоблагодатная.

И ныне: Избави мя страстей наведения, Владычице, и борющыся враги моя ныне победи: утверди мя на камени Божиих хотений, и душу мою просвети, Двере Божественнаго Света.

Песнь 4

Ирмос: Услышах, Господи, смотрения Твоего таинство, разумех дела Твоя, и прославих Твое Божество.

Души моея язвы исцели, Богоблагодатная Дево: ум мой просвети, Чистая, омраченный страстными находы.

Унынием спящаго, и грехом покровеннаго, к покаянию мя, Пречистая, призови, яко Мати Слова.

Слава: Неискусобрачная Владычице, Яже воплощенное Слово рождающая, душу мою просвети, и от геенны избави и мучения.

И ныне: На Тя надежду мою возложих всю, Мати Дево: душу мою соблюди, Яже Бога рождши Спаса моего.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма окаянного? Но обрати мя, и к свету заповедей Твоих пути моя направи молюся.

Души моея страсти всенеисцельныя, Отроковице, исцели, и угасший леностию светильник мой возжзи, и к покаяния путем настави, Дево, да верою и любовью тя славлю.

Себе осуждаю прежде испытания, Богорадованная, студная дела ношу един осужденный: но предстани ми яко предстательница сущи всем, и лютаго осуждения избави мя.

Слава: Избавляющи мя от пленения, и одержажия душеленныя молвы, и страстей лютых умерщвляющих мя, не престай, Пресвятая Отроковице, грешником заступнице, человеком готовая Помощнице.

И ныне: Умерщвлена мя всего жалом смертным от преступления оживи, Пречистая, Яже Жизнь зачещая мируи Избавителя и Царя, и к свету настави мя.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Умерщвлена мя многими преступленьми, Пречистая Дево, оживи, Яже Жизнь человеком неизреченно рождающая, Богородице, и творити ми волю Господню настави.

Тя предстательницу и стену вернии вси стяжахом, иже во глубине зол, и моль, и печалей потопляемии присно, Богородице, Единая верным прибежище.

Слава: Увядившая сады безбожия, Пренепорочная, Твоим Святым прозябением, растущую во мне присно вражию злобу потреби, Пречистая.

И ныне: Освети мой ум, и просвети сердце мое, Святая Мати Божия, и одержажих мя зол измени: да Тя славлю твердую заступницу мою.

Таже, Господи, помилуй, трижды. Слава, и ныне:

Седален, глас 8:

О чудесе новаго! О страшнаго таинства! Взываше Агница, Сына зрящи на Древе крестнем простерта: что Се Слове Божий безсмертный? Како мертв зришися, и землю колеблещи яко Всесилен? Но воспеваю Твое страшное и Божественное схождение.

Пѣснь 7

Ирмос: О́троцы евре́йстии в пе́щи попра́ша пла́мень дерзнове́нно, и на ро́су о́гнь преложи́ша, вопи́юще: благослове́н еси́, Го́споди Бо́же во ве́ки.

Ми́лостива бу́ди ми, Де́во, и ура́нена мя ору́жием греха́, пла́стырем исцели́ Твоея́ моли́твы: и о́гня негасима́го исхити́ мя во веки.

Изба́ви мя, Ма́ти Спа́сова, одержа́щаго люта́го плене́ния, помышле́ний лука́вых, и одержа́ний прегреше́ния, я́ко да при́сно спасае́мь, по до́лгу Тя́ славлю́.

Слава: Ны́не к Тебе́ прибега́ю, Богома́ти, прегреше́ний плени́цами стя́гнут: за ми́лосе́рдие ми́лости разреши́ мя, Дево, и от бесо́в изба́ви муче́ния и зло́бы.

И ны́не: Уще́дри и спаси́ мя, Де́во, Я́же Ще́драго ро́ждши Бо́жия Сло́ва: и све́том, иже в Тебе́, озари́ ду́шу мою́, и от бесо́в изба́ви мя люта́го коварства́.

Пѣснь 8

Ирмос: Седмери́цею пе́щь халде́йский мучи́тель Богочестивы́м неисто́вно разжже́, силою́ же лу́чшею спасе́ны сия́ ви́дев, Творцу́ и Изба́вителю́ вопи́аше: о́троцы благослови́те, священни́цы воспойте, лю́дие превозноси́те во вся́ веки.

И́же по все́му соверше́н, и естество́м непристу́пен, яви́ся прикоснове́н мнѣ́, плоти́ю обложе́н из Тебе́, Неискусобра́чная: Е́гоже приле́жно моли́, беззако́ний мои́х бремя́ облегчи́ти, и суда́ буду́щаго изба́вити мя́.

Я́же Судию́ и Го́спода ро́ждши па́че сло́ва, Сего́ я́ко Сы́на Твоего́, Пресвята́я, умоли́: в Ча́с Суда́ осужде́ния, и о́гня, и тьмы́ несвети́мая, и скре́жета зубна́го изба́вити мя́, ве́рою благочестно́ пою́щаго Тя́ всегда́.

Слава: Богороди́тельнице Пречи́стая, ду́ши моя́ язвы, и грехо́вныя собла́зны очисти́, исто́чником отмы́вающи, иже из ре́бр Рожде́ства Твоего́, и и́же от ни́х поте́кшими струя́ми: к Тебе́ бо взы́ваю, и к Тебе́ прибега́ю, и Тебе́ молю́ Богоблагодатную́.

И ны́не: Умерщвле́нную ду́шу мою́ угрызене́нием зми́иным, Еди́на я́ве Живо́т ро́ждшая, Пренепоро́чная, оживи́: и нас ра́ди, Де́во, Рожде́ннаго, де́йствовати поспеши́ хоте́ния, вопи́юще: о́троцы благослови́те, священни́цы воспойте, лю́дие превозноси́те Е́го во ве́ки.

Пѣснь 9

Ирмос: Ужасе́ся о се́м Не́бо, и земли́ удиви́шася концы́, я́ко Бо́г яви́ся челове́ком плоти́ски, и чре́во Твое́ бы́сть пространне́йшее небес. Те́м Тя́ Богороди́цу а́нгелов и челове́к чинонача́лия велича́ют.

Просвети́, Двере́ Света́, ослепле́нную ду́шу мою́ страстьми́, и лука́выми помы́слы очерне́вшую, и бе́дствующую: и изба́ви мя напа́стей, и

от бесов озлобления и истязания лютаго, и будущаго пламене и муки.

Пощади мя, Спасе, рождейся от Девы, и сохранивший Родшую Тя нетленну и по Рождестве: егда сядеши судити делом моим, беззакония и грехи моя презри, яко безгрешен, и яко Бог милостив и Человеколюбец.

Слава: Носящи Небесный Огнь рукама яко клещами, Богоблагодатная, души моя страсти попали, Чистая, и страшнаго осуждения и огня, и томления лютаго бесовскаго свободи мя.

И ныне: Осиянием Твоим мысленным просвети наша помышления, и сердца и разумы, Отроковице Богоблагодатная, яко да стезями животными праве ходяще, милость получим, возвещающе присно хвалы Твоя.

Таже, Достойно есть: Трисвятое. По Отче наш: тропарь, и прочее обычно, и отпуст.

Пятница

В пятóк ўтра

по 1-м стихослòвии седальны крестны, глас 8:

Видя разбойник Начальника жизни на кресте висяща, глаголаше: аще не бы Бог был воплощся, Иже с нами распныйся, не бы солнце лучы своя потайло, ниже бы земля трепещущи тряслася. Но вся терпйя, помяни мя, Господи, во Царствии Твоем.

Стих: Возносите Господа Бога нашего, и поклоняйтесь подножию ногу его, яко свято есть.

Посреде двою разбойнику мерило праведное обретесе Крест Твой, овому убо низводиму во ад тяготою хуления, другому же легчащуся от прегрешений к познанию богословия: Христе Боже, слава Тебе.

Слава, и ныне, КрестоБогородичен: Сына Твоего Деве, и Бога Крестом сохраняеми присно, бесовския прилоги отгоняем и козни: сущую Тя Богородицу воистинну воспевающе, и любовьию вси роди блажим, Пречистая, якоже прорекла еси: темже нам согрешений оставление молитвами Твоими даруй.

По 2-м стихослòвии седальны крестны, глас 8:

Посреде Едема древо процветет смерть, посреде же всея земли древо прозябе живот: вкусивше бо первое нетленнии суще, тленни быхом: получивше же второе, нетления напитаемся: Крестом бо спасаеши яко Бог род человеческий.

Стих: Бог же Царь наш прежде века, содела спасение посреде земли.

В рай мя убо прежде древо обнажи, вкушением враг внося умерщвление: крестное же древо живота вечнаго одеяние человеком нося, водрузися на земли, и мир весь исполнися всякия радости: егоже зряще возносима, Богу верою людие согласно возопийм: исполнь славы дом Твой.

Стих: Дивен Бог во святых Своих, Бог Израилев.

Мученичен: Светом Небесным просвещается днесь сей храм: в нем бо воинства ангельская радуются, с нимиже и человечестии лица веселятся, в память страстотерпец. тех мольбами низпосли, Христе, миру Твоему мир, и велию милость.

Слава, и ныне, КрестоБогородичен: Иже от кровей Твоих чистых воплощшагося, и паче ума от Тебе, Чистая, родившагося, на Древе висяща посреде злодеев зрящи, утробою боляше, и матерски плачущи вопияше: увы Мне, Чадо Мое! Что Божественное и неизреченное смотрение Твое, имже оживил еси создание Твое? Воспеваю Твое благоутробие.

По 3-м стихословии седален, глас 8:

Подобен: Повеленное:

Твоим Крестом, Христе Спасе, и смертию, мучительство вражие низложися, и смерть умертвися, и мертвыя яже имяше ад от века в себе связанныя, внезапно отпусти пленники вся, воспевающыя державу Твою, и страшное Твое, Блаже, и Божественное схождение, имже всех спасл еси.

Обожения ложного упования родоначальник тления, яже от него всем виновен явися. Ты же Крестом Твоим жизнь источаеши яко Преблагий: волю бо пригвожден был еси, да от первого разрешиши осуждения. Темже воспеваем Твою, Христе, вольную страсть.

Слава, и ныне, КрестоБогородичен: Нескверная Агница, Агнца и Пастыря висяща на Кресте зрящи, вопияше: Чадо Мое, что странное убо и ненадежное сие зрение? Какое Жизнь всех смертию осуждается земным подобие? Но воскресни тридневно из мертвых, Слово, якоже рекл еси: да радующися славлю Тя.

Канон Честному и Животворящему Кресту. Творение Иосифово. Глас 8:

Песнь 1

Ирмос: Крест начертав Моисей впрямое жезлом, Черное пресече, Израилю пешеходящу, тоже обратное фараоновым колесницам ударив совокуп, вопреки написав непобедимое оружие. Тем Христу поим Богу нашему, яко прославися.

Длани Божественныя на Кресте, Иисусе, распростер, к Себе собрал еси руку Твоею создание: и от руки лукавого всех свободил еси, и покорил еси и рукою державною Царю всех. Темже вернии поим величеству Твоему, яко прославися.

Вредно бысть во Едеме древа горькое вкушение, смерть введшее: Христос же умертвився на древе, всем живот источи, и убив змия Божественною силою. Темже тому поим Богу нашему, яко прославися.

Мученичен: Храбрствовавше, Иисусе, мученик множество, Крестом же и страсти Твоею на страсти противу восташа, и пред враги Тя царствующаго тварию исповедаша: терпеша же мучения и беды безмерныя. Темже Твою улучиша славу вси, славы Господа.

Мученичен: Кроплением богодетельныя честныя Твоя кровя, мученицы Твой, Господи, избавление обретше, крови своя воистинну излиша, неправедно мучими быша жертвы приносити скверным бесом душетленным. Темже честная закления Тебе принесоша, Царю всех.

Богородичен: Яко виде Тя на Кресте пригвождаема, вся видящаго, непорочная рыдающи глаголаше: что сие, Чадо Мое? Что Ти воздаша

наслаждашиися мно́гих Твои́х дарова́ний? Ка́ко претерплю́ боле́зни? Сла́ва Твоему́ благоутро́бию, и смотре́нию стра́шному, Долготерпели́ве.

Други́й кано́н пресвяте́й Богоро́дице. Глас 8.

Ирмо́с: Во́ду проше́д яко́ су́шу, и египетска́го зла́ избежа́в, израильтянин вопия́ше: Избавителю́ и Богу́ нашему́ поим.

Омраче́нную сла́стми́ жити́я ду́шу мою́, Богома́ти, и мирски́ми печа́лями безвре́менно смуща́ему, просвеще́нием Твои́м просвети́.

Отверзо́шася двéри небе́сныя Божественным Твои́м Рожде́ством, Богома́ти: в нихже́ вход да́ждь души́ мое́й яко́ ми́лостива, и к те́м наста́ви мя.

Устре́ленную стрело́ю лука́ваго, и ко́зными о́наго, и кова́рствы уязвле́ную ду́шу мою́, Де́во, ми́лостию Твое́ю исцели́.

Я́же ненаде́ющихся наде́жда, па́дших исправле́ние, све́т Божественный рожда́я, ду́шу мою́ су́щую во тьме́ просвети́.

Песе́нь 3

Ирмо́с: Же́л во о́браз та́йны прие́млется, прозябе́нием бо предразсужда́ет священника́, непло́дящей же́ пре́жде Це́ркви, ны́не процвете́ Дре́во Креста́ в держа́ву и утвржде́ние.

В че́рную утварь́ измени́ся со́лнце, зря́ на дре́ве Тебе́ непра́ведно воздви́жена: и распаде́ся ка́мение, и зе́мля вся́ страхом тряса́шеся, Еди́не Спасе́, все́х избавле́ние.

Распротёр ру́це Моисе́й, вообража́ше Крест́ честный́: Его́же мы́ ны́не вообража́юще благому́дренне, полки́ инопле́менные́ вся́ бесовския́ побежда́ем, вре́да вся́каго́ те́х кроме́ пребыва́юще.

Мучени́чен: Стра́сти терпя́ще страстоте́рпцы, стра́сть образова́ху, многообра́зным страсте́м причастия́шася, волею́ страда́вшаго, и стра́сти умертвивша́го, и живо́т ми́ру возсия́вшаго.

Мучени́чен: Невозвратно́ муче́ния пу́ть шество́вавше, преткнове́ния преле́сти от серде́ц низложи́ша благосла́внии страстоно́сцы, и устреми́шася ко упоко́ению Божественному́ веселя́щеся.

Богоро́дичен: Зако́нных кроме́ обы́чаев челове́ческих, Тебе́, Ча́до, роди́х, Богоро́дица пла́чущи веща́ше: и ка́ко беззаконни́и воздвиго́ша Тя́ на Дре́во, посре́де беззаконных, едина́го зако́н жи́зни положи́вшаго?

И́н Ирмо́с: Небе́снаго́ кру́га Верхотво́рче, Го́споди, и Це́ркве Зиждителю́, Ты́ мене́ утверди́ в любви́ Твое́й, желаний́ кра́ю, верных утвержде́ние, еди́не Человеколю́бче.

Воздыха́ния немол́чная, и приле́жныя слёзы, и сокруше́нно се́рдце да́ждь ми́, Де́во, да пла́чуся содея́нных мно́ю, и совозраста́ющыя моя́ страсти́ потреби́, еди́на Всепе́тая.

Дреманьми отягченную греховными, и ко адове утробе низпоползшуюя душу мою исхити, Владычице, и помышление покаяния истиннаго подаждь ми, Богоблаженная.

Умиления любовь, и добродетелей даруй, Всенепорочная, погруженной души моей прегрешеньми, и небесное житие возлюбити, и Божие желание имети.

На Тя упование возлагаю, Мати Божия, и отчаяния вскоре избавлюся: вем бо, вем Твоего благоутробия богатство, и крепость сведый дерзновения Твоего.

Песнь 4

Ирмос: Услышах, Господи, смотрения Твоего таинство, разумех дела Твоя, и прославих Твое Божество.

Яко кедр благочестие, веру яко кипарис, любовь же яко певкносяще, Кресту Божественному поклонимся.

Крестом Твоим, Спасе, рай отверзется, и осужденный человек паки вниде в оны, Твою величая благостыню.

Умерщвления оживил еси, Спасе, человеки, мертв быв, и змия умертвил еси грех введшаго.

Мученичен: Страстем бывше сообразни Христовым Божественни мученицы, причастницы же и светлости небесныя явишася.

Мученичен: Украситесь, мученицы, слову красному соединившеся: и светло просветитесь, солнце праведное возлюбивше.

Богородичен: Ново Отроча родила еси, прежде век суща совершеннаго, Отроковице Всенепорочная, и Крестом совершающая всяческая, и благостию.

Ин Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отца, и нашу нищету посетив. Тем с пророком Аввакумом зову Ти: силе Твоей слава, Человеколюбче.

Яже Бога Слова неизреченно рождающая, души моя струпы обяжи, действенным бытием, кровь сына Твоего честную возливши, разрушившаго адово душетленное чрево, и источившаго миру воскресение.

Невесто Божия, прегрешений очищение души моей струи низпосли, и лукавая отмый помышления, чисте быти той сподоби: к Твоему бо ходатайству, и Твоей помощи, Богородице Дево, прибегах.

К Твоему ныне прибегаю заступлению, Пречистая, предвари мя избавити лютыя бури вражия, и смущающих потоков беззакония: к Твоему же пристанищу, и к Твоей тишине неуклонно, Богомати, настави мя.

Враг греховными стрелами душу мою всю уязви, и оскверни сластими мое сердце, и отврати от пути праваго. Сего ради вопию Ти: обративши

исцели мя, и спаси.

Песнь 5

Ирмос: О преблаженное Древо! на немже распяся Христос, Царь и Господь: имже паде древом прельстивый, тобою прельстився, Богу пригвоздившуся Плотию, подающему мир душам нашим.

Одежду нетления, обнаженыя ны облещи возжелев, совлеклся еси, и на Кресте распятся, обнажил еси вражия, Христе, коварства: сего ради Твоя страдания славим.

Кровь из ребр истекшая спасительная яве, мир очистила есть, капищныя же крови разруши, и истлевшыя плодом разумным обнови, и источи нетление душам нашим.

Мученичен: Просвещени добротою многовидных ран, мученицы славнии, Божественною же кровию знаменавшися, возбраняющее прежде оружие проидоша яве, и вселишася радуящися в рай.

Мученичен: Яко дивен Ты еси во святых, Христе, верою Тебе возлюбивших: от Тебе бо обогатившися Божественныя исцелений реки миру источают, и иссушают изливание страстей наших.

Богородичен: Недуговавшая грехом ны исцелила еси, Дево, рождши Спаса и Врача всех, на Древе крестнем пригвожденнаго, Пречистая, и источивша спасение душам нашим.

Ин Ирмос: Вскую мя отринул еси от Лица Твоего, Свете Незаходимый, и покрыла мя есть чуждая тьма, окаяннаго; но обрати мя, и к свету заповедей Твоих пути моя направи, молюся.

Со всем усердием тщуся к Твоему, Всенепорочная, заступлению и душевное око возвожду: не отврати мене, но заступи мя яко Благая, и избави мя, и прегрешений моих скверну отмый.

Яд смертоносен греховными зубы вложися: но того погуби гвоздьми и копием Божественным Рождества Твоего, за милосердие нас ради плотию пострадавшего, Едина Всепетая.

Умерщвлена мя нравом, и истлевшаго прегрешеньми, оживи, Рождшая Живот вечный, и обновлением духовным, к нетлению претвори мя, Богоблаженная.

Лукавства бесовскаго, и злобы человеческия избави мя, Владычице, и душевную болезнь, и телесную вскоре исцели, Рождшая Едина всякия плоти и согрешений Врача, Спаса и Господа.

Песнь 6

Ирмос: Воднаго зверя во утробе длани Иона крестовидно распростер, спасительную страсть проображаше яве: тем тридневен изшед, премирное воскресение прописаше, плотию пригвожденнаго Христа Бога, и

триднёвным воскресением мир просвещшаго.

Крест водрузися на месте лобнем посреде земли, и посреде рая прозябшую древом язву исцели: Мессиа бо Иисус посреде беззаконных разбойник, Един Праведный явися, с Собою совоздвиже вся, и с высоты падшаго в пропасть вверже.

Лук, Христе, напруг Божественный, всечестный Твой Крест, испустил еси стрелы на убийцу: гвозди же руку Твоею, Владыко, вонзил еси в того гневливое и всесквернавое сердце: и до конца того умертвил еси, и от него умерщвления, Щедре, оживил еси.

Мученичен: Кровным истекшим струям, из телес святых страдалец, угасиша духом весь идолюбесия пламень, и церкви честных бразды напоиша, и клас израстити сотвориша спасения надежды и веры: имже питается всяка душа, Божественною благодатию.

Мученичен: Воспалехуся огня множае нравом, страждущии славнии стратотерпцы, егда вещественным огнем опалятися. Лукавными судиями судом отдаваеми, и неуязвлени сохраняеми бываху действием и благодатию Святаго Духа, венчавшаго тех законно пострадавших.

Богородичен: Оружие сердце Твое пройде, Пречистая Отроковице, зрящи Сына Твоего на Кресте простерта, и страсти терпяща, и копием в Божественная ребра прободаема волею, и закаляюща тьмы борительного змия: темже плачущи матерски, Того величала еси.

Ин Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Отступих от Бога блудно жив, и раб сластей окаянный бых, и всякия обнажихся добродетели Божественныя: но посети мя, Пречистая.

Бежатель бых от заповедей данных ми, и удалився от живота к смерти приближихся: но настави мя к возвращению, Богомати Пречистая.

Житие мое лукавно, исполнено нерадения: но милость Твоя многая и неизреченная, Пречистая, да одолеет и милосердие благи Твоея немощней мысли моей.

Спаса и Избавителя рождши, и Всещедраго, ущедри мя, Чистая, и спаси, и избави от обшедших мя, и нападающих немилостивно на немощь мою.

Песнь 7

Ирмос: Безумное веление мучителя злочестиваго люди поколеба, дышущее прещение и злохуление богомерзкое: обаче три отроки не устраши ярость зверская, ни огонь снедаяй, но противо дышущу росоносному духу, со огнем суще пояху: препетый отец и нас Боже

благословен еси.

Егда распростерся на Древе крестнем, якоже виноград слово Отчее, мсто искапал еси тайны, изменяющее пьянство преступления, и всех веселящее, ведущих Тя Бога и Зиждителя, волею страждуща, и спасающее поющих: препетый отец и нас Боже благословен еси.

Распятие претерпел еси, Христе мой Иисусе, поносное, уставляющее человеком все поношение и воздыхание, желчи же вкусил еси, горесть всяку злбную отемля, уязвил еси рuce Твой, язвы щедре душевныя наша исцеляя, и пети повелевая: препетый Отец наших Боже благословен еси.

Мученичен: Болезными неболезненный живот доблии страдальцы притяжали есте: темже наша болезни облегчаєте отнюд, благодать приемше свыше, святии, исцелевати страсти, и духи отгоняти: и верным предстоите, и спасаете вопиющих: препетый Отец наших Боже благословен еси.

Мученичен: Стасте мученицы пред судищи Христа исповедающе, плоть нас ради восприемшаго по нам кроме тления: и подобницы страстем Его являеми войстинну, огня озлобления, и всякия инья муки претерпесте, в веселии зовуще: препетый Отец наших Боже благословен еси.

Богородичен: Печали исполнихся зрящи Тебе, Сыне, без правды страждуща, уязвляюся душею, копием уязвлену Ти в ребра, Богородица вопияше плачущи и рыдаючи, едина Владычица, Юже достойно вси ублажаем, и благочестно зовем: препетый отец наших Боже благословен еси.

Ин Ирмос: Отроцы еврейстии в пещи попраша пламень дерзновенно, и на росу огонь преложиха, вопиюще: благословен еси Господи Боже во веки.

Вся еси светоносна, Свет незаходимый, Дево, приемши, и просвещаючи, Чистая, верою Тебе вопиющих: Благословен, Пречистая, Плод Твоего чрева.

Да Твое человеколюбие и милость, Дево, явиши, из глубины мя зол возведи вопиюща: благословен, Пречистая, Плод Твоего чрева.

К Тебе, Мати Дево, притекаю, уязвляемь стрелами душетленными: всего мя молитвою Твоею огради вопиюща: благословен, Пречистая, Плод Твоего чрева.

Избави мя, Мати Спасова, одержажцаго лютаго пленения, помышлений лукавых, и вин греховных: яко да присно спасаемь по долгу Тя славлю.

Песнь 8

Ирмос: Благословите, отроцы, Троицы равночисленнии, Содетеля Отца Бога, пойте снишедшее Слово, и огонь в росу претворшее, и

превозносите всём жизнь подающего, Духа Всесвятаго во веки.

Благословится древо, имже вся потребися яже во Едеме лестная клятва, возрастающая снѣдию лукавою древа, и Христос возносится препрославленный, иже вознестися на нем волею Своею восхотевый за милосердие.

Священно во пременении рукама, Приснославный, благословляя внуки иногда, образ являя священнаго древа, имже благословение всём даровася, проклятым злою древа снѣдию, и поползшимся во глубину зол.

Исправляется все человечество, Владыко, Тебе распостерту бывшу на Кресте, и полк паде лукавых бесов, и разстоящая совокупление приемлют: и превозносится держава власти Твоея, и сила Твоя во веки.

Мученичен: Блаженную славу, и пищу нетленную, и светозарна селения наследовасте ныне, Божественнии страдальцы Господни, и небесным примеситесь чином, и приснославных надежд ваших конец ныне восприясте с веселием.

Мученичен: Ваше мужество паче солнца возсия, световиднии Христовы страдальцы, и всю диаволу прелесть Божественною силою помрачи и верных всех сердца благочестномудренне просвети во веки.

Богородичен: Мысленный облак, и сень священства, Престол Божий, и Дверь Света, Светильник, и Восток Слова, вернии вси именуем Тя, Пречистая Дево, вся сотворшаго Мати сущи благословенная.

Ин Ирмос: Седмерицею пещь халдейский мучитель богочестивым неистовно разжже, силою же лучшею спасены сия видево, Творцу и Избавителю вопияше: отроцы благословите, священницы воспойте, людие превозносите во вся веки.

Вседержитель Господь вселившийся во утробу Твою, и столп утверждения верным Тя показа: к Немуже прибегающе напастей избавляемся и бед, и свободяемся искушения, согласно поюще: священницы воспойте, людие превозносите Его во веки.

Священнаго, Владычице, отпадох жития, ко греху невоздержимо влекомь, и сим порабоцаемь, свободения еже о Христе и правды истинныя обнажихся: но не презри мя, Сокровище спасения, к Тебе прибегающего, нага и обнищавшаго.

Да исправится мольба молитвы моея ко Господу, из утробы Твоея произшедшему, Владычице: и от преступления заповедей да избавит мя, и осуждения и клятвы законныя, и скверну да отмыет лютых моих прегрешений, яко Един Милостив.

Богородительнице Пречистая, души моея язвы, и греховныя соблазны очисти, источником отмывающи, иже из ребр сына Твоего, от них

потёкшими струями: к Тебё бо взываю, и к Тебё прибегаю, и Тебё призываю, Богоблагодатную.

Таже, поём пёснь Богородицы: Величит душа моя Господа:

Пёснь 9

Ирмос: Снедию древа роду прибывшая смерть, Крестом упразднися днёсь: ибо праматерняя всеродная клятва разрушися, прозябением чистыя Богоматере: Юже вся силы небесныя величают.

Священнейше Тя возносяще, Щедре, поклоняемся Твоему Кресту, копию же и губе, и трости, и в руку вонзенным и в ногу святым гвоздем, Владыко: имиже обретохом совершенное оставление, и райскаго жития сподобихомся.

О како неправедно осужден был еси пригвоздятся на древе распинаемь, праведнейший едине всех Царю, оправдати всех ищяй, верою славящих страдания Твоя вольная, и смотрение, и Тебё, Христе мой, верно величающих.

Мученичен: Тело предавше мукам вседушно мученицы славному, претерпеша раны и нужную смерть, отсечение удов, и растерзания, и огненное опаление, любовь же разгараеми ко Господу. Темже венценосцы на небесех живут.

Мученичен: Иже апостолов и мучеников сладосте, молитвами их всех нас милости исполни, яко благоутробен, согрешений разрешение подая, и лютых всех избавление, и Твоего Царствия вселение, Христе Боже, иже нас ради явлейся человек.

Богородичен: Световидный чертог явилася еси, Дево, всельшемуся в Твою нетленную утробу, и страсть блаженную претерпевшему хотением, и всем безстрастие подавшему за неизреченную милость: Ему же верою поклоняющеса, Тебё благочестно величаем.

Ин Ирмос: Ужасёся о сем Небо, и земли удивишася концы, яко Бог явися человеком плотски, и чрево Твое бысть пространнейшее Небес. Тем Тя Богородицу Ангелов и человек чиновачалия величают.

Воистинну Богомати сущаго Бога, молящи не престай Егоже родила еси, грехов оставление рабом Твоим подати, и всесовершенное прощение тем ныне содеянных зол: и сих сподобити со всеми святыми вечнаго наслаждения.

Крепостию и силою духовною, и оружием, и державою, препояши смиренную душу мою, Пресвятая Богородице, и крестным оружием облецы, и греха моего раны очисти, росою Твоего человеколюбия, и великою милостию Твоею.

Спасения буди ми столп, Чистая, бесов бездельны сотвори полки, и

напа́стей молву́, и бе́ды отгоня́ющи, и страсте́й нахо́ды далече́ прогоня́ющи, и чистое́ даю́щи свобождéние.

Чи́стая препросла́вленная Ма́ти Бо́жия, пою́щья Тя́ любóвию спаси́, и иску́шений молву́ разоря́ющи ми́лостивно: я́ко Бо́га бо ро́ждши, Де́во, вся́ ели́ко хо́щещи твори́ти мо́жещи, и пода́еши ми́лость невозбра́нно. Темже́ Тя́ вси́ велича́ем.

Та́же, Досто́йно е́сть: Ектени́а, и свети́лен, и псалмы́ обы́чныя.

На стихо́вне стихи́ры крэ́сны, глас 8:

Моисе́ев же́зл прообража́ше честный крэ́ст Тво́й, Спа́се на́ш: те́м бо спаса́еши, я́ко из глублины́ морския́, лю́ди Твоя́, Человеколю́бче.

Сти́х: Исполни́хомся за́втра ми́лости Твое́я, Го́споди, и возра́довахомся, и возвесели́хомся: во вся́ дни́ на́ша возвесели́хомся, за дни́, в ня́же смири́л ны́ еси́, ле́та, в ня́же видехом злая́. И при́зри на рабы́ Твоя́, и на дела́ Твоя́, и наста́ви сы́ны их.

Е́же дрéвле во Еде́ме в рай, дрéво сне́дное прозябло́ е́сть посреде́ садо́в: Це́рковь же́ Твоя́, Христе́, Крэ́ст Тво́й процвете́, источа́ющь все́му ми́ру жи́знь. Но о́но убо́ умертви́ сне́дию я́дшаго Ада́ма: си́е же́ жи́ва сотвори́, ве́рою спаса́сся разбойника́. Е́гоже́ спаса́ния прича́стники и на́с яви́, Христе́ Бо́же, и́же стра́стию Твое́ю разруши́вый, я́же на ны́ ко́зни вра́жия, и сподо́би на́с Ца́рствия Твоего́, Го́споди.

Сти́х: И бу́ди све́тлость Го́спода Бо́га на́шего на на́с, и дела́ ру́к на́ших исправи́ на на́с, и де́ло ру́к на́ших исправи́.

Му́ченичен: Чтó вас наре́чем, свя́тии? Херувимы́ ли? Я́ко на вас́ почи́л е́сть Христо́с. Серафимы́ ли? Я́ко непреста́нно просла́висте́ Е́го. А́нгелы́ ли? Те́ла бо́ отвратисте́ся. Си́лы ли? Действу́ете бо́ чудесы́. Мно́гая ва́ша имена́, и бо́льшая дарова́ния. Молите́ спастис́я душа́м на́шим.

Сла́ва, и ны́не, Кресто́Богоро́дичен: Не терплю́, Ча́до, ви́дящи Тя́ на Дре́ве усну́вша, бо́дрость все́м пода́ющаго, я́ко да и́же дрéвле престу́пления пло́дом, сном по́гибельным усну́вшим, Бо́жественную́ и спаса́тельную бо́дрость пода́си: Де́ва глаго́лаше плачу́щися, Ю́же велича́ем.

Та́же, Бла́го е́сть: Трисвято́е. По́ Отче́ на́ш: Тропа́рь, ектени́а, и ча́с пе́рвый, псалмы́ обы́чныя, и отпу́ст.

В пято́к блаже́нны, глас 8:

Помяни́ на́с, Христе́ Спа́се ми́ра, я́коже разбойника́ помяну́л еси́ на Дре́ве: и сподо́би всех, еди́не Ще́дре, Небе́сному Ца́рствию Твое́му.

Сти́х: Блаже́ни изгнани́ правды́ ради́, я́ко те́х е́сть Ца́рство Небе́сное.

Распросте́рл еси́, Христе́, длани́ на Дре́ве, и лука́вая нача́ла и вла́сти обли́чив, спасл еси́ от те́х вре́да благо́честно славосло́вьящья́ Тя́.

Сти́х: Блаже́ни есте́, егда́ поно́сят ва́м, и изженут, и реку́т вся́к зо́л

глаго́л, на вы́ лжу́ще Мене́ ра́ди.

Копи́ем прободё́ся ви́ся на Дре́ве, источи́л еси́ на́м пото́ки безсме́ртия, умерщвле́ным без ума́ преступле́нием: те́мже со стра́хом сла́вим Тя.

Сти́х: Ра́дуйте́ся и весели́те́ся, я́ко мзда́ ва́ша мно́га на Небесе́х.

Стра́нни земных явля́емых сладких введе́ния, стра́нным себе́ изда́ша му́кам страда́льцы, уязвля́юще отступника́ своими́ святы́ми язва́ми.

Сла́ва: И́же от безнача́льныя Трои́цы еди́н сый, стра́сть на Кресте́ претерпе́л еси́ волею́: страсте́й моих изсуши́ вся потоки, и спасе́ния сподоби́ мя.

И ны́не: Емману́ила А́гнца Бо́жия и Сло́ва, ви́дящи плоти́ю ви́сяща на Дре́ве, А́гница еди́на Нескве́рная и Де́ва, печа́лию одержи́ма бяше слезя́щи.

В пятѡк вѣчера

на Господи, воззвах, **стихиры мученичны, глас 8:**

Стих: Аще беззакония назриши, Господи, Господи, кто постоит? Яко у тебе очищение есть.

Мученицы Господни всяко место освящаете, и всяк недуг уврачуете: и ныне молитесь, избавитесь от сетей вражиих душам нашим, молим вы.

Стих: Имене ради Твоего потерпех Тя, Господи, потерпел душа моя в слово Твое, уповала душа моя на Господа.

Мученицы Твои, Господи, забывше житейская, и небрегше о мучениих, будущия ради жизни, Тоя наследницы явишася: темже и со Ангелы радуются. Тех молитвами, даруй людям Твоим велию милость.

Стих: От стражи утренняя до ночи, от стражи утренняя, да уповает Израиль на Господа.

Аще кая добродетель, и аще кая похвала, подобает святым: мечем бо преклонилши выи, Тебе ради преклоньшаго Небеса и сошедшаго: излишша крови своя, Тебе ради истощившаго Себе, и зрак рабий приемша: смиришася даже до смерти, нищету Твою подражающе. ихже молитвами, по множеству щедрот Твоих, Боже, помилуй нас.

Ины стихиры подобны, глас 8.

Подобен: О преславнаго чудесе!:

Стих: Яко у Господа милость, и многое у него избавление: и той избавит Израиля от всех беззаконий его.

Древу неплодному уподобихся, образом яко листвию тщетным обложен: и боюсь, Владыко. Да не отсеку, отследи мя во огонь неугасимый вечный. Но подаждь обращения мне время, яко да принесу Ти добродетельных деяний плод добрый, и сподоблюся Царствия Твоего.

Стих: Хвалите Господа вси языцы, похвалите Его вси людие.

Господи, Господи, Твоего раба мене, много прогневляюща Твою благодать на всякий день, Человеколюбче, не отвержи от лица Твоего, Христе, ниже накажи твоим праведным гневом: согреших, согреших Ти, яко никтоже ин, исповедую, ущедри и спаси мя, Твоя Матере молитвами.

Стих: Яко утвердися милость Его на нас, и истина Господня пребывает во век.

Егда сядеши во Славе Твоей, яко Царь всех, на престоле суда, предстоящим страхом Ти святым Ангелом Твоим, и предстанет Ти естество все человеческое, Христе, судитися имущее: тогда молитвами Матере Твоея, Господи, от всех избави мук усопшыя верно.

Слава, и ныне, Богородичен: Царь небесный за человеколюбие на земли явился, и с человеки поживе: от Девы бо чистая плоть приемый. И из Нея прошедый с восприятием, един есть Сын, сугуб естеством, но не Ипостасию. Темже совершенна Того Бога, и совершенна Человека воистинну проповедающе, исповедуем Христа Бога нашего: Егоже моли, Мати безневестная, помиловатися душам нашим.

Таже, Свете тихий: И прочее яко обычай.

На стиховне стихиры, глас 8:

Мученицы Господни, молитесь Бога нашего, и испросите душам нашим множество щедрот, и очищение многих прегрешений, молимся.

Стих: Блажени, яже избрал и приял еси, Господи.

Покойн: Плачу и рыдаю, егда помышляю смерть, и вижду во гробех лежащую, по образу Божию созданную нашу красоту, безобразну и безславну, не имущую вида. Оле чудесе, что еже о нас сие бысть таинство! Како предахомся тлению? Како припрягохомся смерти? воистинну Божиим повелением, якоже есть писано, подающего преставльшимся упокоение.

Стих: Душы их во благих водворятся.

Смерть Твоя, Господи, безсмертия бысть ходатаица: аще бы не во гробе положен был еси, не бы рай отверзлся, темже преставльшихся упокой, яко Человеколюбец.

Слава, и ныне, Богородичен: Чистая Дево, Слова Врата, Бога нашего Мати, моли спастися нам.

Таже, Ныне отпускаеши: И прочее яко обычай, и отпуст.

В пятóк на повечэ́рии

канóн Пресвяте́й Богоро́дице, глас 8:

Пёснь 1

Ирмо́с: Пои́м Го́сподеви, провед́шему лю́ди своя́ сквозе́ Чермное́ мо́ре, я́ко Еди́н сла́вно просла́вился.

Умертви́ плоти́ моя́ мудрова́ние, Пречи́стая Де́во, Я́же жи́знь ро́ждшая, и му́ки вся́кия изба́ви мя́.

Заре́ю пресве́тлою, от Тебе́, Де́во, возсия́вшего, ду́ши моя́ зéницы просвети́: я́ко да сла́влю Тя́.

Сла́ва: Моли́ся, Влады́чице, Еди́на Свята́я Богоро́дице, я́ко да улу́чу в де́нь суда́ спасéние, и Божéственную све́тлость.

И ны́не: Пречи́стая Богоро́дице, утиши́ бо́лезни се́рдца моего́, Я́же Христа́ небо́лезненно па́че ума́ и Слова́ ро́ждшая.

Пёснь 3

Ирмо́с: Ты́ еси́ утвер́ждение притека́ющих к Тебе́, Го́споди: Ты́ еси́ све́т омраче́нных, и поёт́ Тя́ ду́х мой́.

Иза́ви мя́ моли́твами Твои́ми, Пречи́стая, вра́жиих стрéл: и от помышле́ний находя́щих, пощади́ се́рдце мое́.

Исцели́, Пренепоро́чная, ду́ши моя́ ра́ны, Ма́ти Бо́жия, утиши́ Твои́ми моли́твами се́рдечное смущéние.

Сла́ва: Укроти́ неуста́вное помышле́ний моих, Чи́стая Влады́чице, и отими́ от ду́ши вся́ку печа́ль, Я́же Ра́дость ро́ждшая.

И ны́не: Ра́дуйся, спасéние притека́ющих к Тебе́, Де́во Ма́ти Христо́ва: ра́дуйся, апо́столов и му́чеников Похвало́.

Пёснь 4

Ирмо́с: Услы́шах, Го́споди, смотре́ния Твоего́ та́инство: разуме́х дела́ Твоя́, и просла́вих Твое́ Божество́.

Ду́ши моя́ я́звы, Сло́ве Бо́жий, исцели́, уязви́выйся мене́ ра́ди я́ко Человеколю́бец, и ума́ моего́ тьму́ просвети́.

Дреманием лени́ти моя́ сон грехо́вный пости́же, Де́во: бо́дренною Твоею́ моли́твою воздви́гни мя́ к пока́нию.

Сла́ва: Я́же от исто́чник источи́вшая во́ду оста́вления, Пренепоро́чная, се́рдце мое́ напо́й изсо́хшее вся́кими преступле́нми.

И ны́не: Пресвята́я Богоневéсто, Влады́чице ми́ра, Ты́ мя спаси́, бе́д пременя́ющи, и страсте́й молву́ отгоня́ющи.

Пёснь 5

Ирмо́с: У́треннюю́ще вопие́м Ти́, Го́споди, спаси́ ны́: Ты́ бо еси́ Бо́г

наш: разве Тебе иного не вемы.

Призри, Пречистая, и услыши глас мой, и вся очисти беззакония моя, Владычице.

Солнце незаходимое рождшая, Богородице, всего мя просвети омраченного страстьми: да славлю Тя и хвалю, Пренепорочная.

Слава: Ущедри, Пресвятая Отроковице, душу мою, и избави суда, и вечнующаго мучения.

И ныне: Недуговавшую душу мою исцели, рождшая всех Вземлющаго недуги, Пресвятая Владычице.

Песнь 6

Ирмос: Бездна грехов и прегрешений буря мя смущает, и во глубину нужднаго реет мя отчаяния: но Твою крепкую руку мне простри, яко Петрови, о Управителю, и спаси.

Умертви, Богородице, плоти моя безчинная движания, Яже умерщвления злобою оживившая, Твоим живым Рождеством: яко да славлю Тя, яко вину человеческого обновления.

Бездну щедрот рождши, Богородице Дево, скорбных жития душу мою спаси, и радости духовных двери отверзи ми: на Тя бо Едину надежду возложих.

Слава: Да Твоя радостно воспою величия, Дево Пречистая, и великую благодать чудес, безместная помышления томящая мя всегда, молитвами Твоими премени.

И ныне: Родила еси паче естества недр Отческих неразлучнаго, и Тобою, Дево к человеку беседовавшая: но яко похвала нас всех, и утверждение еси, Богородице, к Тебе прибегающих ущедри.

Таже, Господи, помилуй, трижды. Слава, и ныне:

Седален, глас 8:

Слово Отчее на землю сниде, и ангел светел Богородице глаголаше: радуйся, Благословенная, Яже чертог Едина сохраняющая, зачатие приемши Превечнаго Бога и Господа, да от прелести яко Бог спасет род человеческий.

Песнь 7

Ирмос: Отроцы еврейстии в пещи попраша пламень дерзновенно: и на росу огонь предложиша вопиюще: благословен еси, Господи Боже, во веки.

Увы мне, како избегну мук ждущих мя, зле пожив zde? Како Судий Страшному явлюся окаянный? Богородительнице Владычице, помощница тогда буди ми.

Угаси пламень страстей моих, и утиши бурю сердца моего, Богомати Чистая: и избави мя, Пречистая, бесов томления, и огня вечнаго.

Слава: Виждь скорбь мою, Дево, юже наведе множество зол моих: и прежде отшествия покой ми подаждь, Матерними Твоими молитвами умоляючи Сына Твоего.

И ныне: Пламень страстей сердца моего погаси росой Твоею, Дево, и огня страшного исхити, Отроковице, и вечного суда и бесовскаго томления.

Песнь 8

Ирмос: Благословите, отроцы, Троицы равночисленнии, Содетеля Отца Бога, пойте снизшедшее Слово, и огонь в росу претворшее, и превозносите всем жизнь подающего, Духа Всесвятаго во веки.

Умертви, Дево, вся телесная наша двизания, Яже мертва змия живоносным Рождеством Твоим соделавши: и жизнь нестаряющую улучшить нам помолися, яко да Тя поем во веки.

Тя, Богородительнице, на помощь всегда призываю, не посрами мене стяжавшаго студу дела: но ущедри мя, Пречистая, и пламене исхити, и вечных избави мучений.

Слава: Обрадованная помощница ми явися во обстоянии зол, избавляючи от находящихся ми бесовских навет, яко да ублажаю Тя всегда, Богородице, Предстательнице всех.

И ныне: Пресвятая Отроковице, апостолов похвало, мучеников славо, славы вечныя причастника мя сотвори, зывающа: благословите Духа Пресвятаго во веки вся.

Песнь 9

Ирмос: Уставы прешла еси естества, Содетеля зачещи и Господа, и дверь спасения миру была еси: тем Тя, Богородице, непрестанно величаем.

Светом Твоим невечерним, Двере Света, души моя тьму отженя лютую, и покаяния ми пути светозарныя покажи: яко да шествуя в них, мрака отбегну греховнаго, и непрестанно величаю Тя.

Очисти рабы Твоя, Блаже, и прегрешений прощение даруй: и вечнующаго пламене избави нас, и причастники содей Твоего Царствия, Слове Божий: ибо за еже хотя спасти род человець, Крест претерпел еси.

Слава: Удобь, Богородице, прейти ми жития подаждь прехождение, и напастей востания и страстей, яко Блага укротящи, и наставляючи к добродетели Небеснаго Царствия, и покоя Божественна: яко да спасаемь прославляю Тя.

И ныне: Недуговавшую душу мою страстию лютою, Яже рождши Бога Преблагаго, яко милостива исцели, и избави присно оскорбляющих мя, Пречистая, и прибывающих злолютых: яко да спасаемь, Тя усердно

велича́ю, возвели́чившую ро́д на́ш.

Та́же, Досто́йно е́сть: Трисвято́е. По О́тче на́ш: тропáрь, и отпу́ст.

Суббота

В субботу утра

по 1-м стихословии, седальны мученичны, глас 8:

Светила умная явистесь, святии мученицы, мглу бо прелести упраздните верою, и душевныя свещи ваши просветите, и с Женихом со славою внидите в небесный чертог. и ныне молим вы, молитесь спастись душам нашим.

Подобен: Повеленное тайно:

Стих: Дивен Бог во святых Своих, Бог Израилев.

Воздержанием страстей огнепальныя испепелившие зраки и движения, Христовы мученицы, прияша благодать, недуги отгоняти немощствующих, и живуще и по конце чудодествовати. Воистинну чудо преславное, яко кости наги источают исцеления: слава Единому Богу нашему.

Слава, и ныне, Богородичен: Иже нас ради рождётся от Девы, и распятие претерпев, Благий, испровергий смертью смерть, и воскресение явлей яко Бог, не презри яже создал еси рукою Твоею: яви человеколюбие Твое, Милостиве, прими рождшую Тя Богородицу молящуюся за ны, и спаси, Спасе наш, люди отчаянныя.

По 2-м стихословии седален, глас 8:

Подобен: Повеленное тайно:

Пророцы, мученицы Христовы, и святителие, иже подвиг добрый благочестномудренно законно скончавше, и приемше венцы неувядаемыя от Бога, непрестанно молитесь о нас Его благодать: яко да дарует нам прегрешений прощение, яко Бог благоуветлив.

Стих: Блажени, яже избрал и приял еси, Господи.

Мертвен: Преставльшыся благочестно от временных, в селениих избранных с праведными сопричти, Владыко, тех упокоевая на месте празднующих, и в сладости некончаемой райстей, яко Благ, вольная прегрешения и невольная их, за крайнюю благодать простивый, Человеколюбче.

Стих: Душы их во благих водворятсЯ.

Мертвен: Глубиною мудрости человеколюбно вся строяй, и полезное всем подаваяй, Едине Содетелю, упокой, Господи, души раб Твоих: на Тя бо упование возложиша, Творца и Зиждителя и Бога нашего.

Слава, и ныне, Богородичен: Тебе и стѣну, и пристанище имамы, и молитвенницу благоприятну к Богу, Егже родила еси, Богородице безневѣстная, верных спасение.

Канон святым мучеником, иерархом, преподобным и усопшым, [егже

краестрочіе сице: Осмогласника новаго Божественный конец.] Труд же Иосифов. Глас 8:

Песнь 1

Ирмос: Поим Господеви, проведшему люди Своя сквозе Чермное море, яко един славно прославися.

Честнии бисерие явистеся, венец просвещающе честныя Церкве, страсотерпцы Христовы доблественнейшии.

Облисташа догмат добродетелей Божественными светлостыми премудрии святителие, и верных сердца просветиша.

Тебе в пророцех и в преподобных чуднаго молим, Слово: тех мольбами спаси нас.

Слава: Егда суд праведный приидеши сотворити, Праведнейший: неосужденно слово, тех мольбами спаси нас.

Богородичен: Господа рождшую Тя сведый, женский лик Тебе во след, Дево, страдальчествовав, тому приведеса.

Другий канон усопших, [егоже краестрочіе: Умирающим верным осьмое плету пение.] Глас 8:

Песнь 1

Ирмос: Воду прошед яко сушу, и египетскаго зла избежав, израильтянин вопияше: Избавителю и Богу нашему поим.

Смертию смерть Христову, и страстьми Стрась подражавше честную, мученицы вси, Божественныя и блаженныя жизни получиша.

Юности прегрешения презря, и грехи превосходя, Христе Спасе, прежде усопшыя рабы Твоя со избранными Твоими сопричти.

Слава: Юже получиша славу же и радость, иже блаженное стяжавше пребывание, подаждь богато Твоим рабом, яже приял еси, Многомилостиве.

И ныне: Зачала еси Слово Отчее, плоти соединшееся по ипостаси, Еже из Тебе, Всенепорочная Отроковице, ад Божественною силою упразднившее.

Песнь 3

Ирмос: Утверждей в начале Небеса, и землю основавый на водах многих, утверди мя к пению славословия Твоего, Господи.

Мерзкия жертвы страдальцы крепчайшею мыслию оттрясше, жертва чистейша Слову пожершемуся быша.

Обновляюще словесы священнодетельными обетшавшая всякими страстьми, обновившаго мир Божественнии ученицы явистеся.

Яже пророком прежде явлено, данная благодать Всесвятаго Духа, постники в последняя Божественных дарований исполни.

Слава: Ли́ком святы́х сочета́й, Бо́же, ве́рно от жити́я прешед́шья, и ра́я жителѝ сотвори́, за неизрече́нную ми́лость.

Богородичен: И́же ника́коже вмеща́емый Иису́с и Госпо́дь, нетесно́вместно в Твое́ всели́ся освяще́нное чре́во, Пречи́стая Де́во Всепе́тая.

И́н Ирмо́с: Небе́снаго кру́га Верхотво́рче Го́споди, и Це́ркве Зиждите́лю, Ты́ мене́ утверди́ в любви́ Твое́й, желáний кра́ю, ве́рных утвержде́ние, Еди́не Человеколю́бче.

Очи́стившеся дре́вняго прароди́тельного паде́ния, креще́нием и па́ки порождени́ем, струями́ же крове́й своих окропившеся Христу́, блаже́ннии, сца́рствуете.

И́же ме́ртв воле́ю положи́ся во гробе́, и живу́щья во гробѣхъ взы́вая, Спа́се, благово́ли, я́же от нас прия́л еси́, в селени́их пра́ведных Твои́х сим водворя́тися.

Слава: Благоутро́бием Божество́вныя Твое́я, Влады́ко, и соестество́внне разуме́аемыя бла́гости, умоле́н быва́я, грехо́в разреше́ние пода́в рабо́м Твои́м, Спа́се, упоко́й.

И ны́не: Вопло́щься из чре́ва Твоего́, и бы́в Челове́к, И́же изрядне́ сый Еди́н Человеколю́бец, спаса́ет челове́ка от вратъ сме́ртных, Богома́ти Пречи́стая, Еди́на Всепе́тая.

Пѣснь 4

Ирмо́с: Услы́шах, Го́споди, смотре́ния Твоего́ та́инство, разуме́х дела́ Твоя́, и просла́вих Твое́ Божество́.

Прешед́ше по́прище муче́ния, тепло́тою духо́вною, страда́льцы богоблаже́ннии, веще́ственную преле́сть попали́сте.

Преподо́бныя Твоя́, Го́споди, и святители́ све́тло просла́вил еси́: те́х Божество́вными мольба́ми, прича́тника мя́ сла́вы Твое́я сотвори́.

Е́же Божество́внаго Ду́ха вдохнове́ние, проро́ки просвети́вшее, жена́м крѣпость дарова́, враго́в погубля́ти шата́ния.

Слава: Сликовство́вати сподо́би со все́ми святы́ми, я́же преста́вил еси́ преблагі́й рабы́ Твоя́, в селени́их святы́х Твои́х, умоле́н быва́яй.

И ны́не: Зако́на Божество́внаго подате́ля, естество́ за́кона вы́ше родила́ еси́, возсозида́юща, Всенепоро́чная, челове́ческое естество́ по́ползшееся.

И́н Ирмо́с: Ты́ моя́ крѣпость, Го́споди, Ты́ моя́ и си́ла, Ты́ мой Бо́г, Ты́ моё ра́дование, не оста́вь недра́ О́тца, и на́шу нищету́ посети́в. Тем с проро́ком Авваку́мом зову́ Ти: си́ле Твое́й сла́ва, Человеколю́бче.

Да Твое́я, Влады́ко, сла́вы у́зрят, и све́тлость Твою́ светода́тельную на небесе́х получи́ат све́тло, вся́к вид муче́ний носи́ти претерпе́ша, мучени́цы Божество́вннии, Тебе́, Христе́, поюще́: си́ле Твое́й сла́ва, Человеколю́бче.

Мно́ги обите́ли у тебе́, Спа́се, су́ть, по досто́янию все́м разделя́емы, по ме́ре добродете́лей: ты́я убо, Ще́дре, исполнити́ сих сподо́би, яже ве́рою преста́вльшы́яся, благоче́стно Тебе́ вопию́щыя: си́ле Твое́й сла́ва, Человеколю́бче.

Сла́ва: Ра́вен на́м челове́к яви́лся еси́, Безсме́ртне, все́м ра́вно сме́рть претерпе́л еси́, и жи́зни показа́л еси́ пу́ть: ея́же преста́вльшы́яся сподо́би я́ко Человеколю́бец, проще́ние согреше́ний я́ко Влады́ка подава́я, и све́та прича́стие да́руй.

И ны́не: Ты́ ве́рных похва́ла еси́, Безневе́стная, Ты́ предста́тельница, и Ты́ прибе́жище христиа́н: стена́ и приста́нище, к Сы́ну Твоему́ мо́льбы но́сиши, Всенепоро́чная, и спаса́еши от бе́д, и́же верою́ и лю́бовию Богоро́дицу Чи́стую Тя ве́дущыя.

Пе́снь 5

Ирмо́с: Просвети́ на́с повеле́нии Твои́ми, Го́споди, и мы́щцею Твое́ю висо́кою Тво́й ми́р пода́ждь на́м, Человеколю́бче.

Претерпе́ша язвы́ плотски́я Божество́ннии му́ченицы, и сего́ ра́ди язвы́ на́ша при́сно исцеля́ют, уязвля́юще де́моны.

Святии́ Божи́и святители́, мо́лите со все́ми преподо́бными Христа́, грехо́в оставле́ние дарова́ти на́м.

Пло́ть ра́нами и обуче́нием изнури́вше, жены́ преподо́бныя, Человеколю́бче, в наде́ждах благи́х сподо́бишася.

Сла́ва: Сме́рть погуби́в, сме́ртию Твое́ю, Безсме́ртне, уме́ршыя в наде́жди и жи́зни, ве́рныя Твоя́ рабы́ я́ко Человеколю́бец упоко́й.

Богородичен: Упраздни́ла еси́, Чи́стая, пра́отец осужде́ние, все́х оправда́вшего плоти́ю ро́ждши Иису́са едина́го Го́спода.

И́н Ирмо́с: Вску́ю мя отринул еси́ от лица́ Твоего́, Све́те незаходи́мый, и покры́ла мя е́сть чужда́я тма́ окаянна́го? но обрати́ мя, и к све́ту за́поведей Твои́х пу́ти моя́ напра́ви, молю́ся.

Несказа́нныя Твоя́ сла́вы, и е́же па́че сло́ва Твоего́ блаже́нства, в селе́ниях святых, иде́же глас красе́н праздно́ующих, преста́вленныя к безстра́стней жи́зни уще́дрив, сподо́би, Еди́не Человеколю́бче.

Иде́же чи́ни а́нгельстии, иде́же пра́ведных собо́ри ра́дуются, Авраа́ма в не́дрех всели́, Спа́се, рабы́ Твоя́, и со дерзнове́нием страшно́му и Божество́нному Пре́столу предста́ти благоволи́, Благоутро́бне.

Сла́ва: Очи́щение на́м яви́лся еси́, пра́вда же и изба́вление, и я́звою Твое́ю на́ша немо́щи уврачева́л еси́. Ты́ убо, Ще́дре, я́ко Бла́г, преста́вльшы́яся в сла́дости райсте́й учини́.

И ны́не: Милостивно́, Милостиве́, челове́чества ме́ру восприя́л еси́, И́же Божество́нныя сла́вы пре́вышшими украша́яй возвы́шенными, от

Девических ложесн плоть приём одушевлёну, словесну, ёуже смёрть погубил еси.

Пёснь 6

Ирмос: Очи́сти мя, Спа́се, мно́га бо беззако́ния моя́, и из глубины́ зóл возведи́, молю́ся: к Тебе́ бо возопих, и услы́ши мя, Бо́же спасёния моего́.

Гноёнии ва́шими честны́ми душ исцеля́ете недуги, святы́и му́ченицы, и согнiтия телёс прiсно отемлете, уязвля́юще лука́вых дёмонов множество.

Преподо́бных лик, святiтелей же сослóвие, и жён свящённых Божёственное сочетание, твёрдо страдальчествовавшие, на Небесех наслаждёния наследоваша.

Умертвiвшие, постницы, плоть, живóт улучiсте: пiсше же дóбре Христо́во стадо, святителие премудрии, безсмертныя славы по кончине сподобистесь.

Слава: Живых Сло́ве живóт, и умерших покой сый, яже от нас Божёственным Твоим мановёнием, преставленья рабы́ Твоя́, Авраа́ма в недра уго́дника Твоего́ всели.

Богородичен: Вселися в Тя, Чiстая, Отчее сияние, и невещёственными зарями своего́ Божества́, тьму́ разруши́ многобо́жия, и мир просвети́.

Ин Ирмос тойже.

Му́ченицы Твой, Спа́се, мно́гия му́ки претерпёша, любóвию Твоею́ душа́ми уязвившеся святы́и, Твоя́ жела́юще присносущныя славы, и сладкаго Твоего́ причастия.

Чре́во врага́ смёртию растерза́л еси́, Спа́се, и вся́ яже в нём ю́зники воскресил еси́, живóт дарова́вый: его́же преставленья, Благоде́телю, сподоби.

Слава: Сле́з и воздыхания́ сущы́я во а́де рабы́ Твоя́ свободи́, Спа́се: яко́ Еди́н бо Благоутро́бен, отя́л еси́ вся́ку слёзу от всякаго лица́, вёрно благословя́щих Тя.

И ны́не: И́же естество́м Содётель, соде́тельствуется в ложесна́х Твоих, по́лный яко́ Бо́г, истоца́вается, Всенепоро́чная: еди́н Безсмертны́й, за всёх спасёние умирает смёртию.

Кондак, глас 8: Со святы́ми упокой, Христё, ду́шы ра́б Твоих, иде́же несть болёзнь, ни печаль, ни воздыхание, но жизнь безконечная.

Икос: Сам еди́н еси́ Безсмертны́й, сотворивы́й и созда́вый челове́ка: земни́й у́бо от земли́ созда́хомся, и в землю́ ту́южде по́йдем, яко́же повелёл еси́, созда́вый мя, и рекий ми: яко́ земля́ еси́, и в землю́ отидеши, а́може вси́ челове́цы по́йдем, надгробное рыда́ние творя́ще пёснь, аллилуиа.

Пёснь 7

Ирмос: О́троцы бо́гочести́вии в Вавило́не о́бразу злато́му не поклоня́шася, но посре́де пе́щи о́гненныя ороша́еми песнь воспева́ху, глаголю́ще: превозно́симый отце́в и на́с Бо́же, благослове́н еси́.

Разруши́вше о́плот злочести́я вяза́ными свяще́нными ва́шими, всехва́льнии, мо́их согреше́ний бремя́ расточи́те, и вопи́юща мучени́цы спаси́те: благослове́н Бог о́тец на́ших.

Ту́чами свяще́нных ва́ших крове́й, ересе́й о́гнь угаси́сте: и пла́менем, святители́е премудри́и, попали́сте нечести́я преле́сти плевелы́, и ве́рных ду́шы просвети́сте.

Постни́цы воздержани́ем плоти́ умертви́вше, живу́т по сме́рти: проро́к же пра́ведных лик, и сочета́ние же́нское страда́льчествова́вшее прославися́. Те́х молитва́ми, Христе́, от бе́д изба́ви на́с.

Слава: Все́х в наде́жди жизни́ усопши́х ду́шы, Христе́, упоко́й, презира́яй я́же в житии́ те́х согреше́ния, за мно́гое благоутро́бие Твое́, благоутро́бне Еди́не Спа́се, отце́в Бо́же благослове́н еси́.

Богородичен: Вся́ яко́ Чи́стая восприя́ла еси́ во утробу́ Сло́во воплоща́емо: Того́ моли́, Пречи́стая, прегреше́ний очи́стити мя́ ду́ши и те́ла, к Тебе́ чи́стою ве́рою притека́ющаго.

И́н Ирмос: О́троцы еврейсти́и в пе́щи попра́ша пла́мень дерзнове́нно, и на́ росу́ о́гнь преложи́ша, вопи́юще: благослове́н еси́, Го́споди Бо́же во ве́ки.

Все́ желани́е мучени́ков простре́ся ко еди́ному Влады́це, любóвию Тому́ соединя́емое, и пою́щее: благослове́н еси́, Го́споди Бо́же во ве́ки.

Пода́еши ве́рою преста́вльшымся́ све́тлость Божество́ннаго Ца́рствия, нетле́ния оде́жду да́руяй вопи́ющим: благослове́н еси́, Го́споди Бо́же во ве́ки.

Слава: Исполни́ ра́дости и весе́лия, я́же преста́вил еси́ рабы́ Твоя́, Ще́дре, сподо́бивый их взыва́ти Тебе́ и пе́ти: благослове́н еси́, Го́споди Бо́же, во ве́ки.

И ны́не: Разре́шая́ Е́вину кля́тву, в Пренепо́рочную всели́лся еси́ Де́ву, благослове́ния исто́чник источа́я вопи́ющим: благослове́н, Пречи́стая, Пло́д Твоего́ чре́ва.

Песнь 8

Ирмос: Богоглаго́ливии о́троцы в пе́щи со о́гнем пла́мень попира́юще поя́ху: благослови́те дела́ Господня́ Го́спода.

Хра́мы идо́льския низложи́сте страда́льчествова́юще, и себе́ Трои́цы Божество́нныя хра́мы созда́сте, страстоте́рпцы́ Господни́ Ангелом собеседни́цы.

Священни́цы Твоя́, Христе́, в пра́вду облекше́ся преподо́бно с су́щими

от вѣка нынѣ радуются, Твою доброту зряще Божественную яснейше.

Священнейших молитвами пророк Твоих, и жен приснославных, сущих от вѣка праведных, милости Твоя, Слово, миру Твоему даруй.

Благословим Отца, и Сына, и Святаго Духа, Господа.

Правосуде, егда хоцещи судити, яже от нас приял еси, неосуждены соблюди, презрев тех согрешения, Владыко.

Богородичен: Явльшися, Дѣво, души моея темнейшыя облаки просвещением Твоим отжени, правды солнца рождшая.

Ин Ирмос: Мусикійским органом согласующим, и людем безчисленным поклоняющимся образу в Деире, три отроцы не повинувшеса, Господа воспеваху, и славословляху во вся веки.

Земленя подвиги прошедше, небесныя прияша венцы мученицы истиннии, вопиюще Ти непрестанно: Господа пойте, и превозносите во вся веки.

Сошед в ров преисподнейший, иже во гробех живущыя воскресил еси живоначальною дланию, и подал еси рабом Твоим, верою прежде усопшым покой, Щедре.

Слава: Яко источник жизни присносущныя, яко сладости сый поток, рабы Твоя благочестно к Тебе преставленья сподоби пѣти, и славословити Тя во вся веки.

И ныне: Марие Дѣво Богородице, яже Бога Спаса человеком рождшая телесно, спасай верою поющыя Твое Рождество, и превозносящыя во вся веки.

Таже, пѣснь Богородицы: Величит душа моя Господа:

Пѣснь 9

Ирмос: Тя неискусобрачную Матерь Бога вышняго, Тя паче ума рождшую словом воистинну Бога, вышшую пречистых сил, немолчными славословлѣнии величаем.

Стояху мученицы пред неправедными судищи, всю неправду благодатию Христовою осудивше, и яже от них держимыя изъемлюще, и венцы правды приемлюще.

Явистеся якоже кормила Церкви, корабль весь благочестно направивше Божиих заповедей, вси первосвященноначальницы и пастырие блаженнии: сего ради яко окормители вас чтим.

Собор молит Тя, Господи, пророк, и преподобных, сословіе жен страдальчествовавших светлейше, и возсиявших во обучении, Человеколюбче, молит Тя, щедроты Твоя нам даруй.

Слава: Еяже сподобишася чести и славы вечныя вси святїи Христовы: яже верно отшедшыя жития суетнаго, причаститися рабы Твоя сподоби,

Милостиве, молитвами святых Твоих.

Богородичен: Носящи исполнение благих во объятиих, Всенепорочная, исполни нас мольбы раб Твоих: и яже к Богу шествия наша исправи, добродетельне укрепляючи житьствовати.

Ин Ирмос: Устрашися всяк слух неизреченна Божия снизхождения, яко Вышший волею сниде даже и до плоти, от Девическаго чрева быв Человек. Темже Пречистую Богородицу вернии величаем.

Имуще мученицы Христовы непобедимую крепость, и неодолеемую, уничижите мучителей безбожное веление, и Царствия Небеснаго яве сподобитесь, просвещаемы Троичными зарями достохвальнии.

Разрушися ад горький, разрушившу Ти его, Человеколюбче, и воскресившу яже от века тамо спящия: но и ныне яко благ прешедшыя к Тебе, Благоутробне, невечерняго света Твоего сподоби.

Слава: Весь еси, Спасе, сладость: весь еси желание, и любовь воистинну ненасытная: весь еси доброта несказанная: преставльшыя убо к Тебе, Твоя красота наслаждаются благоволи, и Божественныя доброты Твоя сподоби.

И ныне: Спаси мя, матери Божия, рождающая Христа Спаса моего, Бога и Человека, сугуба естеством, не ипостасию: единородна убо от Отца, из Тебе же первородна вся твари: Егоже в сугубом естестве величаем.

Таже, Достойно есть: ектения, и светилен, и псалмы обычные.

На хвалитех стихиры мученичны, глас 8:

Вельми подвижастесь, святии, муки беззаконных претерпесте доблественне, и Христа исповедавшие пред цари: и паки преставльшеся от жития, силы действуете в мире: и немощныя исцеляете от страстей их святии, моляще спастися душам нашим.

Мученицы Христовы непобедимии, победивше прелесть силою крестною, наслаждаетесь благодати вечныя жизни: мучителей прещения не убоястесь, муками ураняеми веселистесь: и ныне крови ваша быша исцеления душам нашим, молитесь спастися душам нашим.

Во броня веры оболкшеся добре, и образом крестным вооруживше себе, воины Богомощнии являетесь: мучителем мужески противистесь, и диаволу прелесть низложисте, победницы бывше, венцев сподобитесь, молящеся присно о нас, во еже спастися нам.

Покойн: Безмерна есть блудно живущим мука, скрежет зубов, и плачь неутешимый, геенна огненная, и тма кромешная, и червь неусыпаемый, слезы недействительны, и суд немилостивый. Сего ради прежде конца возопиим, глаголюще: Владыко Христе, яже избрал еси, со избранными Твоими упокой.

Сла́ва, и ны́не, Богоро́дичен: А́з, Де́во Свята́я Богоро́дице, к покрóву Твоему́ прибега́ю, вѣм, яко обря́щу Тобо́ю спасѣние: можеши бо, Чистая, помощи́ мнѣ.

На стихóвне стихи́ры покойны, глас 8:

Подобен: О преславнаго чудесе!

Царское ми́ подписа́в свобожде́ние, ша́ры червлѣнными, пѣрсты Твоя́ окровави́в Влады́ко, и обагри́в Твоею́ кро́вию. Те́мже Тя́ ве́рою мо́лим: с перво́родными Твоими́ причти́, и праведных Твои́х радости́ сподо́би улучи́ти, прешед́шыя к Тебе́ благоутро́бному.

Стих: Блажени, я́же избра́л и прия́л еси́, Го́споди.

Священство́вав яко́ человек, заклан́ бы́в яко́ А́гнец, приноше́ние приноси́лся еси́ Отцу́, челове́ка от тли́ изыма́я: предста́вльшы́ся у́бо яко́ Человеколю́бец, в живу́щих стране́ учини́, иде́же пото́цы сладости́ пролива́ются, иде́же источни́цы присносу́щества истека́ют.

Стих: Ду́шы их во благо́их водворя́тся.

Глубино́ю му́дрости неизрече́нныя Твоея́ предело́полага́еши живо́т, и прови́диши бу́дущая, и к жи́зни друго́й пресе́ляеши рабы́ Твоя́, я́же прия́л еси́ у́бо, учини́ на вода́х упоко́ения, во све́тлости святы́х, Го́споди, иде́же глас́ ра́дования и хваления́.

Стих: И па́мять их в ро́д и ро́д.

Сло́во съ́й невиди́мый, еди́норасле́нный Отцу́ и Ду́ху созра́чный, мене́ ра́ди челове́ка плóтию явил́ся еси́: яко́ милостив у́бо и Человеколю́бец, я́же от жити́я прешед́шыя, благоле́пия Твоего́ и красotý добрóтами, те́х просвети́, Живонача́льнейший.

Сла́ва, и ны́не, Богоро́дичен: Я́ко заче́нши безнача́льное Сло́во Бо́га Отца́, Ма́терним Твои́м дерзнове́нием приле́жно моли́, Богороди́тельнице, учини́ти рабы́ Твоя́, иде́же ликование́ праведных́ непреста́нное весе́лящихся и хва́лящих Тя́, иде́же све́тлость ве́чнуюющая, и сладкий глас́ праздну́ющаго.

Тропа́рь, ектени́а и отпу́ст.

В суббóту на литургии блаженна, глас 8:

Помяни́ нас, Христе́ Спа́се ми́ра, яко́же разбо́йника помяну́л еси́ на Дре́ве: и сподо́би все́х, Еди́не Ще́дре, Небе́снаго Ца́рствия Твоего́.

Все́м боле́знем кре́пко приобща́ющесе́, язвами ва́шими святы́ми, страстоте́рпцы, уязви́те все́ тмы бесо́в, Божество́нною благода́тию.

Преподо́бнии Христовы́, и Божество́ннии святители́е, собо́р проро́ческий, и все́х святы́х пра́ведных, небе́сное получи́ша насле́дие: ихже по досто́янию да ублажи́м.

Все́х ве́рно от жития́ предста́вленных учини́, Бо́же, в страна́х пра́ведных: и ра́я покажи́ насле́дники, боголе́пно песносло́влящих Тя́.

Сла́ва: Пе́ние Ти́, Трои́це, приношу́ конече́ное: ихже от земли́ предста́вила еси́ в ве́ре, святы́х сподо́би селения́, и мене́ блу́днаго поми́луй.

И ны́не, Богоро́дичен: Все́х до́брых исполне́ние рождши́, исполни́ наша́, Де́во, моле́ния. Согреше́ний нам оставле́ния прося́щи, и просвеще́ния и ве́лия милости́.

Конец осмо́му гласу́.

Приложения

Столпí евангелъстии

Столп пёрвый, починаётся в пёрвую недёлю Петро́ва поста́,
Евангелиям у́тренним

глас,1Евангелие, воскрёсно,2

глас,2Евангелие, воскрёсно,3

глас,3Евангелие, воскрёсно,4

глас,4Евангелие, воскрёсно,5

глас,5Евангелие, воскрёсно,6

глас,6Евангелие, воскрёсно,7

глас,7Евангелие, воскрёсно,8

глас,8Евангелие, воскрёсно,9

Столп второй, починаётся по Илиинё дни, Евангелиям у́тренним

глас,1Евангелие, воскрёсно,10

глас,2Евангелие, воскрёсно,11

глас,3Евангелие, воскрёсно,1

глас,4Евангелие, воскрёсно,2

глас,5Евангелие, воскрёсно,3

глас,6Евангелие, воскрёсно,4

глас,7Евангелие, воскрёсно,5

глас,8Евангелие, воскрёсно,6

Столп третий, починаётся по Воздвижению честнаго Креста,
Евангелиям у́тренним

глас,1Евангелие, воскрёсно,7

глас,2Евангелие, воскрёсно,8

глас,3Евангелие, воскрёсно,9

глас,4Евангелие, воскрёсно,10

глас,5Евангелие, воскрёсно,11

глас,6Евангелие, воскрёсно,1

глас,7Евангелие, воскрёсно,2

глас,8Евангелие, воскрёсно,3

Столп четвертый, починаётся в пост Рождества Христова, Евангелиям
у́тренним

глас,1Евангелие, воскрёсно,4

глас,2Евангелие, воскрёсно,5

глас,3Евангелие, воскрёсно,6

глас,4Евангелие, воскрёсно,7

глас,5Евангелие, воскрёсно,8

глас,6Евѡнгеліе, воскрѣсно,9
глас,7Евѡнгеліе, воскрѣсно,10
глас,8Евѡнгеліе, воскрѣсно,11

Столп пятый, починается по Крещени Господни, Евѡнгелиям
утренним

глас,1Евѡнгеліе, воскрѣсно,1
глас,2Евѡнгеліе, воскрѣсно,2
глас,3Евѡнгеліе, воскрѣсно,3
глас,4Евѡнгеліе, воскрѣсно,4
глас,5Евѡнгеліе, воскрѣсно,5
глас,6Евѡнгеліе, воскрѣсно,6
глас,7Евѡнгеліе, воскрѣсно,7
глас,8Евѡнгеліе, воскрѣсно,8

Столп шестый, починается во святыи Великий пост, Евѡнгелиям
утренним

глас,1Евѡнгеліе, воскрѣсно,9
глас,2Евѡнгеліе, воскрѣсно,10
глас,3Евѡнгеліе, воскрѣсно,11
глас,4Евѡнгеліе, воскрѣсно,1
глас,5Евѡнгеліе, воскрѣсно,2
глас,6Евѡнгеліе, воскрѣсно,3
глас,7Евѡнгеліе, воскрѣсно,4
глас,8Евѡнгеліе, воскрѣсно,5

Начало воскресных ексапостиларий

и утренних самогласных, сиречь евангельских стихир, и утреннии убо стихиры суть творение Льва царя премудраго: ексапостиларии же сына его Константина царя.

Ексапостиларий 1: Со ученики въздем на гору Галилейскую, верою Христа видети глаголюща, власть прияти вышних и нижних, научимся: како учит крещати, во имя Отца, и Сына, и Святаго Духа, языки вся, и пребывати с тайнники, якоже обещася, до скончания века.

Богородичен: Со ученики радовалася еси Богородице Дево, яко Христа видела еси воскресшаго от гроба тридневна, якоже рече: имже и явися, научая и являя лучшая, и крещати во Отце, и Сыне, и Дусе повелевая, еже веровати нам Того востанию, и славити Тя Отроковице.

Утренняя стихира, глас 1:

На гору учеником идущим за земное [еже от земли] вознесение, предста Господь, и поклонившеся Ему, и данныя власти везде научившеся, в поднебесную послахуся, проповедати еже из мертвых воскресние, и еже на небеса возшествие: имже и во веки спребывати неложный обещася Христос Бог, и Спас душ наших.

Ексапостиларий 2: Камень узревши отвален мираносицы, радовахуся, видеша бо юношу сидяща во гробе, и той тем рече: се Христос востал есть, рцыте с Петром учеником: на гору приспейте Галилейскую, тамо вам явится, якоже предрече другом.

Богородичен: Ангел убо принесе Дево, еже радуйся, прежде Твоего зачатия Христе, ангел же камень отвали гроба Твоего, вместо печали: ов убо радости неизреченныя знамения, ов же в смерти место, подателя Тя жизни проповедуя и величая, и глаголя воскресние женам, и тайнником.

Утренняя стихира, глас 2:

С мiры пришедшым яже с Мариєю женам, и недоумевающимся, како будет им улучшить желание, явися камень взят, и Божественный юноша утоля мятеж душ их: воста бо глаголет, Иисус Господь. Темже проповедите проповедником Его, учеником в Галилею тещи, и видети Его воскресша из мертвых, яко Жизнодавца и Господа.

Ексапостиларий 3: Яко Христос воскресе, никтоже да не верует: [не не веруй] явися бо Марии, потом же виден бысть на село идущима, тайнником же паки явися, возлежащым единонадесятим, ихже крещати послав, на небеса вознесеса, отнюдуже и сниде, утверждая проповедание множества знамений.

Богородичен: Возсиявшее Солнце, яко от чертога жених, из гроба днесь, и ад пленив, и смерть упразднив, Тебе рождшия молитвами, свет нам низпосли: свет, просвещающ сердца и души: свет, ходити всех наставляющ на стези повелений Твоих, и на путь мира.

Утренняя стихи́ра, глас 3:

Магдалине Марии Спасово благовествующей из мертвых воскресние и явление, не верующе ученицы, поносими быша о жестосердии: но знаменни вооружшеся и чудесы, ко проповеданию посылахуся, и Ты убо Господи, к начальному свету вознеслся еси Отцу, они же проповедаша всюду слово, чудесы уверяюще. Темже просветившеся теми, славим Твое еже из мертвых воскресние, Человеколюбче Господи.

Ексапостиларий 4: Добродетельми блиставшеся, видим предстояща в живоноснем гробе мужа в блестящихся ризах: мироносицам преклоньшым лица на землю, небесы Владычествующаго воскреснию да научимся, и к Живота гробу с Петром притецем: и содеянному удивльшеся пребудем Христа видети.

Богородичен: Радоватися вещавый, претворил еси печаль прародителей Господи, радость внося востания Твоего в мире: того убо Живодавче, рождшею Тя, свет просвещающ сердца, свет щедрот Твоих низпосли, еже вопити Тебе: Человеколюбче Богочеловече, слава Твоему востанию.

Утренняя стихи́ра, глас 4:

Утро бе глубоко, и жены приидоша на гроб Твой, Христе: но тело не обретесе желаемое ими: темже недоумевающимся, яже в ризах блестящихся представшая глаголаста: что живаго с мертвыми ищите? воста, якоже предрече, что не помните глагол Его? имже веровавша виденная проповедаху, но мняхуся лжа благовещения: тако быша еще косни ученицы: но Петр тече и виде прослави Твоя в себе чудеса.

Ексапостиларий 5: Живот и Путь, Христос воста из мертвых, Клеопе и Луце спутешествова, имаже и познася во Еммаусе, преломляя хлеб: еюже души и сердца горяща бяху, егда тема глаголаше на пути, и писания сказоваше, яже претерпе. с нимаже, воста, зовем, явися же и Петрови.

Богородичен: Пою безчисленную Твою милость, Творче мой, яко Себе истощил еси, понести и спасти человеческое естество озлобленное: и Бог сый, изволил еси, от Чистыя Богоотроковицы, по мне быти, и снити даже до ада, хотя ми спастися, молитвами рождшия Тя, Владыко всещедрый.

Утренняя стихи́ра, глас 5:

О премудрых судеб Твоих Христе! како Петру убо плащаницами едиными дал еси разумети Твое воскресние? Луце же и Клеопе

спутьше́ствуя бесе́довал еси́, и бесе́дуяй не а́бие себе́ явля́еши: те́мже и поно́сим бы́ваеши, я́ко еди́н пришельству́яй во Иеру́сали́м, и не причаща́йся в ко́нec со́вета их: но и́же вся́ к создáния поль́зе стрóя, и я́же о Тебе́ проро́чества открýл еси́, и внегда́ благослови́ти хлѣб позна́лся еси́ им, ихже и пре́жде того́ сердца́ к позна́нию Твоему́ распала́стася: и́же и учени́ком со́бранным уже́ ясно проповѣ́даста Твое́ воскресе́ние, и́мже поми́луй нас.

Ексапостиларий 6: Показу́я, я́ко челове́к еси́ Спа́се, по существу́, посреде́ ста́в воскресе́ от грóба, и бра́шна сопричастился еси́, учи́л еси́ креще́нию пока́яния. А́бие же к Небе́сному возне́слся еси́ Отцу́, и учени́ком Уте́шителя послáти обеща́л еси́ пребоже́ственный Богочелове́че: сла́ва Твоему́ воста́нию.

Богорóдичен: Творе́ц создáния, и Бо́г все́х, плóть челове́ческую́ прия́т от пречи́стых крове́й Твоих, Всесвята́я Де́во, и истле́вшее моё́ все естество́ новосоде́ла, па́ки я́коже пре́жде рожде́ства оста́вь по рожде́стве. Те́мже Тя ве́рно вси́ восхваля́ем, зову́ще: раду́йся Влады́чице ми́ра.

У́тренняя стихи́ра, гла́с 6:

Исти́нный ми́р Ты́ Христе́, к челове́ком Бо́жий ми́р Тво́й да́я, по воста́нии учени́ком, пристра́шны показа́л еси́ я́, мня́щья́ ду́х ви́дети: но ути́шил еси́ мяте́ж ду́ши их, показáвший ру́це и но́зе Тво́й. Оба́че не ве́рующим е́ще, бра́шен прича́щением, и учений́ воспомина́нием, отве́рзл еси́ их ум, е́же разуме́ти писáния: и́мже и Оте́ческое обетова́ние обеща́в, и благослови́в я́, отступи́л еси́ на не́бо. Те́мже с ни́ми поклáняемся Тебе́, Го́споди сла́ва Тебе́.

Ексапостиларий 7: Я́ко взя́ша Го́спода, Мари́и ре́кшей, на грóб теча́ста, Си́мон Пе́тр, и други́й тайнник Христо́в, е́гоже любля́ше: теча́ста же о́ба, и обрето́ста плащаницы́ еди́ны вну́три лежа́ща, и гла́вны́й же бе́ сударь́ крoме́ их. Те́мже па́ки умолча́ста, до́ндеже Христа́ ви́деста.

Богорóдичен: Ве́лия и пресла́вная мене́ ра́ди соде́ял еси́ Христе́ мо́й многоми́лостиве: от Де́вы бо Отрокови́цы роди́лся еси́ несказанно́, и крест подъя́л еси́, и сме́рть претерпе́в воскресе́л еси́ во сла́ве, и на́ше естество́ от сме́рти свободи́л еси́. Сла́ва Христе́ сла́ве Твое́й, сла́ва си́ле Твое́й.

У́тренняя стихи́ра, гла́с 7:

Се́ тьма́, и ра́но, и что́ у грóба Мари́е сто́йши, мно́гую тьму́ име́ющи в ра́зуме, в не́йже, гдѣ́ положен бы́сть, вопроша́еши, Иису́с? но ви́ждь срищу́щаяся учени́ки, ка́ко плащаница́ми и сударём́ воскресе́ние обрето́ша, и помяну́ша я́же о сих писáния. С ни́миже и и́миже и мы́ верова́вше, воспе́ваем Тя́ жизнoда́вца Христа́.

Ексапостиларий 8: Два́ а́нгела ви́девши вну́три грóба, Мари́а

удивля́шеся, и Христа́ не зна́ючи, я́ко вертогра́даря вопроша́ше: Го́споди, гдѣ положи́л еси́ тѣло́ Иису́са моего́? зва́нием же того́ позна́вши бы́ти само́го Спа́са, слы́ша: не прикаса́йся Мнѣ, ко Отцу́ отхожду́, рцы́ бра́тии Моёй.

Богоро́дичен: От Трои́цы роди́ла еси́ Отрокови́це, Еди́наго неизрече́нно во двою́ естеству́ су́ща, и сугуба́ действом, и еди́наго ипоста́сию. Того́ у́бо моли́ присно, о́ иже ве́рою покланя́ющихся, от вся́каго наве́та вра́жия изба́виться: я́ко вси́ к Тебе́ ны́не прибега́ем, Влады́чице Богороди́це.

У́тренняя стихи́ра, гла́с 8:

Мари́ины слѣзы не всу́е пролива́ются те́пле, се́ бо сподо́бися и уча́щих а́нгелов, и видѣ́ния само́го Иису́са: те́мже и отсыла́ется не прикаса́тися Христу́. Но о́баче проповѣ́дница посыла́ется Твои́м учени́ком, имже́ благовество́вание нося́щи, е́же ко Оте́ческому жре́бию восхо́д возвеща́ющи: с не́юже сподо́би и на́с явле́ния Твое́го Влады́ко Го́споди.

Ексапостила́рий 9: Заклю́ченным Влады́ко двѣрем, я́ко вше́л еси́, апо́столы испо́лнил еси́ Ду́ха Пресвята́го, мирно́ дунув: имже́ вяза́ти же и рѣша́ти грехи́ рекл еси́: и по осми́ дне́х Твоя́ ребра́ Фо́ме показа́л еси́, и ру́це. С нимже́ вопие́м: Го́сподь и Бо́г Ты еси́.

Богоро́дичен: Твое́го Сы́на я́ко ви́дела еси́ от гроба́ воскрѣ́сша тридне́вна, Богоневѣ́стная, Пресвята́я Де́во, всю́ скорбь́ отложи́ла еси́, ю́же подъя́ла еси́, я́ко Ма́ти, егда́ узрѣ́ла еси́ стражду́ща: и ра́дости испо́лншися со учени́ки Его́ почита́ющи Того́, пое́ши. Те́мже и́же Богороди́цу Тя ны́не испове́дающих спаса́й.

У́тренняя стихи́ра, гла́с 5:

Я́ко в послѣ́дняя́ лета́, су́щю по́зде от суббо́т предста́л еси́ друго́м Христе́, и чуде́сем чу́до извествуе́ши, заклю́ченным входом́ двѣрным, е́же из ме́ртвых Твое́ воскрѣ́сние: но испо́лнил еси́ ра́дости учени́ки, и Ду́ха Свята́го препода́л еси́ им, и вла́сть пода́л еси́ оставле́ния грехо́в и Фо́мы не остави́л еси́ в неве́рствия погружа́тися бу́ри. Те́мже пода́ждь и на́м разум́ истинный, и оставле́ние прегрѣше́ний благоутро́бне Го́споди.

Ексапостила́рий 10: Тивериа́дское́ мо́ре с детьми́ Зеведе́евыми, На́фана́ила с Петро́м же и со други́ма двема́ дре́вле, и Фо́му имяше́ на лове́: и́же Христовы́м повеле́нием одесну́ю вве́ргше, мно́жество извлеко́ща ры́б: Е́гоже Петро́м позна́в, к Нему́ бродя́ше, имже́ трѣ́тие явлей́ся, и хле́б показа́, и ры́бу на у́глех.

Богоро́дичен: Воскрѣ́сшаго Го́спода тридне́вна от гроба́, Де́во, моли́ о́ воспева́ющих Тя, и любóвию блажа́щих: Тебе́ бо и́мамы́ вси́ прибежи́ще спаси́тельное, и ходата́ицу к нему́: насле́дие бо Твое́, и раби́ есмь́

Богородице, и к Твоему заступлению всизираем.

Утренняя стихира, глас 6:

По еже во ад сошествии, и еже из мертвых воскреснии, скорбяще якоже достояше, о разлучении Твоем Христе, ученицы на делание обратишася, и паки корабли и мрежи, и лова нигдеже: но ты Спасе, явився яко Владыка всех, одесную мрежи повелеваеши воврещи, и бысть слово дело вскоре, и множество рыб многое, и вечера странная готова на земли: еяже причастившись тогда Твоим учеником, и нас ныне мысленно сподоби насладитися, Человеколюбче Господи.

Ексапостиларий 11: По Божественном востании, трижды Петра, любиши ли Мя, вопрошая Господь, своих овец предлагает пастыреначальника: иже видя, егоже любляше Иисус, во след грядуща, вопрошаше Владыку: сей же что? аще хочу, рече, пребывати сему, дондеже и паки прииду, что к тебе, друже Петре?

Богородичен: О страшное таинство, о преславное чудо! смертью смертью всеконечно погублена бысть. Кто убо не воспоеет? и кто не поклонится Твоему воскресению Слове, и чисто рождшей Тя плотию Богородице? Еяже молитвами, всех геенны избави.

Утренняя стихира, глас 8:

Являя себе учеником Твоим, Спасе, по воскресении Симону дал еси овец паству, за любви воздаяние, яже о пастве, попечения ищя. Темже и глагола еси: аще любиши Мя Петре, паси агнцы моя, паси овцы моя. Он же абие показуя друголюбное, о друзем ученице вопрошаше: ихже молитвами Христе, стадо Твое сохраняй, от волков губящих е.

Воскресная Евангелия утренняя

Евангелие воскресно первое, от Матфея, зачало 116.

Во время оно едининадесять ученицы идоша в Галилею, в гору, а може повеле им Иисус: и видевшие Его, поклонишася Ему: ови же усумнешася. И приступль Иисус, рече им, глаголя: дадеся Ми всяка власть на небеси и на земли: шедше убо научите вся языки, крестяще их во имя Отца и Сына и Святаго Духа, учаще их блюсти вся, елика заповедах вам: и се, Аз с вами есмь во вся дни до скончания века. Аминь.

Евангелие воскресно 2, от Марка, зачало 70.

Во время оно, минувши субботе, Мариа Магдалина и Мариа Иаковля и Саломиа купиша ароматы, да пришедши помажут Иисуса. И зело заутра во едину от суббот приидоша на гроб, возсиявшу солнцу, и глаголаху к себе: кто отвалит нам камень от дверей гроба? [И воззревши видеша, яко отвален бе камень:] бе бо велий зело. И вшедши во гроб, видеша юношу сидяща в десных, одеяна во одежду белу: и ужасошася. Он же глагола им: не ужасайтесь: Иисуса ищите Назарянина распятаго: воста, несть zde: се, место, идеже положиша Его: но идите, рцйте учеником Его и Петрови, яко варяет вы в Галилеи: тамо Его видите, якоже рече вам. И изшедши бежаша от гроба: имяше одержаше же их трепет и ужас: и ни комуже ничтоже реша: бояхубося.

Евангелие воскресно 3, от Марка, зачало 71.

Во время оно, воскрес Иисус заутра в первую субботу, явися прежде Марии Магдалини, из неяже изгна седмь бесов. Она же шедши возвести с ним бывшим, плачущимся и рыдающим: и они слышавше, яко жив есть и виден бысть от нея, не яша веры. По сих же двема от них грядущема явися инем образом, идущема на село. И та шедша возвестиста прочым: и ни тема веры яша. Последи же возлежащим им единомунадесяте явися, и поноси неверствию их и жестосердию, яко видевшим Его воставша не яша веры. И рече им: шедше в мир весь, проповедите Евангелие всей твари. Иже веру имет и крестится, спасен будет: а иже не имет веры, осужден будет. Знамения же веровавшим сия последуют: именем Моим бесы ижденут: языки возглаголют новы: змия возмут: аще и что смертно испиют, не вредит их: на недужныя руки возложат, и здрави будут. Господь же убо, по глаголании Его к ним, вознесся на небо и седе одесную Бога. Они же изшедше проповедаша всюду, Господу поспешствующу и слово утверждающую последствующими знаменьями. Аминь.

Евангелие воскресно 4, от Луки, зачало 112.

Во время оно, во едину же от суббот зело рано приидоша на гроб, носящя яже уготоваша ароматы: и другия с ними: обретоша же камень отвален от гроба, и вшедшия не обретоша телесе Господа Иисуса. И бысть не домшляющимся им о сем, и се мужа два стаа пред ними в ризах блестящих. Пристрашным же бывшим им и поклоншым лица на землю, рекоста к ним: что ищите живаго с мертвыми? несть zde, но воста: помяните, якоже глагола вам, еще сый в Галилеи, глаголя, яко подобает Сыну человеческому предану быти в руке человек грешник, и пропяту быти, и в третий день воскреснути. И помянуша глаголы Его: и возвращшыя от гроба, возвестиша вся сия единомунадесяте и всем прочым. Бяше же Магдалина Мариа и Иоанна и Мариа Иаковля, и прочыя с ними, яже глаголаху ко апостолом сия. И явишася пред ними яко лжа глаголы их, и не вероваху им.

Евангелие воскресно 5, от Луки, зачало 113.

Во время оно, Петр же востав тече ко гробу, и приник виде ризы едины лежащя: и отиде, в себе дився бывшему. И се два от них беста идуща в тойже день в весь, отстоящу стадий шестьдесят от Иерусалима, ейже имя Еммаус: и та беседоваста к себе о всех сих приключшихся. И бысть беседующема има и совопрошающемася, и сам Иисус приближвся идяше с ними: очи же ею держастесь, да Его не познаета. Рече же к ним: что суть словеса сия, о нихже стязаетася к себе идуща, и еста дряхла? Отвещав же един, емуже имя Клеопа, рече к Нему: Ты ли един пришлец еси во Иерусалим, и не уведел еси бывших в нем во дни сия? И рече има: кийх? она же реста ему: яже о Иисусе Назаряине, Иже бысть муж пророк, силен делом и словом пред Богом и всеми людьми: како предаша Его архиереи и князи наши на осуждение смерти, и распяша Его: мы же надеяхомся, яко Сей есть хотя избавити Израиля: но и над всеми сими, третий сей день есть днесь, отнелиже сия быша. Но и жены некия от нас ужасиша ны, бывшыя рано у гроба: и не обретшя телесе Его, приидоша, глаголющя, яко и явление ангел видеша, иже глаголют Его жива. И идоша нецыи от нас ко гробу, и обретоша тако, якоже и жены реша: Самаго же не видеша. И Той рече к ним: о несмысленная и косная сердцем, еже веровати о всех, яже глаголаша пророцы: не сия ли подобаше пострадати Христу и внити в славу Свою? И начен от Моисеа и от всех пророк, сказаши има от всех Писаний яже о нем. И приближишася в весь, в нюже идяста: и Той творящеся далечайше ити. И нуждаста Его, глаголюща: облязи с нама, яко к вечеру есть, и приклонился есть день. И вниде с ними облещи. И бысть яко возлеже с ними, и приим хлеб благослови, и преломив даяше има: онема же отверзостесь очи, и познаста Его: и Той невидимъ

бы́сть има. И реко́ста к себе́: не се́рдце ли наю́ горя́ бе́ в наю́, егда́ глаго́лаше на́ма на пу́ти и егда́ сказа́ваше на́ма Писа́ния? И воста́вша в той час, возврати́стася во Иеру́сали́м, и обрето́ста совоку́пленных еди́нона́десяте и и́же бя́ху с ними́, глаго́лющих, яко́ вои́стинну воста́ Го́спо́дь и яви́ся Симо́ну. И та́ поведа́ста, я́же бы́ша на пу́ти, и яко́ позна́ся има́ в преломле́нии хлѣба.

Ева́нглие воскрѣсно 6, от Луки́, зача́ло 114.

Во вре́мя оно́, воскрѣ́с Иису́с от ме́ртвых, ста́ посреде́ учени́к свои́х, и глаго́ла им: ми́р вам. Убо́явшеся же и пристра́шни бы́вше, мня́ху ду́х видети́: и рече́ им: что́ смущѣ́ни есте́? и почто́ помышле́ния входят в се́рдца ва́ша? ви́дите ру́це Мои́ и но́зе Мои́, яко́ Са́м А́з е́смь: ося́жите Мя́ и ви́дите: яко́ ду́х плоти́ и ко́сти не има́ть, яко́же Мене́ ви́дите иму́ща. И си́е рек, показа́ им ру́це и но́зе. Е́ще же не́верующы́м им от радости́ и чудя́щымся, рече́ им: има́те ли что́ сне́дно зде́? Они́ же да́ша Ему́ ры́бы печѣ́ны ча́сть и от пчѣ́л со́т. И взѣ́м предъ́ ними́ яде́, рече́ же им: сия́ су́ть словеса́, я́же глаго́лах к вам е́ще съ́й с ва́ми, яко́ подоба́ет сконча́тися все́м написа́нным в за́коне Моисе́ове и проро́цех и псалме́х о Мнѣ́. Тогда́ отве́рзе им умъ́ разуме́ти Писа́ния и рече́ им, яко́ тако́ писа́но е́сть, и тако́ подоба́ше пострада́ти Христу́ и воскрѣ́снути от ме́ртвых в тре́тий де́нь, и пропове́датися во и́мя Его́ пока́нию и отпу́щению грѣхо́в во все́х язы́цех, нача́вше от Иеру́сали́ма: вы́ же есте́ свиде́телие симъ́: и се́, А́з послю́ обѣтова́ние Отца́ Моего́ на вы́: вы́ же се́дите во гра́де Иеру́сали́мсте, до́ндеже облече́теся си́лою́ свы́ше. Изве́д же ихъ́ вон до́ Вифа́нии и воздвигъ́ ру́це свои́, (и) благослови́ ихъ́. И бы́сть егда́ благословля́ше ихъ́, отступи́ от нихъ́ и возноша́шеся на́ небо. И ти́и поклони́шася Ему́ и возврати́шася во Иеру́сали́м с радости́ю вели́кою: и бя́ху вы́ну в це́ркви, хва́ляще и благословя́ще Бо́га. Ами́нь.

Ева́нглие воскрѣсно 7, от Ио́анна, зача́ло 63.

Во вре́мя оно́, во еди́ну от суббо́т, Ма́риа Магдали́на при́иде за́втра, е́ще су́щей тме́, на гробъ́, и ви́де ка́мень взятъ́ от гроба́: течѣ́ убо́ и при́иде к Симо́ну Петро́у и к друго́му учени́ку, е́гоже любля́ше Иису́с, и глаго́ла има́: взя́вша Го́спода от гроба́, и не ве́м, гдѣ́ положи́ша Его́. Изы́де же Петро́у и друго́й учени́к, и иды́ста ко гробу́, теча́ста же оба́ вку́пе: и друго́й учени́к течѣ́ скорѣ́е Петро́а и при́иде пре́жде ко гробу́, и при́ник ви́де ризы́ лежа́щя: оба́че не́ вни́де. При́иде же Симо́н Петро́у вслѣ́д е́го, и вни́де во гробъ́, и ви́де ризы́ (еди́ны) лежа́щя И сударь́, и́же бе́ на гла́ве Его́, не с риза́ми лежа́щъ, но особъ́ свѣ́т на еди́нем ме́сте. Тогда́ убо́ вни́де и друго́й учени́к, прише́дый пре́жде ко гробу́, и ви́де, и ве́рова: не у́ бо ве́даху Писа́ния, яко́ подоба́ет Ему́ из ме́ртвых воскрѣ́снути. Идо́ста же па́ки к себе́ учени́ка.

Евангелие воскресно 8, от Иоанна, зачало 64.

Во время оно, Мариа стояше у гроба вне плачуши: якоже плакашеся, приниче во гроб и виде два ангела в белых (ризах) сидяща, единого у главы и единого у ногу, идеже бе лежало тело Иисусово. И глаголаста ей она: жено, что плачешися? Глагола има: яко взяша Господа моего, и не вем, где положиша его. И сия рекши обратися вспять и виде Иисуса стояща, и не ведяше, яко Иисус есть. Глагола ей Иисус: жено, что плачеши, кого ищещи? Она (же) мнящи, яко вертоградарь есть, глагола Ему: Господи, аще Ты еси взял Его, повеждь ми, где еси положил Его, и аз возму Его. Глагола ей Иисус: Марие. Она (же) обратися глагола Ему: Раввунни, еже глаголется, Учитлю. Глагола ей Иисус: не прикасайся Мне, не у бо въздох ко Отцу Моему: иди же ко братии Моей и рцы им: восхожду ко Отцу Моему и Отцу вашему, и Богу Моему и Богу вашему. Прииде (же) Мариа Магдалина поведаящи учеником, яко виде Господа, и сия рече ей.

Евангелие воскресно 9, от Иоанна, зачало 65.

Сущу позде в день той, во едину от суббот, и дверем затворенным, идеже бяху ученицы (Его) собрани, страха ради иудейска, прииде Иисус и ста посреде, и глагола им: мир вам. И сие рек, показа им руце (и нозе) и ребра Своя. Возрадовашася убо ученицы, видевши Господа. Рече же им Иисус паки: мир вам: якоже посла Мя Отец, и Аз посылаю вы. И сие рек, дуну и глагола им: примите Дух Свят: имже отпустите грехи, отпустятся им: и имже держите, держатся. Фома же, един от обоюнадесяте, глаголемый близнец, не бе (ту) с ними, егда прииде Иисус. Глаголаху же ему друзии ученицы: видехом Господа. Он же рече им: аще не вижу на руку Его язвы гвоздинная, и вложу перста моего в язвы гвоздинная, и вложу руку мою в ребра Его, не иму веры. И по днех осмих паки бяху внутрь ученицы Его, и Фома с ними. Прииде Иисус дверем затворенным, и ста посреде (их) и рече: мир вам. Потом глагола Фоме: принеси перст твой семо, и виждь руце Мои: и принеси руку твою, и вложи в ребра Моя: и не буди неверен, но верен. И отвеща Фома и рече ему: Господь мой и Бог мой. Глагола ему Иисус: яко видев Мя, веровал еси: блажени не видевшии и веровавше. Многа же и ина знамения сотвори Иисус пред ученики Своими, яже не суть писана в книгах сих: сия же писана быша, да веруете, яко Иисус есть Христос Сын Божий, и да верующе живот имате во имя Его.

Евангелие воскресно 10, от Иоанна, зачало 66.

Во время оно, явися Иисус учеником Своим, востав от мертвых, на мори Тивериадстем. Явися же сице: бяху вкупе Симон Петр, и Фома нарицаемый близнец, и Нафанаил, иже (бе) от Каны Галилейския, и сына Зеведеова, и ина от ученик его два. Глагола им Симон Петр: иду рыбы

ловити. Глаголаша ему: идем и мы с тобою. Изыдоша (же) и вседоша абие в корабль, и в ту ночь не яша ничесоже. Утру же бывшу, ста Исус при бреже: не познаша же ученицы, яко Исус есть. Глагола же им Исус: дети, еда что снадно имате? Отвещаша Ему: ни. Он же рече им: вверзите мрежу о десную страну корабля и обрящете. Ввергоша же, и ктому не можаху привлещи ея от множества рыб. Глагола же ученик той, егоже любляше Исус, Петрови: Господь есть. Симон же Петр слышав, яко Господь есть, епендитом препоясая, бе бо наг, и ввержеса в море: а друзии ученицы кораблем приидоша, не беша бо далече от земли, но яко две стелактей, влекуще мрежу рыб. Егда убо излезоша на землю, видеша огонь лежащ, и рыбу на нем лежащу и хлеб. (И) глагола им Исус: принесите от рыб, яже ясте ныне. Влез (же) Симон Петр, извлече мрежу на землю, полную великих рыб сто (и) пятьдесят (и) три: и толико сущим, не проторжеса мрежа. Глагола им Исус: приидите, обедуйте. Ни един же смеяше от ученик истязати его: Ты кто еси? ведяще, яко Господь есть. Прииде же Исус, и прият хлеб, и даде им, и рыбу такожде. Се уже третье явися Исус учеником Своим, встав от мертвых.

Евангелие воскресно 11, от Иоанна, зачало 67.

Во время оно, явися Исус учеником своим, встав от мертвых, и глагола Симону Петру: Симоне Ионин, любиши ли Мя паче сих? Глагола Ему: ей, Господи, Ты веси, яко люблю Тя. Глагола ему: паси агнцы моя. Глагола ему паки второе: Симоне Ионин, любиши ли Мя? Глагола Ему: ей, Господи, Ты веси, яко люблю Тя. Глагола ему: паси овцы моя. Глагола ему третье: Симоне Ионин, любиши ли Мя? оскорбе (же) Петр, яко рече ему третье: любиши ли Мя? и глагола Ему: Господи, Ты вся веси: Ты веси, яко люблю Тя. Глагола ему Исус: паси овцы моя. Аминь, аминь глаголю тебе: егда был еси юн, поясался еси сам, и ходил еси, а може хотел еси: егда же состареешися, воздежеш руце твои, и ин тя пояшет, и ведет, а може не хочещи. Сие же рече, назнаменуя, кою смертию прославит Бога. И сия рек, глагола ему: иди по мне. Обращься же Петр виде ученика, егоже любляше Исус, вслед идуща, иже и возлеже на вечери на перси его и рече: Господи, кто есть предай Тя? Сего виде Петр, глагола Исусови: Господи, сей же что? Глагола ему Исус: аще хочу, да той пребывает, дондеже прииду, что к тебе? ты по Мне гряди. Изыде же слово се в братию, яко ученик той не умрет. И не рече ему Исус, яко не умрет, но: аще хочу тому пребывать, дондеже прииду, что к тебе? Сей есть ученик свидетельствующий о сих, иже и написа сия: и ведем, яко истинно есть свидетельство его. Суть же и ина многа, яже сотвори Исус, яже аще бы по единому писана быша, ни самому мню (всему) миру вместити пишемых

кніг. Амінь.

Подобает ведати, когда поются Троицнии дневнии на 8 гласов

Аще есть Аллилуиа, или великая 40-ца, по ектений поем Аллилуиа, трижды, во глас осмогласника: стихи же глаголются сия.

Стих 1: От ноши утренюет дух мой к Тебе Боже: зане свет повеления Твоя на земли.

Стих 2: Правде научитесь живущии на земли.

Стих 3: Зависть примет люди ненаказанныя.

Стих 4: Приложи им зла Господи, приложи зла славным земли.

И по коемждо стисе поется Аллилуиа, трижды. И по Аллилуии поем Троицны гласа, кийждо по единожды.

Песни Троицны. Глас 1:

Плотскими образованияи безплотных сил, к мысленному и невещественному возводи уму, и трисвятою песнию триипостаснаго Божества приемлюще сияние, херувимски возопием единому Богу: свят, свят, свят еси Боже наш.

Слава: Со всеми небесными силами, херувимски сущему в вышних возопием, трисвятую возсылающе хвалу: свят, свят, свят еси Боже наш, молитвами всех святых Твоих помилуй нас.

И ныне: Воставше от сна, припадаем Ти Блаже, и ангельскую песнь вопием Ти сильне: свят, свят, свят еси Боже, Богородицею помилуй нас.

Достоит же глаголати во вся седмицы на 1-м Троицне, В понедельник: Предстательства безплотных Твоих помилуй нас. **Во вторник:** Молитвами Предтечи Твоего помилуй нас. **В среду же и пятък:** Силою Креста Твоего сохрани нас Господи. **В четверток:** Молитвами апостол Твоих, и святителя Николаа, помилуй нас.

Песни Троицны. Глас 2:

Вышния силы подражающе на земли, победную песнь приносим Ти Блаже: свят, свят, свят еси Боже наш.

Слава: Несозданное естество всех Зиждителю, устне наша отверзи, яко да возвестим хвалу Твою вопиюще: свят, свят, свят еси Боже наш, молитвами всех святых Твоих помилуй нас.

И ныне: От одра и сна воздвигл мя еси Господи, ум мой просвети и сердце, и устне мои отверзи, во еже пети Тя Святая Троице: свят, свят, свят еси Боже, Богородицею помилуй нас.

Песни Троицны. Глас 3:

Троице единосущная и нераздельная, Единице триипостасная и

соприсносу́щная, Тебе́ яко́ Бо́гу а́нгельскую пёснь вопиём: свят, свят, свят еси́ Бо́же наш.

Сла́ва: Отца́ безнача́льна, Сы́на собезнача́льна, Ду́ха соприсносу́щна, Боже́ство еди́но, херувимски славосло́вити дерза́юще, глаго́лем: свят, свят, свят еси́ Бо́же наш, молитвами́ всех́ святых́ Твои́х поми́луй нас.

И ны́не: Внеза́пу Судия́ придет, и коего́ждо дея́ния обнажа́тся, но стра́хом зове́м в полунощи́: свят, свят, свят еси́ Бо́же наш, Богоро́дицею поми́луй нас.

Пёсни Трои́чны. Гла́с 4:

У́мных Твои́х слуг, приноси́ти сме́ртнии пёснь дерза́юще, глаго́лем: свят, свят, свят еси́ Бо́же наш.

Сла́ва: Яко́ чини ны́не а́нгельстии на небеси́, и стоя́ния стра́хом челове́ческая на земли́, победную́ пёснь прино́сим Ти́ бла́же: свят, свят, свят еси́ Бо́же наш, молитвами́ всех́ святых́ Твои́х поми́луй нас.

И ны́не: Безнача́льнаго Твоего́ отца́, и Тебе́ Христе́ Бо́же, и Пресвята́го Твоего́ Ду́ха, херувимски славосло́вити дерза́юще, глаго́лем: свят, свят, свят еси́ Бо́же наш, Богоро́дицею поми́луй нас.

Пёсни Трои́чны. Гла́с 5:

Пёнию́ вре́мя, и моли́тве ча́с, приле́жно возопи́им еди́ному Бо́гу: свят, свят, свят еси́ Бо́же наш.

Сла́ва: Образова́ти дерза́юще у́мная́ Твоя́ во́инства, Трои́це безнача́льная, усты́ недостойными́ вопиём: свят, свят, свят еси́ Бо́же наш, молитвами́ всех́ святых́ Твои́х поми́луй нас.

И ны́не: И́же в ложе́сна деви́ческая вмес́тивыйся, и не́др о́тческих не разлучи́выйся, со а́нгелы́ и нас Христе́ Бо́же приими́ вопиющих́ Ти́: свят, свят, свят еси́ Бо́же наш, Богоро́дицею поми́луй нас.

Пёсни Трои́чны. Гла́с 6:

Предстоя́ще со стра́хом херувими́, ужа́сающе́ся с трéпетом се́рафими́, трисвяту́ю пёснь прино́сят немол́чным гла́сом. С ними́же и мы́ вопиём гре́шнии: свят, свят, свят еси́ Бо́же наш.

Сла́ва: Безплотными́ усты́, немол́чными славослове́ньми, шестокры́льнии вопи́ют Ти́ трисвяту́ю пёснь, Бо́же наш: и мы́, и́же на земли́, недостойными́ усты́ хвалу́ Ти́ возсыла́ем: свят, свят, свят еси́ Бо́же наш, молитвами́ всех́ святых́ Твои́х поми́луй нас.

И ны́не: Трои́чныя еди́ницы Боже́ство, неслиянным соедине́нием сла́вим, и а́нгельскую пёснь вопиём: свят, свят, свят еси́ Бо́же наш, Богоро́дицею поми́луй нас.

Пёсни Трои́чны. Гла́с 7:

Вы́шнюю си́лою херувимски воспева́емый, и Боже́ственною сла́вою

а́нгельски покланя́емый, приими́ и на́с су́щих на землі́, недосто́йными устна́ми хвале́ние Тебе́ возсыла́ющих: свят, свят, свят еси́ Бо́же на́ш.

Сла́ва: Я́ко со́н ле́ность отложивши́ ду́ше, исправле́ние к хвале́нию покажи́ судии́, и со́ стра́хом возопи́й: свят, свят, свят еси́ Бо́же на́ш, молитва́ми все́х святы́х Твои́х помилуй́ на́с.

И ны́не: Непристу́пному Бо́жеству́, во еди́нице Тро́ице, серафимску́ю трисвяту́ю возсыла́юще хвалу́, со́ стра́хом возопи́им: свят, свят, свят еси́ Бо́же на́ш, Богороди́цею помилуй́ на́с.

Пе́сни Тро́ичны. Гла́с 8:

На не́бо серде́ца иму́ще, а́нгельский подра́жим чи́н, и со́ стра́хом Судии́ припаде́м, победну́ю взыва́юще хвалу́: свят, свят, свят еси́ Бо́же на́ш.

Сла́ва: Зрети́ Тебе́ не сме́юще херувими́, летя́ще зову́т со́ восклицани́ем, Бо́жественну́ю пе́снь трисвята́го гласа́, с ними́же и мы́ вопие́м Ти: свят, свят, свят еси́ Бо́же на́ш, молитва́ми все́х святы́х Твои́х помилуй́ на́с.

И ны́не: Сляца́еми мно́жеством прегреше́ний на́ших, и не сме́юще воззрети́ на вы́соту́ небе́сную, ду́шу с те́лом прекло́ньше, со́ а́нгелы пе́снь вопие́м Ти: свят, свят, свят еси́ Бо́же, Богороди́цею помилуй́ на́с.

Светильны дневнии во всю седмицу

Светильны дневнии во всю седмицу

В понедельник **убо**: Предстательства безплотных Твоих, и спаси мя.

Во вторник: Молитвами Господи, Предтечи Твоего, и спаси мя.

В среду и пяток: Силою Господи, Креста Твоего, и спаси мя.

В четверток: Молитвами Господи, апостол Твоих, и святителя Николаа, и спаси мя.

В субботу глаголет сие дважды.

В первом **убо**: Молитвами Господи, святых Твоих, и спаси мя.

Во втором же: Молитвами Господи, Богородицы, и спаси мя.

Светильны подобне по гласу, трижды.

Светилен, глас 1:

Свет возсияй Господи, душу мою очисти от всякаго греха, предстательства безплотных Твоих, и спаси мя.

Глас 2: Свет Твой присносущный низпосли Христе Боже, и просвети очи тайныя сердца моего, предстательства безплотных Твоих, и спаси мя.

Глас 3: Низпосли свет Твой Христе Боже, и просвети сердце мое, предстательства безплотных Твоих, и спаси мя.

Глас 4: Свет возсияй миру Твоему, во тьме душу мою сущую от всякаго греха очисти, предстательства безплотных Твоих, и спаси мя.

Глас 5: Светодавче Господи, низпосли свет Твой, и просвети сердце мое, предстательства безплотных Твоих, и спаси мя.

Глас 6: Предстательства Господи, безплотных Твоих, низпосли душам нашим свет Твой присносущный.

Глас 7: Воздвигни мя Господи, к Твоему песнопению, и научи мя творити волю Твою Святый, предстательства безплотных Твоих, и спаси мя.

Глас 8: Свет сый Христе, просвети мя Тобою, предстательства безплотных Твоих, и спаси мя.

Ексапостилáрии всея седмицы, самопéсно

В понедельник: Не́бо звездами украси́вый я́ко Бо́г, и Твои́ми а́нгелы всю́ зе́млю просвети́вый, Соде́телю все́х, пою́щия Тя́ спаса́й.

Богоро́дичен: Сла́дость а́нгелов, скорбя́щих ра́дость, христиа́н предста́тельница Де́во Ма́ти Господня́, заступи́ нас, и изба́ви ве́чных му́к.

Во вто́рник: Предте́чу Иоа́нна, и Крестите́ля Спа́сова, во проро́цех проро́ка, и пусты́ни воспита́ние, Елисавети́но ро́ждение восхва́лим вси́.

Богоро́дичен: Сла́дость а́нгелов: **Зри́ в понеде́льник:**

В сре́ду и пято́к: Крест – храните́ль всея́ вселенна́я, крест – краса́та це́ркве, крест – ве́рных утвержде́ние, крест – а́нгелов сла́ва и де́монов я́зва.

КрестоБогоро́дичен: У креста́ предстоя́щи, тя́ безсе́менно ро́ждшая, и рыда́ющи вопия́ше: увы́ Сладча́йшее Ча́до, како́ заше́л еси́ от о́чию Моёю́? како́ в ме́ртвых вмени́лся еси́?

В четвёрто́к:

Подобен: Же́ны услы́шите:

Во всю́ подсолнечную́ те́кше пропове́дасте Христо́во от Де́вы свято́е воплоще́ние воистинну́, от преле́сти обра́щающе язы́ки, и просвеща́юще, и вся́ науча́юще Трои́цу почитати́ святу́ю, апосто́ли Спа́совы.

Подобны́: Велика́го нача́лопасты́ря, и иера́рха вси́, председа́теля мирликийска́го Никола́а хва́лим: мно́ги бо му́жи спасе́, непра́ведно умре́ти имущы́я, царю́ явля́ется со Авла́вием во сне́, реша́ непра́ведное изрече́ние.

Богоро́дичен: Мари́е чистей́шая, злата́я кади́льнице, невместима́го Божества́ приятели́ще быв́шее, в нёмже Оте́ц благово́ли, Сын же́ всели́ся, и Ду́х Святы́й осени́в Тя́ Отрокови́це показа́ Богороди́цу.

В суббо́ту: И́же и ме́ртвыми и живы́ми облада́я я́ко Бо́г, и святы́ми Твои́ми всю́ зе́млю просвети́вый, Соде́телю все́х, пою́щия Тя́ спаса́й.

Богоро́дичен: Мы́ о Тебе́ хва́лимся Богороди́це, и к Бо́гу Тя́ има́мы предста́тельство, простри́ ру́ку Твою́ необори́мую, и сокруши́ враги́ на́ша, Твои́м низпосли́ рабо́м помо́щь от свята́го.

Тро́ичны сиа́ Григо́рия Синаи́та, пева́емы по вся́ воскресе́ннiа по Тро́ичном каноне́ на полунощнице́

Тро́ичны сиа́ Григо́рия Синаи́та, пева́емы по вся́ воскресе́ннiа по Тро́ичном каноне́ на полунощнице́.

Досто́йно е́сть яко́ вои́стинну, сла́вити Тя́ Бо́га Сло́ва, Егоче́ трепещут и трясутся Херувими́, и славосло́вят Си́лы небесе́нныа, воскресе́шаго тридне́вно из гроба́ Христа́ Жизнода́вца стра́хом просла́вим.

Воспоймъ вси́ боголе́пно песе́ньми Боже́ственными, Отца́, и Сы́на, и Ду́ха Боже́ственнаго, триипоста́сную Держа́ву, еди́но Ца́рство и Госпо́дьство.

Ю́же пою́т вси́ земноро́днии, и славосло́вят си́лы небесе́нныа, от все́х ве́рно покланя́емую, Еди́ницу по существу́ триипоста́сную.

Господона́чальную херувимъ, и богона́чальную без сравне́ния серафимъ, неразде́льную Тро́ицу во еди́нице, су́щее богона́чалие Тя́ велича́ем.

Отцу́ безнача́льному и Бо́гу, собезнача́льному Сло́ву со Ду́хом покланя́юся: неразлучное́ еди́но соединя́емое существо́, тричи́сленную Еди́ницу песе́ньми почти́м.

Лучеза́рная Твоя́ мо́лния возсия́й ми́ Бо́же мой́ триипоста́сне, Вседете́лю: и до́м мя́ покажи́ Твоея́ непристу́пныа сла́вы, свете́л, и светоно́сен, и неизме́нен.

Егоче́ трепещут и трясутся херувими́, и славосло́вят а́нгельская вои́нства, от Де́вы неизрече́нно воплоща́юся Христа́ жизнода́вца, стра́хом просла́вим.

Та́же, Трисвято́е, и по́ Отче на́ш: Ипако́й гла́са. Го́споди поми́луй, 40. Сла́ва, и ны́не: Честне́йшую херувимъ: И возгласъ отъ священника́: Бо́же уще́дри ны́:

И моли́тва глаго́лется отъ иере́а:

Всемо́гущая, и живото́ворящая Свята́я Тро́ице, и светона́чальная, я́же ми́рную всякую́ и премирную́ тва́рь, за еди́ну благода́ть от не су́щих приве́дъй, и промышля́я и содержа́щи: и́же по прочи́х Твои́х неизрече́нных о земно́м ро́де благода́ейных, и покая́ние на́м ра́ди плотска́го немо́жения до сме́рти дарова́вый: не оста́ви на́с окая́нных в лука́вых на́ших дея́ниих умре́ти, ниже́ злонача́льнику, и зави́стцу, и губите́лю посме́штво бы́ти. Зри́ши бо́ Благосе́рде, ели́к убо́ она́го на на́с наветъ и вражда́, ели́ко же и на́ше страстование́, и сла́бость, и небре́жение. Но неоску́дныа Ти́ благода́сти соде́лай на на́с, молимъ на всякий́ де́нь и ча́с прогне́вающи Тя́ честныхъ и живото́рныхъ запове́дей преступле́нием: и вся́ убо́ всего́ преше́дшаго

живота́ нашего, и до ны́нешняго часа́ согреше́ная на́ми в дея́ниях или глаго́ланиих, или в помышле́ниях, оста́ви и прости́: сподо́би же нас́ проче́е сконча́ти жити́е в пока́янии, и умиле́нии, и соблюде́нии святы́х Твои́х повеле́ний. А́ще у́бо сла́достию прельсти́вшися, многообра́зне согреши́хом: или ме́рзкими похоты́ми неполе́зными и вре́дными обольсти́вшися, препрово́дихом: а́ще гне́вом и я́ростию подви́гшися безсло́всною, кого́ брата́ нашего́ оскорби́хом: а́ще язы́ком неизбе́жных и стрóпотных, и крѣпких сетей́ объя́хомся: а́ще ко́им чувств́ наших, или́ все́ми, волею́ или́ неволею́, ве́дуще или́ не ве́дуще, от восхище́ния, или́ поуче́ния, безу́мно поползо́хомся: а́ще же лукавы́ми помыслы́ и суетны́ми совесть оскверни́хом: а́ще ли ко́им други́м обра́зом прегреша́хом, от предприятия́ и обы́чая томими́ злаго́: прости́ нам и оста́ви вся́, Всеще́дре, пребла́же и многомилостиве́, и да́руй нам проче́е бо́дрость и силу́, во е́же творити́ волю́ Твою́ бла́гу, и благоуго́дну, и совершенну́: да но́щнаго и мра́чнаго зла́, светови́дным пока́янием пременше́ся, и я́ко во днѣ́ благообра́зно ходя́ще, и очище́ни объя́вимся человеколю́бию Твоему́ недостойни́и, воспева́юще Тя́ и велича́юще во ве́ки, аминь.

И отпу́ст, и проще́ние обы́чное.

Та́же иере́й глаго́лет ектению́:

Помо́лимся о вели́ком господи́не: **Мы́ же:** Го́споди поми́луй, крóтким и ти́хим гла́сом. **И по исполне́нии тоя́ глаго́лет председа́тель:** Молитва́ми святы́х оте́ц на́ших, Го́споди Иису́се Христе́ Бо́же наш, поми́луй нас, аминь.

Тропарі воскресны

по́емии по непоро́чнах в неде́лях всего́ ле́та, гла́с 5

На еди́ном ко́емждо тропаре́ глаго́лем:

Благослове́н еси́ Го́споди, научи́ мя оправда́нием Твои́м.

А́нгельский собо́р удиви́ся, зря́ Тебе́ в ме́ртвых вмени́вшася, сме́ртную же Спа́се, кре́пость разори́вша, и с собо́ю Ада́ма воздви́гша, и от ада́ вся свобо́ждша.

Благослове́н еси́ Го́споди, научи́ мя оправда́нием Твои́м.

Почто́ ми́ра с ми́лостивными́ слеза́ми, о учени́цы раство́ряете? блиста́йся во гробе́ а́нгел мироно́сицам веща́ше: ви́дите вы́ гроб, и уразуме́йте, Спа́с бо воскресе́ от гроба́.

Благослове́н еси́ Го́споди, научи́ мя оправда́нием Твои́м.

Зело́ рано́ мироно́сицы теча́ху ко гробу́ Твоemú рыда́ющыя, но предста́ к ним а́нгел, и рече́: рыдания́ время́ преста́, не плачите, Воскресе́ние же апо́столом рцы́те.

Благослове́н еси́ Го́споди, научи́ мя оправда́нием Твои́м.

Мироно́сицы жены́ с ми́ры прише́дша ко гробу́ Твоemú Спа́се, рыда́ху, а́нгел же к ним рече́, глаго́ля: что́ с ме́ртвыми живаго помышля́ете? яко́ Бог бо воскресе́ от гроба́.

Сла́ва, Тро́ицен: Покло́нимся Отцу́, и Его́ Сы́нови, и Свято́му Ду́ху, Святе́й Тро́ице во еди́ном существе́, с сераф́имы зову́ще: свят, свят, свят еси́ Го́споди.

И ны́не, Богоро́дичен: Жизнода́вца ро́ждши, греха́ Де́во Ада́ма изба́вила еси́, ра́дость же Е́ве в печали́ ме́сто подала́ еси́: падшы́я же от жизни́, к се́й напра́ви, из Тебе́ воплоти́выйся Бо́г и челове́к.

Аллилу́иа, три́жды.

По вся неде́ли на Сла́ва стихи́ра ева́нгельская. И ны́не, Богоро́дичен, гла́с 2:

Преблагослове́нна еси́ Богоро́дице Де́во, вопло́щшим бо́ ся из Тебе́ а́д плени́ся, Ада́м воззва́ся, клятва́ потреби́ся, Е́ва свобо́дися, сме́рть умертви́ся, и мы́ ожихом. Те́м воспева́юще вопие́м: благослове́н Христо́с Бо́г, благово́ливый тако́, сла́ва Тебе́.

По вся воскресния, апостол к Коринфяном, зачало 158

Братие, сказую вам благовествование, еже блавестих вам, еже и приясте, в немже и стоите, Имже и спасаетесь, кацем словом блавестих вам, аще содержите, разве аще не все веровасте. Предах бо вам исперва, еже и приях, яко Христос умре грех наших ради по писанием. И яко погребен бысть, и яко воста в третий день, по писанием. И яко явися Кифе, таже единонадесятим. Потом же явися боле пяти сот братьям единою, от нихже множайшии пребывают доселе, нецыи же и почиша. Потом же явися Иакову: таже апостолом всем. Последи же всех, яко некоему извергу, явися и мне. Аз бо есмь мний апостолов, иже несмь достоин нарещися апостол, зане гоних церковь Божию. Благодатию же Божиею есмь еже есмь, и благодать Его, яже во мне, не тща бысть, но паче всех их потрудихся: не аз же, но благодать Божия, яже со мною. Аще убо аз, аще ли они, тако проповедуем, и тако веровасте.

По вся воскресения, Евангелие от Матфеа, зачало 77.

Рече Господь притчу сию: уподобися Царствие Небесное человеку царю, иже восхоте стязатися о словеси с рабы своими. Наченшу же ему стязатися, приведоша ему единого должника тмою талант. Не имущу же ему воздати, повеле и господь его продати, и жену его, и чада, и вся елика имейше, и отдати. Пад убо раб [той], кланяшеся ему, глаголя: Господи, потерпи на мне, и вся ти воздам. Милосердовав же Господь раба того, прости его, и долг отпусти ему. Изшед же раб той, обрете единого клевет своих, иже [бе] должен ему стом пенязь, и ем его давяше, глаголя: отдаждь ми, имже [ми] еси должен. Пад убо клевет его на нозе его моляше его, глаголя: потерпи на мне, и вся воздам ти. Он же не хотяше, но вед всади его в темницу, дондеже воздаст должное. Видевше же клевети его бывшая, сжалиша си зело, и пришедше сказаша господину своему вся бывшая. Тогда призвав его господин его, глагола ему: рабе лукавый, весь долг он отпустих тебе, понеже умоли мя: Не подобаше ли и тебе помилovati клевету твоего, якоже и аз тя помиловах? И прогневався Господь его, предаде его мучителем, дондеже воздаст весь долг свой. Тако и Отец Мой Небесный сотворит вам, аще не отпустите кождо брату своему от сердец ваших прегрешения их.

Прокимены, и апостолы, и аллилуиаре, и Евангелиа дневнии.

В понедельник прокимен, глас 4: Творяй Ангелы Своя духи, и слуги Своя пламень огненный.

Стих: Благослови душе моя Господа.

Апóстол к Евреóм, зачáло 305.

Брáтие, аще глаголанное Ангелы слово бысть известно, и всяко преступление и послушание праведное прият мздовоздаяние: Како мы убежим о толицем нерадивше спасении? Еже зачало приемше глаголатися от Господа, слышавшими в нас известися: Сосвидетельствующу Богу, знаменьями же и чудесы, и различными силами, и Духа Святаго разделеными, по своей Ему воли. Не Ангелом бо покорил Бог вселенную грядущую, о нейже глаголем. Засвидетельствова же негде некто, глаголя: что есть человек, яко помниши его? Или сын человеческий, яко посещаеши и? Умалил еси его малым нечим от Ангел: славою и честью венчал еси его, и поставил еси его над делы руку Твою: Вся покорил еси под нозе его. Внегда же покорити ему всяческая, ничтоже остави ему непокорено: ныне же не у видим ему всяческая покорена. А умаленаго малым чим от ангел, видим Иисуса, за приятие смерти, славою и честью венчанна, яко да благодатию Божию за всех вкусит смерти. Подобаше бо Ему, Егоже ради всяческая, и Имже всяческая, приведшу многи сыны в славу, Начальника спасения их страданиями совершити.

Аллилуиа, глас 5: Хвалите Господа вси ангели Его, хвалите Его вся силы Его.

Стих: Яко Той рече, и быша: Той повеле, и создашася.

Евангелие от Матфеа, зачало 52.

Рече Господь притчу сию: уподобися Царствие небесное человеку, сеявшу доброе семя на селе своем. Спящим же человеком, прииде враг его, и всяя плевелы посреде пшеницы, и отиде. Егда же прозябе трава, и плод сотвори, тогда явися и плевелие. Пришедше же раби господина, реша ему: Господи, не доброе ли семя сеял еси на селе [твоём]? откуда убо имат плевелы? Он же рече им: враг человек сие сотвори. Раби же реша ему: хочещи ли убо, да шедше исплевем я? Он же рече [им] ни, да не когда восторгающе плевелы, восторгнете купно с ними [и] пшеницу. Оставьте расти обое купно до жатвы, и во время жатвы реку жателем: соберите перве плевелы, и свяжите их в снопы, яко сожеши я: а пшеницу соберите в житницу мою. И приступиша к нему ученицы его, глаголюще: скажи нам притчу плевел сельных. Он же отвещав рече им: сеявый доброе семя, есть Сын человеческий. А село, есть мир. доброе же семя, сии суть сынове Царствия: а плевелы, суть сынове неприязненнии. А враг всеявый их, есть диавол: а жатва, кончина века есть. А жатели, ангели суть. Якоже убо собирают плевелы, и огнем сожигают: тако будет в скончание века сего. Послет Сын человеческий ангелы своя, и соберут от Царствия его вся соблазны, и творящия беззаконие, и ввергут их в печь огненну: ту будет

плачь и скрежет зубом. Тогда праведницы просветятся яко солнце в Царствии отца их. Имеей уши слышати, да слышит.

Прича́стен: Творяй ангелы Своя́ дүхи, и слуги́ Своя́ пламень огненный.

Во вто́рник Предте́чи проки́мен, глас 7:

Возвеселится праведник о Господе, и упова́ет на Него́.

Сти́х: Услы́ши Бо́же, глас мой, внегда́ моли́ти ми ся к Тебе́.

Апо́стол от Дея́ний, зача́ло 33.

Во дни оны, якоже скончаваше Иоанн течение, глаголаше: ко́го мя нещүете быти, несмь аз, но се грядет по мне, Ему́же несмь достоин разрешити ремень сапогу́ Его́. Мужие бра́тие, сынове ро́да Авраамля, и иже в вас боящиися Бо́га: вам слово спасения сего́ послася. Живүщии бо во Иерусалиме, и князи их сего́ не разумевше: и гласы проро́ческия, по вся субботы что́мья, осудивше Его́, исполниша. И ни единыя вины смертныя обрётше, просиша у Пилата убити Его́. Якоже скончаша вся, яже о Нем писана, снемше с древа, положиша во гробе. Бо́г же воскреси́ Его́ от мёртвых: Иже явися на дни мно́ги, совозше́дшым с Ним от Галилеи во Иерусалим, иже ны́не суть свиде́телие Его́ к лю́дем. И мы вам благовествуем обетова́ние бы́вшее ко отце́м, яко сие́ Бо́г испо́лнил е́сть нам ча́дом их, воздвиг Иисүса.

Аллилу́иа, глас 4: Праведник яко фи́никс процветёт, яко ке́др, иже в Лива́не, умно́жится.

Сти́х: Насажде́ни в дому́ Госпо́дни, во дво́рех Бо́га на́шего процвету́т.

Евангелие от Ио́анна, зача́ло 3.

Во вре́мя оно, виде Иоанн Иисүса гряду́ща к себе́, и глаго́ла: се́ агнец Бо́жий, вземляй грехи́ мира. Сей́ е́сть, о Немже́ аз рех: по мне́ грядет муж, иже предо мною́ бы́сть: яко пер́вее мене́ бе. И аз не ве́дех Его́: но да явится Израилеви, сего́ ра́ди приидо́х аз в воде́ крестя́. И свиде́тельствова Иоанн, глаго́ла: яко виде́х Ду́х сходя́щъ яко го́лубъ с небесе́, и пребы́сть на Нем. И аз не ве́дех его: но Посла́вый мя крестити водою́, Той́ мне́ рече́: над Него́же у́зриши ду́х сходя́щъ, и пребываю́щъ на Нем, Той́ е́сть крестя́й Ду́хом Святы́м. И аз виде́х, и свиде́тельствовах, яко Сей́ е́сть Сы́н Бо́жий.

Прича́стен: В па́мять ве́чную бу́дет пра́ведник:

В сре́ду Пресвяте́й Богоро́дице проки́мен, глас 3.

Пе́снь Богоро́дицы: Вели́чит ду́ша моя́ Госпо́да, и возра́довася ду́х мой о Бо́зе Спа́се моем.

Сти́х: Яко призре́ на смире́ние рабы́ Своея́: се́ бо от ны́не ублажа́т Мя́ вси ро́ди.

Апо́стол к филиппи́сим, зача́ло 240.

Брати́е, сие́ да му́дрствуется в ва́с, е́же и во Христе́ Иису́се, И́же во о́бразе Бо́жии сый, не восхище́нием непщева́ быти ра́вен Бо́гу. Но Себе́ ума́лил {истоци́л}, зра́к раба́ прии́м, в подо́бии челове́честем бы́в, и о́бразом о́бретесе́ яко́же челове́к. Смири́л Себе́, послушли́в бы́в да́же до сме́рти, сме́рти же крестны́я. Те́мже и Бо́г Его́ превознесе́, и дарова́ Ему́ и́мя, е́же па́че вся́каго и́мене. Да о и́мени Иису́сове вся́ко ко́лено покло́нится, небе́сных и земны́х и преиспо́дних. И вся́к язы́к испове́сть: яко́ Госпо́дь Иису́с Хри́сто́с, в сла́ву Бога́ Отца́.

Аллилу́иа, гла́с 8: Слы́ши дщи́ и ви́ждь, и прикло́ни у́хо твоё.

Стих: Лицу́ Твоему́ помоля́тся бога́тии лю́дстии.

Ева́нглие от Луки́, зача́ло 54.

Во вре́мя о́но, вни́де Иису́с в ве́сь не́кую: жена́ же не́кая, и́менем Ма́рфа, прия́т Его́ в до́м свой. И сестра́ ей бе́, нарица́емая Мари́а, я́же и се́дши при но́гу Иису́сову слы́шаше сло́во Его́: Ма́рфа же мо́лвяше о мно́зе службе́, ста́вши же рече́: Го́споди, не бреже́ши ли, яко́ сестра́ моя́ еди́ну мя оста́ви служи́ти? рцы́ убо́ ей, да ми́ помо́жет. Отвеща́в же Иису́с, рече́ ей: Ма́рфо, Ма́рфо, пече́шися и молви́ши о мно́зе: еди́но же е́сть на потре́бу, Мари́а же благо́ю ча́сть избра́, я́же не оти́мется от нея́. Бы́сть же е́гда глаго́лаше сия́, воздви́гши не́кая жена́ гла́с от наро́да, рече́ ему́: блаже́нно чре́во носив́шее Тя́, и сосца́ я́же еси́ ссал. Он же рече́: те́мже убо́ блаже́ни слы́шашии сло́во Бо́жие, и храня́ще е́.

Прича́стен: Ча́шу спасе́ния прииму́, и и́мя Госпо́дне призову́.

В четвёрто́к апо́столом проки́мен, гла́с 8: Во всю́ зе́млю изы́де веща́ние их, и в концы́ вселе́нныя глаго́лы их.

Стих: Небеса́ пове́дают сла́ву Бо́жию, творе́ние же руку́ Его́ возвеща́ет твёрдь.

Апо́стол к коринфяно́м, зача́ло 131.

Брати́е, Бо́г ны́ посланники́ послед́ния я́ви́ яко́ насме́ртники: зане́ позо́р бы́хом ми́ру, и а́нгелом, и челове́ком. Мы́ убо́ буи́ Христа́ ради́, вы́ же му́дри о Хри́сте: мы́ немо́щны, вы́ же кре́пцы: вы́ сла́вны, мы́ же безче́стны. До ны́нешня́го часа́ и а́лчем, и жа́ждем, и наготу́ем, и стра́ждем, и скита́емся: И тру́жда́емся, де́лающе́ свои́ми рука́ми: укоря́еми благословля́ем: гонимы́, терпим: Ху́лимы, утеша́емся {мо́лим}: яко́же отре́би ми́ру бы́хом, все́м попра́ние до́селе. Не срамля́я ва́с сия́ пишу́: но́ яко́же ча́да моя́ возлю́бленная наказую́. А́ще бо́ и мно́ги пестуны́ имате́ о Хри́сте, но́ не мно́ги отцы́: о Хри́сте бо́ Иису́се благо́вествовани́ем аз вы́ роди́х. Молю́ же ва́с, подобни́ мне́ быва́йте, яко́же аз Хри́сту.

Аллилу́иа, гла́с 1: Испове́дят небеса́ чуде́са Твоя́ Го́споди, не́бо и́стину Твою́ в це́ркви святы́х.

Стих: Бог прославляемъ в совете святыхъ.

Евангелие от Матфея, зачало 34 от полу.

Во время оно, призвав Иисус обанадесять ученики своя, даде им власть на дусех нечистых, яко да изгонят их, и целити всяк недуг, и всяку болезнь. Сия обанадесять посла Иисус, заповеда им, глаголя: на путь язык не идите, и во град самарянский не внидите. Идите же паче ко овцам погибшим дому Израилева. Ходяще же проповедуйте, глаголюще: яко приближися Царствие небесное. Болящия исцеляйте, прокаженных очищайте, мертвыя воскрешайте, бесы изгоняйте: туне приясте, туне дадите.

Причастен: Во всю землю изыде вещание их:

В пятък Кресту, прокимен, глас 7: Возносите Господа Бога нашего, и поклоняйтесь подножию ногу Его, яко свято есть.

Стих: Господь воцарися, да гневаются людие.

Апостол к коринфяном, зачало 125.

Братие, слово крестное погибающим убо юродство есть, а спасаемым нам сила Божия есть. Писано бо есть: погублю премудрость премудрых, и разум разумных отвергу. Где премудр? где книжник? где совопросник века сего? не обуи ли Бог премудрость мира сего? Понеже бо в премудрости Божией, не разуме мир премудростию Бога, благоизволил Бог, буйством проповеди спасти верующих. Понеже и иудее знамения просят, и еллини премудрости ищут: Мы же проповедуем Христа распята, иудеем убо соблазн, еллином же безумие: Самем же званым, иудеем же и еллином, Христа, Божию силу и Божию премудрость.

Аллилуиа, глас 1: Помяни сонм Твой, егже стяжал еси исперва.

Стих: Бог же Царь наш, прежде века содела спасение посреде земли.

Евангелие от Иоанна, зачало 9.

Рече Господь, никтоже взыде на небо, токмо шедый с небесе, Сын человеческий, сый на небеси. И якоже Моисей вознесе змию в пустыни, тако подобает вознестися Сыну человеческому: Да всяк веруяй вонь, не погибнет, но имать живот вечный. Тако бо возлюби Бог мир, яко и Сына Своего единороднаго дал есть, да всяк веруяй в Онъ, не погибнет, но имать живот вечный. Не посла бо Бог Сына Своего в мир, да судит мирови: но да спасется Им мир.

Причастен: Спасение соделал еси посреде земли Боже.

В субботу всем святым прокимен, глас 8: Веселитесь о Господе, и радуйтеся праведнии.

Стих: Блажени, ихже оставишася беззакония, и ихже прикрывшася греси.

И умершым, глас 6: Душы их во благих водворятся.

Апостол к солуняном, зачало 270.

Братие, не хочу вас не ведети о умерших, да не скорбите, якоже и прочии не имущии упования. Аще бо веруем, яко Иисус умре и воскресе, тако и Бог умершья о Иисусе, приведет с Ним. Сие бо вам глаголем словом Господним: яко мы живущии оставшии в пришествие Господне, не имамы предварити умерших. Яко сам Господь в повелении во гласе архангелове, и в трубе Божии снидет с небесе, и мертвии о Христе воскреснут первее. Потом же мы живущии оставшии, купно с ними восхищени будем на облацех в сретение Господне на воздухе: и тако всегда с Господем будем.

Аллилуиа, глас 4: Воззваша праведнии, и Господь услыша их.

Стих: Многи скорби праведным, и от всех их избавит я Господь.

Стих: Блажени, яже избрал и приял еси Господи, и память их в род и род.

Еванглие от Иоанна, зачало 16.

Рече Господь ко пришедшым к нему иудеом: Аминь, аминь глаголю вам, яко слушаешь словесе Моего, и веруяй пославшему Мя, имать живот вечный, и на суд не приидет, но преидет от смерти в живот. Аминь, аминь глаголю вам: яко грядет час, и ныне есть, егда мертвии услышат глас Сына Божия, и услышавше оживут. Якоже бо Отец имать живот в себе, тако даст и Сынови живот имети в себе. И область даст Ему и суд творити: яко Сын человекъ есть, не дивитесь сему. Яко грядет час, вонже вси сущии во гробех, услышат глас Сына Божия: И изыдут сотворшии благая, в воскрешение живота: а сотворшии злая, в воскрешение суда. Не могу Аз о себе творити ничесоже. Якоже слышу, сужду, и суд Мой праведен есть: яко не ищу воли Моея, но воли пославшаго Мя Отца.

Причастен: Радуйтесь праведнии о Господе:

Другий: Блажени, яже избрал и приял еси Господи, и память их в род и род.

Указ о службе всей седмицы

В неделю вечера глаголем: якоже указася во октоихе: точно на Господи возвах, стихиры во октоихе, 3. Также святому, 3. Слава, святому, аще есть: И ныне, Богородичен. Аще ли ни: Слава и ныне, Богородичен. Также прокимен дне: и прочая. На стиховне, во октоихе: Слава, святому, аще есть: И ныне, Богородичен. Аще ли ни: Слава и ныне, Богородичен. Аще святому во уставе на 6, тогда во октоихе стихиры вечера оставляются: но поем святому стихиры на 6: Слава святому, аще есть: И ныне, Богородичен. Аще ли ни: Слава, и ныне, Богородичен. Аще ли и двум святым будет, и стихиры комуждо свой, такожде глаголем им по 3 стиха: и Славу глаголем такожде, аще будет коему святому. На стиховне во октоихе: Слава, святому, аще есть: И ныне, Богородичен. По Ныне отпускаеши: и по трисвятом, глаголем тропарь святому. Слава, и ныне: Богородичен дневный, по гласу тропаря. Аще две святых, а им два тропаря, и глаголем тропарь святому: Слава, другому святому тропарь: И ныне, Богородичен от меньших, по гласу другого тропаря. Аще будет предпразднство, или попразднство: На Господи возвах, стихиры праздника, 3: и святому, 3. Слава святому, аще есть. И ныне, праздника: Аще ли ни, тогда глаголем: Слава, и ныне, праздника. На стиховне, праздника: Слава, святому, аще есть: И ныне, праздника. Аще ли ни, тогда глаголем: Слава, и ныне, праздника. По Ныне отпускаеши: и по трисвятом, глаголем тропарь святому, аще есть: Слава, и ныне, праздника. Аще ли ни: тогда глаголем един тропарь праздника. И прочее обычно, и отпуст. Аще будет предпразднство или попразднство, и святому, емуже полиелей или бдение. И тому поем вечер и утро, и на литургии, якоже указано в уставе на ряду. Повечерие поем по обычаю. По Достойно, и по трисвятом глаголем, тропарь храму. Аще будет храм святого, и глаголем тропарь дню, и потом храму святого. Также тропарь общий: Боже отец наших: Посем, Иже во всем мире: Также, Слава: Со святыми упокой: И ныне, Богородичен: Молитвами Господи всех святых: Аще будет храм Христов: во вторник на повечерии, такожде и в четверток тропарь храму, во весь год не глаголем, занеже глаголется тропарь дне: Спаси Господи люди твоя: Потом храму Богородицы, или святого. Также общия, якоже и прежде указася. Сице глаголем и в прочие дни, кроме суббот, и недель, и предпразднства, и попразднства. Аще прилучится святому с полиелеем, тогда по трисвятом глаголем кондак святому: а тропарей дневных, и храму, которыя указаны, тогда не глаголем. Аще будет предпразднство или попразднство, тогда по

трисвято́м глаго́лем конда́к пра́здника еди́н. Аще́ бу́дет свято́му с полиеле́ем или со бде́нием: и по трисвято́м глаго́лем конда́к свято́му. Сла́ва и ны́не, конда́к пра́здника: и проче́е по обы́чаю, да́же и до отпу́ста. Полунощницу поём по обы́чаю, яко́же указа́ся во уставе: то́чию аще́ бу́дет пра́здник Влады́чен, или пра́здник Богоро́дицы, кото́рья пра́здники Богоро́дицы причтены́ ко Влады́чним пра́здником: и тогда́ глаго́лем на полунощнице по пе́рвом трисвято́м, вме́сто, Се́ жени́х: тропа́рь пра́зднику еди́н. А по 2-м трисвято́м глаго́лем конда́к пра́зднику еди́н. И посём, Го́споди поми́луй, 12: и отпу́ст. А моли́твы, Помяни́ Го́споди в наде́жди: в те́ пра́здники не глаго́лем. А в суббо́ту Лаза́реву, и в Препо́ложение, и наутрие́ Пя́тьдесятницы, и наутрие́ Рожде́ства Христо́ва, на Собо́ре Богоро́дицы: и наутрие́ Богоя́вления, на собо́ре Иоа́нна Предте́чи, на полунощнице глаго́лем тако́жде. А на отда́ние Па́схи, на полунощнице глаго́лем. по 1-м трисвято́м, вме́сто, Се́ жени́х: тропа́рь воскресе́н, Собезнача́льное сло́во: Сла́ва, и ны́не. Богоро́дичен его́. По 2-м трисвято́м, глаго́лем вме́сто, Помяни́ Го́споди яко́ бла́г: конда́к Па́сце: Аще́ и во гробе́ снизше́л еси́: еди́н. Посём, Го́споди поми́луй, 12: и отпу́ст, А моли́твы, Помяни́ Го́споди: не глаго́лем же. Аще́ прилучи́тся хра́м свята́го: На полунощнице глаго́лем по 1-м трисвято́м, вме́сто, Се́ жени́х: тропа́рь хра́му свята́го. Сла́ва и ны́не, Богоро́дичен воскресе́н, по гласу́ тропа́ря свята́го. А по 2-м трисвято́м глаго́лем, вме́сто, Помяни́ Го́споди яко́ бла́г: конда́к хра́му свята́го еди́н. Посём, Го́споди поми́луй, 12 и отпу́ст. А моли́твы, Помяни́ го́споди: не глаго́лем. Аще́ бу́дет пра́здник рожде́ства Иоа́нна Предте́чи, или Усе́кнове́ния, или ве́рховных апо́столов, Петра́ и Па́вла, на полунощнице глаго́лем: По 1-м трисвято́м, вме́сто, Се́ жени́х: тропа́рь свято́му. Сла́ва, и ны́не, Богоро́дичен воскресе́н, по гласу́ тропа́ря свята́го. По 2-м трисвято́м глаго́лем, вме́сто, Помяни́ Го́споди яко́ бла́г: конда́к свято́му еди́н. Посём, Го́споди поми́луй 12 и отпу́ст. А моли́твы, Помяни́ Го́споди в наде́жди: не глаго́лем же. В понеде́льник у́треню начина́ем, и поём по обы́чаю, яко́же указа́ся. То́чию на Бо́г госпо́дь, тропа́рь свято́му два́жды: Сла́ва, и ны́не, Богоро́дичен по гласу́ тропа́ря свята́го, от ме́ньших Богоро́дичнов. Аще́ ли не бу́дет тропа́ря свято́му на ряду́: тропа́рь свято́му о́бщий проти́во святите́льства, или преподо́бства его́, глаго́лем два́жды: Сла́ва и ны́не, Богоро́дичен по гласу́ тропа́ря. Аще́ бу́дет предпра́зднство, или попра́зднство, тогда́ глаго́лем тропа́рь пра́зднику два́жды: Сла́ва, свято́му, аще́ е́сть: И ны́не, пра́зднику. Аще́ не бу́дет свято́му тропа́ря, тогда́ глаго́лем тропа́рь пра́зднику два́жды: Сла́ва и ны́не, тойже тропа́рь пра́зднику. В понеде́льник на у́трени, канон покая́нен поём со ирмосо́м на 6: и безплотных на 4: и ми́неи свята́го на 4. Аще́ ли

поётся свя́таго на 6, оставляются во окто́ихе оба му́ченична, и поём свя́таго на 6. А́ще ли поётся свя́таго полиелей, тогда не поётся окто́их: но поём канон Богородице, или а́ще предпра́зднство, или попра́зднство, со ирмосом на 6: ирмос по два́жды: тропари на 4, и свя́таго на 8. Си́це убо во всю седмицу поём полиелейнаго свя́таго, канон на 8, якоже в понедельник сей явлено́ е́сть. А́ще прилуча́тся два́ святы́х, оставляется канон безплотных: И поём канон покаянен, со ирмосом на 6: и святы́м по 4 стиха́. Во вто́рник на у́трени канон покаянен со ирмосом на 6: и предте́чи на 4: и минеи свя́таго на 4. А́ще поётся святы́й на 6, оставляются во окто́ихе оба му́ченична: И поём свя́таго на 6: Полиелей же по предписа́нному. Та́кожде быва́ет а́ще и два́ святы́х, каноны́ им по 4 стиха́. В сре́ду на у́трени, канон Креста́, со ирмосом на 6: и Богородицы на 4, и свя́таго на 4. А́ще ли поётся святы́й на 6, оставляются оба му́ченична во окто́ихе, и поётся крестный канон со ирмосом на 4: и Богородицы на 4: и свя́таго на 6. А́ще бу́дет два́ святы́х, оставляется во окто́ихе канон Богородице, и поём святы́м на 8. В четвёрто́к на у́трени, поём канон святы́х апо́столов: со ирмосом на 6: и свя́таго Никола́а на 4: и минеи свя́таго на 4. А́ще ли поётся святы́й на 6: поём канон апо́столов, со ирмосом, и с Богородичным на 5: и свя́таго Никола́а с Богородичным на три: и минеи на 6. А́ще бу́дет два́ святы́х: поём канон апо́столом, со ирмосом на 6, и святы́м на 8. В пято́к поём, якоже и в сре́ду явлено́ е́сть, неизменно́. По 3-й пёсни, седа́лен свя́тому: Сла́ва, и ны́не, Богородичен. А́ще два́ святы́х бу́дут, и им два́ конда́ка, и два седа́льна: и свя́тому глаго́лем пре́жде конда́к, а́ще бу́дет, и икос. Та́же седа́лен ему́же. Сла́ва, седа́лен друго́му свя́тому: И ны́не Богородичен. А́ друго́му свя́тому конда́к и икос глаго́лем по 6-й пёсни. А́ще бу́дет предпра́зднство, или попра́зднство, глаго́лем вме́сто Богородична: И ны́не, пра́здника. А́ще бу́дет свя́тому на 6, седа́лен ему́ глаго́лем два́жды: Сла́ва, и ны́не пра́здника. По 6-й пёсни, конда́к и икос свя́тому, а́ще е́сть: а́ще ли ни, тогда́ глаго́лем конда́к свя́тому о́бщий, проти́во святительства, или преподо́бства его́. А́ще бу́дет предпра́зднство, глаго́лем конда́к и икос пра́зднику. А́ще бу́дет свя́тому с полиеле́ем, или со бде́нием, тогда́ глаго́лем конда́к и икос свя́тому. А́ в предпра́зднство, или попра́зднство, глаго́лем конда́к и икос сим о́бразом: По 3-й пёсни, конда́к и икос пра́здника: Та́же седа́лен свя́тому два́жды. Сла́ва и ны́не, седа́лен пра́здника: и прочее́ по ряду́, якоже указа́ся во уста́ве.

О светильнах, како глаголются во седмице кроме недели.

Свети́лен во окто́ихе: Сла́ва и ны́не, Богородичен его́. А́ще ли бу́дет в минеи свети́лен свя́таго, рцы́ его́ на Сла́ву, после́ дневнаго свети́льна. И

ныне, Богородичен его. Аще ли будет в минеи два святых, и светильна два: И глаголем 1 во октоихе. Таже святого: Слава, другого святого. И ныне, Богородичен его. Аще ли среда, или пяток: И ныне, Крестобогородичен во октоихе. В субботу же, аще имать рядовой святой, по 9-й песни, светилен глаголем святого прежде минеи. Таже, Слава, во октоихе светилен. И ныне, Богородичен его. Сице глаголются светильны, егда октоих с минеею поётся. На хвалитех святому, аще будет, и колико указано во уставе. Слава, святому: И ныне, Богородичен по гласу святого. Посём глаголем: Слава тебе показавшему нам свет. Аще не будет святому на хвалитех, тогда глаголем: Тебе слава подобает: На стиховне во октоихе. Слава, святому, аще есть. И ныне, Богородичен, по гласу святого. Аще ли ни, тогда глаголем: Слава и ныне, во октоихе. Аще будет святому на утрени стих с запевом, тогда глаголем на стиховне во октоихе со стихи. Первый: Исполнимся завтра: Второй: И буди светлость: Таже глаголем запев святому, который прилучится, да стих, и Слава, ему же: И ныне, Богородичен. А на вечерни, на стиховне глаголем такожде. Аще будет предпразднство, или попразднство, егда октоих не поётся, тогда на стиховне глаголем праздника, со стихи. Аще будет святому стих с запевом, а после стихов праздника пред Славою праздничною, глаголем стих святому с запевом. Слава, святому. И ныне, праздника. А на вечерни на стиховне, глаголем такожде. После, Благо есть: по трисвятом тропарь святому. Слава, и ныне, Богородичен, по гласу тропаря святого. Аще предпразднство, или попразднство, тогда глаголем тропарь святому. Слава, и ныне, праздника. Аще несть тропаря святому, тогда глаголем един тропарь праздника. Аще не будет предпразднства, или попразднства, глаголем тропарь святому общий, против святительства, или преподобства его: Слава, и ныне, Богородичен, по гласу тропаря. На 1-м часе, Слава, тропарь святому: И ныне, Богородичен часов. По трисвятом, кондак святому. Аще двум святым два тропаря, тогда глаголем тропарь святому. Слава, тропарь другому святому. И ныне, Богородичен часов. По трисвятом кондак святому первому. На 3-м часе и на прочих, глаголем такожде: а кондак пременяем. Аще прилучится предпразднство, или попразднство, и глаголем прежде тропарь празднику: Таже, Слава, тропарь святому: И ныне, Богородичен часов. По трисвятом кондак праздника непременно на всех часех. Аще будет и святому на 6: Сице твори на всяк день. Аще не будет святому, или святым двум тропаря, ни кондака, аще не будет предпразднства, или попразднства, тогда глаголем на часех тропарь, и кондак святому общий, против святительства или преподобства его. После, Ослаби: по трисвятом глаголем кондак прежде храму Христову:

таже дню, и храму святого, и святому рядовому, аще есть. Слава, Со святыми упокой: И ныне, кондак храму Богородицы. Аще не будет храма Богородицы, тогда глаголем. И ныне: Предстательство христиан: Аще предпразднство, или попразднство Христово, и глаголем прежде кондак празднику Христову, и прочая рядом: Кондака же храму Христову не глаголем. Сице глаголем: аще литургия не бывает. На литургии блаженны во октоихе на 6.

Зри Аще будет песнь святому, которую укажет во уставе, тогда глаголем во октоихе, на 4: И святому песнь на 4. Аще будет двум святым, а им укажет во уставе, коемуждо песнь, и тогда октоих оставляется. Аще будет предпразднство, или попразднство, и тогда глаголем якоже укажет во уставе.

Зри По входе глаголем тропарь, прежде храму Христову, и храму Богородицы, таже дню, и храму святого, и святому рядовому, аще есть. Таже кондак храму Христову, и дню, и храму святого, и святому рядовому аще есть. Таже, Слава: Со святыми упокой: И ныне, кондак храму Богородицы. Аще не будет храма Богородицы: И ныне, глаголем: Предстательство христиан: Аще будет предпразднство, или попразднство Христово, глаголем, прежде тропарь празднику Христову, и храму Богородицы: и прочая рядом, а тропарь и кондак тогда храму Христову не глаголется: такожде и храму Богородицы, в предпразднство и попразднство ея не глаголется. Аще среда или пяток, глаголем прежде тропарь дню: Спаси Господи люди Твоя: таже храму Богородицы, и храму святого, и святому рядовому. Посем кондак дню: Вознесыйся на крест: и храму святого, и рядовому святому. Слава, Со святыми: И ныне, храму Богородицы. А идеже несть храма Богородицы, точию един храм Христов: по тропаре глаголем кондак храму святого, и святому рядовому. Слава, Со святыми: И ныне, храму Христову. А идеже несть храма Христова, и Богородицы: глаголем: И ныне, Предстательство христиан: А в предпразднство и попразднство тропарь и кондак дню. На литургии по входе не глаголется и до отдания: занеже октоих не поется. Прокимен, апостол, аллилуиа, Евангелие, и причастен дню: и якоже укаzano будет во уставе. Такожде поем и в прочыя дни, кроме суббот и недель.

Указ о службе субботней

Егда поём Бог Господь, вечера кафисма 18. На Господи возвах, стихирь в миней святому, на 6. Слава, святому, аще иматъ: аще ли ни, Слава, и ныне, Богородичен 1-й по гласу настоящему. На стиховне во октоихе мученичны 4, иже писаны на Господи возвах, един оставляем 1-й. А запев: К Тебе возведох очи мои: И другий: Помилуй нас Господи, помилуй нас: Слава, святому, аще иматъ: Аще ли ни, Слава и ныне, Богородичен во октоихе. По Отче наш: тропарь святому. Слава, и ныне, Богородичен воскресный настоящего гласа. Ектения, и отпуст. На повечерии в пяток после Достойно, по трисвятом, тропарь храму Христову, и храму Богородицы. А святого, или святых храму в пяток тропарь не глаголется. Также Апостоли, мученицы и пророцы: Слава, Со святыми упокой: И ныне, Яко начатки: Аще предпразднство или попразднство, глаголем кондак празднику. Аще будет святому со славословием, глаголем кондак святому. Слава, и ныне, праздника. Полунощницу поём по обычаю. Точию аще будет праздник Владычень, или Богородицы, поются со отданием: или Рождество Предтечи, и Усекновение, и Петра и Павла, и храма святого: и на собор Богородицы и на собор Иоанна Предтечи. И глаголем по 1-м трисвятом тропарь, а по 2-м трисвятом кондак, якоже указася в понедельник. На утрени, на Бог господь: тропарь святому, дважды. Слава и ныне, Богородичен воскресен по гласу тропаря святого, а не настоящего гласа: понеже Богородичен воскресен гласа глаголется по 1-м седальне. И ныне: Аще же святой с полиелеем, тогда глаголем, на Бог Господь, по тропаре святого Богородичен воскресен гласа. Аще будет в субботу предпразднство, или попразднство, на Бог господь, глаголем тропарь праздника дважды. Слава, тропарь святому: И ныне, праздника. Аще не будет тропаря святому, тогда глаголем тропарь праздника дважды. Слава, и ныне, тойже. Также глаголем кафисму 16. По кафисме ектения: и седальны во октоихе, мученичны два, 1-й и 2-й. Слава и ныне, Богородичен воскресный 1: и чтение. Посем непорочны. По непорочных ектения. И седальны во октоихе мученичны два, 3-й, 4-й, и покойн. Слава, и ныне, Богородичен, И чтение. Псалом 8. И поём каноны: В субботу всегда предваряет в миней святых: И поём святого миней со ирмосом на 6: также храма святого, на 4: и во октоихе мученичен канон на 4. Аще же два святых, в миней поём единому канон со ирмосом на 6: и другому на 4: и мученичен канон октоиха на 4: храма же канон оставляется. Аще же храм Христов, или Богородицы: и поём прежде храма канон со ирмосом на 6:

ирмос по дважды, тропари на 4: И святого на 4: во октоихе мученичен канон на 4. Аще же святой, на 6: И поем храма со ирмосом на 4: и святого на 6: и во октоихе на 4.

Ведомо же буде и сие В кую субботу ни буди славословие прилучится, на утрени зри канон храма, аще есть Христов, или Богородицы, со ирмосом на 6: ирмос по дважды: тропари на 4: и святого, на 8. По 9-й песни светилен святого дважды. Слава, и ныне, Богородичен. По 3-й песни седален святому дневному. Слава, и ныне, Богородичен его. По 6-й песни кондак святому, и икос. Аще же где аллилуиа в субботу не поют, и поют всю службу рядовому святому, якоже указася. Аще же несть святому тропаря, и кондака, тогда глаголем тропарь общий святому, против преподобства его, во общих тропарех и кондаках. По 9-й песни, светилен прежде святому. Таже, Слава, во октоихе: И ныне, Богородичен его. Аще же ни, Светилен во октоихе: Иже мертвыми: Слава, и ныне: Мы о тебе хвалимся: Аще будет славословие святому в субботу: светилен святому дважды. Слава, и ныне, Богородичен его. Аще же несть на хвалитех святому стихир, тогда глаголем: Тебе слава подобает: и Слава Тебе показавшему нам свет. А во октоихе стихир на хвалитех не поем, но поем их на стиховне, Аще же поем святому на хвалитех стихир: тогда, Тебе слава подобает: сего стиха не глаголем: но по стихирах глаголем, Слава тебе показавшему нам свет. Посем, Исполним утреннюю молитву: и на стиховне, во октоихе, иже суть писаны на хвалитех, мученицы 4: запевы же глаголем обычны: 1-й, Исполнимся завтра милости Твоея Господи: 2-й, И буди светлость Господа Бога нашего на нас: А 4-й покойн оставляем. Слава, святому, аще иматъ: аще ли ни, Слава и ныне, Богородичен их. Стиховенныя же во октоихе оставляем, егда поем в субботу, Бог господь: по Благо есть: и по трисвятом, тропарь святому. Слава и ныне, Богородичен утренний, во глас тропаря святого. Аще будет предпразднство, или попразднство, глаголем тропарь святому. Слава, и ныне, праздника. Аще будут два святых, в предпразднства или попразднства, а им два тропаря: и глаголем тропарь святому: слава, тропарь другому святому: И ныне, праздника. Аще не будет тропаря святому, тогда глаголем тропарь праздника един. Потом ектения, и час 1-й: На 1-м часе глаголем: Слава, тропарь святому: И ныне, Богородичен часов. По трисвятом кондак святому. Аще предпразднство, или попразднство, глаголем тропарь праздника. Слава, святому: И ныне, Богородичен часов. По трисвятом кондак праздника. Аще два святых, а им два тропаря, и глаголем тропарь праздника: Слава, святому: И ныне, Богородичен часов. По трисвятом кондак праздника: На 3-м часе тропарь праздника: Слава,

тропа́рь друго́му свято́му, а конда́к пра́здника на все́х часе́х непреме́нно, кроме великаго свята́го с полиеле́ем: тогда́ бо конда́к пременя́ем. Аще́ не бу́дет тропа́ря свято́му, тогда́ тропа́рь, и конда́к глаго́лем пра́зднику. И посе́м отпу́ст, и многоле́тие. Та́же лити́а обы́чная. На литургии блаже́нна во окто́ихе на 6. Аще́ же има́ть святы́й пе́снь, глаго́лем пре́жде свято́му пе́снь 3-ю, со ирмосо́м на 4, и во окто́ихе на 4. По вхо́де пре́жде тропа́рь Христо́ву хра́му, и Богоро́дицы. Тропа́рь дню́: Апосто́ли, му́ченицы, проро́цы: Та́же, за упоко́й: Помяни́ Го́споди́ яко́ бла́г: Аще́ же святы́й рядо́вый има́ть тропа́рь: и Помяни́ Го́споди́ не глаго́лем. Та́же конда́к хра́му Христо́ву, и Богоро́дицы, и свято́му рядо́вому. Сла́ва, Со святы́ми упоко́й: И ны́не: Яко́ нача́тки: Аще́ предпра́зднство, или́ попра́зднство, по вхо́де тропа́рь пра́зднику и хра́му свята́го, и свято́му рядо́вому. Та́же конда́к хра́му свята́го: Сла́ва, свято́му рядо́вому: И ны́не, пра́здника. Аще́ храм Христо́в, и хра́му Христо́ву тропа́рь и конда́к в предпра́зднство и попра́зднство Христо́во не глаго́лется: тако́жде и хра́му Богоро́дицы, в предпра́зднство и попра́зднство Ея́: тропа́рь и конда́к не глаго́лется. Проки́мен, апо́стол, аллилу́иа, Евангелие, и прича́стен пре́жде свято́му, и пото́м ряд. Аще́ свято́му апо́стола не́сть, тогда́ проки́мен, апо́стол, аллилу́иа, Евангелие и прича́стен дне́, и за упоко́й. А от неде́ли мыта́ря и фари́сеа, и до неде́ли все́х святы́х, проки́мен, апо́стол, аллилу́иа, Евангелие, и прича́стен, пре́жде суббо́те, и пото́м свято́му. Аще́ свято́му не́сть апо́стола, и евангели́а, и прича́стна, тогда́ за упоко́й.

Зри́ Ука́з о хра́ме Христо́ва Воскресе́ния, како́ подоба́ет в суббо́ту на у́трени кано́н пе́ти настояща́го гласа́

Поём кано́н воскре́сен, ирмо́с по два́жды: тропа́ри на 4: поём же си́це: два́ тропа́ря воскре́сны и крестовоскре́сен еди́н, и Богоро́дичен еди́н: и свято́му в мине́и на 4: и во окто́ихе на 4. Аще́ же кано́н свято́му на 6: тогда́ поём кано́н воскре́сен со ирмосо́м на 4, ирмо́с еди́ножды: и свято́му в мине́и на 6. и во окто́ихе на 4.

Зри́ Аще́ прилучи́тся предпра́зднство, или́ попра́зднство Го́сподских пра́здников или́ Богоро́дичных в суббо́ту, и в про́чья дни седми́цы кроме́ неде́ли. Тако́жде в Положе́ние ризы́ Ея́ во Влахе́рнах, и на Положе́ние Честна́го по́яса, окто́их не пое́тся. Разве́ догматика на Го́споди́ **воззва́х**, в пято́к ве́чера: но пое́тся служба́ вся́ предпра́зднству или́ попра́зднству купно́ со святы́м, яко́же уста́в изъявля́ет.

Канон молебный ко Пресвятей Богородице изрядный

Творение благочестивейшаго царя господина Феодора Дуки Ласкаря.
Благословен Бог наш: Слава Тебе Боже наш, слава Тебе. Царю небесный:

Трисвятое: по Отче наш: Священник: Яко Твое есть Царство:

Таже, Господи, помилуй, 12. Слава, и ныне: Приидите, поклонимся:
Псалом 142.

Господи, услыши молитву мою, внуши моление мое во истине Твоей, услыши мя в правде Твоей! И не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой: посадил мя есть в темных, яко мертвья века. И уны во мне дух мой, во мне смятеса сердце мое. Помянух дни древняя, поучихся во всех делех Твоих, в творениях руку Твоею поучахся. Воздох к Тебе руке мой: душа моя яко земля безводная Тебе. Скоро услыши мя Господи, исчезе дух мой: не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах: скажи мне Господи путь, вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой: Дух Твой благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя, и погубиши вся стужающыя души моей, яко аз раб Твой есмь.

Слава, и ныне: Аллилуиа: Таже Бог Господь:

Таже тропарь Богородице:

К Богородице прилежно ныне притецем грешнии и смиреннии, и припадём в покаянии зовуще из глубины души: Владычице помози, на ны милосердовавши: потщися, погибам от множества преступлений, не отврати Твоя рабы тщи, Тя бо и едину надежду имамы. Дважды.

Не умолчим никогда Богородице, силы Твоя глаголати недостойнии: аще бо Ты не бы предстояла молящи, кто бы нас избавил от толиких бед? кто же бы сохранил до ныне свободны? не отступим Владычице от Тебе, Твоя бо рабы спасаеши присно от всяких лютых.

Посем псалом 50.

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего и от греха моего очисти мя: яко беззаконие мое аз знаю, и грех мой предо мною есть вина. Тебе единому согреших и лукавое пред Тобою

сотвори́х: яко да оправди́шия во словесе́х Твои́х и победи́ши, внегда́ суди́ти Ти. Се́ бо, в беззакони́их зачатъ есмь, и во гресе́х роди́ мя ма́ти моя. Се́ бо, истину возлюбилъ еси́, безвѣстная и тайная премудрости Твоея́ явилъ ми еси́. Окропи́ши мя иссопом, и очищу́ся: омыеши́ мя, и паче́ сне́га убелю́ся. Слу́ху моему́ да́си радость и веселие: возра́дуются кости́ смиренныя. Отврати́ лице́ Твое́ от грѣхъ моихъ и вся́ беззаконія́ моя́ очисти́. Сердце́ чисто́ созижди́ во мнѣ́, Бо́же, и ду́х правъ́ обнови́ во утробе́ мое́й. Не отвержи́ мене́ от лица́ Твоего́ и духа́ Твоего́ святаго́ не отими́ от мене́. Воздаждь́ ми́ радость спасе́ния Твоего́ и ду́хом Влады́чним утверди́ мя. Научу́ беззаконныя́ путе́м Твоимъ, и нечестивии́ к Тебе́ обратятъ. Избави́ мя от крове́й, Бо́же, Бо́же спасе́ния моего́: возра́дуется язы́къ мой правде́ Твое́й. Го́споди, устне́ мои́ отвори́, и уста́ моя возвестятъ хвалу́ Твою́. Яко́ аще́ бы восхотѣ́л еси́ жертвы́, далъ бы́х убо́: всесо́жжениа́ не благоволи́ши. Жертва́ Бо́гу ду́х сокрушенъ: сердце́ сокруше́нно и смире́нно Бо́г не уничи́жит. ублажи́, Го́споди, благоволе́нием Твоимъ Сио́на, и да сози́дуются стѣны́ иерусали́мския: тогда́ благоволи́ши жертву́ правды́, возноше́ние и всесо́жегаемая: тогда́ возложатъ на олта́рь Твойъ тельцы́.

И начинаем канон Пресвятыя Богородицы, без ирмосов.

Пѣснь 1.

Ирмосъ: Колесницегонителя́ фарао́ня погрузи́ чудотвори́и иногда́ Моисе́йский же́зл, крестообразно́ поразивъ, и разделивъ́ море: Израи́ля же беглеца́ пешехо́дца спасе́, пѣснь́ Бо́гови воспева́юща.

Припѣв: Пресвята́я Богороди́це, спаси́ нас.

Ско́рбныхъ наведе́ния обуреваютъ смире́нную мою́ ду́шу, и напа́стей о́блацы́ мое́ покрыва́ют сердце́, Богоневѣ́стная: но Свѣ́тъ рождша́я Божественный́ и превѣ́чный, возсия́й мнѣ́ свѣ́тъ радостный́.

От безме́рныхъ ну́ждей и скорбе́й и от враго́в лю́тых, и напа́стей житей́скихъ изба́влься, Всепречи́стая, кре́пкою си́лою Твое́ю, воспева́ю, велича́ю безме́рную Твою́ милость, и еже́ ко мнѣ́ Твое́ утеше́ние.

Слава: Ны́не наде́ясь, к Твоему́ прибе́гох заступле́нию кре́пкому, и к Твоему́ покро́ву вседу́шно притеко́х: и колѣна́ приклоня́ю Влады́чице, и плачу́, и стелю́, не презри́ мене́ окаяннаго, Христиа́ном прибе́жище.

И ны́не: Не умолчу́ вопи́ти яснейше́ вели́чя Твоя́: аще́ бо не Ты́, Отрокови́це, всегда́ предстоя́ла еси́ о мнѣ́ моля́щи Сы́на Твоего́, кто́ бы от толи́кия бури, и лю́тыхъ бе́д изба́вил мя́.

Пѣснь 3.

Ирмосъ: Небе́снаго кру́га верхо́творче́ Го́споди, и це́ркве зижди́телю, Ты́ мене́ утверди́ в любви́ Твое́й, желаний́ краю́, ве́рныхъ утвержде́ние, еди́не Человеколю́бче.

Недоумёвый от всѣх, болѣзненно зову Ти: предвари тёплое предстательство, и Твою помощь даждь ми рабу Твоему смиренному и окаянному, Твоего заступления ищущему тепле.

Удивила еси воистинну ныне на мнѣ, Владычице, благодеяния Твоя Отроковице, и милости Твоя. Темже славлю Тя, и воспеваю, и почитаю многое и безмерное смотрение Твое.

Слава: Буря мя обуревает напастей Владычице, и скорбных треволнения погружают: но предваривши руку ми даждь помощи, тёплое заступление, и предстательство Твое.

И ныне: Истинную Богородицу исповѣдую Владычице, Тя смерти державу потребившую: яко бо оживляющая, от уз адовых к животу возвела еси мя, в землю текшаго.

Сие по 3-й и по 6-й песни токмо:

Спаси от бед рабы Твоя Богородице, яко вси по Бозе к тебе прибегаем, яко нерушимей стене и предстательству.

Призри благосердием всепетая Богородице, на мое лютое телесе озлобление, и исцели души моя болѣзнь.

Ектения: Помилуй нас, Боже:

Возглас: Яко милостив:

И абие глаголем тропарь, глас 2:

Моление тёплое, и стена необоримая, милости источниче, миру прибежище, прилежно вопием Ти: Богородице Владычице, предвари, и от бед избави нас, едина вскоре предстательствующая.

Пѣснь 4.

Ирмос: Ты моя крепость Господи, Ты моя и сила, Ты мой Бог, Ты мое радование, не оставль недра Отча, и нашу нищету посетив. Тем с пророком Аввакумом зову Ти: силе Твоей слава Человеколюбче.

И где прочее иное обрящу заступление? камо прибегну? где же и спасуся? кую тёплую возымам помощницу, скорбми житейскими и бурями, увы мнѣ, колеблему? на Тя едину уповаю, и дерзаю, и хвалюся, и притекаю к покрову Твоему, спаси мя.

Реку сладкую милости Твоя, богатыми дарми оросившую, всеокаянную и смиренную душу мою Всечистая, напастей и скорбей пещию сожженную, величаю, проповѣдую и притекаю к покрову Твоему, спаси мя.

Слава: Тя Чистую, Тя Деву и Нескверную, едину имам стену необоримую, прибежище, покров крепкий, оружие спасения: не презри мене блуднаго, надеждо ненадеемых, немощствующих помощи, оскорбляемых радости и заступление.

И ныне: Како изреци Твоя по достоинству возмогу безмерныя щедроты, о Владычице, яже мою всегда душу люте оскорбляемую, яко воды обыхедшыя? но, о Твоего промысла и благодеяния, егоже безумно окаянный погубих!

Песнь 5.

Ирмос: Вскую мя отринул еси от лица Твоего Свете незаходимый, и покрыла мя есть чуждая тма окаяннаго? но обрати мя и к свету заповедей Твоих пути моя направи, молюся.

Благодарно вопию Ти: радуйся, Мати Дево, радуйся, Богоневесто, радуйся, Божественный покрове, радуйся, Оружие и стено нерушимая: радуйся, Предстательство и помощи и спасение, иже к Тебе притекающим верую. Дважды.

Слава: Ненавидящий мя всеу, стрелы и мечи и ров уготоваша, и ищут всеокаяннаго моего тела исторгнути, и низвести в землю желают: но от сих Чистая, предваривши спаси мя.

И ныне: Кий тебе дар принесу благодарения, за яже насладихся Твоих дарований, и Твоея безмерныя благостыни? темже убо славлю, песнословлю и величаю Твою неизреченную ко мне милость.

Песнь 6.

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли Боже, возведи мя.

Облацы скорбных покрывша окаянную мою душу и сердце, и помрачение вводят мне Отроковице: но рождающая Свет непреступный, изжени сия далече, дохновением Божественных молитв Твоея.

Утешение в скорбех вем, и недугов врача Тя знаю, и всесовершенное сокрушение смерти, и реку живота неизчерпаемую, и всех сущих в напастех скорое и быстрое заступление.

Слава: Не скрываю глубины Твоея милости, и ток безмерных чудес, и источник приснотекущий воистинну, яже ко мне милости Твоея Владычице: но всем исповедую, и вопию, и проповедую, и вещаю.

И ныне: Обыдоша мя житейския бури, яко пчелы сот Дево, и мое содержащая сердце уязвляют стрелы скорбей: но да обрящу Тя помощницу, и гонительницу, и избавительницу, Всепречистая.

Таже: Спаси от бед: и Призри благосердием: Ектения малая.

Возглас: Ты бо еси Царь мира:

И по возгласе абие кондак, глас 6:

Предстательство христиан непостыдное, ходатайство ко Творцу непреложное, не презри грешных молений гласы, но предвари яко благая

на по́мощь на́с, ве́рно зову́щих Ти: ускори́ на моли́тву, и потщи́ся на умоле́ние, предста́тельствующи при́сно Богоро́дице, чту́щих Тя.

И прокимен, глас 4: Помяну́ имя́ Твое́ во вся́ком роде и роде.

Стих: Слы́ши дщи́ и ви́ждь, и приклони́ у́хо твое.

Еванглие от Луки, зачало 4:

Во дни́ оны́, воста́вши Мари́ам, иде́ в го́рняя со тщи́нием во гра́д Иу́дов. И вни́де в до́м Заха́риин, и целова́ Елисавет. И бы́сть, яко услы́ша Елисавет целова́ние Мари́ино, възграся́ младе́нец во чре́ве ея́: и испо́лнися Ду́ха Свя́та Елисавет. И возопи́ гласом ве́лиим, и рече́: благослове́на Ты́ в жена́х, и благословен пло́д чре́ва Твоего́. И откуда́ мне́ сие́, да прииде́ Ма́ти Го́спода моего́ ко мне́? Се́ бо яко бы́сть глас целова́ния Твоего́ во у́шию моею́, възграся́ младе́нец ра́дощами во чре́ве моем. И блаже́нна верова́вшая, яко́ будет соверше́ние глаго́ланным Ей́ от Го́спода. И рече́ Мари́ам: величит ду́ша Моя́ Го́спода, и возра́довася ду́х мой о́ Бо́же Спа́се моем. Яко́ призре́ на смире́ние рабы́ Своея́: се́ бо от ны́не ублажа́т Мя́ вси́ роди. Яко́ сотвори́ мне́ вели́чие Си́льный, и свято́ имя́ Его́. Пребы́сть же Мари́ам с нею́ яко́ три ме́сяцы, и возврати́ся в до́м Сво́й.

Лик: Сла́ва Тебе́, Го́споди, сла́ва Тебе́.

Сла́ва, глас 6: Моли́твами Богоро́дицы, Ми́лостиве, очисти́ мно́жества согреше́ний на́ших.

И ны́не: Моли́твами Богоро́дицы, Ми́лостиве, очисти́ мно́жества согреше́ний на́ших.

Та́же: Помилуй́ мя́, Бо́же, по вели́цей ми́лости Твое́й, и по мно́жеству щедро́т Твои́х очисти́ беззако́ние мое́.

Глас 6:

Не ввери́ мя́ челове́ческому предста́тельству, Пресвята́я Влады́чице, но́ прими́ моле́ние раба́ Твоего́: ско́рбь бо обдержит́ мя́, терпе́ти не могу́ демонскаго стреля́ния, покро́ва не́ има́м, ниже́ где́ прибе́гну окаянны́й, всегда́ побеждае́мь, и утеше́ния не́ има́м, разве́ Тебе́ Влады́чице́ ми́ра: упова́ние и предста́тельство ве́рных, не презри́ моле́ние мое́, полезно́ сотвори́.

Ектени́а: Спаси́, Бо́же, лю́ди Твоя́ и благослови́ досто́яние Твое́, посети́ ми́р Тво́й ми́лостию и щедро́тами, возвы́си ро́г христиа́н правосла́вных и низпосли́ на ны́ ми́лости Твоя́ бога́тыя: моли́твами Всепречи́стыя Влады́чицы на́шей Богоро́дицы и Присноде́вы Мари́и: сило́ю Честна́го и Животворя́щаго Креста́: предста́тельства́ честны́х небе́сных сил́ безплотны́х: честна́го сла́внаго проро́ка, Предте́чи и Крестите́ля Иоа́нна: святы́х сла́вны́х и всехва́льных апо́стол: святы́х сла́вны́х и добропобе́дных мучени́ков, преподо́бных и богоно́сных оте́ц на́ших,

святых и праведных богоотцев Иоакима и Анны и всех святых: молим Тя, многомилостиве Господи, услыши нас, грешных, молящихся Тебе и помилуй нас.

Лик: Господи помилуй, 12.

Возглас: Милостию и щедротами:

Песнь 7.

Ирмос: Отроцы еврейстии в пещи попраша пламень дерзновенно, и на росу огонь преложиша, вопиюще: благословен еси Господи Боже во веки.

Свет рождающая Богородице, помрачена мя ночью грехов просвети Ты, Света сущи приятелище чистое и непорочное, да любовьию Тя славолю.

Покров буди и предстательство, и заступление, и похвала Дево, обнажену мне ныне всякия помощи, беспомощных сило и надеждо ненадеемых.

Слава: Всею душею и мыслию, и сердцем и устнами Тя славолю, насладився Твоих великих дарований: но о Твоея благостыни, и безмерных Твоих чудес!

И ныне: Виждь милостивым оком Твоим, и посети озлобление еже имам: и лютых напастей и вреда и бед, и от искушений мя избави безмерною милостию Твоею.

Песнь 8.

Ирмос: На горе святей прославльшася, и в купине огнем Приснодевы Моисеови тайну явльшаго, Господа пойте, и превозносите во вся веки.

Благодутробия ради милости Твоея Дево, не презри Чистая, потопляемаго мене бурю житейских волн: но даждь ми руку помощи, утесняему озлобленными житейскими.

Обстояния и скорби и нужды обретоша мя, Чистая, и напасти житейския, и искушения отсюду мя обыдоша: но предстани ми, и заступи мя крепким Твоим покровом.

Слава: В бурях да обрящу Тя пристанище, в печалех радость и веселие, и в недугех скорую помощь, и в бедах избавительницу, и предстательницу во искушениях.

И ныне: Радуйся Престолу огнеобразный Господень, радуйся Божественная и манноприемная ручко, радуйся златый светильниче, свеще неугасимая, радуйся девам славо, и матерем украшение и похвало.

Песнь 9.

Ирмос: Ужасеся о сем небо, и земли удивися концы, яко Бог явися человеком плоти, и чрево Твое бысть пространнейшее небес: тем Тя Богородицу, ангелов и человек чиновачалия величают.

К кому прибегну иному Чистая? где притеку прочее, и спасуся? камо

иду? ко́е же обря́щу прибе́жище? ко́е тёплое заступле́ние? кую́ в ско́рбех помо́щницу? на Тя́ еди́ну уповаю́, и о Тебе́ еди́ней хвалю́ся, и на Тя́ дерза́я прибе́гох.

Несть́ исчи́слити возмо́жно вели́чия Твоя́ Богоневéсто, и глубинú неиспытательну́ изрещи́, паче́ ума́ чудес́ Твоих, совер́шенных вы́ну любóвию Тя́ чту́щим, и véрою покланя́ющимся, я́ко воистинну́ Бо́га рóждшей.

Сла́ва: В пéснях благода́рных славосло́влю, и почита́ю безме́рную ми́лость, и мно́гую си́лу Твою́ все́м испове́дую, и благода́яния Твоя́, яже исто́щила еси́ на мя, пропове́дую, велича́ю душе́ю же и се́рдцем, и мы́слию, и язы́ком всегда́.

И ны́не: Моле́ние моё́ приими́ убо́гое, и пла́ча моего́ не прэ́зри, и слéз, и стенáния, но заступи́ мя я́ко благая, и проше́ния исполни́: можеши́ бо вся́ я́ко всемо́щнаго Влады́ки Бо́га Ма́ти, а́ще возмаа́еши то́кмо моему́ окаянному́ смире́нию.

И а́бие:

Досто́йно е́сть, я́ко воистинну́ блажи́ти Тя́ Богоро́дицу, присноблаже́нную и пренепоро́чную, и Ма́терь Бо́га на́шего. Честнейшу́ю херувим и сла́внейшую без сравне́ния серафим, без ислéния Бо́га Слова́ рóждшую, су́щую Богоро́дицу Тя́ велича́ем.

И кадит́ свяще́нник жéртвенник и лю́ди, и мы́ поём настоя́щя Богоро́дичны, глас 8:

Вы́шшую небéс и чи́стшую свéтлостей со́лнечных, избáвльшую на́с от кля́твы, Влады́чицу ми́ра пéсньми почт́им.

От мно́гих моих грехо́в немощствует тéло, немощствует и ду́ша моя́: к Тебе́ прибега́ю, Благода́тней, наде́ждо ненаде́жных, Ты́ ми помози́.

Влады́чице и Ма́ти Избáвителя, приими́ моле́ние недосто́йных ра́б Твоих, да ходата́йствуеши к рóждшемуся от Тебе́: о Влады́чице ми́ра, бу́ди ходата́ица!

Поём приле́жно Тебе́ пéснь ны́не всепéтой Богоро́дице ра́достно, со Предте́чею, и все́ми святы́ми, мо́ли Богоро́дице, е́же уще́дрити ны́.

Вся́ а́нгелов во́инства, Предте́че Господе́нь, апо́столов двоена́деса́тице, святы́и вси́ с Богоро́дицею сотвори́те моли́тву, во е́же спасти́ся на́м.

Трисвято́е: по О́тче на́ш: Свяще́нник: Я́ко Твое́ е́сть Ца́рство:

И тропари́ сия́, глас 6:

Помилуй на́с, Го́споди, помилуй на́с:

Сла́ва: Го́споди, помилуй на́с:

И ны́не: Милосе́рдия д́вери:

Ектениа́: Помилуй на́с, Бо́же:

Возглас: Услы́ши ны́, Бо́же, Спаси́телю на́ш:

Моли́тва ко Пресвяте́й Влады́чице на́шей Богоро́дице:

О Пресвята́я Влады́чице и Госпоже́ Богоро́дице, приими́ недостойную моли́тву на́шу, и сохрани́ от наве́т злых челове́к, и от напрасны́я сме́рти, и даруй на́м пре́жде конца́ покая́ние. На моле́ние на́ше умилосе́рдися, и радость вме́сто печа́ли да́руй. И изба́ви на́с, Госпоже́, от вся́кия бе́ды и напа́сти, ско́рби и боле́зни, и от вся́каго зла́, и сподо́би на́с, грешных рабо́в своих, одесну́ю ста́ти во второ́м прише́ствии Сына Твоего́ Христа́ Бо́га на́шего, и насле́дники на́с бы́ти сподо́би Ца́рствия небе́снаго, и жи́зни ве́чныя, со все́ми святы́ми в бесконе́чныя веки.

Лик: Ами́нь.

Та́же, Прему́дрость: Пресвята́я Богоро́дице, спаси́ на́с.

Лик: Честнейшую херувим:

Свяще́нник: Слава Тебе́, Христе́ Бо́же:

Лик: Слава, и ны́не: Го́споди, поми́луй, три́жды. Благослови́.

Свяще́нник творит отпу́ст.

Велича́ние:

Велича́ем Тя́, Пресвята́я Де́во, Богоизбра́нная Отрокови́це, и чтим о́браз Тво́й святы́й, имже то́чиши исцеле́ния все́м с ве́рою притека́ющим.

Примечания

- 1 - естество́ новопремени́ся
- 2 - свя́т одушевле́нный хра́м
- 3 - су́щым вне́ су́етнаго ми́ра
- 4 - свя́т и́же сла́вы Госпо́дь неизме́нный бла́гостию
- 5 - запы́вса Ада́м и сокруша́ется
- 6 - из ме́ртвых бо воскресе́ние Ты́, яви́вса су́щым во а́де, Христé,
дарова́л еси́
- 7 - свя́т Одушевле́нный Хра́м
- 8 - свя́т одушевле́нный Хра́м
- 9 - си́х превы́ше
- 10 - воскресе́ние
- 11 - херувимсте́м се́дящаго
- 12 - е́же са́да преслуша́ннаго бра́шна
- 13 - кре́пкая
- 14 - сия́

Содержание

Октоих	1
Уставные главы	2
Чин малыя вечерни	3
Чин великия вечерни, сиесть бдения всенощнаго, и утрени воскресныя	5
О святем имущем бдение, аще прилучится в неделю	17
О святем имущем полиелей, аще прилучится в неделю	20
О святем поемом на 6. Аще будет в неделю, не имеяй полиелеа	22
Идеже всенощныя не бывают	24
Глас 1	28
Суббота	29
В суббóту вéчера, на мáлей вechéрни	30
В суббóту на вели́цей вechéрни	32
В суббóту на повечéрии	35
Воскресенье	40
В недéлю úтра, начáло полунощницы	41
На úтрени по шестопсáлмии	45
На литургíи изобразíтельная, блажéнна, глас 1:	57
В Недéлю вéчера	58
В Недéлю на повечéрии	60
Понедельник	64
В понедéльник úтра	65
В понедéльник блажéнна, глас 1:	74
В понедéльник вéчера	75
В понедéльник на повечéрии	77
Вторник	81
Во втóрник úтра по ексапсалмéх	82
Во втóрник блажéнны, глас 1:	91
Во втóрник вéчера	92
Во втóрник на повечéрии	94
Среда	98
В срéду úтра	99
В срéду блажéнны, глас 1:	108
	100

В срѣду вѣчера	109
В срѣду на повечѣрии	111
Четверг	115
В четвертѡк ѹтра	116
В четвертѡк блажѣнны. Глас 1:	125
В четвертѡк вѣчера	126
В четвертѡк на повечѣрии	128
Пятница	132
В пятѡк ѹтра	133
В пятѡк блажѣнны, глас 1:	142
О службе субботней о вечерни, о утрени и о литургии	143
Егда поем Бог Господь	144
Подобает ведати, аще прилучится в субботу пети аллилуиа	147
Последование панихиды	150
О святем имущем полиелей, аще случится в субботу	156
Пятница (продолжение)	159
В пятѡк вѣчера	160
В пятѡк на повечѣрии	162
Суббота	166
В суббѡту на ѹтрени	167
В суббѡту, блажѣнны. Глас 1:	177
Глас 2	178
Суббота	179
В суббѡту вѣчера, на малей вечерни	180
В суббѡту на велицей вечерни	182
В суббѡту на повечѣрии	185
Неделя	189
В недѣлю на полунощнице	190
В недѣлю на ѹтрени	194
На литургии блажѣнна, глас 2:	203
В недѣлю вѣчера	204
В недѣлю на повечѣрии	206
Понедельник	210
В понедѣльник ѹтра	211
В понедѣльник блажѣнны, глас 2:	220
В понедѣльник вѣчера	221
В понедѣльник на повечѣрии	223
~	~

Вторник	227
Во вторник ўтра	228
Во вторник блажэнны, глас 2:	238
Во вторник вэчера	239
Во вторник на повечэрии	241
Среда	245
В среду ўтра	246
В среду, блажэнны, глас 2:	255
В среду вэчера	256
В среду на повечэрии	258
Четверг	262
В четверток ўтра	263
В четверток блажэнны, глас 2:	271
В четверток вэчера	272
В четверток на повечэрии	275
Пятница	279
В пяток ўтра	280
В пяток блажэнны. Глас 2:	289
В пяток вэчера	290
В пяток на повечэрии	292
Суббота	296
В суббóту ўтра	297
В суббóту блажэнна, глас 2:	307
Глас 3	308
Суббота	309
В суббóту вэчера, на ма́лей вечэрни	310
В суббóту на вели́цей вечэрни	312
В суббóту на повечэрии	315
Неделя	319
В недéлю ўтра, на полúнощнице	320
В недéлю на ўтрени, по шестопсáлмии	324
На литургии блажэнна, глас 3:	334
В недéлю вэчера	335
В недéлю на повечэрии	337
Понедельник	341
В понедельник ўтра	342
В понедельник Блажэнны, глас 3:	350
	351

В понедéльник вéчера	351
В понедéльник на повечéрии	353
Вторник	357
Во втóрник úтра	358
Во втóрник блажéнны, глас 3:	367
Во втóрник вéчера	368
Во втóрник на повечéрии	370
Среда	374
В срéду úтра	375
В срéду блажéнны, глас 3:	384
В срéду вéчера	385
В срéду на повечéрии	387
Четверг	391
В четвeртóк úтра	392
В четвeртóк блажéнны, глас 3:	400
В четвeртóк вéчера	401
В четвeртóк на повечéрии	403
Пятница	407
В пятóк úтра	408
В пятóк блажéнны, глас 3:	417
В пятóк вéчера	418
В пятóк на повечéрии	420
Суббота	424
В суббóту úтра	425
В суббóту блажéнны, глас 3:	434
Глас 4	435
Суббота	436
В суббóту вéчера	437
В суббóту на вели́цей вечéрни	439
В суббóту на повечéрии	442
Неделя	446
В недéлю úтра на полу́нощнице	447
В недéлю úтра по шeстопсáлмии	451
На литургíи блажéнна, глас 4:	461
В недéлю вéчера	463
В недéлю на повечéрии	465
Понедельник	469

В понедѣльник ўтра	470
В понедѣльник блажэнны, глас 4:	478
В понедѣльник вѣчера	479
В понедѣльник на повечэрии	481
Вторник	485
Во втórник ўтра	486
Во втórник блажэнны, глас 4:	495
Во втórник вѣчера	496
Во втórник на повечэрии	498
Среда	502
В срѣду ўтра	503
В срѣду блажэнны, глас 4:	512
В срѣду вѣчера	513
В срѣду на повечэрии	515
Четверг	519
В четвертóк ўтра	520
В четвертóк блажэнны, глас 4:	528
В четвертóк вѣчера	529
В четвертóк на повечэрии	531
Пятница	535
В пятóк ўтра	536
В пятóк блажэнны, глас 4:	545
В пятóк вѣчера	546
В пятóк на повечэрии	548
Суббота	552
В суббóту ўтра	553
В суббóту блажэнны. Глас 4:	562
Глас 5	563
Суббота	564
В суббóту вѣчера, на мáлей вечэрни	565
В суббóту на веліцей вечэрни	567
В суббóту на повечэрии	570
Неделя	574
В недѣлю ўтра, на полўнощнице	575
На ўтрени, по шестопсáлмии	579
На литургіи блажэнна, глас 5:	590
В недѣлю вѣчера	591

В недéлю на повечéрии	594
Понедельник	598
В понедéльник úтра	599
В понедéльник блажéнны, глас 5.	606
В понедéльник вéчера	607
В понедéльник на повечéрии	610
Вторник	614
Во вторник úтра	615
Во вторник блажéнны, глас 5:	624
Во вторник вéчера	625
Во вторник на повечéрии	628
Среда	632
В срéду úтра	633
В срéду блажéнны, глас 5:	641
В срéду вéчера	642
В срéду на повечéрии	645
Четверг	648
В четвертóк úтра	649
В четвертóк блажéнны, глас 5:	657
В четвертóк вéчера	658
В четвертóк на повечéрии	661
Пятница	665
В пятóк úтра	666
В пятóк блажéнны, глас 5:	674
В пятóк вéчера	675
В пятóк на повечéрии	677
Суббота	681
В суббóту úтра	682
В суббóту блажéнны, глас 5:	691
Глас 6	692
Суббота	693
В суббóту вéчера, на мáлей вечéрни	694
В суббóту на вели́цей вечéрни,	696
В суббóту на повечéрии	699
Неделя	702
В недéлю úтра, на полúнощнице	703
В недéлю на úтрени	707

На литургии блаженны, глас 6:	718
В недéлю вéчера	719
В недéлю на повечéрии	721
Понедельник	725
В понедéльник úтра	726
В понедéльник блаженны, глас 6:	734
В понедéльник вéчера	735
В понедéльник на повечéрии	737
Вторник	741
Во втóрник úтра	742
Во втóрник блаженны, глас 6.	751
Во втóрник вéчера	752
Во втóрник на повечéрии	754
Среда	758
В срéду úтра	759
В срéду блаженны, глас 6:	768
В срéду вéчера	769
В срéду на повечéрии	771
Четверг	775
В четвeртóк úтра	776
В четвeртóк блаженны, глас 6:	783
В четвeртóк вéчера	784
В четвeртóк на повечéрии	786
Пятница	790
В пятóк úтра	791
В пятóк блаженны, глас 6:	800
В пятóк вéчера	801
В пятóк на повечéрии	803
Суббота	807
В суббóту úтра	808
В суббóту блаженны, глас 6	816
Глас 7	817
Суббота	818
В суббóту вéчера, на мáлей вeчérни	819
В суббóту на вeлícей вeчérни	821
В суббóту на повечéрии	824
Неделя	828

В недéлю ўтра на полунощнице	829
На ўтрени по шестопсáлмии:	833
На литургии блажéнна, глáс 7:	844
В недéлю вéчера	845
В недéлю на повечéрии	847
Понедельник	851
В понедéльник ўтра	852
В понедéльник блажéнны, глáс 7:	859
В понедéльник вéчера	860
В понедéльник на повечéрии	862
Вторник	865
Во втóрник ўтра	866
Во втóрник блажéнны, глáс 7:	875
Во втóрник вéчера	876
Во втóрник на повечéрии	878
Среда	881
В срéду ўтра	882
В срéду блажéнны, глáс 7:	891
В срéду вéчера	892
В срéду на повечéрии	894
Четверг	898
В четвэртóк ўтра	899
В четвэртóк блажéнны, глáс 7.	907
В четвэртóк вéчера	908
В четвэртóк на повечéрии,	910
Пятница	913
В пятóк ўтра	914
В пятóк блажéнны, глáс 7:	921
В пятóк вéчера	922
В пятóк на повечéрии	924
Суббота	928
В суббóту ўтра	929
В суббóту блажéнны, глáс 7:	937
Глас 8	938
Суббота	939
В суббóту вéчера, на мáлей вэчэрни	940
В суббóту на веліцей вэчэрни	942

В суббóту на повечéрии	945
Неделя	948
В недéлю úтра, на полúнощнице	949
На úтрени по ексапсалмéх	954
На литургии блажéнны, глас 8:	965
В недéлю вéчера	966
В недéлю на повечéрии	968
Понедельник	972
В понедéльник úтра	973
В понедéльник блажéнны, глас 8:	981
В понедéльник вéчера	982
В понедéльник на повечéрии	984
Вторник	988
Во втóрник úтра	989
Во втóрник блажéнны, глас 8:	998
Во втóрник вéчера	999
Во втóрник на повечéрии	1001
Среда	1004
В срéду úтра	1005
В срéду блажéнны, глас 8:	1015
В срéду вéчера	1016
В срéду на повечéрии	1018
Четверг	1022
В четвeртóк úтра	1023
В четвeртóк блажéнны, глас 8:	1031
В четвeртóк вéчера	1032
В четвeртóк на повечéрии	1034
Пятница	1038
В пятóк úтра	1039
В пятóк вéчера	1050
В пятóк на повечéрии	1052
Суббота	1056
В суббóту úтра	1057
В суббóту на литургии блажéнна, глас 8:	1066
Приложения	1067
Столпí евангелъстии	1068
Начáло воскресных ексапостилáрий	1070
—	1075

Воскресная Евангелия утренняя	1075
Подобает ведати, когда поются Троицнии дневнии на 8 гласов	1081
Светильны дневнии во всю седмицу	1084
Ексапостиларии всея седмицы, самопесно	1085
Троицны сия Григория Синаита, певаемы по вся воскресния по Троицном каноне на полунощнице	1086
Тропарй воскресны	1088
По вся воскресния, апостол к Коринфяном, зачало 158	1089
Указ о службе всея седмицы	1095
Указ о службе субботней	1100
Канон молебный ко Пресвятей Богородице изрядный	1103
Примечания	1111